

PETRI  
GASSENDI  
DINIENSIS

ECCLESIAE PRÆPOSITI,

ET IN ACADEMIA PARIENSI

MATHESEOS

REGII PROFESSORIS

EPISTOLÆ,

QUIBVS ACCESSERVNT

CLARISSIMORVM QVORVMDAM

AD IPSVM

EPISTOLÆ, ET RESPONSA.

IN QUIBVS HVMANIORVM, PHILOSOPHICARVM,  
& Mathematicarum Rerum complura luculenter admodum  
enucleantur, atque explicantur.

TOMVS SEXTVS.

CVM INDICIBVS NECESSARIIS.




LVGDVNI,

Sumptibus LAVRENTII ANISSON,  
& IOANNIS BAPTISTÆ DEVENET.

M. DC. LVIII.

CVM PRIVILEGIO REGIS.







# EPISTOLARVM ARGVMENTA,

*Quæ sic ordinauimus ne Seriei vis fieret Epistolarum, quæ varijs  
Inscriptionibus satis superque variantur.*



A  
LLATIO. Quòd  
se ad illius ami-  
citiã Naudæus,  
& Gaffarellus ag-  
gregãrint, gratu-  
latur. pag. 57

ALVERNIO. Si-  
meonis Muisij operum editionem  
procuret, horratur. 294

## B

BARDIO. Illius *de grauium natu-  
rali motu* commendat librum,  
gratèque refert quòd & agere prior  
litteris occæperit. pag. 99

De Liceti libro *de centro & circumferen-  
tia*, de altero *de Terra vnica centro  
motus singularum Cali particularum*,  
deque altero *de regulari motu*, mini-  
mæque *parallaxi Cometarum*, aliquid,  
&c. 101

Ad operum editionem eius accele-  
randam excitat, & Liceti librum *de  
Lunæ luce* ad Valesium Principem  
in se recipit mittendum. 169

BEECKMAN. Epicuri placita cum  
eo communicare pollicetur. 26

BERNEGGERO. Schickardi luger  
obitum, & quamuis Poëtã sese nec  
esse, nec salutari voluerit, carmina  
tamen aliquot, quæ mœrens effu-  
derit Diodato exstimulante, mittit.  
84

BERNERIO. De Pecqueti experi-  
mentis Chylo & sanguini nouum  
iter aperientibus, itẽmque variis alijs  
Inanis Hydrargiri ope peractis. 317

BOCHARTO SARRONIO. Nuci-  
bus relictis rerum bonarum studia  
*Gassendi Epistola.*

foelicitèr cœpta, vt absoluat addit  
animos. 161

BOCKLERO. Illius sibi amicitiam  
ab Equite Scaligero iunctam læta-  
bundus amplexatur. 331

BORIENÆO. Antistitem suum Di-  
niensem compedibus nĩ aureis in  
partem suam (pro Cleri scilicet  
Agentia Gallicani) non iturum, mo-  
net. 96

Sui ergo iacturam quandam quòd fue-  
rit passus, dolet vehementer. 97

BORNIO. Cartesij Physicam exami-  
nare renuit, quòd peccatum dissi-  
dium vltro renouare, & in librum,  
qui se speciatim non attineat, inqui-  
rere, foret inurbanum. 202

De Epistolarum suarum *de motu im-  
presso à motore translato* editione, ali-  
quid. 211

Reuensbergij Physicam faciat publi-  
cam deprecatur. 253

BVLLIALDO. Veneris ac Mercurij  
obseruationem communicat. 58

Itẽmque Solaris Eclipseos anni 1652,  
cuius & Heuclium participem fieri  
exoptat. 315

## C

CÆSIO. Quòd Cosmographici  
operis eruditionem faceret mo-  
nitus obseruationes de Marte plus-  
culas Gratianopolitano-Vizilianas  
ab industrio Elzario peractas com-  
municat adiungendas. pag. 51

CAMPANELLÆ. Obseruationis suæ  
de Mercurio in Sole viso excusum  
mittit exemplar. 48

Epicuri peccata purgaturum se dicit. 54  
Galilei gratiam cum Patre Scheinerio  
reconciliet, orat. 56

† 2 Illius

# Epistolarum

Illius ad oras Massiliensis appulsam  
gratularur, & ad Peireskij fores ac-  
cedat, auct. 75

CAPELLANO. Varia Solis humilis  
ac sublimis apparentem circa ma-  
gnitudinem experimenta exponit.  
101

CARAMVELL. Quòd illius censu-  
suram de nouem Stellis circa Iouem  
visis acceperit, & gratias agit, & sese  
lubenter assentire respondet dum-  
modò Errones illi quinque Iouis Si-  
dus semper circumstent. Selenogra-  
phiam ceptam (de cuius commodis  
in Peireskij vita dixit) absoluat hor-  
tatur, & de variis nominibus inditis  
Lunæ maculis aliquid. 190

Theologorū quorundam Parisensium  
de Summi Pontificis in Concilio po-  
testate sententiam rogatus aperit. 192  
Quam dissertationunculam an receperit,  
certiorem fieri, exoptat. 206

Illum Moguntinæ Sedis suffraganeum  
gratularur, atque Lunaris Eclipsos  
anni 1645. observationis facit parti-  
cipem. 223

CARTESIO. Metaphysicæ ab eo  
conscriptæ iudicium suum, Mersen-  
no, aliisque postulantibus Amicis  
amicè mittit. 107

CASSINO. Martis, Iouis & Saturni  
erogitatas observationes communi-  
cat varias. 327

CASTANEO. Illum laudat quod ex  
barbarie ac cautes inter *audierit*, &  
& canere sibi Musisque sit contentus,  
illud adiciens *tentanda via est quo-  
te quoque possit*, &c. 331

CAZREO. Varia circa proportio-  
nem qua grauius decidentia accele-  
rentur experimenta exponendo ad  
illius obiectiones respondet, tum  
160. tum 221. tum 226.

CHRISTINÆ Regina. A Burdelo-  
tio illius primario Medico moni-  
tus, ad eam venerabundus scribit,  
cuius & animi doteis extollit, & pa-  
cem populis quæsitam & Martis stu-  
diis suscepta à magno Parente sceli-  
citer bella peracta. 317

Quòd respondere dignata fuerit, illique  
bonitatis plenius caracteribus per-  
soluit grates, ac iterum illius à Nau-  
dæo & Burdelorio descriptas virtu-  
tes miratur & laudat. 321

Quod spontè Diadema demiserit, se-  
xum, ætatemque suspicit raro eorum

exemplo, qui coronas, scepra, impe-  
ria sponte deposuerint. 329

Quod rescribere non fuerit dignata,  
gratias quas potest summas refert,  
seque in ea non tam purpuram dia-  
demâque spectasse, quàm generosam  
indolem, summamque virtutem qua  
curare illam suadet non minùs eos  
qui rem accipiunt præposterè, quàm  
qui ad splendorem eximie virtutis  
caligant ut nocturnæ aues ad Meri-  
dianum Solem. 331

CLARAMONTIO. Se illius ad ami-  
citiæ Naudæo quòd adscripserit,  
gratularur. 74

CONSTANTINO. Illius amicitie  
constantiam miratur, gratèque pen-  
dens de diuortii Auctorum sedan-  
dis aliquid. 57

Iterum de literatorum contentionebus,  
&c. 68

D

DECORMIO BEREVLIO. Ex-  
trema Regis Christianissimi  
XIII. verba refert, Principe Valesio  
enarrante. pag. 161

DIODATO. Eclipsos Lunaris ob-  
servationem totalis anni 1635. variis  
in locis peractam, cum Hortensio  
communicandam, mittit. 85

E

EDOARDO Barenì Herberto. Illius  
de Veritate librum examinat,  
amicitèrque suum illi iudicium im-  
pertit. pag. 69

F

FABRO. Tractatus illius Philoso-  
phiæ quosdam commendat,  
quorum editionem cæterorūque  
Commentariorum, fieri curet, hor-  
tatur. pag. 167

FABRO PYBRACIO. Illum Proto-  
Præsidem in Aquis-Sextiensì Senatu  
exoptat, quodque Caduceatorem  
Prouinciæ talem Iupiter inuiderit  
dolet vehementer, Operum Charro-  
nij Præfationem commendat Au-  
ctores nominantis, quorum ipse ope-  
râ profecerit, de lustratione in Ita-  
liam Germaniamque suscipienda  
claros ibi Viros vidèdì ergo monet. 1

FIENO. De generatione & anima-  
tione hominis sententiam aperit  
suam. 16

Iudici de Parheliis seu Solibus V.  
Romæ. visis anno 1629. exemplar  
donat sui. 43

GAFFA

# Argumenta.

**G** AFFARELLO. Pelleſto illius  
de *Fine Mundi* libello, quid de  
extremo illo die opinetur, ſcribit,  
ipſumque cum Merſenno reconcili-  
are nititur precibus adhibitis. 12

**G** A L I L E O. Illius libello de Sidereo  
Nuncio, deque maculis Solis tribus  
Epistolis perleſtis, ac regia indole à  
Diodato perſpectâ, Eclipſeos Solis  
obſervationem anni 1621. cum obſer-  
uandi methodo cum eo ſuam  
communicat, in reciprocumque ſin-  
ceri affectus poſtulat in Snellij gra-  
tiam Florentini pedis magnitudi-  
nem. 4

Communicat & obſervationem aliam  
Eclipſeos Lunæ anni 1628. ex qua  
differentia Meridianorum Lutetiæ,  
Aquarum-Sextiarum, & Maſiliæ fa-  
cilè eruitur. 10

Sicuti & aliam Eclipſeos Solis anni  
1630. atque de ſperanda verſus  
Orientem cum Marchia uillæo pro-  
feſſione. 35

Mercurij à ſe in Sole viſi mittit obſer-  
uationis exemplar. 45

Dialogos illius commendat. 53

Æquo ferat animo, quid ſanctiſſima  
Sedes definierit, hortatur, &c. 66

Suam illum inuiſendi voluntatem de-  
clarat Epicuri Philoſophiam priùs  
ederetur vt legat, & ſe Lunam per  
Mellanũ depingi curare, mandat. 92

Illum ſe Diodato monente, oculorum  
altero eſſe orbatum, conſolatur Pa-  
radoxum adiciens, *Quod aperto licet  
oculo, utroque, altero tamen ſolum vi-  
deamus viſione, quam diſtinctam vo-  
cant.* Extremum Peireſkij morbum  
renunciat. 94

**G** A L T E R I O. Morinum veteris ami-  
citix nuncium remiſiſſe edito ad-  
uerſum ſe libro, ad quem reſpondet,  
certiorem facit. 167

**G** E V A R T I O. Locum Ciceronis ad  
Atticum de Patrone & Parietinis in  
Melite ex libro Epistolarum quinto,  
vt ſentit explicat. 40

De Vendelini Eclipſigraphia inquit,  
& publicas faciat Annotationes in  
Antoninum ſuas ſollicitat, quaſdam  
à Menagio collectas promittens. 184

**G** O D E L L O *Epifcopo.* Maturioris re-  
ſponſionis cauſam in occupationes  
remittit, & Vitam Peireſkij breui  
ſperandam facit. 108

*Gaſſendi Epiftole.*

**G** O L I O. Elenchum MS. Librorum ex  
Oriente ab eo adueſtorum, pleriſque  
nobilibus Viris expetentibus habere  
exoptat. 25

Ipſumque Catalogum iuris publici ſie-  
ri à Vitreo monet, rogâtque vt &  
gratum habeat & Apollonij Conica-  
iamdiu deſiderata, Ariſtotelis pariter  
hiſtoriam Animalium ſtudioſis non  
deneget. 28

De Scholis Pariſienſibus, ſtudiſque ſuis  
certiorem facit, & ſi quas inter MS.  
illos Arabicos Cæleſtes habeat ob-  
ſervationes impertiri haud graue  
ducat exoptat. 31

Eclipſeos Solis anni 1630. ſuam com-  
municat obſervationem, & Riulan-  
dici Pedis longitudinem ab eo re-  
quirit. 38

Obſervationis ſuæ de Mercurio in Sole  
viſo excuſum mittit exemplar. 46

**G** R O T I O. Obſervationis ſuæ de Mer-  
curio in Sole viſo excuſum impertit  
exemplum. 47

## H

**H** E R E E B R O O R D O. De Cara-  
muelis cenſuræ de nouem Io-  
uialibus Stellis. pag. 187

Deque Epistolarum de motu impreſſo  
à motore tranſlato ſuarum editione  
aliquid. 211

**H** E I N S I O. Illius de Afini laude li-  
brum commendat, & Suidæ lo-  
cum de Epicuri natiuitate explanat.  
25

**H** E L M O N T I O. De Cecrographia,  
ſeu an homini naturale ſit carnibus  
veſci, an non potiùs leguminibus,  
philoſophatur. 19

**H** E V E L I O. Satellitum Iouis inter ſe  
diſtanciam ſcribit, rogâtque ceptam  
abſoluat Selenographiam, Lunæ  
icones, obſervationesque Eclipſeon  
pluſculas impertiens. 182

Quem in Selenographia ordinem ſer-  
uet inque Teſcopiorum fabrica,  
requirit. 204

Philolaicæ Bullialdi Aſtronomiæ ex-  
emplum in alterius Ephemeridum  
Eichſtadij, titulo miſſi donat com-  
penſationem. 224

Obſervationes Eclipſeon anni 1646.  
communicat, Eclipſeos ſicut etiam  
Lunaris anni 1647. 245. 264

Summas refert grates pro Selenogra-  
phiæ illius exemplo recepto. 276

† 3 Scire



# Epistolarum

Scire auct quæcumque de Vita & moribus Tychonis Braheï, simulque Kepleri nôrit, quæ-ve cælestia observârît. 283

Bernerium suum Dantisce egregiè receptum, Regium etiam ab eo Oratorem demiratur, verba grates quibus dignè rependat non habens. Salvare Eichstadium iubet, & Tychonis Braheï Vitam sperandam facit. 320

Eiusdem exemplaria Vitæ duo mittit, unum sibi, Eichstadio alterum. 329

An exemplaria illa acceperit scire operatur, observationem interim Eclipsæ anni 1654. impertit. 330

HOLSTENIO. Gratiâ refert pro communicato exemplari Basileensi decimi libri Laërtij, cui Aldobrandinus marginales notas MS. apposuerat. 50

Geographiæ Agathemeris penes Meziriacum exstantis certior facit. 55

HORTENSIO. Illius Dissertationem ad suam de visio in Sole Mercurio observationem commendat, gratèque quodd & sibi dicare sustinuerit rependit summas. Lansbergianæ demonstrationis dimensionem circa Luminarium correctionem à Valletæ Priore Galterio factam communicat. 62

Observationes aliquot ad Schickardum destinatas promittit, & ne Bartholinum ac Tychonem impetret, obtestatur. 67

Observationem Eclipsæ anni 1635. impertitur & Schickardi nunciat obitum. 83

Observationes circa Luminarium diametros mittit. 91

Cuiusmodi Solis ac Lunæ capiat diametros, cuiusque Morinus certior reddit. 92

## K

KEPLERO. Observationem Solis Eclipsæ anni 1630. communicat suam. pag. 35

KIRCHERO. Discessum cum Luileto suum in Italiam destinatum prædicat, Eclipsæ Solis anno 1633. communicans observationem. 58

Similiter Magneticæ acus variationis. 98

## L

LICETO. Solis humilis ac sublimis experimenta magnitudinis apparentis quædam impertitur. pag. 99

## M

MAÏ. Peireskij vitæ exemplum quodd & benevolè acceperit, eulogiisque insuper aggravârît grato tribuit animo. pag. 127

Literas expetitas commendatitias mittit. 132

de la MARE. Illi Peireskianæ vitæ donat exemplum. 116

Quod de Guijone nihil nôrit respondet digesta quia nondum Chartæceorum Peireskij monumentorum congeries erat. 122

Illius de Guijone librum commendat, & quod nil de Lepanthino prælio habeat, dolêt. 126

Illius & de Burgundico bello librum extollit. 134

Literas Cæzæo suas reddi procurat, orat. 169

Robertum suum Draguinianensem Decanum intimè commendat. 161

Quid de Popeonano & Aretino rescribat scribit. 313

MATROPTO. Sphæram illius præbat, & quid sit eius ad perfectionem addendum, indicat. 292

MERSENNO. Rogatus sententiam aperit super questione Mathematica à Poissonio proposita, suam. 79

MONERIO. Eum hortatur Philosophiæ Fabrianæ procuret editionem. 239

MORINO. Quodd illius de Longitudinibus inuentum non approbet, Epistolam non absolvit, quia iudicium interponendo placere non sensit. 75

MORISOTO. Illius Fastorum Ouidij Complementum extollit & suspicit. 304

Alcidio MÛNERIO. Ab te Luillerij amicissimi in Hetruria tuæ ægro-

tantis sanitatem ardentè petit. 307

MYRÆO. discessus inopinati, ipsoque insalutato causam significat, & Historicum opus ceptum perficiat hortatur. 24

De Solibus quatuor Romæ visis 1629. iudicium mittit suum, deque Professione Orientem versus, monet. 40

NAVÆO.

# Argumenta.

N  
**N**AVDÆO. Studiorum suorum dat rationem. *pag. 44*  
 Observacionis suæ Mercurij in Sole visi mittit exemplum, & Epicuri effigiem ex statua Romæ asseruata delineatam exoptat. 46  
 Pro Parheliorum Romæ visorum exemplari, & Epicuri effigie missis gratias refert, illumque monet se moliri Philosophi illius Vitam & Canonicam. 48  
 Quid moliatur iterum monet. 55  
 Itemque de societate cum Præsidente Memmio aut Luillero ineunda. 57  
 Librorum in Mersennum Fluddi examinis rationes deducit. 71  
 Varia apparentem circa magnitudinem Solis humilis ac sublimis experimenta enarrat. 92  
 De nouem Stellis circa Iouem Coloniæ visis iudicium suum aperit. 160  
**NEVRÆO.** Telescopium remittit. 168  
 De spectro lucido à Principe Valesio, Heroïnæ coniuge viso, quid sentiat, scribit, similia & Ascanio & Tyberio, &c. 172  
 Illius Phocæ descriptionem commendat, dignam reputans, quæ in Piscium historiam inferatur, de Arnaudo Romam petente rationem Operis de frequenti communione dicturo. 181  
 Observacionem Lunaris Eclipsos anni 1645. communicat. 220  
 Naudæi mortem plorat, cuius Epistolæ residuum postmodum recuperatum habetur in Appendice. 325

## P

**P**AYENO. Variationis Magneticæ acus certiore facit. *pag. 100*  
 Observacionem Lunaris Eclipsos anni 1641. impertitur. 118  
 Se Auenionensis Academiæ Theologum & Doctorem dicit. 223  
**PEIRESKIO.** Lunaris Eclipsos anni 1635. Totalis obseruationem describit. 90  
**PETITO.** Peireskianæ Vitæ donat exemplum. 117  
**POISSONIO.** Problematis discussionem amiciter suscepisse declarat. 82  
**PRATEO.** De Poro Cholydocho,

Venis lacteis, Sanguinis circulatione aliquid. 203  
**PVTEANO.** Pellecto illius de Epicuro Eulogio, Viri vitam colligere dicit, & obseruationem Lunaris Eclipsos anni 1628. describit. 11  
 Sæque obiter scripturum quidpiam de Olympiadibus necnon Parheliis Romæ visis recipit, Fieno salutem referens. 16  
 Super quibusdam locis Epicurum spectantibus, iudicium requirit. 26  
 Parheliorum mittit exemplar. 39  
**PVTEANO Bibliothecario Regio.** Varia circa motum impressum à motore differit experimenta. 101  
 à **PVTEO.** Beneuolè accepta illius in Peireskij vita mentionem grates recipit. 142

## R

**R**ENERIO. Iudicium de Parheliis Romæ visis 1629. illi suum dedicat. *pag. 24*  
 Quid de institutione bonis in artibus adolescentum sciat, aperit. 29  
 Analyse rationem ab eo inuentam commendat, non probans tamen. 37  
 Furerium Cartesiumve in gratiam redigat, orat. 41  
**REVENSBERGIO.** Observacionem Solaris Eclipsos anni 1645. communicat. 253  
**RIVETO.** Schurmanam Virginem laudibus effert, & de Cartesij Physica aliquid. 217

## S

**S**CALESIO. Indefesso pede Virtutum tramiti insistat hortatur maiorum exemplo, Ciceronem & Plutarchum commendans. *pag. 316*  
**SCHERNIO.** Iudicium de Parheliis Romanis suum mittit, rogatque pauca illius de opere de maculis Solaribus. 42  
 Eius & Pantographicen commendat opusque de maculis ardentem exoptat, Petauij Rationarij Temporum editionem indicans, atque suæ Mercurij in Sole visi obseruationis exemplum donat. 47  
 Animi maxima cum voluptate illius de maculis Solaribus opus pellegisse scribit, illarum quanquam motus miretur variationem. Parheliorum

† 4 in



# Epistolarum

in historia Marhei Paris relatorum  
mentionem facit. 54  
Observationem Solaris Eclipseos anni  
1633. communicat, & de *Rosa Virginea*  
aliquid. 55  
**SCHICKARDO.** Plusculas cum eo  
caelestes communicat obseruationes,  
vt potè occultationem Stellæ à Luna  
visam anno 1627. illum de variatione  
Magnetica librisque à Golio ab  
Oriente aduectis MS. monens. 33  
Altitudinem Poli obseruatam Gratia-  
popoli in ipso Solstitio. 35  
Occultationem Stellæ Sagittarij à Lu-  
na, Kepleri mortem nuncians. 43  
Mercurium in Sole visum Venere in-  
uisa, maculas Solares. 45  
Illius Responsum suam ad obseruatio-  
nem de Mercurio in Sole viso com-  
mendat, gratias referens. 59  
Varias repetitâque Mercurij elonga-  
tiones communicat, latitudinem in-  
super Auenionensem. 66  
Quatundam obseruationem dubita-  
tiones exponit, illius de Bacchanali-  
bus Iudæorum librum efferens. 69  
Illi destinat quæ cælium obseruârît an-  
no 1634. & 1635. cum peste illum  
è viuis abiisse accipit. 75  
**SCHVRMANÆ.** Virginis illius ani-  
mi extollit doteis & scriptionem  
eruditam & linguas callentis. 198  
Quod præter institutum responderi di-  
gnata fuerit, grates rependit. 216  
**SEGVERTIO** *Francia Cancellario.* Epi-  
curi Philosophiæ offert exem-  
plum, scopas quasdam fore dissolu-  
tas declarans. 295  
**SNELLIO.** Eratosthenem illius lau-  
dat, & in suscepti Geographici gra-  
tiam operis altitudinem, latitudi-  
nemque Polarem variorum mittit  
locorum, & Frereio Monsfortio cha-  
lybæum Astronomicum Quadran-  
tem confici curat, exorat. 2  
Variorumque locorū indicat pedum,  
vlnarum, mensurarum differentiam,  
nec non longitudinem atque latitu-  
dinem Ciuitatum complurium, Com-  
metæ 1618. & Eclipseon anni  
1620. & 1621. obseruationem. 6  
**SORBERIO.** Amicitiam illius com-  
mendat, Prætoris instantias suas ad  
Cartesij Metaphysicam non re-  
nuit. 155  
Instantias illas met edendas mittit. 162  
Curcellæ amorem magnificat. 174

De natura Temporis rogatus differit.  
178  
Dêque Inani seu Vacuo in rerum na-  
tura possibili. 186  
Hobbæi librum de Ciue Gallicum  
reddat hortatur. 249  
Dissertationuculam suam de Venis la-  
cteis, circulatione sanguinis, respira-  
tione & Pulsu Animalium Gallicam  
editionem, amicè conquirerit. 279  
Ne Syntagmatis Epicuri notis absque  
necessariis peccata viri indicanti-  
bus repurgata editionem sustineat  
Gallicam exnixe rogat. 325  
Quod sanctam Romanam Ecclesiam  
Matrem tandem agnouerit & gra-  
tulari & gaudere de salute, quod  
agatur, pro cuius cõmutatione non  
tota cum auro suo Terra satis est, &  
desset Valesij Principis mortem in-  
culpato illius mores attendens. 328  
Illi commendatitias mittit literas, il-  
lius de Pecqueri Experimentis gra-  
tiam habens Epistolam. 330  
**SVARESIO** *Antistiti.* Quod Sor-  
berium Deo & Ecclesiæ quæsierit  
gratatur, grates referens. 328

T

**TENNEVRIO.** Illius de accelera-  
tione grauium decidentium  
commendat disputationem. pag. 260  
Et alteram disputationis partem publi-  
cam faciat hortatur. 265  
Illius de gloriosa Regum Stirpe histo-  
ricum opus se recepisse scribit. 311  
**TONDVTO SANLEGERIO.** Lon-  
gitudinem Parisios inter, Auenio-  
nem, Diniam & Aquas-Sextias ex  
obseruationibus ostendit. 65  
Obseruationem Lunaræ Eclipseos an-  
ni 1634. communicat. 69

V

**VALESIO** *Principi.* Illum de Cle-  
ri Gallicani Comitibus, dēque  
Præsulibus, qui suas in partes tran-  
sierint quive aduersari, potiusquam  
illi suffragari (ad agentia puta Cleri)  
voluerint quædam monet. pag. 95  
Tanti in se Principis amorem demi-  
rans, illiusve literas sibi legenti sub-  
bit Caroli IX. Francorum Regis  
optimi ad Ronsardum carmine scri-  
bentis Aui recordatio, itemque Epi-  
curi ad Idomeneum scribentis. Bail-  
liu ac Derodonem commendat. 96  
Quod ad Grassensem Episcopum sui  
in gratiam rescripserit, gratitudinis  
excessum

# Argumenta.

- excessum prædicat non verò Antistitem suum quietis impatientem. 98
- Deque Antistitibus partes suas tutantibus, turbantibusve, ac suo Ebrodu-  
nensi Hugone Antagonista quædam prædicat, Cartesij simulque Meta-  
physicam sese examinaturum. 101
- De Experimentis vnâ Massiliæ factis circa proportionem qua graui-  
a decidentia accelerantur; Astrologo-  
rum nugamentis æstiuos circa algo-  
res, hybernos & æstus, atque huma-  
nos euentus; natura Rerum & veri-  
tate, nec non de Virtute vera philo-  
sophatur. Studia cœpta colat hortatur, genium eius, ingeniumque lau-  
dans. Peireskij vitæ donat exemplar.  
Løtharingium Ducem prædicat &  
& extollit, Schickardi virtutem quod in Tubingensi obsidione fue-  
rit reueritus, illius familiam mili-  
tibus immunem faciens intactam-  
que iubens. 108
- Se Epicuri Apologiam meditari scribit, capita cuius præcipua, si nō vnus lite-  
ris, saltē pluribus illi se misurum. 117
- Epicuri Vitæ capita scribere aggreditur, à Viri morte ac moribus, & occasione infamiae quæsita. 118
- Exponit consequenter spuriam Epicuro Religionem, gulam, ingrati-  
tudinem erga Præceptores, & cæteros, Philosophos maledicentiam, obiecta, quod Monæci Principem Regis in partes deduxerit gratulatur. Pagi-  
nam vt repleat cantanda quæ amicus extorserat in Natali Christi carmina mittit. 122
- Epicuro Venerem obiectam ex Gregorio Nanzianzeno, aliisque purgat, itemque liberalium discipli-  
narum odium etiam obiectum. Doctrinam Viri exorditur ab ipsa ad Meneceum exhortatione versibus illis Lucretij *Suave mari magno*, &c. Philo-  
sophiæ definitionem exponens. Paulum du May commendat. 127
- Philosophiæ originem monstrat, eos qui ad Philosophiam nascantur, quive olim præter Græcos fuisse philo-  
sophati. 132
- Itemque varias Philosophorum Sectas, Philosophiæ partitionem, & Canonicam seu Dialecticam speciatim Veterum. 134
- Atque Syllogismos Stoicorum, causam cur Epicurus Dialecticam repudi-  
arit ab Augustino & aliis, cur Canones acceperit Veritatis diiudicande; cur Stoici Inuentum prætermiserint. Qui sint Scepticorum Epoches. Qui Veritatis Criteria ponant, qui tollant. Quæ ipsamet Criteria quive eorum Canones, Physicam doctrinam à definitione occipiens. 143
- Cuius Methodum ac ordinem aperit, deinde Rerum naturam, Inane, Vacuum & Atomos. 156
- Illius in Prouinciam reditum gratulatur. Exemplum mittit Epistolæ de noue Stellis circa Iouē visis suæ. 163
- De Prouincialium moribus aliquid. 167
- Puero nobili Balnea Dinienſia recuperandæ sanitati exoprat, somniumque suum narrat. 168
- Missorum quorundam librorum Galliarum primoribus offerendorum rationem reddit. 169
- De Prouincialium moribus iterum aliquid, deque Grobosio, Eremove Camaldulensium paternæ pietatis monimento. 170
- Illius ad Monecum gratatur accessum, cuius arcis recordari iubet versibus illis Virgilij; *Quantæ acies*, &c. Valaesium commendat, & Dinienſium Balnearum meminerit, orat. 171
- Sententiam de lucido spectro Neurxo suam aperuisse respondet. 174
- Quid de Genio Brutii, & Socratis Dæmonio sentiat enarrans. 175
- Lautaretium Medicum virium dictorum Balnearum experientia longa haud gnarum commendat. 179
- Quod tranquillitatem in Prouincia stabilire studeat, gratulatur, & literas petit commendatitias. 181
- De Anni Tempestatibus. 184
- Ac Prouincialium barbarie, & beata solitudine respondet. 185
- Exemplar suæ ad Cartesij Metaphysicam disquisitionis mittit & Guebriani mortem dicit. 188
- Rerum nouarum facit participem hac & sequentibus quando exopare mandarit. Grauelinganz obsidionis, &c. 191
- Exercitaciunculam illius prædicat, recordaturque Maltherbij Henrici Engolismensium ducis Propatruum, & Ronſardi Caroli I X Regis Aui animi doteis enarrantium. Pueri nobilis consolatur obitu, familias etiam prole beatissimas nunc euanidas exponens,

# Epistolarum

- nens, quas inter Capetana illa quidē  
gloriosissima, cuius est furculus. 194
- Turnonij Comititis Consobrini mor-  
tem consolatur, & Consobrinum al-  
terum, Enguenium Ducem in armis  
potentem facit. 199
- Neuræum studiorum *ἀρετῶν* fidem  
experiatur, gaudet & ad Amicorum  
mortē leuiter ferendā hortatur. 202
- De Prouincialibus Comitibus. 206
- Britanniæ Reginæ Parisios accessu,  
cuiusque Marito Rege incarcerato, &  
moribus Prouincialium seditiosis  
aliquid. 209
- Vendelinum Massiliensibus dicādā  
Diatribam optare monet, rogatque  
illius vrbis primores audiat. 212
- De Odancurijs carcere, vicissitudine  
Rerum, ac natura Boni. 214
- Itemque Rebus alijs nouis. 218
- Lunari Eclipsi anni 1645. de Celsissimo  
Longavilla Duce Munsterum pro  
pace legato, & Capellano à secre-  
tis delecto. 219
- Rerum nouarum participem red-  
dit, & Magnates magnis luminari-  
bus comparat, homines verò è  
vulgo Stellarum turbæ. 220
- Petuum Mathematicū cōmendat. 223
- De rebus nouis. 224
- Quòd illustrem Campinium & fidum  
Acharen & laborum socium experi-  
riatur, gaudet. Illyricum iuuenem,  
qui Sclauonicum idioma calleat  
missurum promittit. Se professionem  
Matheseos Regiam Cardinali Lug-  
dunensi, ceteris insuper Amicis com-  
pellentibus se vtrò accepisse narrat.  
Eclipseos Solaris anni 1645. obser-  
uationem communicat, & humiles  
casas suas Dinienfes inuisere quòd  
sustinuerit, bonæque Præposituræ, &  
Amicorum Consulibus vrbis com-  
mendare, grates summas agit. 226
- De Pseudo-propheta, Nuptijs Reginæ  
Poloniæ, & Oratione Inaugurali in  
Regio Parisiensi Collegio à se ha-  
bita. 236
- Exemplum mittit, cum Mellani manu  
effigie, & Capellani Ode in Engue-  
nij laudem, atque alterius anni 1645.  
Eclipseos obseruatione. 240
- De Hugone suo Antagonista in ius  
vocato, & lectionibus in Regio Col-  
legio cœptis. 245
- Iconum mittit fasciculum, & Vgeui-  
nium iuuenem Sclauonicum. De
- Fortunæ inconstantia & Anglorum  
Rege spoliato Regno aliquid. 249
- Eleemosynarium expetitur mittit. 251
- Mardikum captum, Enguenium læ-  
sum narrat. 254
- Dunkerkam captam, occupatum Por-  
tum-longum, Infantis Hispaniæ  
mortem. 257
- Res nouas, 259
- Rerum vicissitudinem, obseruationem  
Eclipseos Lunæ anno 1647. 263
- Nuptias Electoris Brandenburgici,  
Condæi Principis obitum, cuius &  
causa illum consolatur. 261
- Contyæ Principis in se affectum pro  
Romollarum Prioratu Bullam con-  
cedentis declarat, rogatque meritas  
illi rependat grates, beneficiolum  
quanquam non habuerit. 264
- Beneficioli iacturam se non plorare re-  
spondet, illud reponens, *Dei benigni-  
tatem exosculor, non tam precor det vi-  
tam det opes, quam animum parare  
equum pergat, satis multa bona habe-  
bimus, si timuerimus Deum.* Inualtetudi-  
nem Campinij dolet. Valetudine fir-  
mata suum in Prouinciā reditum  
spondet. Institutionis Astronomicæ  
mittit exemplum. Iosephi Galterij  
Valletæ Prioris luget obitum. 266
- Animarum recordationem commen-  
dat mortuorum. 278
- Et Guisium Ducem in Neapolitana vr-  
be extemplo potentem, institutio-  
nem Semestris Curix Aquisen-  
demirans, 280
- Iperam captam, victoriam ab Engue-  
nio Duce reportatam, Bruxellam  
Regium Consiliarium incarceration-  
tum, nec non illius causa Parisien-  
sium turbulentam confusionem,  
Mersenni Patris obitum enarrat, se-  
que breui Parisijs discessurum. 284
- Se Lugdunum appellisse seque rectā  
Aguas-Sextias petiturum, quāquam  
& Cardinalis Archiepiscopus Lug-  
dunensis & Neuræus suauē id non  
habeant. Tarascone lecticam se  
haud renuere scribit, qua Aguas-  
Sextias adueniet, Spinose Consulis  
mortem nunciat, & Neuræum com-  
mendat. 292
- Diniæ se febre corripit scribit. 295
- Se fore incolumem referibit, Canter-  
ciolum natale commendat, paupe-  
res ne militibus obruantur exorat,  
Prouincialium turbulentam expo-  
nens



# Argumenta.

- nens confusionem, Museoli concre-  
ditæ clauis Poteriæ suo indigesta  
ut digerat & Catalogū texat, reddit  
rationem, eorum etiam, quæ Tolo-  
nenfes in libertatem Consobrino-  
rum Principum egere. 296
- Se Museoli clauim Belmontio reliquif-  
se monet, Catalogum mittit, redi-  
tum præstolatur. 305
- De Prouincialibus non ut se iactant  
metuendis cum non leones erga le-  
pores, sed lepores potius erga leones  
sint, & de Rege à Tutore libero  
aliquid. 308
- Se febri corripi nunciat, eiusque lite-  
ras ab Aqueusibus ius contra gen-  
tium interceptas, visasque fuisse. 311
- Varij opus de constantia in aduersis  
commendat & Lipsij de constantia  
alterum opus indicat. Luillerij Pisis  
in Hetruria plorat occubitus. 313
- Parisijs breui se petiturum dicit. 315
- De rebus in Prouincia nouis. 316
- Longas Regis manus non miratur, nec  
leuiter casum ferat illum hortatur  
eius conscientiam pallefcere culpa  
nulla valentem sciens, contrà verò  
custodiæ illud Horatij dicturū posse  
*Pone me nigris ubi nulla campis, &c.* 319
- Libertatem tamen gratulatur, & quod  
caput est ipsum bene valentem. 321
- Condæi Principis à Rege recessum plo-  
rat, tanquam Patriæ hostem, de So-  
lis ad nos accessu Astrologorum ha-  
riolationes ipsius ex Sideris natura  
ridet. Capellanum laudat, se breui  
Parisijs iturum dicit. 324
- VALLISIO. Solaris Eclipseos anni  
1654. obseruationem ob communi-  
catam, grates repēdit & in compen-  
sationis partem suam Solis ac Lu-  
næ mittit. 332
- VENDELINO. Obseruationem Ecli-  
pseos Solaris anni 1621. & Parhe-  
liorum Romanorum delineatio-  
nem communicat. 15
- Meridianam Solis altitudinem Massi-  
liensem ipso in Solsitio captam. 90
- De ea iterum scribit. 163
- Lunares obseruandi Methodum Eclip-  
ses alijs cum obseruatis. 164
- Obseruationem Lunaris Eclipseos an-  
ni 1643. de illius opusculo de Ecli-  
psibus inquirat, & obseruationes dif-  
ferentes demiratur. 170
- Quadrilateri Pleiadum occultatio-  
nem visam communicat, seriem in-  
super Dinienfium quorundam An-  
tistitum. 189
- Librum de Eclipseibus vulget exo-  
rat. 208
- De diametro Lunæ & Phasibus, deque  
illius Diatriba Massilienfibus dican-  
da Valesio Principi nunciata ali-  
quid. 214
- Obseruationem Eclipseos Lunæ anni  
1645. communicat, eiusdem Erro-  
res in cyphis indicat. 219. 220
- Statuam Pythæ Massiliæ repertam,  
nec-non Eclipseon anni 1646. obser-  
uationes. 243
- Erycij Puteani obitum, quem & plo-  
rat. 256
- Illius libellum de Pluuia purpurea Bru-  
xellensi commendat. 258
- Se Typographo publicum faceret eun-  
dem Gallicum haud paucorum vo-  
tis amicorum faceret satis non re-  
nuit. 260
- Anni 1647. Lunarise Eclipseos obser-  
uationem mittit. 263
- Iosephi Galterij mortem renunciat,  
& Eclipseos Lunæ obseruationem  
ac Heuelij opus de Selenographia  
euulgari. 277
- Et Parisijs tandem sese reducem. 325
- VGEVINIO. Amicitiam indeclina-  
tam fore scribit. 235
- Sæque Valesio Principi commendasse  
quod exoptet. 251
- Romæ studiis vacantem gratulatur, ac  
eius literas ad Valesium Principem  
& Neuræum missurum se Parisijs  
spondet. 307
- VORMIO. Frommij plorat obi-  
tum, quæ de Keplero nōrit rescribat,  
petit, nec non Orationem Iansenij in  
Tychonis Brahei mortem vitæ eius  
adiungatur. 326
- Tychonis Brahei vitæ Exemplaria  
mittit ut & Retzio Tychonis agna-  
to, Regi etiam si velit offerat. 329
- VOSRIO. Capita specialia Epicuri  
Philosophiæ se cum eo lubenter  
communicaturum respondet. 24

# Epistolarum Argumenta.

## EPISTOLARVM AD AVCTOREM

in Appendice contentarum

## E L E N C H V S.

B		M	
<b>B</b> ALDI.	pag. 445	de la <b>M</b> ARE.	pag. 439. 441. 442.
<b>B</b> BARDII.	437. 439. 441. 444. 455.		446. 447. 452. 524
	460. 520	<b>M</b> ARESII PALVDANI.	522
<b>B</b> ERNEGGERI.	435	<b>M</b> ARIDATI.	534
<b>B</b> OCHARTI SARONII.	453	du <b>M</b> AY.	439. 443. 446. 447
<b>B</b> OCKLERI.	530	<b>M</b> EIBOMII.	539
<b>B</b> ORNII.	480. 482. 489. 498. 499	<b>M</b> ERSENNI.	429. 430
<b>B</b> OVRDELOT.	336	<b>M</b> ORISOTI.	522. 523
<b>B</b> VLLIALDI.	410	N	
C		<b>N</b> AVDÆI.	pag. 336. 396. 401. 404.
<b>C</b> AMPANELLÆ.	pag. 407. 408		415. 424
<b>C</b> APELLÆ.	521	<b>N</b> EVRÆI.	461. 467. 487
<b>C</b> ARAMVELIS.	465. 470. 480. 487. 489	O	
<b>C</b> ASSINI.	527	<b>O</b> VGEVIGNII.	pag. 490. 493. 499.
<b>C</b> ASTANEI.	524. 530. 536. 537		501. 503. 523
<b>C</b> AZRÆI.	448	P	
<b>C</b> HRISTINE <i>Reyne de Suede.</i>	335	<b>P</b> ATINI.	pag. 537
<b>C</b> LARAMONTII.	427	<b>P</b> AYENI.	440. 443. 482. 489. 490
<b>C</b> ONSTANTINI.	406. 409. 414. 419.	<b>P</b> ETITI.	439
	435	du <b>P</b> IQVET.	336
D		<b>P</b> OISSONII.	430
<b>D</b> ESCALES.	pag. 525	<b>P</b> ORTNERI.	538
E		<b>A.</b> PRATÆI.	481
<b>E</b> ICHSTADII.	pag. 520	<b>F.</b> PRATÆI.	533
F		<b>E.</b> PVTEANI.	393
<b>F</b> ABRI PYBRACII.	pag. 391	R	
<b>F</b> FROMMII.	518. 521	<b>R</b> AVENSBERGII.	pag. 498
G		<b>R</b> REELTZII.	539
<b>G</b> AFFARELLI.	pag. 530. 540	<b>R</b> ENERI.	395. 399
<b>G</b> AVTIERII.	455	<b>R</b> IVETI.	485
<b>G</b> EVARTII.	400	S	
<b>G</b> ODELLI <i>Episcopi.</i>	438	<b>S</b> CHEINERII.	pag. 405. 407. 408. 414
<b>G</b> OLI.	394. 396	<b>S</b> SCHICKARDI.	420. 433
<b>G</b> ROTII.	406	<b>A. M.</b> SCHVRMAN.	484
<b>G</b> RUTERI.	423	<b>S</b> NELLII.	391. 393
H		<b>S</b> ORBERII.	447. 453. 456. 462. 469.
<b>H</b> EEREBOORDI.	pag. 465. 482		499. 508. 526. 528. 529
<b>H</b> HEVELII.	463. 470. 485. 490	<b>S</b> VARESTI <i>Episcopi.</i>	529
	503. 506. 507. 511. 519. 521. 529. 535	T	
<b>H</b> OBES.	522	<b>T</b> ENNEVRII.	pag. 504. 505. 506.
<b>H</b> ORTENSII.	409. 417. 422. 424. 429.		507. 523
	431. 432	<b>T</b> ONDVTI SAN-LEGERII.	417. 419. 422
K		V	
<b>K</b> IRCHERII.	pag. 413. 426. 436.	<b>V</b> ALESII Principis,	<i>complures à</i>
	446		pag. 338. ad 391
L		<b>V</b> ALLIS.	534. 540
<b>L</b> ANSII.	pag. 421. 433	<b>V</b> ENDELINI.	427. 453. 457. 458. 482.
<b>L</b> LICETI.	438		493. 500. 501. 503. 507. 509. 512
<b>L</b> INNEMANI.	474	<b>V</b> ORMII.	518. 526
			<b>P</b> ETRI





# PETRI GASSENDI EPISTOLÆ,

*In unum redacta corpus operâ ANTONII POTERIE  
SAMERACI, eius Amaniënsis.*

Viro Illustri HENRICO FABRO  
PYBRACIO, TARABELLIO,  
Regi à Consilijs, & libellorum sup-  
plicum Magistro,

PETRVS GASSENDVS, S.



EDDITÆ sunt mihi  
tuæ literæ (Illustrissi-  
me FABER) cùm ego te  
Prouincia nostræ ma-  
luissem redditum. Cer-  
tè enim literas tuas ma-  
xima sum animi cum  
alacritate complexus.

Deum verò immortalem! quænam illa animi  
mei futura erat ecstasis, si te ipsum complecti  
licuisset? Verùm sic fata tulere; neque tam ti-  
bi pro iniuria, quam nullam pati Sapiens pos-  
test, expostulandum acris fuit, quàm dolen-  
dum vehementius nobis, quòd te nobis cadu-  
ceatorem Iupiter inuiderit. Tanto certè ex-  
stissè videtur iactura grauior, quantò quæ fue-  
rat plurium in te exoptando consensio, fuit  
deinceps in te tantis votis detractato conser-  
natio. Ego, vt ingenuè fatear, polliceri mihi  
videbar Imperatoris Marci sæculum fœlicem-  
que fore sperabam hanc Prouinciã, cuius  
Præfex hacépharetur; ex quo verò Musis  
nostris suus Apollo subductus est, ipsa nobis  
propemodum, nisi fuisset paulò animosior,  
Philosophia excidisset. Et exi nempe animum,  
imitatus constantiam tuam, pudèréque me  
imbecillitatis meæ cœpit, si te, cuius inter-  
erat, tonitrua rauca calcante, ego sub nimbis  
deprimerer. Egregiè sanè, ac proptè animum  
tuum sublimem decebat, compositus es, qui  
adèò laudabilem ataraxiam retinisti; mihi  
verò parcendum fuit, tanquam affectanti,  
nondum assequito impeturbatam illam sa-  
pientis animi magnitudinem. Quamquam  
enim sic me semper, vt videbatur, haberem,

*Cassendi Epistola.*

post discessum tuum, cœcum prorsus esse for-  
tunæ imperium, & in hac præsertim tanta car-  
ligine rerum, illud esse magis timendum, quod  
sperandum minus est: nondum tamen animo  
eram ita Pyrrhoneo, quin affectus in alteram  
partem assensum propè inflecteret. Hæc scilicet  
vna mihi *ipsum* decesserat, quominus possem  
amulus Sexti Empyrici videri. Heinc stude-  
bam quidem antea; in dies verò magis nunc  
studeo viuere omnino in diem, neque vnquam  
agere mecum obsignatis tabulis. Quid expe-  
diat committo Diuis; quod superest, genium  
meum perpetuò sequor non inuitus. Verebar  
antea id, quod euenit; nec postquam euenit,  
euincere potui, quin memetipse commouerim.  
Nunc parum abest, quiu me pigeat votorum  
meorum, quoties mente repecto mecum, & vo-  
ta tuorum meis fuisse contraria, & propter  
hunc rerum statum, quod meritis tuis debe-  
batur, gloriosum fuisse non assequi; & forsitan  
te maiora manere fœliciore sæculo; & quod  
caput est, fuisse fortè satius exoptare tibi tran-  
quillum illum secessum, quem Aulus quon-  
dam tuus illustrissimus extrema iam ætate  
delegit, & sapientissimus Patrens iura ita ar-  
denter expetiit. Absit ergo amplius sollicitè  
quæram quem tibi, quem mihi Dij dederint  
finem. Expendant ipsi quid nobis conueniat,  
rebusque nostris vtile sit: fortassis enim pro iu-  
cundis optatissima quæque cœcedent. Sed hæc  
hactenus. Quod dignatus fueris mei memi-  
nisse, amorisque in me tui tantis viarum in-  
teruallis symbolum illud transmittere (Chris-  
tianos Charronij, quos me nondum vidisse  
sciebas, Tractatus intelligo) dici profectò non  
potest, quo in pretio habuerim: Sed nimirum  
ea est humanitas tua, is singularis in literis,  
literarumque cultores amor. Cæterum  
Opuscula illa auidè satis deuorari: neque  
enim malè diuinasti placere mihi Authoris  
illius genium, & ingenium. Quamquam, vt  
quod sentio, libere apud te profitear, cùm om-  
nia valde placeant, nihil tamen æquè aridè,  
ac ipsa Sapientia, quam ille est in Præfatione

A restatus

testatus studiis suis imposuisse coronidem, Pulchrè porro me admones Authorem hunc mecum in solitudine ducam; est enim Philosophia paucis contenta iudicibus; multitudinemque consultò deuitat. Charronio verò quis sanior iudex? si præsertim ascenderint illi, quorum ipse operà profecit, Montanus, Lipsius, Seneca, Plutarchus, M. Tullius. Hos sanè & paucos alios ipsi comites adhibeo; paucos inquam; nam tales authores apparent mihi admodum rari in tam vasto gurgite. His vbi nonnunquam substituo Lucretium, Horatium, Iuvenalem; vbi Lucianum, aut Erasmus; Deum immortalè! quàm merè me chimera delectant! quàm suauè duco ventis luctantibus æquora, magnos aliorum labores spectare ex litore! quàm contemplor, ac rideo personarum histrioniam, quàm vniuersus exercet Mundus! quàm providere mihi videor aucupia, quæ subindicas! neque enim ita sum Historiæ præsertim Gallicæ ignarus, quin fata præsentiam, in quæ vergunt omnia. Nihil est necesse illa explicare; nullo heic opus Heleno; sed Dij fortassis meliora. Scribis istheic Philosophos, & Mathematicos esse, quibus magis curæ sint Sol, & Luna Chymicorum, quàm Astrologorum, quique defectus alios non obseruent, ac timeant, quàm qui contingunt in marsipiis. Proh Deum, atque hominum fidem! Siccine sunt curæ animæ in terras, inanisque rerum Cælestium? Sperabam fore quicum communicarem, & à quo vicissim nonnullas obseruationes acciperem. Lunares aliquot elipseis accuratè obseruatas, illam præsertim cui tu obseruandæ coràm adesse dignatus es, perscribere decreueram, atque simul præmonere futuri Maio sequenti Solaris deliquij. Illud enim si Cælum faueat, studiosè obseruare mihi inanimò est, cum præsertim in hoc Horizonte Sol non sit deinceps passurus Eclipsim per nouennium integrum. Verùm cum me hac in parte mea fefellerit spes, sequar non inuitus consilium tuum. Philosophabor nimirum cum iis, qui meliore sæculo vixerunt, & quorum mentibus est aurum infusum, non auri cupiditas. Sed & interea iucundissima Iosephi Galterij, Valeræ Dominij, ac Prioris familiaritate fruor, quem priscis illis Philosophis, atque Mathematicis haud sanè inferiorem puto. Vtinàmque adesset mihi Platonis ingenium, ita me Deus adiuncto, vt præterea Socratis genium in illo agnosco. Veminsse re, opinor, quisnam ille sit; is à me suo nomine petitè se salutari, & illius igitur, & meo te saluto nomine. Benè, imò optimè Vale, mi FABER, meque eo, quo me soles prosequi amore, amare prosequere. Datum Aquis-Sextiis v. l. Idus Aprileis, anno salutis, M. D. C. xxi.

### POST-SCRIPTVM.

QVONAM fato contigisse dicam, (FABER Illustrissime) vt literæ istæ, quas quo vides tempore scriptas, perferendas ad te dederam, post mensem potuerint in meas recidere manus? Qui scilicet eas deferrebat Gratianopoli, rediit aliquot dies ibi commoratus.

Parum certè absuit, ipsis mihi redditis, quin fortunam cæperim meam incusare, quòd videri tibi possem immemor officij, obseruationisquæ debita; quasi iucundam recordationem nominis tui pleno affectu parum gratus non colerem. Ipsas vbi aperui, ac lacrymis penè obortis (quis credat!) perlegi, volui nihil immutando istam dumtaxat exultationem, vt Appendicem subiungere; quam vt sanè ingenua est, ita ingenuè accipies. Cæterum Solarem Eclipsim, cuius mentionem faciebam Cælo benè propitio licuit accuratè prorsus obseruare beneficio perspicillorū, quibus vidisti aliàs à nobis notari Solis maculas. Contigit nobis illius Initium die Maij 21. horà mat. 7. min. 6. secun. 30. Finis hora 9. m. 31. sec. 30. ac Medium proinde hora 8. m. 19. digiti Ecliptici maximæ obscuracionis fuisse 9. cum min. 23. hæc ad te scribo, quoniam te Cælestium rerum noui esse cupidum, Studiosius porro singula, quæ obseruari subnotarem, si quis istheic ex professio studia ista coleret. Audieris opinor, quemadmodum Patres Societatis Iesv hanc in vrbem admissi sint. Quo tempore ista scribo viti Consules de forma contractus deliberant. Egone anno sequente Cursum absoluturus sim, quem media tantum ex parte confeci, nondum plenè scio. Vt vt sit futurum, priusquam me in Ecclesiam, montisque meos recipiam, in votis habeo visere vniuersam Italiam; vtinàmque Germania sic foret pacata tunc temporis, vt magnos, qui in illa sunt, viros possem quoque inuiscere. Si interea literas possem ad Keplerum dare, quod aliàs (si ritè recordor) facillè pollicebare per Imperatoris Nuncium, perluberè ter id facerem. Vereor tamen ne hoc incommodo foret: quare non ausim prorsus tibi molestus esse hac in re. Cæterum Paradoxa mea redigo hoc anno in quandam consonantiam, Logica plurima Physicis prætexo, Ethica atque Metaphysica subiungam, si toto, quo cæpi curriculum colligere inuēt pulcrum Philosophicum. Non dissimulo amplius errores, contradictiones, Tautologias, & quæ extra rem, dicta sciant apud Aristotelem. Communis iam opinioniones audientiū conuello. Temerè ne an Veritatis affectu id faciam, iudicabis ipse aliquando. Iubebo vni ex meis Auditoribus dictata exscribere, quæ deinde communicem tecum. Te videlicet nugis meis delectari commemini. Sed etiam! quorsum hæc omnia, aut quamnam iam ista est Appendix. Vale, FABER Nobilissime, atque Sapientissime, Vale iterum ac iterum Vale. Aquis-Sextiis 1v. Id. Iun.

*Celebri Viro VILLEBRORDO SNELLIO, Eximio Mathematico in Academia Leydensi,*

PETRVS GASSENDVS, S.

MIrabere, SNELLI, vt opinor, cum videris te hac Epistola interpellari ab homine, qui tibi sit facie, nomineque incognitus. Non hæreo tamen, quin pro tua singulari humanitate

manitate æqui, bonique confulas, quodd ego bonis artibus, literisque initiatus, tam insignem illarum Mysten, quantus ipse es; hoc obseruantia testimonio prosequi affectauerim. Scito enim ex quo tempore eruditus illatus, ac elaboratus Eratosthenes in meas primū incidit manus, tanto me tui amore, ac desiderio exarsisse, vt nihil in votis habuerim potius, quam vel te inuisere, vel certè hunc tibi meum affectum significare. Etenim cum tacito quodam naturæ fastidio vmbraticos istos eruditos, quibus ciuitates scaturiunt, magnificare non possim, quodd veritatem, & scientiam rerum venientur dumtaxat ex libris, res ipsas prorsus negligant: dici profectò aliunde non potest, quanta veneratione simul, ac beneuolentia paucos illos apud me complectar, qui pedem interdum ducentes ex Mæolæis, ipsam Naturæ maiestatem aperta facie contemplantur. Eam ob rem, cum tu ad assiduam librorum euolutionem, ex qua, vt Stagiritès ille, Anagnostes dici promereris, accedere uolueris exquisitas rerum cælestium, terrenarumque obseruationes, quas ipsemet admiranda quadam solertia peregeris; profectò mirum videri non debet, si ego te propter ead suspiciens, tantam de te opinionem, tantumque simul erga te studium, amorèque conceperim. Ceterum quis ego sim, aut vbinam gentium degam, declarandum tibi potius duxi ex libelli titulo, cuius ad te exemplar transmittito, quam ex molesta periphrasi. Quamquam enim munusculum hoc per hæc interualla viarum exhibeo, non vt in ipso characteres legas, sed vt affectum in te meum, ac obseruantiam inspicias: Deligendum tamen hoc, & offerendum censui; quodd exinde lubens peruisurus esses accuratam vnus loci, non omnino incelebris (quodd mihi domicilium est) sub cælo designationem. Siquidem ex strenuo labore, ac nunquam satis laudato studio, quo exactissimè constituendæ Geographiæ nauas operam, coniectari facillè licet, quam accipias volens accuratè obseruatas locorum latitudines, ac ipsas etiam si fieri possit, longitudinum differentias. Vidi in hac Ciuitate vestratē Petrum Bertium, qui de re Geographica ob suos illos immensos labores optimè quidem in dies meretur; attamen verò qui defectu exactarum obseruationum, tot admissos in Geographiam lapsus minimè valeat corrigere. Communicaui ergo cum ipso obseruatam illam à me Dinia latitudinem, altitudinèque polarem 44.grad. 6.min. simulque & Aquarum Sextiarum 43.gr. 33.min. & Gratiopolæos 45.gr. 11.min. vt ex locis huiusmodi ad parallelos debitos reductis, circumstantia quoque ad veriorem sub cælo situm redigeret. Hæc mihi porrò non omnino fortuito exciderunt; quippe tibi etiam insinuanda censui, quodd certò certius habuerim, non posse tibi quidpiam eiusmodi esse inuicundum. Tamen si verò tam illam Aquensem, quam Gratiopolitanam latitudinem ipse præsens obseruauit: nolim tamen gloriam hanc duobus amicis meis inuidere, quorum alter Iosephus Galterius Aquis-Sextius; alter Iacobus Valesius Gratiopoli mecum obseruauit. Quod me-

*Gassendi Epistola.*

mo, vt illi Aquensem, huic Gratiopolitanam attribuas, Diniensemque solam, vt à me solo obseruatam mihi refereres, si quando fortè dignabere Elenchum tuum his locis augere. Sunt quidem penes me plures obseruationes multigenæ; at quibus opus non est imperantiarum te onerare. Si rem gratam me tibi facturum aliquando cognouero, scito fore vt de omnibuscum agam non inuitus. Permissi nunc solum ista propteranti irreperere calamo, ne vacuis prorsus manibus accessum ad te affectarem.

Supereft, vt imposterum amicitia iure tecum vtar; ac proinde vt tu mihi quidpiam abs te postulandi licentiam non abnas. Sanè quidem erit, quodd mirere me aded esse perstricta fronte, vt in ipso statim amicitia tue, quam in eo, limine studium tuum, ac operam minime verear desiderare. Enim-verò non ambigo, quin is sit candor animi tui, vt exinde potius intelligas, quàm meus sit ingenuus amor. Certè is sum, qui initio statim me totum amicis deuouè nihil omnino recusaturus, quodecumque illi exegerint: Quamobrem etiam ipsos in me affectu haud absimili propendere facillè confido. Ac tu quidem vel ex eo colligere potes, quàm ego agam simpliciter, quodd tuam ecce beneuolentiam conciliare mihi fudeam, non ex officio, quodd tibi præstem, sed ex eo quodd velim mihi præstari abs te. Quodnam vero tandem istud est? Nolle te primū desidero, SNELLI, me cum appulsem in hanc Ciuitatem, existimaui se fore vt cælestium obseruatores non paucos heic assequer. Verumtamen spe lactatus inani, breui deprehendi, proh dolor! Sidera hæc alia, quam Chymicorum nulla obseruari. Cumque benè multi forent immorties Astrologi, comperi tamen neminem, qui astris ipsis inuigilaret. Ita rarissimi apparent in tam vasto gurgite, qui philosophandum censent & æuopius potius, quàm ex præscriptis philosophantium. Conatus ergo erigere, addereque animos quibusdam hominum nostrorum, vt animas cælestium inaneis, depressoque in terram vultus ad sidera tollerent; Vnum inueni ex tot milibus, qui sit sese ad id muneris egregiè passus animari. Is est Petrus Freres Monsfortius illustis Primi Præsidis in Delphinali Senatu filius, & in magno Regis consilio consiliarius bene meritus, qui præter doteis cæteras eximias, Matheos, per quam studiosus est. Cum ipsi ergo nihil aliud deesset ad obseruandum cælestia, quorum amore capiebatur, quàm exquisitum aliquod, satisque amplum Organon (minutiore enim quæ habebat demonstrationi quidem idonea, at exactæ operationi inuiliu esse facillè peruidit) cumque aliunde in hac ciuitate non adessent artifices, qui accurata illa præcissione, quam nostri esse necessariam, possent illud conficere; author ipsi fui, vt & Quadrantem chalybeum, cuius radius esset duorum saltem pedum Parisensum, præter omnia sibi compararet; & curaret eundem in Batavia elaborari, ac perfici. Nihil cunctatus est, sed concessuro ad dominum suum Regis Christianissimi apud vestrōs Ordines illustissimos Nuncium Secretario Carolo Botardo,

A 2

iueni



iuueni indutrio, atque erudito; statim conficiendi huius Instrumenti curam, ac studium demandauit. Cum petiisset porro ex me descriptionem totius Quadrantis, cui artifex sese conformaret; subiit illicò in mentem tale ferè tibi adesse, qualem animo uoluere. Et Ohei inquam, si SNELLIVS noster dignaretur vocare ad se artificem peritissimum, cui totius Instrumenti formam, rationemque præscriberet, quàm hoc fore tutius!

Quod igitur, vno verbo, rogaris, hoc est vt prædictæ laterum Quadrantis longitudini addatur ex tuo præscripto latitudo, & crassities simulque arcui capacitas tanta, quanta per lineas transuersales singulis minutis capiendis sufficiat. Deinde etiam forma Alhidadae, Pinnaculorum ac cylindulorum alterius in cento ad magnas, alterius in latere ad exiles distantias capiendas, & sic quidem vt omnia summouere liceat (dum nihil obfit) ex Quadrantis facie, cum altitudinibus capiendis plumbo vti vacauerit. Postremò ipsa quoque forma genu fulcri, seu pedestrali; ad hoc vt Quadrans faciliè obtineat motum, ac situm quemlibet. Quæ quidem omnia existimo artificem faciliè vel ex sola tui inspectione intellecturum. Non dubito verò, quin tantisper vacet applicare huc animum; sic te bonis hisce Artibus promouendis deditum conicio. Et profectò, si vacauerit deuinxeris tibi omnino prædictum Monsfortium hominem sanè optimè merentem, quidquid in ipso spectaueris; frueris quoque ipse aliquando fructibus, quos ille ex tua cura percipiet; Siquidem quidquid obseruauerit, tibi acceptum referet, tecumque simul communicabit. Ego etiam me tibi permultùm ex hoc capite debere fatebor, si importunè tecum agenti morem aliquem gesseris. Vinam verò obsequium exiges ipse ex me aliquod; ita me Deus adiuvet, vt me ad nutum experieris. Reditum apparo in Patriam, quo me negotia reuocant. Tu si quidpiam bona mea sorte ex me fortassis desideres, committere iam dicto Botardo Secretario poteris, qui mihi per eundem Monsfortium studiosè id significabit. Benè interea Vale, SNELLI, meque tui studiosissimum ac obseruantissimum ama. Patissis x v. Kal. Mart. Stylo Greg. & anno vulg. M. D. C. X X V.

*Viro Incomparabili GALILEO GALILEI, Magni Hetruria Ducis eximio Mathematico,*

PETRVS GASSENDVS, S.

QVod ego te hac Epistola iam tandem conueniam (humanissime GALILEE) causatum recens, tum antiqua est. Mihi certè nihil est antiquius, quàm colere summam Sapientiam, ac eruditionem tuam. Ex quo enim tempore tuus ille cælestium Interpres tam incognita geneti humano patefecit mysteria; dici non potest, quo tacito cultu memet tibi deuouerim. At verò cum mihi nuper carissimus tibi, mihi que Deodatus candorem

illum exposuisset, quo cum amicis agere solles; dispeream, nisi ad incundam tecum non leuem amicitiam illicò inflammatus sum. Et si enim tibi abs me, tum atate, tum doctrina, tum aliis multis nominibus inferiori nihil aliud, quàm obseruantiam singularem polliceri liceat; abs te verò nihil aliud, quàm ingentem erga bonos, studiososque propensionem exigere: facile tamen mihi persuasi fore, vt mihi non postremum amicitia tua concederes gradum, cum me obseruantissimum tuæ virtutis esse agnosceres. Stupebis quidem, & meritò cum hominem incognitum tanta fiducia te adorientem considerare cæperis: at hic appello natiuam illam animi tui sinceritatem; appello Vranæ amorem, qui te deduxit, & fama natum super Æthera reddidit, appello Deodati nostri qui fuit ingenuæ meæ simplicitatis spectator, testimonium; appello tandem Superos omnes (si ita fari liceat, ad fidem tibi ingerendam, qua admirari desinas. Voluit quidem amicus is noster prouinciam hanc sibi demandaram, vt & tibi significaret, vndenam ego, aut quis essem; & cum hac epistola transmitteret tibi editi à me libelli exemplum, quod esset mei erga te affectus quasi pignus, & symbolum: at cum necesse habuerim tali amico morem gerere, sensi tamen singularem tuam humanitatem fuisse aliunde consilium meum æqui, bonique consulturam; & donarium, quod attinet, ita volui acciperes, vt cum indignum ego iudicarem, quod in tuas incideret manus; ille tamen impenso studio curauerit incidere.

Nunc, cum ista ptimùm scribenti videretur sufficere: attamen quod mihi videor non iam cum recente amico, sed cum antiquo agere; agam ecce liberalius, eroque paulò diffusior, quàm si diffidens amicitia tua timidiusculè scriberem. Imprimis ergo, mi GALILEE, velim sic tibi persuasum habere, me tanta cum animi voluptate amplexari Copernicæam illam tuam in Astronomia Sententiam, vt exinde videar mei probè iuris factus, cum soluta, & libera mens vagatur per immensa spacia, estactis nempe vulgaris Mundi systematisque repagulis. Vinam verò hæcenus frui tuo illo recens instituto Mundi Systemate licuisset? Quàm adiutus enim, promotusque fuissim in conceptis illis à me de Mundo opinionibus? Somniasse quippe me aliquid circa hoc argumentum peruidebis faciliè, si digneris fortè legere, quod tribus dumtaxat verbis in præfatione libelli ad te missi polliceor me quarto libro tractaturum. Quamobrem etiam intelliges, quàm ardenti desiderem studio, quid tu hac in parte sentias quamprimùm accipere; cum tu cælestium arcanorum sis sagacissimus scrutator, participique consultissimus. Cur potro factum, quem iam parruribus, cum nuntium præmitteres, huc vique non emisseris, etsi allequor fortè coniecturà; non dum tamen plenè didici. Hoc saltem fortassis profiteri liceat, magnam factum iri rei Literariæ, cordatisque diuinissimarum scientiarum studiosis iniuriam, si tantum opus superferis. Certè nisi obstitet legitimum impedimentum, otatum te, atque vinam exoraturum

ratum esse noueris, vt rem adeo desideratam bonis amplius non inuideas. Quod si vel certo consilio tuo, vel satis ita ferentibus, sic te continere debeas, vt ne quidem etiam cum amicis institutum tuum per literas communices, absit a me, vt sperem postulem-vè conficius illius fieri. Sic me tamen habeo; ac in gradu adeo eminenti beneuolentiam tuam colloco, vt si vel vacet, vel liceat, quidpiam sis mihi significaturus, vbi me inardescere hoc desiderio referis.

Perlegi præter nuntium tuum treis illas de Maculis Solis ad VVelfcum Epistolas, quas profectò, quam sint dignæ acumine & iudicio tuo, non est quod multis explicem. Sufficiat subscibere me rationationi tuæ circa Macularum materiam, generis, figuram, locum, motum, dissipationem, & si quæ alia eluscemodi accidentia Macularum sunt. Doleo verò è nostra Gallia, & specialis etiam meæ professionis deinceps prodissse, qui adeo infœliciter de iisdem isti ratiocinatus. Non hæto, quin ipsius liber ad te vsque pervenerit; ego dignum vbertore refutatione nuntium iudicavi; quam quæ præmissa in tuis illis continetur Epistolis. Profectò, cum illa tua de Maculis Philosophia testem tot accidentium (in quibus probè satisfacere alia ratione non licet) experientiam habeat; quid potius illi Planetarum perpetuitati obici possit, quam quod ne ipse quidem author obseruare potuerit, vel vnus reditus (qui menstrua tamen circiter reuolutione fieri debebat) ex tanta multitudiner Caterum librum, qui à te de Cometis scriptus perhibetur, nondum est datum conspicere; ac quo ardore videre peroptem, dictu mihi facile non est. Cum suscepim enim defendendum Cometæ esse corpora perpetua, eiusmodique opinioni Phenomena omnia Cometarum speciali quadam, ac propria ratione accommodem; coniector fortiteriam tuam posse mihi ad hoc plurima sugere argumenta; neque enim dubito, quin pro ea, qua cæpiisti philosophari libertate, quam plurima protuleris, vel in qua ego genio quodam fœlici inciderim, vel certè ex quibus non parum coniecturæ meæ possint promoueri. Observationum à me factarum circa Cometam, qui sub finem anni 1618. affulgere telluri cœpit, nihil feci publici iuris; contentus, si ex iis possim circa defectum parallaxeos, itemque circa directionem caudæ in Solis oppositum cum quadam, & quæ variabili deflexione philosophari. Eadem ratione, & de obseruatione Solaribus Maculis emittere nihil in animo est, nisi quod iuxta principia tua conducere videbitur ad impugnandum Aristotelismum, adhortandumque homines ad aliquam verisimiliorem, & saniorémque Philosophiam. Quandoquidem verò in memoriam Obseruationum incidi, communicabo ecce vnam, quam vt eequidem concilio non iniucundè accipies. Ea est Eclipses Solaris, quæ postrema nobis Europæis contigit, anno nempe 1621. Æra, & stylo, qui vobis, nobisque est vsui. Illam enim Aquis Sextiis obseruari admodum exactè, nihilque ambigo, quin tu pro tuo cœlestium amore (dum cælum vobis fuerit fe-

*Gissendi Epistola.*

renum) exactissimè obseruaueris. Ego eadem methodo, qua & Maculas obseruauimus, nisi quòd circa Maculas Meridianum tempus expecto, vt aliunde noto Meridianum cum Ecliptica angulo, verum in disco ☉ situm Macularum accipiam.) Radios Solis itaque per telescopium tractos in oculum cameram excipiebam inferius chartaceo albo benè complanato, descriptoque in eo circulo, in quem radij cogerentur; cum adesset interim prope Telescopium, qui motaret, ac centra vitorum Soli semper opponeret. Diameter circuli, quæ erat vnus Pedis Parisiensis, sic diuisa fuerat in duodenas partes, vt sexagenas etiam singularum per diuisiones, minutores liceret adhuc colligere. Sed & circumferentiam in 360. hoc est heinc inde in 180. diuiseram partes, initio factò, qua parte digiti primi erat initium; tum vt in magna occultatione liceret semper vsurpata heinc inde aequali limborum obseruationis distantia cogere radios in circulum, & tumorem vmbre maximum in diametrum reicere; tum vt exinde haberi possèt diameter Luminaris vtriusque inter se proportio. Cum Tychonicæ portò tabulæ exhiberent nobis Initium Eclipses circa horam matut. 7. obseruaturus præsto adfui ab hora circiter sexta. Aderat porro extra cameram excellens Mathematicus Iosephus Galerius (is scilicet, ad quem primi libri Exercitationum mearum præfationem dirigo) qui statim acceperet, ac defineret obscurationis veltigium, Solis altitudinem, quam sedulo scetabatur, idu parieti impactò, ceu ligno dato, acciperet. Contigit igitur Eclipses Initium Sole eleuato 25. grad. 30. min. Finis vero eleuato 51. grad. 17. min. hoc est Eclipsis ☉ cœpit horâ 7. min. 5. sec. 28. Desiit horâ 9. 31. min. 12. sec. numerando à media nocte, quæ præcessit meridiem prædictæ diei 21. Digiti verò Ecliptici maximæ obscurationis existerunt 9. grad. 23. min. tuncque deficiebant vtrinq; ex circumferentia grad. 77. min. 30. vnde elicere est æquales apparuisse Luminarium diametros.

Iam si istheic obseruata Eclipsis hæc fuerit, habebimus saltem parallaxeos ☉ pro varietate latitudinis locorum differentiam. Et cum latitudo Aquensis obseruata sit 43. grad. 33. min. ex discrimine istius cum vestrâ, ac differentia parallaxeos, colligemus quæ fuerit tunc Lunæ à terris distantia. Horâ etiam nos proximè (subductis nempe rationibus) certiores efficiet differentie longitudinis Florentiam inter, & Aquas Sextias. Certiores sanè efficeremur, si istheic fortassis foret obseruata Lunarisis illa Eclipsis, quæ contigit mense Iunio an. 1620. aut alia quæ mense Nouembri, an. 1621. Sciremus & differentiam Florentiam inter, & Diniam, si alia rufus mensis Aprilis an. 1623. florentiam verò inter, & Parisios; si nupera illa huius anni, quæ contigit mense Martio, siquidem has omnes ego obseruauim, consignatâque habeo. Tu si eadem, aut alias fortè obseruatas communicare non grauaaberet, reponam ego, tibi quæ gratias habeo sanè quam-plurimas. Rogo te quàm maximo possum animi conatu, vt saltem velis communicare cum VVillebrordo S NELLIO, cuius

A 3 ignota



ignota tibi non est in restituenda Geographia sagacitas, & sollicitudo. Perferipturus sum ad illum (quod voluit) proximis his diebus non pauca, quæ habeo huius generis, vna cum exacta Aquisfis, Geneuensis, Lugdunensis, aliorumque pedum longitudine. Cæterus verò propemodum sum, ut cum etiam pedis Florentini desiderare magnitudinem, implorauerit industriam, & humanitatem tuam, seu fecerit, seu non fecerit, non pœnitebit me egisse apud te illius Patronum. Ita noui utrumque vestrum bonarum artium promouendarum per quàm studiosum existere. Ceterè si in regula lineæ, aut alia ratione transmittere Leydam ad ipsum digneris delineatum pedem, qualem apud vos afferuari publice & interest, & dubium non est, cautionem me do te in homine non ingrato beneficium collaturum. Ego quid hic adiciam præter vecundiam nihil habeo, quamquam etiam erubescio roborem meum profiteri apud hominem candidissimum: Tu quidquid id est, boni consule; agam imposterum uti voles. Interea me, quo non est tui obseruantior, Vir optime, ama, & deingenuis artibus mereri nunquam desine. Dabam Gratiānopolī Dīniam meam breui concessurus, xlii. grad. Kal. August. anno M. d. c. x. v. Vale.

**Percelebri Viro VVILLEBRORDO**

**SNELLIO, eximio Inclytæ Leydensis Academia Mathematico,**

PETRVS GASSENDVS, S.

**EDDITE** sunt mihi tuæ Literæ (Suaniff. **EDDIT** me **SNELLIO**) quibus testor Superos nihil vnquam tibi obtigisse iucundius. Imprimis quippe non possum mihi humo per te non gratulari, quod tu tantus viro, tanto erga me amore propendeas, iis enim Epistola tua interspersa est à capite, & iuxta laus, ad calcem beneuolentia vestigia ut facili cognouerim intelligentissimum virum esse, etiam amantissimum. Deinde verò singularem tuam agnouit humanitatem, & ex sincero illo affectu, quo me suadente nobili Monsfortio commodasti operam, & ex summa illa mansuetudine, qua libellum meum non amice solum accepisti, sed & immerentem etiam excepisti cum elogio. Ad hæc & admiratione non exprimenda inflexi, quod quæ tam pauca transmisseram circa meas obseruationes, ipse cum tanto fœnore remittere dignatus sis. Sed fecunda nimirum terra nunquam reddit sine vsura, quod accipit; magisque futurum fuisse mirandum par est, si ex immenso eruditionis, doctrinæque Oceano riuius iste non diu anasset. Postremò tamen quod speraueris in te tibi quasdam operas efflagitanti obsecuturum, dici non potest quanta me quàmque diuturna voluntate cumulaueris, tamen enim quidquid possum vix vilius momenti est; cum placere tamen id video Viris tam bene-merentibus, incredibile propterea est quanta me statim virgeri ad opus alacritate persensiscam,

Cum ergo Parisiis redeuntem negocia me in hac Ciuitate (nolentem sanè) detinuissem, accepi tuas literas ante duos menses; ipsique quam maxima potui satisfeci diligentia. Ac primùm quidem quod spectat ad desideratam pedum nostratium longitudinem; scripsi illic ad amicos meos, qui quod non statim votis meis respondere poterint, exultationem paratam facient, cur ego tibi tam serò respondeam. Quamquam neque quidquid optabam, datum est adhuc assequi: Literis enim Toloſam, & ad alias Ciuitates datis, etiam ex Italia satisfactum huc vsque non est, ob exortos, puto, bellicos tumultus in illis Regionibus. Quotquot tamen hæcenus potui ex vicinia conquirere Pedes, mitto iam ecce cum his literis in Regula lineæ exaratos. Iam enim tandem in Prouinciā, Diniāque meam discessurus, differte amplius nolui, ne propter nimiam aliorum Pedum expectationem (fortassis frustraneam) videretur humanitas tua obliuioni tradita. Constitueram equidem typos omnes ad me transmissos fasciculo facto ad te mittere, at propter hæc tamen interval-la tanta, commodius existimaui transferre omnes in hanc Regulam, ratus ut mihi, quod ad præcisam conformitatem attineret, satis superque fideres. Adieci verò etiam nostratium Vlnarum Quadranteis, quod remquoque esse argumenti tui, tum ex Etarosthene, tum ex literis tuis intellexerim.

Primò igitur accipies Pedem Lugdunensem, & Gratiānopolitanum, qui uterque à me collatus idem propterea inuentus est. Et Gratiānopolitanum quod spectat, accepi ipse præfens cum nostro Valesio ex longitudine orgyæ, seu Toisæ, quæ insculpta iam diu perdurat in exteriore pariete ad maiorem portam ipsius domus Episcopalis. Lugdunensis desumptus est ex virga ferrea, quæ Lugdunī in domo publica, seu, ut loquuntur, Vrbis afferuatur. Curauit autem cum illic esset accipi studio cuiusdam Antelini Mathematicarum studiosi, vir eximius Petrus Richardus Senatus huiusce Prouinciæ supremi Consiliarius, & Amicus meus singularis, qui etiam huc rediens ipsum attulit. Quia verò & Lugdunī ferrea, & hic Gratiānopolī insculpta parietī Vlna est reperta, idcirco utriusque Quadrantem exprossum simul inuenies. Mercatores huius Ciuitatis Gratiānopolitanam eandem esse cum Parisiensi asserunt; cūque Lugdunensis paulò breuior sit, æstimant vulgò hanc differentiam vna quinquagesimā; quod etsi propterea non quadret ad prototypos, excusarique valeat alijs nominibus: nihilominus tacendum non censui. Quod Geneuensem attinet tum Pedem, tum Vlnæ Quadrantem, transmissi utrumque ad me vir per-eruditus mihi que carissimus Aëlius Diodatus, asserens Vlnæ prototypum (cuius materiam tamen non expressit) omni memoriā superiorem esse, at Toisæ, cuius vnam duodecimam seu semipedem solum delineauit, proflare publicè ab anno 1544.

Habebis porò & Pedem Regium siue Parisiensem, qualis Lugdunī est ferreus inuentus, cum mensuris cæteris. Fortassis quidem

illum

illum iam habes ex ferro, qui existare duplex Parisiis dicitur, atamen verò & hunc etiam communicare volui; tum vt suppleret defectum, si fortassis adhuc non recuperasses Parisiis; tum vt si haberes, quid inter vtrumque interesset despiceres; tum denique, vt quoquo modo examinaret, num quem determinas partibus 1057, qualium Rhiulandicus sit 1000, probè prorsus se habeat. Ego certè cum apud Valsium reperissem Regulam transmissam ex Hollandia, in cuius vna facie esset Rhiulandicus Pes in 12. digitos diuisus, & in alia diuisus in 10. ita vt ex hac parte esset vnà circiter vncià longior, quàm ex altera, idque cum superscripta censura, quod longior foret iustior, & accepti tamen breuiorem quòd magis esset conformis Schemati Semi-pedis in Eratosthene tuo extantibus, adiectione alterutra facta, quæ ad calcem præscribitur, & cum Regio Pede comparauit, Visus sum verò deprehendere illam Buteonis longitudinem non indigere tanta adiectione, quantam videris exigere. Vt vt sit transali & illam Rhiulandici pedis longitudinem, tum vt experiare quid totum hoc sit, tum vt rescribas quantum à vera longitudine hæc differat, vt & nobis aliquid certius experiri aliquando liceat.

Postmodò vobis, & quæ sit longitudo nostri Pedis Aqueus, & Provincialis (qui etiam Auenioni & toti Linguedocio vsui esse dicitur, quantum quidem fide Mercatores asseruerunt) quamquam vulgò nobis *Pannus*, *Palma*ue, non autem Pes dicitur. Est autem vna octaua pars *Canna* (qua vt orgyia vtimur) ac proinde Quadrans Semi-Canna, quæ nobis quasi Vna est; neque enim alias habemus, aut alio modo indigitamus, ac diuidimus mensuras ædificiorum, agrorum, pannorum, cæterorumque huiusmodi. Asseruat potè Aquis Sextiis in publica seu Vrbs domo Semi-Canna ferrea, ex qua Quadratè dempsit, misitque ad me Iosephus ille Galterius, cuius mentio est à me facta superioribus literis; vsus præsentia, & exploratione Ioannis Lombardi viri industrii, tensorisque illie Regij publicorum Ædificiorum. Omittere hic non debeo eundem Lombardum communicasse mecum experimentum à se factum soliditatæ cubicæ vnus eiusmodi palmi. Scripsit ergo se expertum fuisse palmum cubicum continere Potus seu *Quarterones* nostrates ita nimirum nominatus, quæ *Pintas* alij dicerent liquidorum communis mensuras) 12.  $\frac{1}{2}$  quemlibet verò *Quarteronem* pendere aquæ communis, quam putealem fuisse coniector, libras 3. vncias 4.  $\frac{3}{7}$ . Vini verò libras 3. vncias 4.  $\frac{1}{7}$ . t proinde Pannus aquæ cubicus pendat libras 40. vncias 7.  $\frac{1}{2}$ . Vini autem libras 40. præcisè. At olei, cuius tamen *Quarterones* non expressit, libras 36. vncias 12. Omissis vino, ac oleo, periculum in aqua faciamus, cum ipse quoque experimentum in puteali aqua feceris vt discipiamus num latus cubicum, siue Panni Longitudo sit ea proportionè, qua par est, ad vsque vestrum Rhiulandicum Pedem.

Principio verò, quia ponderum ratio est examinanda, & reductioque ponderis illius faciendâ ad Hollandicum, suppono aureum

Hispanicum, siue *Pistoletrum simplex*, qui pendit grana Francica 63. pendere per te Hollandica grana 71. *Pistoletos* etiam vsurpo, quòd quamuis sint etiam elocabiles apud nos, vbi solum pendederint grana 62. deprehenduntur tamen communiter esse iusti ponderis, imò interdum granorum 63.  $\frac{1}{2}$ . Certè non ita pridem appendi *Pistoletos* duplos, quos esse granorum 127. comperi. Deinde comprobatur est etiam à prædicto Galterio 300. *Pistoletos* simplos qui pendere debent grana Francica 18900. pendere nostrates seu Provinciales vncias præcisè 42. vnde eliceret est vnciam nostratem componi ex 450. granis Francicis, librâque communem, quæ componitur ex vnciis 16. valere grana item Francica 7200. Quapropter & prædictum pondus palmi aquæ cubici librarum 40. vnciarum 7.  $\frac{1}{2}$  continebit Francica grana 151467. Quibus positis, cum Francica grana ex iam dictis sint ad Hollandica vt 63. ad 71. Idcirco facta conuersione, prædictus Palmus aquæ cubicus pendet grana Hollandica 170701. quorum Radix cubica est 55.  $\frac{46}{100}$ . At verò, per te Rhiulandicus Pes cubicus putealis aquæ est librarum 61. vnciarum 7.  $\frac{1}{2}$  quæ (sexdecim per te vnciis in vnâ libram, & 640. granis in vnâ vnciam computatis) sunt grana Hollandica 649716. cuius quidem numeri cubica Radix est 86.  $\frac{61}{100}$ . Quocirca cum sint hæc Radices vt pondetum sic solidatum, perspicuum est pedem Rhiulandicum inde prodire ad Aqueum Palmum ea proportionè, qua sunt 8661. ad 5546. seu vt 1000. ad 640. Cæterum, quantum coniectari licet, alia longè proportio est. Multa sunt quidem quæ fallere experientem potuerint; ctsi ille vsus est semper artifex solers, & sedulus; vt cunque sit tamen, & quamuis id nihil negotii promoueat, amote tamen Veritatis latere te nolui.

Nunc, vt ad pauca illa mea obseruata redeam, gaudeo maximopere, quòd grata tibi existerint. Etsi verò non intelligo qua ratione ex datis hic latitudinibus duorum, aut trium dumtaxat locorum, colligas ipse Problemum duobus, aut amplius gradibus in designanda latitudine Africane oræ abetrasse: peruideo tamen solertiam, qua excites etiam longitudines quorundam Europæ locorum, emendare adniterit. Dignum sanè tua industria studium; quandiu enim solæ habebuntur cum latitudinibus vulgares distantie, non poterit quidpiam hoc inuenio tuo ad habendas longitudinum differentias esse conducentius: sed & dignum esse subtilitate, acuminèque ingenij tui, quòd illis in tuo Tiphis excoctatis Theorematibus tantum feceris operæ in Geographia compendium. Gratas certè habeo plurimas, quòd præcipuum exemplum ex meis obseruationibus petito transulatis in Epistolam. Quæ potè læticia te cepit, cum deprehendisti Leydam, & Aquis Sextias vix differre secundum longitudinem  $\frac{1}{2}$ . vnus gradus, me mirum etiam in modum affecit. Quod autem desideras vt Diania nostra non sit sexqui-gradu orientior Aquis-Sextiis. Scito vix orientiorem  $\frac{1}{2}$  gradus reperiri tua secantia vestigia. Cum enim





speculum rem oratum est, destituebar. Non memoro hic Tabularum, Ephemeridumque fallaciam. Exempli enim gratia Francofurti ad Oderam ubi proculdubio & visa fuit coniectura colligitur ex Origano debuisse limbos horum Planetarum duodecim aut amplius minutis diffidere inter se, ut temporis interea differentia recteatur.

Posterior fuit exigua illius Eclipseos Lunarum quæ contigit etiam nuper die 23. Martij. Respectabam ego (etiam per Telescopium; at clarus vir Midorgius vnus ex generalibus Franciæ Thesaurariis, sectabatur sedulo aliquam Fixarum Quadrante chalibeo cuius radius esset pedalis, etsi nubes sapienti interrupterent. Visum est ergo contingere Eclipseos Initium hora 12. min. 54. cum altus adhuc nempe esset in Occidente Regulus 36. grad. 20. min. Finis hora 13. min. 37. cum esset iam Borea lanx in Oriente alta 31. 30. Neque mirere totalem durationem breviorē inde colligi quam habeatur ex Tabulis, aut Ephemeridibus etiam ex Tychoe deductis, plusquam hora integra: Nam & quantitas Eclipseos fuit etiam minor, quam præscribitur ex Tabulis, siquidem nunquam accessit ad vsque sciqui-digium. Idem ferè in posteriore Sexti-Aquensi deprehenditur, quæ eadem Partialis fuit. Quorsum - nam verò hæc differentia 3 loci alterius est disquirere.

Doleo plurimum, quod obseruato in hac Ciuitate vtramque duarum Totalium quæ superiore anno contigerunt, vtramque nubes inuiderint. Ceterum verò ad confirmandam huius Verbis latitudinem, explorauimus nuper cum Valefio Meridianam Solis altitudinem die Iunij 21. cuius cum Meridie Solstitium coinciderit. Stylo vsi sumus 7. aut paulo minus orgyiarum, altitudine putà facti in tecto perampli sphaeristerij foraminuli. Ac ne immeret in cautionibus, quas ad habendam præcisionem adhibuimus, deducendis: Qualium partium stylus fuit 64690. Talium vmbra recta 15410. Vnde prodit Angulus altitudinis limbi superioris ☉ 68. grad. 33. min. 20. sec. ex quo subducta semidiametro ☉ 14. grad. 50. min. restat pro visa altitudine centri ☉ 68. grad. 18. min. 30. sec. huic verò vno minuto Parallaxeos addito, sit altitudo ☉ correctæ 68. grad. 19. min. 30. sec. Iam si exinde subduxerimus maximam ☉ declinationem 23. grad. 31. min. 30. sec. restabit altitudo Aequatoris 44. grad. 48. min. 0. sec. quare & habebitur altitudo Poli 45. grad. 12. min. vno dumtaxat minuto differens ab ea, quam tecum communicari superioribus literis, verumtamen de his hæcenus.

Superest, ut post expeditas obseruationes huius generis, aliam vltro communicem, futuram tibi non iniucundam. Memini dolere te in tuo illo erudito libro de *Cometa anni 1618.* quod non satis diligens, & curiosus in obseruanda Cometae cauda fueris. Vnicam enim, si rite recordor, obseruationem factam habes circa initia Apparitionis, ex qua elicias intersectionem Eclipticæ cum circulo per Cometæ caput, caudæque axem

traducto, fuisse in consequentia promotionem ☉ plusquam Signo integro. Afferis verò coniecturaliter diebus consequentibus prædictum Nodum recessisse versus ☉ in Antecedentia. Ego, qui illo primum tempore spectaculo tam pulchro alectus, periculum obseruandi feci. Cometa loca solum venabam ex Fixarum aliquot ab illo distantis. Procedenti tempore cutiositas vberior me cepit; ita ut ad Parallaxim, si quam Cometa panderet, applicarem animum: quamquam hoc nihil ad rem præsentem. Cæpi igitur etiam Caudæ ductum obseruare, non quotidie quidem, sed cum certa puncta Cauda ista peruaderet. Duas, treis-ve obseruationes tibi indicabo, ut exinde adiunari possis, si forte adhuc aliquid in hac materia mediteris.

Prædicto igitur anno 1618. mense Decembri die 19. hora 17. min. 20. Aquis-Sextriis, fusa est Cauda per primum Equum, seu vltimam caudæ Helices. Distabat vero tunc Cometa ab Ariadne 21. grad. 47. min. ab Arcturo 26. gr. 9. min. Vnde ipsius longitudo colligitur fuisse 1. grad. 26. min. ☉ latit. 53. gr. 58. min. Bor. Conceptus ergo circulus per Cometam & primum Equum Eclipticam secuit in 21. gr. 2. min. ☉. Porro eodem tempore in 28. gr. 20. min. ☉ versabatur; sectio illa igitur transierat iam Solem, recesseratque ab illo in Antecedentia grad. 7. min. 18.

Die 21. sequente hora 17. min. 10. Cauda sparsa est per secundum Equum. Distabat Cometa tunc à Lucida Cynosura, quæ est secundæ magnitudinis, 25. grad. 13. min. ab humero Helices, qui & Dubhe 28. grad. 12. min. vnde prodit eius longitudo grad. 26. min. 28. ☉ cum latitudine Boreali 56. grad. 50. min. Quamobrem ductus per Cometam & secundum Equum circulus Eclipticam secuit in 21. grad. 54. min. ☉. Et quia ☉ tunc occupabat 0. grad. 23. min. ☉ idcirco intersectio fuit quidem remota à ☉ in Antecedentia 8. grad. 29. min. rediit tamen promotæque est hoc biduo in Consequentia min. 52.

Tertia obseruatio est diei 24. hora 17. etsi non omnino exacta, quod ductum Cauda attinet. Traductus quidem per Caudam & Cometam circulus relinquebat Dubhe Australiorem satis sensibilibiter; at quantum præcisè id esset æstimare postmodum non licuit, nisi ex pictura, & schemate, quod superstitit. Ex hoc ergo coniectatus sum id fuisse in circulo etiam latitudinis, vnum gradum circiter. Hoc supposito, quia tunc distitit Cometa ab vltima Caudæ 7. grad. 13. min. à Media caudæ 4. gr. 49. min. Fuitque ptoinde eius longitudo 17. gr. 34. min. ☉ latit. 59. gr. 10. min. Bor. Idè conceptus circulus per Cometam & 50. grad. 40. min. in circulo latit. Dubhe (cum ipsa Dubhe sit tantum lata 49. grad. 40. min.) is interfecit Eclipticam in 23. grad. 31. min. ☉. Quocirca, & cum tunc ☉ in 3. grad. 27. min. ☉ degeret, sectio ab illo distitit antecedenter 9. grad. 56. min. promotam tamen hoc triduo in Consequentia 1. grad. 37. min.

Ego pro mea quadam speciali de Cometis Philosophia

Philosophia gaudebam coniecturas meas non infelicitur cedere; quod attineret variationem huius deflexionis à ☉ opposito. Quamquam enim certus omnino non eram, quod discrimen illud dici 24. esset proflus 9. grad. 56. min. At quia directio Caudæ non transierat suprâ Dubhe minus quàm dimidio gradus, idcirco cum vel dimidio huic gradui respondeat 8. gr. 40. min. quibus adhuc exceditur 8. gr. 29. min. Differentia dici 21. idè à sententia dimoueri non potui. Cæterum verò confirmatus, & gaudius magnoperè sum, cum obseruationem illam tuam accepi, ex qua deprehenderim eiusmodi intersectionem promotam fuisse dierum in Antecedentia, quosque præterito ☿ illum rursus, etsi progressu tardiore consequeretur. Vtinam verò & hoc mihi citius licuisset aduertere. Quidquid sit hanc latitiam meam significandam tibi censui, potiusquam Physica commenta, quibus excusare contendo eiusmodi Phænomena. Nugæ sunt, & res est prolixior, quàm vt cogi possit in præsentem Epistolam; vt taceam me isti argumento locum destinasse in Exercitationibus.

Iam itaque tempus est, vt finem scribendi faciam, exorèmq; tuam humanitatem, vt eorum hoc, quidquid est, boni, apud te consulatur. Tu si quidpiam rescribere aliquando volueris, Literas semper dare poteris ad prædictum Monsfortium. Hasce ego nostro Valeio ex Pedemontio breui redituro discendens reliquurus sum, quoniam & ipse est ad te Literas simul traditurus. Benè, inò optime Vale, Doctissime, ac Optime SNELLI, Gassendūque tuum amare perge, qui eminentis tuæ virtutis est obseruantissimus. Dabam Gratianopolis postidie Idus Augusti, anno M. DC. XXV.

*Viro Incomparabili GALILEO GALILEI, qui est Magni Hetruriae Ducis eximius Mathematicus,*

PETRVS GASSENDVS S.

**E**N longissimi sanè temporis (Suauissime GALILEE) sænus perexiguus. At malui tamen verbis paucis, extemporaneam nactus occasionem, finem facere diuturno silentio, quàm continua procrastinatione ad nanciscendum otiosam quandam scribendi opportunitatem, nihil tandem perscribere. Commodum certè adui in hac Ciuitate, cum Senator planè nobilis Nicolaus Fabricius Peireskiꝝ Dominus omnigenæ Vir literaturæ, ac Artibus bonis promouendis impensissimè deditus, aliquot Romam literas daret. Rogatus quippè num & Romæ nosset qui curam suscipere vellet transmittendi ad te schedulam; exsolauit, vt qui eminentem virtutem tuam merito miretur, & recepit vtrò in se hanc provinciam, ac pergerem tantum, si quid vellem scribere, author existit. Hoc ipsum ergo est, quod facio; ac cætera quidem, quæ concepta habeo in aliud tempus differens, duo tantum sunt,

quæ te scire velim. Vnum est, longum esse tempus, ex quo vbinam sit gentium, aut quid agat noster Diodatus, rescire non potui. Quamprimum quidem ex Italia rediit, transmisit ad me libros illos, quibus tu me beare voluisti (ita me Deus adiuet, vt munus eiusmodi tuum sum exsolcat, & meque gratis tibi exsoluendi sensi esse imparem.) At quas ex te literas erat mihi consignaturas, nescio quo miserando fato expectare adhuc contingat. Hæc sanè fuit præcipua causa, cur tandiu & rescribere, & grates pro tuis illis libris rependere distulerim. Præstolabar videlicet num forsan ex me, bona mea sorte, officij quidpiam exigeres, vt simul tibi, & meam sententiam circa libros tuos aperirem, & circa omnia (quæ mea est in te obseruantia) obsequendo satisfacerem. Alterum cum & heic nuper tempore defectus Lunaribus negotia quædam diuersaret, defectum illum à me simul & Iosepho illo Galterio, cuius tibi mentionem feci prioribus literis, fuisse sedulo obseruatum, Scilicet existimo, cum Cælum tibi fuerit nostro hoc sæculo; ex voto Hipparchi, in hæreditatem datum; lætaturum te, cum acceperis præsto esse, qui tuis sub auspiciis velint ipsum excolere. Accipe ergo paucis, quæ fuit nostra Eclipsos obseruatio, cuius tantò alacrior tibi copiam facio, quantò ad manum etiam est pergrata quoque tibi futura, quæ ab amicis aliquot nostris est facta Parisiis. Ad nostram, quod attinet, dicenda multa iam haberem circa varietatem colorum, qui in Luna obseruati sunt; itémque circa umbellam illam, quæ & limbi Lunæ temerationem initio præcessit, & eiusdem restitutionem ad finem subsecuta est, cæteraque huiusmodi, quibus probè explicandis, sola tua illa Philosophia potest esse par, Verùm sufficit nunc temporis designare momenta illa, quæ deduximus ex Fixis in quatuor præcipuis Eclipsos cardinalibus, inde nempe efficitur, vt si fortè aliquod illorum obseruatum fuerit Veneris, Romæ, & quod non dubito, Florentiæ, aut alio loco celebri, cuius tibi facile fuerit habere noticiam, liceat nobis tandem præcipuarum saltem quarundam Europæ nostræ Urbium differentie longitudinalis habere certitudinem. Quid tamen moror? Initium Eclipsos nobis contigit hoc salutis anno 1628. secundum Æram Dionysianam, ac stylo quidem Gregoriano, die Ianuarij 20. hora à meridie 7. min. 49. Scilicet fuit tunc Canis maior, seu stella, Sirius, dicta, alta ad Ortum, in tangente quadrati circiter quadrupedalis, partibus 3870. hoc est, 21. grad. 9. min. Supponitur autem hæc stella habuisse Ascensionis rectæ gr. 97. min. 15. Declinationis verò Austrinæ gr. 16. min. 12. & Sol fuisse in o. gr. 25. min. cum Ascensione recta 302 gr. 38. min. existente nobis aliunde Poli altitudine gr. 43. min. 33. Totalis obscuratio, seu eius principij hora 8. min. 48. Quia scilicet fuit tunc Cor Hydræ altū ad Ortum partibus tangētis 2525. hoc est 14. gr. 10. min. existente Ascensione recta huius



huius stellæ 137. grad. 25. min. & declinatione Austrina 7.5. cum promotione Ascensionis recta ☉ duorum circiter minorum. Recuperatio prima luminis hora 10. min. 25. existente nempe eadem stella (corde Hydræ) alta ad Ortum partibus 5440. seu 28. gr. 33. min. ac ☉ interim promotio secundum Ascensionem rectam min. 3. aut 4. Finis denique hora 11. min. 24. quia nempe fuit tunc ad Occasum altus Sinister Orionis Pes partibus 5010. seu 26. grad. 37. min. cuius Ascensio recta est 74. grad. 12. min. & declinatio Austrina 8. grad. 40. min. Ac fuit ☉ amplius promotus 2. min. circiter. Iam verò per scriptum nudè Parisiis est, Eclipsim ex pisse, cum esset alta Canicula 28. grad. 3. min. 20. sec. & Totalem obscuracionem cum eadem stella esset alta 36. grad. 20. min. de Initio recuperationis nihil habitum est: circa finem scriptum est illum contigisse circiter cum Arcturus esset elevatus 9. grad. 30. min. Attamen supponendo altitudinem Polarem Parisinam 48. grad. 45. min. & Ascensionem rectam Caniculæ 109. grad. 58. min. cum declinatione Bor. 6. grad. 8. min. Arcturi verò ascensionem rectam 209. grad. 42. min. cum declinatione Bor. 21. grad. 10. ratiocinati exinde sumus contigisse Parisiis Eclipsos Initium hora 7. grad. 35. min. Principium Totalis obscuracionis hora 8. min. 34. Finem hora 11. min. 7. Refractionum porro causa, minuta sex detraximus altitudini Arcturi, Atque ex collatione quidem obscuracionum istarum cum nostris, & cum duæ priores ex istis potiores, certioresque sunt, & Postremam enim illud *circiter*, suspectam, & incertam facit, quamquam in ipsa quoque non est paralangis multis aberratum) hoc saltem habemus iam Parisiensis, & Aqueus (qui idem propè est cum Massiliensi nonnihil occidentaliori) Meridianorum differentiam esse grad. 3. 7. cum differentia temporaria fit min. 14. Mirum certè videri potest, quod priores illæ duæ obscuraciones ad minutum consentiant. Et nostrarum quidem earundem obscuracionum collatio cum Origanii Ephemeride inducit quandam circa durationem Eclipsos differentiam: Nobis quippe tota Eclipsis 5. minutis exstitit contractior, Totalis verò obscuratio 5. min. productior, quam præscribat supputata ex Tychohe Ephemeris. Adde & æternis differentiam temporaneam esse 33. & 38. min. Verùm, & hoc ipsum nosse foret operæ præteritum, an eadem Eclipsos momenta, quæ præscripta sunt in Ephemeris, fuerint Franco-furti observata: & hoc posito, explorandum, an penumbra illa, & quasi nubecula præcedens & subsequens in Eclipsim veniat computanda; quantumvis illam Telescopium à perfecta disci Lunaræ illustratione submoueat. At ecce iam propè excedo magnitudinem Epistolæ iustam (ita præter expectacionem, institutumque expansiatis sum) & vereor nè illustris Senator casari possit hanc prolixitatem, cum iam præsertim semel miserit, cui hæc per scripta crederetur. Aliàs igitur & plura de his, & de studiis meis interruptis, (utinam verò opato orio mihi frui tandem concedatur) sermonem longiorem in situam, Vale interea, vir optime,

proque candore ingenito, deorum planè tibi virum ama. Si mihi quidpiam rescribere fortassis volueris, literas illis committas, licet per quos Nobilis Senator curaturus est, ut ad te istæ perueniant. Iterum vale. Dabam Aquis-Sextiis, vi. Non. Mart. anno m. d. c. xxviii.

### celebri Viro ERYCIO PVTEANO,

PETRVS GASSENDVS, S.

**D**ilcebam Aquis-Sextiis (Humanissimi me PVTEANE) cum Senator nobilis Nicolaus Fabricius Peireskij Toparcha tättulum remoratus est, donec Libelli ad te transmissi capita summa percurrerem. Substiti lubens, & quæ mea est in te obseruantia, testatum tibi volui verbis hisce, quos ipsi consigno, quam id iucundè acceperim. Vera loquor, ex quo tempore tuum illud de Epicuro, cum euulgata ipsius effigie pellegi Eulagium, nescio quò tacito affectu occiperim te & suspicere, & amare. Scilicet ego tanto Viro paravi Apologiam, destinato ipsius doctrinæ volumine integro, quod Paradoxiarum Exercitationum aduersus Aristoteles volumini, cuius ideam, primùmque librum feciam iuris publici, attexatur. Quod rei presentis, est, delectatus sum opere sum, & te quoque in illustranda materia adde nobili operam quandam collocaſſe. Quippe res adhuc luce indiget, ac non nisi à Viris eximiis, Literarumque humaniorum, & Mathematicos callentissimis, vltimam manum expectare potest. Illud verò præ cæteris anidissimè arripui; quod præter communem sententiam de celebratis Olympicis ludis sub finem Aëstatis scitissimè colligis. Vtinam & de Plenilunio quidpiam simile proferretur. Et enim plerique omnes in eo consentiant, resque vero simillima sit; nihil tamen adhuc observare licuit, quod perpetuò Luna plena celebratos conficiat. Negotium certè mihi semper fecit locus ille apud Lucianum de exorta Luna sub finem certaminum, longo post mediam noctem intervallo (quo scilicet ipse Lucianus stadia xx. peruadere, expectatæque deinceps debuit, donec prodiret Peregrinus) tunc enim duabus, vel tribus horis ante noctem dimidiam exoriri debuerat Luna, si initio certaminum exstitisset *moribus*. Quamvis quippe Lucianus scribat distulisse Peregrinum suum illud incendium; commodè tamen hæc procrastinatio non potest intelligi, nisi ad finem vsque ludorum. Cùm ille enim mori destinasset in Conuentu adde celebris, non poterat amplius vno die post peractos ludos expectare, ne discendentibus omnibus in nullius, vel paucorum exneretur oculis. Atque hæc quidem heic attingo, ut addam tibi stimulos ad hoc quoque caput illustrandum; cum res tua sagacitate, industriæque dignissima sit. Ceterum cum non vacet iam claro viro VVendelino tuo quidpiam scribere, comitatus enim me plurimum vrget, hoc tamen à te exigere auiſum, ut meo nomine salutem accipiat. Non potest ille mei vultus, nec nominis meminisse, ego

ego probè memini, me cum puer essem, vidisse illum Diniæ, vbi nunc Canonicum Ecclesiastem ago, deincepsque quantus is vir sit, indicauit leuissimè insignis amicus meus Iosephus Galterius per-rara vir eruditionis, quicum olim VVendelsinus ipse vixit familiariter; vt taceam non posse vos in colendo nostro Fabricio certare, quin ego tertius me ingeram; cum & ego quoque culmen virtutis ipsius cominus suspiciam, & quod dicere liceat, inter duos litigantes, quasi tertius gaudeam. Perscripturus sum postmodum ipsi VVendelino Astrologica nonnulla, quæ habeo præ manibus, quando illum studiis hiscè impensè deditum accipio. Interea verò ecce Author est Nobilis Fabricius, vt nuper Astroscopos Lunaris obseruationem hic inseram, quam ille abs te accipere possit. Mense itaque Ianuario proximè elapso die x x, (stilo nouo) obseruaui Eclipseos Initium in hac Ciuitate hora 7. min. 49. cum foret nempe Sirius altus ad Orientem grad. 21. min. 9. Principium Totalis obscuracionis hora 8. min. 48. cum foret scilicet Cor hydræ altum ad ortum grad. 14. min. 10. Restitucionem primam luminis hora 10. min. 25. eleuatur nempe eadem Stellâ grad. 28. min. 33. Finem denique hora 11. min. 24. putâ cum Pes sinister Orionis esset altus ad Occasum 26. grad. 37. Obseruationis circumstantias, & quæ exinde deduci possent hûc congerere non est operæ pretium, ne nimium peccem in patientiam, & humanitatem tuam. Sanè enim quem tu me virum, dic bona fide, existimabis, qui vix manum è tabula tollere posse videat, quamuis cursim & in prociñtu calalum arripuerim; Quid putas nempe facturus essem, si & cum otio, & ex oblata occasione scriberem. Vt cumque tu existimes; ego nihil aliud tot hiscè verbis testatum tibi volui, quàm summè propensam in te voluntatem. Quocirca & hunc finem facio, quod tuæ mihi beneuolentiæ noster esse principium. Bene ergo, mi Etyci, vale, Daham Aquis-Sextiis 1x. Kalend. April. an. æræ nostræ vulgaris M. D. C. XX VIIII.

## PETRVS GASSENDVS GAFFARELLO SVO, S.

**Q**uem libellum egregium ad me dedisti (mi GAFFARELLE) is mihi fuit iucundissimus. Qui scilicet lubens accepturus eram, & propter genus Argumenti, & propter Authoris iudicium; non potui profectò illum non complecti suauissimè, cum & illustratum vidi tuis operis, & obligatum symbolo amicitia nostra obseruaui. Ne tibi porò incestata fieret animi mei gratitudo, rem ecce statim significare per Literas volui, vt stimulos simul adderem ad pergendum, quo cœpisti pede in ingenuis hiscè studiis. Etsi enim Rabbincum studium, nescio quid illiberalè in ipsa fronte præferat; cum tibi tamen in hoc genere delectum esse puerideo, vt generoso animo Sparta hæc possit esse ornamento. Quod certe spectat ad hunc Authorem, quius tu Interpretem, & illustratorem egisti,

is mihi videtur non parùm à cæterorum Rabbiorum desciuisse ingenio. Quippe tantum abest, vt aliorum superstitionibus irretiat; quin potius perplexas eorumdem, & plusquam Gordias intricaciones non tam dissoluit, quàm discutit. Quare & subscribo desiderio tuo, cum vicem doles cæterorum huius Authoris operum, & faciliè cæteros, quoque noui Rabbiorum, si vnum Moscheh excipias, cum vnico isto commutari. Minime sanè dubium videtur, quin vir haud alioquin Christianus, mentem certè suam Philosophiâ excoluerit. Nam & hæc quoque abundè potest dedocere deliria, quibus aded proeliue est superstitiosa genti præpediri. Quæ forte enim quàm ingenuè sentit circa questionem propositam de **חיותו** **וי** seu tempore interitus Mundi? notum supponit ex ipsa lege Mundum tandem aliquando esse finem habiturum: at quantânam rationis luce coniecturas illas caliginosas discutit, quibus ducuntur cæteri, vt huic fini tempus præscribant, ratûnque ipsum habeant? digna hæc viro Christiano sententia; quippe de hac die (inquit Christus) nemo scit; digna & viro Philosopho. Etsi enim Philosophia minimè nos certos reddit, Mundûsne æternum duraturus sit: facile tamen suadere videtur non esse timendum ne ruina tanta impendat. Neque verò hic insinuo illos Aristotelis cachinnos, quibus tantum casum metuenteis homo profanus excipit; vt neque illas satis impias aliquorum adhortaciones qui securos nos esse iubent de extremo illo die videndo, qui cum iam imminere ante mille annos prædicaretur à Patribus, ecce tamen iam tam procul recessit, neque est dubium quin sit paratus longè vltèrius recedere. Illud potius innuere contendo, vt temerè faciunt, quotquot ex Christianis coniecturas curiosè venantur ad cognoscendum illum diem, quem Dominus, & Christus eius nos latere voluerit; ita peccare in Philosophiam, non modò quotquot certò statuunt dissolutionem nunquam iri Mundum: sed quotquot etiam hanc dissolutionem pro foribus esse certò autumant. Quamquam enim quod ad priorem illam partem atinet, maxima esse videatur secundum rationem naturalem persuasio, quoddam neque Mundus vnquam cœperit, neque sit olim vnquam desiturus. At tamen ea esse videtur rationis imbecillitas, vt cum Mundus non possit tunc corruptibilis pronunciari, censi tamen incunctanter incorruptibilis non debeat. Non habeant quippe Stoicorum, Epicureorûque Scholæ demonstrationes satis firmas, quibus ipsam Mundi ruinam stabiliant, certòque nos faciant,

— *Omnia paulatim labescere, & ire  
Ad scopulum spatio ætatis desissa vetusto.*

Quanam verò tamen illæ etiam sunt, quibus isti suam illam Mundum æternitatem adstruunt? Vix sanè quidpiam grauius ab ipsis proferri comperies, quàm quod eadem sit iam Mundi facies, quæ Patribus nostris est visa, quæ item Anis, quæ Pro-Auis; vt proinde & nati natorum, & quotquot ab illis nascuntur, visuri eandem æternum sint. Cedo verò quænam hæc est, quâ nos miscelli homunculi euehi gestimus.

gestimus audacia, uti ex aliquot perspectis hominum ætatibus decerpamus æternitatem? Ecce enim non condono solum 6, aut 6, annorum millia, quæ iuxta factos Codices à condito orbe deducuntur. Concedo etiam illa circiter 50000, ex principio vsque Philosophiæ, ut est apud Laërtium. Largior & illa 400000, ex nata vsque Astrologia, quorum Cicero & Diodorus meminere. Ecquid tamen totum hoc est, si cum debita tanto Animalis, quantus Mundus est, duratione comparetur? an non æquè facile Cornici illa hemerobia, quæ apud Pontum esse dicuntur, diuiparent immortalitatem? Quasi verò adamanti, aut, rebusque consimilibus, quæ superant hominum memoriam, ascensa corruptio sit; ipsi Mundo cum sæcula pro conditione tantæ molis, multiplicauerimus, propriam quandam exsolutionem ominari non liceat: Nolim porò existimes improbare me propterea, quod Rabbini noster habet circa Mundi senium: hæc nimirum alia, quæ dicebam in Philosophiam peccari, pars est. Sanè verò longè absum, ut illa admittam senectutis argumenta, quæcumque ipse reiicit; neque enim existimo nictum oculi, timentorem nianus, momentanum sudorem, aliæque similia magis esse argumenta senectutis in homine, quàm sint in Mundo Eclipses, Terra-motus, Diluvia, & quæ sunt alia eiusmodi. Hoc tamen volo, ut tacito pede, & non intellecta irreperit senectus in nos: cum illam ingruentem Acari in nobis existens (si illi mentem concedas) non possit deprehendere: ita Mundum quoque ipsum senescere posse nobis, qui aliqua ipsius debilissima pars sumus, minimè agnoscantibus. Rabbini autem hoc (ut opinor) pernegaturus non fuit, qui mihi videtur solum illorum temeritatem velle coarguere, qui leuibus adèd coniecturis rem adèd grauem definiunt. Eadem certè leui interpretatione exceperim, quem in eo lapsum quispian scrupulosior fortè animaduertetet, vbi de duo primorum Parentum. Neque enim tam negat illos diuturniores nobis existisse, quàm probationis ipsius debilitatem arguit. Cum nimirum, qua proportione humana ætas decreuerat ab Adamo vsque ad Dauidem, eadem quoque non decreuerit à Dauide vsque ad nos, qui limites etiam Dauidi præfixos plerumque prætergredimur, Poëtica sanè, & declamatoria argumenta ista sunt, ut & illa eiudem farinae. *Ætas Parentum peior aui, &c.* quæ ætate qualibet fieri Seneca etiam ipse obseruauit, adiecitque hæc ipsa esse hominum vitia, non temporum. Hinc cum solet in eandem sententiam illud Poëtæ obici,

*Et genus hoc vix iam decrescerebat Homero  
Terra malos homines, nunc educat, atque pu-  
sillos,*

Ut scilicet ostendatur Mundum vergere ad interitum: Posset quispian excipere, veterem querelam semper innouari, ratione alia nulla præstituta, quàm quòd rationis peruersitate laudamus semper Veteres, cum despectu præsentium; & si quidpiam nobis incommodum est, exaggeramus ea opinione, quòd quælibet præterita ætas auea præ nostra fuerit. Pro-

*Gassendi Epistola.*

fectò, si quidpiam in Mundo decrescit, immutaturque præ senio, illud in paucorum adèd sæculorum obseruationem non cadit. Quod enim spectat ad hæc nonnullas annorum Chiliadas, videtur Mundus in eadem semper variatione perseverare; adèd ut illud etiam verissimè v surpari possit,

*Non alium videre Patres, alium-ve Nepotes  
Aspicient;*

Quia scilicet quantumcumque varietas magna obseruetur in particularibus mutationum circumstantiis: in genere tamen eadem semper sunt, quæ in sæculis diuersis contingunt. Quo sanè sensu exposuerim illud: *Noui, quod omne, quod faciet Deus ipsum exit* יְהוָה יֵצֵא, illud quod Elcha noster attingit de Terra: ac Maris vicissitudinibus, longior rem sanè sæculorum exiget seriem, si ad decantatam vsque Aristoteli commutationem extenderetur. Verumtamen, ut nihil eo vsque durationem Mundi protendere cogit, ita id quod obicitur leuioris momenti est, quàm ut laboriosè soluatur. Præterco quod habet de Aquis Terræ eminentioribus, benignè etiam interpretandum. Etsi enim mihi inquam persuadere potui, quin vertices montium, & eorum præcipue, qui in mediis attolluntur Insulis (quidnam verò etiam Continentes sunt, quàm aliquæ seu Insule, seu Pen-Insule maiores) longius distent à centro Telluris, quàm circumstantis, allabentisque maris superficies: non videtur tamen Rabbini tam hoc inficiari, quàm arguere, etsi aquæ superiores Terræ supponantur, non sufficere tamen illas generali Diluio, cum Deus alias ad hoc negotium olim vsurpauerit. Illud leuius de Terræ totius motu impossibili. Ut enim taceam quæstionem non esse de mobilitate Telluris iuxta mentem Scholæ Samiæ; experientia nulla est, quæ totius Terræ molem probet aliquando concussam. Etsi ut potest totus homo contremiscere, impossibile non sit, quin tota quoque Terra contremiscat, attestante præsertim Scriptura ipsam à suis vsque columnis adèd tremefieri. Notus tibi Iobi locus est וְהָרָגוּ אֶרֶץ מְקוֹמָהּ וּמִכּוֹדֶיהָ יִהְיֶה צֶדֶן. Ad dolum illum locum de perpetua statione Telluris וְהָרָגוּ אֶרֶץ מְקוֹמָהּ, non videri prorsus vsurpandum, ut Rabbini Elcha accipit; neque enim intelligitur de perpetua Terræ in suo loco consistentia, seu hæc opponatur Copernicæ translationi, seu generali Terræ-motui, quem ipse Elcha sensum statuit, sed de perpetua conseruatione substantiæ, seu materię, quæ scilicet nunquam generatur, nec corrumpitur; & nec crescit inquam mole, nec decrescit; quantumcumque varias mutationes subiens, innumeras prope-modum formas quotidie induat, & exuat. Hoc est enim, quod Ecclesiastes antecedentibus verbis de generatione vadente, venienteque subindicat. Iam illud etiam pari ratione, qua superiora interpretandum, quod Solem, cæteraque Astra naturæ suæ nec calida, nec frigida esse Philosophiam docere insinuat. Nimirum ipsi satis fuit hanc visam Aristoteli, Peripatōque ipsius sententiam; quamvis quæ opposita est, & experientia, & ratione videatur probabilior, Argu-

B mentum



mentum enim ipsius videtur, quæ Astra non minitarentur interitum Mundo, existentia licet calida, & ignea; non habere quorsum id moliantur, cum non ignobilibus Philosophis attestantibus non sint ex se feruida magis existimanda, quam calida. De Sole certe id sponderim, cuius tamen igneis maxime sentimus. Ille enim non est Mundo ad interitum; sed potius, ut cor homini, ad incolumitatem concessus. Addiderim cum idem Soli eadem Terræ partem quotannis inuisat, & desertas faciat: cum annis inter singulis Apogeeum petat, Perigeumque repetat: cum denique suam continuò, licet insensibiliter (præter variationem latitudinis) eccentricitatem variet (quod ille Cælum inclinari dicit) exinde tamen non ipsam Mundi demolitionem existere, sed Rerum potius summâ sic nouari. Excursus enim, & recursus illi necessarij sunt ad inducendam illam variationem, ex qua Mundi perfectio est. Quod ille porro obiter dicit de Instrumentorum fallacia in Cælestibus obseruandis, non omnino abnuem; id nempe solum testari possunt, qui sortiti sunt Cæli suspiciendi venerabiliorem curam, ut Trismegistus loquitur. Quamquam nihil gloriæ propterea decedit illis Cæli Interpretibus, quod Organa satis idonea Cælestibus obseruandis, hypothesebûsque suis stabilendis nacti non fuerint; cum non ideo id esse deserint argumenti reperto- res, quo Deos, Hominesque videntur, si mihi cum Plinio ita loqui liceat: sed hæc alterius loci sunt. Superest itaque hoc vnum, quod attingam circa Eclipses, admirari scilicet me quorsum Rabbini præter naturalis simul, & generale Eclipses in Sole supponat; cum nulla alia præter eam, quæ patiente Christo contigit, eiusmodi fuisse memoretur; & ipse minime Christianus non videatur illam probaturus; idque præsertim cum nullus Ethniorum, quorumque illorum temporum conscripserunt historias, illius meminerit, solusque Phlegon ille Trallianus, citatus Eusebio, quæ Tiberij Principatum Eclipsim quandam retulerit, quam-ne in Plenilunio quidem, attestante Origene, asseruerit contigisse. Verum & ex hoc capite, & ex eo, quod ipse obseruasti circa Diuini Messie aduentum, facile intellexero non fuisse illi animam à Sacra, & Christiana nostra religione penitus auersum. Quod isto porro loco notas Scaligeri lapsus de Eclipsi לילא appellata, quod in ipsa Luna creditur à veneficijs percuti, adiciens Lunam deficientem percussam potius appellari, quod tum mentis hominum terrore percutiat: Tibi sanè quam multum assentior. Siquidem vulgus hominum patientem Lunam conspiciens stupet, rigescit, & aliquid is persimile habet, qui dicuntur isti fulmine. At fortassis tamen Scaliger non omnino caruit coniectura, cum præsertim vox hæc à Rabbinijs usurpata primum videatur, quo tempore versabantur apud eas Genteis, quibus eiusmodi persuasio erat familiarissima. Illæ enim, ut notum est, peluis & tiutinnabula pulsantes, credebant se tum posse Lunæ laboranti succurrere, cum strepitu illo veneficia, quibus liuesceret, arcerent. Hæc certe de causa videtur Temesæ fuisse appella-

ta, quod quadam quasi percussione temerata deprehenderetur, & Medea venefica tum illam sic vocat, tum illam plagam suis veneficijs infligi, quasi obicit.

*Te quoque Luna traho; quamvis Temesæ labores*

*Astra tuos minuant; curris quoque carmine nostro*

*Pallent; & pallent nostris Aurora venenis.*

Vtrumque sit, potuit quoque circa has præstigas appellari Eclipsis percussio, quod luminaria Cælestia solita luce destituta perinde liuida appareant, ac illi, qui ictus, plagæque vehementiores excipiunt. Quamquam neque Rabbini defuncti, qui ex illa vltiore in Scripturis sacris Radice Eclipsim appellant לילא uti Aben-Esra scribendo in Exodum, & alias, non in Exod. 13. semel. En tamen quoniam abripior: quasi verò cauere non debeam ne Sus (quod aiunt) Mineruam doceat, aut quasi gratulatori ob acceptum librum scripturus Epistola, velle videar alium ipse librum illo maiorem conscribere? verum quid tu hæc facias: cum & ego ea sim indole, ut quantum possim quicquid accipio, nisi cum vsura non reddam, & existimaui non posse me vllas tibi vberriores gratias agere, quam illam breui exercitatione perlustrato materiam, quæ videretur carissima, gratissimamque tibi existisse. An non boni id consules, qui intelliges facile nihil in me fuisse amicitia nostra & professione dignius? Etsi neque capita omnia percurrere vltum est, (quam fuisse enim hoc impertunum?) neque pauca hæc, quæ decerpta vides, attingere in animo fuisset, nisi facile pensissem, posse me, si hoc agerem expectationi tuæ respondere. Et verò tamen quomodo feres, si præterea iam interpellare te ausim, quorsum Hebraicum textum è regione tuæ interpretationis minime collocaueris? Quod tibi fuerit consilium, nescio, neque is sum, qui penitus quidpiam velim intrespicere: patiere tamen libere dicam, esse me in ea opinione ut si apposuisses Rabbini contextum, facturus fuisses Viris studiosis rem gratissimam, & tibi sanè non indecoram. Hoc autem dico, ut si quando fortè hunc libellum prælo iterum committas, thesaurum nobis illum non inuideas, qui alioquin rarissimus est, & fortassis, anisi tua succurrat industria, naufragium quoddam altum passurus; ac non inuideas etiam tibi gloriam, quæ ex germanæ interpretationis, conformitatisque cum Textu collatione profectura est. Verum tu hanc quoque meam libertatem æquo accipies animo: neque enim tibi hisce verbis tam admonitionem expono, quam votum. Restat iam vt pauca subiungam circa ea, quæ mihi voluisti de Patre Merlino innoscere. Illud verò (vel Genio tuo bono annuente) primum profitebor, esse, quod virum illum suspiciam, & amen certe quam plurimum. Et meretur enim inter Viros nostri sæculi eruditissimos numerari; & me ab ipso præterea sic amari sentio, vt non possim ipsi, si velim, non esse denotissimus. Neque verò licet inter vos aliqua fit oborta dissensio, aut tu propterea is es, qui peremptam velis meam tecum necessitudinem, aut ego is, qui propterea debeam facere cum ipso

ipso diuortium. Tu enim maiore candore, ego maiore constantia sum, quam ut tale quidpiam, aut tu fornices, aut ego aggrediar. Generosior certe tibi animus incumbit, quam ut frangaris delicato illo popularium hominum affectu, qui amicis nuncium remittunt, nisi in eos, quos ipsi oderunt se gerant infestissimè: & me iampridem Philosophia docuit immota fronte contueri hanc rerum inconstantiam, ac leui aliqua de causa non discedere ab eo, quod mihi non sine ductu maturiore propulerim. Id vnum mihi dumtaxat dolendum, quod ut inter saxum, & sacrum, hinc inde non nisi iniucunda videam; neque ea sim felicitate, ut qui iunguntur in me tertio, iungantur ipsi inter se. Quodnam meum putas proinde votum, nisi ut querelas reciprocas, repetitâsq; audire desissem, & vos eo nexu benevolentiae reuinctos accipiam, quæ homines, quæ literatos, quæ Sacerdotes, quæ Christianos deceat. Ac video sanè te eò propendere, ut per te non stet, quin omnia deinceps pacatissimè peragantur. Quam hoc laudo! sed amico viro hoc satis non est; exopto enim vos quoque in gratiam perfectissimam redire. Ecce & hac ipsa de te scribere ad illum in animo habeo, neque me sic spero forte infelicem, ut obstetatus nihil consequar. Et quod ad te attinet, maius quidpiam mihi de amicitia nostra spondeo, quam ut rem mihi aded gratam neges. Equidem non memoro hic qua in re tu illum, in qua te ille offenderit. Absit enim præter voluntatem, absit præter meum institutum, Camarinam hanc moueam. Hoc solum velim, ut præ oculis (& neque graue id haberes) existisse temet priorem, qui induciis non steteris: ac proinde ducas illa tua generosa dignum indole, quâ hastâ damnum factum fuerit, id quod interest, per eandem præstari. Cedo autem, quam gloriosum tibi fuerit, si Mersennus, ut ille olim dicturus tibi illud videatur, nã tu vir longè optimus es, qui resarciendæ benevolentiae tale initium feceris? Hinc valde probo, quod te dicis scripsisse in Germaniam, ne Amama aduersus illum calamum suum acuat (quamquam is ille, opinor, non est, qui quempiam multum pertimescat) ita scilicet imitatis exemplum Christi Domini: sed cum hac via iam institeris, nostri non esse retrò respectandum. Quod de Fluddo adiciis; nescio an nôris nauasse in eam quandam Reuerendo Patri aduersus illum operam. Mens iam est, ex quo ad ipsum meam censuram misi duorum illorum operum, quæ Nundinis Autumnalibus aduersus eius Commentaria accepisse potes Fluddum emisisse. Hoc autem egi, non tam quod ille meâ egeret industria, quam ut me comprobare natum ad Amici obsequium. Addis ad calcem aliquid de emittendis illis meis in Epicuri Philosophiam elucubrationibus. Id habeo sanè gratissimum, quando & mea tibi studia innotuerunt: neque vereor, ut quos liber tuus lectoris æquos nanciscetur, mihi propter eâ succenseant, ob quæ sitam illam Epicuro apud vulgus infamiam. Facillimè enim nosse poterunt, quod Seneca habet,

*Gassendi Epistola.*

Epicurum sancta, & recta præcipere; cuiusque Sectam malè quidem, sed immeritò audire, quodd sola voluptatis vox fronti præfixa, & prauè accepta, fecerit locum fabulae. Emisissim porro iampridem commentationes illas meas, si aut datum fuisset diutius alicubi interquiescere, aut schedas meas in scriniis semper apud Patriam non reliquissim. Nôsti enim quot iam annis studia mea sint variis negotiis, & peregrinationibus interrupta. At dabit Deus his quoque finem, cum id quidem ipsi visum fuerit; tumque votis & Amicorum, & meis satisfaciam, ac præmissis, quæ supersunt Anti-Aristoteleis exercitationibus, Epicureas, de quibus scribis, continenter subiiciam. Vale interea mi GAFFARELLE, & quo iampridem cepisti affectu, me perpetuò prosequere. Dabam Aquis-grani in itinere, posttridie Non. Martij, Anno salutis Æræ vulgaris M. DC. XXI.

## GOTTIFREDO VVENDELINO

*Viroy eximio,*

PETRVS GASSENDVS S.

MÆrcbis, non hæreo (Suauissime VVENDELINO) cuius aut vnde Epistola. Quidni? hæc enim ego scribo nomine tibi ignotus & vultu. Scribo, cum tam procul à meis, tam propè à tuis absum laribus. Ne mirere tamen: ls lum, qui tuam cruditionem merito suspiciens, te spectaturus hæc accesseram. O mea Sors! tu inde abfuisisti; cumque non ab sis iam maximum, ecce tamen hoc tempore maximum Chaos interiectum. Plena sunt omnia milite, vel confusione potius militari; plena omnia periculis. Testem affectus videndi tui citare possum tui verè amantem, Erycium illum Puteanum dico; illum, quo Artes, ac Literæ bonæ nullum maius ornamentum, aut sæculo nostro naçtæ sunt, aut consequente æuo nanciscuntur. Ipse est, qui accindum me ad te conquirendum, pro sua illa rara humanitate prohibuit. Prohibuit, quoniam dissuasit; præclare sentiens non expedire, quidquid sine discrimine aperto non liceat. Quid facerem? discederem longius, te in salutato, etiam per Epistolam? Non feci, non tuli. Hisce itaque paucis versibus, quam possum salutem iam dico: dicturus coram si Deus adspiret. Speraram tecum communicare commentationes aliquot meas argumenti Astro-nomici; sed vel sperandum amplius, vel res literis demum peragenda. Symbolum hic tibi interea resigno meæ in te obseruantia: Selectas, inquam, duas observationes, quas fat scio, iucundè accipies. Vna est Eclipses Solaris peracta Aquis-Sextiis, cuius loci latitudo est 43. grad. 33. min. ante annos octo, eodem die, imò eadem hora anniuersaria, quam iam refero. Scilicet anno Æræ vulgaris 1621. die Maij 21. stylo Gregorianp. Idque mane deficere cæpit Sol hora 7. min. 5. sec. 28. Desiit hora 8. min. 18. sec. 20. cum creuisset obscuratio ad digitos vsque 9. min. 23. Altera Eclipses Lunariss, quam peregi item Aquis-

Sextiis,

Sextiis, superiori anno 1628. Contigit illius Initium die Ianuarij 20. à Meridie hora 7. min. 49. Totalis obfcuratio hora 8. min. 48. Recuperatio luminis hora 10. min. 25. Finis hora 11. min. 24. Adhibitum porrò ad vtramque accuratum studium. Iurare aufim vix vllam vnquam Solari factam exactiorem. De Lunari idem dicendum; quantum per penumbra illam initialem, finalemque licuit. Prioris momenta habita ex Sole. Cùm ego enim Solis Radios Optico tubo traiectos circulo albo exciperem, aderat loco commodo Prior ille Valletæ Galterius, quem nosti, vt Solis altitudines ad scrupulosa tempora indaganda venaretur. Posterioris habita ex Fixis: hifce enim noctu collicentibus, cautioneque adhibita horologium nullum tutius. Nihil necesse accensere, perscriberetque singula. Cum præsertim si quidpiam forrè his rebus indigeris, communicare paratus sim, & plura & ampliora longè. Contendo iam Antuerpiam, redinurus postea Bruxellas, vt exinde si per bella liceat, repetam lustrationem ceptam superioris Germaniæ. Tu si fortassis aliquid officij, bona mea forte, à me exigas, literas dare poteris Parisios ad Puteanos Fratres, Viros illos ingenuos, quibus demandata nobilissima Bibliothecæ Thuana cura. Ij nempe transmitti curant, vbi cumque Gentium sim, quidquid seu ex Prouincia, seu aliunde mihi consignatum habent. Hac ceterè via etiam nudius-quartus accepi à Nobili illo Senatore Petrisio, quicum de te sæpe collocuti sumus, declinationem Patheliarum siue Solis quintuplicis Romæ nuper visi die Martij 20. Illius exemplar attexam huic epistolæ (lubens enim, opinor, videbis) nisi forrè discessum comitatus vrgeat, exscriptionemque impediât. Deesse putò aliquid: sed effugiabo qua par erit fide; piaculum enim propter coniecturas addere quidpiam obsecratis, aut deträhere. Hic præsertim, cum hac forma sit, quam ad Amicum illum nostrum Illustrissimus Cardinalis Barberinus misit. Tu bene Vale, mi VVENDLINE, & quæ studia colis, excole perpetuum. Rescui illa cùm ex editis elucubrationibus: rumex habitis cum bono, & docto Perauio colloquis; rum nunc ex Puteano, Musarum delicio inexhausto. Digna sunt tuo ingenio; digna sæculo erudito. Incumbe solum, & me ama. Iterum Vale. Louanij xii. Kal. Iunij, Anno salutis, Ætæ vulgaris M. D. C. xxi. x.

*Viroy Incomparabili ERYCIO PVTEANO,*

PETRVS GASSENDVS S.

**E**teras ecce, mi PVTEANE, mihi traditas, tibi consignandas. Hoc curo: sed vide interea, compensationem vt exigam. Adtecto enim literas, quas Fieno nostro cures consignari, Si licentiam miraris meam, comitatem ego tuam specto. Ago familiariter, ago confidenter; imò ago præterea, quod superas, Videlicet hinc non consisto;

amplius audeo; contendo plus vltra. Pecco; & o me lepidum! non efflagito veniam; humanitatem tuam accuso. Quidni! hæc, vt eximia est, libertatem peccandi inspirat. Quæris quid hoc sit? cum Fieno scribam, hoc ipsi mando, vt si quidpiam rescripturus sit, literis ipsis te oneret, quas tu ad me transmitti procures. En meam audaciam! sed te respice. Aut non debuisti me sic amare; aut ferre iam amicum debes, amantem quidem; sed non moderatum. Vidisti porrò quid VVendelino, si quid mea egeret industria, indicauerim. Significaui, vt literas destinaret Parisios ad vtrumque, aut alterum ex illis Fratribus Puteanis (vulgò *du Puy*) qui Thuani illius Præsidis illustri & laevis colunt, & libros curant. Hoc moneo; vt hac quoque via communiceus postmodum. Mihi ceterè nihil carius vnquam, nihil iucundius esse poterit, quàm vt hanc nostram amicitiam colam. Ganduum nunc, oràmque illam lteriozem visurus discedo; hinc si appellem iterum (continget autem, si quidem contingat, tertio, aut quarto ab Idibus die) requitax ex tuo Chiffetio, qui valeas. Vtinam bene, imò optime. Scripturus fueram aliquid circa Olympiadas, ac circa etiam Pathelia illa Romæ nuper obseruata, quorum tibi schema est à me ostensum: sunt enim loca Paterculi, Plinii, Suetonij, Dionis, aliorum, quæ collata negotium facessant. Ar aliud iam tempus expectandum est. Inrerdicto agendum cum Fieno. Postquam enim has hier accepi ad te literas, cùm ad ipsum, priusquam ad te scribere cœpissẽm, nescio quæ calamit luxuries abduxerit me, destinatumque, & debitum tibi absumpserit tempus, sed pensabitur aliàs. Vale, PVTEANE optime, ac inc porrò amare perge. Dabam Bruxellæ in ipso discessu, vii. Id. Iunij, Anno Ætæ vulgaris M. D. C. xxi. x.

*Percelebri ex eximio Viroy D. THOMÆ FIENO, in Inchyta Louanienfi Academia Professori Medico Primario,*

PETRVS GASSENDVS S.

**Q**uam grato, mi FIENE, quàmque vberè re comineatu me discedentem instuxeris, haud explicare facillè possum. Ecce enim docti libri lectio non viarum modò leniuir molestias; sed epulas quoque iucundissimas in diuertorio ipso apparauit. Vix conuixi ceterè sodalibus meis, vix interqueui, donec totus mihi liber deuoratus est; non committendointerea, vt vel mica aliqua excideret ingulata: Ita nimirum cupidè in librum inuasi; ita auidè quæcumque in illo conscripra attipui. Er optaras tu, vt legerem semel? Scilicet optaras vt ignis arderet, vel lapis sponte decideret. Qui illam enim philosophandi libertatem tantopere amo; haud hærebam illum mihi abs te librum traditum, in quo amica Veritas, in quo Plato amicus placeret. Deum verò immortalem! quàm non inanis me lactauit spes!



spes! quàm multa passim agnoui vestigia generosi animi! quàm sæpe quasi subfili, propter ingenuam indolem, qua te veritate, quæ philosophia dignum iudicasti! iam enim Veri inquirendi libertas propè adempta est; vixque è multis millibus reperire vel vnum licet, qui non ex opinionibus præiudicatis philosophetur. Proh pudor! non audere se, qui sese philosophos iactant, reputare homines; timereque ne si bacillo autoritatis non innituntur, nutent, labascant, corruant! quasi verò errorem proinde à veritate discernere possint, qui palato alieno sapiunt; aut quasi verum aliquid proferre vnquam valeant, ex quibus citius impetres, vt dormienti leoni barbara vellant, quàm vt abstrusum aliquid per se, ac seridè perscrutentur. Quin etiam afucti, vt nocturnæ nocturnis suis igniculis, nihil vereri magis videntur, quàm ne Sol exortus pellat tenebras; siquæ gaudent suis illis, quasi latebris, quò non ferant se educi in auras, quò liberiores, quò illustriore, quò humaniore celo fruantur.

Verum tamen ne retexam longius querelam istam veterem, accedendum potius propiusque ad eam illam Apologiam, pro qua elogium sanè texerem, si hederà, quod aiunt, egeret. Tu scilicet eum Athletam agis, quicum non debeat contendere, nisi, qui velit deici è gradu. Tu sic ad pugnam te comparas, vt tibi semper victoria concolor alis se commitem præbeat. Quamquam certè nactus hinc es Antagonistam egregium; illum tu tamen sic excipis, vt consistere nullibi patiaris. Mille formas induat: Herculeæ tibi non deest ars; qua omnibus superior euadas. Singula quid prosequar? cum ille præterit quiddid pro communi præstari potest sententia: tu pro tua sic dimicas, vt causam vbique obtineas. Quidni! cum tibi non industria desit, non argumenti præstantia: illum vt artificium iuuat, sic gratia cause destituit. Hinc cum laudarem illius conatum: ob successum tamen tibi gratulor; existimoque, bona tua sorte, exortum fuisse aduersarium, in quem tam strenue, ac feliciter vires tuas experieris. Commendandus ille inter cætera, quòd id curare maximè videatur, vt Religiosa Philosophia sit: Tu mihi, vel eo nomine commendandus maximè videris; quòd philosophicam materiam pertractes philosophicè; id tamen curans interea, vt sua Religionis maiestas seruetur. Ac sanè quidem vbi Religio præscripta nobis aliquid: temeritas, imò furor est, in oppositum quiddam mulstare: Cæterum autem, vbi aliquid definitum expresse non est, sed obest scrupulorum quorundam opinio, qui nescio quas confectiones pro suo deriuant arbitrio: quid, amabo, necesse est Philosophiam totam exturbare? An-non scaturigo hæc est, ex qua tot absurda commenta in Philosophiam defluxerunt, vt quæ vulgò iam circumfertur, non Veritatis studium, sed anilium deliramentorum tyrocinium appareat? verum & istud ad querelam spectat.

Quod itaque ad Apologiam argumentum attinet; digna sanè materies, quæ nostra interdum ingenia exerceret. Quid præclarior

*Gussendi Epistola.*

enim, aut iucundius nobis, quàm nostram nosse originem; disquirereque ex quibus initiis, per quæ incrementa robur acceperimus? Etsi enim nobis, qui Christiani sumus, constitutum semel esse debet, Animam, quæ rationamur, non esse ex tradice, sed à Deo terminatio creati, nobisque infundi: adhuc tamen plurima restant, quorum inuestigatio pulcherrima sit, ac illud inter cætera, de quo vos inter lis agitur, quoniam scilicet tempore Anima incipiat fortum animare. Res abstrusa, fateor, & ex qua fortasse vix vnquam, quæ nostra caligo est, illibatam veritatem explicari liceat: sed Veri tamen similitudo quam venari vtcumque licet, conditionis eius est, vt voluptate maxima disquisitionis laborem compenset. Tu, si fatearis quod res est, quantam mentis oblectatione delinitus es, chim superatis molestiis opinionis illius vulgaris; accessisti ad illam tuam, quæ visa fit tot paralogis esse verisimilior! Hoc nempe est, quòd Cicero dicit, Animam compleri voluptate humanissima, quando occurrit aliquid, quod verisimile videatur. Ita adhuc loquor, mi F I E N E, neque tu ipse, qui candor est tuus, potes id agrè accipere. Quamquam enim sententia tua est recepta illa longè probabilior; non tamen adhuc iurate ausis id, quod ipse opinaris, esse Veritatem ipsissimam. Modestia sanè tua maior est, sat noui tuum genus, quàm vt credas, tam facile esse Verum inuenire, ac est falsum conuincere. Ingenue potius cum Socrate, Veritatem Diis, Deorumque filiis relinquens, sufficere arbitris; cum similitudinem Veri assequutus fueris: neque verò quicquam gloriæ propterea decedit inuentio pulcherrimo; nam & hoc ipsum maximum est, cuius si benè nos nouimus, imbecilla nostra natura est capax: & laboris heroiçi est inde recessisse, quò se errores congerunt; eò processisse, vbi rara Veri similitudo affulgeat. Hinc facis profectò perquam eleganter, cum diem tertium circiter animationis assignans; à momenti tamen ipsius designatione abstinens. Vt te enim propius collimasse meritis subolfacis; ita præclare subindicas superesse adhuc scrupulum, cuius exemptio videatur opus humana omni solertia maius.

Patiere-ne porro, dulcissime F I E N E, vt & ego quiddam attexam ex meis insomniis? Refero certè ad felicitatem, quòd eodem penè tecum argumento contigerit mihi à communi opinione recedere. Etsi enim in eo dissidebam; quòd animatum semen arbitraret: consentiebam tamen in eo, quòd absurdè trigessimus, aliùve dies expectaretur, quo Embryo perfectè formatus Animam reciperet. Probabilius enim longè videbatur, vno, eodémque tenore fieri organorum elaborationem ab ipso vsque principio; neque adesse vllum momentum in tota serie consequente, quo sic parata essent omnia vt momento antecedenti apparatus sufficiens non esset. Quippe si die vigesima nona, quiddam adhuc ad organum perfectionem desideraretur, exstimabam etià de futurum aliquid & die trigesima & quadragesima & centesima, imò & à nativitate, & ad ætatem vsque adularum. Quemadmodum si

idonea fuisset trigesima die conformatio, fuisset quoque rebar vigesima nona, & vigesima, & decima & quinta: & prima. Scilicet serie non interrupta, à rudissimis vsque rudimentis ad extremam vsque perfectionem progressus fieri videbatur; & si tempus expectandum foret, quo rationalis Anima elaboratis propriis organis induceretur in corpus, expectandos autem non menses, sed annos; neque enim certe trigesima die affabrefacta, & ad actionem comparata eius organa. Mea itaque sententia erat, quo momento semina Parentum excepta, seque complexa & commixta in vtero essent, adesse Deum, qui Animam crearet, massulaeque illi semineae (cum iam scilicet Anima Parentum in ea defuisset) infunderet. Vt verò tunc propè ad tuam accedebam sententiam: ita iam tibi do prorsus manum, si complexio, commixtioque illa duos vel tres dies fortè exigat, & ad hoc vt massula resideat, omniaque se pacificè habeant, priusquam possit Anima inexistens suum illud opus aggredi. Quod si fortassis non videatur tantum ad hoc temporis exigi, neque feriatio adeò diturna in materia semineae necessaria iudicetur; non hæreo, quin tu sis etiam ex illo tuo triduo quidpiam adempturus, & (si re esse videatur) ad primum vsque momentum venias. Certè vbicumque hæreatur, in hac intercapedine, rationes tuæ semper militant, eademque semper patet ad factas obiectiones, responsio. Adicerem hinc aliquid, nisi quæ tua solertia est, ipse omnia præoccupasses. Quid enim possit desiderari ad illa, quæ habes; seu de generali notione instrumenti (quod ego maioris cuiusdam claritatis gratiâ soleo dicere vel adnatum, vel adsumptum) Seu de instinctu facultatis, Animæve conformatricis (qui sanè prorsus à nostro vulgari ratiocinio distinguitur) Seu de impressis semini ab initio simulachris (quo loco prorsus improbanda non videtur Paracelsi mens) Seu de non necessaria ad existentiam Animæ corporis organisatione (cui opinioni præluxerat, quæ mali fuit præcipua radix, definitio Aristotelis) seu de aliis quibuscunque.

Præstat itaque subicere alias ingenij mei commentationes, dum hanc tractarem materiam. In scopulos impegi varios, neque enim proficere pudet verum vt ardor Veritatis etat, quo tum sentiebam me abripi: ita iam adhuc memorare iuvat, maxime verò apud te, qui & ipse es Veritatis tantopere amans. Primum itaque suspicabar viuere factum Animâ matrem, quandiu esset in vtero. Vt enim arbor fructui immaturo non alimentum suppeditat modo per adnatum pediculum, sed per ipsum quoque transmittit animæ suæ particulam, qua fructus formetur, nutriatur, adolescat, perfectus euadat: Sic videbatur mater per placentiam in vtero suo aggeneratam, perque vasa vmbilicalia ex vtero nascencia non alimentum transfundere modo, verum Animam quoque suam sic producere, vt factus ipsa informatus elaboraretur, vegetaretur, perfectionemque acquireret. Et vt fructus animulam illam sibi paulatim quasi propriam facit, eandemque secum deuclit, vbi maturus iam ef-

fectus diuellitur sponte ab arbore sua ex abduktione pediculi; ita videbatur factus animulam suam sibi paulatim vendicare, maturescensque illam abducere, dum abruptè ex vtero placentâ ita profileret, vt res per se suas agere quasi inciperet. Conspiciebam porro Animam hanc factus compositam ab initio ex delatis per semina patris, matrisque animalis, adeò vt illa huic infereretur, vt fursuli anima solet trunci arboris animæ; sic nimirum vt, velut ex trunco tota est deinceps vita arboris: ita ex matre tota deinceps pendeat factus vegetatio. Imaginabar animulam hanc simile aliquid habere cum filio-familias, qui ante emancipationem familie paternæ est pars; postquam emancipatus est, consistit per se, ac familiam facit. Argumentabar, si potest palmes subter terram ductus, vitique suæ adhærescens, agere radices, vitæque per se sic formare, vt paulò post vire matricæ amplius non indigeat: cur factus matri suæ adhærens & corpore & Anima, non sic posset concipi in vtero, quasi plantatus, vt post debitam formationem à matre veluti resectus, posset per se se existere? Addo iam aliud somnium. Allu-bescebat concipere fecum proprium quandam, atque distinctam possidentem Animam. At vero illam opinabar ex Anima adhuc Parentum deciduam cum ipso nempe semine. Quippe vt granum ex Planta deciduum feruare animam videtur; neque enim mortuum videtur, aut est, nisi vel igne torreatur, vel alio casu esset animam, quæ quamprimum Terræ gremio debite fouetur, vires suas explicat (torpente prius defectu materie, debitorum conceptaculi) ac formare aggreditur Plantam illi similem, cuius pars fuit, aut in qua resedit: Sic videbatur semen Patris antea generationis actû excretum deuclere fecum Animæ particulam, quæ excepta in vtero sic elaboraret congeneram, aggestamque materiam, vt exinde formaretur Viuens illi simile, cuius pars ipsa aliqua fuisset. Quod si adhuc Anima illa dicenda foret *intra vitam* corporis organici; videbar mihi eam in semine agnoscere partium heterogeneitatem, quæ cum adultæ animæ minime sufficeret, satis tamen esse posse subnascenti intelligeretur. Quantumvis enim diuersitas illa dignosci sensu non valeat; ratio id tamen intelligit ex varietate illa partium, quæ se exinde paulatim prodit. Censebam porro Animam aduenire iam edoctam, quam deinceps aggreditur organorum elaborationem ex generantis corpore. Omnes enim Animæ partes, quæ sunt in quolibet Viuente, videbantur esse eiusdem rationis; adeò vt quidquid cetera præstarent, præstare posset quælibet tanquam ideam continens omnium. Iuuabat me exemplum rami resecti ex falice, arboræve simili (quanto verò magis semen, cuius præcipua Animæ cura?) Postquam enim hic ramus est satus, agnoscimus animam ipsius non modo fuisse eruditam, cum pars esset in falice, fundere ramos & folia: sed fundere quoque radices; quod alterius partis animæ videbatur proprium munus esse. Ex hoc colligebam animulam inexistentem generantis semini per se idem posse, quod totam residuam;

residuam; decidamque deuenire secum illarum omnium partium ideam, quas cum reliqua informabat. Vide & assuetam nutritioni, & conseruationi, seu continuæ corporis generantis conformationi, pergere opus quasi inceptum in semineo corpulculo; agere idem, quod antea agebat; verum tamen debiliter primum, pro suo modulo, ac ténacritudine, prout noua ac demandata agendi ratione à cæteris partibus. Deinceps autem quasi paulatim se colligendo, roborando, opusque magis idoneum, seu materiam præparatorem nanciscendo, longe animosius.

Enimverò quandoquidem in neutra harum opinionum consistendum mihi erat, quod iuxta utramvis filij Anima portio fieret Animæ Parentum; cum Fides tamen Sacra doceret Rationalem animam, vt immaterialem, ita indiuiduam esse, ac à solo Deo ex nihilo producibilem. Idcirco vltius disquirendum fuit, num distinctione adhibita alterutrius probabilitas cum Sacra Fide posset conciliari. Porro illud statim occurrit, quod nonnulli etiam Catholici descendunt, videlicet Animam humanam ex duplici parte compositam esse, Vnam nempe immaterialem, ac intellectuam; Alia corporea, & sensitiua: Sensitiuam autem vt dispositionem in corpore perexigi ad alliciendam Intellectuam, detinendamque, seu vinculis. Quamobrem inde efficiebatur, vt solam partem sensitiuam concederem detuari à Parentibus, ratione vtrius iam exposita (hæc scilicet, quod animabus cæterorum Animalium analoga esset, sufficere videbatur ad delineationem animalis corporis) cæterum autem proficere Rationalem partem adhuc superesse, quæ crearetur à Deo, infundereturque in corpus, statim atque decisione facta, seu factus, seu feminis, rationalis Anima Parentis seu factum, seu semen informare desinere, solaque portio animæ sensitiuæ superesset. Accessit modus paulò diuersus conciliationis huius faciendæ ex antiquis Philosophis. Isti siquidem animam, quam nos vocamus sensitiuam, cum adnexa vegetatiua, per totum corpus sic fusam volebant, vt conciperent eius quasi florem, seu animæ quasi animam, in solo corde, aut cerebro constitutam sedem habentem. Hæc verò erat illis Mens, Animus, Intellectus, Ratio, τὸ ἡγεμονικόν, pars princeps, vtriusque verbo celebrata illa diuinæ auri particula. Quocirca & ipse videbar asserere posse filij animam per totum nempe corpus diffusam, deciduam esse à Parentibus, adesse verò in ipsius seu corde, seu cerebro, noniam florem materię, sed diuinam illam energiam, à Deo creatam, corpori infusam, & animæ agglutinatam, qua parte hæreret, seu cordi, seu cerebro, idque tum demum cum expediret. Vtuncque foret, videbar mihi peroptimè explicare posse duplicem illam Animæ portionem superiorem & inferiorem nostris agnitam Theologis. Deinde etiam declarare causam quare hominis generatio verè dici possit productio viuientis à principio viuente coniuncto in similitudinem naturæ. Quare filius dicitur pars, & imago patris, neque minus debet Parentibus suis, quam debeat suis bru-

tum animal. Quare cum homo vna sui parte superstes sit, Angeloque factus paulò minor; altera tamen similem fortuari iumento ortum, & interitum, cæteraque similia, quæ si vigeantur serid, non sic facillè expedientur ex vulgari sententia.

Sed finem facio, mi FIEBENS; quousque enim digrederer, si recensere singula vellem, quæ circa istud argumentum excogitata alias, disputataque à me sunt, addidis etiam solutionibus ad bene multa, quæ obiciebantur. Hæc attigisse satis sit, prout occurrerunt, seu redierunt, potius in mentem, vt præter gratum animum reponerem etiam aliquid in numeris compensatiohem. Etsi enim somnia rependo, cum tu omnia tam serid; sic me tamen habeo, fore vt boni consulas quidquid nugatur hic loci reperies. Alij certè neque ista, neque hoc modo scriberem: Tibi, cui notum quanti sit ipsum ingenue philosophari, ingenium hoc meæ Philosophiæ credere volui specimen. Quare qua dedi, ea mente accipies. Cum hac temperate, nomine permulti, re perpauci Philosophi sunt; alloquor te vt vnum ex iis, qui sunt maioris & melioris notæ. Si quidpiam fortè desideretur, minimè ignotas mores temporum; & vt possis, cætera, affectum certè non desiderabis. Memor sum illorum complexuum, quibus non semel me deuinxisti: memor affectus, quo mei amans, me redamantem esse voluisti: memor muneris, quo me obstrinxisti: memor denique virtutis illius, qua præsentia famam augente, mihi perspicue innotuisti. His itaque nominibus sum affectissimus tibi, & obseruantissimus. Tu me, vt ceperisti, sic amare perge, Quod me attinet, ego te amare, colereque nunquam desinam. Saluere opto, si per te liceat, & Theologum doctum Fromondum, & professorem iuris Andream, & collegam tuum Castellanam Academicæ Lumina. Epistolam hanc tibi consignabit vir ille clarus Erycius Puteanus; tu si quid opus obsequio meo habeas, literis ipsi ad me creditis significare è re tua erit. Discedo cras manè Gandauum, adque oram maritimam, decimo, vt spero tediturus die. Seu referam pedem, seu aliò contendam, vbicumque Gentium fuero, scito tui memoriam circumgestatam perpetuum iri. Vale. Bruxellæ postidie Non. Iunij, anno salutis M. D. C. X. X. I. X.

Viro Clarissimo, & Philosopho, ac  
Medico expertissimo IOANNI  
BAPTISTÆ HELMONTIO  
amico suo singulari,

PETRVS GASSENDVS S.

Æcepi & legi in itinere (præclare, ac suavis HELMONTI) quam ad me nuper scripisti Exercitiumculam. Etsi verò spes supererit videndi iterum tuisque fieri tamen poterit, vt mutato consilio ex Hollandia in Galliam traiciam, Flandriamque tuam præteream, idcirco nactus occasionem rescribendi ad te ex hæc verbe, argumentum illud Epistolæ



tue retractare non distali. Cum me itaque degente Bruxellæ varij inter nos confererent sermones, illud quoque postremis diebus ante meum discessum, agitatum est, naturalisne Homini *Creophagia* videretur. Ego, ut mihi proclive est, vel solius animi gratia ire in sententiam vulgari sensui repugnantem, eam, quæ negaret, partem assumpsi: Tenuisti tu oppositam viam, sique mutuis oppositisque contentendes rationibus, incunctissimas exegimus horas. Tu iam litem rursus intentas, quasi rem gratam mihi facturus: Ego vero facile sentio incumbere mihi, ut aliquid etiam regeram, quo rem quoque tibi gratam faciam. Quidquid porò præstare possim, tanto ero semper inferior, quanto tu semper ille fueris, qui prior promoucaueris ad tam liberale certaminis genus. Regium sanè & in quo vinci præclarius putem, quam vincere: Quippe in Veri disceptatione non qui veritatem alij communstrat aliquid adipiscitur, sed cui demonstratur ille luctum facit. Causa hæc est, cur ego arenam generis huius nunquam recusem; Scilicet ratus nihil esse, cuius iactura facere possim, esse verò emolumentum, quod pergrande liceat consequi. Quare & gratiam tibi debeo multam, quòd præter mutua colloquia de esu carniū habita, occasionem præbueris aliquid scriptitandi. Haud ignotus verò tibi meus Genius. Etsi enim videri possum interdum quidpiam asserere, nihil tamen vniquam stabiliò, quod existimem, velim-ve excedere sineis probabilitatibus. Sto aduersus *Creophagiam*, quasi nobis non naturalem; nimirum coniecturas habeo, quæ me propendere in hanc opinionem faciant. At huic tamen opinioni non sic hæreo, ut nostri vulgò Dogmatici faciunt. Hæreo imbecillo assensu, quòd coniecturæ solummodò sint. Quamobrem tibi per facile erit ad tuas me pellicere partes, dum non dico, demonstrationes, verum coniecturas dumtaxat illustriores habueris. Ac delegisti quidem illam, quæ videbatur præcipua ex meis, ut obscuriorem faceres. Patere verò, mi H E L M O N T I, opinari me, vel ex eo lucem ipsi accessisse, quod tu sic illam discusseris. Rationes tuæ præclare sunt, cuiusque videntur opinionem meam demonstratam minime esse: at neque ego demonstratam puto; scio quid subit hæsitatio; voluerim solum contrariam ostendi vero-similitudine maiore.

Itaque ego argumentabar non videri nos à natura cõparatos ad Animalium carnis comedendas ex conformatione dentium. Siquidem Animalibus (de terrestribus loquebar) quæ ad esum carnis natura instruxit concessos esse dentes longos, turbinatos, acutos, dissitos, inæquales, cuius generis sunt leones, tygrides, lupi, canes, feles, cætera. Quæ verò natura creauit, ut herbis dumtaxat, fructibusve vescerentur, iis adesse dentes breues, latos, obtusos, contiguos, æqua serie dispositos; cuiusmodi sunt Equi, boues, oues, capræ, cerui, alia. Porò autem Homines sortitos esse à natura conformationem dentium non instar Animalium, quæ sunt prioris generis, sed instar eorum, quæ posterioris: Quocirca pro-

babile esse, cum Homines sint è terrestrium Animalium catalogo, voluisse naturam, uti in delectu ciborum sequerentur non priora illa videlicet carniora: sed hæc posteriora, quæ simplicibus Terræ donis contenta pascuntur. Iam tu sic instas; *Cum homo sit immediatè creatus à manu Dei, cum prædeterminatione capeßenda æternitatis, staccescunt idcirco omnes coniecturæ, petita ex natura, aut conformatione eius, ut inde de prædestinato iudicetur in functionibus naturalibus.* Ego, ut dicam quod è te sit, fateor hominem destinatum à suo Cõditore ad æternam Beatitudinem, neque, quod spectat ad mysterium destinationis illius, petere quidpiam contendo ex conformatione corporea. Donum videlicet diuinum, superque naturale est, ac potest Deus Abraham filios, seu Prædestinatos excitare ex lapidibus (quamquam etiam non abs te fortè ex erecto ipsius vultu aliqui ratiocinantur iustum Hominem contueri Cælum, tanquam sedem æternitatis, cuius futurus sit particeps) ætatem verò non addo sum solers, ut perueniam quare non liceat ex conformatione partium corpore humani coniecturas desumere ad functiones merè naturales, qualis est comestio. Deus certè naturæ Author in eo maxime declarauit immensam quandam sapientiam, quòd res omnis finibus suis sic accommodauerit, ut neque frustra quidquam factum sit, neque nobis homuncionibus tutius vniquam argumentari in rebus Physicis liceat, quam dum arguimus causam finalem. Longè proinde faucessat illa Empedoclis, Epicuri, aliorumque opinio, scilicet membra Animalium non esse facta propter vsum; sed membris ita casu factis, & coalescentibus, ipsorum vsum accommodatione, experientiaque varia adinuenrum. Profectò enim ipsa inspectio, consideratiõque attenta singulorum organorum id opinari non patitur. Ex quo fit, ut cum in Galeo possint esse quæ reprehendamus, non possim tamen non exclamare terteque, quaterque aureos illos libros, quos de *usu partium* edidit. Ita nimirum illi habent, vnde secreta cuiusdam virtutis, prouidique Numinis monstratà existentia cuiusque, vel *adus*u, possint conscientiam petcellere. Cum itaque vel Numinis dono in ipso quoque homine dentes sint partes naturales, hoc est quales eius natura exposcit, sicut quales sponte natura producit; cur non exinde ratiocinemur ad conditionem materiæ, cui præparandæ ad nutritionem; vitam, conscientiam, dentes destinati à natura sunt? Vbi certè Agens, Organum, formam, vim, actionem, modum, materiam, finem secundum naturam videmus: cur non in ipsis mutuo collatis argumenta desumere ex natura licitum sit?

Nisi te satis cognoscerem, dicerem responderi posse æternitatem hic intelligi non qualem speramus in Cælis futuram, cum è viniis excellerimus: sed qualis potest parari per cibos, quibus atterendis dentes instituti sunt. Etsi enim fieri Homines, ut ex vfu vulgarium ciborum vix Homines possint propagare vitam ad sæculum vsque, aut aliquid amplius, nihilominus certum esse paratam fuisse arborem

rem in Paradiso terrestri, ex cuius esu homo potuisset immortalis euadere: & aliunde in hac naturæ corruptione probabile fieri, parari posse Elixir, cuius viû homo possit, nisi æternum tempus viuere, tot certè sæcula durare, vt duratio homini possit videri quædam æternitas. Verum non fat firmum præsidium, quod ad rem spectat, de qua agitur. Vt cætera enim omittam, probè meministi, quod attinet ad Arborem vitæ, opposuisse me in itatu illo innocentie foglicium iussum fuisse hominem comedere non pisces, aut oues, sed ex fructibus quibuscumque (excepto solo scientifico) ac potissimum ex illo vitali. Quare & iam arguere possum ex primariâ & labe carente naturæ nostræ institutione destinatos fuisse denteis ad vsum non carniû, sed fructuum; Attingis tu hoc postmodum in exercitaciuncula, dicensque. *Et si nulla data esset homini licentia carniû: non sufficere tamè licentiâ comedendi de lignis ad inferendam prohibitionem esus carniû.* Ego vt non prorsus inficior, quin potuisset homo usurpare carnis (neque enim contendere volo) ita ex plano Scripturæ sensu videor mihi satis intelligere futurum fuisse, vt homo prorsus à carniû abstinere. Suadeo maximè, tum quòd Deus videtur cibos maximè idoneos, deliciososque & delegisse & indicasse, quodque proinde carni illi futuri essent superflui: tum quòd in tanta innocentia agrè tulisset homo, proculdubio dolores leuiores, mortemque inferre innocuis animalibus, fauciare manus, &c. Et adiciis quidem potuisse abstinere hominem ad promerendum gloria gradum, seu mansionem superiorem. Vt cumque sit tamen, nulla in hoc statu, vt simplicium fructuum, ita carniû mentio. Quid quòd etiam post primam labem, cum homines adhuc tam multa superarent sæcula, carniû vsum nullum audimus; sed tum demum ille est inductus, cum iam corruptis hominû viis Deus illum, vt per multa alia, ob duritiem cordis concessit? Nihil necesse est adiciam circa Elixir, lapidè vè Philosophorum. Qualescumque enim præsumatur beata illa substantia, & vt possibilem ipsius præparationem vltro concedam; ita semper describitur, vt ipsius usurpatio longè distet à comestione, seu attritione carniû, de qua iam quæstio est instituta.

Superest ergo aliquid dicam, ad rationem, quam subiicis. Homo, inquis, ex sui naturæ microscopica particeps omnium naturarum & specierum est, habet idcirco quatuor denteis incisivos, & latos, octo caninos, tanquam carniû brutæ, & viginti molares, tanquam ruminantiæ; idèoque edit pisces, vt piscis, carnes item, legumina, olea, grana, insecta, oleum, mel, radices, fructus, rorem, vinum, &c. nam si omnium in se naturas complectitur, eorum quoque viûs expleri posse conducebat. Denique carniû non solum carnem vorare debebant, sed carnem venari, captam necare, & deinceps lacerare debebant: idcirco alios denteis habuerunt. Homo verò cum venationem, non dentibus, non grypibus, non vnguibus, sed organis artificiosis instituere deberet, denteis anteriores habuit latos, & incisivos, carniû verò acu-

tos, vt si prædam venando captam, & duro intestam corio necarent; quod non incisoriis dentibus sciendo apti essent, pungendo, ac perforando saltem peragerent punctatis dentibus. Quod aues rapinantes rostro docent, quæ circumcirca non dentibus acuminatis, sed incisoriis labris ad lacerationem præde, sufficientes ipsi, congue illorum idèò vicem supplente, prædæ essent. Concludis, Homini idcirco carne vesci per naturam licitum erat, sed prius à corio, & pilis munda, & impeditentis libera: atque huius satisfaciunt ministerio sui dentes. Hæc fuit vel omnia, vel præcipua, quæ ad hanc rem afferret, de quibus vt pauca dicere aggrediar, ne mirere, mi HELMONTI, si ex eo ducam exordium, quod in Veri disquisitione circa ea, quæ ad hominem spectant, suspècta mihi semper fuerit ipsa hominis opinio. Profectò enim tacito consensu in eo conspiramus omnes, vt nostram naturam extollamus; idque vulgò facimus tanto supercilio, vt si quis affectum exuens animum seriò adnerterit, pudore statim suffundatur. Ne digrediar; quid magis vulgare, quàm Hominem esse Microcosmum, seu magni Mundi epitomen? attende tamen, quæ iniquitate id tanquam proprium nobis vendicemus. Magnum hîc Mundum accipio, qui describi vulgò solet, Compages ex Calis, Elementis, Mixtisque corporibus. Angelicam enim naturam, vt supra Mundanam prætereo, concedoquæ Homini, vt Animæ intelligentis & immortalis gratiâ, similem se Angelis faciant, vel cum Psalte Regio modestius, paullo minores Angelis. Cæterum autem, cum agendum fuerit de Mundo isto corporeo, ac visibili; quidnam habemus vnde possimus supra cætera tantopere superbire? Non loquor de flammis illis, immensis perpetuisque sideribus (quamquam quod Solem attinet, cum ille sit causa omnium, quæ generantur in Terris, ac modo proinde quodam eminenti, omnium in se formas, feminæque contineat; nescio quid non præ nobis mereatur) de ipsis loquor Animalibus, quæ tametsi terrigena, nobisque congenæ, tantò solemus habere despectui. Minimum confidera; illud ex eisdem constat, pasciturque Elementis, eodem Cæro fruitur, & si Deo placet, decem etiam Categorias continet; quam laudem aliàs à celebri Viro memini magna contentione tributam esse Homini, dum pro suggestu concionaretur. An-ne satis cogitamus non esse in nobis carnes, ossa, venas, arterias, nervos, fibras, membranas, humores, viscera, & alia, quæ non liceat obseruire, vel in Simiis, qui tales effecti sunt, vt dissimiles possint Homini, simileque videri; vti & Homines ipsi inter se? Ego, vt Xenocrati planè non assentior, ita puto non sine sale fuisse ab eo dictum, fore, vt si equi Deos pingerent, equinâ formâ illos exhiberent. Silipect cuique animanti forma sui generis pulcherrima est: vnde, vt equo non credendum præferenti sese Animalibus cæteris, ita non video quorsum credi Homini de se prædicanti debeat, nisi quod ipse aliis obicit, in se ab illis retorqueri velit. Et tæuat sese Scripturâ, agnoscere tamen bona fide debet, id, quod exinde

exinde in animantia mutatur dominium, post peccati labem ademptum, vel ita restrictum, vt in pauca solum, &que innoxia tyrannide domineatur; cetera vel experiatu immanificta penitus, vel dolis technisque dumtaxat non sua illa regia auctoritate sibi submittat.

Sed accedamus propius ad rem. Ecce, cum tibi concessero Hominem ex sui natura Microcosmici naturarum omnium participem esse; vnde nam tamen sequitur cum dentibus habere, quibus substantiam omnium deterat? Caelestem certe excipite, ac terrestrem etiam multiplicem licet. Ad Animalia, vt video, ac Plantas appellabis potissimum. At quàm multa, quæso, obseruare licet in istis etiam generibus, quorum victu hominem expleri tamen abest, vt conducatur, quin valde potius perniciosum sit: Vt nihil verò de dentibus dicam, tum incisuius, tum molaribus, qui pro me maxime faciunt; quæro solum de caninis illis, putæne nullum Animal ex minimè carnivoris simileis dentibus possidere? Non omnia certe bidentia sunt; & quibus contingit, vt propter herbas dentibus incisoriis carpendas, fructibus etiam solidis vescantur, illa indiguissè videntur hoc carnivororum dentium genere. Ad fructus autem non ad carnis discerpendas comparatos esse, ex eo intelligere est, quod iis sint longè dissimiles, qui Animalia sunt carnivororum. Quare & dictos caninos puto, non quòd sint prorsus similes iis, quibus canes præditi sunt; sed quòd vt in rictu, seu laborum diductione Canes ostendant, quos habent dentes in maxillarum deflexionibus; ita in risu, seu diductione oris, homo dentis illos retegat, molareis inter, & incisuios. Sanè verò scum ob membranas, tendines, fibras, visciditatem, aliæque similia, carnis tenaciores sint, quàm vt facillè lacerentur; eam ob rem dentis carnivororum debuerunt esse turbinati, rari ac prælongi; vt commodè insisterent, attractioneque frustra auellerent; contra autem fructus fragiliores sunt, latiorèque paulò apertione nullo negotio abeunt in frusta: Qua de causa nisi sufficiant dentes incisori, succedunt illi canini dicti, qui in extremo, nonnihil, acuti, vt insignantur paulo altius, statim tamen versus radices latiores euadunt, cohererentque cum inter se, tum cum aliis simul, vt continentem imprimant plagam. Hinc vices commuta: priores dentes longi & rari fructibus infixi, corradent solum, ac veluti fossas in fructibus excauant; posteriores breuitate, cohesioneque impediti non satis altè penetrant in carnis, vt possint frusta reuellere. Quo etiam loco notabile est, carnivororum dentis non coire, sed pectinatim solum implecti, vt roborentur ad conuulsionem, auulsionemque carnium; ac cæterorum dentis occurrenteis tantò imbecilliores fieri, quantò id possunt sola inter se sui compressione tentare. Si pergas porro imaginari, cum cæterorum Animalia cibi sint diuersi, atque ideo Animalia sortita sint dentes diuersorum generum, debere hominem proinde, quòd vtatur omnium cibis, omnia sortiri dentium genera. Respice

dumtaxat ad Piscis (neque enim ad Elephantum, Aprorum, aliorumque dentis exertos remitto) ij propè omnes sortiti sunt dentis pectinatim coeuntes, & vt loquuntur, serratos, cuiusmodi conformationem haud reperias in homine, adeò vt cum subiici, *hominem vt piscem comedere piscis*, non facile obtineas id illum propter similem dentium conformationem præstare.

Addis hominem comedere carnes, legumina, olera, & alia, De cæteris rectico. Quod spectat ad carnis, verum quidem est hominem pasci carnis; at quàm multa, quæso, agit homo, quæ sunt ipsi contra, vel præter naturam? ea illi morum peruersitas contagione veluti quadam iam inuisa est, vt ipsius indoles in alienam propè naturam abiisse videatur. Hinc tota illa Philosophia, Virtutisque cura in eo est, vt reuocare hominem ad naturæ tramitem possit. *Comedit carnes*; at si hic cibus videtur illi secundum naturam; quamobrem ipso non vitur, vt à natura præparatur? sed primum nempe carnis crudas dentibus suis carpere, comandereque exhortescit; vnde & illas apparat igni, vt cruditatem exuant. At si hæc fuisset naturæ intentio, vt homo carnis comederet coctas, Coquos professò instituisset, siue ipsa potius coxisset, vt i soler coquere fructus, qui citra ignem suauissimi sunt. Natura certe in necessariis, vt vulgò iactant, non deficit: quid autem magis necessarium, quàm vsum ciborum voluptatis plenum facere, vt est in vfu Veneris factum, quò quemadmodum hic genus, ita illic species conseruationem sui procurat? Neque quis dicat naturam hoc loco artificio corrigi, siquidem, vt præteream hoc esse naturam erroris coarguere; cogita quàm fuisset in feras, quàm in nos natura benignior? Intellego proinde, fere artificio non indigent, quo cibos naturales condiant, futurum fuisset, vt neque nos condimentis indigeremus, si cibi illi nobis perinde connaturales extitissent. Deinde, quòd ne preparatis quidem igni carnis dentis nostri vtendo sint satis, argumento esse videtur cultorum inuentio. Quia scilicet dentis à natura ad præscindendas carnis factos non habuimus; idcirco ad hæc organa non naturalia recurendum fuit, quibus id opus exsequeremur. Quasi verò nos in tam necessariis possit natura destituisse? Et præstò quidem responsum video: *rationem putà homini concessam, qua defectus eiusmodi suppleat*. Sed hoc est naturam semper accusare, vt nostram tueamur luxuriam. Ita fit etiam circa vestes, ita fit circa alia. Quia scilicet mollities nostra, vt hoc exempli causà attingam, impotens nobis corum ad iniurias aeris fecit; querimus primum naturam egisse noueram, quòd nos robusto satis corio non intexerit; ac deinde nosmet compendamus, quòd ipsi naturæ defectui solerter prouiderimus. Ingrati qui adulterantes quidquid naturæ est optimum vitia ipsi inurere, quàm in nobis agnoscere tam impenso studio affectamus! Redeo; & quòd ipse subdis de concessis à natura armis ceteris animantibus, in meam accipio sententiam; Quippe cum iisdem homini negatis, tuearis



turearis vicem illorum suppleri artificiosis organis: effici inde videtur, vt quantum feris naturale est insectari, corripere, viurpare carneis: tantum idem videatur esse non naturale homini, prodireque solummodo ex superfluo studio, ac nimia quadam affectatione. *Non est homo dentibus, non ungibus vncis armatus venaticarum ferarum instar?* Quid clarius, quam non esse igitur ad venandum; ac longè minus ad vescendum carnibus instructum? Mentionem facis *Volucrum rapacium*; at cogita etiam discrimen istas inter, & mansuetiores. Ex sola enim rostri forma (vt superioris ventriculi officium præteream) facile erit colligere quàm prouide, quàm sine defectu natura omnes creauerit. Vno verbo, præclare videmur à Cicerone admoneri, hominem esse ad alia, quàm ad ea pessandas, iugulandasque bellas destinatum. Si pergas *illam quoque industriam naturalem dici posse, qua talia organa parantur*; ecce eadem prorsus industria homines arma facit, quibus sese mutuò conficiant. An id naturaliter facienti? Vt sine aded noxius dici potest naturalis? Facultas à natura est: at ex vitio nostro est, quòd illa peruersè vtamur.

Verùm, inquit, *negari non potest, quin carneis arte preparata corpus nutriam & roborent vires, inque in deliciis*: Quidnam verò aliud hoc arguit, quàm cibos esse naturales? Attende tamen dum narro historiam, de qua indubia mihi fide constat. Cùm ante annos circiter viginti naui cuiusdam Bel-regardi Melitenis Equitis Ægeum mare perlustraret, vbi fixa fuit anchora ad insulam quandam ex Cycladibus, milites inde aduexerunt oem cum tenello agniculo, matrem victus gratià cùm iugulasset, fœtui ipsi sic pepererunt, vt ex cibis familiaribus pane, catine, pisee, casleo & similibus vsci ipsum docuerint. Nono deinde circiter mense, appulit naui Melitem. Agnus iam grandior eductus est, frondibusque, & herbis permixtus. Mirum autem, frondeis herbis que auersus est, manibusque quibus soliti cibi porrigerentur, requisit. Prætereo, cùm occisus fuisset, carnem ipsius inspidam, ingratiq; gustus exstitisse. Hoc solum noto; si qui cibi sine controuersia fuisse agno non naturales, ipsum sic nutrierint, promouerint, delectauerint: Quare non similia in nobis præstari possint à cibis minime naturalibus? Videre licet quid in bidente assuetudo potuerit. Quid mirum si & nobis quoque dum inuutimur carnibus, carneis tandem sic placeant; dixi quid actum sit in one, nostri similia dici de equis, vt is, quibus impius ille Pabula fecit homines. Similia in bobus experiri licet; similia quoque in cæteris. An vero, quia istis Animalibus consuetudo facit carnium vsum & iucundum & vilem; dicemus vsum carnium esse illis secundum naturam? Nisi dicamus; quare asseremus vsum similem ex naturæ instituto potius quàm ex assuetudine fieri nobis conducentem? Maximè verò, cùm Parentes nostri ab initio tantopere caueant, ne fructibus, herbis, frugibus vescamur; curaque quàm maximè soleant, vt victitemus potius carnibus. Quo ex loco emergit mihi

manifestum argumentum explicantis sese naturæ circa Infantem, ac pueros. Quæ enim natura in ipsis purior adhuc est, neque contrario habitu violenter adhuc deprauata, efficit, vt ex omnibus ciborum generibus deligant, ac diligant fructus; & vix vllum quidentreperire liceat, qui non periculi pomum præferat. Quid, putas, verò contingeret, si cùm paulatim infans ablactatur, maturis quibusdam, atque delicatis fructibus sensim assuesceret.

Hinc, quia sentio mihi posse obici, *cur non igitur ipse plane à carnibus abstineam; & frugibusque solum, & frugibus vescar*; exculare me posse video ex inducta consuetudine. Naturæ quippe in iam adultis ita videtur immutata, vt aduentitius ille habitus sine aliquo derimento minime posse tolli videatur. Quamquam fateor si sapiero, & vsum carnium sensim deserens ad ipsa almæ Telluris dona mect sensim deflexero, non hætere me, quin & constantiore sanitate fruar, & vireis quoque ingenij vegetiores experiar. Sanè enim leges morborum, mentisque caligo esse oborta ex eo maximè videtur, quòd caro cibis copulenter, & vt ita dicam nimis substantialis, prægrauat stomachum; corpori toti onerosior sit, substantiam creet nimis crassam, & obtusiores spiritus; vno verbo, subtegen sit, quòd naturæ staminibus non facilliter intrexatur. Nihil moror proinde, quòd dicitur vulgò *gigni carneis excarnibus* ob conuersionem præparationem. Vt raceam enim conuersionem carnium non videri promptiorem, quàm fructuum (nam & carnes quoque debent in stomacho, hepate, aut venis extremè resolui; aded vt in carnem conuerti, quàm in os, quàm in aliam partem facilius non debeant:) profectò id vbi concesserimus obruetur inde calor naturæ ex nimio, nimisque veloci affluxu substituenda substantiæ; ex quo fortè fieri contingit, vt natura nimis pressa afflictaque vt obsecratem creet; vt appetitum. excutiat. Quamquam quid de difficultate conuersionis fructuum, herbarumve conquæramur, quam in Ceruis, quam in Equis habet difficiilem videmus esse, quàm sit in nobis carnium. Illi nempe cibi laxiores vt commodè replent stomachi capacitatem, ita opportunè coquantur, exsoluunturque in chylum, qui nutriendo sufficiat: cùm caro ipsa, cibis compactior, si stomachum quidem repleat, vireis eius suffocet; nisi repleat, vel hiantem nimis, vel labascentem experiat. Et opinio quidem vulgi quoque est, fore vt si herbis dumtaxat vescamur, substantia satis solida generari minime possit. Sed nimirum isti non considerant, quam generosa ac robusta caro generetur inde, in Equis & Tauris, quàm celer inde, quàmque diuturnus euadat Ceruus, &c. Quod ad me spectat, facile mihi persuaderi patiar, si hominum quispiam in Syluis ferarum instar educatus degeret, fore vt vix ceruis cursu cederet; vt non minime agilis, quàm Simia in scandendis arboribus foret; vt cætera eiusmodi munia obire posset facillimè. Quod hæc præstare iam nemo possit, causam esse institutionem, quâ educamur, quâ faciamur,

quæ

quā sub umbra, & otio torpentes emollitur, ac hebesCIMUS.

Quoniam tamen abiciop? Sisto gradum, mi HILMONTI, & ne digrediar ab argumento ex dentibus sumpto, quod tu vnicum oppugnasti, quodque ego solum propugnare volui, orationis stylum absumpo. De ceteris aliis dicendum, imò verò & de hoc quoque, nisi tu fortè ipsum extenuans, silentium mihi feceris, Familiam tuam totam saluto, apprecorque ipsi optima. Si cum Dordraci fitero repetam Caletum, quamprimum illuc appulero, appulsam tibi meum significabo: Sin contendam fortè Antuerpiam, Bruxellæ tibi breui adero, neque tibi amplius rescribam, donec te coram salutare, quod valde opto, licuerit. Sat iam temporis in Hollandia fui; & cum videro adhuc Vltraicetum, Castrisque illis Bufcoduceæ obsidionis interfuturo, vix aliquid supererit, quod me remorari hic possit. Breui itaque aut in Flandriam, aut in Galliam paro reditum. Vale interea optime HELMONTI, Vale & me tui obseruantem; quod iam facis perpetuum ama. Dabam Amstelrodami Vltraicetum cum discederem, VI. Eidus Iulij, anno salutis M. DC. X XIX.

### PETRVS GASSENDVS HENRICO RENERIO S.

**L**Am Vltraiceto, mi RENERI, in hanc urbem redieram, cum reddite mihi tuæ literæ sunt, quibus me feridè admones, vt priusquam discedam longius, & nobilis Medici à Vassenaer votis & promissis meis simul satisfaciam, &c. Leydæ cepta, Hagæ absoluta in ipso discessu. Pridie Eid. Iulias, anno M. DC. X XIX. Hac habetur sub Titulo *Parbelia, siue soles quatuor horij, qui circa verum apparuerunt Romæ, die xx. mensis Martij, anno 1629.*

### Et Reuerendo, & Claro Viro AVBERTO MYRÆO, Antuerpiensis Ecclesie Decano meritissimo,

PETRVS. GASSENDVS S.

**S**Vppdebat iam (Humanissime, Doctissime) & amèque MYRÆI quoddam Bruxellæ te per literas insalutato discederem. Etsi enim statueram, quamprimum Parisios accessissem ad te scribere, causamque huius meæ illuc deflexionis significare; Videbar id tamen debuisse, quoniam poteram, præstare maturius, vt tu posses maturius iubere, si quidpiam fortè votis tibi tuis opella mea conduceret. Ecce verò commodum occurrit in hac Cuius, qui discedens Antuerpiam desiderio faceret modum. Videlicet perfectis hisce, quos ipsi credo veribus cognosces me Lutetiam prius diuertisse, quam in Germaniam concederem, vt eam ibi socium, dum suas res agit, expectarem. Aderimus ibi, quantum ex ipsius coniectari licetis possum, duobus circiter mensibus. In-

tegrum tibi proinde erit prospicere si quidpiam interea obsequio meo indigeas. Nosti ipse quam me deinctum, quam planè tuum dimiseris. At verò ego nondum potui perfectum tibi facere, quam animum geram non ingraturum. Iis certe, quasi pignoribus tuam mihi benevolentiam consignatam esse voluisti, vt ego me imparem longè reponendo sentiam, Sed enitar tamen, quantum in me erit, vt nunquam poeniteat te prompto illo animo officij quicquam in me collocaisse. Desit occasio, desit facultas, qua testatam meam in te voluntatem faciam; at nunquam tamen desiderabis, seu affectum promptissimum, seu recordationem perpetuam tui. Si igitur quidpiam fortassis, bona mea forte, à me exigas, destinare literas potes ad Puteanos illos ingenuos, ad quos etiam perscribere Geuartius noster interdum solet. Ceterum verò Geuartium ipsum ocellum Musarum, bonarumque Artium circulum, quando te volente id faciam, & tunc quaterque salutarum volo. Consolatoriam ipsi scriberem, nisi te haberet; imò & nisi haberet seipsum. Is enim est, qui è suo penu depromere possit singularem illa omnia Stoicorum Axiomata, fortunæ telis opponenda. Hac ratione nobis Antoninum suum non prius exhibuerit, quam ipse sibi usurpauit. Felicem illum, qui ad ingenuam, generosamque indolem, tam liberale adhibuit studium? De tuis donationibus, quatum lectionem iam absolui, hoc est, quod verè dicere liceat, claritatem tibi nunquam defuturam, per quem tot illustres Familie tantam lucem acceperint. Perge solum benè mereri de Principibus optimis, qui priscæ illa pietate, ac fide sunt de Posteris meriti tam benè. Perge verò etiam reuolare quiddam credula superstitio inuexit in historiam. Scriptoris ingenij ingenui, cordatque est, fabellas omnes seponere, quantumcumque illas nescio quæ præsumpta seu authoritas, seu vitiositas fixas ratas fecisse videatur. Profecto nisi sine raræ quædam, nobilesque animæ, quæ pro Veritate contendant, actum prorsus de ipsa est; ecce iam enim nimis multi sunt, qui suum illi certatim vel faciant, vel foueant. Chiffletium laudatum, eximiumque virum nomine tuo salutavi, & quem libellum mihi consignaras, quamprimum ipsi reddidi. Grato in te animo est, si quisque illis heroicis studiis semper detinetur. Egrius paulò habnerat; at cum vale dixi, iam melius valebat. Vale tu benè, Optime MYRÆE, Scribebam raptim Montibus Hannoniæ in itinere, Kal. Aug. ann. Ætæ nostræ vulgaris, M. DC. X XIX.

### Claro Viro & amico sincero, GERARDO IOANNI VOSSIO, Eloquentia, & Chronologia in Inelyta Leydensi Academia Professori,

PETRVS GASSENDVS S.

**P**Vdet, profecto, suauissime VOSSI, tantum iam mihi tempus elapsam sine datis vllis ad te literis. Quamquam enim & tui memoriam

moriam nunquam depono ex animo, & te eam de me opinionem habere facile confido; ego tamen officio desim, nisi hanc grati animi testationem quasi rependam. Tu suspiceris haud iniuria non tueri me in amicitia constantiam, qui videar illam iam tandiu obliuioni tradidisse. Cum nunc igitur aliud mihi scribendi ad te argumentum minimè suppetere, sufficere arbitratum sum, hoc significare, quod iam demum scriberem, & studiosioris imposterum diligentia obstringerem fidem. Ex his porro, quas Bruxella discedens ad doctum illum, verèque humanum Riectum dedi, literis, accepisti ut opinor, diuertisse me in hanc urbem, priusquam ceptam illam Germaniæ lustrationem absoluerem. Hoc iam addo, me hinc proxima hyeme tota non discessurum; ut si tibi fortassis opus industriæ meæ fuerit, id indicare facile possis. Vtinam verò experiri quàm tua me humanitas in officia pronum fecerit! Ita me Deus adiunet, ut nolim quidpiam desiderari. Spero proxima occasione mittere ad te Elenchum præcipuorum Capitum Philosophiæ Epicuri; erepta est enim ex incendio peltis, quæ dire in nostra Prouincia, ac mea præsertim Vrbe, grassatur, erit breui præ manibus. Iuuabis tu, si quidpiam mihi incomperum habueris, author quoque eris quid agendum sit, cum vndique vt gear ad illius editionem. Scilicet tuam beneuolentiam, iudiciūque hifce in rebus maximi facio, & meritò. Vale interea Clarissime Vir, Vale ô charissimum caput. Totam illam tuam familiam placidissimam sic saluto, ut treis ingenuos Adoloscenscis Franciscum, Matthæum, Dionysium, perfectas iam virtutis tuæ eminētis imagines, saluere velim quam plurimum. Salutem etiam dico clarissimis viris H E R N I O tui vicino; Collegæque eius Vorfio. Iterum Vale. Parisiis, postridie Eidus Septembris, anno Ætæ vulgaris M. D. C. XXIX.

rent, Cum me enim longè infra laudes huic animalī tributas, habere; hærebam num ego fortassis celebri Poëtæ interrogationi exceptionem facerem. Vide quid non Suada tua ferò agens extorqueat, cum ecce iocando tantam fidem faciat? Nunc, cum rem mihi facere ad eò iudicium ceperis ne mirere si deinceps ad aliquid amplius poscendum alliciar. Cum ego rogando excellere modum, tu annuendi modum facio; neque enim sic morosus sum, ut ex Amicis quidpiam exigam præter summam alacritatem. Nisi molestum igitur erit, optam velis perscribere, quid de illis Suidæ confarcinatoribus sentias, Illine putà aliquid de suo Authoris textui adiecerint, & si quidpiam adiectum sit, quia id normā deprehendi valeat. Id enim mihi si probè constaret, scrupulis multis eximeret, qui mihi sanè negotium facessunt. Tu verò qui nullam insignem Authorem intactum relinquis, iuare potes, vel nullus alius. Reponam ego interea locum, quem hunc Authorem percurrerenti restituere cœperit. Ille est circa Epicurum, quem apud Suidam legimus natum Olympiadē septuagesima nona, cum natum nihilominus centesimā nona constet. Videlicet, cum hic numerus exprimeretur literis p θ, obliteratā femel et p cauda, ut remaneret, effectum est ut etiam Interpres tempora non considerans, priorem substituerit, quem literæ θ, designant. Salutat te Vir singularis & Amicus meus insignis Franciscus Luillierius, qui eruditionem tuam iam pridem suspiciens, amari quoque abs te vult, habetque paratum exemplum Lexici Hebraico-Rabbinici in hac vrbe recens impressi, quod occasione ad te proxima in amicitia artham mittat. Vale, Vir præclarissime, ac de bonis literis, Artibusque æternum merere. Parisiis postridie Eidus Septembris, anno salutis M. DC. XXIX.

*Viro Præclaro DANIELI HEIN-  
SIO Bibliothecario Publico, & Pro-  
fessori Politices in Academia inelyta  
ad Leydam,*

PETRVS GASSENDVS S.

**R**ubescerem, Clarissime Vir, meas ad te literas tam serò venire, nisi duplici de causa verecundiam abicerem. Vna est enim illa tua humanitas quæ uti immerentem me in amicitiam vocat, ac non sine pignore beneuolentiæ dimissum voluit, ita facile condonabit quidquid demum peccauerim. Altera est curia mea supplex, ex qua quidquid seu offerri, seu præstari tibi potest, leuis adeo momenti est, ut collocari haud immerito Stoicæ inter adiuta debeat. Ceterum pellegi, quam mihi abs te eunti, *Assini* laudem dederas; lepidissimum sanè, ac eruditissimum opus, & quod mihi plerumque fuit Cyanei instar scopuli. Ridebis; at tempota mihi non rarò manu tentata sunt, ut experire, auriculæ ne adeo insignes refectæ fo-

*Gassendi Epistola.*

*Viro Insigni IACOBO GOLIO in  
alma Academia Leydensi, & lin-  
guarum Orientalium, & Matheſeos  
Professori,*

PETRVS GASSENDVS S.

**N**on ex Germania, ut vides, mi GOLI, sed ex Gallia ad te primum scribo, quod ut vir clatus Riectus noster significare iam antea potuit, diuertendum huc fuerit. Vndecumque tamen scribam, is sum, qui me ut tibi deuinctum, ita ad quodlibet obsequium velim paratum noueris. Quamprimum accessi ad hanc Ciuitatem, Viri & boni, & docti permulti auidissimè exceperunt, quod de Arabicis illis à te ex Oriente aduectis exemplaribus retuli. Vnus fuit præ cæteris doctissimus Hardyæus, qui moræ impatiens dum ego ex aliqua ægritudine conuallesco, scripsit ad te Elenchum ipsorum, dignaretis transmittere. Existimare scilicet debes possideri abs te thesaurū, quem tota Natio Literatorum meritò tibi inuideat. Ego si eadem erga te interpellatione iam utar, haud ægrè, opinor, accipies,



pies, qui & vltro pollicitus es Elenchi illius mihi copiam facere, & me eo habes amicitiae loco, vt non hæream, quin labore hunc sis mei causâ deuoraturus. Equidem, si hæc-e litteras accipiens, miseris iam fortè ad Hardyum quod abs te petit, nolim ego eandem bis tibi creari molestiam; abundè enim sufficeret, si illius manu videre possem; & excipere. Optârîm solum, nisi te preces illius satis permouerint, rogatui meo illud concedas, vt quæ verbo-tenus iam disseminauî, scripto etiam tuo confirmare liceat. Nolle potes me ea in re nihil præter solam nominis tui celebritatem procurare, quòd enitar semper, quantum in me erit, vt innotescat quam-plurimis. Theaurum habes; at nihil tibi propterea ex illo decedet; emergent solum plurimi, iique honestissimi proci, qui te idecirò ambiant, & stimulos ad gloriam tuam promouendam adiciant. Equidem quidquid eximium in libris illis tuis continetur, euulgandum à te ipso censeo. Neque est enim qui hanc laudem aut possit generosius, aut debeat iustius consequi: Patere tamen vt cognoscant quotquot sunt rerum bonarum curiosi, quàm multa ex te, tuâque industria expectare liceat. Nisi tam multa volumina sigillatim designanda forent, peterem breue argumentum singulorum adijceres; cùm id non ausim, efficias saltem, vt fas sit per Titulos argumenta ipsa coniectari. Vnus est ex amicis nostris, qui designari præcipuè velit nondû visos nobis ex Apollonij Conicis. Est & alius, qui nondum visos Aristotelis codices. Ego, vt non memini indicasse te quidpiam, cum hac de re colloqueremur, circa libros Epicuri; ita scire perlubenter velim, num inter tot volumina occurrerit tibi liber, aut fragmentum ex ipsius operibus. Siquidem Viri Philosophiam habebø præ manibus breui. Pergratum verò faceres, si priusquam in lucem edatur, fortassis id tibi breui fiet, noui quidpiam impetireris. Vale, mi G O L I, & me ama. Parisiis postidie Eidus Septembris anno salutis M. D. C. X X I X.

Doctissimo Viro ISAACO BEECKMAN,  
Dodrechtensis Collegij Rectori,

PETRVS GASSENDVS S.

**C**VM nihil habeam, quod ad te scribam, BEECKMANE Candidissime, hoc ipsum est, quod scribere placet. Tu, si me fortè aliquid velis, hanc in Urbem rescribito, adero nempe heic hyeme tota. Habebo breui præ manibus meum Epicurum; Cum Placita Viri retexam, agere aggrediar tecum de aliquibus. Nihil interea te onero; cum Mersennus noster oneret plus aquo. Si Gorkomium aliquid mandes, velim illi salutem dicas meo nomine, & Rectori illi honestissimo, & Balchazari nostro admirando. Quod te attinet, scito me dignè sentire de tuo ingenio, deque candore eximio. Scito te mihi in pectore, inque medullis ipsis hætere. Scito me ad quodvis obsequium esse paratissimum; Bene vale, & bonas Artes promouere nunquam desine. Parisiis postidie Eidus Septembris anno M. D. C. X X I X.

Viro & Claro, & verè Docto ERYCIO  
PVTEANO, apud Louaniensens, &  
Arcis Prefecto, & Academia Pro-  
fessori,

PETRVS GASSENDVS S.

**N**ON scripsi ad te, mi PVTEANE, ex quo tempore Bruxella discedens circa Nonas Iunias, litteras simul ad Fienum dedi. Vagatus perpetuò deinceps, pedem tandem hac in Vrbe fixi in mense certè aliquot. Id innuo, vt nôris vbi Gentium degam, ne si quid opus mea opellâ sit, sat facile ea vti non possis. Contuli, quam dederas mihi Rutgerij Epistolam cum illo Laërtij textu circa Physica Epicuri ex editione Gifanij: Sanè verò coniectura ille cum Rutgerij, tum Scaligeri non inanes sunt: non in ea tamen loca sunt, quorum præcipua me angit cura. Quàm vellem tuas accipere! neque enim hæreo, quin loca multa restitueris, & nodos illos solueris, qui mihi penè Gordij habentur. Cùm ipse certè visus fueris resignare mihi hanc provinciam, animòsque adieceris ad ceptum opus abolendum, haud agrè potes communicare, si quidpiam fortè in Aduersariis consignatum habeas. Quo elogio tæque, & tua excipere in animo sit, nihil attinet dicere. Vtinam demum intelligas, quàm animo sim non ingrato. Nisi fortassis aliud habeas, aut non vacet quid amplius præstare, hoc saltem velim significes, quomodò locum intelligas, ex quo desumptum illud tuum *audiuero* *hæc auctus*. Siquidem vulgaris lectio (vt & Interpretes accipiunt) habet, Epicurum in Epistolis, non solum vt cæteros *τὸ καίτερον* perscribere; sed *ἀποδείξας*, *ἃ ἀνέδειξεν* *ἑαυτοῦ*. At scribebat-nè Epicurus vtrumque simul, in eadem nempe Epistola, *ἀποδείξας*, *ἃ ἀνέδειξεν* *ἑαυτοῦ*; Nulquam opinor; quâta hæc enim fuisset alioquin *ἀποδείξας*. Alterum igitur at quando scribebat *ἀποδείξας*, quid-nā agebat non à Platone factitatum, & cæteris! Haud igitur debuit Laërtius propter *τὸ ἀποδείξας* Antithesim facere: Censuerim ergo vinculum, *ἃ*, præmittendum ipsi *ἀποδείξας*, vt scilicet intelligamus vtrique illi voci vulgari *καίτερον*, *ἃ ἀποδείξας*, Epicurum substituisse salutarem vocem, *ἀνέδειξεν* *ἑαυτοῦ*. Quod verò quispiam obicere posset, *τὸ καίτερον*, præmissum illis Epistolis, quæ à Laërtio referuntur: extitissime par est ipsum irrepsisse ex doctricula quorundam Librarium crisi. Ego quidem sic sentio. Tu qui non potes locum istum non expendisse grauius; rescribe quæso, quid tibi videatur. Sed velim quoque iudicium feras de mea coniectura circa locum illum in descriptione Sapientis, tertîæ præmissæ Epistolæ. Legimus ibi scilicet, Sapientem, iuxta Epicurum, *φίλον τῆ ἰδίας κτῆσεως*. Et notat quidem Casaubonus suspicatum se primum fuisse lectionem huiusmodi falsam, tum quòd *καταφιλία*, fuerit propria Epicureorum laus; tum quòd scribatur paulò post, *μὴνισται ἑαυτῷ*, *ἃ τὴν ἰδίαν κτῆσιν*. Attamen se postea ex nona Senecæ Epistola didicisse nihil

nihil esse mutandum. Ego ut istud Casauboni non demior iudicium, Epicuro enim fuit satis iniquus; ita non video quorsum ex illa Senecæ epistola confirmari potius in sententia non debeat: Epicurus quippe ibi legitur eos reprehendisse, qui sapientem sic seipso contentum esse dicerent, ut Amicus non indigeret, cum Epicurus scilicet indigere defenderet. Certè sequitur etiam postea in Laërtio *τὸν φιλάου*, ex dictamine Epicuri *ὅτι τὸν ἡμέτερον ἰσχυροῦς ἀποφύγει*, ratione etiam reddita, *ὅτι τὸν φιλάου*, inquit, *ἀποφύγει*. Verum sat constat Epicurum & quæsiisse, & coluisse amicitias constantissimè. Itaque mendum prædicto loco fuisse nihil ambigo. Existimātim proinde *ἀπὸ τῶν πρὸς δὲ δὲ* legendum esse *τὸ δὲ*, ita nimicum omnia coherant, & perexigua immutatio fit. Scriberem & de aliis locis; verum iam nimis te onero. Quamquam temperare mihi non possum, quin te adhuc rogem, quomodo putcs exceptum iri, si ex loco, qui Epicuri testamentum consequitur, expunxero illas voces *ἡ δὲ δὲ*, *τὸν φιλάου*, *ὅτι δὲ δὲ*, cum Metrodorus enim fuerit Lampiscenus, quæ restant optimè coherent: hæc si relinquuntur, omnia dissonant. Metrodorus non fuit Atheniensis; quæ tribuuntur Sandi, Metrodori sunt: & quamvis Casaubonus putet *ἡ δὲ δὲ*, esse posse nomen viri proprium; altum est tamen ubique aliàs tam de Athenæo, quàm de Sande silentium, cum hic tamen Laërtius recenscat *ἡ δὲ δὲ*. Quod Timocratem attinet, ille obiter postea memoratur. Hinc notandum, hæc detractis, continuò describi Metrodorum, Polyænum, Hermachum, *ἡ δὲ δὲ*, quos eisdem ipse Seneca, non verò illos intermixtos, magnos Viros prodixisse ab Epicuro asserit. Vides quæ me argumenta moveant, ut voces illas de gradu deiiciam. Quomodo autem itrepererint, causam suspicor, quòd cum fortassis in margine Librarii squispiam adnotasset ea, quæ in textu memorantur, citari ab Athenæo (ut is sæpius mentionem facit) & à Timocrate (qui etiam paulò post citatur) & à Sande, (nescio quo, fortè Suida aut alio,) hæc deinceps verba aliorum Libratorum oscitantia in textum ipsum fuisse inserta. Tu si nigris meis censuram adhibere dignaberis, pergratum facies, si quamprimum per otium tibi licebit rescribas mihi quid sentias, siquidem breui retexam meas de Epicuro Commentationes, ac vbi tuum hæc de rebus iudicium habuero, mira pergam alacritate. Vale interea, Optime P V T E A N E, & si quidpiam VVendelino mandes, salutem quoque ex me dicito. Sed & saluere iubeo nostrum Fienum, ad quem etiam occasione proxima rescripturus sum. Salutat te Rigaltius vir singularis, tuusque amans, & qui cum de te sermones sæpe conferimus. Iterum Vale. Parisiis posttridie Eidus Septemb. Anno M. DC. xxxix.

## E I D E M.

Quantà me Literæ tuæ voluptate perfunderint (mi P V T E A N E, Vir suauissimum) sentire magis, quàm dicere promptum. Is tuus est candor, ea humanitas, ut facili exemplum

*Cassendi Epistola.*

tui, quàm in teipso non agnoscas. Elegantiam, eruditionem, virtutes alias non memoro. Ita mihi apud alios commendanda sunt; tecum de tua erga me benevolentia maxime agendum. Eam certè tantam experior, ut expectatione æquæ, ac merita mea longè superet; sed te nimirum attendere debeo, qui agis nihil perfunctoriè. Repere nescis vel in minimis: quid mirum si in immerentem sit tuus amor aded insignis. Quod me attinet, mihi gratulor, quòd ad tantam Viri tanti amicitiam accesserim. Quod ad te spectat, vicem dolerem, nisi nossem virtutem tuam mercedem habere profusionem sui; nisi mea me conscientia de affectu saltem rependendo faceret securum. Laudare Epicurum pèrgis; & hoc ipsum in maximis collocatur officii ducto. Eo enim loco Virum habeo, ut mea propè interesse quidquid de illo dicitur, putem. Lacerari passim solet Vir innocentissimus. Quidni exoritur semper aliquis, qui Veritatis, quàm rumoris popularis amantior, ausit sapere supra vulgus. Sanè cum ex libris à te euulgatis admiratus primùm fuisset ingenium, & candorem tuum (sentire enim de magno Viro videbaris magnificè) postquam sum tamen coram alloquutus; postquam ista iam rursus accipio; dispeream, nisi obtusescerem. Vtinam perfecisses ipse, quod in tanti Philosophi gratiam animo destinaueras. Quàm id egisses elaboratè: Quàm fuisset tibi, tameris paucis contenta iudicibus, obstricta Philosophia. Id mihi certè præ cæteris incedidissimum extitisset: onere enim me subleuasses, quod etsi non sine consilio susceptum, crescere tamen in dies mole, maius experiri viribus. Quid tum porro; dissidam-ne, ac te præsertim consilium probante; Enitar, ut poterò; & vtunque me moles obruat, non inuelle tamen fortè erit collegiis rudera, quæis alius addat concinnitatem. Scio non posse ex istis ruinis excitari statim ædificium elegans: at videre sæpe licet humilia tuguriola Palatiorum Regum occasione fieri. Non ego id quidem mihi de mea polliceor seu fortuna, seu industria; hoc noui, deesse plerumque, qui in magnis rebus fundamenta iaciant; non deesse qui progressus curent. Ac in præsentem quidem negotio non idem videtur sperandum, quod in rebus applausum statim apud multitudinem nanciscuntibus: fortassis tamen non deerunt generosa ingenia, quibus hoc meum propositum placeat. Quamquam verò paucissimi probent; modò tui similes sint, factum erit satis abundè. Tu vt iudicare possis, quid hoc rotum saturum sit, describere cogito Elenchum singulorum capitum, vt Operis simul & scriam, & argumentum videas. Vt ad tuam redeam Epistolam, nairè probo quod tu inuis de hac ætate Chrysippea. Quid facias tamen; ea est ingeniorum conditio, vt præire paucissima possint, sequi numerosissima. Ne Leænæ quidem ætas vnumquodque sæculum est, vt vel leonem vnicum inter ingenia parturiat. Illud proinde ego etiam doleo, tot præclara monimèta, quæ ille *ἡ δὲ δὲ* posteris suis reliquerat, tantà iniurià intercidisse. Quàm enim diues esse vena debuit, ex

qua effusa, tot deinceps magni Viri ditati sunt! Non ille certe pluvias torrentis instar aquas colligebat; exundabat potius viuo, ac perenni gurgite. Et mirum tamen, in exhausta scaturigo fuerit; deriuata inde flumina, altè condita, late ignorari. Sectatores tu accusas; ego non proflus abnuo. Fuere enim semper Spurij, quos germani Epicurei Sophistas appellauerunt. At præcipuam mali causam reicio in Stoicos; quippe à nascentibus Sectis illis sese infensissime aduersus ipsum composuerunt: Zeno, Cleanthes, Chrysippus strauere viam successoribus: Isti ne degeneres forent, non erubuerunt supponere libros, quibus ille infamaretur. Qui fuere præ cæteris & graues, & sancti, è te esse putauerunt non quid verum esset expendere, sed iuxta euulgata à maioribus Epicurum insectari. De locis illis Laërtianis, quòd tu meum sensum amplectaris tam humaniter, iucundè sanè accipio; nisi te tamen satis nossem, nisi vnā tibi esse cordi veritatem perspectum haberem; illud mihi suspicaret. Neque enim sic ego vnquam meas probo commentationes, vt de ingenio non valde diffidam. Exemplum vis imbecillitatis; nescio an, *ἀνθρώπων φροντισμάτων, ἀνθρώπων, ἀπὸ τοῦ αἵματος*, existimāram, τὸ δὲ, transponendum, & præmitendum, τὸ δὲ *ἀπὸ τοῦ αἵματος*, quasi nimirum vice duarum vocum, quibus cæteri vterentur, Epicurus reponeret illas, *ἀνθρώπων φροντισμάτων*. Re attentius considerata, subdubitaui, an non potius mendum lateret in voce illa, *ἀπὸ τοῦ αἵματος*. Siquidem cū aliās verbum huic phrasi necessarium desit, si pro *ἀπὸ τοῦ αἵματος*, reponeremus, *τῶν αἵματος*, vel etiam, *φροντισμάτων*, vt facillè potuit harum vocum commutatio fieri, sensus non malè cohereret. Certè vel locus Lucianicus, quem ipse tu indicasti, tametsi non conuincat præmissum fuisse ab Epicuro, τὸ *ἀπὸ τοῦ αἵματος*, in Epistolis; innuere tamen id satis videtur. Vrget, quòd Epistolis illis apud Laërtium exstantibus, τὸ *ἀπὸ τοῦ αἵματος*, habetur præfixum durum quippe nimis videretur; quam ego culpam coniectabar, conferre in librariorum. Accedit, quòd Cicero quoque in secundo de Finibus recitaturus illam Epicuri moribundi Epistolam, præmittit hanc Epigraphen, *Epicurus Hermachos* S. Verisimile ergo puto sensum esse, quòd Epicurus nunc, τὸ *ἀπὸ τοῦ αἵματος*, nunc, τὸ δὲ *ἀπὸ τοῦ αἵματος*, nunc, *ἀνθρώπων φροντισμάτων*, Epistolis suis præposuerit. Quamquam & Laërtius oblitus fuerit quartam illam vocem, *φροντισμάτων*, videlicet, quæ Lucianus, te obseruante, notat Epicurum in paucis vsū Epistolis. Næ ego tamen ineptus sum, qui te his nugis detineo! Sed tecum ago, vt cum Parente. Fortassis etiam pergratum erit, quòd hanc cramben repetierim; quippe & denud iudicium feres. Restat, quas neque persolvere, saltem indicem gratias, ob communicatum notarum Iunianarum *αὐτῶν φροντισμάτων*, illas iam, vt cæteras, quas idem ad te miserat Rutenus, cum Laërtiano textu contuli. At neutræ attingunt capita Doctrinæ, de quibus ego sum præsertim, maximè que solli-

citus. Quòd quidem sunt, perpolitæ sunt, vt illi erant sanè eruditi. Mirum tamen vt semper præcipuos præteruolārint vortices: neque enim si quispiam locus Delio indigeat vrinatore, gurgitem hunc subeunt. Tentabo ego vt potero omnia, quæ meum attingent institutum. Tu ipse Iudex aliquando eris. Rutenus porro benè diuinārat multa ex locis à Iunio correctis, restituta fuisse in consequutis editionibus. Adde notata penè eadem omnia in editione Hefychij Mileij, cum eiusdem Iunij notis. Quia enim Hefychius fuit Simia, scriptor nempe Laërtij, necesse fuit Iunio circa illum inseruiet, quæ circa hunc fuissent obseruata. Dissentio ipse in nonnullis aliquantulum, sed atterere illa iam non lubet, cum me iam plus æquo importunum sentiam. Itaque finem facio. Vale. P V T E A N S Humanissime, & me porro amare perge. Parisiis postridie Eidus Decemb. M. DCXIX.

Viro eximio IACOBO GOLIO in  
Inclita Leyde Academia, & lin-  
guarum Orientalium, & Matheseos  
Professori,

PETRVS GASSENDVS S.

**Q**uantum tibi debeam, mi GOLI, facile de dictu profectò non est: quippe iis me cumulas humanitatis officiis, quæ compensare non sit in promptu: Egeram ego temerè, cum nihil de te meritis, ausus fueram abs te postulare librorum à te ex Oriente aduectorum Indicem: Tu nihil meam, seu impudentiam seu imprudentiam attendens, voto fecisti plusquam satis, & candoris simul, ac benevolentiae magnum præbuisisti specimen. Itaque mihi quidem ipsi vicerat mea fidem faciunt, quàm me tibi obstrictum sentiam: At quibus verbis id exprimam, partim non habeo, partim erubesco. Ea enim est animi tui moderatio, ea lenitas, vt dicenda alioquin non feras. Hoc saltem habe, me eum esse, ex quo vt desint cætera, nunquam sis tamen animi & boni, & grati affectum desideraturus. Quid dices porro Catalogum videns mihi priuatim vtendum, fruendum, factum esse publici iuris? Scribit ad te Typographus, Vir omninò solers (is est, qui celebrem Bibliorum editionem iam penè absoluit) quid consilij ceperit; ego, si quid ille peccauit, in me totum recipio. Scilicet me nec ignorante, nec inuito id est aggressus, qui compellabar vndique vt illius facerem copiam. Hæsi diu, multūque, fateor, paterer-ne prælo committi; confidens futurum fuisse, vt si ipse non improbasset huiusmodi euulgationem, alio fortassis ordine, aliisque etiam verbis seu pluribus seu paucioribus, itēque iis typis, qui isthæc non desunt, fuisses illam procuraturus: cum aliunde quoque ignorarem, posset-ne quidpiam tibi propterea à Magnificis Academia Moderatoribus succenseri. Verum tamen animaduerti, cum appareret rem esse factam præter tuum consilium, posse te, nisi id probares, probari-ve



probativè deprehenderes, faciliè culpam re-  
licere in amici illius affectum, cui de excu-  
dendo nihil cogitans, Indicem illum confe-  
cisses. Curaui pròinde vt Typographus illud  
promoueret, simulque tuo cum elogio, com-  
mendaret etiam Illustrissimos Ordines, Aca-  
demiæque Moderatores, quorum nunquam  
valeat satis suspici in promouendis bonis Ar-  
tibus, ingens animi celsitudo. Vt cumque seu  
illi, seu tu, quod ad eum me accipias, (exopto  
verò quàm optimè) seito me rem fecisse per-  
gratam innumeris Viris, qui literas amant, be-  
nèque mereri de iis satagunt. Id breui pernosc-  
ces, quantum ego certè coniecturà assequor, ita  
ardenter multi expetunt, quid in plerisque il-  
lorum librorum continetur peruidere. Sunt  
qui Poësim Arabicam cognoscere desiderant;  
sunt qui præclaras historias, sed quæ præsertim  
attineant Francos, sunt qui Opera Mathema-  
tica; sunt qui Philosophica; sunt qui Medica;  
sunt qui alia. Multi pròinde me hæcenus mo-  
nent vt te exorem manum admoueas interpre-  
tandis iis libris, qui pro cuiusque studio sunt.  
Ego nihil tibi præscribere ausum, qui satis no-  
ui iudicium tuum in iis libris deligendis, qui  
sint & clariissimi, & vtilissimi futuri. Vnum est,  
quod dicere valeam, nihil videri tuæ vtrique  
professioni magis consentaneum, quàm si ad  
librorum Mathematicorum interpretationem  
te accinxeris. Ex ipsis autem nihil videretur  
Conicis illis Apollonij hæcenus desideratis ha-  
beri posse illustrius. Eò video plurium vota  
conspirare, ac tantò magis, quantò si cum re-  
centibus istis veteres libros excudi curares,  
veterum etiam copia fieret, quorum exem-  
plaria rarissima sunt, & carissimè vaneunt.  
Sunt, qui cupiant, si editionem hanc curaue-  
ris, Serenum ad calcem minimè omitras. Tu ex  
teipso consilium capies; puto ego si Appollo-  
nio, Heroni, aut similibus animum applicue-  
ris, dignam rem fore liberalitate Ordinum il-  
lustrissimorum si impensas ipsi fecerint; nisi  
fortassis occurrat tibi Typographus adeò ge-  
nerosus, qui præter suas operas, conferre vclit  
etiam sumptus figurarum delineationi neces-  
sarios. Posset eidem committi Editio librorum  
Aristotelicorum, quos vt opinor, non præter-  
mitteres de Animalium historia. Mirum enim  
quanti illa emolumenti sit futura, cum nemo  
plane litterarum eiusmodi libris carere pa-  
tienter sustinerit. Patirè-ne porrò G o l i  
optime, vt meum ipsum exponam votum. Ni-  
hil, vt dixi, præscribere volo, neque contendo,  
vt propterea molestiam tibi aliquam crees,  
quò mihi satisfactum velis. Optàrim solum,  
vt patiaris explicare me, quid maximè deside-  
rem. Cum cætera omnia videre peroptem  
tum maximè, nisi quamprimum Astronomi-  
cas Tabulas, saltem varias illas Orientalium  
observationes Cælestis. Nosti ipse cuius sit  
momenti consignare illas Posteris; cum non  
videamur posse melius de consequente ævo  
mereri, quam si quidpiam eiusmodi ad ipsum  
transmiserimus. Cætera quæ sunt Inuentionis,  
ratiocinique humani, possunt, cum pereunt,  
millies repeti. Idem enim semper est huma-  
num ingenium, & quidquid vnquam fuerit, ab  
aliquo excogitatum, potest id ipsum in alte-

*Gassendi Epistole.*

rius mentem aliquando incurtere. At Cæle-  
stium obseruationes, quæ alligatæ sunt tēpori,  
non nisi semel fieri possunt, eoque pretiosiores  
sunt, quòd elapsa earum momenta æternitatis  
deinceps totius effugiant amplitudinem. Non  
te latet quanta penuria eiusmodi Obseruatio-  
num à Ptolemæi vsque ætate ad Copernicum,  
vsque, & Tychonem maximos Viros fuerit.  
Quanti verò putas illi fuissent, istas, quas iam  
adfers, empturi; cum præsertim, quantum con-  
iectior, ad sæcula illa intersecta pertineant.  
Quàm optaret verò etiam-num Deus illud  
eximium tempestatis nostræ Keplerus vi-  
sas easdem sibi, & examinatas fuisse, ante  
Tabulas illas suas Rudolphinas editas! Dice-  
res illum tacito quodam inspirante genio di-  
stulisse tamdiu editionem hæc, cum adhuc ta-  
men vno ecce, altero-ve anno videretur fuisse  
præcocior, verum satis adhuc maturè in Euro-  
pam illas aduexisses, si dum Vir magnus supe-  
rperstes est, experiundo comprobare posset il-  
læ-ne Tabularum suarum supputationi con-  
gruerent. Cæterum autem si congruerint;  
Deum Immortalem, quæ exultatio! tamen  
hic stylum cohibeo, ne ex te quidpiam nimis  
impensè efflagitare videar; tu hoc quidquid  
est, boni consule; qui si quidpiam improbaue-  
ris, comparatum me habes ad multam. Dum  
ames me, id tam erit satis. Vale itaque, caris-  
simum caput, & clarissimos Collegas, præser-  
tim Heinlium, & Vossium (si is quidem est ex  
Britannia redux) meo saluta nomine. Parisiis  
vi. Eidus Februar. M. D. C. x x x.

PETRVS GASSENDVS  
HENRICO RENERIO S.

**E**st tuus candor, ea virtus, RENERI  
carissime, vt te si nolim amare non pos-  
sum. Expertus sum præsens quanta esset tua hu-  
manitas: qua iam in absentem officia testaris,  
vt tui obliuiscar minimè patiuntur. Quam Pa-  
rtheliorum explicationem abs me habere cum  
Amsterodamo discederem, volueras, excudi  
deinceps, tibi curæ fuit. Id sanè debeo amici-  
tiæ tuæ, qui tamen si erubescio tantillum meum  
ratiocinium tanta luce illustratum fuisse, &  
me oneratum iis titulis, quos sentio quàm non  
merear; non tamen sic meum ruborem atten-  
do, ac illam tuam erga me beneuolentiam  
suspicio Plurimum quoque deuinctum me ti-  
bi propter missa illa exemplaria habeo. Quip-  
pe licet ego hunc quasi abortium, partum  
despiciebam, non desuerat tamen Amici, quo-  
rum causâ (quod & videre, & fouere illis gra-  
tum fuerit) agere grates debuerim. Errores  
quosdam te absente irrepsisse in typos scribis;  
malo ego longè eos adesse, quàm si debuisses  
illos tuo auertere incommodo, Res nullius  
momenti est, neque eius cura debuit esse tan-  
ti. Cæterum rem gratam per scribis, obstrictos  
tibi ingenuorum Adolescentum Parentes ad  
tibi suppeditandum annuos, dum eris in viuis,  
pinguis redditus. Scilicet huius rei certior po-  
tes iam consilii studiū, quæ tuis certam metam  
præfigere, te professus, vt ille olim, postquam  
id obtinuit, quod petierat, Philosophorum non  
indigere.

indigete. Et profectò quidem vir Sapiens bona in se se continere debet, quæ ad bene, beatèque viuendum sint satis. Verùm & illorum professio ex adiunctis fortunæ bonis clarescere plurimum potest: & constantius longè vita degitur, dum constat vitæ degendæ modus. Non mutant amplius consilia; efficiturque, vt Animus & expeditus, & alacrius sese comparat ad philosophandum. Non cuius contingit sic esse affectum, vt Diogeni, aut Demetrio, vt Cleanthi aut Epicteto; & Aristippus; & Atticus & cæteri sunt philosophati, quos omnium decuit status & res. Caue modò, cauebis autem, quæ tua est moderatio, ne vnam rem nimis curam putes. Si is enim es, qui interdum ea, quæ tibi constituta sunt, non sufficere cogitaris, à tramite eius, quam quæsisisti, beatitudinis excideris. Ad pauca, eaque necessaria oportet nos componere; & vt augeamus opibus, rescanda solum desideria sunt rerum non necessarium. Vulgi hominum ea stulticia est, vt plura semper appetat; & vt à futuro semper dependeat; vt cum bonorum finem non norit, fructum eorumdem nunquam assequatur. At Sapiens, cui perfectum est, quàm paucas, quàmque paratas natura opes desideret; qui nouit quantum, & quo vsque vtendum rebus omnibus; tueri semper modum consentaneum, & à cepto nunquam aberrat. Vnum est, quo valeas te exultare rotà ditiorum Indiæ, si cælibem vitam degere institueris. Non hoc dico in odium coniugij, aut quasi illud sim disuasurus, si tuus affectus eò fortè propendeat: Atingo solum vt moneam eum, qui vxoris, & liberorum curam suscipit, studium quoque suscipere rerum perpetuò promouendarum. Id verò demum, vt opinor, maximo est impedimento Animo verè libero, & ad philosophandum nato; cuiusmodi sanè tuus est. Tu te consule, qui te melius rōsti. Quod memoras de prætermissa Philosophiæ professione in Academia Inlyta, vt adolescentibus vacet, non video quorsum dolere debeas. Speciosior quidem illa professio, sed præterquam, quòd etiam longior, minimè ignoras mores temporum. Quam Philosophiam docemus in Scholis, theatricam facere tenemur; & nescio an cordatus vir ea professione delectari possit. Nihil certè minus dignum hoc nomine tanto, quàm quod Philosophiam hodie nominant. Germana illa pene elapsa ex hominum manibus in vmbra & silentio apud perpaucos hospitat. Hanc vnam coles, si te amabis; & illi vota facies, non ex quisquiliæ argutationum, quæ solæ ferè in pterio habentur nostris hinc temporibus, sed ex medullis ratiocinationum, quarum ex Veteribus vsque vestigia quædam permantant. Memento illi te dedere totum, cum primum adolescentis ex te ipso dimiseris; sed & quamdiu illos erudies, fac vt plerumque philosopheris. Ne elabatur tibi tempus, quod bonæ menti impendere potes, tranquillitatis futuræ spe. Fortassis isti consequenda nihil supererit temporis: ex præsentī habere, quantum licet. Cum verò quidquid agimus philosophari semper possimas; quantò magis tibi id liceat in ingenia institutione, quæ circa Artes, Literasque bonas edocendas tota est. Quin etiam

illud tibi munus tum iucundissimum euadet, si ætati illi teneræ, dum ipse philosopharis, Philosophiam, hoc est, amorem Veri, Honestique instillaueris, quippe & illos sapere docendo, sies ipse sapientior; & eos senties ex te prodituros, qui sint te olim gratissima recordatione prosequuturi. Quæris ex me, quid illis putem esse conducibilis, dum hæcenus Græcè, Latinèque mediocriter eruditū sunt, an legere multa; an dicere multa; an denique multa scribere. Ad istud verò, mi RENE, quid aliud tibi respondeam, quàm te ipsum id peruidere acutissime omnium; & si consulo-ribus quibusdam opus fuerit, habere te istic in exhaustos gurgites omnigenæ eruditionis, vnde haurire valeas. Verum, ne putes me fastidio quodam, si quid me roges, abnuere, dicam ingenuè quid sentiam: quamquam non vno id quidem verbo. Videlicet existimo vnam, quamque harum exercitationum suam habere laudem, quæ si seorsim consideretur, videri possit maxima, & aliunde, cum nulla ipsarum seiungenda ab aliis videatur, non ram puto inquirendum quænam præferenda sit, quàm dispiciendum quæ illæ temperare inter se debeant. Itaque pauca quædam videntur dicenda esse de linguis. Ac primum quidem de lectione, quæ profectò non potest illis non esse vtilissima; cum hac ratione & linguarum non satis periti ad bonorum Authorum stylium tacita quadam æmulatione possint sese componere; & addiscentes paulatim dictionum significationes, phrasconque lepores, consequi possint, vt eos Authores familiares demum habeant, quos nisi assidua lectione nunquam fuerint intellecturi. Id curandum, vt qui libri ipsis prælegentur, neque dictionem perturbatam habeant, neque eius sint argumenri, quod ipsorum captum effugiant. Alterum enim illorum ingenij fingeret inutilem crucem, cum proveciores sint habituri, vnde sese etiam ex locis difficilioribus expediant; alterum efficeret, vt neque labor iucundus esset, neque profectus responderet maximæ etiam diligentie. Hinc illud probo, cum tenera ætas narrationibus valde delectetur, vbi rudem saltem Geographiæ notitiam fuerint assequuti, fabulas illis, historiæque statim prægi, vt hisce capti, seu illecebris, lectioni assuecant, deincepsque, cum vterius procedendum fuerit, sequantur alacrius. Quamquam, quod ad fabulas spectat, admoneri illos semper velim ea, quæ ex illis recitantur, esse falsa & ludicra ne scilicet tenella ingenia superstitionum terroribus, aut vitiorum lenociniis fracta in molli- tiem degenerent ac indecoram desistantur. Sed nimirum ea videntur quomodocumque tandem pellicienda, vt lectioni quasi innutrientur; cum hoc sit quæsitum paratissimum ignorantie remedium; quo & cognita aliis, & quæ sunt à nostris seu locis, seu temporibus dissita, cognoscere nobis est in promptu. Ad Memoriam quod attinet, quæ discendo excollitur, ea non potest etiam satis commendari, ac præsertim in hac ætate, quæ & eius est temperamenti, vt faciliè quidvis addiscat; & iis curis soluta est, quæ vulgò solent grandioribus maximo esse impedimento. Certè quæ Me-  
moriam

moriam est diues, ea hominem facit eruditum; neque magno solum ornamento in humana societate est, sed ex locuplete etiam penu sana consilia, sana decreta suppeditare iudicio potest. Ad istos quidem nunquam probam, qui multa addiscunt; non ut multum sapiant, sed ut multa sciant, & ex memoria gloriam querant. Verum multa ediscere, ut iudicium inde roboretur, & in ipso ætatis flore, quasi maturescat; hoc nihil duco esse præstabilis. Hinc Author tibi fuero, ut aliquid semper illi quidem discant, sed ut cures tamen illud semper ad iudicium referant. Ne labore nunquam in iis ediscendis, quæ minime intelligant. Sic enim & Mens excrucietur, & nescio quo pacto sit, ut à seipsa quasi alienetur. Adducant semper res, potiusquam verba; & cum recitare quidpiam oportuerit, non tam præscriptis verbis id dicant, quam sponte & ex re, de qua dicent, percepta emanantibus. Vtilius enim, meo iudicio, memoriam exercet, qui Marte suo, propriisque verbis enarrat historiæ; quam qui totam *Æneidem* non intellectam pronunciat. Hoc quidem est, quod ferè videmus à Parentibus postulari, & à vulgo suspici, declamari totum diem; existimant quippe nihil referre, seu scias, seu nescias, quid sit id, de quo loqueris, dummodo memoriter dicas. At ego semper existimaui nihil fieri posse ineptius; cum alia præfinit ratio suppetat & memoriam simul, & iudicium exercendi. Eloquentur Puer per me licet, & incongruè, & barbarè; dummodo voces ex sese fundat, & sit deinceps qui errorum dum cessat, admoneat. Pergat enim solum, & crebrè id faciat; continget demum, ut nunc hos, nunc illos lapsus corrigens, quidvis & scitisimè, & expeditissimè, & eloquentissimè loquatur. Quod denique ad *Scriptiorem* spectat, ea plurimum etiam conducat. Etenim, dum illi seu Græcæ, seu Latinæ linguæ, Vernaculam expriment, aut Vernacula Græcam, ac Latinam; exercitatione hac fiet, ut quod alienum fuerit, in se transferant, & ex peregrino domesticum faciant, id assèqui autem scribendo, quam dicendo licet accuratius; nam & errores cautiùs deuantur, & quæ seu dictionis seu phrasæ auribus magis congruunt, sèliguntur commodius. Scribendo nempe tentare licet, quæ compositio verborum conueniunt; cum inter dicendum omnia præter usurpanda veniant. Tameñ potè *Scripturæ* inuentio credita multis fuerit perniciofa, quòd exinde memoriæ cultura profusè penè neglecta sit: hoc saltem, negari non potest, quæ meditati fuerimus scribendo, ea tenaciore quadam ratione hætere memoriæ; idque, quod ad linguas præfinit addiscendas attinet; quæ nisi crebra repetitione, ac veluti facta quadam vi, probè imprimi nequeunt. Ut taceam, quæ, seu legeris, seu didiceris ab aliis, non melius nunquam tua fieri, quam si verbis tuis reddere adnixus, calamo mentem retardante, id ipsi, quasi infixeris. Hisce præmissis, & cum oportet accuratè iam comparare exercitationes istas inter se: breuiter tamen (quod nimis iam prolixitatis pagina admoneat) Existimo

primùm debere Pueros, adolescentèsq; plura semper pro suo capto legere, quam discant, aut scribant; quippe ea modò intelligant, non pauca semper hærent memoriæ; efficieturque ut multa etiam inter scribendum occurrere valeant. Deinde, cum debeant initio discere plura ad verbum, quam scribant, illud enim est & facilius, & ad *scriptionem* etiam necessarium: ubi fuerint tamen pronectiores, debere plura scribere, quam memoriæ ad verbum mandent, tum enim & scriptio, & Authorum imitatio expeditior ex usu est. Ceterum autem, quod ad memoriam non tam verborum, quam rerum spectat, debere tum illos plura discere, quam scribant, cum & hoc illis sit magis ad manum; & comparanda rerum copia sit, quæ declarari *scriptione* possit. Habes, mi RENEI, quid hac de te sentiam; qui exoptassem magis, quid de eadem ipse sentire, cognoscere. Sed nimis ego sic facilis sum, ut balbutire omnino malim, quam Amico nihil respondere. Quem Typographi nostri filium mihi commendas, nondum vidi: Enitit illi, si me conueniat, ostendere quæ poterò, quanti & tuam amicitiam, & Parentis eius voluntatem faciam. Tu vale, ac me semper ama, & clarissimo Riueti, cui ut alia bene multa, sic te cognitum, meique amantem debeo, salutem multam dico. Parisiis vi. Eidus Februar. an. M. DC. xxx.

*Is Renerius eo ipso die, quo uxorem duxit Placitiæ, cepit per consuium male habere, & ex eo eductus paucis post horis interijt, & tuam amicitiam, sed feruent inuenit. Narrauit Bornius, qui sub ipso suum Philosophiæ curriculum iam absoluerat.*

Eximio Viro IACOBO GOLIO,  
& linguarum Orientalium, & Mathematico apud Leydensis Professori  
Inclito,

PETRVS GASSENDVS S.

**M**IXE lapsæ mihi è manibus erant (Suauissimè GOLIO) quas ad te postremum dedi literas, cum ab amico nostro perhumano & Collega tuo celebri Riueti, epistola redita est. Significabat vir singularis & quid rerum ageres, & ut meum illud consilium de excudendo, quem transmisseras Catalogo, esses accepturus. At non multis ecce post diebus allatæ sunt mihi tue literæ, quibus quòd tuam mihi testari benevolentiam pergeres, nihil potuit esse optabilius. Vnum fuit, quod molestiam mihi aliquam creare potuisset, nisi securus penitus fuisset de tua constantia. Scribebas nihil esse in eo Indice, quod videre lucem mereretur: & ecce tamen è Typographico ab aliquot diebus iam prodierat. Quid aliud in mentem succurrere debuit, quam te eum esse, qui nihil propterea ex amicitia remitteres? Exculationem iam ante scripsi, cum missis duobus exemplaribus. Addo tuæ esse humanitatis, ut lapsum hume facile condones, idque cum mihi præcipue nihil antiquius fuerit, quam



quàm vt exinde tuo nomini celebritatem compararem. Rem porro & mihi, & plerisque aliis, quibus id innotuit per gratam scripsisti, verfare te in animo curam concinnandæ Arabicorum Scriptorum historię. Hic nempe erit, veluti desideratus Commentarius euulgati iam Indicis, in quo fœlicis Arabia præclaras merces explicabis. Id age modò, Præclare Vir, quippe non hominis vnus, sed totius cuiusdam Gentis exploratum nobis genium facies. Quantum verò putas fore, vt solertia tuæ debeant tot illustria ingenia, quorum monumenta non squalore modò, & situ deterreris: Verùm ex alio Orbe adducta in tam aperto Europæ theatro, ac tam clara luce constitueris? Hoc non obstat, quin te accingas ad proferendos specialius, qui melioris notæ visi fuerint; perutile interea, iucundumque omnino erit plurimos simul, vel potius omnes vno prospectu quasi conuerſi. Eueniet certè, quod coniectaris, fore vt exinde Arabica linguæ excitetur studium. Quid enim, amabo, sperandum non est, vbi id fuerit præstitum: cum iam ex nudo Indice tantus amor illius linguæ addiscendæ exarserit? Et scire aues aliquid de Parisiensibus studiis? Scito linguarum Orientalium heic iam vigere studium, & cum Arabica quidem fuisset huc vsque incultior: ex quo tamen tot præclara illa asportatorum abs te librorum argumenta cognita sunt; dici non potest, quàm multi illam & desiderarint, & querere occæperint. Viget & studium non vulgare scientiarum Mathematicarum: non quòd publica Auditoria frequente habeat plurimos; sed quòd benè multorum lares Sirenum harum conscij sint. Quod idem dicendum de cultu Poëſeos, Historię, Elegantiæ, cæterarumque amoenitatum, quas Humaniores literas vocant; Quippe illarum studium non tam commendandum videtur ex Gymnasiorum strepitu (tyrones enim, qui cò conueniunt) quàm ex affectu, quo eas priuatim non paucos sanè prosequi videas. Aliud studium, quo permultos etiam detineri compertum habeo, ipsa est Alchymia. Ars laudabilis, vt ego opinor, & propter naturæ inuestigationem, & propter salutem, quam plurimis parat. Sed quæ mihi semper visa est inepta propter sollicitationes Lapidis illius fœlicis, quo isti sperant non modò se Metalla posse transmutare, sed sanitatem etiam constantem, & quod amplius est, immortalitatem olim consequi. Atque hæc quidem, quantum ego noui, celebriora studia sunt, quibus plurimi priuatim incumbunt; quæ publicè verò colantur, commemorare nihil atinet. Nota enim sunt vna Professorum genera, quibus Academia semper efflorescit. Nihil proinde necesse est dicam de Disciplinâ Theologica, quæ tametsi splendorem suum non satis tueri dicatur; sunt tamen causæ, cur pluribus semper Auditoribus, quàm cætera simul omnes Facultates concelebretr. Nam & Medicinæ proci sunt pauciores, vel ex eo, quòd qui hinc promouentur Artem vix faciant extra mœnia; & ad Prudentiam Iuris, quod spectat, cum numerosissimi semper illam ambiant, ex aliis tamen Academicis in Ciuitatem ferè comportantur. Nihil de vulgari dico Philosophia, quæ

quod variis in Gymnasis alumnos semper multos educet, non est profectò cur admiremur; siquidem Dia hæc Sophia non per se ipsam iam expetitur, sed, quæ temporum est conditio, quaritur solum, veluti nescio quid *enigmæ*, ad superiores (sic nominant prædictas illas) Facultates. Nihil demum de cæteris, quorum & priuata cultura & publica institutio est. De me ipso aliquid addicio, quando ipse præterea cognoscere desideras quid retum moliar, dum hîc tempus tero. Ac præmittis quidem veluti encomium flexanimæ indolis: Verùm id refero acceptum tuæ beneuolentiæ, qui si me nosces, agnosceres suppellectilem & tennem, & curtam. Ipse certè meæ conscius imbecillitatis, nihil non respondeo, & quidquid vnquam comminiscor, ipse omnium primus semper improbo. Sed his omisſis ac ne velle celare te videar quid in præsentiarum agam, dicam pauci; Philosophor. Nosti iam quandam à me collocatam Epicuro operam, illam interdum retexere soleo, dum exploro & alia. Meditor nempe, & comparo celebriora quædam Placita antiquorum Philosophorum; ac omnes cum suspiciam, singulorum Opinionones sic enitor expendere, vt si in cuiusvis transfunderes Genium. Scilicet nullum damnare audeo; & cum Viri magni omnes fuerint, neminem istorum exillimo immeditat, ac præter rationem dogmata nobis sua promississe. Leuitate potius, ne dicam temeritatem Hominum nostrorum incusare soleo, qui passim causâ incognitâ, & vt præoccupati sunt, atro calculo illos notant. Quasi verò aut illi fuerint brutæ quædam pecudes; aut errorem Veritati præferre voluerint! Quod me attinget, ex quo mentem meam hac quasi lymphâ rationis purgavi; modestiusque me habui, visus sum mihi sic fuisse admissus in pleraque eorum adita, vt plerisque ipsorum mysteriis mihi iam videar coram interesse. Quod caput est, peruideo, nisi prorsus hallucinor, maiorem fuisse virorum tantorum conspirationem inter se, quàm hominum vulgus opinetur. Verborum est plerumque dissidium: at quod res ipsas attinget, maxima est in maximis etiam, celeberrimisque argumentis eorum consonantia. Id mirum; sed aut longè fallor, aut quod spectat ad principia Rerum, & ad finem Bonorum; ad naturam Animæ; cæteraque in quibus illi dissidere præcipuè creduntur; penè prorsusque consentiunt. Vtrumque sit, hæc mihi præsens est inuestigatio; quæ vt fallat in cæteris, vel vmbra tamen Veritatis, quam vbique capto, delectat. Vmbra dico: nam de ipsamet Deus aliquis viderit. Ea diuina est, ac Mortalium (quantum complector animo) sic deuitat consortium, vt ne humanæ quidem mentis coniectura illum assequatur. Colenda tamen, quod sui vmbra, ac veluti specie, quam verisimilitudinem dicimus, tantopere placeat. Hæc vna est, quàm exigo, dum circâ diuinam, hæc humanam Philosophiam colo: voluptatèque tum sentio, cum tot sublimis Animas video in ipsam sic conspirare. Cæterum nihil hîc subsidio de Mathematicis Artibus, ad quas interdum etiam diuerto. Nosti ipse vt facilè obliuisci illarum

non

non liceat, mihi præsertim id nefas est, qui illis debeo, si quid aliquando delirare dedidici. Vnum est, quod potius attexam, videlicet destinasse me statim à Paschalibus singulorum dierum, horas aliquas Arabicæ linguæ studio impendendas; Etenim æquum esse non duco, vt cum cæteri ita exatdescant, ac me præsertim procurante, ipse ne sim quidem lepidus. Neque me verò deterret ætas, cuius attigi iam annum duodequadragessimum: cum sapientissimo olim Viro, tamen longè prouectiori, contigerit literas Græcas auide quasi diuturnam sitim expleturo arripere. Socium, Amicum, Patronum habeo, Virtum omnino singularem, Franciscum Luillerium; qui sese eodem deuouet: Is & te colit, ac verè amat, salutâque amicissimè. Exoptamus verò vterque, vt si compendium fortè habeas, quo nos promoueri possit iudices, haud graueris nobis impertiri. Linguam vterque Hebraicam vtrûmq; callemus. Si quidpiam nobis id conferat, cò procedemus alacrius. Quod de futura mea Sède postremo loco interrogas, dicam propè quod ille, Nescio. Mundanus sum, & dum bene sit, facile autem esse potest, vbi Gentium sim, parùm interest. Atcet me adhuc à Patria, quæ illic pestis est grassata à pluribus iam mensibus, & nescio an ante Autumnum reditum illuc sim apparatus: Amicus certè ille meus, voris aliorum conspirantibus, iniicit mihi hîc remoram. Seu tamen in Patriam, seu aliò contendam, seu hic sim perseueraturus, maturè tibi significabo; vt liceat semper communicare, amicitiamque hanc colere. Accipies hac cum Epistola Merfenni te & professione Religiosi Viri literas, quibus opinor declarabit redditas tibi mea manu eas, quæ abs te ad illum destinatæ fuerant. Adiungo schedam Româ transmissam ad Typographum à quo tuus est Carolus editus; vt exinde cognosceret, Exemplar-ne Samaritanum, quod exstat Romæ, delineatum esset iisdem characteribus, quibus quod exstat Parisiis. Comparatione porò facta idem esse characterum genus, eandemque formam deprehensum est; nisi quod est exigua quædam in VVavv differentiola. Verùm optaret adhuc pernoisse, an quod Leydæ est exemplar duplex, allatum nempe illud à te, & aduectum aliud ex Angliâ: ex eisdem etiam, aut diuersis consentent characteribus. Itaque & ipse te orat, & illius gratiâ egote exoratum velim, vt nobis significes paucis ex vtroque versibus descriptis, quomodo sese res habeat. Id si digneris, simul remittes hanc, quam ego suasi, vt tecum communicaret schedulam. Superest tibi indicem esse Tubingæ optimum virum, eximiumque Mathematicum Vilelmum Schickardum, qui præclaram quandam Geographiæ restitutionem molitur. Is desiderauit habere abs me obseruationes aliquot Cælestis, quibus institutum suum promoueat. Impertitus sum; ac dici non potest, quàm grato id acceperit; quàm profectus fuerit se exinde fuisse adiutum. Existimo, si aliquas ex habitis illis in Oriente, quas tu aduexisti beneficio tuo impertarit, fore vt inde & lataretur, & iuuare-

tur quam-maximè. Igitur te etiam, ac etiam, mi Gorî, obtestari ausum, vt si quedam inter illas sint, vel Polorum altitudines, vel Eclipses obseruatæ, haud graue ducas paucarum quarundam illi copiam facere, seu ipse per te scripseris ad illum, seu eam mihi, quod non recusabo, prouinciam demandaueris. Id si egeris, experire sanè gratissimum virum, sponsoemque me præbeo fore, vt nunquam te illius tuæ liberalis animi significationis pœniteat. Salutem semper plurimam dico Collegis tuis clarissimis. Valc. Parisiis postridie Nonas Mart. an. M. D. C. X X X.

*Existimaram tantum mihi temporis superfluum, vt possem saltem ad Clarissimum Collegam Rinetum dare literas: sed vix dationi mihi paucas has ce adscribere voculas, quibus te precer, vt apud illum me excusatum facias. Id age queso; illum saluta, ac ipse Vale iterum.*

### Præclaro Viro VVILLELMO SCHICKARDO,

PETRVS GASSENDVS S.

**S**ignificauit mihi nuper singularis vir, & Amicus noster Diodatus, SCHICKARDUS Doctissime, quàm grato animo complexus Obseruationes illas fuisses, quas abs me, ipso procurante, obtinere volueras. Significauit & clarissimum bonarum literarum lumen Hugo Grotius tuis ex literis, quàm calida, quàmque effusa in me voluntate esses animatus. Itaque ego non potui, nec debui memet continere, quin tibi hanc animi alacris, & prompti testationem rependerem. Est sanè quod mihi gratules, potuisse me tantillo officio beneuolentiam tantam promereri: at fateor me illam debere indoli tuæ generosæ, quæ vinci est nescia, quæque tam amplam reponit gratiam, vt luculenter me debitorem ex creditore constituat. Perge porò; me sic amare, Clarissime, & Optime Vir; non parcam ego affectui; neque committam, vt ingratum me, immemoremque vnquam experiaris. Ac doleo quidem non licuisse tum cum obseruationes misi, aut literas simul dare, aut quas præcautiones inter obseruandum adhibuissim apponere: attamen & tum temporis ægritudine quadam destinebar, quæ vix necessaria delibare me pateretur; & faciliè mihi, nec immerito, de humanitate tua pollicebar fore, vt illud qualecumque esset, æqui, bonique consuleres. Nunc cum deberem veluti historiam obseruationum ad te scribere, vt clariùs de fide, quæ illis videatur esse adhibenda, constaret: non facio tamen, quoniam, vt spero, id poterit breui fieri compendiosius, videlicet cum ante annum longam scriptissimam Epistolam ad Religiosum, & doctum, Virum Marium Merfennum, quæ contineret quandam ipsius aduersus R. Fluddum Apologiam: ac simul curassem vt ipsi illæ eadem, paucæque aliæ, quas à me petierat Obseruationes consignarentur; audio iam procurare ipsum, vt obseruationes typis vnà mandentur cum Epistola.

*Nota.* Id itaque si perficiatur, curabo ad te transmitti exemplum, quo descriptionem videas, Nisi fiat, exscribam ipse, ac declarabo quibus organis, quâ curâ omnia peregerim. Dum id expectas saltem, me eum habe, qui volens nunquam decipiar. Ne verò & hac etiam vice Epistola abeat sine tessera, Observationem ecce attexo, cui non tam mea industria defuit, quàm si quid deest, Cælum inuidit. Illam ad verbum sic conscriptam habeo *meis in commentariis*. Dinia, anno 1627. mense Septembris, die 18. Stylo nouo, Vespere. Cum esset Australis in cauda Ceti iam alta ad Ortum gradibus 21. min. 54. (Quadrans aderat, cuius radius longit. 5. Pedum) hoc est hora 11. min. 1  $\frac{1}{2}$ . Tectura erat omnino Luna prædictam stellam in gena  $\rightarrow$  seu quæ est occidentalis trium in collo  $\rightarrow$ . Atque id quidem triente, aut  $\frac{2}{3}$ . Limbi inconspicui; siebat enim (iam *ἐπιφανέτω*), aded vt ægerimè etiam Telescopio secundarium illud lumen adpareret, ab Australi cõfinio lucidæ & obscuræ partium, hoc est paulò infra medium eiusdem partis obscuratæ. Verùm nubes tunc importunè ea parte Horizonti occiduo proxima ascendens (quæ & sensum totum residua nocte occupauit Cælum, & sequente die copiosam effudit pluuiam) inuidit spectaculum. Quamquam iurare propè a usim occultandam fuisse Stellam eo ipso momento, aut insensibili post tempore ex quo videre illam desij. Tanta nempe sedulitate sectatus ipsam Telescopio fueram, cum Lunæ deorsum quasi adreperere videretur tantæque ipsi propinquitate admota iam fuerat (vix enim inter Stellam, & illustratam Lunæ orientalem partem videbatur collocari posse dimidium eius, quod illustrabatur, cum tamen (esset vno tantum die *dichotomo* maior) vt aliquoties iam miratus essem, quorsum tandiù differtetur eius occultatio. Hinc si vel vnum, vel duo minuta addicere volueris; nihil existimo amplius adiciendum. Semi-quadrante certè horæ post, eleuata nempe eadem cauda Ceti grad. 22  $\frac{1}{2}$ . dehiscentibus illis nubibus Stella prorsus visâ non est. Habes obseruatiunculam, quæ si tuo vtcumque instituto deseruiat, tum censebo opellam meam inutilem prorsus nõ fuisse. Certè quæ ejus generis obseruationes haberi possunt, conducere præsertim videntur, quòd hic illæ absint vmbra tum ambages, quæ circa Eclipses Lunæ obseruandas solent negotium facessere. Circa illas quas accepisti nullam vnquam rationem habui illius velut caliginis quæ Luna aequè & initio, & ad finè suffunditur. Vius sum Optico tubo, qui Lunam quasi detergendo, limbum ipsius discere monstraret, temerationemque statim sensibilem efficeret. De Solari ne me vanum putes; si dicere a usim & exquisitissimam illam fuisse, & dignam fortassis, quæ olim in Astronomiam adfiscatur, peruidebis postea quid studij circa illam contulerim. Sed & quoniam dum noster Grotius Literas mihi tuas recitaret agnouit fore vt gratum haberes, si aliquid etiam impertiri possem de variatione Magnetica, ecce adiungo illam Aquis-Sextiis, non esse omnino sex graduum. Scilicet ducta ex-

quisitè Meridiana linea (quippe neque vnico die, neque vnica aut hora dici aut Solis altitudine ea, & descripta, & probata est) Ego & singularis vir, amicisque meus Iosephus Galterius Prior ac Dominus Valleræ, vix vidimus vnquam Magneticam acum ab ipsa deflectere vltra gradus quinque & minuta ferè 50. Nosti quàm hæc obseruatio distet à coniecturis Nautonerij, de quo ad Grotium quoque scripsisti. Filium ipsius illic vidimus, qui Patris exemplo Meridianam lineam venaretur solum ex latrunculis seu stylis, quorum vmbra circellos varios ante & post Meridiam secarent. Verùm & hæc quoque ratione (tametsi obseruandi genus praxi ipsa nominibus multis lubricumque, & fallax sit; vbi præcisionem exegerimus) apertum ipsi factum est, quantum coniecturæ Paternæ ab experientia recederent. Ita nimirum contingere solet quoties quis suis applaudens infomniis Naturam ipsam negligit. Quasi verò, si quidpiam bellè, ac in ipsis hypocaustis ratiocinati fuerimus, necesse sit vniuersam statim naturam rerum alligari nostris ratiociniis? Infelices nisi peruideamus alium esse naturæ genium, quàm humanæ mentis coniectura ferat, & cuius cum opera patiant, modum tamen operandi inuestigare non liceat; tantum abest, vt certas leges Genio nostro consentaneas perscribere tentandum sit. Cæterum hæc cū Epistola accipies vnâ Catalogum rarorum librorum, quos vir insignis Golius ex Oriente nuper aduexit, & apud Leydam deposuit. Passus iun illum hic excludi, postquam me Golius ipso donauit; quoniam interesse putauit rei Literariæ, vt multis innotesceret; Videbis inter cætera mentionem in eo fieri Obseruationum Cælestium variarum, quæ in Oriente sunt habitæ. Hæc causa est cur ipsam nuper tu causâ rogauerim, vt obseruationes illas recenseret, & quascumque aduerteret, seu Altitudines Polares, seu Eclipses obseruatas (vix autem possunt non esse complures) illas & interpretaretur, & vel ad te ipse mitteret, vel certè mihi committeret, ad te deinceps transmittendas. Id si egerit (ager autem quæ est ipsius humanitas, ac in me ipsum nuper tu causâ non contemnendam operi tuo fore accessionem. Cum ad me primum rescripserit, quid sperandum sit, curabo vt nôris. Vale interea, Præclare Vir, & quod agis, agere perge. Scripseris genus, in quo versaris, vtilissimum aequè est, ac delectabilissimum; viderisque præ cæteris, quotquot attingunt hoc argumētum, dignas omnino agitare curas. Nimirum isti consarcinatores non hilum quidem proficiunt. Id agunt solum, vt Veritas, quæ obducta semel fuerit, inuolueris semper pluribus regatur; & quod fieri solet in communi vita, plurium exemplum noceat. Tu generosius reuocas rem ad germana principia. Vtinam forent in singulis vel Vrbibus, vel Regionibus, qui instituto tuo deseruirent. Vereor ne tuus affectus tantum Obseruationum necessarium magnâ labore penuriâ. Ita paucos viderelicet, qui ed applicant animum, putentque Cælum sibi datum in hereditatem fuisse. Exclamare profectò licet, *Carnus in terra Animal* Verùm



Verum ne cessas propterea pergere quo vsque licebit; Nisi rem planè perficies; attamen fortassis eueniet, vt bene multis torporem excutias; & cum semel fundamentum pulcerrimæ rei ieceris, maxima tandem moles asfurgat. Iterum Vale, ac me ama. Dabam Patrisis 14. Idus Mart. an. vulgari M. DC. XXX.

*Visum est artexere aliud Catalogi illius Exemplum, vt si fortassis tibi intercedat cum Keplero necessitudo, illius ipsi copiam facias. Fortassis illi vir maximus continebitur lubens; & vt negligat cætera, curabis certe vt affectum, quo ipsum complector, incunde accipiat.*

*Viro nunquam satis laudato IOANNI KEPLERO S. Cesareæ Maiestatis Mathematico Celeberrimo,*

PETRVS GASSENDVS S.

**N**on est quod te detineam multis, ô Literatorum Decus. Mitto ecce munusculum, quod si gratè acceperis, plus aquo fuero consequutus. Haud sanè id est, quod mereatur in tuas manus incidere; sed cum non ea sim felicitate, vt quidpiam melius proferam, spero de tua humanitate, vt quàm hic testor obseruantiam, haud iniucundam habeas. Supprelsissem lubens hunc partum, qui in priuatos amici vsus, nô in hanc lucem quæsitus fuerat: verum cum alea iacta sit, superest locus excusationi, qui emendationi non parat. Semel iterumque memineram tui in illa Epistola. Fecissem fortassis ampliore elogio, si vel leuis suspicio fuisset rem olim typis mandatum iri. Sed spes est fore, vt candor tuus, quidquid id est, conulari boni. Typographi error præ cæteris fuit, vbi posteriore loco facta est tui mentio, nempe lituras, si quæ erant in *ἀπογράφῳ*, partum obseruauit: verum tamen quæ ad calcem est appollita *ὑποθήκη*, vt legendum sit indicabit. Quod spectat ad Obseruationes, illæ & compriores prodire, & instructiores poterant; sed quæ sunt huius generis, nisi simplicitate placeant, non est omnino quod euulgentur. Cæterum copiam à Schickardo nostro tibi iam existimo factam illius Obseruationis circa Eclipsin Solis nupcram diei x. Iunij, &c. *residuum habetur sub Titulo Mercurius in Sole visus & Venus inuisa, Excerpti nomine his exceptis.* Sed finem facio, ne morosior sim, iam enim scriptio, quam te meis nugis præter institutū detineat. Tu me ama, Præclarè Vir, qui excellentis tuæ virtutis sum obseruantissimus. Dabam Patrisis 14. Kalend. Septemb. an. *Ætæ vulg. M. DC. XXX.*

*Raro Viro, & Amico sincero VVILELMO SCHICKARDO, linguae Sanctæ apud Tubingenfis Professori Peritissimo,*

PETRVS GASSENDVS S.

**D**ies aliquot sunt, mi SCHICKARDÈ, ex quo amicus ille noster vir singularis, Elias Diodatus misit ad me literas tuas cum

adiuncta obseruatione Eclipsos Solis nupcrimæ. Obseruationem eandem abs te missam habueram iam antea Grotij nostri nobili manu. At causa duplex, quod responsum in hanc diem distulerim: vna, quod cum ipse ad eundem Diodatum obseruationem Eclipsos meam tibi resignandam misissem, crediderim fore, vt non auidè, languidèque eam expectares: Altera, vt libellum istum ad te simul transmitterem, quando & illum te lubenter visurum esse significâras. Quod ad Eclipsin itaque spectat, factum iam est operæ compendium, cum interuentu amici nostri videre iam potueris quidquid fuit in illa mea obseruatione præcipuum. Idem etiam poterit tibi ex adiuncta Epistola, quam ad Keplerum scribo, constare; cum eo sine liberam à sigillo faciam, vt possis totam pellegere. Erit fortassis quodd præter Eclipsin libenti animo conspicias; Id si ita sit, tuo vtire iure: nam illud ad te simul scriptum volo; Cura solùm vt deinceps & Epistola & adnexum aliud libelli Exemplar ad Keplerum quam-primum detur; sed sic tamen vt tua intercessio addat pondus munusculo. Scilicet, nisi te excusante, qui communis amicus cs, non erat, quod huic virum tantum, tam ardentem interpellarem. Maiori vtor erga te licentia; sed nota mihi tua humanitas, ex qua meritò hæc mihi libertas. Plurima occurrunt, quæ digna sint veniâ; sed tu ad illam impertiendam etiam non rogatus propendes. Hinc quod attinet libri argumentum, cum vnâ opus esset liturâ, id tibi tamen fidenter sisto; quasi non esset, quo offendereris. Quare & quidquid iudicaueris, scito id mihi, cui tuus candor perfectus est, acceptum fore. Quamquam miserebit me tui, si ea te fortè patientia teneat, vt velis rem cognoscere. Etenim eæ nugæ sunt, quarum me penè & piget, & pudet. Verum tu omnia, vt videbitur. De Parhelio, quod memoras, doleo id fuisse Amsterodami in fasciculis ad eod procuratum, vt nudum & sine delictu excerptum mea ex sententia nomine meo circum-latum sit. Prolixa enim Epistola fuerat à me ea de re scripta, quæ si sua serie fuisset excusâ non ad eod me ridiculum, quantum coniector exhibuisset. Probas tu quidem; at ego, dum id facis, affectum tuum sic agnosco, vt nihilominus sentiam, quàm præter mentem res acta sit. Sunt hic amici, qui me conquærentem de euulgatione illa cum audierint, requisierint Epistolam, quam & curarent imprimendam. Nisi ea adhuc sub prælo esset, exemplum ipsius ad te mitterem, sed occasione proxima id fiet. Quod de reliquis illis meis Exercitationibus rogas, cur non iam in lucem prodierint, in causa sunt tempora, & mores. Libertas in illis mihi paulo maior quàm fetat rerum præsentium conditio. Tamen si enim sic tempero omnia, vt calumnias præoccupem; nondum tamen sum ad eod felix, vt satis æquos indices nanciscar; quare Saluti consulo, dum & seruire temporis studeo. Parum absuit quid Prodomus ille, quod solita approbatione non prodississet præmunitus, excitaret Tragœdiam. Quidnam putas, Sperari debuit de reliquo illo apparatu?

Itaque

Itaque faciam rerum aliam, melioremque sorte expecto, quæ nisi mihi adfuerit, mihi pecinet, & Musis. Habeo & alias Commemorationes in Philosophiam Veterum, sed nempe mihi & Amicis habeo; quæ enim vulgò laudantur, & placet generis longè alterius est. Sed ad libellum redeo, in quo videbis Observationes, quarum mentionem feceram tibi superioribus literis. Ego, cum illas percurrerem, deprehendi etiam illam de Occultatione Stellæ in gena quam literis ad te datis inserueram. Tu, quod literas onerâti descriptione superuacanea, lapsus memoriam tribues; neque enim illam Periticio cõmunicatam imaginabar. Nunc quod nullam ibi descriptionem legam obseruatæ à me Gratianopoli altitudinis Polaris, non pigeat observationem hic attexere, quæ habita est per Gnomonem magnitudinis haud vulgaris. Itaque ipsam peregi Gratianopoli, anno 1625. die Iunii 21. (in cuius Meridie præcisè contigit Solstitium) opera adiutus optimi illius Valelij, cuius mentio fit in libello. Negotium totum peractum est in Sphaisterio amplissimo, cuius fastigium sex Orgyis, Parisiensibus-ve toisls esset eminētius. Imprimis verò diebus aliquot præcedētibz regulā ablatā ex summo fastigio reposituramus laminam, in qua prius paratum fuerat rotundum foraminulum. Ex inferiore foraminis parte demiseramus perpendiculum & in subiecto pavimento notaueramus casus punctum. Libellato pavimento Meridianam duxeramus lineam ex illo puncto versus Boreā, (tabulā nempe ad hoc aptatā). In trabecula leuigata expresseramus intincto filo rectam lineam, trabeculamque sic rescueramus, erexeramusque, vt alterum lineæ extremum prædicto casus incumberet puncto, alterum attingeret inferiorem partem prædicti foraminuli, quæ pro vertice styli haberetur. Scilicet fiendum non fuerat extensilis, contactilisque filii longitudini, è quo plumbum dependisset. Denique prædictam lineam, seu altitudinem styli emensi fueramus repetitione particularum subtilissimè diuisarum in pede auri-chalcico, repereramusque eam esse eiusmodi partium 6469. Omnibus autē apprime instructis accedentēque prædictæ meridie, Obseruari adiuimus, norauimusque breuissimam vmbra, seu punctum limbi propinquioris lucis foraminulo traiecit in Meridiana lineam, ac emergentes distantiam ipsius à prædicto casus puncto, illam deprehendimus prædictarum partium 2541. Quocirca ex proportionē illius styli ad hanc vmbra rectam, deduximus angulum altitudinis superioris limbi Solis 68. gr. min. 33. sec. 20. seu centri semidiametro detracta 68. gr. 18. min. 30. sec. Et quia vnum minutū parallaxeos videbatur restituendū, habuimus correctam Solis altitudinem 68. gr. 19. min. 30. sec. Vnde & deducta exinde maxima Solis declinatione 23. gr. 31. m. 30. sec. Restitit altitudo Aëquatoris 44. gr. 48. min. Ac proinde altitudo Poli Gratianopoli 45. gr. 12. min. Illā præcedente Aestate per Quadrantem Bipedalem obseruaueram vno minuto breuiorem. Diameter porro foraminis in tecto fuit prædictatum partium 88. grad. Diameter Eclipsos lucis in pavimento breuior earundem 690. gr.

longior 736. grad. Vides quod meum Machinamentum: Sed & vide cum dicere de Eclipsi initio cepissem, quāta sit facta excursio: Quāquam ecquid necesse fuit adicere quidpiam de comparatione Obseruationum Eclipsos nostrarū cum tu abundè sis perspecturus quid in tua excellat, quid in mea deficiat, & ego etiam id satis peruideam. Quæso te solum, vt significes occasione proxima an nō putes differentiam longitudinalem hanc vrben & Turingam inter, inde colligi quatuor proximè minutis temporancis breuiorem, quā Tabulæ etiam Rudolphinæ habeant. Obseruationes alias requisisui Eclipsatores, quos noueram, oscitantes aded fuerunt, vt vel prorsus, nō obseruarent, vel obseruationes eas transmiserint, quas pigeat tibi impertiri. Scripsit ad me Golius noster ante duos menses, fuisse se tempore Eclipsos in itinere; ac proinde illam obseruare non potuisse, verūm promisit se conquisitum obseruationes vbique omneis, i quas nancisci valeat, quas ad me deinceps mitaret. Id si fecerit, statim illas tecum haud grauātè communicabo. Circa Orientaleis verò obseruationes, de quibus illum tui causā rogāram, postquam exposuit occupationes, quibus districtus teneretur, hæc verba subiunxit. *Primo quoque orio, quod nactus fuero locorum aliquot celebrium longitudines & latitudines ex probatis Auctoribus doctissimo viro, Domino Schickardo, cuius certè in exoticis illis rebus iudicium, & eruditionem adinor, suppeditabo.* Vengebo adhuc magis illū proximis statim literis, existimōque si tibi ad illum scribere quidpiā vacauerit, tem non inutilem futuram. Ceterū si fortuna volet, potero fortassis & ipse breui tempore te ex Oriente adiutare. Cogito enim Constantinopolim, Alexandriam & alia illa celebra loca eo fine inuisere, vt præ ceteris organis instructus Quadrante anrichalcico, quem (Radio duobus Pedibus longiore) VVillebrordus ille Snellius amicus meus singularis, dum esset in viuis, confici mihi curauerat, insignis quādam Obseruationes, quantum licebit, perficiam. Discedere spero proximo Nouembri, vnā cum viro illustri, meique impensè amante Comite Marchavilleo, qui eo tempore ad eas oras esset Orator nomine Regis Christianissimi concessurus. Id perscrutere, si videbitur, ad Keplerum poteris (oblitus sum enim literis ad illum hoc inferere) vt si fortassis illic gentium opellā meā vti velit, significare valeat. Tu verò mihi præcipuè munda, si quid meā egeas industriæ: ac si quis fortè apparatus faciendus esse videbitur, cura ante finem Octobris Literas tuas accipiam. Vale interea & me porro ama. Parisiis vi. Kalend. Septemb. M. D. C. x x x.

*Viro virtutis æternum spectande GALILEO GALILEI, Magni Herzuiæ Ducis Mathematico,*

PETRVS GASSENDVS S.

**N**on Scripsi ad te, Vir illustris, ex quo mihi si Obseruationem Eclipsos Lunarīs anni 1628. & grates simul, quas potui, perfolui,

pro

promissis ad me tuis illis præclaris voluminibus. Scribo iam rursus occasione & Eclipsos illius Solaris, quæ 10. Iunij nuper accidit, & libelli huius qualicumque, qui quoddam prodierit meo nomine, haud debuit tibi esse ignotus. Circa Eclipsim itaque eodem vsu sum apparatus, quo circa illam, quæ contigit anno 1621. & de qua etiam ad te scripseram; nisi mea memoria fallit. Verum circulum vsurpavi duplo propemodum maiorem, qui cum certiorum me fecerit quantitatis Eclipsos; cætera tamen incerta reliquit, præter momentum, quo Eclipsis cæpit. Hinc duo illa, quæ pronunciare de hoc defectu possum, hæc sunt, Vnum Eclipsim nobis cæpisse in hac Ciuitate Sole adhuc eleuato 14. gr. 40. min. hoc est hora 6. min. 16. Alterum obscuracionem Solis maximam fuisse digit. 11. min. 32. Cætera verò, vt, vestigium primum Eclipsos apparuisse in circulo circa Telescopium superiore dextra parte 35. grad. à supremo circuli puncto; Medium Eclipsos contigisse Sole alto 6. grad. 20. min. seu hora 7. min. 11. Limbum exteriorum falcis illustrata fuisse tum minore semi-circulo 10. grad. Solem occumbentem hora 8. fuisse adhuc obscuratum digit. 1. & si quæ sunt huiusmodi asserere non perinde ausim. Vt cumque sit, indico omnia, quoddam modo nosse nihil noceat. Ad libellum quod attinet, is non est, qui metearur tibi bonas aliquot subducere horas. Habe illum solum, vt pignus continuæ meæ in te obseruantia, ac testimonium memoria iugis, qua te absentem veneror, & affectuissimè complector. Spero me Constantinopoli circa natalitia futurum. Tu si mea obseruatione illic, Alexandria, aliisve in locis Orientis indigeas, aut ante discessum significa, scilicet ante initium Nouembriis, aut cum illuc appulero destina ad me literas apud illustrissimum, qui cum eo concessurus sum, Christianissimæ Regis Oratorem. Videlicet vbivis gentium habebis me semper & obseruantissimum, & amantissimum tui. Tu me modò ama & maximo Artium, literarumque ingenuarum bono æternum. Viue & Vale. Parisiis 11. Kal. Septemb. M. DC. XXX.

PETRVS GASSENDVS  
HENRICO RENERIO S.

22. Mplius mense est, mi RENERI, ex quo accepisti tuas literas vnâ cum exemplo tuæ Analyticos in elegantissimo Poëmâ expressæ. Nisi statim responderim, in causa fuit exemplum libelli, quod volebam attexere. Etsi neque illud iam accipies cum his literis, quoddam eius moles etsi non magna, vectorem tamen alium postulat. Quocumque id tempore accipies, peto non tam vt librum legas, quàm, quoddam sit meus, illum asserues. Quoddam enim mittam, non libri valor, sed amor in me tuus facit, quem vt demerear, nolim occasione tamen si leuem prætermitti. Commenda miro quodam elogio, quod ego de Adolescentum institutione rescrip-

*Gassendi Epistola.*

seram. Desiderarem in te candorem, nisi fat mihi cognitus esses. Itaque id malo sic interpretari, vt affectus in me tuus tale iudicium extorserit. Ego enim facis agnosco, quàm nullam promeretur laudem quidquid prodire demùm potest meo ex ergasterio. Parce proinde affectui, qui ille tibi imponere potest. Dum sentias me facere ingenue, si quid præsertim rogatus ago, non est quare cum illo exclamem, Equid erit præmij? Scribis fore, vt deprehendam rationem Analyticos ex appicto schemate. Peruideo quidem forte aliquid; at longè absum vt arborum tantam ad radices vsque intimas perfodiam. Qui enim vereor, ne post sudores nihilo Dauo oculatior sim, rem totam ex te discere, quàm ex me coniectari malo. Quamquam duo sunt, quæ me remorantur, ne id officij à te postulem. Vnum est si importuna, laboriosaque res fuerit: præstat nempe vt bono caream, quàm vt te malo afficiam. Alterum, si forte hoc totum abs te inuentum artificium edi in lucem debeat; quippe inofficium esset cognoscere rem præmaturè velle; & si quid fuerit in arcanis, amicitia iure id exigere. Alius sum longè, quàm vt amicum, nisi propendentem impellere velim. Quare sic te oratum puta, vt tamen intelligas me nihil nisi tuo Genio bono conspirante efflagitare: meque cum habeas, qui nisi quid præstes, nihilominus animatus sim. Cæterum non hæreo, quin res digna sit, quæ in publicum prodcat: sufficit enim tuum esse inuentum. Et multos quidem huc vsque habemus, qui simile quidpiam tentarint: sed neque omnium, neque vndique videtur felix successus fuisse: Vnus in id præ cæteris generosè incubuit Ramus: sed vt præsentio Methodus tua generalior est, neque syllogismos dumtaxat inquirat (& certè mirum videri potest, cur vt aliis magnus, cum vehementer adeo Aristotelem improbareret, ita se tamen adstrinxerit illius in ratiocinando Analyticis Figuris, & Modis. Mens quippe nostra solertior est, quàm vt tam arctis limitibus contineri sese patiatur. Mille aliis formis ex currit, quam obrem alio Hercule, aliisque nodis ipsi est opus. Hæc vt spero varietas est, quæ Artem tuam commendabit. Et enim res parui momenti non est, Ingenium humanum tam variè luxurians ita detinere, vt suos excursus omnibus agnoscat. Atque hoc quidem mirum videtur, cur artem in eo inueniamus, quod sine arte plerumque est factum: Neque enim puto Vallæum, dum carmen illud condidit, cogitasse de artificio, quod tu in illo adinuenisti. Sed nempe Mens dum sui est compos, est sibi ipsi suprema ars; si quidem ipsa natura sponte non operatur inordinate. Infantes etiam syllogismos texunt, & periculi, quod miratur Plato, scitè ad quæstia respondent. Quidni faciant i cum vt in Plantis & cæteris rebus facultates naturæ omnes functiones suas eleganter obeunt, sic Animi facultas in nobis non possit ex se non præclare suas agere vices. Videlicet tam naturale est Homini ratiocinari, quàm videre, quàm respirare, & quæ Logica sese menti proficitur succurrere, non tamen facit

D

vt



vt propterea ratiocinetur perfectius, sed præstat solum, vt quibus modis ratiocinatur, animaduertat, Neque hoc dico, quasi contentam artificium tuum inutile propterea futurum: sagacitatem potius commendo, quam intus vlque Animi sese ignorantis recessus penetrare aggredieris. Tamen si verò, quod ad Praxin spectat, sublimia quædam ingenia illud non requisierint: non dubium tamen quin seu mediocria, seu quæ sortis infimæ fuerint, inde plurimum adiutentur. Generosæ arbores sunt, quæ sponte sua sursum nitantur, verum sunt semper imbecillæ, quæ indigeant regimine. Hinc, vt Senes egent specillis, quibus iuuenes non vtuntur; ita Mentes minus viuaces iis subsidij indigent, quibus florentes commode carent. Sed ad Theoriam quod attinet, inutilis, quantum coniector, Ars tua ducenda non erit, nisi Attes ingenuæ omnes superuacaneæ censendæ sint. Quid enim Geometria, quid cetera aliud faciunt, quam vt ea speculemur, quæ iam in natura consistunt, sed quæ nisi illæ monstrarent, non essemus obseruaturi. Nimirum semper Triangulus omnis tres angulos habet, duobus rectis pareis; neque aliud Mathesis facit, quam aperire oculos iubet, vt rem se esse aduertamus. Porro Ars tua etsi non faciat vt Animus variè operetur, præstabit tamen vt animaduertat quàm operetur variè & cum voluptas magna sit ea cognoscere, quæ Mathematica reuelant, spero fore, vt Animus mirum in modum delectetur, cum ipse sibi fuerit reuelatus, & quod oraculo iubetur, se in seipso sic nouerit, vt qui agendo Protheus est, nulla se ex parte contemplando lateat. Ego itaque nisi graue sit, & nisi Artem facete publicè iuris cogites, quid hoc totum sit lubenter cognoscam. Accipies ecce cum his literis exemplum meæ ad te illius circa Pathelia epistolæ in hac ciuitate excusæ. Siquidem cum neque prostarent, quæ requirebantur excerpti illius Amsterodamensis exemplaria, neque Excerptum ea forma esset, quæ mihi satisfaceret, passus sum eam quam hic agnosces Epistolam typis mandari. Cogitaram exemplum nullum in Hollandiam mittere, ne id cognoscens Typographus ille Amsterodamensis tibi succederet; at peruidi tandem tuâ interesse, vt qualiscumque res foret, tuas in manus perueniret. Itaque ad te vnum mitto: si nihil obstat iudices, quominus res euulgetur, exempla alia pro Amicis mittam. Tu bene Vale, & hoc quidquid est, ita accipe, vt me studiosum tui agnoscas, Dabam Parisiis postridie Non. Septemb. M. D. C. x x x.

*Viro eximio & Amico singulari IACOBO GOLIO Apud Leydensis & Matheseos, & linguarum Orientalium Professori meritissimo,*

PETRVS GASSENDVS S.

**N**on ego conqueror, mi GOLI, quòd tam serò mihi retribas. Tu succedere potius deberes, quòd adeò tardè tibi respon-

deam: Sat enim noui, quàm tu variis occupationibus detinearis; cum ipse sim aut penè nullus, aut etiam proflus inutilis. Sed amicitia vtamur iure, quod quantacumque excusatione debet esse superius. Quippe maius bonum amicitia est, quàm vt amicis adimat quiduis agendi libertatem. Hinc possem deprecari veniam, prætexereque lex negotia, quæ responsionem duos propè menses remorari potuerint. Verùm ago longè candidius, quàm vt vel me peccasse putem, vel te eum habeam, qui tibi propterea satisfactum ad vnguem velis. Eodem te affectu teneri confido; quare & ago liberius. Profectò verò si tu is esses, qui quod videris parum curiosè amicitiam colere, aduerfum me offenderetis; aut ego forem ita delicatus, vt ex te qualibet officia vellem punctatim exigere; præstaret longè nullam inter nos intercedere amicitiam. Quorsum enim hoc diuinum ligamen, nisi vt vita iucundius degatur, dum se amicitia mutuis iuuant, delectantque officijs? Et verò si vnus, ex alio quidpiam coactum exegerit; tum voluptas intercidit, quæ ex amico requirebatur. Libera esse debent omnia; & nisi quis concedat amico, vt tum solum operam reponat, cum ea nihil habuerit molestij; is iam amicus verus non est: Scilicet voluptatem suam eius affectat incommodo, quem vult sibi esse amicum. Ego itaque, dum tu non rescribis, cogito nondum adfuisse tempus, quo id faceres commode; certus te id tum præstitutum, cum penitus vacaueris, nequeres fuerit importuna. Tu de me idem existima, sic enim demum amicitiam eo, quo esse debet, tucimur sine. Nescio porò ad adhuc tibi redditum sit Exemplum libelli, qui nuper prodit meo nomine. Curaui cetè ab aliquot diebus, vt illud vir clarus, & Collega tuus Andreas Riuetus tibi consignaret. Seu habes iam, seu sis habiturus; quælo vt solum habeas. Studia tua grauiora sunt, quàm vt diuertas ad tales nugas. Satis est mihi si hoc, qualecumque affectus mei pignusculum, contingat tibi non iniucundum. Accepi libens, quæ de studiis tuis voluisti mihi innotescere. Men illa Arabica intermissa potius, quàm dimissa sunt, expectatione Dictionarij, quod neque prece, neque pretio comparate hæcenus licuit. Vide quàm gratum faceres, si Raphelingiani illius exemplum operâ tuâ recuperarem. Vnum hic fuerat, conditum in Bibliotheca Thuana, quod habere mihi licuisset; At præhabuit Salmasius noster, qui & in Burgundiam illud detulit. Superaui iam pridem omnes Grammaticæ molestias; si Dictionarium habuero, en quid mihi sem inleat, quod Arabismi maiorem spem faciat. Habemus hic virum illustrem Comitum Marche-villaum, qui Regius Orator proximo Nouembri Constantinopolim discessurus est. Is cum me amet & nescio quid de studiis meis conceperit, testatur sibi esse in votis, vt ego illuc vna concedam ad peragendum Obseruationes, quas cumque lubuerit, & licuerit. Itaque iam penè constitui, sic generosè inuitatus, & virum sequi, & cumprium ad eas oras appulero Arabicam linguam

ita colere, vt ad qualemque Grammatices studium conuersationem adiciens, sperem me tandem aliquid eruditionis consequaturum. Tu seu illic opellâ mea fortassis indigeris, seu gnatus locorum, & rerum illarum directorum mihi quoddâ impertiri haud graue habueris; poteris aut ante Nouembrim hûc rescribere, aut cum illuc peruenero, apud illustre Oratorum literas ad me destinare. Ego si illic quidpiam obseruem, quod tibi fore suspicer gratum, haud inuitus communicabo. Nunc, quod spectat ad obseruationem nuperâ illius Eclipsos, quæ 10. Iunij contigit, doleo te sic fuisse districtum, vt eò animumque, manûque intendere non vacauerit. Obseruaui ipsè, vt potai, in hac ciuitate eodem penè modo, quod descriptam habes in libello obseruationem aliam Solaris Eclipsos, quæ contigerat ante 1x. annos. Itaque nobis hæc Eclipsis cæpit prædicta die 10. Sole adhuc ad Occidentem alto 14. grad. 40. m. seu hora 6. min. 16½. Digiti Ecliptici fuerunt 11. cum min. 31. & hæc duo quidem satis exquisitè. Nam & Telescopium præclarum, & circulus, quo excipiebam Solis radios, eius erat diametri, quæ parum à Pedibus duobus Parisiensibus abesset. Minus exquisitè cætera notauimus, saltem vt perinde velim fidere: Vt, quòd vestigium primum Eclipsos apparuerit superne ad dextram, & à verticali puncto circuli gradibus 35. quòd Eclipsis dimidia fuerit Sole adhuc eleuato 6. grad. 20. min. seu hora 7. min. 12. quòd falx illa residua lucis non produxerit cuspidem ad semi-circulum vsque, sed defecerint hinc inde gradus 5. proximè. Quòd cum Sol hora 8. sub horizontem mergeretur, foret adhuc obscuratus digit. 1½ & si quæ fuere eiusmodi. Obseruationes aliquot eiusdem Eclipsos accepi deinde ex aliis locis; At ea non sunt, quæ mihi videantur alicuius esse momenti. Vnica est Schickardi nostri peracta Tubingæ, quæ cõmunicari mereatur, tamen vt hic nobis ventus, sic illic nubes interuenierint, quæ plurimum interturbarent. Quæ igitur ille notauit, duo ista potissimum sunt; Primum cum ☉ esset adhuc altus 8. grad. 35. min. seu hora 6. min. 16. defectum fuisse digitum 1½ cum inclinatione diametro-rum ad verticalem grad. 40. Secundum, in maxima obscuratione falcem residuam non occupasse omninò digitum dimidium; tuncque extremas cuspides citrà Diametrum Solis fuisse, argumento, quòd diameter Lunæ fuerit Solaris amplior. Cum meam vniûs obseruationem desiderare visus sis, vides vt ipsi in *delata*, Schickardeam adiciam verum id ago tantò lubentiùs, quantò compertum habeo rem tibi inuicendam futuram, vel eo nomine, quòd Virum illum plurimi facias. Certè & ille te meritò colit, & ea sibi semper de tua humanitate pollicetur, quorum feceram illi spem. Proximis suis literis, postquam me alia quædam rogauit, ecce quid inseruerit. *Quid item Galilius ille Arabisimè Phœnix? An ne premissis stabit, & pro me Poliquasdam eleuationes vel longitudoines è libris suis Orientalibus excerpit? Sic tardè procedent mea Geographica, ob leuiam conquisitionem ex tot locis.* Hæc descripsi

Gassendi Epistolæ.

bo, vt cùm vacarit in virum humanissimum, neque erga te futurum ingratum, id officij colloces. Nisi ego hic fuero, aut ipse ea de re ad illum dare literas poteris, aut Vestris Grotij vti operâ, qui sæpe cum illo per literas agit. Vnum superest, quod te velim, nisi sim molestus, fieri exoratum. Nosti vt Snellius longitudinem Rhiulandici Pedis descripserit olim, ex Prototypo, distinxeritque in parteis 1000. Optatim ergo, si Snellianus typus reperiri valeat, digneris ipse exprimere longitudinem illius in regula, curarèque, vt ad me ante discessum deferatur. Nisi Pes ille inueniri possit, prostat semper Publicus typus, ex quo ille desumpsit: inde igitur deducere posses. Si Pedem hunc habuero, cogito illum mecum deferre cum Parisiensi, cùmque Romano, quem cum Vestrate non consentire (quiquid præclarus, & amicus vir argumentando collegisset, indubia fide repeti) vt si in illis Regionibus vestigia quædam reperierto longitudinum Itinerarium, aut alia quædam, quæ mensurarum designatione indigeant, id adnotare, & exquisitè & mensuris insignibus valeam. Sen Regulam porò, seu Dictionarium, seu aliud ad me mandare volueris; aut credes docto Aquilio, precaberis, vt ad fratrem suum in hac Ciuitate degentem transmittat; aut consules præclarum Riuertum, cui & salutem dices plurimâ Salutat te Luillierius meus, salutet & Gabriel Sionita, cum vterque te suspiciat, amèque, & sui mentionem tuis in literis gratissimam habeat. Mersenus noster ex Spadanis Aquis nondum rediit. Midorgius cupit te salutatum, ac abs te amari mirè satagit. Si amaueris, deuixeris tibi virum sanè non immerentem, Existimo quas ille tibi meo interuentu literas dedit, fuisse iam pridem tibi redditas; cum vacauerit, id significabis. Interea Vale & me semper ama, Parisiis postridie Non. Septemb. m. d. c. x. x. x.

*Singulari prorsus Viro ERYCIO PYTEANO,*

PETRVS GASSENDVS S.

**E**ongum tempus est, mi PYTEANE, ex quo non dedi ad te literas, do iam, sed breues; at breuitatem, quos simul do supplement libri. Tamen si libros dare qui possim, cum reponendo impar sim? Videlicet quæ abs te tuli haud alia ratione compenso, quàm *χρησις & ἀντίκλιση, ὑποθέσεις & ἀντιθέσεις*. Attamen tu age te ipsum, hoc est virum humanissimum; ita demum tibi ex te, quod ex me nunquam, fiet satis. Non multi sanè sunt Alexandri, vt tibi sint cum paribus omnia. Demittendum tibi ex tanto fastigio, vt te aliqui consequantur. Quod me attinet, postulo, vt nihil meum cognoscere velis, quin sis paratus ignoscere. Et si longè fatiûs, vt opinor, fuerit bonas horas non perdere in peruidendis rebus malis; flocci putâ, & nihili. Mitto scilicet, quia munusculum, qualecunque est, rependere debeo; at sentio interea vt sub lima tua stare meæ nugæ


D 2

non

non possint. Verum tu ipas quæso seponē,  
et meum erga te affectum, vi ille est ingens, solum  
ætima. Si quidpiam olim habuero præclarius,  
et illud tibi deuotum erit. Perge me solum  
amare, vt facis. Is sum, qui vt virtutem tuam  
maximi facio, & merito; sic amorem erga me  
tuum, partem maximam beatitatis duco. Di-  
scedam breui vt spero, Orientis loca inuisu-  
rus: Vide si quid officij illi Gentium præ-  
stare possim, Penes te impetium; penes me ob-  
sequium, & obseruantia perpetua. Parisiis. i.v.  
Id. Septemb. an. dc. xx x.

*Insigni Viro THOMÆ FIENO  
Professori Medicinæ apud Lou-  
niensibus Primario,*

PETRVS GASSENDVS S.


 Cipies, mi FIENE, cum hoc Epi-  
 stolo Epistolæ ingentis exemplum.  
 Tu breuitati ne succenseas; cùm nihil sit  
 necesse bis esse prolixum. Fortassis quoque  
 pluribus aliàs, quam par fuerat te inter-  
 pellauit. Verùm quæ ex me, sic confule omnia,  
 vt me semper habebas obseruantissimum  
 tui. Etiam, atque etiam Vale. Saluto semper  
 præclaros Viros. Parisiis 1v. Eidus Septemb.  
 M. DC. XX X.

Reuerendo, & Claro Viro AVBERTO  
MYRÆO, Antuerpiensis Ecclesie  
Decano,

PETRVS GASSENDVS S.

**V**odnam de me iudicium feres, MY  
RÆE Præclarissime? Sane si species  
diuturnum silentium, erit quod in me, vel  
fastidium, vel obliuionem tui suspiceris.  
At pigrum bouem me cogita, & tum me, v  
reuera sum, sine fraude, doloque accipies.  
Abiit nimirum, vt qui te habeo, veneratorque  
velut Parentem, mente semper te non com  
plectar; quantum-vis mihi lex lingua hæreat,  
seu calamus torpeat: cæterum autem nôsti,  
vt & facer cultus sentiendum, quam fando qua  
dat angustior. Verum hoc non dico, vt me  
penitus excusulam faciam (sat enim culpam  
sentio) Sed vt tua illi humanitate læsa, igna  
uitæ huic mee non planè succenseat. Scilicet  
tu ea in me voluntate animatum te prestiti  
sti, vt quibuscunque modis possum, animi  
gratitudinem facere debeam non intertestam.  
Itaque iucunde accipies eam, quæ Animo  
semper infidet recordationem suauissimam  
tui; & veniam dabis, quod illam tæster per  
litteras tantis intervalis. Accipies nam cum  
his literis libellos, nescio quos: Habe illos,  
quod me sint, non quod offerri tibi merean  
tur. Non tu illis indigebas; sed officij mei  
fuit leui saltem munusculum tuum illud grande  
donum pensare. Inuiam fortè intra paucos  
menses Orientales Ecclesias (cogito enim

dare me in comitatum Illustrissimi, qui illuc concessurus est ad Portam, Regij Oratoris) Vide, num destinatis illis à te præclaris operibus subsidij quidpiam fuero collaturus. Id certè mihi sic mandare potes, vt sperare me debeas obsequentissimum futurum. Tu benè Vale, & salutem multam Nepoti tuo dici patere. Parisiis IV. Eidus Septemb.

M. DC. XXX.

*Præclaro Viro CASPARI GE-  
VARCIO Antverpiensis πολιτείας  
Secretario, Musarum alumno, Amico  
sincero,*

PETRVS GASSENDVS S.

E T abs te quoque postulo veniam, GE-  
 VERTI Melitistim; quod tam ferò  
 salutem dicam. Profectò nisi humanitas rara,  
 qua me præsentem complexus es, absente  
 quoque prosequatur, est quod me infelicem  
 putem. Quì nihil enim exhorreo magis, quàm  
 ingratitudinis notam; et possum tibi iam ex  
 tanto silentio ingraticissimus apparere. Sed  
 spero nempe, vt quem immerentem in ami-  
 citiam cooptaueris, nec demerentem auer-  
 sis. Bis hac ratione beatus es, mi cuius tua  
 beneuolentia potest esse antiquius. Spondeo  
 interea tibi maioris impostum diligentiæ  
 fidem, quam & volo, hisce libellis, quos ad te  
 mitto, oppigneratam. Excusationem nullam  
 prætexo; quod attineret enim mittere; Satis est,  
 si te deprecet, & munus hoc, qualcumque est,  
 velut Symbolum obferuatijs affectusque mei  
 accipias. Attexo potiùs coniecturam, quæ mi-  
 hi nuper, dum præclara illa, & cædro digna  
 Electa tua percurerem, in animum inducta  
 est. Ea est circa obseruationem insignis viri  
 Claudij Puterani viti infertam *ἡνδεκακαις*.  
 Ago id porro tantò fidentius, quantò & rem  
 spero tibi gratam fore, & à viti illius clar-  
 opinione dissentio non inuitis ipsius inge-  
 nuit, ac eruditis Filio, quos mihi semper  
 coniunctissimos, & habeo & habere volo. Locus  
 itaque illi explicatur ex Epistola Ciceronis  
 xix. lib. v. ad Atticum, *Etiā, atque etiā Vale*  
*de Patrone, &c.* Contentidite legendum esse,  
*Etiā, atque etiā Vale die Patroni, & tuis*  
*condiscipulis. Quo de Tarentinis in militia la-*  
*boranti, ac tibi grata esse gaudeo.* Videlicet  
 propter amorem, quo Atticus fuerat restatus  
 filiolum se diligere, præscribere illi Cicero  
 videtur, vt valere iubeat illam Epicureorum  
 Sectam, in qua nulli, *οὐδὲ τὰ τοιαῦτα εὖ νομίζ;*  
 comptoberet. Ego hanc interpretationem  
 subtilissimam iudico: Verùm videtur mihi  
 locus aliàs fatis planus, nimirum distorqueri.  
 Certè si illam adhortationem Cicero in  
 mente habuisset, ipsam fecisset magis perspi-  
 cuam. Vt taceam illum cum Attico semper  
 egisse longè modestius, quàm vt illam  
*ἀντιπροσέ;* à Secta ipsi imperaret. Prætereo  
 familiarem illam conclusionem Epistolæ,  
*etiā, atque etiā Vale.* Cui veluti post-scrip-  
 tum quoddam adtexum illud fuisse videatur



de Patrone, &c. & maximè cum Epistola, quæ paucis valde verbis capita multa complectitur, velut subulitum fuerit conscripta. Adde explicari non posse, qui fuerint illi Tarentini pro Parietinis, vt ptdem legebatur, repositi; quæ illa item militia, in qua Cicero laborauit; quid illud demum quod egerit. Quamobrem puto alia ratione querendam isti loco lucem, existimoque si in Melite pro in militia legerimus, ac Parietinarum vocem antiquitus lectam retinuerimus, sensum ipsius clariorem futurum, Epistolâ nempe hoc modo conelusa, Etiam atque etiam Vale. subiecerit Cicero, de Patrone & tuis condiscipulis (supple, agendum quæ dicenda post-scripto hoc habeo) *Quæ de Parietinis in Melite (nimirum fisis) laborauit, ea tibi grata esse gaudeo.* En verò rationem meæ coniecturæ. Certum est ex iis ædibus, quas Epicurus moriens Sædatoribus reliquerat fuis, aliquas ita collapsas fuisse per ducentos, & amplius annos, vt Parietinæ dictæ fuerint. Cum illas verò exadificandas Areopagitarum Decreto C. Memninus obtinisset, reclararunt Epicurei, ac Patro ipse præ cæteris. Vide si placet Epistolam familiarium primam lib. x. i. i. quam Cicero, cum esset Athenis scripturæ Mitylenas ad Memnium. Cum Patrone Epicureo mihi omnia sunt, &c. Is igitur Patro, cum ad me Romam literas misisset, uti te sibi placere, peteremque, ut nescio quid illud Epicuri Parietinarum sibi concederes, nihil scripsi. Et statim post: Idem, vt veni Athenas, cum idem, vt ad te scriberem, rogasset, ob eam causam impetrauit, &c. & rursus. *Quamquam Patronis & orationem, & causam tibi cognitam esse cæro scio, honorem, officium, Testamentorum ius, Epicuri auctoritatem, Phædri obsecrationem, sedem, domicilium, vestigia summorum Virorum, sibi tuenda esse dicat.* Cæterum cum Epicurus præter Hortum, & adiuncta non alias adeo suo testamento sædatoribus reliquisset, quam quæ erant in Melite (quod quidem fuit ex Suida Cætopiæ tribus Oppidum, & in quo ἀντικρυς, &c. Fauorino, Herculis templum) perspicuum videtur Parietinas illas alias non fuisse, quam Meliteneses. Locus existat apud Lærtium lib. x. in Epicuri testamento de ædibus eiusmodi: Τὸ δ' οἰκίον τὸ ἐν Μελίτῃ, πορφυρεῖον ἡμισύμαζον, & τὸ μακρὰς καὶ ἐνὶ Εὐρώπῃ, & τοῖς κατὰ αὐτὴν φιλοσώφειαν, ἵσας δὲ Εὐρώπῃ & Ἰῶ. Redeo ad illam Epistolam, in qua & Memnium Cicero hortatur, vt tollendo illo Areopagi Decreto contentiar, vel ipsius Attici causâ. Eius verba sunt, Pomponium Atticum sic amo, vt alterum fratrem. Nihil est illo mihi nec carius, nec iucundius. Is non quod sit ex istis, est enim omni liberali doctrina politissimus, sed valde diligit Patronem, valde Phædrum amauit, sic à me hoc contendit. Homo minimè ambitiosus, minime in rogando molestus, vt nihil vniquam nauis, nec dubitat, quin ego à te petu hoc consensu possem, ita etiam si edificaturus esses. Nunc verò si audierit te edificatorem deposuisse, neque tamen me à te impetrasse, non te in me iliberalem, sed me in se negligentem putabit. Quamobrem peto à te, vt scribas ad nos posse tua voluntate

Gassendi Epistolæ,

*Decretum illud Areopagitarum, quem Sædatorum, illi vocant, colli. Habes hic quæ de Parietinis pro Patrone & cæteris Cicero laborauerit. Epistolâ ad Memnium scriptâ, exemplum illius ad Atticum misit, ac significauit, quam ea in re cutam, operamque collocauisset. Ita nimirum meminit Epistola 11. lib. v. ad Atticum. Cum Patro mecum egressus, vt peterem à vestro Areopago Sædatorum, tollerent, quem Polycharmo Pratore fecerant; commodius visum est, & Zenoni me, & post ipsi Patroni, ad Memnium scribere, qui pridie quam ego Athenas veni, Mitylenas profectus erat, vt is ad suos scriberet, posse id sua voluntate fieri. Non enim dubitabat Zeno, quin ab Areopagitis inuito Memnio impetrari non posset. Memninus autem adificandi consilium abiecerat, sed erat Patroni iratus. Itaque scripsi ad eum accuratè, cuius Epistola misi ad te exemplum. Iam, cum nihil sit verisimilius, quam ad Ciceronem rescripisse Atticum, meminisseque quâ grâte sibi pro Patrone & condiscipulis circa Parietinas illas laborasset, non probabile videtur respexisse hæc Ciceronem, sequente illa Epistola, & loco de quo agitur: Si auderem licentiam mihi paulo maiorem permittere, dicerem legendum videri, Quæ pro Patrone & tuis condiscipulis de Parietinis in Melite procurari, ea tibi grata esse gaudeo. Verum quia sensus constare potest modo iam antè exposito, non est quod meæ Religionis circa legendos Auctores vim faciam. Tu ipse rem considerabis, ceasebique pro rara illa ingenij tui felicitate, quid totum hoc videbitur. Ego si meam coniecturam non prorsus, improbaueris, letabor me commentum fuisse, quod potuerit viro tam erudito non displicere. Sin explendum duxeris, & ego illam carbone notabo, qui tanti iudicium tuum facio, vt nulla ratione ab ipso appellare vulerim. Vtcumque fuerit, scito me semper clarissimæ tuæ virtutis studioissimum futurum Vale. Parisiis 17. Eidus Septemb. M. D. C. XXX.*  
*Vt tuus Antoninus se habeat, perquam lubenter acciperem. Neque ego modo sed quotquot ex me studium abs te circa ipsum collocatum acceperunt. Quem ex me nosse desideras, est P. Ficherius, is scilicet, qui Chorum Poëtarum ante editum Antoninum contexuerat. Iterum Vale.*

## PETRVS GASSENDVS HENRICO RENERIO S.

*Escripsi ad te, mi RENERIE, ante duos circiter menses, circa tuam illam Analysis. Scripsi, & de mea pro Patre Merfeno aduersus Fluddum Exercitatione, & de impressa hic mea ad te circa Pæthelia Epistola. Exemplum atextui, quod haberes ipse, simulque dedi literas, quæ Gollio nostro redderent. Nunc scribo ad te occasione fasciculi huius literarij, qui ad præclarum Cartesium, tuo interuentu dirigitur. Qui ipsum mihi consignauit, ille est Ferrerius, industrius plane artifex, cuius, opinor, tibi nota manus. Is cum summâ semper obsecrantia, insignem virum coheret, dolore iam infanso vexatur, quod occasione nescio qua illius*  

D 3 erga

erga se affectum restringisse suspicetur. Itaque & scribit ad illum purgatoriam Epistolam, & postulat ex me, vt testimonio quoque meo innocentie facerem fidem. Ego, quod rarum illum virum vix semel coram affari licuerit, excusationem paratam habui me esse non illi satis familiarem, ac posse illum vel succedere, vel non iniuriā negligere in officio penē officium. Verū cum singularem virum interpellare ausus non sim, id recusare saltem non potui, vt tibi, qui cum illi summa intercedit necessitudo, rem mihi noram significarem. Cum itaque Ferretium saepius alloqui me contigerit, deprehendi nihil in ipsius ore commendatione quadam eximia Cartesij frequentius. Nisi profecto merita viri aliunde perspecta habuissē, erat quoddam tam crebras, & gloriosas laudes hyperbolicas ducerem. Videlicet de illo semper, vt de quodam Deo loquebatur, testatus illum vnicum esse, quem toto Orbe suspiceret, cui & deberet iam maxima, & porro omnia esset debiturus; vt verbo dicam, nihil potuit mihi remissione illa affectus imperatius contingere: Tanquam huius viri constantiam in sua illa, vt ita loquar, veneratione obscuritatem. Quod ad me spectat, si magnifici ab aliquo expectem, non aliam mei estimationem, non alium ardorem expectiri vellem. Tu si ita videbitur, dabis operam, vt eximio viro, quidquid istud est, innotescat, ipsique simul candoris mei praestabis vadi- monium. Testaret apud alium & conscientiam, & Superos ad liberandum ipsi fidem. Apud te nihil est necesse, cui notum satis, quam ingerere agam. Ceterum exoptat Ferretius remitti ad se literas, nisi illae fortassis ruto aut reddantur, aut transmittantur; nimirum sibi renunciatum dicit Cartesium fuisse breui profecturum in Angliam. Id procurabis igitur. Scribit Merseus ad nostrum Riuum, quod sufficit illi ex me salus, quam ipse dices plurimam. Dic verō etiam per amico Gollio, qui iam vtiā ex suo illo morbo omnino conuulserit. Sperāram ipsi impertiri Observationem Eclipses Lunarīs, quae nuperrime contigit: Sed Diana illa inuadit etiam nubibus vmbra textit. Cum ille me in Orientem nondum discessisse accipiet, causam agnosceret, quae saepe cadit labra inter, & calicem. Potero hic adhuc versari, quo vsque possis ad me referripisse, etsi non propterea contendo, vt quicquam agas incommode. Vale interea & me porro ama. Parisiis x. Kalen. Decemb. M. D. C. xx x.

*Reuerendo & Docto Patri CHRIS-  
TOPHORO SCHEINERIO  
Societate IESV.*

PETRVS GASSENDVS S.

**E**st cur mihi succenseas, quodd teigno-  
tus compellere ausim, Religiose Pater  
SCHEINERII, nisi tua illa humanitas hanc  
meam audaciam excuset. Sed mihi nempe  
non iniuriā de viro & bono & docto polli-

ceor, vt meam interpellationem sit habiturus  
non insuauem. Id certe tibi persuadeas, me  
eum esse, qui iam pridem virtutes tuas suspi-  
ciam, & cum te coram alloqui non possim,  
testari saltem per literas meam erga te ob-  
seruantiam velim. Lator verō hanc sese mi-  
hi, qua possem ad te scribere, occasione  
obtulisse: quippe qui tibi has literas vir in-  
signi eruditione Naudaeus noster consigna-  
bit, significare amplius poterit, qua ego cum  
nominis tui estimatione te prosequar. Is ne  
manibus vacuis nomine meo ad te accedat,  
libellum ecce simul reddet, quem pro votis  
mihi est, vt habeas quasi symbolum obsequen-  
tissimi affectus. Quod libellulum attexam,  
in causa est optimus P. Derienus, qui hac in  
Urbe, & apud tuos Mathefos Professore  
agit. Ille si quidem pro amore, quod est erga  
me animatus, communicauit mecum nuper  
Schema quoddam Parheliorum, quae ipse tu  
Romae superfore anno obseruaueris. Cum  
verō esset aliquid, quod descriptione etiam  
adiuncta, non satis clarē perciperem, cogitavi  
statim ad te scribere, vt vberiore quadam  
abs te explicationem impetrarem. Tum au-  
thor ipse fuit, vt mitterem simul exemplum  
mei nescio cuius ratiocinii circa Parhelia,  
quae etiam Romae, (nescio an obseruare te)  
precedente anno apparuerant. Mitto igitur,  
nec sine rubore; tamen si satis fuerim testatus,  
quam mihi mer discederem. Video certe praeter  
ceteris meam qualemcunque coniecturam  
circa circuli albescentis amplitudinem, alti-  
tudinemque in hoc exemplo non successisse.  
Licet fuerim parallelismum cum Horizonte  
subodoratus, sed gaudeo maxime, quod  
promptum adeo experimentum coniectatio-  
nem correxerit. Ceterum quod Diagram-  
ma illud exaratum manu dumtaxat, non  
aere excusam fuerit, quale fuisse Roma di-  
citur transmissum, inde factum existimo, vt  
non poterim ita certo me met ipsum in cae-  
teris refellere, vel confirmare. Quamobrem,  
& haec causa est, cur te, exorem, vt haud graue  
habeas ad me mittere tum exemplum, si su-  
perat, excusi Romae Diagrammatis; tum am-  
pliores declarationem, si vel copiosius ali-  
quid in aduersariis depositum habeas, vel me-  
moriae felicitas te ad id satis iuuare possit.  
Et valde quidem optatim scire, seu exquisitē,  
seu propē verum, quantae fuerint singularum  
Iridum diametri, qui colores, & quā ratio-  
ne inter se dispositi; quae crassitudo omnium  
circularum, quae magnitudo, figura, & viuaci-  
tas, aut hebetudo singularum Solium; quan-  
tum & qua parte circularum, vel arcuum non-  
nulli mutilati apparuerint; quomodo, & qua  
serie tam circuli, quā nouitij Soles euauerint  
(nam de exortu rogare non ausim) demum quae  
aura spirauerit, quae Caeli facies reliqua fuerit;  
quae tempestas praecesserit, quaeque per vnum,  
aut paucos dies subsēcuta fuerit. Haec sunt,  
inquam, praecipua quaedam, quae desideratim  
summo opere nōsse, licet vel per nebulam so-  
lum meminisse rerum poteris. Quia vcreor  
tamen, ne videat parum considerate agere, ro-  
go te saltem, vt exprimas (quod meminisse  
haud dubitē potes) quemadmodum Irides illae  
affectae

asse. Quæ fuerint inter se. Videlicet non satis capio, an maiores minoribus concentricæ existerint; & an maiores ita sese in vertice interfecerint, ut portiones quæ desinunt in verticali descripto intelligi debeant protensa ad horizontem versus Boream (quo casu Irides debuissent videri longè solitis maiores, imò penè arcus eorum circulorum, qui Magni in sphaera dicuntur). An verò potius duo illa crura, quæ ad horizontem vique depressa fuere, repræsentarint vnum quendam, & continuum semi-circulum; portiones autem crurium, quæ ad verticem fuerint quasi arcus vnus circuli alterius inferioris contingentis, uti apparet, dum speculum, aquam-ve extremam arcu quodam contingimus. Non capio item, an quæ dicuntur Irides minores, sese sursum, deorsumque subingressa mutuo fuerint, an contigerint, an secuerint; an (quod probabilius videtur) æquidistantes vndique fuerint, an Sol demum (qui ad eas partes) vel in nodo, vel in contactu, vel in interstitio, apparuerit. Non sum, inquam, adeò acutus, ut ista ex sola figuræ inspectione peruideam. Tu me verò facile potes, quicquid hoc rei est edocere, quem aliunde non dubito animi esse adeò propensi, ut gratum habeas desiderio non illaudato facere satis. Ego, si quid me fortè roges, cum me erga te vicissim præstabo, ut ad quodvis officium promptissimum experiri, Accepi lubens, quod relatum est de Opere illo egregio, quod circa Maculas Solares mandari iam typis abs te dicitur. Quippe & ego illud argumentum oculis, mentisque versavi, speroque fore, ut tua operâ scrupulis multis eximar, qui negotium adhuc facescunt. Alias quidem vias tentavi, Sed Galileæ adhuc hæreo; ita nihil in cæteris, quod æquè ardeat, inuenio. Id significavi alias viro clario; quo putas verò gaudio excipiam, si iam ante tabulam factus, aut ad illius interpretationem fortassis accesseris, aut commentus aliam fueris, quæ sit vndequeque concinnior? Sescui-annus est, ex quo Atræbæis iter faciens vidi ibi vestrum Malapertium. Ille iam tum per-auidè expectabat editionem tui Operis; cum multorum iam annorum Observationibus instructus haberet quidpiam meditatam, quod in lucem quoque eaderet. Vir ille sanè industrius, ac plusquam dici potest humanus; memini verò me non probasse tum quod sentiret de perpetua Macularum existentia; quasi quidam Planetæ essent (quod & Tardæo visum fuerat) tum quod ad verum, & locum, & iter in disco Solis obtineretur, Meridiem non satis curaret (in quo tamen solo videtur tutò designari Eclipticæ situs) aliis horis quibuscumque indiscriminatim rem perageret. Hæc tamen, quò digredior? Sed cogita, cum principii tecum adeò familiariter agam, debere me nescio, quæ præfensione esse persuasum, fore, ut tu omnia boni consulas, & me quantum-vis immerentem beneuolentiæ tuæ digneris. Ama me, ergo, Vir Optime, & libertatem meam tantam quocumque tandem iussu compensa. Vale. Parisiis Idibus Ianuariis. M. D. C. x x x i.

*Viro Præclaro & Amico singulari*  
**VVILHELMO SCHICKARDO, Hebraicarum literarum in Academia Tubingensi Professore meritisimo,**

PETRVS GASSENDVS S.

**M**ensis propè est, mi SCHICKARDE, ex quo tuæ illæ literæ, circa Nonas Octobris datæ, ad me tandem huc perueniunt. Respondissem maturius; verum expectabam in dies, dum de discessu tempore certior, possem id tibi significare; cum & occasio in dies traheretur, qua Grotius noster ad te rescripturus literas meas atrexeret. Nunc cum neque illustris Orator, ut se habent res Aulicæ, aliquid indubium de discessu nôrtræ; neque clarus Grotius id accipiat adhuc, quod ad te deinceps mittendum præstolatur ex Belgio: Ego, ne ignores diutius vbi nam Terrarum sum, renuncio tibi me esse Parisiis. Scilicet accepi ex iis literis, quas ad Diodatum nuper dististi, te in ea esse opinione, ut me iam, nisi inter Sætomatas esse, Gætæque; at saltem apud Thraces putes. Deberem quidem, si aliqua esset humanarum rerum constantia: Sed notum nimis, quam varios casus fortuna semper intericiat. Sperasti nuperam Eclipsin potuisse à me oblatuari seu in Ægeo, seu etiam Byzantijs: Vides, ut quæ adhuc me habet Lucteria; etiam tunc detineatur. Quares an saltem hic obseruati? Minimè gentium, mi SCHICKARDE, non quidem quod per apparatus, diligentiamque steterit: Sed quòd Dea illa phæretata densa potius caligine, quam Nympharum corporibus laborantem texit vultum. Ita nimirum inuida illa conatus sæpe meos delusit, assuescitque ut leniter quicquid Superis videretur, ferrem. Descripsisti in tuis ad me calculum eius occultationis, quam imperitius à Keplero fuerat: Doleo me rem nò ita clarè, dum id agerem, exposuisse, ut tibi aliqua ex parte irritus labor susciperetur. Etenim cum præscripti Lunam tegere cœpisset Saturnum latere obscuro, parte sexta proximè ab inferiore angulo, seu confinio lucis, & vmbra intellexi sextam partem eiusdem lateris obscuri; Tu verò sextam accepisti circumferentiæ totius, vnde & in centro angulum fecisti 60. graduum, qui 30. solum debuit fieri. Hinc videbis quid ferentandum. Ego, ne mea dimensionis æstimatione, quid inponerem, characteres subnotavi in ipso corpore Lunari, ut in pari ætate Lunæ posset correctio semper institui. Id vbiq; præsto, dum licet, ut nominatim præstidi deinceps die Septemb. xiv. cum Luna texti Stellam dictam Humertum sinistram. Cum nempe sub Crepusculi finem Cælum iam Stellatum fulgeret, dirigeremque tubum in Lunam, octavo iam, aut decimo quantum mihi videbatur, azimutho occidentalem; animaduerti prædictam Stellam non longè ante egressam fuisse ex latere Lunæ occiduo. Apparebat exitus fuisse paulò supra dimidiū eiusdem occidui; & illuminatæ partis sed & ad-



notauit fuisse è regione inferioris partis eius maculae, quae rotunda, & solitaria Caspij maris instar videtur. Infelicitas fuit, quodrum apud amicum diuersarer, vbi carerem Organo ad captandum horae momentum. Vt cumque autem licuisset; Organi ibidem sequente die compos factus, obseruauit, cum Stella esset in eodem loco proximè, primam trium caudae Vrsae maioris altitudinem obtinere; 38. graduum, seu esse horam  $7\frac{1}{2}$  & quia distantia Stella à limbo obseruata fuerat, quasi pars sexta, aut septima Diametri Lunariorum, seu 5. propè minutorum; idèd ratiocinatus sum egressum Stellae esse debuisse non valde propècul à Meridiano. Hoc rotum addo, non tam quoddam ad rem, quam quoddam putem nihil posse tibi enarrari iucundius. Obliviscerbar addere diu fuisse, antequam Stella nudo visu conspiceretur. Ceterum hæc mihi in mentem flebilem casum reuocant, quem tu ad Diodatum scripsisti. Deum immortale! Igitur-nè Sol ille clarus literatorum Keplerus sic occubuit, vt æternæ iam tenebræ illustrem adèd vultum obsideant? ô! si querelis foret locus; vt possemus merito iure cum natura expostulare, quoddam Hominem diuinissimum nisi immortalis, at saltem Hamadryadum non donarit æuo! Debebat saltem illi Terra annos Nestoreis non pauciores, à quo ipsa Animam, vitamque immortalem accepisset. Teneriore affectu Luna, quæ isto suo Sole extincto, & ipsa pati defectum voluit, tentare visa num illum quæ olim Diolcurorum charitas fuit, alternâ morte redimere posset. Verum quia sic fata tuleret; viuat iam saltem Anima felix super Æthera, cui dum mortalis degeret, ad cœdè ingentis admouit scalas. Digna illa, quæ iam mysteriis penitioribus interit; Digna, quam iam excipiat, & compleat tantus ille, & tam dulcis sonus, ad quem exaudiendum ipsa sibi viam tanta contentione aperuit. Sed quod ad nos spectat, dignus obitus, quem Academiæ etiam integræ luctuosus cum vestibus defleant, calculoque atro diem notent; nisi quoddam ille parte sui meliore superstes iubere videtur, vt nemo fieri faxit funera. Potiore certè iure, quam ille, perdocta Virum volitabit ora, cuiusque laudes Posteritas, nisi ingrata contuesceret numquam. Videlicet stuporem creabit, quoties quis labores Herculeos, incomparabilenque Genium viri animaduertet. Quid-nunc admirati quidem, sed consensu non liceat, quantum illius ingenium cæterorum ingeniorum doriis præcelleret, Aquilæ instar supra nubis volatum iugem tenuerit. Nisi profectò de illo verum, non video, quem vnquam Minerua Artæis omneis docuisse dicatur; & Iupiter Optimus-maximus admisisse in Concilium Deorum. Nobis ea felicitas restat, quoddam tametsi iacturam tantam reparari non posse sentiamus; gloriosi tamen Viri æuo quadam ex parte, vixerimus, & cum ego quidem aliquam, tu ipse maximam cum illo, societatem habuerimus. Ignosces mihi, si Epistolam his-cæ quasi desideris Capitis tam cari perfundam; quippe non possum non apud te animum meum exonerare. Vtinam verò sic possem piis parentare Manibus, vt ille quoque

intelligeret, quam mihi sit æternum ipsius recordatio grata futura. Scribis restitisse in manibus tuis, quoddam munusculum ipsi destinaram. Quidquid de illo egeris, scito me gratum habiturum. Si fortè tamen ipso donaris præclarum illum Lanzium, à quo me amari, tuis ex literis fat sentio; scito fore grati simum. Non hæreo potèd quin meo nomine illum tuis resalutaturus: Id sic facito, vt intelligat mea esse in illum viscera effusa. Lætor adesse tibi amicum, qui-cum, vt tecum omnia. Id enim rarum; cum aliunde maxima pars felicitatis ex sincera huiusmodi amicitia dependeat; Degite ergo ambo felices, & me cum habetote, qui ducam forti optima posse in tertium vobis cooptari. Vale. Parisiis. Idibus Ian. m. dc. xxxi.

*Adest hic Iunonis & solers, & sagax nomine Belgrandius, qui illustrissimo Principi vnico Regis Christianissimi fratris à Mathesi est. Is apparatus prope iam habet exitum quoddam Instrumentum obseruandis Celestibus. Exoptat verò me abscedente, quasi hæres nostra huius-cæ communicationis relinquit, ac te interea valde saluat. Ego vt id pergratum habuisset compertum tibi esse volui. Iterum Vale.*

GABRIELI NAVDEO SVO,

PETRVS GASSENDVS S.

**D**Olui vehementer, Præclare NAVDÆE, quoddam datas ad me literas, nescio, quæ fata inuiderint. Videlicet Motheus noster Vayerius te ad me scripsisse renuntiat; Ego verò ex tuo discessu ne vel schedulam vidi hæcenus, certè ne Epistolam quidem, qua apud amicum de me quereris. Vide, amabo, num debeas potius de literarum tuarum fato, quam de meo facto expostulare: Refert etiam ille te ægrè tulisse, quoddam literas quasdam Romam dederim, nulla facta mentione tui. At ego neque vllas dedi literas, sed solum literis amici salutem Bochardo inferui, neque tibi inferis versibus sic tui oblitus sum, vt non etiam tibi dixerim salutem. Nisi rem satis cognoueris, non est quoddam mihi culpæ vertatur; est potius quoddam candorem tuum ad sinceritorem prouocem fidem. Nempe non ex silentio, non ex locorum interuallo, non ex iniuria aut gratia fortunæ diiudicari meum affectum dect. Tu me satis sub cute nosti, vt cum volueris, intelligas hære te mihi in medullis. Nec verò ego etiam dubito, quin tu me summo-pere ames: Sed luxurianti calamo parco. & commotionem leuiculam spe sedationis vltro condono. Nihil te admoceo de studiis meis. Ipse qui discedens illa excitasti, perspectum habes, quid rerum moliar. Velim solum intelligas, laborare me citra contentione, eamque ob causâ opus vix esse dimidia ex parte confectum. Versor adhuc in Physicis, neque audeo mihi de mea sedulitate polliceri, vt annus extremus hanc partem desinuat. Mora fortassis in lucro erit, quando vni Sectæ laboras, omnè Philosophiâ simul demeto; sed coronide res erit probanda. Nunc tēporis Exercitationē aduersus Iudiciarios textos; quoniam licet Epicurus, *ἀνελευθερία, δόλιας*

dictas solum nouerit; hoc tamen genus Diuinationis, perinde ac cætera omnia videtur fuisse repudiaturus. Eâ absolutâ aggrediar statim, Posteriorē partē de Sublimibus quæ sola vulgus philosophantium appellare *μυρίερα*, solet, cum magis propriè Veteribus dicerentur *μυρίερα*. Vides quàm lubens acciperem, si quid specialius nosse liceret de Romanis Parheliis. Tu quidquid rerum istic agas, aut quibus studiis deinceps, significare haud graue ducas. Non hæreo, quin Romæ cum sis, Romano more viuere instituas. Diodatus noster memorabat nuper, quam multa ipse hac de re. Mihi nihil subest adiciere, præter illud Comici dictum *νῦν αὖτ' ἐμὸς τῶν ἐν γὰρ ἐστὶν, ἡ ἀλὴν*. Vale. Parisiis x i. Kalendas Septembris, anno M. D. C. x x x i.

*Præclaro, & Amico Viro VVILLELMO SCHICKARDO, in Academia Turingensi Professore Hebraico,*

PETRVS GASSENDVS S.

**E**N, mi SCHICKARDE, Gallicum, eundemque Cælestem Mercurium. Operas illum tibi, mihiq; non inconspicuum fieri. Tu, & c. Parisiis iv. Eidus Nouemb. anno M. D. C. x x x i. *Habetur sub Titulo, Mercurius in Sole visus, & Venus inuisa Parisiis an. 1631.*

E I D E M.

**E**ffeci nuper, mi SCHICKARDE, vt Deus ille *παύσις*, victus coram te sisteretur. Speras Deam *παύσις*, pari ratione iam traducam? Ausus fueram, volueram: Sed ipsi me graue peccare in sexum non colibuit. Est quod, & c. Parisiis postidie Eidus Decembris, Anno M. D. C. x x x i. & c. *Hæc cum superiore habetur.*

E I D E M.

**S**cripsi ad te, mi SCHICKARDE, circa Eidus cum Nouembreis, tum Decembreis superiores de viso à me in hac Ciuitate sub Sole Mercurio, deq; inuisa Venere. Nunc quando nouam occasionem Diodatus noster nactus est, attexo breuem schedulam, vt si fortè literæ meæ militum insolentia, qua omnes propè viâ obfidentur interceptæ fuerint, edicas paucis ex faciliore, quantum coniector, Epistolio, quod in illis vberius; & si dicere liceat paulò floridius enarraui. Noueris Mercurium conspectum mihi sub Sole fuisse diē Nouembris 7. manè inter hiatus nubium. Primum quidem sub horam 9. aut non-nihil ante, cum iam bessem propemodum disci Solaris percurrisset; postremum in ipso eius exitu è disco, hora x. min. 28. sub latitudine Boreali min. 6. & sec. proximè 20. Ac tanta semper sub exilitate, vt illius diameter vix excesserit 20. secundâ, seu  $\frac{2}{3}$  Diametri Solaris. Noueris etiam Venerem non apparuisse nobis sub Sole, neque die sexta Decembris tota, saltem ad horam circiter dimidiam ante Solis

occubitū, cum nubes Solem eriperet: Neque die 7. tota saltem ab hora matutina circiter selqui-octaua in pomeridianam tertiam; Neque die tandem 8. saltem sub meridiem. Verumtamen Veneris loco obseruatum à me fuisse toto hoc triduo Maculam gemellam, cuius tibi fusè descripsi figuram, magnitudinem, situm, progreßum in disco Solis. Porro si fortè literæ perierint; ecce amici, quibus res placuit; providere ne quādam saltem illarum Exempla perirent. Illas videlicet excerptas commiseri Typographo, qui si promissis suis steterit, postem iam vice schedulæ mittere Exemplum excusum. Sed vt operæ illa moram trahunt, res licet exigui momenti, nondum omnino perfecta est. Excusat sese Typographus, quod satis fore exitimasset, si literæ publicarentur proximis Veris Nundinis: at quoniam ipse quoque rem maturandam significauit, admouit iam Operi manum. Itaque si fortè occasio intra paucos dies iterum ardeat, impressum Exemplum curabò, vt habeas. Vale interea, & me ama. Nihil adiungo de Eclipsi Lunæ, quæ postidie visi Mercurij contigit quando quidquid mihi ex ea videre nubes permiserunt, Accipies breui fastuosculè. Vale iterum, & Lanzium saluta. Parisiis postidie Kal. Ian. M. D. C. x x x i.

E I D E M.

**M**I SCHICKARDE, significaram literis datis postidie Kalendas Ianuarias Exemplum duarum Epistolarum ad te iam ante transmissarum, & c. Parisiis die 6. quæ est vii. Eid. Februar. an. M. D. C. x x x i. & c. *Habetur sub Titulo, Mercurius in Sole visus & Venus inuisa.*

*Viro æternum sufficiens GALILEO GALILEI Magni Hetruriae Ducis Mathematico,*

PETRVS GASSENDVS S.

**E**r-gratè accepi, per-illustris Vir, quam mihi salutem voluisti ex Epistola ad Diodatum dici. Dolco postremas literas meas ad te datas intercidis; sed facilem me, quod non propterea te minùs in me propensum expectar. Mitto nouellum inuolutum: Tu vt debitum excipe, cum referendum ad te sit, quidquid debetur tuis inuentis. Nisi id videor cum ingenti exaggeratione hac vice testatus id feci, vt calculo meo (tamen illo non indigeres) generosius & citra omnem assentationem commendareris. Quod expectatum illud tuum tam insigne opus pro foribus sit, tæque, quaterque iucundum habeo. Quid enim ex te sperandum non sit, qui nihil non dignum cedro loquaris? Mihi præsertim, qui felicitatis ingenij tui laudator perpetuus, quocumque ducas, sim sequentus. Cum meorum amicorum libros aduersus Telluris motum perspectos habueris, non erit, opinor, quod multum moueris; Morinus præsertim subtilis;

subtilis; at ipse illi satis indicarem, quàm & rationes claudicaret, & solutiones abludent. Quid facerem tamen; quando Maneis quisque suos patimur, neque ab amicis exigendum ampliùs, quàm ipsi volentes largiantur. Magno nimis animo opus, vt supra hæc vulgaria, quis sapiat; neque urbem quam dicunt Romam tuguriolo quilibet putet;

*Nam nisi vuida vis animi permittit, & extra Processit, longe flammantia Mænia Mundi, Atque omne immensum peragravit mente, animoque;*

Qui valeat digna cogitare de hac tanta rerum vniuersitate, ac facies! Perge tu, admirande Vir, sublimis curas agitare, dignas maiestate Naturæ, dignas te ipso, dignas iis, qui auebunt te imitari. Vale autem, & magno omnium verè Literatorum bono. Viue annos Nestoreos. Dabam Parisiis Kalendas Mart. anno M. DC. XXXII.

GABRIELI NAVDÆO Suo,

PETRVS GASSENDVS S.

**M**I NAVDÆE, cùm iam non vacet ad literas tuas fusè respondere, hoc te saltem latere nolui, redditas mihi tuas literas fuisse. Mitto interea Exemplum excusum aliquot mearum Epistolarum: illas vice earum habeto, quas te mihi debere putes. Non mitto iam ad Patrem Scheinerium, ne fasciculus ponderosior sit. Cum illo, si placet, rem communica, simulque refer multam salutem. Quas ab ipso traditas tibi literas commemoras, neque te transmississe innuis, neque ego adhuc accepi: Habeo interim grâtiâs, & illi, qui scripserit, & tibi, qui ansam feceris scribendi. Si Bocharius noster Romæ adhuc sit, fac nôris se mihi memoriæ, pectorique semper hætere. Epicurus noster lentissimè semper, vt potè grandæuus incedit, neque totius Physices curriculum adhuc absoluit. Stimulorum perentiscit; sed nosti quàm segnem descripserit Suidas. Miserat iam pridem ad te Tubertus noster Viri effugium, vti explorares num satis disertè referret illam Statuam, quam scripseras Romæ exstare: nihil tamen huiusce rei in tuis lego literis. Quæso proxima occasione quid hoc sit, velis significare; & si discrimen inter Statuam, effugiè que missam comperias, cures egregiâ quadam manu exprimi Statuæ lineamenta. Sponsorem me habes expensorum omnium, quæ necessaria fuerint. Vidi quæcunque seu ad me, seu ad alios perscripsisti de Vesuviano incendio. Res sanè memorabilis, & digna Historiâ temporum nostrorum. Perge curiosè obseruare quidquid de illo proditum fuerit, vti nam verò potuisses ipse, sed sine tuo periculo, rem ipsam coram respectare, nosti enim quàm gratiores veniat, qui oculus aliquid narrat. Nihil interea prætermittendum; cùm isthæc saltem restis habere plussquam auritos valeas; nempe tibi ex hisce flammis non contemnenda occasio subnata est increscendi. Nihil attingo de nescio qua illa iracundiola, quam

inculcas. Hæsi sanè, ac diu, multumque omnia propè verba expendi, quæ ad te prius scripseram; verum agnoscere non valui, quâ occasione potuissim tibi suspicionem ingerere, quod vel tantillum fuissim iratus. Ipse leuiculam in te commotionem notaueram: Tu videris illam in me transcripsisse; at quæso meas literas, si asseruisti, lege denuò, & vbi rem consideraris, si vel minimam columbini fellis guttulam animaduertas, mihi, amabò, indica. Scilicet demonstratum facies, quod ego nusquam peruideo. Certè tuas literas legenti, subiit non semel exclamare, quod Cicero ad Quintum Fratrem, *Ego tibi iraserer? Tibi ego possem irasci?* Sed finio, ne credere videat te id credidisse, quod neque me committere, neque te habere persuasum oportuit. Vale. Dabam Parisiis postridie Kal. Mart. M. DC. XXXII.

*Salutat te tota Amicorum cohors; ac Elam noster speciatim. Ipse velim præclarum Virum P. Campanellam, quando te contempere auidi, meo nomine saluatum facias. Sufficiebam antè illum, ob insignem eruditionem; nunc zero etiam diligo ob tantum illum in te affectum. Si me non proptus indignum habeat cui inter amicos locum tribuat, id debebo tibi perpetuum. Iterum Vale.*

Eximio & Amico Viro IACOBO GOLIO, in Academia Hollandia, & Matheseos & linguarum Orientalium Professori,

PETRVS GASSENDVS S.

**E**Xcubabas, præclare GOLI, postremis tuis litteris diuturnum silentium: Ipse ex quo illas accepi, quinque propè menses iam sileo; iam me perinde excusabo? Facerem, nisi sapiusculè eadem cantilena repetenda foret; ac nisi id literis aliis non necessariū edidissim. Hoc tamen testor & causam meam in rescribendo procrastinationis eam præsertim fuisse, quod commendatos mihi abs te egegiolos illos Iuuenes, prius videre peroptarem. Pudebat quippe respondere, nullo officio præstito eximia illorum virtuti; sed nimirum cùm ipsi me requisierint aliquoties, infelicitas mea fuit, quod & domo abfuerim, & nosse vbi diuersarentur peruestigando non potuerim. Nunc cùm ignorem abierint-ne, an in Ciuitate adhuc commorentur; differre prolixius responsum noli. Tu, amabò, me admone, illi-ne hîc adhuc versentur, & vel ipsi mihi indica, si nosti, vel cura, vt illi schedula relicta suum hospitium significent. Dolebo certè summo perè, si tibi, illisque tæstandi affectum occasio hæc præcepta fuerit. Exemplum tandem ad te mitto (quod consignare illis destinaram) meæ cuiusdam de *Mercurio in Sole viso*, obseruationis. Videbis ipse, quid rei sit; ac si fortè istic peracta obseruatio similis fuerit, operam dabis vt nosse valeam. Speraram fore, vt tale quiddam ex Nundinis reportaretur; sed Librarium nostrorum nemo eò proficisci ausus est. Luillereus



rius meus te salutat. Proposueramus Ætate hac ita peragere Germaniam, ut sequuturam Hyemem Constantinopoli degeremus. Verum tumultus Germanici id nos exsequi non permittent. Deliberamus interea contendere in Angliam; si fecerimus, spes non levis est repetenda Hollandiæ, visendique iterum tui. Vale, & quod facis, me amare perge. Parisiis postridie Kal. Aprileis anno M. DC. XXII.

*Illustri Viro HYGONI GROTIO,*

PETRVS GASSENDVS S.

**P**udet me sanè, illustris Vir, te ex Putano nostro, porius, quam ex meipso, accepisse obseruatiunculæ exemplum. Ecce itaque proprium offero; cum veniam abs te deprecari alia ratione non debeam. Superuacuum, fateor, officium, quando res tuis oculis ne semel quidem digna fuit: Sed nempe tua beneuolentia, nequæ obseruantia illud exigit. Est etiam quod placere possit, nempe vel nostri Schickardi nomen, quem scio quanti facias. Ipse aliunde exonerari imitili pondere potes si lubet alterum Exemplum, cum aliquo degentium istic amicorum communicare. Is si fuerit optimus Vossius, rem mihi facies gratissimam. Si præclarus Lansbergius (quem tibi tamen sim debiturus) rem habebit non iniucundam. Accepi te posse istic procurare nescio quod genus *instrumenti*. An operis etiam paullo prolixioris, quale est istud meatum nugarum tibi non prorsus incognitum? Si speciem faceres, exferibi curarem, quod posset iuo tempore ex tuo præscripto transmitti: sed nolim esse importunus; Amare me perge, & Vale. Parisiis postridie Kal. April. an. M. DC. XXII.

*Admodum Reuerendo & Clarissimo  
Patri CHRISTOPHORO SCHÉINERIO,*

PETRVS GASSENDVS S.

**Q**uas ad me literas dedisti, Optime virorum SCHÉINERI, cum exemplo tuæ Pantographices, accepi ante paucos dies. Quam verò gratas habuerim non est, quod tibi explicem multis: Sufficit agnouisse me plenum affectus candorem tuum. Intexuisti quam Parheliorum descriptionem rogaueram; Grates ob id refero summas, ac simul testor Superos, nihil mihi potuisse nunciare iucundius, quam te fuisse priorem quoque Parheliorum obseruatorem. Hactenus nempe id ignoraram, adeò ut propterea non potueris debito cum elogio in Commentariolo meo nominari. Sed lator, quòd solertiam tuam, nomine licet ignorato, ingenue commendauerim, meaque opella accesserit ad tanti viri monumentum. Tu magni illam æstimas; sed ego hanc æstimationem beneuolentiæ tuæ adscribo; alioquin enim satis sentio, quam

tenuia omnia mea sint. Hæc porius laudes debebuntur Operi tuo eadem de re; cum mihi satis esse debeat, si nugamenta illa mea potuerint tibi non displicere. Est verò cur Opus euulges; cum ex adiuncta posteriorum Parheliorum descriptione is habendus sis, quo nemo plures simul Soleis in hunc diem obseruauerit. Liber tuus de *Maculis, Faculisque Solaribus* ad manus meas nondum peruenit. Cum primum nactus illum fuero, pellegami sanè auidissimè; tum quòd hoc genus Argumenti mihi maximopere placeat, tum quòd abs te, quem tanti facio, studiosè pertractatum sit. Delectat interea quod subindicas te ex eo numero non esse, qui ex *Maculis Stellarum* faciunt, nauosque pro luminibus, veluti Alcei quidam habent. Miraris nomen tuum fuisse à Gallo nostro dissimulatum? Idem questus est Galileus coram aliquo meorum amicorum; testatur se illi in itinere multa amicè demonstrasse, quæ euulgata deinceps fuerint absque vlla sui mentione. Sed hoc donandum humanitati. Vidi iam tuam Pantographicep, ac dici non potest, quam iucundè acceperim te esse nobilis illius instrumenti Authorem primum. Habueramus iam in hac Urbe Patallelogramma ex Auri-chalco, qualia à te descripta sunt; sed tum inuentor ignorabatur; tum nescio quis eam sibi gloriam velle usurpare visus fuerat. Ipse, ut verum fatear, vix persuaderi potueram, quin foret illius origo vetustior; quippe humane sortis pudebat, si tanti visus Organum, ac res, ut mihi videbatur, inuentum adeò facilis, nemini pridem venisset in mentem. Ita scilicet comparati sumus, ut postquam unum apicem conuassato insisterit, dicamus nihil fuisse facilius. Verùm nihil iam ambigo, quin Homines tibi hoc inuentum debeant, cum & tempore tuæ inuentionis non exister memoria illius antiquior, & nostra hæc, Patrumque ætas alia multa protulerit sæculis præcis inaudita. Quocirca tibi gratulor, simulque habeo gratias, quòd me cum esse volueris, cui res in Gallia primum innotuerit. Ostendi tuas literas eruditissimo Petauio, qui-cum præclare diuinasti consuetudinem mihi intercedere. Is gratissimam habuit, quam illi salutem dixisti, enixeque precatu est, ut nomine suo plurimum referrem. Offendi illum ad calcem penè præclare cuiusdam Opellæ, cui titulum facit *Rationarium Chronologicum*. Volumen erit satis iustum in 12. quo maior lux Historiæ nulla. Sic enim Vir magnus Chronologicum agit, fidem vbique sibi faciens, & characteres temporum insignis passim inferens; ut tamen quasi seriem textat vniuersæ Historiæ. Alloquutus sum etiam Sebastianum Cramoisiuum, quo Typographo ille vti solet, expostuique illi quod significaras de Operum permutatione tuo cum Typographo. Itaque ipse paratus est commutationem facere Petauanorum Operum cum tuis; aut, si libeat sic agere, rationem tenere accipiendorum Exemplarium. Perscripseram antea ad Naudæum nostrum ut tecum communicaret Exemplum meæ illius obseruationis de *zifo in Sole Mercurio*: Mitto nunc tibi debitum, occasione exhibita discedentis Viri præclari,

præclari, & amici mei Iacobi Gassarelli, qui Romam petens, vitro sese ad illud tibi consignandum cum his literis obtulit; Res fortè erit non ingrata; quando ad studia tua pertinet. Qualiscumque tamen ea sit, ipsam habeto, quasi pignus constantissimam in te obseruantiam. Postulare vt factam Romæ obseruationem impertireris; sed quia nullam eius mentionem in tuis habeo literis; vereor, ne non sit abs te facta. Vale. SCHEINERI Optime, & me vt cœpisti, sic amare perge. Parisiis Eidibus April. an. M. DC. XXXII.

Et Reuerendo, & Celebri Viro THOMÆ CAMPANELLE,

PETRVS GASSENDVS S.

**D**icebam tibi nuper salutem, CAMPANELLE clarissime, literis ad Naudæum scriptis: Nunc cum virtutis tuæ studiosus Gassarellus noster Romam petat, literas ad te dare placuit, quibus meam in te obseruantiam testatiorẽ exhibeam. Dudum certè est, quòd tuum illum generosum Genium suspicio: Sed quòd amici illius mei tantus amicus factus sis, studiosè quoque iam complector. Vadem alium candoris mei, quàm communem illum amicum non præsto; ipse te satis edocebit quàm loquar ingenuè, quàm agam sincerè. Tu experire quocumque tandem imperato officio. Videbis profectò vt saltem delideraturus non sis paratissimam voluntatem. Tenue mitto munusculum: sed accipe simul ingentem affectum, quo me tibi totum deuoueo. Vale. Parisiis Eid. April. M. DC. XXXII.

GABRIELI NAVDEO Suo,

PETRVS GASSENDVS S.

**N**ihil necesse est, mi NAVDÆE, vt scribam ad te pluribus. Discedit ad te communis amicus, ex cuius ore quæcumque forent conscribenda excipias. Accèpi nuper Epistolam optimi Patris Scheinerij cum Panographices exemplo, quo me donatum voluit; at redditum simul non fuit, quòd ille missum simul scribit Exemplum quoddam Parheliorum. Fortè tamen id alia occasione ad me transmissit: tescribo ipsi, ac vnà mitto editam nuper obseruationem visi in Sole Mercurij. Mitto etiam, ac simul do ad præclarum tuum Campanellam literas, in quibus implo ro tuum Vadimonium. Tu pro me nosti, fidem facio; neque enim postulo aliud. Ama me semper, & si quid rerum istic moliris, significa. Si fortè verò aliqua mea industria opus sit, nosti quò iure quæsitam habeas. Vale. Parisiis Eid. April. an. M. DC. XXXII.

E I D E M.

**D**isceperat iam Gassarellus noster, cum Tuberti manu accepi literas tuas suauissimas cum Epicuri effigie, & Parheliorum

Exemplari. Responsum illicò fueram; at quando tu faciebas spem tum Voluminis de *Maculis Solis*, tum Lærtiani Exemplaris, cum notis marginalibus; distuli, donec Moræus noster & reciperet, & traderet omnia. Nunc, cum à tribus aut quatuor diebus ista sint mihi præ manibus; tempus sanè est, vt ad te rescribam. Initium porro meritò facio ab illa gratiarum actione, quam singularem tibi debeo, ob procuratam effigie Epicureæ delineationem. Nepe agnoico studium, quo Hovvenij illius tui, egregij sanè artificis, sollicitasti operam; ac receptam simul in te mei causà obligationem. Quid ego illi pòt te deberem, significandum fuerat; quando sola animi grati testificatio non est satis. Neque verò est, quòd illum propterea minus expectare abs me debeat; qui daturus tunc operam, vt ex nominis ipsius mentione, luculentissimam faciam. Quæso te, vt illi interea plurimam meo nomine & referas gratiam, & salutem dicas. Me profectò illius manus delectauit mirificè; & quotquot ex nostris amicis conspexere lineas, viri industriam laudant. Tu mihi declara, cum primum vacabit, an quod manu dextra Epicurus tenet, cylindri formam habeat, referatque volumen, seu chartam, sibi ipsi circumuoluatam. Suspicio nimirum sculptorem ad id respexisse, quòd Lærtius ait *κυλινδρος*, circiter trecentos fuisse Epicuro conscriptos. De Parheliis nihil addicio ad ea, quæ prius ad Patrem Scheinerium, rescribam ipsi postquam opus de *Maculis* pellegero; neque enim adhuc vacauit oculis, metemque eò conuètere, ob segnitie librarij, cui tradideram informandum. Lator interea gratam illi meam obseruationum de Mercurio in Sole, fuisse. Nihil necesse est ad ea respondere, quæ per te de illa requisierat, cum peruidisse iam omnia debeat, ex misso excusò Epistola meæ ad Schickardum exemplari. Adtexo potiùs aliam circa Mercurium obseruationem, quàm habiturus quoque sit, quantum opinor, non iniucundam. Occasio imprimis huiusmodi fuit: Mandata iam typis, atque euulgata prædicta Epistola fuerat; cum tandem sum nactus duas priores partes Epimeridum Keplerianarum. Illas obiter cum euoluërem, obseruaui Mercurium conspici potuisse sub Sole ante annos quatuordecim; tametsi id in nouo Orbe. Tunc piguit me id pronunciasse, concessum nobis primum fuisse obseruare posse in Sole Mercurium; quòd ex inuento vsque Telescopio, *συναντικῶς* Soli coniunctus, subiunctus, ve prius non fuisset. Quin maior etiam me cepit pudor, cum ad sequentes annos respectans, deprehendi post duos annos coniunctionem parem futuram, siquæ rem longè euadere, quàm credideram, frequentiorẽ. Porro alias quoque corporeas Coniunctiones perscrutatus, præter illam, quæ eodem anno euentura est, & præteritam ante decem annos; adnotaui debere vnani extrema die mensis Aprilis nuper elapsi contingere. Itaque licet non dubitarem inuisibilem futurum Mercurium, quòd, vel Keplero admonente, factus Sole superior, foret ab ipso contegendus: rem obseruare tamen volui,

ad conuincendos illos, qui adhuc in ea hærent sententia vt existiment Mercurium perpetuo deferri in Epicyclo, nos inter, & Solem decenter. Aclarioris primùm subduxi, ex quibus habui Mercurium in medio Solis disco futurum (puta in distantia à centto, latitudine Austrina minorum non proflus quatuor) proximè post occasum Solem; si quidem Sol nobis eo die occumbere debuit hora 7. min. 12. à Meridie; media verò illa Coniunctio celebrari debuit hora 7. min. 25. Ratiocinatus quoque sum, factis vtriusque Sideris in eandem pattem motibus, totum Solis discum non posse peruadi à Mercurio, nisi horis præcisè decem; sicque transcurfus initium ab hora vsque secunda cum duabus quintis futurum, finem verò post mediam noctem, seu hora 12. cum totidem quintis. Deinde omnia adparau, vt si reuerà existimassetem conspectum iri Mercurium, accinctūque esse ab Aurora volui, suspicatem quoque horarum; vt nuper, et anticipationem. Et fuit quidem Cælum toto tempore antemeridiano nubibus obductum, sed in læscens à Meridie, clarissimum Solem ad occasum vsque transcurrentibus, per vices dumtaxat, nubilis raris exhibuit. Versabatur in eadem scena Mothaus noster Vayerius, & Cautaclarus, quorum prior circulum album, amplumque oppositum Soli modetari voluit, cum ipse Telescopij dirigendi geretem curam. Cæterum illo tempore toto Mercurius nobis planè inuisus; cum ne macula quidem alia disco Solis appingeretur. Hinc si ritè se habuit, Ephemeridum calculas, asseruare possumus, Mercurium præter Solem factum; sed supponamus coniunctionem præoccupauisse quinque propè horis; an non debuisset Mercurius ante horam decimam matutinam sub Solem ingressus, post secundam pomeridianam salutate centrum, ac illi deinceps ad occasum vsque, Vale continuum dicere? Certe Mercurij latitudinem atque ad eò semita eius per discum Solis prolixitatem non malè designatam fuisse ex consonantia calculi cum illa mea nupera obseruatione est coniciendum. Temporis autem hallucinatio non videtur maior, quàm tunc fieri hoc tempore potuisse; cum præsertim heic error quoque Ephemeridum Originarum consentiat. Vt enim Mercurij cum Sole Coniunctio debuit per ipsas mense Nouembri tribus diebus cum septem horis euenire marurius, quàm debuerit per Keplerianassita iam debuit tribus diebus cum octo horis præcurrere. Verum fingamus Coniunctionem debuisse non quinque, sed & decem horis celebrari velocius; an non tamen Mercurius subiisset Solem ante eius ortum; debuisset nihilominus non abire ex eius disco, nisi duabus & amplius horis; postquam ego aciem inirendi? Adde, ne quispiam causaretur potuisse Mercurium ab occaso Sole in discum eius incurere; adfuisse me die sequente ab ipso vsque Sole exorto, hoc est, ante horam matutinam quintam, explotaturum an transcurfus superesset vestigium. Nihil portò etiam tunc visum; cum licet Mercurius iniisset Solem ab ipsissimo occasu, non debuisset tamen exire, nisi beffe propè horæ, ab exortu. Atque hæc sunt, quæ

*Gassendi Epistola.*

poteris cum optimo viro habere communia. Precæter, vt meo nomine præclaro Holstenio perfolueres grates, quando me Notis Viri illustri in x. Laërtij librum tuo interuentu beare voluit, sed profecto prona illius in me voluntas maior est, quàm vt restitutionem gratitudinis literis ad ipsum destinatis, prætermittam. Meum illi seu tu, seu Bocharius noster reddetis Epistolium. Quod scribis de locis quorundam Authorum, qui Epicuri meminere, aut illa vidi, aut ea non sunt, quæ scrupulosè valde confecer. Vt nihil enim negligo ex antiquis Authoribus, qui habere superstities Epicuri libros potuerint, ira non admodum requiro, quæ Recentiores proferunt, quando haurire nihil potuerunt, nisi ex iisdem fontibus, qui nobis quoque adhuc scaturiunt. Pergratum est tamen, quidquid admones, cum *arsis*, sedulus cognoscere possis, quæ me præterfugiant. Illud perlibenter viderem, quod de Bonciario subiicis: at vereor, ne, quod innuis, opus fuerit solum in votis. Quod de quantalacumque mei apud Eminentissimos, Eruditissimosque. Viros astinatione, memoras; id rorum debeo tum opinioni, quam de amicitia, quæ mihi tecum intercedit. Tu vide, ne affectus ille, quo me complecteris, imponat, & in me prædicando nimis, idoneum sponsorem non habeas. Ipse meæ conscientis inbecillitatis, non alius haberi, alius esse studeo; neque is sum, qui meo Genio vllam faciam vim, vt sustinere famam possim. Vtrumque se res habeat, tu, qui me nōsti, fac nouerit id mihi cordi præsertim esse, vt à Vitis eruditione eminentibus diligar, ipsisque me deuocuem totum. Saluta verò, inter cæteros eruditum Allatium, de quo sæpe cum Burdelorio Operum ipsius & demonstratore, & laudatore sermonem conserui. Vidisti in Catalogo Francofurtensium Nundinarum Tirulum Fluddanæ ad me Responsionis: Ego nihil vili amplius. Aduenit nuper ex Anglia adolescens ingenius, qui Fluddo viso, retinere illam typis nondum commissam, ipsūque Fluddum conquestum meam in scribendo breuitatem, in exantlando nescio quo magno Opere adhuc laborare. Cum primū opus prodierit, mihi que innotuerit, rem vt exoptas significabo. Superest, vt indicem paucis quid lucis videatur Lucerio ex meis illis qualibuscumque lucubrationibus affulsiorem. Id scilicet enikè rogas, quod res sit præsertim futura pergrata Clarissimo Viro Alfario à Cruce, benè merituro nouis Commenariis de Lucteriana Philosophia. Faciam ergo ingenudè, sed prius restatus me nullas meas nugæ tanti ducere, vt purem illas cum vigilis tam docti Viri comparandas. Tu me scilicet rubore suffundis, ac penè dicam, enecas, cum scribis illum ab instituto, si ego quidem credam mea sufficere posse, Poëtæ intelligendo, deliturum. Quasi verò non ego porius retrahere pedem ab incepto debeam, quàm vt ille ab opere laudatissimo absterreatur? Sed erit fortè, quod verterque in eodem campo decurramus, cum ille Luctetium ex serie contextus interpretatoris

E

pretatoris



pretatur sit, ipse Methodo paulò immutata Lucretium produciat, si, ad explicacionem, confirmationemque Placitorum Epicureorum hinc totus quidem Lucretius in opellam meam transferetur; sed carminum ordo mihi perturbatus, planèque varius futurus est. Ecce enim assumo alia in Epicuri vitæ Apologiam; alia in partem Philosophiæ Epicuræ Canonicam; vt quæ libro quarto de Sensuum veracitate disputantur; alia in partem Ethicam, vt quæ præsertim continentur in Librorum Proœmiis; quæ referuntur in eodem libro de fugiendis amoris simulacris, ac pabulis, quæ libro tertio de constantia in ferenda morte, & id genus alia. Cætera omnia variè per Physicam partem distribuo, passim nimirum, quatenus quilibet facit ad institutum. Vt habeas autem specimen, ex quo tractationis ducere coniecturam valeas, recens exemplum profero. Versabatur proximis diebus illa quæstio præmanibus, an membra Animalium destinata fuerint, factaque ad vsum; an ipsis casu sic generatis, casus, industriæque vsum fecerit. Primum igitur illam Epicuri opinionem commemoravi, quæ habetur apud Lactantium, tum libri tertij Institutionum capite 17. tum libri de officio Dei capite 6. Deinde versus illos subieci, ex libro quarto Lucretij, *Illud in his rebus vitium*, &c. Ac postea, vbi exposui vt Epicurus excogitare fortuitam membrorum conformationem potuisset; carmina recti nonnulla ex libro quinto Lucretij; præter ea, quæ cum de rerum origine commemorassem. Adhæc sententiam consimilem Veterum aliorum Philosophorum atroxui, ac nominatim Empedoclis, vt ab Aristotele narratur, tum libro primo, capite primo, de Animalium partibus; tum libro secundo, capite secundo de naturali Auscultatione. Id etiam subtexui, quod Galenus habet libro primo de vsu Partium, capite 21. circa Epicureos, Asclepiadeoque; ac simul apposui argumenta varia, quibus res fieret probabilis. Postremò, quoniam hæc opinio cum Decretis Fidei nostræ, veracè ratione non poterat stare; opposui illi inter cætera ea, quæ Lactantius disputat contrà: itémque quæ Plato in Timæo, Aristoteles locis citatis, Stoici apud Ciceronem in libro secundo de natura Deorum, ac in tertio de Finibus. Subinde, postquam sum conatus Hippocratem aut excusare, aut ad veram etiam opinionem reducere; præcipua quædam ex Galeno totis illis septendecim, diuinis sanè libris, selegi; ipsemet quædam Marte meo contra Epicurum disserui; & quantum potui, feci satis argumentis oppositis. Hactenus edo specimen, ex quo tu potius intelligas, quàm ego cogar dicere, an & quantum id ad Lucretium faciat. Tu, si fortassis cum Alfario communicandam rem duxeris, effice inaprimis, vt summum candorem, quo cum amicis ago, cognoscat; tum, vt quam cœpit in me testari beneuolentiam foueat; denique, vt meam in se observantiam perpetuam putet. Finem his scribendis faciebam,

cum me Merfennus noster inui sit. Occupatione mea perspecta, rogauit statim nomine suo salutem tibi dicere, idem contendit Præsul meus, qui in musæolum ipsum deduxit. Petiit Merfennus, adicerem, mirari se, quòd nihil adhuc de propositis per te Campanellæ quæstionibus responsum fieri curaueris. Excusare te volui; sed ille subiunxit aurem vellicandam. Voluit tandem, quod ego quoque, vt Campanellam salutare, neque Gassarellum prætermitteres. Tu, mi N A V D Æ E, optimè Vale; Perge similis esse tui; & me amare ne desine, Parisiis, v. Eid. Maias an. M. DC. XXXII.

Præclaro Viro LVCÆ HOLSTENIO,

PETRVS GASSENDVS S.

**Q**uanta sit humanitas tua, expertus loquor, Docte HOLSTENI, Acceperas me desudare in restituendo decimo, eoque deprauatissimo Lactariani codicis libro. Illud, facta tibi copiâ Basilensis Exemplaris, cui & *manuscriptus*, Aldobrandinus Notas marginales, lectionesque varias illustri manu apposuisset; decerpisti ex codice integrum librum decimum, ipsūque ad me transmisiisti. Profectò si ex nota facie, si ex obsequio præfatio, si ex vetere amicitia hæc liberalis animi prodidisset testatio; esset, quòd gratias agerem: At nunc est præterea, quòd candorem tuum non sine stupore suspiciam. Videlicet qui promouendis ingenuis literis es natus, nullam studiosos adiutandi occasionem vis prætermissam. Ceteros ferè occupat liuor, qui defossos thesauros malunt, quàm vt, cum ipsi nequeant, discere alios patiantur. Tu longè generosior, qui, quod posses ipse vsurpare tibi, ita profundis in alios. Quod me attinet, dabo operam, vt experire non ingraturum. Vtinam verò ipse mihi, quid officiorum præscriberes; ita me Deus adiuvet, vt obsequentissimum haberes. Non vacauit adhuc notas illas omneis conficere, ac expendere; obiter tamen animaduerti quòd præsertim Vir eruditus interpretando respexerit. Obseruaui illum multa adnotasse ex editione Parisiensi, nisi fortè quoddam Exemplar Vaticanum habuit illi simile, quo Stephanus vsus. Vtcumque sit; fateor ingenue quidquid habere hactenus ex Codicibus seu impressis, seu manu scriptis licuit, impar esse locis corruptissimis, quæ passim occurrunt, sanandis. Abist proinde Medicas manus, ac non fallenteis pollicear; satis erit, si meas quasdam coniecturas proferens perspicuum faciam, quæ præcipue Textus videatur esse *veracius*. Sed non est, quòd te his detineam, virorum Humanissime; superest potius exorem te, vt quando me non cogitantem deuincendum existimasti, affectantem iam in amicum studiosum tui, obseruantemque cooptandum censeas. Vale. Parisiis v. Eid. Maias, an. M. DC. XXXII.

Viro

Viro Claro GVLIELMO CÆSIO  
Typographo Amsterodamensi,

PETRVS GASSENDVS S.

**S**cripserat ad me ante paucos menses  
nobile illud literarum decus Hugo  
Grotius, tum placuisse tibi meas aliquot  
Cælestium rerum Obseruationes; tum de-  
siderare te plures ad illustrandum, quod  
moliris insigne Cosmographiæ opus. Ita-  
que rem statim & illi, & tibi facturus per-  
gratam, amicum meum singularem Iaco-  
bum Valesium in Delphinatu agentem ge-  
neralem Franciæ thesaurarium, literis datis  
exorauī, vt quas haberet generis huius Ob-  
seruationes impetraret. Siquidem nôram  
penes ipsum delitescere plurimas, quas vel  
ipse, vel industrius, quo iam pridem vtitur,  
obseruator peregrinât. Expectatum diu re-  
sponsum, propter grassantem illis gentium  
morbum Epidemium; at commodum ecce  
aduēnit. Quia enim noster Salmasius est  
craftina luce ad vos discessurus (ô Fata nostra,  
qualem virum eripi nobis patimur!) com-  
mittam illi fasciculum, vel thesaurum po-  
tius acceptarum Obseruationum. Thesau-  
rum dico; nam erit sanè, cur tibi ex eo  
euulgato Posteritatem totam obstringas.  
Nôsi enim obseruationes esse fundamenta,  
quibus Astronomia nixatur; & cùm pluri-  
mæ exortiantur semper, qui Tabulas, Epheme-  
ridasque contexere possint, aut corrigere, raris  
tamen sæculis nasci, qui ipsi studiosè obser-  
uent. Hinc nihil mirum, si post exactam tor-  
sæclorum seriem, perfectè adhuc instaurati  
Cælestis hoc studium non potuit; quando  
ex tota Antiquitate infrequentissima habent  
obseruatorum subsidia. Vnus memoriâ  
totius æui dignissimus Tycho Bræheus in  
hanc præsertim curam incubuit. Sed Codices  
obseruationum tandiu expectati adhuc in-  
uidentur. Et licet Keplerus ex illis Tabulas  
suas deduxerit, cum nondum tamen hæ Tabu-  
læ Cælo ad amissum respondeant (omnium  
alioquo præstantissimæ) desiderium Posteris  
siet Tychoniarum Obseruationum, quæ  
cum faciendis conferantur, ad perficiendam  
scientiam. Seu enim Keplerus non omneis  
aduocârît, nec ceperit; seu fortassis aliqui-  
bus, quo Hypothesibus consentirent adie-  
cerit quidpiam, aut ademerit: Profectò  
Veri scrutatores requirunt olim historiam,  
varietatēque Obseruationum. Quod mo-  
neo, vt intelligas, non posse institutum  
tuum mihi non admodum probari; cùm, si  
qua nancipii obseruata potes, ea tanto studio  
transmittere in Posteris satagis. Imitaris  
enim generosum illum Snellij vestris, &  
nostri quondam amici, genium; cui nisi de-  
beremus, quas colligit Hassiacas, VValte-  
rianas, & Regiomontani, Tychonisque Ob-  
seruationes pauculas; mirum quàm tenues  
reliquiæ supersessent nobis ex diuine æuo.  
Præclarè verò ita facis: etenim quæ cudun-  
tur alia, delet dies facillimè; quæ huiusce  
sunt ordinis, recordatione grata confirmat.

Gassendi Epistola.

Cætera quippe non sunt certis alligata tem-  
poribus, & quæ scripta sapienter sunt, occi-  
dere millies & redire possunt: at obsetata  
huiusmodi sic à momentis temporum pen-  
dent, vt habita semel, singularia sint, & perditâ  
semel, restitui non possint. Quare, vt studiosis  
carissima sunt; ita nunquam illos eorum  
temporum, quibus sunt perfectæ occupat ob-  
liuio. Mihi proinde gratulor, quod quas Ob-  
seruationes mitto (aliàs fortassis sepeliendas)  
procurare studiosis possim; tibi gaudeo, qui  
cùm sis natus, vt bonas Artibus promoucas,  
occasionem hanc præ manibus habes. Fasci-  
culus certè insignis; cùm nudæ præsertim sint  
Obseruationes; neque post citatum Snellij  
spicilegium vberius vllum, quod sciam, exister.  
Vt verò habeas quanti fieri Obseruationes  
possint, aut debeant; scito me his nominibus  
sponsorem illarum præstari. Primum Amicus  
ille meus, Vir fidei summæ, eruditionis exi-  
miæ, patientiæ indefessæ est. Deinde eius ob-  
seruator nomine Elziarius, Olitor ille quidem  
est; sed quo profectò non alius vnquam magis  
opportuna loquutus. Sanè vt Protagoras olim  
Democrito exhibuit ingenij specimen ex scita  
lignorum structura: Sic Elziarius ex eleganti  
Vizilianorum hortorum cultu, genij Mathe-  
matici argumentum Valesio præbuit. Nec  
verò vnum illud fuit: siquidem breuius euasit,  
vt & obseruandi peritiam maximam acquisi-  
erit, & totam Trigonometriam planè perdidici-  
erit, & Astronomiæ fundamenta ita intro-  
spexerit, vt ego aliquando superueniens, offen-  
derim ipsum defendentem Telluris motum,  
soluentēque ex intimis huius scientiæ prin-  
cipiis, quæ eruditi quidam viri fecis sentientes  
obtrudebant. Quodque admirare, id cœpit  
sub annum ætatis quadragesimum, vxorem  
aliunde & liberos curans, hortosque colens as-  
siduè: adeo vt cum illum noctu obseruantiem,  
scribentēque contemplerer, viderer mihi  
Cleanthem videre, à quo non secus transige-  
bantur dies in hortis; noctes in studiis. Tertiò  
proinde & illius in eo obseruando diligentiam  
coram ac non semel inuitus sum; & explorauī  
ipsemet eius instrumenti, quo vtitur, fidem.

Sextans est trium paullo minus Pedum,  
lignæus ille quidem, sed quem illemet sic est  
fabrefactus, vt optimè cohæreat, sic illiuit,  
vt nihil patiatur à mutatis temporibus; sic  
per transuersas lineas diuisit, & pinnacidia in  
eo composuit, vt vix vnquam integro minuto  
abreter ab iis Fixarum distantis, quæ à Ty-  
chone sunt consignatæ. Denique plurium hu-  
iusmodi obseruationum calculum instituens,  
deprehendi illas mirè consonare; & nonnullas  
etiā conferens cum exquisitioribus quibus-  
dam ex meis, quod desiderarem, vix fuit ali-  
quid. Cæterum, cùm per-rare sint habita Gra-  
tianopoli quàm plurimæ ac penè omnes per-  
actæ sunt Viziliæ; quod oppidum est Grati-  
anopoli ad Austrum duabus leucis maiusculis.  
Occasio fuit, quod Valesius, quam-primum  
ex Scotia, vnde est oriundus, ad Delphi-  
natum accessit, ad illustrem illum Ledig-  
uerium sic adicius est, vt cum cele-  
brem eius domum, quæ Viziliæ est, fre-  
quentissimus itaret, Olitorem Elziarium

E 2 illic

illuc nouerit, & de parando in ipsis hortis  
Obseruatorio cogitauerit. Hinc poteris qui-  
dem has obseruationes Vizilianas inscribere:  
sed pergrate accipiam, si ex amici nomine  
Valesianas indigitaris. Ego prout ille eas ad  
me transmisit, committo; Tu vel transpone,  
vel selige, vel vtere tandem pro tuo instituto.  
Illarum series sic sequitur.

*Planetarum distantia obseruata Vizilia,  
cuius latitudo 45. grad. 5. min. 30. sec. Lon-  
gitudo eadem, quæ Gratiapolos, ubi Polus  
attollitur 45. grad. 12. min. Anno 1622. &c.  
prælongâ serie.*

Habes hucusque, Præclare Cæsars, obser-  
uationum copiam, quâ Valesius credidit  
serie. Catalogus certe instructissimus, &  
non paucorum, vt vides annorum, circa  
Superiores Erraticas Stellâs. Quod si non  
perinde instructus circa Inferiores est; cau-  
sam puta ediros monteis, qui Viziliæ Ortum,  
Occasumque præripiunt, & conditionem  
earum Stellarum, quæ tum manè solùm,  
vesperæque conspicuas sese exhibent, tum  
plerumque latent sub radiis Solis. Mercurius  
verò possimùm, de quo omnes Obseruato-  
res id iure queruntur, quod de Marte Pli-  
nius, *inobseruabilem eius esse cursum*. For-  
tassis mea illa de Mercurio ante annum in  
Sole viso obseruatio poterit esse instar plu-  
rium, quæ desiderari heic possent; & quadam  
etiam ex parte supplere, quod Keplerus con-  
queritur, Obseruationes omnes Brahe per  
viginti annos conscripserat, cadere intra vni-  
cum trientem Mercurialis excentrici; reli-  
quos verò duos trientis inobseruatos ma-  
nere. Ex quo mirum videri non debet, si Ke-  
plerianus calculus tempore meæ obseruatio-  
nis abfuit à vero quinque propè horis; id  
lucro potius deputandum, quòd non vt ali-  
j abfuerit quinque aut saltem tribus diebus.  
An verò gratum faciam, si heic attexuero  
Obseruationem nuperam, ex qua circa eun-  
dem Mercurium Kepleriani quidem calculi  
error paulo maior; at aliorum Artificum  
maximus longè proditus est. Cùm hoc ipso  
anno 1632. & die Iulij 29. sub horam quar-  
tam matutinam expergefactus in Auroram  
respectarem, Venerem in ea promicantem  
vidi, & nescio, qua felici forte oculos ipsi  
circumducens, incidi in Mercurium, ab illa  
distantem triplici quasi Diametro Lunæ.  
Facta statim præ manibus Kepleriana Eph-  
emeris indicauit Coniunctionem sideris vtriuf-  
que celebrandam die 31. Idque in ipsa Meri-  
die, cum nota hac apposta, *Mercurius ferè  
corporaliter iungitur Veneri; tamen quinque  
scrupulis superior. Attendatur manè ☿ eum  
in Aurora monstrabit paulò altior.* Itaque  
ego me ad illam, & diem, & horam ita ac-  
cingendum duxi, vt diem non negligerem  
antecedentem, & consequentem. Verùm  
die 3. crassi adeò fuere vapores Horizontem  
obfidentes, vt priusquam discernerentur, Ve-  
nus agrè apparuerit, Mercurius euauerit.  
Ipsa die 31. apparato organo, vt Veneris  
saltem distantiam à duabus Fixis acciperem,  
Fixæ omnes prius oblietæ fuerunt, quàm  
illa ex densioribus vaporibus emergeret.

Quare id solùm superfuit, vt explorat-  
um Mercurius illius corpus circumflaret,  
Inclarescebat iam Aurora, & hora quarta  
parum aberat, cùm agrè Mercurium detexi,  
& Cantoclaro amico meo, cuius ædeis, ac  
vineam huius obseruationis gratiâ tunc vfur-  
pabam, demonstrari. Situs Veneris supra  
Horizontem erat tunc septem circiter gra-  
dium; Mercurius verò ab ea distabat, cùm  
nudo visu inspiciebatur, tanto marginum  
intervallo, quantum Veneris Diameter ada-  
implertura videbatur: cùm verò Telescopio,  
videbatur posse Diameter Veneræ quinq-  
ues circiter collocari in intercapedine. Erat au-  
tem Mercurius Veneri non supra, seu ad  
verticem; non planè ad læuam, seu in eod-  
em parallelo dicto Almicantharæ; non  
planè loco inter hac medio, sed versaba-  
tur inter hoc medium, & prædictum  
parallellum; adeò vt spectato Eclipticæ situ,  
videretur præcisè esse, aut non multo antè  
fuisse in eodem cum illa latitudinis circulo,  
sed collocatus ad Boream. Pulsauit quarta  
inreca, & non longè post, Mercurius di-  
sparuit. Omnibus expensis; Quia iuxta  
prædictam Ephemeridem Coniunctio illa  
heic fieri debuit eodem die, hora ij. cum  
triente, ante Meridiem; & contigit tamen  
hora proximè tertia, cum sextante; idè-  
visum est calculum Kepleri nimis promo-  
uissè Coniunctionem hanc septem horis  
cum semisse. Sed parum nempe istud est,  
si cum hallucinatione Ephemeridis Origa-  
nicæ comparetur, iuxta quam tribus ante  
diebus euenire debuerat, & minimùm, si  
conferatur cum Ephemeride Argolij, quæ  
celebrandam promiserat quinque diebus  
maturius. Est autem valde mirabile, quòd  
vix aliquid, aut nihilum etiam Keplerus  
aberrauerit in designanda sub Coniunctio-  
nem latitudinum differentia: & maximè si  
Diameter Veneræ conspecta Telescopio,  
habeatur vnus proximè minuti. Occasione  
porò huius Coniunctionis, memorarem  
similem aliam Veneris eiusdem cum Marte,  
vt putà, quam etiam absque villa designa-  
tione locorum ex Fixis obseruauimus anno 1622.  
mense Octobri. Cùm dic enim 14. disce-  
derem Diniâ Aquas-Sextias, Aurorâ iam  
inclarescente, animaduerti Venerem à  
Marte distantem paulò minus Diametro  
apparente Veneris. Existimabam esse Do-  
drantem, vel quanta apparebat inter se-  
cundum Equum in Helices cauda vicinam-  
que ipsi stellulam intercapedo. Erat autem ☿  
occidentior, habensque Venerem desce-  
ndentem in Mercurium, seu Vulturum cir-  
citer. Die verò 15. eodem tempore, ac  
itinere Diniam inter & Aquas-Sextias  
medio, Venerem vidi orientiorem, &  
Martem ab ea descendentem versus Mes-  
soream. Distantia visa paulò maior, quàm  
inter duas infimas Stellâs ex tribus ap-  
pendicibus Balthæi Orionis, longè verò  
minor, quàm inter duos Hædos. Enim-  
verò, quia eodem anno, ac in fine Ianuarij  
eorundem ☿ ac ☿ Coniunctionem ob-  
seruaram Aquis-Sextiis, non illam qui-  
dem



dem adeò propinquam, sed tamen, ut puto, satis exquisitè; ideo lubet magis eam adponere. Radio vtebar Astronomico in parteis decies millenas diuiso, & transuersali in simileis, cylindricisque pro pinnacidiis tam ad oculum, quàm in transuersali. Cæteros dies antecedentis, consequentisque prætereo; Coniunctionis diem deligo, & vnicum dumtaxat ante, vnicum post addicio. Itaque eiusdem & anni 1622. & Ianuarij die 30. hora 7. vespertina exhibita est distantia Veneris, & Martis 0. grad. 36. min. & iterata 0. grad. 35.  $\frac{1}{2}$ . min. ac repetita tertium 0. grad. 35. min. At hora 7.  $\frac{1}{2}$ . inter Venerem, & caput Andromedæ distantia fuit 28. grad. 40. min. Inter  $\zeta$ , & Markab Pegasi 20. grad. 36. min. Inter verò  $\sigma$ , & caput Andromedæ 28. grad. 47. min. Inter  $\sigma$ , & Markab 21. grad. 26. min. Ac postmodum ad explorandum instrumenti fidem inter Sirium, & Procyonem occurrit distantia 25. grad. 42. min. Die sequente 31. horâ 8.  $\frac{1}{2}$ . vespertina, distiterunt Venus, & Mars 0. grad. 28. min. neque moliri quidpiam aliud, propter exortus rubeis licuit. Die verò prima Februarij, hora 7.  $\frac{1}{2}$ . vespertina, fuit distantia Veneris, & Martis 0. grad. 36. min.  $\frac{1}{2}$ . Veneris verò, & Capitis Andromedæ 27. grad. 37. min. Veneris, & Alæ Pegasi 13. grad. 41. min. Martis, & Capitis Andromedæ, 28. grad. 12. min.  $\sigma$ , & Alæ Pegasi 14. grad. 16. min. Simileis alias Veneris Coniunctiones addiderim, ac præsertim quidem cum  $\zeta$ ; sed quia descriptam iam habes, quam obseruauim in hac Vrbe anno 1623. die 9. Februarij; addo hic solum aliam, quam obseruâram Aquis-Sextilis, anno 1619. mense Aprili, vel ex eo, quod Sideris vtriusque distantiam acceperim non modò semel, cum venaret adhuc horam ex altitudine Arcturi: sed ter etiam interdiu, cum horam captarem ex Sole. Die ergo Aprilis ij. manè hora 4. min. 55. distitit  $\zeta$  à  $\zeta$  1. grad. 1. min. horâ 9. min. 36. distitit 2. grad. 24. min. horâ ij. min. 16. distitit 2. grad. 57. min. Hora pomeridiana 0. grad. min. 20. distitit 3. grad. 27. min. Prætereo autem, ut exacto mense, seu die Maij ij. manè hora 4. min. 50. cum Luna videretur quasi constituere apicem Trianguli penè Isoscelis, cuius angulos ad basim occuparent  $\zeta$  &  $\gamma$  proximè ipsam eorum Coniunctionem, distantiam fuisse  $\zeta$  à  $\gamma$  10. grad. 45. min. hora 4. 50. min.  $\zeta$  à  $\gamma$  10. grad. 20. min. hora verò 5. Veneris verò &  $\gamma$  0. grad. 32. min. hora 4. min. 30. Sed ad Mercurium redeo, de quo postremò obseruationem, quam dicere licet negatiuam, addicio, excerptam ex Epistola, quam Romanam ad Naudæum scripsi ostendendam Scheinerio, v. Eidus nuperi Maij. Ea sic habet. *Attexo potius aliam circa  $\zeta$  obseruationem, &c. vsque ad illud, hac ergo sunt, quæ poteris cum optimo vivo habere communia.* Habetur superius. Hactenus excerpto, mi  $\zeta$  61, ac finem simul facio. Tu benè Vale, & magno Reipublica literariæ bono magnis conatibus insiste. Parisiis Kalendas Octob. anno M. DC. XXXI.

Gassendi Epistola.

*Viro nunquam satis laudato GALILEO  
GALILEI Magni Hetruriae Ducis  
Mathematico,*

PETRVS GASSENDVS S.

Atis temporis iam elapsum est, Hu-  
manissime Virorum, ex quo Diodati manu accepi, quod consignari mihi voluisti, Dialogorum tuorum Exemplum. Quod sed tamen gratias agam, excusationem mereor; quando vix tandem licuit discedenti Parisiis desiderata lectione frui, die vno, aut altero. Nempe quam-primum egregius liber factus est mihi præ manibus, tanta illius apud studiosos expectatio inarserat, ut quia Diodatus Exemplum suum detulerat in Angliam, meumque vnicum supererat; vix vllus fuerit, qui peridere successit non postularit. Itaque discessus occasio vix demùm fecit illius copiam, agrèque inter varias occupationes obtinui, ut prægustarem, quod spero adhuc, quam-primum conquiretur, pleno quasi ore sorbere. Interea cùm foret in hac ciuitate paucis diebus commorandum, significare volui, quam grâte acceperim librum; quam iucundè percurrerim. Equidem tanta sum affectus inter legendum voluptate, ut etiam-nùm; quoties mente repeto, mirificè mouear. Ita scilicet tibi constas, amantissime Veritatis Vir, ut quodecunque ratiocinaris, Naturam semper sequaris Ducem, & ex propriarum Obseruationum diuite penu, Principia ducas. Assurgis quò Mortalium nemo subuectus est hactenus; felicèque huiusmodi sunt, qui vel eminus consequuntur. Quod mirabile verò sit; cùm humana sagacitas procedere vltreius non possit, is in te est animi candor, ut bona fide semper agnoscas, naturæ nostræ infirmitatem. Quantumcumque enim coniecturæ tuæ sint verissimilimæ; non sunt tibi tamen plusquam coniecturæ; neque, vel vulgares Philosophi solent, fucum facis, vel pateris. Quàm iustum rebus imponis pretium! Obluisci certè, si velim, non possum, glebulæ terræ commendationem supra Adamantes, & alia, quæ malè sanum vulgus miratur. Dicerem plura, sed si perspectus tibi vtrumque meus est Genius, diuinabis planè nihil esse in tuis ratiociniis, quod summopere mihi non ardeat. Addo solum me pericundè in id incidisse, quod per literas admonueras, de opinionis tuæ consensu circa Stellarum exilitatem, cum mea illa de Mercurio in Sole viso, obseruatione. Delectat quippe cam tibi cogitationem venisse in mentem pro ingenij acumine, inexhaustèque solertia, cui ego, vel non cogitans, tam promptam præstiterim fidem. Sic euenire plerumque solet, cùm nobis satis est animi, ut ab opinionibus præiudicatis discedamus. Non pauca sunt, quorum spem facis, ut circa pondertum cædētium inæqualem velocitatem. Quæ res, idque non meo solum, sed Merfenni etiam nostri, aliorumque nomine, ut non patiaris

nos illorum tabescere expectatione, Morinus inter ceteros librum tuum auidè legit, réque suspicit, vt par est; non fatetur tamen se vidum, existimátque rationes suas in manuscriptum Prodtromum perseuerare illibatas. Ipse, cum multa alia in tui gratiam edisserui, tum præsertim exaggeravi causam abs te redditam de geminata intra diem naturalem Maris reciprocatione, & commendatione dignissimam esse, & inconcussam persisterè. Ea commemorarem, nisi ipse nosset, solui potuisse obiecta omnia ex istis abs te fundamentis. Id dico, Antiquorum omnium rationes, & Hypotheses apparere nugas & insomnias memora, quando cum inuenito tuo comparantur. Contigit certè mihi non semel, vt cum apud viros ingenuos tuam explicarem sententiam, tanta in animis audientium fieret verisimilitudo, vt assumpta motuum Telluris Hypothesis, ad declarandum Maris æstum, probabilitatem ex ipsa declaratione obtineret. Verùm plura Deo volente, cum licebit per otium. Vale interea & me ama. Lugduni in iuinere, ipsiis Calendis Nouembribus, anno M. DC. XXXII.

*Litteras hæc cognato tuo viro optimo commendavi; Tu si quidpiam officij ex me fortassis exigas, significare per ipsum poses. Iterum Vale.*

*Admodum Reuerendo, & Doctissimo  
Viro Patri THOMÆ CAM-  
PANELLÆ Philosopho celeberrimo,*

PETRVS GASSENDVS S.

**R**escipissem pridem ad te, Præclarissime CAMPANELLÆ, nisi posteriores tue literæ, quas emissas rescueram, desiderium sui diuturnum fecissent. Ac illas quidem Parisiis demùm circa huius mensis initium accepi; sed de discessu tunc cogitans, responsionem distuli ex ciuitate hac transmittendam. Neque verò propterea otij nullum superest, vt Epistolam effusam conscribam; sed malo tamen aliquid tandem, quàm nihil omnino reponere. Itaque velim tibi persuadeas, nihil mihi amicitiæ demonstratione, qua me beandum esse duxisti. Tu nempe ex censu longè alio, quàm literati isti triviales, qui per compita, forasque crebrescunt; euiusque facile, vt Philosophorum nostri sæculi habearis præcipuus. Quidni igitur suauissimum ducam à tanto viro diligi, quem magni quidem fieri, à viris bonis, doctisque videam, sed quem ego præ omnibus maximi semper æstimarim. Quod tu mea aliquid ducas, eximia bonitatis est; neque enim sum nescius, quàm exigui momenti sit, quidquid præstari abs me potest. Ea re solum gloriari possum, quod sum Veritatis studiosissimus & vt falli à nemine, sic fallere neminem volo. Id dico propter Obseruationes, in quibus potest industria quidem, at non fides desiderari. Ad Commentationes verò Epicureas quod atti-

net, subdubitare visus es, ne quid in Religionem peccem: Sed absit à me, vt excidat quidpiam, quod pugnare cum illa possit. Inculcas Providentiam: ego verò eandem aduersus Epicurum tueor; neque, si ille quicquam errauit, patrocinium causæ suspicio. Exopto, vt Naudæus noster, fecerit tibi copiam earum literarum, quas ad ipsum dedi mense Maio. Si fecit, peruidisse potes specimen Dissertationis circa cam partem Providentiæ, quæ ad membrorum structuram spectat, ac simul pernosse quo studio Pietatis partem complectar. Quippe quod Philosophum agam, dissimulare non debeo quidquid ad opinionum viri, quem interpretor elucidationem conducit: quod Christianus etiam, & Theologus sim, meminisse debeo, quid vtrique personam deceat. Hac ratione te imitor, qui pro ingenij acumine ita exussisti impiorum ratiocinia, vt de Atheismo triumphaueris, & pro summo etiam candore nihil eorum reticisti, quæ in nualignæ causæ gratiam edisseri solent, aut possunt. Ita scilicet faciendum, ne, si mussitante dumtaxat induxerimus aduersarios; suspicari aliquis possit, nos propriæ causæ diffidere, quasi non valeamus, nisi hostibus remisit agentibus procedere obuiam. Vtunque sit, carissimum duco, quod sic amice me admones; idque in parte non postrema benevolentie tue duco. Plura, Deo bene propitio, cum Diniam meam appulero, & ad Naudæum etiam scribam, quem velim interea salutatum facias. Vale, eruditissime & candidissime Vir, meque, quod facis, æternum ama. Scribebam Lugduni in itinere, Postridie Calendis Nouembreis, anno M. DC. XXXII.

*Admodum Reuerendo & Clarissimo  
Viro CHRISTOPHORO SCHEI-  
NERIO, è Societate IESV,*

PETRVS GASSENDVS S.

**D**ebueram prius rescribere, Optime Virorum SCHEINERII, ex quo præsertim literas tuas sub initium Iulij datas concessum est accipere; verùm quia faciebas spem conscribendi vberiùs; idque intra dies non multos, idcirco expectare volui, vt liceret simul rescribere ad omnia. Sed enim, cum spe inani lactatus, nescio qua forte has posteriores literas nondum viderim, disferre nolui diutius tum id tibi significare, tum te certiores facere mei in Prouinciam discessus. Addo, quod testatus nondum fueram, singularem illam voluptatem, quam ex lectione operis tui de Maculis Solis percepi. Dignum certè ingenium tuum, in quo hæc rosæ nascerentur, adolescerentque, dignus oculus, cui mysteria, adytaque ista paterent. Quod me attinet; vix quicquam offendi, cui non planè consenserim; fuisse verò quam-plurima, quæ addiderim, recens. Præcipuum fuit varietas motus ea ratione apparentis, vt interdu parallelus, interdum obliquus Eclipticæ fiat. Quippe,

Quippe, quantum-vis multas habeam temporum anni singulorum consignatas Observationes; nunquam tamen animaduerti id genus inæqualitatis, donec me tuus liber admonuit; omnem scilicet varietatem abs me deprehensam in observationum defectum coniiciens. Quæ Hypothesi explicas negotium, acutissima illa sanè; sed simplicitatē fortē ex annuo Telluris motu deprecaretur. Cum utrauis tamen sufficiat, tua vel eo nomine placeat, quod alia istic displicet. Cætera prætereo; sed illud transcendendum silentio non est; ineffabilem fuisse suauitatem, quā, quæ sunt à te de modo Visionis oculatissimè demonstrata, arripui audissimè. Fortassis id olim vberius pernosces, si quando meæ nescio quæ Physicæ Commentationes in lucem prodierint. Porro, quia me literis superioribus admonueras, habere te præ manibus Palæliorum argumentum; gratum habebis, vt opinor, si observationem tibi indicem, quæ me fugerat idem pertractantem. Ea peracta est in Angliā, ante annos quadringentos, seu anno salutis ∞ c. c. xxxiii. describiturque in historia Anglicana Matthæi Paris, in Henrico III. ac simul apponitur schema, in quo quatuor Soles Sputi vna cum vero exhibentur. Si tibi fortē res est perspecta, horum paucorum versiculorum leuis iactura habenda est. Nisi sit, blæuatio digna videtur, quam discutias. Existimo desiderari aliquid in Diagrammate; disquirendum tamen an possint quatuor Soles adulterini alia ratione apparere, quam abs te obseruatum est. Vale. S C H E I N E R I Optime, & me, quod facis porro ama. Lugduni in itinere postidie Kal. Nouemb. anno M. DC. XXXII.

*Si quid me forte volueris, destinare literas, pates Aquas Sextias ad Nobilem Senatorem Nicolaum Fabricium Petrisij Toparcham, illi siquidem curæ erit, vt compendiosè ad me mittantur. Vale iterum.*

Præclaro Viro LVCÆ HOLSTENIO,

PETRVS GASSENDVS S.

**L** Nuisi nuper ex hac vrbe, Humani ssime HOLSTENI, celebrem illum Meziacum Burgi in Bressia commorantem. Cumque varij inter nos confererentur sermones, incidit fortē mentio Geographiæ Agathemetis, cuius ipse habet Exemplum ex Bibliotheca Grauellana Velsonij existente descriptum. Subiit illud in mentem consilium tuum circa minorum Geographorum euulgationem. Id vbi illi indicaui, subiecique fieri posse, vt librum ipse non videris, paratum seclē statim exhibuit, pro ea, quæ est, humanitate, ad ipsum tecum communicandum. Titulus est, quantum recorder *Καθημερινα τῶ ὀψιδιου τοῦ γεωγραφίας κοινῆς*. Incipit verò *Καθημερινα*, &c. estque foliorum circiter quatuor. Itaque si hic Geographus abs te fortē desideretur, pates id mihi interueni Petrisij nostri significare. Ego verò operam dabo, vt nancisci quam-primum valeas. Vale interea, Præclare Vir, sicque habe, memorem me officij tui semper fu-

turum, prætermisuramque occasionem nullam, quæ gratum tibi facere liceat. Lugduni in itinere v. Eid. Nouembreis M. DC. XXXII.

PETRVS GASSENDVS

GABRIELI NAVDÆO SMO, S.

**L** Ongum, mi NAVDÆE, abrupto silentium breui Epistolio: sed præstat nempe aliquid tandem, quàm nihil omnino perscribere. Appulsus ad hanc ciuitatem, humanissimoque exceptus hospitio illustri Petrisij, quem decus nostrum esse nosti, offendendo illum scribentem ad te, exigentemque literas, quas suis consociet. Itaque licet præceps occasio; negligendam tamen non censeo, vt quam possum, salutem dicam. Priusquam exinde discedam, dicturus vberiorē sum: Scito interea me bene valere, exoptareque vt tu optimè. Literas accipio ex amicis nostris, qui degunt Parisiis, obseruoque in Tuberlinis, quorsum sis breui Paduæ futurus. Vinam principium hoc sit stabililandum fortunatum. Accipio simul, quas Londino Diodatus noster tum ex se mittit, tum remittit missas ex Hæturia; agnoscoque virum præclarum expeditionem Romanam parare: sed non sum tu melius quid id rei sit. Rescripturus ad illum sum, spondere tamen non audeo, vt breui respondeat. Effice tu, vt nôsse valeam quid ager cum illo fortuna. Nondum extrema adest manus illi Philosophiæ, cuius tu penè author es; quippe hoc solum infantiam quidem, at non maturam ætatem præstare est natum. Itaque expectandum est, donec Parisios rediero. Id continget cum Præsul meum, quem spero breui heic adfuturum, iter eodem suscepit: suscipiet autem, quantum opinor, circa Octobris initium. Vir illustris Markauius inuitauit me adhuc nuper literis humanissimis adinuiscendum secum Orientem: verum expecto consilium, quod Luillerium meum rogauit, priusquam disertè respondeam. Aliquid semper Cælestium rerum Commentariis meis adicio: Tu si fortē sit istic gentium, qui histe studiis delectetur, cura vt nôsse valeam. Communicabo haud inuitus tum obseruata cætera, tum nuperam Solis Eclipsim; sed ohe grandem Epistolam, non breue Epistolium! hoc igitur in luero habe, & meque vt facis æternum ama. Vale, Aquis-Sextiis, pridie Nonas Maias anno M. DC. XXXIII.

Admodum Reuerendo Patri, & Viro  
Clarissimo, CHRISTOPHORO  
SCHEINERIO,

PETRVS GASSENDVS S.

**M** Aturè satis hûc adueni, SCHEINER I Optime Virorum, vt acceptis literis tuis, sub Februarij finem datis, verbulum hoc reponerem. Verbulum, inquam; nam & vrget Veredarij præsentia, & metus, ne Romæ non sis, cum ille ad Urbem accedet, Significas videlicet enocari te in Germaniam à Maifestate

E 4 facra



facta Cæsarea, & Præful meus coniicit discessum tuum in hocce tempus. Vt cumque sit, parcendum mihi exiguo labori non est, vt si fortè hoc Epistolium ad te vsque perueniat, accipias quam reddo salutem. Non accepisti, quantum conicio, quas Kalendis Nouembribus ad te dederam literas. Cum nempe Lugduno transirem scripsi & ad te, & ad præclarum Campanellam, consignauique literas Bibliopolæ Proft, pollicito se magnâ curâ, vt redderentur, effecturum. Sed mea hæc est non vestra iactura; quando quidem propter candelam, affectusque mei significationem, quod ex me speretis magni nihil est. Lætor eundem Mercurium ab aliis duobus illustribus viris, quos commemoras, obseruatum fuisse: cum verò etiam accepero quid, & qua ratione obseruatus fuerit, cumulatâ voluptas erit. Ipse tum mense Ianuario obseruauit Dinixæ vespertinum Mercurium, tum impræsentiarum obseruo ex ædibus ipsis, & eo quo sum in hac Ciuitate exceptus hospitio illustris Viri Petrisij. Ab obseruatione cum cessauero, quid abs me fuerit actum, perscribam. Est interea quoddam imperitiam, quam peregi Dinixæ obseruationem Eclipsos, quæ nuper contigit in Sole, quantum per pluuias, nubes, grandines, ventos interuenientes licuit. Si Romæ adhuc fueris, pergartum facies si totam rem cum Campanella communicâris. Scriberem etiam iam ad ipsum, si liceret per otium; sed veopor ne satis temporis non sit, vt vel tabelam solam transcribam, quam historiæ obseruationis in meis attexui Commentariis. Tu interea illum saluta, & Vale. Aquis-Sextiis, Non. Maij M. D. C. XXXIII.

*Salutat te quam-plurimum Nobilis ille Hospes meus nusquam gentium non cognitus. Is & te summo pere colit, & vrsinam tuam Rosam admiratus, cum laudes tuas cecinit pridem, tum etiam ex quo aduenisti, non paucos mecum circa tuas & Obseruationes præclaras, & propositiones de modo Visiois sermones conseruit.*

Admodum Reuerendo Patri, & Viro  
Clarissimo THOMÆ CAMPANELLÆ,

PETRVS GASSENDVS S.

**N**on scripsi ad te, Vir Eximie, ex quo Lugduno iter faciens, literas ad te ipso die Kalendarum Nouembrium dedi. Dedi verò & ad Scheinerium, & vtrasque commisi Bibliopolæ Proft, ex quo, quoddam agere se tecum per literas; adsereret, obtinui, vt meas adiungeret suis. Hoc memoro vt possis ipse fidem meam saluam habere, nisi fortassis literæ illæ ad te vsque peruenierint. Videlicet non peruenisse suspitionem id ingerit, quoddam scribens nuper ad me Scheinerius, mentionem earum, quas ad ipsum simul dedi, facit nullam. Profecto nisi & tu acceperis, est quoddam maximopere doleam, quoniam ipsis responsum est binis pridem abs te allatis. Sed nempe huiusmodi facta nonnunquam interueniunt,

& amicorum exigit candor, vt casus hosce consulant æqui. Quoddam si fortassis illæ tibi, bona mea sorte, redditæ sunt; est quoddam gaudeam summo opere, sperans exinde paucos hos versus gratiores tibi exstituros. Ad me quoddam spectat, tantò ipsis conscribo iucundius, quanto iis tibi exhibendis occasione facio. Nobilibus amicis meis inuifendi tantum Virum, quantus ipse es, & eaque fruendi felicitate, quam mihi adhuc inuident fata. Cæterum ex amplexu nuper à Galileo Epistolis recessui ipsum breui Romæ, quò citatus est, ad futurum. Id miratus sum; quoniam nihil non approbatum edidit; sed nostrum non est nosse hæc momenta. Alia vt mittam, quam ageres pro rara tua humanitate, & singulari industria, si exortum dissidium inter summos illos & amicos nobis viros (Galileum, & Scheinerium intelligo) componeres? Vir vterque aded est bonus, aded Veritatis studiosus; aded fidei & candoris plenus; & Deum tamen immortalem! occurrisse quod alterum alteri faceret infensum! Ipse certe satis dolere litteratorum vicem non possum, quoties obseruo magnos viros in generis huiusmodi altercationes incidere. Nam pusilla quidem ingenia, quæ pendentem ex tenui filo constentur gloriolam, ita exandescere possunt; at viros aded eminentes, quos sincerus agit Veritatis amor, iisdem moueri affectibus, magnopere sanè est mirum. Sed hæc nimirum videtur esse humanæ sortis conditio: aded sumus omnes, siue corporis, siue ingenij factuum amantes. Nolim porro quicquam esse importunus nisi ipse ed propendeas; quocirca neque adicio, quod meâ quidem sententiâ promouere concordiam possit. Tibi sunt claudis omnia perspecta; etiam quæ dicere præfenti, quam scribere absenti tutius. Itaque nihil vehementer à te exopto, efflagitque, nisi vt amare me pergas, ac eum habes, qui sit amantissimus & obseruantissimus tui. Vale Aquis-Sextiis v. l. Eid. Mai, anno M. D. C. XXXIII.

E I D E M.

**Q**uas ad te scripsi nudius-quartus, Præclarissime CAMPANELLA, iis commisi, qui inuifendi, & alioquin te coram occasione illa beati voluerunt. Vterque illorum præcipuus est alter à Sacris, alter à Secretis Duci illustrissimo, qui totum iam Romanam expectatione sui compleuit. Iter iam hæc post illos faciens Nobilis Boesiacus, qui ex eodem comitatu petoraturus est Latinæ coram summo Pontifice, schedam quoque habere cupit, cuius reddendæ occasione salutem tibi coram dicat. Hæc itaque est, quam ipsi conscribo ac tanto quidem alacrius, quanto & ipse mihi est amicus eximius, & tu is es, quem velim semper quam-plurimum cognitum fieri. An non tu id patienter ferēs, imò etiam consules boni. Nisi is esses, quæ in celebrem eminentissima virtus fecit, non ita te multi ambirent, ac impeterent, sed nempe Sol non fert indignè, cum heliotropia quæ eius vim persentiunt, in ipsum respiciunt.

Aut.

Aut in virum aded illustrem non debebas euadere, aut gratiam esse non debet, si Literatorum omnium oculi radiis tuis percellantur. Vtcumque habeas, habe me semper virum studiosissimum tui. Vale. Aquis-Septis III. Eid. Mai. m. dc. xxxiij.

PETRVS GASSENDVS  
CONSTANTINO Svo, S.

**A** Ccepi ante paucos dies, Mellitissime CONSTANTINE, prælatum epistolium. Nescio quæ fata fuerint illius, quod scriptum dicis mensè Ianuario: sed alterius ritè recordor, quo, cum Parisiis adhuc viderer, beare me volueras; Mirum porò, te hæcenus nullum accepisse responsum; & nullum tamen necque amandi, neque scribendi facere finem. Sed nempe constantia hæc tanta in eum cadere solum potest, qui nomine tuo dignissimus sit. Ea profectò tanta est, vt vel inuitum fuerit raptura; quid-ni me etiam qui sum iam pridem erga te propensissimus? Pudet me tandiu distulisse affectus significationem, meque indignum fateor, cui tu sic tuum testatum facias. Verum, quæ es humanitate, sic condonabis negligentiam, vt quem tacentem amaueris, loquentem iam impensius ames. Nihil est mihi, quod reponam enarrationi illi tuæ fiduciorum Literatoriorum: sed non ignoras, quàm sit hoc solum ingratum & infertile. Hoc saltem fecito, fecisse terem longe iucundissimam, quando historiam, seu verius histerioniam Temporum docuisti. Tameñ enim agere ferendum viros alioquin eximios sese mutuo discerpere; suaue nihilominus est quid rerum illic agatur, nosse. Humanitas est optare, vt bene sit omnibus; at fieri mentium diuortia tam humanum est, quam in corporis habitu, vultuque esse discrepantiam. Varia hæc partium studia sapientie studio coarctata sunt, neque sperandum est sæculum, in quo non citius inter Horologia. Tu viue ab his curis liber, neque puta esse, qui possit tantis lites componere. Si certandum sit, erit tibi semper id, quod pridem facis, vt amore vincas, corporeque simul, ac mente quam-optimè valeas. Rescui quanto molimine cum nostro Burdelotio, aliiue amicis per sæpe contendas. Optimum genus certaminis, quo non vinci minis, quàm vincere gratum, imò, quo vulnera inflicta iucundiora sunt, quàm ipsa victoria. Hæc inter Viue felix. & Vale, ac inter cæteros amicos optimum Aubertum saluta. Dinia, prostridie Non. Iulias m. dc. xxxiij.

Clarissimo Viro LEONI ALLATIO,

PETRVS GASSENDVS S.

**H**æc diu, Præclare Vir, quibus verbis, aut qua ratione agere tecum occipietem. Quippe postquam Naudæus primum, & Gassatellus postmodum literis suis significarunt, quo me affectu prosequeris, animo

confusus toties restiti, quoties atque calum gratitudinem testaturus. Et sanè si ego is essem, qui tam effusum voluntatem aliquando promeritus vel leuissimis officiis forem: haud ita obstupescerem: at me non modò facie ignotum, verum ne vllis quidem datis, acceptis-ve literis conscium, hæc tanta obrui beneuolentia; quid-ni præ stupore obriream! Hæc vna res mihi solatio, quòd nisi quid dignum rependam, ipse vertere tibi debeas, qui me impotem feceris. Quomodo enim in culpa sum, qui ansam tibi præbuerim nullam; tu immerentem, nec rogantem, me cogitantem deuinxeris? Credidisti fortè amicis plus æquo mihi fauentibus; at quorsum non subdubitasti, esse nimis posse lenam amicitiam? Ego immensum illis debeo, quando amicum te debeo; sed parcere arti non possum, qua imponere tibi affectarunt. Et cum gratulari mihi summopere debeam, quòd sic erga me animatus sis, est tamen quod doleam nihil esse in me, quo te permoueri debuisset comperiam. Vtcumque sit; præstabo saltem, vt ingratum me experiaris nunquam, & cum vires, defecerint superesse tamen voluntatem viuidissimam deprehendas. Polliceor proinde quidquid tandem sum; Tu sic accipe, vt si possem præstare quidpiam amplius, eodem animo tibi deuouerem. Vale bonarum literarum & Literatorum decus. Dinia, posttridie Eid. Iulias m. dc. xxxiij.

PETRVS GASSENDVS  
GABRIELI NAVDÆO Svo, S.

**E**ddidit mihi, cum reuerti, Præsul meus literas tuas. Eæ me sanè delectarunt tum ob coniunctas cum Gassarello vices, memoriamque habitam mei; tum ob fortunarum tuarum quod exopto vt maximum tandem accedat, incrementum; tum ob renuntiatum Allatii erga me affectum insignem, cuius me etiam post modum Gassarellus certiorum fecit. Vestrum vtriusque consilio Epistolium do ad præclarum Virum. Vestrum vterque suppleat, quod meæ deest industria, Præsul meus, qui te salutar discessurus breui Parisios rediturus est ante Hyemem. Ego cum illo non discedo, veritus, ne quadam ex parte libertatis iacturam faciam. Meministi, opinor, me noluisse aliàs accedere ad Eminentissimum Virum. Cessante huius prosecutione, est alius, quem tu probe nosti, qui mirè me sollicitat, vt fraternam, indiuiduam, perpetuam societatem vocaem. Spondet ab initio nolle se, vt prius pedem domum iniiciam, quàm beneficium, pensionem-ve librarum ter mille fecerit securam. Is ergo est, quem si Parisios concessero, effugiam nunquam; aded ille me suum cupit; aded ego sum impotens, vt denegem aliquid coram. Continebo itaque me in casu hac, humili quidem, sed quæ mei me habeat iuris. Hæc inter, quid putas, Luillierius, qui-cum-fo-lo possum, vt nosti, liberrimus viuere? Ille, vt me sincerè amat, sic conditionum, ipsa specie, honestissimarum dissuasor non est; at ego promissò

promissorum memor ( quæ & magno viro obiecti ) plus illi largiri , quam exigat , volo , Non memoro ut penè se dedere eidem voluerit , ne separati degeremus , ut tantumdem , & amplius ex suo obtulerit ; ut Regiam etiam professionem , quam recusavi , quaesierit ; nempe illius erga me amor incompertus tibi non est . Expeditionis in Orientem vix nuper dimisimus curam . Spero autem heic adfuturum aut mense Nouembri , ut Hyemem mecum tranfigat ; aut sub Veris initium , ut in Italiam secedamus , Veneriâsq; potissimum . Fortassis illic absoluerè opus illud meum licebit ; quod si heic gentium velim , non possum . Tu benè Vale , mi NAYDÆE , & me perpetuum amare perge . Dinæ postridie Eid . Jul ,  
M . D . C . XXXIII .

*Satis est ex aliis , quàm ex me addiscas , qua Responsione Schickardus Mercurium meum exceperis , qua Dissertatione Hortensius . Si adesses mihi vel vnum Exemplar , illud ad vos transmitterem ; sed licebit fortassis aliàs .*

*Admodum Reuerendo , & Religiosissimo , Eruditissimo Viro , Patri  
ATHANASIO KIRCHER Æ  
Societate IESV ,*

PETRVS GASSENDVS S .

**Q**UO affectu , putas , accepi , KIRCHER Humanissime , quas , ut me beares literas dedidisti ? Certè quanto prosequi possum doctissimum , optimum , & amicissimum virum . Rescripsissem priùs : sed statim ab acceptis , concedendum peragrè fuit . Quin maius otium expectarem , neque ( quod facio ) rure scriberem ; nisi proximè fores discessurus . Itaque paucos versus do , sed qui sint tamen amoris mei , arque obseruantia erga te perpetuè amplissimo pignori . Procul abscedis ; sed animo etiam illuc te consequar ; neque locorum interstitia vllum amicitia interuallum statuere . Fortassis etiam te inuisurus in Scythicis illis confinis aliquando sum ; maxime si Deus , quod nôsti , destinatum iter fortunet . Supplebunt literæ interea , familiarè commercium ; neque deerunt officia , quæ inter absenteis præstentur . Cura solùm , ut valeas , & per tot castra , ac per militarem illam insolentiam , sospes euadas . Ita nempe non modò tibi , sed & bonis literis , Attribusque consules : & me quod spectat , animæ dimidium meæ seruabis . Quod de præclaro illo Tonduto commemorasti , pergratum habui . Ille est , opinor , de quo etiam multa Morinus meus retulit aliàs . Saluta illum meo nomine , & quia volens peruidebit quidquid circa nuperam illam Solis Eclipsin præstare potui , exscribam ecce hic tabulam , quam cum illo communicabis . Admone solùm Phæcis descriptas propter eæ sunt sub obscuro tecto per tubum acceptæ . Ceterùm dicere non possum quàm iucundum sit habiturus quod munus mihi destinās . Erut illud mihi quasi ressera amoris candidissimi , & respondens quo-

libet carius . Ægrè fero nihil mihi adesse , aut esse in meropositu dignum . Scribo tamen ad illum nostrum , quem nemo vnquam pro dignitate satis commender , Pettiscium ; ut si quid habeat ex meis nugis , qualemcumque licet compensationem faciat . Vale , Præclarissime Vir , & me sic porro vt cepisti , ama , Dabam Tanarone , quod est oppidum Di-nien-sis Diœceseos , postridie Kal . Augusti ,  
an . M . D . C . XXXIII ,

ISMAELI BVLLIALDO SVO ,

PETRVS GASSENDVS S .

**Q**UAM gratas habuerim tuas literas , ipse , qui me amas , neque nescius es te abs me amari , coniscere potes . Non multis rescribo , quia iam non vacat extra ipse domum , urbemque versanti ; sed ex prolixis literis quas ad Schickardum destino , erit quod putes scriptum non paucis . Videlicet Luilletius noster commonstrare tibi illas poterit , priusquam in Germaniam mittat ; Tūque si quid videbitur commodum , ex illis defumes . Pudet adèd tardè rependisse grates , rescripsissequè extimo Viro ; ac tu etiam habes , cur mihi succenseas , propter adseruatam , nondumque transmissam præclaram tuam Epistolam : Sed quas causas illi , tibi dictas puta . Quæro te solùm , si literas meas peruolutare volueris , ne longas nimis adiciās moras . Delectat Veneris accessum ad Pollucis humerum non fuisse tibi inobseruatum ; videbis neque mihi fuisse ex contextu Obseruationum , idque ad dies nuperi Maij 25 . 26 . 27 . Cūque obseruatio tua sit diei 26 . Lataberis te adèd propè ad verum collineasse . Certè & ego lætatus sum , quod conspirauerimus ad vique minuti dimidium . Circa locum Mercurij subductum per calculum ex obseruatione , quam ad te transmiseram ; sustinendum iudicium erit , donec explorauero germana loca tum Cappella , tum dextri humeri Aurigæ . Vereor scilicet , ne eæ stellæ non ritè se habeant in Catalogo Tychonis . Antiqua nonnulla argumenta habeo , ac nuper etiam nescio quid nouam suspicionem iniecit . Loca etiam Lancium , aliarumque Stellarum suspecta pridem habeo . Illæ fortè , si Deus faxit , curam aliquando conuertam . Inaudieram iam aliquid de Galilei liberatione ; Is verò sanè non poterat carcerem valde diuturnum pati . Si literas enim vidiisti , quas vir ille fidei plenus ad Diodatum simul & me scripserat , perspectum est illum non fuisse in culpa . Quod ratiocinarius de sensu Scripturæ ad sensum meum penitus quadrat . Vide autem quantà solerriâ senex optimus in iis literis idem argumentum pertrahet . Quod familiarius iam versaris cum nostro Merfeno , tibi gratulor ; incomparabilis enim est Optimi Viri cōsuetudo . Non fert quævis atas plureis simileis ; tantà ille eruditio , & bonitate præcellit . Fruere illo , ac interea me amare ne desine . Vale Tanarone , Eid . Augusti ,  
an . M . D . C . XXXIII .

Conclusa



*Conclusa illa adeo longâ ad Schickardum Epistolâ, ubi aliam quoque ad Hortensium concludere volui, id consilium cepi, quod tecum Luilieri noster communicabit. Tu si vacat per otium, fac ut negotium acceleretur. Fortassis citius noster Merfennius adiutare vos poterit, profecto si id præsteritis subleuaueritis me importunissimo labore. Vale iterum.*

*Viro Clarissimo & Amico carissimo*  
**VILLELMO SCHICKARDO, Hebraicarum literarum & Astronomie Professori apud Tubingensis Celeberrimo,**

PETRVS GASSENDVS S.

At sentio, quàm tibi sim impar, ô Eruditissime, & Candidissime virorum, qui ex tantulo debitore, tantus euadis creditor. An sperare deberam tam exiguum munusculum fauore tam grandi compensatum iri? aut iam est, quod existimem posse aliquid abs me suggeri, ex quo iterum creditor constituar? Alterum absuit; alterum absit, cum mihi potius gloriandum sit, quòd æternum vincat a tanto inter literatos Heroe. Ego vt solum sterile vix sum potis vt aliquid marcidulum proferam; tu, vt fecunda terra, nihil non vegetum, statimque maturum profundis. Hinc est, cur in te titulos speciosos, ac nomina regiam, quæ amor in me tuus expressit. Ipse siquidem mecum habito, ac noui in tam carta re elogia hæc tanta mihi non deberi. Ac fortè quidem aliquid est, fuisse me aut primum, aut vnum ex iis, qui Mercurium primi tibi Sole viderunt; Sed contentus meâ opellâ, non nihil profuisse Vranæ cultoribus; pudore suffundor, cum mihi propterea debito maiores grates rependuntur. Tamen nempe litetas meas obseruationem præ se ferentis, gratissimas tibi futuras speramus; non sic me tamen habueram, vt deberes propterea viscera velut effundere, & rem ipsam sic illustrare, vt umbella illa Mercurij Sole prædicator euaderet. Quàm gratulor proinde mihi, qui in virum incidirim, & amoris ingenui, & incomparabilis soletia? Quàm fortunatum duco libellum, qui occasionem tibi præbuerit tanti operis contexendi? Licet enim mea illa obseruatio mihi quoque ipsi sit visa non contemnendi esse momenti; attamen felix fuit sortis, vt te Patronum, vindicemque nancisceretur illicò. Tu videlicet vnum videbaris, cui & obseruationum copia ipsius vsui amplificando, demonstrandoque suppetere; & industria, patientiæque, explicandi negotium adeò intricatum adesset. Quare & illa videbatur sola tua commendatione posse inclarescere, & vtilitate abs te patrefactâ, ad Posteror vsque transire. Mihi cerè timendum fuerat, ne quam præsumebam nepotibus seris exituram gratiam, non esset in me vnde possem ad proximos transmittere; confido iam, postquam tu tanto illam

studio tractas, fore vt deinceps non percat, nisi quo casu Cælestium amor, & literæ bonæ peribunt.

Porro est, cur deprecet veniam, quòd significare distulerim tandiu consignatam mihi responsonem tuam; cum illam habeam præ manibus ab extremo vsque Ianuario. Verum, vt facilius condones, triplicem possum adferre causam. Vna est, quòd Exemplum illud pro tua voluntate ad me destinatum, nescio qua sorte imperfectum mihi redditum fuerit; deest nimirum quaternio tertius, quem & Luillierius meus Parisiis sibi inuisum asseruit, & inclutus ille Senator Fabricius hic Aquis-Sextiis desiderauit. At ego expectandum duzinum Exemplum aliud comparare possem, ex quo integro perlustrato, possem vberius rescribere. Altera, quòd sperauerim fore, vt Nurdinis Vernis promissum abs te copiosius Responsum prodiret ipsèque proinde reponere possem aliquid appositum magis extremis tuis literis. Postrema, quòd cum ad te dare ante Nundinas non possem, quas obseruationes peregi circa 8 vespertinum prædicto mense Ianuario; cunctandum censuerim donec peregissem alias circa eundem hoc mense Maio vespertinum apparituum. Tamen si verò quotquot Exempla responsonis iam editæ fuerant delata Parisios, cœmpta fuerint illicò, mihi quæ nullum fuerit superites: Tamen si bellici tumultus, qui nostrates Bibliopolas ab adeundis Nundinis proximè elapsis absteruerunt, Obstitierint quominus quicquam de tua illa seu inchoata seu absoluta Responsonem accipere poterim. Tamen si quidquid possum ex meis Obseruationibus præstare, perexiguum futurum sit; nihilominus committendum mihi vt tardius respondeam non est. Et vereor quidem, ne aut longè viarum ambages, aut turbæ illa militares, quibus apud vos omnia sciant, literarum mearum aut retardationem aut deperditionem inducant; Sed committam, vt vela ventis, & omnia bona precatus, conscientia saltem securus degam. Scilicet habere placatum, propitiūque genium non possum; quòd vsque tibi hanc qualemcunque meæ erga te gratitudinis testationem præbucro.

Equidem sic afficior, non vt venire in examen partis illius Responsi velim, sed vt possum solum eximium candorem, conditionemque insignem, quam in illa testatus es, suscipere, & commendare. Quare & de meis ratiociniis post Obseruationem adtextis, nihil est quod adiciam; maxime verò cum cognoscam quàm illa sint leuia, neque vllum sit, ad quod velim adhærere, vt ad faxum. Quin etiam mihi res est pergrata, quòd pro candore tuo refellis quidquid ex illo tibi non placet; id enim sic accipio, vt si animo laboranti Medicas manus admoveas. Longè alia mihi mens est, quàm quæ videtur maxime hominum parti insidere; quando tantum abest, vt irascat, dum contradicentem insenio, vt agam potius gratias, & lucro habeam maximo, quòd tutiorem viam demonstrat, aut demolitrare conetur, qua ad Veritatem perueniam. Hinc licet fortè aliquid rationibus tuis reponere

reponere possem; nolo tamen, quia & illud ponderis magni non iudico, & volo ut intelligas, neminem esse, qui me citius det veramque manum verisimiliora suadenti. Abundè est, quòd facti fidem ita inconcussam tueris, ut illa sanè ingenua est. Falli possum; at fallere nihil est quod auferat magis; ex quo fit, ut certus non posse redargui in iis, quæ refero; præter conscientiam testis non quæram. Ad erat mihi tunc Præsul meus Raphaël de Bolognia, quem tibi vel honoris causâ nominare poteram: Sed confidentia nescio qua fretus, aut non memini, aut neglexi. Et videre poteris ipse quàm te non fefellerit candoris mei opinio, cum Observationes accipies, quas factas de eodem Mercurio sub Sole viso didici nuper. Beavit me nempe optimus Scheinerus, cum VII. Kalendas Martij admonuit factam Observationem meam Oeniponti à suo quondam discipulo Ioanne Baptista Cisslato, tum Rubeaci in Alsatia à Ioanne Remo Quierano, singulari amico suo. Beasset me magis, si historiam Observationis adiunxisset. Quippe commemoravit solum non discrepare abs me Cisslato in describenda Mercurij magnitudine, nisi secundis duobus, aut tribus; sed fortassis nihil amplius habuit.

Quod superest, optassim sanè, ut qualescunque sint illæ meæ Observationes nuperæ, ad manus tuas pervenissent ante absolutam, aut typis mandatam Theoriam Mercurij: At nisi ista occasione, aliâ fortassis usus erunt. Exscribo autem illas, ut soleo, meis ex Commentariis, cum Religio sit aliquid adiciere, detrachere-ve. Id moris habeo, ut quam-primum observatio peracta est, ex vñr pata scheda illam transcribam in codicem, dum memoria est adhuc recens, si peccatum est aliquid, aut fortè quiddam intercurrit, quod castigare erratum possit; at rem semel sic consignatam petire, quàm vim pati, malo. Cum pro otio deinde licet, ac nisi sit res, quam ardentè cognoscere desiderem, quando sum curis solutus, reuoco illam ad calculos. Nisi sim, uti rarè sum, consignauisse est mihi satis. Videlicet satis existimo esse, si dum per vigorem ætatis, & oculorum aciem licet, quas Observationes possum, in Commentarios referam; sperans vel adfuturum tempus, quo illas possum retexere; vel adfuturos, qui possint magis publico vsui accommodare. Sic video fecisse Mæstlinum, quem tu iam longo post tempore letaris reliquisse tibi, velut congestam materiem, quam in præclarum digerat Opus. Hæc nimirum res eiusmodi sunt, quas adnotauisse semel sufficit, cum etiam plurimis exactis sæculorum myriadibus, & alienas manus admittant, quibus perinde expoliantur, ac dum recentissimæ sunt, & quantum libet simplices, insignem sui amorem creent. Quidni? cum præceps, & lubrica obseruandi rem aliquam occasio nunquam redeat; & quacunque Observationes, aut peractæ prius fuere, aut peraguntur posterius utilissimè cum ea conferantur. Hæc commemoro, ut non admireris, si nudas ad te Observationes transmittam, non item, quæ ex iis deduxi, aut deducere potui (calculus quippe continenter

instituere adhuc non vacauit) & satis fuit per vices nosse, si quid obseruata Planetarum loca ab Ephemeride dissiderent. Cogitavi etiam te nullo quasi prauidicio detentum liberior fore in examinandis, versandisque Obseruatis, quæ quod non planè inter se aliquando cohæreant, ipse quod referam, non habeo; sed ecce tandem quid circa Mercurium, & occasione illius circa Planetas alios.

Anno Christi currente 1633. mense Ianuario, Stylo nouo, Dinia. Occasione exhibitæ obseruandi Mercurij, qui vix nisi hac tempestate, &c. *Ut in Commentariis; ad vsque diem 30. eiusdem mensis inclusiue.*

Et hæcenus quidem priores Observationes transcribo. Posteriores se nuperæ ab Aprilis fine incipiunt; Placet autem obseruationi diei 28. præmittere, quod adnotatum circa præcedentem inuenio. Id sic se habet. Die 27. Aquis-sextis Calum varium, sed flabat iam Africus (nempe à Solis Eclipsi vsque, constitutionem aëris constanter obseruaueram Vespere Mercurium, &c. *Ut in Commentariis.*

Anno eodem 1633. ac eiusdem mensis Aprilis die 28. vespere, Aquis-sextis. Cum ex die vsque superiore facta esset ipse, &c. *Ut in Commentariis, ad diem vsque Iunij primam inclusiue.*

Cæperam ista conscribere, exscribereque ex quo die desit Mercurius conspici. Quoniam verò licuit intereâ Observationes peragere circa Venerem & Saturnum, quorum ab initio constitueram illius quidem Elongationem, huius verò Oppositionem cum Sole deprehendere; idèd haud graue habui ipsas quoque tecum facere communies. Sum iam in proximo, ut Diniam discedam, sed subiciuas deligo horas, quibus tibi adhuc aliquid impertiat. Ac primum quidem cognoscas velim rogasse me Luillerium meum, ut tui causâ obtineret ex amico illo & erudito viro Bullialdo, quas conscriberam illum habuisse circa Mercurium Observationes, ac simul describi curaret, quas Hassiacas nondum tibi perspectas fuisse memineras. Ille ergo Epistolam, quam ad te Bullialdus ea de re conscripsit, si misit ad me, ut sis iam cum hac illam accepturus. Deinde, cum dolenda mihi, tibi que iactura antiquorum Commentariorum, non possum tibi proferre plura, quæ habui aliàs circa Mercurium; saltem Excerptum duplex addicio, ex quibusdam literis meis, quarum Exemplum abs se asseruatum idem Luillerius vñr transmisit. Vnum est circa transitum Mercurij præter Solem factum, ante mensem tredecim; Alterum circa Coniunctionem Mercurij cum Venere, ante mensem non amplius decem. Ne moror, en excerptum prius ex Epistola, quam Parisiis Romam ad Naudæum scripsi v. Eidus Maij. Anno M. DC. XXXIII. Nihil necesse est ad ea respondere, quæ per te de viso in Sole Mercurio Scheinerus requisierat, cum peruidisse iam omnia debeat ex misso excuso, &c. *Ut in Epistola.*

En excerptum posterius, ex Epistola, quam Parisiis Amsterodamum ad Gulielmum Cassium Kalendis Octobribus scripsi. Cum hoc ipso

ipſo anno 1632. & die Iulij 29. ſub horam quintam matutinam expegeſactus, in Aurorâ reſpectatim, Venerem in ea conuſcantem vidi, &c. *Vt in Epiftola.* Verum hæc tunc de Mercurio. Adde quod Obſeruare licuit ex Eclipſi nupera Solis, quandoquidem verò tempore Eclipſeos macula eſt viſa in Sole inſignis, ideò deſcripto ex Commentariis quidquid adnotatum compertio totis diebus duodecim, quibus macula Solem occupauit. Serries ergo ita ſe habet.

Die prima Aprilis huius nempe anni 1633. priuſquam Aurora multum inclareſceret, cepti diſtantiâ inter, &c. *Vt in Commentariis, eſque ad diem 13. incluſiue.*

Huc vſque de Eclipſi Solis, & Obſervationibus, quæ circumſtiterunt illam. Aliquid etiam adiciam de Eclipſi nupera Lunæ, ſeu ea quæ contigit ſub finem ſuperioris anni. Puderet; quando nihil certum, nihil dignum præſtare licuit, ſed quidni etiam totum perſcribam homini amico, & ingenuo, cum agnitus exinde ſit non voluntatem, ſed facultatem agendi quid melius deſuiſſet. Igitur in hunc ſerres habet modum.

Anno Chriſti corrente 1632. Menſe Octobri, die 27. Stylo nouo, Veſperi, Lugduni in Gallia. Deſtinatam animo addeſſe in hac ciuitate, &c. *Vt in Commentariis.* Et iſtud quidem de ea Eclipſi attexo. Tandem quod præſtare circa occultatam à Luna Stellulam Prædæ Arietis potui. Rem ſic expreſſam habeo.

Anno Chriſti 1633. & menſis Februarij die 14. veſperi, Dinie. Idque ad Sacellum Diui Lazari, non procul ab vrbe remotum, verſus Africum, &c. *Vt in Commentariis, Et tantum de hac Occultatione.*

Hæc abſoluebam Aquis-Sextilis, conſignatur literas noſtro illi Fabricio, vt tranſmitti ad te curaret, cum in ipſo penè diſceſſu literas accepi ex Hollandia vnâ cum Diſſertatione per-docti illius, & maximæ ſpei Iuuenis Martini Hortenſij, circa viſum mihi in Sole Mercurium. Subit etiam cogitatio apparitionis Mercurij, quam Kepleriana Ephemeris intra menſem polliceretur. Hæc ergo fuit cauſa, cur mecum aſſumpſerim, detulerimque, non Diſſertationem modò, quam ille videre ardebat ( habet nunc illam præ manibus, ſeu etiam quidquid hæc ad te ſcripſi), tum vt viderem num Diſſertatio ſuaderet quidpiam adiciendum; tum vt exſpectarem num poſſem aliquid ſubnectere de memorata apparitione. Ac de ipſa Diſſertatione, quando tu haud-dubie illam perſpexiſti, nihil quod dicam habeo; niſi quòd ſentio eius Authorem me ſummopere deuinxiſſe, teſtatumque fuiſſe candorem, ſolertiam, & ſagacitatem inſignem. De apparitione Mercurij, hoc ſolum habeo, quòd fuerit nulla. Quoſo verò nihil cauſeris, quòd non maturius ſignificaram, literarum hæc ad te miſerim, ſiquidem excuſatum me facere debent occupationes plures, maioræque, quàm dicere liceat. Nunc etiam mihi vim aliquam, negotiis que facio, cum tibi non ex ipſa Vrbe, ſed ex diſſito oppidulo ſcribo, in quod meus me Præſul euocauit, ſed nimirum iam pudote ſuſſuſus, quæ

*Gaſſendi Epiftola.*

ſicum miſi tum has ipſas, quas abſoluerem literas, tum quaternionem Commentariorū, quo continentur Obſervationes tempore illo Mercurij fruſtra exſpectati peractæ. Ipſas ſcilicet *de Mercurio nuper*, ſeu, ſi malis, quaſi multatam, penamque procraftinationis debui tibi perſoluere. Itaque ſic illas deſcribo.

Die 19. Iunij ( ſcilicet huius eiufdem anni 1633. ) veſperi, idque Dinie; Cum totis diebus antecedentibus nubis Veſperem eripuiffent, cuius ſtationem, &c. *Vt in Commentariis.*

Mi Schickarde, hoc adhuc vnum. Cum deſtinaffet Præſul meus me in hæc ſuo temporatoris aëris oppidulo totis iis diebus detinere, quibus ætus foret in Vrbe quaſi intolerabilis, iuſſi adferri ecce Radium, quo ſtationem tum  $\varphi$ , tum  $\lambda$  obſeruaret. Quia ergo, niſi circa  $\lambda$ , atamen circa  $\varphi$  res non malè proſus ſuceſſit, ideò non piget extremam manum non appoſuiſſe Epiftolæ; donec poſſem hanc quoque tibi Obſervationem elargiri. Vides, vt illi ſim ſimilis; qui viridarium ingreſſus, ita flores colligit, vt aliis aliſque elegantioribus viſis ſubinde ſuccedentibus, quem extremum carpat, non habet; ſed tollam tamen denique manum. Quod ad hanc rem ſpectat, ſic in Commentariis.

Die menſis Iulij 29. ſcilicet huius eiufdem anni 1633. Tanarone, quod oppidulum eſt ſitum Dinie ad Boream, diſſitumque duabus leucis, ita vt, &c. *Vt in Commentariis ad eſque diem Auguſti 13. incluſiue.*

Huc vſque progreſſus pedem ſiſto; quando & cras hinc diſcedendum, & vercor ne citæ ſuccedant, quæ hiſce Cæleſtibus obſtent. Conſtitueram ad paucos adhuc aliquot exſpectare dies; donec Saturni directio ſenſibilis facta obſeruanti foret; verum adnotato vtcumque per hocſe dies illius ſitu, enitar poſt circiter menſem talem obſeruare, qui collatus cum eo, qui fuit à me ante menſem obſeruatum tempore ſtationis Planæ prodit. Hinc, cum iam mihi non liceat; potero tamen aliàs quidquid id rei communicare ( ac ſi præſertim deſideres ) vnâ cum ſtatione prioræ, ad quam habendam Februarij finem, & Martium menſem totum conſumpſi; Nec verò multum exſpectarem; ſed nunc quoque Obſervationes tunc habitas deſcriberem: ſed quia debet hoc veſpere diſcedere Diniam, qui literas craſtina luce deferat Aquas-Sextias, idecirò ſuperſedeo. Attexo ſolùm compendioſiorem (quod illa grata futura fit) habitam in bruma de Stella Polari. Ea ſic habet.

Anno 1632. ac menſe Decembri, Dinie, cum addeſſet tempus, quo per eaſdem nocteis, &c. *Vt in Commentariis.*

Sequitur quidem in Commentariis longa Meridianarum Solis altitudinum ſeries; verum occasione alia deſcriberetur. Cum ſufficere iam debeat brumalem Solis altitudinem exſistere Dinie grad. 22. min. 26.  $\frac{1}{2}$  Atque idecirò ſuppoſitis Tychoſis Parallaxibus, cum maxima declinatione reſtringi nobis Solem in ea altitudine quatuor minutis



minutis ampliùs quàm in Danico Horizonte.

Atque heic tandem modus esto. Iam enim videor conscripsisse non Epistolam sed librum; non opus quoddam elegans, sed centonem valde dissutum. Verùm memini te esse SCHICKARDVM, qui cum sis amantissimus simplicissimæ veritatis, iucundum habebas conscribi res pro vt se offerunt, habentque. Hac certè de causa non selectas mitto, quas bonas duntaxat Obseruationes existimo; omneis potiùs tibi obtrudo, ne vel aliquo præiudicio Veritati officiam, vel prætermittam aliquid quod cognoscere possissimùm velis. Alius quispiam posset hanc meam simplicitatem deridere; Sed præterea delirus videri, quàm immeritam exigere fidem. Suntu Obseruationes imperfectæ; ego perfectas non iacito. Profero cuiusmodi sunt, vt si quis vtiupare volet, debitas cautiones adhibeat. Hinc, quantum possum; non singulareis, sed repetitis & diuerum plurium obseruationes habere studeo, vt alia alias corrigant, & ex collatis omnibus certi aliquid deprimatur. Vtinam verò quotquot nobis Obseruationes reliquerunt, & historiam, & tam errores quàm ritè gesta transmississent? Scilicet iam expendemus quò tandem modo forent accipienda, quæ nobis negotium facessunt, quòd ipsi illa nimis præcisa, nimisque indubia haberi affectauerint. Cum enim dicunt exempli gratià se Planetam obseruasse in tali longitudinis, latitudinis-ve loco: si (vt Instrumenta, & modum obseruandi prætecam) adderent saltem distantiam à Fixis; liceret postmodum correctis Fixarum cum locis tum distantis, examen instituere, & fortassis ad veriorem loci obseruati cognitionem peruenire. Quin adduci quoque nunquam potui, vt seu Keplero, seu Tychois hærebis parcerem, qui hætenus nobis inuiderunt seriem atque historiam tot illustrium obseruationum? An supprimendæ enimsunt omnes, vel maxima illarum pars, quòd plures, vt puto, non cohæreant Hypothesibus assumptis? An potest viros ingenuos veritatis suppudere, & non Aristoteles illud verissimè protulit *ἵκνται εἰς τὴν αὐτὴν καὶ ἀστέρας ἢ τὰ αἰγία ἀναστῆναι*? An non errata saltem profunt, vt prudentiores, qui in idem incubuerint, euadant? Ne fieri posse memorem, vt quæ erronea existimantur ob præiudiciū aliquid, aut prodantur legittima, ex aliis suppositis; & inducant in suspitionem, quæ immeritò habentur indubia: aut animos adiciant ad melius quidpiam comminiscendum.

Sed ne longius abiciar, superest tibi salutem dicam nomine Nobilis illius, cuius sæpius mentionem feci, Nicolai Fabricij, qui est & Petris Toparcha, & in suprema Aquensi Curia iulustris. Is cum sit vniuerso Orbi literatorum notissimus, ignotus tibi esse non potest. Non potest certè multa de illo non commemorasse tibi eruditus Holstenius, cuius ad ipsum literas nominis tui plenissimas vidi. Is est, qui ma-

gnâ semper curâ adiutandis omnibus studiosis sic inuigilat, vt fortè etiam studiis tuis suppeditare auxilia possit. Quàm multos enim codices, putas, non modò ex tota Europa, sed ex toto etiam Oriente & detegit, & comparat, quos maxima alacritate eruditis viris statim impertiatur? Vide igitur si quid institutis, cæptisque tuis conferre valeat. Et enim sic est erga te, & virtutem tuam animatus, vt gloriæ, & felicitatque habiturus maximæ lit, si testatur tibi occasione quadam, non prorsus ingrata fecerit affectum. Vale semper, ama me semper, & amicū Lanzium semper resaluta. Tanarone, Eid. Augusti. An. d. c. x x x i i i.

*Viro Eximio, & Amico singulari*  
MARTINO HORTENSIO,  
*Delfensi, Mathematico solertissimo,*

PETRVS GASSENDVS S.

**Q**UAM Vanam ratione tecum agam, HORTENSI Humanissime, qui me inficium & immerentem tanto fauore es, prosequutus? Sanè & imparem me sentio, qui dignas grates vniquam persoluum, quando tu statim tantam in me effudit beneuolentiam, vt me profusus obrueris; & cum gratitudinis ergò me totum reposituro, eo saltem nomine concedam, quod tu me deuinxeris prior. Verùm ipse tu aut adèd in me non debuisti esse profusus, aut temperare magis tibi, si sperasti, vt quidpiam æquum meritis tuis rependerem. Ego aut silentio testari inexpressibilem affectum in te conceptum debeo; aut si præterea exigis voces, rauidulum quidpiam solum mustitare. Esto proinde hac qualicumque significatione contentus, & quod deest, sensum, ac memoriam tui vigere in pectore scito. Atque hæc quidem præmoneo, vt intelligas me non solum in communem, quam & scripto publico, & priuatis literis exoptasti, conspirare amicitiam, sed honori etiam summo ducere, felicissimæque adscribere sorti, quòd tu tantus Vir me vltro ambire pro immensa tua humanitate volueris. Nisi verò officiis, obsequiisque meis tuæ de me expectationi abundè satis responderem, non defectum voluntatis erga te propensissimæ, sed imbecillitatem virium, quam satis sentio, incusato.

Ad Dissertationem tuam vt veniam, affectum imprimis accipio, quò me speciosis nominibus exornando vix finem facis: sed bona tua cum venia nomina ipsa respuo, vt quæ suppellectili curæ consentanea non agnoscam. *Ἀσπασε ἑσθλὸν ὁ ἀναστῆναι*, vt veteri Parcemia dicam. Tu verò nostra sic accipis, quasi sint cuiusdam momenti. Si me amas, sic mecum age, vt cum eo, cui nihil est simplicitate antiquius; & quem

quem modetata etiam commendatio puellari pene robore suffundit. Isti potius tituli te, similesque tui summos Viros decernunt; mihi satis superque est, si amicus nominer tuus, quod ero sanè impossibilem. Deinde, quod rem ipsam spectat, cæ solertiâ, eoque iudicio conscripta omnia deprehendo, ut concedam plane in tuam sententiam. Neque id solum dico in iis, in quibus te amicum nimis approbatorem habeo; verum in iis maxime, in quibus te candidissimum censorem experior. Certè quæ commendas eatenus placent, quatenus tibi non displicent: At quæ reprehendis idèd grata sunt, quòd & agnosco sinceritatem, & sanius quidpiam edoccor, quàm esset ante penè persuasus. Quantumcunque enim sic affici studeo, ut experimenta admitteus ratiociniis semper diffidam, & à ferendo iudicio de aliqua te continetissimus sim; me tamen tangit species quædam verisimilitudinis; adèd ut verbis communibus vtens illius asseror aliquando videar. Enim verò nulla est vnuquam verisimilitudo tam potens, quæ me sic faciat indubium, ut non sim paratissimus ad amplectendum præclariorem. Hinc tantum abest, ut indigner si quis me minis probabilem amplexum sententiam demonstrat, quin illum potius ut Præceptorum, ac velut bonæ mentis parentem agnosco, & exosculor. Quin etiam vix audeo contradicere, & cum pudore quodam id facio, cum aliqua superest defensionis ansa, ac spes; vetitus ne aut libertatem, qua amici in me vtuntur, animo haud æquo accipere videar; aut pertinere animum faciam, quem mihi me proposui, & liberissimum, & ad omnia adque possidere.

Quam putas proinde tibi multum debeo, qui conscriptam à me sententiam de aëre quodam Cælestibus globis circumfuso sic excoisisti, ut me statim induxeris in longè verosimiliorem. Tamen si enim adhuc putoprobabile admodum esse regionem quandam velut aërem ex propriis seu vaporibus, seu exhalationibus, contextam cuius globo circumresperet, euicisti tamen ut illum non iam tantum existimen, quæ tantum Orbem lucis spuræ globo concluso circumponat. Experimenta tua illustria, & præclara prorsus ratiocinia: hoc addo, debuisse me sanè diligentius attendere num seruaretur proportio quædam inter aërem & circumdatum illo globum. An enim licet Tellus nostra aëre suo circumamiciatur, illum tamen ad eam effusum altitudinem possidet, ut illustrata Lumine Solis, & conspecta eminè incrementum lucis accipiat, quod vel ex Luna in sensum cadat? Et verò quæ aliis globis adtingitur Lux, ea innumeris prope vicibus moléculas illorum excedit. Quod ad igneis nocturnos spectat, effcis quoque ut priorem deponam sententiam; nam & causa quoque germana cur tantumdem amplificentur, ea videtur esse, quam ipse assignas, neque valde obstat, quod coniecetam ex Iridibus areolis-ve lucernarum. Quo loco non possum satis commendare, quam commemoras Beekmanni nostri solertiâ; sed ille nempe non

*Gassendi Epistola.*

semper sui simillimus esse non potest, Ac ipse quidem Epistola iam ad Schickardum missa, & typis mandata, cum nescio quid meditater, aliquid adfinc commentatus fueram; sed ne exculat me videar vbertiorem rei considerationem, te admonente aggressus sum, & ut se haberer penitus inlaxi. Et profectò res fuerat digna maiore quadam attentione; cum quid præsertim disquirerem de contextura oculi, de lucis proprietatibus, de simulacris corporum, de visionis denique modo.

Miratus sum præterea indefessum studium, & sagacitatem qua venatus es apparentem Siderum magnitudinem; ac tum suspexi candorem tuum in dimittenda illicè receptissima opinione; tum gratularis mihi sum, qui observatione mea calcar tibi addiderim ad id moliendum, quod Posterì non porerunt non amplexari. Poterit quidpiam adfici, detrahi-ve in tantis minuris præ obseruandi difficultate; in designanda quantitate vera corporum Cælestium aliquid fortassis immutabitur circa suppositum abs te illorum à Terra distantiam; sed hoc opus, hic labor erit Instrumentis magis idoneis conquirere omnia, aut ea, quæ præscribis reuincere, aut iis tutiora præstare. Quando porò dictam distantiam ex sensu laudatissimi Lansbergij præscriptis proponis; venit in memoriam, quod nuper, cum forem Aquis-Sextiis colloqui de iis simul cum præclaro illo viro, & vetere meo amico Iosepho Galterio. Rem verò, ut opinor, tibi (imò & seni optimo) gratam faciam, si id in hunc locum inseruero. Ergo cum ipse commendarem Lansbergianum illud inuentum circa dimensionem, distantiamque Terræ, & duorum Luminarium, ac Diagramma collaudarem, quod habetur & in Prolegomenis, & in libro secundo Vranometriæ; Galterius quoque commendauit, collaudauitque demonstrationem, qua cæterorum artificum ratiocinationes erroris arguuntur. Verum adiecit se considerare in exquisita instauratone, quod est à sagaci viro prætermisum; ut nempe semi-diametri cum Solis, rum Terræ assumptæ forent, quæ terminantur ad veros contractus linear ex apice vmbre in globos extremos directæ, vique non ex centro ipso Terræ, sed ex superficie ducta foret linea in contactum cum globo ☉ quod inde, non illinc obsecuetur Solis-semidiameter apparens. Quamuis enim Lansbergius parum interesse inrerdu in finiet (quæ mea erat responsio) totum id parum interesse ob ingentem Solis à Terra distantiam, & res tamen non videtur (insistebat ille) fuisse negligenda, quantumcunque fit momenti exigui: & quia hæc deinde stabilitur Scala dimetiendis cæterorum Syderum distantis & magnitudinibus, exrescere admodum potest qui in hoc negotio admittit errorculum. Atque ut simul adiciam, quam ille demonstrationem Ptolemæo suo inseruerat ante annos quindecim (ac nuper etiam Exemplo Vranometriæ Lansbergianæ à me Parisiis ad ipsum transmissæ)

F 2 libris

libris prolatis statim ostendit. Res ecce in hunc sese modum, quantum me iuvat memoria, habet.

Supposito Diagrammate, eiusdemque explicatione, pro ut est apud Lanbergii, addantur solum lineæ  $AN$ , &  $BO$  cadentes normaliter in puncta  $A$  &  $B$  contractus lineæ  $DE$ , itemque lineæ  $PQ$ , quæ post contactum in  $Q$  fecerit lineam  $DE$ , in  $R$ , & occurrat lineæ  $AE$  circa punctum  $E$ . Denique lineæ  $QD$ , &  $AR$ . Ex his ita ratiocinabimur ad habendam distantiam, & magnitudinem Solis, idemque proportione erit intelligendum de Luna.

Primum agulus  
 $D$ , ita innoveſcet.  
 Triangulū  $BCI$ ,  
 rectangulum eſt,  
 daturque præter  
 Angulū  $CBI$ ,  
 latus  $BC$ , dabi-  
 tur ergo linea  $BI$ .  
 Similiter Triang-  
 ulum  $BOI$ , Rect-  
 angulum eſt; dā-  
 tūque in eo late-  
 ra  $BO$ , &  $BI$ , da-  
 bitur ergo angu-  
 lus  $OBI$ . Huic  
 addatur Angulus  
 $CBI$  fiet angu-  
 lus  $CBO$ , qui ſi  
 auferatur ex recto  
 $CBG$  reſtabit  
 $GBO$  Porro angulo  $GBO$ , æqualis eſt  
 angulus  $BDG$  (ſeu quæſitus Angulus  $D$ ) propter  
 Rectangula, & communem angulum  
 ad  $G$ .

Secundò linea  $PR$ , ita patet. Trianguli Rectanguli  $OBD$ , notum est præter angulos, latus  $BO$ ; ergo innotebit etiam latus  $DB$ , cui si addatur  $BP$  fiet  $DP$  vnum ex latribus Trianguli  $DPR$ , cuius quia præterea nescuntur omnes anguli, propter notum exteriorem  $APQ$ , nempe apparentis semi-diametri  $AQ$ , itemque interiori  $D$ , idcirco non poterit ignorari latus  $PR$ .

Tertio angulus  $RAP$  ita colligitur. Angulus  $EAN$  æqualis est angulo  $ADE$  propter Rectangula, & communem angulum ad  $E$ ; scilicet  $DN$  produci concepta usque ad concursum lineæ  $AE$ . Similiter

angulus  $EAQ$  aequalis est angulo  $APQ$ ,  
vel  $APE$  propter Rectangula, & commu-  
nem angulum ad  $E$ . Ex  $EAQ$  auferatur  
 $EAN$ ; remanebit angulus  $NAQ$ . Hunc  
bipartitur linea  $AR$ , vt pote subtensa  
communis Rectangulorum, quorum aliunde ba-  
ses  $AN$ , &  $AQ$  sunt aequales semi-dia-  
metri. Igitur si dimidium  $NAQ$  vt pote  $NAQ$ ,  
angulus addatur angulo  $EAN$ , producet-  
ur angulus  $EAR$ , cuius complementum ad  
quadrantem est angulus quatuor  $RAP$ .

Quartò proinde latus  $PA$ , seu distantia Solis à superficie Terræ ex eo dabitur, quòd in Triangulo  $ARP$  dentur omnes anguli cum latere  $PR$ , addendâque solùm est semidiameter  $PB$  vt producatùr vera Solis à centro Terræ distantia.

Quintò item semi-diameter Solis  $AQ$   
non dari non poterit, quòd in Rectangulo  
 $AQP$  dentur omnes anguli cum latere  $AP$ .  
Atque ita quidem, aut propè Galterius.

Vt ad exilitatem Stellarum, cum Errantium, tum Fixarum redeam; video primum quibus momētis clarissimi nostri amici Schickardi rationes decicias, vt obferuaram à me quantitate Mercurij non effe augendam propter Opticas fallacias demonftrēs. Ipfe ceteri aliquid etiam, quod refponderetur, meditatus fueram; fed tu reliquum nihil facis, exiftimōque præclarum virum, poftquam Refponfionem attenderit tuam, & ambas tibi daturum manus. Deinde tibi gaudeo, quòd te eadem propemodum cogitationes fubierint, quæ virum illum nulli ætio vnquam tacendum Galileum. Is cum primum legit deprehēfam à me exilitatem & literis difce lignificauit perſuaſum fe iam pridem fuiſſe, Mercurium cæteræſque Stellas effe magnitudinis incredibiliter minoris, quàm vulgò habeantur, aut appareant; meque id viſurum in libro, cuius prælo iam commendatū erat Exemplum ſtatim miſiſſus. Stetit promiſſis Optimus Senex, ac medio nupero Ianuario literas ecce alias ad me, & ad comunem noſtrum Eliam Didotum, conſcriptas, quibus editionem ſuppreſſam, & ſe Romam citatum monet, *Santo*, vt vocant, *Officio*, Libri rationem redditorum. Profectus ille Romam eſt, ac neſcio quid iam cum illo agatur. Hoc perſuaſum propè habeo, nullum ad vos vq̃ perueniſſe libri Exemplum, neque ſpem ſuſperſe magnam, vt breui perueniat. Quamobrem exſcribam heic tibi paginam vnā, aut alteram, in qua agitur de exilitate Stellarum; vt videas qua ratione illam Summus vir obtinuerit. Exſcribam verò Italicè, vt liber ille conſcriptus eſt, quando te etiam Italicè intelligere ex eo colligo, quòd eiufdem Authoris librum de Maculis Solaribus citas, qui etiam Italicis eſt. Continet liber Dialogos quatuor, circa duo Syſtemata Ptolemaicum, & Copernicæum. Itaque quarto Dialogo, & pagina quidam libri 339. Collocutores *Sagredus* & *ſalvati* ſic proſequuntur,

Sagr. *L'error dunque di costoro consistè, &c.*  
*Ad vique illud, Veggo, &c.* Porrò & quando  
 postremis illis literis nuperi Ianuarij, in quibus  
 suam de exilitate ♀, & ♂ repetit senten-  
 tiam.



tiam, continetur insignis quædam ratiocinatio vice Responsionis ad easque ex Sacra Scriptura obiecti solent Copernicanis: Iucundissimum habebis, scito, si id quoque descripsero. Id nempe rescripsi occasione tum Antiaristarchi, tum famosi Problematis, quos libros nostri recens conscriptos ad sistendum motum Telluris. Inter cætera ergo hæc habentur,

*Quanto ad N. che pur si mostra humo di grande ingegno, &c. ad vsque illud, alla moltitudine Popolare. Sic ille.*

Menses duo sunt, mi HORTENSII, ex quo huc vsque processeram. Scilicet nolebam signis apparere in significando tibi affectu gratitudinis; sed iam volens nolens appareo, & nisi tua bonitas lentorem hunc meum excuset, abiero inexcusatus. Hoc tamen dicam ingenue. Cum haberem tum quoque ceptam ad Schickardum Responsionem, in qua multæ rerum Cælestium Observationes continerentur, cogitatio subiit eandem quoque tibi extituras gratissimas quod aliquas potissimum peruidere desiderasses. Factum ergo est, ut dum illas communicare diffiero, quo vsque meæ ad Schickardum literæ forent absolutæ; totum hoc tempus elapsum sit. Enim verò quid putas iam conclusis literis contingit? Succedunt ecce occupationes totius cum Præfule meo visitandæ Diæceseos, quæ me prohibent, ut (quod summis votis experieram) allaborem tibi. Verum id cæpi consilium, ut quando iam destitutor Amanuensi idoneo, scribam Parisiis ad meum Luillerium, ut confici curet Exemplum huiusmodi Observationum, priusquam Tubingam illas destinet, ac deinceps id exemplum cum hac ipsa Epistola ad te in Hollandiam transmittat. Quod si forte etiam procuret, quæ observationibus interseruntur describi, argue adeo quod fatius erit, integram Epistolam, tum id erit mihi in lucro, ut cause tibi innoteſcant retardatarum literarum. Heinc quia velim, ut eadem vel plurima, vel etiam omnia tibi dicta existimes, haud ero hac vice prolixior. Finio igitur apprecatus tibi & longos, & salubreis annos magno bonarum Artium bono. Addo salutem, quam exopto ut meo dicas nomine, & optimo Lansbergio, & amicis carissimis Golio, ac Beckmanno, Vale. Scribebam Tamarone oppido Dinienſis Diæceseos, Eidibus Angusti M. D. C. X X I I I.

*Et Nobili & Docto Viro PETRO FRANCISCO TONDVTO, San-legerio, Iurium Doctori,*

PETRVS GASSENDVS S.

**N**onga iam mora, Vir Eximie, ex quo debui rescribere, sed purget illam bonitas tua, cui excusatio nulla est satis. Id non merebar, ut me tuis præoccupares literis; mereoriam, ut mihi etiam ex dilata tandem responsione irascaris. Verum qui fuisti tam humanus, ut prior scribendo me superior extim-

*Gassendi Epistola.*

teris; esto iam humanissimus ut condonando negligentiam te ipso superior euadas. Carcerum delectauit me, quod obseruare tibi licuerit nupera Solaris Eclipses Initium. Non licuit nobis in hac vrbe circa id momentum tam esse beatiss; at licuit tamen tum circa Pinenem, qui obseruatus est nobis horâ 5. min. 45. tum circa Phaeis alias, tibi ut scribis, iam perspectas, ex quibus collegimus contigisse Medium Eclipses horâ 4. min. 42.  $\frac{1}{2}$  adeo proinde ut Emerſio fuerit horæ vnus min. 22.  $\frac{1}{2}$  Quia verò, si Incidentiæ tantundem tribuerimus, debet nobis euenisse Eclipses Initium horâ 3. min. 40. quod obseruatum tibi Auenione est horâ 3. min. 29. euadet sane æquo maior inter duas hæc vrbeis differentia longitudinis; 9. ut pore minorum. Sed superaret, ut oportuit, emerſio Incidentiam paucis minutis aliquot, & quæ assumantur quinque; tum non male elicetur, quam veram coniectio differentiam, minorum proximè sex. Si quidem hinc ad vos sunt leuæ Prouinciales 23. quæ satis præcisè vni gradui magni circuli æquipollent. Et quoniam aliunde coniector latitudinem Auenionis vix tantumdem abesse à quadragesimo quarto gradu, quantum Dinia superat eundem, minutis nempe quinque aut sex; exinde ratiocinor respondere ex Aequatore distantia huiusmodi gradum vnum cum dimidio; aut certè quam-proximè; atque adeo interesse nos inter, & vos, minuta ut dixi temporaria sex. En potro cur latari debeas, detrahi mihi quinque minuta circa Incidentiam, mirâ consonantiâ cum Observatione eiusdem Initij peracta Parisiis. Nempe ad me perſcriptum est, id accidisse Parisiis adhuc Sole grad. 31. min. 27. hoc est horâ 3. min. 18. Et quoniam inde ad horam 3. min. 40. defunt min. 22. sit ut detractis quinque minutis superſint 17. quanta est aliàs à me conscripta longitudinis differentia Parisiis inter & Diniam. Quippe Parisij, & Aquæ-Sextiæ ex Obseruata vtrouque eadem Lunari Eclipsi anno 1628. quatuordecim dissident minutis; Aquæ-Sextiæ verò, & Dinia ex certis ratiociniis, minutis quam-proximè tribus. Et nonnullæ quidem cautiones adhibendæ præterea sunt, ob inæqualem Parisiis nobisque factam durationem; ac præsertim quia Finis obseruatus Parisiis est, elevato adhuc Sole grad. 22. min. 6.  $\frac{1}{2}$  hoc est horâ quinta min. 23. differentia planè ut prius minorum 22. Sed utcumque sit, non male opinor, quis assumpserit longitudinis differentiam min. 11. aut 12. Parisios inter & Auenionem. Habes quid inde colligi circa pauca hæc loca possit. Plura nanciscí non licuit, adeo vel Cælum non arripit, ut in Belgio; vel communicatio est interurbata, ut ex superiore Germania; vel paucissimi spectarunt Cælum, ut vbique ferè gentium. Hinc doles non immerito, non esse qui studeant remediis Longitudinum recti-tuendatarum; nisi enim variis in locis obseruetur tempore eodem Luna aut deficiens, aut Solem obscurans aut Fixam aliquam vel regens, vel prætermeans. Spes magna non est,

ut res perficiatur. Et fecit quidem Snellius quod potuit in Baranis suis Eratosthene, ac Typhi; plura facturis, ut perscripserat, nisi mors vota preuenisset. Facit iam etiam Schickardus ille, cui debitura plurimum, si cuiquam alij, est Geographia, Facturum quoque se pollicetur tuus ille ac meus Morinus, qui Inuenti Longitudinum etiam in Mari medio inueniendarum arcani præstolarur præmia; sed vereor, nec fortè iniurià, ut rei curæ quid semper desit, ac superfit, quod addere feri nepotes perpetuò possint. Tu benè vale, Præclare Vir, ac scito me ducere tanti tuam beneuolentiam, cùmque honorem, quo dignari, imò beare uoluisti me, ut quod potius ducam, sit nihil. Dare literas ad te possem aliis occasionibus, sed præstat illas committere eximio nostro Petrisilio, quando ipse est, per quem tuas procurari ad me transmitti. Vale iterum. Dinia, Nonis iphis Decembris an. M. D. C. XXXI 11.

*Præclaro Viro, & Amico eximio,  
VVILLELMO SCHICKAR-  
DO, Professori linguae Hebrae, &  
Astronomiae Celeberrimo, in Aca-  
demia Tubingensi,*

PETRVS GASSENDVS S.

**C**ripsi ad te mense Augusto effusissimas literas. An ea ad te peruenerint, aut incolumem in tantis Germaniæ cladibus offenderint, quid exoptem habeo, quid suadeam non habeo. Vt cumque sit tamen, ea mihi mens fuit, ut in magna farragine Observationum benè multarum, eas præsertim circa ♀ occupatas acciperes, quas ipse circa ♀ mensibus Ianuario, & Maio superioribus peregissem. Nunc, cùm cognoscam ex nuperarum Nundinarum Catalogo Opus illud tuum nondùm fuisse absolutum, proditurumque non prius esse, quàm Vernalibus Nundinis; ea propter id consilij capio, ut maturè mittam quiddam obseruare circa ♀ licuit, tum matutinum mense Octobri, tum vespertinum hisce diebus. Nempe hinc quoque adiutari, quantum conicio poteris, nisi editio operis extremam acceperit manum. Certè quod hac postrema vice ad refractiones attenderim, sine quibus vix vnquam est obseruatus ♀, erit opinor, cur suauè ducas posse exinde non modò meas, sed fortassis quoque aliorum obseruationes rectificari. Et spero quidem hunc Planetam vno adhuc, aut altero mihi conspectum iri die; sed ne occasionem amici, qui est post triduum discessurus ad Fabricium nostrum, missam faciam; occipio interea meo more ex Commentariis exscribere, quæ in illos dietim conicio. Ducto porò initium ex eo vsque tempore, quo sum prædicto mense Octobri insidiatus ♀. Tu consule boni, ut cæterotomnia.

Die 15. Octobris anni 1633. Stylo nouo,

manè Cælo pulcherrimo; ab initio vsque Auroræ, &c. *Ut in Commentariis ad diem vsque Ianuarij 12. inclusiue ad illa vsque verba, & va-  
le dixerit.*

Huc vsque exscribo, optime SCHICKARDE, quæ in Commentariis conieci ad superiorem vsque vespertinem. Non consignabo literas, nisi die proximo ante lucem; addam proinde velut post-scripto si quid fortassis hoc vespere obseruare fuerit concessum. Nisi fecero, ut nihil boni perseuerans aëris constitutio pollicetur, scito nihil fore Obseruatum, neque plura esse ex me circa hanc ♀ apparitionem expectanda. Quæ mitto, ea non erunt quidem adè accurata, ut expectares; Verumtamen tu sic accipies, ut affectum saltem, & conatum probes. Si quid præstem imposterum, quod sit oculis tuis dignius, nōsti, opinor, me eum esse, quem liuor nullus afficiat. Inuigilabo potissimum circa Eclipsin ☾ futuram proximo mense Martio. Accipies breui quiddam conari circa illam potuero; ita sit nobis Cælum propitium. De Solari præterita misi ad te, non modò meam, sed imperatas etiam amicorum Obseruationes. Quam iam adiciam, vna est, nempe illam Petrus Franciscus Tondutus San-legerius I. C. Auenionensis communicauit mecum datis Septembri mense literis. Scripsi verò se obseruasse Eclipses Initium Auenionæ, die nuperi Aprilis octauâ, hora 3; min. 29. Sole scilicet adhuc alto supra Horizontem grad. 31  $\frac{1}{2}$  nihil adscripsit aliud. Ut verò ego quidpiam mearum circa situm illius vrbis coniecturarum attexam, opinor ipsius latitudinem esse grad. 43. min. 54. nimirum minutis 16. ampliorum, quàm Arclatensem habeam, differentiamque longitudinis eiusdem ab hac nostra vrbe esse vnus gradus cum semisse, seu temporariorum minorum sex. Sunt nempe hinc illuc 23. leuæ, qualium totidem vnum gradum Circuli magni complere solent. Sed iam tandem finio, apprecarus tibi ut nouum, sic felicem annum. Precor etiam, ut Lanzium semper meo salutes nomine. Destinaret Fabricius noster aliquid ad te mittere, adiutorum studiorum causâ; Scribo ut hisce literis, si fortè iam vacet, adiungat. Vale. Scribebam Dinia, iphis Ianuarij Eidibus M. D. C. XXXIV.

*Clarissimo, ac æterni nominis Viro  
GALILEO GALILEI, Ma-  
gni Hetruria Ducis Mathematico,  
Primario,*

PETRVS GASSENDVS S.

**M**agna me tenet expectatio (ô magnum tui nostri Decus) quid rerum tibi contigerit. Tamen si enim rumore crebro nescio quid diualgarum est; haud fido nihilominus donec res fuerit planè perspecta. Vt cumque sit, eam esse noui animi tui moderationem, ut seu pro votis, seu præter vota aliquid interueniret, paratissimus fueris ad omnem fortanz.

fortunæ euentum. Est mihi proinde quid tibi congaudeam, nihil est, quod condo-  
leam, quando nihil potest accidisse, quod  
valuerit animi tui serenitatem obturbare.  
Vivæ ergo similis tui, vt degas felicitissimè,  
neque patere vt hanc ad eò venerabilem se-  
necutem, quæ sapientia fuit semper tibi  
comes indiuidua, destituat. Si quid fortassis  
aduersum te, hoc est aduersus Placita tua  
Sanctissima Sedes definit, æquo animo ac-  
quiesce, vt virum decet prudentissimum;  
satisque esse reputa, quod animatus non  
fueris nisi in gratiam solius semper creditæ  
tibi Veritatis. Rescui nuper ex Diodato  
Berneggerum illum Argentoratensem La-  
tinam tuorum Dialogorum interpretatio-  
nem moliri. Id fortè doleas; sed tu nihil  
conficis, neque impedire si velis, erudito-  
rum vota possis. Cum nuper literæ ad me  
deferrentur Parisiis, aliæ ad me, aliæ ad te  
charactere eodem fuerunt. Et ad me quidem  
destinatæ illius Hortensij sunt, qui imitatus  
Keplerum tuo cum Nuncio differentem,  
Dissertationem insinuit de viso à me in  
Sole Mercurio: quæ ad te spectant, eius-  
dem esse, quia sunt eadem manu, conicio.  
Accedit, quòd licet in meis nulla fiat illa-  
rum mentio; rogat me tamen Hortensius,  
vt Exemplum tibi impertiar, si quod ha-  
beam præ manibus Dissertationis mecum  
sue. Fortè id exoptat, vt inde cognoscas  
quam feliciter ex meo Mercurio occasio-  
nem sumpserit incidendi in illam tecum de  
apparente Siderum exilitate, sententiam.  
Gratulatus certè illud ipsi fueram ex scri-  
ptis etiam, quæ me volueras ex tuis tum  
libris, tum literis non ignorare. Mitto igitur  
ad te librum vnà cum ipsius literis in-  
teruentu eximij, ac non ignoti tibi Fabri-  
cij, qui pridem summam virtutem tuam  
obseruantia maximà colit. An verò ausim  
tum illius, tum meo etiam nomine id exi-  
gere officij abs te, vt cures mitti ad nos  
vitæ Telescopica optima, & si sperare qui-  
dem licet, cuiusmodi sunt illa tua; quando  
hactenus nec Venetiis, nec Parisiis, nec  
Amsterodamo nasci sciri vlla potuimus, quæ  
satisfaciant abundè. Audebo sane quia nota  
mihi rara tua bonitas est; notus ardor, quo  
bonas Artes, earumque studiosos promou-  
ere curas. Effice igitur rem dignam tua  
sollicitudine, ac scito te facturum rem non  
modò nobis periuicendam, sed aliis quoque,  
imò etiam tibi, (quantum spero) olim futu-  
ram pergratam, cum observationes inno-  
tuerint, quas te procurante, peregerimus;  
& quæ consequenter debebuntur tibi, tum  
generalis inuentionis, tum specialis Organi  
nobis communicati, gratiâ. Poteris porro  
seu directè Aquas-Sextias mittere ad illu-  
strum Fabricium, qui idem est Petrisci  
Toparcha, & in Parlamento Regis Consi-  
liarius; seu destinare ad eundem interce-  
dente Cognato tuo, aut affine Rossicæo  
Lugduni degentibus. Vale, Incompara-  
bilis Vir, & quod facis me semper ama.  
Dabam Dinæ xiv. Kalendas Februarij m. dc.  
xxxiv.

*Viro & Præclaro, & summè Amico*  
MARTINO HORTENSIO Del-  
fensi, eximio Mathematico,

PETRVS GASSENDVS S.

**R**equirit respondeo, Præclare Hor-  
TENSII, vt cirò respondeam. Nempe  
occasionem nanciscor destinandi Aquas-  
Sextias ad nostrum Fabricium tum quod  
Exemplum Dissertationis, tum quas voluisti  
literas ad Galileum transmitti. Nec verò  
agere id possum, quin scribens simul Pari-  
sius, schedam hanc ad te, illinc dirigendam,  
adiiciam. Hoc solum autem velim, vt scias  
me & accepisse, & gratas habuisse pos-  
tremas tuas literas; ac præsertim quia co-  
gnoui meas tibi non displicuisse. Doleo  
Exemplum literarum, quas simul eodem  
mense Augusto ad Schickardum dederam,  
nondum peruenisse ad te; sed Luillerij mei  
ea non est culpa. Illic enim id fuit per-  
actum, & Merfeno nostro ab illo com-  
missum; sed quæ est viri bonitas nimia,  
ipsum credidit necesse cui videndum; ac  
deinceps recuperare quam citò voluisset,  
non potuit. Opinor autem ex quo præser-  
tim literas tuas habuerit, incubuisse illum  
seriò vt tuis meique votis fieret satis.  
Cæterum euenit ante septem dies, vt oc-  
casione ♀ tum mense Octobri, tum nuper  
abs me obseruati, literas alias obseruatio-  
num similiter plenissimas dederim ad eun-  
dem Schickardum. Scripsi verò simul Pa-  
risiis, vt describeretur illarum exemplum,  
cuius tibi statim copia fieret, nec pari  
modo distraheretur. Atque id quidem rur-  
sum procuro; non quòd eximium aliquid  
inter obseruata agnitus sis; sed quia  
non possum alia ratione meum erga te  
affectum testari. Vna me res securum facit,  
quòd bona semper fide ago, dum ago quid-  
quid pro otij, loci, organorum conditione  
licet. Quod desideras præsertim videre, si  
quid de Coniunctione illa ♀ & ♀ ante  
sesqui-annum obseruauerim; scito nisi fortè  
ad te exemplum illud prius perueniat, de-  
scriptam exstare meam obseruationem in  
quadam Epistola ad Ianssonium vestratè  
illum celebrem Typographum scripta, duo-  
bus mensibus ex quo fuit peracta. Nempe  
literas detulit ad illum, qui ad vos  
transiit laudarus Salmasius. Poteris ita-  
que ex ipso obseruationem repetere; ne-  
que illam modò, sed & plureis alias,  
nostri potissimum Valesij, quas hortante  
nobili Grotio cum illo tum communi-  
caui. Accepi iam esse in itinere quod  
ad me Parisiis mittitur Exemplum Lans-  
bergianæ Apologiæ. Per- quàm lubenter  
legam illam, etiam amicos impetrat; quippe  
viros ita complector, vt ad opiniones  
illorum non teneat. Rescui quoque ipsos  
sele ad respondendum accingere: Vtinam  
sic res vtrinq; agatur, vt de modera-  
tione non minùs, quàm de se ipsa certetur.



Indignum est quippe sapientibus viris diuexare se mutuo probis, & scommatibus: Ac dum testantur se suscepisse Veritatis patrocinium Animi imbecillitatem, impotentiamque sui testari. Cognoscam etiam perlibenter quid tu Bartholino opposueris. Non vidi quidem eius librum, sed fore spero vt ex tuo, genium, ingeniumque illius agnoscam. Et forte tu quidem Tycho-nem minutulè interdum carpsisti; verùm ipse quoque lætari deberet si rediuius sisteretur, plurimarum rerum abs te monitus, ad quas satis non attendisset. Cura proinde, mi HORTENSI, vt quidquid sit de Bartholino, qui, qualis vir sit, ignorem, Tychoni saltem suus honor, quam poterit magnus semper relinquatur. Atlas profectò ille fuit, ipsūque grata recordatione Posterì omnes prosequenter. Quamobrem danda opera est, ne in illum sic inuechare, vt nomen exinde commacules tuum. Deceptus fuerit aliquoties; at quanta dignum commendatione, attigisse illum, eam præcisionem, quam Maiores nunquam sperant, & tot quidem tantisque impensis, vigiliis, laboribus; vt taceam quàm arduum, ac lubricum sit obseruandi negotium, & quàm sit facilius hac in re præcipue aliena reprehendere, quàm meliora ex se præstare. Hoc, vt amicum sincerum decet, ac in autem dictum volo. Addo fore, vt experiaris nihil decessisse ex tuo instituto, cum de viro semper loquutus venerabundo affectu fueris; imò tantò maius accessisse pondus, quantò scripsisse videberis amore solo Veritatis. Agnosces etiam non modò fore, vt minuatur inuidia (quæ nobis denique quid prodest?) sed facilius etiam retractare possis materiam eandem, si aliquando fortè lubuerit, ac præterea honorem tibi conciliabis quam-maximum propter specimen indolis plenissimæ summi candoris. Quod ego semper aërem quemdam Cælestibus globis circumfusum habeam, non demonstratione, aut vllò effectu sensibili persuadeor; sed coniecturà dumtaxat ducor ex similitudine cum Terreno globo. Hinc illum non amplius tantum facio, ex quo Astrorum species succrescat; tantum dumtaxat habeo, cuiusque globi proportionem, quantus est hic noster respectu Telluris. Nimiū absumus, vt experimento manifestare id valeam, sed nemo etiam, quantum opinor, rem secus habere ostendat. Pares in causa sumus cum illis, qui ex Marte, aut Venere de Terra ratiocinarentur. Profectò verò si facies (probabilem facit analogiam cum nostris hisce Elementis Matium, & Continentium; quid ni capiamus præter varias generationes, compluresque, in tota Lunæ superficie; tot exhalari circum vapores, ex quibus Sphæra circumuestiens huic aëri nostro similis texatur. Taceo fortassis aliquam desumi posse coniecturam ex eo quòd etiam Telescopio margo Lunæ extimus vnitissimus appareat; quòd inæqualitates conuallium &

montium (tamen in tanta distantia successuè positæ, minus obseruabiles) compliantur ipso aëre amplissimo tractu ad oras dissulo. Sed hæc dicenda pluribus, quàm præsens scribendi occasio patiat. Prolixior, quàm sperarā fui; nescio an lucro id deputandum. Saluto semper eodem Amicos, ac præterea optimum Vofsum, cum præclara familia. Vale. Scribam Dinix iv. Kalendas Februarij, m. dc. xxxiv.

## PETRVS GASSENDVS CONSTANTINO SVO, S.

**E** Alamum tandem arripio, Mellitissime CONSTANTINE, vt paucos tibi reponam versus. Non requiro verò imprimis, vt negligentiam meam tantam interpretatus fueris; ipse potius interpretor illam pro tuo in me amore, fuisse tibi non iniucundam. Non depolco etiam abs te, ne pertenuem hanc schedulam indignabundus auerferis; siquidem noui, tamen feram, quòd mea tamem sit, non displicetura. Heinc, quia satis perentio nullam abs te mihi accusationem intentari; abist, vt ego vllam tibi excusationem pertexam. Grauius mihi est semper, quod tu scitè adde perferbis de Litteratorum ac *non quæritur, & ad iduandam* contentio-nibus:

*Non quia vexari quemquam est incunda voluptas;*

*Sed quibus ipse malis careas, quia cernere suauē sit.*

Vtinam totam historiam dicere nobis aggredereris. Vidi ex tuis literis datū Exemplum eius Epistolæ, quā, *et quæritur tunc ægyptiā* reconciliari videntur. Illa mihi magis ingenua, quàm pro illorum ingenio expectauisses, est visa; nescio tamen lis-ne exinde satis composita remaneat. Copiam feci nostro Petriscio humanissimarum litterarum tuarum, vt agnosceret, quod se attineret: Mirum autem dictū, quàm ille se tibi profiteatur esse deuinctum. Scripsi ad nostrum Gassarellum, nisi omnia, selecta saltem, quæ illum per me rescire volueras; at quando iam accipio nullum amplius esse diuortium; nihil refresco sed gratulor potius. Vtinam verum vos inter sit, quod dicitur, *amantium ira*. Mirandum profectò, aequè ac dolendum, potuisse viros eruditos, ac in tanta, tamque diuturna consensione simul versatos, tantum pati dissidium: sed nempe summi est candoris, quidquid ex amico proficiscitur, tamen durissimum sit, interpretari benignius; & quantò melior quisque est, tantò magis amici vicem vt condolare, sic condonare. Ego ad vos, mi CONSTANTINE, vix sum prius conuolaturus, quàm hunc adhuc annum superauero. Saluta interim Amicos ac tu perferim salue, & Vale. Dinix ix. Kal. Febr. m. dc. xxxiv.

*Per-nobili*

*Per nobili & per-docto Viro P. FRANCISCO TONDVTO San-legerio Iurium Doctori,*

PETRVS GASSENDVS S.

**C**cepi ex literis tuis ad præclarum nostrum Fabricium, Vir Eruditissime, Eclipsim Lunæ nuperam non inobseruatam tibi præterisse. Gausus summopere sum, ac volui etiam te non latere, tamen ipsum Initium Dinæ quoque inuisum fuerit, cæteras tamen omnes Phases ad vsque semi-digito adnotari abs me potuisse. Telescopio Lunam spectabam, ac respectabam identidem in Schemmata ad singulos semi-digito delineata, vt de momentis, quibus Phases obicerentur, iudicium ferrem. Hoc ergo modo, & aliunde Fixæ alicuius Stellæ sectando altitudinem, peregi, & pertexui, quam obseruationis seriem heic appono, &c. *Vt in Commentarijs.*

Vides non malè nos conuenire circa Finem Eclipsæ, ac præsertim si prodita abs te centri altitudo exhibuit horam 10. min. 56. tunc pro fine accepisti restituti limbi momentum, inumbratione superflite; aut si, vt ipse ratiocinaris, exhibuit horam 11. min. 0. ipseque finem pensitasti ex inumbratione illa sensibiliore desinente. Quod ad Procyonis altitudinem circa idem tempus obseruatam spectat; miratus sum quorsum tu occidentalior, videris illam depreffiores, quam eadem mihi continuò sedanti, apparuerit: Sed nempe suspicatus sum, debere numeros abs te haud recte fuisse inter conscribendum obseruationem consignatos, cum loco graduum 29. scribendi fuerint 32. Ipse certè si calculos retexere volueris, agnosces ex illa altitudine elici horam non 10. min. 59. sed 11. min. 18. ac huiusmodi minorum 20. discrepantiam fortè obortam ex prætermisiss quinque illis gradibus, qui Alcenioni rectæ & ad circulum deerant. Circa medium tempus Eclipsæ, cum ex Phasæ, & plurium & tutiorum comparatione comperissem ipsum exitisse Dinæ hora 9. min. 21. miratus sum etiam reponi abs te potuisse ad horam 9. min. 3. Vel quod est summum min. 7. adeò vt dimidia duratio fuerit æquo productior. Verùm memini, quanta sit in medio illo tempore ex inspectu Lunæ designando difficultas; cum per minuta bene multa Luna veluti hæreat, & ne Lynceus quidem discernere possit lux-ne depercat, consitet, vel augeat. Pores quoque ipse illius hæitationis meminisse, atque idcirco facile fuisse, vt tum existimâris Medium, cum possent minuta non pauca vel abundare, vel deficere. Fabricius noster, quod mirere, ita varias Phases accepit, vt Medium prope idem eliciatur. At cum Finem maturis tricientis circiter horæ, quam nos, adnotauerit, sequitur, vt durationem dimidiam multum decurrat. Vt cumque sit, tu Vale semper, ac me porro amare perge, qui persto amantissimus, & obseruantissimus tuus. Dabam

Aquis-Sextiis in Fabricianis ædibus, VII. Eid. April. an. M. DC. XXIV.

*Illustrissimo Domino, D. EDOARDO, Baroni Herbert de Cherbury, in Anglia, & Castri Insula de Kerry in Hibernia, & Pari vtriusque Regni,*

PETRVS GASSENDVS S.

**I**r Illustrissime, Menses aliquot elapsi iam sunt, ex quo Diodatus ille noster præclarum Opus ad me transmisit, quo me donatum volueras. Humanitas sanè eximia, &c. Aquis-Sextiis mense Aprili. M. DC. XXIV. *Haberetur sub Titulo ad Librum Herberti illustris Angli de Veritate, Epistola.*

*Viro Clarissimo, Amicissimoque VVILELMO SCHICKARDO, in Tubingensi Academia lingue Hebrææ, & Astronomiæ Professori Celeberrimo,*

PETRVS GASSENDVS S.

**C**OEperam ad te scribere, optime Virorum SCHICKARDE, cum tuas accepi literas circa Martij finem datas. Quantà exinde fuerim cumalatus lætitiâ, explicare haud mihi promptum. Videlicet ex prima parte tuæ Responsonis edita, nihil de te audieram; verebâque, ne aut quid tibi contigisset humanitatis, & aut binæ meæ literæ ad te vsque non peruenissent. Quas certè literas ad me vnâ cum tua obseruatione Solaris Eclipsæ missas innuis, iniqua nimis forte non vidi. Sed me eo nomine scelerem, quod & tu degas incolumis, & meæ illæ literæ in tuas penetrârunt manus. Qui tuas sub finem superioris Mensis & accepit, & ad me transmisit Parisiis, ille est Luillerius Rationum Magister, quo intercedente tu meas habuisti. Dignus vir sanè amore tuo, omniumque tui similibus (scilicet bonorum, eruditorumque) & quem cum multi mihi sint Amici præstantissimi, nemo est omnium, qui inuideat, cum incomparabilem dico. Qui verò in hac Ciuitate mihi consignauit, ille est Fabricius, qui & præsidium & dulcè decus Literatorum omnium est. Vir omni laude longè superior, & cuius fama cum iampridem aureis tuas compleuerit, testaris ipse quam gratam nuper habueris eius amicitiam. Adsum ego iam illi hospes à mense vsque Martio; & cum negotia quædam forensia me in ciuitate detineant, decinent tamen potissimum Sirenes suauissimæ domi. Aedes hæ ipsissimæ sunt, in quibus rursum peregi nuper, quas tu circa & obseruationes exigis. Quippe non postrema mihi fuit causâ, cur eo tempore aduentârim, quod destina-

pāsssem mense Aprili ad ♄ attendere, quem prouiderem Dinix ob altitudinem montium inaspectabilem futurum. Et quid præstare quidem licuerit, iudicabis ipse petcurrens obseruatorum seriem. Ego, quod saltem maxima elongatio inde habeatur, felicitati magnæ adscribo. Verum quid moror totum id ex Commentariis transcribere; cum si quid amplius præfandum sit, possit te volente postmodum subiungi. Paucis ergo res. sic se habet.

Anno 1634. mense Aprili, die 9. Stylo nouo, Vesperis, Aquis-Sextiis, Attendens num ♄ posset, &c. *Vt in Commentariis ad vsque diem 29, inclusiue.*

Hactenus exscribo, Præclare SCHICKARDE, quidquid hac vice obseruare circa ♄ licuit. Tamen enim si fuerit pluribus diebus appariturus, non apparuit tamen propter obstinatam nubium inuidenciam. Eæ quippe aut continentur toto Cælo fuere resperse, aut ad Occalus certe regionem conferissimæ existere vespertinis temporibus; adeo ut cum possem interdum alios Planetas obseruare, Mercurium nunquam potuerim. Nihil est necesse adscribere quæ obseruata aliunde habeo. Hoc potius addo, cum Keplerus aliquam fecisset spem videndi mane ♄ aut sub finem Maij, aut certe priore parte Iunij; ea de causa me attendisse, quantum potui sedulo, si quæ forte detegeretur. Oblabatur tectum domus attigua, quominus exortus liberè pateret. Eximius ergo Fabricius construi curauit supra tectum domus suæ Obseruatorium eminens simul, ac liberum; ex quo potuisset ♄ à tertio vsque altitudinis gradu (tantundem Horizon illic occupatur) sese conspicuum facere ni conspici graue duxisset. Ac Cælum quidem non semper arsisit, nunquam enim fuere crebriores, aut vberiores pluuiæ. Die saltem Maij 28, qua Cælum fuit manè serenum ♄ planè visus non est: Inuisus etiam diebus Iunij 5. 6. & 14. quibus Cælo valde sereno (saltem ad eam regionem Ortus) obseruaturus adfui etiam ante natam Auroram. Et quoniam circiter ea loca in quibus esse debuit ♄ nullæ insignes Stellæ coruscant, ideo ne locis planè incertis venarè ♄ nocte acquiritum, ac penè æquilaterum Triangulum fingebam ex Medusæ capite, Lucida ♄ & ipso ♄ nunc alia ratione regebam obtutum, si quæ in illum inciderem; sed irriti omnes conatus, & ut verbo dicam, ♄ matutinus visus non est. Hoc latere te nolui; memor operæ etiam superiore anno frustra collocatæ, in disquirendo Mercurio, ut literis aliis perscripsi.

Sequitur ut tibi impertiar quidquid circa nuperam Lunæ Eclipsim conscriptum habeo: quando aut totum describere, aut etiam dare literas tum per otium non licuit, cum nudum tibi abacum obseruationis meæ transmissi. Accepi simul cum literis, quod circa Eclipsim ipse obseruasti, ac miratus sum, vel potius obstupui, dum ex tua, meque obseruationibus collatis inaduerti sequi ut Dinia occidentior Tubinga sit. Accepi etiam continuè ex Diodato schedulam, qua Berneggerio significasti hæc te, qui fieri possit, ut tantum

lapsum admiserim. Ego verò etiam, mi SCHICKARDE, hæreo, neque satis capio, quid totum id sit. Sed nempe transcribo imprimis quidquid in Commentariis est, subiecturus quidquid memoria præterea succurrerit, ex facta vsque obseruatione. Id igitur ita se habet.

Anno 1634. ac die Martij 14. Stylo nouo. Vesperis, Dinix, Eclipsis ☾. Ninxerat manè, flante Euro, forma niuis irregulari; fueratque propè adempta spes videndæ futuræ Eclipsos, tum præsertim, cum leui pluuiæ perleuerante post niuem, obscurum planè Cælum fuit ad horam vsque pomeridianam 5. Porro sub ipsam horam quintam, visæ sunt nubes heic illeic variè interhiscere, simulque non nihil reuixit intermortua spes videndæ Eclipsos. Quamobrem curâ reassumptâ, &c. *Vt in Commentariis ad vsque obseruationem Rabbi Azobi.*

Habes hucusque, mi SCHICKARDE, quidquid de hac Eclipsi ☾ in Commentariis reperio. Id mitto cuiusmodi est; quando absolvere non vacat. Ea mihi certè negotia sunt, quæ vix patiuntur exscriptionem; Sed tu faciliè omnia indulgebis. Vt paucis ergo accipias, quid circa meam obseruationem hæsitatiōis subeat, memini primum me admiratum, dum calculo retexerem Fabricianam obseruationem, ac circa finem potissimum, qui fieri posset ut tanta foret nos inter discrepantia. Cum enim Dinia, & Aquæ-Sextiæ vix amplius quàm tribus minutis temporatis inter se distent; videbam nihilominus trientem horæ interesse. Ac tamen non dubitabam, quin ipse fuisset accuratior, & quin vir eximius, dum ea sectaretur, quæ præscripta abs me voluerat, errorem quemdam sensibilem seu oculorum, seu organorum, seu adiutorum defectu potuisset admittere; scrupulus tamen remanebat, quòd ipse mihi fiderem ac tribuerem nubium. Ergo memoriâ repetens si quid etiam mihi inter obseruandum contigisset, nihil aliud subiit, nisi quod inter expectandum donec Eclipsis inciperet, & Quadratum aliàs, ut puto, descriptum ad Aldebaran componendo perpendicularum incidisse inter 9000. & 10000. vmbra versæ parteis. Hæc verò exinde cœpi, an fortè, qui numerus 9300. consignatus fuerat, quo tempore locum ☿ explorauim, in vmbra versæ existisset, & qui postmodum adnotatus est 9000. quasi decrementum ut altitudinis ita numerorum iam fuisset vsurpatus pro 1000. & consequenter quòd fortassis aut sectator Stellæ, aut ego ad primam cyphram non attenderemus, numerus 890. vmbra rectæ; existisset scriptus pro 9900. ac postea etiam 8650. pro 9650. atque ita consequenter habitis semper circa primam cyphram 8. pro 9. 7. pro 8. 6. pro 7. 5. pro 6. 4. pro 5. inter sectandum Aldebaran. Verum nescio quæ ex causa persuaderi non potui cuiusmodi inaduertentiam. En quo adiutus argumento animaduerti, cum tempora crescentis Eclipsos heic retraherentur, constare tamen quæ decrecentis adnotata fuerunt ex altitudinibus Procyonis. Quia enim primus numerus fuit



90. qui iam usurari pro superiore non potuit, & a quo omnes consequentes ad vsque 99. continua serie decreuerunt, ea propter omnis planè ratio emendandi sublata est; ratumque habui, vt decretemus, sic incrementi tempora haud male fuisse designata. Fuit quæ Lunæ altitudo Auenione fuerat à Tonduto obseruata in fine Eclipsos, & accessit, quod meminim Eclipsim longè ampliùs, quam speraueram, retardatam fuisse. Quin etiam adhuc memini Dauidem Lautaretium clarum Medicum, & rarum amicum, qui tum aderat dum præterissem longè videret, quod tempus nobis præstitueramus, subductione debita facta ex Kepleri Ephemeride; iocando sæpius quasiuissè, Quid, si frustra hic apparus? Quid si nos Luna ludere velit? Quid si expectatura sit, donec præ impatientia discelerimus? & id genus alia: cum & ipse quoque aliqua regerem, & commemorarem inter cætera, quid Origano alias contigisset.

Vides quid mætem occupasset, obseruationi vt fiderem, tu rursum planè iam communes, etiam reponens obseruationem. Pudet nimirum, dum omnia verso, nihil occurrere, quod meam corrigens, conciliare cum tua possit. Arguere quippe tanti erroris, quâvis inde demonstraretur Tabulas omnes Geographicas extremæ fœtè impudentiæ. Suspiciat potuisse te, vel leuiter hallucinari, improbè foret, ac mihi etiam propemodum sacrilegum. Quocirca nihil superest, nisi, cum ipse homo lim, humani à me nihil alienum putem. Quæso te solùm, vt cum tu quoque Solarem Eclipsim superioris anni obseruaueris, elicias exinde pro tua solertia quid disciminis inter Diniam, & Tubingam intercedat. Nempe quia simul ostenderet, quorū minutis proximè hac vice abfuerim in designandis temporibus; fortassis ansa præbatur, qua occasiones lapsus agnoscantur. Poteris quoque explorare num minurulum aliquod ex Organi tui constitutione emendandum fuerit; cum ipsa quoque temporum per Azimutha captatio sua quædam incommoda habeat. Profectò enim vel vnus Meridianæ linæ inuenio, & exquisita super illam Instrumenti p̄ osio, vt nihil dicam de cæteris, non parua est difficultas. Quamquam id mihi; cum tu quidem facili omnia præcaueas, quæ vitare hanc *opacitas* possunt. Quod superest, cum destinassem abesse Dinia proximo Martio, quo tempore Luna iterum deficiet, enitar tamen ita res meas componere, vt illeic adsim, quo possim illeic omnia cautius & disquirere, & describere iteratò. Nihil est opus admoneris, vt ad idem te compares; est enim tibi satis res cordi. Adverte interea si vacet ad transitum Lunæ propè Fixas aliquas: nam ego quoque eò attendam, quantum per occupationes, & Calum ipsium licuerit; ac fortassis eveniet, vt eodem simul incumbamus. Non stabit profectò per me, quin transitum (¶ sub Pleiadibus, & 16. Augusti, & 4. Nouembris obseruem. Vt habeas interea quid res huiusce à datis postremis literis præstiterim; Obseruationes aliquot ecce, quarum prima & secunda peractæ sunt Dinia; cæteræ in hac ciuitate.

Anno 1634. Mense Febr. die 5. Stylo nouo, Vesp̄i, idque Dinia, Appullus (¶ ad Pleiadas ex Ephemeride, &c. *Vt in Commentarijs.*

Anno eodem, mense Martio, die 6. Vesp̄i, cum foret Luna ad sensum exquisitè *dygnus*, &c. *Vt in Commentarijs.*

Atque hæc duæ quidem obseruationes Dinia; sequuntur Aquesles præter eam, quam superius retuli transitus Lunæ propè Spicam die Aprilis 13.

Anno eodem, mense Maio, die 13. Vesp̄i, Aquis-Sextiis. Statueram ad transitum Lunæ propè Cor Scorpij attendere; verum nubes adeò contactæ, flante Coro translatae sunt, &c. *Vt in Commentarijs.*

Anno eodem, mense Iunio, die 6. Vesp̄i, Inualefcere occipiente Coro, &c. *Vt in Commentarijs.*

Anno eodem, mense eodem, die 9. Vesp̄i, occultatio australis trium in fronte Scorpij à Luna, &c. *Vt in Commentarijs.*

Anno eodem, mense Iulio, die 7. Vesp̄i appullus Lunæ ad orientalem trium in Scorpio, &c. *Vt in Commentarijs.*

Et hi quidem sunt Lunares appullus, quos commemorandos tibi habui, nisi fortassis gratum habebas, adici alium platicum magis, non ad Fixam, sed ad ¶ sub mensis huius initium. En igitur obseruationem, quam pergei per triduum.

Anno eodem, mense eodem, die prima, Vesp̄i perseuerauit eximius calor, &c. *Vt in Commentarijs ad vsque finem obseruationis diei 3.*

Triduanam habes obseruationem, ex qua loca ¶ ad (¶ huiusque appullum ad illam circiter *dygnitas* eruerè valeas. Occasione stellulæ postremo loco memoratæ, succurrit in memoriam captatus die 6. Iunii locus stellulæ illius maiusculæ, circa eundem dextrum popitem Ophiuchi; quam Luna margine Austrino propè attigit mense Augusto anni 1630. Vt habes in eo excerpto, quod impressum est, ex Epistola ad Keplerum. Vt ergo illa obseruatio alicui quoque vsui sit, ecce vnde possit vtrumque locus Stellæ restitui, quando apud Tychonem deest. Distiterunt memorata die, idque inter expectandum ¶ ea stella, &c. Itemque distantia Fixarum. *Vt in Commentarijs.*

Coronidis vice, & ne te fatragine nimia onerem; atrexo solum obseruationem futuram tibi haud iniucundam, quam adnectere liceat occultationi Propodis à ¶ &c. *Vt in Commentarijs.*

Anno eodem 1634. mense Iunio, die 8. Vesp̄i occultatio extremæ alæ sinistrae Virginis, à Marte. Cum ab, &c. *Vt in Commentarijs.*


Finem tandem facio, Optime SCHICKARDE, cum ista satis superque sint. Hiatus sunt, sed præstitit hiantes versus relinquere, quam iis complendis elaborando (quod factu semper facile est) paginas facere inaneis. Non pudet verò adeò incoctas obseruationes communicare, quando tu eo es animo, vt impulsus maui, quam nullas; eo candore, vt facillè simplicitatem meam excuses; ea bonitate,

vt rerum mearum nolis fieri dispendium; quibus curandis istud ipsum, quo ad te scribo, suffuror tempus. Quod inuis te procuraturum, vt ex meis obseruatis euulgentur aliqua; nisi quid fortè exceptum velim, scito omnia tibi permissa, & me solum excipere, quod tu duxeris excipiendum. Tamen enim certo consilio animum his rebus applicui: & longè sum tamen ab eo tempore, quo expetitum vsum deducam, & liuoris expertus, nihil planè est, quòd habeam quasi in arcanis. Fortassis quoque ista olim non vacabit excutere: quid ergo inuideam, si quid fortè sit, ex quo studiosis fructus queratur. Tu iudex esto; nam ego quidem restari affectum, & candorem possum; exquisitam operam polliceri non possum. Accepi tuis cum literis treis illas primas Velitationes circa Astronomiam, ac simul agnoui, quanto me in illis honore affeceris. Id non merebar, mi SCHIKARDE, neque sperandum mihi fuerat, vt me inter tantos viros cooptares: Sed nimirum nescit amor tuus modum, pectorique tuo permittendum est, vt hosce adtores effundat. Pellegi porrò auidè omnia, & consequutura mirè expectens, visus sum mihi vniuersam, eamque maxime sinceram, rerum Cælestium disciplinam fasciculo vno collectam videre. Accepi etiam libellum tuum de Bacchanalibus Iudaeorum. Eo declaras te nihil posse sic perfectoriè agere, quin ludi tui seria aliorum longis excedant parafangis. Erit profectò cur exinde Iuriconsulti mirè illustrent Legem illam, *Iudeos quosdam Codice de Iudeis, & Caliculis*, in qua restituenda, & interpretanda quidam desudarunt, Accepi tandem literas quibus me beaui clarissimus Lanzius. Adnitur illi hisce conclusis verbum reponere, sperans vberius respondere. De Fabricio nostro nihil est, quod adiciam; Ipse enim est ad ad te perscripturus. Non hodie tamen (nimis quippe aliis iam curis distrahitur) sed intra proximum octiduum. Tamen verò literæ meæ ad te perueniunt maturius non sint; festino tamen hac occasione destinare Parisios, vt dum Fabricianas illic expectabunt, procuraret noster Luillierius eas obseruationes exscribi, quæ transmittantur ad Hortensium, quòd exscribere mihi his non vacet. Expectat etiam Fabricius ex communi nostro Diodato Responsum, si quam fortè nouerit viam, quâ MSS. Codices, quos tu expertis tuò transmittantur. Vtinam verò ea pateret, nam plura tecum communicaret, vir longè humanissimus, & amantissimus tui. Quod de Holstenio scripseram, memoriæ lapsui imputandum. Siquidem ille literis suis ad Fabricium datis ante quatuor annos, non se Tubingæ fuisse scripsit, sed Viennæ de te sermonem habuisse cum præclaro illo Tegnagelio, qui etiam testatus est se adlaborasse, vt pertraheris in Aulam Cæsaream. Degit porrò Holstenius Romæ, & tunc Eminentissimo Cardinali Barberino à libris. Ipse est, qui Porphyrium nuper edidit cum Notis de vita Pythagoræ, emissurumque est propè diem notum omnium Geographorum, quos Antiquitas habuit, aut quos nancisci saltem po-

tuit, manipulum valde insignem. Nihil obseruatum Romæ accepi, cuiusmodi tu exigis. Nam Scheinerus quidem Solarem Eclipsim superioris anni illic obseruauit, & ante discessum in Cæsaris Aulam schemata aliqua nobiscum (etiam excusa) communicauit; sed de tempore nihil addidit, fortassis id sibi referuans, donec euulget, quem de ea Eclipsi Tractatum promittit. Cæterum dabo operam, vt quæ Eclipsis futura est proximo mense Martio, Romæ sedulo obseruetur; curaque erit, vt quidquid demùm fuerit obseruatum, deinceps accipias. Sed Vale tandem, vt Optime, idemque Amicissime; & qualem me duxis, talem esse habe. Scribebam Aquis Sextiis, xv. Kalendas Augusti, anno M. DC. XXXIV.

## GABRIELI NAVDÆO,

PETRVS GASSENDVS S.

 Ic demùm dies, mi NAVDÆE, diurni silentij finem attulit. Nec verò illud iam abruptum, vt tibi propterea satisfactum existimem; abruptum solum, ne desuetudo nimiam præscriptionem inducat. Est nimirum, quòd conquerere, nisi prolixas literas dem, treis saltem versus non exarati. Me quoque ipsum, dum attendo, negligentia huiusce pudet; quasi, quod iure amicitia liceat planè confidere, ipsum violare ius libeat, quo officia mutua præstantur. Quid faciam tamen; cum talem me Natura parens effuxerit, ac te eum habeam, qui præsto sis nihil Amico non condonare? Age ergo, dignam te ipso bonitatem mihi prætende, qui nullam tibi exculationem debeo, possum-ve præterere. Negotia certè prætereo, quæ me iam anni prope dimidium extra proprios derinent lares; quippe & interdum per illa interquiescere licuit; & per id tempus literas ad alios Amicos conscripsi, Inculcare etiam non possum occasionum penuriam; quando hospes adsum nostro isti magno omnium & literatorum, & literarum præsidio, Peirescio inquam, per quem sum conscius quid vterque communictis. Non dico tandem, quia rogâtes, vt quidpiam tibi de Fluddana Responsione perscriberem, me expectâsse donec prodiret Frisiana illa Responsio, quam Fluddus minutatus est, vt res melius perskringeretur. Debueram nempe, vel hanc meam, quod nunc temporis facio, expectationem significare. Quid ergo, inquires, Ne nunc quidem licebit quidpiam cognoscere ex iis, quæ respondit Fluddus? Id verò licebit, Optime NAVDÆE, sed vno verbo, cum me vberius rem præstiturum recipiam, postquam quid à Frisio Fluddum defendente, (nisi Fluddus est sub nomine Frisij) fuerit responsum, permihero.

Paucis igitur totum Opus paginarum est octoginta septem, & folij quidem non magni, sed characteris tamen minuti. Titulus prælongus; Inscribitur enim, *Clauis Philosophiæ, & Alchymia Fluddana; sine Roberti Fluddi*

Fluddi *Armigeri & Medicinæ Doctoris, ad Epistolæ Petri Gassendi Theologi Exercitationem Responsum*; In quo Ioannis Marini *Mersenni Monachi obiectiones, querelæque ipsius iniunctæ, immixtæ in Robertum Fluddum adhibita examinantur, atque auferuntur*: *Seuerum ac altionans Francisci Lanouij de Fluddo iudicium refellitur, & in nihilum redigitur*; *Erroneæ principiorum Philosophiæ Fluddianæ detectio à Petro Gassendo facta corrigitur, & aequali iustitia trutinâ ponderatur*; ac denique *sex illa impietates, quas Mersennus in Fluddum est machinatus sincere veritatis fluctibus abluuntur, atque absterguntur*. Tractatio deinde iuxta Titulum in quatuor Membra diuisitur, & quodvis Membrum in partibus Partitis.

Primum est præcipuè aduersus Mersennum, quem Fluddus conatur insigni ignorantia conuincere, quod viribus suis diffusis, alienam opem poposcerit, ac simul respondet cum ad alia, tum ad obiecta minis præcipua, quæ in Epistola illius Dedicatoria legere licet. Alterum est totum aduersus Lanouium; scilicet propter Epistolam Dedicatoriæ illi subiectam, Tertium itaque prolixius aduersum me totum est, initio facto à descriptione naturæ, seu indolis meæ. Postremum est tum in elucendis illis impietatibus, quas Mersennus ipsi ex mea Exercitatione collectas inuolit; tum in explicanda Diuina, mysticæque Alchymia.

Stylus autem est, vt cum Fluddus Alchymiam suam explicat, Scripturam Sacram semper intrudat; in cæteris verò ipsa Textus verba, seu Mersenni nempe, seu Lanouij, seu mea præsertim profert; & consequenter ipsi respondet. Neque verò textus aut omnes, aut semel, aut ordine citat; sed selectos, & quoties placet, seu ad institutionem à se pertinere methodum putat. Iam quod ad ipsos tam Mersennum, quam Lanouium attinet; dici non potest quanta illos acritudine infestetur, quantisque probris impetatur. Ad me quod spectat paulò se moderatorem præbuit. Exscribi iubeo integrum caput (id Epistolæ deinde adiungam) in quo obseruabis Fluddum laborare, vt me à Mersenni, Lanouijque genio alienum esse planum faciat. Sic aliis locis nonnulla sunt in commendationem mei, vt, quod à Mersennio traditur, inquit, argueret in Gassendo philantiam; sed ego ipsam Mersennum potius istius vitij æquem puto, quem aliis in pluribus falsum, & errantem inueni; non verò Gassendum, qui longe prudentior, & modestior esse appareret; quantumvis imperiosus iste, & talem Mersenni sermo huiusmodi rei suspensionem inferre videatur. Et rursus: Certe commendo, inquit, aduersarij istius mei ingenium, qui tanto ardore cuiuslibet scientiæ radys quodammodo illuminari appetit, tantæque diligentia affectat. Non inuideo illi bonam hanc inclinationem; sed commendo, inquam, potius, Ac postea; Non dubio profectò, quin meliora, & profundiora longe in memoriali Gassendi arca delitescant; sed non vult ea (meliori nimirum prudentia Gassendi Epistolæ.

frctus, quàm est illa Fluddi) Mundo ruidiori propalare. Vulgaria nimirum publicare gessit, quoniam Mundana Mundanis optime arriudent, at arcaniora, & magis ardua quippe Mundanis idè exosa, quod capium ipsorum superent, sibi ipsi sapienter reseruat. Quod ipsum si ego ab initio fecissem, non persequerentur me iam nunc Mundani tantis iniurijs. Vnus locus est, in quo bilem continere non potuit, nempe cum respondendum fuit ad ea verba, in quibus sanè acum profundius infixeram. Dixeram enim, quod ipse refert; Ecce cum Fluddus in *Roseos Fratres tam bonè animatus fuerit; cum semel, iterum, tertioque Apologiam pro ipsis scripserit, cum non modo vito illis clandestina vouerit, sed palam etiam, & aperta voce vt Bahal, Bahal inclamauerit, cum adfuturos sibi vt Deos è machina sperauerit, cumque ex his proficere nihil omnino potuerit (scilicet illis adeò beatis non vacauit sic diuertere) nihilominus ipsorum aduentum, ac per ipsos restaurationem huius temporibus faciendam tanti putauit esse momenti, vt sicut Christo olim nascente, nouum Sidus exortum est: ita Fratribus iamni diuersis, dua ille Stella, Altera in Cygno, Altera in Serpentario recenter apparuerint. Hac verò ille sic excipit: Intellegat cachinnus ouans ac iurgens Gassendus Fluddum vicinamque prouocatum, irritatumque, pacificum tamen esse, & persicilè posse istiusmodi à viro mundano, glorioso, atque Thrasanico profecta stomachata, ac irrisiones ferre. Et postea, Mea autem inuocatio, cum non more Gassendiano sue Papiistice ad mortales vel Sanctos per imagines pictas, & ex lapidibus atque lignis sculptas seu manufactas, sed ad ipsum Deum vinum dirigatur: ille ipse cum ad Sanctos suos coram Idolis ab hominibus sculptis & deauratis genua flectens, vt Bahal Bahal inclamaret; Confidat in Hostia, & vino, seu Mistra sua facta, & infusa. Cæterum sat scio etiam ipsum Gassendum tanta rerum cognoscendarum curiositate esse captum, vt audito Fratrum R.C. virtutum rumore, & intellectis ipsis, quæ de Naturæ miraculis ab ipsis in eorum fama, & confessione publicata erant; mox egregius in ipsis mente appetitus, & sitis plusquam Tamræa, res ab ipsis editas intelligendi, atque addiscendi exarserit: sed mens ipsius superba impedimento fuit, quominus sese illis submitteret, & sic, more hypocritarum, aliud coram hominibus professus est, aliud verò in corde habuit. Ac rursus, Qua in re obsecro, adeò excellens est An-ne quicquam in libello ipsius aduersus Aristotelem emissum est, quod omnia ingenia humana superet? Nem hic solus Daphnis in suis hinc usque ad Sidera notus? An-ne obseruationes ipsius Celestes adeò raræ, vt etiam à sapientissimis adorentur? Num denique Exercitationes ipsius in Philosophiam Fluddianam adeò magnifica, ac miranda, vt easdem tam gloriosa conclusione (Jamme scilicet philantia iudicio) finiret, & ante victoriam, quasi triumphum caneret, vendicaretque sibi palmam, ingenitans illud, Io Pæan? Io Pæan? Sed intelligat velim Gassendus*



*cum toto Orbe Christiano eruditione prädito, illius in scripti sui præcedentibus modestiam atque moralitatem calami mei rigorem, atque acrimoniam compesuisse, & hucusque temperasse: At si in posterum me somnatus premere tentaret; sentiet ipse, & reliqua sua pluma aues, qui Vir sem. Abstini enim battens ab examine libelli sui adversus Aristotelem, item ab inquisitione observationum ipsius Celestium; sed si me porro incitarit, ostendam, &c. Ita ex libro fusiis, quam mihi proposueram; sed ideo ago, quia hæc sunt, quæ quantum conicio desideras nosse. Agnosce verò, quàm id ingenuè; puderet quippe ad alium ea præsertim conscribere, quæ sunt in mei commendationem, sed tecum nimirum, quasi cum me ipso.*

Quod superest, an putas Fluddum eiusmodi Clavem suæ Philosophiæ, Alchymiaque tradidisse, quæ utramvis aperire seu intelligere liceat? nihil sanè minus; Quia semper, quod abundè conieceramus, obscurum per obscurius. Ac pernegat quidem me penetravisse in diuina suæ Philosophiæ, Alchymiaque mysteria. Ego verò cum id non profitear, non video tamen quorsum dissuadeam, quin ea sit illius mens, quam sum mihi visus primùm detexisse. Certè cum ad alia respondeat, quæ ponderis magni non sunt; in tacta tamen præterit ea, quæ præcipui erant momenti. Quippe Merfennus, exempli gratiā, monueram, ut illum vrgeret, *An nomine Christi, Messia, Servatoris, &c. intelligeret non Aetheream illam, seu quintam suam substantiam; sed Hominem illum verum, ac specialem, cuius natura à Verbo Divina, ante annos mille sexcentisque, & non prius assumpta est, qui natus est ex vera, & non metaphorice dicta Muliere, at Virgine; qui in forma verè humana cum hominibus conversatus est; & anno ætatis 34. sub Pontio Pilato cruci est adactus, in ea mortuus, ac postea suscitatus, &c.* Enimverò quia diserte hæc respondere cogeretur, & non ambages quærere; ideo obmutescere maluit, quam aut sese prodere, aut amphibologicè loqui. Non ita sanè circa id, quod obtestatus conscientiam fueram, num alia via non peruenisset, quàm Geomantica in notitiam eius verruca, quam sub sinistra palpebra amasæ sui contubernalis exstare diuinaverat. Nam ad hoc respondens: *Quod scripsit, inquit, verum est, atque ex animo Deum testor, me solum Geomantia ope, atque rudimentis hoc perfecisse.* Occasione porro Artis diuinatricis, quam proficitur, rem ecce lepidissimam. Proposuerat illi Merfennus in suis Commentariis Amici cuiusdam Theodidacti manus, iussoratque illum pronunciare de ipsius indole; minatus, ni vera referret, fore ut ille egregiè errores eius exciperet. Fluddus verò cum iam responderet, caput scribit, in quo contendit me esse illum Theodidactum, cuius ex manus fuerint. At ego, cum Merfennus illa Commentaria edidit, neque virum nòram, neque ipsi adhuc innotueram; adeo ut saltem ex hoc capite Fluddus factus sit Pseudomantes. Prætereo, ut non missitanter in eadem perisset senten-

tia, quòd Anima hominis non creetur ex nihilo, sed ex Divina substantia (ut & cætera formæ, subducatur) quòd Causæ Secundæ per se nihil agant, & consequenter nullæ sint, Deus verò solus omnis in creaturis operationes eliciat, & id genus cætera, quibus quid ego obiecerim, quid ille responderit, quid regerere valeam, non vacat iam commemorare. Id fortassis cum fœnore tum vt præmonui, præstabitur, cum Frisij responsio venerit in manus. Verbum addam ad illustrem, doctumque illum Claramontium; tu cum illi reddes, aut reddi curabis, quidquid deest, fac suppleas. Mitto ad te duos libellos, alterum Schickardi, alterum Hortensij, quos meo attexas Mercurio. Prohibet breui integrum Schickardi de eo Volumen, Exemplum nactus cum fuero, tecum etiam communicabo. Vale interea, & me porro ut pridem facis, amare perge. Scribebam Aquis-Sextiis vi. Eid. Septemb. an. fal. m. dc. x. xiv.

*Dolet illustris Fabricius temporis satis sibi non esse, ut quas destinavit ad te literas hac occasione dare non possit. Salutat te interea eo, quo nòsti illum erga te affectu; ac recipit se brevi, hoc est, per Lugdunensem Veredarium iacturam hanc compensaturum. Vale iterum.*

### Excellentissimo Equiti SCIPIONI CLARAMONTIO,

PETRVS GASSENDVS S.

**Q**uæ Vantum tibi debeam, Clarissime Vir, nec sine ingenti affectu, nec sine immenso pudore cominorare potis sum. Debeo enim gratiam ob summum honorem, quo me cumulatum voluisti, dum literis Naudæi nostri illos tua manu apposuisti versus, qui mihi plusquam aurei sunt. Debeo & multam ob negligentiam, haud dubiè incredibilem, quæ per tot menses distuli gratitudinis testationem. An debeo mihi illud de tua humanitate polliceri, ut boni consultius sis penitentiam hanc adeo feram? Non debeo sanè, si me attendam; debeo si te respiciam. Ego quippe priorem gratiam meritis planè non fueram; hanc posteriorem etiam demereor: At tu, qui bonus exististi incogitantem deuiniciens, non potes non optimum te, supplicem complexus præstare. Agnoscenti ergo ignosce, & sic habe me, segnem licet, non fuisse tamen immemorem insignis illius fauoris, quo me dignatus es prosequi. Ipse te potius prior ambire, & compellare debueram; quo ergo loco mihi habendum, quòd tu præoccupaveris? Sed præclarus nempe Naudæus se proxenetam interpofuit; nescio an ratum, an irritum id habere debeam, quod ab ipso gestum. Nam cessit quidem in rem meam, quod & me tibi cognitum, & te mihi amicum fecit: At rem egit præter decorum, cum te virum adeo illustrem eo demitti passus est, & me imparem

imparem reddidit, qui dignam gratiam viqueam reponam. Vt cumque egit, & te illi, & me tibi sic debeo, vt in illo nihil non agnoscam antiquo affectui consentaneum; in te bonitatem vt promptissimam, sic profusissimam experiar. Nihil superest, nisi vt me talem erga te imposterum habeam, qui nihil officij, si quomodoque præstandum fuerit, præteream: Tu verò is esse, qui iam ocepisti, hoc est, mei amans imposterum pergas. Vale, Aquis-Sextiis v. l. Eid. Septemb. M. DC. XXXIV.

Cum illustri ille Fabricius, de quo non potest Naudæus noster non conseruisse tecum sermones, resciret me dare ad te literas; postulauit salutem tibi nomine quoque suo dici; ita te etiam suscit, & eruditionem, virtutemque tuam, vt est omnium Literatorum fauor eximius, veneratur.

*Viro Clarissimo, Amicissimoque IOANNI BAPTISTÆ MORINO, Doctori Medico, & in Inçlyta Parisiensium Academia Regio Matheseos Professori,*

PETRVS GASSENDVS S.

**P** Ellegi tuum, mi MORINE, de Longitudinibus librum. Cum sit verò, quod gratuler, tam præclarum opus abs te exantlatum; est tamen quod condoleam subesse tibi quod conqueraris. Quid facias tamen, cum ea sit humanitatis conditio, vt nisi ex spinis non decerpas rosas? Stupendum foret, si pro votis singula tibi contigissent; neque parui ducere debes, quod multa probè successerint. Est etiam fortassis, cur pietas tua rem totam sic interpretetur, vt hac ratione Optimus Deus gestientem lætitiā compescuerit. Equis scit enim, an non fortassis elatus fuisses nimium; nisi hæc temperandi tibi subnata fuisset occasio? Vt cumque se res habeat; edotus esse, profectò debes ea, qua iam ætate es, nihil te pati non humanum. Porro quod deposcis abs me, vt in tua causa arbiter seudeam, vide a quo, aut quid deposcas. Nam ego quidem longè absum ab ea seu eruditione, seu experientia, quæ ad hoc negotium necessaria est, & quamvis esset quidpiam in me, quo possem vtrumque gloriari; is sum tamen, qui solem mihi met ipsi diffidere, & a ferendo iudicio de rebus, quæ videntur etiam perspectissimæ, abstinere. Cum tu etiam celebres Viros ex Iudicibus effeceris reos; qua fronte ego, qui neque tecum, neque cum illis sum comparandus, cognoscere ausum, vel dirimere tantos inter Viros contestatam licem? Sanè, cum illi, saltem Mydorgius, Bulengerius, Belgrandius tum cogniti mihi, amique sint, tum habiti semper vt præcipua quadam lumina Mathematicarum; exoptandum mihi potius, & procurandum, si fieri possit, vt coætis rursus in gratiam, quam vt in dies exasperari vestrum animos vel videam, vel feram. Quid, quod ipse quoque meum iudicium, vel eo nomine

*Gassendi Epistola.*

feci suspectum, quoddam me in hocce tuo libro, & amicum tuum (vti sum tuerà) declareris, & commendatione toties repetitâ, ampliùs quàm decebat, exornaueris? An non mutuam scabere videat, si cum applausu accinuerò, vel admittere facinus indignum, si refragatus fuero? Aut ergo mihi potius tacendum, quod ipse tamen non experis; aut boni debes consulere, vt planè reculem Iudicis personam:

Itaque vt & morem geram, &c.

*Hæc literas non absolui, quia iudicium interponendo posse me placere non sensi.*

*Admodum Reuerendo, ac Optimo Patri THOMÆ CAMPANELLE,*

PETRVS GASSENDVS S.

**I**lliud ægrè feres, vt opinor, factum me conscium tui aduentus. Nouit Illustris noster Fabricius, cui committeret, cum mihi commisit. Commisit videlicet viro continentissimo Arcani, & obseruantissimo tui. Quem putas verò ex tota Gallia accessum tuum cumulatione cum voluptate, accepturum? Maxima certè fuit exultatio, quate felicitate adlapsus ad oras nostras comperi, ac me continere non potui, quin fausta omnia apprecatus, id maturè significarim. Id insignis istius meæ felicitatis sensus exigit, qua tamdiu in hac tum Provincia, tum Ciuitate detineor; donec te tandem contueri, complecti, & alloqui possim. Accede ergo ad nostrum decus, ac me apud ipsum diuersantem, teque expectantem comperies. Vale. Aquis-Sextiis, ex Fabricianis adibus III. Kalendas Nouembriis, M. DC. XXXIV.

*Clarissimo Carissimoque Viro D. VVILHELMO SCHICKARDO, in Tubingensi Academia Linguae Sanctæ, & Astronomia Professori Celebratissimo,*

PETRVS GASSENDVS S.

**N**unus ferè est, Optime SCHICKARDE, ex quo nullas dedi ad te literas. An verò mihi sperandum fuit, vt pertingere ad te vllæ possent in hac tanta rerum Germaniæ, VVirtembergæ, Tubingæ tuæ perturbatione? Haud ampliùs certè, quam mihi spondeo fore, vt ad te istæ penetrrent; adeò omnia adhuc sunt turbatum plena. Enimverò fortunæ nostræ, Amicorumque optimorum Luillerij, Diodati, Berneggeri committendum aliquid est; quoniam non omnia interciderunt, quæ sunt illorum interuentu vltro citroque tradita. Quin etiam ingenti deputandum lucro, si facta, vel semel iniqua non sint, vt propterea nos pigere

G 2 non

non debeat operæ in Epistolis perituris frustra consumptæ. Animos sanè adiicit, quòd quæ tu mihi circa obseruatam Lunæ Eclipsin nuperam communicata volueras, ad me vsque peruenierint, vitinam verò ad te vsque mala illa non peruenissent, quæ ex iisdem literis intelligere licuit, ac displicuit? Quamquam qui vociterunt mala, quæ tu pro constantia tua singulari, habueris veluti quædam exercitamenta virtutis rerum bonarum bonarum maximæ? Scilicet, vt Vir Sapiens, conditionem nôras rerum humanarum, eaque in boni sola duxeras, quæ abs te eripere nulla fortunæ iniquitas posset. Et durum quidem grassante lue, Coniuge iam, ac liberis orbem, obiectam statim habere Patriam nefandissimis hostibus, qui Matrem, Patrum, Sororèmq; immaniter confoderint; verum quòd fuere tela graviora, eò commendatior factus es, quòd non propterea illis succubisti, sed perstitisti eadem semper fortitudine animi. Id præstitisti, vt cognosceremus non esse inermem virtutem, aut sapientiam inane nomen; effectistiq; vt æuum nostrum gloriarî possit Philosopho, quem Seneca, si viueret, cum Stilpone illo suo copularet. Nos saltem felices, quòd ipse incolumis euaseris, ac eminentiâ tuæ virtutis deuiceris ipsos victores? Sed nempe hoc bonarum Artium felicitati debebatur, vt illi Marcello feceliores essent, tæque sospitem in ea tanta fruge reperirent, ac tuerentur. Viue igitur, Vir Præclare, & animo illo infractò benè mereri de literis perge.

Ego, quod te videam ob malignos casus rerum Cælestium, ac Diuinarum non intermisisse curam, suppeditare ecce pergo, si quid cælitus obseruauis, vnde tua illa studia, adiutentur. Et postulare quidem tuæ circa memoratam Eclipsin obseruationis occasio, vt quam circa eandem peregi, initio statim reponerem, verum quia expectas præsertim quidquid circa Mercurium à Septembri mense superioris anni obseruatam à me est; ea propter inde auspicor; memor me idem literis superioribus præstitisse. Porro, quia nimis prolixum foret obseruationibus matutinis vespertinas attexere, quas per eandem tempora habui, aut vespertinis matutinas; idcirco ea solim appono, quæ vnà cum ☿ seu manè, seu vespere obseruata exstiterint. Describo autem semper omnia, vt in Commentarios relata comperio.

Anno 1634. mense Septembri, die 18. Stylo nouo: Manè, Aquis-Sextiis in Fabricianis ædibus. Respergebantur toto Cælo, &c. *Vt in Commentarijs, ad vsque diem 19. Octobris inclusuè.*

Anno eodem 1634. die Nouembri 4. ☿ præter seu supra ☉ &c. *Vt in Commentarijs.*

Anno eodem 1634. mense Decembri die 12. Vespertina, &c. *Vt in Commentarijs, ad vsque diem 23. inclusuè.*

Anno 1635. mense Ianuario, die 16. mane, Aquis-Sextiis, &c. *Vt in Commentarijs, ad vsque diem 7. Februarij inclusuè.*

Habes hætenus, mi SCHIKARDE, quidquid est à me Aquis-Sextiis circa ☿ obseruatum. Repetij lareis post-modum, à quibus toto abfueram anno; Verum satis esse fecilem non licuit, vt sequatam ☿ post Verum Equinoctium vespertinam apparitionem potuerim inde obseruare. Notæ iam tibi querelæ meæ de intercepto nobis præmontium altitudine Horizonte; præ illa certè ac nubibus, quæ satis crebra exstiterunt, quater dumtaxat Mercurium & videre & comparare cum solo Tauri oculo licuit. Id fore præseutens mandàram Agarrato apud Optimum Petrisium relicto, vt ipse ille attenderet, & detectum semel ☿ iuxta eam praxin, cuius mihi fuerat adiutor, obseruaret. Ac egit sanè ille, quod potuit, eamque adiuturus heic, quæ obseruata ad me transmissit: At, quia schedas eius retexens, haud eam reperio, quæ continere obseruationes Aprileis debuit; eapropter iteratò scribo, vt eas quam-primum communicet, quòd possim saltem ad calcem harum literarum attexere vnà cum singulari illa, quam se mense Iulio peregrisse scripsit circa ☿ matutinum. Dum expecto, ecce interea quid obseruatum mihi sit.

Anno hoc eodem 1635. mense Aprili, die 3. Vesperti, Dinix, Cum flaret Corus, sed satis leuis, Disstiterunt inter se ☿ & Aldebaram 3000. 1935. hoc est 33. grad. min. 3. 1/2. Fuit altitudo ☿ grad. 12. ac statim post pedis Orionis grad. 25. ac proinde hora 4. min. 16. Sirius & Lucida ped. II 3000. 2920. hoc est grad. 32. min. 58. 1/2. deb. grad. 33. min. 1/2.

Die 4. sequente, Vesperti, distiterunt ☿ & Aldebaram 3000. 2701. hoc est 31. grad. min. 49. Fuit Altitudo ☿ grad. 11. min. 50. ped. Orionis grad. 24. min. 15. Sirius & Lucida ped. II 3000. 2920. hoc est grad. 32. min. 58. 1/2. vt die superiori.

Die 6. sequente vesperti (scilicet die superiori induxerat Africus nubes) distiterunt ☿ & Aldebaram 3500. 1831. hoc est grad. 29. min. 40. Fuit altitudo proximè eadem quæ heri, Sirius, & Lucida ped. II 3500. 2432. hoc est grad. 32. min. 57. 1/2.


Die 8. sequente vesperti, Africo obtrubante Cælum, sed non quantum die superiore, distiterunt inter se ☿ ægrè conspicuus, & Aldebaram 3500. 1515. hoc est grad. 27. min. 54. 1/2. Fuit altitudo ☿ grad. 12. ped. Orionis grad. 20. 1/2. Sirius, & humerus dexter Orionis ægrè visi 3500. 1340. hoc est grad. 26. min. 55. 1/2. deb. grad. 26. min. 58.

Hicce de ☿ præmissis, tempus est exscribam, quæ obseruata abs me sunt circa Eclipsin nuperam Lunæ. Et fortè quidem iam habuisti, quæ per Diodotum ab ipsa statim obseruatione ad te transmissi; verum quia non tædet laboris in tui gratiam iterati; & rem vberiùs in Commentariis quam tunc scripserim expositam habeo; idcirco ista elicio.

Anno 1635. mense Martio, die 3. Vesperti, Aquis-Sextiis, Eclipsis Lunæ. Flauit Corus, ac cæpit nubeis ab hora vix matutina circiter quarta discutere, rariorque  
fons



solum transtulit ab hora circiter octava. Cæterum ea fuit venti vehementia, vt vehementiorem non meminerim, & cum serenitatis spem pro Eclipses obseruatione pene indubiam fecerit, fecerit tamen dubium, exequi-ne quædam ex iis, quæ destinaram, foret passurus. Sanè cum à Meridie procurarem apponi lintea, quibus vis eius reprimeretur, mirum quantæ collectatione contra nitendum fuerit, vt paucula consistenter, nec disrupta pessumdarentur, &c. *Vt in Commentarijs.*



Ipsè, quia malus sum Pictor, exhibeo heic tibi dumtaxat nudum circulum, quem si periphetiam intelligas Lunæ A erit punctum Inij Eclipses, B Immerisionis, C Emerisionis, D Finis. Addo punctum D, fuisse è regione Caspiæ illius maculæ, seu tantillum supra eius medium; B paullo supra medium Pedis maioris illius Homuncionis; C vix quicquam supra aliam maculam quasi oppositam, & æqualem Caspiæ, & ad leuam Umbilici, A denique sensibilibet supra aliam longè minorem, marginisque valde vicinam. Addo iterum ex meis Picturis colligi ab A in C gradus Lunaris circumferentiæ 25. à C in B 142. à B in D 30. à D in A 161. Redeo ad Commentarios.

Restat vt ex varia, &c. *Vt in Commentarijs.*

Exscribo hucusque Optime Virorum, quæcumque circa hanc Eclipsin, etiam ex tua obseruatione in Commentarios inserui. Atque verò, vnde nuper exultare contigerit. Conquebam reliquis antiquarum Obseruationum, quas transferam in Codicem, cum inter schedas insperatas occurrat illa, in qua Lunaris Eclipsis superioris anni primariò hoc est cum re ipsa obseruaretur, descripta fuerit. Peruestigauì illicò num quidpiam adnotatum foret, vnde momenta, quæ nos torserunt, corrigi possent, vel confirmari. Ecce autem post obseruatam Abdebaræ altitudinem 6900. seu 34. grad. 36. min. hoc est hora 8. min. 22. cum defectus creescens foret Digitorum  $6\frac{1}{2}$  reperi hac Stella nube occultata & priusquam retergeretur, foretque alta 6780. seu 34. grad. 8. min. hoc est hora 8. min. 25. cum defectus foret digitorum 7. Reperi, inquam, altitudinem mediæ trium Balchei Orionis obseruatam fuisse 6050. *Gassendi Epistola.*

seu 31. grad. 10. min. Igitur magna aniditate subducere calculos cœpi, vt viderem, num inde tempus exhiberetur cæteris vel consonum, vel discrepans. Porro quia exhibitam vidi horam 8. min. 25. adeò vt vnus aut alterius ad summum minuti foret discrepantia; idcirco haud malè ominatus sum de tota illa serie temporum ex Aldebaram deductorum; hæcque occasio, vt verum fatear, torporem meum excitauit, vt ad te tandem scriberem, id ipsūque significarem. Expendes proinde, quid torum hoc sit, vt iteratò, scilicet error delitecat, subdoreris. Dum hæc scribo (res planè mira!) redduntur mihi literæ à præclaro illo, & sagacissimo Viro VVendelino, in quibus inuenio quam obseruationem imperæ Eclipses peregit Herææ Louanium, vt puto, & Leodium inter. Lego autem Initium Eclipses illic conigiisse hora 6. min. 52 $\frac{1}{2}$ . Immerisionem horâ 7. min. 57 $\frac{1}{2}$ . Emerisionem horâ 9. min. 38 $\frac{1}{2}$ . Repletionem horâ 10. min. 43 $\frac{1}{2}$ . Vt Medium fuerit horâ 8. min. 48. Mitto quàm præclarè Obseruatio ista cum Aqueis nostra consentiat, indicatâ Meridianos inter differentiâ tam ex Initio, quàm ex Fine minutis 5 $\frac{1}{2}$ . Cum aliunde ex Medio eliciantur minuta 5. ex Emerisione min. 6. Vnica Immerisio differentiâ solum minutorum duorum indicat, quod vtri imputandum dicere non possum. Suspicio quidem non fuisse illum inter obseruandum vsum Telescopio; sed cum istud ad coitionem Meridianorum faceret, idem argueretur in cæteris punctis. Vt cumque sit, vides profectò ex collata etiam hac obseruatione cum tua, quàm nimium tuus Meridianus in Geographorum Tabulis à nostris hîc abducatur.

Haecenus porro de Eclipsi. Exspectas iam aliquot Lunæ ad Fixas appulsus conscribam; verum hoc anno adeò facilem, ac superiore esse non licuit. Certè quos me obseruaturum ad Pleiadas receperam, nubes penitus obuclauerunt, nisi quodd nocte illa inter 15. & 16. Augusti, anni superioris, factò semel hiatulo, ac iam superatis à Pleiadiibus, interuideret Lunam potui à Lucida Pleiadum distantem secundum lineam *dyptopides* 1685. 1398. hoc est 1. grad. min. 36 $\frac{1}{2}$ . Idque, cum Luna alta foret superiore culspide 22. grad. 35. min. Erat ipsi Stella ad dextram, & situ quidem superior, quasi tota Diametro. Obiter autem dixi lineam *dyptopides*, non centrum; licet ea per centrum agi videretur, quodd perpendicularis ex Stella non in centrum calura; sed in partem lineæ illius Borealem visa fuerit. Nec verò nubes solum crassa fecere negotium tota ea nocte, quæ sequuta est diem 5. Nouembris; sed tenues etiam aliquæ iunctæ claritati Auroræ Pleiadas fecerunt penitus iniussas, die 10. mensis huius manè. Sic frustra planè aduigilatum circa Australem frontis Sagittarii, & die Ianuarij 14. & die 9. Martij, de quibus Keplerus admonerat. Sed ne causeris nimiam huius anni sterilitatem, En adhuc præter monita, treis appulsus sapis insignis.

Anno superiori 1634. die Aug. 3. Vesperti, loca imprimis Veneris, Martis, Saturni, & Lunæ

Lunæ adnotata. Expectato postmodum, &c.  
*Vt in Commentariis.*

Anno eodem mense Septembri, die 12. manè, Appulsus Lunæ ad Pleiadas, &c. *Vt in Commentariis.*

Anno hoc 1635. Mense Maio, die 30. Vesperis, Dinix. Cùm ad Lunam attenderem, &c.  
*Vt in Commentariis.*

Gratum nunc, opinor, habebis, si commistam referam Lunam concursibus illis trium Planetarum Saturni, Martis, Veneris, qui debuerunt multis sub finem Octobris superioris esse conspiciui. Itaque, ne hoc etiam loco circa matutinas Observationes immorer, vespertinas ita exscribo.

Anno 1634. Mense Octobris, Die 24. Vesperis, Aquis-Sextiis, Nubibus superstitibus, &c. *Vt in Commentariis ad vsque diem 3. Novembris inclusivè.*

Hæc me admonent, vt exscribam quod observare licuit die 24. sequente eiusdem mensis Novembris, Cum iam ♀ posset Observari interdiu. Id sic habet. Occurrens fortè (& in conspectum, sub hor. 2. à meridie, &c. *Vt in Commentariis.*

An adiangam etiam vnam, alteram-ve Observationem de ♀ cum ipso ☉ comparata? adiangam sanè, ac simul etiam observata contemporanea, vt de ♀ loco certior fias. Itaque Anno hoc 1635. Mense Februario, die 3. Vesperis, splendore ☉ satis refo, distiterunt inter se, margine superiore ☉ existente alto, &c. *Vt in Commentariis.*

Die 5. sequente, Vesperis, distiterunt inter se (& inter rimas quidem nubium) ☉, &c. *Vt in Commentariis.*

Extrema dies, qua hæc vice ♀ ad Occasum vidi, fuit 17. huius mensis. An videri etiam potuisset diebus consequentibus, nisi nubes obstitissent, incertum. Telescopio apparebat adhuc, quasi falx (☿ trium dierum, sine Telescopio quasi nubecula, minimèque rotunda, &c. *Vt in Commentariis.*

Die 28. sequente manè apparuit ♀ inter nubes adeò magna, ac splendida, vt videri haud dubiè potuisse à quatuor aut quinque diebus superioribus indicata fuerit, nisi nubes obstitissent. Cùm nubes non permisissent illam cum ☉ comparare, expectavi deinceps donec ☉ ex Horizonte ac nube, quæ ipsi incumberebat, emergente, distiterunt. ☉ orà occidua, &c. *Vt in Commentariis.*

Die sequenti, ac primo Martij, distiterunt inter se, Cælo satis pulcro, & Aurorà iam clarà ♀, &c. *Vt in Commentariis.*

Die 9. sequenti manè (nimirum diebus superioribus non licuerat propter nubes) distiterunt ♀, & inferior, &c. *Vt in Commentariis.*

Verùm mi SCHICKARDE, modum tandem facio; cùm innumera prope alia, communicanda suppetere. Nimirum hæc scribo è lecto, in quo me condyloma quoddam ab aliquot diebus ita detinet, vt si velim citò, ac planè curari abstinere ab hisce lubear. Probro etiam veritur mihi, quòd die 10. Mensis huius vim mihi quandam fecerim nimiam, ad observandum transitum Lunæ supra Pleia-

das ante memoratum. Sed ego levia hæc omnia duco; nihil non sperans ex tenui victu, quem hac occasione tenuiorem adhuc solito instituo. Vtunque sit, obtemperabo Amicis tantisper; addamque heic solum vt liberem fidem, quas accepi proximis diebus ab Agarrato Observationes. Exscribo illas, quales sunt, sed censurà adhiberè quatenus coniectura iuvat.

Anno 1635. Mense Martio, die 23. Vesperis, Aquis-Sextiis. Detectus est ☿ altus duorum circiter graduum, sed observare comparando cum Stellis Fixis non licuit, &c. *Vt in Commentariis ad vsque diem 15. Aprilis inclusivè.*

Agnosco has Observationes, vt sunt à me recensitæ fortè tibi haud iniucundas. Quod ad matutinā Mensis Iunij spectat et si per delusum aliquot iam annis penè mihi persuaeram ☿ quoque nuper versantem in ☿, ac in ♀ futurum manè inconspicuum. Hortatus tamen fueram Agarratum, vt ad illum attenderet, si fortè vspiam compareret, & crederet quidem comparuisse die Maij 29. Sed vt optimus Fabricius perscripsit, Lucida Arietis, non ☿ fuerat. Errore detecto attendit vterius, estque opinatus se illum tandem detexisse die sequentis Iunij 2. & cùm tam ipse ☿ quàm Lucida Arietis apparerent ægerimè, adnotavit vtrūque distare ☿ & Lucidam ♀ 2900. 1065. hoc est 12. gr. 15. min. adiciens statim futuram fuisse ex horologio Vrbico horam quartam cum quadrante. Nihil tale potuit deinceps ob nubes dierum sequentium seu videre, seu observare; & cùm admonuissim, vt attenderet, num fortè pro ☿ aut caput Medusæ, aut mandibulam Ceræ aut aliam Fixam vstrupauisset, rescripsit sese rem explorasse, memorem situs eiuscæ Stellæ; ac peruidisse illam haud dubiè exstitisse Mercurium; Ipse adhuc anceps, imò penè certus, non exstitisse, nihil desinio.

Atque heic demùm finis esto. Propero, vt possit Amicus crastinā luce discessurus literas deferre ad Fabricium, ac pro incredibili erga nos affectu, & sollicitudine, transmitti ad te procurabit. Quæso te, si & Lanzius noster euasit incolumis (quod omnibus expeto votis) salutem dicas meo nomine cum gratulatione ingenti. Tu verò Vale, & me porrò ama. Dinix xvi. Kal. Aug. an. m. d. c. xxxv.

## E I D E M.

**N**E traham ampliùs tam longas moras, SCHICKARDE Amicissime, mitto ecce Observationes, quas ante mensem in hac vrbe circa ☿ habui, & quam-primum quidem nanciscor, quas penes optimum Fabricium eodem tempore peregit Agarratus ille, de quo iam aute. Nempe illas attexi meis volui, vt vberius tibi satisfaceret vnde supplere, probare, emendare posses. Faxit Deus modò, vt literæ meæ ad tuas vsque, per hanc bellorum confusionem, perueniant manus. Occipio à die, quæ præcessit apparitionem ☿, de qua sic lego in Commentariis. Anno 1635. Mense Septem

Septembri, die 11. Stylo nouo, manè, Dinia.  
Quid & per hoc dies exorturus speraretur,  
&c. ad usque diem 2. Octobris inclusiue; ad-  
scriptum è regione Observationibus matutinis,  
Aqua-Sextius habitis, à die 12. in 25. Septem-  
bri inclusiue, prout illas in Commentarijs  
afferno. &c.

Ibiam dum scribo; accipio ecce, Virum Opi-  
um peste interisse.

PETRVS GASSENDVS  
MERSENNO Suo, S.

**N**Œ Cæpi nudiustertius vno codemque fa-  
sciculo tuis illas tuas literas superiori  
mente perscriptas, quibus interpellas exi-  
mium Fabricium, vt abs me eliciat, quid seu-  
tiam de Quæstione singulari à docto Viro  
proposita. Virum sit aliqua demonstratio per-  
fectæ Logica, perfectæ Mathematica, perfectæ  
sensibilis, qua probeatur dari magnitudinem la-  
titudinis non expertem, quæ aliquando, & ali-  
cubi sit in puncto vere Mathematico, & cuius  
puncti nulla sint partes, & tamen in eodem ipsa  
habeat partes extra partes? Ipse pellubenter  
depolcerem tempus ad Quæstionis meditatio-  
nem, quòd heri præsertim tota pœne die in-  
teresse me, aut etiam præseesse Sacris oportuerit,  
nec poterim huc intendere mentem, ve-  
tium quia tu tantopere vrges, & præsto est  
occafio rescribendi Aquas-Sextias ad illustrem  
Fabricium; calamus ecce artipio, & con-  
scribo raptim, quod ille ad te veredatio pro-  
ximo mittat.

Initio potè mirabere, si rogatus senten-  
tiam dicere, aperuero nullam: Sed excusatio  
mihi in promptu, quòd quæstionem non asse-  
quat, dum qua de magnitudineca instituat,ur,  
non facis capio. Profectò, si præclarus Vir exi-  
geret, nim certa quedam, & explicata ma-  
gnitudo probari demonstrando possit in puncto  
existere, haud refugerem explorare, de-  
clarareque sententiam; nunc autem labor,  
quem ille fecit in coniectando potius, quàm  
in demonstrando versatur; & mihi quidem  
non tam de re, quàm de eius mente est addu-  
bitatio. Quid verò, inquires, Potest-ne illi ma-  
gnitudo alia, quàm corporea, sensibilisque,  
& vna, vel plures trium vulgò dictarum di-  
mensionum intelligi, comparata cum illo  
puncto, quod ab Euclide est definitum? Po-  
test, mi MERSENNE, quantum suspicor;  
quando & quæsitum videtur non posse di-  
mensionibus, punctisque vulgaris quadrate;  
& vir præclarus innuit posse ex eius resolu-  
tione accipere lucem tum Chiasmum Plato-  
nicum, tum aliqua id genus alia.

At quorūm videtur vulgaribus hisce di-  
mensionibus non quadrare? Primum, quia  
longitudinem seu lineam perspicuè excludit;  
scilicet proponit magnitudinem latitudinis  
non expertem; neque opinandum est virum,  
cui garrulitas est exosa, *καταφαντικῶς* loqui  
velle, censendo latitudinem illam in longum  
exportectionem. Sic etiam non cadit in men-  
tem Virum solertem, ac serium intelligere

seu hanc primam, seu dimensiones ceteras,  
esse aliquando, siue in momento, quod est  
punctum temporis, & pari iure durationem,  
seu magnitudinem temporaneam, si corporum  
affectio sit attribui posse tam lineæ, quam di-  
mensionum aliarum punctis. Quippe hæc  
sunt nimis *ἐνεργῆς*, & ad Sophistarum nugas  
releganda. Præterco autem, nisi velit seclusam  
longitudinem, prout latitudo illam compre-  
hendit, ea tum posse obici, quæ sunt mox  
circa ipsam-met latitudinem attingenda. Sub-  
inde enim latitudo, seu dicta superficies, po-  
test-nè in puncto constitui? In quo-nam ama-  
bo? An in aliquo sui-ipsius? At præter nouam  
*κατὰ γένος*, non iam in puncto, sed in punctis  
innumerabilibus erit, & nullum tamen erit,  
in quo, sed iuxta quod partes extra partes  
constitutas habeat. An ergo in aliquo puncto  
contigui sibi corporis? At si plana quidem  
superficies contingat planam, tunc partes  
habebit non puncto vel punctis, sed partibus  
æqualibus sibi attiguis respondentibus; & quid-  
quid ipsius dicitur esse in puncto contiguo,  
nihil prorsus erit, præter eius punctum. Sia  
autem plana Sphæricam, aut Sphærica Sphæ-  
ricam tangat; tunc manifestius conuincetur  
punctum id esse, quod est in puncto; non par-  
tem vllam superfiei, quæ partes extra par-  
teis habeat; nisi ad eas recurratur, quæ non in  
puncto, sed iuxta sunt.

An fortassis ille recurrat ad Corpus Domi-  
nicum, quod, cum suis constet dimensionibus,  
ac proinde habeat magnitudinem latitudinis  
non expertem, sic coheret tamen cum spe-  
ciebus panis in Eucharistia Mystero, vt to-  
tum sit in minima parte, & in quolibet eius  
puncto? Qua occasione disputatur, & vulgò  
etiam admittitur posse totam montis sub-  
stantiam in punctum confluere, ablata ipsi  
diuinitas, seu interna partium extensione,  
quæ plerisque est quantitas; seu etiam ex-  
terna dumtaxat, quæ eisdem est illius affectio;  
adco vt partes substantia omnes, (seu *entita-  
tinae* solum, seu præterea *quantitativæ*, sic lo-  
quuntur, posueris) ritè in puncto coexistant?  
Attamen puto Virum præclarum spirare am-  
plius aliquid, quàm quod edocemur in Scho-  
lis: Vt præteream Mystherium Eucharistici  
Corporis Fide tenendum, non explorandum  
aliqua Mathematica, sensibili-ve demonst-  
ratione. Adde quòd, cum ex Fide sit, substantiam  
Sacri Corporis in speciebus reuera esse; for-  
tassis tamen non est ex eadem, quòd quantitas  
illi subiaceat, & miraculum in eo est, quòd  
Corpus ibi desituiatur propriâ magnitudine,  
sicque ne ibi quidem sit magnitudo vlla la-  
titudinis non expertis, quæ in puncto constituta  
partes extra partes tueatur. Nihil autem mor-  
andum quòd Scholastici de confluxu illo su-  
perexstruunt; quoniam arguantur de re, quæ  
nullius est existentia, & eas habet hypothe-  
sis, quas demonstratio non admittit. Iam  
ergo nisi Quæstio intelligenda esse videtur de  
magnitudine corporea, aut saltem sensibili,  
de qua-nam tandem intelligitur? Videtur  
sanè de incorporea, seu quæ sensum effugiat,  
& quæ non Inani seu Vacuo, sed naturis, quæ  
sola. Mente sunt percipibiles, conueniat.



Hoc censu ille habere potest & Deum ter-Maximum, & Intelligentias, & humanam Animam; sed Deum potissimum, qui & pluribus suffragiis incorporeus est, & ita magnus canitur, ut magnitudinis eius non sit finis. An verò etiam diceret hanc Dei magnitudinem latitudinis esse non expertem, idque non modò provt in se perfectione pollet immensa, attolliturque eminentia planè insuperabili; sed etiam provt extra se, seu veriùs, quodam cum respectu, diffusionem duplicem habet, alteram quidem secundum locum, iuxta quam Cælum, ac Terram implet, & vltra hunc Mundum infinitè parcat; alteram verò secundum tempus, iuxta quam omni ævo constat, estque initio omni superior, omni fuit vltior? An diceret etiam quæ puncta in loco, rebisque locatis, itémque in tempore sunt, eiusmodi esse, in quibus cum Mathematica sint, & nullas parteis habeant, ipsa magnitudo Diuinæ substantiæ reuerà existat, parteis sic habens extra parteis, vt illæ sint semper & vbique eadem, vel potiùs vna, & vt sic loquar, vnißima res seu substantia; quippe quæ admittatur tota in toto loco, ac tempore; & tota in qualibet parte (quod etiam proportionem quadam & de Angelis & de Animabus Rationalibus concedunt) posset dicere; verum aliò respexisse videri potest.

Et enim quid prohibet illum intelligere Animæ ex Timæo compositionem? Duas cerè illius parteis admiserunt Pythagorei, & Pythagoreos imitatus Plato; alteram *μειγνύς*, diuiduam; vt potè corpoream; cum sit quidam veluti flos, ac portio quædam purissima, tenuissimæque materiæ; alteram *εμψύχης*, planè indiuiduam, hoc est ipsam Mentem incorpoream; cum ipsa ex natura sua ab omni materiæ concrectione libera sit. Ac non memoro quidem quorūm rendat eiuscmodi contextura, seu ad explicandum quò pertineant τὸ διαιρέσις, & τὸ ἀσπόμενον, mortalia; quò τὸ ἀσπόμενον immortale; seu ad insinuandum quo vehiculo Mens, quæ sit diuinæ particula auræ transmittatur in corpora, & quæ sunt hisce consequentia. Id solum dico, quod ad rem est, Deum, cum ex mente illorum has duas natutas, alteram diuiduam, alteram indiuiduam συναρμόστω commiscuit, id effecisse, vt magnitudo latitudinis non expers, vt putà res diuidua consociaretur veluti puncto rei scilicet indiuiduæ, & hac ratione simili puncto vetè Mathematico; ac in ipso partium experte, haberet ipsa parteis suas. Certè nisi præclarus Vir hoc aut simili se explicet modo, non video quorūm respiciat. Et possum quidem toto Cælo in comminiscendo errasse: Sed hoc ipse turpe non duco, neque ægrè feram si magnæ hallucinationis conuincar; quando nec videri volo Oedipus, nec me Sphinga domi habere profiteor. Res ipsæ sunt, quas auide, quantum licet quidem scrutor, darà disco; obscura verba, quæ obtruduntur datà operà parum curo. Heinc si ridiculum me putes, quòd euagatus tam longè fuerim; vide, qui sis ipse dignandus, qui me tam impensè ad id prouocaris. Quin etiam tibi ipsi verte, si nihil lu-

cri ex tot iam verbis abs me effusus retuleris; putà quia nihil adhuc responsum ad quaestionem propositam, *Vtrum sit demonstratio qua probetur*, &c. Siquidem, ipse in causâ es, quire sollicitaueris mihi non certam, nec præfinitam, quique prouiderè debueris an-non sic excurrendum foret, vt explicaretur, si fortè aliquid occurreret, vnde ipsa de se constaret.

Vtrum, his etiam valere iussis, instigabis præterea, vt postrema expositione tanquam germana supposita, explicem quid videatur esse de demonstratione sentiendum? Si facis, rem improbam petis; cum noueris me nihil minùs, quàm demonstrationes iactare, & species tamen ipsa Quaestionis demonstrationem exigat, seu quis respondendo assumeret, seu neget. Enim-verò, vt partim tibi quædam ratione morem geram, partim meo me genio *απορρητικῶς* permittam, respondebo non demonstrando, sed addubitando solam, vt reuerà heic multa sunt, quæ hæitationem pariunt. Ac primùm quidem, quòd non percipiam quid ille vocet demonstrationem, nec quibus Principiis niti ipsam velit. Videlicet cum ratio, & efficacia demonstrationis alia sit apud Platonem, alia apud Aristotelem, alia apud Epicurum, alia apud alios; non apparet mihi quæ forma demonstrationis ipsi proberetur. Conicio solum Virum præclarum non exigere vulgarem, seu Aristotelis ipsius, qui demonstrationem depinxit, qualem proferre nullam potuit. Insinuat ipse habere se speciale quoddam organum, quo iuxta propria Placita demonstrationes contentantur. Verùm si taleis exigat, proferat ipse potiùs, neque enim æquum videtur, vt hariolem iterum, quid ille adseruet in penu. Fortè est ipsi duplex Criterium; Intellectus putà, & Sensus, quando demonstrationem poscit Logicam, & sensibilem, cum aliunde illa, quam & mediam habet, & Mathematicam appellat, sensibilis sit, propter immersionem quantitatis in materiam, & intelligibilis, propter abstractionem ab eadem. Neque verò arbitror illi demonstrationem Logicam dici, quæ tradatur in Logica, vel sit de rebus Dialécticis, nisi fortassis Logicam seu Dialécticam non Stoico sensu, aut Peripatetico, sed Platónico vsu petet. Verùm quacumque tandem ratione demonstrationem accipiat; videtur saltem demonstrationem illud vniuersè dici demonstrari, quod ita euidens sit, vt Mens planè certa de illo reddatur.

Cæterum seu compositam, seu simplicem Animam dicat, cum illam habeat, vel ex toto, vel ex parte saltem, substantiam incorpoream; non video, qui possit exinde contexti demonstrationis, seu euidens ratiocinatio, certa habenda ipsi Lyceò, quòd nihil ducit incorporeum, nisi τὸ αὐτὸ ἐν ταῖς ψυχαῖς, hoc est inseparabilem à corporibus perfectionem; aut ipsi Portici, quæ nihil nisi τὸ ἀκτὼν, seu significationem vocis; aut ipsis Hortis, qui nihil nisi τὸ κενὸν Inane putà, seu rerum locum. Neque dicas nihil curandum, quòd illi possint manifestam Veritatem abnuere: Et enim, si illa fuerit manifesta, Intellectum ad assentiendum non dico suadebit, sed coget. Quis cerè pro-

peris oculis in meridiano Sole apertis, flectere mentem valeat, vt refragetur asserenti esse tuam diem, potiusquam noctem; atqui perfecta demonstratio esse debet eiusmodi vt repugnantiam omnem excludat. Dubito rursum quorūm roget an possit de illa magnitudine esse Demonstratio perfectè Logica, perfectè Mathematica, perfectè Sensibilis (neque enim treis hæc formas cum disunctione proponit) quippe si magnitudo illa in Intellectum solum cadit, nec subiicitur Sensui, quo fieri modo poterit demonstratio sensibilis, & non quidem quomodocunque, sed sensibilis perfectè? Quomodo verò etiam erit perfectè Mathematica; cum numeri, &c. Dimensiones, & tota illa harmonia, non nisi Analogia quadam, & per translationem ipsi attribuantur? Sed & quomodo poterit Logica perfectè censerī, cum rerum purè intelligibilium nulla sit in nobis perfectè notitia? Siquidem illas non intuemur; sed negatione duntaxat rerum corporearum sic enitumur assequi, vt nihil tamen nisi fingamus, dum eas adumbratione quadam, vt possumus, concipimus. Quod si dicas posse ex rebus, quæ sunt perfectè sensibiles Intellectum meditatione perfectè Mathematica assurgere in cognitionem rerum perfectè Logicarum; & ex Principiis stabilitis demonstrationem contexere, quæ perfectè Logica sit. Attende, quæso, vt Intellectus suam illam gradationem faciat, & deprehendes euidentiā ita paulatim immitti, ut ad extremum cum venerit, vix aliqua umbra illius supersit. Et dicant eiusmodi res manifestissimas naturā. Ea certe nobis tales non sunt, verèque quod ardet ipsas, dicant habere oculos nocturnum.

Item porro dicere licet, si ille fortè sensibilem magnitudinem profiteatur. Quippe, cum ipsam alliger puncto, quod suo quodam modo incorporatum est, & sensum planè effugiens ab Intellectu solo spectatur, sequitur punctum non intuitu, sed abstractione solum cognosci, per deductionem videlicet rerum diuiduarum, & habentium parteis, quo vsque Mens eò perueniat, vt capere se quidpiam putet, quod sit & partium omnium, & diuisionis omnis expert. Non vrgeo autem, vt fieri posset, punctum reuera nihil esse, sed meram fictionem, & hypothesin, ex genere earum, quæ feliciter Mathematicis succedunt, dum ex illis ratiocinatur, cum iuratur tamen non sint, illas sic in rerum natura, vt ipsi somniant, existere. Verum hæc, & sexcenta alia longioris sunt disquisitionis. Finio Itaque, mi Merisene; cum & iam fessus scribendo sum, & *ὑπερμαρτυροῦμαι* vtgeat. Perturbatè omnia habebis, neque erit vnde satisfactum putes; sed veniam tamen non deprecor, quando quod potui, id præstiti, & in hisce quidem temporis angustiis. Tu & bene Vale, & Amicos saluta. Scribebam Dinæ postridie Kal. Nouemb. ann. DC. xxxv.

## E I D E M.

**I**gnificas tuo Epistolio, MERSENNE Iu-  
cundissime, accepisse te literas, quibus  
respondum utcumque est ad Quaestionem

præclari Viri. Nisi ille prorsus placuerint, haud me propterea pœnitet; quando nihil hac in re mihi contigit ex inopinato. Attestis ipse alias quasdam solutiones Problematis; Verum de illis dicere mei non duco esse officij. Præstamus quicquid quod possumus; atque adeo præter ius est exigere quidpiam supra viceis. Hoc solum dico circa illam, cuius ipse auctor videris, (& in quam etiam Bullidius noster, vt accipio inciderat) vix posse, quantum conicio, solertiorem excogitari. Hærescis ipse in Parabola Foco ille etiam pedem in Hyperboles Umbilico constituit: An quod Vir præclarus te admonuit pergendum esse ulterius, innuit aliquid atrendum de radiis post factam in Foco, aut Umbilico cõtionem diffusis, quod ex ipsa decussatione eliciatur notio Chiasmi illius, qui apud Timeaum? Hoc certè & ipse opinatus fueram, prescripseramque ad Fabricium (nostrum illud eximium decus) sed non curatam tamen aur tibi, aut præclaro Viro innotescere, quòd neque etiam hæc solutio vndequeque faceret satis.

Vt verò paucis rem iam declarem; resumo solum quod me ad calcem superiorum literarum attrigisse commemori. Nempe Mathematicum punctum esse meram quandam fictionem, ac hypothesin; non verò quidpiam quod reuera existere per artem aut naturam possit. Quippe, vt Marcus Tullius Oratorem nobis depingit, qualem repetias neminem; ac vt intelligamus solum, tantò fore speciarim quemque Oratorem perfectiorem, quantò propius ad eminentem illam Ideam accesserit: Ita & Mathematici puncta, ac magnitudines describunt indiuiduas, non sanè quòd tales indigent vsquam; sed vt puncta, aut lineas, aut superficies usurpaturi, intelligamus tantò congruentius attribui illis hæc nomina, quantò iis quæ de illis traduntur, definitionibus congruerint magis. Hinc quidquid de punctis, lineis, & superficiebus indiuiduis demonstratur, præclarè succedit, quando explicantur Physicis punctis, lineis ac superficiebus, quæ non exuunt vnquam rationem diuidui; demonstrationesque in istis tantò veriores efficiuntur, quantò sua tenuitate propius illis accesserint. Solent par ratione illi hypothesi statuere in rerum Cælestium doctrina, quales tamen sic se habere, vt statuunt, non asserant, Concentricos, Epicyclos, Deferentes, Æquanteis, & alia id genus; Et faciunt tamen, quòd ex ipsis calculis Mathematicis intelligatur, procedatque. Sanè cum ad eandem aliqui assumant Telluris motum, cæteri quietem, quarum opinio- num oportet falsam esse alterutram; vides ramen vt calculus ex hypothesi vtraque textatur. Quod attingo solum, vt intelligas nihil me dicere absurdum, cum puncta, lineas & superficies à Mathematicis definitas pro meris habeo hypothesibus; quæque fieri possint de rebus, quarum nulla sit existentia.

Quare & exinde peruidebis quid momenti habeant, quæ aduersus statuentes con-  
tinuum ex insectilibus componi, subtiliter argu-  
mentantur; vt fore Diagonium latere quadrati

quadrati non maius; circulos homocentricos inter se fore omnes æquales, atque id genus cætera. Dico iam punctum in quod radij seu parabolici reflexi, seu hyperbolici refracti concurrant, non fore vnquam Mathematicum punctum, sed dumtaxat Physicum; quare & in puncto partium experte nunquam fore magnitudinem partem extra partis habentem. Nam admitto quidem demonstrationem, quæ sit de radiis, seu potius Mathematicis lineis in superficiem parabolicam, hyperbolicam-ve Mathematicæ spectatam, & vt planè politam incidentibus, iidemque seu reflexione seu refractione cõiuntibus in Mathematicum punctum. At persuasum quis faciat lineas Physicas, seu radios Solares perinde cõincidere in punctum Mathematicum, & non potius coangustari in spatium, quod sensus quidem iudicat punctum; sed quod mente tamen in tot dissectari debeat particulas, quot coarctati radij capiuntur? Sanè demonstratum non est lucem esse quidpiam incorporum, & lucidum radium non esse defuxionem corpoream ex luminoso corpore; quin potius contrarium arguitur ex motu, ex restitutione, ex commistione, & aliis id genus: adè vt radius traiciatur independentè à medio, siue subiecto, quod in eo sit, corporeus ipse, imò corpus tenuissimum, gracillimumque. Quod si radius est quoddam corpus, aut saltem non sine subiecto corporeo; vides-ne vnum quidem radium in Mathematico puncto consistere posse; quippe nulla partem capacitatis est quæ corpusculo illi coæquetur. Si hoc verò sit, quantum minus esse poterunt plures radij, hoc est plura corpora; cum non modo punctum esse nequeat locus excipiendo corpori; sed ne plura quidem corpora possint per naturam consistere simul, seu coire in eundem locum? Ridebis fortè, quòd sis persuasus politissimam superficiem posse radios reicere in punctum planè indiuiduum: Verùm cogita prius nullam arte exprimi posse superficiem adè politam, vt reuerà sit cavitatem & protuberationum experta. Ad sensum quidem ita erit, & nequè oculus, neque digitus asperitatem vllam discernet; sed natura tamen semper inæqualitatem agnoscit; idque demonstratur vel ex eo quòd, nulla sit superficies, quæ non semper capiat, retineatque aliquid affusi humoris; adè tenuiter vel aqua, vel gluten vel quid simile potest in particulas minutulas diuidi, quæ & ipsæ hamulis minucioribus incident in repagula quibus cohibeantur. Et indica certè instrumentum poliens, in quo, & ex quo demonstrare asperitatem non liceat imprimendam superficiem? Esto enim lima, esto puluis; esto quod voles aliud; profectò semper efficiuntur fossulæ quædam sensum fugientes. Deinde, vt nihil dicam de Materia, nihil de artificio formæ seu parabolice, seu hyperbolice constituende; ac nihil morer difficultates planè insuperabiles, si quis velit omnia exquisitissima haberi. Dico solum admittis quoque eiusmodi formam planè exquisitam, radios qui ex illa cõiunt, nunquam cõiunt in eam confusionem, quam

erigeret punctum illud indiuiduum. Si possit quispiam mortalium præstare quicquam in hisce formis elaborandis; eximius ille est noster Mydorgius: Verum is magni, opinor, duceret, si focum, vel vmbilicum deducere potuerit ad exilitatem animalculi illius, quod Acari dicitur, vel decimæ illius partis. Sanè hoc animalculum pro puncto penè est sensui; ac illius saltem portio decima tam minuta est, & similis puncto, vt nemo sit illam amplius diuisurus. Porro cum vel relectus vnus Acari pediculus habeatur sensui, ac humanæ industriæ indiuiduus: Cogita tamen quàm sit amplior ipsa Naturæ subtilitas, quæ resolueret illam potest in miliones aliquot particularum illarum, ex quibus ipsum contextuit. Aliquot dico, nam Natura aliquò vsque tandem procedit, neque diuisionem, resolutionem-ve in infinitum molitur. Itaque esto spatium non amplius pede Acari, in quod radij confluant; cum id pari iure possit diuidi in miliones aliquot minorum adhuc spatiorum: habebunt in eo radij singuli regiones suas inconfusas; adè vt quorquot radij cõiunt habitus sint regniunculas inter se distinctas. Nimirum cum radij liberè vergentes non ita sint multi, (Paradoxia mihi causa est, quod non ex puncto quolibet superficie lucidæ diffundantur radij in quodlibet medijs punctum) illi, extruso aëre, aëreis-ve corpusculis, quibuscum esse nequeunt (ne corpora multa sint simul, aut, seles mutuo penetrent) ex diffusis collecti sunt: Simileque est, ac si comam totis infusam humeris, vittâ colliges in digitum vnum. Vt in hac verò constrictione non penetrantur mutuo capilli; sed sunt singulorum loca singula in spatio, quod comprimit vitta: ita & de radiis est Philosophandum, habita ratione gracilitatis eximie; adè vt in decussatione radiorum ex oppositis in oppositas partes procedentium, non per easdem hi, ac illi spatiosi partem transeant; sed per distinctas, & inconfusas. Et vides, quòd vulgò id non aduertatur, in quas cogantur angustias, qui vrgentur, quamobrem fiat, vt traiectæ Solis, cæterarumque rerum species foraminulo, aut per lenteis Optici tubi, ita decussentur, vt situs, & color, ac varietas partium ita perfecte conseruetur? Sed nempe vulgò non attendunt ad subtilitatem Naturæ, & metiuntur omnia ex iis, quæ vel sensus dispiciere, vel manus potest elaborare. Quàm sum iam nimis, mi MERSENNE; certè plusquam credideram. Iam ergò demum bene Vale. Dinæ, Eid. Decemb. M. DC. XXXV.

*Clarissimo, Doctissimoque Viro D.*

*BAPTISTÆ POISSONIO  
Regio apud Andeas Cognitori, &  
Procuratori,*

*PETRVS GASSENDVS S.*

*Æ* Ccepi, Vir Amplissime, quas ad me literas dedisti plenissimas beneuolentiæ, id non merebatur illa qualiscunque Problematis tui celeberrimi discussio, quando præferim



præsertim non licuit, quod ingenuè professus sum, vel eius scopum subodorari. Verum quæ tua bonitas fuit, affectum ita attendisti, ut pro effectû duxoris, cum sic erga me fuisti animatus. Ipse probè cõsciûs, quantum balbutierim, non est, quod iam ampliùs ausim mulstare, ac circa tuum aliud Problema examen instituere. Satiùs longè duco planè apertè testari ignorantiam, quam operose obducere immensa quadam argumentatione. Ita sagacitatem tuam & suspicio, & veneror, cum vester tibi in mente affirmationis Problematis veritatem conicio, quæ mihi pro ingenij hebetudine nõ apparet. Quippe, tamen si prima fronte occurrerit mihi, quæ vocant Intentionalem speciem, seu imago, ac simulacrû, quod ex obiecto sensibili ita per mediû effunditur, ut prototypi retinens figurâ, sic recipi totum in toto videatur, ut sit etiâ totum in singulis partibus, punctûque illius, quæ sint infinita: nihilominus cogitavi statim aliud animo tibi insidere; ac præsertim cum species illa non sit eadem, ut mea fert opinio, neque in toto medio, neque in quibusvis eius partibus; uti neque in diuersis Sessuum organis, neque in diuersis partibus eiusdem. Haud ita quidè creditur vulgò, Paradoxumque nimium videtur, si dicatur obiectum quodpiam non posse idem à multis simul respectantibus conspici; attamen sic rem se habere puto, fortassisque ipsi conciliarem fidem, si tu animo illam agitares. Verum aliud quidpiam, ut dixi, spectari abs te suspicor, tantû abest ut iam rursus prius Problema quasi tetracturus explicare illud contendâ de eadem specie, seu imagine, quâ ipse credideris, & contrahi posse, & esse in puncto verè Mathematico, in quo tueatur parteis extra parteis. Videlicet pari ratione respondere fortassis possem non contrahi speciem in punctum verè Mathematicum. Imò, quod Merfennus miretur, luminosis radiis non cõtingere, ut in tale punctum vnquam cõeant, quantumcunque Mortales omnes ad parandum speculum siue parabolium, siue hyperbolicum connitantur. Hoc autem attingo, quod ipse potueris in eam luminosæ speciei coardinationem respicere, tamen mihi semper videaris & manifestiora, & sublimiora attendisse. Ac meas quidem illas nugæ peruideres ipse aliquando ex Commentationibus in Epicuri Philosophiam, si illæ tantû forent momenti, quanti iudicantur abste; sed eæ sint potiùs tincis asseruandæ; neque dubium est, quin communis noster tibi imposuerit, cum ut de ipsis tanta opinio conciperetur, author fuit. Ipse perinde non impono; cum me tibi illi deuinctissimum profiteor. Tu me, ut crepilli, sic amare perge, & Vale, Dinæ pridie Kal. Mart. an. M. D. C. xxxvi.

*Viro Clarissimo, Amicissimoque MARTINO HORTENSIO Delfensi, ac apud Amsterodamensis Mathematico Celeberrimo,*

PETRVS GASSENDVS S.

**H**Am facessat silentium, HORTENSII Humanissime, & pudor nunc tandem excitet torporem. Agnosco nempe bona fide

quantum in te, ac nostram ipsam amicitiam peccauerim, dum semel, atque iterum compellatus, nihil reposui. Verum tu, quod Vir bonus sis, viro ignosces minimè malo; quique præ mera segnitie non est assequutus tuam diligentiam. Excusationem nullam præten-do, quod nec vllam habeam; nec, si suppetat, ea sit obicienda. Præstat veniam ut deprecari, ita dumtaxat consequi ex bonitate illa naturæ, quæ mihi fecisti peccandi fiduciam. Quippe non adeò forors fuissim, nisi perspecta indoles tua condonationis spem induxisset. Ac non rarò quidem accinctus, ut ad te rescriberem, fui; verum vel leui semper quadam occasione interueniente contigit ut in proximas hebdomades res transferretur, effectumque tandem est, ut dum mora moram trahit, ipsa procrastinatio non in mensis modò, sed & in annos euaserit. Nunc etiam parum absuit, quin scribere adhuc differreim, quasi id facturus Aquis-Sextiis, quò sum profecturus intra paucos dies; Attamen quia etiam nuperæ Eclipsos observationem missurus, & aliunde Diodato nostro pollicitus fueram literas tandem ad te dare. Idcirco placuit paucos potius attexere versus, quàm fieri amplius dilationi semper producendæ obnoxium. Videbis porò, quæ ratione Observationem peregerim, ac nisi aliud, saltem fidem, Verique amorem, & studium probabis. Tu si quid istheic obseruatum, pari iure communicato, vnâ cum superioris anni obseruationis Eclipsibus; nempe quas literas infinitas id continentes, haud accepi. An ipse quoque non habueris obseruationes de illis meas, incomptum mihi est: certè ut haberes, & volui, & per Amicos procuravi, quibus commisi, ut non priùs ad Schickardum *manuscriptu* illum, quæ destinalem transmitterent, quàm descriptum foret, quod etiam ad te transmitteretur Exemplum. Sed *manuscriptu* nõsti quæ fata extrema passus eximius ille Vir fuerit; & quantum sui desiderium reliquerit nobis amicis, & Literatis omnibus, ac rerum præsertim Cælestium studiosis. Vtinam ipse, sicuti es, ita te dignum habes, cui is tradidisse lampadem videatur. In id incumbere, quæ so, & attende, quàm rari supersint, quibus adyta illa Vranæ abstrusiora sic pateant, ut possint quidpiam exequi immortalî nomine dignum. Non statim per me, quin Diodatus noster haberi procuraret, ac tibi committi diuitem commentariorum illius suppellectilem; Nõsti verò quanto studio illam, dum vixit, vndique conquisierit, instruxeritque; si modò clades illæ ingentes fieri sospitem permisserunt. Sed de his aliàs, ut & de tua præclara illa Oratione, cuius me exemplo beasti; cuiusque me lectio delectauit mirificè. Habuit Valeſius, quod tu cum ipso communicarum esse voluisti; eximioque illum iam tibi gratitudinem fecisse testatam. Accipio Argolum operâ ipsius ad editionem nouarum suarum Ephemeridum vsurum; Tu velim mihi significes, quid sperandum esse videatur circa Ephemeridas, quantum spes facta in præfatione Tabularum Lansbergianarum. Significa etiam, si placet, an editionem distuleris elucubrationis de

Diametro

Diametro Solis, vt si res adhuc integra sit, id quod circa dedicationem abs me exegisti, impertiat. Benè Vale, ac nunquam melicet immerentem, amare desiste. Diniz, Kal. Martiis an. M. D. C. XXXVI.

*Clarissimo, Doctissimoque Viro MATTHIÆ BERNEGGERO, Suprema Curie in Inçlyta Argentoratensi Academia Moderatori sapientissimo,*

PETRVS GASSENDVS S.

**Q**uod ad te scribam, Optime, Doctissimèque BERNEGGERE, tum ex officio, tum ex votis communis nostri Diodati est. Et officij quidem non possum sine rubore meminisse, qui toties de me meritum nulla sum vnquam gratitudinis testatione profequutus. Scilicet dum noster Schickardus; *magis* superesset, quoties, amabò, vltro citroque literas te intercedente, dedimus, & accepimus! Eras ipse velut communis vtiufque nostrum depositarius; & ipse tamen, quod non possum non verecundè commemorare, nunquam ad te ipsum, vt, seu commendarem, seu agerem gratias, vel verbulum scripsi. Id semper fat fuit, quod noster Diodatus sese præstiturum recepit; tantà me fecit confidentià de tua bonitate securum. Nunc verò postquam amicus ille longè optimus est fato pefunctus, quid differam ampliùs veniam deprecari, id ipsum agendo, quod dudum, ac sapius debui agere, scribendo nimirum. Scribo potèd etiam pro Diodati votis, quando is impensè me sollicitat, vt quædam ad te carmina in defuncti laudem transmittam. An verò possum id agere non exaratis paucis versibus, quibus ruditatem excusum? Certè Poëta neque esse, neque salutari vnquam volui; & exactò semel ætatis efflorescentis impetu eiusmodi studia planè intermisi. Nunquam etiam fui ea felicitate, vt mihi ipse satisfecerim, cā patientià vt idem sapius versando arroferim vnqueis. Quare non iniurià diu detrectaui, quod ille abs me petiit, donec obtestanti per beatos Maneis, pèrque ius amicitie, iratis Musis natus videri, quàm parùm illi obsequens malui? Hoc autem dico, vt lenius feras, si quasi vià sacrā pergenti obtrudam, quæ stomachum moueant. Id scilicet ago ex necessitate, sponsores eundem, ac Patronum, qui compulerit, habiturus. Quin etiam non leuis est spes fore, vt tu, quidquid id est, pro tua bonitate castiges; aut etiam planè deleas: Vt vt feceris, gratissimum erit. Cura modò vt Lanzius ille, abs quo me amari summopere sentio, sui me oblitum non putet; Vale.

**E**rgo morbus iners Marte potentior,  
Ausus grande nefas, id Caput abstulit,  
Cui per bella, per hosteis  
Tot iam fata pepercerant?

*Ergo fudalues vlcere pessimo  
SCHICKARDVM rapuit, quo magis canida  
Illimifque magis nix  
Celfo non venit æthere?  
Ergo qui poterat pectore ferreas  
Delinire Tigreis, mitis, & innocens  
Exorare Tyrannum  
Orci non potis exstitit?  
O Dinum pietas! ô hominum fides!  
Quid virtus igitur? Quid probitas iuuat?  
Quid nouisse tot Ariens?  
Quid culmen Sapientia?  
Quid prodest oculis, menèque Siderum  
Explorasse vias, si nihilominus,  
Quam Cælestium inanes,  
In Terra premitur sinum?  
Quid linguas Asia, iuræque Regibus  
Cum priscis docuisse aurea proficit:  
Si iam Patria cippo  
Munum perueni tegit?  
Sed fallor; quoniam quā bonus exstitit,  
Tot verumque sciens, parte superstitè,  
Diis miscetur, & alrè  
Hæc mortalia despicit.  
Excelsò feriens æthera vertice,  
Stellis inseritur, quas procul ambiit;  
Et præsens specularur,  
Qua coniecerat eminus.  
Spiratque, & propriis eloquitur libris,  
Persis, quæis dederat viuere, celsior;  
Et dignatus Olympo,  
Dinum Neêtare pascitur.  
Felix, qui Patriis, atque domesticis  
Infractis potuit viuere casibus;  
Et passus grauiora  
Hunc finem reperit malis!  
Certè, si lacrymis quis decoret Virum;  
Non qua pertoleret iam mala, desceat;  
Sed qua damna reliquit,  
Cum desiderio sui.  
Æther præcipue lumina contrahat,  
Ac fundat latices, nubibus obtegens  
Vultum, quod sacra templa  
Mystes deficiat frequens.  
Obducit faciem Phæbus, & aureos  
Circimosciet; quod Decus inclytum  
Qui spectet, celebrètque  
Hymnis haud fiet ampliùs.  
Exercere choros Cynthia desinens  
Condat sub tenebris ora nitentia,  
Plangendosque labores  
Mœreunda redintegret.  
Ipsi nam variis hactenus obstitit  
Motisque implicitis, formæque multiplex,  
Ne noscatur, honoris  
Quantum debeat adsequi.  
Ille autem poterat sila retere  
Solut; iamque decus reddere cøperat,  
Pollens mente sagaci,  
Filum cum Lachesis fecat.  
Hunc casum pariter cætera congemant  
Velatis radiis Astra vagantia;  
Quæis tantam, remoratus,  
Lucem par fuit addere,  
Sed tu præ reliquis, inçlyte Mercuri,  
Cui curas vigilis, & studium tenax,  
Vt te nobilitaret,  
Me instigante, dicauerat.*

Vultus

Veni quippe tuus sic pater infrequens,  
 Sit pars oculitur maxima Semitas,  
 Vt qua prorsus obites,  
 Nemo sat bene diceret.  
 Ii veri monitu te reducem gradu  
 In Phœbi solio cum velut Arbiter  
 Cœli deuberetur,  
 Conspectum mihi primis;  
 Ansam continuo carpsit impiger  
 Textenda numeros, legibus orbem  
 Certis exhibiturus,  
 Cum mors improba restitit.  
 Tellus quin etiam quassa remugiat,  
 Quæ seu per Samia Gentis obambulet  
 Leges, haud habitura  
 Talem sit modo Vindicem.  
 Seu quæ longa iacet, debeat exprimi,  
 Errorum nebulæ, quæ sciscitet, eruta,  
 Non visuræ ullum  
 Deinceps huic oneri parem.  
 Sic Pontus reboans infremat, & caput  
 Nereus concussit, dorsa quod æquoris  
 Tiphys destituatur,  
 Instructo illius artibus.  
 Sic Aer; ætoniam, siue Perhelia  
 Scrutari iubeat, siue quid amplius  
 Inspectare per alium,  
 Haud si Dadalus euehat.  
 O quæ non lacrymas fundere debeant  
 Nymphæ mirificæ quæ penetratilibus  
 Nature referendis  
 Tanto iam careant Duce!  
 Quas non sacra simul Pieridum cohortes  
 Arceus ætonius dæda recludere,  
 Absente chorago,  
 Cui Phœbus dederat vires!  
 Sane quæ inquit sicula Pœtesos,  
 Scutæra Historia gesta remouere;  
 Nemo doctior illo,  
 Nemo compitior exsistit.  
 Sin Gentem variâ adloqui oportuit,  
 Quas Sol exorientis, quas videt occidens,  
 Haud vllus peregrinus  
 Effatus magis calluit.  
 Illi sed studium, curaque maxima  
 Linguam nosse Sacram, qua solet & sui  
 Immortalibus esse,  
 Præstigi gloria Codicis.  
 Hæc est quam repetens Æthereas domos  
 Excultum retulit, quæ modò Calites  
 Interfatur, & audit,  
 Quæ Mortalibus haud licet.  
 Ille ergo suæ præmia consequens  
 Virtutis, Superum par sit honoribus?  
 Aeternumque beatus,  
 Diuum delicias legat,  
 Tu verò recolens, quàm tibi stibilis  
 Eius mors fuerit, non tamen irritos,  
 O Dulcissime LANZII,  
 Luctus perpetuum trabe.  
 Idcirco potius, molliter ut cubet,  
 Qui viuens Anima dimidiū suæ  
 Te duxit; monumenta  
 Dum satis pius eripis.  
 Nimirum violas sparservis, ac rosas,  
 Facis edideris tibi creditoris,  
 Et doctis quæ bonisquæ,  
 Exsultatis animaueris.  
 Gassendi Epistolæ.

PETRVS GASSENDVS  
 DIODATO SVO, S.

Transmisisti iam, vt opinor, ad Virum  
 clarissimum, amicissimumque Marti-  
 num Hortensium, quas ad ipsum nuper dedi-  
 liceras per Luillerium nostrum tibi confi-  
 gnandas, vñ cum obseruatione Lunaris Ecli-  
 pteos abs me per-acta Dinia, vigesima die nu-  
 peri Februarij. Cæterum accessi deinceps ad  
 hanc Ciuitatem, solitòque hospitio à per-  
 illustri optimo, & nunquam satis laudato Ni-  
 colao Fabricio Perrisci Toparcha exceptus,  
 repeti illum iam adeptum, quas optatam  
 ipsum in Oriente vsque (pro ea, qua vbivis  
 notitia, & veneratione habetur) sollicitare  
 obseruationes Eclipteos Lunæ, quæ contigit  
 superiore mense Augusto. Quare & ipsas, cæ-  
 terasque, quas conquirere licuit, non prius  
 habui præ manibus, quàm tuo rursum inter-  
 uentu communicandas esse duxi cum eodem  
 Hortensio. Vtinam verò superstes etiam opti-  
 mus ille Schickardus foret, qui cum res com-  
 municaretur: Sed ne fata conquerat frustra;  
 aggredior potius excubare, quæ excerpta  
 mihi, & vel leuiter versata, subductaque sunt,  
 vt hac occasione transdantur.

Obseruationes Eclipteos Lunæ, quæ con-  
 tigit Anno 1635. Mense Augusto,  
 die 27. (seu vt vulgus numerat 28.  
 manè) Stylo nouo, per acta, ac pri-  
 mum quidem

AQVIS-SEXTIIS.

Aspicio verò haud immeritò ab ea ob-  
 seruatione, quam in suis Adibus, ac  
 Obseruatorio proprio optimus Fabricius si-  
 eri procurauit. Accessit P. Theophilum Mi-  
 nutium ex Minimorum Ordine, Domesti-  
 cosque adhibuit Agarratum, atque Corbe-  
 ranum. Obstitere plurimum ipsis venti, nu-  
 bes, ac fulgetra; sed ita nihilominus, vt &  
 quatuor præcipua Puncta non omnino inui-  
 derint, & plures Phæseis intermediis per-  
 miserint obseruitare. Itaque Initium Ecli-  
 pteos nudo, liberòque oculo spectatum tunc  
 contingere visum est, cum ora Lunæ supe-  
 rior adhuc foret ad Occasum alra 32. grad. 15.  
 min. & Aldebaran 27. grad. 5. min. (nempe  
 ferreo Quadrante amplo, & singula minuta  
 prima transuersalibus ostendente) vnde fuisse  
 colligitur ex Luna quidem hora 13. min. 25.  
 Ex Stella verò hora 13. min. 21. At respecta-  
 tum Telescopio, seu cum margo Lunæ cepit  
 reuerà temerari, orbi ve luce primaria;  
 annotatum Initium est eadem hora Lunâ  
 adhuc altâ 31. grad. 46. min. & Capella 39.  
 grad. 20. min. vnde fuisse colligitur ex Luna  
 quidem hora 13. m. 31. ex Stella vero hora 13.  
 min. 30. Quod spectat ad Phæseis crescentis  
 defectus, haud fuit omnium satis perspi-  
 cua, accuratæque designatio. Tres præcipuæ  
 11 fuerunt;



fuere; Obscuratio semissis peripheriæ, Obscuratio beffis; & Obscuratio dodrantis. Ac primum quidem adnotatum est semissem pene peripheriæ fuisse obscuratum alto ad Orientem Polluce 10. grad. 5. min. Seu hora 14. min. 0  $\frac{1}{2}$ . Itémque semissem fuisse obscuratum margine Lunæ superiore alto 28. grad. 55. min. Seu hora 14. 2. min. Et rursus, cum videretur paulò post deesse adhuc quidpiam semissi, consequenter tamen fuisse aliquid semisse amplius obscuratum, Capellâ ad Orientem altâ 45. grad. min. 0. seu hora 14. min. 5  $\frac{1}{4}$ . Assumatur porò intermedium congruum & obscurationi semissis peripheriæ tribuatur defectus. Digitorum 7. haud improbabile fuit crescentem Lunæ Defectum Digitorum 7. contigisse hora 14. min. 3. Deinde adnotatum est nondum bessem peripheriæ fuisse obscuratum Humero dextro Orionis ad Orientem alto 15. grad. 50. min. (ita opinor scribendum fuisse pro 19. grad. 50. min.) seu hora 14. min. 10  $\frac{1}{2}$ . Et mox bessem visum fuisse Sinistro pede Orionis ad eandem regionem alto 11. grad. 15. min. seu hora 14. 11. min. Ac rursus tamen non amplius besse iudicatum fuisse, Capellâ altâ 46. grad. 10. min. seu hora 14. min. 13. Quia verò Bessi obscurato respondet defectus Digitorum 9  $\frac{1}{2}$  idcirco probabile fiet defectum Digitorum 9  $\frac{1}{2}$  contigisse hora 14. min. 13. Fortè fuit hora 14. min. 16. Quòd prima obscuratio circa Dodrantem mox referenda huc pertinere videatur; Sed ipsa observatio relinquenda intacta est. Denique ergo adnotatum est obscuratum iam peripheriæ Dodrantem fuisse, Aquilâ ad Occasum alta 15. grad. 2. min. seu hora 14. min. 16. quo etiam tempore cuspis falcatae Lunæ inferior attigerat infimum limbum. Additur visum paulò post superatum fuisse Dodrantem. Aquilâ altâ 14. grad. min. 0 seu hora 14. min. 21  $\frac{1}{2}$ . Quare & accepto congruo intermedio, & respondentibus Dodranti digitis 10  $\frac{1}{4}$  probabile fiet defectum Digitorum 10  $\frac{1}{4}$  contigisse 14. hora min. 20  $\frac{1}{2}$  aut si malis hora 14. min. 21. Totalis obscuratio Telescopio respectata adnotata est coepisse ad Maculam illam solitariam, ac veluti Caspiam  $\frac{1}{2}$  cum ora Lunæ inferior attolleretur adhuc 25. grad. 45. min. & Aquila 12. grad. 5. min. Vnde prodit ex Luna quidem, hora 14. min. 24. ex Stella verò hora 14. min. 32  $\frac{1}{2}$ . Verendum nè paulò maturius ea obscuratio contigerit; non modò, quia proportio defectus crescentis ita exigit, sed etiam quia Humero dextro Orionis alto 18. grad. 20. min. seu hora 14. min. 24. Dicitur filum dumtaxat illuminatæ Lunæ super fuisse; & Humero eodem alto 19. grad. 2. min. seu hora 14. min. 28. fuisse filum longè tenuius; adeò proinde, ut quidquid lucis deprehensum post-modum esse ad claritatem supersititem referendum esse videatur. Illa scilicet tanta esse ad aliquot minuta solet, ut faciliè mentiatur lucem directam, ac primariam. Quare verisimile est Totalem hanc obscurationem non coepisse tardiùs, quàm hora 14. min. 28. Recuperatio luminis pri-

ma adnotata est contigisse cum nubes occu-  
parent Lunam; sed mox tamen ante eam  
fuisse conspicuam, claritate scilicet illa se-  
cundaria iam inualecente; idque cum Ly-  
ra ad Occasum attolleretur adhuc 7. grad.  
min. 50. seu hora 16. min. 3. Porò, quia  
cum Luna deinceps apparuit, adnotatus  
est Quadrans peripheriæ iam restitutus,  
alto ad Ortum Pedore Cygni 21. grad.  
5. min. Vnde prodit hora 16. min. 15. Eapropter, si supponamus respondere huic  
Quadranti restitutionem Digitorum 7  $\frac{1}{2}$  &  
tali restitutioni tribuamus vel 6. vel ad  
summum 7. temporis minuta; videtur non  
potuisse Prima Recuperatio esse matura-  
rior, quàm hora 16. min. 8. Et tem-  
pore quidem altitudinis Stellæ Cygni ad-  
notata est fuisse altitudo superioris mar-  
ginis Lunæ 13. grad. 10. min. Vnde pro-  
dit solum hora 16. min. 4. sed fidendum  
magis videtur expositæ altitudini, & col-  
lationi Fixarum: Nisi quod fortassis, ne  
tanta à conspecta vsque Lyra retardatio  
inducatur; allumi verisimiliter potest ho-  
ra 16. min. 6. Phases decrecentis defe-  
ctus neque tam multæ, neque tam cer-  
tæ, constantisque sunt adnotatæ, ut in-  
scribi heic debeant. Id consideratione est  
dignum, quòd cum Luna magis, magis-  
que intra crassitudinem vaporum demer-  
geretur, species eius magis, magisque  
ampliari observaretur, etiam Telescopio.  
Finis restat, qui in clara iam Aurora Te-  
lescopio respectatus visus est contingere  
sub maiori pede Homuncionis illius Lu-  
naris, cum ora Lunæ superior attolleretur  
adhuc 4. grad. 20. min. seu hora 17.  
min. 1. At libera acie spectatus cum eadem  
ora attolleretur 3. grad. min. 45. vnde col-  
ligitur hora 17. min. 5. falcem, si vera  
Parallaxeos, Refractionisque Lunaribus habita  
est ratio.

### DINIAE.

**A**N addam quid mihi contigerit Diniae,  
ac in villa quadam ad montem Cossu-  
num, in quam me-met cum tota pene sup-  
pellectile observatorio receperam, ob-  
reptum Vrbi occidentum illum Horizontem.  
Certè ut nihil causer vehementiam venti,  
fulguræque, & tonitrua, tota penè nocte  
continentia; ac tandem pluuiam vberimam,  
quæ effusa est Aurora iam inclarescente;  
ipsæ Nubes tantâ constantiâ seu potius obsti-  
natione eripere nobis Lunam, ut vix cir-  
ca horam à media nocte secundam videre  
illam permiserint. Id totum quidquid fuit  
scripsi tum Parisios, fortassisque etiam res  
fuit cum Hortensio communicata. Nisi fue-  
rit, sic iam atrexo. Expectabatür brevi  
hora à media nocte secunda, cum series te-  
nuiorum nubium, quas agebat Africus,  
visa est procedere, succedereque versus Lu-  
nam. Tunc concepta aliqua spe interviden-  
di defectum, & Quadratum (more tan-  
gentium in costis diuisum) compositum fuit  
altitudinibus comparandis, & accepta præ  
manibus

manibus Telescopia, ac Schemata defectum Lunæ per singulos semi-digitos exhibentia (erant nempe mecum adiutores soliti.) Adacta spes, cum Aquila inter hiatum quemdam interlucit, & venti vehementia visa est non nihil remitti. Igitur Aquilam sectando, detecta demum Luna est præter tenuia nubila, & quantum æstimare licuit vsurpando Telescopia, & respectando Schemata. Defectus iam fuit *Digitorum* 5. Tunc lucida Aquilæ fuit adhuc alta 340. seu 18. grad. 47. min. vnde prodit hora 13. min. 54. & ora inferior 540. seu 18. gr. min. 22. Vnde hora 13. min. 55. Emergit post Luna paulò clarius, cum iam tota semi-diametro, aut insensibiliter amplius, foret obscurata. Erat proinde defectus *Digitorum* 6. aut tantillum amplius. Fortè  $6\frac{1}{2}$ . Fuit tunc altitudo marginis inferioris Lunæ 530. seu 27. grad. 55. min. vnde prodit hora 13. min. 59. Inconspicua tunc Aquila; sed comparuerunt tamen tam lucida Lyre, cuius altitudo fuit 475. seu 25. grad.  $24\frac{1}{2}$  min. quam Markab Pegasi, cuius etiam ad Occasum altitudo in vmbra versa 765. seu 27. gr. 44. min. Ex qua vtraque altitudine colligitur hora 14. min. 1. Kursus apparuit Luna, sed paulò obscurius, cum iam videretur Defectus proxime *Digitorum* 7. aut aliquantò minus, fortè  $6\frac{1}{4}$ . fuit tunc ora Lunæ inferior alta 525. seu 27. grad. 44. min. vnde hora 14.  $2\frac{1}{2}$  min. & Lyra, quæ sola comparuit, 465. seu 24. grad. 56. min. vnde hora 14. min. 4. Non longe post clarissime quidem, sed postremum tamen visa est Luna, cum defectus æstimeretur *Digitorum* 7.  $\frac{1}{4}$ . Tunc fuit altitudo oræ inferioris  $517\frac{1}{4}$ . seu 27. grad. 20. min. vnde prodit hora 14.  $5\frac{1}{2}$  min. Et ipsius Lucidæ Lyre 456. seu 24. grad. 31. min. vnde hora 14. min. 7.

## PARISIIS.

Observator fuit egregius ille, & non ignotus tibi, vt opinor, Ismaël Bulhialdus, cui tamen nubes, ac ventus ab Occasu Hyemali cætera præpedierint, sequentia tamen non inuiderunt. Ac Primum quidem, cum Defectus crescens per Telescopium appareret *Digitorum* 7. Fuit ipsi Altitudo Lyre in Quadrante idoneo 31. grad. 23. min. ac proinde hora 13. min. 57. Cum foret verò defectus *Digitorum* 9. fuit altitudo eiusdem Lyre 29. grad. 40. min. ac proinde hora 13. min. 48. Apparuit deinde *Totalis obscurationis Principium*, Aquilæ altà 16. grad. 30. min. ac proinde hora 14. min. 4. Et *Emergentis Principium* Lyre altà 44. grad. 32. min. ac proinde hora 15. min. 40. Denique Defectus decrecens apparuit præcisè *Digitorum* 6. cum Lyra foret adhuc alta 10. grad. min. 50. ac proinde hora 16. min. 12.

## ROMÆ.

Observatores ibi aliquot; sed aliquid fanè videtur apud æpistulas desiderari. Vt mittam illos, qui nimis multum exorbitauisse videntur, duos propono, quibus est *Cassendi Epistola*.

saltem quæpiam Altitudo calitùs desumpta. Prior est optimus ille, & doctissimus, clarissimisque P. Athanasius Kirkerus è Societate IESV, qui ab eximio nostro Fabricio prouocatus, adhibuit quidem socium P. Melchiorum Incoferum ex eadem Societate Mathematicum insignem; sed fuit illis præ manibus pusillum solum Astrolabium; vt minus sit mirum si prodiderit nimiam temporis anticipationem. Vtunque sit *Initium Eclipseos* adnotatum est contigisse Lunæ altà 29. grad. 30. min. Incompertum nobis an centrum, an limbum vsurpauerint; sed supposita verisimiliter altitudine centri, colligitur fuisse hora 13. min. 56. *Totalis obscuratio*, Lunæ altà 24. grad. 24. min. vnde colligitur hora 14. min. 45. *Emergo* quantum licuit per rimas quadam nubium, Lunæ eleuata 8. grad. 54. min. vnde colligitur hora 16. min. 35. Posterior est Gaspar Bertus, iuuenis industrius, atque eruditus: sed is nempe, vt postea scripsit, & perfunctorie solum id egit, putà vt quibuldam amicis quoquo modo rem demonstraret, & moderationem Quadrantis, quæ altitudines sunt capta, commisit cuiuspiam adstantium, eiusmodi rerum non valde perito. Vtunque sit autem, *Initium Eclipseos* adnotauit contigisse centro Lunæ alto 34. grad. 45. min. & Aquila 19. grad. 35. min. vnde colligitur ex Luna quidem hora 14. min. 42. Ex Stella verò, hora 13. min. 51.  $\frac{1}{2}$  vel 52. Totalem verò Obscurationem codè centro Lunæ alto 25. gr. m. 58. & Lyra 18. gr. min. 5. Vnde colligitur ex (quidem Hora 14. min. 35. Ex \* verò hor. 14. min. 42.

## NEAPOLI.

Observarunt duo, heinc nempe egregius Matheseos Professor Camillus Gloriosus, cum assumpto socio Bernardo de Magistris studioso Astroномiæ; inde Ioannes Ladron de Gueuarra, præsentè Ioanne Baptista de Benedictis, perito Mathematico. Et huius quidem Posteriores Observatio, nescio quo pacto non cohæreat, propter nimiam retardationem: Nempe Eclipseos Initium refert ad horam 13. min. 51. Ex Lunæ altitudine 32. grad. 7. min. Quo etiam tempore plura horologia pulsauisse scribit horam  $1\frac{1}{2}$  à media nocte. Quanquam se vsum Sextante addit 7. Palmorum Neapolitanorum; quo etiam minorum partes exhibentur, & quo altitudo Poli Neapolitana comprobata fuit eadem, quæ exstat in Saminiati Tabulis, Scilicet 40. grad.  $48\frac{1}{2}$  min. Ne memorem alia momenta absque vlla altitudine Lunæ, aut Stellarum prolata; etiam Finis Eclipseos, quem nescio, quo pacto doctus aliàs Astrologus, contigisse collegerit Luna iam sub Horizontem demersa min. 30. Itaque tutior, & accuratior videntur prioris, hoc est, Camilli observatio. Certè ille per-quàm ingenuè profiteretur deesse posse paucula aliquot minuta circa designatum Eclipseos Initium. Quippe celo aliàs vndique serenissimo (ò quantum illius à nostro discrimen!) turbatus est ipse ob

invmbationem Lunæ verticem occupantem, cum limbus tamen Telescopio intemeratus conspiceretur. Quare & *Initium* Eclipsos contingere est opinatus, cum Aldebatam iam attolleretur 31. grad. 55. min. (vtebatur autem Quadrante Palmorum  $4\frac{1}{2}$ ) qua ex altitudine colligitur hora 14. min.  $23\frac{1}{2}$ . Et quia subdit hoc commentum morula exigua antecessisse vetum Initium, idè videtur assumi posse ad minimum pro *Initio* hora 14. min. 25. *Totalem Obscuratorem* contigisse dicit (addendo hanc Observationem exactissimam, & indubiam) cum iam altitudo Aldebaræ foret 49. grad. 25. min. vnde colligitur hora 15. min. 21. Subiicit, quo tempore fuit *Dimidium lucis recuperata*, horologium Nonitiatus Iesuitici vicini pulsasse præcisè horam 10. Et quia adnotat tempore prioris observationis idem horologium pulsauisse *septimam*, tempore posterius *octauam*, adèd vt discernim a priore fit horarum 3. à posteriore 2. Idcirco si ad horas 14. min.  $23\frac{1}{2}$  addiderimus horas 3. vel ad horas 14. min. 21. addiderimus horas 2. Colligitur defectus decrefcentis Digitorum 6. contigisse hora 17. min. 21. vel  $23\frac{1}{2}$  aut discriminine perexiguo hor. 7. min. 22.

### CAHIRI in Egypto.

Observauit P. Agathangelus Capucinus vnà cum socio Ioanne Molino Dragomano Veneto. Is exquisito, vt memorat, vfus est Astrolabio altitudini Lunæ accipiendæ. Non adnotauit potèd, an centum, an otam Lunæ attenderit: Attamen probabile est (supponamus saltem) attendisse centrum. Igitur *Initium* contigisse refert altà ad Occalum Lunà 27. grad. Quare & supposità, quam ille designat, Poli altitudine 29. grad. 50. min. Colligitur fuisse tunc hora 15. min.  $14\frac{1}{2}$ . Supputat ille ex Astrolabio horam 15. min. 11. Quo exiguo discriminè Instrumenti fides probatur. *Totalem* verò *Obscuratorem* eclipse Lunæ altà grad. 15. quare & ex iisdem suppositis, colligitur fuisse hora 16. min.  $16\frac{1}{2}$ . Subdit præ Nili humiditate vaporibus, ac nubilis obseruati non potuisse, neque Recuperationem lucis, neque Demetfionem Lunæ infra Horizontem, neque alia.

### ALEPI in Syria.

Observauit P. Cælestinus à S. Lidiua, Carmelita discalceatus, vnà cum P. Michæle Angelo Capucino perito Mathematico. Ille adfuisse sibi scribit varia horologia, ac etiam Telescopium, quo sint duodecim Phases adnotata. Accipit aliquoties Lunæ, ac Stellarum quatundam altitudinem; Et si non refert quo Instrumento, neque an centri, an limbi Lunæ altitudo exstiterit. Ac cætera quidem haberi, & transmittenda esse scribit à memorato P. Capucino. Ipse intercè, quod habuit communicare haud græue duxit. Cæpta iam

illeic fuerat Eclipsis, cum *Prima Phasis* accepta est. Ea Sola est communicata, sicque exhibita, quasi iam defectus foret  $\frac{1}{2}$  *Diametri* seu *Digitorum proximè* 2. memorantur horologia indicasse tunc horam 4. *matutinam*, seu 16. à *meridie*; ac Lunæ altitudinem fuisse 19. graduum. Supponatur autem fuisse vsurpatum centrum, & Polarem eleuationem esse Alepi 37. grad. 20. min. Colligemus fuisse tunc horam 15. min. 38. adèd vt horologia anticipauerint min. 22. Quòd si pro duobus digitis detrahantur ex eo tempore minuta circiter 10. haud planè abs re deducemus *Initium Eclipsos* contigisse Alepi hora 15. min. 28. Subiicit ille *duodecimam seu postremam Phasin* fuisse obseruatam cum iam Aurora elucesceret, & horologia indicarent horam  $4\frac{1}{2}$  cum 5. minutis, hoc est vt puto hora 16. min. 50. & exiguo post tempore superfuisse solum modicam quandam, & dubiam lucem; adèd vt hora 5. (seu 17. (completà Luna visa fuerit omnino demersa intra tenebras. Intelligere ex his licet eiusmodi Phasin, vel fuisse finem Illuminationis, Obscurationisque totalis initium; vel certè tam parum superfuisse lucis primariæ, vt Totalis obscuratio debuerit incipere post vnum, aut alterum, tertium-ve minutum. Supponantur duo defuisse minuta; tunc *Totalis Immersio* contingere debuerit hora 16. min. 52. Iuxta horologia, adimantur verò minuta 22. propter anticipationem iam expositam, debuit esse hora 16. min. 30. & quia talis horologiorum anticipatio sic increfcebat (ex iis quæ mox referuntur) vt attentata proportionem videantur adhuc adimi posse min. 3. Idcirco *Totalis obscuratio* videtur esse referenda ad horam 16. min. 27. Ad explorandum porrò horologiorum fidem id facit, quod adiciunt. Die iam inclarescente, & Luna subeunte crassiorum vaporum caliginem, illius altitudinem fuisse obseruatam grad. 5. min. 30. quo tempore ab horologiis indicabatur hora quinta cum semisse; siue à Meridie hora 17. min. 30. Siquidem cum ex adnotata Lunæ altitudine, colligatur fuisse hora 16. min. 56. Patet & tunc quodque anticipationem fuisse, & auctiorem quidem min. 12. adèd vt tunc horologia anticipando aberrauerint min. 34. Porro & hic error etiam comprobatur, quòd cum arcus semi-diurnus in ea latitudine sit hor. 6. min. 32. debuerit proinde Sol oriri hora 5. cum semisse; & tamen eo tempore, quo ab horologiis hora illa demonstrabatur, aberrat adhuc Sol ab ortu 5. aut 6. gradibus (nempe quantum Luna ipsi opposita ab occasu) atque adèd hora circiter dimidium. Et certè fit quidem diei inclarescentis mentio; at non exorientis, aut exortu Solis.

### KEBECI in noua Francia.

AN postremò addam quod Mothæus non ster Vayerius literis primum indicauit, & ipse deinde factò còperi, exstare nëpe in Relatione



et nec tunc nouæ Franciæ posttridie Eclipses  
conspiciantur, & Pariliis edita; quod P. Pauli  
Lacina & alij PP. Societatis I. E. S. V. ad Ke-  
brenses videntes (aut certe ad vicinas adeis  
B. Mariae de Angelis) Eclipsin Lunæ ma-  
gnam spectarint, ipsa die Augusti 27. circi-  
ter unam vespertinam. Sanè Eclipses aut  
maximè præcisiõe adnotatæ à Veteribus ha-  
bentur, & ab Astronomis curantur, vt pro-  
pterea ista obseruatio qualiscunque tandem  
sit, non fuerit nobis prætermittenda. Vri-  
nam verò Parilibus illis optimis venisset in  
mentem insigne quoddam Eclipsos pun-  
ctum, vel ex horologij suis designare. Deum  
immortalem! quantum exinde quæsitum  
fuisse emolumentum, & ipsi Geographiz,  
& Expeditionibus, quæ fieri solent in eas  
oræ.

Hactenus varias huius Eclipsos obserua-  
tiones refero. Non instituo verò illarum in-  
ter se comparationem, quæ seu consen-  
sus seu dissensus circa luciditatem, Moram,  
Durationem, & consimilia innoscat. Duo  
quædam homines alieno pro longitudinum  
distantia. Vnum est inde confirmari, quod  
adhibita est, Meridianum Parisiensem ab  
Aqueru, & Dimensi longius ad Occasum  
distat quam huc vsque ex aliâ quadam Ecli-  
psi appuerimus. Scilicet discrimen inter  
Parisiensem, & Aquerensem habitum fuit mi-  
nuta temporaria 14. At illud nunc  
magis intelligitur 12. proximè minutis; Adeo  
parum est Distentis (distans aliunde ab  
Aqueru citius proximè minutis ad Ortum)  
vix quinquaginta minus a Parisiensi, quàm se-  
culi luce distillet. Porro id facit, vt iam  
non improbabilis videatur illa differentia,  
quæ inter Dinicensem, & Lodunensem, Pi-  
deniensem ve Meridianos collegeramus ex  
Observatione Reguli à Luna, quæ tum Bul-  
lardo Loduni, tum mihi Dinix est obserua-  
ta Die 17. Iunij, anno 1627. vti sub finem  
Eclipsæ Lunæ de Mercurio in Sole viso obiter  
adnotatum habes. Quin etiam si Schickar-  
dus ipse, si *unusquisque* viueret, minùs exinde  
miraretur Paradorum illud, ad quod tum  
ipsos, tum meæ obseruationes Eclipsæ,  
nos vel inuicem inuitos cohebant, nempe Me-  
ridianum Dinicensem vix quicquam esse Tu-  
bingensem, & ceteris locis habendum. Alce-  
ra est inde constare, quàm nimis multum  
Tabulæ, Chartæque Geographiæ omnes  
illa Ægypti ac Syriæ loca à nobis remoueant.  
Quippe parum abest, quin treis horas, seu  
gradus 45. inter Meridianos Alepi, & Massi-  
liæ constituant (parum est autem Massiliâ  
Aquis-Sextis occidentalior) Cum ex telatis  
tamen constet amplius quàm duas horas,  
seu 30. grad. non debere interferi. Et dubi-  
tavi quidem primùm de Obseruatione Cahi-  
ri, non capiens nempe, qui fieri posset, vt  
tam prope Neapolim, aut ad nos vsque re-  
duceretur; sed ipsa Alepi facta Obseruatio  
tum Cahiensem comprobauit, tum sibi  
ipsi fidem fecit; quando utcunque dubitare  
de ceteris liceat; illud saltem constat visam  
illæ fuisse immersionem Lunæ totalem in  
vmbra. Nam si visâ quidem ea fuisset exsi-

*Cassendi Epistola.*

stente Luna in ipsissimo Horizonte, atque  
adèò statim orituro Sole. Scilicet hora à me-  
dia nocte 5. cum semisse; sanè tum denum  
viderentur tres horæ esse interponendæ; At  
quia constat Lunam adhuc visam, obserua-  
tamque fuisse cum iam horæ dimidium ab  
Immersione effluxisset; non possunt saltem  
plusquam duæ horæ cum dimidio interici.  
Ceterùm, & quia tunc quoque Luna ab Ho-  
rizonte absuit 5. aut 6. gradibus, quibus de-  
betur aliud circiter horæ dimidium; Eapro-  
pter indubium videtur, non esse maiorem  
longitudinis differentiam Alepum inter &  
Massiliam, quàm horarum duarum, seu gra-  
duum Æquinoctialium 30. quod mirabile sa-  
nè est, & adnotatione dignum.

Hæc cum ita se habeant, cùmque immane  
adèò peccetur circa nobilissimam, & vtilissi-  
mâque artem, vides profecto, mi Diodo-  
re, quantum ea fuerit debitura nobilibus curi-  
sibus optimi Fabricij, si permoti tandem illius  
exemplo magni quidam Principes simili stu-  
dio Geographiæ restitundæ detinerentur.  
O quantum illi, & gloriam sibi, & populis  
suis, hoc est Societati generis humani vtili-  
tatem comparant? Sed vota iam nimis an-  
tiqua, ac nescio quid sit porro omniandum.  
Ne id obliuiscar, curauit vir ille eximius  
Eclipsin Lunæ nuperam in ædibus suis per  
eisdem obseruari, adhibito præterea *Hono-  
rato Buccia*, Theologo Mathematico, Præpo-  
sito Barthesimensi. Cum multæ porro fuerint  
obseruatæ Eclipses Phases, Addo hæc so-  
lùm eius finem seu *Primam limbi relictio-  
nem*, spectatum Telecopio fuisse attenti-  
one magna obseruatum, cum Spica Virginis  
foret iam alta ad Ortum 21. grad. 0. min. ac  
proinde hora 11. min. 33  $\frac{1}{2}$ . Mihi, vt nosti,  
idem finis obseruatus Dinix, ex altitudine  
quidem humeri dextri Orionis hora 11. min.  
36  $\frac{1}{2}$  ex altitudine verò Pollucis hora 11.  
min. 35  $\frac{1}{2}$ . hoc est medio congruo hora 11.  
min. 36. Quare & differentia longitudinis  
Diniæ inter & Aquas-Sextias eadem com-  
probatur, quam sæpe supposui trium proxi-  
mè minutorum. Nempe ex quo ad Snellium  
scribens (dum ille adhuc foret in viuis) eius-  
que Methodo insitens, habui ipsam minu-  
torum Æquinoctialium 40. Præterco Eclipsin  
visam isthæc fuisse infra quantitatem trium  
Digitorum consistere; vt minùs sit mirum,  
si mihi non excessit Diametri quodtau-  
tem; quem tamen studiosè ad id atten-  
dendo attingisse iurauerim. Præterco etiam  
vtrum eximium iam relictuisse hanc Eclipsin  
obseruari non potuisse nec Romæ, nec Nea-  
poli. Vtinam Cælum fuerit propitium aliis  
in locis magis distitis, in quibus obseruari  
eamdem procurarât. Quælo te verò, vt cum  
ista rescire Hortensium curabis, cures quo-  
que vt ille nos participes suarum vtriusque  
Eclipsos obseruationum efficiat. Memini il-  
lum datis quibusdam ante biennium literis  
adiunxisse quasdam obseruationes Eclipsæ,  
quas Oxoniæ peregrisset insignis quidam Ma-  
thæos ac Medicinæ Professor; Non recor-  
dor iam nominis (nequè enim sunt literæ  
ad manum) sed si ab illo iam habeat,

H 3 vel

vel habere possit quidpiam circa istas posteriores obseruatum, per-gratum rem faciet, si communicare dignetur. Accepi Schickardum, quod adhuc tempore Eclipsos mensis Augusti superstes foret, illam Tubingæ obseruasse. Accepi etiam eius fratrem virum præclarum ad eum misisse Obseruationem quandam eiusdem ad ostia Garumnæ peractam. Vtinam Vir doctissimus clarissimisque Berneggerus vtramque illam obseruationem haberet adhuc depositam; si quod sicuti agi inter nos solebat, dum saluus foret, & *magis* possem ab illo accipere? At si pertempus iam liceat, ipsum ea de re paucis compellabo. Tu benè Vale, mi DIODATE, ac me semper ama, quem admodum soles. Scribebam Aquis-Sextiis VI. Eidus Aprileis, Anno M. DC. XXXVI.

*Ad Illustrē, ac Per-Amicum NICOLAVM CLAVDIUM FABRICIVM Petrisci Toparcham,*

PETRVS GASSENDVS S.

**C**VM iam non liceat ex integro obseruationes describere, quas abs te mecum communicatas, & supputatione facta in Commentariolos relatas deposcīs; excerpto saltem velut Compēdium, quod tuis interea votis satisfaciat.

*Eclipsis Luna Totalis\* obseruata anno 1635. mense Augusto, die 27. (seu vt vulgus numerat 28. mane) Stylo nouo, ac primum quidem,*

*ALEPI in Syria.*

**E**XORDIOR ab Obseruatione, quæ in loco maxime Orientali per-acta est ab optimis, &c. *Vt in superiore, his exceptis.* Id verò adscribo, licet argeat, vt agnoscas vberius, quam sint futura viles nobilissimæ istæ tuæ curæ. An commemorabo, quod bearis me, cum significasti haud minimam partem huiusmodi Obseruationum ab Eminentissimis Cardinalibus procuratam fuisse. Intellico nempe, si semel Principibus Viris hæc placuerint, fore vt tandem nobilissima, vtilissimæque Artium Geographia possit instaurari. Verus iam nimis propter illius deturpationem expositulatio, quod ipsius restitutioni, Viri priuati sint impares, & surdi sint nimis, qui rerum potiuntur, quorumque ea res interest præcipuè. At si tandem Pontifex Summus, aut saltem magnus ille Nepos in hanc curam incumbet (posset autem facillimè per Sacerdotes ac Religiosos, qui in omneis Mundi Regionēs mittuntur) Deum immortalem! quanta exinde & vtilitas generi humano, & ipsi gloria compararetur? Sanè immensam gratiam, apud omneis doctos, ac bonos iniret, & re, vel solum inchoata, vniuersam Rempubicam literariam demere-

retur. Quamquam hæc tibi, quid occino, qui rem totam apprimè tenes. Ergo Vir Nobilissime, meique amantissime Vale.

*Admodum Reuerendo, & Clarissimo Viro, GODEFRIDO VVENDELINO Condatensi Canonico,*

PETRVS GASSENDVS S.

**P**ECIMUS penè agitur mensis (Præclarissime VVENDELIN) ex quo accepi literas ante annum ab te conscriptas. Non est verò, quod suspicere meam in rescribendo moram compensationem exigere: publica potius causa est, qua interclusa nobis via literarum vltro, citroque dandum. Et hætenus quidem causa perseuerat; verum eximia nostri huiusce viri, & amici incomparabilis soletia ferro potentius castra per-rumpens, viam aperuit, qua iam tandem communicare mutuo possumus. Age proinde, nihil cunctemur, cum non sit præsertim, quod extimescamus fore, vt nostræ literæ, si quas contingat intercepti, nos perduellionis reos conuincant. Innoxius nempe calamus nobis, neque *perniciem* attingens, quando neque ipsi publicis seu rebus, seu consiliis immiscemur. Quæ tractamus negotia Reipublicæ separatæ sunt, & commune nihil cum dissidiis huiusmodi vulgaribus habent. Ipsum est Cælum, ipse est Mundus, ipsa rerum Natura est, in qua contemplando versamur, & ex qua nihil potest vni ditescendo accrescere, quin sit statim omnium, & communis iuris. Nihil in ea discriminis, seu Celta, seu Cantabrisim. Quare & incolæ Mundani possumus, vt Diogenes olim, oppositas acies toto per-meari. Cæterum non est, quod propterea existimes literis tuis hac vice satisfactum iri; abundè erit si semel nobis glacies hæc secta fuerit, & ex eadem portò deritæ, sperare vberius quidpiam concedatur. Sanè & illæ redditæ solum post superioris anni Solstitium, non præstitere, vt possem ipsam Solitij obseruationem, vbi poscebas, peragere; ac multum erit, si per negotia proxime futurum obseruare liceat. Quippe Parisiosteuocor dudum, & me sola heic detinet Fabricij nostri nobilissimi, humanissimi, amantissimi consuetudo. Quocirca & ipsi præsertim debebis, si dum remoram iniicit, maximam illam, quam exigit Solis altitudinem sim Massiliæ adnotaturus. Interea ne Epistola absque tessera abeat; scito nos illic nuper adfuisse; & cum amplius Quædrans præ manibus foret, Meridianas aliquot altitudines per bīdium acceptas, exhibuisse penè, quam ipse supponis eleuationem Polarem. Eiusmodi præsertim fuit altitudo Solis die 12. huius mensis, in Meridie exhibita 65. grad. min. 0. Nimirum, cum aliande foret Declinatio Solis Boreæ 18. grad. min. 22. Equator deductus est altus 46. grad. 38. min. & Polus ipse 43. grad. 22. min. exigua minuendus Solis parallaxis. Nescio portò

portò in Instrumenti vicio, an aliunde con-  
tulerat, vt precedente xi. die altitudo Solis  
obseruata fuerit 64. grad. 48. min. vnde altitudo  
Poli deducta 43. grad. 19. min. dumtaxat vt-  
cunque sit, eadem 12. die ex altitudine Aquila-  
re observata 54. grad. 36. min. intellecta  
totum fuit altitudo Poli 43. grad. 22. min.  
que die precedente ex altitudine 54. grad.  
37. min. habita fuerat 43. grad. 21. min. Sic  
vespere eiusdem diei vndecimæ altitudo Spicæ  
17. grad. 26. min. reposuit eandem Poli altitu-  
dinem 43. grad. 22. min. Cum die superiore  
existens 37. grad. 28. min. præstitisset solum  
43. grad. 20. min. Prætereo Martem vespere  
eiusdem diei x. altitudine sua summa 40. grad.  
18. min. & Declinatione 6. grad. 10. min. prodi-  
disse adhuc eandem Poli altitudinem 43.  
grad. 22. min. Quamvis Saturnus eodem die  
manet altitudine sua 24. grad. 28. min. & die  
sequente 24. grad. 27. min. non fecerit Polum  
altiore, quam 43. grad. 19. min. & 43. grad.  
22. min. Id non aui in speciem Refractionis  
contingere, vt neque quoddam altitudo Cordis  
Scorpii 21. grad. 7. min. fecit solum altum  
41. grad. 21. min. miratus sum magis, quam  
obrem Arcturus altitudine sui maxima 67.  
grad. 45. min. extulerit Polum ad vsque 43.  
grad. min. 24. Quo se cumque modo res ha-  
beat habes bona fide quid præstitum fuerit.  
Et non apparet heic quidem obseruationum  
omnium vel conspiratio, vel constantia,  
quantam fortassis depoceres; sed versatus  
ipse in hoc genere, ac non vna vice, (opinor)  
delusus, conatus haud minus probabis.  
Ad illam parte tui gratia optimus Fabricius, &  
eiusdem iudicio sumus, vt si fortassis non  
habuerit Solstitialem illam altitudinem obser-  
uati, substitueretur, quod est enarratum.  
Porro si illam obseruatio, non Quadrante  
solum perficiam, verum vsurpabo maxime  
Gnomonem, & si possim quidem, quantum  
alias Gratiopolis, sed videlicet plus minus  
originary. Quippe hoc tibi præstetim cordi,  
& dummodò res ad libellam, ac perpendiculari  
componatur, nihil obtineri potest ex-  
quisitius. Re peracta, non differam, quominus  
teum communitem, ac simul etiam alia,  
que circa Eclipses, & maximas Mercurij  
elongationes nosse peroptas. Impertirer iam  
aliqua; sed aduersaria non sunt ad manum.  
Habeo in illis pluculas cum Solis, tum Lunæ  
notata Eclipses; & Mercurium quod attinet,  
Apparitionis vespertinas octo, matutinas  
quunque, postremo hoc triennio, ex quo  
reuisi Parisiam, diligenter obseruatas. So-  
lebam ista, & alia, ad optimum illum Schic-  
kardum, cum superesset transdere; nunc cum  
tu easdem ageres curas, haud inuius sanè  
profundam. Itaque plura pro otio, & dum  
Commentarij præ manibus erunt, ac tua  
etiam Epistola, ad quam plenior portò dabitur  
responsio. Velim interea, si quid fortassis  
cum illustribus illis Viris, & amicis eximiis  
Myrto, Geuartio, Puteano, & Chiffletio  
agas, salutem dicas meo nomine; & significes  
quam sit mihi semper clarissimorum Nomini-  
um, & carissimorum Capitum iucunda re-  
cordatio. Tu autem Vale, & me ama. Dabam

Aquis - Sextiis xiv. Kalendas Iunij M. DC.  
xxxvi.

Hæc absolueram, cum noster Fabricius trans-  
mittere se ad te dixit Synopsin quandam abs me  
compactam obseruationum varij in locis per-  
altatum circa Eclipsin superioris mensis Au-  
gusti, quam ipse quoque temet istis obserua-  
tionum receperat. Adiecit se etiam mandasse,  
vt attexeretur Exemplum facta à me Obserua-  
tionis circa Eclipsin nuperam, que conigit  
Februario mense, prout ipsam acceperat cum  
Hortensio communicatam. Gratissimum id bi-  
bui, & quia bona sorte fuit illi etiam præ ma-  
nibus obseruatio Eclipses, quam ante menses  
quatuordecim in hac urbe peregeramus; suasi,  
vt curaret seligi, ac subdi quatuor illa puncta,  
seu momenta præcipua, que tu etiam Herce  
(quantum meministi) scripsisti abs te obseruata.  
Quin etiam quia Finis nupera Eclipses & in  
hac urbe est obseruatus à Viro Illustrissimo, &  
Amstelodami etiam ab Hortensio; idcirco &  
hoc subijciendum censui, tu consule boni, & ite-  
rum Vale.

## E I D E M.

Eccepi ante duos menses, VVende-  
LINE Doctissime, scripturum me vbe-  
rius, si Solstitium tunc proximum possem  
Massiliæ obseruare. Nunc quando, &c. Ha-  
betur sub Titulo, Solstitialis altitudo Massi-  
liæ, Epistola.

Viro Clarissimo, Amicissimoque MAR-  
TINO HORTENSIO, Professori  
Matheseos Amstelodami Doctissimo,  
atque Celeberrimo,

PETRVS GASSENDVS S.

ET iam quoque scribo per-pauca, HOR-  
TENSII Humanissime, plura haud-  
dubie perscripturus, vbi Diniam peruenero,  
quod crastina luce apparere discessum. Exigo  
interea ab inclyto hocce, optimoque Fabri-  
cio, vt non prius ad VVendelinum, quas ipsi  
committo, donet literas, quam exscribi cu-  
rauerit quod possit ad te cum hac scheda  
transnecit illatum Exemplum. Nempe id  
exopto, vt quidpiam abs me circa Diamet-  
ros Luminarium habeas, dum obseruata  
alia, & commentationes de modo visionis  
ex meis Aduersariis Dinie asseruatis expectas.  
Delectauit me plurimum quoddam heic adhuc  
adferim, eum Nobilis ille Tillyæus inlustrem  
Fabricium inuissit, vt de te audire, & conserere  
iucundissimos sermones liceret. Scito enim  
nihil esse mihi vt amicitia tua carius, ita vel  
sola nominis tui commemoratione iucundius.  
Spero me tandem Parisiis mense Octobris adfu-  
turum. Ille in Deo volente, & facilius & cre-  
brior erit communicatio. Vale interea, Do-  
ctissime, Amicissimæque HORTENSII, & vt  
me cepisti amare, petge portò in posterum.  
Vale. Aquis - Sextiis, pridie Nonas Augusti  
M. DC. xxxvi.

H 4 Viro



*Viro nunquam satis laudato GALILEO GALILEI Magni Heretria Ducis Mathematico Primario, ac Philosopho Praestantissimo,*

PETRVS GASSENDVS S.

**P** Vras (Virorum Optime, Clarissiméque GALILEE) debere me præclarum virum transeuntem prætermittere, non commissa per schedulam, quam ad te perferat salute? Nec possum sane, nec debeo; tantum iam tempus intercessit, ex quo literarum nihil dedi ad te; tam grata mihi in pectore semper viget memoria tui. Venerator, ne non satis crediturus sis, quam iucundos de te sermones cum illo conferuerimus, aut quantæ veritatem sceleritati, quoties audire quempiam, qui te fuerit coram allocutus, licet. Ita me Deus adiuuet, vt te sospitem voueo, quod & ipse quoque frui tuo conspectu optatissimo tandem possim. Id, satis benè volentibus continget mihi, priusquam annus proximus prorsum elabatur; quando fixum, ratum, constitutum est, non rediturum me Parisios, quin te prius adiero; & scelerem istam senectam amplexibus meis fuero prosequutus. Deceui nihil emittere ex nugamentis illis meis circa Epicuri Philosophiam, donec reuerfus fuero abs te: Vtinam sis ipse superstes, si is tandem factus visurus sit lucem. Memorabit egregius Vir, quid me rerum interea heic molientem offenderit; scilicet eximio illo Telescopio, quod me beate dignatus es, effigiari Lunam pro curto suis lineamentis, & coloribus; quæ etiam in te Pictor iam adhibitus fuerat ante duos annos per complureis mensibus. Nunc eidem negotio tantò incumbō ardentius, quantò noster Fabricius, incomparabilis ille detinet heic Claudium Melanum, Pictorem illum, Cælororéque celeberrimum, quem tu Romæ nosti (certè & ipse mihi de te quam plurima commemorauit) vt penicillo, scapellóque instituto subséruiat. Si res succedat, nemo te prius promeruisse Exemplum potest. Vidisse videor in Venere quæ corniculata etiam-num apparet, futura breui *Διότμο*, nescio quid disparitatis inter intimam extimamque oram. Si, cum euadet *Διότμο*, nebulosior in medio, quam in limbo deprehendatur; tum demum comprobabitur, quod est verosimillimum, *ἡ φαντασία αἰσθητικῆς*, simile Lunari quadrate in ipsam, Vale, Virorum Optime, meque semper, qui semper tui sum obseruantissimus, ama. Salutat te quam plurimum illustis Fabricius, abs quo quantum & suspiciaris, & amaris, apptimè nōsti. Scribebam Aquis-Sextiis in illius adibus xiv. Kalendas Decembris, anno salutis M. DC. xxxvi.

PETRVS GASSENDVS  
GABRIELI NAVDÆO Suo, S.

**S** Ignificasti, mi NAVDÆE, obscurum euasisse me, dum brevis esse volui: Ecce igitur vt multatam expendam. Dixeram ipsum Solem horizoni vicinum, &c. *Habetur sub Titulo, De Apparente Magnitudine Solis humilis, & sublimis, Epistola quatuor.*

*Clarissimo, Doctissimo, Amicissimóque Viro MARTINO HORTENSIO, Professore Matheseos apud Amstelodamensis Celeberrimo,*

PETRVS GASSENDVS S.

**S** Lter iam mensis labitur, HORTENSIO Humanissime, ex quo Diodatus, optimus ille, transmisit ad me literas Octobri mense abs te conscriptas. Præter desideratas ad me, erant quæ ad nostrum Valefium: Is ad me, cum eas accepisset, remisit subinde, vt pellegerem; ac impensè sollicitauit, vt votis tuis facerem satis. Hoc itaque est, quod aggredior; tum quidem, quia ille cflagitat, tum verò præsertim quia iam erga te debitor sum inueteratus. Deposcis, vt significem, quo artificio Solis, ac Lunæ aucupari diametros soleam. Postulas etiam, vt causam dicam detectæ abs me differentie, quæ diametri huiusmodi alia magnitudine in visum incurrunt, alia per vmbra m sese depingunt; quam rem video Morinum nostrum, secus quam se habet, ad te perscripisse. Age ergo consule boni factum compendium operæ, quando exscribi iussi exemplum Epistolæ ante duos menses ad Naudæum virum amicum, & Philosophum in Italiam missæ, in qua vtrumque præstatum est. Obseruata in exscripto proportio non est, nec trabeculæ, nec pinnacidiorum; sed ipse satis intelliges ex adiuncta hac descriptione. Suppono Pedem Regium, seu Parisinum diuidi vulgò in duodecim digitos, quem-vis digitum in duodecim lineas (sic dicere solenus vncias) & abs me quam-vis lineam per transuersos ductus in duodecim particulas, seu quasi puncta subdividingui. Hac ratione trabecula (quæ dimidio pedis crassitudine non est maior) deprehensa est continere secundum lineam fiducie inter pinnacidia extemis apposita pedes 22. digit. 2. lin. o. part. 4. vniuersè particulas 38308. pro quibus inter supputandum substitueret solbo Secantem complementi 261542. Vtrumque autem Pinnacidium Altitudinis aliàs debite deprehensum est latum digit. 5. lin. 6. part. 4. vniuersè part. 796. Atque hoc quidem addendum fuit. Addendum & aliud circa id, quod congereris de inobseruabili Lunæ vmbra. Sed suppono nempe eam trabeculam mira tractari facilitate, si circiter medium, vel fenestulam debite alta suffulciatur. Suppono etiam lucem è fenestra ita esse circumcidendam, vt non multò amplior, quam

quam ferant pinn acidia, subingrediat in  
lucem. Suppono demum ex ea vmbra, quam  
pinnacidium superius in inferiore depingit,  
seculam esse, quam penumbra vocant,  
accipienteque solum esse extrema vmbrae nig-  
rescentie, tanquam includentia id spatium,  
quod Luminaris diameter nulla sui parte res-  
pectat. Iam cum res notatu facilis videatur in  
vmbra, quam Sol proficit, ita corrigo hebe-  
tudinem delineationis Lunariorum. Parata, & ad  
manum habeo pluscula alba foliola geminis  
lineis intersecta, parallela illis quidem, sed  
intercapedine inæquali in diuersis foliis, vt  
ex facta successiue applicatione plurimum infe-  
riori ipsi pinnacidio, internosci possit ac de-  
terminari, quæ intercapedo exquisitè vmbra  
compleatur. Demonstrationem attererem,  
quam in memorata insinuauit Epistola; sed  
ipse statim eam peruidebis. Itaque præstat  
heic subsidium, quod in illa non attigi, neque  
verò necesse fuit; quando postulata solum  
causæ fuerat diuersitatis diametri secundum  
obtutum & secundum vmbra(m) præstat, in-  
quam, Subiectam quid obseuatum hactenus  
circummetralem vtiuisque Luminaris quan-  
tatem. Ac primum quidem prætereo, quod  
superius altate, vigesima nempe mensis Iu-  
nij obseruauit Massiliæ, vbi vsurpare trabecu-  
lam hinc pedum 36. digit. 1. lin. 7. part. 7. vni-  
uersæ particularum 62443. Cum mecum enim  
detulissimè, ipsique apposuissimè eadem Pin-  
nacidia latitudinis particularum 796. vmbra  
superioris deprehensa est in inferiore con-  
tracta ad digit. 1. lin. 8. part. 10. hoc est vniuersæ  
ad particularum 1000. ex quibus accipiendo pro  
diametro superioris lucis 273. ratiocinatus sum  
etiam diametrum Solis esse grad. 0. min. 15. sec. 2.  
seu diametrum totam grad. 0. min. 30. sec. 4.  
Superiore nocte, cum Luna foret ad exortum  
alta gradibus circiter 10. Vmbra diametri il-  
lius decurtata quidem apparuerat digit. 2.  
lin. 1. part. 2. Integræ verò digit. 1. lin. 11.  
part. 6. Vnde exhibita fuerat semidiameter  
decurtata quidem grad. 0. min. 13. sec. 8. In-  
tegra verò grad. 0. min. 14. sec. 9. seu diameter  
tota grad. 0. min. 28. sec. 18. Sed hæc vt dixi  
prætereo, quando plures iteratè obserua-  
tione non sunt. Quippe eo solum processis-  
sam, vt VVendelino gratificaturus obserua-  
tione illic loci altitudinem Substititalem, quam,  
vt hoc dicam obiter, deprehendi esse grad. 70.  
min. 10. sec. 55. Quoniam vsurpato stylo alti-  
tudinis pedum 51. digit. 8. lin. 4. part. 0. hoc est  
vniuersæ particularum 89328. obseruauit vm-  
bram meridianam minimam pedum 18. digi-  
t. 4. lin. 5. part. 10. vniuersæ particularum  
71750. idque detracta solum vnicâ particulâ,  
quod Sol paullo maturius initium & attigisset,  
quàm in ipsa meridie diei 21. vbi particulæ  
fuerunt 1751. Adcò proinde vt fuerit pro-  
portio Gnomonis ad vmbra(m) qualis radij  
1000000. ad tangentem 3554312.

Sed ad Diametros Luminarium tandem re-  
deo, quas & sæpius, & quictius in hæc ipsa  
Ciuitate, ædibusque ipsis optimi Fabricij ob-  
seruare licuit, vsurpatâ Trabecula initio de-  
scripta. Ergo quod Solem attinet, cùm obser-  
uationes paucæ vix ad paucula secunda excur-

rant; plurimum tamen consentiunt, vt Apo-  
geius sit grad. 0. min. 30. sec. 12. Perigeius  
grad. 0. min. 31. sec. 6. Ille nempe vmbra su-  
perioris pinnacidij contrahitur in inferiore  
ad digit. 3. lin. 2. part. 4. vniuersæ part. 460. heic  
verò ad digit. 3. lin. 1. part. 6. vniuersæ part. 450.  
Quod ad Lunam verò consensum similiter est,  
vt Apogæia sit grad. 0. min. 26. sec. 37. propter  
vmbra(m) in inferiore pinnacidio contractam  
ad digit. 3. lin. 5. part. 8. Perigæia verò grad. 0.  
min. 31. sec. 6. hoc est, præcisè proflus tantâ,  
quantus Sol etiam Perigeius, propter vmbra(m)  
similiter contractam ad digit. 3. lin. 1. part. 6.  
Id mirabere, mi HORTENSII, sed ego qui-  
dem non video posse errorem magnum sub-  
esse. Expendes ipse omnia, & si quid vitij,  
discriminisque obseruando agnoueris, pro tuo  
eandore admonebis. Iam, vt vel vnum Exem-  
plum habeas diametri per vmbra(m) variæ ap-  
parentis, pro vt Sol declinans, aut sublimis eua-  
serit, Ecce, verbi causâ superiore Iulio, ac  
die 12. mandè, Cùm Sol foret altus 3. grad.  
Vmbra ipsius in prædicto inferiore pinnacidio  
fuit digit. 3. lin. 3. part. 6. vnde colligitur diame-  
ter grad. 0. min. 28. sec. 52. Alto verò Sole  
grad. 5. vmbra fuit digit. 3. lin. 3. part. 0. Alto  
grad. 8. vmbra digit. 3. lin. 2. part. 8. Sicque  
deinceps donec à 15. circiter graduum altitudinis,  
ac in ipso meridie vmbra fuit digit. 3. lin. 2.  
part. 4. Missum autem facio incrementum  
vmbrae eadem proportionè à meridie factum,  
cùm & vespere antecedente, alto Sole grad. 3.  
fuit similiter vmbra digit. 3. lin. 3. part. 6.  
Sicque rursùm diameter Solis fuisset grad. 0.  
min. 28. sec. 52. Ad hæc vt exemplum etiam  
habeas variatâ Lunæ diametri, pro vt se-  
cundum vmbra(m) spectatur, vel secundum  
nudum obtutum; idque in diuersis lucis gra-  
dibus: Ecce cum die 24. superioris Iunij, hora  
2. matutina, Obseruassim eadem ratione  
diametrum Lunæ decurtatam grad. 0. min. 18.  
sec. 42. propter vmbra(m) digit. 4. lin. 1. part. 0.  
Integram verò grad. 0. min. 28. sec. 36. propter  
vmbra(m) digit. 3. lin. 3. part. 10. (Refero autem  
bona fide, cum Luna inter Apogæium & Pe-  
rigeium media, videri debuisset diametri  
dimidio minore circiter maioris: sed nimi-  
um in Plenilunio obseruari potest exquisi-  
tius) cùm id, inquam, sic peregrissem, vsurpaui  
Radium, ac in eisdem tenetibus seu ante natam  
Auroram, & cùm sola Lunæ respectatæ lux  
transuersum afficeret oculos deprehendi diame-  
trum eius, decurtatam quidem grad. 0.  
min. 26. sec. 7. Integræ verò grad. 0. min. 38.  
Cùm postmodum autem Aurora cepisset incla-  
rescere, obseruauit decurtatam grad. 0. min. 25. sec. 7.  
Integram grad. 0. min. 36. Rursus cùm dies  
foret omnino iam clara, decurtatam grad. 0.  
min. 24. Integræ grad. 0. min. 34. Iterum  
cum exortus Sol vespertur adhuc inter va-  
pores satis densos, decurtatam grad. 0. min. 23. sec. 7.  
Integram rursus grad. 0. min. 34. Denique  
cùm Sol foret iam nitidissimus, & dies cla-  
rissima, decurtatam grad. 0. min. 21. sec. 7. In-  
tegram grad. 0. min. 33. Obiter heic adnota,  
quod dicere oblitus fueram, Diametrum  
ipsius-met Solis inter vapores existentis, & in  
altitudine grad. 3. tum cùm per vmbra(m) exhi-  
beretur

beretur solum grad.o.min.18.sec.52. obseruatum fuisse eodem Radio grad.o.min.33 $\frac{1}{2}$ .

Ex his iam pernoses quid tibi Morinus significare voluerit, neque opus est aliquid adiciam circa rationem, quam exis huiusmodi apparentiarum. Illæ nimirum aliæ sunt, quàm ipse perscripserit; & cum huiusmodi sint, ratio tibi est abside perspecta. Quippe & ratiociniis tuis in Dissertatione mecum instituta id debeo, vt me suspicio eius ipsius, quam in prædicta Epistola expressam habes, subierit. Cæterum de Morino nostro nihil aliud dicere possum nisi quod vir optimus est; de eius opinionibus, & quæ assentatione, aut potius veneratione, quæ illas prosequitur, quid dicendum sit, ipse satis nosti. Delectauit me plurimum, quod perscripsisti de Instructione Naucleris vestræ tradita, vt possint in India, aliisque locis Eclipses Lunæ obseruare. Delectauit etiam optimum Fabricium, qui procurauit per Generales Religiosorum Ordinum subditis sibi Religiosis, qui peregrinantur, degunt ve in illis Regionibus, idem muneris demandari. Porro quoniam Instructio illa typis, vt ais, excusa est, per-gratum nobis facies, si curaueris illius Exemplum ad nos transferatur. De Schickardi scriptis nihil prorsus audio; sed nempe longum iam tempus est, ex quo ne noster quidem Diodatus à Berneggero aliquid habet. Nosti quæ sint earum Regionum, viarumque impedimenta. Benè Deus fortunet omnia, Tu benè Vale, mi HORTENSI, ac me amare ne desine. Illustri Fabricius te multum salutat, prospereque omnia tibi precantur. Scribebam Aquis-Sextiis in illius Aëdibus, Eidibus ipsi Febuariis, M. DC. XXXVII.

*Viro incomparabili GALILEO GALILEI, Magni Hetruriae Ducis Mathematico,*

PETRVS GASSENDVS S.

**A** Deram nuper Aquis-Sextiis, GALILEE Clarissime, Præstantissimæque Virorum, cum Inlustris Pireskij nostri *ra. iussu. p. r. u.* germanus tuas accepit literas, & quanta mei mentio facta abs te fuisset, ostendit. Et confestim quidem gratitudinem testaturus ad te scripsissem; sed partim, quæ ad manum erant negotiola inturbabant, partim desiderium, ac spes agendi coram gratias continuit. Constitueram videlicet hoc ipso anno te conuenire, inarseratque animus, cum significatum à Diodato est, grauem morbum ætati iam ingrauescenti superuenisse. Quare apparato comætu de die discessus deliberabam, cum ecce renunciatum est itinera omnia terraque, marique sic occupari milite, vt sine magno discrimine penetrari istuc non posset. Id vbi confirmatum est, ac bona sorte simul accepit ab eo morbo conualuisse, sic nutare cepi, vt tandem præstabilius censuerim differre adhuc in paucos menseis meam versum te professionem. Accessi interea ad hanc Ciui-

tatem & discessuro Lugdunum Veredatio paucos hosce versus exarare placuit, qui Rossio, Cognatogue tuo, optimis viris commendarentur. Accipies proinde & valere me, & gestare semper in mente, medullisque intimis memoriam iucundissimam, ac venerationem tui. Quantum verò putas id doleo, quod commemoras quodque à Diodato iam acceperam, oculorum altero te fuisse orbatum? Sed & quantæ putas id mihi consolationi vertitur, quod perspectam animi tui moderationem habeo, neque hæreo, quin solitâ, hoc est inuictâ constantiâ casum istum admiseris, tanquam nihil à conditione humanitatis passus alienum? Et versetur etiam alter, qui superest oculus in simili discrimine: cogito tamen te ad hanc quoque iacturam leniter ferendam esse paratissimum; quippe sic affectum, vt quocumque te, vel Natura, vel Fortuna adgerit, lubens, lætûsque consequaris. Nosti nimirum quantum præstet sequi volentem, quàm trahi inuitum; & patiendi necessitatem consensione potius lenire, quàm repugnantia exasperare. Te verò præsertim consensentem est ad omnem enentum, compositum esse, qui es iam pridem aduersus Fatum tantopere exercitatus; quémque vix vllum telum ferire, quod non fuerit præuisum, potest. Quæ cecitas certè instare videtur, non ex inopinato continget; neque sic morore afficiet ob hebetatam corpoream aciem, quàm voluptate recreabit, ob superstitem perspicaciam mentis. Accidat enim; futurus tamen & habendus es, quasi alter Appius, quo inter Romanos nemo oculatior; aut quasi alter Democritus, quo (seu verum, seu fictum sit quod de cecitate eius dicitur) nemo inter Philosophos solertiùs, ac penitiùs naturam rerum introspectit. An fortè etiam non cogitabis præter hoc spolum, quod nisi aliud, saltem mors sui faciet iuris, superfuturus oculos immortalitatis luce corruscanteis: Videlicet fieri non potest, vt extinguantur, aut intereat foelices illi oculi, quibus primis concessum est tot res mirandas conspicerè, & conspiciundas exhibere. Verum confisto; ne candorem, modestiamque summam offendam; addôque solum esse, quod doleam, nisi te lumine vtrôque res discernentem conuenero. Quippe tecum communicare in animo erat præter cætera non contemnendum Paradoxum, *Quod aperto licet oculo vtrôque, altero tamen solum videamus visione, quam distinctam vocant.* Sed quamquam non possis ipse explorare, quæ experiundo mihi contingunt; habebis tamen facili cæterorum, experimenta; & vel ex solo parallelismo motus oculorum tibi cognito conicies, opinor, opinionem hanc videri planè necessariam, Et queretur quidem fortassis quid alter præterea oculus molietur; verum constabit illius axem sic relaxari, aut retrahi, vt planè prorsumque otietur, & Naturæ ductu ex oculis duobus illius axem dirigi, qui valentior exstiterit, vt solent membra gemina inæqualis esse virtutis.

Plura, Deo volente, coram; Interea nihil adicio circa dolorem quem concepisti ex immatura Optimi, Nobilissimique Pireskij morte.



*monet. Sane is summo quidem studio bonos, literalesque omnes qua Orbis patet, complectebatur; sed te ut primas in iis tenere arbitrabatur merito, ita imprimis & suspiciebat, & prolequebatur insigni affectu. Conscius sum ipse quid tui causâ procuratum voluerit; quàm vehementer insisterit; quàm obtinere non desperarit. Et quamquam fortassis id ubi, qui es ingenti animo præditus, à dâ quæsi fuit: saltem illius erga te mens esse non potuit argutior; nec per eum stetit, statutorum-ve fuit quin maxima cum libertate tranquillitatēque duxeres quod superest aui. Me quod attinet, ipse te superiorem longè hisce calibus, insulsi- busque Fortunæ duco; istamque sedem habeo, non instar insulsi cuiusdam exilij, sed instar operatissimi, fortunatissimi que fecissis. Quasi verò cordati viri quidquam amplius desiderant in medijs Aulæ fluctibus, tumultibusque Ciuitatum, aut quæsi ibi in hac ætate possit aliquid esse dulcius, quàm procul abesse à prophana turba, quæ quasi bellua multiceps nihil verè humanum sapit; nihilque, præter simulacrum, iurandam, perflam, ceteraque id genus spiat. Illeic præinde contentus viue, & quodcumque licet feliciter, Vale. Massiliæ 111. Eid. Octob. M. DC. XXVII.*

*Principi Magno, Sapienti, Bono,  
LVDOVICO VALESIO, A lensi  
Comiti, leuoris Equitatus per Gal-  
lias Magistro, & Gallo-Prouincia  
Pro-Regi,*

*PETRVS GASSENDVS  
Eboracensiv.*

**M**AGNE PRINCEPS, Commuto locum, Deo propicio, valetudine commutata. Hunc est vero faste insalutato stationem hanc deserere, in qua te præcunte fui constitutus. Discedo nempe teneor Aquas-Sextias, ne Abbas Campinius larcis repetat, quin salute coram accepta, salutem ipsi referam præsens. Et plenum quidem robur non est: sed vireis fortassis acquiram eundo. Spero certè abundè fore, ut ad te breui redeam, ac præsertim si vel Brinonia, vel Belgenferij fueris, vbi adfueris speratis. Spem aliunde fecit optimus Antistes, is nempe in cuius *diuitibus* vestris, fore ut te etiam conueniant ab Assumptione Dei paræ. Fecit & Belrecullius, eximium illud lucentum decus. Vtinam publica negotia illis, mihi que facilitate, hoc est augustissimam simul, ac iucundissimam tui consuetudinem non inuideant. Retulit nuper Robertus meus quantâ excepisses letitiâ alterum illum Præulem à partibus meis futurum. Non hæreo etiam, quin ipsi semel, iterumque aduentu te testatū esse volueris quàm sit rem tibi facturū gratam. Faxit Numen, ut ipse olim non interitum faciam, quàm tu me sponte obstrinxeris, quàm ego iure euaserim tuus. Quod spectat certè ad id negorium, ecquid fausti non ominer, quod felices tuæ

intercedant manus? Sex Primarij Viri sunt, quorum suffragijs res peragenda: debetur autem reuerentiæ augusti tui nominis, quod conciliatis quatuor, sim iam duobus votis superior. Et ex cæteris quidem duobus, alterum deprecari nefas, nimiumque est, quod ipse illi tuam deposcenti gratiam fauere detractaueris: quid verò alter tibi Parisijs responderit, mihi non constat. Id quidquid sit, maximum fuerit, si priusquam inde discedas, Vicarium accersueris, qui Sède vacante suo vtatur iure. Tamen enim fortè reponat se iam alij fidem dedisse, aut ut det literas habuisse; exigere tamen ex eo poteris, ut quantum per fidem licebit graue non ducat, vel tui causâ symbolum in me suum conferte. Scilicet nullus dubito, quin suæ sponis adhuc sit, & fore confido, ut Electus Præful libertatem ipsi plenissimam faciat. Recepit quoque præclarus ille, quem primo loco memorauī, suis agere literis, ut conspiciantem illum efficiat. Quid verò non euenerit, si ex desiderij tui testificatione accesserit pondus? Vide, OPTIME PRINCIPVM, quantum mihi de te polliceat. Temere sanè, si me spectem; sed licentia ramen non illicita, si indulgentiam illam tuam, quæ reddidit iam pridem me de tua bonitate securum, Viue semper felix, & Superis charus, ac benè, imò optimè Vale. Draguiniani in ipso discessu 111. Kal. Augusti, M. DC. XXXIX.

## E I D E M.

**M**AGNE PRINCEPS, Iterum quidem reinterpello; sed interpello tamen volentem. Nempe conquestum te memini, quod ad te non sæpius, & Latine literas darem. Tamen si verò negotijs nunc distineris oppidò magnis; emergit tamen, vel potius constat semper animus liber, solisque inter classica, etiam Euterpes tibias audire. Paucis aliunde volo iam te; quoniam sum ad te breui rediturus. Occasionem fecit, qui hac iter faciens literas vitro ad te accepit. Is Corculi illius tui magnum agit Vicarium; estque in ipsius Ecclesia benemeritus, notisque Præcentor. Cùm verò me impensè amet, exoptetque meum negotium pro votis tuis succedere; satagit ipse quoque illud pro sua virili promouere. Et quoniam accepit eum virum, de quo scripsisse commemini, abs te, ut eius quoque suffragium euincatur, accitum irei; ideo insinuanda tibi verba censui, quæ ad institutum non parum conducant. An-non patiere, OPTIME PRINCEPS, ut illa tibi suggerat, quando mea res agitur, quæ est tibi maxime cordi? Maior est profectò humanitas tua, maior beneuolentia, quàm ut audire lubens detractes. Agnosces porrò virum alioquin cordatum, ac omniind dignum, quicum sermones conferantur. Excusationem nullam subtexo, quia nullam abs me exigit, sed vis candida, & quod non promereor, penè familiariter agi. Fortunet Deus consilia tua, teque sospitem diu seruet. Vale. Dabam Dinia, 111. Kalendas Septembris, anno Salutis, M. DC. XXXIX.

E I D E M.

## E I D E M.

**M** Em, MAGNE PRINCEPS, quàm debeo tibi gratias vberes agere, ob tam profusam beneuolentiam! Scripsisti ad meum Præfulem, vt significares quid Regi placeret; vt sponforem præstares te posse à promissis illum resiliere; vt innueres te experiri, quid tui causâ facere vellet; vno verbo, vt illum mihi, cæterorum instar quæreres fautorem, Quoniam interea, Deum immortalẽ! dicendi lepore es vsus? Quos stimulos non adhibuisti, vel infixisti verius? Quos ad persuadendum, quod intenderas, rationis nervos non contendiſti? Dicam ingenuè viſus es mihi factus te ipso superior, nec potui mihi non gratulari, ac felicitati magnæ vertere, quod te eum gesseris mei causâ! Habebam certè iam alia: sed hoc habeo nunc argumentum incomparabilis bonitatis, quod non potuerit etiam in caput coniunctissimum esse compatiator. Faxit Deus ter- Maximus succedant tibi prosperè omnia, & cum impar sum, qui grates rependam, ipse *debet, & gratias* meam suppleat infirmitatem. Erit porò, OPTIME PRINCEPS, cur admirare virum illum nescio qua ex causa ita obriguisti, vt cautè Marpesia fuerit inflexilior. Alium certè neminem noui, qui non statim dedisset manus, nec puto quemquam esse Mortalium ita natum gratis, vt vel audito nomine tuo non euasisset obsequentior. Misit ipse statim consultum ecquidnam responſurus esset: sed ad illum nempe cuius interest, vt votis tuis non fiat satis. Et videbis sanè, cùm responderit, vt dare non ausus repulsam perspicuam, habere tamen se insinuet quo retrahere pedem possit. Ita penè iam egerat circa obstrictam tibi fidem; detexic enim quo artificio adniteretur facere fucum, vt quasi Proteus deluderet, elabereturque, quæſito prætextu. Rem totam perscripsi ad nostrum, si dicere liceat, Campinium, subnotauisque compedes aureos, quibus ille vinctus teneatur. Indicaui etiam tam illi, quàm præclaro Marescoto, quid facto opus existimem, vt sui vel nolens dedicationem faciat. Noui quippe cum nihil æquè, ac fauoris tui iacturam extimescere, sed vt te habet Principem bonum (qui profectò es optimus) ita te esse procliuem putat, qui & verba accipias, & excusationem quamcunque admittas. Quare si innotuerit te, non sine indignatione tergiversationem eius excepisse, displicuisseque quod noluerit saltem Maifestati Sacræ obsequi: haud dubiè deuictus coram te procumbet. Quia verò & tuam, vt mihi videtur, dedecet Personam, & ille se dignum non præstat, cui ipse id significes, congruere magis visum est, vt Marescotus, cui is aliunde plurimum confidit, rem exsequeretur. Vocauì quoque Ber-villam, amicissimum scilicet caput, in partem quandam operæ: ratus per-grata fore omnia, quando & de me agitur, & de testatione tuæ voluntatis, quam iſtanti fieri non est consentaneum. Tu igitur quidquid id est, æqui, bonique sic consule, quasi ipse ad quidlibet de te audendum me animaris. Vale, PRINCIPVM

OPTIME, & me amare desine nunquam.  
Diniæ IV. Eid. Septemb. M. DC. XXXIX.

PETRVS GASSENDVS  
BORIENÆO SVO, S.

**M** Micorum Candidissime, reddidit mihi hesternaluce tuus famulus tertium Epistolium. Occupatissimus cùm forem, non vacauit extemporaneam responsionem conscribere, is verò recepit se illam circa vespertam quæsiturum. Non rediit tamen; quare ne illam nimis retardatam causeris, mox experefactus calammum arripio. Sed hem! mi Amice, quàm appositè famulus ingreditur limen, exultationem ex eo texens, quod heri ad te reueri non debuerit. Ne heic ergo illum diutius detineam, ago paucis immensas gratias ob singularissimum affectum: Quantum certè tibi debere me sentiam, ipse, qui me nosti, conicere potes. Virum hæctenus non conueni, quia ex quo ipse discessisti, pomerij finis egressus non sum. Acepi aliunde locum heri fuisse peruulgato versui, ac interpretationibus, ob quam sibi aselli sui iacturam Martinus creauit. Quamprimum tandem & potero, & licebit illum inuisam; quoniam & debeo, & tu hortaris. Expectat adhuc doliolum, virus haud-dubiè, non vinum hauritus. Vtinam ex fago comedere vellet; sed alexipharmacum non curat. Commiseram huic nudius tertius vnde imposturam conuelleret de claudio in me pedibus non eunte. Quid fidei factum, nondum comperi; hodiernus dies fortè docebit. Multa haberem præterea; sed quia adscribere non vacat, vinum quod lubens intelliges, subicere animus est. Acepi nempe literas à Principe ter-optimo eidibus huius mensis datas; ex quibus quia Latine sunt paucos exscriptissè versus non pigebit. *Neporis, inquit, ad Antistitem tuum missi, rediunt expecto, cuius contumacia tantis à me machinis oppugnabitur, vt supplices, & villas manus cogamus eum rendere. Cunctator Naturæ mediator aliquid, quod votis respondeat meis. Fortassis sodalium nobis vota conciliat, vt confecto negotio gratior ad me accedat. Sunt plura, sed heic modus esto. Tu benè Vale Amicorum decus.* Ex Musæolo XIII. Kalendas Octobris, M. DC. XXXIX.

Principi Magno, Sapienti, Lono,  
LVDOVICO VALESIO, Alensi  
Comiti, leuiorìs Equitatus per Gal-  
lias Magistro, & Gallo - Prouincia  
Pro-Regi,

PETRVS GASSENDVS  
Euaestien.

**M** AGNE PRINCEPS, Redit ad te de-  
mum Antistitis Nepos, literisque deferri;  
in quas penetrare, piaculum mihi, ac Religio  
est.

est. Vereor tamen ne possis de me Euripideum illud viuipare.

*Amor enim, hinc utraque caratur,*  
 sed vius sum ad te scribens rem ipsam acutius. Perspicies ipse quidquid id est, & si et forte aliqua Sphinx, Campinius tibi OEdipus erit. Hoc testari possum, internuntium tuum sese generose gessisse, ac esse cur in eo agnoscas animum planè obsequentem. Est etiam quamobrem fidem illi habeas, cum referet equid-nam causæ remoram tantam intercesse. Iuuabit hoc quoque, vt intelligas quid in recessu conditum lateat, ac vbi rem pernoueris, id agas pro more, amorque erga me tuo, quod expedire videbitur. Me quod attinet, longe abssum, vt quidquam prescribam, aut inuincum; quando tua illa solertia grandiora omnia, & vt sic dicam, magnificentiora prouidet, ac præstat. Certè hac ipsa occasione fecisti ipse non rogatus, quod ne in mentem quidem mihi occurrisset; ac tantum occurrisset, nefas duxissem, aut sperare, aut vis te exigere. Ita officis, vt me te dicere idem liceat, quod de Gratiano Arsenius, *Spem superas, cupienda praeuenis, præuenis, quaque animi nostri celeritas Inuicem instat affectus, beneficij præcuntibus anteceditur, præstare tibi est, quam nobis quare velocius.* Hinc nihil mirum, si sentiam in tanta hac beneficentia non onerati, sed opprimi; & (quod durum est animo gratulanti præsentem) peruideam nullam temporis longinquitatem sufficere, vt quas deus, & tuas debite persoluam. Hisce si ad te beneuolentiam illam beneuolentia testatur, quam expressisti nuperis tuis, isque literis; quid superesse animi putes? Est tamen cur contraham vela; est cur non modo sileam, sed etiam planè obstupescam, scilicet non minorem gloriam Mnemosyne tibi, quam Bellona parat; quando Viris quoque studiosi, vimbraticisque prætipis palma. Vis dicam quid contigerit? Reuocauit mihi in mentem mellita tua Epistola quod Cornelius IX. Ausus ille tuus, Regum generosissimus, ad Petrum Ronsardum carmine persequitur; ac duplicuit tamen me cum non esset, qui polliceri idem possim, quod Corymbus ille Poëtarum. Quippe si prodire quidpiam ex me posset, quod genium haberet, vnde viueret, scripta ad me tua intexerem chartis non igne, non ferro, non ventitate abolendis. Quam-putas quoque displicuit non posse me Seneca instar, Epicurum imitari, qui ad Idomeneum scribens, rigide tunc potentia Ministrum, & magna tractantem, (ita loquitur Seneca) *Si gloria, inquit, tangeris, notiozem te Epistola mee facient, quam omnia ista, quæ colis, & propter quæ coleris.* Pergit autem ille, *Nunquid ergo meritum est? quis Idomeneus nosset, nisi Epicurus illum suis literis incidisset? Omnes illos Megistanus, & Satrapas, & Regem ipsum, ex quo Idomeni titulus perrebat, obliuio alta suppressit.* Et postea, quod Epicurus amico suo potuit promittere, hoc tibi promitto, Lucili; habeo apud poseros gratiam; possum mecum duratura non

Gassendi Epistola.

mina educere. Neque verò ipse quoque Seneca mentitus est, quando suis Epistolis ignotum aliàs Lucilium ad nos vsque, & porro transmisit. Enim-verò, cum is non sim, qui talia spondere, aut præstare valeam, neque profectò tu is es, qui timere debeas, ne tanta tua virtus tradatur vnquam obliuioni. Caterum quod tuo illo stylo in quo grauitas sententiarum cum elegantia verborum certat, nescio quid durisculum lenias, id dignum sanè tua comitate, ipsæque planè aggressis sum, qui sciam dumtaxat laruam laruam, & simiam simiam dicere. Qualiscunque sum, felicem me habeo, quod tu dignaris amare me. Perge id agere, & Vale. *Diniæ XII. Kalendas Octobris, M. DC. XXXIX.*

### Commendatio Extemporanea,

**E**ontendunt ecce in Italiam perituri iuuenes Baptista Baillius Normanus, & Ludonicus Derodo Delphinus; & quia inuisum non præteribunt maximum illum Galileum, quem affari vt coram possint, peregrinationem præsertim suscipiunt, idcirco sciant se maximum operæ pretium esse facturos. Videlicet Virum conuenient, sanè super Æthera notum, & quo alium non exultit ætas hæc nostra gloriosiore. Quippe tametsi Orbis terrarum laudatis Virorum inlustrium scriptis, factisque circumstrepit; horum tamen omnium memoriam silentium altum breui inuoluet, nomen, quod ille Cælo inscripsit, donec Cælestia curæ erunt, apud Homines perennabit. Quæso Præclaros Iuuenes, salutem meo nomine dicant; ac persuasum habeant inuidere me, quod vnâ adire, Virumque complecti perinde non liceat, obstantibus faris. Appreor illis faustum iter, Aquis-Sextiis captum, XVI. Kalendas Nouembris M. DC. XXXIX.

### PETRVS GASSENDVS BORIENÆO Suo, S.

**D**Ebeo multa, persoluo pauca; sed fatius est aliquid demum, quam nihil omnino reponere. Perspectum habeo quidquid tibi mei ergo conigerit: non fuit verò id tibi ferre quam mihi audire ingratus. Te scilicet amoris candor facere potuit alacrem, me quod causam præberim, non potuit angor non occupare. Hoc vno sum nomine faelix, quod tu me nec ignatum habes, nec immeritorem tantum tui affectus. Vtinam liceat, quantum me tibi deuinctum agnoscam, opere testari. Spero saltem fore, vt olim meminisse ista nos iuuet; vbi mutuo in apricis illis, viridatibusque fabulabimur. Vale interea, ô candidum, & dulce Amicorum Decus. Aquis-Sextiis Non. Nouemb. M. DC. XXXIX.

I LVDVICO





ne attingere quidem sextum. Superueniens ego ab annis circiter duobus supra viginti, certus prope fui variationem non excedere quintum gradum. Re consequenter, & repetitis obseruationibus, exploratâ deprehendimus variationem paulò minorem gradibus quinque, definitamque gradibus quatuor cum dodrante habuimus. Hac præoccupatione ducti (neque enim fateri pudet) nihil deinceps hæsimus, quin variatio huiusmodi pro constanti habenda foret, vnde & oscitantius mentem deinceps aduertimus, & si quid incongruum apparuit, meræ negligentiae attributum fuit. Sanè cum ante quatuor annos obseruarem Maasilæ proportionem vmbre Solstitialis ad Gnomonem, & Meridianis lineis ductis Pyxidem amplam, accuratèque elaboratam applicarem, nemini sæpius conquestum me quoddam variatione Magnetica tertium gradum non superante, non duxissem lineas satis exquisitas. Nunc verò quid putas abs me obseruatum? Nulla fuit profectò Meridiana linea cui acus variè applicita perueniret ad tertium gradum. Ac in aliquibus quidem consistit ad duos cum semisse, visa est etiam aliquando non peruenire prorsus ad duos; verum applicita ad lineam, quam habuimus maximè tritam, quæque est adhuc maximè omnium ex antiquioribus conspicua, duos omnino gradus exhibuit. Admixtus est optimus Senex id cognoscere etiam ipse, ægrèque demum fidem adhibuit, cum tam procul à quinto gradu resistere acum conspexit. Atque hæc sunt tandem quæ te scire volui, ne si cum forte plures aliunde obseruationes habueris, ressera mea desideretur. De causâ nihil adhuc potui, quod satisfaciat, communisci, tamen variè versauerim, & Copernicanam anticipationem, & Gilbertianam verticatem, & Keplericos nucleos, & Democriticos hamulos, catenulâsq; & alia id genus oppidò quàm multa. Expecto quid censueris ipse, qui præter insignem solertiam perfecisti haud-dubiè experimenta longe plura. Vale, Aquis-Sextiis, v. Non. Iul. M. DC. XL.

*Clarissimo, & Doctissimo Viro FORTVNIO LICETO, in Bononiensi Academia Philosopho Eminentissimo,*

PETRVS GASSENDVS S.

**D**ELiberandum diu non fuit, FORTVNIO LICETE, Vir Eximie, an accepto tuo de Quæstis libro, deberem ad te scribere; cum tu me in eo sic obstrinxeris, vt planè oportuerit meum erga te gratitudinis affectum testari. Quippe, &c. Aquis-Sextiis Eidibus Augusti, anno Salutis M. DC. XL. *Flabetur sub Titulo, de Apparente magnitudine Solis humilis, & sublimis, Epistola.*

Gassendi Epistolæ.

PETRVS GASSENDVS,  
NAVDÆO Suo, S.

**E**sq̃ui-menſis eſt, mi N A V D Æ E, ex quo ad Licetum ſcribere occipiens, dedi ad te literas, quibus me breui tranſmiſſum quidquid ſcriptum foret, ſpem feci, &c. Aquis-Sextiis, Eidibus Auguſti, M. DC. XL. *Exſtat ad calcem ſuperioris.*

*Clariffimo & Doctiffimo Viro HIERONYMO BARDIO,*

PETRVS GASSENDVS S.

**E**Cquem me virum habeas, Virorum Humaniffime, qui ſemel, iterumque prouocatus, nihil reſpondeam, & vix iam tandem poſt tertiam interpellationem aliquid reponam? Scilicet annus prope eſt, ex quo me beare tui literis tuis, tum libelli egregij *De Solidorum grauium naturali motu*, Exemplo voluisti. Menſes quoque non multi ſunt, ex quo alia literæ tuæ ad me peruenierunt, & dies perpauci, ex quo tertie, quæ cum Exemplo alio eiufdem libelli fuere deſtinata. An non proinde iure ſuccenſeas, quaſi aut ego inſoleſcens, tantam humanitatis tuæ reſtificationem parui fecerim; aut obtorpeſcens non poterim diligentia hac tanta excitari? Ego verò, Præclare Vir, torporem in me pudendum agnoſco, & cui niſi pro tua illa bonitate eximia ignoſci non debeat: Cæterum enim, quàm mihi caræ literæ tuæ fuerint, quàm cara tua munera, non eſt mihi dicere promptum. Sed res nimirum ita ſe habuit. Literas tuas ſemper accepi aut in itinere, aut in ipſo ad iter faciendum prociñtu; & cum ſemper in primum otium reſponſionem diſtulerim, effectum eſt, vt vel nanciſci parum otij licuerit, vel aliquid ſemper interueniret, quod aliò traduxerit curam. Nunc etiam parum omnino abeſt, quin huc appulſus, occaſionem ad te ſcribendi prætermittam; adeò promptum reditum parat Princeps, Pro-Rexque optimus, quicum acceſſi, & quicum nuper, cum iam Tolone diſceſſiſſem, poſtremæ tuæ redditæ ſunt. Ne committam tamen, vt diutius officio deſſe conuin-car, hæc conſcribo (raptim licet) & commendaturus ſum, vt ad te mittantur quam-ſamùm. Doleo nimirum, quòd paratæ hæſterna luce non fuerint, cum Veredarius hæc iter fecit. Imprimis autem gratias tibi, quantas poſſum maximas habeo, quòd agere mecum literis prior occeperis; quòd me fieri amicitia tuæ participem volueris, quòd xenia etiam contuleris; quòd finem ſilentis, velut obſtinato tuâ conſtantia induxeris. Deinde, quòd rogas equid de libello abs te tranſmiſſo ſentiam; ſcito me illum ſuſpicere propter demonſtrandi methodum ſpecialem. Quippe eximius Galileus, qui eadem propoſuit, & plura deduxit, alia

alia ratione progressus est : Egregius autem vir Balianus propriam aperuit semitam, ac perspicuum fecit posse multis viis ad Veritatem perveniri. Et postulat quidem concedi nonnulla, quæ quispiam fortè abnueret, quòd Naturæ subtilitas hebetudinem sensus non sequatur ; quòd coactus retinaculo motus, non videatur vllò momento coæquari liberrimo : quòd perpendicularorum parallelisus in similitudinem assumptus non exinat difficultatem ; cum velut ex eius suppositione circa hæc nostraria intervallula error tantò proditur magis, quantò heinc magis receditur ; ita ex postulatorum concessione tantò possit maior detegi fallacia, quantò motus prolixior (videlicet ex Cælo vsque, aut ad Centrum vsque) visupabitur. Enimverò & coherentia experimentorum illis fidem facit ; & consequitio proportionis, qua gravia decidentia velocitatis acquirunt gradus. Mirabile certè videatur, si Balianus solo ratiocinio eam proportionem inuenerit, quam primus, quod sciam, Galileus est experiendo assequutus : Et par est tamen ita censere, cum ille adedò inclytus Vir experimenti nec proprij, nec Galileani meminerit. Est mihi porrò specialis quidem eam obseruandi methodus, ex descensu puta per aquam, quæ tardatiorum casum faciens, obseruabiliorem reddit per momenta celeritatis acquisitionem ; attamen non est cur heic loci quicquam de illa congeram, vt neque de Physicis causis, quas ad explicanda huiusmodi symptomata sum alias commentus. Recipis adhæc te missurum Exemplum duorum Dialogorum, quos præclarus ille Licetus committi prælo mandauerit. Res verò mihi quidem per-grata ; sed fronte planè perfricta sim, si cum nihil præ manibus, quod rependatur iam habeam, ausim acceptione mea tuam prouocare liberalitatem. Memini primis illis tuis habitam fuisse abs te mentionem meæ cuiusdam Epistolæ, quam clarissimus Vir & expendisset, & in opus suum de Quæstis dignatus fuisset inferere. Ego tum id opus nondum videram : neque prius vidi, quam Naudæus noster (nostrum appello, quia ad me scribens, te agnitum sibi, amicūque proficitur) exemplum transmisit, quod accepi solum superioribus mensibus. Accepta porrò occasione testandæ gratitudinis scripsi copiosè ad Licetum : Vinam verò non præ nimia loquacitate obruerim : adedò multa congesta sunt, quæ circa Problema illud de Speciebus, vmbriisque corporum venere in mentem. Siquidem præter Physicas causas, præcipuorum effectuum, quæ circa Visionis mysterium occurrunt, Paradoxa quoque multa interserui, quæ non-nisi æquum, atque perspicacem, qualis ille est, iudicem sustineant. Memini etiam te requisivisse, an superstes esset, & quid-nam rerum ageret celeberris ille Medicus Faber. At quia Naudæus significauit plura te de illo Patrisis, quàm ego norim, accepisse, idcirco nihil heic adlucio, adhortorque solum, vt si paratum

habet id opus, quod titulo subindicasti, id euulgare ne differas ; cum seu ille simile quidpiam ediderit, seu suppresserit, tua tibi laus sit integra futura. Videlicet fieri non potest, vt vterque vel in idem collineaueris, vel iisdem experimentis, iisdem ratiociniis, iisdem ordine, figuræque dicendi vsi fueritis ; vt proinde eadem planè sperare ex vtroque liceat. Quod scribis de Viro insigni Iacobo Gaufrido nostrate, quem generosissimus Parmæ Princeps sibi à Secretis esse voluit, fuit longè acceptissimum. Quod verò sperasti eam mihi cum illo intercedere amicitiam, vt quas familiareis exoptas tradere possim literas, scias velim ne ea quidem felicitate me esse, vt probare me illi facie, nomine-vè cognitum possim. Quare & licet benè de Viri humanitate conicio, non ausim tamen rem perterritare, quæ te nihil iuuet, & me nihil aliud, quàm ineptum declaret. Si credas tamen literas quomodocumque profuturas, nihil me respiciam, sed dabo, quàm conducentis poterò, vt in me saltem obsequendi non desideres voluntatem. Vale. Scribebam Antipoli, xi. Kal. Octobris M. DC. XL.

*Viro Clarissimo A. F. PAYENO, Iuriconsulto Auenionensi,*

PETRVS GASSENDVS S.

**N**on me iure habeas Mortalium morosissimum, in quo ex datis vsque tuis humanissimis literis causari potest tantum moratum ? Pudet profectò Baronis nostri Viri optimi pollicitationem, & expectationem tuam iam toties delusam ; Pudet varia negotia segnitiei-vè obtendere, vt excusationi prætextus quærat. Quare & præstat vt venia, si indulgendam censueris, bonitati tuæ adscribatu tota. Spero autem fore, vt etiam condones, quòd iam tam pauca respondeam, cum intelliges me reuerà etiam-num fuisse præpeditum, neque arripuisse calambum, nisi ne Baro inclytus absque Epistolio ad te adueneret. Quem verò me tandem haberes, nisi hac saltem occasione testarer gratitudinem, quòd me prior conueneris, quòd te amicam obtuleris, quòd me deprecaueris, quòd incubrationum mearum aliquid habere cui inuigilares, experieris ? Ac par esset quidem tecum aliqua ex obseruatis communicare ; sed non heic mihi illorum copia, qui maturioris reditus spe apud lares omnia deposui. Faciam tamen satis quam-primum licebit ; ac ne expectabo quidem donec domum rediero, si quæ nives, & frigora præcipitarent tantopere, miterere Cælum non-nihil patientur. Quod de variatione Magnetica rogas, scito illam quoque nobis variam esse ; Quippe ante annos triginta singularis noster Iosephus Galterius, Prior, ac Dominus Valleræ prolixiorem contraxerat, fixamque & ratam habuerat graduum sex ; quadrante



drante aut triente minus, & cum ante annos viginti vterque simul incumbentes gradu incerto minuisse, habueramus, nihil iam habentes, ipsam inuariatissimam. Nunc vero postquam noster Valeſius Anglicæ illius obſervationis admonuit, mentem ſerid aduenimus, deprehendiſſusque illam vix excedere duos gradus. Id nempe acu applicitam Metidianis lineis, quæ ante annos xxx. ductæ, indeleſtæque perſeuerarunt, quàm alius recentioribus, quæ demissis ſemper ad varias Solis altitudines perpendicularis, fuerit exarata. Verum Deo propitio aliàs de his plura. Salutem interea dico pluriſſimam eximio illi San-ſonero, abs quo, & ab optimo Bardio memini iucundissimam nominis tui mentionem factam. Vale Eruditissime Vir, & me ut cœpiſti, ſic anare perge. Dabam Aquis-Sextiis, 1v. Kal. Nouemb. m. dc. xl.

*Viri Erudito, & Amico Sincero PETRO PVTEANO Claudij F.*

PETRVS GASSENDVS S.

**E** Nſinnauit Luillierius noſter poſtremis ſuis literis, adhibuiſſe te ægrè fidem iis, quæ ad ipſum perſcriptam de factis à me circa motum Proiectionum experimentis. Id verò imitatus, &c. Aquis-Sextiis, xii. Kal. Decemb. m. dc. xl. *Habetur ſub Titulo, De motu impreſſo à motore tranſlato, Epiſtola.*

E I D E M.

**N** Oram non traho, Vir Eximie, ſed mox obſignatis, miſiſſisque, quas peruidebis literis, hæſce occipio, ut liberem de propoſita Parentheſi fidem. Aquis-Sextiis 11. Eid. Decemb. eodem anno. Quippe, &c. *Habetur ad calcem ſuperioris,*

*Erudito, Candido, & Amico Viri D.*

IOANNI CAPELLANO,

PETRVS GASSENDVS S.

**A** UD ſanè hæſeram, mi CAPELLANE, quin ſi Luillierius noſter communicaret tecum meam illam ſatis prolixam Epistolam De apparente magnitudine Solis humilis, & ſublimis, &c. *Habetur ſub Titulo, De apparente magnitudine Solis humilis & ſublimis, Epiſtola.*

*Clarissimo, & Doctissimo Viri, HIERONYMO BARDIO,*

PETRVS GASSENDVS S.

**T** Hæc etiam vice, per-optime BARDI, reddita ſunt mihi in ipſo ab Vrbe diſceſſu tuæ literæ Kalendis Decembribus data. Memoras initio ſcripſiſſe te alias diebus mox *Gassendi Epistola.*

antè præteritis: Ego verò illas ad me nondum perueniſſe ægerrimè ſero. Repete quaſo, ac mente veſtiga, quæ illas via tranſmiſeris, plurimi quippe redemptas velim, ut quam mentem tuam iis ſignificatam inſinuas intelligere, & ſatis proinde pro mea erga te obſeruantia facere poſſim. Etenim quod de literis abs Clariffimis illis Viris Galileo, atque Liceto, ſeu conſcriptis, ſeu conſcribendis obiter attingis, non capio. Non quòd tu diſſerte mentem non aperias, ſed quòd aperite te viro, qui priores tuas iam acceperit, perſpectaſque habeat, præſumas. Ac ſuſpicor quidem facere te etiam mentionem illarum, quas ipſe ab Anguſti uſque Eidibus ad Licetum dedi, quarumque etiam cum nuperas ad te ſcriberem meminifſe, ſed vereor, ne hanc ſuſpicionem faciat deſiderium, quo ſigno pernoſſe an eæ literæ fuerint ad Licetum perlatæ. Cum illas enim Romam ad noſtrum Nau-dæum, cuius interuentu Bononiam tranſmitteretur, direxerim; nec reſcite quidem in hunc diem potui, Romam-ne uſque, & ad optimi illius amici penetrarint manus. Id mihi ſuit conſolationi, quòd cum poſtremis hiſce tuis accepi exemplum eorum Dialogorum, quorum mihi ſpem feceras, quibuſque eximius Licetus te intercedente donatum me voluit. Debeo porro ingentis gratias illi propter donum, tibi propter operam: & cum par ſit animo grato mentionem mei nominis eius calamo, ac tuo ore toties expreſſam excipere; tum id præſertim conimemorandum, quòd meam illam Epistolam de Solis ſublimis ſubmiſſique umbra iteratò edi uterque voluiſtis. Eſt verò cur tibi ſimul gratuler, quòd talem iis nactus Amicum, qui tibi parteis præcipuas in iis committat Dialogis, quique eximias animi dotis abs te præ ſumma modèſtia penè conſepultas iacere non ſinat. Nempe id ſaltem adnoto, quòd totum librum curſum euoluo. Euoluo, inquam, ne cum teneat ad te quam-primùm reſcribere, comprobem me in cognoscendo argumento non negligentem. Tametiſi certè per primum otium gratias habiturus optimo Liceto, cogito rem plenius & diſquirere, & cum eo conferre; nihilominus tecum quoque, cuius ille perſonam induit, paucis agere ex officio eſt. Sed velim pernoſcas mihi penitus non innotuiſſe diſſidium, quod inter Viros Clariffimos Licetum atque Claramontium intercedere Dialogi docuerunt. Siquidem neque illius opus de nouis Aſtris, & Cometis; neque iſtius reprehentionem, vel ſando inaudieram. Non potui porro non ægrè ferre, Viros & magnos, & amicos, eò potuiſſe procedere, ut bona mutud verba non audiant; Quippe cum id moris minus deceat, & proſſionem Sapientia, & Humaniores literas, quibus uterque efflorefcit. Verum ſpero rem compoſitum iri, & Claramontium eadem hæſta, qua læſit, vulnus curaturum, ac præſertim cum obſeruarit nihil fuiſſe propterea abs Liceto dictum acerbius. Percurri ergo imprimis opus de Centro & Circumſeruita; adnotauique magnum Virum pro ſolita illa ſua diligentia nihil fuiſſe reliquum;

& subtiliter etiam excogitasse plurima, veluti centrum leuitatis in apice leuium, ascendentiue corporum, & centrum qualitatibus neutrius in qualibet Cæli particula constitutum. Percurri & opus inscriptum *de Terræ unico centro motus singularum cæli particularum*, obseruauitque quod superius insinuatum fuerat, de Terræ globo cum aëre ad vertices vsque montium circumfuso, ecce cum nempe Physicum centrum, circa quod Cælestia moueantur, potiusquam punctum, partem vellam circa medium insensibilem, id ipsum in hoc repeti, copiosissimæque, & nullo omisso probationis genere, aduersus Claramontium defendi. Percurri denique, & illud *de Regulari motu, minimæque parallaxi Cometarum Cælestium*, animaduertitque Licetum propugnare futilissimè argumenta illa Tychonis de Cometarum motu per circulum maximum, deque per-exigua illa Parallaxi, ex qua conuincitur non ferri omneis infra Lunam, vt censuit Claramontius. Neque me latuit institutum, quo Licetus innuit sategisse se demonstrare in opere *de nouis Astris & Cometis* Aristotelis Philosophiam cum Astronomorum experimentis consentire. Optime BARDI, cum redierim solum heri in hanc urbem in Comitatu Optimi Principis, & Pro-Regis nostri, cæperam hosce ad te versus hoc statim manè exarare. Pluribus prosequuturo adest ecce mihi ex inopinato Tabellarius hac transiens, ac postulans si quid fortassis sit mihi prælo præ manibus. Ego verò ne oblatam occasionem præteream, qualescunque sunt versus, trado, confusus te excusaturum, quod non modò alteram manu, sed ne iteratam quidem lectionem præ festinatione patiantur. Vale Aquis-Sextiis, Non. Ianuariis, M. DC. XLII.

*Ita propemodum se habet hac Epistola, quod ipsum-met photographum cum suis literis consignatum non potuerit huc, nisi memoriter, transferre.*

LVDOVICO VALESIO, Principi  
Optimo,

PETRVS GASSENDVS

*Euxæstien.*

**D**isco ecce, cum tu accedis; at volens facio, quia te volente. Significabit Robertus meus quid cause fuerit, cur maturarim, cur ipse posterior discessurus sit. Postulabit etiam abs te meo nomine Epistolum, quod quia peruidebis esse de re mea, scribes haud dubie non inuitus. Quæ consignata volueras verba, resignare non distuli: cognosces autem quemadmodum Viri illustres gesserint morem. Inclutus Galliardus mira comitate, cum tu abires, deuinxit me: id tibi insinuo, vt non sinas meam gratitudinem intestatam. Vale 6 DECVS PRINCIPVM, Aquis-Sextiis, IV. Eid. Ianuariis, M. DC. XLII.

E I D E M.

**N** redeunt ad te Sanitienfis, & Glandensis Præfules, Roberto meo comitante, ipse discedo heinc Parisios, & ne lareis quidem reuiso. Quid causa sit, ex illis discas, qui simul etiam enarrabunt, vt omnia se habuerint, vt omnia nobis successerint. Equum est autem, vt ex me notis incredibilem animi ardorem, inconcussamque constantiam, qua tui ergo sese gesserunt. Non commemoro autem odium penitus implacabile, quo noster ille semper exastuat; id cognosces ex Glandatenfis, cuius vehementiæ, ac industriæ quantum debeam, non, si vox quidem ferrea sit, non si ora centum exprimere possim. Recepti tibi significandum quid adhuc ex tua desideretur opera; non hæreo verò, quin tu illud tantò exsequaris lubentius, quantò rem tuam ex te mea facis. Nempe id denum superest, vt cæpto negotio coronidem imponas. Rem insinuaui etiam Roberto, cui rerum pro me agenda-rum indiculum concedidi. Scribam amplius, Deo propitio cum Lugdunum peruenero. Tu interea, optimè Vale. Dabam Ebreduni in ipso discessu, XI. Kal. Februarij, M. DC. XLII.

E I D E M.

**N**on mirabere, cur heinc scribam; cum iam notis me non potuisse in Delphinaleis illos montes, nec Vapinio, nec Siltarico penetrare. Scilicet tantæ niuium moles occuparunt itinera, vt viatores omnes heinc illeinc resisterent. Necessitate ergo cogente in has inferiores regiones deflexi, vnde iam rectè iter instituo. Interea cum Mannâ transierim, vetulam vidi, cuius Marchio aliquoties mentionem fecit. Ea est octogenaria maior, neque è lecto facile assurgit; sed nempe ex casu, quo præfracta tibia perfectè sanata non est. Facies illi vegeta satis, neque rugosa admodum, ostendit viraginem fuisse; & ipsa, & quæ circumstant mulierculæ aliquot, testata sunt renatos denteis ante annos circiter quatuor, cum quindecim scilicet annis vixisset planè edentula. Rogata num per dentitionem exquisitum fuisset dolorem experta, exquisitissimum, respondit. Quin etiam, inquit, infandus est, quo per hæc tempora discrucior. En quippe vnum iam emerfurum, qui omnem quietem centuratur. Is autem fuit molarium vnus ad læuam maxillæ superioris partem. In illam cum respecerem, animaduerti paucos denteis albicantes, aut integros; plurimi quippe nigrescebant, nonnulli erant carie exesi. Plura Deo volente per otium. Cum hesternâ luce prandissem Balmecis, transire volui per Vallem clausam, vt mirabilem illam Sorgæ scaturigiem contemplerer. Non vacat illam describere, faciam autem Deo propitio, si interquieuro tantisper Lugduni, Vale interea OPTIME PRINCEPS. Dabam hospitii ad te transmissuro, cum discedere Insulâ in Comitatu Venasino, VI. Kal. Febr. M. DC. XLII.

E I D E M.

## E I D E M.

**D** Elinatam pluribus ex hac vrbe perscribere; verum festinanti non suppetit tempus. Vnum est, quod tacere non possum; Illustrissimam nempe Heroïnâ tuam Coniugem nullo non officio deduxisse in parteis meas Prasilem Heduarum. Ita oportuit augdâstam domum in me deuinciendo conspirare totam. Videtur aliunde meus hûc appulsus non sine quodam Numine in id tempus incidisse, quo properantem ad te egregium à Secretis Virum videre, & affari licuit. Quippe ex ipso quoque non pauca addidici, quæ nosse interfuit. Excepit nos communi mensâ noster ille Campinius, publicus Iustitiæ in hac vrbe Vindex, qui quantum te semper & colat, & amet, dicerem, nisi nôsses satis; Seruet te nobis sospitem Deus in annos Nesto-ecos. Dabam Lugduni in Itinere. Kal. Febr. M. D. C. X. I.

*Finiebam Epistoliam, cum allata sunt, red-  
direque mihi iucundissima tua litera. 14. Kal.  
presens data. Quam auide exosculatus, quam  
artile complexus illas fuerim, ipse qui tui erga  
me amoris, qui me in te obseruantia non nesci-  
um es, conicere potes. Accepi simul, quas es  
dignatus commendatitias adungere; vtar verò  
ipsi, ut mones, communicato consilio cum pra-  
claro ac iure tibi carissimo Vitoria Abbate.  
Quod mittere dignatus es ad Grassensem Episco-  
pum, qui nominationem ratam adferat, consen-  
taneum est eximio affectui, quo cepisti me pro-  
sequi.*

*Dei tibi, si qua pio respectant Numina, si quid  
Fisquam iustitia est, & mens sibi conscia recti,  
Præmia digna ferant.*  
Iterum Vale.

## E I D E M.

**S** Ctipsi ad te paucis discedens Lugduno. Subi deinceps Ligerim, in quo subor-  
ta tempestas me integrum diem Digouij de-  
tinuit. Successit die sequente in idem diuer-  
sorium Hugo Antagonista, cum Cameratio  
San-victorino. Ipse, quia expeditore vehē-  
bar nauigiolo, Briaram maturius petenti, di-  
missioque lembo Aureliam vsque conducto  
veredis mihi vtendum censui. Cum perue-  
nissim Corbelium, scaphidium rursus vsur-  
paui, quo feliciter denique quinto Eid. hûc  
appuli. Quem primum conueni succedente  
die, fuit tuus Abbas, Inelytus ille, qui sanè  
provt virum decuit tibi addictissimum, licetas  
tuas, meque excepit. Is inter cetera officia  
per-affabilem præbuit illustrem Chavinium,  
qui lectis tuis literis adeo se comem præbuit,  
fauoremque omnem pollicitus est, vt perspe-  
ctissimum fecerit quo te censu habeat, quo  
affectu colat. Dies fuit aut-cinereus, quo  
etiam videre, affarique licuit placidissimè il-  
lustrem Noyerium; & ne quidpiam illius  
diei felicitari deesset inuisi præterea opti-  
mum illum Caldo-Bonæum, qui me conse-  
quenter reuiscens, renunciauit Heroïnâ Du-  
cessam Aquiloniam commendasse me Prasilem  
Carnorensi, huic non-nisi hesternâ luce

literas tuas reddere potui; quæ sanè illi tam  
gratæ fuerunt, vt sese nihil non tui causâ  
præstiturum receperit. Illustrissimum Principi-  
pem Parentem tuum, quia ruri est, conuales-  
citque, nondum vidi. Literas etiam nondum  
reddidi illustrissimo Principi Condæo, tum  
quia ferè hæctenus inter Filij nuptias fuit, tum  
quia rebus aliis procurandis tempus impendi.  
Præsules omneis, qui Comitibus sunt interfu-  
turi nondum sum affatus. In his est Augustodunensis,  
quem tamen accepi generosè res-  
pondisse Abbati San-vandrilæo aduersarij  
parteis tuenti, se prorsus à meis futurum.  
Conuenient cras omnes apud Alti-fiodoren-  
sem, vt definire valeant quo die ex-Vrbe dis-  
cessuri sint, quo inturi Comitibus. Sanitien-  
sem cum meo Roberto in dies ac horas ex-  
pecto: quippe ex literis Campinij transiisse  
eos Lugduno in confesso est. Desunt verba, vt  
exprimam quantum me Grassensis, optimus  
ille deuinxerit, scilicet nihil reliquum ad ra-  
tam præstandam procuracionem suam fecit.  
Quælo te pro tua bonitate, gratitudinis mee  
sensum per nostrum Berecullum illi insinuand-  
um procures. De negotij successu nihil est,  
quod adiciam. Nulla quantum coniecter fiet  
Agentium comutatio in sequens quadrienn-  
ium. In id mihi incumbendum, vt causa mea  
cum Hugone decidatur; & si superior fuero,  
in subsequens quinquennium admitar. Omnia  
Deus ter-Maximus pro beneplacito dispo-  
nat. Nescio quas alias literas dare præterea in  
Prouinciam possim. Necesse est tamen amici  
me hoc præsertim tempore, nisi ad eos scribam,  
& excusatum habeant. Tu optimè Vale,  
DECVS PRINCIPVM, & præsidij meum. Obliv-  
iscebatur rogare te, vt si quid transmittendum  
ad me fuerit, id ad Andream secretarium offi-  
ciosissimum inueniem, cum literis tuis destina-  
ti iubeas. Comperio nempe hac via me re-  
cepturum omnia longè diligentius. Ber-vil-  
lam semper, vt par est, saluto. Iterum Vale.  
Parisii, xv. Kal. Mart. M. D. C. X. I.

*Hac iam scripseram, cum prosper aduentus  
Sanitiensis Prasidis, ac mei Roberti renunciatus  
fuit: hoc te scire volui, quia & viros amas, &  
iucundum duces, quod Illustris Prasex rescire  
tuo iussu id possit. Erit profecto quod læsetur  
Germanum sibi nunquam rîsum firmiore vale-  
tudine, neque Robertum hilariore.*

## E I D E M.

**C**ribo adhuc ad te ex Vrbe; sed proxi-  
mo tamen discessurus die. Scilicet Præsules  
quo die conuenturos prædixeram, distu-  
lere discessum in totum occidit. Literas tuas  
non reddidi Illustrissimo Principi, quoniam  
Andream, cui eas Abbas inelytus concedi-  
dit, à sex vsque diebus videre non potui. Si-  
stacensis Prasul aduenit, qui tuas de me literas  
ostendens, nihil est re tui causæ facturum  
pollicitus est. Die Lunæ seu v. Kal. fiet Co-  
mitiorum auspicio; causâ autem nostra vel  
non discutietur, vel saltem non dirimetur ante  
finem hebdomadis. De successu est semper  
cur meruam ab Abbate San-vandrilæo, tanto  
feruore aduersarium tuctur, tanta autho-



ritate pollet, ac ex contracta potissimum non ita pridem affinitate. Gloriatum certe se aliquot auertisse suffragia; & cum desistere Præfulem Augustodunensem non possit, futurum sperat, vt Decanus Matiscouensis ab eo desistat, suffragiumque irritum reddat. Spes mea semper in Domino, qui causæ æquitatem nouit. Vtinam eius voluntas fiat. Scribere alij nemini vacat, sed nempe tu satis es bonus, vt si qui amici te rogauerint, quæ valeam; valere me dicas. Vale tu optime, ð PRINCIPVM DECVS, & præsidium meum. Parisiis VIII. Kal. Mart. M. D. C. XLI.

## E I D E M.

**P**EN denique, OPTIME PRINCEPS, quo sine negotium coronatum fuerit. Cœperat causa primo statim Comitiorum die discipari (quid rei fuerit aliàs exponam) cum delecti sunt Præfules, allectique alij ex inferiore Cleri ordine, qui acta censerent. Primas in iis tenuit Archi-Episcopus Tolosanus, Vir omni elogio superior, qui postquam nouit ex familiari, plenoque fiducia colloquio auersari re ipsa me, quod nisi cum dedecore poteram non prosequi, negotium arbitratu suo componendum vltro suscepit. Non ignoras, OPTIME PRINCEPS (quod nōrunt etiam Beruilla, Bereullius, & Valletæ Prior, amicorum intimi) optasse me semper exoriri aliquem, qui in id curæ incumberet, vt me ex illo honestis quibusdam conditionibus expediret. Itaque anam artipui; ac tametsi mihi videbar haud-dubie superaturus suffragiis, ius tamen cessi aduersatio, acceptis conditionibus, quas optimus Præful cum suis Assessoribus, ex quibus Arelatensis Archidiaconus fuit, præscribenda censuit. Quæ illæ fuerint edicam aliàs. Nunc, cum non vacet abunde est, si noueris magnā me lætitiā perfundi ex translatō onere, quod ne toto quidem Cræsi auro impositum humeris vellem. Vox est Comitiorum me relictis spinis delegisse rosas; quietemque mihi non proprio, sed alieno dispendio comparatam fuisse. Probantur consilium etiam qui tui causā facebant constantissimè, Sistaricensis, Augustodunensis, & Sanitienis Præfules; itēque Prior San-Victorinus; ne quidpiam dicam de cæteris. Hæc raptim, dum scribo Parisios, quo proximo die discessurus sum, Vale, ð DECVS PRINCIPVM, & præsidium meum. Meduntæ, Kal. Mart. M. D. C. XLI.

*Cum ne Riantiensis quidem Baroni, meitam amanti, ad quem videbis literarum fasciculum dirigi, scribere quicquam liceat, manda, quæso, quis exitus negotij fuerit, significari.*

## E I D E M.

**R**EDDITæ sunt mihi ab Andrea literæ tuæ R. suauissimæ, IV. Kal. Martias. conscriptæ. De iis quid possum dicere, nisi quod tu semper similis es tui. Quas nuperas dedi Meduntæ de negotij exitu te certiores facient. Cum hūc redij, mirum dictū quantopere Amici omnes congratulati fuerint, Scilicet

me mihi ac Musis redditum esse agnouerunt, quem penè condolerant intra procellas Aulicas, & ciuileis turbas coniectum, abloptumque iri. Ipse, quid mihi in votis esset, significare ausus non fueram, nisi vni Luillorio; adeò verēbat ne Aduersarius mentem alicunde subodoraretur. Agendum semper seridū fuit, vt illi metum incurrerem, quo mihi expectatæ pacis condiciones demum offerret. In fructu iam est, quodd incunda veterum Amicorum consuetudine frui placidissimè licet; sed cumlata erit voluptas cum te licebit reuifere. An id fit futurum ante anni finem, spondere planè non audeo. Site prius tamen, vel publica pax, vel certè induciæ finerent, quod sæpe optasti, venire ad nos; Non redires sanè, quin me, quod sæpe promisi, in comitatum dederem tuum, Ne interea otiosus per Æstatem sim, quæsiūm mitto quam retrahere elucubrationum farraginem, possim. Eam dum exspecto, fortassis edam, quam dudum Vitam Peireskij, vt *manuscripta* pellegisti. Itinerarium de quo loqueris, compendio quidem, sed integrè habes; nisi literæ aliquæ perierunt. Scripsi quippè Ebrēduno, in ipso discessu, scripsi Insulā, & Lugdano itinere. Scripsi ex hac Vrbe ab ipso appulsi. Obstinatam mentem Antistitis noui; sed tu præclare insinuas Horatianum illud, *lenius fieri patientiā, quidquid corrigere est nefas*. Mittam proxima occasione, quam ad Augustodunensem scribis, Schediolum addam, quo meam gratitudinem testatorem faciam. Si forè ad Sistaricensē, & Sanitiensem scripseris, significare poteris te gratam habere constantiam, qua ad meum vsque negotium compositum perseverant. Veretur posterior ne consilium, quod cepi sis improbatum; videlicet ère non fuit innotescere omnia omnibus. Quamobrem fac quæso, vt intelligat rem tibi esse non iniucundam. Beruillæ semper apprecor salutem. Vale, OPTIME PRINCIPVM. Parisiis posttridie Non. Mart. M. D. C. XLI.

## E I D E M.

**S**CRIPSI mox antè literas alias, quibus Franciscum Amalricum nostratem Canonicum te salutare desiderantem, commendatum facerem; Scribam fortassis alias in gratiam Lafayæ, tum vt gratias agam propter bona verba, quibus illum es consolatus, quod se comparare ad expeditionem præ inualetudine non potuerit; tum vt exorem ne quod munus implere hac vice non valuit, detrimentum illi impositum sit; sed ad ampliora potius provt spem facere dignatus es, gradiui. Nunc scribendum nihil superest, nisi quod iam sum vberimè affatus viros Religiosos, ac tui obseruantes, Hilariōnem, Merfennum, Reynaudum. Inuisēbam heri Burdelotium; bona autem sorte incidi in Russilionensem Comitē, qui me complexus, illic rogauit de te, quæ valeres. Retraho nunc Peireskij Vitam prælo commissurus statim à Paschalibus. Tu Vale DECVS PRINCIPVM, & præsidium meum. Parisiis, Eidibus Martij. M. D. C. XLI.

E I D E M.

## E I D E M.

**N**ihil potuit contingere dulcius, quam non displicuisse tibi, quod cepi consilium asserendi me in tranquillam vitam. Campinio paulò secus visum; sed nempe ut optimus est, meque amantissimus, dolet non saltem fuisse mihi condiciones æquas, & viles magis. Ego verò quamvis aliunde nihil penè in rem meam vertatur, maximi tamen æstimo Animi quietem, & libera studia. Nullo certè cum auro commutatum velim, quam voluptatem iam percipio, dum quidpiam pacatissimè lego, meditor, comminiscor. Quippe nemo possit auidius diurnam aut famem, aut sitim expleri. Accedunt hisce deliciis, mellitissima literæ, quibus me beare suauissimum ducis. O te optimum! ô me ter-felicem! Viue diu, ac semper Vale, DEVS PRINCIPVM, & præsidium meum. Parisiis, x1. Kalend. April. M. DC. x11.

## E I D E M.

**N**on multum vacat Sacro hoc die calamus dare operam; quia tamen Berecullius noster significauit peruelle te negotij condiciones nosse: En paucis, ut se res habuerit. Exonerabam serid pectus coram optimo Archi-præsule, cum id vnum esse cordi insinuaui, ut suppeteret vnde posset creditoribus fieri satis. Tum verò ille, dummodo, inquit, debita tua non excedant librarum millia quinque aut sex, spero negotium confectum iri. Ego autem, excedunt, inquam, duobus aut tribus millibus (quippe præter Chitographum, cuius ipse commeministi, liberat me iam alio Campinius, supererantque partim Aquis-Sextiis, partim Diuic leuiora alia) & ille, verèor ne sit plus nimio, inquit; liquidem Vir, quicum rem habes miræ tenacitatis est, prælaturus abs te habere vel huiusce summæ dimidium. Videro tamen an, cum supersint muneris gerendi anni quatuor, & stipendia in singulos quatuor millia librarum sint; partiri summam sic liceat, ut octies mille in rem tuam cedant. Ad quæ ego, ut videbitur, inquam, nam tamen si exemplo Agens possem plura exigere, idque in te præsertim curta; spes est tamen fore, ut Deus in futurum provideat, abundèque est, si præteriti anxietate mens eximatur. His sermonibus habitis, optimus ille ita incubuit, ut rem demum deduxerit quò proposuerat deducendum. Est igitur Hugo mihi traditurus octo librarum millia, dimidium perfectis Comitibus, residuum post annum exactum: idque vel Aquis-Sextiis, vel pro libitu in hac Vrbe. Conditionem tamen appositam voluit, ut si fortè corrente anno è viuus excesserit, residuum illud exigere ab hæredibus non sit fas, & æquum. Hæc sunt, PRINCIPVM OPTIME, quæ de negotio addiscere pro tua illa eximia beneuolentia per-optasti; Et pernouisses quidem priùs; sed pollicitus fueram me nemini euulgaturum, præterquam vni Campinio, cuius potissimum intererat nosse.

Enim-verò quod ad te spectat, dicere videor nemini, quamquam & me à data fide pene liberum sentio, quando rem per alios innotuisse iam plerisque comperio. Vt cumque sit tamen, nolim fieri author; adeò ut cum possint Berecullius, & Ber-villa esse conscij, velim præterea cum nemine rem per ipsos communicari. Salutem illis plurimam dico, nec tu dici heic abnuis. Vale OPTIME PRINCIPVM, & præsidium, ac Decus meum. Parisiis, 1v. Kal. April. M. DC. x11.

## E I D E M.

**L**iteras habui, OPTIME PRINCEPS, à Natali Tornatore Ecclesiæ nostræ Prcbbytero, quibus accipio illum tua auctoritate indigere. Nescio an te id deceat, aut qua ratione eius votis te intercedente fieri satis possit. Hoc vnum testari, & possum & debeo, virum esse omninò bonum, Dinien-siūque neminem esse, qui sim, quàm illi obstrictior. Ipse est, qui meorum omnium negotiorum curam gerit; qui in ædibus meis habitat; quem commensalem habeo; cui si dixero vade, vadit, si veni, venit; cuius ea est in me propensio, ut quidquid mea interest, suā interesse haud seque ducat. Sanè Præsule etiam nostro adeò erga me malè animato, ipse quoque illius odium subire veritus non est; & cum Præsul plures amicos, imò & quem famulum nôsti, auertere tentauerit, Tornator nec prece, nec pretio, nec minis, nec iniuriis, à mei amore despecti vquam poruit. Quin-etiam, quod me tam constanter amet, causam fuisse existimo, cur bonus ille eam ipsi ansam ad te confugiendi fuerit machinatus. Quæ inuicem, ut cum certus sim te, ut me amas, nihil nuci causâ, quod in te fuerit, non præstiturum, intelligas perinde esse illi, ac mihi gratificari. Dicerem plura, nisi hæc satis. Tu, OPTIME PRINCEPS, Vale, Parisiis, Non. April. M. DC. x11.

## E I D E M.

**D**eum immortalem, quàm bonus es! ausus fueraam rogare te, vel experieram potiùs postremis meis literis, ut quam abs te opem Tornator ille meus exigeret, non esset graue impertiri. Tu verò quam-primum res tibi innotuit, & ne expectato quidem meo desiderio, negotium voluisti confectum, ac plura etiam fieri mandasti, quàm mihi optanda ipse nouerim. An-non hæc summa bonitas, amorque nimis erga me? Sed nempe Deum imitaris, qui nos non modò inconsultos, sed immetentis etiam suis cumulat beneficiis. Vtinam Ipse præmia digna, qui fons est bonorum inexhaustus, ferat, nam tibi quidè gratas dignas persolvere haud opis est meæ. Quas nuperas ad me dedisti, vel potiùs quibus me beasti, non habui satis temporis, ut eas, cum ad te scriberem, fuisse redditas renunciarem. Testari dignatus es meam pro Lafaya commendationem non existisse tibi ingratam. Hoc ipsum verò quoque est, pro quo tibi gratias debeo immortalis. Id illi

illi iam significo : & quia literas à me poscit, quas ipse manu sua donet, ideo præter hoc Epistolium, aliud eius manu accipies, quod quæso sit non importunum. Nisi facerem, posset ille aut me frigidum ducere amicum, aut persuaderi me de tua diffidere benevolentia. Illud ego nolim, hoc ipse non vis. Literas accepi diebus proximis ab Episcopo Augustodunensi, cum fasciculo, quem iam ad te transdo. Scripsit speciales in eo conclusionas ad Heroïnam tuam Coniugem ; & quia rationem, ut puto reddidit commendati mei ab illa negotij, ideo mihi ipse permisi, quoniam ex officio esse credidi, eas conscribere, quas istis attexo. Tu bene, imò optimè Vale, **DECVS PRINCIPVM, & Præsidium meum.** Parisiis, pridie Eid. April. M.D.C.XLI.

## E I D E M.

**Q**Uod mihi possit contingere dulcius mellitis tuis literis, tum quas nuperas habui, mellitissimæ exstiterunt. Non ob id sanè, quòd me animæ dimidium tuæ salutasti (id enim me potius rubore suffudit, tot nominibus imparè, tor parafangis sepositum) sed ob suam adeò pro excussio iugo ponderoso congratulationem, ut potuerit etiam si quid penitentia fortè superfuisset, prorsus delinire. Quid non nervorum interea emollientia verba habuerunt ? Erat apud me Vir per-eruditus, cum tuas accepi literas. Is me legente, Deum ! inquit, ut stylus hic Tacitum sapit ? Ego verò, imò, inquam, dicere debuisti, ut Taciti geniùm adeò potest optimus Princeps potiore iure, quàm Lipsius, appellare Tacitum suum. Cætera ut præteream, id verum præcipuè, deditum me, quòd arduum esse agnouerim, inter abruptam contumaciam, & deforme obsequium medium inuenire. Quibus scilicet paucis diebus interesse Comitibus licuit, facile fuit peruidere, aut loquendum ad gratiam, aut esse à gratia prorsus excidendum. Cum illud verò pro indole, institutòque abhorrerem, istud pro rerum gregarum conditione extimescerem ; nihil visum tutius, salubriusque est, quàm lubricum adeò iter declinare. Et suggillabant quidem boni, meique amantes Prælati, quasi animo desponderem, neque durum Virtutis callem tenere possem impavidus. Ipse verò, id vobis, inquam, per facile dictu, factuque, quibus illicò discessuris agendum nihil supercrit, at cum fuerit mihi deinceps tatum temporis in Aula terendum, Virique illi grauissimorum negotiorum causâ tam sæpe adeundis, quibus displicere non erubuerim. Dicite, amabo, qua fronte, qua mente repulsas, supercilias, ac fortè grauiores excipiam ? Ac si immeritus quidem iam forem, necessitas ve adigeret, enatam sanè totis viribus, & vel sælix emergerem, vel fortis perirem : Verum te adhuc integrâ, & cum mihi nihil sit necesse, ecquid me dem præcipitem, volensque experiri iniquitatem Fortunæ ? Hæc tum ego, quæ tibi iam non improbari gaudeo. Viue, ac Vale **DECVS PRINCIPVM, & Præsidium meum.**

Parisiis, xlii. Kalend. Maias, an. M. D. C. xli.

## E I D E M.

**E**st nobilis quidam Dinienfis cognomen habens à Salice, qui repetitis vicibus ut donem ad te literas deposcit. Vellet enim quantum coniector, causam nescio quam commendati in Sabaudi Principis Aula, ratus si haberet à te literas, fore ut Princeps, eiusve Parens dici fieri ius imperarent. Ipse huc usque abnuï, nescius quid possis pro temporum, rerumque conditione esse comparatus. Nunc sanè etiam subterfugio ; non quòd verear ne minùs me ames, tanquam importunè nimis rogem ; sed quòd non feram te in eas quasi angustias conici, ut vel non sponte aliquid præstes, vel inuitus aliis opinionem facias, quòd in me non satis propendeas. Et agnosce quantum aliunde confidam. Equum foret me Ber-villæ, Berculij-ve vsurpare industriam ad subodorandum nihil-ne prohibeat, quò minus concedas quòd expetitur. Et ecce malo tamen ipse, ipsi tibi id insinua-re, ut significari mihi iubeas obstaculi-ne quidpiam sublit. Nempè si sublit, quàm potero ingeniosè virum auctram, ne rogaris te adeat. Sin minus tum votis illius nihil subueritus faciam satis. Vale interea quàm optimè, **DECVS PRINCIPVM, & Præsidium meum.** Parisiis vi. Kalend. Maias M. D. C. xli.

## E I D E M.

**Q**Uod ad te scribam nihil est, nisi hoc ipsum, nihil esse quòd scribam. Fallor tamen ? Sed nempè consilium vt in arena accipio. Quid hoc est, inquit ? Succurrit, inquit, vt ad te perscribam quid iam agam rerum. Ecquid verò est Absolutio examen Primæ Philosophiæ, siue Metaphysicæ Renati Cartesij viri celeberrimi, quàm manu-scriptam Mercennus habuit, meæque censuræ commisit. Operis argumentum rogas ? Ecce author illud distribuit in Meditationes sex, quarum Prima inscribitur. *De iis, quæ in dubium reuocari possunt.* Secunda *de natura Mentis humana, quod ipsa sit notior, quàm corpus.* Tertia *de Deo, quòd existat.* Quarta *de vero, & falso.* Quinta *de essentia rerum naturalium, & iterum de Deo, quòd existat.* Sexta *de rerum naturalium existentia, & reali Mentis à corpore distinctione.* Vis petnosse quidpiam vberius ? Ecce *In Prima* dubium facit, quidquid in hunc diem cognouit, tum ob frequentem Sensuum fallaciam : tum ob somniorum delusionem, ob quam certus esse non potest, iam-ne dormiat, an vigilet ; tum ob quempiam fortè errorem, in quem possit, nisi à Deo, saltem à malo Genio induci. *In Secunda, Cogito, inquit, igitur existo :* ac tum requirit ecquid-nam sit, animaduertitque se non esse corpus, sed precisè rem cogitantem. Heinc se dicit Mentem, quæ corpora esse iudicans, quia illa cognoscit, tantò magis se esse inferat, quantò se clariùs, hoc est, cogitatione propria cognoscit.



*In Tertia* habet pro Regula, *Quidquid clarè, distinctèque percipit, verum esse*; unde & quia concipit per Ideas, & Ideatum vna representat Deum, scilicet substantiam æternam, infinitam, omnipotentem, ac cætera; Et hæc Idea tantum habet realitatis obiectivæ; vt neque ipse, neque alia causa præter Deum, producere illam in Mente poterit: Eamobrem cum ipsam clarè, distinctèque percipiat, & aliunde à Deo se habere sciat, neque ea in te possit decipi; concludit existere Deum. *In Quarta*, probat Deum fallere non posse, esse se errori obnoxium, quòd de nihilo participet; errorem esse Voluntatis, seu arbitrij, quatenus latius, quàm Intellectus, patet, & iudicium de rebus fert, quas Intellectus non percipit clarè. *In Quinta* agnoscit se habere Ideas corporeorum accidentium, vt extensionis, ac figuræ; & acceptà figuratum vni, vt purà Triangulo, argumentatur Deum necessariò existere, quia non minùs impossibile est concipere Deum, seu Ens perfectissimum, cui desit existentia perfectionum præcipua, quàm concipere Triangulum, qui non habeat tres angulos pareis duobus rectis. Additque propositionem, quòd Deus existat, certiore esse quacumque alia etiam Mathematica; quòd de cæteris certum esse non liceat, nisi priùs constiterit Deum esse, neque esse fallacem. *In Sexta* ratiocinatur, esse aliquid, præter seipsum, idest præter Mentem, ac specialiter proprium corpus, & quia habet Ideam corporis distinctam ab Idea Mentis, concludit esse proinde Mentem distinctam à corpore; ac existere sine illo posse. Quid de istis sentiam, cognoscere aues? Cum conclusiones prorsum amplectar, nempe Deum existere, Mentem separabilem esse; non adidert tamen ratiocinia, quibus ille vitat se eas demonstrasse. Hæc & non habui, & habui scribenda. Tu optime Vale, DECVS PRINCIPVM, & Petridium meum. Parisiis, v. Non. Maias M. DC. XLI

## E I D E M.

**N**E sit molestum, OPTIME PRINCEPS, monstrari à me tuas literas; id enim simul tuæ, meæque, & Reipublicæ interest. Tua interest, quia tamen tibi non aliud studiorum sit præfixus scopus, quàm vt quæ negotiis intereurunt otia non inutilia exigas, & honestissimam voluptatem rerum gerendarum curis intermiscas, non est tamen nihili habendus, qui honor blandè vestigare, vltroque ambire virtutem solet, etiam inuitam. Mea interest; quia licet & mihi studia ipsa sumptuaria, non potest nihilominus gloriosior fieri accessio, quàm si boni, doctique omnes probati tibi ea nouerint, ac me eum esse, quem tu tam bonus, tamque doctus Princeps tantopere ames. Interest Reipublicæ, quia in hac tanta peruersitate celari non debet tam rarum exemplum, quo edocantur Proceres quantum virtus, ac eruditio cohonestet amplam fortunam; & sentiant minores vellicatam aurem, quasi suppedere illos debeat temporis iacturam vltro facere,

ac te indefessum in Artibus bonis excolendis non imitari. Quod me attinet, nullus acrior infigi valeat stimulus, quàm ex perspecto illo ardore, quo caues adeo sollicitè, ne dies abeat sine linea, ac censēs illum planè periisse, in quo non quidpiam legeris, scripteris, fueris meditatus. Petge modò, OPTIME PRINCEPS, quando tua hæc studia sunt non solum tibi oblectamento, sed aliis etiam emolumento; & sic habe, tantò tuam gloriam pleniorē fore, illustrioremque, quantò pauciores amulos habueris, parem neminem. Significauit Berreculius quemadmodum te gesseris erga meum illum Antistitem; id ipse totum refero ad amorem erga me tuum. Conuenit ille cum meis Collegis, & meo quidem vnus damno, præter fas, & recens, antiquumque ius; Sed nempe agendum interdicto erit, vt iure, præsensque eò restituit, vnde me ille iniuriā, absentemque deiici suis technis curauit. Tu Viue, & Vale, DECVS PRINCIPVM, & Præsidium meum. Parisiis, vi. Eid. Maij. M. DC. XLI.

Eximio Viro RENATO CARTESIO,

PETRVS GASSENDVS S.

**V**IR EXIMIE; Beauit me Mersennus noster, cum tuarum illarum sublimium de prima Philosophia Meditationum participationem fecit. Quippe argumenti præstantia, ingenij perspicacia, nitoreque dictionis mitificè placuit, &c. Parisiis Eid. Maij M. DC. XLI. *Habebat sub Titulo, Disquisitio Metaphysica, seu Dubitationes, & Instantia aduersus R. Cartesium.*

LVDOVICO VALESIO, Principi  
Optimo,

PETRVS GASSENDVS

*L'Écarterien.*

**N**imis bonus es, qui ita me amas. Quòd dare illas literas te inconsulto nolui, publicarum rerum ignorantia fecit. Certè de tua benevolentia diffidere me, non est quòd verearis. Literas ergo dabo, quia non improbas; verùm proxima solum occasione. Nunc me quippe Mersennus noster facit occupatissimum, qui transmissurus crastina luce in Hollandiam Animaduersiones illas meas in Cartesianam Metaphysicam, donec exscribuntur, sollicitè instat. Heine neque iam tecum agam pluribus; abundè erit, si gratias agam ob restitutionem affectus tui erga me constantissimi aduersus meum illum Antistitem factam. Noluisti ipse literis tuis, quæ tua est moderatio, eos sermones significare, quos, satagente illo tecum redire in gratiam, habuisti de me; at illi profectò mihi innotuerunt. Quod scribis declarasse illum velle etiam mecum redire; qui potuit seriò facere, quando interea omnem mei conciliandi an-

nam

sam præsecuit? Scilicet mihi interea id iuris suffragatus est, cuius nisi sim planè excors, atque improbus, dedicationem necessariam fecit? Nam si me solum id attineret, condonarem facillimè; Beneficij mei ius est, quod ut illibatum accepi ab Antecessoribus, ita ad Successores transmittere teneor. An committam, ut illi mihi vertere olim opprobrio possint, quod in ipe faris aut animi, aut fidei non fuerit, ut usurpatorem sinerem impunem? Videre profectò ne posse quidem Ecclesiam prius repetere, quàm in integrum fuero restitutus. Et Spinosa quidem Vir optimus; sed facilem nimium sese præstitit, cum de iure me attinente, & de quo non fuerat controuersia, ita permisit transigi, ut ipse spoliatus eo fuero, & homo inensissimus, cui cordi magis nihil fuerat, illo tanquam præda exfartiauerit ardorem hostilem. Sed hem quo abripior! id ignosce ac benè Vale DECVS PRINCIPVM & Præsidium meum. Parisiis, xvi. Kal. Iunii, M. D. C. xli.

*Quod iter suscepiam vertat præserè, è pe-  
lore voneo. Literas hac vice non habeo à no-  
stro Bereculio; sed superiore geminas habui.  
Cum Ber-villa memineris, an-non patièrè heic  
adiici quam multam illi salutem dico? Peireskij  
Vita est tandem sub pralo. Vale iterum.*

## E I D E M.

**P**etrescript ad me Bereculius Antistitis mei pollicitationes. Illis diffido, quia noui, quàm modicæ fidei Vir sit. Quòd sciam certè, nisi aduersum me promissis suis nunquam steterit; Sed nimitum voluit abs te reconciliatis discedere; fretus interim transactione, quam aduersum me pepigit, vel potius extorsit. Et vis scire, quid cogitaret? Videlicet posse humanitatis quidpiam tibi, mihiue contingere, priusquàm de iure controuersia fiat. Profectò, si homo *ἀνθρώπινος*, Græcam non affectasset fidem, declarasset schedà tibi consignata velle se nihil meo iuri, ea transactione derogatum, & rem constare integram donec plenius cognosceretur. Non fecit? Satis anquem latere. Cur verò putas illam ad calcem conditionem apposuit, ut nisi iura ea transactione sibi tributa conficeretur, non staret ipse cæteris? Cur, inquam, nisi quia agnouit iniuriam mihi à se illatam, nec potuisse Collegas meos in ipsum transferre meum ius; ac interea putauit omnem conquerendi ansam mihi adimi, quod secus Capitulum totum in me met veluti arma-rem, quasi aduersus sceditagum, instaurandique belli authorem? Clausula sanè insolita, naturæ contractus aduersa, & de qua (si id per amicos à me salutatos liceat dicere) ne Romanus quidem quispiam cogitasset. Ac non me latuerat quidem eius mens; sed accipio ecce Dinia literas, quæ illam planè perspectam faciant. Quid te his tamen rebus detineo, HUMANISSIME PRINCIPVM, quasi nihil possim scribere, quod sit tibi lectu iucundius? Condonà, quæso, animi motus, qui frangi possè visi non sunt, nisi ad te appellerentur. Nisi tam bonus, tam mei amans, tam tui

esses similis, non effunderem ista in tuum pectus. Aliàs agam de aliis. Nunc saltem tacendum præterea non est, quod Bereculius adiciit, non potuisse omninò te, quies Hominum mansuetissimus, tam aduersus Antistitem, quàm aduersus Spinosam bilem continere. Qua de re quid dicam, non habeo nisi quod nimium felix sum, qui te erga me talem habeo. Viue igitur, ac optimè Vale, DECVS PRINCIPVM, & Præsidium meum. Parisiis, ix. Kalend. Iun. M. D. C. xli.

ANTONIO GODELLO, *Grassensium Episcopo,*

PETRVS GASSENDVS S.

**P**AUCIS ac serò respondeo, PRÆSVL OPTIME, sed perspecta nempe tua bonitas opinionem facit peccandi impune. Rescriptissem tamen maturius; verum is codex, intra quem latuit præclara tua Epistola, est nuper dumtaxat Belgenferio missus. Nunc, nisi scribo pluribus, concurrenteis, nescio qua sorte, occupationes possum cauari. Et perumpo nihilominus, quòd treis denique versus, quàm nullos dare ad te præstet. Id præstet, quia Bereculio te esse Aquis-Sextiis, meminisseque mei nunciante, vellicari aures non abs te perferio. Suppudet quippe videri me præ negligentia immemorem tam virtutis tuæ eximie, quàm amoris erga me tui. Peireskij Vita mandatur iam typis, foliorum formà quadripartita; cæque erunt, quantum conicio, numero pròpe sexaginta. Quintum iam-num excuritur, polliceturque Typographus operam faris diligentem. Quod tu scriptum probas, non de opere, sed de materia accipio, quæ haud-dubie superat opus. Agnosco interea candorem, sed non sine beneuolentia, quæ imponere tibi potuit. Vt cumque sit operam dabo, ut in me obseruantiam, gratitudinèque desideres nunquam. Vale, Parisiis, ix. Kal. Iun. M. D. C. xli.

LVDOVICO VALESIO, *Principi Optimo,*

PETRVS GASSENDVS  
*Eumegæstien.*

**E**IEX me quæras, OPTIME PRINCIPES, quid iam rerum agam, paucis referam. Nocti varia Experimenta, quæ circa res projectileis, deciduasque per-acta sunt, cum per superiorem Autumnum, quæ currus, quæ equo perlustares Prouinciam, & Tirim celeritima tenderes Massilià Casteldisium versus. Quippe non modo te auctore plarique illa exsequuti sunt, sed præiuxisti quoque ipse, & ut egregie perceperas, ita eximie edisseruisti qui contingeret, ut omnes motus rerum à nobis tam emissarum, quàm dimissarum perinde fieri apparent, seu id corpus, cui insisteremus quiesceret, seu moueretur. Ego subinde

ad Amicos in hanc urbem ea perſcriptiſſi; & quia  
fuere à quibus fides non-niſi ægrè impetraretur,  
idcō conſcriptiſſi vberiores ad aliquos Epiſ-  
tolas, quibus cauſa expoſita eximerem admi-  
rationem. Oſtendi nempe id potiùs fuiſſe  
futurum admirabile, ſi lapis ſurſum ex curru  
aut equo, vel naui tranſlatis proiectus in  
ipſam manum non recidiſſet, aut ſi ex ſum-  
mo malo dimiſſus, non decidiſſet in pedem  
mali. Nunc igitur præcipuas duas eiſmodi  
Epiſtolarum volentibus ipſiſ retracto, ac vt  
euulgentur vltro patior; etiam poſterior, quā  
oſtenſum eſt Copernicæam ( niſi Pythagori-  
cam potiùs, & Platoniam ) de motu Terræ  
opinione impetendam eſſe argumentis fir-  
mioribus, quā quæ vſurpare eſt moris. Id  
ſtupore proſectò dignum, homines non è  
vulgo modò, ſed eruditos etiam, & ex Phi-  
loſophis, Mathematiciſque maximè illuſtreis  
obiectare experimenta, quæ neque ipſi fece-  
runt, neque ab expertis acceperint; ſed quæ  
putent ita debere neceſſariò ſuccedere, vt  
perſectiſſe illa ſe iactitare non erubescant. En  
præ cæteris Clauij verba, *Pariratione effice-  
retur lapidem, ſeu ſagittam aliquam magna  
vi ſurſum directè proiectam non in eundem lo-  
cum recidere, veluti in naui aliqua celeritè  
motu accidere conſpicimus.* Quid tu heic di-  
cas, qui in naui celeritè mota, ſecus acci-  
dere conſpexiſti: Et ſi dixiſſet quidem ille,  
veluti probabile eſt, aut veluti ſerui, qui  
fuerunt experti; ſolam vel negligentiam, vel  
credulitatem cauſaret; at cum id dixit, *velu-  
ti accidere conſpicimus;* eſt ſanè cor præterea  
ſumimam admirer ſecuritatem. Tu bene Va-  
le, **PRINCIPVM, DECVS.** Scripſit ad  
me nuper Arnulſus (affinis ſcilicet, hoſ-  
pèſque Draguiniani meus) timere ſe quid-  
piam à Concilio malè animatorum technis;  
ſi te adierit, certus ſum te illi præſidium ſo-  
litum non denegaturum. Iterum Vale, Pari-  
ſiis, Kal. Iun. M. DC. XLI.

## E I D E M.

**N**E mirere, **OPTIME PRINCERS,**  
ſi immoderati iſte ſint ſeruores; ta-  
les certè heic quoque videntur, quales vix ſen-  
ſit Africa. Ac fortaiſſis quidem videri penè  
intolerabiles poſſunt, quòd repente ſubi-  
erint; quòd diuturnis, exquiſitiſque frigori-  
bus ſucceſſerunt: ſed vt vt ſit vix medio Iu-  
lio exſpectatus fuerat æſtus importunior.  
Hæc verò rerum eſt inconſtantia, quæ huma-  
nam omnem providentiam cludit. Nam ſuas  
quidem cauſas hæc habent; ſed ſagacitati no-  
ſtræ nuſquam obuias. Sol diſpenſator eſt ca-  
loris, quò accedens ad nos Æſtatem, abſce-  
dens creat Hyemem; at cum incedat, vno  
tenore; cur non vno quoque tenore increſcit,  
ac decreſcit calor? An-non eſt neceſſe  
cauſæ interueniant, quæ & hanc interrup-  
tionem faciant, quæque & media Hyeme æſtus,  
& media Æſtate excitent algores? Eæ ſunt  
ergo cauſæ, quas dixi fugere humanam ſo-  
lertiam. Repetunt ipſas Àſtologi ex Sche-  
matiſmis Siderum; ſed hæ non poſtremæ il-  
lorum ſunt nugæ. Quippe Schematiſmi len-  
*Gaſſendi Epiſtola.*

tiſſimè ſunt: ſunt hæ mutationes proſus  
repentinæ. Et ſi fierent quidem propterea  
ex Sideribus quædam veluti ſpectula, quæ ra-  
dios Solis nunc collectos, nunc diſperſos  
tranſmitterent; id quandam veri ſpeciem  
præſteret; nunc verò illi orbiculi nunquam  
ſeſe ita componunt, vt variationem facere  
alieni, vel ſui caloris, ſenſibilem poſſint. Vi-  
dentur ergo potiùs ex iplamet Terra cauſæ  
reperendæ, ex qua Auſtrini halitus per Hye-  
mem ſubortì teporem inducunt, Borei per  
Æſtatem ſeruorem retundunt: ſed quis eſt id-  
circo adedò oculatus, vt quibus diebus, quibus-  
ve horis huiuſcemodi halitus ſint ſuborturi  
proſpiciat? id gariunt quoque Àſtologi; ſed  
nempe vt ſolent humanos euentus: En ſam-  
ulus meus correptus eſt febris; ardent viſ-  
cera; arteriæ ſubſiliunt: requirunt illi cau-  
ſam ex Àſtris, ac Natalio Themate; &  
verò ipſe proximam, recentemque non  
neſcio cauſam. Præclarè penitus vt noſti; ac  
me edileſſe aliàs memini, ille Poëtarum  
Coryphæus,

*ὦ ποταί, εἰς ἡν δὴς βροτῶν ἀνθρώπων;  
Εἴ μιν γὰρ φασ καὶ ἑμὲναι, εἰ δὲ ἐν  
αὐτοῖς  
Σὺν ἀποδύλινι τῶν ἰσθμῶν ἄλλῃ ἔχουσιν.*

Quod in hunc modum interpretor al:

*Eheu! quam grauiter mortales Numina  
culpant!*

*Quippe mala à nobis aiunt accedere; at  
ipſi*

*Stultitiâ propriâ, haud ſato, mala perpe-  
tiuntur.*

Sed modus eſto. Quas heic adiungo literas  
à Roberto meo tranſmittendas habui. Man-  
da quæſo tuorum alicui, vt tranſdat illas,  
quò deſſinantur. Tu bene Vale, **PRINCIPVM  
DECVS.** Pariſiis, VII. Eidus Majas  
M. DC. XLI.

## E I D E M.

**S**cribam nuper de repentinis muta-  
tionibus Aëris: id comprobatum per-  
opportune, cum temperati ſeruores ſunt, vno,  
altero-ve poſt die. Ecce enim vernante cælo  
frequentes pluuiæ, tonitrua quoque, & hodierna  
etiam hac luce à tempore ante-lucano.  
Quàm delectabit, ſi inaudiero parem iſtheic  
eſſe temperiem, vt quia ſcribis te in oram  
Prouinciæ orientalem excutere, ſalubriùs,  
gratiùsque excurras? videlicet non tuâ ſo-  
lùm, ſed meâ quoque intereſt (ne quid dicam  
de cæteris) vt valeas, & iucundè valeas. Heinc  
timerem magis; ſed compertum habeo, quan-  
ta cum incolumitate, ſuauiſſimèque potueris in  
eadem regione ducere Æſtates. Id debetur  
tuæ virtuti, quæ ad omne cælum cor-  
pus comparat, animum ad omnem fortu-  
nam. Eadem eſt enim, quæ temperantiam,  
aquanimitatēque præſcribit, quarum ope  
& ſanitatē, & alacritatem tueris. Ita  
maximum tibi adeſt bonum, quò frui  
per naturam licet, ſana in ſano corpore  
mens. Nihil eſt opus te admonere, vt pe-  
tenne id facias; qui apprimè noſti quàm  
pretioſum ſit, quàm non poſſint imperia  
K omnia



omnia, diuitiæque omnes cum illo conferri, doles te negligentius solita studia colere per has bellorum occupationes; sed non ignoras ea nos lege, conditioneque esse natos, ut vndique esse beatos non liceat. Voluptas aliunde non exigua est, in commune bonum conuertere vota; populos commissos probè regere, quam nactus es Spartam, illam exornare. Denique negligentiam illam cum ea compensas diligentia, qua libris dimissis, rebus ipsis studes. Quippe tua studia vmbatilia tota, quemadmodum nostra non sunt; sed intermistam, ut plurimum contemplationi actionem habent. Est verò cur interè Reipublicæ literariæ nomine tibi gratias agam, quando sic amas literas, ut perire existimes, si quid temporis illis non impendis. Maçte porro animo esto; nam quidquid agas, semper studes, qui dies, horasque ita dispensas, ut nullam frustra exigas, nullam non impigèrè, honesteque ducas. Vixit modò diu, ac Vale, DECVS PRINCIPVM, & Præsidium meum, Parisiis, postridie Eid. Iun. M. D. C. XLI.

## E I D E M.

**P**ostridie quam nuperas scripsi, accessit Laurentius Aquisiensis Consiliarius, iniuratus (quod fecerat nondum) Abbatem Campinium, Virum optimum, & Germani instar, obseruantissimum tui. Discessurus voluit me etiam coram videre; & alloqui: quare euocatus ex Musæolo ad salutandum ipsum processi. Datis, acceptisque communibus de valedudine verbis enarravit vultu, & ut apparuit, pectore in lætitiā effuso, scripsisse per die ad te vltroque tuam in impetranda sedecundi licentia opem implorasse. Protulit etiam, ostenditque Epistolæ suæ exemplum, innuens, si potuisset, eam stylo supplice magis contrèxere, fuisse haud dubiè vsurpatum. Insinuauit quoque, si tam ipse, quam Socius potuissent literis reddendis clariore viros deligere, haud quaquam fuisse neglecturos. Cum recitasset quid in Prouincia, quid in Aula actum, non actum-ve foret, subdidit se, vnà cum Socio conuenisse Parentem tuum, itémque Chauinium, & Abbatem Victorianum, ut submissam tibi mentem restarentur, possentque tuam benivolentiam Viris eiusmodi intercedentibus conciliare. Denique adiecit me sibi rem facturum gratissimam, si ad te scribens, summum ardorem, quo præsidium tuum expetit, effligratque, significarem. Excepi ipse lætari me, apprehensum denique filium, quo se ex mæandris subducere posset. Conscriptas ad te literas, & argumento, & stylo, & manu redditum fore non ingratas, PRINCIPEM te esse summè generosum, ac bonum, & qui inuidus cætera, sinceris tamen precibus, affectibusque sis non inuidus. Præclare actum erga Patronos, qui tui tam studiosi sint, in quos sis ipse adeò propensus. Me nullo planè habendum loco, qui nullus esse apud te

debeam, nec possim nisi temerè talibus Viris interuenire. Ausurum tamen, quia id vellet, suggerere ipsius pronam, & ad omne obsequium comparatissimam voluntatem. Quod superesset, pergeret modò, quo dextro pede ceceperat. Hæc summa est, OPTIME PRINCEPS, confortum mihi cum ipso sermonum. Ac datam quidem libero fidem, dum, quod expetiit, exsequor; sed interim tamen quo & decet me, & tuā interest, candore, id præsto, quin-etiam neque consilium, neque suasionem adhibeo; cum tu sapientior, meliorque sis, quam ut præter nudam historiam, aut face, ad diuidicandum, eligendūque quod optimum; aut stimulo ad exsequendum, prosequendūque indigeas. Vale optime, ó PRINCIPVM DECVS, Parisiis, XI. Kalend. Iul. M. D. C. XLI.

## E I D E M.

**R**ebrem creas, OPTIME PRINCEPS, cum iis me elogiis, quibus sustinendis sum impar, exornas. Sed nempe, ut Parentibus filiorum næui lumina sunt: ita verendum est, ne tibi cuius est candor eximius, amor ille tantus, quo me prosequeris, imponat. Ego profectò longè absum, ut in me, quam prælumis scientiæ plenitudinem agnoscam; quippe qui non Oceanum, sed nec riuium, aut ne stillam quidem posse summis labris attingi confidam. Tamen enim eius scientiæ, quam appellare τὴν θεωρίαν, seu Historicam soleo, consequi possim aliquid; illius tamen percelebris, qua intima rerum naturæ, proprietatēque cognoscantur, ne atomum quidem mihi-mèr polliceor. Hæc est, quam Deo totam concedo, qui, cum Naturæ opifex sit, solus habere perspectam sui opificij rationem possit. Et considera quidquid primum in rerum natura occurrer, Animal, Plantam, quidvis aliud: non omnes simul Philosophi causas germanas proximāque, & modum aut artē structuræ illius vniquam explicabunt. Vnus qui fecit, dicere potest; at nobis homuncionibus præter stuporem, superest nihil. Felices nihilominus, quibus Diuina bonitas spectaculum tot operum admirabilium non inuidit. Videtur auctor ille Naturæ sese habere ut artifex, qui fabricatus Dædali statuas, aliæque id genus stupenda, ipsa quidem propalam faciat; sed interiora tamen illa machinamenta non reuelet. Quare, ut satis esse spectatoribus debet oculos pascere iucundè, neque aut conqueri de Artifice, aut se habere miseros debent, quòd illius solentiam non complectantur animo; ita nobis in pulcrum hoc Naturæ Theatrum admissis, sufficere debet tot rerum, quæ in illo exhibentur, contemplatio suauissima; neque iure possumus, aut cum Deo exposulare, aut infelicitati cupiam vertere, quòd ipsius quoque peritiam in iis condendis non assequamur. Ac sapienter sanè ille sic prouidit. Quippe non iam admirationi, aut venerationi hominibus foret, si supra homines nihil saperet, ipsique eius industriam se consequu

consequutos gloriari possent. Vides proinde, quæcunque sint Scholarum pollicitationes, qua de scientia ego desperem; vides quam aulim prosequi, dum *his parvulus*, seu historia rerum, hoc est ipsa effectorum *non* *damus*, sed speculatione contentus. Sed & vide quælo, an id sit, quod vocas altum sapere; cum me ex gradu illo summo sublimis Sapientiae demittam, & hanc humilem, cuiusque è vulgo nemo non sit capax, confectur. Utquecum sit, aurea profectò, ipsòque digna Apolline tua illa sententia, de Veritate cum agitur; non esse, quod Aristotelis aut Platonis sumus studiosi. Dicendum aliàs de illa erit. Nunc, ne sim nimis, finem facio; apprecatus tibi omnia prospera. Viue & Vale **DECVS PRINCIPVM**, & Præsidium meum. Parisiis **IV. Kal. Iul. M. DC. XLII.**

## E I D E M.

**Q**uod cœperam nuper dicere, resumō; ne videar illam adeo præclaram de Veritate sententiam absque testera dimisisse. Imprimis verò illud occurrit, tam Aristotelem, quam Platonem reuerentiores fuisse Veritatis, quam ut sese illi præhabuerint; qui si præhabuissent, non esset profectò quamobrem ipsos reuereremur. Quippe Sapientiæ professores ob id solum suspensum, quod docere illos arbitremur vera, nam si profiterentur falsa, æquis ad illos accederet: Itaque ipsa Veritas est, cuius vnus studiosi sumus, & cuius speciem induat oportet, si quid falsum prosequimur. Videlicet ne mihi quidem, picturæ, & alia, quibus decipimur, delectant, nisi quatenus præ se ferunt similitudinem cum vero. Vnde & constat quàm sit pretiosa, quàm diuina res Veritas; cuius sola vmbra tantoperè placet. Quàm optandum proinde foret, ut humanum genus aperiret oculos, quo Veritatem potius ipsam, quàm similitudinem, aut vmbra & agnosceret, & consecraretur. Ecce enim fucus obtenditur rebus, quo solo abducimur; neque interim vera bona aut cogitamus, aut disquirimus, aut discernere ardentem studemus. Quare nec mirum est, si rerum veritate non perspecta, atque idcirco si naturæ voce, seu ratione non exaudita, cæci nos motus abripiant, & quasi cynosurâ destitutos in scopulos, breuia, lyrtæisque coniciant; Donec profectò quid reuerà, quid apparenter solum sit bonum, non satis interoscimus; inuoluunt nos, seu potius obruunt cupiditatum inanum fluctus; & quia illis metas secundum naturam non præscripsimus, longè omnino absumus, quàm vt nos ad portum patiantur perducere. Is portus Tranquillitas est, quam cum nemo non experat, nemo non passis velis declinat. Quid enim aliud agimus, dum libidini, ambitioni, avaritiæ laxamus habenas? dum odiis, iniuriis, rapinis, bellis, cadibus, prodicionibus Cælum cum Terra commiscemus, & societatis humanæ iura lûsque

*Gassendi Epistola.*

dæque evertimus? nisi non hatum perturbationum origo, & causa ignorantia est; quæ, dum Veritatem studiosè requirere negligimus, tenebras facit, ac intereà occupat, tenetque imperium. Sed verus nempe querela est; neque cum rebus humanis ita bene agitur, vt cessare potius nostris, aut futuris, quàm præteritis temporibus, debeat. Tu inter has publicas turbas placidum illum animi statum, quod facis, constanter tuere. Viue diu felix, & Vale, **DECVS PRINCIPVM**, & Præsidium meum. Parisiis, **III. Non. Iul. M. DC. XLII.**

## E I D E M.

**V**eniã dabis, **OPTIME PRINCEPS**, si si paucos proflus versus dem; sed nempe scriptioni destinatum tempus suffuratus Amicus est; cui omni officio fuit satisfaciendum. Id licere mihi putavi per te, qui tantam fecisti de te confidentiam. Fiet aliàs Deo volente cum hac iactura compensatio: quamquam iacturam non dicerem, nisi ipse pro tua immensa bonitate ita sentites. Quippe esset potius lucro apponendum, si quod legendis literis, meis tempus dederis, ad alia referres. Tu præsertim, ac isto quidem difficillimo tempore; quo sustines tot, ac tanta negotia. Accepi nimirum, quas habuisti causas, vt Prouinciæ metueres, & singulariter prouideres. Vides intereà casum insignem, quo hostes recens perculsi sunt; cum esse nihil poruerit eâ, quam sunt adepti victoriâ lucuosius. Fortunet Deus prosperè omnia, & teque imprimis inecolumen seruet. Viue diu, & Vale, **DECVS PRINCIPVM**, & Præsidium meum. Parisiis, **IV. Eid. Iul. M. DC. XLII.**

## E I D E M.

**N**ihil fuerat opus, **OPTIME PRINCEPS**, conscribi ad te Cartesiana Metaphysicæ argumentum; quando ea iam excuditur, Merlennusque noster editionem curat. Ita ipsemet est nuper confessus, qui initio celauerat; adiecitque imprimi vnâ cum Obiectiones alias, tum Animaduersiones meas solutione iam à Cartesio missa. Requisiui ipsum, vt mihi illius copiam faceret, cum verò tergieret, an-non facis, inquam, quod Antagonista se acerbiorẽ præbuit, vererisque ne ex lectione aliquid molestiæ cœteret? annuit ingenuè; tum autem ego, Tu non igitur inest nōsti, qui si quid rationis occurrat, ardentem excipiam; si quid stomachi, facile condonem? dedit itaque demum pellendam. Cum perfecissem, quàm benè, inquam, mœcum agitur, quod me Animaduersiones secundum totam seriem cum Responsonibus imprimantur; quippe erit vnde Lectores æquum de controuersia, dæque stylo iudicium ferant. Hæc ipse ad illum: Tu **OPTIME PRINCEPS**, cum liber erit præ manibus, quid id totum sit, vberius cognosces,

K 2 Heic

Heic solum addo, per-mirum esse, quam firmus quisque nostri amantes, quam sententiae semel infixae tenaces; quam contradictionis minime patientes! Cumque id minus quemlibet deceat, tum praecipue virum sapientiam professum, qui dignus esse eo nomine, nisi pro scopo habeat veritatem solam non potest. Non modò enim æquum videtur, ut patiamur Placita nostra controuerti ab aliis; sed etiam ut ipsimet nos veritatis ergo, ipsa eueritamus. Digna sanè vox Aristotele, *ἡ δὲ τῶν ἀνθρώπων βέλτερος ἡ, καὶ δὲ τῶν θεῶν σωφρονέστερος καὶ ἀληθέστερος καὶ τῶν εἰκασίμων ἀγαθέστερος, ἀλλὰ οὐ τῶν φιλοσόφων ὄντως*. Sequitur, quod nuper innuebam, *ἀμφὺν γὰρ ὄντων φιλοσόν*, hoc est Platone, ac veritate, *ὅστις ἀεὶ πρὶν τῶν ἀληθεύειν*. Sed hæc, & alia tu melius nôsti. Viue diu ac Vale, DECUS PRINCIPVM, & Præsidium meum. Parisiis xiv. Kal. Augusti. M. DC. xli.

*Bervilla semper salutem nuncio. Scribo ad Valtoriam, ut illi commendem mei cuiusdam agnati causam: nisi tecum sit quæso te, ut tuorum quispiam meas literas ad illam transmittat. Iterum Vale.*

## E I D E M.

**E**Ram nuper apud Thuanum, cum Princeps, Antistitesque Metensis eò adueniens, post confertos quosdam sermones, æquis Vir essem requisivit. Cum Thuanus verò, Puteanusque dixissent ad aurem esse me virum Prouincialem, quem tu amore tuo dignareris, dici non potest, quanta me derепentè in tui gratiam humanitate fuerit complexus. Cæpit subinde facere palam quantum te Cognato gloriaretur, latareturque; quanta eximiam tuam virtutem, cuius exempla retulit, veneratione prosequeretur. Non refrago portò, ut omnes & asenserint & symbola contulerint; id solum attingo, ut nôris quanti ab illo Principe fias; quanti ab omnibus, qui te nôrunt. Quin etiam talia non scriberem, si vel facere aliquam tibi assentandi opinionem possem; vel te eum nôstem, qui ad vanam ostentationem illa referres. Sed nimirum tu sic me amas, ut nouam quandam abs te gratiam inire necesse non sit: ego tuæ virtutis eam habeo rationem ut incentiuum facere, potiusquam remoram contendam. Et teneris certè vel ex eo, pergere constanter, quod cæpisti gressu; quòd in oculis omnium, clarissimæque luce versaris; neque potes non in hac morum peruersitate esse exemplo, cuius, quibus innati sunt veræ virtutis igniculi æmulatione accendantur. Quàm, putas, verò res est diuina, dum hoc tramite indeflexus incedis, spargere te interea, & dum nihil cogitas, odorem, quo alliciantur plurimi, inducanturque in eandem viam? Maeste proinde animo esto, & quod agis, id semper age; sic enim demum poteris inter Heroës locum habere. Eò multi aspirant; sed quia interim virtutem non-nisi fucam sibi statuunt ob oculos, idèd lactantur inani spe, exciduntque ingentibus ansis.

Viue modò diu, ac Vale, DECUS PRINCIPVM, & Præsidium meum. Parisiis, vii. Augusti, M. DC. xli.

*Obsignaram iam Epistolium, cum reddita mihi tua litera sunt, ipsis huius Mensis Etidibus conscripta. Referant ergo, sed eo solum sine, ut significarem mihi redditas: quippe non-nisi proxima occasione iis responderem. Ber-villam inbeo semper saluere. Vale iterum.*

## E I D E M.

**P**Erpecti mihi labores sunt, quos in communicendis iis locis, quibus aliquid timetur, impendis. Et quereris quidem non sine lepore ex nihilo nihil fieri; sed cum opis diuinæ sit ex nihilo nihil faceres proximum tamen ipsi est, pauca ex te facere multum. Haud malè proinde ominati sunt, nec meriti malè de tua providentia, qui à te tantum operæ ex subsidii tantillis sperarunt. Quippe, ut non aliud, hoc saltem fecere, ut te tutelæ Numinis creditum esse constiterit. Heinc est tua illa *ἀσπείδεια*, quâ gloriari potes eadem naui te, ac tuam simul fortunam vehi. Fortunati nimium, qui tecum vehuntur? Populi scelerces, sua si bona nôrint! Perge modò, OPTIME PRINCEPS, grandi hoc passu incedere; gerentem quippe hos animos Numinis fauor destituet nunquam. Gratiam facienti quod in se est non denegari, trita sententia: tu verò vota non concipis, nisi admodum aratro manu. Ista nec de te nimium spondes, nec præ segnitie Cælum fatigas; sed cum præstitisti, ut per te nihil steret, ut Deus omnia fortunet, voves. Nôsti eiusmodi consilium ne Ethnicos quidem latuisse, qui adiuuari forteis à Diis, & Deos omnia vendere laboribus pulcre senterunt. Nôsti Diuinam, Primamque causam se sola non agere omnia, quæ & Secundas cum fecerit, eas sanè esse nequequam noluit. Quare optas quidem ab incrementum; sed & plantas, & rigas tamen. Quidni hæc fretus conscientia, & ratus nihil prætermisum, serena mente constanter sis; qui utcumque de prospero euentu securus non sis, nihil videas tamen, cuius te possit propter infastum penitere. Apprecor ipse prospera omnia, infasta omnia deprecor. Sic Viue diu sceler, & Vale. Parisiis, postridie Kal. Augusti M. DC. xli.

*Quod spes sit fore, ut Epistolium te Aquin-Sextius conueniat, an-non feres heic à me dici, quando non vacat scribere, Bereculio nostro, aequè ac Ber-villa plurimam salutem? Vale iterum.*

## E I D E M.

**M**ensis prope est, ex quo ad te scribens memini Victoriæ, quæ non tantum verum *Βασιλειαν* victoribus fecit. Agnosces iam quæ non oratio, sed *ἡγεμονία* illis succedat. Videlicet, deicctâ Statuâ, basis quoque suffolla est; & qui erat Patuleius, factus est



est illis Clusius Deus. Mitari profectò par est, nos heinc securos maxime esse, vnde ante dies tam paucos timebamus quam-maxime. Sed hæc est nempe felicitas, hoc sacrum consilium imperans Fortunæ. Quippe cum sit sagacitatis id conicere, quod futurum est, tum prudentiæ præsertim est quidquid demum occurrerit, sic temperare, vt bene verat. Euentus plarumque in nobis non sunt; at cum causa cæca illos faciat, potest prouida sic insistere, vt nihil videatur non factum consultò. Hoc ego sanè dicere soleo, non tam quadrare circulum, quam ex globo facere cubum. Nôsti enim quod dicitur,

*Vt sphaera Fortuna, cubo sic insidet Hermes.*

Quamquam quid ego ista ad te; qui tantâ sapientiâ omnia moderaris? Verum condonabis, quòd exciderint ex recente memoria, ac præsentanea meditatione. Facile profectò non fuit non intendere animum ad inexpectatissimum casum: Vouco tibi nullum fieri impronissum; nullum ex quo non te fortunatissimum probet. Vtne modò diu, ac Vale, DECVS PRINCIPVM, & Præsidium meum. Parisiis, v. Eid. Sextil. m. d. c. xli.

## E I D E M.

**Q**Uod dicis te veram virtutem non possidere, sed optare, ex ipsa virtute profluere: Quippe, vt præteream hoc esse nunciat, quæ ipsa quoque cum est ingenua, ac simplici, Virtus est: Oportet profectò non inchoatam modò, sed adultam etiam oblineat, qui veram atque consummatam expetit ardentibus votis; Et diceret fortassis alius te ne istâ quidem destitui; sed neque ipse de te sic sentis, neque sentire congruum est; quoniam ipsâ excideres, si te consequutum putares. Nolle vis, vt istud accipiam? Dicis ipse egregiè veram virtutem esse immotam; Dicis Primo tantum Motore conuenire, vt non moueatur: colligo ergo veram virtutem in Primo tantum esse Motore. Et quia tamen de virtute, cuius homines valeant esse capaces, agitur; putatim id sic temperandum, vt humana virtus consistat in similitudine cum Primo Motore, non omnimoda illa quidem (neque enim Dij esse possumus) sed quantum quidem per humanam imbecillitatem fas est, adeò vt quisque veram virtutem tantò magis obtineat, quantò obtrinet constantiorem. Heinc accedere ad veram virtutem, est ad Deum accere; hoc est, ad constantiam aliquo modo similem immutabilitati Diuinæ. Et quia res est per se ardua, perinde esse mihi videtur, ac si quis non secundum flumen, sed aduersus, hoc est in ipsam scaturiginem nauiger. Vt enim facilis nihil est, quam secundo flumine ferri; ita nihil proliuius, quam delabi per vitia, & vt labor est tendendi in fontem; ita difficultas inhiant ad illam quasi originem virtutis. Quare vt niteri in fontem quiescendum non est, nè referatur ab ipso fonte; ita aspiranti ad sum-

*Gassendi Epistole.*

nam virtutem connitendum perpetuò est, ne, si non faciat, ab ea recedat. Atque hoc tandem est, quod volebam, cum fore dixi, vt à virtute consummata excideres, si in ea esses opinione, vt te adeptum existimares. Nempe hæc opinio feriatio est quædam, per quam non modò non promouemur, sed etiam longè femouemur; sicque comprobatur, quod sæpe audiisti, in via virtutis non progredi, esse regredi. Cætera aliàs, ne sum iam nimius; intereâque exopto tibi non virtutem modò eximiam, sed etiam virtutis eximie cumulatissimam mercedem. Benè Vale, PRINCIPVM DECVS. Parisiis, xvi. Kalend. Septemb. m. d. c. xli.

## E I D E M.

**A**N nuper contradictio fuit, cum te virtutem esse immotam asserente, sic annui, vt censuerim tamen non esse quiescendum? Non videtur sanè quando quidem virtus ipsa est Animi constantia, quæ constantissima cum est, tum demum vera virtus est; Neque enim est, cur putemus solam iustitiam esse constantem, atque perpetuam voluntatem, vt Iuriconsulti definiunt; id ad virtutem omnem spectat; & vt constantia voluntatis tribuendi sum cuique est iustitiæ; ita Temperantiæ honeste; Fortitudinis generose; Prudentiæ sapienter agendi. Porò, quod nôsti habitum dici Qualitatem permanentem variis actibus comparatam; dictum habeto de Virtute, quæ habitus est, quæ permanens est, quæ repetitis actibus firmitudinem nanciscitur suam. Vnde & sicut desuetudo habitus alios obliterat, sic speciatim ipsam virtutem, ac proinde, ne id eueniat, intermittenda actio non est. Quin etiam tantò magis est ipsi virtuti prospiciendum, quantò non modò cessatio lentitudinem in mentem inducit, sed crebra etiam sunt occasiones oppositorum actuum, qui in habitum contrariæ detorqueant. Quippe vt desint cætera, passiones continuo insurgunt, quæ nisi Virtutis ipsius reprimantur imperio, eam demum è folio deliciunt, occupantque, & tenent arcem, Itaque Virtus quidem immota: sed vt sit, agnosceis vt non sit quiescendum. Id fit, vt dum arbor tanto fit stabilior, quanto amplius radios agit; sic nempe minus & arbor ventis, & virtus passionibus cedit. Si placet, comparato quoque ipsas passiones cum fluctibus, Animum cum naui, facultates eius cum iuuenibus, quorum vt ille loquitur, alij malos scandunt, alij per foros cunctant, alij sentinam exhauriunt; si quidem virtus denique ipsa similis erit Gubernatori, qui clauum tenens sedet in puppi quætuus, nec (vt verbis eiusdem dicam) facit ea, quæ iuuenes; sed multò maiora, & meliora facit. Hæc satis sunt. Tu autem Vale, Ocelle Virtutis, & PRINCIPVM DECVS. Parisiis, x. Kal. Septemb. m. d. c. xli.

K ;

E I D E M.

## E I D E M.

**E** Rigidissimum te Poëtam dicis; quid, si calidissimus fores? Noui sanè ingenium tuum ad maiora natum, maiora sectatum, non fuisse ardens complexum hoc-ce eruditionis genus. Memini, quod abs te accēpi, vix tibi semel iterumque carmen aliquod excidisse; at simul noui quo enthusiasmo animi sensa exprimas; memini simul quo studio elegantiores Poëtas colas. Quare & minùs mirum est, si in versùs omninò bonos, vel non cogitans interdum erumpas. Eiuscemodii profectò ij sunt, quibus Epistolam clausisti

*Occidit fortuna Duce[m], Martemque repressit;*

*Hostibus ecce suis palmam Rex prapripit ense.*

Agerem lubens Commentatorem; sed inseruisse in Epistolium, vt pretiosam gemmam sufficiat; quò nitorem tuum ad te referens, indeque splendescens gratiosius accedat. Adderem quoque ex me nonnulla; sed quid Anferi cum Olore? Sum ipse quippe longè frigidior, qui vix semel quoque decennio agitante Deo calorem concipio, ægréque tandem Apis Matinæ more, modòque, seu per laborem plurimum operosa paruus fingo carmina, vt verbis illius rem dicam. De reditu, quod admones, memento, PRINCEPS OPTIME, nondum esse annum exactum. Pejreskij Vita iam-nunc primùm, vcl potius tandem è prælo prodit, delibero autem quidpiam-ne prætereā eo, quo sup̄est semestri committam. Semestri dico; nam, vt quæ nōsti inita mecum pacta compleantur, expectandus est Martius proximus. Accepisti Comiticia demum ad vmbilicum, quod aiunt, perducta. Ostendit intis Robertus animos omninò ingenteis. Hugo quoqueille, cui vices remisisti, ita gessit generosè, vt nihil sit, cur facti poeniteat. Abest vterque cum Gerenteo, cūmq; illis Præsulibus, quos destinānt Comiticia ad dicendum Regi postremam salutem. Ego sic tibi salutem dico, vt te saluum velim in annos Nestoreos. Vtinam ita viuas, & Valeas, DECVS PRINCIPVM, & Præsidium meum. Parisiis, 111. Kal. Septemb. M. DC. XL I.

## E I D E M.

**N** On est, quòd te heic multum morer, nam & superiore die scripsi per Veredarium publicum; & hæc credo cursori tuo comites libri, in quo es mihi prima, summâque camœna dictus. Is porrò liber exemplum est editæ nunc primùm Pejreskianæ Vitæ, cui nihil potuit esse gloriosius, quàm & pro tuis votis conscribi, & tuis sub auspicijs in lucem prodire. Atrexo ipsi duo Exempla, quorum, si per te liceat, alterum Valauesij sit; alterum Baronis Riantij; nempe istorum, secundum te interest prima omnium habere. Omnia incompacta; Sed ea adparo, cuiusmodi mox è Typographico traduntur, ne cursore ex improviso transiente, imparata habeam. Adde quòd Valauesius, qui compactorem Pejres-

kianum in ære habet, significauit velle se curare exemplum Musæo destinandum tuo: Neque ego non debeo rem facere illi pergratam. Quæso te vt facias tu quoque, & atque adeò iubeas tria simul Exempla ad memoratum Baronem mitti; is enim tradet artificij, qui tuum elaborat ex præscripto Patris. Hoc solum volui; Tu benè Vale, DECVS PRINCIPVM, & Præsidium meum. Parisiis pridie Kal. Septemb. M. DC. XL I.

## E I D E M.

**E** N OPTIME PRINCEPS, quæ sunt vices rerum. Scripsi ad te ante sex mensis de negotio composito; & ante octiduum de pactis seruandis; Scribo nunc omnia ne quicquam acta, nihilque mihi superesse, nisi vt illud occinam, opera, & impensa periit. Quid, inquires, istud tui est? Vt paucis dicam, Regia Maiestas & Cardinalis Maximus irrita, fecere tam Ebreduñensem, quàm Arelatensem nominationem Agentium; Hugòque, cui iussu cesseram, liberatus proinde fuit fide prestita de damno faciendi. Heinc, cū ipse foret his ipsis diebus quatuor librarum millia, & intra sex mensis quatuor cetera perfolutum iri; comprobauit quàm verum sit, spem vigilantium esse insomnium. Si nosse portò desides, vt feres in Aula habuerit; ecce quemadmodum Robertus, qui ipse interfuit, enarrauerit. Præsul Gratianopolitanus, cui Meduntensis Comiticia priusquam distraherentur id commiserant muneri, coram Rege iam perorarat cū Agentes Cleri pro more, vt gratos haberet, ipsi exhibens, hoc abs Rege tulit Responsum, *Ego illos gratos non habeo, quòd nominati fuerint absque præscripto vllò meo; tunc (relexit tunc in Hugonem) etiam pecuniam numerasti. Poterunt deinceps alij nominari, Cancellariisque meum hac de re interpretabitur Placitum: Interea Prior San-dionysianus Agentium functionem obibit.* Cardinalis quoque subinde per-oratione ab eodem facta, accepistis, inquit, ipso Regis ore, quid velis circa Agentis saltum. Id significauit, me non inconsulto; ac, si quid forte oblitus fuisset, qui suggererem præsto aderam. Quod ad Cancellarium remisit, ne hæcatis, aliò non tendit, quàm vt securos vos iubeat id iuris, quod cuique Provincia ex ordine competit, sarrum rectumque seruatum iri. An tu verò (oculos simul ad Abbatem Grinianum vertit,) nominari iterum possis, prouidebitur postmodum. Et quoniam Hugo tunc requisit, num posset quoque iteratam nominationem procurare; neque tu, inquit, qui numerasti, neque qui accepit, potuisti. Dicente illo, nec fe numerasse, nec accepisse alium; & quam-vis Chirographo sese obstrinxisset, fecisse id tamen pro voto, atque applausu Comitiorum; nihilque actum in ea re fuisse, quod non esset agi consuetum pro Comitibus cæteris, quæ iuberent semper eum, qui cederet, præstari abs eo, cui cederet, indemnem. Benè verit, inquit, quòd non numerasti; sic quippe nihil tibi laboris in repetendo supererit. Quod spectat ad Chirographum, iubebit Rex illud Arestu rescindi. Ha-

Atenus

clenus ille retulit. Cum inaudisset Andreas tuus eodem ipso die, quo hæc fuere peracta, sategit, ne, si fortè Hugo Arcetum illud depolceret, ipse inauditus exciderem iute. Non sane quòd velim, aut possim virum cogete, vt promissis stet, sed quòd æquum esse videatur, vt eorum emolumentorum, quæ per semestre tempus cepit, me quadatenus participem faciat. Heine & rem mihi statim nunciavit, & Victotiano etiam Abbati, qui vt humanissimus est, tuoque amore reuera dignus, omnem opetam vltro obtulit. Rediit iam Hugo in Urbem, in eoque sumus, vt quid debeat, velit-ve commune facere noscatur. Scribo aliunde ad Andream, literas ad Bosserium datus, si quid fortè Numina flecti Parentis interuentu possint. Sed facio solum vt Amicis id volentibus satisfaciam: nam neque ipse vlla affulget, neque si esset aliqua, non eam ducerem infomio vaniorem, scilicet laetari iam dedidici, restatque solum vt animum aduersus hunc casum obfirmem. Et nihil quidem fuisse in tem meam versum graue nihil est, id vnum angit, non superesse vnde me are liberem, ac præsertim erga optimum Campinium, cuius in me amor tener nuntium fuit. Verum Deus ter-Optimus quare sit prouisorius nouit. Viue tu sælix OPTIME PRINCEPS, ac in annos Nestoteros Vale. Parisiis posttridie Non. Septemb. M. DC. XLI.

*Literas asseruo, quas scripsi posttridie, quam dedi ad te superiores. Ea sunt conclusa fasciculo Exemplarium trium Peireskiana Vita, quem Cursor tuus receperat se hæc transuendo accepturum. Fortè ne transferit incomperitum habeo, neque iniuens hoc manè Abbatem petere ex eo memini; sed si iam transiit leuis iactura, nisi quod mihi fuisset pergratum id opus quamprimum a te conspici. Vale iterum.*

## E I D E M.

**N**ihil à datis vsque ad te superioribus literis ex Aula accipio. Hugo sic rigidè tuetur, & debere nihil à se, & sibi emolumentorum perceptorum nihil superesse, vt quod sperem penè nihil sit. Deus Optimus bene omnia vertat. De cursore tuo nihil audio; quare sèpono Epistolium ante dies quatuordecim scriptum, quod vnà cum isto accipias. Exempla si deinceps mittam, id te præhabuisse nihil nocuerit. Do interea vt breuitatem qua iam vt cogor quodammodo suppleat. Nempe officio distrahor, quo me amicus expertus pridem nimis obsequiosum implicuit. Quid faciam tamen, quem Natura eius finxit facilitatis, vt quicquam Amicis leuioribus licet, recusare potis non sum? Tu benè, imò optimè Vale, DECUS PRINCIPVM, & Præsidium meum. Parisiis Idib. Septemb. M. DC. XLI.

## E I D E M.

**R**ansit denique Cursor tuus, discessitque heri ex hac Ciuitate. Non fui ego domi, cum me requisiuit; at monstrauit ipsi

meus famulus fasciculum ad te destinatum. Cur illum non detulerit, ipse-merito tibi renunciat. Literas attulit ab Andrea, quibus acccepi, quod & Bosserius Abbati Campinio iam significarat. Euenit nempe, quod Amicis, Vates non malus, prædixeram, quòdque ad te etiam meminì perscriptum. Ipse, cum omnia commiserim Diuinæ Proidentie, tueri quantum licet *exoptat* conor. Id solatio est, quòd nihil eorum, quæ mihi, Amicis-ve visa sunt, conducentia prætermiserim; quod superest, quòdque in mea potestate situm non est, ne me frustra torqueat, animum contendo. Versabar heri, cum heine abessem apud illustrem Cancellarium: Scilicet hæc hebdomade videre me semel, ac iterum voluit, occasione Vitæ Peireskij, quam se pellegisse totam est testatus. De eximia humanitate, singularique eruditione, cuius specimen dedit, dicere, nisi tu Virum abundè nosset. Demiratus sanè id sum; ac in illo potissimum negotiorum mari immenso. Audio te in Urbem breui rediturum, & quantum coniector, istæ literæ tibi iam reuerio tradentur: Faxit Deus ter-Maximus, vt incolumis redeas, sobolèmq; saluam, lætâmq; inuenias. Dicere non memineram scripsisse me ad Valaesium, vt ex iis Exemplaribus, quæ ad ipsum transmissa sunt, quæque haud dubiè breui accipiet, tibi offerat, quod & destinarat. Ac doleo quidem librum non citius incidisse in tuas manus; quando momenti licet non magni, habere te tamen primum oportuerat; verum nōsti ipse, quæ obstitit fata. Dum tu, quidquid demum id sit, æqui, bonique consulas, quod sanè facies, mitius feram. Diu, ac sollicitè Viue, arque ad eod optimè Vale, DECUS PRINCIPVM, & Præsidium meum. Parisiis xli. Kalendas Octobris M. DC. XLI.

*Non vacat iam ad Bereculium, vt constitueram rescribere; Enim-vero, tu satis bonus, vt patiaris ipsi heic me, aequè ac Berville salutem nunciare. Vale iterum.*

## E I D E M.

**E**fficiunt me verba, PRINCEPS OPTIME, quibus tua illa tam apposita, tam aurea, tam bona accipiam. Ecquid enim possit præclarius, animosiusque depromere Philosophia tota ex diuite penu? Ecce nempe sic me affatis, vt me affari ipse debui, si is quidem essem, quem tu, dum scribis, esse peroptas. Certè, tameris Sapientia me nihilo inferiore Stilpone finxisset, non aliud mihi ipse dixissem, quam quod tu me mones tuis literis. Iusserat Demetrius cum Magaram cepit, Philosophi domum intactam seruari; & cum postmodum prouideret, vt restituerentur, quæ erepta fuerant, ea proptèrque *ἀναγκασιὲς* ὅτι *ἀπολαύσαντες* αὐτοὺς ποσολογῆται, *ἀνταρῶν* ὅτι *ἀπολαύσαντες*, *παύσαντες* ὅτι *μὴ ἀναγκασιὲς*, *τὸν τε λόγον ἔχον, ἔ, τὴν δὲν ἴδω.* Quæ proinde à Seneca merito iure exaggerantur, addente ipsum id respondisse, *cum capta Patria, amissis liberis, amissa uxore, ex incendio publico solus,*



*Et tamen beatus exiret.* Ac nihil quidem simile iussit, qui fortunas meas cum aliorum fortunis coniunctas euectit; sed neque ego ea sum virtute, qui si perinde fuisset rogatus, fuisset perinde responsum. Tu verò, PRINCEPS eximie bonus, ominaris melius de me, ac talem mentem, qualis fuit magni Viri interpretaris: Vtinam me dignum tuo iudicio præstem, eumque me exhibeam, quem de prædicas. Ex hoc certè casu non potui non quodammodo conturbari; quamquam, ut ingenue id dicam, nihil me mouit iactura propria, sed quam perperissimos Amicos perenssi. Nam ad me quod spectat, tum pauca sufficiunt, tum interest parum, quando nam, & indutur-ue, an nudus sepeliar. Ad Amicos quod atinet; non ita possum fieri propensione, ut si quod illi pro nimia sua in me propensione patiantur detrimentum, non me afficiat. Quippe quod illi quoque innunt, se mei ergo leniter ferre, nescio quo pacto afficit magis. Si quid solatur, fatis est rigor, dum patientiam facit necessariam, ægritudinemque inutilem monstrat. Quid de profusissima illa voluntate subiiciam, qua animatus erga me es? Profectò grates tibi dignas persolvere non opis est meæ. Facultates offeris, neque ambigo, quin ex pleno offeras corde: At cum te tanta bonitas deceat, esse à me debet non alienus pudor. Quamquam, ne putes me non satis de tuo candore dignè sentire, summam, quam ipse suggeris testarè confidentiam, nisi faceret ratio religiosum. Nempe non vererè facere vorfuram, commutare-ve debitum, nisi te in eo esse nossem, ut Maternam hereditatem ære alieno liberam facias. Satis est proinde hanc affectus tui significationem habere, commendatamque facere, cum aliunde æquum non sit fieri tuis rebus malè consultum. Gratias hac quoque vice ago pro communicato illo carmine:

*Gallia fert laurum, gestat Castella cun-  
pressum;*

Quippe & ex ipso, veluti ex vngue felicitatem venæ agnoscere iuvat, ipse cum mihi recens nullum, quod reponam ad manum sit, attexo ecce *Spudus mihi*, quod in Schickardi obitum excidit ante paucos annos. Habebis vnà fasciculum non aliorum carminum modò, verum Orationis etiam Funebris, in qua vnum miror fuisse prætermisum. Memini antè Demetrii de Stilpone solliciti; Marcellum similem de Archimede gessisse curam: Dux Lotharingus, nisi aliud, hoc præstitit saltem memorabile, quòd in Tubingæ obsidione Schickardi virtutem reueritus est, cauitque ne ipsi, eius-ve familia à militibus noceretur. Hoc est, quod Orator omisit, quòdque existimaui tibi virtutis amantissimo fore lectum non iniucundum. Ducere volebam litteram insertis de me versibus, at videri id vanius, quàm toletare intactos potuit; cum & nihil fuerit propter te necesse, qui & nòsti me non ambire elogia, & persuasus es me aliis de me plusquam mihi credere nolle. Fasciculum paulò grandiorè attexam; tu condonabis, mandabisque pro singulari humanitate ad Valaesium quam-primùm mitti.

Vive diu, ac Vale, DECVS PRINCIPVM,  
& Præsidium meum. Parisiis, v. Kal. Octob.  
M. DC. XLI.

### E I D E M.

**S**cripsit ad me Salzeus ille, qui te conuenit, vt literas ad Sabaudum Principem daret. Cum fuerit verò abs te exceptus non modò pro eximia tua erga omnis humanitate, sed etiam pro tua erga me singulari beneuolentia, dici non potest quantà lætitià exultantem dimiseris. Quas ad me certè literas scripsit, testatur effusissimam; & quas mihi gratias ob se commendatum egit, peregritque, adeò vberes, feruidæque sunt, vt quàm fueris ipse in illum effusus, perspectissimum faciant. Teneor ipse quidquid gratiarum ab illo fero, ad te referre; cum alioquin *idcirco ipse, amicus vau* non liceat per vires. Sed necpe tu nimis es bonus, ego nimis sum imbecillus; tibi que aut affectus ille, quo in me propendes, temperandus est, aut ferendum si testationem gratitudinis haud æquam reportes. Studia mea in eo iam sunt, vt quas nòsti Commentationes Philosophicas digerere pergam. Quinquennium est, ex quo ad illas animus non appuleram; neque cogitabam quos de ipsis habeo fasciculos euoluere ante reditum in Prouinciā meum. Instigatur tamen Amici, Luilleriusque noster imprimis, vt quando eram in hac Vrbe Hyemem totam commemoraturus, mandarem illos ad me transmitti, Ij ergo transmissi iam sunt. Quare & quas curas elapsis tot annis intermiseram, repeto nunc primùm. Supererat pauca ex Tractatulo de Causis, Fortuna & Fato; ea iam atrexo, scripturus statim de Ortu, & Ineritu. Nihil fuerat necesse id significare; sed tu is es, cui debeam omnium, quæ à me aguntur rationem. Forè etiam, ne quid non nòris subnotabo imposterum quidquid dabitur commissi. Nimirum satis conicio, quam gratam facturus rem sim. Vale interea quam-optimè, DECVS PRINCIPVM, & Præsidium meum. Parisiis, iv. Non. Octob. M. DC. XLI.

*Patre semper Bereculio, ac Beruile salutem dici.*

### PHILIBERTO DE LA MARE, Senatori Diuionensi,

PETRVS GASSENDVS S.

**S**t profectò, cur me ineptum, æquè ac negligentem habeas, qui cum fuerim tanta te humanitate prouocatus; nihil à tempore iam tantò in hanc diem responderim. Tanquam proinde abest, vt culpæ excusationem vllam prætexam, quin me proscitè prorsus indignum, quem vltro honorarè, quem deinceps, rogatus licet, beneuolentia prosequaris. Non etiam tantum est animi, vt postulare veniam auiam; quippe quam me nec promereri, nec iure sperare sim conscius. Vnum superest, vt me tibi sistam, ipse verò quidquid à me actum, non actum censeas, plenòque

plenôque facto arbitrio impero, condonetur ve multam; *μίσσην* certè est, quod subiticio, aliquam referibendi moram tibi subnatam ex occasione discessuri ad te Antici, quo non potest esse amior. Scilicet cum significâris Peireskij memoriam esse tibi caram, ac meam qualemque opellam de eius Vita, ac moribus fore tibi non iniucundam, cogitasti ad te per illum eius Exemplum transmittere, hâcque simul literas dare. Tu sic accipies, non quasi liber aliquid ex me habeat, sed quasi eius sit argumenti, quod se ipso sit placitum. Id si tuas sensisset manus, eoque non ornatum decore prodiiisset? (nempe modeste nimium agis, tuam industriam dum eleuas) ex meis habet non quod oportuit, sed quod mearum vitium, officique fuit: cum sit sim, non quem depingis, sed quem esse in votis est. Vtrumque fuerit, & meam seignitiam quomocumque interpreteris, scito eximiam comitatem, qua te tam sponte in me gessisti, hæere mihi inedulitatis, meque adeo non fore nunquam ut tibi deuincissimum, ita ad obsequium omne comparatum. Vale. Dabam Parisiis, Non. Octob. M. DC. XLI.

SAMVELI PETITO, *Viro Clarissimo,*

PETRVS GASSENDVS S.

**P**Arde respondeo; sed tardè nempe, quem destinasti Librum accipio. Gratias pro illo habeo ingentis, & qualis tua vitam, amorque, quo me prosequi dignaris, rorentur. Legam portò ipsum, atque pellegam; sed non quo ipse, qui es Mortalium modellissimus, animo deposcis. Faciam potius, ut segetem eruditionis demetam, neque enim potest non vberissima ex tam feraci sperari fundo. Non est proinde, cur à me aliud exspectes iudicium, qui præiudicium heic ratum habes. Ipse es, qui censere debes, seu quid est alienum, seu tuum, qui potes non aliena modò absque liuore, sed etiam tuam *αὐτὸ φησάντας* perspicacissimus spectare. Mitto tam ob rem, quod spectes, ac censas, Peireskianæ vitæ Exemplum, tametsi meum nihil est, quod ferre tuam limam possit. Habebis id verò in pignus obseruantiaæ erga te meæ, futurum alioquin per-gratum ob descriptum Herodoti illum, qui te, dum vixit, plurimi fecit, & que amantissimus fuit. Et conmutatio sanè haud æqua, & neque exquisita compensatio; at cum multum desit, reputabis tamen suppleri id ex animo, quo me tibi totum deuoueo. Tu me semper amas, & Vale. Parisiis, v. Eid. Octob. M. DC. XLI.

LVDOVICO VALESIO, *Principi Optimo,*

PETRVS GASSENDVS

*Εὐαγγελῆν.*

**S**uperioribus literis, recepi perscripturum me si quid comminiceret rerum. Nunc, cum ea, quæ meditor ex media illarum,

quas nôsti, elucubrationum sint serie, operæpretium esse videtur seriem hanc prius retexere, ut quorsum ista potius me, quàm alia habeant, perspicuum fiat. Itaque cum fuisset pro voris Luillerij nostri, ut Epicurum calumnias, quibus à tor iam sæculis infamatus fuit, purgarem, peruidi esse quidem præcipuè circa eius Viri doctrinam, Philosophiam-ve incumbendum: At præmittendum omnino censui librum Apologeticum circa eiusdem Vitam, ac mores. Nimirum, si semel constaret quanta honestate morum fuerit, tum posse eius Placita videri minùs improbanda. Sic Atistoreles testatur parem illam Epicuræ de Voluptate opinionem, quam Eudoxus profitebatur, fidem præsertim obtinuisse ex Temperantia profitentis. *Διακρίσις τοῦ ὁμοῦ καὶ τοῦ ἑτεροῦ ἐν τῇ ἡθικῇ τοῦ Εὐδοξοῦ καὶ τοῦ Εὐκλείους.* Quod de Epicuro sanè dici potuit. Nihil verò necesse est, ut te admoncam, quemadmodum, si quæ sunt Placita ipsius cum Religione pugnancia (ut nemo fuit Philosophorum, qui non peccaret aliqua) illa studiosè impetam. Memini enim te perspexisse, quæ fuerint speciatim à me aduersus ipsum in gratiam Providentiæ animaduersa. Conscripturo iam seriem mearum illarum Commentationum, ea cogitatio incidit, fore tibi non iniucundum, si sursum quoque subicerem, quasi exinde sis habiturus operis totius Breuiarium. Quippe tamen id non possit vnus peragi literis; nihil oberit, si in plures aut in plurimas distribuatur. Quin potius fore id præsentio, unde & mihi scribenti labor, & tibi legenti fastidium leuetur. Quanquam videtur cogitatio concoquenda maturius: nunc enim primùm in mentem subit. Quidnam facturus igitur sim, proximæ literæ monstrabunt. Tu intercè, ô & Præsidium, & dulce. Decus meum Vale. Parisiis, v. Eid. Octobris, M. DC. XLI.

*Hæc quoque vice Bereculio, ac Bervilla salutem dico.*

E I D E M.

**P**aribus te iam affari non vacat; videlicet comparo me, ut Eclipsin Lunæ, quæ futura est hoc ipso vespere, obseruem. Teneor tamen significare redditas mihi fuisset tuas humanissimas literas, B. Dionysij festo conscriptas. De iis dicenda multa cum forent, attingo solum fuisse te pro more tuo bonum nimis, cum memorem tui me esse iussisti. Quasi verò aut tu is sis, cui loco esse aliquo debeam; aut ego is sim, cui excidere tantus ille amor, quo me beas, possit? Videor perspexisse quò respexeris: sed si me nôsti, nihil est necesse, ut quæram, præstem-ve sponso-rem. Talis sum planè, qualis Ennius à Cicerone describitur, haud magna in re, sed fidei plenus. Quare & quidquid eueniet, securus esto neminem vnquam, quilibet mortaliū ille sit, posse irricum facere, quod pactum satis ipse censuisti. Quod pollicitus fueram me perscripturum his literis, differre punc quoque in proximas cogor. Scribendum etiam aliquid foret de malignitate mei Præsulis, sed Bereculius, cui plusscula ea de re mox scripsi,

scripsi, supplebit. Vir ille certe meæ quieti vitio nimis tendit insidias, & si quid tibi de me promissit, pessima exsequitur fide: sed Sinia nimirum semper Sinia est. Tu dulce meum Decus, ac Præsidium, Vale. Parisiis, xv. Kal. Nouemb. M. DC. xli.

*Viro Clarissimo, Amicissimoque A. F. PAYENO, Iuriconsulto Aueniensi,*

PETRVS GASSENDVS S.

**A**nta fuit tuæ erga me humanitatis profusio, vt apertis literis tuis, ac vix dum visis titulis, quibus immerentem ornasti, præ confusione restiterim. Equis fumenim, quem tu debueris tanta non dicam honorare, sed obruere benevolentia? An dicam fuisse illum tibi vitri cuiuspiam conuexi instar, quod *ἄσπερος* imposuerit, dum me tantum deprædicasti, qui nullus propemodum sum? Certè cum ipse affectum tuum quam-maxima possum, ac par est; animi gratitudine excipiam, tu patiaris volens oportet, me id, quod non sum respicere ingenuè. Et quam-putas animo prompto ea regerem, quæ te magis decent? At non mihi perinde sunt suaves illæ Musæ propitiæ, agnoscoque me imparè, qui possum quidpiam meritis tuis, ac mea erga te voluntate dignum proferre,

*ἂν εἰ μοι δῶς. ὅθι γλῶσσαι, δέξῃς ὁρματὶ τῶν,*  
Quod exoptaras, vt illa tua de Peireskio elucubratio vitæ illius attexeretur, doleo non potuisse præstari; sed nempe id opus ante seculi mensè, circiter è prælo iam prodit. Pervelim illius exemplum ad te, & ad Tondutum dari; nescius præsertim aliqua ne obtineri Lugduno valeant: at qua possim via in promptu non est. De Observationibus est sanè per-æquum vt tibi demum fiat satis; quo circa in id quam-primum incumbam. Si liceat nobis per nubila observare quicquam ex defectu Lunæ, qui futurus post paucas horas, seu proximo vespere est, id fiet statim tecum commune. Dum memet certè comparo, vt ad eum attendam, parùm absuit, quin hac occasione nihil rescriberem; sed visum est satius versus pauculos, tamen incompositos, exarare, quàm nullos. Scilicet me magis obstrictum pensens, quàm vt differrem diutius grati animi significationem. Plura igitur alias. Tu interea cum optimo Tonduto San-legerio, Vale. Parisiis, xv. Kal. Nouemb. M. DC. xli.

E I D E M.

**I**dem libero, Præclare PAYENE, id scilicet mitto, quantum est eumque, quod ex Eclipsi nupera observare per nubis licuit. Accinctus eram cum Bullialdo ad eam accuratè spectandam: at non fuit Cælum satis propitium. Cum enim Luna exorians, & libera quidem adhuc à defectu sese in prospectum dedisset, nihilominus gra-

vis duos cum semisse alta vix fuit, cum præter nubis sese surripuit, neque per duas circiter horas, quæ lateret, indicium fuit. Quin-etiam maligna lux fuit, consusus-ve albor dumtaxat, quo sese primum prodidit; & cum vix tandem nubila aliquantisper attenuarentur, discernere marginem Lunæ nisi per extremos digitos vix licuit. Et quosdam quidem notauimus; sed commemorare nihil necesse est, cum non sint præsertim summè exquisiti. Vnicum finem, de quo nobis indubiè constat, adscribo. Nosti à limbo restituto superesse adhuc ea parte nigritiem, siue penumbram, quatenus cuiusmodi pars non pleno adhuc Solis aspectu, totis-ve radiis collustratur; eius rationem porro non habeo, cum de Eclipsos Fine pronuncio. Itaque Finis tum adnotatus, cum ora Lunæ prius temerata restituta primùm apparuit; contigit nobis superiore Lunæ margine iam elato supra Horizontem grad. 24. min. 20. Nulla tunc comparebat Stella: quare esse oportuit hac Lunæ altitudine ad eliciendum horam contentos. Fuit proinde (si ritè tamen ratiocinati fuimus) hora à meridie octava cum minutis 50. Ceterum cum Bullialdus habeat quem communiscatum secum voluit observationum Codicem ex quo aliunde nihil iam tamen si præterianibus esset, vacaret mihi exscribere. Comperio ecce bona sorte mea inter Schediasmata Epistolam semi-perfectam, quam ad Schickardum tum scribebam, cum illius mors nunciata fuit. Ea continet observationes à me peractas Dinie circa matutinam apparitionem Mercurij, anno 1635. ac mensè Septembri, vñ cum nonnullis circa Venerem, Martem, ac Iovem interceptis. Id ergo totum quidquid est, mitto; vñ quod exoptare te significas, exercere calculum valeas. Attexas ibi animaduertes, quas Observationes per id tempus fieri Aquis-Sextiis curavi. Non habeo illas in Commentariis, neque occurrunt schedulæ, quas de iis ad me Observator dedit. Verum tu per orium poteris curare ipsas & exscribi, & ad me transmitti, ne iis orbatu remaneam. Quod superest, Epistolam vel mei causâ tibi habe, qui ad te conscriptam reputare potes. Nescio quo casu primum folium semi-lacerum euaserit; sed cum lubuerit pellegere, facile erit adglutinare. Si rem volueris cum Optimo Tonduto facere communem, beabis me quam-plurimum. Illud quam-plurimum saluto. Tu autem Vale. Dabam Parisiis, viii. Kal. Nouemb. M. DC. xli.

*LVDOVICO VALESIO, Principi Optimo,*

PETRVS GASSENDVS  
*Evdæstæ.*

**E**llicant autem literæ tuæ, ne non exsequar, quod iam destinaram. Ergo ne longum faciam, Apologeticum illum Librum, in quatuordecim Capita distingo. *Primum* nempe *duobus* historiam, seu nudam vitæ se-



riem tetexo. *Duobus alijs occasionem infamiae quæ sitæ disquiri. Postremis decem calumniis, quæ aduersus Viri pietatem, bonitatem, sobrietatem, castitatem, studium bonarum Artium fuisse congestæ, discunt. Atque ut de primo Capite iam dicam, Natus est Epicurus Gargerti (quod Oppidum fuit Atheniensis agri) Patre Neocle, ex genere Philaidarum. Annus fuit tertius cix. Olympiadis, ac dies decima mensis Gamelionis; hoc est, annus ante Christum cccxli. & dies secunda Februarij; si retroagas anpi nostri formam: fuit autem is annus decimus sextus à nato Alexandro Macedone, septimus à mortuo Platone. Anno ætatis decimo quarto prælegebatur ipsi illud Hesiodi, *Ἡ τοῦ πότμου ἀρχὴ καὶ ἡ τοῦ κόσμου ἀρχή, &c.* Exortum primum chaos est, &c. Quasiuit ex Grammatico, unde nam chaos exortum fayer, si primum quidem exortum erat. Cum ille autem id nosse non sui, sed Philosophorum muneris dixisset, abeundum ergo, inquit, est mihi ad Philosophos, ut ab eis edocear rerum veritatem. Hacce proinde occasione & Philosophi incole cæpit, & Præceptores aliquos habuit (speciatim verò Nausiphaneum, qui fuerat Pyrrhonis auditor) sed pene tamen dici potest fuisse eum autodidactum, adeò verè de illo sectator Lucetius:*

*Pectore parva suo, quæstusque proæmia liquit. Cùm Democræitum se prostitueret, ludum appetum habuit Mytilenæ, & Lampiaci, annos natus triginta duos. Athenis deinceps confedit, Sectamque à se vocatam instituit, annum circiter trigessimum sextum. Comparauit autem Hortos, in quibus cum discipulis, familiaribusque philosopharetur, pretio minarum lxxx. seu, ut monet ex primam nostrâ libratum Tunicatum m. m. m. cccxl. Memorableque est, quod Plinius obseruat, instituisse illum primum agorum, villarumque delicias nomine Hortorum in ipsâ Vrbe possidere; cum vsque ad eum mos non fuisset in Oppidis habitari rura. Sub annum quadragesimum quartum contigit illa celebris per Democræitum obsidio, qua fames à Plutarcho descripta inualuit, Epicuro interea Scholam, seu familiarem sustentantem numeratis digerim in singulos fabis. Quot autem ad ipsum familiares, amicique non ex Græcia modò, sed etiam ex Asia, Egyptoque confluerint, insinuat Laërtius, dum ne Ciuitates quidem integras ipsi excipiendis fuisse satis, ait. Et Cicero, postquam est miratus quàm pauca Amicorum parua ex Antiquitate memorentur: At verò, inquit, Epicurus in vna domo, & ea quidem angustâ, quàm magnis, quantâque amoris conspersione contententis tenui amicorum greges? Præcipui ex illis amicis fuisse Metrodorus, Hetmachus, Polyænus, quos magnos Viros, inquit Seneca, non Schola Epicuri, sed contrubernium fecit? Vis-ne Valenij Maximi verba, Hoc, inquit, loco apte referantur Polystratus & Hippoclitides Philosophi eodem &c. nati, eiusdem Præceptoris Epicuri Sectam sequenti, patrimonij etiam possidendi, alendaque Schola communione coniuncti, eodemque momento temporis vltima senectute extincti. Tam aequalem*

*fortuna pariter, atque amicitia societatem, quæ non ipsius celestis concordia sinu genitam, intellam, atque finitam puer? Sic ille. Ad Libros quod spectat, memoratur plureis, quàm Aristoteles scripsisse, ac vno Chrysippo pauciores. Quamquam neque Chrysippo cessit, si attendas istum compilatorem dumtaxat fuisse, Epicurum vocibus propriis ad trecentos vsque cylindros complèssè. Ne te prægrauem, hæc sufficiant. Tu, meum dulce Decus, ac Præsidium Vale. Parisijs, vlti. Kalendas Nouemb. M. DC. xli.*

## E I D E M.

**S**cripsi ad te pauca de Epicuri Vita; habet & iam pauca de illius morte. Testamentum condidit, quo Arynnomachum, & Timocratem bonorum suorum non tam heredes, quàm Curatores instituit. Hermacho successore suo in Schola designato, mandauit ipsi ab illis tradi & libros, & domum, cum Hortis, qui ad Vrbum; itémque domum, quæ in Melite oppido; in eius nempe, ac cæterorum vnâ philosophantur, successorumque illorum vsum, Mandauit quoque, ut reditus ex eiusdem consilio, prout esse videretur, ex complilosophantium vsu dispenfarent, & ex iis etiam alerent liberos Polyani, & Metrodori amicorum, filiaque eiusdem Metrodori consentaneam dotem constituerent. Mandauit rursum certam partem eorumdem redditum seponi ad parentandum singulis annis, mensibusque variis, Patri, Matri, Fratribus tribus, & Metrodoro, ac Polyæno; itémque sibi. Sernos præterea manumissit, ac tandem constituit, ut tuendæ Scholæ, Hortorum, cæterarumque rerum studium ad Curatorum heredes, aut eos quibus sui successoris illud committerent, transfiret. Calculi morbo laborauit, quo, dum iam penè deficeret, ita ad Idomeneum, seu, ut Cicero habet ad Hermachum scripsit, *Cùm ageremus beatum, & eundem vitæ supremum diem, scribebamus hæc.* Tanti autem morbi adierant vesica, & viscerum, ut nihil ad eorum magnitudinem posset accedere. Compensabatur tamen cum his omnibus animi lætitiâ, quàm capiebat memoria rationum, inuentorumque nostrorum. Sed tu, ut dignum est tua erga me, & erga Philosophiam voluntate ab adolescentia suscepta, fac ut Metrodori tuare liberos. Cùm foret deinceps demissus in balneum, merum poposcit, idque vbi hausit, Amicos admonuit, ut Dogmatum suorum essent memores, intèrque ea verba animam efflauit, dies fuit morbi xiv. & Gamelionis mensis decimus; fluente Olympiadis cxxvii. anno secundo. Attingit proinde annum ætatis lxxxi. sed Græco more, quo tribus diebus lxxxi. superauit; cùm re exactâ ad nostram anni formam, desinit totidem, nempe dies illa respondet trigesima primæ Ianuarij (quæ fuerit dies Mercurij) anni supra ducentessimum septuagesimū ante Christum. Cùm obiisset, honorauit illum Patria statuis æneis, referente Laërtio. Et ut de affectu successorum aliquid adiciam, Ecce Cicero sub persona Attici, Nec verò, inquit, Epicuri licet obliuisci, si ciui-

piam.

pian, cuius imaginem non modo in tabulis nostris familiares, sed etiam in poculis, & annulis habent. Et Plinius, *vultus* inquit, *Epicuri per cucubula gestant, ac circumferunt secum. Natali eius xx. Luna, sacrificant, feriisque omni mense custodiant, quas Icadus vocant.* Sed hæc satis sunt. Tu diu Viue, ac bene Vale, D E C V S P R I N C I P V M, & Præsidium meum. Parisiis Kal. Nouemb. M. DC. XL.

*Plurimum semper Bereculio, ac Bervilla salutem nuncio.*

## E I D E M.

**P**erscripsi nudam vitam, ac mortis Epicuri historiam. Nunc de Moribus priusquam dicam, occasionem ecce infamiae, qua illi fuere vulgo traditi. Vixit Epicurus, sed non-nihil iunior, quo tempore Zeno Stoicorum Princeps. Ut porro Zeno natura austerus, ac tetricus fuit, ex Laërtio, sectatorisque studiosi se eius exemplo composuere, ex Luciano; ita Dogmata ab eo tradita, ab istis defensa austeritatem cum nimia quadam iactatione præ se tulerunt. Nempe summum Bonum Virtutem stuentes, arduam, asperamque ad illam præstituerunt viam: edixere Dolorem non esse malum, Sapientem esse *εὖδαιμον*, atque idcirco non iniuriæ affici, non penitere, non misereri: addidere illum non ignorare, non opinari, Dinitem, Regem, Deo parem esse, & id genus similia, quæ Plutarchus est insequutus. Epicurus autem pulchra quidem verba, sed verba tamen esse hæc censuit; quamobrem humanis, simplicisque agens, ac agnoscens quidquid homines agant, voluptatem quandam ab illis spectari; haud est veritus Voluptatem finem bonorum dicere. Non dixit tamen quamlibet à viro sapiente requirendam esse; sed eam dumtaxat, quæ in Indolentia, seu fanitate corporis; & tranquillitate Animi consistit. Censuit consequenter virtutem esse solam idoneam huic voluptati comparandæ; quatenus Temperantia fanitatem corporis facit, & ipsa aliæque virtutes sedandis affectibus natæ tranquillitatem Animi parant. Cum ergo Zeno, Stoicique viderent suum fastum ex hac Epicuri simplicitate fieri ludibrio, neque ignorarent celebres suas quasdam cum in Physicis rebus opiniones, tum in Dialecticis argutias ab eo constanter improbari; idcirco exalere in ipsum implacabili odio, neque, quoad Sectæ vigere, infensissimi esse destiterunt. Hinc quæsito ex voce Voluptatis prætextu declamare summum Bonum ab ipso constitui in ingluvie, ac Venere; quod Zeno ad Antigonom inuit, & Virtutem fieri voluptatis obsecræ ministram, quod Cleanthes expressit picta tabula, in qua voluptatem ut Reginam, virtutes ut pedisequas, famulantesque representauit. Sic Chrysippus Epicurum exhibuit, ut discipulum illius Archestrati, à quo fuit copiose de gulæ voluptatibus disputatum. Sic Diocles composuit ipse quinquaginta amatorias Epistolas, illasque & quæ Chrysippi erant, eius generis, sub Epicuri nomine eulgaui. Sic alij citati Laërtio, ac in iis etiam optimis Epicætes. Sic apud Agellium

vir sanctus, & grauis dictus Hierocles: sic vno verbo carceri fuere non absimili genio constantissimè instigati. Nempe is fuit Sectæ veluti character, ut nemo illi nomen daret, nisi præuio quodam quasi Sacramento, religiosoque fœdere inito, contra Epicurum. Et perspicue nosse id vis? Attende solum ad Senecam, qui, quod Epicurum perinde, ac ceteri consecratos non infectaretur, & aliquoties etiam commendaret, hæc ab illis exprobrationes audiit. *Quid agis Seneca? deseris partem? quid nobis Epicuri Præcepta in ipsi Zenonis Principis loqueris? Quin tu bene, & gnauius, si parium piget, transfigis potius, quam prodis?* Ita ipsemet memorat in libro quem scripsit de vita Beata, in quo aliunde ostensus se veritatis, potius quam partium studio adigi, *Mea, inquit, ista sententia est, (inuitis hoc nostris popularibus dicam) Epicurum sancta, & recta præcipere.* Et iterum, *Non hoc dicam, quod plerisque nostrorum Sectam Epicuri flagitiorum magistrum esse, sed illud dico, male audiri, infamum esse, & immeritum.* Verum hæc satis, superque sunt. Tu, & Præsidium, & dulce Decus meum, Vale. Parisiis, v. i. Eid. Nouemb. M. DC. xli.

*Salutem semper Bereculio, ac Bervilla plurimum dico.*


## E I D E M.

**A**ddo iam ad ante perscripta de occasione infamiae, Declamatores, & Comicos, qui ab Athenæo, aliisque citantur, ludicrum exinde contexuisse argumentum, ex quo in theatris, concionibusque plausum quererent, ac referrent. Quare & cepit apud vulgus tum propagari, radicisque agere; ac tanto magis, quanto deinceps non defuere, qui dediti luxui, voluptatibusque obsecenis, iactauerunt sese habere & authorem Philosophum, & Philosophiam aditipulantem. Tales fuerunt quidam Pseudo-Epicurei, quos, qui erant germani, dixerunt Sophistas ex Laërtio. Talis ille, in quem Marcus Tullius inuictus est; tales vno verbo, quotquot Seneca his verbis perstringit, *Non ab Epicuro impulsus luxuriantur, sed viris dediti luxuriam suam in Philosophia sinu abscondunt, & ed concurrunt, ubi audiunt laudari voluptatem.* Attexi possent viri maligni, qui seu mera affectus prauitate, conscribere calumnias, ut Theonimus ille, qui propterea accusatus à Zenone Epicureo, & mulctatus capite fuit, quod Athenæus memorat; seu ut superstitionem fouerent, questumque inde facerent, effudere conuitia, ut Pseudo-Propheta ille Alexander apud Lucianum. Dicendi subinde sunt viri, docti illi ac boni quidem, sed qui populares fuerint, quique tamen veritatem nossent, putarent tamen declamandum non modo aduersus prauam voluptatem, sed etiam aduersus auctorem illius, apud vulgus creditum, ut ea ratione gratificantes multitudini, virtutem plenius inspirarent. Tres selignantur ex Ethnicis, qui studiosè, præ ceteris contra Epicurum dixerunt; ex iis Cicero vnus esto, qui in Tusculanis, *Negat Epicurum, inquit, posse iucunde* viri,

vini, nisi cum virtute vivatur; negat ullam in Sapiente vinum esse fortune; tennem victum anteferre copioso; negat ullum esse tempus quo Sapiens non beatus sit; omnia Philosopho digna; sed cum voluptate pugnantia. Non illam dicit voluptatem? Dicit quamlibet; Ac statim, Et conqueruntur quidem Epicurei, Viri optimi (nam nullum est genus hominum minus maliciosum) me studiose dicere contra Epicurum. Rursusque, Et illi pugnant, & quidam vicinorum fidem implorant, &c. Quo loco vides Ciceronem & veras Epicuri opiniones non ignorasse, & illas tamen, sectatoribus licet reclamantibus, populariter interpretatum fuisse. Sic cum in libris de Oratore easdem deduxisset, Ego non quæro, inquit, nunc, quæ sit Philosophia verissima, sed quæ Oratori communis maxime. Alter Plutarchus, qui in posteriorem librum aduersus Coloten relatis opinionibus, ob quas Epicurus infamatus fuit, tum reclamare Epicureos fatetur, tum sibi ipsi obiciendo iniusticiam calumniæ; attamen, inquit, nos opinionem, non veritatem attendimus ἀλλὰ τὴν δοξάν, ἢ τὴν ἀποδοχὴν οὐκ ἔχοντα. Id ne dixisset de tanto Viro? id magis mirare; retuli prius Epistolam, quam Epicurus iam moriens scripsit. Cùm ille se in ea opposuisset, dicat doloribus suis perceptam animo lætitiæ ex recollectione antecedentium rationiorum, οὗ τῆ ἡσυχίας διαπορεύσας, sic enim habet textus Græcis existans apud Lactantium, cuiusque quam habes interpretationem, ex ipso Cicerone est: at Plutarchus, ut esset, quod carperet magis, verba sic detorsit, ut dixerit Epicurum opposuisse dolores suos τῇ μόνῃ τῇ ἀπολαύσει, ἧς περὶ τὴν ἡσυχίαν εὐνοίας voluptatiæ memoriam, quibus sese ante proluxisset. Tertius Galenus, qui testatus legisset se cùm opera Epicuri alia, tum præsertim Ratas Sententias, ac speciatim illam, Nihil unquam prodesse venerorum usum; prætere agi se nihil nocere, nihilominus ita sæpe aduersus illum declamitat, ut si nihil prorsus aliud, quàm obscenitatem oleret. Seligantur denique tandem tres quoque ex Patribus Sanctis, qui profectò quantò ad vitam magis Cælestem attendere tantò fuerunt excauiiores; recitatis mox Ethnicis. Primus Clemens Alexandrinus, qui cùm legisset Epistolam illam ad Menæceum, cuius Præfationem oppidò quam-pulchram, in Stromatis retulit, & in qua Epicurus germanam de Voluptate sententiam exposuit: nihilominus sic inuehitur, quasi ille non aliam, quàm corpoream, pecudumque propriam voluptatem commendauisset. Secundus Lactantius, qui postquam libro Institutionum tertio retulit Epicurum constituisse summum Bonum in voluptate animi, Aristippum verò in voluptate corporis; deinceps tamen exaggerat fuisse illum turpissimam voluptatis assertorem. Postremus Beatus Ambrosius, qui cum in suis Epistolis illam etiam partem citat ad Menæceum Epistolæ, quæ est de Voluptate, producat, his verbis, Etenim, clamat ille, Gassendi Epistole.

quia non potationes, neque comestationes, neque filiorum soboles, nec faminarum copula, nec piscium copia, aliorumque huiusmodi, quæ splendido vsui parantur coniuij, suauem vitam faciunt; sed sobria disputatio, &c. Et attamen variè aduersus illum, sectatòresque perinde instat, ac si illi disrumpèrentur delectatione corporis, & voluptatem magis estimarent inquinamento corporis, quam sobrietate mentis. Sed hætenus esto occasio infamiae. Dicerem iam de occasione, quæ te Tolonem euocauit, quàmque mecum communicare literis tuis dignatus es; sed, ut vides modum excessi; cùm & nihil aliud necesse sit, quàm agere tibi gratias continentis. Benè, imò optimè Vale, DECVS PRINCIPVM, & Præsidium meum. Parisiis, Eidibus Nouembris, M. DC. XL1.

## E I D E M.

 Vt hætenus recensui, ed, spectant, ut constet vnde Epicurus infamari occiperit. Aggredior deinceps Capita præcipua criminacionum enumerare: repositurus è vestigio, si quid sit, quo illæ diluantur. Cùm sit verò ab obiecta ipsi impietate ducendum initium, illa omittenda heic est, quæ spectatur circa doctrinam; scilicet non iam queritur, docuerit-nè aliquid impium, sed vtrum impiè vixerit. Vixisse porrò videtur primum tum à Cicerone supponi, tum à Seneca, dum propter negatam ab eo Providentiam, hic quidem instat non subesse cur Deum Epicurus veneratur, quando ipsi neque tribuendi, neque nocendi materia est. Ille verò, Quamobrem, inquit, dii colendi sunt, non intelligo, nullo nec accepto ab ijs, nec sperato bono. Heinc esse videtur, quorsum tam Plutarchus, quàm Athenæus exaggerent abolita fuisse apud Epicurum mytheria, sacrificia, libationes, primitias, pompas, festos dies, & id genus alia. Addit Plutarchus, si Epicurus Deos aliquando adorauit, sacrificulis adstitit, & de Deo, rebúsque diuinis similia cum populis, dixit, fecisse illum simulatè, ac præ multitudinis metu. Deinde, cum Deos è Mundo sustulerit; videtur voluisse, tam se, quàm suos haberi in Diis. Legitur enim apud Plutarchum mandasse Idomeneo, ut mitterentur primitiæ ad sacri sui corporis cultum; & cum delati fuissent à Colote honores diuini, illum & gratè eos exceperit; & verba illa adiecisse, effecti vi & nos te sacrum vicissim deputaremus. Ac rursus illa, Incorruptibilis esto, ac nos incorruptibileis reputa. Spectare huc possunt ceremoniæ Testamento infinitæ, idque comprobante præsertim euentu, quo Sclatatores illas eiusdem & diuina festa coluerunt, & Epicurum tanquam Deum quemdam venerati constanter sunt. Deum certe dixit Lucretius illis verbis,

Deus, ille Deus fuit, inlyre Memmi,  
Qui Princeps vitæ rationem inuenit eam,  
quæ

L

Nunc



*Nunc appellatur Sapiencia, quique per  
artem  
Fluctibus à tantis vitam, tantisque re-  
nebris  
In tam tranquillo, & tam clara luce lo-  
cavit.*

Quòd voluerit autem Sèctatores suos Deos facere, confirmare videtur tum illud ad Menæceum. *Fiet ut iussu parens meis, vinas tanquam Deus inter Homines;* tum quod Plutarchus memorat, Epicureorum fuisse proprium, vt sese Deorum aequalis iactarent. Denique subiici heic posset impietatis species in Patriam, Parentes & alios, prout Epictetus illam obiicit: verum quia ex Placitis Viri deducitur potius, quàm facto probetur; idèò immorandum circa eam non est. Hæc iam sufficiant. Tu responsionem, qualis afferri poterit; proxima occasione expecta. Vale interea, dulce meum Decus. Parisiis, x. Kalendas Decembris, M.DC. xli.

PHILIBERTO DE LA MARE,  
*Senatori Diuionensi,*

PETRVS GASSENDVS S.

**I**ngularis sanè est bonitas tua, cùm tantillum munusculum, tam ampla grati animi significatione commendas. Id tanti non esse ingenuè agnosco; & dum sit in pignus mei erga te obsequentissimi affectus, suum operæ-pretium est. De Pinacotheca Peireskij, quod rogas, mihi planè est in incerto. Hoc testari possum Virum nobilem, & r̄o uanegita germanum recepisse se digesturum immensam illam congeriem characteorum monumentorum. Res fuerat digna omnibus votis, vt ille ante obitum quæcumque nôrat de mensuris, ponderibusque conscriberet; at nihil est vnquam tale aggreffus, habuitque solum in Commentariis indigesta Schediasmata. De Guijone nihil mihi compertum, ac debebo tuæ diligentiae, quis vir fuerit cognoscere, vbi opera eius euulgâris. Ad mea studia, quod attinet, vix per quinquennia repeto libros, infelicitatèque ea sum, vt abductus statim fato nescio quo mearum obliuisci deliciarum cogar. Causa hæc est, cur mea illa Commemorationes quas memoras, quidpiam adhuc desiderent, hæteoque abunde ne satis habiturus quietis sim, vt manum extremam imponere possim. Æstimat illa Robertus meus pro suo amore erga me nimio. Non sunt ea profectò aded sedula, ac coniectura fortè est facta. Vtcumque fuerit, operam dabo, vt de euentu certior fias, obstrictus nimirum, quòd curæ sit equid rerum à me agatur. Tu benè Vale, ac me porro ama, qui eximie tuæ virtutis sum obseruantissimus. Parisiis, x. Kalendas Decembris, M.DC. xli.

LVDOVICO VALESIO, Principi  
*Optimo,*

PETRVS GASSENDVS  
*Episcopus.*

**N**on expectas sanè, vt Epicurum excusum, quasi non sputiæ, sed germanæ Religionis sèctator fuerit. Cùm is eadem laborarit seu infelicitate, seu culpa, quâ cæteri Philosophi; satis est, si vt alij pij habentur, quòd Deos coluerint, Epicurus quoque haberi, quòd Deos coluerit, possit. Ad hoc porro vel illud potest ex Laërtio sufficere, quod affectus sanctitatis, seu pietatis eius erga Deos, & *om̄s om̄s inuoluitur*, ineffabilis fuisse perhibetur. Ne memorem vixisse illum in ea Ciuitate, ac iis temporibus, quibus Philosophi Deorum negligentes malè multabantur; vt argumento sit ipsum nihil tale peccasse, cui ea Ciuitas honores decreuit. Quid quod cùm illi iam in vera Religione magis probentur, qui Deum colunt, non vt serui, supplicij metu, aut præmij spe, sed, vt filij, ob maiestatem, excellentemque eius naturam, Epicurus coluit posteriore hoc, cæteri illo priore modo? Id obiecta ex Cicrone, & Seneca loca consitant, ac præsertim cùm Cicero in libris de Deorum natura, Epicuream illam vocem referat, *Habet venerationem iustam quidquid excellit;* & Seneca libro de beneficiis quinto addat *Epicurum Deum colere, nulla spe, nullo prærio inductum, sed propter maiestatem eximiam, supremamque naturam*, illudque etiam habeat: *atqui hunc vis videri colere, non aliter quàm Parentem.* Ad Plutarchum quod attinet, memoratum iam ante est, vt fuerit præter verum, ac fas in Epicurum comparatus. Et neget priuatim eum sacrificasse: at saltem innuit non neglexisse publicam Religionem. Quod simulatè verò egisse censatur, scrutatorem cordis inuidiosè agit. Vt præteream, quia ritus illi superstitiosi, ac spurij erant, potuissè illos mente improbari; cum Sapiencia tamen eorum temporum Patrias de iis leges seruandas censeret. Athenæus loquutus est ex Poëtarum rumusculis; & utcumque verum sit; quod de abolitis mysteriis, cæterisque obiicitur, id non potest osoribus superstitionis fieri exosum. At postulauit Epicurus sibi offerri primitias; diuinos honores delatos admisit; Deum se declarauit, & Coloten etiam, atque id genus cætera; quasi verò, non ista sapiant spurias illas Epistolas, quas Stoici & confinxerunt, & sub Epicuri nomine vulgauerunt; nisi, Epicurus non se mortalem agnouit, neque vnum ex præcipuis Dei attributis incorruptibilitatem censuit; vt sibi aut cuiquam Mortalium asseruerit Diuinitatem; quæ Testamento porro cavit, ea fuere, quæ pro more tunc agebantur, cum quidpiam quoque persimile, sed alio fine etiam-num fiat. Dixerit verò Lycretius Deum; at videtur certe

cettè voluisse nihil aliud, quàm gratitudinem testari propter accepta beneficia, imitatus nempe receptum Antiquitatis motem de referendis in Deos hominibus illis, qui suis inuentis ac laboribus generi humano profuissent. Vide vt ex comparatione consequenti argumentetur,

*Confer enim diuina aliorum antiqua reperia:*

*Namque Ceres fertur fruges, Libérque liquoris*

*Vitigeni laticem Mortalibus instituisse,*

*Cum tamen his posset sine rebus vita manere;*

*Vt sanasti, aliquas etiam nunc viuere Gentis;*

*At bene non poterat sine puro pectore vini:*

*Quò magis hic meritò nobis Deus esse videtur,*

*Ex quo nunc etiam per magnas dedita Gentis*

*Dulcia permulcent animos solatia vitæ.*

Idem habet de Hercule, cuius laboribus eleganter enumeratis, pergit,

*Cætera de genere hoc, quæ sunt portenta perempta,*

*Si non vicia forent, quid tandem vicia nocerent?*

*Nil, vt opinor: ita ad satietatem Terra ferarum*

*Nunc etiam sciat, & trepido terrore repleta;*

*Per nemora, ac montes magnos, siluâsque profundas,*

*Quæ loca viuendi plerumque est nostra potestas.*

*At nisi purgatus esset pectus, quæ prælia nobis,*

*Atque pericula sunt ingratis insinuandum?*

*Quanta conspiciunt hominem cupidinis acres*

*Sollicitum cura, quantique perinde rimores?*

*Quid, vt superbia, spurcities, petulantia quantas*

*Efficiunt cladeis? quid luxus, desidiisque?*

Cum Epicurus potè dixit eum, qui præceptis suis pateret, victurum vt Deum inter homines; nihil aliud quàm phrasin figuratam vsurpauit, vt immortalæ Virtutis decus, quo Sapiens fulget, commendaret. Plutarchum autem miro; quasi non nosset Stoicorum potius esse proprium, vt sese iactarent æquales Deorum? De pietate in Patriam, testimonium dicunt Statuæ ipsi ab illa constitutæ. Pietas in Patentes, ac Fratres ex Testamento innotescit; cum & Plutarchus exaggeret beneuolentiam illam fraternam. Non reticet quoque Lærtius & manifestudinem in feruos, & vniuersæ bonitatem, affectumque inexsuperabilem ἀνθρώποις erga omnes. Vide & Cicero, *Epicurus*, inquit, *homo minime malus, vel potius vir optimus*. Sed modus esto. Is certè, nisi excederet, de literis tuis quidpiam dicerem, quamquam putare dictum debes, me, quod exis, mentis oculos habere in te reuera coniectos. Multi me de Monaci atque, vel tui causâ cogitant, sed

*Gassendi Epistola.*


ego neque quicquam habeo, neque si habetem (& de tuo præsertim consilio, & ductu) nisi tuo iussu euulgarem. Vale, 6 Præsidium, & Decus meum dulce. Patissis, 11. Kal. Decemb. M. DC. xli.

## E I D E M.

**N**T nunc accipias, quæ Epicuro obiciunt malignitas soleat, duo sunt illius capita, Vnum est ingratitudo erga Præceptores; Alterum maledicentia aduersus omnes Philosophos. Et prius quidem potest ex Cicerone confirmari, cum Epicurum notat, quod Nausiphanem Magistrum tam malè accepit, illumque vexarit omnibus contumeliis. Contumeliam autem præcipuam haberi videtur ex Epistola, cuius Lærtius & Empiricus meminerunt. In ea enim Epicurus appellauit Nausiphanem *pulmonem*, quasi sensus expertem, *indoctum*, *sophistam*, *improbum*, *impotestorem*, *cynadum*. Eadem ratione legitur Pamphilum Platonium mirifice contempsisse; negasse se quidpiam didicisse à Xenocrate; dissimulasse Lyliphanis, Praxiphanisque institutionem. Quamuis autem Democritus amplius quàm sæculi dimidio ante ipsum natum, mortuus fuerit; quia tamen eius doctrinam hausit, & se aliquandiu Democriteum professus est; idcirco dici quoque potest, fuisse in illum, vt in Præceptorem ingratum. Nempe & alius ipsum vituperauit, scribente Cicerone *se nolle Democritum laudatum à cæteris*, ab Epicuro qui eum est *unum sequutus, vituperatum*. Et cætera inter pro Democrito *diffusior* dixit apud Lærtium, quasi gramiis laborasset, seu in cognitione rerum cæcutisset. Videtur porò cum ingratitudine coniuncta fuisse ambitio; quod exinde nempe voluerit haberi ἀνθρώποις. Ita manifestè Empiricus tradit circa Nausiphanem: circa Pamphilum verò Cicero, *Mernis*, inquit, *ne quid vniquam didicisse videatur*. Et rursus gloriante Epicuro se magistrum habuisse nullum, *Hoc non predicanti*, inquit, *tamen facile equidem credam; sicut mali edificij domino gloriantur se Architectum non habuisse*. Similia habet Plutarchus circa Democritum, docens Epicurum studio gloriæ tumescentem, succentemque cum eo iixari. Præterea autem quod memoratur aliquos tum illius, tum aliorum libros pro suis euulgasse, iactatus se vnum inuenisse verum, præcelluisseque omnibus; vt præ cæteris recitat, & insectatur Cleomedes, Instituta inter ipsum, & Thersten comparatione. Posterius autem caput comprobati potest, vel ex vno Plutarcho, apud quem tam ipse, quàm Metrodorus dicuntur, quæ vocabula inter homines foedissima sunt, scurrilitates, cantillationes, iactationes, scortationes, homicidia, suspiratus, corruptele, grauedines; eâ aduersus Aristotelem, Socraticum, Pythagoram, Protagoram, Theophrastum, Heraclidem, Hipparchum, & aduersus quem non virorum illustrium, congerentes effudisse? Scribit quoque Cicero dixisse illum contumeliosissimè aduersus Pythagoram, & Empedoclem

maledixisse turpissimè Phœdoni Socratico; totis Voluminibus profecidisse Timocratem. Exstant etiam apud Laërtium scommata aduersus Platonem, Heraclitum, Protagoram, alios. Habeturque adhuc speciale fragmentum cuiusdam Epistolæ apud Athenæum, & Eusebium, in qua Epicurus causatur Aristotelem dilapidasse paternam substantiam; militasse infelicitè; egisse pharmacopolam, & id genus similia. An fidem harum rerum facit, qui genius fuit Sectæ, quasi inspiratus? ea non memoro, quæ Plutarchus habet de Colotæ virulentia, ac mordacitate aduersus Platonem, Empedoclem, Parmenidem, Melissum. Adnoro solum ex Cicerone Metrodorum, & Hermachum dixisse contra Pythagoram, Platonem, Empedoclem; & metreticulum Leontium fuisse etiam ausum scribere aduersus Theophrastum. Sic scribit Zenonem, quem notat Athenis, fixisse maledictis Socratem, scurram Atticum appellando; itémque Chrysippum, Chesippum, & alios. Sic sub persona Cottæ alloquens Velleium, Tu ipse, inquit, paullo ante, cum tanquam Senatorum Philosophorum citares, summos Viros despere, delirare, dementis esse dicebas. Missum autem facio, quod Athenæus habet de Diogene Babylonio, cum illum dicit male moratum, maledicum, obstrictorrem, & ne Regibus quidem parentem, ea propterque Antiochum, qui ab Epiphane secundus Rex fuit, iugulari ipsum mandasse. Heic modus esto. Tu, ô PRINCIPVM OPTIME, ô dulce Decus meum, Vale. Patilisi postridie Nonas Decemb, M. DC. XLI.

## E I D E M.

 Vam fuit eximia bonitas tua cum litteras dedisti plenas de Monaci negotio, Principisque ad te impulsu. Quidpiam simile exoptare (vt tua nempe famæ feruorem) ausus fueram; tu verò vota pro singulari humanitate prauenuisti; scilicet, vt mihi gratificareris, nondum quippe meâ illâ literæ ad tuas peruenerant manus. Qualeis itaque par est, ago gratias, Deum precatus ter-Maximum, vt cætera tua omnia consilia perinde fortunet. Quam certè refers ex istis laudem, vt cumulatissima est, ita quantum afficiat me nosse ipse potes, qui nosti me esse obseruantissimum tui. Ad pensum venio, quod non est cur amplissimum iam expectes. Etenim multa quidem obiecta superioribus literis; sed brevis Responsio ex Laërtio patet, dum enumeratis iis, quæ fuere à Stoicis, aliisque congesta de ingratitude, ambitione, maledicentia, subiicit illos insanire, *μαρτυραν ὅτι*. Opponit proinde, quæ ipse ad calcem Epistolæ penultimæ de pietate, humanitate, mansuetudine, bonitate commemini. Et certè, cum ex Cicerone, Epicurus fuerit non modò vir bonus, sed etiam optimus; quî potuisset talis haberi, si fuisset tam malè erga Præceptores, ceterosque illos Sapientiæ Professores animatus? An malignitate laborans tor, tam bonos, tamque constantis Amicos parare

aliunde potuisset? nihil verò propterea aduersus Ciceronem, Plutarchum, Empiricum regero. Dico dumtaxat illos lequutos, quæ reipsera erant per spurias, supposititialesque Epistolas, de quibus est superius dictum, & quarum Authores, vt Laërtius insanos, sic illustrius appellauit calumniatores *ἀποκαταστάς*. Addo, cum nullatenus probabile sit effudisse illum conuicia vlla in Præceptores; fieri absque vitio potuisse, vt si vel aliquos non audisset, vel nihil frugi ab iis didicisset, inficiaretur Præceptores. Quinetiam, si multa ex se excogitauit, adinuensque (vt alia profecidit ratione habeti Sectæ Princeps non potuit) nihil prohibuit ipsum se habere *αὐτοδιδάκτων*, cum non sit ex se *ἀυτοδιδάκτων* mala; & vtriussum sit, nihil omninò sciri, quod non primus quispian seipsum docuerit. Contradixit porò in multis ipsi etiam Democrito; atque id amore Veritatis licuit, cuius respectu Democritus dux eius non dominus fuit, vt verbo dicam Senecæ. Satis est, quod Democrito honorem habuerit, vt reuerà habuisse fidem faciunt apud Plutarchum & Leonteus, & Metrodorus. An autem illius aliorum-ve libros pro suis venditauerit, diiudicari debet tum ex claritate eorum temporum, tum ex vbertate, qua ipsi fuit promptum, ex alibi dictis, conscribere libros. Quod ad ceteros Philosophos spectat, nihil ad generalem responsonem addendum, nisi fortassis propter illud, quod est aduersus Sectatores obiectum. Ac, vt non negauerim quidem, quin aliqui esse degeneres potuerint; quando profecidit non ita benè agitur cum rebus humanis, vt societas vlla absque nauo sit; ita videtur calumnia tam concitari aduersus illos, quàm aduersus ipsum authorem potuisse. Id Cicero praestitum suadet, cum de Epicureis loquens, testatur nullum vnuquam fuisse genus hominum minùs ualiosum. Res expendetur faciliùs, si eorum libri superessent, Nam & cum scripisset aduersus Theophrastum, Philosophum-ve alium, neque insolitum, neque illicitum sit; tum libri illi, in quibus effusa maledicta dicuntur, suppositiui fuisse videntur. Profecidit, cum vnicum nobis Lurcetij opus supersit, agnoscere ex eo licet, non fuisse Sectæ genium, vt Philosophis ceteris malediceretur. Vt de Democrito enim taceam, cuius opinionem aliquoties impugnaturus ita præfatur,

*Democriti, quod sancta Viri sententia ponit.*

Ecce Empedoclem non refutat, quin laudes Sicilia, è qua ille erat, prosequutus ita exordiat:

*Rebus optima bonis multa munita virum vi,*

*Nil tamen hoc habuisse Viro præclarum in se,*

*Nec sanctum magis, & mirum, carumque videtur.*

*Carmina quin-etiam diuini pectoris eius Vociferantur, & exponunt præclara re-perta:*



*Vix ita humana videatur stirpe creatus.*  
Subiicit autem tam de ipso, quàm de cæteris,  
vt refutationis necessitatem veluti leniat.

*Quamquam multa bene, ac diuinitus inuenientes*

*Ex adyto tanquam cordis responsa dedere*  
*Sanctius, & multis certa ratione magis quam*  
*Pythia qua Tripode ex Phœbi, lauroque profatur:*

*Principijs tamen in verum fecere ruinas, &c.*

En vt veribus te interdum obruam. Sed te nempe hæc eruditio, vt & omnis alia delectat. Vale, PRINCIPVM OPTIME, Præsidium, & Decus meum dulce. Parisiis, Eidib. Decemb. M. DC. XLII.

## E I D E M.

**E**cce iam caput accusationis, quod vt vulgare maxime est, ita videtur præcipue Epicureismo nomen fecisse. Gulam intelligi, ob quam Epicurum heluonem, luronem, & cætera dicunt. Chrysippus apud Athenæum discipulum facit insignis Gastrologi. Damoxenus Comicus Præceptorem peritissimi coqui. Refert idem Athenæus illum à Timone victimarum voratorem describi; additque fuisse assentatum Idomeneo, ac Metrodoro. Scribitur idem apud Laërtium de Mythro, vt esset vnde gulam expleret. Plutarchus memorat Metrodorum his verbis scribentem ad Timocratem, *Quanto perfusus sum gaudio; quantâ animatus audaciâ, cum ventri ritè gratificari ab Epicuro didici?* Et rursum, *Nihil inuat, ô Timocrates, Græcorum Seruatorem fieri; nihil item coronas ab ipsis, propter Sapientiam obtinere: Inuat mandere, ac potare vinum, quantum quidem ventri non noceat, & illi tamen gratum sit: quippe circa ventrem est summum bonum.* Quæ recito, vt intelligas quorsum Olympiodorus, & alij ex Patribus Sanctis, prædicent vitam Epicuri, fociorūque eius apud Salomonem descripti loco illo Sapientia, *Exiguum, & cum radio est tempus vite nostra, &c.* Venire ergo, & frui bonis, quæ sunt, & vitamur creatura tanquam in iuuentute celeriter. Vino pretioso, & vnguentis nos impleamus, & non prætereas nos sors temporis, &c. quoniam hæc est pars nostra, & hæc est sors nostra. Quorsum præterea Chrysologus, & alij non-nulli conferant Epicurum cum Prodigio illo Euangelico, & porcum etiam appellent, requirentem siliquas, hoc est, voluptates corporeas. Sed & D. Augustinus meminit porcum appellatum à Philosophis, fortè propter illud ex Horatio tritum,

*Me pinguem, & nitidum, bene curata cute visis,*

Cum ridere voles, Epicuri de grege porcum. Scribit ad hæc Laërtius Timocratem Metrodori fratrem prodidisse, *Epicurum bis quoque die vomere solitum, præ luxu; & se quidem vix potuisse effugere nocturnam illam Philosophiam, mysterijque plenum conuenticulum: adiecisse verò Epicurum solitum quotidie minam impendere in mensam, hoc est, aureos nostrates sex cum ferè semisse. Credas huc*

*Gassendi Epistola.*

specitare illud Seneca, *Obijcite Platoni, quòd petierit pecuniam; Aristoteli, quòd acceperit, Democrio quòd neglexerit, Epicuro quòd consumpserit.* An hic attendendum, quod suo loco retulimus, Epicurum mori noluisse nisi præhausto mero, vt extremus actus responderet fabulæ? Stoici cerè apud Ciceronem morbum, quo interit, ad edacitatem retulerunt. Addo, cum Suidas hæc de Epicuro inter alia scribat, *Saxæas mensas, & donaria in sepulchro, hic heluo, & obsoniorum vorator, incidi iussit; nihil esse mirum, si plærique Epicurum comparent, vt cum viris aliis luxu perditissimis, ita præsertim cum Sardanapalo, qui busto incidi iussit Epitaphium à Cicerone ita expressum,*

*Hæc habeo, quæ edi, quæque exsaturata libido*

*Hæsit; at illa iacent pulcra, & præclara reliqua.*

Hæc abundè sunt. Tu optimè Vale, DECUS PRINCIPVM, & Præsidium meum. Parisiis XIII. Kal. Ianuar. M. DC. XLII.

Ne pagina hæc abeat vacua, carmina ascribo, quæ Amicus, Musicæ amans die superiore abs me extorsit, proximis cantanda Natalitiis. Ea verò duodena expetiit:

*Nunc agite, ô Genes, mysteria discite mira.*

*Nascitur in stabulo Calorum Conditor;*

*estque*

*Instratus sæno, cui seruit purpura Regum.*

*Quæ parit, est Virgo; genitrix est filia nati.*

*Incipit, æterno qui tempore consistit; & qui*

*Excipitur loco, magnus sine limite consistat.*

*Est homo, nec tamen est persona humana;*

*Deusque*

*Cum sit, mortalis tamen est: sed nempe sub vno*

*Supposito gemina natura conciliatur.*

*Sic Deus est, & homo; sic iungens infima summus,*

*Humano generi potis est asserre salutem.*

*Hæc itaque, ô Genes, mysteria discite mira.*

## A L I T E R.

**I**n ista genitus Virgine nascitur  
Infans: Angelicum concinitur melos;  
E Calo noua lux prodit, & imminet  
Cumis insolitum inbar.

*O formosè Puer, delicij date  
Humani generis! cresce laboribus,  
Quos vt nos redimas, & tibi gloria  
Vertantur, Pater imperat.*

*Felix interea, quam recubans premis,  
Tellus! hæc violas fundat, amaracis  
Mistis, dum manibus lilia porrigens  
Plenis, Gens pia supplicat.*

## E I D E M.

**E**uorauī opusculum, quo me donare dignatus es, & pro quo gratias debeo multas. Nihil ipsius non placuit: ita se Author eximius probauit suā famā dignum. Patiere tamen dici à me, nihil æquè placuisse, ac illud encomium, quod tu voluisses pro animi moderatione suppressum.

L 3 Aq

Ac debet illi quidem tota Natio quas cecinit laudes in Gallicum nomen; sed debet longè amplius tibi, ex quo iudicium de tota Gente ab ipso factum, exprelsúmque. Hæc tamen aliàs. Cùm nunc expectes quid de Epicuri sobrietate dicturus sim. Ecce describit illum Laërtius: *Simplici pane, & aqua contentum; & splendidissimi epularum, quidpiam casei solum poscentem.* Citat quoque Dioctem referentem illum, sociisque frugalissimis; vilissimisque cibis usas; & cùm quavis aqua in porum sufficeret si vinuli quidpiam aliquando adhiberetur, satis illis fuisse colyten, hoc est, menturam Parisiensi, semi-sexario non maiorem.

Stobæus, cùm memoret etiam pane, & aqua contentum fuisse, addit celebre ex eo dictum, habentem se mazam, & ioue, paratum esse etiam cum Ioue de felicitate certare. Plutarchus ipse tenuem hunc victum dissimulare non potuit, cùm illum in maza, & lenticula suauitatem summam quassisse scripsit. Porphyrius autem, notum est, inquit, ut plerisque Epicureorum ab ipso usque Principe ita exorsis, maza, fructusque suffeciant. Exinde minùs mirabere, quod Cicero ait, cùm de Epicuro loquens, *Hic verò ipse*, inquit, quam paruo est contentus? Sed erit. tamen cur mirere, quod exstat apud Senecam, *Ecce*, inquit, *gloriatu Epicurus, non toto asse se pasti, Metrodorum, qui non tantum profecerit, toto?* Non erat autem assis valor monetâ nostrâ æstimatus, nisi denariorum Turonicorum nouem. Quæso te, quàm deberet famem malignè extinguere, cùm parcius adhuc victitaret? Scilicet idem Seneca, *Quin-etiam*, inquit, *certos habebat dies ille magister voluptatis Epicurus, quibus malignè famem extingueret; visurus, an aliquid deesset ex plena, & consummata voluptate; vel quantum deesset, & an dignum, quod quis magno labore pensaret.* Plura congererem; sed Iuuenalis versus sufficiant, dum veluti indignatur, Si quis

— Non Epicurum

Suspexit exigui latum plantaribus Horti;  
Dùmque ostensurus, æquis-nam sit finis cupiditatum constituendus, rem in hunc modum exsequitur:

— Mensura tamen qua

Sufficiat census, si quis me consulat, edam:  
In quantum sitis, atque fames, & frigora poscunt;

Quantum, Epicure, tibi paruis suffecit in Hortis.

Non est proinde, cur immeret in iis reiciendis, quæ fuere obiecta. Nam vulgus quidem probra coniicit, quæ vera sint, necne haud nouit. De Chrysippo est aliàs dictum: Comitorum scommata non Epicurum modò, sed & Socratem & ceteros magnos Viros profecerunt. Idem de Timone dicendum, qui conscripsit *allus*; hoc est maledicta aduersus omnes Philosophos. Assentatio illa cleuat tum ex tenuitate victus, tum ex iis quæ Epicurus tam ad Idomeneum, quàm ad alios scripsit de cupiditatibus coercendis; quale est illud apud Senecam, *Si vis Pytholæa diuitem facere; non pecunia adiucendum, sed cupiditatibus detrahendum est.* De genio,

atque instituto, non Plutarchi modò, sed Sanctorum etiam Patrum, dictum vniuersè suo loco. Horatius nihil aliud, quàm ludit. Quòd ex Timocrate memoratur, videtur planè commentitium; seu spurcitiem spectes, quæ in illa Ciuitatis luce tolerata non fuisset; seu impensas, quæ nimirum excessissent Epicuri censum. Quòd moribundus merum petierit, perspicuum est fuisse non crapulæ vitium, sed debilitatis remedium. Quòd laborarit calculo, non intemperantiæ fuit, sed naturæ. Quòd inorbo interierit, id habuit cum bonis, ac malis commune. Denique Suidas rumusculos, non verò quæ ex Testamento, probatisque authoribus haberi poterant, collegit: & quòd Epicurus cum Sardanapalo, similibusque comparatur, merè declamatorium est. Attexam heic, in gratiam eorum, qui germanum Epicuri institutum Sectati fuerunt, quod Cicero de illis habet. *Ita viuunt quidam*, inquit, *ut eorum vitâ refellatur oratio; atque, ut ceteri existimantur dicere melius, quam facere: sic hi mihi videntur facere melius, quam dicere.* Et ut exemplum victus habeas, en vt de Pomponio Attico Cornelius, Nemo, inquit, in conuiuio eius aliud acroama audiuit, quàm anagnoscon (quod nos quidem inuendissimum arbitramur) neque vquam sine aliqua lectione apud eum conatum est; vt non minus animo, quam ventre conuiuia delectarentur. Nunquam eos vocabat, nisi quorum mores à suis non abhorrent. Pergit, *Cum tanta pecunie facta esset accessio, nihil de quotidiano victu mutauit; nihil de vitæ consuetudine; tantæque usus est moderatione, ut neque in sestertio vicies, quod à Patre acceperat, parum se splendide gesserit; neque in sestertio centies, affluentiùs vixerit, quam instituerat; parique fastigio stetit in vtraque fortuna.* Tu bene Vale, PRINCIPVM DECVS, Parisiis, vi. Kalendas Ianuarij, M. DC. xli.

Quod dixi superioribus literis minam Atticam valere aureos Solares nostrateis sex cum semisse; dicere debuî aureos selares septem cum sextante. Quod heic autem legis fuisse Attico sestertium vicies, interpretare monetâ, quam iam vtimur, Turonicas libras 1861110. Quod sestertium centies, 9305550. Salutat te Luil-lerius noster, eximie sanus, eximie bonus, quem nescio quo malo, ac impostore genio ductu meus ille Antistes depradicari feceris per nebulonem quemdam, deploratæque fama Eleemosynarium nomine Ioannem Stephanum Galterium, emissariisque alios, fuisse capite truncatum ad Grenam.

PHILIBERTO DE LA MARE,  
Senatori Diuionensi,

PETRVS GASSENDVS S.

Qvod vberem adeò commentarium de Guionio perscriperis, humanitatis tua fuit. Ego certè ausus non fueram ad id opus prouocare, abundè ducens, cùm opera euulgarentur,

rentur, cognoscere. Doleo nihil me simile habere de Lepanthino prælio, quod, te despoſcente, reponam; ſed ego nempe is Vir non ſum, cui ſpeciale quidpiam de eo compertum eſſe poterit, præter vulgarem hiftoriam tam Proſa à cæteris, quàm Carminè à Rege Scoto, Valconèq; Poëta conſcriptam. Quando tu tanta ſedulitate circumſtantias ſcrutatus es, quæ ſingulares ſingulis innotuerint; non debes ſane committere, vt nobilis labor ſua careat luce. Quas per me dare ad Naudæum literas voluiſti, ad ipſum tranſmiſi, neſcius licet, Romæ-ne adhuc degentem conuenturæ ſint. Quippe illuſtris Mazarinus illum accerſit omnibus votis, ac pollicitationibus; & ex poſtremis literis exſpectabatur ſolùm conſenſus Cardinalis Antonij, in cuius æte ille viuit. Mitè commendat Robertus meus, quæ expetitur abs te officia: ipſe in me quam poſſum partem gratitudinis maximam recipio. Tu Vir illuſtris optimè Vale. Pariſiis, vi. Kal. Ianuar. m. dc. xli.

PAVLO DV MAY, *Senatori Diuionenſi,*

PETRVS GASSENDVS S.

**C**um reſponſionem diſſero, occurrir ecce interim gratias agendi noua occaſio. Scilicet tibi ſatis non fuit grata manu, & cum elogio meæ illas de Peireſkij Vita commentationes excipere: ſed, vt accipio ex literis, quas Riantij Baro ad me dedit, perſcripſiſti, quoque ad ipſum, quàm magnificè de illis ſenties. Id bonitati tuæ eximie acceptum totum reſero; & quantum me imparem eſſe commendationi tuæ ſum conſcius, tantum me tibi ob ſingulariter beneuolentiam deuindum proſiteor. Eſt etiam aliud, quod tibi debeo propter meum Robertum humanitatis genus. Etenim cum ille ſit mihi merito magno cariſſimus, & quantum tibi debeat literis ſuis ſignificet; non poſſum ego, quantum id eſt, non ducere in me collatum. Quas datis ad me literis adiunxeras, reddita fuerunt. Non eſt, cur de meo ſtudio dubites in captandis anſis, de quibus ſcripſiſti. Aggè ſolum habeo, me non eſſe tanti, qui rebus à me commendatis pondus addere magnum poſſim. Vale, Pariſiis, vi. Kalend. Ianuar. m. dc. xli.

LVDOVICO VALESIO, *Principi Optimo,*

PETRVS GASSENDVS  
*Evdæſienſis.*

**D**ixi nuper de Gula Epicuro obiecta; en nunc obiectam Venetum. Primum declamatur in illius Hortum, quaſi in infame lupanar, in quo meretrices proſtiterint, Leontium, Themifta, Phylenis, & alia à Plutarcho, Lærtio, & Cleomede commemorata.

Celebratur autem præſertim Leontium, cuius exſtat Epistoła in Græcicarum ſerie circa Epicuri laſciuia ſenilem. Legitur verò apud Lærtium non Epicurum modò cum eam habuiſſe, verum etiam Metrodorum. Addit Clemens Alexandrinus duos alios; addit Athenæus Epicureos omnes; ſubiiciens Danaën Leontij filium fuiſſe ſimiliter ſcortatam. Huc ſpectare putes nocturnum conuentum, de quo dictum eſt, cum de Gula; itemque gloriations illas Corniada, numerantis apud Plutarchum, quoties concubiuiſſet cum Hedia, & Leontio, Thafium bibiſſet, opporè cenāſſet; vt minus ſit mirum, ſi Epicurus ruruſ comparetur cum Sardanapalo, nente putpuram inter ſcorta, & illius Hortus cum Synagoga Strigum, Paradifo Mohammedis, & ſimilibus. Deinde congerunt ea, quæ in Epistoſis Epicuri amatoris fuere conſcripta, vt quod exſtat apud Lærtium, *ò Regem Apollinem, Lentiola, quæ nos tumultuoſo plauſu complenſiſti, Epistolulam pellegentis tuam!* Itemque, *Is ſum, qui niſi vos ad me acceſſeritis, poſſim vel ſapius voluntati impelli.* Et ruruſ ad Pytolem formoſum, & duodeviginti annorum adoleſcentem, *Sedebo operiens exoptatum tuum, & veluti Dei alicuius ingreſſum.* Huc ſpectant infraſta, & blandula illa appellitationes. quibus Coloten, verbi gratia, dixit ex Plutarcho *Καλωτέρα, & Καλωτέρα, Colotolum, & Colerillum.* Taceo obici iſtam quoque intemperantia ſpeciem, vt cauſam morboſum & mortis, de quibus ex Suida, Stoiciſque dictum iam eſt. Denique tam iſta, quàm ſuperior intemperantia cauſa Epicuro fuiſſe dicitur, cur abactus fuerit à Philoſophorum choro. Viſum eſt iam Cleomedem, Epicetum, Hieroclen relegaſſe illum ad cynædos, & meretrices. Refert Themiftius patrem ſuum ſuſtulſiſſe ipſum à Catalogo. Maximus Tyrinus, *Epicuri,* inquit, *ne nomen quidem ſero, neque enim admiro Philoſophiam, qua laſciuia, vt neque Imperatorem qui acie diſcedat.* Et Lactantius, relatis illis ex Lucretio de Epicuro carminibus,


*Quid genus humanum ingenio ſuperauit, & omnes*

*Præſlinx, Stellæ exortus viri ætherius Sol;*  
Subdit, Quos equidem, verſus nunquam ſine riſu legere poſſum. Non enim de Socrate aut Platone hoc ſaltem dicebat, qui velut Reges habentur Philoſophorum; ſed de homine, quo ſano, & vigente nullus ager ineprius delirauit. Memorabile eſt, quod Archelaus apud Lærtium interrogatus, *cur homines ex cæteris ad Epicureos, ex Epicureis autem ad cæteros non migrarent,* Reſpondit, *quoniam ex viris quidam Galli ſunt; ex Gallis verò viri non ſunt;* alludens ſcilicet ad Gallos Sacerdotes Cybeles exſectos, & effeminatos. Ad hunc locum ſpectat, quod Suidas, *Ælianus,* & alij memorant fuiſſe Epicureos à Romanis expulſos; itemque à Meſſeniis, à Lyciis, ab aliis Rebus publicis; quòd adoleſcentium corruptores eſſent; & ſapientia degeneris, turpis, effeminatæ inuidentes. Vno verbo, exſtat verſus apud Apollinariem,



*Ast Epicurus eliminat vniique virtus.*  
Vale PRINCIPVM OPTIME, & cœptum hunc annum, ac Nestoreos porrò feliciter exige. Parisiis, 111. Non. Ianuar. M. D. C. X L I I.

## E I D E M.

 Vm testimonium iam aliquod de Epicuri castitate, expectes, palmare est, quod verè doctus, Sanctusque Pater Gregorius Nazianzenus in Iambicis habet, dum postquam retulit Epicurum Voluptatem statuere pro fine bonorum, subdit,

*Ac ne ob voluptatem, improbam hanc laudaver*

*Quis crederet, moderatus, & castus fuit, Dum vixit ille; Dogma moribus probans:*

Et de Dogmate quidem cum agetur, perspicuum fiet Epicurum ea tradidisse Continentiæ, atque honestatis præcepta, vt seueriora non potuerint tradi. Nunc, cum de moribus agatur, notabile præsertim est, quod legitur apud Stobæum, scilicet asserente quodam Sapientem amore non capi, ac, cæteros inter, exemplo esse Epicurum, excepit Chrysippus, *haud legitime id concludi, eò quod Epicurus àvior dicitur, sine sensu fuisset.* Testimonium ab inimico; sed interim probans, quod aliunde probabilissimum facit paucissimus victus, de quo ante scripsi; & labor assiduus, quo præter doctrinam viua voce traditam, libros innumeros conscripsit. Quippe & subductis libidinis fomitibus, & fugata desidia, potuit circa venerea àvior dicitur iure censerì. Non repeto ipsam Voluptatis vocem fecisse totam fabulam: addo potius illud ex Cicerone, *Quid ergo (dices aliquis) Epicurum existimas ista voluisse, aut libidinosas eius fuisse sententias? Ego verò minime; video enim ab eo dici multa seuerè, multa præclarè. Itaque, vt sape dixi, de acumine eius agitur, non de moribus.*

*Quamuis spernat voluptates eas, quas modò laudauit; ego tamen meminero, &c.* Itémque illud ex Seneca, *Mirum est aliquid fortiter dici ab homine molliorem professò; ita enim plerique indicant: apud me verò Epicurus est fortis, licet manuleatus sit.* Sed ne plura confectet, & vt ad obiecta breuiter respondeam; fuere quidem feminæ quædam cum Epicuro in Hortis versatæ; sed quo versatæ modo fuerunt Læthæia, & Axiothea cum Platone in Academia; Theano, & alia cum Pythagora; Gemina & alia cum Plotino; & alia cum aliis Philosophorum Coryphæis; nempe, vt philosopharentur. Et quoniam Leontium potissimum obicitur; sanè illam non meretricem, sed studiosam feminam fuisse, vel illud vnum arguit, quod ex Cicerone librum scripsit aduersus Theophrastum scito sermone, & Attico; quòdque Plinius memorat illam depictam fuisse cogitabundam. Præterea autem fuisse ipsam Metrodori uxorem, vt & Themistiam Leontei, & aliorum familiarium alias; ac Epistolam ipsi attributam fuisse Alciphronis styllum exercentis commentum. De conuentu illo nocturno iam diximus, Corniades Epicureus non fuit. Comparationes declamatoriæ sunt. Epistola

à Diotimo conficta, in quibus esse quoque potuit, & illud de Colore, & quidquid fuit præterea Epicuro obiectum ab iis, quos infanire Lærtius dixit. Circa obiecta de morbo, ac morte, nihil adiciendum ad antedicta. Superest locus de reiectione à Philosophorum choro. Sed qui reiecerunt, vel Stoici fuerunt, vel certo consilio hæserunt dissimulatio in vulgus rumori. Vt autem magnos Viros opponam, & interea citatum iam B. Nazianzenum reticeam; primus occurrit Constantinus Porphyrogenneta Imperator, qui Insulam Samum describens, ex hac, inquit, prodierunt Viri Sapientia laude insignes, Pythagoras, Epicurus, Melissus, aliique non pauci. Succurret Cicero, qui & aliquando Philosophum nobilem dicit, & passim nobilissimis Philosophorum intermiscet. Et Seneca, qui dum respondet obiectantibus Philosophos aliter vixisse, quàm docuerint, hoc, inquit, per malignissima capita & optima cuique inimicissima, Platoni obiectum est, obiectum Epicuro, obiectum Zenoni. Non subitico Apuleium; non ipsum Lærtium; non innumeros alios, ac potissimum eruditiores quosque, ex quo bonæ literæ restitui ante annos prope ducentos cœperunt. Continere me non possum, quin & subiudicem egregium Epigramma, quo apud Lærtium Epicurus concluditur ab Apolline, aut Musis edoctus; & subtexam ex Anthologia distichon Menandri præclarum, quo Epicurus confertur cum Themistocle, cuius quoque Pater appellatus Neocles fuit,

*Xaiste Neocleste, δίδου μοι, τίς ὁ πατήρ σου;*  
*Πατέρις δ' ἀνώνυμος ἵσταται, ὁ δ' ἀπεκρίναται,*  
Quod ego quidem distichon, vt potui, ita reddidi.

*Par Neoclidarum salice; quævis Patria debet,*

*Vni, vt libera sit; alteri, vt & sapiat*

Quod ad expulso Epicureos spectat, non negandum quidem, quin esse potuerint degeneres aliqui; ecqua enim vnquam instituta Societas fuit, in qua omnes fuerint, institutorum seruantes? sed fatendum quoque, & potuisse illos ab calumniis, factionisque aduersariorum expelli; & hoc illis commune fuisse cum cæteris Sectis, vt testantur Edicta Antiochi, Lyfimachi, Atheniensium, Romanorum, ac præsertim suadente Catone, & imperante Domitiano, sub quo Epicæctus quoque fuit Romæ deiectus. Addo Epicureos, ex Eusebio, floruisse omnium diutissime in vrbibus; & quemadmodum Epicuro, sic illis quoque dicatas statuas, vt ex inscriptione Brundusij reperta constat. Concludo verò, selecto illo ex pluribus Ciceronis loco. *Ac mihi quidem, quod ipse bonus Vir fuit, & multi Epicurei fuerunt, & hodie sunt, & in amicitiiis fideles, & in omni vita constantes, & graues, nec voluptate, sed officio consilia moderantes; hoc videtur maior vis honestatis, & minor voluptatis.* Tu Viue iucundè, Vale DECVS PRINCIPVM, & Præsidium meum. Parisiis, IV. Kal. Iannar. M. D. C. X L I I.

E I D E M.

## E I D E M.

**Q**uidquid Supertioribus literis circa Epicurum defensum, quidquid postremis etiam alia studia commendare dignatus es, id totum debeo humanitati, ac singulati benevolentia, qua dignaris me immerentem. Sed ne ad alia iam digrediar, superest extremum caput accusationis in Epicurum, quod est de odio bonarum Artium, seu liberalium disciplinarum. Nam vniuersè quidem auctus illas fuisse dicitur, testante Cicerone, cum nihil olere ex puerilibus disciplinis; scribente Quintiliano, fugisse illum omne in disciplinis dicente causam Empirico, quod disciplinas ad Sapientiam nihil conferre existimaret. Neque id modò, sed etiam dehortatus ceteros fuisse, ne illas amplecterentur; vt Pytoclen apud Lærtium, vt Sectatores omnes apud Plutarchum; Athenæum, & alios. Confirmat vtrumque Cicero his verbis; *Hæc Epicuri non probo; de cetero, vellem equidem aut ipse doctrinis fuisset instructor (est enim, quod in eum videri necesse est, non satis politus in artibus, quas qui tenent, eruditè appellantur) aut ne determinisset alios a studiis. Speciatim verò quod spectat ad Grammaticam, mitto, quæ apud Plutarchum, Empiricum, Lærtium, Cleomedem leguntur. Sufficiat idem Cicero, cum de Epicuro loquens, Siloquendi, inquit, vim si consuetudinem verborum tenuisset, nunquam in salebras tantis incidisset. Et tursus, In hac exposita sententia, inquit, sunt qui existimant, quod Epicurus in sua plane loquendi fecerit, fecisse consilia; de homine minimè vstro male existimant. Hæc spectat, quod Plutarchus scribit noluisse illum occupari sapientem in Criticorum quoque studiis; neglexisse Historiam, repudiasse Poësin; quod præter Heracidum Ponticum, Maximum Tyrium, & alios, Torquatus quoque apud Cicero nem testatur. Id ille, inquit, tenebris, in Pœcis euoluendis consumere, in quibus nulla solida utilitas, omnisque puerilis est delectatio. Quod ad Rhetoricam, arguitur omnem prout orationis negligisse, scribente Agellio ipsum curas vocum, verborumque elegantias non modo non sectatum, sed etiam insectatum fuisse. Idem confirmat Hæcarnastæus circa voces, & Athenæus circa structuram conscripti ab Epicuro Symposij. Cicero autem illius, ac Metrodori libros cum quibusdam confert, quos neque distinctè neque eleganter, neque ornate scriptos latine commemorat, & de Epicuri Philosophia alibi loquens, Absit, inquit, ab eo viro, quem querimus & quem auctorem publici consilij, & regenda ciuitatis ducem, & sententia, atque eloquentia Principem in Senatu, in populo, in causis publicis esse volumus. Et sequens Quintilianus, alia, inquit, mihi quasi exortur, quæ Scitæ conferre plurimum eloquentia possit; quamquam ea non inter multas possit esse contentio. Nam Epicurus imprimis nos a se ipse dimittit, qui fugere omnem disciplinam navigatione quam velocissima iubet. Quod ad Dialecticam, non tefero, quæ Stoici, Plutarchus, Themistius, & ceteri obiecerunt. Vnus Cicero sufficere potest, cuius sūt varia hæc de re loca,*

sed ille præcipuus, *In illa, inquit, Philosophia parte, quæ est querendi ac differendi, quæ lexum dicitur, iste vester plane, ut mihi quidem videtur, inermis, ac nudus est. Tollit definitiones, nihil de diuidendo, ac pariendo docet, non quomodo efficiatur, concludaturque ratio tradit; non qua vi captiosa soluantur, ambigua distinguantur ostendit, iudicia rerum in sensibus ponit, quibus si semel aliquid falsi pro vero sublarum sit, sublarum esse omne iudicium veri, & falsi putat, &c. Quod denique ad Mathematicam, ecce Torquatus Epicurum excusans, An se, inquit, vt Plato in Musicis, Geometrica, Numeris, Astris conficeret, quæ & a falsis initiis profecta, vera esse non possunt; & si essent vera, nihil afferrent, quo iucundius, id est melius viueretur. Plutarchus verò ostendit quibus se voluptatibus Epicurus priuauerit, dum neglexit Geometriam, Arithmeticam, Astrologiam, Musicam, ac persuasit etiam Regibus, vt in suis Conuiuiis, quolibet potius scurrilitates, quàm Musicas, Poeticasque disquisitiones tolerent. Præterea quæ varia habet Cicero, vt illud, Quod profectò nunquam putasset, si à Polyæno familiari suo Geometriam dicere maluisset, quam illam ipsum dedocere: itemque illud, Quæ si bis bina quot essent, didicisset Epicurus, cerit ne diceret; sed dum palato quid sit optimū indicat, celi palatum, vt ait Ennius non suspexit. Præterea etiam quæ Cleomedes, & alij, ac id feligo, quod habet D. Augustinus, Quis, inquit, Geometricas literas legere magistro Epicuro, aut discere voluit? contra quas ille multum pertinaciter, nihil earum, quantum arbitror, intelligens disserbat. Hæc satis; quæ ideo est visum ceteris obiectionibus circa mores attexere, quod asper nati ingenuas Atteis maxima labe morum videatur. Tu morum candidissimorum illustris PRINCEPS, optimè Vale. Parisiis, xvi. Kal. Februar. M. DC. XLII.*

*Si iam Aquas-Sextias redieris, patere, quæso, nomine meo, iam Berucolio, quam Ber-villa salutem quam plurimam dict. Vale iterum.*

## E I D E M.

**D**icitur postremum de obiecto odio Liberalium Disciplinarum, id vniuersè adnoto, esse in illis quidem, vnde liberales, hoc est homine libero, ingenuoque dignæ censentur; sed itrepuisse tamen in singulas multa, quæ sint vniuersa, inutiliora, spinosiora, perniciosiora, quàm vt ea Vir sapiens consecrari debeat. Ipsum verò Epicurum non illas vniuersè repudiassè, sed quatenus solum sunt vanæ, inutiles, spinosæ, atque perniciosæ. Quoniam autem nulla non fuit captata in ipsum declamandi ansa, id est ex hoc capite quoque exprobratum illi fuit, quod omnem prorsus disciplinam oderit, ac dissuaserit. Decantatum præ ceteris videtur illud ad Pythoclen, *Omne disciplinam odie beatè, deuia; ex eo enim est, seu ex fonte deductum quod M. Tullius, Quintilianus, Plutarchus, alij obiecerunt. Verum, cum illud coniectum fuerit in Epistolas, ex Lærtio suppositiciis, perspicuum est, quidquid exinde derivatum fuit,*

fuit sapere calumniam. Cum Empiricus certe addit causam, quod Epicurus existimaret disciplinas esse ad Sapientiam inutilis, id subnotat ipsum illas non damnas, si ad Sapientiam, & voluptatem non illaudatam quicquam conferrent. Heinc, quod ad Grammaticen spectat, testatur idem Empiricus, non fuisse illam ab Epicuro quacumque ex parte eiecram; & quod Plutarchus reprehendit circa Criticos, arguit Epicurum ipsum eodem respexisse, quo Senecam, dum in Professores artium liberalium, ut molestos, verbosos, intemptuos, scribens subdit, *Quatuor milia librorum Didymus Grammaticus scripsit; miser! Si tam multa superuacua legisset? In his libris, de Patria Homerique, in his, de Aenea matre vera, in his libidinosos Anacreon, an ebriosos vixerit: in his, an Sappho publica fuerit: & alia, quae erunt dediscenda, si scires. Huc proinde spectat illud Torquati, Non Epicurus ineruditus; sed in indocti, qui quae pueros didicisse turpe est, ea putent usque ad senectutem esse discenda.* De Poësi testatur Laërtius, placuisse Epicuro Sapientem recte, de illa disserere, & Poëmata non fingere quidem, sed tamen pangere *μηναρὰ τοῦ Λαέρτιου ἰσας μῦθους*, hoc est, non describendo fabulas, sed aut res praclare gestas, quod deinceps Atticus fecit; aut quae ad morum institutionem, naturaeque illustrationem faciant, quod Lucretius. Quod spectat ad Rhetoricen, non fuit Epicurus illius ignarus, qui librum de ea ex Laërtio scripsit; sed recessit solum, quae ab ea aliena, inutilia-ve censuit, & perspicuitatem *οὐκ ἔχουσιν* solum retinuit. Cum hæc verò constet ex delectu, dispositioneque tum verborum, tum sententiarum; clarum videtur quidquid præterea ex illa arte exigitur, aut esse inutile, aut ab ea alienum. Ipse ne verò, seu in loquendo, seu in scribendo fuerit adeo barbarus, & inelegans, ut interduin Cicero, alique declamant, vel Cicero ipse esse testis potest; exempli causâ; cum, *Vide*, inquit, *quantum fallare, Torquate. Oratio me istius Philosophi non offendit; nam & completitur verbis, quod vult, & dicit plane quod intelligam.* Sic Seneca passim, *Aliquam magnificam vocem Epistola secum ferat. Ecce occurrit mihi nescio verum verior, an eloquentior. Cuius inquit, Epicuri. Item, Eleganter, itaque ab Epicuro dictum est, Accursus, Et apertior ista sententia est, quam ut interpretanda, & disertior, quam ut adiuvanda.* Quod ad Dialecticen, Scribit quoque Empiricus, non omnem fuisse ab illo neglectam, sed Stoicam solummodo, id nempe ob superuacaneas, spinosâsque illas argutias. Heinc solo Dialectices nomine mutato, *Canonicam* scripsit, hoc est, Regulas tradidit, quas viles esse ad ratiocinandum putauit; & in quibus potestate, ut loquuntur, continetur, quidquid visum est à Cicerone desiderari. Id suo loco disquiretur, edissereturque speciatim quod circa sensus obicitur. Heic sufficiat, cum Plutarchus illum circa syllogismum quemdam reprehendisset, excepisse Agellium, *Id factum minime nimis ac propè etiam subfrigide, unde & Epicurus*, inquit, *cuiusmodi homo est, non inscitia vi-*

*derur partem illam syllogismi prætermisisse; neque id ei negotium fuit, syllogismum tanquam in Scholis Philosophorum cum numeris omnibus, & cum suis finibus dicere, &c.* Quod ad Mathematicen denique, non in ea quidem fuit Epicurus tantus, quantus Pythagoras, aut Plato: verum neque inferior fuit Zenone, & aliis; neque tantum illam exposuit, quantum Socrates, cum etiam de Cælestibus censuerit Sapienti esse differendum. Heinc quæ specialia obiciuntur de magnitudine Solis, & similibus, suis locis soluenda sunt; satisque iam est dicere, non fuisse Epicurum avertit hanc partem, quatenus ad Sapientiam, honestamque voluptatem conducit; sed quatenus solum inuulgiferum est, aut mitificè laboriosa. Illud ex Plutarcho circa Musicam, esse declamatorium, vel ex eo constat, quod inter Epicuri Placita Laërtius id refert, *solum Sapientem de Musica ritè habiturum sermonem;* cum & aliunde Empiricus scribat Musicam ex eo dumtaxat ab Epicuro, ut à Platonice quoque, improbatam fuisse, quod inutilis, *segnis, vinosa, pecuniarum prodiga esset.* Atque heic tandem Apologia circa Epicuri mores finis esto? Non esto verò nunquam meae erga te obseruantiae; qui sum, viuoque ex asse tuus. Tu annos Nestoreos, & Viue, & Vale, ô & dulce Decus, & Praesidium meum. Parisiis, 1x. Kal. Februar. M. D. C. XLII.

## E I D E M.

**V**ides, PRINCIPVM OPTIME, ut lentè licet festinantes, ad Apologiae peruenimus metam. Superest aliud, quod sit quidem incomparabiliter prolixius de Doctrina curriculum; verum id semel inendum est, precandūque solum ut Deus fortunet. Si excuntem manè viatorem sollicitudo caperet tanti illius numeri passuum sigillatim petcurendorum; hæretet sanè in limine: sed & ille debet eam mittere curam, iterque solum ingredi; quoniam tamen si non aduertenti, spatia immensa superabuntur; & nobis non immensitas operis cogitanda est, sperandūque solum, ut sensum progressi sumus illud tandem ad vmbilicum perducturi. Non quòd sim certus tot me adhuc absurdorum hedomadas, ut totidem datis ad te literis, id completi quidquid est, possim; sed quòd si forte tandiu absim, nolim me demum ob institutum non satis maturè prouisum peniteat. Et absim breuius; nihil nocebit aliquo usque processisse, & quidquid denum peractum erit, id fiet ipsi operæ-pretium. Non poterit certe res tibi non esse iucundissima; tum ob Sapientiae studium, quod vnum erit argumentum; tum ob manum, quam tibi esse non ingratam satis testaris. Adde quòd literas non-nisi septeno quoque die accipiens, non his facillè sensurus fastidium; ac tot aliis curis interpositis, sis interim, quasi animum relaxans, & ad quidpiam rerum novarum diuertens vniuersam propemodum Philosophiam reperiturus. Nempe, ut antè ad Luellium, non eam dumtaxat, quæ Epicuri fuit specialis, sum prosequutus; sed quidquid præterea



præterea ex cæteris Sædis perspectum habui, complexus sumita compendio tecum agens, quidquid præcipuum ex singulis videbitur, haud prætermittam. Initium verò faciam ab iis, quæ generatim de Philosophia videntur esse prænotanda; ne videar illotis, quod aiunt, rem atrectare manibus. Quanquam id deinceps prima occasione; iam enim, si aggrederer, excederem haud-dubie modum. Sunt etiam duo quedam, quæ hîc attexenda mihi supersunt. Vnum est, quam debeo gratiarum actionem ob bona illa tua verba, tum de Epicuro purgato, tum de enarrato Peireskio, quorum si vterque adhuc viueret, foret cur se amplius vni tuo elogio, quàm prolixis meis Commentariis debere putaret. Alterum est, quod meo Roberto tibi haud profectò incognito, officium debeo. Grauis quædam illius causa disceptatur impræsentialium coram Senatu Diuionensi. Ac non audet quidem petere abs te commendatitias literas vllas; sed quia subiretur, ne aduersum se dare aliquas rogiter, veller bonitatem tuam exoritam, vt cum te non fuerit meritis propitium, non exspectat quæsi insensum. Nouit cuius illeic ponderis habeatur attentum re proximè Principum commendatio; timetque præsertim, ne quædam ad illos literæ a te extorqueantur. Ipse recepi me id tibi illius rogatu significaturum. Tūque tantò magis id consules boni quantò nosti, quæ inter me, ac illum sit necessitudo. Vale, PRINCIPVM OPTIMVM, Præsidium ac Decus meum dulce. Parisiis, pridie Kal. Februar. M.D.C.XLII.

## E I D E M.

**V**T stem promissis, OPTIME PRINCEPS, non aliunde exordiar, quàm ab ipsamet Epicuri adhortatione ad Menæcæum, dum ad illum scribens, vt est apud Lærtium, in hunc modum præfatus est. *Neque iuuenis quicquid existens philosophandi morum trahat, neque senex cuius fuerit, philosophando defatigetur. Ad Anima quippe sanitatem neque immaturus, neque imbecillius est quisquam. Et qui dicit tempus ad philosophandum, aut nondum adesse, aut præterisse; perinde facit, ac si qui dicit tempus ad beatè degendum aut nondum aduenisse, aut esse elapsedum. Itaque & iuueni, & seni est philosophandum; iusti quidem, vt in senio, quasi iuuenis, efflorescat bonis, ob præteritorum gratiam; illi vero, vt in iuuentute, quasi senex, maturescat ob futurorum securitatem. Heinc ea meditari par est, quæ sollicitatem pariant; si quidem cum illa adest, nihil est, quod non habeamus, cum adest, nihil non agimus, vt consequi illam possimus. Hacenus ille: restet autem, vt imprimis definitionem intelligas, quam apud Empiricum tradit, dum, Philosophiam esse dicit Exercitationem, quæ rationibus & sermocationibus vitam beatam instituit. Quo loco, Exercitationem dicit, vt innuat studium Sapientia (id enim sonat ista vox) debere esse animatum; non habitus instat torpentem, siue quis secum ratiocinando, siue sermonem cum aliis ferendo, studeat Sapiens euadere, beatamque vitam adipisci. Deinde, vt agnos-*

cas finem, quem ex Metrodoro apud eundem Empiricum sola omnium artium Philosophia considerat, videlicet *felicitatem*. Vbi ille habet Philosophiam quasi *artem vitæ*, & cum artes cæteræ de opere quidem, at non de fine sollicitæ sint (vt dum faber conficit clauum, quâ alius aperiat; aut Orator parat Orationem, quâ alius tuadeatur). Philosophiam ita vult esse de suo fine sollicitam, vt non censcat Philosophum, si quis felicitatem aliis, non sibi parare contendat. Hîc ipsi quoque Stoici spectasse videntur, dum Philosophiam definierunt *Exercitationem artis conuenientis*, qui describentes Sapientiam, rerum diuinarum, humanarumque scientiam, id solum dixere specialius, quod rationibus, sermonibusque disquisitum, vitam beatam parat. Hîc etiam Aristoteles, qui in Metaphysicis ita Philosophiam definit *Veritatis scientiam*, vt statim declarans functiones illius contemplationem & operationem, contemplationis finem dicat veritatem, operationis ipsum opus; ac deinceps in Ethicis, ad felicitatem referat vtramque. Hîc & ipse Plato, qui non alio sensu dixit Philosophiam esse *Exercitationem mortis*, quàm vt indicaret alluiscendum esse in fœuocando animo à rebus corporeis, cogendoque vt secum sit, & dignioribus cogitationibus incumbat; hoc enim modo *Animum scernere à corpore*, nihil aliud est, vt Cicero interpretatur, quàm *emori discere*. Hîc quod ipse Cicero aliàs, dum præclaram illam in tertiam Tusculanarum Præfationem concludens, *Est profectò*, inquit, *Animi medicina Philosophia, cuius auxilium non vt in corporis morbis petendum est foris; omnibusque opibus, viribusque, vt nosmetipsi nobis mederi possimus, elaborandum est*. Adderem alios; sed hoc sufficiat; cum vita beata iuxta Epicurum iu corporis, & animi, sed huius præsertim, sanitate consistat, Philosophiam in eo esse, vt ex Virtutum ac potissimum temperantia praxi sanum corpus præstet, quantum per humanam fragilitatem fas est; & ex cognitione, ac æstimatione rerum debita, Animum sanum, hoc est tranquillum terroribus putâ, ac inanibus cupiditatibus liberum; quantum per humanam imbecillitatem licet, efficiat. Agnosces exinde, quò respiciant trita ex Lucretio carmina.

*Suauem mari magno, turbantibus æquora ventis,*

*E Terra magnum alterius spectare laborem:*  
*Non quia vexari quemquam sibi iucunda voluptas;*

*Sed quibus ipse malis careas, quia cernere suauem sibi.*

*Suauem etiam belli certamina magna tueri,*  
*Per campos instructa, tua sine parte pericli:*

*Sed nil dulcius est, bene quàm munita tenere*  
*Edicta doctrinâ Sapientum templa serena;*  
*Despicere vnde quæas alios, passimque videre*

*Errare, atque viam palantes querere vitam;*  
*Certare ingenio, contendere nobilitate,*  
*Nolleis, atque dies niti præstante labore,*  
*Ad summum emergere opes, rerumque potiri.*

Et

Et quæ sequuntur.

*O miseris hominum mentes ! ô pectora cæca !  
Qualibus in tenebris vitæ , quantisque per-  
iculis*

*Degitur hoc aui , quodcumque est ? nonne vi-  
dere 'st*

*Nil aliud sibi naturam latrare , nisi ut , cum  
Corpore seunctus dolor absit , mente fruatur  
Iucundo sensu , curâ semota , metûque ?*

Sed modus esto ; Tu annos Nestores corpo-  
re simul , ac mente sanus , Vale , Parisiis , po-  
stridie Non. Februar. M. DC. XLII.

*Berecullio & Ber-ville perpetuam salutem ,*

### E I D E M.

**S**cripsi mox ad te , & pluribus quidem ,  
via compendiosiore. Hæc iam post-scri-  
bo , vt significem Viri nobilis legitimum vo-  
tum. Is est Paulus du May Diuionensis Sen-  
nator , qui vt cum Peireskio dum vixit , amicitiam  
coluit , ipse quoque & literarum , & Li-  
teratorum amans , ita pridem tanto affectu ,  
quantum verbis vix liceat explicare , profe-  
quitur. Sunt illi Cognati , fratrum nempe  
vnus , & ex fratre altero Nepos , ciues Tolo-  
sates , qui graui lite contestaturi in Senatu  
Prouinciæ , te haud-dubie sunt inuisuri. Ad-  
nixus est ipse , qua est caritate , eorum dissidia  
componere , & Condæi quoque Principis il-  
lustris , à quo impensè diligitur , interposi-  
tam fieri auctoritatem procurauit. Nihil pro-  
ficere cum potuerit , superesse existimat , vt  
iuri dicendo locus permittatur. Et quia tamen  
subueretur , ne qui prior accesserit , bonitatem  
inuocet tuam , vt tuo patrocinio causam adiu-  
ues , idè exoptato te exoratum , vt ad hæc opor-  
tetur neutri fauces , aut vtrique fauens , vtrique  
se author Patriam repetat , Arbitròsque à Prin-  
cipe memorato delectos audiat. Quoniam verò  
illum non latet , quanta in me sis propen-  
sione , idcirco id tibi per me innotescere ex-  
petit ; qui posset profectò , vt tu optimus , ipse  
merentissimus est , nullo vt intercessore. Ego  
autem & morem gero , quoniam ius amicitiae  
est ; & tantò facio alacrius , quantò id quod ,  
quæso , tuæ dignitati , æquitatiq; est consen-  
taneum ; ac certus sum , te pro tua illa in me  
beneuolentia æqui , bonique consulturum. Vi-  
ue , & Vale , PRINCIPVM DECVS. Parisiis ite-  
rùm , postridie Non. Februar. M. DC. XLII.

PAVLO DV MAY , Senatori Di-  
uionensi ,

PETRVS GASSENDVS S.

**E**cce , Fabroti nostri manu tuas accipio  
literas , ac statim conscribo , quas dari  
per me ad optimum nostrum Pro-Regem de-  
poscis. Haud eas obsequar , vt si fortè velis  
propriis ipsis adiungere , possis , quod fortassis  
non fuicrim satis assequutus , declarare. Gra-  
tias tibi habeo pro significata Roberti vale-  
tudine , abs quo nullas habui literas hac vice.  
Quidquid in illum humanitatis , officiiq;  
contuleris , id mihi fore collatum nôsti , Quod

de vindiciis Lazari , Magdaleneque nostratium mones , opis meæ sanè non est. Quæstio  
facti est , quæ aut Actis , aut testibus decidi  
debet ; ego idoneis destitutor , solamque Ma-  
iorum meorum , quam piè sequar , pietatem  
habeo. Deus qua bonitatem est , veritatem pro-  
sterni , aut iacere non sinet. Vale. Parisiis ,  
postridie Non. Februar. M. DC. XLII.

LVDOVICO VALESIO , Principi  
Optimo ,

PETRVS GASSENDVS  
Evdææ filius.

**Q**uoniam superioribus literis dictum sit Phi-  
losophiæ finem non alium , quàm felicitatis  
adeptionem esse , non est , cur alia oc-  
casione factam ipsi originem , quàm ex eius-  
dem felicitatis desiderio existimemus. Nam  
causa quidem apud Platonem , Aristotèlem  
que admiratio est ; verùm ne admiratio qui-  
dem ad Philosophandum , seu requirendum  
causas instigat , nisi quia res molesta est , & in-  
felicitatis pars , in ignorance versari. Cæ-  
terum Epicuro quoque eam philosophandi  
occasionem fuisse ex hisce Lucretij carmini-  
bus intelliges.

*Nam cum vidit hic , ad vitium que flagi-  
tat vsus ,*

*Et per que possent vitam consistere tutam ;  
Omnia iam sermè Mortalibus esse parata ;  
Diuitiis homines , & honore & laude po-  
tenteis*

*Affluere , atque bonâ naturæ excellere sanâ ;  
Nec minus esse domi quidquam tamen anxia  
corda ,*

*Arque animum infestis cogi seruire querelâ ;  
Intellexit , ibi vitium vas effecere ipsum ,  
Omniâque illius vitio corrumpier intus ,  
Quæ conlata foris , & commoda cunctique vi-  
nissent ,*

*Partim quod fluxum , perturbumque esse vi-  
debat ,*

*Vt nulla posset ratione experier vnquam ;  
Partim quod retro quasi conspurcare sapore  
Omnia cernebat , quacumque receperat intus .*

*Veridicis igitur purgauit pectora dictis :  
Et finem statuit cuppedinis , atque timoris ;  
Expofuitque bonum summum , quod tendimus  
omnes ,*

*Quid foret , atque viam monstrauit trami-  
te promo ,*

*Quâ possemus ad id recto contendere cur-  
su , &c.*

Quandoquidem verò Epicurus nec primus ,  
nec solus fuit philosophatus , & requiri po-  
test ex quo vsque tempore Philosophia oc-  
cæperit : non est primum , cur immoremur  
circa vocis originem , cuius Authorem Py-  
thagoram fuisse , cum Leonti Philaistorum  
Regi roganti quantum saperet , respondit , si  
nihil aliud , quàm ἀνθρώπων ἦν , Sapientia esse su-  
diosum ; restantur Cicerò , Laërtius , Lactan-  
tius , & complures alij. De re ipsa quæstio cum  
sit , fabulas præterco , vt quod legitur cum  
Zoroastre ,

Zoroastre, Persarum Philosopho, quinque annorum millibus ante Troie excidium; quod de Vulcano, qui Philosophiam apud Aegyptios primus docuerit quinquaginta annorum millibus ante Alexandrum Macedonem; & id genus alia similia. Dico solum, sub nomine Sapientum celebrari in Græcia septem illos, qui fuisse non multum antiquiores Pythagora; quamquam historia de Tripode apud Laërtium memorata arguit Sapientis nuncupationem & recusatam ab ipsis, & vni Deo tributam fuisse. Succurrit locus ex Cicrone, quem non pigebit exscribere. Itaque, inquit, & illos septem qui à Græciæ sapientes à nostris & habebantur, & nominabantur, & multis ante sæculis Lycurgum, cuius temporibus Homerus etiam fuisse ante hanc urbem conditam, traditur; etiam Heroicis ætibus Vlysses, & Nestore acceptissimus, & fuisse, & habitos esse Sapientes. Nec vero Atlas sustinere Cælum, nec Prometheum affixum Caucasus, nec stellatum Cephæus cum uxore, genero, filia traheretur; nisi Cælestium diuinæ cognitionis nomen a ratione ad errorem fabula traduxisset; & quibus ducti deinceps omnes, qui in rerum contemplatione studia ponebant, Sapientes & habebantur & nominabantur. Hæc ille; quibus nihil antiquius apud Ethnicos memoratur, nisi quod ferunt de Mineræ Sapientiæ Deæ, seu Præsidæ, ex cerebto Iouis prognata. Ad nos quod spectat, non Sapientiam modò æternam profitebatur ex Summi Dei Intellectu progenitam; sed creatam quoque, propagatamque, agnoscere eundem Authorem tuemur, ut qui illam primo Parenti initio Mundi indiderit. Sic primus homo celebratur, tanquam primus Sapiens, seu Philosophus, argumentoque affertur, tum quod imposuerit rebus nomina; tum quod ea Sapientiæ monumenta reliquerit, quæ insculpta duabus columnis apud Iosephum recitantur. Successit porro longa serie, ac post diluvium Abrahamus, cuius Sapientiæ testimonium dixerunt ex Etulnicis Hæcæteus, Nicolaus Damascenus, ac Berolus præ cæteris, ex quo Iosephus verba hæc refert. Post diluvium autem decima ætate, erat quidam iustitie cultor, Vir magnus, & Siderali scientia peritus: Subiicit postea Abrahamum, cum venisset in Aegyptum, communicasse cum Aegyptiis numerorum, ac Siderum scientiam. Nam ante Abrahamum, inquit, rudēs erant Aegyptii huiusmodi disciplinarum, quæ à Chaldeis ad Aegyptum profectæ, exinde ad Græcos tandem pervenerunt. Habes heic originem veram, derivationemque Sapientiæ ad Græcos vsque, ex quibus vides rivulos adhuc quosdam deduci. Disserendum foret de speciali modo comparandæ Sapientiæ, sed quia sum iam nimis, sufficiat adscribere vulgatos illos, quos Agellius refert ex Afranio versus.

*Vsu me gemit, mater peperit Memoria;  
Sophiam me vocant Græci, vos Sapientiam.*

Valc, PRINCIPVVM SAPIENTISSIME, Vale ô dulce Decus meum. Parisiis, Eidibus Februarij, M. D. C. XLII.

Gassendi Epistole.

**R**iplex distinxit Epicurus genus Humanum, qui ad Philosophiam nascuntur. Senecæ quippe verba hæc sunt. *Quosdam ait Epicurus ad Veritatem sine ullius adiutorio exisse; fecisse sibi ipsos viam. Hos maxime laudat, quibus ex se impetus fuit, qui seipsos protulerunt. Quosdam indigere operâ alienâ; non ituros, si nemo præcesserit, bene sequuntur. Ex his Metrodorum ait esse; egregium hoc quoque, sed secunda sortis ingenium. Et paulò post; Præter hæc, adhuc inuenies aliud genus hominum, ne ipsum quidem fastidientium, eorum, qui cogi ad rectum, compellique possunt, quibus non duce tantum opus sit, sed adiutore, &, ut ita dicam, coactore; Hic tertius color est. Si quæris exemplum, Hermachum ait Epicurus talem fuisse. Itaque alteri magis gratulatur; alterum magis suspicit. Quamvis enim ad eundem finem uterque pervenerit; tamen maior est laus, idem effecisse in difficiliore materia. Sicille. Cæterum, cum Plato exigat in eo, qui est futurus Philosophus, inuestigandi Veri ardorem, ingenium docile, memoriam firmam, affectus temperatos, laborem constantem; ac præterea felicitatem nascenti in ea Regione, in qua Sapientia excolitur; vnde & Diis gratias agit, quod Græcus fuerit, non Barbarus natus, ea de causa mirum non est, si Epicurus illi consentiens, pronuntiaret apud Laërtium, non in quouis corporis habitu, neque in quavis gente Sapientem nasci. Quod quidem tametsi Clemens Alexandrinus ita fuerit interpretatus, quasi Epicurus censuerit solos Græcos posse philosophari; nihilominus non videtur alia eius fuisse sententia, quam esse perdifficile emergere in virum Sapientem, ac philosophari, ut par est, nisi consentaneæ dotes à natura concessæ sint, & institutio, exercitatio, occasio, exemplum accedant. Certè & habuit ipse amicos ex Aegyptio philosophantibus; & non modò novit Aristippum Cyrenaicum, Diogenem Sinopeum, aliosque non Græcos, philosophatos fuisse: sed cæteros inter Democritum ipsum abiisse procul philosophantium cum Aegyptiis, Chaldeis, Magis, ac Gymnosophilis. Quo loco admoneor, ut paucis percutram quos novimus olim apud varias gentes præter ipsos Græcos Philosophiam coluisse. Itaque in extrema India celebres fuere Gymnosophilistæ, quos inter præcipui fuere, qui dicti sunt Brachmanes; nempe fuere & alij dicti memorato Alexandrino Sarmates, Straboni Germanes, ac in ipsis Hylobij, seu in sylvis ætium degentes. Præterea autem Pramniæ, quoniam illi quasi Sophistæ inter Gymnosophilistas fuerunt, Celebres deinde fuere apud Persas Magi, quorum Princeps Zoroaster, & apud Babylonios, Assyriosque Chaldei; tametsi Cicero & alij Chaldæorum nomen non artis, sed gentis putant; fortè quia, ut Diodorus habet, Philosophia erat quarundam familiarum propria, traditioneque acquirerebatur. Fuere apud Iudæos Pharisei, Sadducei, & Essæi, seu Esseni; quos postremos Plinius, & Porphyrius*

M



rius commendant. Apud *Ægyptios* autem celebratissimi fuerunt *Sacerdotes*, ad quos non modò Democritus, sed Plato quoque & Thales, & Solon, & Pythagoras (qui ut posset eorum mysteria cognoscere, etiam circumcisionem ex Porphyrionis est passus) & plerique alij. Memorat D. Hieronymus in *Æthiopia Gymnosophistas* cum eo accessisse Apollonium scribit: & ne mirere, Lucianus illos Indorum propaginem facit. Memorat D. Augustinus in Mauritania *Atlanticos*, seu *Libyos*, Sectatores nempe Atlantis, & Herculis, qui primi in ea Regione sunt philosophati, ac de rebus præsertim Cælestibus, ob quarum peritiam, & propter spheræ inuentionem dicti sunt Cælum sustinere. Memorat idem Sanctus Pater *Hispanos Philosophos*; sed qui illi fuerint, nobis incomperum. Iam de *Druidis* nostratibus nihil est, quod adiciam; de quibus apud Cæsarem & alios tam multa. Obseruo solum videri illos, cum ex Britannia aduenissent, successisse memoratis Diodoro Saronidis, & Straboni Vatribus, quibus antiquiores adhuc fuerint *Samothæi*, *Samothæi-ve* Laërtio dicti. Nihil proinde addo de *Bardis* Gallorum Poëtis, quorum non Strabo modò, & alij meminerunt; sed Lucanus etiam illis versibus tibi profectò non ignoratis.

*Vos quoque, qui forteis animas, belloque peremptas*

*Laudibus in Cælum Vates demittitis auum,*  
*Plurima securi, fuditis carmina Bardis.*

Fuere præterea *Tyrreni*, seu *Etrusci* in Italia: *Sacra famina* in Germania, & vterius *Geta*, *Scythæ*, *Hyperborei*, de quibus vix quicquam præter notiam apud memoratos Alexandrinum, Augustinumque habetur. Nam quod Zamolxis, Geres, & Anacharsis Scythia philosophati fuerint; ad ipsos Græcos est referendum; vt referendum etiam quod Lucianus de Orpheo, & Eumolpo Thracibus scribit. Sed hæc iam satis. Tu philosophare, ac æternum Vale, D E C V S P R I N C I P I V M, & Præsidium meum. Parisiis, IX. Kal. Mart. M. D. C. XLII.

PHILIBERTO DE LA MARE,  
*Senatori Diuionensi,*

PETRVS GASSENDVS S.

**A**ccepi cum literis tuis egregium tuum illud de Burgundico bello commentarium. Egredium, inquit, reuerà enim nihil mihi ex eo inter legendum non placuit, nisi quod nimis propere factum iri finem ex mole præfensi. Et quam ardentem, putas, exoptavi, vt quo stylo, ac studio illam Landonæ obditionem exsequutus es, aggressus fuisses cætera, quæ non ad bellum nuperum modò, sed vniuersè etiam ad Burgundicam attinent historiam. Perge modò, Vir Erudite, nam si hoc quidem opusculum, nihil fuit aliud, quam prodromus, est cur te magnam oppidò gloriam esse consequuturum speres. Gratias, quam possum maximas pro tuo in meum

Robertum affectu & habeo, & dum viuam habebò. Explorata mihi magis eius fides, quam vt dum tuæ beneuolentiæ argumenta commemorat, commendatque diffidere possim. Sed nempe tu nimis es bonus, qui esse vis magis, quam videri amicus. Esto igitur æque in vtrumque; nam ego quidem illum, quam me habere cariorem non possum. Vale, Parisiis, IX. Kal. Mart. M. D. C. XLII.

LVDOVICO VALESIO, Principi  
*Optimo,*

PETRVS GASSENDVS

*Eudæmon.*

**O**bscrbam nuper meas literas, cum tuus ille Victoris Abbas, hominum vrbatissimus misit ad me tuas, etque ipsemet statim insequutus. Vocabant me etiam aliò quædam curæ; adeò vt ne post-scripto quidem licuerit mentionem tuarum facere, quarum me profectò decuit meminisse. Nempe & illæ conscriptæ fuerant vrgente discessu apparatu in Aulam, & tantum temporis succideras, quantum sufficeret, tum vt quid rerum egisses, faceres perspectum; tum vt significares quam tibi id sit, quidquid scribo, non iniucundum. Verum tu mihi hætenus eam fecisti confidentiam, vt nihil penè non audeam; & si quid culpæ sit, ipse, dum nimis bonus es, videaris solus esse in culpa. Nunc, cum tibi grata res sit, ire pergo eandem meam, vt non improbatà Apologiam, quæ de Viri moribus est, suppetat vnde ferre quoque de Doctrina iudicium possis. Ac non malè quidem es subodoratus me mea persæpe interpositurum ratiocinia; sed me etiam est, ita cæterorum antiquorum Philosophorum iunctextere Placita, vt credere possis non vnus magis, quam omnium simul Philosophiam esse. Heinc est, quamobrem videas me in istis Philosophiæ Proæmialibus immorari. Quippe non vnus, sed plurius inuestiganda sapientia est. Cum superioribus porrò literis illos recensuerim, qui antiquis præter Græcos philosophari memotantur, & sim consequenter dicturus de Græcis, ex quibus Epicurus fuit, & à quibus eam quæ sola penè cognoscitur, habemus Philosophiam; Tria quædam hoc loco præmitto. Vnum est, quod te obseruasse apud Empiricum memini, treis generales philosophandi apud Græcos rationes fuisse; Dogmaticam, Acatalepticam, Scepticam. Quicunque enim existimant se veritatem inuenisse, illi *δωματα*, seu *Decreta* rata, certaque tradiderunt, vnde sunt dicti *Dogmatici*, quales Peripatetici, ac Stoici fuerunt. Quicunque verò sunt opinati veritatem adeò occultam, vt esse *ἀγνώστου*, seu *incomprehensibilem* putarint, ij *Acataleptici* dicti sunt; cuiusmodi fure Academici ab Arcefila præferim instituti, qui ne verissimilitudinem quidem retinuerunt; & cum Socrates dixisset se hoc vnus scire, quod nihil sciret, ipsi-ne se hoc quidem scire, an nihil scirent professi sunt. Quicunque demum neque

que statuerunt verum innentum, comprehensumque, neque censuerunt inueniri, comprehendique minimè posse, sed assensum sustinentes, in eo quatenus remanserunt, ij *arri & sapienter*, seu à *consideratione*, *Sceptici* appellati sunt, veluti etiam *Ephesici* *id est* *inimici* à *cohibitione assensus*; tales autem fuerunt Pyrrhonij, ad quos tamen Epicurus, pertinere interdum videatur, ac præsertim circa Meteca, seu Sublimia, atque Cælestia; at tamen ad Dogmaticos, quod dogmata, tradiderit, & Sapientem esse traditurum censuerit, videtur esse referendus. Alterum est, duos generaleis fuisse Philosophiæ tractandæ modos; vnum obscurum, alium perspicuum. Et obscurum quidem sectati sunt, tum qui fabulis Dogmata obuelarunt, vt fecisse creditur Homerus, & qui res Diuinas ac naturales descripserunt Pœtice, vt Empedocles, Xenophanes, Parmenides, aut moraleis per Apologos, vt Æsopus; tum qui symbolis, Aenigmatibusque Placita obdixerunt, vt Pythagoras, & plerumque Plato; tum qui styli obcuritate, vt Heraclitus qui propterea dictus est *obscuro*, *tenebricosus*; & Aristoteles, qui Alexandro de librorum Acroatico-rum editione conquerenti, rescripsit *illos sic editos, quasi non essent editi*, & ab Attico comparatus est sepia atramentum effundenti. Perspicuum autem sequuti sunt Aristippus, Zeno, Pyrrho, ac præ cæteris Epicurus, cui, vt antè scripsi, *sepius vnice placuit*, & cuius Sectatores fuerunt semper animati aduersus obscuritatem, veluti Colotes dum apud Macrobiū improbat figmentum à Platone usurpatum; & Lucretius dum Heraclitus ab eo dicitur.

*Clarus ob obscuram linguam, magis inter inanes,*

*Quàm de Græcis inter Græcos, qui vera requirunt,*

*Semper enim solidi magis admirantur, amantque,*

*Immersi quæ sub verbis latentia cernunt.*

Tertium est, fuisse Græcorum Philosophiam in varias *separatos*, seu Sectas diuisam, quæ sumperint nomen, aut à Sectæ Principe, vt Pythagorica, Epicurea; aut ab eius Patria, vt Cyrenaica, Megarica; aut à loco, vt Academicæ, Stoica, aut ab adiuncto, vt Peripatetica; aut à modo, vt Ephesica; aut ab instituto, vt Cynica, &c. Vt illæ autem reducantur ad certa quædam Capita, præscribenda imprimis est tota Pœtatorum factio, qui seu præcelsere Troianum excidium, vt Musæus, Linus, Orpheus, seu sequuti sunt, & Olympiadas præcelsere, vt Homerus, Hesiodus. Cum verò Olympiadum circiter quinquagesimam floruerit illud celebre Septem vocatorum Sapientum examen, ex quibus fuit Thales, qui docuit in Ionia; & circiter sexagesimam Pythagoras, qui in illa Italiæ parte, quæ olim magna Græcia, nunc Calabria dicitur; idè dicere possumus ex illis vsque temporibus cœpisse duas matres Sectas, *Ioniam*, & *Italicam*, ex quibus aliæ sint deriuatæ. Verum de ipsis postea. Tu interim, optime Vale, DECVS PRINCIPVM, De-

*Gassendi Epistola.*

cus meum dulce. Parisiis, pridie Kal. Mart. M. D. C. XLII.

*Si iam Aquas-Sextias redieris, Berecnilium aq̃uè ac Ber-villam saluto. Hunc ipsissimum versum occipiebam, cum alias accepi abs te literas, Deum immortale! quam mihi nimium tua illa nimia bonitas tribuit.*

## E I D E M.

Abes iam Thaletem Milesium fuisse Principem Sectæ Ionice, qui habetur etiam Physicæ inuentor. Successit porrò illi Anaximander Præceptor Anaximenis, cuius auditor Anaxagoras Philosophiam transtulit Athenas. Huius successore Archelaus Magister fuit Socratis, qui relicto Physicæ studio, solam excoluit Ethicam; isque fuit interea, ex quo, vt ex fonte centesimam circiter Olympiadem, Nobiles profluxerint Sectæ; etenim ex eius auditoribus Plato quidem docens in Suburbio *Academia* dicto, instituit Academicam: Antisthenes in Gymnasio *Cynosarge* dicto, Cynicam: Aristippus dictam à Cyrene Patria Cyrenaicam: Euclides dictam similiter à Megara, Megaricam, & Phædon ab Elide, Elidensem. Cum Plato verò præter Aristotelem, (de quo postea) auditores haberet cum Speulippum Sororis filium, tum Xenocratem; successere isti in Schola; & cum Zenocrati successerit Polemon, successere Polemoni Crantor, & Crates Atheniensis; ac eatenus fuit Verus Academia subsequutus Arcefilas, author *Acatalepsiæ*, instituit Academiam appellatam *Mediam*, vt & Lacydes eius discipulus dictam *Nouam*, seu *Tertiam*: Nisi quòd non-nulli ipsam referunt ad Carneadem auditorem Hegesimi, cuius Præceptor Euander Lacydem audiuit. Cum Carneadi successisset Clitomachus, discipulus istius Philo instituisse dicitur *Quartam*, & Philonis auditor Antiochus *Quintam*; idque ipsis iam Ciceronis temporibus, qui & illum audiuit, & istius familiaris fuit. Incomperit quæ fuerit deinceps successionis series: cum Cicero ipse, Plutarchus & alij in Academicis habeantur. Quod autem sub Alexandro Imperatore cœperit noua factio, è qua fuere Ammonius, Plotinius, Porphyrius, Iamblichus, & alij; isti non iam amplius Academici, sed Platonicæ fuere dicti. De Aristotele vt iam dicam, is à magistro Platone disciscens, in *Lyceo* docuit, & Peripateticam idè dictam, quòd deambulando doceret, instituit. Successit illi Theophrastus Præceptor Stratonis, cuius auditor Lycon discipulum habuit Aristonem magistrum Critolai, qui vnà cum memorato Carneade Legatus Romam venit tempore Catonis maioris. Post Diodorum Critolai discipulum ignoratur successorum series: cum memorentur tum & Cratippus Ciceronis tempore, & Nicolaus Damascenus & plerique alij: ne aliquid dicam de Interpretibus, Alexandro, Themistio, Olympiodoro, Simplicio, Philopono, &c. qui sub Imperatoribus floruerunt. Quod ad Sectam Cynicam spectat, Antisthenis discipulus celebris ille Diogenes fuit;

M 2

cuius

cuius auditor Crates Thebanus, Præceptor fuit Leonis Citiensis, à quo instituta fuit nova Secta dicta Stoica *in à suis à portica variegata*, in qua docebat. Successit Zenoni Cleanthes; huic Chryssippus; huic Zeno Sidorius, quem sequutus Diogenes Babylonius tertius, cum Carneade, & Critolao Romam venit. Huius successorum Antipatrum audiuit Panætius, qui fuit Scipionis Africani familiaris, & Præceptor Polidoni, quem Pompeius Rhodi inuifere voluit. Cum nos heic series deficiat, habiti sunt tamen deinceps inter Stoicos multi magni viri, Seneca, Epictetus, Antoninus Imperator, & alij. Ita cum series Cynicorum in Cratete deficiat, fuere tamen deinceps inter illos magni nominis Demetrius commendatus à Seneca, Demonax à Luciano, & plures, &c. Quod ad Cyrenaicam attinet, successere Aristippo heinc Arete filia, heinc Antipater. Et Arete quidem Aristippum filium instituit dictum propterea *pater duxtor*, cuius discipulus fuit Theodorus, Bionis præceptor. Antipater verò successorum habuit Epitimedem, Præceptorem Parabatis, à cuius discipulis Hegesia & Anniceride fuere *Hegesiaci, & Annicerii* dicti. Hegesias porò ille fuit, qui *peribatur, mortis suator* dictus, prohibitus fuit à Ptolemeo disserere de infelicitate vitæ. Quod ad Megaricam, cuius Sectatores etiam Dialectici, & Eristici, siue contentiosi appellati fuerunt: successit Euclidi Eubulides, huic Alexinus, quem sequutus Apollonius Cronus Diodorum Cronum auditorem habuit. Sunt qui velint Euclidis non sectatorem modò, sed etiam auditorem fuisse Stilponem de quo aliquid ad te pridem scripsi. Quod denique ad Elidensem, illa satis obscura est; vixque de ea duntaxat notum, quod Phaedoni successerit Plitantes, istumque audierit Menedemus Eretrias, qui suis deinceps successoribus Eretriarum nomen fecit. Et de Secta quidem Ionica satis. De Italica, Deo volente literis proximè sequuturis. Vale interea, PRINCIPVM DEVS, Parisiis, Non. Mart. M. D. C. XLI.

### E I D E M.

**P** Rincipem Italicae Sectæ Pythagoram fuisse iam dixi. Nempe tametsi Patria Samius, Polyeratis tamen tyrannidem non ferens, secessit in partem eam Italiae extremam, in qua docuit & obiit. Successit illi Thelanges filius, post quem, qui ad decimam usque successiorem seu Philolai discipulos, Aristotelis tempore floruerunt, fuere *Pythagorici, seu Pythagorei* specialiter dicti. Pythagoram aliunde, aut certe Thelangem ut nonnulli volunt, audierunt Empedocles, & Xenophanes, ex quibus ille instituit Sectam Eleaticam dictam, ab Elea, Parmenidis successoris patria; itemque Zenonis, qui Parmenidi successit, idque, cum Heraclitus interea Ephesi philosopharetur. Zenonè porò audiuit Leucippus, Præceptor Democriti, qui Hippocratis, & Socratis temporibus vixit. Democritum audiuit Protagoras, & Metrodorus Chius præceptor Diogenis Smyrnæi,

cuius discipulus Anaxarchus, is fuit, qui coram Alexandro de Mundorum pluralitate disseruit. Auditor Anaxarchi Pyrrho, Sectam instituit dictam Pyrrhoniæ Ephecticam, Scepticam; cuius, aut ante meminimus. Discipulus eius Nausiphanes fuit: at nulli ipsi successere, qui fuerint verè Sceptici ad vsque Ptolemaum quemcumque Cyrenæum, cuius discipuli fuere varij, ac nominatim Euphranor, cuius auditor Eubulides Ptolemaum Alexandrinum docuit, Heraclidis illius magistrum, quem Aenesidemus Zeuxippi præceptor audiuit. Successit huic Zeuxis præceptor Antiochi, cuius successorum Menodotum audiuit Herodotus Tarsensis præceptor Sexti Empirici, qui Plutarchi ex fotore Neopos M. Antonium Philosophum auditorem habuit. Cum illi successisset Saturninus quidam, incomptum est quoque, quæ fuerit deinceps successorum series. Ad Nausiphane Pyrrhonis auditorem ut redeam, is fuit præceptor Epicuri, à quo est Epicurea Secta instituta. Aliquot eius auditores iam commemoravi superioribus literis, ut Neoclem, & ceteros fratres, ut Metrodorum, Polyanum, Idomeneum, & Leontem, Pythoclem, Murem, &c. Sed heic referendus præsertim Hermachus, qui Epicuro in Schola successit. Habuit porò Hermachus quidem successorum Polystratum, hic Dionysium, hic Basilidem; at cum varij deinceps memortentur, Proarchus, Demetrius Lacon, Diogenes Tarsensis, Diogenes Babylonius, &c. ignoratur tamen qua serie deinceps successerint; cum habeamus solum ex Suida, fuisse successiones quatuordecim per annos CC. XXXV. ab vsque Epicuri morte, ad vsque Iulij, & Augusti Imperatorum tempora, quibus floruit Zeno Sidorius, Apollodori successor, & Ciceroni visus, antistiteque. Præterco autem quàm multi Romæ per id tempus floruerint. Nam præter Andronicum Grammaticum; Lucretium Poëtam Cicero antiquiores; ecce ipse memorat ut contemporaneos, Pomponium Atticum, C. Cassium, C. Trebatium, L. Papyrium Patrum, L. Sanseium, T. Albutium, M. Fabium Gallum, L. Pisonem, C. Asininum, Catum, Pausan, complures alios; quibus addi possent ex Poëtis, Virgilius, Horatius, Propertius. An memorabo statim post fuisse Bassum, Aufidium, ac Diodorum, quos Seneca laudat? An statim post, quos refert Plutarchus, Zopyrum Medicum, Alexandrum? An statim post, quos Lucianus, Damidem, Hermonem, Hermodorum? An statim post, quos Galenus Pudentianum, Antonium? An consequenter alios? Addere præstat Laërtium, cum posterius scriberet, memorasse deficientibus ceterorum Philosophorum successiõibus, Epicuri successiõnem continenter perseverare, idemque posterius testatum Eusebium, itemque Lactantium, & alios. Notandum verò præ cæteris locus apud Eusebium, ubi aliunde Numerius exaggerat summam Epicureorum consensionem, locos quàm eueniret Platonis, Stoicis, aliis, quos fuisse diuisos in factiones constat; sic habet, *Heino propter constantem illorum in-*



rer se consonantiam, Dogmata placidissimè, pacatissimèque se habent: hæcque Epicuri Institutio Republicæ cuiuspiam vere, germanaque persimili est, quam nempe à seditione remotissimam una mens communis, unaque moderata sententia. Ex quo nec defuerunt, nec desunt, neque ut apparet defuturi sunt, qui perlibenter illam sequantur. Sic ille. Idem est postmodum testatus Themistius, dum Epicuri Placita seruari apud Sectatores, ut Leges Lycurgi, aut Solonis scripsit. Et ne similia ex Cicrone, aliisque resumam, sufficiat illud Senecæ. Apud istos quidquid dicit Hermachus, quidquid Metaxodorus ad unum refertur: omnia, quæ quispian in illo contubernio loquutus est, vniui ductu & auspicio dicta sunt. Hæc iam satis. Tu semper Vale, DECUS PRINCIPVM, & Præsidium meum. Parisiis, pridie Eid. Mart. M. DC. XLII.

Cum illustrissimus Princeps Condauus lectâ iteratâ Peireskij Vitâ expetiisses Videre me, accessi ad illum ante duos dies, ipse verò & me exceptis humanissimè, & ut aliquoties conuenirem inuitauit.

## E I D E M.

**Q**uas ad me quinto Eidus scripsisti, voluit tuus Abbas sua reddere manu: nôram iam quæ te habuissent negotia; nôram fuisse te in procinctu, vt Arelatem discederes; quate nihil minus quàm literas ista occasione abs te expectabam. Verùm quæ tua bonitas fuit, quæ animi tranquillitas, etiam me hac vice voluisti, & potuisti beate. Ego, cum literis postremis, vt de cæterarum Sectarum, sic de Epicuræ præsertim successionem perscripserim, commemorare iam deberem quæ monumenta ex singulis, ac Epicuræ præsertim superfint. Atramen in his recensendis cur deceram tempus non est; cum si Platonis, Aristotelisque, & Interpretum doctrinæ ipsorum opera seposueris, & quæ Sextus Empiricus pro instituto Pyrrhonio scripsit, quæ Arrianus ex Epicteto iuxta Stoicorum Placita collegit, paucâque alia adieceris; vix aliquid præter fragmenta habeamus. Nempe, vt illos præteream, qui nihil scripserunt, vt plerique sentiunt de Pythagora, qui Gymnosophistas, Chaldæos, Sacerdotes Ægyptios, Druidas, aliisque imitatus, non scripto, sed voce, & per Cabalam vt loquuntur, Dogmata sua tradidit; exstiteret cæterorum numerosissima opera, temporum iniuriâ planè exciderunt, nisi si quæ transcripta existant in libris superstitibus. Huic fato inter cæteros obnoxi Epicurus fuit, qui tamen si plura, vt Lærtius habet, quàm Aristoteles scripserit; nihil tamen ad nos ex ipso peruenit, præter paucas Epistolas, & Ratas, vt Cicero appellat, Sententias *Kueias dicitur*, quas idem Lærtius transtulit in decimum librum. Cætera sunt veluti scopæ, quas ex Cicrone, Seneca, Plutarcho, Empirico, aliis colligere licet; nisi quodd tres personæ sunt in Ciceronis Dialogis, quæ videri possunt Epitomen quandam Opinionum Epicuri, ac potissimum Moralium texuisse; Torquatus primo de finibus: At Gassendi Epistola.

ticus primo de Legibus; Velleius primo de naturâ Deorum: quin etiam factura tot Voluminum, quæ de rerum natura Epicurus scripserat, tantò ferri facilius potest, quantò Lucretius iis sex libris, qui de eodem argumento supersunt, videtur fuisse omnia illius Physica Dogmata complexus. Proposueram de Philosophiæ partitione addere pauca; sed quia occurrit impræsentiarum quod aliò diuertat, modumque præscribat; ideò hac de re, proxima occasione Lucretij mox memorati ex Ouidio succurrit.

*Carmina sublimis tum sunt peritura Lucreti,*

*Exitio Terras cum dabit vna dies.*

Tu benè Vale, PRINCIPVM OPTIME, & Decus meum dulce. Parisiis, XII, Kalend, April. M. DC. XLII.

## E I D E M.

**L**Xequor ecce his literis quod fui nuperis præstiturus. Scilicet paucis de Philosophiæ partitione dicendum restat, vt ipsas deinde partes aggrediamur. Itaque, ne multa conlecter, solet Philosophia bifariam distribui. Et primum quidem in *Contemplatiuam, & Activam, θεωρητικὴν, & πρακτικὴν*, quod non Aristoteli modò solemne est, sed etiam Platoni ex Alcinoò, Stoicis ex Seneca, denique ipsi Epicuro. Docet Plutarchus Contemplatiuam esse, quæ in ipsa rei disquisitione speculatione conquiescit, vt dum quaeritur, *Sitne Sol animal? Sitne aliquid extra Mundum?* Activam verò, quæ præterea ad actionem viræ contendit, vt dum quaeritur, *Quomodo vita sit instituenda? quomodo oporteat liberis præesse?* cum constet autem partem activam esse Ethicam, quatenus tanquam sui partis complectitur Monasticam, Oeconomicam, Politicam: est aliqua tamen inter Philosophos circa Contemplatiuæ subdiuisionem discrepantia. Quippe cum Aristoteles species illius fecerit treis, Philosophiam primam, seu Theologiam (quam etiam Metaphysicam Sectatores appellauerunt) Physicam, & Mathematicam; Cæteri habuerunt Mathematicam cum suis illis speciebus, Geometria, Arithmetica, &c. non inter partes Philosophiæ, sed inter Artes liberales. Quod spectat ad Theologiam, Plato quidem illam vt partem à Physica distinctam habuit, appellando Dialecticam, quatenus ratione, & discursu ad diuinam assurgitur: at Stoici, Epicurei alij fecere partem Physicæ, provt Physica causas inuelligans, agnoscit in ipsis diuinæ, ac potissimum Productricem, Conferatricem, Gubernatricem naturæ rerum. Secundò celebris est Diuisio in treis illas partes, Logicam, seu Rationalem, nomine alio Dialecticam, Physicam, seu Naturalem; Ethicam, seu Moralem: sed aliqui vnicam tantum ex his partibus admisserunt, vt Eubulides Logicam, Thales Physicam; Socrates Ethicam; nonnulli duas solum, vt Xenophanes Logicam, & Physicam; Archelaus Physicam, & Ethicam; Cyrenæici Ethicam, & Logicam:

Cæteri treis simul, vt non modò Stoici, sed etiam Plato, Aristotelesque (ex Cicerone, & aliis) ac ipse demum Epicurus. Etenim, licet Epicurus vnica ferè Ethicam probàrit; admisit tamen Physicam, vt necessariam Ethicæ, & licet videatur repudiassè Dialecticam; quia tamen ipsa fuit duntaxat Stoicorum Dialectica, Canonicamque ipsi substituit, Tertiam quoque partem sub nomine alio, vt Seneca habet, induxit. Non addo heic quemadmodum Stoici Philosophiam comparantes cum agro dixerint Physicam esse quasi arbores, Ethicam quasi fructus, Logicam quasi sepeis; & comparantes cum ouo, vitellum esse Ethicam, albumen Physicam, testam Logicam, & comparantes cum Animali, Ethicam esse Animam, Physicam sanguinem, & carneis; ossa ac nervos Logicam. Addo potiùs quod attinet ad tractationis ordinem; Panætium quidem, ac Posidonium censuisse initium faciendum esse à Physica; & Diogenem Ptolemæensem ab Ethica; sed Zenonem tamen, & cæteros Stoicos, Aristotelem quoque & alios, ac nominatim Epicurum, voluisse à Logica esse auspicandum. Sic cum Chrysippus ex Stoicis, & Simplicius ex Peripateticis, Ethicam Physicæ præmittendam censuerint, cæteri tamen existimârunt Physicam esse præmittendam. Ex his proinde fuit Epicurus, qui vt habuit Canonicam quasi procemium Physicæ, ita autumnauit sine Physica seu contemplatione rerum naturalium constitui non posse Ethicam sue doctrinam de fine bonorum. Aristoteles causam censuit, quòd Adolescentes ob passionum vehementiam non sint Ethicæ auditores idonei, qui sint tamen Mathematicæ (adde & Physicæ) capaces. Verum quid id sit, cognoscendum est ex perspectis partibus de quibus deinceps Deo propitio erit agendum. Tu interea Vale, OPTIME PRINCIPVM, Præsidium & Decus meum dulce. Parisiis, v. Kal. April. M. DCC. XLII.

## E I D E M.

**I**teras accepi, quas date ad me v. 111. Kal. cum iam Arelate rediisses, voluisti. Composuisse te porò eius Ciuitatis dissidia nihil mirum est; ecquis enim tibi iubenti, vel suadenti potius resistere valeat; cum sis, qui lenire Tigreis, tumidòsque Leones possis? Quomodo possit quæcunque demum populo in magno coorta seditio non illicò frangi, vbi tu primùm affulseris, & tua illa oris maiestate, vocis suauitate, rationis solertia occupæperis dictis animos regere, pectoraque mulcere; quod ais te meas expectare literas, humanitatis est; at quod expectes sollicitè, amoris est; oppidò vehementis. Sed nempe nec reces, nec insolens est amari me nimium abs te; meas nugas abs te aliquid putari. Qualescunque eæ sint, mihi satis est, esse tibi non iniuncundas. Pergo proinde, & cum literis superioribus dictum sit treis parteis Philosophiæ, Canonicam, Physicam, Ethicam iuxta Epicurum distinguui; aggredior de prima pauca scribere. Præmitto autem Canonicam dici, propter librum, qui ab Epicuro inscriptus est *Κανὼν*, si-

ue *Regula*; cum fuerit etiam inscriptus *ἡ περὶ κρίσεως, de iudicio*, seu *iudicandi instrumentum*, ex quo effectum est, vt Cicero aliquando *Regulam*, aliquando de *Regula*, & iudicio librum citàrit; ne memorem apud Plutarchum *Κανὼν*, seu *Regulas* dici ob complexione[m] plurium Regularum. Cum porò vox Canon transferatur ad varia; tam potuit tamen isti Epicuri, quàm celebri illi Polycleti libro contineri, à quo, vt à lege, Plinius memorat peti solita artis lineamenta. Quippe vt Statuarius in suo Canone *proportiones omnes corporis descripsit, & mox opere præcepta probauit*, quod à Galeno etiam adnotatum est; ita Philosophus in suo omnia veritatis Criteria, seu iudicia exposuit, & subiecto mox opere, Physica videlicet, Regulas redegit in praxim. Heinc ergo hæc prima Philosophiæ pars Canonica dicitur; ac non minore quidem iure, quàm pars illa Geometria, siue Musica, quæ ab Agellio describitur; siquidem vt illa est *Arts modulandi Canones tradens*, sic ista est *Arts tradens canones diiudicande Veritatis*. Cæterum quoniam hæc Ars est, aut Dialecticæ species, aut substituta Dialecticæ: capropter eius tractationem duobus libris complexus sum, quorum Prior inscribitur de Canonica Dialecticæ substituta; Posterior de Canonibus. Vt autem heic habeas quandam veluti totius opellæ synopsis: ecce requiro Priore libro, quid Dialectica sit, & qualis antiquissima fuerit; quæ fuerit Zenonis, Euclidis, Platonis, Aristotelis, Stoicorum: quatenus Dialectica fuerit ab Epicuro repudiata, & substituta Canonica: quid verum, quid falsum, & de vtriusque Criterio: Veritatis Criterium, qui tollant: qui modi Epoches Scepticorum: Criterium qui ponant: quod nam, & quotuplex Criterium ab Epicuro assignatum. Posteriore autem libro, Canones propono, vnum de Veritate; statuendo aliquid verum esse, ac illud posse diiudicare, & scribi. Quatuor de Sensu Criterio primatio; statuendo non sensum, sed opinionem falli, & quatenus opinio haberi debeat vera, aut falsa. Quatuor de Anticipatione, seu Prænotione, Criterio altero; statuendo vnde sit, & quomodo ex ea aliquid dignosci, rationeque colligi valeat. Quatuor de Passione Criterio postremo; statuendo quemadmodum ex Voluptate & Molestia iudicium de rebus eligendis, ac fugiendis ferendum sit. Duos de Vocum indifferendo vsu, statuendo, vt debeant vtrique à colloquutoribus vsurpari. Hæc itaque sunt, de quibus ad te, Deo propitio singulis deinceps literis aliquid perscribam. Tu interea Vale, DECVS PRINCIPVM, Præsidium & Decus meum dulce. Parisiis, pridie Non. April. M. DCC. XLII.

*Berecullio semper, ac Ber-villa plurimam salutem. Sperarum posse transmittere Exemplum mearum Epistolarum de Apparente magnitudine Solis humilis, & Sublimis; sed ne nunc quidem integra à Typographeio prodierunt; & Bibliopola consilium cepit atroxendi alias de Motu impresso à motore translato. Id nisi sit grane, poterit Berecullius rescire per te. Vale iterum.*

E I D E M.

## E I D E M.

**P** Erſcriptiſt ad me Bereculius, quàm habueris agrè meum illum Antiftitem continenter non meam modò, ſed eorum etiam, ſi qui me amant, aut mea curant, quietem turbare. Quid verò tamen facias; cuius itam minuere, nulla temporis longinquitas poſſit? adeo qui vt terrorem ſui incutiat, nihil ſibi eſſe vindictà dulcius, & gloriatur, & factò probet? Ac me quidem quod attingit, quem quàm gratis oderit, noſti; nihil eſſe quod non facile feram; id ſolùm angit, quod Amici ſic mei cauſa exagitantur, vt de deſerenda vrbe cogitent; adco ſe ille iactat finem, quoad vſque ad vnum omnis exterminarit, nunquam facturum. Verùm, ne te rerum iſtaram recitatione detineam, quas attingere ſolùm volui, vt quas tibi debeo, ob tantum affectum gratias agerem, Occipio, quod recepi nuper, me litris ſequentibus de Dialecticæ conueneraturum. Imprimis Dialecticæ vox non eſt Platone antiquior, qui occaſionem eius ſumpſit à Dialogis, in quibus Interrogans, & Reſpondens mutuò diſſerunt, ac ratiocinantur; ex quo & Dialecticos dixit. Heinc Zeno Eleates Dialogorum ſimul, & Dialecticæ author perhibetur, Laërtiusque id memorans, definiti Dialogum dicit, qui ex interrogatione & reſponſione conſtans inſtituitur de re quapiam Philoſophica, vel ciuili, idque ſeruatò perſona decoro, & apta verborum ſtructura: Dialecticam verò Artem ſermonum, qua aliquid confirmamus, aut reſellimus, conſtantem ex interrogatione, & reſponſione diſſerentium. Non malè proinde Cicero, nunc Diſceptatricem interpretatur Dialecticam, nunc Artem diſſerendi, & vera ac falſa dyudicandi deſcribit. Non heic memoro, quemadmodum Plato, Ariſtoteles, cæterique acceperint: quemadmodum Stoici, aliique alio nomine Logicam appellauerint: obſeruo ſolùm cum ſit paucis de origine, antiquitatēque illi dicendum, non de Naturali, quàm vocant, heic agi, ſed de Artificiali, cuius poteſt duplex quali cauſa agnoſci; Vna ludicra propter artem æquiuocationum, & ſophiſmatum, quam ab otioſis, & luſus gratià excogitam, exultantque fuiſſe, cum Cicero ſcribit, tum Agellius exemplo probat. Altera ſeria, nec alia, quàm quæ circa Rhetoricam à Quintiliano exprimitur, dum Homines, inquit, ſicut in Medicina, cum viderent alia ſalubria, alia inſalubria, ex obſervatione eorum effecerunt Artem: ita cum in dicendo, (adde & in diſſerendo) alia vtilia, alia inuiliſia deprehenderent, notarunt ea ad imitandum, vitandumque; & quædam ſecundum rationem adiecerunt ipſi quoque. Haud abs re porò Dialecticæ, & Rhetoricæ parem cauſam facio; quoniam hæ duæ Artes fuere primitiui diuiduæ, Sapientēſque habiti ſunt, qui ſimul & rationum vi, & verborum gratià valuerunt. Heinc Socrates apud Xenophontem eodem διαλεκτικῆς, & ῥητορικῆς dixit, conſtatque primos Legiſſatores, ac Principes cùm eloquentes extiſſe, tum, vt exiſtenter, meditari prius apud ſe debuiſſe, & rationes varias, & methodum ſcitè, appoſi-

tèque ad perſuaſionem deducendi. Tales fuiſſe Lycugos, & Solones Plato, Ciceroque teſtantur. Tales fuere heroicis temporibus Neſtor, ex cuius ore melle dulcor manabat oratio; Phœnix, qui Achillem eſſe *μῶντος πατὴρα* docuit; Vlyſſes, cui ipſa Minerva adſtituiſſe non alia de cauſa fingitur, quàm quòd proſpiceret quemadmodum foret ratiocinandum, perorandumque. An cùm ſub iſdem temporibus Salomò noſter floruerit, ille nullum veſtigium reliquit? Alia prætereo, notoque ſolùm, quod in hunc modum interrogat: *Quis talis vt Sapiens, & quis cognouiſſet ſolutionem verbi?* itémque quod his verbis habet, *Si multitudine Sapiencia deſideres quis: ſcit præterita, & de futuris æſtimat; ſcit verſutias ſermonum, & diſſolutiones argumentorum.* Vis aliquid adhuc antiquius? Vide Dialogum Iobi cum Amicis, quem plerique autumant à Moſe conſcriptum, & obſeruabis vt illi mutuò ſibi vendicent diſſerendi artem. Tale eſt illud, *Reſpondete, obſecro abſque contentione. Non inferior veſtri ſum; quis enim hæc, quæ noſti, ignorat?* Et, *An, cum cæteros irriſeris, à nullo conſutaberis? quid noſti, quod ignoremus? quid intelligis, quod neſciamus?* Itaque Dialecticæ ars non fuit quidem ſcriptis ab omni auo commendata, ſed in vſu tamen fuit aliquo, ex quo homines mutuò degere, colloqui, aliique aliis perſuadere quidpiam ſtuderunt. Vale, **DECVS PRINCIPVM**, Præſidiuni, & Decus meum dulce, Pariſiis, iv. Idus Aprilis, M. DC. X LII.

## E I D E M.

**E**lectauit magnopere non diſplicuiſſe tibi ſententiam de præhabita cæteris Morali Philoſophiæ parte. Et certè quiſquis attenderit, neceſſe eſt ipſam cæterarum principem habeat, quatenus cæterarum fines ad eius finem diriguntur, ſed hæc aliàs. Nunc vt dicam primùm de Dialecticâ Zenonis Eleatæ, ipſe Ariſtoteles fuit, qui Zenonem Dialecticæ, quemadmodum Empedoclem Rhetoricæ authorem fecit; tamen propter Artium coniugium Empiricus habuit Empedoclem vtriuſque authorem. Inſtitutum porò Zenonis fuit deſciſcere à ritu Poëtarum, qui argumentatione inartificiali rationem reddebant rerum omnium ex ſola Deorum voluntate, *ἢ διὰ δυνάμειν θεῶν*, itémque à more cæterorum Pythagoricorum, qui ſilentis addiſcebant, neque cum Præceptore colloquebantur; ac deinde loco rationis authoritatem eius obtendebant *ἀπὸ τοῦ ἑνός*. Heinc & ratiocinationem inſtituit, & Dialogi forma expreſſit, vnde & illius ars Dialogica fuit; continens putà regulas, quibus ad ſeruandum decorum colloquutores vtrentur. Illam Plato mirè excoluit, nemoque fuit Philoſophorum, qui non ſaltem Sympoſium, Dialogum-ve alium compoſuerit. Ex hac philoſophandi ratione enenit, vt omnis ratiocinatio dicta interrogatio fuerit, quod ex eo tempore vſque Syllogiſmi, non vt nunc ſit, abſoluti, & integrè, ſed in-terrogando & per partes ſolummodò proponerentur. Exempli cauſa, nunc dicimus, *Omnis*



*homo est animal; atqui Socrates est homo; igitur homo est animal. Tunc autem ita procedebatur, Est-ne omnis homo animal, an-non? est sanè. Et Socrates non-ne est homo? profectò. Igitur Socrates est animal? oportet omnino. Vides proinde artem Zenoniam fuisse quasi subtilem quandam confectionum methodum, de qua loquens Proclus, ostendit quemadmodum Zeno tradiderit viginti quatuor confectionum quasi formas, ex quibus manifestum fieret, quid sequeretur, vel non sequeretur, quoties quidpiam compararetur, puta vel idem ad seipsum, vel aliud ad aliud, vel ipsum ad aliud, vel aliud ad ipsum. Fuit & exinde à quibusdam author habitus & iestus, litigiose artis, quam sequutus illum Protagoras mirè prouexit. Sed Zenonis quidem refert Aristoteles argumenta varia, ac potissimum quibus ille probabat nullum dari motum. In ipsis fuit argumentum Achilles dictum, non quòd validissimum foret, quemadmodum Achilles erat Græcorum robustissimus; sed quòd in illo Achilles celer pedibus, cum testitudine tardigrada compararetur; ostendebatur nempe, si vel vno pede testudo Achillem antecesserit fieri non posse, vt Achilles testitudinem nunquam allequatur; quoniam cum testudo nullo non momento spatii quidpiam conficiat, quod nisi successinè seu vno momento post aliud non possit ab Achille confici, tantumdem semper conficiendum interfit. Protagora verò celebratur argumentum, quod ἀντιστροφ, seu reciprocum vocatur, & quo fuit aduersus ipsum Enathlus discipulus vsus. Is se illi ea conditione instituentum tradiderat, vt mercedem non solueret, nisi quo die primo apud Iudices causam egisset, euicissetque. Dum cunctaretur postmodum Protagoras illi diem dixit, & dialemmate hoc est vsus, seu viceris, debebis ex pacto; seu non viceris, ex sententia. Enathlus verò excepit, seu vicerò, non debebo ex sententia, seu non vicerò, non debebo ex pacto. Prætereo autem Iudices causam differentes in longissimum diem, dixisse per-quam lepidè, *Mali corui, malum ouum. Tu bene Vale, PRINCIPVM OPTIME, Præsidium, & Decus meum dulce.* Parisiis, xiv. Kalendas Maij, M. DC. xlii.*

*Patere, quæso, Bereculio, ac Bervilla salutem dici.*

### E I D E M.

**Q**uoniam discipuli Euclidis (à quo fuit Socrates auditus) Dialectici dicti specialiter fuere, sciendum est eius Dialecticam à Zenonia quidem profectam, atque adèd Eristicam, sed speciali tamen adhibito modo. Quippe Euclides illi moris habuit, vt apud Laërtium est, non suppositionibus impugnare demonstrata à cæteris; sed conclusionum frequentia aliis super alias inductis, qui vrgentissimus arguendi est modus. Prætereo fuisse ab eo reiectum à comparatione ductum argumentum, quòd seu simile vsurpetur, illud cuius causâ vsurpatur, præstabilis sit; seu dissimile, id rem non attineat? adnoto verò

Eubulidem eius successorem inuenisse varia Interrogationum, seu Sophismatum verius genera, quorum Stoici arripuerunt non pauca. In iis fuit rō *ἄδελφον Μεντιος*, de quo Africanus Iuris-consultus. Exemplum à quo factum nomen apud Ciceronem sic habet: *Si dicis te mentiri, verumque dicis, mentiris; Dicis autem te mentiri, verumque dicis, mentiris igitur, ἡλίκως*, de quo Lucianus. Exemplum de Electra fratrem non cognitum rogante, ita est apud Sophoclem; *An ille viuit? Si ego quidem, An tu ille es? &c. Ἐλκεταυμίδος*, Obuelatum, de quo idem Lucianus, apud quem etiam est exemplum. *Nōsti tuum Patrem? maxime. Quid igitur, si prope te obuelatem aliquem Statuam, & rogem nōstini hunc? quid dices? scilicet non nosse me dicam. At ille ipse est Pater tuus? quare patrem tuum nōsti, & non nōsti. Σοφιστὴς Αἰερνάλῃς*, de quo Vlpianus, nomen verò habet ab acervo, quem vnico grano constitui, aut destrui iuxta exemplum, quod Cicero habet, ita potest argui. *Vnum granum alteri additum facit-ne acervum an-non? si neges, an tertium duobus additum faciet? si neges, quattuor-ne quinque-ne? atque ita porro, donec vbi confessus fueris, colligatur vnicum esse granum, quo addito acervus fiat, sublato acervus tollatur. Καρπιδὸν Cornutum*, de quo non-nemo; cum exemplum vulgare sit; *Quòd non amisisti, habes; non amisisti cornua; cornua ergo habes.* Fuere præterea *Ἰαλᾶυδαιος Fallax*, & *φαλακρόν, Calum*: sed quorum exempla legisse me non memini. Sunt, qui Obuelatum, & Cornutum referant ad Eubulidum Cronum, quem Cicero facit Eubulidis successorem, vnà cum Stilpone, cùmque Alexino viro contentiosissimo, Diadori potèd argumentum, quo nihil moueri arguebat, sic habuit; *Si quid mouetur, aut quo in loco est, aut in quo non est, at non in quo est, manet enim; neque in quo non est, quia nihil agit vbi non est: non igitur quicquam mouetur.* Nōsti ex Sexto Pyrrhonio, quàm faceret proinde illum Erophilus irriserit, cum afferentem humerum luxatum, vt testitueretur, sic affatus est, *Humerum dicis loco motum? dico ego non esse; nam si est motus, aut quo in loco fuit, aut in quo non fuit, &c.* Stilpon autem cum negaret Species, seu vniuersalia, assererat consequenter eum qui hominem dicit, dicere neminem. Is de Minetua Phydia aliquando rogauit, referente Laërtio, *Nunquid nam Ionis filia Minetua Deus est? certe: Atqui hæc est Phydia profectò: igitur Deus non est.* Neque deuitauit exilium; tamen accusatus apud Arcopagitas responderit se negasse *Deum*, non *Deam*; quod causatus Theodoros quæsiuit, sublata-ne veste spectasset: denique Alexinus Menedenum sic interrogauit, *An verberare Patrem tuum desisti?* Verum ille, quasi Haruspex Haruspice, ita excepit, *Neque verberaui, neque desisti.* Prætereo autem Menedeni, qui enunciations negatiuas sustulit, & ex affirmatiuis connexas, hanc fuisse rogatiunculam, *Diuersum non-nè à diuerso diuersum est? certe, Prodest autem à bono diuersum est? ita sanè. Non est ergo prodest bonum.* Sed ista plus æquo: Tu bene Vale, PRINCIPVM OPTIME, Præsidium,

dium, & Decus meum dulce. Parisiis, vii. Kal. Maij, M. DC. XLII.

## E I D E M.

**N**on miror sanè te comprobare factam à me parem, imò indiuiduam Dialecticæ causam cum Rhetorica. Videlicet te spectare non potes, quin utriusque vim ex æquo agnoscas; sed hæc aliàs. Nunc quod obseruas Dialecticæ vocis autorem Platonem, apposite me admonet, vt quidpiam de eius Dialectica dicam. Itaque supponendum est velle Platonem Animam nostram portionem esse animæ Muudi, & Mentem nostram portionem Mentis, quæ sit ipsius animæ Muudi pars purissima, ac intelligentissima, continensque proinde Ideas, seu existens potius ipsa Idea rerum omnium, vno verbo ipsemet Deus. Vult consequenter Mentem nostram esse ex natura sua rerum omnium scientissimam; sed quarum tamen obliuiscatur, dum à suo toto, siue principio veluti præscinditur, & in corpus demergitur; adeò vt ignoret præcipuè suum illud Principium, quod sit summum ens, summum verum, & summum bonum. Hoc posito vult Dialecticam esse *propria* siue progressionem ex hoc quasi specu ignorantie ad lucem intelligentiæ summi illius Veri, docetque eam progressionem fieri, cum ex rebus istis materialibus proceditur sensui ad immateriales. Nempe censet Mentem per species rerum extremarum excitatam reminisci rerum prius cognitarum, de quibus tandem scientiam labear (cum rerum externarum, siue sensibilium non habeat nisi opinionem) contendit autem studium Matheeseos præmittendum esse quasi *propædæa*, ad annum vsque ætatis circiter trigessimum, (vt Mens assuescat abducere se, siue cogitare res sine materia) ac tum demum Dialecticæ incumbere, illiusque ductu conuicti ad illam primi Entis noticiam; ascendendo nempe ex vmbriis, seu rebus materialibus ad simulacra, seu formas rebus ipsis impressas; & ex simulacris ad illorum fontem, siue Ideam primi Entis, à quo regrediatur, ad quod redeat, in quo denique conualescat. Est autem præsertim Analyfis duplex, in qua *propria* illa consistit; vna dum ex variis rebus sensibilibus, quibus perfectio aliqua, vt pulchritudo inest, elicitur notio eius perfectionis, quæ intelligibilibus conueniat, exempli causâ ipsius Pulchri. Altera, dum ex demonstratis ac subdemonstratis, ad earentem medio propositionem peruenitur, vt dum Animus immortalis ostenditur per viam motus, qui à principio sit, cuius non sit origo. Ad vtamque verò Analyfin tria quædam requirit, diuisionem putâ, quæ rebus debet tributis omnis deuitatur confusio: definitionem, quæ rei cuiusque natura, & sciatur, & exprimitur (videlicet germanam scientiam definitione vult comparari) denique ipsam inductionem, quæ ex singularibus vniuersalia deducuntur, vt ipsis deinde tanquam mediis, seu principiis vri inter ratiocinandum liceat. Ac aliquando quidem etiam inductione à contrariis vitur; verum refellendo dumtaxat,

seu argumentando aduersus Sophistas. Quippe, vt Plotinus declarat, etiam Platonis Dialectica cognoscit mendacia, seu Sophismata, sed veluti ex accidenti. Tale est illud apud Laërtium, *Tuus Pater aut est à meo diuersus, aut idem. Si igitur diuersus à meo, tuus est Pater, cum diuersus à patre sit, pater esse non poterit. Si verò idem est, qui meus Pater, cum idem sit, qui meus Pater; meus igitur Pater erit.* Itémque illud in Enthydemo, *Canis est tuus, canis est catulorum pater; igitur canis est tuus Pater.* Mira verò solertia est, quæ sub persona Socratis Sophistas vbique refellit, dum vel distinguit facile, vel respondendo aliquod amplius, quàm sit rogatum adiicit, quod fere Sophistæ non possunt. *An Patrocles est frater tuus? Ex matre quidem, non ex Patre. Igitur frater & non frater? non eodem quidem patre, &c.* Sed de Platone ista sufficiant. Tu optime Vale, PRINCIPVM OPTIME, Præsidium, & Decus meum dulce. Parisiis, vii. Non. Maij, M. DC. XLII.

## E I D E M.

**E**di ad te mox antè aliam Epistolam satis prolixam; hæc, non multis quidem te volo, sed multum, seu adenter volo. Nouit Burdelotius quantum tu me ames; nosti ipse, quantum ego illum; noui ego quantum ille Petrum Baptistam Borghium Genuesem nobilem, eruditum Virum. Exoptat ergo Burdelotius vt tu, intercedente me, gratificeris Borghio, ac in re quidem quæ dignitatem, æquitatem, humanitatem tuam deceat. Cum ad Borghium Romæ degentem transmitterentur nuper Genuâ duo integra volumina (dicunt vulgò *Pieces*) ex serico panno, ac damasceno opere, vnum viride, aliud cæsum; contigit duas rateis, quibus vehabantur, quibusque *Montagnas*, & *Podesta* præfecti erant, à duobus Provincialibus Mypatonibus inuadi, ipsaque adeò volumina in Provincie oram abduci: quod te proinde rogo, eò spectat, vt pro tua illa antiqua fide, præque tua autoritate disquiri mandes, qui illi sint, qui Genuesens naucis diriperunt, suaque fecerunt, quæ ad Borghium pertinent; ac postea ipsis imperites, vt cum in res Genuesium non fuerit piraticum ius, id reddant Viro eximio, quod fuit iniuria ipsi ablatum. Cum sis porro is, quem te noui, scilicet Princeps, quo non est iuris, & æqui seruantior; non est quidem tibi alio incenduo, quàm ipsa facti notitia opus: ac pariter tamen tua bonitas addi, quod agatur causa Viri eruditi, & quæ Burdelotio sit maxime cordi. Patièrè, inquam, ob sincerum, quo me prosequi dignaris amorem; ac suauē habebis, dum rem facies iustam, facere simul mihi per-gratam. Plura non dico; ne videar satis non agere tecum confidenter. Hoc solum habe, non posse mihi quicquam iucundius accedere, quàm si me amicum non inutilem Burdelotio probem. Vale, PRINCIPVM OPTIME, Præsidium, & Decus meum dulce. Parisiis, vii. Nonas Maij, M. DC. XLII.

E I D E M.

## E I D E M.

**D**E Dialectica Aristotelis non est, quod multa congeram; cum faciat in Scholis paginam vtramque. Adnoto solum ex Cicerone, fuisse illi duas Dialecticæ partes, Inuentionem atque Iudicium; quod Laërtius subpartiri in Dispositionem & Vsum videtur. Cum velit autem Dialecticæ finem esse adaptionem notitiæ tam veri *τῆ ἀληθείας*, quam verisimilis, *τῆ πιθανῆς* (ad quod vnicum, aliquando accommodat Dialecticæ vocem) idcirco, ut manu veluti ducat ad Inuentionem argumentorum, quibus vtrumque comprobetur; conscripsit libros Topicos, in quibus continentur loci, & quasi sedes argumentorum, quæ proinde duci dicuntur à definitione, à partium enumeratione, &c. Et quia censer omne Problema, siue questionem quæ discipulatur, reuocari posse ad Capita quatuor, Definitionem, Genus, Proprium, Accidens: idcirco & locos distribui secundum ista capita; & constat proinde pertinere quoque ad Inuentionem tum Porphyrij librum de Prædicabilibus, seu *Genere, Specie, Differentia, Proprio, Accidente*; tum Aristotelem de Categoriis, quæ nihil sunt aliud quam series Generum, Specierum & Individuorum sub summis illis Generibus, quæ dicuntur *Substantia, Quantitas, Qualitas, Relatio, Actio, Passio*, &c. Pertinent porro ad Iudicium, seu dispositionem non modò libri Analytici dicti, tam Priores, quam Posteriores, sed ille etiam, qui de Interpretatione inscribitur; cum in eo agatur de collocaione vocum, seu ut appellantur terminorum (Subiectum dicunt, & Attributum) ad consiciendum enunciationes, quæ sint affirmatiuæ, negatiuæ, vniuersales, particulares, veræ, falsæ, &c. Continetur autem in prioribus Analyseos libris artificium Syllogismi, quatenus ille constituitur ex tribus Enunciationibus, quarum concessis prioribus duabus, (Maiorem, & Minorem, seu Propositionem, & Assumptionem vocant.) Tertia quæ dicitur Conclusio, non potest omnino negari. Ita si probandum sit illi, *Omne C esse B*, nimirum exempla in literis affert, pro quibus *Hominem, Corpus, Animal*, (quodlibet accipere licet) vsurpat argumentum, seu, ut vocant, Medium *A*, illudque ita copulat nunc cum vno, nunc cum alio eiuscemodi terminorum, ut confectis, præmissisque hisce Enunciationibus, *omne A est B, omne C est A*; hæc necessario inferatur, *igitur omne C est B*. Talis est & illa, *nullum B est A, omne C est A*; *igitur nullum C est B*. itémque ille; *omne A est B; omne A est C, igitur aliquod C est B*. Adfero verò hæc tria exempla iuxta numerum trium Figurarum, quas ille distinguit; pro ut vel medium sit subiectum Maioris, & attributum Minoris; vel attribuitur in vtraque; vel in vtraque subiicitur. Nisi verò adiungit quartam, in qua medium fiat attributum maioris, & subiectum minoris, ut si dicatur, *omne C est A; omne A est B; igitur omne C est B*. idcirco facit, quia talis figura nihil aliud est reipsa, quam prima; sola pimirum præmissarum transpositione ab

ea diuersa. Ut præter eum verò & Modos singularum Figurarum varios, Conuersionesque, & Reductiones, itémque alias præter Syllogismum Argumentationis species, Enthymema, Inductionem, Exemplum; addere præstat pauca de posterioribus Analyseos libris. Continetur ergo in illis doctrina de Demonstratione, siue Syllogismo necessario, & gignente Scientiam, hoc est, certam, euidenterque notitiā (cum de Dialectico, seu probabili, gignentēque solum opinionem agatur præsertim in Topicis; & de Sophistico seu Fallaci, gignentēque errorem, in dicendis mox libris) idque siue Medium sit causa, atque definitio subiecti conclusionis; quo casu Demonstratio dicitur *dñm propter quid*, vulgò *à Priori*; siue sit effectus, & proprietas necessaria; quo casu Demonstratio dicitur *in, Quia* vulgò, *à Posteriori*. Vult proinde duas Præmissas esse Principia, seu Axiomata, hoc est Propositiones per se notas, vniuersales, necessarias, immediatas, veras, &c. Tamen si in exemplum solum afferat Planetas non scintillare, quia propè sunt; non esse salt. orices in Scythia, quia non sunt vites; & alia id genus. Denique ad partem Iudicii, quæ dicitur Vsum, pertinent libri Elenchorum, in quibus traduntur tum varia tam Interrogantis, quam Respondentis officia; tum genera varia Sophismatum, quæ vel in dictione, vel extra dictionem vult esse. Scilicet in Dictione sunt, quæ dicuntur exempli gratiā *homonymia*, ut cum ex eo, quoddam Canis latrat, infertur Canem caelestem latrare, & *Amphibolia*, ut cum ex oraculo de peruertendis opibus coniecit Chærus Perficas, qui euerit interim suas, &c. Extra Dictionem verò, quæ dicuntur *à dictis simpliciter ad dictum secundum quid*, vel contra: ut cum ex eo, quod arma reddenda Domino dicuntur, infertur, ergo & farioso; vel ex eo, quoddam non reddenda furioso, infertur, ergo neque Domino. Itémque *Ignorantia Elenchi*, ut, cum ignorat aliquis contradictionem solum esse de eodem respectu eiusdem; ex eo quod duo sint dimidium quatuor, putat duo vnus duplum non esse; quasi idem dimidium, ac duplum esse simul non possit, &c. Verum hæc nimis; cum hæc, & plura incomperta tibi non sint. Vale, **PRINCIPVM OPTIME**, Præsidium, & Decus meum dulce, Parisiis, VII. Eid. Maij, M. DC. XLII.

CASSIANO A PVTEO, Nobilissimo Equiti,

PETRVS GASSENDVS S.

**P**ortuit igitur me quoque tuam experiri humanitatem, cum me donasti iis literis, quibus non potuerunt esse humaniores. Sed non vana nempe esse fama, te eum esse, qui nullam vnquam bene merendi præmittere occasionem possis. Quam certè habuisti scribendi ad me, tuæ comitatis fuit tota; ac me idcirco tantò magis tibi obstrictum persentio, quantò nihil fuisse agnosco in me, vnde id honoris consequi spes foret.

Quod



Quod nostri enim Peireskij *τὸ μακρὸν* memoriam propagare studuerim, id multis debui nominibus: quod mentionem nominis tui, non meritis profecto patem, sed qualem occasio tulit, fecerim; id tuæ virtuti, debitum fuit. Cum tu itaque ob utrumque testaris gratitudinem, non tam rependis gratiam, quæ nulla debetur abs te, quàm gratiam impendis, quæ abs me debeatur. Addis, quæ est bonitas tua, eam testationem benevolentiae, vt ad quidvis officij experiendum securum facias. Ipse, cum veritam felicitati, quod sic erga me animatus sis, verbis tamen destitutor, quibus animum significem gratum. Hoc saltem testor fore nunquam, vt me effusæ huiusce tuæ voluntatis obliui capiat; ac amare te neminem, quem probare obseruantior, & obsequentior possis. Vale, Parisiis, posttridie Eid. Maij, M. DC. X LII.

Clarissimo, & Doctissimo Viro, HIERONYMO BARDIO,

PETRVS GASSENDVS S.

**G**ompertum iam tibi, BARDI Optime, quàm morosus sim debitor, qui, &c. Reliqua exciderunt.

LVDOVICO VALESIO, Principi Optimo,

PETRVS GASSENDVS

Lugdunensi.

**E**Xulta fuit Dialectica à Stoicis potissimum; tamen si ipsa inueniendi parte, vt Cicero habet, nihil tradiderunt. Quinetiam cum pars Indicandi consistat præsertim in confectione Syllogismorum, nihil tradiderunt de Aboluto, in quibus Aristoteles totus fuit, sed de Hypothesis duntaxat, in quibus Aristoteles penè nullus. Fecere potè primum duos locos, vnum de Voce significante, aliam de Re significata. Occasione Prioris, inquisierunt, quid vox, quid dialectus, quid barbarismus, & similia. Occasione Posterioris, quoniam Rem intellexerunt, non quatenus est in seipsa, sed quatenus sui specie transmissa per sensus, à principe Animi parte comprehenditur, & ab illa dicitur, siue enunciatur; idè egerunt de Sensibus, de Phantasia, seu Comprehensione, & de Dictis *τὰ λεγόμενα*. Cum vellent autem Dictorum alia esse imperfecta, vt scribit; alia perfecta, vt Socrates scribit, & ex his præcipua esse Axiomata, Effata, seu Enunciationes (nam sunt etiam interrogationes, iussiones, &c.) Idè distinxerunt Axiomata varia, & curram non simplicium præsertim habentes, alia appellarunt *Connecta*, vt, si dies est, lux est; Alia *Adnexa*, vt, quoniam dies est, lux est. Alia *Copulata*, vt, dies est & lux est. Alia *Disiuncta*, vt, vel dies est, vel nox est. Sunt in his singulis duæ partes, quarum priorem in-

cipientem, posteriorem *Desinentem* dixerunt. Quare & ex earum computatione de veritate, aut falsitate Axiomatum pronuntiantes dixerunt, verbi causâ, Connexum illud verum esse, cuius parti incipienti, si dies est, repugnat oppositum desinentis, nempe lux non est, atque ita de cæteris. Egerunt postea de Syllogismo, quem & *λόγος* Rationem dixerunt, & constare etiam voluerunt tribus Axiomatibus, Stimulatione, Assumptione, & Conclusionem vocatis, hoc modo, Si Sol lucet, dies est: atqui Sol lucet, ergo dies est. Adhibere verò Syllogismo *τῶν τε* Modos, siue Regulas eiuscemodi, Si primum, ergo secundum; atqui primum; ergo & secundum. Si primum ergo secundum, sed non secundum; igitur nec primum. Non primum simul & secundum, atqui primum, non ergo secundum. Vel primum vel secundum, atqui primum, non ergo secundum. Vel primum vel secundum, atqui non primum, ergo secundum. Prætereo autem vt Syllogismos dixerint *ἀμάρτυς* qui rectum exitum non habent, vt, si dies est, lux est, atqui dies est, igitur Dion ambulat: *ἐνωχέυς*, qui non coherenti, vt, si dies est, lux est; atqui lux est, igitur dies est. Vt cohereret autem, assumendum fuit, non, atqui lux est, sed, atqui dies est. Prætereo rursum quas de veritate, & falsitate tradidit Regulas; veluti, verum vero est consequens, vt, si dies est lux est; & falsum falso, vt, si Terra volat, Terra habet alas; Et, verum falso, vt, si Terra volat, Terra est; ac non falsum vero, vt, si Terra est, non sequitur Terram volare. Adnoto solum Stoicos tradidisse varios captiosæ rationis, siue Sophismatum modos, vt præter numeratos, cum de Eubulide, Mentientem, Fallentem, Electram, Obulatum, Soritem, Cornutum, dici possunt *ὁπότε* Metens, *εὐπίδαν* Dominans, *ὁ τὸν* Nullus, *πρῶτον* Colligens; & qui fuit præ cæteris celebratissimus *Κροκόδιλος* Crocodilus, cui nomen, vt opinor fuit, quod est à Luciano indicatum exemplum, Est-ne tibi puer? Quid-ni. Quid si hunc ad fluvium forte ambulanti Crocodilus rapiat, & postea se redditurum pollicetur hac lege, vt illi verum dicas, quidnam de puero reddendo apud se decreverit; quid tu dices ipsi in animo constituisse? Questionem rogas ad quam difficile admodum est, &c. Denique *ἀγνοῦς* Ignava Ratio, cui si pareamus, inquit Cicero, nihil est omnino, quod agamus in viâ. Sic enim interrogant, Si factum tibi est ex hoc morbo conualescere, siue Medicum adhibueris, siue non, conualesces. Item, si factum tibi est, ex hoc morbo non conualescere; siue tu Medicum adhibueris, siue non; non conualesces: Et alterutrum fatum est: Medicum ergo adhibere nihil attinet. Suggesti adhuc possent Sophismata plura ex Chrysippo, cuius supra trecenta Volumina de rebus Dialecticis à Laërtio recensentur. Qui non-initiatis indicat mysteria, impie agit; Ierophantes non-initiatis indicat mysteria, ergo impie agit. Et; si quis est Megaris, non est Athenis; homo est Megaris, ergo homo non est Athenis. Et, est quoddam caput, illud tu non habes, ergo caput non habes. Et, si quid loqueris, ex ore egreditur tu; atqui currum loqueris, igitur currus ex ore egreditur tuo. Verum faciendus istis est modus, ne si consuectæ tor inutilia, redarguere

quare videat te, dicentem à me non inutilia scribi. Quod interferis interea iudicium de Dialecticis studiis, præclarum est; vt cætera: quod de amore erga me tuo, latentis ignis est scintilla. Perge me amare, & Vale, D E C V S P R I N C I P V M, & Præsidium meum. Parisiis, postridie Eid. Maij, M. DC. X L I I.

*Bereculio semper ac Bervilla salutem.*

### E I D E M.

**E**X iis, quæ hætenus perscripsi de Philosophorum variorum multiplici Dialectica, elicias, opinor, quorum Epicurus repudiauerit Dialecticæ studium. Non fecit nempe, quodd, verbi causâ, negligendas voces putârît; sed quodd eas ex communi vfu, ex Grammatica repetendas censuerit. Non item, quodd Syllogismos non nôrit; sed quodd esse non necessarios, vel à natura suggesti, vel faciliore Methodo parari posse crediderit. Non etiam, quodd Sophismata interdum texti ignorârît; sed quodd vel contemnenda esse, vel artificio longè planiore solui existimauerit. Dialecticam ergo reiecit, non vt præcepta falsa tradentem, sed vt inutilissima, & operosissima congerentem. Eadem ratione D. quoque Augustinus eam minùs probauit, similitudine allata, quam vix vlla vnquam prætermittere occasione soleo. Si quispiam, inquit, dare volens præcepta deambulandi moneat non esse cuiquam leuandum pedem posteriorem, nisi cum posuerit priorem, &c. Vera dicit, nec aliter ambulare potest; sed facilius homines hoc faciendo ambulant, quam animaduertunt, cum faciunt, aut intelligunt, cum audiunt, qui autem ambulare non possunt, multò minùs ea curant, quæ nec experiendo possunt attendere. Itaque plerumque citius videt ingeniosus non esse ratam conclusionem, quàm præcepta eius caput, tardus autem non eam videt, sed multò minùs quod de illa præcipitur, magisque in his omnibus ista spectacula veritatis sæpe delectant, quàm ex eis in disputando aut iudicando adiuvamur. Hætenus D. Augustinus. Improbauit porò Epicurus ipsam Stoicorum Dialecticam potissimum, non ferens videlicet illos eius causâ intumescere. Iure-ne autem, an iniuriâ ex Cicerone intelliges, qui Stoicos propterea carpit, dum ait, Illos ossa nudare, spinas vellere, contortius concludere, dicere squalidiùs, ratiunculis vti. Itémque ex Plutarcho, qui confert illos cum Polypo propria acetabula hieme voranti; quasi ipforum Dialectica suis inuentis sola pascatur, neque extra ipsam vllus sit præceptorum vfu. Et ex Luciano, qui illos caufatur, nihil aliud, quàm sibi mutud affingere cornua, facere Crocodilos, nihilque habere aliud quàm misera verbulâ, & rogatiunculas, quibus mentem pascant. Et ex Themistio, qui postquam recensuit illorum Outidas, Obuelatos, Dominanteis, Cornutos, quæ molesta ait, & importuna Sophismata subdit, quorum & intelligentia difficilis est, & inutilis notitia, Lorci illius inistat, cui Mida plaustrum illigatum fuit. Quid, quodd Seneca etiam, tamen Stoicus, consimilia habet? Vt ex locis oppidò multis seligam vnum, aut alterum: cum Zeno ali-

quando ita concludisset, Nullum malum gloriosum est; mors autem gloriosa est; mors ergo non est malum; & excipit Seneca, sed indignabundus, Perfecisti? Liberatus sum meum, post hac non dubitabo porrigere ceruicem? Non vt seuerius loqui, nec moriturum risum mouere? ac infra, Ego non redigo ista ad legem Dialecticam, & ad illos artificij v eternissimij nodos. Totum istud genus exturbandum iudico, quo circumscribi se, qui interrogatur, existimat; & ad confessionem perductus, aliud respondet, aliud putat. Pro Veritate simplicius agendum est, contra mortem fortius. Et pauld post, Quem Mortalium circumscriptiones vestra fortiores facere, quem erectiores possunt? Frangunt animum, qui nunquam minùs contrabendus est, & in minuta, ac spinosa cogendus, quam cum aliquid grande componitur. Et tandem, Aduersus mortem tu tam minuta iacularis? Subula Leonem excipis? Acuta sunt ista, quæ dicit: nihil est acutius aristâ. Quadam inutilia, & inefficacia ipse subtilitas reddit. Sic alibi, Non debuit hoc nobis esse propositum, arguta differere, & Philosophiam in has angustias ex sua maiestate detrabere. Quanto sanctius est ire aperta via, & rectâ, quàm sibi ipsi flexu disponere, &c. Et rursus, postquam edisseruit, sint-nè virtutes Animalia, iuxta Stoicos, Dissilio, inquit, risu, cum mihi propono solacium Animal esse, & barbarissimum, & Syllogismum, & aptas illas facies, tanquam Pictor assigno. Hac disputamus, attractus supercilij, fronte rugosa. Non possum hoc loco non dicere illud Cæcilianum, o istis inepias vridicula sunt. Sed hæc satis. Tu bene Vale, D E C V S P R I N C I P V M, & Præsidium meum. Parisiis, x. Kalendas Iunij, M. DC. X L I I.

*Bereculio ac Bervilla salutem.*

### E I D E M.

**N**ui iam antè Epicurum, cum repudiaret Dialecticam, seu artem illam disputatricem, substituisse Canonicam, seu continentem Canones diiudicandæ veritatis. Veritatem porò duplicem distinxit, vnâ existentia, seu qua res est id ipsum quod est: quo sensu dixit nihil differre an aliquid dicere verum, an existens, ἀνδὲρ ἢ ἄνδρες, aliam Dictionis seu enunciationis, ac Iudicij; quo sensu dixit verum esse, quod ita se habet, ut se habere dicitur, ὁ ἄνθρωπος ἔστιν, ὡς λέγειται ἔστιν. Priori veritati nullam falsitatem opposuit: Aurichalcum enim, verbi gratiâ, non falsum aurum est, sed verum aurichalcum. Posteriori autem opposuit falsitatem, quæ nō aliter est in se quàm se habere dicitur, ὁ ἄνθρωπος ἔστιν, ὡς λέγειται ἔστιν. Nimirum Prior ab intellectu iudicante non pendet, cum nihil aliud sit, quàm ipsamet rei, vt loqui soleat Entitas; Posterior pendet, cum nihil sit aliud, quàm conformitas iudicij cum re iudicata. Consensit proinde circa veritatem cum Aristotele, vt & speciatim circa questionem de futuro contingenti; quatenus admisit quidem totum istud coniunctum, Vinet cras Hermachus, aut non vinet, at non separatim illud, Hermachus vinet, neque

curus illud, *Hermachus non viuet*. Vide, sic habet Cicero, *quam sit cautus is, quem isti tardum putant? Si enim, inquit, altervrum concessero necessarium esse, necesse erit cras Hermachum vivere, aut non vivere. Nulla autem est in natura talis necessitas*. Non aditio quemadmodum à Stoicis dissenferit. Illi enim sunt, quos Cicero notat; obferuo potius, cum in ferendo de rebus iudicio opus sit Criterio, seu, vt sic loquar, Iudicatorio, vel iudicandi instrumento; idè illud fuisse ab eo disquisitum. Et solet quidem vulgò ex Empirico triplex distingui Criterium, *id est, à quo, videlicet Homo, id est, per quod, scilicet Mens, sensus, aut facultas alia; & id est, secundum quod, puta Operatio, aut applicatio facultatis (consimilis res dicitur, vt cum ad explorandum pondus, requiritur libripens, libra, & libra vsurpatio; aut ad explorandum mensuram, mensur, organia, & applicatio organia)*. Verumtamen illud *A quo*, non tam Criterium est, seu iudicatorium, quàm iudex; & cum aliunde id, *secundum quod*, referatur ad id, *Per quod*, ipsum, *id est*, siue *Per quod*, aut solum, aut certè præcipuum videtur. Quia sum verò postea dicturus quidnam de Criterio, non Epicurus modò, sed ceteri etiam senserint: ideo heic prænoto, Res omnes, quatenus ad nostram noticiam, atque iudicium comparantur, aut manifestas esse, aut occultas: Manifestæ sunt, quæ ex se patent, vt lux diurna; Occultæ verò triplices ab eodem Empirico distinguntur; Quædam enim sunt penitus occultæ; eæ nimirum, quæ nullo modo discerni, comprehendique possunt, vt, sint-ne Stellæ numero pares? Quædam sunt occultæ naturæ; eæ nempe, quæ ex seipsis quidem evidentes non sunt, sed per indicia tamen aliqua comprehenduntur, vt sunt pori in cute, qui ex se inconspicui, inferuntur nihilominus ex permanatione sudoris. Quædam sunt occultæ ad tempus; eæ scilicet, quæ ex sua quidem natura evidentes sunt, sed ob externum tamen impedimentum, aut defectu debitæ diligentie nos latent, vt sunt Antipodes, qui ad nostrorum vsque Proauorum atatem latuerunt. Adnoto hæc autem, vt intelligas non disquiri Criterium, neque circa res manifestas, quæ ex seipsis innotescent; neque circa res penitus occultas, quæ incertitudinis sunt inuictæ; sed circa res naturæ suæ, aut ad tempus solum occultas. Siquidem, cum incertitudo, qua circa has afficitur, aut ex factis indiciiis, aut ex remotis obstaculis superari posse videatur, non desunt tamen, qui sentiant deesse nobis Criterium, quo necessaria indicia, seu necessariam obstaculorum amolitionem percipere liceat. De his postmodum. Tu interea Vale, *DECVS PRINCIPVM, & Præsidium meum*. Optat Lafaya denuò tuam bonitatem experiri; dabo illi forè alias literas; nôsti verò profectò illas esse non posse perfunctorias. Tuas accepi datas *XIII. Kal. próque ipsis gratias debeo immortalis*. Vale iterum. Parisiis *III. Kal. Iunii, M. DC. XLII.*

*Gassendi Epistola.*

**Q**UÆTIS ex me, *OPTIME PRINCEPS*, qui fieri possit, vt Stoici, cum Philosophi tanti fuerint, ac sese in Dialecticis exercuerint tantopere, Inuentionem tamen prætermiserint necessariam adèd Dialecticæ partem? Sed si fecere quidem consulo, arbitrari causam par est, quòd rati fuerint Inuentionem non esse partem Dialecticæ, neque ad illam pertinere. Videlicet ars nulla docet suam inuenire materiam, sed operari solum circa ipsam. Sic tradit Sutoria, non inuentionem corij, sed confectiõnem calcei ex corio; & Fabrilis non inuentionem ferri, sed confectiõnem clavis ex ferro; ac pari modo cæteræ. Quare & Dialecticæ erit tradere non inuentionem argumenti, sed confectiõnem Syllogismi ex argumento. Quemadmodum autem Coriaria luppeditat corium Sutoria, & Metallaria ferrum Fabrilis; ita cæteræ disciplinæ argumenta Dialecticæ. Ex quo fit proinde, vt si requiratur, verbi gratia, Sit-ne Octobri proximo futura Eclipsis, an-non? Dialecticæ munus non sit inuenire argumentum, quod inuestigare, & allequi est Astronomiæ proprium; sed subministrante argumentum Astronomia, declarare quemadmodum Syllogismus fiat, quo futuram esse Eclipsin præbetur. Et, si proponatur sit-ne pax inunda, an-non? Ipsi non incumbat inuenire rationem, quam explorare, & pemonstare Politicæ solius est; sed suggerente rationem Politicæ, methodum texendi Syllogismum tradere, quo pacem esse inundam suadeatur, & sic illi quidem tueri se aduersus Ciceronem possent. Interim porò heic subnoto, quod fui aliquoquin perscripturus, videri posse non abs te Philosophos quosdam sensisse latere nos quid verum sit; quando vix vllum placitum adèd est verisimile, vt non illius oppositum æquè verisimile fiat. Philosophi porò ij fuere, qui pernegarunt vllum esse veritatis Criterium; & non pauci finè, nec notæ obscuræ. Vt Poëtas enim Laërtio memoratos reticeam, Homerum, Euripidem, Archilochum, & nihil de septem Sapientibus dicam: ecce retences Cicero Parmenidem, Nauphaphemque reprehendentes eos, qui, cum sciri nihil possit, audeant se scire dicere. Subicit Laërtius Zenonem Eleatem, Empedoclem, Hippocratem, & cum Democritum etiam addat, notanda profectò Ciceronis verba, *num nostra, inquit, culpa est? Naturam accusa, que in profundo veritatem, vt ait Democritus, penitus abstruxit*. Heinc nimirum est tritum illud, dilectetere veritatem in Democriti puteo. Quod dicam de Socrate, cuius illud quoque perulatum est, *hoc vnum scio, quòd nihil scio?* Quod de Platone, quem ex iis, quæ Socrati tribuit, argumentatur Cicero ipsum eadem cum Socrate sentire? Et certè Academici ab eo instituti, de Veritate desperantes, aut verisimilitudinem solum retinuerunt, aut omnimodam etiam *ἀναγνώσκον, seu incomprehensibilitatem* induxerunt, quod tribuitur Arcefilæ. Socratem etiam Ari-

N      stippus



stippus imitatus in eo est, quod Physicam respicit, quasi incomprehensibilia tractantem. Accensentur rursus ab Empirico Xeniaes, Anacharsis, Protagoras, Enthydemus, Gorgias, Metrodorus Chius, Anaxarchus, & Monymus Cynicus. Ex quibus sunt quidem Protagoras, & Gorgias potissimum celebres, sed memorare tamen potissimum iuuat, quod de Metrodoro habet Cicero, *Ille enim sensus appellauit post Democritum obscuros & tenebricosos; & initio libri, qui est de Natura, Nego, inquit, scire nos, sciamus-ne aliquid, an nihil sciamus? Ne idipsum quidem nescire, aut scire scire nos, nec omnino sit-ne aliquid, annihil sit?* Speras vt Pyrrhonios, Scepticos-ve adiungam; sed eos capere pagina non posset. Quippe attingendi sunt Modi, ac veluti Loci communes, ex quibus illi sunt argumentati, continendum est, siue cohibendum assensum, quoties non de eo, quod apparet, sed de eo quod res in se ipsa est, diciturque verum, est quaestio. De ipsis ergo commodius literis proximis dicetur. Tu interea, ô & Praesidium, & dulce Decus meum Vale, Patifis, postridie Non. Iun. M. DC. XLII.

## E I D E M.

**M**odi Epoches Scepticorum, de quibus dicendum suscepi superioribus literis, commemorari decem solent. *Primus* ex Animalium varietate desumitur. Cum de veritate enim rerum naturalium, siue sensibilium praesertim agatur, non Homines soli audiendi, quibus solis sensus concessi non sunt; sed audienda quoque Animalia cetera, quibus sui quoque sunt sensus. Porro, vt in illis temperies, contexturaque organorum varia est, ita res eadem apparet vni vnus coloris, odoris, saporis; alij vero alterius, ex quo fit, vt tanquam grata requiratur ab hoc, tanquam ingrata refugiatur ab illo. Quare & dici quidem potest, qualis res cuique Animali pro speciali eius constitutione appareat, non qualis secundum se sit; cum si talis aut talis esset ex natura sua, talis omnibus appateret. *Secundus* ex ipsa varietate Hominum, quippe tametsi illis solis standum foret, ea tamen est temperamentorum, organorumque diuersitas, vt manifestum sit vnā rem non vnusmodi omnibus videri, idque non in rebus modo sensibilibus, sed in intelligibilibus quoque; adeo vt proposita quaestione de aliqua re, dici quidem possit, quid de ipsa huic, quid illi videatur; at non tamen qualis sit reuera, & secundum se. *Tertius* ex varietate Sensuum. Quia tametsi concederetur vni homini standum esse; nihilominus varij sensus variē rem eandem percipiunt. Nam mel, quod palato est suauē, molestum est oculis; & quod vnguentum olfactum exhilarat, ingratum est gustatui; ex quo dici duntaxat potest, qualis res cuique sensui appareat; non qualis secundum se sit. *Quartus* ex varietate affectionum in eodem sensu. Quoniam tametsi standum foret vni vnus hominis sensui, is tamen adeo diuersē afficitur, provt in iuuentute, senectute, somno, vigilia, sanitate,

morbo, saturitate, fame, quiete, motu, & similibus est; vt dici solum possit rem talem, aut talem pro tali affectione apparere, non talem, aut talem sua natura esse. *Quintus* ex variis positionibus, interuallis, locis. Constat enim ex his variatis magnitudinem, figuram, motum, colorem, qualitatemque ceteras videri diuersimodē, siueque nihil aliud dici posse, quā talem rem in tali situ, distantia, loco, talem apparere. *Sextus* ex admisionibus quibuscumque rerum species ad facultates perueniunt. Quod enim coloratum vitrum, aut bilis suffusa, quam species visibilis pertransit, manifestē facit, dum colorem variat, id, licet minus aduertatur, facit suo modo medium quomodocumque dispositum, siueque dici aliud nihil potest, quā talem apparere rem, qualis est medijs dispositio. *Septimus* ex quantitate, & constitutione subiecti. Arenula enim, verbi gratia, separatim asperae, coniuncta sunt laeues. Cornu Caprinum integrum nigrum est; & argentum album, cum illius tamen ramenta alba sint, huius verō nigra; atque adeo solum dici potest, provt res solitaria, sociata, integra, coniuncta est; talem, talem-ve apparere. *Octauus* ex Relationibus. Quandoquidem nihil non habet relationem ad varia, dicique potest respectu quidem vnus, pulcrum, dulce, eruditum, magnum, &c. respectu verō alterius deformē, amarum, ineruditum, paruum, & alia. Quocirca, & cum dici talis, aut talis absolute nequeat, dici solum potest, quatenus ab hoc, vel illud comparatum apparet. *Nonus* ex crebrot, & raro contingentibus; quo pacto non Solem, sed Cometam miramur; non aquam fed aurum suspicimus; cum si vices commutaueris, sit longe mirabilior Sol, & aqua pretiosior futura. Ex quo fit, vt vel aestimentur non ex eo, quod secundum se sunt, sed ex eo, quod infrequentes, vel familiares apparent. *Decimus* denique ex variis moribus, atque institutis. Notum est enim nullam legem, consuetudinem, persuasionem apud nationes quasdam vigere, cuius non opposita vigeat, viguerit, vigere possit apud alias, et eoque definiti non posse, quid bonum, honestum, iustum suā naturā sit, sed solum quid istis, illis-ve Gentibus appareat. Atque isti quidem vulgares sunt Modi. Merentur & quidam alij; sed tres tamen praecipui sunt, vnus *Dialecticus*, seu *Alternans*, cum nempe quispiam arguit probare vnum ex altero, quod ipsum, nisi mutuo per alterum probati non possit. Alius *Hypotheticus*, seu *aduersum supponens*, cum supponente aliquo propositionem tanquam veram, opposita assumitur, quam supponere pari iure liceat. Tertius *Reiciens in infinitum*; cum nimirum probatio probationis exigitur; & rursus postrema probationis probatio; atque ita porro; quasi nihil sit sine ratione admittendum. Possem exempla omnium afferre, sed paginam expletam vides. Ipse, si lubet, seu ex Laërtio, seu ex Empirico, seu ex teipso plura depromes. Vale, ô DECVS PRINCIPVM, Praesidium,

dium, & Decus meum dulce. Parisiis, Eidibus  
Iunij, M. DC. XLII.

E I D E M.

**V**i Veritatis Criteria fultulerint, ante  
periscripti; qui posuerint paucis ecce,  
Infinituam iam admissum ab ipsis vel solum  
sensum, vel solum intellectum, vel utrumque;  
vel quidpiam præterea. Et qui solum  
quidem sensum pro Criterio admisserit, vnus  
ferè memoratur Alelepiades; persuasus nimirum,  
vt Empiricus habet, esse omnes  
sensuum apprehensiones veras, ratione nihil  
comprehendi. Qui Intellectum, & Mentem,  
aut Rationem solum, memoratur primum  
non pauci ex ijs, qui tollere omne Criterium  
sunt visi; quemadmodum Xenophanes, Parmenides,  
Empedocles, Democritus, Plato; quasi ipsi nihil aliud voluerint, quam abrogare  
sensibus fidem; neque peneegerint, quin  
rationis esset discernere verum, & falsum.  
Deinde ij, qui ex Thalete ortum duxerunt  
Physici, ac Anaxagoras præteritum, cuius est  
opiatio celebris de Mente; & cique, vt sensum  
imbecillitatem in discernendo vero  
probat, exemplum vsurpauit duorum colorum,  
albi, & nigri, quorum si vnus guttatum  
infundatur in alterum, visus nunquam  
percipiet mutationes ad naturam subsiectas.  
Itemque Pythagorei, ac nominatim Philolaus,  
qui repudiatis etiam sensibus, Mentem  
vniuersam adhibendam censuerunt, sed purgatam  
amen, vt facilius cum Mente communi,  
seu Vniuersi communicet; quod Heraclitus  
quoque sensit, addens, cum dormimus, sensum  
retroire quandam fieri mentis communis,  
& speciales; cum vigilamus autem per ipsas  
sensuum quasi portas attractionem fieri illius  
ad istam. Qui sensum simul, & intellectum,  
ij fuerunt non modò Aristoteles, Theophrastus,  
Peripatetici ceteri; sed ex Platonis  
quoque Sectatoribus Speusippus, & Xenocrates;  
quatenus duo distinguentes rerum genera,  
Criterium sensibiliū Sensum, intelligibilem  
Intellectum dixerint. Quod idem Galenus, alique sequuti sunt. Qui  
aliquid præterea, fuit Stoicorum nonnulli  
cùm ad sensum, & intellectum adiecerent nunc  
Appetitum, nunc Scientiam, nunc anticipatam  
notionem, nunc comprehensionem Phantasiā.  
Quo loco nota est Zenonis apud Cicero-  
nem similitudo, cum inanum aduersam digitis  
extensis simplicem esse Phantasiā, (hoc est  
apparentis receptionem), quomodo cum Cicero  
*vifum* interpretatur) dixit; eandem cum digitis non-nihil depressis,  
Assensum; cum eisdem in pugnum compressis,  
Comprehensionem; cum manu alia ipsam  
arctè, vehementérque constringente, Scientiam.  
Notum & quod Laërtius, aliquem de Sphæra Stoico scripsissent, qui, cum  
exorta apud Ptolemæum Philopatora quaestione,  
Opinetur-ne Sapiens, nec-ne? Opinaturum esse negasse;  
iussit Rex apponi mala Punica ceræ; ad quæ ille manum deceptus  
porrexit, Exclamante autem Rege assensisse ipsum  
Phantasiæ non veræ; negauit.

*Gassendi Epistole.*

tele assensisse, quòd mala essent Punica, sed  
 quòd talia esse verisimile foret. Superest de  
 ipso Epicuro dicam, qui suppositum primum  
 omnem quæstionem esse posse vel de vocibus,  
 vel de rebus: ac censuit ad voces non opus  
 esse alio Criterio, quàm perperitatem ser-  
 monis, de qua duos Canones proposuit su-  
 referendos tempore. Supposuit deinde quæ-  
 siones derebus aut ad speculationem solam  
 pertinere, cæsequè vel de rebus sensibilibus,  
 apparentibusque: vel de intelligibilibus, &  
 immanifestis, aut referri etiam ad actiones  
 vitæ. Supposuit denique Criterium, à quo  
 esse solum Hominem; Criterium per quod  
 esse solum Mentem; Criterium autem secun-  
 dum quod, de quo præcipue agit, esse posse  
 quasdam functiones tam Sensus, quàm Men-  
 tis, quàm ipsius quoque Appetitus. Ex his  
 autem concludit tria esse veritatis Criteri-  
 a, τὰς αἰσθητικὰς, ἢ τὰς νοητικὰς, ἢ τὰ πάθος,  
*Sensiones, Anticipationes, Passiones*, singu-  
 laque accommodatim singulis rerum generi-  
 bus: Nimirum voluit sensibilia diiudicari  
 ipsa sensu (ita potius dico, quàm Sensu,  
 ve deuitetur æquiuocatio, tamen rem semel  
 præstat, dicere quoque sensum possum, cum  
 vel Græcè αἰσθητικὰς, sic Latine *Sensiones*, non fa-  
 cultatem modò, sed actionem quoque signi-  
 ficare valeat.) Intelligibilia Anticipatione, seu  
 anticipata notitia, quam etiam prænotionem  
 dicunt. Actiones vitæ denique Passione, siue  
 voluptatis, atque dolotis affectione. Ad singu-  
 la porro Criteria varios adhibuit Canones,  
 sed quia illi erunt deinceps sigillatim com-  
 memorandi, ideo ista heic vniuersè præli-  
 basse sufficiat. Vale, ó ΔΕΥΤΕΡΩΣ ΠΡΟΙΝΤΡΟ-  
 ΠΟΝ, & Præfidium, & Decus meum dulce.  
 Parisiis, XII. Kal. Iul. m. DC. XLII.

*E I D E M.*

**P**riusquam Canones proponantur, qui possint circa singula Veritatis Criteria ex Epicuro constitui, generalis ille attingendus est, *Esse aliquid verum, quod possit adiudicari, ac sciri.* Attiguo autem OPTIMUM PRINCIPES, non tam quidem ipse planè acquiescam, quàm quod teneat causam non malam viri non mali adiuturam. Ea verò videtur defendi sic posse. Certum est imprimum dari veritatem *existentiam*, cum tametsi Gorgias argumentatum fuerit nihil existere, constet nihilominus & existisse eum, qui id dixit, & nos existere, qui id iam consideramus, & niuersi cæteri: Ac certum rursus, dari veritatem *enuntiationis*, cum quidquid ille iterum ratiocinatus fuerit, constet plurima verè enunciari, vt Sole exorto, diem esse, aliàque id generis similia: Veritas verò vtraque diiudicari siue Sensu, siue Criterio alio potest. Deinde quia fortè dicitur huiuscemodi veritatem esse duntaxat *quæ quævisque, eorum, quæ apparent:* Difficultatem verò esse de Veritate *quæ adsunt, eorum quæ sunt inmanifesta:* Idèò certum quoque videtur talem aliquam veritatem dari, quæ intellectu, seu ratione, vt Criterio diiudicetur, Quippe, quidquid Sceptici dicant, constat,

verbi causâ quod attigi aliâs esse in ipsa cute poros, qui manifesti cum non sint, ex sudore tamen, ut indicio indubitato colliguntur. Nam si cribrum esse perforatum debet, ut tritici grana transmittat, esse profectò debet & cutis, ut sudoris guttulas; quando, nisi foramina seu magna, seu exigua sint, ut exitus pateat, exire nihil potest. An dicent quæstionem esse non de hoc effectu, sed de ipsa natura cutis, aut hominis etiam, altèrius-ve rei? Verùm cum homo profiteatur, aut profiteri debeat se naturam cognoscere; non dico rerum omnium, sed ne vnus quidem ea perfectione, ut ipsius nihil lateat; nihilominus negari non potest, quin quadatenus in eam penetretur, ac tantò magis, quantò plura eius attributa peruestigando innotescent. Et certè Viri perspicaces, nisi norunt omnia, quæ ad hominis verbi gratiâ naturam spectant, plurima tamen non ignorant; neque dici potest (ut secus posset) inutile esse omne studium, omneis Doctores, omneis libros. An opponent non idè res Aristotelea demonstratione sciri? At nisi tali demonstratione, saltem sciri definitione, quæ Platoni est vera scientia, possunt, definitione, inquam, quæ licet non vndique perfecta sit, reuera tamen est aliqua; & tantò quidem perfectior; quantò quisque sagacius, scilicetque res inuestigat. Quid dicendum verò ad Epòches Modos? Ad primos illos quatuor quod spectat; tamen si res eadem non appareat vnusmodi & variis Animalibus, & variis Hominibus, & vni etiam homini secundum sensus varios, & affectiones varias: attamen duo aliqua sunt, de quorum veritate constet; Alterum esse in ea re causam generalem, quæ apparere ipsam sensui faciat; Alterum esse in sensibus variis causas speciales, ac varias, quæ faciant variè apparere, ut vnus enim est Solis calor, qui incidens in ceram, & lutum, illam emollit, hoc indurat, ob dispositiones in ipsis diuersas; sic ob diuersas idem mel, verbi causâ, applicitum organis variis, exasperat vnum, & demulcet aliud; & cum sua cuilibet causæ necessitas sit; ob quam hoc potius, quàm illud agat; idè est saltem aliqua huius necessitatis certitudo. Idem proportionem dicendum de Modis consequentibus. Quippe positio, interualum, locus, admissio, quantitas, raritas, frequentia, necessariam important causam, cur res talis appareat, atque idcirco sciri id possit. Moralis etiam ille modus causam habet in diuersitate temperamentorum, quæ varia in variis cum sint; necesse est animis ea sequentibus diuersa placere. Ad tres postremos, quod attinet, Diàlèlus imprimis non est, cum ex effectu colligimus, intelligimûsque necessariam causam. Tum si assumptibus nobis esse diem, quando Sol lucet, alius supponat oppositum, id potest profectò, sed videat quàm iure. Denique Effata per se nota sunt, quæ probatione non indigent. Quamobrem necesse non est infinitum processum dari. Dicenda sanè hæc pluribus; sed tibi tamen intelligenti, & hac præsertim tempestate occupatissimo, multa nimis. Vale ergo,

PRINCIPVM DECVS, Præsidium, & Decus meum dulce, Parisiis, v. Kalendas Iulij, M. DC. X LII.

## E I D E M.

**P** Onitatis sanè fuit nimix, eas literas in ista Aulæ agitatione conscribere, quas ix. Kal. Tarascone dedisti. Ad ipsas verò ecquid respondeam, præter id ipsum, quod est à te sapienter, scitèque expressum, hoc est, quid aliud quàm plausum dem ad illas tuas adeò prudentes, atque elegantes sententias? Parum certè abest, quin ad eas attendens, abducar, vel potiùs abstinear à nugis meis obtrudendis. Verùm quia esse illas tibi non iniucundas subindicas, dum immeritus licet ciuilibus vndis, testaris te illas legere, ac pellegere; idcirco obfirmor, cœptisque insisto. Scripsi ex Epicuri mente triplex esse Criterium; cum autem Sensus primarium sit, deque eo distinguam quatuor Canones, en iam tibi illorum primum, *Sensus nunquam fallitur; ac proinde est omnis sensus adeò apparentia vera*. Ne res porro adeò absurda, ac haberi solet, videatur; memento, quæso, quemadmodum duplex distinguatur cognitionis genus, ut putâ, simplex Apprehensio, qua asseritur, aut negatur nihil: & Iudicium quo asseritur, aut negatur aliquid, quòdque vel est præcept, diciturque *Opinio*; vel matutim & dicitur *Ratio*. Etenim censet Epicurus non aliud cognitionis genus competere sensui, quàm simplicem apprehensionem, quæ ita est vera, veritate illa, quam existentia diximus, ut falsitas ipsi opponatur nulla. Videlicet veritas illa, cui falsitas opponitur, Enunciationis veritas est, atque idcirco ad Iudicium spectat, quo sensum destitutum vult. Hinc Ratio ipsi prima est, quia sensus non rationatur, & memoria caret; ex quo fit, ut non valeat duos terminos connectere ad faciendum Enunciationem, ferendum-ve iudicium; sed in nuda rei apprehensione consistat: vnde & falsum proferat nihil. Ita visus, dum percipit alicuius rei colorem, nihil aliud, quàm recipit eius coloris speciem, & merè passiuè se habens, non pronunciat rem esse, aut non esse eius coloris; sed simpliciter apprehendit colorem oblatum, speciem-ve illius. Altera est, quia sensus quidquid demùm sentiat, reipsâ afficitur, & qualiscumque res appareat, reipsâ talis ipsi apparet, & propter aliquam quidem causam, qua perseuerante non possit talis non apparere. Quamobrem sensus non fallitur, apparentiam percipiens, quæ reuera est; quæque constante causa non potest non esse; qualis est etiam species turris, quæ procul sita rotunda apparet, aut baculi, qui partim in aqua, partim in aëre constitutus apparet deflexus. Tertia, quia sensus non potest refelli. Non idem à seipso, quia semper aquè afficitur, & non potest aut diiudicare quandonam sit melior, aut deterior sensio; Non vnus ab alio; quia vnus obiectum alterius non nouit, nec apprehendere illud potest.



reus: non denique ab intellectu, quia intellectus potest quidem Opinionem corrigere, at nullo modo ipsum sensum, à quo sic dependet, ut quicquid cognoscit, eius interuentu cognoscit, & si aliquid corrigit, ab illo monstrante addiscat. Quarta, quia sensus proinde est Regula prima, quæ si fallax sit, nihil certi vnquam haberi possit. Multa Lucretius ad hanc rem; sed illud præsertim,

*Denique, ut in fabrica si praua sit Regula prima,*

*Normaque si fallax rectis regionibus exit,*  
*Et libella, aliqua si ex parvi claudicat hilum;*

*Omnia mendose fieri, atque obstipa necessum est,*

*Praua, cubantia, prona, supina, atque absensa tellus,*

*Iam ruere ut quædam videantur velle, ruinæque,*

*Proditæ iudicij fallacibus omnia primis:*

*Sic igitur ratio tibi rerum praua necessesse est,*

*Falsaque sit, falsis quæcumque ab sensibus orta sit.*

Postrema, quia fide Sensibus detracta tollitur omnis vitæ dependere, & rerum gerendarum ratio; ex quo præstare ille docet, reddere mendose apparentium causas,

*Quam violare fidem primam, & conuellere tota*

*Fundamenta, quibus nixatur vita falsæque.*  
*Nec modo enim ratio ruat omnis; vita quoque ipsa*

*Concidat exemplo, nisi credere sensibus ausis,*

*Præcipitesque locos vitare, & cætera, quæ sunt*

*In genere hoc fugienda, sequi contraria, quæ sunt.*

Mitto, quæ possent congeri ex Tertulliano, & alijs, occasione eorum verborum; *Mitte digitum tuum huc, & vide manus meas, &c.* Itemque, *Quod audivimus, quod vidimus oculis nostris, quod perspeximus, & manus nostræ contraxerunt, &c.* Scilicet ab ipsis ad Sensuum certitudinem prouocatus, verum indicasse sat est. Quod spectat ad experimenta, quæ solent vulgò obici, ea ex Canone sequente soluentur. Vale, PRINCIPVM OPTIMÆ, PRÆSIDIUM, & Decus meum dulce. Parisiis, v. Non. Iul. M. DC. XLII.

## E I D E M.

**N**on iterum, opinor, Canonem expectas: circa primum Criterium: ille igitur ita habet, *Opinio est consequens sensum, in quam veritas, & falsitas cadit.* Ut exemplo manifestetur; peroret procul aliquis, & auditor teneum dumtaxat, confusamque vocem percipiat, tum, si opinetur Oratoris vocem esse quoque propè teneum, & confusam, falsa erit Opinio; si fortem, & distinctam, vera. Quid ipsa sensio interim, seu perceptio tenuis, & obscuræ vocis? ex superiore Canone illa falsa esse non potest, sed vera planè;

*Gassendi Epistola.*

quia reuerà talis vox percipitur, neque potest auris percipere aliam; quando vocis maxima pars dissipata est, deperditæque per aërem, priusquam ad aurem perueniat. Non conuenit ergo sensationi, ut falsa aliquando sit, sed Opinioni solummodo: seu, quod idem est, cadit falsitas non in sensum, qui simpliciter apprehendit, sed in intellectum, qui præterea suum iudicium adhibet, ac talem esse rem in se, qualis sensu apprehenditur, opinatur. Intellegere heinc licebit, quod eleganter Lucretius,

*Cætera de genere hoc mirando multa videmus,*

*Quæ violare fidem quasi sensibus omnia querunt,*

*Ne quicquam; quoniam pars horum maxima fallit*

*Propter opinatus animi, quos addimus ipsi;*

*Pro visis ut sint, quæ non sunt sensibus visa.*

Soluit proinde experimenta, quæ numerosa obiciuntur, non negando quidem falsitatem illis subesse, sed ostendendo illam ad Mentem, non verò ad Sensum esse referendam. Primum petitur ex turri quadrata, quæ apparet procul rotunda; sed nempe intellectus est, non vero sensus, qui rotundam pronunciat, talemque visum ita opinatur, si quis propius accesserit; cum sensus quidem nihil aliud, quàm renunciet talem turrim apparere ob speciem detritam, rotundamque in via factam, renunciaturus pari fide non rotundam, sed quadratam vbi propius astiterit; scilicet ob integram speciem. Aliud est de umbra sequente, imitantæque corporis gestus; at sensus quidem nihil aliud, quàm umbram videt, vbiicumque, & , quando-cumque videt, opinio est autem, non sensio, siue simplex visio, quòd obseruata succedens umbra, eadem sit cum antecedente. Quippe memoriam non sensui ad apprehendendum, sed intellectui ad opinandum, connectendum-ve terminos quibus affirmet quidpiam, neget-ve, inferuire perspicuum est. Tertium de naui visa immota, ac prætereunte litore. Sed cum visus quidem nihil aliud, quàm nauim, litusque, vbiicumque se offerunt, percipiat, & memoria careat, quæ res prius visas cum posterius visis coniungat, manifestum est intellectum esse, qui opinetur quiescere nauim, cui semper inest oculus, & moueri litus, cuius partes oculo succedenter exhibentur. Ut breue autem faciam, idem dicendum ad ea quæ ille aggerit de Sideribus quiescere visis, cum tamen continuo moneantur; de montibus distitis, & procul tamen visis coniunctis; de apparente pueris post gyrationem citeumcursoria; de Sole proximè monte visò, cum immensa tamen spacia interiaceant; de tanto spatio sub aqua visò, quantum à Terra ad Cælum est; de flumine visò, dum traicitur, versus caput suum relabi; de visa abire in angustum porticu; de Sole nautis visò ex vndis emergere, & in vndas demergi; de remis inflexis, seu refractis visis; de visis noctu Sideribus præter nubila properare; de rebus visis

geminis, pupillâ leuiter detortâ. Denique de rebus per somnium (adde & infaniam) apparentibus, quatenus est etiam sensus interior irrationalis, nihilque aliud, quàm species, motiones-ve earum percipiens. Scilicet eadem Responso accommodari omnibus potest, potestque de omnibus dici, quod Diuus Gregorius Nyssenus de remo, & deque Turri habet, *Neque est, inquit, hic error visus, sed intellectus. Nam ille quidem videt, & annuntiat? Intellectus autem representatus non attendit.* Idem habet Macrobius, rationem arguens negligentiae, non incertitudinis sensum, quem dicit rem unam certissimam omnium. Imò idem quoque videtur Aristoteles insinuassee, dum non errare sensum dixit circa proprium sensibile, pronunciauitque esse sensui, magis quam rationi fidendum. Verùm de his post-modum plura. Nunc, ô PRINCIPVM OPTIME, benè idè optimè Vale, Parisiis, v. Eidib. Iulij, M. DC. XLII.

*Bereculio, & Bervilla salutem.*

### E I D E M.

**V**ersari te adhuc Tarascone rebar, cùm tuas accepi literas Nonis huius Mensis Aquis-Sextiis datas. Significasti verò rem miram, pergere te Antipolin, quasi aliquid ab hoste metuentem. An Hispano enim satis animi, vt milite nostro Iberum bibente copias in Orain nostram dimittat, opperiente te, & Regia Classe insequutura? sed mei captus ista non sunt: quare venio ad nugas meas, quas te non ingratas habere testaris. Prescriptum iam sensum non falli: prescriptum Opinione esse, quæ aut vera, aut falsa sit. En de vera Canonem tertium, *Opinio illa vera est, cui vel suffragatur, vel non refragatur sensus euidencia.* Nimirum Euidencia est ea sensus apparentia, quæ in controuersiam vocari non potest; quæ fidem ex seipsa habet; quâ probabilius nihil est; quare, si talis quæpiam sit, quæ opinioni suffragetur, aut certè quæ non refragetur, censet Epicurus opinionem veram. Suffragatur autem verbi gratiâ, si ob factam ex interuallo hominis apparentiam, opinio fuit Platonem esse, & sublato deinde interuallo, apparentia sit euidens, quæ Platonem esse confirmit. Non refragatur verò, si quis opinatus verbi causâ Lunam esse infra Horizontem, nulla sit deinde apparentia, etiam semotis nubibus, quæ esse illam supra conuincat. Docet proinde Epicurus non ex quacumque apparentia opinandum esse, siue pronunciantium de re; sed ex ea solummodo, cui contradicere iure non possit. Ipse est nempe, qui introduxit apud Lærtium τὸ ὑποσώφιν, quod est *expectandum* esse, siue temerè iudicium non ferre; vt cum Turri apparente procul rotunda, quaeritur an rotunda sit: præscribit enim illum, qui videt, non debere statim pronunciare, sed *προσφύλαττον* εἶναι τὸν νοῦν, ὡς ἂν εἴδῃ τὴν οὐρανὸν ὅμοιον τῇ σφαίρῃ, *expectare, & ad Turrim propè accedere, ac animaduertere qualis cominus appareat.* Colligis exinde quam immeritò suggil-

letur Epicurus; quasi non distinxerit inter id quod apparet, & id quod pronunciantium est, aut existimauerit ex quacumque apparentia ferendum esse iudicium de eo quod res est, cùm ex opposito docuerit non esse temerè opinandum, sed circumspectiendâ diligenter omnia, expectandûmque, donec euidencia, aut faueat, aut non relinquitur. Non immoror porrò in iis, quæ Cicero speciatim habet, refero solum ex eo locum Canonis allato consentaneum, *Meo, inquit, iudicio ita est maxima in sensibus veritas, si & sani sunt, & valentes, & omnia remouentur, quæ obstant, & impediunt. Itaque & lumen mutari saepe volumus, & situs earum rerum, quas intuemur, & interualla aut contrahimus, aut diducimus, multâque facimus, usque eo dem aspectus ipse fidem faciat sui iudicij, quod idem sit in vocibus, in odore, in sapore; vt nemo sit nostrum, qui non in sensibus sui cuiusque generis iudicium requirat acris. Hæc ille, & plura; in quibus solum notandum est, quod iudicium sensibus ex vsu loquendi attribuit, esse ad mentem referendum. Idem notandum in Macrobio, ex quo locum rursus appositum ecce, *Nam si eminus, inquit, poni, quod malum dicitur, figura visatur, non omnimodò id malum est, potuit enim ex aliqua materia fingi mali similitudo; aduocandus igitur sensus alter, vt odor iudicet; sed potuit inter congeriem naturalium positum auram odoris ipsius concepisse: heic tactus consulendus est, qui potest de ponderare iudicare; sed metus est, ne & ipse fallatur, si fallax opifex materiam, quæ poni pondus imitaretur, elegit. Confugiendum est igitur ad sapientem, qui si forma consentiat, malum esse nulla dubitatio est.* Sic ille. Tu vbicumque fueris, OPTIME PRINCEPS, optimè Vale. Parisiis, xv. Kal. Augusti, M. DC. XLII.*

### E I D E M.

**R**at Mercennus optimus mecum, cùm tuas accepi literas pridie Eidus, Canis conscriptas. Memorarem heic quid ille de te, & senserit, & dixerit; sed neque ferret animi tui insignis moderatio; neque ignoras quid ille fuerit publicè testatus de tua Virtute. Itaque in eo iam non moror, dicturus potius de Canone, qui superest quartus, atque vltimus de Criterio primo.\* Is ita se habet, *Opinio illa falsa est, cui vel refragatur, vel non suffragatur sensus euidencia.* Rem ex superiore iam tenes. Quippe euidencia Lydiis lapis est, quo Opinionum vt veritas, ita falsitas exploratur. Si quis enim exempli causâ opinetur ignem calidum non esse; an non idcirco falsa eius Opinio conuincitur, quod Euidencia sensus refragetur? & dum vulgò opinantur esse Sphæram Ignis inter Aërem, & Regionem Lunæ, an-non potest falsa haberi opinio eiusmodi, quod non suffragetur sensus Euidencia? absurdum profectò videtur ob ratiunculâ aliquas, & leucis prorsus coniecturas, deserere fidem manifestam sensuum; ac praeter eum dogmatum ingentes moles super-exstruantur, sic enim contingit, quod ait Lucretius,

*Deinde*

Exinde concludo partem maximam Controversiarum Physicarum posse facile dirimi, si ad evidenter Sensus prouocetur. Adderem plura, sed iam non vacat. Tu id, OPTIME PRINCIPUM, boni consule, & optime Vale, Patifis, VII. Kal. Augusti M. DC. XLII.

*consuetudo ex familiaritate*, in mappis, vt vocant, Mundi delineata, spectataque ab oculis, adiuncta simul comparatione cum peccatis à nobis teritis. Quae est chimæra, aut rei-vae montis: ea gignitur *et nullo modo compositionem*, quæ à mente fit, dum visus Leone, Capra, Serpente, illorum species conpular, & visus scelerum monte, ac auro, montem aureum inde compingit. Hæc iam sufficiant; nam & quæ subiicienda forent de anticipata noctitia Dei, Angelorum, cæterarum rerum, tum ad loca specialia spectant, tum hec vniuersæ intelligi potest, quas habemus species huiusmodi rerum, non esse absque analogia ad res, vt corporales, sensibus perceptas, Vale, ô DEVS PRINCIPVM, PRÆSIDIVM, & DEVS meum dulce. Parisiis, Kal. Aug. M. DC. XLII.

**Q**uam gloriosum, quæso, est hoc? nasci veluti in purpura, & posse tamen quæ es ad me scribere dignatus de Aula sententias sane mihi esse videtur dignus Principe animus, qui superior splendore illo, quo fascinantur cæteri; fuitque omnia infra se videt: ac vetè liber, sive compos, tribuit reicuique legitimum pretium. Vivit beatus hæc indoles, & non improbus tua illa studia me plerumque intercipi nugamentis, ista iam habe. Criteriorum alterum est, quod Epicurus *αἰσῶν* dicit, Cicero Anticipationem, Prænotionemque interpretatur. Id non est alienum ab eo quod Aristoteles, *προσμελλόμενον γινώσκειν ἀντικείμενον νοήσιμα*, & Stoici *προνοία* immanentem notionem vocant. Vis autem delectare vtrumque quid sit? Ex quo vñque tempore vidisti verbi causâ equos, impressa est menti, memoria-ve tua ea animalis species, quæ cogitationi sese offert, quoties eam vocem audis pronunciari. Qui fit igitur, vt si quis apud te disserat de equo, nullo labore illum percipias: nempe quia habes ante perceptam illius animalis speciem, ad quam referas, quod ab illo audis. Itaque talis species, seu maior imago præconcepta, menti- que hærens & quoties opus est, occurrens, ipsa est Prænotio, seu Anticipatio, aut Anticipata cognitio, *αἰσῶν*, de qua loquimur. En iam de illa Canonem Primum, *Omnia sunt in mente gignitur prænotio dependet à sensibus: idque vel in cunctione, vel proportionem, vel similitudine, vel compositione.* Id ipsum est quod alij dicunt nihil esse in Intellectu, quod prius non fuerit in Sensu; insinuatque interim, vt in sensu præfuerint, quæ videntur nunquam transiisse per sensum. Imprimis quippe dubium non est, quin Sol, Luna, Terra, Aqua, Homo, Lapis, & similia omnia, quorum prænotiones in mente habemus, in sensus nostros incurritur, ac proinde quin prænotiones fuerint in nobis genitæ *ἡ δὲ αἰσῶν ἐκ τῆς ἐντύξεως*. Deinde vetò quæcunque aliæ prænotiones in nobis sunt illæ ex istis præhabitis, atque ad eod ex iis rebus, quæ prius in sensus inciderint, pendunt. Quæ enim, veti gratiâ, Gyganis, aut Pygmaei est; ideo in mente gignitur, quod prius visi homines fuerint vulgaris magnitudinis, alij maiores, alij minores, ménque exinde animam accipiat augendi, atque imminuendi præhabitam speciem, seu prænotionem hominis *ἡ δὲ αἰσῶν ἐκ τῆς ἀναλογίας* proportionem, iuxta quam pergit illam augere, ac minuire, facereque quantumlibet prolixiorum, aut contradietorem. Quæ est aliunde Americæ, ipsa gignitur *ἡ δὲ αἰσῶν ἐκ τῆς ἀναλογίας*

Lius ~~et~~ <sup>et</sup> ~~Canon~~ <sup>Canon</sup>, de quo iam  
 dicendum, huiusmodi est, *Nihil querere  
 dubitare, intelligere, opinari, redarguere,  
 edisserere sine Prænotione licet.* Ita Cicero, Em-  
 pericus, Lærtius, Clemens, alij non pauci  
 commemorant. Idem autem penitus est, quod  
 Aristoteles censet; cum docet omnem doctrinam,  
 omnemque Disciplinam in cogitatione pos-  
 sitam esse præxiitenti cognitione esse. Tametsi,  
 cum Aristoteles velit prænotandum, & quod  
 res sit, & quid eadem sit, Epicuro sufficiat  
 Prænotio quid sit, seu quid voce significetur.  
 Quippe prænotio quoque haberi rerum non  
 existentium potest, ut Chinæ, & consimili-  
 um. Cæterum, quod nihil querere sine  
 prænotione fas sit, manifestum penitus est,  
 cum inquiri nulla res possit, de qua suspicio  
 quædam non sit; & de illa esse suspicio sine  
 aliqua Prænotione seu, ut loquitur Cicero, in-  
 formatione accepta non possit. Referte iu-  
 nat quemadmodum Epicurus tem exemplo  
 declarat, *ἐν ἡμῶν ἐξήγησιν*, inquit, *τὸ ἐπα-  
 ρεῖν, εἰ μὴ ἀποδείξῃ ὑποκείμενον, αὐτὸν τὸ πρῶ-  
 τόν ἔσθαι, ἢ τὰ ἐν αὐτῷ, ἢ ὅτι τὸ αὐτὸ ὅτι ἀποδείξῃ  
 ὑποκείμενον ποτε ἵππου, εἰ βούλῃ μαρτυρῆναι, ἐὰν αὖ  
 ἀποδείξῃ ποτὶ τὸν ἵππον, εἰ ἀποδείξῃ αὐτὸ ἀποδείξῃ ἢ ποτε  
 μὴ ἵππον.* Neque verò id, quod querimus, querere-  
 mus, nisi illud prius haberemus cognitum, exempli  
 causâ, quod procul confusit, equus-ne an bos est?  
 oportet enim equi, & bouis formam aliquan-  
 do prænotione habuisse perfectam. Illiusne  
 nominaremus quidem aliquid, nisi prius illius  
 effigiem prænotione arripereamus. Dicerem de  
 cæteris, sed res nimis clara. Itaque patiere,  
 ut heinc finem faciam, cum etiam vocet ad  
 alia. Tu bene Vale, P R I N C I P I U M D E C Y S,  
 Parisiis, vi. Eid. Aug. m. dc. xlii.

*Isbach absoluebam cum ecce e Provincia ad-  
 ueniens Nobilis Pontifus Durbarum Toparcha,  
 & inuissit me, & significauit dolere se magnopere  
 quod te coram sifistere se in nupera Ordinis sui  
 conuocatione non fuerit potui. Expetuit dolorem  
 hunc suum innotescere tibi meis literis. Ego ne-  
 gare id officij Viro amico non potui; rarus tescui  
 nihil innotingente volo cognitum, boni consultu-  
 rum. Iterum Vale.*



## E I D E M.

**N**ihil sanè ex literis tuis addiscere iucundius potui, quàm te in illo assidue (& hac præsertim tempestate) per Prouinciæ oram discursu, ualitudine frui firma. Vt nam id liceat in Nestoreos annos: adeo è re est generis humani, vt tales viceant Principes, qui regimine subditis, exemplo vniuersis profint. Non parum tibi interim debet nobilis Ordo Prouinciæ, dum vt commendes illius fidem, iis maioribus dignum prædicas, qui Carolum Imperatorem olim inglorium expulerunt. De me quod habes, nimirum est; sed illud nimirum pro tua bonitate. De Merfeno dici non potest, quantum illum beaueris. Verùm alia instant, quæ ad te iam scribam. Nempe expectas Canonem de Prænotione tertium. En verò cuiusmodi sit. *Habenda Prænotiones sunt quam-maximè generales, vt argumentari tutius in singularibus liceat.* Hic supponitur Prænotionem tantò generaliorē esse, quantò est singularibus conditionibus denudatior: sic enim cùm ex Prænotione, exempli causâ, hominis detrahimus alborem, nigrorem, adolecentiam, senium, eruditionem, ignorantiam, & alia quàm possumus multa singulorum quorundam propria, ac ea interim retinemus, quæ communia sunt omnium, vel quam-maximè licet plurius, veluti est Animal bipes, implume, & ratiocinij capax; tum prænotionem Hominis, quam maximè licet generalem assequimur. Vides obiter Prænotionem hanc non differre ab eo, quod vulgò in Scholis, & Vniuersale, & cuiusque rei Definitionem appellant, cùm aliunde quoque videatur nihil esse aliud, quàm Idea Platonica, quatenus scabducta est à rebus singularibus, vt nulla sit tamen singularis res, quæ non ex illius participatione noscatur. Cæterum quia argumentari nihil aliud est, quàm ex generali intelligere, colligere-ve singulare: notum est tantò tutius, faciliusque id fieri, quantò Prænotio est generalior. Queratur, verbi gratiâ, de Æthiopo, an sit homo, aut non. Vnde colligas autem, hærebis, si eam hominis prænotionem habueris, vt album esse Animal debeat; at dices & verè & incunctanter esse, si colorem detraxeris. Nempe hæc statim in animo argumentatio intercurrent. *Quod est Animal bipes, implume, & ratiocinis capax id homo est. Est autem Æthiops huiusmodi; Igitur est homo.* Quo loco agnoscis operosas illas argumentandi formulas non esse admodum scitu necessarias; si quidem modò in mente sit generalis prænotio, conclusio de re singulari sponte ipsa colligitur, nullaque arte Dialectices, sed lumine solo naturæ est opus. Experiencia sanè id docet in omnibus hominibus, etiam in pueris, ac rusticis; qui modò habeant animum generali quadam alicuius rei prænotione informatum, conclusiones ita eliciunt, vt ne Dialecticissimi quidem Dialecticorum id faciant melius. Prænotit enim Rusticus animal esse id quod sentit, seu videt, audit, &c. tum si ex eo quæras, est-ne Plato animal? putas-ne, aut hærebit vt esse respon-

deat? aut si poscatur ratio, etiam vt hoc addat, quia sentit? & præscribet quidem Dialecticus dicendum in forma, *Quod sentit est animal, atqui Plato sentit; igitur Plato est animal.* Sed totus iste syllogismus iam ab eo factus supponitur, cùm breuitatis causâ respondit, Plato est animal, quia sentit. Vnde & tametsi dicere non possit quid sit Propositio, quid Assumptio, quid Figura, quid Barbara, quid alia id genus similia; rem tamen ipsam tenet, ac præstat. Et Dialecticus supra ipsum habet solum verba, ac obseruationes circa modum intelligendi aliqua; cum ille interim rem eandem, & quo par est modo intelligat; quod vnum est operæ pretium. Tu bene Vale, PRINCIPVM DECVS, Parisiis, XVIIII. Kal. Septemb. M. DC. XLII.

## E I D E M.

**N**ihil sanè est, quod adiciam meditationibus illis tuis, quibus posse eo, quo es natus, ac positus loco, sic incumbere; abis vt esse, vel fructuosius, vel laudabilius quicquam possit? Qui secus faxit, haud quaquam mirum, si quid intersit, semper ignoret; si dedecus domus sciat vltimus, imò & fortè nūquam sciat, sed ad Criterium cuius est postremus Canon atroxendus is ita habet, *Quæ minimè euidencia sunt, ex rerum euidentiis prænotionibus demonstrari debent.* Sic demonstrauit Epicurus Inane rem ineuidentem ex motu, qui euidens est. Sic porci cutis inconspicui ex sudoris conspicui diuinatione ostenduntur. Notandum verò rem euidentem, quæ ad probandum aliquid ineuidens assumitur, quæque vulgò & Medium, & Argumentum appellatur, dictam fuisse antiquis Signum, Græcè σημιον, & τακτικον. Tametsi verò Epicurus pro eodem ferè habeat τὸ σημιον, & τὸ τακτικον: videre tamen licet Quintilianum sic distinguere, vt dicas τακτικον appellari signum, seu Argumentum necessarium, quod cùm aliter se habere non possit, vix pertinere ad artis præcepta videatur. Nam, inquit, *vbi est signum insolubile, ibi ne lis quidem est: σημιον verò appellari signum, non necessarium, comprehendens nempe ea, quæ ceteris Græci vocant, quæque, inquit ille, etiam si ad tollendum dubitationem sola non sufficiunt, tamen adiuncta ceteris plurimum valent.* Cum tam pauca potèd τακτικα Quintilianii sensu occurrant; quanti putas faciendum est si τὸ σημιον occurrerint, quæ haberi inæstima, seu verisimillima possint? eiusmodi habuit Epicurus quam ισορρογια dixit, & Cicero est æquilibritatem, seu æquabilem tributionem interpretatus. Ea æquiualeat vulgari effato, *Posito vno contrarium in rerum natura, posito scilicet euidens sit) poni debet & alterum (nempe quod sit ineuidens.)* Vnus autem est τὸ ισορρογια, vt demonstraret, si mortalium tanta multitudo sit, esse immortalium non minorem; & si quæ interimunt, innumerabilia sint, etiam ea, quæ conseruant, infinita esse debere. Et obicit quidem Cotta, isto modo, quemadmodum homines mortales sunt, sint aliqui immortales, & quænam modum nascuntur in Terra, nascuntur

*nascantur in Aqua, &c.* Verùm hæc solum arguunt Demonstrationem eiusmodi constare ex signo minimè necessario; neque obstat quin sit ex iis, quæ adiuncta cæteris, ex Quintiliano plurimum valent. Quod si quis putet Demonstrationem instituendam solum iuxta Aristotelem ex signo necessario, Dicunt Græci *ἐνδεικνύειν*, Cicero *insignem ac propriam percipiendi notam* appellat. Id in Geometria quidem est verum, at non perinde in Physica, in qua vniuersa, ne Aristoteles quidem suæ illius Demonstrationis vllum profectè exemplum possit. Sed hæc satis, Tu benè Vale, DECUS PRINCIPVM, Decus meum dulce, Parisiis, x1. Kalend. Septemb. M. DC. XLII.

## E I D E M.

**Q**UOD exoptas, OPTIME PRINCEPS, vt ad Criterium prænotionis accedat aliud, quo liceat actiones vitæ diiudicare; ecce quàm opportunum sit. Nempe dicendum superest de Criterio illo postremo, quod Epicurus *Passionem* vocat, & quo diiudicari vult quidquid est agendum in vitâ, *Passionem* id *ἡδονή* appellat, quam alia voce *Perturbationem*, *Commotionem* & *Affectum* interpretantur; complectiturque eo nomine tam Voluptatem, quàm Molestiam; quas idè vocat *ταπνία καὶ ἡδονή*, *Passiones primas*; quod cæteræ omnes ad eas referantur. Est ergo apud Eusebium hæc illius sententia, *τὸ αἰσχυρὸν, ὃ πῶς ἐστὶν, ὃ ἡμεῖς ὡς ἡμῶν τὸ ἰδίον, ὃ τὸ κοινόν, Voluptatem & Molestiam esse in nobis principium, Criteriumque prosecutionis & fugæ.* Idem habet apud Laërtium, supponens quidquid agimus, rerum prosecutionem, aut fugam esse; ac docens, cum deliberatur voluptatem & molestiam tam præsentem, quàm confectionem esse studiosè attendendam. Sunt hæc de re Canones Quatuor, tanquam generales quædam Regulæ omnium Actionum humanarum, quas vnico ecce prospectu exhibeo. Canon I. *Ea voluptas, quæ nullam habet adnexam molestiam, amplectenda est.* Canon II. *Ea molestia quæ nullam habet voluptatem adnexam, fugienda.* Canon III. *Voluptas, quæ aut maiorem voluptatem impedit, aut grauiorem molestiam parit, fugienda.* Canon IV. *Ea molestia, quæ aut maiorem auertit molestiam, aut vberior voluptatem creat, amplectenda.* Fecunditas magna horum Canonum; nam professioni etiam Christianæ quam-maximè accommodantur. Verùm & res est per se nota, meditationeque sola indiget, & cum vniuersa Moralis Philosophia heinc pendat, non est quod multis iam dicatur. Vale PRINCIPVM OPTIME, & ita age omnia, vt quidquid demum euenerit, nulla te actorum subeat penitentia. Parisiis, iv. Kalend. Septemb. M. DC. XLII.

## E I D E M.

**E**NÈ me nosti, OPTIME PRINCEPS, quando tecum agis tanta confidentia. Isthæc sunt, quæ pro more est, vt tanto ma-

gis dissimulentur, quantò impensius afficiunt; tūque longè sapientior es, quàm vt, quod ad te attinet, ipsa fieri propalam velis. Sed nempe tu me illum habes, cui possis vt tibi omnia dicere; & cum eâ prudentiâ sis, vt temerè nihil efferas; eo simul candore es, vt fidum pectus latere nolis. Hæc porò aliàs; nam & si quando te reuifere dabitur, animos fecisti, qui tum inardescunt. Nunc cum habueris hæcenus varios Canones de Criteriis rerum, superest, vt & duos accipias de legitimo vsu Vocum. Vnus ad illum, qui loquitur, Alter ad illum, qui audit, spectat. Videlicet fabula vitæ his est actoribus contenta. En ergo priorem; *Dum loqueris, delige voces commoneis, & perspicuas, ne aut ignoretur quid velis, aut interpretando tempus frustra teras.* Præceptum heic vides, ac rationem simul. Cum enim vox sit homini concessa, vt audienti mentem declaret; quid-nam absurdius facere potest, quàm voces ab vsu alienas, obscurasque sic vsurpare, vt declarari ipsum debeat, quod declarando est destinatum, & (quasi luci lux alia, qua videatur, sit necessaria) illi qui interpretem agit, opus esse interpretare? Et vulgaris quidem excusatio est, quod non semper voces familiares suppetant; sed aut falsum est non suppetere, si modo quis rem probe teneat, & linguam ritè calleat; aut præstat eas suppressere, quæ nihil aliud quàm crucem figant. Queritur, vt exemplo dicam ecquid Motus sit, resonant Scholæ *esse actum entis in potentia, quatenus in potentia.* Quod me attinet, malleam dicere esse progressionem de loco in locum, vel mutationem loci (& vbi volueris ad alia quoque extendere, mutationes qualitatæ, &c.) quàm tradere definitionem longè obscuriorem ipso definito. Neminem certe reperias, qui auditio nomine, Motus, non concipiat mente, quid ea voce velis; neminem, qui audita primum ea serie verborum, *actus Entis in potentia, quatenus in potentia*, suspicari possit, intelligi Motum. Annon præstaret igitur illam potius negligere, quàm rem ex se claram per eam obscurare? Sed, vt præteream cæteros, ecce vt pulchrè Cicero notet diligentiam inutilem, qua vsi fuere Stoici in repudiatione communium, & inductione nouarum vocum: Zeno, inquit, Metelli vitam negat beatiorē quàm Reguli, proponendam tamen; nec magis expetendam, sed magis sumendam, & si optio esset, eligendam Metelli, reiiciendam Reguli. Ego quam ille proponendum, &c. magis eligendam beatiorē hanc appello, nec vllò minimo momento plus ei vitæ tribuo, quàm Stoici. Quid interest, nisi quod ego res notas notis verbis appello, illi nomina noua quarunt, quibus idem dicant. Ita quemadmodum in Senatu, semper est aliquis, qui interpretem postulet, sic isti vobis cum interprete audiendi sunt. Bonum appello, quidquid secundum naturam est, quod contra, malum: sed nec ego solus, sed tu etiam Chrysippe, in foro, domi, in Schola definis. Quid ergo aliter homines, aliter Philosophos loqui putes oportere? (Scilicet illi valetudinem verbi gratia non bonum, sed præpositum, præponendum-ve appellabant, & dolorem non malum sed reiiciendum)

dum)pergit, *Quanti quidque sis aliter docti, aliter indocti; sed cum confiteris inter Doctos quanti quidque sis si homines essent, vstare loquerentur.* Hæc Cicero. Tu benè Vale, PRINCIPVM DECVS. Parisiis, Non, Septemb. M. DC. XLII.

## E I D E M.

**P**Ræclarum est, OPTIME PRINCEPS, quod eleganter exaggeras de humanæ mentis imbecillitate. Ea nempe est, vt nihil nosse, præter rerum corticem liceat; & ne minima quidem rei intima natura introspecti possit. Oh! si vel hoc vnum intelligeremus, quomodo eliciatur Visio, res familiarissimæ, qualis sit hæc videndi vis; & qui fiat, vt talem rerum faciem percipiat? cur seu foras quidpiam prorumpat, seu ingeratur aliquid, consequatur hæc aded pulcra & amabilis actio; quàm speciosus, censeretur vanitati nostræ quæsitus prætextus? Nunc autem cum alta caligo mentis nostras fig occupet, vt tale nihil perspiciamus; an-non supputere iactationis debet, qua efferimur, dum tantopere de nostra solertia, & subtilitate gloriamur? Quod Sapienter addis *verborum dissidium; si constet de re, non esse curandum*; id tum in mentem reuocat, quod literis nuperis scripsi, tum admonet vt posteriorem circa vsum vocum Canonem subiiciam. En vt illum concederem, *Dum audis, id enitere, vt vim subiectam vocibus teneas; ne te vel praobscuritate lateant, vel præ ambiguitate deludant.* Regulæ scopum duplicem vides; cum enim dicentem audiamus, vt verè quidpiam ab eo discamus, danda nobis opera est, vt & pernoscamus quid velit, & caueamus ne fucum faciat. Sufficit porò hic vnus Canon, Sophismatibus omnibus soluendis; cum si priusquam respondeamus ipsum Sophistam, seu rogan-tem, seu syllogismum obtudentem interpellemus, vt explicet, æquid singulis vocibus, propositionibus-ve intellectum velit, cogatur obmutescere, aut futilitatem suam propalare. Nam finge Sophistam, qui roget, *An-ne omnis Canis latrare potest, an-non?* Ac esse qui vicissim quærat, *Quid intelligis hoc nomine Canis?* Tunc si intelligere se dicat Animal illud quadrupes, domesticumque, nulli non notum; erit, quod respondens affirmet, sed ille ridiculus erit si pergat assumere, *aliquod fides esse canem*; tale scilicet animal, vt latrare Sidus concludat. Sin dicat se sua interrogatione comprehendere etiam Sidus; tunc erit quoddam respondens neget; ille verò interea comprobabit se stolidum, qui in Sidera transferat latratum. Quod si non roget, sed vna serie syllogismum totum contextat, rogandus erit pari modo, quid in prima propositione nomine Canis intelligat, Efficieturque, vt hæc in ipso limine cogatur; & qui ridere alium volebat, fiat ipse ridiculus. Dicerem plura; sed sufficit id atterere, quod Seneca habet, dum rem indignam Philosopho Sophismatum studium docens, *Tu mihi, inquit, verba distorques, & syllabas digervis: scilicet nisi interrogationes vasserrimas struxero, &*

*conclusionem falsam à vero nascentem mendacium adstruxero, non potero à fugiendis petenda facerere.* Pudet me; in re tam seria senes ludimus, *Mus syllaba est; Mus caseum rodit, syllaba ergo caseum rodit.* Putas me nunc istud non posse solvere; quod mihi ex ista sententia periculum immineret? quod incommodum? sine dubio verendum est, ne quando in mustipula syllabam capiamus me, quin, si negligentior fuero, caseum liber comedat; nisi forte acutior est illa collectio, *Mus syllaba est, syllaba autem caseum non rodit; Mus ergo caseum non rodit.* O puerileis ineptiis? In hoc supercilium subduximus, in hoc barbaram demissimus; hoc est, quod tristes docemus & pallidi. Mirro cætera, quæ ille præclare, ac precipiatim dum ista confert cum præstigatorum acerbis, calculisque, & captiones dicit, quæ nec ignorantia nocent, nec scientem iuvant. Et tantum de Canonica compendiosè perfectum esto. Tu, meum dulce Decus, & Præsidium, Vale. Parisiis, postridie Eidib. Septemb. M. D. C. XLII.

## E I D E M.

**Q**UAM absolum longè, OPTIME PRINCEPS, ab eo, quem postremis literis describis! Putas me esse æmulum? Ego verò me modò, plusquam credi possit, agnosco. Sed nempe tu eximie bonus per-humanè interpretaris quidquid in aliis humanum est, ac in me præsertim, in quo amor tuus facit luminæ ex nævis. Ac verum est quidem animi Passiones aciores in his, leuiiores in illis, plus minulve erumpere; sed & contingit, vt plurimum tantò grauiorem esse affectum, quantò interius concoquitur; & vtcunque etiam interiorius perturbatio non magna sit, verissimè tamen illud dicitur, *Quisque suos patimur manes.* Heinc & verius dici nihil potest quàm quod dictum est præclare à Te, *illos censendum esse perfectos, qui minus imperfecti sunt.* Scilicet nemo est hominum, qui vitiis prorsus careat, beatiusque ille habendus est, in quo & pauciora, & leuiora vigent. Quod de amicitia non iam primum habes, id ipsum pergit me ruborem, passionemque adeò, creare; quando is non sum, qui-cum & te inter amicitia ius, quod æqualium est, versari dicatur. Beneuolentia erga me tua, obseruantia erga te mea, genere alio relationis, quàm æquiparantia, vt Scholæ loquuntur explicanda est. Enim verò tua erga me beneuolentia modum nescit; & me quod spectat, rem sic accipio, vt tu censeas me, dum te veneror, etiam esse, qui reuerà sum, videlicet *omnino*. Aggressor fui scribere ad te de nobili illa Philosophi Parte, quæ Physica dicitur (nempe quæ de Canonica dici poterant, hactenus perscripsi) verum id officij abs me impræsentiarum exigitur, vt inhumanus planè sim, iniuriolèque æmulus, nisi eo studiosè defungar. Itaque stylum heic abruptum, sperans, si quid iacturæ veritas (licet profectò tanti non sit) dandis proximè literis id cum facnoce compensare. Quæro te interea, si vacet, eam Præstationem pellegas, quam libris quæstionum naturalium Seneca Vir magnus præfixit. Legisti iam

illam



illam haud-dubie; at cum iteratò, cum attentò,  
cum mei memor repetes, nouam flammam  
haud-dubie cum voluptate noua concipies.  
Vale, PRINCIPVM OPTIMÆ, Præsidium, &  
Decus meum dulce. Parisiis, xlii. Kalend.  
Octob. M.D.C.Xlii.

Berville salutem.

## E I D E M.

**N**on displicuisse tibi priorem de Voci-  
bus Canonem, & placitum quoque  
eum fuisse, qui ab illo supererat, res est mihi  
per-quàm iucunda. Agedum nunc relictis  
verbis, emergamus ad ipsas res, Res scilicet,  
quas Physica, de qua recepi aliquid ad te scri-  
bere, contemplatur. Mitto porò Physicam  
dici *non tibi potius à Natura*; & cum sit vox  
*potius non tibi potius*, quod est tum nasci, tum  
gignere, idèò Naturæ nomen completi non  
modò quidquid nascitur, sed etiam quidquid  
est eius causa; & quidquid proinde in Vniuer-  
so est. Ex hoc certe est, cur interdum, & Vni-  
uersitas ipsa rerum, & vniuerse vis agendi,  
quæ in tebus est, Natura vocetur; interdum  
& quævis singularis res; & quod singulare, ac  
intemum est in ipsa agendi principium. Vides  
proinde cur Epicurus Physicam scientiam,  
seu *physicam*, sic enim appellat, definiat, quæ  
*non tibi potius non tibi potius*, vniuersam de  
Natura speculationem continet, ea videlicet  
tam Naturæ rerum vniuersæ, quàm singula-  
ris cuiusque rei perscrutari debet principia,  
partes, causas, vires, proprietates, actiones,  
efflata, & quidquid demùm ad illam intimè  
cognoscendam spectat. Quamobrem autem  
qui iam dicatur aliquando fieri naturà po-  
tiusquam vel arte, vel casu, vel arbitrio, vel  
diuinitus; id ex iis, quæ aliàs edisserentur,  
fiat perspectum. Nihil hinc de Origine seu  
antiquitate Physiologiæ addo; quippe ea vi-  
detur esse cum ipsis Hominiibus nata; neque  
enim Homines primi potuere oculos in Cælum,  
alias-ve res comicare, quin nosse appetierint,  
requiserintque vnde quidque esset. Et quamuis  
Thales Milesius dicatur Physi-  
corum primus; id tamen duntaxat, quia ex-  
posuisti primus, quæ de Natura perceperat, vo-  
cibus vulgò intellectis, non Deorum, aliarum-  
ve rerum fabulofarum nominibus, vt Poëtis,  
qui ante id tempus philosophabantur, mos  
erat. Certe & cum Thales Eclipsin prædixit,  
antecessores habere debuit, qui consimilibus  
placeis adnotassent; quòd illum quoque non  
pernegasse apud Plutarchum legitur. Nihil  
addo etiam de Physicæ scopo, cum qui est  
alias vniuersæ Philosophiæ propositus, vt  
comparanda tranquillitas, tollenda admira-  
tio, voluptas inde consequens, is ad partem  
hanc præsertim attineat. Hoc solum adinoneo  
corrigendum scopum, quem Epicurus præ-  
stituit, dum eum fructum voluit ex Physiolo-  
gia colligi, vt liberetur terroribus, qui partim  
ex Eclipsibus, Fulminibus, Cometis, cæ-  
terisque similibus; partim ex morte ipsa im-  
pendent. Non sanè quòd ipsa terrorum de-  
pulsio, si præcisè consideretur, legitimus scopus  
non sit; sed ille voluerit tum Sublimia

illa (ita enim vocat, non esse timenda), quasi  
nulla diuina vi, institutione, curâ contin-  
gant, tum mortem metuendam non esse, quasi  
animus superstes non sit, & Inferi ipsi sint  
mera commenta. Videlicet possunt sublimis  
effectus iuxta institutam à Deo rerum seriem  
contingere, & nos tamen non conturbare,  
qui nouerimus Deum sinere causas naturalis  
suas agere vices ac esse aliunde optimum Pa-  
rentem, qui nihil instituerit, nihil patiatum ac-  
cidere, nisi in nostrum commodum; tamen  
id nos, vt plurimum lateat. Potest quoque &  
immortalis superstes Animus, & non esse fa-  
bula mera, quod prodit de Inferis; ac non  
idèò tamen perterere nos quibus sit com-  
pertum supplicia infanda manere solos im-  
probos, delicias verò æternas probos, quales  
vt simis studendum sit, si homines quidem  
dicamus, & simus.

*Sic igitur terrorem animi, tenebrasque ne-  
cesse est*

*Non radij Solis, neque lucida tela dici,  
Discentiam; sed naturæ species, ratioque.*

Vt isdem verbis sed alio sensu cum ipso Lu-  
cretio concludam. Tu optimè Vale, DECUS  
PRINCIPVM, Præsidium, ac Decus  
meum dulce. Parisiis, vi. Kalend. Octob.  
M.D.C.Xlii.

Viro Amico, & Erudito SAMVELI  
SORBERIO,

PETRVS GASSENDVS S.

**A**nas abs te literas habeo, ex quo te  
isthuc recepisti. Vtrisque eum erga me  
amoris affectum testaris, qui sit dignus tua  
indole; cum in me quidem nihil sit, quod præ-  
ter effusam in te voluntatem suscipere possis.  
Quod certè habes de comparatis ad aliquod  
nugarum mearum excudendum Typogra-  
phis, officij tui totum est; quippe nihil veri-  
tus es tua commendatione illas prægrauare.  
An non fuit tibi prospiciendum, ne te pro  
Viro, qui soluendo non esset, præstares spon-  
sorem? Quam-putas enim leuis rei est mea  
illa congeries Epicurearum Commentatio-  
num? Non ausim sanè committere, vt in aper-  
tum prodeant; abundèque est, vt Amici, qui  
ferre nauos patienter possunt, illarum parti-  
cipes fiant. Prodromus Exercitationum Pa-  
radoxicarum libellus tanti non est, vt iteratò  
lucem accipiat. Ad Instantias, quod attinet,  
concessi lubens Prætor nostro, vt licet res  
digna eâ curâ non sit, appareat, quia vult, illa-  
rum Exemplum. Quod aliunde habes de op-  
timis Viris Riucto, Vossio, & aliis, id & facit  
abs te mentioni, & bonitatis eorum eximia,  
quàm sum præsens expertus, debeo. Vtinam  
foret pro viribus, vt me illorum beneuolen-  
tia, & tua simul erga me propensione dig-  
num probarem. Dicere non possum quàm  
fuerit res grata id accipere quod subindica-  
sti posterioribus literis, fuisse te nempe illa-  
stri illa Rhingrauij domo exceptum. Audio  
Riucti facinus esse: verant illi prosperè om-  
nia, quando bonis tam benè vult. Vale, mi.

SORBERI,

SORBERI, & me semper ama. Parisiis, v. Kal.  
Octob. M. D. C. XLII.

LVDOVICO VALESIO, Principi  
Optimo,

PETRVS GASSENDVS

Εὐδοκίην,

**P**AUCA sum nuper ad te scribens circa Physiologiam præfatus. Addo iam duo Capita, quæ non videntur prætermittenda. Alterum est de Methodo, quæ Epicurus philosophandum in Physiologia cepit: Alterum verò est de Ordine, quo in ea procedendum innuit. Et circa Prius quidem, duæ sunt præcipuæ eius Regulæ. Vna, ἡ ἐν τῷ ἀρχαίω κατὰ τὴν νομοθεσίαν φυσικομαθητικῶν, ἀλλ' ὅς τὰ φαινόμενα ἱκανεύεται. Philosophandum est de natura, non ex vana auctoritate, & quodam quasi legis præscripto; sed prout deponunt, quæ nobis apparent. Autem, vt vides, sententia, & quæ adiuuanda non sit; quando constat illum non philosophari, qui ex alieno nutu pendet, qui ducem habet non rationem, non obseruationem, atque experientiam, sed placitum Magistri solum, in cuius verba iuratum sit. Altera, περὶ τὴν π, ἡ διακρίτων ὅσα μοναχῶ ἔχον τὰς φαινομένης συνειρησίας, ἡ ἂν ἐκαστοῦ αὐτῶν τοῦ παρ' αὐτῶν προύχοντος στοιχείου αὐτῶν. Attendendum, ac discernendum quæ ea sint, quæ singularem habent cum apparentibus consonantiam, & quæ pluribus modis fieri consonantiam, quæ apud nos sunt. Scilicet, cum philosophando de rebus occultis iudicandum sit ex iis, quæ apparent, distinguendum voluit inter ea, quæ apparent vnico modo euenire, & ea, quæ contingit fieri pluribus; vt cum dicere liceat ea se habere certo modo, quibus respondent apparentia, quæ vnico modo eueniunt, non perinde dicamus ea certo aliquo modo fieri, quibus apparentia responderint, quæ fieri pluribus contingit. Prioris generis esse duxit Inanis existentiam, & Principiorum infestilitatem. Posterioris ea, quæ Sublimia dixit, vt Phæcis Lunæ, Eclipses, Cometas, tonitrua, &c. quorum omnium adnixus est tradere modos, causasque plures. Cur sic fecerit, audi Senecam, qui relatis causis Terræ motus multis. Omneis, inquit, istas esse posse causas Epicurus ait, pluresque alias tenet, & alios qui aliquid verum ex istis esse affirmauerant, corripit, cum sit arduum de iis, quæ coniecturâ sequenda sunt, aliquid certi promittere. Circa Posterius verò caput, videtur ille Physiologiam effecisse quadripartitam. Quippe quantum colligi potest ex iis, quæ restant monimentis, egit Primum de Vniuerso, de quæ Atomis, & Inani; ex quibus illud composuit, & consequenter de rerum omnium, quæ generantur, & corruptuntur, Principiis. Causisque, & de ipso Ortu, ac Interitu, de Motu, atque Mutatione, de variis Qualitatibus, quæ mutationem consequuntur. Egit Secundo loco de Mundo, tanquam de parte Vniuersi, nimirum esse putauit pluribus, qui nostri huius instar, sint omnes &

ortui & interitui obnoxij. Tertiò de Sublimibus καὶ ὑψηλοῖς, sic enim vocauit quæcumque visuntur in superiore regione Mundi; seu nempe in Cælo, seu in Aëre, atque adeò non Altra modò, sed Meteora etiam specialiter dicta, Denique de Humilibus, quoniam mine completi licet tum ipsum Telluris globum, ex Terra & Aqua constantem; tum quæ ille putauit Inanima esse, hoc est, tam Fossilia, quàm Plantas; tum quæ prædita Anima scilicet ipsa Animalia, è quorum numero est Homo. Et possit quidem alius præterea ex ipso ordo colligi, cum & alium sit sequutus Lucretius, qui cetera inter Sublimia postposuit. Verum qui proposuit esse, commodius præcipuè apparet. Pelagus immensum, PRINCIPES OPTIME, sed pergendum tamen quovisq; licebit. Hæc nempe sunt studia, quibus incumbendo est aliquò prodire tenus, si non datur ultra. Tu bene interea (ò Decus meum) Vale. Parisiis, v. Non. Octob. M. D. C. XLII.

E I D E M.

**I**TERAS accepi geminas, ex quo ipse dedi postremas: sed Victoriani nempe Abbatibus, Prædomique absentia priores scribis redditas fecit; utriusque & eruditionem, & benevolentiam erga me oppidè ingentem testatus. Ego verò vt illam reuerer, hanc exostolor; ita pudore planè suffundor. Profecò enim de me, & sentis, & scribis magnificè nimis; eaque interitum bonitate, ac industria rem temperas, vt siue annuam, leuiculus sum; siue abnuam parum decorè fastidiosus videri possim. Abnuo tamen potius qui plus mihi debeo, quàm aliis de me credere; neque hæreo, quin tu quæ es indole, id candori potius, quàm fastidio veras. Non facio aliunde, quasi præscripturus, quæ mecum ratione debeas agere; id enim pleni tibi est iuris, nimirumque est, quod sic me ames, vt modo tandem, quocumque agas; sed facio solum, vt insinuem agnoscere me, & quantum tu sis, & quamrulus ego, quem tu sic exornas. Sed agendum ad institutum. Ex iis, quæ nuper deducta sunt, colligis esse iam aliquid de Vniuerso perscribendum. Equenam verò putas est vocis huiusmodi notio? nomine quidem Vniuersi nihil aliud intelligitur, quàm ipsa rerum omnium complexio. At cum ex Physicis astiquis alij complexionem hanc strictius, alij laxius acceperint, idcirco non omnes perinde Vniuersum intellexerunt, Plato, & Aristoteles, & ἄλλοι, τὸ πᾶν, Totum, seu Omne, vel Vniuersum idem cum Mundo esse voluerunt, neque enim existimârunt præter istum Mundum esse aliquid; quæ eadem videtur fuisse Heraciti, Thaletis, paucorum aliorum sententia. Ceteri aliud Vniuersum, aliud Mundum esse censuerunt; nam Vniuersum quidem putarunt esse in immensum diffusum; Mundum verò vt potè suis definitum limitibus; per exiguum esse Vniuersi partem. Cum isti porò opinarentur esse circumquaque ultra istum Mundum spatium aliquod infinitè spatium; suere, qui illud habuerint omnino Inane, seu

feu Vacuum, vt impijnis Pythagorici, qui ne cessarium esse duxerunt, vt esset in quod, & ex quo respirare hic Mundus posset; ac Stoici etiam, qui id ad miserunt, vt esset in quod Mundus olim conflaturus dissolueretur. Fuere, qui materiâ oppletum totum habuerint; quemadmodum Empedocles. Fuere & qui partim Inane, partim Plenum posuerint, vt quotquot præterit asseruerit plures, infinitos-ve esse Mundos, infinitaque Principia, ex quibus possent Mundi compingi. Huiusmodi fuisse perhibentur tum Sectatores Thalesis ad Socratem vsque, si Anaxagoram exceperis, tum ex Secta Italica Xenophanes, Leucippus, Democritus, Metrodorus, Anaxarchus, maximè verò Epicurus. Ex huius mente est, quod Lucretius Vniuersum appellat *Omne, Naturam omnem, Naturam rerum, Summam rerum, Summam totam, Summam totius summam*, &c. Aduotari autem heic potest commendari Epicurum à Lucretio, quod non passus animum isdem, quibus Mundum coarctari angustis, illius claustra confregerit, spatiatulque fuerit liberrimis spatius.

*Ergo vinida vis animi pervicit, & extra Processit longè stantantia maxima Mundi; Atque omne immensum peragravit mente, animoque.*

Et vide vt admoncat,

*Hicce tibi in rebus late st atque videndum, Et longè cunctis in partibus dispiciendum; Vt reminiscaris Summam rerum esse profundam,*

*Et videas Cælum Summam totius unum, Quam sit parvula pars, & quam multesima consistet.*

Tum non multò post,

*Scilicet & fluuium, quin non est maximus ej' st, Qui non ante aliquem maiore vidit, & ingens Arbor, hominèq; videtur, & omnia de genere omni,*

*Maxima, que vidit quisque, hac ingentia fingit,*

*Quom tamen omnia cum Cælo, terræque marique,*

*Nul sint ad summam Summam totius omnem.*

Cætera aliàs. Accipies vnâ Epistolarum aliquot recens excusatum Exemplum. Fortè satis animi erit, vt occasione proxima, aliud pro Bereculio mittam. Vale interè, P R I N C I P I V M D E C V S. Parisiis, vi. Eid. Octob. M. DC. XLII.

## E I D E M.

**E**gregia fuit sanè tua illa distinctio, cum id separans, quod Epicurus parum piè de Deo sentit, id amplexus es, quod ex Physiologia consequi licet emolumenti. Id pari modo iam facito. Dicebam nuper ex Viri mente aliud esse Vniuersum, quàm Mundum; addo iam ex eadem, constare Vniuersum ex natura duplici, corporea nempe, & incorporea; & illâ utrâque esse infinitum. Natura corporea duplex ipsi est, simplex scilicet, & concreta, siue maius composita. Simplex est quæ postea Atomus dicitur, putà vt illud minimum in quod vi naturæ resoluti quid potest. *Gassendi Epistola.*

Concreta, quæ contexta est ex simplicibus, siue Atomis, vt lapis, vt planta, vt Terra, vt Mundus. Appellat autem tam simplicem, quàm concretam naturam Corpus. Naturam incorpoream alia voce *εναπλοῦ* inactilem dicit, ac per ipsam nihil aliud, quàm Inane intelligit. Putat siquidem nihil posse incorporeum intelligi præter Inane spatium, quod aliunde tale describit, vt *neque agere neque pati possit, ac præter solum, vt corpora moueri per seipsam possint*. Et dari quidem corpora in Vniuerso ex sensu probat; dari Inane ex ipso motu; nihil verò dari præterea ex eo arguit, quod præter naturam, quæ sit solida, quæque tangi vel tangere, pati vel agere, pellicere vel resistere, cæteraque id genus valeat; ac præter naturam, quæ nihil omnino soliditatis habeat, neque istorum quicquam præstet, concipere tertiam non liceat. Concludit proinde Lucretius.

*Omnis ut est igitur per se Natura, duabus Consistit rebus, quæ Corpora sunt & Inane.*

Atque hoc quidem loco peccatum Epicuri fuit, non quòd appellauit Inane Naturam incorpoream; sed quòd non aliam propterea incorpoream agnouerit, qualem nos esse profiteamur & Diuinam, & Angelicam, & Animorum humanorum, vt suis locis dicendum est. Obiici Epicuro posset, præter illas duas naturas, dari grauitatem, leuitatem, calorem, frigus, &c. Verùm, vt Aristoteles ista appellat accidentia, & non tam entia esse vult, quàm Entis entia, seu modos Entis; ita omnino Epicurus ipsa appellans, & *συμπεριλαμβανόμενα*, seu ex Lucretij interpretatione, Coniuncta & Euenta, considerari illa non vult, vt aliquas per se Naturas, neque, vt aliquid distinctum à duabus huiusmodi

*Nam quacunque eluent, aut his Coniuncta duabus*

*Rebus cattueneris, aut horum Euenta videbis.*

Dicere deberem de Infinitate; verùm occasione proxima commodius. Hac ipsa atrexo Exemplum, cuius superiore iam commemini. An-non vel ex eo boni consules, quod id Bereculio nostro destinetur? Vale, ô Decus P R I N C I P I V M, Præsidium, ac Decus meum dulce. Parisiis, xvi. Kal. Nouemb. M. DC. XLII.

## E I D E M.

**E**as me valde, OPTIME PRINCEPS, dum tanti ducis meas literas, vt ex ipsis semper aliquid retrahes. Scilicet non maiore posses argumento ostendere esse eas tibi non iniucundas. Pergo itaque quod cæperam nuper ex Epicuro dicere, Vniuersum nempe esse infinitum, tam multitudinè corporum, quàm magnitudine spatiorum. Et generatim quidem esse non posse Vniuersum finitum, probat, quia quidquid finitum est, id concipi potest cerni aliunde extrinsecus; at cum Vniuersum complectatur omnia, atque idecirò omnem locum, nullus potest concipi locus, ex quo cernatur extrinsecus, quamobrem concludit non posse Vniuersum esse finitum.

*Omne quod est igitur, nulla regione vitium Finitum st namque extremum debet habere.*

O

*Extremum*



*Extremum porro nullius posse videtur  
Esse; nisi ultra sit, quod finiat, ut videatur,  
Quo non longius hac sensus natura sequatur.  
Nunc extra Summam quoniam nihil esse fa-  
tendum est,*

*Non habet extremū: caret ergo sine, modoque.*  
Speciatim autem de spatiis probat, quia nul-  
lum est spatium assignabile, ultra quod aliud  
cogitari, assignarique non valeat. Nam ut di-  
cas totum spatium occupari ab isto Mundo;  
concipiatur, inquit, aliquis existens in ipsa  
ora Mundi extrema, è qua telum extorsum  
vibret. Aut procedet telum, & sic erit spatium,  
per quod illud transuolat; aut non procedet,  
quia impiedietur; & cum impedire nihil possit,  
nisi corpus, illud erit igitur extra Mundum  
corpus, atque adeo spatium, quod id occupet;  
quare & cum possit de qualibet spatio-  
rum parte idem dici, idèd carebunt spacia extre-  
mis, seu quod idem est erunt infinita,

*Hoc pacto sequar: atque oras ubicunque lo-  
caris*

*Extremas, queram quid telo denique fiat:*

*Fiet uti nusquam possit consistere finis:*

*Effugiumque fuga prolatet copia semper.*

De corporibus verò probat, quia si cum spacia  
sint infinita, finita forent corpora, hoc est  
non tam Mundi, quàm Atomī, ex quibus sunt  
Mundi; tunc quæ corpora in iis mouerentur,  
in immensum excurrerent, neque mutò sibi  
occurrere, seque apprehendere vnquam pos-  
sent. Quare neque fieret, ut coire possent, &  
sive Mundum, siue aliam quamlibet rem pro-  
gignere,

*— Nunquam concreta creassent*

*Vllam rem quoniam cogi dissecta nequissent.*

Vnde & concludit, quæmodum spacia  
magnitudine infinita sunt, ita debere corpora  
multitudine esse infinita. Quo loco cum infi-  
nitudo spatio-rum tolerari possit; si quidem &  
nostri plerumque admittunt esse ultra Mun-  
dum infinita spacia quæ *Imaginaria* appel-  
lant, & in quibus fatentur Deum posse conde-  
re innumeros Mundos: non perinde tamen  
tolerari potest infinitudo corporum; quando  
aduertatur Fidei principiis, ut sit quidpiam  
aliud præter Mundum hunc, qui finitus cum  
sit, ex infinitis constare non possit. Heinc ne-  
que ea ratio concludit, quæ infinitudo corpo-  
rum probatur; quoniam neque Mundus, ne-  
que aliud quidquam ex fortuito vllò Atomo-  
rum concursu sit, sed Deo condente, atque  
disponente originem habet. Sunt præter hæc  
duo alia quædam, quæ ille habet de Vniuer-  
so; sed cum iam non vacet, aliàs referam:  
quippe & hæc ipsa tumultuariè scribo. Tu  
intercèa, Vale, DECUS PRINCIPVM, ac  
Decus meum dulce. Parisiis, ix. Kalend. No-  
uemb. M. D. C. XLII.

### E I D E M.

**Q**uam postremis literis tuis, & testatio-  
nem eruditionis, & significationem  
affectus erga me demonstrare pergis, non est,  
quod multis iam repetam. Satis esto, eum esse  
te, quem maximè omnium Mortalium suspi-  
ciam, & colam. Ad illud quod nuper conscri-

psi, Vniuersum ex Epicuro esse, dicique infini-  
tum, id imprimis consequitur, ut centro siue  
medio careat. Non est verò opus id pluribus  
probem; cum satis constet non esse centrum,  
vbi circumferentia non est; nec medium, vbi  
non sunt extrema. Heinc, quod vulgò cen-  
trum seu medium vocamus, id dicitur respec-  
tu Mundi; eodèque pacto, qui alios esse  
præter hunc Mundos asserunt, suum cuique  
centrum, seu medium assignant; cum interim  
tamen ipsi Vniuerso, siue rerum Summæ, ni-  
hil simile tribuant. Quamobrem & non ne-  
gant quidem, quin sint partes Mundi vndique  
cum centro reuinctæ; & motus omnes vel ad  
ipsum vel ab ipso, vel circa ipsum medium  
sint: at non concedunt tale quidpiam in Vni-  
uerso existere, verum quod omnia comi-  
tantur, aut cui illigata cohæreant.

*Illud in his rebus longè fuge credere, Memmi,*

*In medium Summæ (quod dicunt) omnia niti,*

*Nam medium nihil esse potest, vbi Inane, lo-  
cisque*

*Infinita: neque omnino, si iam medium sit,*

*Possit ibi quicquam hac potius consistere causa,*

*Quam qualis alia longè regione manere.*

*Omnia enim locus, ac spatium, quod Inane  
vocamus,*

*Per medium, per non medium cedere oportet,*

*Æquè ponderibus motus quacunquæ fe-  
runtur.*

Obesse Epicuro videtur, quòd Atomorum ex-  
plicans motum, rendere illas deorsum dicit. Si  
sint enim in Vniuerso quæ dicimus loca deor-  
sum, ac sursum, seu superum, ac inferum, ne-  
cesse videtur, ut in Vniuerso detur centrum,  
seu medium, cuius respectu illa dicantur. Sed  
nempe loca sursum, deorsumque accipiuntur  
quidem iuxta Aristotelem ex comparatione  
medij, extremique in ipso Mundo; at non,  
perinde iuxta alios, Platonemque potissi-  
mum, qui docet in Mundo nihil absolute sur-  
sum, deorsum-ve magis, quàm prorsum aut  
retrosum, dextrosum, aut læuorsum dicen-  
dum. Sed ista omnia solùm dici comparatio-  
ne Animalis, ac pro eo situ, quem ipsum in  
Mundo habere contingit. Vnde & Mundi cir-  
cumferentiam extremum quidem, sed non su-  
preмум; ac centrum ipsam medium quidem,  
sed non infimum locum vocat. Referam aliàs  
quomodò graue, & leue proinde accipiat non  
respectu centri, sed respectu loci ad quem  
quidlibet sponte fertur, aut à quo vi abduci-  
tur. Hoc ergo modo, cum Epicurus meminit  
locum sursum, ac deorsum, ipsa intellexit po-  
sitione solùm, comparatèque ad Animal, quod  
singers vbiuis in Vniuerso constitutum, ha-  
bensque heinc à capite, verum quod Atomus  
accedat; hinc à pedibus, ultra, quos discedat,  
lineam infinitè protensam; idcirco totam il-  
lam regionem, è qua Atomus aduenit, appella-  
uit sursum, illam in quam abit, deorsum. Id  
deinde ex Vniuersi infinitate consequitur, ut  
censeatur Immobile. Verùm hac de re alia  
occasione. Vale intercèa, OPTIME PRIN-  
CEPS, Decus Principum, Decus meum dulce.  
Parisiis, pridie Kalend. Nouemb. M. D. C.  
XLII.

*Quasò Bereculio ac Bervilla saluem.*

E I D E M.

## E I D E M.

**D**icere iam plura circa id, quod rogas de Inani, seu Vacuo; sed ne aliquid antequam, faciet satis quod iam perscripsi in transmissis Epistolis de apparente magnitudine Solum humilis, & sublimis. Significasti redditas fuisse, & (quæ tua est comitas) velle ipsas te legere non semel; quzlo vel semel legere digneris, quos de Vacuo articulos interfectos habes ad paginam 62. itemque ad 196. & 198. Nempe quod abs me exigis, ita locis illis expressum comperies, vt non fuerim hic expressum melius. Ad do dumtaxat Epicurum accipere Inane, seu Vacuum, non modò pro spatio, seu loco inoccupato à corpore; verum generaliter etiam pro loco, seu spatio, quod sua natura Inane est, quòdque sui in eo sit corpus, seu non sit idem inuariatum, immotumque manet. Ac tale quidem spatium asseruit esse infinitum, totumque hunc Mundum pusillam ipsius occupare partem; quippe, cum extra Mundum superest quoquo uerum infinitè diffusum, sintque in ipso alij Mundi, ac per ipsius immensitatem Atomis, seu corpusculis infinita variè discutiant, quæ valeant in Mundis compingi, & in quas, aut consimileis, compacti Mundi resolui possint. Hoc proinde est, quod iam ante scripsi, ex illius mente, Nichil esse in Vniuerso præter Inane (intellige spatium) & Corpora (intellige Atomis, Mundosque ex ipsis compactos) ac Vniuersum tam illius diffusionis, quam istarum multipliciter esse infinitum. Ex his portò intelligis quod dicendum supetaret ex superiore Epistola, nempe Vniuersum ex Epicuri mente immutatum perscrutare, nam Mundum quidem verbi causâ non vult immutabilem esse, quòd extra Mundum locus pateat, vnde plagam accipere, aut quo exsoluitur excedere possit. At non perinde Vniuersum, quando neque locus, neque aliud quidpiam extra ipsum est, cum sit infinitum, omniâque complexum. Huc spectat Lucretianum illud.

*Nec rerum summam cõmutare vlla potest vis  
Nam neque quo possit genus vllum material  
Effugere ex omni, quicquam si; neque rursus  
in omne  
Vnde coorta queat noua vis intrumpere, &  
omnem*

*Naturam rerum mutare, & vertere motus.*  
Addit, tametsi in ta Vniuersum varij fiant motus, posse tamen ipsum secundum se totum immotum censeri. Res est perinde intelligenda, ac dum quispiam stare censetur immotus intra quem tamen cerebrum, pulmo, cor, arteriæ, humores ipsi variè mouentur. Cum ille verò rem exprimat similitudinibus aliis, illam quidem prætereo de grege ouium procul pascente, immotòque viso; dum inrerim oues singulæ varios motus obeunt. Sed continere me non possum, quin aliam atexam, quæ vt pereleganter exprimitur, sic tuam attinet professionem.

*Prætea magna Legiones cum loca cursu  
Cæporum complent, belli simulacra cientes:  
Et circumvolitant Equites, mediisque repetè  
Transmittunt, v alido quæientes impete cæpos,*  
Gassendi Epistolæ.

*Folgur ibi ad calum se tollit, totâque circum  
Exe renidescit tellus, subterque virum vi  
Excitur pedibus sonitus, clamoræque montes  
Illi reieclant voces ad Sidera Mundi,  
Et tamen est quidam locus altis monibus,  
vnde*

*Stare videtur, & in campis consistere folgur.*  
Subiicerem Anaximandrum, Xenophanem, Metrodorum, aliòque complures in eadem fuisse sententia. Attingerem præsertim quidpiam de Parmenide, & Melisso ob fugillationes Aristotelis; sed & res præstari aliàs poterit, & videtur iam adhibendus modus. Tu & PRINCIPVM OPTIME, & dulcè Decus meum Vale. Parisiis, vii. Eid. Nouemb. M.D.C.XLII.

## E I D E M.

**Q**uod postremis literis tuis attigisti de Atomis, monet me vt de iis dicturus, præmittam earum Assertores, ac Epicurum imprimis, non in eo peccasse, quòd Atomis esse simpliciter dixerint; sed quòd improductas à Deo, & (quod memoratum iam est) infinitas posuerint. Nam simpliciter quidem dicere Atomis, nihil aliud est, quàm dicere primam Materiam; vnde & quod non improbat in cæteris Philosophis, qui sub aliis nominibus Materiam primam constituerunt, id non potest in Epicuro sub eo nomine improbari. At asserere Atomis æternas esse, ingenitâque; hoc tam non ferendum in Epicuro est, quàm non ferit in Aristotele, Platone, & aliis, qui pari ratione Materiam æternam, ac ingenitam esse defenderunt. Cæterum, cum vulgò obferret Aristotelis Materiam admitti, ea præmissa castigatione, quòd creatâ à Deo sit; agnosces posse Atomis quoque, supponendo illas à Deo creatas esse, retineri. A Notatione vt exordiar, notum est quidem æternus, seu æterna dici, quasi indiuinus, seu infecabilia; sed vulgaris tamen hallucinatio est, quòd Atomis vulgò habeantur, quasi Mathematica puncta, quæ impartilia esse debent; quòd partibus careant, magnitudinèque omni destituantur; cum Atomis tamen à suis Authoribus & habere partem, & prædita esse magnitudine asserantur; ac eo nomine tantum appellentur, quòd sint adeò solida, seu, vt ita loquar, compacta, & dura, vt nulla sit vis, qua secari possint. Perspectam habes, OPTIME PRINCIPES, Opinionem celebrem, statuerem vnum quodque corpus (etiam animalculum Acari, summum-ve eius pediculum) diuidi posse in infinitum. Epicurus id non concedit; verum existimat Naturam sic exsoluere posse omnia in particulas minutissimas, vt in aliquibus tandem minimis consistat, quas exsoluere deinceps non valeat. Ita cum ex Acari verbi grati fecerit Natura millenas particularum myriadas, & ex vnaquaque istarum, millenas, ac plures, si volueris; contendit fore, vt postremū perueniatur ad minimas, quæ sint vltioris exsolutionis incapaces. Istæ igitur minimæ particule, Atomis sunt, de quibus ille loquitur, corpuscula videlicet omnium minima, atque prima. Adnotari proinde potest distingui ab ipso triplex Minimum, Mathematico, Naturæ;

& sensus. Et Minimum quidem Matheſeos est punctum, quod ex suppositione solum est, fingitur-ve à Geometris. Minimum naturæ est ipsa Atomus, in quam omnis resolutio desinit, à qua incipit omnis compositio. Minimum verò Sensus est, quo nihil minus cadit in Sensum, cuiusmodi est Acari, exempli causa respectu visus. Ex quo Atomus est veluti media inter minimum Matheſeos, & minimum Sensus: quatenus ut in Atomo supponere licet innumera puncta, ita in Acari intelligere licet innumeras Atomos. Ne videatur porro Epicurus esse, aut primus aut solus, qui Atomos defenderit, ecce inuexit illas Moschus, de quo Empiricus, & Strabo etiam ante bellum Trojanum; ac deinceps, præter Leucippum, Democritum, Metrodorum, alios: etiam Epiphanius Pythagoreus, qui eas appellauit *σώματα ἀδιαίρετα*, corpora indiuisibilia: etiam Empedocles, qui *σπασίματα ἰσάρονα*, fragmenta minima intellige Elementorum. Dixit etiam Heraclitus qui *ψέζματα ἰσάρονα* & *ἀμειψόμενα* minima, & partium siue partitionis, expertia: etiam Plato, qui Empedoclis instar, Elementa composuit ex particulis præ exilitate inconspicuis, ac specialiter figuratis, quæque fucceſſor Xenocrates *μικρὰ ἀδιαίρετα μαγνησύνες* indiduas vocauit; etiam Asclepiades, cui *ὄγκος* moleculas, easdem esse cum Atomis Epicuri monstrat Galenus: etiam Heraclides; etiam Diodorus, Artemidorus, Mnesitheus, alij. Tu benè Vale, PRINCIPVM DECVS. Parisiis, postridie Eid. Nouemb. M. DC. XLII.

*Litteras à Berecilio, & Ber-villa habeo; non vacat iam rescribere si interim illos valere hec iubeam, an-non te volente id faciam? Tu ipse Vale iterum.*

## E I D E M.

**I**D etiam, quod de Atomis literis nuper tuis habes, admoneret me, ut aggredere eorum existentiam probare: Sed quia fit spes de tuo discessu, & ne hæc quidem litteræ te in Prouincia fortè conuenient; ideo res differenda est, aut etiam coram edifferenda; cum hûc nempe, (quæ mea erit felicitas) accesseris. Interea, ne vbiuis demum Epistolium ad te perueniat, & accedat absque tessera, quæ cæteris sit consentanea; ecce occasione illius exilitatis Atomorum, de qua nuper scripsi, attexo ex Anthologia duo quædam Epigrammata, quæ haud sint tibi disciplicitura, Vnum est,

*ἄρην Μενόφαντος ὀνόματο, ἃ δὲ λέγων*

*Ἐκ σπυδὲς ἀλλοτρίας αὐτὸν ἀπαρτίσιν.*

*Τὴν δ' αὖτ' αὐτὴν τεχνικῶν βαλεῖν τοῖς ἔργ' ὀνόματι*

*Ἄλλ' ἰτάσθ' ἡμῶν ποῖς πᾶσι τοῖς ὄμοις.*

*Εἰ δ' ἔργ' ἔργ' ἄρην τῶν Μενόφαντος Ἐπικυροῦ.*

*Πάντα γὰρ μιν ἄρην τῶν ἄν' ἐν ἄτομον.*

*Agrum Menophanes emit, sed ab arbore sese strangulat alterius, dum premit atra fames.*

*Nec fuit ex proprio, quæ tellus iniiceretur*

*Vicini, at pretio, conditus est in agro*

*Agrum Menophanis si nosset, plena Epicurus*

*Omnia dixisset non Atomis, sed agris.*

Alterum,

*Ἐξ ἀτόμων Ἐπικυροῦ ὅλοι τ' ὅσους ἔχοντες*

*Εἶναι, τὸτο δοκῶν, ἄλλα μὲν λεπτότατα.*

*Εἰ δ' ὅτ' ἐν τῷ Διοφάντῳ, ἔχοντες ἂν καὶ διαφανέ,*

*Τὰ, ἃ ὁ ἀτόμων πᾶσι λεπτότε,*

*Ἡ τὰ μὲν ἄλλ' ἔχοντες συνιδέσθαι ἐξ ἀτόμων αἰ,*

*Ἐκ τῶν αὐτῶν, ἄλλα μὲν, τὰς ἀτόμων.*

*Ex Atomis Epicurus ait consistere Mundum,*

*Alcime, quippe putans his nihil esse minui.*

*At si nouisset Diophantum, constituisset*

*Ex ipso potius, qui minor est Atomis,*

*Aut alia ex Atomis, texens, ipsas potuisset*

*Ex Diophanto Atomos composuisse prius.*

Quod superest, ut pleno affectu te aduentare desidero; ita plenis votis, felix, faustumque apprecor iter. Tu auibis bonis id aggredere, prosequere, perficere; & vbiuncque fueris, ô dulce Decus meum, Vale. Parisiis, XI. Kal. Decemb. M. DC. XLII.

*Admodum Reuerendo, & Religiosissimo, Doctissimoque Viro, PETRO CAZRÆO Societatis IESV, Diuionensis Collegij Rectori sapientissimo,*

PETRVS GASSENDVS S.

**I**Ximia profectò humanitas tua, ut imperatis tibi patientiam percurrendi, cognoscendique, quidquid illud fuit mearum ineptiarum; meque simul adeo solerti, elegantique disquisitione cohonestandum censueris. Et dies quidem sunt aliquot, &c. Parisiis, VI. Eidib. Decembris, M. DC. XLII. *Habetur sub titulo De proportionibus quæ Grania decidentia accelerantur Epistola.*

*Viro Nobilissimo, PHILIBERTO DE LA MARE, Senatori Diuionensi,*

PETRVS GASSENDVS S.

**S**ERò respondeo; nam ecce mensis, ex quo tuæ literæ datæ; sed in causa fuit tum inualetudo, tum prolata Responſio, cui hoc artexum Schediolum habes, &c. ibidem, eodémque die. *Habetur ad calcem superioris.*

*Viro Eruditissimo, Amicissimoque GABRIELI NAVDÆO, Eminentissimo Cardinalis Mazarini Bibliotecario,*

PETRVS GASSENDVS S.

**V**eni Escuenum, mi NAVDÆE, cum optimo Principe, ac mea in Prouincia Prorege Ludouico Valesio, Alensi Comite, cui per Sacra hæc tempora; fugienti multitudinem, habere me sui secessus religiosi comitem placuit. Et quia discedens, &c. *Habetur sub titulo, Nouem Stella circa Iouem visa,*

PHILIBERT



PHILIBERTO DE LA MARE,  
*Senatori Diuionensi,*

PETRVS GASSENDVS S.

**N**ihil necesse profectò est meum tibi Robertum commendare pergā; quando tu illum obstringere, vt ex ipsius literis sum certior factus, vtrò pergis. Necesse est potiùs adhibeam nouum actionis gratiarum genus, quatenus tu vota præueniens, non fecisti precibus locum; sed ea est nempe bonitas tua, vt occasiones beneficiendi prouoces potiùs quàm expectes. Hoc fatendum habe, gerere me animum, qui sit, & gratitudinis, & reuerentiæ erga te plenus. Vale, Parisiis, postridie Non. Decemb. M. D. C. XLIII.

*Ingenuo, Studioſo, ac magna ſpei Puero,*  
IOANNI BOCHARTO SAR-  
RONIO,

PETRVS GASSENDVS S.

**C**arissimam habui, quam nuper tuis ad Patrum literis testatur es memoriam mei. Iucundissimum simul fuit tuo ex stylo agnoscere quantum breui profeceris; scilicet exinde auguratus sum, quid sis deinceps præsturus. Neque verò metuo, ne meam fallas spem: quippe qui nucibus relictis, nihil amplius puerile sapias. Intelligis iam quanto ornamento cariturus sis, nisi ferid, alacritèrque hac, qua es ætate, ingenium excuieris. Quamobrem non hæreo, quin ipse-met tibi addas animos, & quin ex te ipso maximum erga literas ardorem concipias. Id ergo age, mi SARRONIE, hoc est, quo pede cæpisti, perge. Si facias enim, ita te noui, vt auium de te nihil non sublimè sponderè. Vale, Parisiis, pridie Non. Mart. M. D. C. XLIII.

LVDOVICO DECORMIO BERE-  
CVLIO, *Regio generali Aduocato in*  
*Senatu Aqvi-Sextiensis,*

PETRVS GASSENDVS S.

**I**gnum profectò, BEREVLIE, ea persona, quam sustines; dignum eo cultu, eoque affectu, quo Regis longè Maximi, ac Pissimi Maiestatem, virtutemque es prosequutus; cognoscere studiòse velle, quas ille memoratu dignas per extremum morbum voces fuderit. An tamen, dum illas pernosce ex meis potiùs literis, quàm ex vulgari fama petopras, satis meministi quis sim? Vir scilicet nunquam ad Regiam accedens, neque quid rerum in ea geratur, quidve dicatur, nisi id fuerit apud omnes passim euulgatum, callens? Ecquid ergo putas consilij cepi, cum neque frustrare te votis, neque rem præstare tue de mea fide opinioni incongruum su-

*Gassendi Epistola.*

stinui? Nempe optimum Principem, Pro-Regemque nostrum consulendum censui, vt ipse, quæ nosset, mihi renunciaret, & ego ad te non rumusculos, sed excepta illius ore, vt dictata ex adyto Oracula perferiberem. Is quippe & complura nouit, qui Regi frequens adfuit, & fallere nescit, cui pudor, ac fides, veritasque nuda non inueniunt parem, & sic nos amat, vt nihil non sit, si quid forte iuuet, gratificaturus. Non priùs certè quid tu me velles, quid ego ipsum subinnui, quàm ecce pectore effuso, eo me prouocatis, inquit, quo sponte, imò impete feror. Siquidem verba illa aurea, quæ cedro digna Rex esse loquutus, vel potiùs vt Cynus moriens cecinit, ita recurant animo, vt nihil esse possit illorum, & vestri causâ potissimum, commemoratione iucundius. Paululum postea meditatus, ac ingeminatis illis versibus, quorum Gallicus lepor est.

*Ego, qui Athenis visitari Socratem*

*Incarceratum, quique vidi toxico*

*Eius labores ultimos finire, &c.*

Iam faciam, quod vultis, ait; tamen si non est cur speretis, vt verba vobis vel omnia, vel ordine quodam seruato recenseam. Tu postea, vt voles, illa digeres; ipse referam, vt quæque occurrent. Imprimis verò, quam mox audisti fieri mentionem de Socrate, scito eam mihi excidisse, quod pro certo habeam, neque Socratem, neque Canium, neque si qui fuerunt istis similes, spectasse intrepidius mortem. Mensis penè fuit integer, quo mortem pro foribus esse, renunciantibus Medicis, Sacerdotibusque in confesso habuit. Tantum verò abest, vt illum interea dulcis vitæ amor tenuerit, quin potiùs moram longiorem trahens repetit illud identidem, *Tedet animam meam vitæ meæ*. Et cum deductus aliquoties ad extremum anhelitum, veluti reuiuisceret; *Per-mirum*, inquit, *posse reos pronunciatos sibi capitali iudicio vix paucis horis superesse; me mortis instantis reddidum certiorè, tot diebus supernuere!* Ac ne putes tamen dixisse id illum, præ mero vitæ fastidio; ecce imitatus Apostolum est, dum dissolui cupiit, & esse cum Christo. Nempe, cum primum fuit de vitæ breui finienda admonitus, vsurpauit illud ex Psalte, *Latus sum in his, quæ dicta sunt mihi in domum Domini*. Heinc maturè voluit extrema confessione sese probare, totam, ex quo regnare cæpit, vitæ seriem retextere; quicquid emendatione dignum speciatim foret, edoceri; Eucharistico Sacramento, vero Viatico, non destitui; extrema denique Vnctione, agens Animam communituri. Hæc autem dum ministraretur, sese ipsemet ad illam composuit; digitis suis capillitium dimouit à temporibus; attentus fuit, responditque ipse ad preces Antistitis; & cum videretur in altera manuum esse nimis tenuè inunctionis vestigium, ipsam exporrexerat, innuitque, vt sensibilibus illinere-tur. Cum treis exinde hebdomadas in anticipi fuerit interpellauit Medicum, ne se celaret extremam horam, cum illam haberet indubiam, Medico proinde vnica duntaxat superesse horam monente, *Benè est*, inquit; *ipsam igitur*

*er non sine fructu transigamus.* Dum preces illæ recitarentur, quibus excedens è corpore Anima Deo commendatur, quam attentionem potuit, collegit, & qua voce potuit, cum Ministris respondit. Experierat, sperarátque Animam reddere ferià sexta, qua & suam Patri Seruator Christus reddidit. Cum iam verò quinta iniret, ipsæque Mensis decima quarta, & Dominicæ Ascensionis sacra; Nihil graue, inquit, hac die mori; quâ ascendit Christus in Cælum; quâ Corporis sui mysterium instituit, & qua anniuersaria Regnum hoc terrestre cum illo Cælesti commutandum monstrat. Mirum interim, quàm paterna fuerit sollicitudine, ne quod dimittebatur Regnum, detrimenti quid pateretur. Quippe à morbi usque initiis peragî cæremônias iussit, quæ in sacro Baptismate Delphini desiderabântur, vt Successori mox futuro nomen simul imponeretur. Tum Regni habenis Reginæ commissis, delectisque Proceribus, quorum consilio vteretur, quidquid eò usque consiliorum de Maiestate Imperij, & deque salute publica inierat, concedidit. Quod mirare autem, ipsi conuocatis, & consultare coram se, tanquam iam satis defuncto iussis, spectare voluit quemadmodum res perageretur, cum amplius non esset. Voluit & deinceps continenter penè, ac pridie etiam, quàm obierit, cognoscere ipse, ac statuere quidquid incidit rerum gerendarum, Accipiens sub id temporis, assensisse demùm Hispanum vt proximo Iulio conuenientes Munsterum Legati de Pace ineunda seriò agerent. *O me,* inquit, *felicem, qui beandum breuè meum Populum futura pace prouideo! O, si mihi tantum suppeteret vitæ, quàm eò totis viribus, ardentèrque incumberem? nunc quia me Deus, ad se vocat; illum saltem coram orare, quo usque exorem, pacemque obineam, nunquam desinam.* Idem & sapius aliàs repetiit, testatus, si optare sibi diuturniorem vitam liceret, eo solum fine optaturum, vt & Regno suo pacem quæreret, & sibi Diuinam clementiam paxitudinè conciliaret. Nempe inter has Regni curas, nunquam singularis, veræque pietatis affectum deposuit. Sic statas quidem horas negotiis cognoscendis adhibuit; sed & statas etiam sacris Martyrum historiis prælegendis habuit. Sic Liberos quidem Reginæ cum rerum summa commendauit, Fratrique etiam, & Condæo, ac pro suo cuiusque gradu Proceribus cæteris; sed & fausta omnia à Deo apprecatus, Patriarchatum more ipsis benedixit. Sic & omneis sese adeuntes, salutantesque resalutauit; & bona semper verba, aut consolatoria, aut admonitoria adiunxit, Testantibus luctum Forcæo, & Castilionæo, Marecallis; Ne mihi, inquit, condolete, qui sum in procinctu, vt ad Deum pergam, sed vobis potius, qui præter rectam salutis viam inceditis. Parenti meo à Tertiana conualescenti maciem ostendit, & Vide, inquit, vt hominem conditio Regia non eximat à conditione mortalitatis. Eadem Liencurio demonstrata familiare illud subiecit, Memento homo quia cinis es, & in cinerem reuerteris. Chirurgus quoque cubiculario, Bontano scilicet ve-

strati, eo ipso die, quo obiit, congruum iam profectò, vt repetam terram, qui iam præter terram olere nihil videor. Addam-ne alia, quæ ad eundem aliquoties dixit, aut etiam repetiit? Si obseruatis, inquit, me in delirium incidere, tua est cura, vt mundus, composuisti quæ semper inueniar, & statim atque obieris, mentito abluerè cadaver. Acursus. Exsecrato me quidem, inquit, sed iam penitus frigidum, tri-duoque etiam expectato. Innuente verò illo, cadaver demortui morbo hominis non posse tamdiu asseruari, vt igitur, inquit, videbitur fiat. Quid memorem verò respectantem sapius, quâ fenestris apertis licuit, Sandionysianum Oppidum, commemorasse, se illic breui suis Patribus appositum iri, & cum sint via gemina, inquit, quæ cadaver meum illuc transferent, eâ, quæ prolixior est quidem, sed commodior tamen incendant. Iussit & noctu transferri se, ac sine pompa sepeliri. Stupendum intereà illam his de rebus ita sermones conferuisse, vt si artinuissent nihil, vt si spectassent ad alios, si de familiaribus, solitisque negotiis fuissent. Scilicet ea semper apparuit serenitate, tranquillitate, securitate animi, vt persuadere quod ante dixi, posse Mortalium neminem aut constantius oppetere, aut imperturbatus opperiri mortem.

Hæc sunt, BEREVLII, quæ optimus Princeps, sua illa oris suauitate, quantum quidem memoriâ complecti potui, enarrauit. Prætereo enim quæ subiunxit de exemplo Maximi Regis ad quod sese componere Orbem iam totum sit consentaneum. De Prouidencia, qua contigit & regnare illum xxxiii. annos, secundum mensuram ætatis plenitudinis Christi, & exquisitè adeò complere huiusmodi numerum, vt Magi fuerint ipsi iustius, quàm Platoni olim sacrificaturi. De sanctitate, qua par est credere Regem optimum euectum in Cælum, ac promeritum adeò opportunam, insignemque victoriam à generoso Principe Engenij Duce reportatam. De felicitate, quæ sub tam augusto Regimine speranda est, edocato interim Rege sub eius Matris auspiciis, quæ Senatori exaggeranti Infantis pulcritudinem, Ego verò, inquit, dabo operam neminus sit bonus, quàm pulcer. Plura sunt, quæ ex ipso coram audire breui poteris, tamen enim comparatus est, vt proximis festis tibi discas. Habebis verò interim ista, non quibus tibi fiat satis, sed quibus reputare debeas nihil amplius sperari potuisse ex me, licet obsequentiissimo, & obseruantissimo tui. Qualiacunque sint, ipsis fruerè, & bene, imò optimè Vale. Scribebam Parisiis, xi. Kal. Jun. M. DC. XLIII.

Erudito, & Amico Viro SAMVELI  
SORBERIO,

PETRVS GASSENDVS S.

Acio tandem satis, SORBERI; mitto scilicet quem iamdudum efflagitasti Codicem mearum aduersus Cartesij Methodi.

physicam Instantiarum. Nisi prius feci, &c. Parisiis, v. Eid. Iun. M. DC. XLIII. *Habetur sub titulo, Disquisitio Metaphysica, seu dubitationes & Instantiæ adversus Renati Cartesij Metaphysicam.*

LVDOVICO VALESIO, *Principi*  
*Optimo,*

PETRVS GASSENDVS  
*Evangelicæ.*

**E**N resumo nunc calamum, quando te iam coram affari non possum. Facio verò, quia tamen in itinere adhuc sis; providè tamen literas meas tibi sub ipsum-met ingressum in Prouinciā redditum iri. Heinc ut ipse prosperum iter, faustaque omnia appretor; sic literæ meæ, quod faeliciter accēsetis gratulabuntur; ac ne inter acclamationes, quibus te concites excipient, ipse solus videat tacere, præstabunt. Accipies vnā Exemplum meæ ad Naudæum Epistolæ, agnoscesque eam ipsam esse, quam Eſcueni dum dignatæ cubiculum inuifere, me ſcriptantem obſeruiſtaſti. Erit & vnum quod Beruillæ, te volente, donabitur; reliquis ille faſciculus ad Bereculum deſtinatur. Iſ teſtabitur accepiſſe ſe, quem extremorum Regis verborum Commentatiolum ipſe dictaſti, & ut ad illum perſcribere mihi liceret, aſſenſiſti. Viue in annos Neſtoreos, ac benè Vale, *PRINCIPVM DECVS.* Parisiis, pridie Eid. Iun. M. DC. XLIII.

GODEFRIDO VVENDELINO  
*Condatenſi Canonico,*

PETRVS GASSENDVS S.

**P**Aucæ hotæ ſunt, ex quo datis ad F. Langerenum literis, tum te rediuium ſum congratulatus, &c. Parisiis Eid. Iunij, M. DC. XLIII. *Habetur ſub titulo, Solſtitialis alitudo Maſſilienſis.*

LVDOVICO VALESIO, *Principi*  
*Optimo,*

PETRVS GASSENDVS  
*Evangelicæ.*

**P**es eſt, ut iſtæ literæ te iam Aquis-Sextiis receprum conueniant. Faxit Deus ter-Maximus, ut inaudiamus totum iter tibi proſperè ſucceſſiſſe. Cùm inuiſiſſem nudius-tertius præclarum illum Abbatem tuum, ut ſi quid haberet abs te, renunciarer; iſ teſtatus eſt nihil habere ſe, ex quo fuit ad te Andreas remiſſus. Craſtina luce, Deo propitio, accipiemus quemadmodum Lugdunum ſuperaueris, & Campinius ne fuerit reliquum iter comitatus; an paucos dies aſſumpſerit,

quibus ſit te conſequuturus. Nôriſiam quid rerum nouarum & heic, & iſtheic contigerit. Faelicem te, cui Deus finxit præcordia de meliore luto; quàm ut caſibus hiſce temeretur. Eſt animus tibi, rerumque prudens, & ſecundis temporibus, dubiſque reſtus, quam-obrem iſ ſemper ſui ſimilis, hæc per negotia liber emerget. Nulla tibi opus Sibylla, quæ non cedendum malis admonear; ſed contrà, quâ fortuna ſinet, eundem eſſe audientiſ: quippe cùm tibi fortunæ loco diuina Prouidentia ſit, ipſi totum te (præſtans interim quidquid Virum bonum, generoſumque Principem addeceat præſtare) committis. Id age ſemper, *OPTIME PRINCEPS*, & longum viuac benè Vale. Parisiis, XLIII. Kal. Iul. M. DC. XLIII.

### E I D E M.

**E**diit nudius-quartus in hanc Ciuitatem Hugo ille Ebredunenſis, cui ante duos annos ius Procurationis totius Cleri conceſſeram; quique ſpeciali nutu Regis, Cardinaliſque abire iuſſus, ſeuocatus à Clero eſt. Iſ dum hæc ſcribo, eſt in prociñctu, vt reſtituatur in integrum, ac deinceps procuratore inſequens biennium fungatur; & quia ius, faſque exigunt, ut quantum reſtat temporis, tantum me præſtet eius iactura, quam ſimul ſum paſſus, indemnem, ided præſtor rei euentum, vt ſi quid fortè ſerus veſper ſit in mei gratiam veſturus, experiar. Exopto certè, non alio fine, quàm ut (quod aliàs ſum conqueſtus) alieno are me eximam, maxi-mèque erga Campinium, in quo non poſſum proſectò aliud, quàm bonitatem nimiam cauſari. Habes Tolone iuuenem egregium nomine Vitæum, cui copiarum Naualium plurima; vt audio, eſt commiſſa cura. Quo ſo ſi quæpiam ſe offerat gratificandi ipſi occaſio, illam mei cauſa non inſuauem habeas. Iſ & eximia eſt indole mihi à puero vſque perſpecta, & Parentem habet, quicum mihi arcta, valdeque antiqua eſt neceſſitudo. Itaque, ſi quia tu me amas, ille ſe amari à me ſenſerit, res ſanè continget, qua mihi eſſe iucundior vlla non poſſit. Tu benè Vale, *PRINCIPVM DECVS.* Parisiis, VI. Kal. Iul. M. DC. XLIII.

### E I D E M.

**P**eramus tandem proxima occaſione accipere tuum in Prouinciā appulſum. Faxit Deus ter-Maximus, vt talis fuerit, qualem voueo; fauſtiſſimus videlicet. Hugonis inſtauratio de qua ad te nuper ſcribebam, decreta quidem à Clero fuit; ſed ille tamen nondum voluit ſe in negotia ingerere, donec Regina factum probarit, quod ſe Prior Sandionyanus decreto oppoſuerit, ac Sanſtienſem Episcopum procuratore ad hoc tranſmiſſa, ſuarum habuerit partium fauore. Literas ecce habeo à Medico claro, Amiciſſimòque Dauide Lautaretio, apud Dinienſis Conſulum primo, quibus ardentè expetit, vt pergam tibi eam Ciuitatem, quæ & mea ſit.



commendare. Ego verò nihil arbitror necesse commendationem repetere, cum sic me ames, ut non possis quiddam habere cordi me semel notis, non meminisse. Rescribam tamen rem præstitam, addamque me confidere, ut sis non modò Ciuitatem, quæ mihi est carissima, sed ipsum quoque Lautaretium, virum & eximiam virtutis, & singularis in me amoris, summa gratia prosequutus. Optimè Vale, PRINCIPVM DECVS. Parisiis, vi. Non. Iul. M. DC. XLIII.

## E I D E M.

**N**ondum accepi, OPTIME PRINCIPS, peruenisse te Aquas-Sextias, sed fuisse tamen in procinctu vt Arelaris eo pergeres. Ita renunciauit Andreas, qui & omnia heic successisse tuis pro votis certior fecit. Fortunet Deus omnia, & que imprimis per hosce ætus, eaque in regione incolumen seruet. Campinius, quantum conicio, debet iam conuenisse te, Vir, quem tu sic amas, qui te sic obseruat. Est sanè cur Virum tibi gratuler, quicum possis omnia, perinde ac tecum. Discessura heinc eius vxor proxima hebdomade est, quæ te quoque & totam familiam venerationi maximæ habet. Nihil de optimo Abbate, deque nostro Luillero dico, nosti enim quo cultu te suspiciant, atque reuerentur. Me quod attinet, quis erga te sim, vel innuere superuacaneum. Pauca ad Berecullum scribo; parere, quæso, Bervilla nôrit, quam ipsi annuncio plurimam salutem. Tu & longum Viue, & optimè Vale. Parisiis, vi. Eid. Iul. M. DC. XLIII.

## E I D E M.

**C**cepi demum & aliorum, & suauissimis tuis literis, te Aquas-Sextias incolumen per medios ætus accessisse. Quàm id iucundum fuerit, ipse vel ex eo, quo te venero affectu conicere potes. Quas vicissitudines notas, admirabiles sanè sunt; sed ea est conditio rerum humanarum. Vix erit, cur Posteriores credant; sed iis nempe, quibus perspecta ipsa inconstantia constantia non erit. Heinc tu omnia reputans noua, à Sapiente non dissides, qui habens omnia vetera, etiam nouitatem rem habuit non nouam. Fœlix interim tua mens, quæ tot inter motus immota consistit, & sublimis, mortalia omnia, velut ex Cælesti arce despicit. Deuinxisti me nimium, cum meam Commentariunculam aded auidè pellegisti. Si quid in ea fuit tuis oculis dignum, id ipsum fuit, quod tu meas aureis fueras dignatus permulcere. Cæterum meministi-ne, qua te ante discessum tuum de recogitandis mecum vitæ annis quæsierim interpellatione? Beabis profectò, si occæperis, à Natalitiis vsque exortus. Supperent haud-dubiè horæ aliquæ in singulas hebdomadas, quibus quid rerum egeris, aut quid tibi contigerit, intra saltem vnum, alterum-ve annum, & repetas mente, & chartis committas. Id vernaculè fieri poterit, & siue aliquod Epistolium, siue nullum adiunxeris, ut fasciculus literarum mitti. Quæ recensui coram heic non repeto; memento dumtaxat te mihi annuisse. Iuuerit

prima occasione vitæ Parentum seriem ad te vsque natum vel breuiter retexere, intexerè-que præ cæteris & tempus Coniugij, & commune Prolem. Succedente postea licebit commemorare circumstantias temporis, ac loci, quibus natus es, quibus initiatus, quibus nutritus ad id vsque tempus, quo agnoscis esse in te memoriam antiquissimam tui. Cætera consequentibus expedies quàm facillimè, rarus præsertim te non debere scrupulosè contendere, ne quid prætereas, aut transferas; cum id, si quid fuerit, valeat postmodum per schedas suppleri, atque emendari. Aggredere modò, ô PRINCIPVM DECVS, memor me eum esse cui depositum sit sacratissimum futurum. Vale interea quàm optimè. Parisiis, xvi. Kal. Aug. M. DC. XLIII.

## E I D E M.

**N**E obliuiscar iterum, ecce auspico à salute, quam Merfennus, optimus ille, annunciari tibi per me exoptauit. Quam Andreas dixit abs te, fuit longè iucundissima: & maxime quia constitit te semper optimè valere. Nisi quod te nuper rogavi memoriam satis hæreat, patere autem tantisper velli, ac te deinceps facilem da. Memento, nisi sis hodie incipiendo idoneus, neque etiam cras, aut perendie fore; ac in huius generis rebus procrastinationem eò ducere, ut facienda omnia infecta relinquit. Perturpandum itaque est, & quocumque modo admoenda manus; cum difficilior semper sit incipere, quàm emendare, si quid non benè cæperis. Cuius res sit molis morandum non est; aggrediendum modò, neque cogitandum quàm sit operæ quod restat immensum. Nempe id sensim minuatur, si modò quid detrahi cæptum; & quod immane initio est, temporis progressu tandem euanesceat. Multis ictibus deicitur quercus, ut verus habet Adagium; ac memini aliàs proposuisse me exemplum viatoris, qui nihil moratus, quàm sit exiguum quod vno passu peragitur, ingreditur tamen, & nihil cogitans, conficit postremò magna intervalla. Heinc est quamobrem te interpellem vt cum te aliunde Prouerbum non lateat, *ὁ ἀρχὴ ἡ μὲν πύλη, διμίδιον ἔσθ' ὅστις ἀρχὴν ἔχει*, *quod incipit habet*; & idèò properes, neque te venturas differas in horas. Et forsitan quidem nihil id necesse, quòd tu iam te accinxeris: verum inculcasse nec quicquam nocebit, nec tu non boni consules pro eo, quo es erga me affectu. Vale, PRINCIPVM OPTIME. Parisiis, ix. Kal. Augusti. M. DC. XLIII.

*Admodum Reuerendo & Clarissimo Viro, GODEFRIDO VVENDELINO, Condatensi Canonico, & Pastori Hercano,*

PETRYS GASSENDVS S.

**N**on est mihi dicere promptum, VVENDELIN Clarissime, quàm suauis habuerim tuas literas die mensis vndecima datas. Ex iis scilicet didici vt viuas,

vt valeas, vt studeas, vt me, quo non potes habere tui obseruantiores, ames. Tametsi very non satis agnouit an ad me scribens accepit quem cititer medium superioris mensis literarum fasciculum Naudæo nostro credideram; est nihilominus cur mihi-met gaudere quod geminæ illæ meæ literæ ante septennium traditæ seu nuper, seu recens peruenierint in tuas manus. Demirari satis non potui, quem significasti stupendum consensum obseruatæ illius à me Eclipses Lunaribus anno 1636. cum Lunaribus tuis Tabulis, neque enim potest contingere re maior in rebus huius generis sperari felicitas possit. Noster quoque Bullialdus deprehendit hanc Eclipsin prout est à me obseruata non potuisse ad conditas à se Philolaicæ Tabulas cæterarum instar quadrare. Sed vide nempe quod negotium fuerit ipsi quoque Tychoi creatum circa Eclipsin à se obseruatam sub finem Ianuarij, ex eius Epistola ad Longomontanum, quam retuli in ipsius Vita. An isthæc verò fuit causa, cur ne sit Lunati Theoriæ detraheret fidem, ipsam non inseruit in Catalogo Eclipsium à se obseruatarum, vt obiter adnotauit. Quod spectat ad illam anni 1628. talis est prorsus eius descriptio, qualem tecum communicatam Peireskius ab alio, quam à me non accepit. Ipse nempe sum, qui eam obseruauit præsentem nostro Galterio, ac vsus Quadrato cuius ipse costas tribus pedibus Parisiensibus cum semisse longas Tangentium more diuiseram. Designauit Initium ex Sirio iam alto partibus tangent. 3870. hoc est 21 grad. 9. min. Immersionem ex corde Hydræ iam alto 2525. hoc est 14 grad. 0. min. Emergionem ex eodem alto, 5440. hoc est 28 grad. 33. min. Finem ex Pede Sin. Orionis adhuc alto 5010. hoc est 26 grad. 37. min. neque in eorum designatione villam rationem habui penumbrae, sed patefactæ solummodo per Telescopium obscuritatis. Tuum est meminisse, qua ratione ipse, aut germani tui paria designaueritis; nam ego quidem, si quid vitij à me admissum fortassis fuit, qua ratione intelligam, corrigamque, non habeo. Quos de Eclipsibus libellos à Mœstlino, VVelperoque editos commemoras, non incidere in meas manus. Eclipsin illam mensis Maij anni 1631. nobis quoque nubes in hac Ciuitate prorsus eripuerunt. Quantitas Eclipsos quam obseruauit Dinia anno 1623. ac die Aprilis xiv. æstimata fuit à me digitorum xi. ac semissis. Quoniam tametsi oculo nudo, atque etiam Radio falx lucis residua æstimata fuit sesqui-digito; nihilominus Telescopio, & comparata ad Diametrum  $\frac{2}{3}$  cui habita æqualis fuit, visa est debere digito integro deminui; idque ob Iouis Diametrum vix quicquam minuto maiorem. Si te fortè præterea iuuet nosse quantitatem alterius Eclipsos, quam obseruauit etiam Dinia, anno 1634. & die 14. Martij, scito illam fuisse digitorum præcisè xi. Contigit eius Finis Procyone adhuc ad Occasum alto 31 grad. 55. min. ac proinde hora 11. min. 2. Et quia ipsissimum Initium obseruare non licuit, ex Phasibus tamen, per singulos semidigitos obseruatis ante & post medium Eclipsos, deduxi ipsum Me-

dium contigisse hora 9. min. 21  $\frac{1}{2}$ . Quod exigit verò Eclipsis horum postremorum annorum, ac illam imprimis, quæ contigit anno 1638. & die Decembris 20. ecce eam exseribo, prout est inserta in meos Commentarios: hoc solum præmittens, quod fuit à me obseruata Dinia, apparatis pro more meo variis Phæleon schematibus, in quibus semidiametrum vmbrae esse supposui non iam triplam (aut proximè) ad Lunæ semidiametrum, sed partim duplam, partim duplam cum Semisse; partim proportionum inter has mediarum. Nempè experiètia me docuerat arcum vmbrae in disco Lunæ esse portionem circuli, quam vulgò habeatur minoris; cum & nihil sit opus heic insinuem, quod aliunde pernosce potes, obseruatum fuisse à me Lunæ Diametrum Apogæi quidem non nisi 0. grad. 26. min. 36. sec. Perigei verò 0. grad. 31. min. 6. sec. vt Diametrum quoque Solis obseruauit, Apogei quidem 0. grad. 30. min. 12. sec. Perigei verò 0. grad. 31. min. 6. sec.

Eclipsos crescentis Phases, &c. *Vt in Commentarijs.*

Quod ad Eclipsin attinet, quæ contigit anno 1641. & die Octobris 18. Accinxi me quidem cum iam aduenissem Parisios ad eam obseruandam cum Viro Clarissimo Ismaële Bullialdo; sed inuiderunt nobis nubes maiorem spectaculi partem. Quidquid obtinere tamen ex ea licuit, en vt subinde fuerit in Commentarios eisdem relatum.

Cum Luna foret, &c. *Vt in Commentarijs.*

Quod ad Eclipsin anni 1642. ac diei Aprilis 14. (Decem-nouenalis post illam, quam primam obseruauit Dinia) accinxi me quidem quoque cum eodem Bullialdo, ac Religioso optimo P. Georgio Furnerio Societatis Iesv: Quid tamen nobis contingerit, planius erit cognoscere ex Commentariorum excerpto. Sic ergo in illis inter cætera.

Sub horam xi. ipsum locum, &c. *Vt in Commentarijs.*

Quod ad Eclipsin eiusdem anni 1642. ac diei 7. Octobris, (seu diei octauæ mane) præclare me-met comparatam cum eodem Patre Furnerio ad illius obseruationem, sed dense adeò fuere nubes, vt Luna ne minimum quidem se conspiciendam præberet. Versabatur per illud tempus iuuenis industrius Antonius Agarratus. Amanuensis quondam meus inter copias Barcinonensis. Is autem fore Eclipsin præsentis, & mihi gratificaturus secessit paulisper ab Exercitu, & sese quatenus licuit ad obseruandum composuit. Cum venisset postea Parisios retulit se fuisse vnâ leuâ eirciter ad ortum Ilerdæ (quæ vulgò *Lerida*, seu *Leida*) ac obseruasse quantum potuit, *Apparato nempe Quadrante, habitoque vnâ Telescopio*, &c. *Vt in Commentarijs.*

Tu ex his proficies quantum poteris, & affectum saltem, quo vellem quidpiam exhibere magis exquisitum probabis. Habeo adhuc in schedis fuisse Initium obseruatum Lugduni, oculo vtro 57. grad. 45. min. hoc est horâ 2. min. 46. & Totalem Immersionem Viziliæ (vbi Polus attollitur 45. grad. min. 51.

min. 5 $\frac{1}{2}$  ad meridiem Gratiopolens) Procyone alto 35. grad. 12. min. hoc est hora 3. min. 27. quæ non congruunt quidem inter se spectata Meridianorum differentiâ & cum fiderim potius Viziliano obseruatori, Lugdunensis nihilominus cum Ilerdano, habita quoque Meridianorum ratione, magis congruit. Tu tamen omnia videris. Dabo operam, Deo benè propitio, vt quæ Eclipsis proximo Septembri instat, obseruetur: quatenus Cælum fauerit, ac tecum statim communicetur. Agnouit ex literis tuis quam-eximie bonus vir sit R. P. de Rheita, cum tantum absit, vt propter meam Censuram succensuerit, quin potius tibi significarit se & illam gratam habere, & velle ea mihi nomine suo dici, quæ me rubore suffuderint. Itaque velim, si tibi vacet, ipsi vicissim significes me pectore pleno, affectuque sincero eius virtutem venerari, ac in eo esse, vt si quid egi, quod displicuerit, deuocem, & quantum licet, velim non actum. *Lampadem* tuam non videram; quæ enim duo eius exempla fuerant ad Nau-dæum transmissa, ita distracta fuerant, vt neutrum potuisset ad me peruenire. Obstupui eam legens & sagacitatem, & solertiam tuam, exoptoque quam-maximè, vt quæ præclara Paradoxa dudum concepisti, ac iam parturis, fausto denique Sidere nascantur. Proh! quam arrisere tuæ illæ in Iudiciariam coruscationes? quam expetij, vt etiam te fulminantem experiretur. Quod me interim tanti facis, dum innominatum non sis, id & nimium est, & nimij amoris. De lapidis casu ex Terræ superficie in centrum intra 12. potius, quam 20. horæ minuta, qui colligi valeat, non satis percipio. Extulerat Keplerus Solem semidiametris Terrenis 13876. Tu 524. superadiicis; huius quo argumento? resalutat te optimus Petauius, qui etiam rediuium te est gratulatus quam-plurimum; resalutat quoque Præclarus Naudæus, qui etiam bis, tæque, ne negligere inculcauit. Saluta tu Amicos eisdem, quorum mentionem factam habes superioribus literis, & longum Viue, ac semper Vale. Parisiis 11. Kal. Aug. M. DC. XLIII.

LVDOVICO VALESIO, *Principi*

*Optimo,*

PETRVS GASSENDVS

*Eudæmon.*

**E**T hac adhuc vice in aurem obgannio, vt si id nondum occæperis, quod iteratò rogatus es, meminisse possis occipendum esse. Non video profectò qui te differas, cum possis nulla fructuosiore occupatione distineri. Nam, & quod iubet Oraculum, cognitioni tui vacabis, & disquirendo quis fueris, agnoscendoque moliri-ne aliquid melius poteris, intelliges quem esse te in posterum sit consentaneum. Imitaberis & Principes Viros, qui de Vita, rebusque gestis scribere commentarios, quibusque non habet Historia aut generosiores, aut innocentiores. Id fiet per

schedas; sed interim tamen ego sic compingam, sicque adferabo, vt ipse tu olim rem cognoscere, tæque in ea agnoscere sis suauissimum habiturus. Tunc & iuuabit meminisse, & intexere si quid deerit, & detrahere, si quid efferetur; & transponere si quid non quadrabit; & membris, articulisque congruo situ dispositis adhibere carnem, ac vitalem succum. Id tamen, vt fieri aliquando possit, incipiendum maturè est ab elementis rudissimis; neque enim factus vllus consummatur, qui non initio informis sit, neque exquisitus erit vnquam opus, cuius sperantur exordia perfecta. Maturè ergo aggredere; nam donec mora moram trahente initia consistitur; & præscinditur spes omnis prouectus. Vale, PRINCIPVM OPTIME, Præsidium, & Decus meum dulce. Parisiis, pridie Kal. Aug. M. DC. XLIII.

### E I D E M.

**E**OC vnum addo, OPTIME PRINCIPES, ad superiores literas, non esse quamobrem verearis, ne vanitati res vertatur, si non mihi modò, verum etiam aliis fortassis innotuerit. Nam primum quidem, si ita probes, res ita agetur te inter, & me, vt nemo futurus sit conficius, & quidquid mihi dixeris, lapidi fuisse dictum videatur. Deinde verò cum te Deus eâ gratiâ donauerit, vt haberi possis eximium Virtutis exemplum inter Principes; non est profectò inuidendum, si qualis es, talis non esse, & olim fuisse existimeris. Sic autem loquor, securus tantum abesse, vt exinde vanâ gestias gloriolâ, quin descendas potius in te, vt agnoscas gratus-ne sis in Diuinam munificentiam. Heinc prouidendum quidem est, tibi, quod & quantum noui, per optimè facis, ne animus tuus ob egregias doctis efferatur, & insoleat; ne te illas merito tuo, potiusquam ex mera Dei dignatione habere præsumas, ne te reputes esse aliquid, & si qui sunt tui dissimiles, damnes; aliæque id genus, quæ diuinum Verbum in Phariseis improbat, quæque spem præscindunt æternæ mercedis. Verum seruât, quæ par est moderatione animi, nôsti Præceptum esse Diuinum, vt coram hominibus luceas, quò illi videntes tua opera bona, gloriam referant ad Cælestem Patrem. Quare & debes te exemplum; ne sint, qui putent fieri non posse, vt cum splendore isto Natalium, cumque hac tua tanta fortuna cohzere. Virtus perfecta non valeat; & teneris, cum sentias te non tibi solum esse natum, adiuuare quam-plurimos qui se profectò comparabunt ad virtutem Heroicam, cum te illum habuerint, cuius imitatione teneantur. Vale, DECVS PRINCIPVM, Præsidium, & Decus meum dulce. Parisiis, vi. Id. Sextil. M. DC. XLIII.

*Litteras hæc iam obsignaui, cum bona sorte fuere ad me suauissima tua postrema perlata. De ipsis nihil aliud atroxere vacat, nisi quòd gratias plurimas ob te mihi annuentem habeo. Cætera Deo benè propitio proxima statim occasione.*



*Ad Venerandum Senem, IOSEPHVM GALTERIVM, Doctorem Theologum, Priorem ac Dominum Valletæ, Amicorum antiquissimum,*

PETRVS GASSENDVS S.

**E** Cquid miraris, OPTIME SENEX, Morinum nostrum remisisse veteri amicitie nuncium, edito aduersum me libro, in quo vltro inoffensûsque, sese insensissimum gessit: An non tibi pridem perspectus eiusce viri genius: is nempe, &c. Patifis, IV. Eid. Sextil. M. DC. XLIII. *Habetur sub Titulo, Ad librum Ioannis Baptistæ Morini, cui titulus Alæ Telluris fractæ, Epistola.*

LVDOVICO VALESIO, Principi  
*Optimo,*

PETRVS GASSENDVS

*Edicæten.*

**E** Ratias iam egi ob pronam tuam in vota mea voluntatem. Eas iam repeto, ac te solum oro, vt quam-primum vacauerit, memineris stare promissis. Inaudieram iam aliquid de ista, quam commemoras hominum nostratium factione, Faxit Deuster-Maximus, vt illi in viam redeant, & qua facilitate sunt, dum te ralem habent, agnoscant. Dolui maximè nostrum illum ad eorum parteis accessisse, neque potui alia ratione eius mentem interpretari, quam vt voluerit apud illos pleniorē fidem querere, quò posset ipsos facilius restituere in bonam frugem. Audio illorum præcipuos vni cum ipso huc aduenturos, non capio tamen quid valeant, nisi te habuerint propitium, sperare. Non norunt adhuc se altera qua lactabantur se excidisse, an non frustrabuntur quoque altera, nisi id fortè prouiderint, vt te gerat intercessorem. Gratulor tibi noua trophæa, quæ generosissimus Princeps Conso-brinus tuus proximis diebus retulit ex *Theonu-Villæ* expugnatione. Gloriosissimus certè ille, & dignissimus sanguine vtroque, quo cum ipso communicas. Vtinam illum Deus, vt vnicum ex præcipuis Galliæ columinibus incolumen seruet. Tu OPTIME PRINCEPS, & meum Decus Vale. Patifis, postridie Eid. Sextil. M. DC. XLIII.

*Admodum Reuerendo, Religiosissimo, & Doctissimo Viro P. HONORATO FABRO è Societate IESV,*

PETRVS GASSENDVS S.

**E**ddidit mihi germanus tuus, eximie comitatis vir, quas voluisti mihi per ipsum literas raræ & doctrinæ, & humanitatis

plenissimas dari. Cum omnia certè suspexerim, tum in primis illam effusam, singularemque bonitatem, quæ me ignorum, immerentemque, inexpectata ad eam amoris testificatione obruendum censuisti. Nam insinuaram quidem germano suauissimum fore, si quando claretur tuas illas de Cælestium motuum Physicis causis speculationes, per-egregias cognoscere; at te idcirco obsequuturum, & tam cumulatè præsertim, vt iure non deberam, ita nec reapse profectò speraram. Itaque gratias imparcis quidem, sed quales tamen possum, habeo; confusus te meam saltem erga te pronam voluntatem esse probaturum. Miratus iam fueram tuum illum Tractatum de *Coloribus*, tamen si neque integrum, neque nisi cursum legendum concessam; nunc verò accipiens totam Physicam pari à te studio exultant, & vel vnicum de *Motu* argumentum illustatum plusquam triginta propositionum centuriis, & stupeo, & sæculo nostrò prodidisse Virum gratulor, qui quam diuinus Artifex Mathematicum implicuit tanto operi, explicare vt generosè, sic facilliter aggrediatur. Quas te aduersus Copernicum excogitasse rationes dicis, dignæ erunt haud-dubie tua illa solertia: siquidem, tamen si non satis perspicuo, quid ex tarditate eius partis rotæ, quæ aduersam axi viam tenet possit in ipsum colligi; auguror tamen te exinde rationem tenuisse validissimam, vel ex eo, quòd Terram quiescentem supponis, vbi de motu Cælestium Physicà causâ sermonem iustituis. Sanè verò quiete Terræ in centro Mundi supposita, nulla potuit Hypothesis (quantum quidem possum mente assequi) ingeniosior excogitari. Hactenus enim permulti quidem Planetarum motus per spiras, celsiorēque Firmamenti circumductionem in Occasum peragi autumauerant; at nemo perinde causam Physicam spirarum istarum dicere tentat; & tūc rem ita aggressus es, vt simul ipsam reddidisse verissimillimam videaris. Quippe tamen cæteræ quoque Suppositiones dubium patiantur; ille tamen spiralis motus, cuius sint gyri angustiores ad Tropicos, explicatior ad Aequatorem, ad eò perspicuè declaratur ex compositione recti accelerati, & circularis æquabilis, vt nihil sit procluius, quàm existimare rem eo peragi, quo deducis modo. Quin etiam itus, idēque ex Tropico in Tropicum eam habent Analogiam ad eos excursus, recursusque, quos non improbabile sit peractum ire lapidem in perforatam Terram dimissum; itēque ad vibrationes, reuibrationēque ponderis sunipenduli, vt rem non intellectu modò, sed oculis penè cernere videamur. Et quamvis ex tua Positione acceleratio motus recti videatur futura secundum rationem, quā Sinuum versorum incrementum sit, quæque non-nihil differt ab ea quam Galileus, Mercenniusque, & si fas dicere, etiam ego, obseruare visi sumus; attamen circa ipsa initia discrimen est ad eò insensibile, vt possit penè ad obseruandi difficultatem reuocari. Siquidem vn̄ nuper scribebam ad Amicorum aliquem, diligentiam propè omnem superat, discernere an sit progressio iuxta numeros

meros integros 1. 3. 5. 7. 9. An iuxta hosce 1.  $2\frac{11}{12}$  4  $\frac{1}{4}$  6  $\frac{3}{4}$  8  $\frac{1}{2}$  &c. Idem porro dico de asserita à te constitutione Apogei, deque eius motu (& ne ipso quidem æquabili) in consequentia, de inuariata excentricitate, & (quod mihi pene probatum) de inuariata similiter obliquitate Eclipticæ; de præcessione Æquinoctiorum, deque turbinatione Solis, & si quæ sint alia, quæ Hypothesin Solaris motus attineant. Quippe, quantum-vis nonnulla sint tum operæ difficilioris, tum Intellectus abstrusioris; vniuersa tamen demonstrant quos sis ingenio, & animo ad quidvis quantumlibet arduum exsuperandum comparatus. Quanquam enim tu is non es, qui motum illum prodromum, quem supponi posse Galileus censuit, ita seridè accipias, quasi reuerà aut necessariò in conditu rerum fuerit aliquis; nihilominus ipsum adeò scitè atque appositè usurpas, vt inde penè tam facillè Cælestium motuum originem, varietatèque explices, quàm qui usurpant fluxum puncti, explicare solent creationem, accidentiæque dimensionum. Heine deuinxisti me sanè nimium, cum rescire voluisti me quàm hæc præclarè excoGITARIS; ac proinde viam quasi straueris ad inuestigandum vberius Physicam causam tum præcipuam, tum organicam motionum Cælestium. Nimirum spes est, vt pro tua sagacitate, atque solertia, disquisitionem hanc promouens, faciem præferas, qua quæ tenebræ adhuc supersunt, discutiantur. Perge itaque rem facurus dignam præclarissima indole, dignam non erudita minis, quàm illustri familia; dignam Societate, quam quidquid est rarum, sublime, magnificum decet. Sic verò habe me vt honori, sic felicitati magnæ vertere, quod fueris non modò cooprate me, sed accersere etiam in tui amicitiam dignatus. Quantò certè me tibi obstrictiorem vel ex hoc vno capite sentio, tantò daturus sum operam, ne tua de me opinione, tuoque affectu me indignum probem. Vale, Literatorum Decus, & me, vt amare cepisti, sic perge. Parisiis, xii. Kal. Septemb. M. DC. xliii.

LVDOVICO VALESIO, Principi  
*Optimo,*

PETRVS GASSENDVS  
*Evdæd. Hen.*

**A**N narrabo tibi, quod mihi (dormienti, nescio, an vigili) superiore nocte contigit insomnium? Meditabar quid fieri posset, vt tot iam tentatis remediis, nullum non impar hæcenus fuisset Filio tibi carissimo, ac tantæ spei perficando. Subiit verò me cogitatio curationum admirandarum, quas ad Balnea, Thermasque nostras Dinienfis præactas cognoram; ac tum, quid-ninquam, si illuc deferretur illustris Infans, sanitatem recuperaret? An-non, si malignus est humor, qui meatus obstruxerit, eamque, quam memorant, neruorum infirmitatem fecerit, adest tum aqua ad exsoluendum, tum Crypte suda-

toria ad educendum comparata? An-non illece, innumeri, qui sint neruorum aut debiliū, aut decurtatorum Paralytici annis singulis conualescunt? Et non-ne opus dumtaxat foret singulari prudentia in temperando vsu pro morbi, ætatis, virium conditione? Dicere non possum somnus-ne deinceps me inuasit, an continens fuerit; at cum-primum fui postmodum sub auroram expergefactus, ea cogitatio sic rediit, vt censuerim illam qualiscunque foret, esse tibi significandam. Itaque hoc ipsum iam præsto, & cum par non sit, vt meis insomniis, ac tanta præsertim in re fidem adhibeas aliquam, addo tamen te rem facurum Paterno studio non indignam, si Lauretium Medicum accersueris consulendum. Non sanè quòd isteic desint Medici, qui nostri eiusmodi Balnei, vaporariique sunt apprimè gnari; sed quòd degens illece Lauretius, illaque præsertim, qua est sagacitas, & diligentia, rem cognoscere præ cæteris possit. Vtcumque fuerit, saltem ad te hæc perscripsisse nihil nocebit. Vale, PRINCIPVM, Vale meum Decus. Parisiis, xii. Kal. Septemb. M. DC. xliii.

### E I D E M.

**E**asti me, OPTIME PRINCIPES, cum iteratò fecisti spem eorum, quos petij commentariorum. Comperta mihi iam pridem fuerat animi tui moderatio, neque ego non sensi me tui pudoris pulsare fores; sed nempe idèd non destiti, quòd ratus fuero esse te de meo candore securum. Aggredere itaque solùm, & quo quidem modo ipse institui, is enim peregregius est. Hoc vnum te quæso, ne te singularis, de qua dixi, modestia ad celandum quidpiam quod videri possit laudabile esse, compellat. Quippe id in meum sic effundes sinum, vt cenere possis in tuo constitisse. Commemini, exempli gratià sed non tamen satis diserte, conseruisse te nescio quos sermones cum Condao Principe, tempore nuptiarum ipsius; cum Duce Mon-morancio, quo tempore nescio quid ipsi interuenit didij cum Henrico Magno, dum te aliquando inter Pueros quosdam Primores vnum requireret, & alia id genus, quæ mihi noluerim omninò abs te reticere. Huiuscemodi quoque sunt, quæ te tam carum cum cæteris, tum præsertim Auo tuo reddiderunt. Vale, O DECUS PRINCIPVM, & quòd lætus pergis inde festi redi. Parisiis, v. Kal. Septemb. M. DC. xliii.

PETRVS GASSENDVS  
NEVRÆO SVO, S.

**Q**Vocumque scribas idiomate, rem mihi petiucundam facis. Perscripsit ad me optimus Campinius quantum se tibi deintus sentiat; ne dubita verò quin affectus ille, quo est erga te animatus, in dies excreseat. Facis profectò pro singulari animi tui moderatione, cum te sic demittis, tuamque industriam, quæ quanta sit, noui, sic attemperas; facis pro eximia Sapientià, cum si quid potest

potest tædij, molestiæ-ve interuenire, hoc & sale condis, & melle dulcoras; sed tu cordatissimus nempe, qui pari studio quæcumque Spartam nancisceris, ipsam exornas. Chorezjus nihil de caritate Telescopiorum suorum remisit. Vnum heic habebis cum geniculo, & mordaci cochleola, sustentaculo ligneo inferenda. Est canaliculus præterea, cui adhibitum præstare possit Microscopij vsum, verum cum is sit longior cubito, alia occasione erit transmittendus. Vale. Parisiis, v. Kalendas Septembris. M. DC. XLIII.

LVDOVICO VALESIO, Principi  
Optimo,

PETRVS GASSENDVS  
Evdæstæ.

**D**ei non potest, OPTIME PRINCEPS, quanta læticia fuerim perfructus, cum in fasciculo librorum, quos voluisti missos ad me, tuas non modò literas, verum etiam commentariorum quasi primitias conclusas habui. Quàm suauem autem putas, fuit, candorem illum agnoscere, quo recensuisti omnia, neque timuisti, ne ea secus, quàm se haberent, interpretarer. Hæc certe ex eo non debui, quin fiducia tibi foret de me plena, ac reputares posse te mecum, perinde ac tecum serere sermones. Et quantum quidem possis, docebit te dies, exscripti interea schedam integram, ipsûmque ad te iam remitto autographum, vt certior euadas nihil harum rerum tua ipsius manu scriptum remanere. Nec verò secus de cæteris, quæ deinceps ad me transdere dignaberis agam; quæso te solum, ne id præstare, quantum per negotia licebit, omittas. Quippe plurima quidem sunt, quæ te rogatum prætereà circa primum istum commentarium velim; sed nolo te interrumpere, cum abundè interim sit, quod rem per summa, ac præcipua pro temporum serie capita enarres. Scilicet hæc ubi fuerint absoluta, retexemus specialius omnia, & circumstantias intertexemus, quarum licet tibi videaris oblitus, percontando tamen dabo operam, vt excitari memoria possit. Quàm difficilia enaerint tempora, mihi non ignotum; verum spes est fore, vt breui mitescant, & Cælum hisce nubilis variè turbatum serenetur. De libris transmissis id cepi consilij, vt res cum viris optimis Merfennio, Hilarione, Nizzellone communicetur, i enim vt sunt eruditi, & sui instituti, sodaliumque amantes, sic opportunè providebunt per quos-nam ex suis libri offerantur. Siquidem videri indecorum posset, & instituto iniurium, si alienus quispiam se ingereret in rem spectantem ad hominem, qui nomen dedit Sodalitati. Concedam proinde illis ipsos libros, ratus te non malè consultum id ire. Nihil attexo rerum nouarum, tametsi eæ sint, quas nosse interfit; sed nimirum qui tua curant, noruntque omnia præclarissimis, ipso me subleuant labore. Vale PRINCIPVM OPTIME, Præsidium & Decus meum dulce. Parisiis, pridie Non. Septemb. M. DC. XLIII.

Gassendi, Epistola.

E I D E M.

**N**ihil est noui, quod ad te scribam. Nam quod spectat quidem ad carissimam tibi Viri instaurationem, ob quam vt tui causa læter, ita impensè gratulor, res fiet abundè perspecta per tuos. Remisi nuper id Schedion, quod dignatus fueras ad me mittere, speroque fore vt deinceps consimilia recipiam, quantum certe tibi per ea quibus distineris negotia, licebit. Libros commisi Patribus, de quibus postrema occasione scripsi. Dixit Merfennius se argumentum ex ipsis Authoris literis iam nosse, omnèsque simul receperunt deliberaturos se cum suo illo vitorum optimo Chalouio per quos & libri offerantur, & votis Authoris satisfiat, ac mihi rem postea significaturos, cuius possim te facere certiorem. Vale PRINCIPVM OPTIME, Præsidium, & Decus meum dulce. Parisiis, 11. Eid. Septemb. M. DC. XLIII.

Hæc iam scripseram, cum reddita mihi postrema tua litera fuerunt. Et vix quidem vacantis schedium ipsi adiunctum exscribere. Perfeci tamen, quare & ipsam cum hoc Epistolio recipias. Condonabis autem, si de argumento literarum nihil reponam; exscriptio illa videlicet nihil temporis reliquum fecit. Vale iterum.

Clarissimo, & Doctissimo Viro, HIERONYMO BARDIO,

PETRVS GASSENDVS S.

**Q**uas ad me geminas dedisti ante duos menses literas accepi solum nudius-tertius. Commisi verò statim Amico quas ad Petrum Fabrum vnà destinasti, & commendauisti sollicitè, vt virum ad tibi rescribendum instigaret. Nimia potè est bonitas, qua me pergis obstringere, cum nihil tam diuturno offensus silentio nihil de singulari tuo erga me affectu remittis. Et potes sanè esse de mea in te propensione securus; sed interim tamen nihil profusus bonus, non posses hanc meam negligentiam tantam consulere boni. Per-gratum fuit cognoscere quem attexuisti Indicem præstantissimum tuorum Operum, is quippe vt saluam mouit, ita editionis impatientiam fecit. Mirè interea me delectauit, quòd vnum versari sub prælo agnouit; vtinam & id breui prodeat, & cætera mox consequantur. Quod renuncias de optimo, præclarissimòque Liceto, nouum mihi penitus est, nisi quantum noui ex Naudæo nostro editum pridem ab eo librum de luce Luna secundaria in Galileum rati uagasti, ac partim etiam aduersum me: siquidem neque quod exemplum, neque quas infinitas literas ad me peruenerunt. Beabis me verò, si libri Exemplum transmitti ad me procuraueris; non tam profectò quòd in illo res agatur mea, quàm quòd sit iucundissimum habere atque asseruare tanti amici monumentum. Id poterit, quantum opinor, Genuesi internuntio tradi, & ad optimum Principem, inque mea Prouincia Pro-Regem rectè dirigi, inuolucro solum superaddito, quod Epigraphen istam

P præferat,



præferat, *A Monseigneur, Monseigneur le Comte d'Alais Gouverneur, & Lieutenant general pour le Roy en Provence.* Ille scilicet ita amat me, vt & volens ipsum excepturus sit, & iussurus statim vt ad me transfatur. Interim, si quidpiam forte literarum ad eximium Licetum des, quæso te illum iubeas, & saluere meo nomine, & rescire neminem esse apud quem possit eius virtus, atque eruditio fieri commendat. Velini etiam vt plurimam Clarissimo Medico Sebastiano Baldo annuncies salutem. Tu benè Vale, Parisiis, xiv. Kalendas Octob. M. DC. XLIII.

LVDOVICO VALESIO, Principi  
Optimo,

PETRVS GASSENDVS  
Evdæstien.

**N**extium cum tuis literis nuper datis accepi Schedium, id verò cæterorum instar exscriptum cum hisce remitto. Cumulas me gaudio, cum te tam constantem hac in re præstanda experior; neque subest, quam obrem hæream, quin sis deinceps, dum per negotia licebit, perseveraturus. De Bereculio, quod memoras, dolorem mihi renouat, quo, illum à te decessisse accepi. Conuenire ipsum aliquoties volui; sed à suo semper diuersorio abfuit. Inuasisse me ipse semel, iterumque; pernegauit autem sese aliquid, quod reputaret esse tibi displiciturum commisisse. Nempe restitisse se quidem Classis illius supplicum libellorum institutioni; at fecisse ex munere, & non fuisse vnquam abs te, si quid displicuit, significatum; & cætera quod attinet, esse se constanter reuerentem tui. Quid porro ego reposuerim, nihil est necesse commemorare; tu enim satis id coniicias ex veneratione qua te, tuamque virtutem perspicissimam merito complector. Cætera inter illi prædixi, quod & euentus iam comprobat, nisi & ipse, & cæteri, eo quo par est modo te propitium quærant, nihil esse quod sperent pro votis cessurum. Scripsi hodie Genuam ad quandam Anticum nomine Hieronymum Bardium, vt transmissurus ad me librum, quem Licetus in Galileum, ac in me simul edidit, ipsum ad te cum inuolucro, & epigraphe dirigat. Si faciat, nullus dubito, quin & excipias, & transdas volens. Vale, PRINCIPVM OPTIME, Præsidium, & Decus meum dulce. Parisiis, xiv. Kal. Octob. M. DC. XLIII.

E I D E M.

**N**uperum, quod literis tuis attexuisti Schedium, cum hisce recipies. Quos ad me libros miseras, delecti ex ordine viri, vt præsenferam, obtulerunt. Ipse Cancellarius Regij priuilegij pollicitus diploma est; id vbi viri Religiosi præ manibus habuerint, consignaturi mihi sunt, vt ad te, seu ipsum ad Authorem transdam. Concedo rus crastina luce cum Abbate Campinio (cuius summa semper in te obseruantia) & Molæo Præsede mei etiam amantissimo, Lunæ Eclipsin, quæ perendie futura est, obseruaturus. Horizontem liberum quæro, vt quia Luna est oritura aliquantisper

iam deficiens dum Sol occubitus est, experiatum vterque sit (Terrâ interpositâ licet) simul supra Terram futurum conspicuus. Scilicet quasi vaporum Regio ita vtriusque radios refringere heinc inde valeat, vt quamuis demersi infra Horizontem, imminere tamen ipsi conspiciantur. Res obseruata aliàs est, verum non à me, qui ne ausim quidem vt Cælum sit mihi futurum hac vice propitium sperare. Ista ad alium non scriberem; sed nempe tu meas non improbas nugas. Vale, OPTIME PRINCIPVM, Præsidium, & Decus meum dulce. Parisiis, vii. Kal. Octob. M. DC. XLIII.

E I D E M.

*Vna manus nobis vulnus opemque tulit.*

**S**cilicet quantum prima fronte literarum conturbarunt, febrem renunciantes, qua tentatus es; tantum eadem te conualuisse commemorantes exhilararunt. Vtinam hæc fuerit, ac etiam-num sit valetudo constans; & que porro Deus incolumem seruet in Nestores annos. Id, quod me literis postremis timere dicebam, euenit, quippe Eclipses tempore obittere votis densissimæ nubes. Heinc non modò simul supra Horizontem conspiciere Solem, Lunamque non licuit, sed ne deinceps quidem Lunam, dum in summo defectu fuit. Exitum dumtaxat, Cælo sese postea aperiente conspeximus, vno altero-ve minuto post horam octauam. Versabamur tunc Suci, quod oppidum nostri satis editum non longè à tuo, Parentis-ve Grobosio; quam obrem ille inc optimus Abbas, optimus Præses Molæus, & ego redire nolimus, loco egregio non per-lustrato. Eremum quoque Camaldulensium sacri causa adiunximus, ac interim suspeximus insigne Paternæ, tuæque pietatis monumentum superstiturum. Vale PRINCIPVM OPTIME, Præsidium & Decus meum dulce. Parisiis, postrid. Kal. Octob. M. DC. XLIII.

*Pensum remitto.*

Admodum Reuerendo & Clarissimo  
Viro, GODEFRIDO VVEND-  
DELINO, Condatisensi Canonico,  
& Pastori Hercano,

PETRVS GASSENDVS S.

**Q**uas postremas literas dedi, spera fecere obseruationis, si quam forte peragerem circa Eclipsin tunc futuram, quæ & deinceps contigit die xxvii. superioris mensis. Fidem itaque istæ liberabunt, tametsi per-pauca obseruata sunt, Cælo scilicet inuidente. Concesseram Suci, quod Oppidum est tribus heinc leucis ad ortum distans, cum inclinatione tantilla in Austrum, (Meridianorum differentiam vnius minuti temporarii habeo) vt quia locus editus est, experiri num Sole adhuc supra Horizontem existente, Luna non-nihil suo in exortu iam deficiens exstaret quoque. Verum & dies fuit totus pluvius, & densæ nubes non modò illud intercepere spectaculum, sed maximam etiam, de qua maxime sollicitus eram, quantitatem Eclipses.

Eclipses. Cætera negata cum fuerint, felicitatem saltem fuit aliqua, spectare defectum deficiente potuisse, & momentum id adnotare, quo Telecopium exhibuit oram Lunæ redintegratam. Id quidquid fuerit ut habeas, ecce hec illud tibi exhibeo.

Altitudo Lunæ, &c. *Vt in Commentariis.*

Prætereo autem Eclipsin defuisse ad partem Lunæ superiorem, non omnino ad verticem, sed tantillum ad dextram, seu versus Occalum, & quatuor, aut quinque post horæ minutis (nempe dum Luna superstitem inumbrationem exueret) distitisse Æ, qui erat tunc Lunæ inter Austrum & Occalum, à margine quidem remotione Lunæ 1. grad. min. 41  $\frac{1}{2}$  à viciniore verò 1. grad. min. 1  $\frac{1}{2}$  à centro autem 1. grad. min. 1  $\frac{1}{2}$ , nempe quantum Radio Astronomico assequi id licuit. Obseruauit per idem tempus in hac Ciuitate Ismaël Bulhaldus ac ita se habuit eius obseruatio.

Arcturo ad Occalum, &c. *Vt in Commentariis.*

Adiecit Arcturo alro grad. 19. min. 42. seu hora 7. min. 19. sec. 11. distitisse Æ ab ora Lunæ proxima 0. grad. 45. min. Expecto si forte qui alij quibus eandem curam commendaueram, feliciores exstiterint. Interea nolui committere, ut hæc non rescires quam-primùm. Tu quid tibi contigerit, si significes, periuicundum erit. Vale, & Amicos saluta. Parisiis, v. Non. Octobr. M. D. C. XLIII.

LVDOVICO VALESIO, Principi

Optimo,

PETRVS GASSENDVS

*Luceæ Aen.*

**A**ppulsurus Monacum est hoc ipso, quo hæc scribo die, quantum quidem ex tuis, aliorumque literis supputanti conficere licet. Vtinam iustis ausibus eò accesseris, inde redeas, & omnia ad obsequium, tranquillitatemque comparata offendas. Perfectum iam erat, quod dignatus es rerum nouarum insinuare, faxis Deus ter-Optimus, ut quantum ad bene merendum de Prouincia nostra propendes, tantus habearis ab omnibus, & quæ conditio est temporum, temporum conditio esse agnoscat. Quos innuis mores hominum, noui, sed spes est, ut illi descendant in se, ac potissimum, dum nequicquam se contendere obseruabunt. Videlicet, ut præconcepta de tua lenitate opinio fecit audendi animos; ita generoso honesto incoctum pectus animos franget. Felices! quod tu adeo bonus, ut sis resipiscitibus iniuriam omnem condonaturus. Per scriptum est ad Valaesium esse te in ipsum animo in senso; is verò iurat nihil se aliud, quam obseruantiam testatū fuisse. Nam quod *Arearum*, hoc est suam propugnata causam voluerit, id & postulatā abste, & imperatā licentiā fecisse. Suae esse infelicitatis quod te suis rebus, vorisque aduersum habuerit, ac nihil idcirco de reuerentiā tibi debita remisisse. Dolere se potuisset tuas aureis accom-

*Gassendi Epistola.*

modari maleuolis, qui ausi fuerint nescio quid tibi præter verum insulturne. Nempe re queri fecisse se, quod ne somniarit quidem vnuquam; neque enim se vnuquam accessisse, aut in consortium dedisse iis, quos tu causaris tuis consiliis, institutisque repugnare. Implorare se meam fidem, si cum norim qualis vir fiet, qua consuetudine cum iis, qui tibi minis affecti sunt, id vel ipsa specie probabile ducam. Ego verò, OPTIME PRINCEPS, testari possum nobilem virum & venerari semper te, & quantum coniecturis mihi maximè euidentibus assequor, non fecisse locum expostulationi. Quod superest, non latet te, qua me necessitudine Peireskii ille à *maestris*, suæ familiæ deuinxerit, quā me & ipse Valaesium Riantij Baro & eius filius teneant. Quare non improbabis sanè, si id præstem ipsi erga te officij, quod reculare, nisi defertor amicitiæ habeat, non possum. Præsto aliunde pro eo affectu, quo tibi, si modò liceret per virum mearum modulum, conciliare, aut sistere quam-plurimum animos vellem; ratus nihil tibi esse iucundius, quàm regnare in animis, ac nihil esse magis à tua indole, quàm serenitatem testari, alienum. Certè & tua illa verba inserta in Epistolam, *paucorum culpa fuit, vniuersa pena*, &c. id reuocant in memoriam, quo Ouidius cætera inter de Augusto cecinit,

*Multa metu pena, pena qui pauca cœreer;*

*Et iacit inuisa fulmina rara manu.*

Sed hæc satis, OPTIME PRINCEPS, tu meum dulce Decus, & Præsidium, Vale. Parisiis, v. 11. Eid. Octobr. M. D. C. XLIII.

E I D E M.

**A**ccipio discessisse re vno, altero-ve post die, quam statueras; sed discessisse expeditionem. Red eas modò in columis, quidquid est rei, perinde est; nam quod atinet quidem ad inducias, satis deinceps. Numine bene propitio, omnia supplebis. Dignatus fueras ante selqui-menlem referre ad me, non insuauē fuisse, quod de illustri, carissimoque Infante admonueram; ipseque volueram, quid-nam spei foret ex Lautaretio cognoscere; si forrè de morbo quidpiam inadiuiler. En verò literas iam habeo, quibus ille ad me perscribit se fando quidpiam inadiuiler, & quantum experientia annorum triginta, quibus Balnearum, Thermarumque vireis probauit, suggerit nihil se Infanti ex illarum vlu metueret, quam-plurimum verò sperare. Tempestatem iam præterlapsam, qua vsus aquarum consentaneus est, opportunam fore Vere proximo, si & (quod vouet meritò) Optimus Deus ægellum seruet, & ipse ea sis voluntate, ut earum vireis experiatur. Id ego nescire te nolui, tum ut ex facta spe recreeris, tum ut eò curam conuertere possis. Futurum puto, ut Lautaretius proximis Comitibus interit; poterit verò ea occasione tum *an-va* explorare, quæ sit morbi vis, & conditio, tum tibi edisserere quid facto existimer opus. Vtinam omnia prospere, ac prout sunt mihi in votis, succedant. Tu, OPTIME PRINCEPS, quam-optime Vale. Parisiis, postridie Eid. Octobr. M. D. C. XLIII.

P 2

E I D E M.

## E I D E M.

**S**pes est, ut faustum reditum Epistolium hoc gratuletur. Scilicet debes, quantum conicio, speroque, Monæco rediisse, & ab aliquot etiam diebus in ipsa Vrbe consistere? An non porro aliquoties, dum fores eius loci spectator, repertiisti illa ex Virgilio?

*Quantas acies, stragemque ciebunt*

*Aggeribus facer Alpina, atque arce Monaci*

*Descendens gener aduersis instructus Eois,*

Perpecta nempe tibi historia? An meditatus aliunde es, quam obrem *seruus* vocetur? duplicem causam designat Sèruus, nimirum vel quod Hercules illeic pulsus omnibus, solus habitaret, vel quod in illius templo nunquam aliquis Deorum simul colitur; sicut in Iouis Minervæ, & Iuno, in Veneris Cupido: At forsan ne fuit causa alia, quod eius loci situs præruptus habitationem singularem, & solitariam faciat? Porro ne proinde, quod sæculis præcis eò se Piratæ reciperent. Hercules à loco ipsi repurgato cognomentum tulit, potius quam donauit? Tenere me non possum, quin occasione Herculis Liguriam quoque, dum ex Gallia (vbi *Alpina* Vrben condidit) rediret, lustrantis; author sim tibi, ut perlegas quæ pauca habet hac de re Diodorus Siculus *libro Historiarum quarto*. Præcæteris certè admirabere historiolum, quam ille *Seruus* vocat de muliericula operas locante. Aliud quod scribam, nihil est. Tu, OPTIME PRINCEPS, quam optime Vale. Parisiis, x. Kal. Nou. M. DC. XLIII.

## E I D E M.

**S**ed iussu te Monæco accepi, & cogitasse statim Massiliam. Rumor fuit te ipso Comitiorum Consularium die, hoc est, nudius tertius illeic adfuturum; hæsi ipse, & visus sum hærendi rationes vtrique habere. Precor semper Diuinum Numen, vt omnia tibi pro votis cedant; adeo sum certus nullum te non legitimum concipere votum. Vereor, ne illa negotia obstaculo fuerint penso instaurando; quam obrem & nihil abs te ne proxima quidem occasione exspecto. De insequentis melius ominor; dum modò quiete, ac otio, quod spero, maiore fruaris. Interèa verò, si modò valeas; benè, imò optime est. Vale ergo quam optime, DEVS PRINCIPVM, Decus meum dulce. Parisiis, 11. Kal. Nouemb. M. DC. XLIII.

## E I D E M.

**I**D, quod veritus fueram, cuenit, vt gratia nempe illa negotia ne aliquid commentariorum ista quoque vice haberem, obstarent. Id delectauit, cœpisse omnia placidè adeo succedere; ac spem factam, vt ex ea vrbe discederes votorum compos. Debebitur successus felix & singulari prudentia, & generosa indoli, quæ vinci ac cedere nescia, nihilque metuens, meruit timere. Fortunet semper tua consilia Deus Optimus Maximus; & cum ipse sinxerit cor, tribuat tibi omnia secundum cor tuum. Id ego voueo vnicè, ac vt te inaudiam optime valere. Vale igitur semper optimè, DEVS PRINCIPVM, Decus meum dulce. Parisiis, postrid. Non. Nou. M. DC. XLIII.

## PETRVS GASSENDVS

NEVRÆO SVO, S.

**Q**uæ pet-eleganter scripsisti de Spectro illo lucido, cognoscere per-gratum fuit. Quod verò nomine non tam tuo, quam optimi Principis expetiisti nosse quid de eo sentirem, id non fuit perinde incundum. Etenim & ille est nimium sibi pollicitus de me; & tu non satis excusasti curtam meam supellectilem, cum eius desiderium suscepisti significandum. Quippe ego quidem vt in cæteris, sic in hisce rebus præsertim cæcutio; in hisce, inquam, in quibus aliunde periculum non leue est, ne quis aut nimium credulus, aut parum pius esse videatur. Enim verò, cum præsertim ineptus videri, potius quam morosus, ac vbi præsertim obsequium Principi tanto debitum (& à me quidem) exigitur, en, quam non vereat balbutire. Imptimis non inficior sanè, quin lucula illa; quæ per nocturnas tenebras, & cum nulla extrinsecus penetrare in lectum posset, intra ipsum lectum apparuit, poverit esse diuinitus ad significandum aliquid immissa. Id probabile enim facit tum Pietas eximia quæ tam generosissimus Princeps, quam eius Coniux Heroïna illustrissima, commendantur (tales nimirum sunt, quibus cum communicare ille solet, qui vna lux est in tenebris lucens) tum commemoratus à te blandus, plenusque dulcoris senlus, quo affectus vterque fuit. Is nempe est, cuiusmodi ab Angelis lucis creatur; cum horror incuti non modò à Potestatibus tenebrarum, sed à spectris etiam naturalibus, qui fuerint improuisi, solet.

Porro, cum is sim, qui id non inficior, an non tamen dignum consideratione, cur si id signum Deus immisit, perpectum simul non fecerit quid eo significatum veller? An reputare enim par est, Deum nihil aliud, quàm lucuisse, vt parè signum ludicrum solùm, inutileque exhibere; cum intelligi ex eo non potuerit, quid nam sperandum, aut metuendum; quid nam prosequendum aut fugiendum foret? An se Deum peius gessisse, quàm parentem, quàm Principem, quàm virum prudentem, & bonum, qui si subditorum quidquam interest, illos non Enigmatice, sed explicitè commonitos facit? Ac difficile quidem est, imò vireis fortè humanas excedit, si ea lux naturalis fuit, causam illius dicere; at æquū profectò non est notitiæ noctæ modulo vim incomprehensam naturæ medici. Nisi fortè ea vertigine sumus, vt quasi omnis naturæ vireis ad vnguem perspexerimus, nihil supra captum nostrum sit, quod non illicò esse quoque supra naturā existimemus? Et quænam tamen, inquires, subesse coniectura potest, ob quam opinemur naturam consimile quiddam interdum moliri? ego quidem, non sum tam solers, vt vllam intimè peruideam; sed, quantum tamen assequor, dici fortè posset huiusmodi lucem aut ob affectum oculi, aut ob rem, quæ reuerà esset extra oculum, apparuisse.

Vt verò primum aliquid de affectu oculi dicam, videtur res contingere alterutro duorum modorū potuisse; Vno, si tēporanea in optimo Principe fuit, quæ in Tibetio Imperatore per-



petua penè fuit dispositio. Is nempe, dum noctu expersiceretur, aperirétque oculos, eam ex ipsis lucem fundebat, vt res positas in obscuro, in quas obrutum dirigeret, ad certum tempus conspiceretur; quod noui etiam nobili cuiuspiam femina contigisse. Altero, si oculos habuit, vt ipse quoque aliquando in me experior, comparatos. Scilicet interdum, cum expersiger, interdum etiam cum ante somnum forte aperio oculos ipsos ea luce perusos habeo, vt ex improuilo immisissam in lectum lucem suspicer, & videre ipsum lectum clarè videat; tamen si re ipsa extra me nihil videam, quippe neque brachium exporrectum detegens, neque rem vllam manu contactam vbi, aut qualis est, discernens.

Et posse quidem ex oculis lucem aliquam proinanare, qua res obiecta illustratur, quæque reflexa in oculos speciem ipsius referat, nemo penè istic inficias; cum & ferè sit in confesso nocturna Animalia luce vti proptia, vt prædæ conspiciant, & animalicæ spiritus, qui coaceruari intra oculum, ac deinceps effundi possint, naturæ esse ignæ; atque idcirco lucidæ (non is certe minùs, qui ex pilis affrictis vulgo promittant) varia argumenta persua-deant. Posse aliunde oculum tempore somni, conclusionèque palpebrarum excelsæ factum lucem quandam concipere, & quæ facultatem interiorem, Imaginationem videlicet, moueat; nihil absurdum inuehit. Etenim si in variis lignis, in squammis, & fluore piscium, aliisque huiusmodi rebus excitatus putrefactione calor lucem in ipsis sensibilem creat; quid-ni creare in oculo possit excitatus calor à conclusis, mobilibusque spiritibus; cum & in ipsa talis fieri temperies aduentitia valeat, qualis in ipsis ciuium, noctilucis-ve natua est?

Quod autem etiam ex lucula intra oculum existente imaginatio sic percellatur, vt conspectæ lucis apprehensio fiat, vel illud arguit, quòd dum inspecto Sole oculos concludimus, videre adhuc videmur Solem, aut superflitem eius lucem nobis veluti obuersantem; quæ etiam oculis subinde aperti, & in librum inuentibus characteres aureos exhibeat; cum is tamen color seu huiusmodi lux intra ipsum oculum sit. Nempe imaginatio id quod intra est, extrò transfert, quocumque visus defigitur; quomodo solent quoque qui ictero, aut hypophagmate laborant, res visas habere lucidas, aut rubras, & nemo non imaginatur feriem esse lacrymarum translatarum per aërem, quæ ferries guttularum est translaturum per oculum; & qui ex Sole directè inspecto contraxere noxam (vt ego certè aliàs) videre videntur in aëre medio quasi congeriem gratorum gregatim volitantium; cum sit potius congeries notularum in oculo à radiis Solis ipsarum. Atque id quidem, ne memore eandem vim Imaginationis non modò lucem, aut colores existentis in oculo, quasi exterius in aëre existentis apprehendere; sed apprehendere etiam ex solo motu imaginū, specierum-ve in cerebro ex rebus vique impressarum, vt furiosorum, delirantium, & somniantium visa manifestū faciunt.

Vt dicam verò etiam aliquid de re, quæ extra ipsum oculum sit; videtur potius ea lux eo-

*Gassendi Epistola.*

dem modo contingere, quo *Castores*, ignis que alij, luculæ-ve potius confusiles solent. Quamobrem enim, si aliquando id euenit in nauibus, vt postquam rudentes, cæteræque partes præ vehementia tempestatis incaluerint, ij excitentur halitus, qui concretescunt conspicui fiant, & citra ardorem colluceant; non possit interdum halitus humanus & conclusus præferri, sic concretere, vt similibus ignis minimè ardentis, sed lucentis solum speciem referat? Et non-ne constat halitum non ex cæteris modò Animalibus, sed ex Homine quoque transpiratus formari in ignem, luculam-ve huiusmodi; quando non modò incalentescunt post serotinas pluias equi visi alias sunt binas flammulas binis gestare auriculis; sed id ipsum etiam quod est à Poëtis cantatum de Ascanio, testati Historicifunt de Seruio Tullio iuvene; vt nempe illi in Regiæ dignitatis prælagium obsequata fuerit

*Lambere flamma comas, & circum tempora pasci?*

Addere possem loci genium, è quo fundi queat talis halitus; quippe non sola Cœmeteria illis fundendis sunt comparata; sed loca etiam alia, cuiusmodi sanè memorandum est *Rogoni* Castrum in Prouincia, vbi per noctes verè hie-manteis illud persamiliarè est, quòd singulare Seneca habuit de Stella visa consistere supra Gylippi lanceam, dum Syraculas peteret, & Plinius de visis à se supra militum pila inhæ-rere. Illeic siquidem quotquot efferuntur hasta, baculi, digiti per atrium, aut præter fenestras, totidem statim igniculi, seu luculæ potius innoxie super-exoritur. Possem simul commemorare specialia quædam Africæ loca, in quibus spectra varia nò alia de causa familiaria sunt, quàm quia ventorum defectu varij glomeres vaporum formantur, consistuntque per aërem, & cum ad motum accedentium, recedentium-ve solum moueantur, non assuetos indigenas, sed aduenas solum inassuetos perterrefaciant. Possem & edisserere, vt vapores lucidi fieri ob corpusculorum ex quibus texuntur variatam positionem valeant; citareque speciem Auroræ Borealis, qualem mirabilissimam obseruauit eo tempore, quo Mons Albanus obsidebatur. Possem postremò alia quoque hisce affinia subtexere, ad declarandum quò potuerit intra illud cubiculum is seu halitus, seu vaporis conformari glomerulus, qui abierit in luculam; sed faciendus is denique est modus.

Iam, si requiras vtra ratione existimem probabile luculam illam apparuisse; nihil pronuncio; sed dico solum, nisi ipsa quoque illustrissima Heroïna eandem luculam conspexisset, futurum fuisse, vt habetem quasi rem verissimam, apparuisse eam luculam propter affectum oculi, & posterioris quidem modum. Nimirum instabilitas, & discursio à te descripta, videri posset arguere mobilitatem oculi; eodem modo, quo illam arguit instabilitas & discursio lacrymarum memoratarum. Hæ quippe non alia ratione moueri apparent, quàm quia dum visionis axem versus ipsas oblique stras conuertimus, auertimurque, quæ guttulæ in oculo sunt, vnà cum oculo mouentur, perpetuèque axem visionis, aut antecedunt, aut

P 3 conse

consequuntur. Sic vmbellæ, quas memorasti, videntur arguere crassiusculas aliquas parteis humorum ocularium, quæ interceptæ speciem vmbre media in lucula creant; eo fortassis modo, quo mihi contingit, qui ob crassiusculum vaporem intra pupillam oculi dextri, præ me fero semper vmbellam lenticularis amplitudinis, quam & clausis etiam oculis discerno, & dum oculo illo lego, characteribus interceptam habeo; ex quo & lego laboriosius. Sic dici posset inconstantiam magnitudinis, & figuræ, quam similiter adnotasti, arguere illam luculam intra oculum mobilem, dilatari, contrahi, diuersimodè figurari: quando quæcumque mutatio euenire interius potest, illam vis imaginationis fieri exterius apprehendit. Sic demum quod refert voce excitata, & exportecto brachio luculam statim euauuisse, arguere posset luculam contentam intra oculum, ea contentione velut discussam dissipatamque excessisse.

Verumtamen, cum Heroïna illustrissima eandem viderit, & neque aut loqui ad gratiam aut sibi ipsi imponere (qui eius est candor, quæ virtus) voluerit, atque idcirco tale spectrum extra oculos fuerit (secus scilicet non potuisset utrique simul apparere) eapropter non video quid super sit aliud, quàm vt posteriore ratione apparuisse existimetur. Videlicet propter vaporis, halitus-ve glomerulum, qui & lucem conceperit, & discurrerit, & transformatus fuerit, & tandem euauuerit, quo solent modo *Castores* aut genera alia consimilia lucis.

Et hæcenus sit balbutiisse satis. Tu quidquid id est, boni consule, & cum memorabis quid rescripserim, partim tua exuditione, tuoque iudicio tempera; partim pro tuo in me amore, quatenus decere, aut conducere tibi videbitur, dispensa. Benè Vale, ac nostrum illum Galterium, Senem Optimum, Bargemoniùmque simul saluta. Parisiis, Eid. Nouemb. M. DC. XLIII.

LVDOVICO VALESIO, *Principi Optimo,*

PETRVS GASSENDVS  
*Evdæsiæ.*

**P**Erscripseram iam ad Neuræum, cum redditæ fuerunt tuæ literæ postridie Kalendas conscriptæ. Retexere heic nihil vacat ex literis ad illum datis circa apparentem tibi luculam; id quidquid est, cognoscere eo referente poteris, quando & ipso intercedente innotescere mihi rem voluisti. Quod solum iam vacat, tibi gratulor, & ob felicem reditum, & ob res omnes pro voto gestas. Aliàs Deo propitio plura; & quæ præsertim attexere in animo erat, de demonio Socratis, de genio Bruti, & aliis, si per tempus quidem licuisset. Vale PRINCIPVM OPTIME, Præsidium & Decus meum dulce. Parisiis, Eid. Nouembris, M. DC. XLIII.

E I D E M.

**E**diisse te Massiliam accepi, vbi cum quæ fueris, fausta adprecor. Vereor, ne quæ semper negotia interuenire plurima solent, diuturno obstaculo sint commentariolis repetendis. At modo tibi res penitus è memoria non excidat, & cum primum vacauerit, curam illius non prætermittas; id hoc vnum exigere fas. Addicam lubens eadem-ne semper tibi apparere lux pergat, & quod tuum-met de illius apparitione sit iudicium. Nam & nemo te melius quid id rei sit definire, aut saltem conicere valeat; & quod ego quidem de illo, te volente, balbuti, nullus est planè momenti habendum. Vt cumque sit tamen, Tu OPTIME PRINCIPVM, & dulce meum Decus Vale. Parisiis, xiii. Kal. Decemb. M. DC. XLIII.

*Hæc qua vides iam scripseram, cum fuere ad me tua litera cum Commentariolo perlata. Priuenis meum votum tua diligentia: quamobrem mihi tantò gravior, quantò insperator fasciculus fuit. Non remitto iam Schedion, quoniam non vocat exscribere; id verò proxima occasione, mihi significasse contentus, remittam. Interea Vale iterum.*

E I D E M.

**E**N remitto iam Schedion, quod occasione superiore non licuit. Quas es dignatus dare Massiliæ ad xiv. Kalendas, accepi. Hem verò, quanta animi, & magnitudine simul, & moderatione conscriptas? De tuo in Prouinciam affectu, nemo qui te nouit, vquam dubitet. Quid enim tibi potius in votis, quàm vt contueri florentem valeas? in felicitate tua fuit, quod neque eam acceperis, quam tuæ feliciem posses, neque fuerint ea tempora, per quæ reddere licuerit feliciem. Vtinam verò Conciues mei id satis intelligerent, & durate, semetque rebus secundis seruare sat nosset quippe quantum-vis aliquorum ingratitude nem querare; quantum-vis sint, qui te inuitum ad extrema remedia vocent; non idcirco tamen quam-primum rerum conditio tulerit, tuum illum affectum minùs explicabis. Faxit modò Deus, vt tam apparere, quàm bonus es, possis nam etiam qui te adegerunt, vt dignitate temperares indulgentiam, experientur te indulgentiâ temperare dignitatem. Viue igitur in salutem omnium, & cum te semper, qui reueres, præsta. Viue, inquam, & benè Vale DECUS PRINCIPVM, Decus meum dulce. Parisiis, xiii. Kal. Decemb. M. DC. XLIII.

SAMVELI SORBERIO SMO,

PETRVS GASSENDVS S.

**Q**uas ad me dedisti ipsis Eidibus superioris mensis literas, accepi. Debui maturius quas tantas debeo pro tantis officiis gratias reddere; sed tu tam amans mei cum sis, etiam indulgens haud-dubie eris. Quem inspirasti mei amorem in Curcellæ optimi pectus; te, & verbis expertus sum, nam quæ fuere tria prima

prima folia Disquisitionis meæ excusa, & abs te explorata misit; ac dedit simul literas humanissimas, & affectus plenas. Rescripsi illico ad ipsum gratitudinem quâ potui restitutus. Ipse, qui tua commendatione fecisti mihi beneuolum, facito quoque tua sponsione de mea obsequantia secutum. Doleo non potuisse me adhuc meæ illius qualiscunque in Fludum Exercitationis; quod ad te transmigratum Exemplum nancisci; sed enitar tamen, si qua potero, non rem sanè, sed tuam illam erga me propensionem spectans. Spes est ut Bornius, eximius ille, sit Hagam iam recepisti, viderit iam te, conferueritque tecum sermones. Deum immortalem! quum statim alter alterum deperibitis, qua verque indole estis? Sentio me ab illo amarifedus, qui amplius nôti me, etiam erga ipsum te sponsores præsta. En quantum mihi de te pernitit; sed est nempe mihi tuus ille candor, ardorque apprimè perspectus. Perge modò amare me cui hæres profectò in ipsis medullis. Hæc adhuc cum suis transiet officiosissimus Martellus, iuuenis sane omnibus nobis merito magno carissimus, meque dum in hac Ciuitate superest, potissimum beans. Vale. Parisiis, 14. Kal. md. Decemb. M. DC. XLIII.

*Hæc iam scripseram, cum ecce accipio insignem fasciculum, in quo præter optimi Curcellæ literas folia consequentia ad vsque Alphabeti finem reperio. Manum heinc tollo, ut ad eum scribam, nolui autem nescire te ut ingeminare pro me grates possis. Vale iterum.*

LYDOVICO VALESIO, Principi  
Optimo,

PETRVS GASSENDVS  
*Ludæensis.*

**Q**Uæ de conspecta lucula literis ad Neuraudatis dislicerim, ipse, dum vnà cum Campinio ad te redierit, commemorabit. Quæ constitueram de genio Bruti, & de dæmonio Socratis, ut celebrioribus dicere; arrexerè que literis, eò ferè tendebant, ut confirmarent luculæ spectrum nihil non humanum, naturale-ve exstitisse. Quandoquidem verò exopras, ut quæ de iis sentiam iam edissem. En paucis ut de Bruti genio esse imprimis sentiendum putem. Nox erat profunda, & silebant Castra, erantque lumina propè omnia extincta, cum Brutus ad somnum composuisset, & tamen (quia parum propter instans bellum dormiebat) semi-somnians, non desisteret animo versare quanto virgeretur rerum pondere; quo in discrimine Respublica foret; quæ Pompeium mansisset fors; quid in extrema clade, & desperatis rebus capiendum esset consilij; cæteraque non absimilia. Quare & nihil mirum, si aliunde anxietas, ærumnosæque complexionis cum foret; si cum ex Sectæ placitis tam multa animo hærent de Geniis, ac Dæmonibus, iisque tam bonis, quam malis, visus sibi fuerit videre accedens ad se illud spectrum, quod se & ma-

lum diceret Genium, & Philippis rursus videndum; tamen si reuerà nihil conspexerit, sed spectum fuerit solum in mente, & ex genere quidem eorum, quæ præ Imaginationis vehementia, ac per incertum præsertim somnum, solent nos dubios facere, vigilando-ue fuerint, an somniando conspecta. Ac Brutum quidem fuisse dubium, inde primùm colligitur, quòd ex famulis, quidpiam-ue vidissent, audissent-ve requisitum, Videlicet sibi non habebat fidem; eratque, cur subdubitaret, num fuisset reuerà res visa in somnium. Deinde ex eo, quòd illi nihil se nec vidisset, nec audisset professi sunt; qui tamen nisi viderant, audierant-ve Genium loquentem (ut qui potuisset oculis solum, oculisque Bruti se accommodare) at debuerant saltem humanam, notamque Bruti vocem audire, si is quidem fuisset reuerà loquutus, cum visus fuisset sibi & rogare Genium quis esset; & ad illa eius verba, *videbis me Philippis*; intrepide dicere, *videbo*. Rursus ex eo, quòd, cum rem die sequente enarrasset Cassio, & Cassius ex fure Philosophiæ principis fuisse in somnium edisseruisset; sedatus eius animus fuit, ut putà quasi nihil amplius hærens, quin fuisset reuerà in somnium. Quid-quod potuit quoque falsus esse tumor apparitionis; nempe ex eorum numero, qui occasione magnarum cladum disseminari solent in vulgus, quod sibi factum satis non putat, nisi aliqua præcessisse successisse-ve prodigia narrentur. Plutarchum eorè non aliunde historiam illam accepisse insinuat satis vocola, *Dicum*; quam repetit quoque dum apparitionem Philippus iteratam refert; & quod caput est, memorat Publium Voluminium, virum Philosophum, quicum ab vsque initio ipsi Bruto commilirasset, cætera quidem multa recitaret, de tota autem apparitione mentionem nullam fecerit. Atque hæc quidem de Bruti genio. De dæmonio Socratis aliàs. Nunc, si gratum fuerit facere optimorum, amicorumque Virorum desiderio, quatenus Bervillæ id inui, rem & ipsi, & ego simul tuæ bonitati feremus acceptam. Non hæreo quin Deus fortunet quæ meditationis Comitia; quippe sperari successus alius, quàm quem felicem cætera consilia parariunt non potest. Aderit ipsis Laurætius, tu, ipso viso, non poteris caræ prolis non meminisse. Viue diu sælix, & Vale DECVS PRINCIPVM, Decus meum dulce. Parisiis pridie Non. Decemb. M. DC. XLIII.

E I D E M.

**Q**Uod iam circa Socratis Genium à me expectas, sic accipe. Plurarchus quidem, & Apuleius scriptis hac ipsa de re libris, consentire in id videntur, ut verus Dæmon fuerit, qui Socrati adstiterit. At Xenocrates qui pernosset Platonis, & Socratis mentem (si quis alius maxime) debuit, professus est *dæmonem bono Dæmonem præditum*, hoc est, *felicem* esse illum, cui obigerit *bona Anima*; adiecitque *tautou iusto id dæmonia, hanc omnique Dæmonem esse*. Ex quo verisimile sit, Socraticum Dæmonem non aliud fuisse quàm

P 4 Animam,



Animam, mentem-ve ipsius ratione, prudentia, solertia, sagacitate, meditatione, exercitationeque instructam. Certè & Apuleius ipse id non obscure innuit his verbis, *Nihil equè miror, quam cum omnes & cupiant optimè vivere, & sciant non alia re vixi, quam animo, nec fieri posse, quin ut optimè viuas, animus colendus sit, homines animum suum non colant.* Nec aliud te in *Vlyssè* Homerus docet, qui semper ei comitem esse voluit Prudentiam, quam Poëtico ritu Minervam nuncupavit. Igitur hac eadem comitante omnia horrenda subiit, omnia adversa superavit. Quippe ea adiutrice Cyclopi specus introiit, sed egressus est, Solus boves vidit, sed abstinuit; Hæc ille: quæ commemoraro, ne nimis veritas temeritatis, quodd videar in dubium reuocare rem, quæ sit apud omnes propè in confesso. Ac-ne putes non alias quoque mihi subesse coniecturas, ecce imprimis Timarchus ille, qui, referente Plutarcho, in Trophonij antrum delapsus, interrogavit de hoc Genio, nihil aliud responsi habuit, quam Genios huiusmodi portiones esse Animæ nostræ non ut cæteras deprellas in corpus, sed caput velut circumstantes. Nempe quasi Genius nihil aliud sit quàm τὸ ἡγεμονικόν princeps illa Anima pars, quæ in capite sedem habet. Deinde Siminias apud eundem quæsit diligenter ex Socrate ipso, cuiusmodi foret ille eius Genius; at Socrates nihil prorsus respondit: scilicet quasi mentiri polens, vt si suum Genium esse dixisset separatam substantiam; & persuasionem tamen non tollens, ob quam salutaria consilia (quod suggeri diuinitus crederentur) arripiebantur: vt fecisset, si esse nihil aliud, quàm Mentem prudentem dixisset. Adnota interim quàm multi non insequentibus modò Sæculis, sed ætate quoque ipsa Socratis de veritate, conditioneque huiusce Genij dubitârunt. Ad hæc memorabile est, nunquam dixisse Socratem se vidisse quidpiam Dæmonium, sed solùm vocem Dæmoniam, vt signum quoddam inauditi. Nimirum quasi prudentia foret, cuius dictamen exaudiretur. Ea nempe est, quæ insusurtrat secretam-ve gannit in aurem; & loquutio est familiaris, vt dum rationem consulimus, dicamus, videri nos nobis aliquid audire, quod obmurmuret, persuadeat, doceat, &c. Præterea notatu est dignum, eam vocem eiusmodi fuisse, vt nunquam quid agendum foret, sed quid non agendum monuerit. Nisi verò id non insinuat partam experientiâ prudentiam, quatenus videmus multos pœnitere ob id, non quod tacuerint, hæserint, non egerint; sed ob id quod loquuti fuerint, assuerârunt, fecerint. Heine sanè, cū Socrates ipse se apud Iudices excusat, quodd à suo genio deteritus ne ad Rempubicam accederet, fuerit; nihil omnino aliud videatur, quâ præcauisse pericula accedentibus impudentia. Et cū dicit se eodem cogente obstetricatum quidem fuisse, sed nihil tamen generasse; nihil aliud, quàm errores cavit, in quos incidit, qui Dogmata tradunt. Denique, ne ob id, quod dixi de salutaribus consiliis existimes illum noluisse persuasionem falsa prodesse; ecce hoc ipsum est quod illi, Platoni-ve eum in-

ducenti ab Eusebio obiicitur; & ipse met tum in Theage gloriatur quantum hac ratione profuerit; tum se excusat in Apologia, quodd suam illam vocem multò rectius Dæmonium vocet, quàm alij faciant, qui Deorum vim, potestatemque Auius tribuunt. Sed hæc nimis. Tu benè Vale, DECUS PRINCIPVM, Decus meum dulce. Parisiis, 11. Id. Decemb. M. D. C. XLIII.

En hæc mox obignaturus, tuas accipio literas Kalendis ipsi Massilia datas. Apparitionis constantiam miror; si quidem Neurus ad me scripserat observasse te fuisse primam lucem traiectam in cubiculum per rimulam quandam in laqueari factam. Spectanda res erit attentius; nam ad me quidem quod attinet, nihil est, quod pronunciatum velim; nescius præsertim conditionum, quibus ea apparitio sit. Interea verò, subest omino, cur bono semper sis animo (quem admodum reuera es) ratus te illi adbarere, in qui qui sperant, non confunduntur. Quod superest autem, ita semper habeo, id quidquid apparet, si à Deo sit, non diu passuram eius bonitatem vt quid te velit ambius pendeas; si quidem angustius sentiendum de eius maiestate est, quam vt monendo non moneas, hoc est monituru illudat. Nisi sit, euenire posse, vt diutius appareat, sed naturali tamen ex causa; qua constante mirum non sit, si pari modo perseueres. Id verò obiter. Tu iterum Vale.

## E I D E M,

**C**ompenfabit prolixitatem superiorum Epistolarum breuitas huius Epistolæ. Multa nugatur in illis sum; sed argumentum quâ fuit naturâ vix paucioribus expediri potuit. Res est & scatens scrupulis, & implera ambagibus; an putas sententiam posse arripere, quæ firmamentis stet inconcussis? Non mihi certè, cui satis est, si aliunde maior quædam verisimilitudo affulgeat. Heine par est me eum semper habere, qui, seu quidpiam dicam, seu dicere videar, nihil præiudicatum velim. Ac non hæreo quidem, quin aliunde mestantem seria nerui deficiant, animique; sed & tu is es, qui nihil non meo erga te affectu condones. Vtunque profecto langueant cætera, at viget semper studium, quo sum ad obsequendum comparatus. Tu Vale semper quam-optimè, DECUS PRINCIPVM, Decus meum dulce. Parisiis, xv. Kalend. Ian. M. D. C. XLIII.

Hæc perscripseram, nihil literarum hac occasione abs te expectans; & ecce tamen literas, Schedionem accipio satis temporè, vt significem accepisse. Cum aliud non vacet, hoc saltem te volui. Vale iterum.

## E I D E M.

**V**eniā dabis, OPTIME PRINCEPS, nisi succidam ex die Solemni, vnde te moret pluribus. Schedion remitto, quod occasione superiore non potui. Conuenit nudius tertius me, qui verè est summa in te propensione atque obleruantia præclarus Legierius. Accepi fuisse te Salone. Vtinam qui

hodie

hodie ~~vin~~ nascitur, in salutem quoque Infantis illastis nascatur. Tu Salve, ac Vale semper optimè, DECUS PRINCIPVM, Decus meum dulce. Parisiis ipso fortunatorum Christi Natalitiorum die. Anno M. DC. XLII.

## E I D E M.

**P**rimo nie accingo, OPTIME PRINCEPS, vt faustum annum apprecet, ecce redduntur literæ, quibus ipse es prior apprecatus. Nec verba modò hisce Kalendis vtriusque læta dicimus, *Et damus æternis, accipimusque preces*: sed tu, quæ tua est bonitas, apponis etiam Xenia, quasi stipem, caricas, mel, *Incepimus peragat dulcis vt annus iter*. Donat enim ipse Tripodas, quæ premia fuere Graiorum fortium, si & mihi foret hæc vis, & animus tibi talium rerum egens; sed neque tu expectas aliud, neque mihi aliud suppetit, quàm gratus in te animus, plenusque votorum affectus. Ac videri quidem tibi potest satis, si rem agnoscam in pectore, quam ipse ne verbo quidem expressisti. Quippe quod alij hominum contenti dixisse, non faciunt, tu contentus potius fecisse non dicis; quodque alij vtraque manu ostentant, dum altera dant, tu sic dextrâ das, vt sinistram celes. At cum is sit in te character bonitatis eximæ, tum improbare sanè non potes, si vt collati beneficij conscientia tibi sufficit, non mihi perinde accepti sufficiat. Videlicet quæ virtus est in conferente reticentia, in accipiente crimen est; illèque magis beneficium, quàm suum benefactorem amat, cui non est longè potius fructuone testificatio. Et vide, vt etiam ter-Optimus Deus, à quo est omne donum perfectum, commemorari beneficentiam non modò patiatur, sed etiam deprecatur. Deposcat, inquam, non sui causa, sed ne qui ipsam experti sunt, surdo veluti verbere ingratitudinis torqueantur. Tu ergo cum non exigas, patere saltem referre me quas grates debere me sentio, ne videaris mihi rem longè iucundissimam inuidisse. Et gestit quidem pluribus sensus interior se prodere; sed modum adhibeo, ne sim importunus. Vno potius verbo, vt tu dictam tibi putas posterio-rem patrem, ita ego mihi priorem Græci illius veritatis, *ἄδειν λαβὼν μὴ μνησθαι, & δὲ εὖ ἔχειν*. Viue, & Vale in annos Nestoreos DECUS PRINCIPVM, ac meum Decus dulce. Parisiis, Kalend. Ian. M. DC. XLIV.

*Rescripturus Her-villa eram, sed cum iam per tempus non liceat, & res præstanda Deo propitio occasione proxima sit, nunciabo illi interim, te benè volente, plurimam salutem.*

## E I D E M.

**P**ecerant postrema tuæ literæ literas hæc vice sperandas, cum nullas habeam, causam conicio, quòd Massiliam diuerteris. Rumor heic fuit nescio quid turbatum illeic contigisse: ipse, si quid fuit, leuissimum fuisse ex eo auguror, quòd tale nihil ex literis optimi Campinij habeatur: quin - etiam

apud aliquos rem exaggerantes sic interpretor, vt tu tanquam communis Parens, & Aquas-Sextias, Massiliamque pari affectu prosequens, partiti cum vtraque Vrbe Festos dies volueris; ne altera neglectam se præ altera conquereretur. Scilicet rem esse non novam, vt vtroque æternis degas; ac nihil fieri posse prudentius, quàm providere ne quod opus ipse struxeris suffodiatur; teque idcirco præbere & vigilem, & indefessum. Vt cumque fuerit, exspecto semper, ac Diuinum veneror Numen, vt compos has votorum omnium, aded certus sum nihil te præter *τὸ θεῶν, καὶ δαίμων* spectare. Vale semper quam-optime, DECUS PRINCIPVM, Decus meum dulce. Parisiis, VI. Eid. Ian. M. DC. XLIV.

*Hæc cum perscripsissem & iam literas ad Ber-villam absoluerem, recentiores ab illo habui, quibus, quia significavit quid rei Massiliæ actum fuerit, animum planè serenavit. Adiecit quàm tibi gloriose, quàmque pro vobis omnia succedant; ea verò res, Deum immortalem, quantà me animi lætitiâ perfudit! Vale iterum.*

## E I D E M.

**L**iteræ istæ, quantum conicio, te autem iam Valletani appulsam, aut in itinere conuenient; vtinam & incolumem & prosperè omnia gerentem conueniant. Literas habeo Dinia, quibus concius illi mei vberes habent gratias pro eo, quo recens à te cumlati sunt beneficio. Nempe quod tuam ac Monacæam cataphractorum centurias diueri aliò iusseris, id tuæ erga me benevolentia referunt acceptum. Ego verò quas-nam propterea tibi agere potis sum, qui me vltro ac non rogatus tot nonnibus continenter obstringis? Mirum certè, quàm angere, sentiens me aded imparem, nisi nossem spectare te voluptatem solam, quâ afficeris, dum rem agis quam provides mihi exsituram iucundam. Itaque nihil aliud mihi superest, quàm vt vota continuo fundam, ac idem illud repetam, *Dy tibi si quapios*. Futurum spero, vt nunc demum Lautaretum non modò videas, sed acètè etiam complectaris, tum vt merentissimum Virum, tum vt amantissimum mei, tum vt desiderantissimum pristinae valetudinis in illustrissimo Infante. Operam, quantum opinor dabis, vt priusquam monte repetat, illum inuisat, exploretque, & quidquid ipsi ab exortu notatu dignum obigit, exquisitè, & ad vnguem addiscat. Magna semper me complet spes restitutionis in integrum; tanta me in Viri industriam, eximiaque aquarum doteis, secundum Deum, tenet fiducia; Deus vtinam vota mea fortunet. Hæc dum conscribo, literæ tuæ Nonis datæ mihi redduntur. Quam verò tu bonus semper erga me, qui quasi essem aliquid, graue non ducis testari te mei desiderio teneri. Parum sanè abest, quin statim prorum-pamjta subuereor ne non videar ad minimam tuæ voluntatis significationem satis comparasse. Ac non possunt quidem me illa cum Hugone negotia (ex quibus factum iri satis optimo Campinio spes est) nisi anno sequente componi;

componi; at si sensero te in eo esse ut in Patriam redeam, meque tibi sistam, nihil rerum est, quod valere non iubeam. Testor candidè, & ex animo, ut & persuasissimus sum tuis illis verbis nihil esse candidius. Vale, DECUS PRINCIPVM, 6 & Præsidium, & dulce meum Decus. Parisiis, xviii. Kal. Febr. M. DC. XLIV.

## E I D E M.

**N**Equè est, quod ad te iam scribam, neque, si esset, possem omninò id explicare pluribus. Aliò nimirum literas do, ut fusiussculas, ita arduas ob difficilem, quam verso materiam. Non debui tamen committere, ne versiculis saltem paucis non dicerem, quam apprecor, continentèrque voueo, salutem. Ipsam, ut opinor, accipies incipientibus Comitiorum fluctibus detumescere: exopto verò semper is sis, qualem suum Mallium describit Claudianus, *quem nec tot limina rerum, aut tantum turbanit onus, &c.* Tu porò haud-dubiè talem te præstabis, cui præcordia sunt de meliore luto, & virtutis studium haudquaquam ignavius. Esto igitur, ut Olympi vertex, perpetuum nulla temeratus nube serenum. Esto per tanta negotia liber, ac similis tui emerge, & Vale. Vale, inquam, benè, inò optimè, DECUS PRINCIPVM, Decus meum dulce. Parisiis, xi. Kal. Febr. (qui mihi Natalis) M. DC. XLIV.

## E I D E M.

**I**ci non potest, OPTIME PRINCEPS, quam iucundè fuerint tuæ literæ in ipso prociectu ad Comitia datæ. De tuo in omneis Ordines affectu equis dubitet, cum & naturâ, & studio non possis ad benefaciendum quam-plurimis potes, esse comparator. Vtunque enim ea moueas, quæ videri ingrata possunt, & inuitus tamè id facis, & idcirco facis ne in eorum vicem longè ingratiore succedant. Rem non agnoscunt qui solent omnia commodi, aut incommodi præsentia dumtaxat metiri; at geri rem decet ex tua providentia, non ex illorum ignorantia, & si qui fortè seu rerum gnati, seu ignari obmurmurent, meminisse Fabij illius cognominati Maximi, qui non ponebat rumores ante salutem. Versiculum nôsti qui insequitur, *Ergo magisque, magisque viri nunc gloria claret.* Nempe consequuntur semper tempora, in quibus qua mente quiddem actum fuerit, perspicitur, & commendetur. Exortetur demum veritas etiam ab infensis elogia, & prætumque sunt, quos nimia alioquin indulgentiâ abalienandos, sinceritas austerâ conciliet. Curandum modò ut virtus ingenua honestique studium sibi super constet. Quod superest enim, ipsam suus honos vltro demùm ambit, longèque vestigat. Quod conuentus causâ Valletam concedens optimi Senis memineris, qui loci illius Prior salutatur, dignum fuit tuo illo in bonos, eruditòsque Viros amore; dignum affectu quo es in illum, vel mei ergò animatus. An-non verò consules boni, si id

ego ipsum rescire procurem, qui nihil habeo carius, quàm ut, si qua ratione possim, facilius illius fenestram oblectem. Nimirum cum maximi ducat à Principe tantæ virtutis amarî, non poterit sanè non summa suauitate tum affici, cum accipiet quàm bonis verbis fuerit abs te cohonestatus. Perscripsit ad me aliquid Neuræus de libro Patris Oculi, cuius duo exempla ad me Septembri mense transmissi. Significavi tum temporis quibus ea ut alterum Regi, alterum Cancellario traderentur, cōcredidissim; ac me deinceps (fatebor enim) cepit ipsorum alta obliuio, securum vi puto fuisse illis curam, quorum maximè interfuit, commissam. Nunc à Neuræo admonitus, schediolo prouoco Mersemm, ab eoque vicissim schediolum accipio, quod literis hîce habebis adiunctum. Habebis, inquam, tum ut perspicias quatenus res processerit, tum vt elicias quo pretio liber ille habitus fuerit, & penes Cancellarium, & penes illos, qui eius verba exceperunt, recitaruntque. Vale, PRINCIPVM OPTIME, Præsidium, & Decus meum dulce. Parisiis, iv. Kalend. Febr. M. DC. XLIV.

*Erudito, & Amico Viro* SAMVELI  
SORBERIO,

PETRVS GASSENDVS S.

**N**on potero sanè deinceps tecum agere, mi SORBERI, nisi opinionem de me abs te conceptam temperes, ac titulis parcas, quibus me exornas. Quorsum-nam verò tu leuem illum, quo te donaræ expunxisti, vt non possem sine rubore meam videre Epistolam Epigraphe adèd ieiuna vulgatam? Quorsum in ea quam apposuisti Typographi nomine, fuisti in meos adèd profusus, vt donare libri exemplis, si quæpiam nanciscar, ausim neminem, ne laudis immensæ, ac immeritæ propalator videar? Esto, quæso, impossitum in te simul, & in me aequior; ac te maiore, me oppidò minorè modulo, metire. Quod denatura Temporis rogitas, eiusmodi est, vt neque satis id assequar, neque assequutus exprimere possim. Causam conicio, quòd Mens nostra sit præoccupata notione vulgari, quæ efformatur, dum voces illæ transcendentes, ac Synonymæ *Ens, Res, Aliquid* proferuntur. Quippe cum, vt voces, ita & notionem applicemus solùm ad id quod Substantiam, Accidens-ve concipimus, ea nos tenet anticipatio, vt quidquid est rerum, aut Substantia esse, aut Accidens debeat. Exinde autem efficitur, vt quia esse Tempus in rerum natura habemus indubium, persuasi simus illud esse aut Substantiam aut Accidens, & definiamus eius naturam iis vocibus, quas non-nisi substantiis, accidentibusque inditas habemus. Ceterum Tempus esse videtur aliquid ab omni substantia, accidentèque proflus distinctum; & habere se ex pari cum Loco, qui ratione consimili neque in substantiis, neque in accidentibus sit habendus. Nempe vt Locus quæpiam res est immobiliter perseverans; ita & Tempus



Tempus res quæpiam est inimpedibiliter fluens; ac in Rerum distributione assignanda esse videtur præter substantiam, & Accidens, duo quædam quasi genera rerum, *Locus*, quo capiatur, & *Tempus* quo duret quidquid vel substantia, vel accidens est. Vtrumque genus ex se infinitum, siue principio, & sine carens; illud secundum Dimensionem longitudinis, latitudinis, & profunditatis; hoc verò secundum prioris, posteriorisque successionem; adeò ut ratione illius concipiamus Deum Immensum, & ratione huius Æternum. Vtrumque etiam habens parteis inexhaustas, illud quidem, secundum quas & Mundus & quævis pars eius dicatur heic potius, quam alibi esse, cum supersint nihilominus ultra Mundum immensa spacia, in quibus perinde existere possit. Illud verò secundum quas & Mundus, & quævis pars eius esse dicatur nunc potius quam alibi; cum Duratio, tamen interminata, & Mundum præcesserit, & (si Deus destituit) sequutura sit, in qua existere perinde potuisset. Est verò utrumque præterea & secundum totum, & secundum parteis inalterabile, inuariabileque; adeò ut siue aliquid rerum creatarum sit, siue nihil; siue quiescat, siue moueatur; & siue feratur citius, siue segnus, illud nihilo secus constans, immortumque perseueret, istud nihilo secus vno, eodèque tenore fluat. Dicit hæc pluribus deberent; sed erunt tibi tamen plus æquo, ut inde elicita quovisque meæ me nugæ perduxerint. Tua illa portò seria omnino, ac relata potissimum non ad Temporis existentiam, quæ neque a motu, neque a quiete dependet, cum omnis potius motus, & quies in tempore sit, seu tempore aliquo duret; sed ad notitiam Temporis, quæ profectò nisi ex motu, partibusque eius succedentibus haberi non potest. Id autem præclare insinuat tum illud de Somno exemplum, quod est ab Aristotele, Interpretibusque eius illustratum, imò & illud de insomniis, deque cogitationibus, quæ succedent elicitæ, animaduersæque habentur pro motu tempus mensurante. Illud autem te videtur monere quod si nullæ prorsus mutationes forent, tunc non modò respectu nostri, sed etiam reipsa nihil præteritum, aut futurum sed præsens solummodò esset. Enimverò res illo casu non præterirent quidem, quasi desinenter, cum fuissent; neque essent futura, quasi exorientes cum non fuissent, sed durarent tamen, hoc est immutata perseuerarent certo tempore, in quo ob inuariatum fluxum liceret semper distinguere prius, & posterius, seu præteritum, & futurum non actu quidem mensuratam motu aliquo, sed mensurable tamen. Scilicet non Tempus est mensura motus, ut vulgò definiunt; sed motus potius Temporis: Vtrumque motu cælesti assumpto pro generali quadam mensura, videamus nobis non tam parteis huiusce motus, quam temporis ad mensuram cæretos speciales metus usurpare. An fortè proinde videris res ipsas duranteis non durationem designare, cum dicis in ipsis nihil fore futurum, aut præteritum, sed præsens dumtaxat? Hæc ipsa certè transumptio est,

quæ videtur mihi præcipuum circa Æternitatem negotium creasse: cum quæ propria sunt æternæ substantiæ translata in eius durationem sunt, cuius tale nihil esse proprium possit. Sed ista plus satis. Salutem, quæso, optimo Curcellio nuncia plurimam; ac significata rescripturum me cum accepero quæ sex folia Meditationum fecit speranda. Vale, Parisiis, III. Kal. Feb. M. DC. XLV.

LVDOVICO VALESIO, Principi  
*Optimo,*

PETRVS GASSENDVS  
*Educesien.*

**E**DUCEM te quantum consilio hoc Epistolium domi comperiet. Vtinam & incolumem, & votorum compotem factum. Audire spero Lautaretum in comitatu adhibitum, ut subinde inuisere, exploratque Infantem possit. Faxit Deus ter-Optimus, ut res denique optimè succedat. Quæsit Merslemus ex me demandatamne salutem nunciatim; ego verò etiam Schediolum, quo eam demandari expectatque translatum asserui. Nonis se ex eo poteris fruisse heic magnopere tota decade *obvolutis* superioris Mensis; at *7<sup>da</sup> mensis*, seu Kalendis huius, æris temperies propè vernans rediit, nec Sequana modò ob niveis quiescentis intumuit, sed plenæ etiam aquarum viæ deduxere non semel & *permutatæ* in vitæ discrimen non leue. Tu benè Vale, PRINCIPVM OPTIME, Præsidium, & Decus meum dulce. Parisiis, Nonis Feb. M. DC. XLV.

E I D E M.

**Q**VOD exoptaram, hoc mihi tuæ significarunt literæ, nempe te vidisse & complexum fuisse præclarum Lautaretum, & quod amplius est, illius industriæ, experientiae, affectui plurimum tribuisse. Fore spero, ut Deo propitio, nunquam te fiducia illi habitæ, commissæque curæ pecciteat; adeò sagacem, solertemque, & sedulum compertum habeo. Quod conuentus primordia probè, & pro votis tibi cesserint, summè & lætor, & gratulor; neque tametsi illa præcipue tibi fuisse cordi coniiciam, hætere licet quin cætera paris fuerint felicitatis. Res debetur & providentiæ, & magnitudini animi, qua te inuictum præstitisti, quæque præstabit in posterum, ut affectus ille in Prouinciam tuas, qua par est reuerentia, agnitioneque excipiat. Vereor, ne non-nihil te permouerit, quod iam haud-dubie de Parente illustrissimo inaudisti. Non sanè quod videri possit iacturæ quidpiam tua in re familiari esse timendum; sed quòd pro tenero amore, quo erga illum affectus es, nolles tem præter conditionis ætatisque decorum factam. At, quæ est in te natura, studioque insignis *perfectionis* non potest profectò non statim, sic temperasse animum, ut motos fluctus composueris, & dicto citius,

citiùs, quod ille ait, tumida æquora placâris. Nimirum Sapientiæ tantopere amans, quid in tua facultate sit, vel non sit, meditatum tenes; paratûsque es, si quid accidat, quod auertere tuæ opis non sit, excipere imperturbatè. Et sapientis certè non est, impotenter æquè, ac frustra torqueri, & angor ille animi cui se vulgus hominum dat, non valetudini modò obest, sed etiam consilio, si quod fortè sit tanquam in arena capiundum: At tibi quidem quod-nam heic sit, capiundum, absit, vt præscribam: Res ingenij mei modulo est maior, tûque tibi ipsi consultor esse consultissimus potes. Nôsti quippe maximè omnium, neque monitore est opus, vt memineris quidnam te vt filium, vt Principem, vt Pro-Regem, vt eum, qui es, quique audis, deceat. Mihi satis est æquam mentem arduis in rebus abs te seruatum congratulari, commendareque; fœlici nimium, quodd tu is sis, qui ob sermones hîcæ de rebus tecum confertos non offendare. Vale, ô, *DECVS PRINCIPVM*, Præsidium, & Decus meum dulce. Parisiis prid. Eid. Febr. M. D.C.XLIV.

## E I D E M.

**I**nnaudio nostrum quidem Campinium Aquas-Sextias iam reducem, at te vna, aut altera hebdomade ampliùs domo abfuturum. Vbicumque fueris, Deus Optimus-Maximus te sospitem seruet. Inaudio quoque exalta fuisse Valletana Comitia, vt tu iam cæpta perscripseras, fausto videlicet successu. Quàm delectat verò fuisse pronam omnium in tua vota conspirationem! Iam quippe rumpatur inuidia, si quæ super sit, necesse est, cum & turbarum concitandarum succisa sit spes, & ademptus color. Quàm placet quoque ita potuisse comparari negotia, vt quo tempore subsidiorum grauiorum metus incutiebatur, Pro-uincia potuerit leuiora sentire? Heinc scilicet erit, cur tota Prouincia te vt verè Parentem habeat, eumque agnoscat, abs quo liceat quam-maximum tempora patientur leuamen sperare. Viue igitur tanto nostro bono, *DECVS PRINCIPVM*, Decus meum dulce & Vale. Parisiis, xii. Kalend. Mart. M. D.C. XLIV.

## E I D E M.

**Q**ui dicebaris Cotiniacum Religionis ergo iter in stituissè, euocatus es, vt accipio, sedandis Arelatensium rixis. Sed nimirum pietatis solum commutasti officia, memor voti abs te concepti pro publica tranquillitate. Agnouisti Deo pacis principi gratissimum fore pacis sacrificium, & abs te præsertim, quem vt vindicem, sic Antistitem illius constituit. Diceris inde Massiliam quoque ad componendum dissidia illic suborta concessurus. Scilicet tanquam Angelus pacis eo confestim aduolas, vnde accipis ipsam exulare. Quàm vouendum nobis, vt viuas, & valeas, præstiturus te semper hîcæ studiis, ac laboribus indefessum? Viue igitur in annos Nestoreos, & vt tot negotiis sustinendis par

sis, valentissimam valetudinem. Vale. Parisiis postridie Bissextilium anni M. D.C.XLIV.

## E I D E M.

**C**onuenerit me nuperis diebus præclarus Abbas Victorianus, & qua te subiecit de me cogitatio, perspectum fecit. Quis mentem stupor, quis faciem rubor inualerit, ipse perpende. Idem profectò etiam-num quories repeto, aduertòque, inuadit. Agnosco nempe quàm sim non dignus bonitate illa immensa, qua sic in me propensus es: quàm impar illi muneri, cui tu me parem pro inexhausto in me affectu existimasti. Quid putas-verò animi sit, aut effari quid valeam, cum tu hac tua beneficentia sic me pergas obruere, vt nullam ampliùs eloquendi facultatem reliquam facias. Ipsa quoque res de qua agitur, putas-ne eiusmodi est, vt ad ipsam consilium afferre expeditum possim? an-non ipsam admittere fidentis nimium, nec satis conscij quid vires ferant, animi est? an-non reicere fastidiosum, ac fortè diuinæ, tuòque vtenti ministerio dispensationi aduersantis? Ecquid proinde mihi sit tutius, dum reuereor tacitas voluntatem erga me tuam, animum ita comparare vt neque affectando, neque reculando laborem, Numini committam vt prouideat. Ipsum; tibique, & aliis ea consilia suggeret, quæ & gloriæ suæ, & meæ salutis esse agnoscat conducunt. Vale ô *DECVS PRINCIPVM*, Præsidium, & Decus meum dulce. Parisiis, iv. Non. Mart. M. D.C. XLIV.

## E I D E M.

**N**on potui profectò non mouere me, qui te permouit nuperis dolor. Qui enim exopto nihil magis, quàm videre te vt rebus florentem, valentèque prosperè; ita præsertim serenitate, tranquillatèque animi frucentem; quàm, putas, ab iis metuo rebus, quæ conturbare statum hunc possunt? Quam verò magis metuerem nisi perspectam satis haberem, & generosam indolem, & sapientiam, qua prouides, ne sis casibus humanis inferior; ita sit nimirum, vt concuti quidem, quod hominis est, at non deiici, quod Sapientis est, valeas. Et humana certè imbecillitas vix patitur quemquam eò perfectionis assurgere, vt non primo eorum aspectu moueatur; at sapientia tamen sic animum regit, vt illiced factam commotionem sedet. Ostendit nempe humanos casus esse quasi *perpallida*, ad quorum aspectum pauitate procline sit; verum id esse inter sublimia, vulgarique ingenia, quod est inter viros, puerorūque discrimen. Vt enim pueri nunquam satis aduersus terrorem firmantur, neque animi satis habent, vt personam detrahant; Viri autem, qui nôrunt esse inania terculamenta, neque subesse quidpiam larvæ, quod meritò metum incutiat; a pauore statim eximuntur: sic ipsa è vulgo ingenia ad omne casus percelluntur, neque vnquam satis vel audent, vel possunt quid iis sub sit, aut non sub sit discernere: quæ verò sese sic euexerunt, vt mortalia

omnia

omnia tanquam ex alta arce despiciant, non rursus larum esse quiddam terreat, ac nihil veri mali, quod iure perturbare possit subterfundi. Heinc, quia quidquid in iis est mali, non re, sed opinione constat, id imprimis curant, ut sanas de rebus opiniones habeant, congruâque ipsis pretia statuant; quod nisi quis fecerit, degere impetratus non possit. Non sane, quod apud eos homines, quibus cum veris, non interdum viri commoti persona geri possit, aut debeat; sed quod sit longè aliud reuera, ac intra pectus affici, aliud sese eum exhibere, quem talem videri interfit. Nempe videri iracundum, miserabundumque sæpe expedit, licet improbum castigare, & subleuare miserum, absque commotione interna sufficiat. Sed nō isti ipse melius omnia, insinuassequē satis est; quod ipse penitus peruideas. Tu temet proinde ipsum consule; & quod reueri generosum, erediūque tuum decet animum, præsta, ac tuere te semper his superiorum casibus, reque maiorem reputa, quam ut succumbas molestiæ, aut iniuriis te moror conficiat. Vale potius, OPTIME PRINCEPS, qui Præsidium es; & Decus meum dulce. Parisiis, v. Eid. Mart. M. DC. XLIV.

PETRVS GASSENDVS  
NEVRÆO SVO, S.

**P**AUCA pro multis, mi NEVRÆE, sed duo nempe verba sufficiunt, admiratio, & gratitudo. Quippe rapit me in admirationem tua illa Phocæ descriptio, adeo accurata, atque elegans, ut videre rem videar, & gratias habeo vberes (qualeis profectò debeo) pro ipsa mecum communicata. Optandum, ut sapiusculi tibi ingeratur occasio conscribendi similia; quando ea tui styli feclicitas est, ut nihil non graphicè exhibeas; & dum verborum proprietates, collocatioque cum varietate, delectique rerum contendit, inexhausta interim quadam dicendi vbertate exundes. Delectauit mirificè descriptionis lectio, & Abbatem nostrum, illum virorum optimum, & Puteanos fratres cum toto consensu, è quo tuus Bullialdus fuit. Visa res illis fuit digna, quæ infereretur in Piscium historiam, ipsèque excepti, si Aristoteles tantorum quos descripsit piscium, quàm tu huicce *avron* fuisset, non fuisse futuram Athenæo anam iocandi ob res illi incompetas. Salutem tibi nunciat Bullialdus, felix iam ob Typographi operas gnaviter resumptas. Commisit ipsi quas copiosas Dantisco habui literas, ob obseruationes Eclipsion, quarum mihi fuit facta ille incopia. Ex Hollandia nihil adhuc habeo. Hæc in Vrbe res literaria nihil, quod sciam, noui profert. Arnandus Doctor Theologus à Cancellario accessitus, iussus est nomine Reginæ Romam quam primum concedere, rationem libri illius sui de *Communione frequentia*, coram Pontifice reddendus. Vale, & Senem optimum meo nomine plurimum saluta. Parisiis, v. Eid. Mart. M. DC. XLIV.

Gassendi Epistola.

LVDOVICO VALESIO, Principi  
Optimo,

PETRVS GASSENDVS  
EVRÆO SVO.

**A**UD malè fueram ominatus te Arelatis reducem, Massiliam quoque concessurum. Nihil verò mirum, si vbiq; tibi pro votis omnia succedant, cum hoc vnum in votis sit, ut tranquillitatem vbiq; stabilias. Nihil mirum, si omnium regas animos, si omnium mulceas pectora, cum ministrante arma fute, facibusque, & faxis iam volantibus, oboriri nemo, conspicique valeat, ut dignitate, & sanguine, ita meritis, & pietate grauior. Ac optimum quidem Campinium tecum conspiciat mihi in confesso; potèsq; sanè id, quod facis, fidum Achaten dicere; sed interim tamen bonitatis est tuæ, quod, dum ob rerum prosperè gestarum gloriam demetis, ipsum ita in partem voces. Is tecum haud dubiè insignem communicauit imposturam, qua euincere Author studuit, ut illum inde abduceret; nescimus verò tibi-ne simul parcere satis voluerit, ac ob rumores potissimum, quos (ipso forsàn ventitante) inaudimus iste respersos. Quàm es porrò felix, cui tot, tantique districto negotiis, graues ipsas, quos literis insinuasti se ingerunt; & semper nihilominus animum inuictum, & infractum geris. Maçte esto, OPTIME PRINCEPS; præbes te quippe hac ratione dignum Deo spectaculum, quale Seneca Virum fortem cum mala fortuna compositum dicit. Hac vna re sanè euades te maior, si te ipsum, hoc est, humanam imbecillitatem superaueris, non passus, putà, animum ob hæc humana delicta, aut ignauè languescere; sed generosè temet obfirmans, ut ipsum non modò tranquillum, sed & alacrem tuearis. Et, si quidpiam quidem profectò dare se angori in prædam, tolerabile forsàn foret labi animum finire; cum verò id nihil sit aliud, quàm malum malo aggere, quid fieri possit laudabilis, quàm sic regere animum, ut quo par est pede consistat, neque imbecilliter demittatur. Res ardua, paucisque concessa; sed videlicet vera Virtus res vulgaris minimè est, Heroicæque est indolis difficultates perrumpere, & ad fastigium contendere, de quo attingendo vulgus iners, & minima quaque occasione animos despondens, ne cogitat quidem. Vale, & Decus PRINCEPS, Præsidium, & Decus meum dulce. Parisiis, xv. Kal. April. M. DC. XLIV.

E I D E M.

**E**NERANT Eids Martiæ, cum Arelatem posttridie discessurus, id ipsum tuis literis significare dignatus es. Spes est, ut Deo bene iuuante, confecta ex voto negotia illa fuerint, quæ vt eam in Vrben redire fecerunt. Ist hæc, quæ hæc perscribo, dies, duplici sacra nomine (vt puta, qua Christus Sernator vitam mortalem induere, exuerèq; voluerit) attulisse iis debet finem; quare, & iam voueo fastum, reditum, proximòsq; dies vt festos,

Q. sic



sic faustos. Ipsos, vt opinor, transiges Salone. Faxit Deus ter-Optimus, vt concinente illud Ecclesia *Hac est dies, quam fecit Dominus, exultemus & lætemur in ea*; ipse pleno exultationis, lætitiæque corde illi accinas *פ' ו'לל'ל'ל'*. Caterum, cum per hosce dies eximium Capellanium leui inuauitudine laborantem inuiderem, is significauit non nescire se quid nomine meo postularum foret. Ipse obstupescens, quia neminem alium, quam optimum, fidissimumque Abbatem Campinium (& præclaro quidem Victoriano nolente) conscium feceram; ecquo-nam, inquam, id nostri modo? Apud amicum, inquit, versabar cum superueniens Sant-Angelus, vbi fortè fuit de te facta mentio, quid actum fuisset verbo nos docuit. Tum ego, tuam erga me beneuolentiam exaggerans, quid Chauinius in tui gratiam apud Cardinalem egisset exposui. Ille verò non puto, inquit, inde rescisse Sant-Angelum; sed ex Reginae potiùs ore, qui-cum rem fortè potuerit Cardinalis communicare. Et consertis subinde variis de negotio sermonibus, Pater, inquit, tibi sim author, vt optimum Principem tuum, quando rem seriò exoptat, roges, dignetur ipse ad Reginam, Cardinalemque literas dare, quibus feruorem suum testetur, & quis Vir fies, explicet, ac simul destinare alias ad Conduum Principem velit, quæ cum animent, vt opus promoveat, amoliatûrque obstacula; siquidem prouideo fore, vt res stet & optimi Principis fide, & præsidio Viri in Aula potentis. Idem penè censuerat optimus Abbas Campinius; ac nisi rem vellem ad te scribere, receperat se ad fratrem scripturum. Itaque facio vtrique satis, dum candidè hæc ad te scribo; sed nempe quasi historiam nudam, &, quòd te celare nihil debeam; alioquin enim neque consilium, neque precationem adhibeo, qui expeto potiùs, vt illud duntaxat, quod Spiritus tibi Diuinus suggererit, agas. Quintiam cum id totum fuerit cum præclaro Abbate Victoriano communicandum, assensu, cum censuit nihil esse necesse machinas novas adhibere priusquam grauius quid ingruat; illustrem enim Chauinium videri hæcenus prouidisse. Vale, *PRINCIPVM OPTIME, Præsidium, & Decus meum dulce. Parisiis, VII. Kal. April. M. DC. XLIV.*

*Viro Clarissimo, Sapientissimoque  
IOANNI HEVELIO, Dantisana  
Reipublica Paleopoleas Scabino,*

PETRVS GASSENDVS S.

**E**A sanè fuit, Vir Sapientissime, humanitas erga me tua, vt grates dignas persoluere non sit omnino opis meæ. Vocasti nempe ipse me in partem amicitia, quam ego potiùs ambire debui, ac vltro simul donasti ea, quæ exigere prohibuisset pudor. Debet proinde, vt non sis minus in ignoscendo liberalis, quam in præoccupando fueris; & agnoscendi impotentiam, quam feci-

sti ipse in me, non mihi vertas vitio, sed tibi-met ipsi condonandam putes. Quin etiam, quòd tardè rescribam venia debetur, quòd tardè prorsus literas tuas acceperim, quippe duos prope menses cum semisse, ex quo es dignatus ad me scribere; subestque, vt ipsum quoque excusationis partem faciat, nisi tibi hac occasione satis copiosè respondeam; quando præstare censeo, vt pauca potiùsquam nihil dem, ne ea, qua teneris par est, expectatione diutius frusteris.

Gratulor, quòd potueris tot illas Fixas priùs inuisas in Aquario sic peruidere, vt factum tibi satis putaris in dignoscendis iis quinque, quas optimus Vir pro Erronibus circa Iouem habuit. Quod ego certe de quinque Stellis pridem perspectis rem exposuerim, fecit conditio, & Stellarum, quas ille dixit se *Mediceis* multò maiores inuenisse, & Telescopij, quod vt ille nouum, insolitumque deprædicaui, sic visum fuit posse huiusmodi esse, quod prospectu foret duorum, aut trium graduum; alioquin profectò taleis ipsi visas, quales tu postea, summa haud-dubie sagacitate, & diligentia obseruando detexeris, satis insinuaui, cum adieci Iouem esse potuisse inter alias solo Telescopio conspicuas; eamque cum Ioue ac inter se dispositionem obtinentis, quæ exhiberetur in Diagrammate; vnde & exempla similium configurationum adscripsi. Ex diebus secunda, quattorque Septembris, quibus ipse Iouem vidisti in eadem Aquarij regione, in quam post menses quatuor redierit, adnotata mihi solum est secunda, de qua in Aduersariis habeo sic, *Hora quarta vespertina cum semisse, priusquam nubila occultarent Iouem, visos fuisse Mediceos quatuor, duos ad Ortum, propiorem distantem ab illius margine diametri 2  $\frac{1}{2}$  remotiorem diametris vndecim, duos ad Occasum, propiorem distantem diametri similiter 2  $\frac{1}{2}$  remotiorem, qui & omnium maximus fuit diametri quatuor. De diebus 22. eiusdem, deque 26. Octobris nihil habeo; tamen non desit de circumstantibus aliquid. Gratias verò interim habeo pro communicata illa in certas horas euariatione.*

Debeo porro ingentis quoque pro adeo egregio Solis Schemate, in quo aliquot maculas, faculasque appinxisti: latòrque te & obtinere egregium adeo Telescopium, & methodo vti, quæ videatur longè quàm Scheineriana faciliòr, & pollere non modò visu, qui possit sanè haberi Lynceus, verum etiam manu adeo eleganti, vt depingi nihil accuratius possit. Facit hoc certè, vt non modò consentiam, sed quantum licet etiam exhorter, vt quem ego *Salenographiam* affectaui, ipse perficias; siquidem, cum mihi pingendi ignaro vtendum aliis fuerit manibus; potes tu rara felicitate tuis-met vti, & pingendo, & quod maximum, æri incidendo. Et quantum quidem ego perfeceri, vt agnoscere valeas; mitto ecce icones duas, alteram Plenilunij, alteram & *Neperas*, seu Quadraturæ posterioris, cuiusmodi solas incisfas, excusulas habeo; cæteris affectatis quidem, sed neque incisfis, neque, vt conuicio vnquam incidendis.

Mann

Manum in vtraque agnosces egregij Pictoris, cælatorisque Cl. Mellani; nisi quòd cum oblitus fuerit apponere maculam pertenuem, quæ est ad limbum orientalem, prope aliam maiusculam, & sicque persæpe inconspiciat; ipse calamo, nec bene apposui. Quod ex Leone Plenilunij deceptum est, conspectum nihil turbat; quando ad eam partem nihil insigne conspicitur. In alia quidpiam est turbatum prope ipsam *Hyperionis*: sed agnosces fuisse vitium excurrentis. Saniore mitterem, si ad manum forent; sed aliæ prorsus nullæ sunt, præter vnam quandam Plenilunarem, imperfectiorem; quales verò cumque sunt, mitto, quoniam non hæreo, quin sis ipsas iucundissimas habiturus. Quod superest, quoniam in Peireskij Vita quid de variis Selenographiæ visibus concepissem, legisti; nihil est, quod hoc loco subiciam.

Quas obseruatas à te cum Solis, tum Lunæ Eclipsis describis, obseruare quoque mihi contigit; quare & non parum obstrinxisti me, cum me tuarum obseruationum, quas possem cum meis conferre, esse participem voluisti. Solaris anni 1639. diei primæ Iunij, fuit obseruata Aquis-Sextiis, vbi & cæpit hora 4. cum min. 44. Finem obseruare non licuit propter suborta nebula; cum hora 6. min. 31½ non deficeret amplius, nisi vnus digitus cum min. 26. Sed interim ex adnotatis tam ante, quam post medium, Phasibus 37. ratiocinatus sum Finem contigisse hora 6. min. 46. ac Medium proinde fuisse hora 5. min. 45. existente tum maximo defectu digit. 8. & min. proximè 13. Prætereo autem Eclipsin cæpisse inferne & ad dextrum respicientem Solem in distantia à perpendiculari grad. 60. secundum Solis marginem, & defectum incrementem digitorum 6. fuisse exquiritè ad dextram; defectum decrecentem iterum 6. fuisse exquiritè sursum. Eclipsis autem Lunarisi anni 1642. ac diei 15. Aprilis manè obseruata fuit in hac vrbe, vbi & contigit illius initium hora à media nocte 0. min. 10. Totalis obscuratio hora 1. min. 11. Recuperatio luminis hora 2. min. 47. Finis hora 3. min. 48. Ita porro fuit nobis quoque euandæ Luna sub medium Eclipses, vt ne vllum quidem vestigium illius apparuerit, nisi quibus fuit acutissimus visus. Eclipsis verò anni superioris, ac diei Septembris 27. obseruata fuit partim in hac vrbe ab egregio Viro Ifmaele Bullialdo, cuius iam Astronomia Philolaica sub prælo versatur; tum à me quatuor ab hinc leucis Gallicis ad ortum, quo nimirum discesseram, vt ex loco edito, quid in Sole occidente, & Luna per Eclipsin oriente contingeret, obseruitatem. Obstitere nubes ad vsque bessel, dodrantem-ve Eclipses; sed præter tamen aliquot Phasies ante finem obseruatas perspicuè demum contigit Finis, illi quidem hora 7. min. 59½ ex altitudine Ariadnes 30. grad. min. 54. Mihi hora 8. min. 1. ex altitudine cinguli Andromedæ 38. grad. min. 25. vel hora 8. min. 2. Ex altitudine Lucidæ Arietis 21. grad. min. 5. & extremæ in ala Pegasi 33. grad. min. 5. Quæ quidem consui commemoranda, vt tu quoque possis ob-

*Gassendi Epistola.*

seruationum nostrarum cum tuis instituire comparationem.

Et vt totidem communicem alias, En tibi ex Solaribus præter duas quasdam typis mandatas, alteram anni 1621. ac diei Maij 21. alteram anni 1630. ac diei Iunij 10. En, inquam, aliam obseruatam Dinia anno 1633. ac die Aprilis 8. non quod spectat sanè Initium (illud enim mihi nubes inuiderunt) sed quòd ad Phasies 27. acceptas partim ante Medium, partim ante Finem, qui cum contigerit hora 5. min. 45. ratiocinatus sum ex Phasium collatione contigisse Initium hora 3. min. 40. ac Medium hora 4. min. 42½ cum foret maximus defectus digitorum 8. min. 18. Non tacendum verò fuisse tunc in Sole tergeminam maculam, præter duas alias minutulas, quæ occultari cæperit crescente defectu digit. 7. & desierit emergere decrecente defectu, digit. 7. min. 42. Idque distando tunc à centro Solis versus Austrum partibus Sexagesimis Diametri eius 22. Cum & primum apparuisset diè mensis primo, & visa postmodum deinceps fuerit 12. Ex Lunaribus duæ postremæ ante illas tuas, obseruatæ fuere. Altera anni 1638. ac diei Decembris 21. manè, Dinia, vbi contigit illius Initium hora à media nocte 0. min. 36½ ex altitudine Aldebaræ ad occasum grad. 49. min. 18. vel hora 0. min. 37. ex altitudine Capellæ grad. 71. min. 29. Et post Phasies 34. Totalis obscuratio hora 1. min. 38. ex altitudine Arcturi grad. 39. min. 21. vel hora 1. min. 39. ex altitudine Sin. Pedis Orionis grad. 26. min. 0. Emergio prima hora 3. min. 13½ vel 14. ex altitudine Hum. dextri Orionis ad Occasum grad. 30. min. 32. & post Phasies 38. Finis hora 4. min. 14. ex altitudine eiusdem grad. 20. min. 3. Singulare autem fuit, quòd dum penumbra occuparet adhuc marginem Lunæ occidentalem, orientalis è regione occultauerit Stellam quæ est in extremo pede Castoris, antecedit-ve aliam in pede præcedente Geminorum, idque alto eodem Humero Orionis grad. 15. min. 54. Ac proinde hora 4½ min. 37. Altera anni 1641. ac diei Octobris 18. & Parisiis quidem, vbi tamen non licuit præter paucas Phasies nisi solum Finem videre deducereque ex sola Lunæ altitudine (nullis comparatibus Fixis) ipsam contigisse hora 8. min. 50.

Quòd de occultatione Saturni à Luna anno 1629. ac die Iunij 19. à re subiungitur, poterit conferri cum excerpto illo ex literis ad Keplerum meis, quod vnà cum Mercurio in Sole viso editum fuit. Superest, vt si quid me velis, quod præstare meæ facultatis sit, libertate summa perscribas. Sic enim velim habere, esse me eum, qui, vt amicitiam vtrò oblatam exsoluor, & quæ ex animo, affectuque pleno complector, ita sum perpetuo maximè facturus, posse quoniam obsequio illam, qua me prosequeris beneuolentiam demereri. Salutem tibi nunciat memoratus ante Bullialdus, non omisurus in suis illis Astronomicis Tabulis quas tuas cum ipso communicari Obseruationes - ve eliciendum Meridianorum longitudinis - ve discrimen, Dantiscum, & Parisios inter

Q 2

Quæso

Quæso verò si inter te, & eximium illum Eichstadium necessitudo intercedat, salutem illi dicere nomine meo plurimam velis; ac sponso rem præstare te gratitudinis erga illum meæ. Vale. Parisiis, vii. Kalend. April. M. D. C. XLIV.

LVDOVICO VALESIO, Principi  
Optimo,

PETRVS GASSENDVS  
Evdēlīn.

**E**X literis optimi Campinij ad te Arela-  
ten pergēntis didici te ea in Vrbe per  
dies festos adfuturum. Conieceram fore, vt  
eos Salone cum familia exigeres: sed vbicun-  
que exegeris, vtinam prosperè, suauiterque.  
Credere par est Solem isteic vernantissimum  
affulgere; quando heic illucere serenior,  
gratiorque non possit. Cæpit hæc constitutio  
cum ipso Æquinoctio; neque arbitror tem-  
pestatum sineis fuisse vnquam aded exquisitè  
compositos ad præscripta Astronomorum.  
Scilicet pluuiæ, nubila, niues, frigoraque hi-  
berna, quæ donec Sol versatus est in toto  
Piscium signo, vigerat, excessere cum Pis-  
cibus, moxque ingresso in Arietem Sole, suc-  
cessit verna temperies, qualis Mundo nascent-  
te fuit, si verum sit quidem, quod plerique  
volunt, Mundum conditum occupante Sole  
Arietis initium,

*Non alios prima nascentis origine Mundi  
Illuxisse dies, alium-ve habuisse tenorem  
Crediderim. Ver illud erat, Ver magnus  
agebat*

*Orbis, & hybernus parcebant statibus Euri.*  
Ita nimirum Poëtarum Princeps; tametsi non  
desunt qui floribus Vernis præferant fructus  
Autumnaleis; & Mundum Autumno crea-  
tum probabile facit Hebræorum annus, quem  
nihil necesse fuerat iubere instituendo Pas-  
cha deinceps inchoandum Verno Æquino-  
ctio, Plenilunio-ve mox insequenti, si id qui-  
dem initium prius, & ab ipso Orbe vsque  
condito fuisset. Verum hæc ipse præclariùs  
nôsti. Vale semper quam-optimè, DECVS  
PRINCIPIVM, Præsidium, & Decus meum  
dulce. Parisiis, Kal. April. M. D. C. XLIV.

Clarissimo Viro, CASPERIO GE-  
VARTIO, Scribæ Ciuitatis An-  
uerpiensis Primario,

PETRVS GASSENDVS S.

**A**N-non par est, Eximie Vir, te, ex tem-  
pore illo tanto, quo nullas ad te dedi  
literas, oblitum esse nominis mei? Ipse qui-  
dem tuam illam raram aduerfum me bene-  
uolentiam ex animo nunquam deposui; at  
deui sanè præterea adhibere affectus mei  
crebriorem significationem. Nam quodd per  
nostrum VVendelinum, optimum illum scilicet,  
dictam aliquoties salutem voluerim, id

negligentiam in exarandis paucis versibus  
non excusat. Benè interim mihi vertit, quòd  
de tua eximia humanitate non diffido; ex ea  
quippe quam non promerco, quamque ta-  
men efflagito, consequuturum me veniam  
speto. Cæterum quod iam torporem excussit,  
Exemplum fuit per-egregiæ optimi VVende-  
lini *Eclipsigraphia*, quod Religiosus eruditus-  
que Franciscus Nizeronus ex Minimorum  
ordine non prius fuit nactus, quàm id Viro  
clarissimo Ismaëli Bullialdo Tabulas edenti  
Astronomicas, committi quidem, sed mea  
manu voluit. Ipsum scilicet cum percurrerem,  
animaduerti rem mihi longè cognitu incun-  
dissimam, Autoninum tuum sub prælo versa-  
ri. Et quia nôram præclarum virum Ægidium  
Menagium, qui in eandem curam dudum in-  
cubuerat, cuique ego spem pridem editionis  
huius tuæ feceram, rem quoque gratam ha-  
biturum, idcirco cum ipso eam communica-  
ui. Is verò lætitiâ testatus, declarauit se  
abdicasse institutum euulgandarum in eum  
authorem coniecturarum, ex quo nuper pro-  
diit editio Anglicana Casauboni, qui earum  
partem maximam MSS. variis, quibus ipse  
fuerat destitutus, comprobauit. Adiecit ni-  
hilominus superesse adhuc circiter viginti ab  
illo intactas, easque tibi per me offerri per-  
quàm gratiosè voluit; vt, si qua ratione pro-  
bares, iis pro libitu vtereris. Egi ipse gratias  
tuo nomine, significandamque ipsius in te  
propensionem recepi. Itaque hoc est, quod  
iam præsto. Tu præscribe quod factum voles.  
Si putes enim te posse rem habere satis tem-  
pori, vt eam expendas, & si quid fortè tancū  
sit, ad calcem apponas, dabo operam, vt breui  
accipias. Quod ad VVendelinum Epistolium  
do, curabis, sat scio, volentissimus, vt in  
ipsius perueniat manus. Vale singulare Lite-  
ratum Decus. Parisiis, postridie Kal. April.  
M. D. C. XLIV.

Admodum Reuerendo, & Clarissimo  
Viro GODEFRIDO VVEN-  
DELINO, Pastori Hercano, Con-  
datensi Canonico,

PETRVS GASSENDVS S.

**Q**Vonam in censu haberes me, Præclaris-  
sime VVENDELINE, si ad Geuartium  
tuum scribens, non adderem saltem ad te ver-  
bulum? Accepit singularis, & Religiosus Vir  
Franciscus Nizeronus Minimus eximij illius  
tui de *Eclipsibus* operis exemplum, & tantam  
in eo mei nominis mentionem factam, conspi-  
cians, voluit ipsum quidem cum clarissimo  
Bullialdo, sed mihi nihilominus non inui-  
sum communicari. Ego itaque, occasio-  
ne memoratæ tibi editionis librorum An-  
toninianorum, quam Ocellus ille bona-  
rum literarum apparat, ad ipsum scribens  
ansam arripio destinandi simul ad te Episto-  
lium, cui prolixam sanè Epistolam debeo.  
Quippe non possum vnquam satis, quas de-  
beo gratias commemorare ob affectum erga  
me



me tuum ( ita tacere de me non potes ) nec-  
non teneor aliquid tecum conferere de opere,  
cuius causâ refers tam egregiam laudem.  
Sed nempe sperandum est mihi, quovsq̃ue li-  
ceat vberius totum librum pellegere, qui  
nondum est mihi, nisi cursim visus, aut Bul-  
lialdus mentem aperuerit, cui haud-dubie no-  
bilis illa Eclipsion congeries erit vsui in ea  
quam molitur ac sub prælo habet, *Philolaica  
Astronomia*. Hoc solum iam possum innuere,  
esse quoddam summo opere mirer insignem discre-  
pantiam nostras inter obseruationes duarum  
nuperarum Eclipsion, quæ heic, istæque  
fuerit per-actæ. Nam si finis quidem postre-  
mæ ad 27. Septembris superioris diem conti-  
git vobis adeo præcisè hora 8. aut tercio,  
quarto-ve ad summum minuto præterea, qui  
fieri potest, vt idem nobis eadem hora conti-  
gerit, quadrante horæ circiter remotioribus  
in Occalum? Bullialdo nempe in hac vrbe  
contigit ipsa hora 8. ne integro quidem semi-  
minuto minus ex altitudine Ariadnes 30.  
grad. min. 54. Mihi verò Sucij, quod in Ortum  
distat decem proxime Italicis miliaribus, ho-  
ra 8. cum sesqui-minuto aut minutis duobus.  
Quomodo verò altitudo trium diuersarum  
Stellarum, quam continenter venatus sum,  
facere mihi ludum poruit? Fuit enim Lucida  
Arietis alta grad. 21. min. 5. vnde prodit ho-  
ra 8. min. 2. Extrema alæ Pegasi grad. 33. min.  
5. vnde hora 8. min. 2. & cingulum Andro-  
medæ grad. 38. min. 25. vnde hora 8. min. 1.  
Quomodo aliunde Agarratus meus obseruans  
Rarari in eodem proximè mecum Meridiano,  
ac in latitudine obseruata 49. grad. 18. min.  
adnotæ quoque eandem horam potuit, &  
ex altitudine præsertim ciuium Stellarum Aric-  
tis 21. grad. 10. min. Vnde prodit illi, sicuti  
& mihi hora 8. min. 2. Er si finis anteceden-  
tis ad xiv. Aprilis anni M. DC. xlii. conti-  
git vobis, aut hora 16. min. 2. ex horolo-  
gio, aut hora 15. min. 41. ex culminatione  
capitis Ophiuchi post minuta 4. qui fieri  
potest, vt idem nobis contingerit non hora 15.  
min. 21. vt tu supputas, sed hora 15. min. 51.  
ex altitudine marginis Lunæ inferioris gr. 12.  
min. 30. aut ad minimum, & tutius quidem,  
hora 15. min. 48. ex serie altitudinum Arctu-  
ti antecederet obseruatarum? Siquidem  
etiam, cum superesset vnus taurum digitus,  
interlucens Arcturus fuit adhuc altus gr. 42.  
min. 0. vnde hora 15. min. 42. Et cum super-  
esset adhuc ferè semi-digitus, altus fuit gr. 41.  
min. 12. vnde hora 15. min. 46. Ego certè  
planè cæcutio, cum de tua solertia, industria-  
que non dubitem, & non videam tamen qui  
potuerint imponere variorum Astrorum al-  
titudines consentientes. Sed de his quidem  
per otium plura: nam & destino ad te mittere,  
si putes quidem de te fore, appulsus  
Lunæ aliquot ad Fixas aliquas insignis, vt  
possis ad ipsas vberius explorare Tabularum  
fidem. Vale interea, Inclute Vir, cui multum  
mea Diuina (imò & tota Prouincia) ego verò  
plurimum debeo. Dabam Parisiis, posttridie  
Kal. April. M. DC. xlii.

*Gassendi Epistola.*

LYDOVICO VALESIO, Principi  
*Optimo,*

PETRVS GASSENDVS  
*Edoardo.*

**E** Acile sanè coniectu est, quid rerum  
euenturum sit, quocunque intuleris pe-  
dem. Scilicet vbique id exlequeris, quod  
conceperis animo; Deusque semper consilia  
tua, vt quæ, nisi citius auspiciis, non soleas  
inire, fortunat. Intererat publicæ pacis, cui in-  
cessanter aduigilas, vt Ciuitatum principum,  
qui tuo è nutu penderent, moderatores crea-  
rentur. Id verò nunc demum assequutus es,  
exturbatis factionibus, & prouidentia per-  
uigili, & diligentia indefessa. Vinam, si qui  
adhuc sunt tuæ bonitatis immemores, sua  
demum sponte resipiscant. Quod & liuorem  
aspernaris, & calumniam floccificas, rem vt  
indole generosa, sic tua virtute dignam præ-  
stas. Quippe grandi passu incedens, est cur, vt  
inolossus suo robori fidens istorum quasi oc-  
currentium catellorum insulsum contemnas,  
factusque sublimis, vt Luna, ipsos vt neque-  
quam latranteis despicias. Deo commissam si-  
bi vindictam volenti obtemperas volens; ipse  
ergo vindex inimicos tuos pedum tuorum  
scabellum ponet. Hoc habet virtus sua mole-  
stans, vt quasi rupes inconcussa prauorum  
minas non extimescat, quæ videlicet quasi  
fluctus, dum allabuntur, colliduntur. Perge  
itaque Heroico gradu, sicque semper te com-  
para, vt tamen si fractus illabatur Orbis, ipse  
te ruinæ impavidum feriant. Vale, OPTIME  
PRINCIPVM, Præsidium, & Decus meum  
dulce. Parisiis, vi. Eid. April. M. DC. xlii.

*E I D E M.*

**E**scieram ex aliis, ac indigitaram supe-  
rioribus literis, quod impleret digna-  
tus es nuperis tuis significare. Quam saepe  
verò, putas, subicere, dum te cogito, illa car-  
mina,

*Quæ non seditio, quæ non insania vulgi*

*Te viso lenita cadat? quæ dissanaritur*

*Barbaries Medi, quam non reuerentia*  
*frangat?*

Scilicet quocunque aduentas, quasi Sol quip-  
piam exortiris, caliginemque turbarum om-  
nem, si quæ sit suborta, momento dispellis.  
Quod istæc autem aliquantisper, compositis  
licet rebus, commoraris, pateui sanè affectus  
est; sic enim concordiam, quam non sine quo-  
dam labore parturieris, tanquam prolem fo-  
ues, donec adolescat. Cogitas subinde vni-  
uersam illam maritimam oram lustrare, tuâ-  
que præsentia, quâ esse vallum non possit tu-  
tius, communitare. Hoc verò prouidentia est,  
quam dicerem te eripere tibi, nisi ipse solam  
agnosceres tuam, quam assiduus laboribus  
tueris Prouinciæ quietem. Gracias semper ha-  
beo immensas pro eo, quo me dignaris amo-  
re. Victorianum quidem Abbatem, quia tibi  
sic visum, conueni; sed nempe dumtaxat,

Q 3

vt

vt testarer me in eo assensu perstare, quem illi adhībueram opinanti nihil mouendum, nisi quidpiam grauius vrgeret. Sufficere quippe quod foret à Chauinio iam præsistum, quòdque præsistari, ac veluti reficari per vires posset, maximèque si bonus ille in ancipiti statu pergeret, cum si alioquin melius haberet, vt habere fama est, abundè, ac plus nimio foret fuisse me singularem adèd beneuolentiàm abs te expertum. Vale modò, OPTIME PRINCEPS, Vale ô Præsidium, & Decus meum dulce. Parisiis, xvii. Kalend. Maias, M. DC. XLIV.

## E I D E M.

**P**Eatus es, OPTIME PRINCEPS, dum ratione temperas tœdium ex amicorum absentia, quam tuam Solitudinem vocas. Nam potest sanè dici solus, quisquis non habet qui-cum omnia, vt secum, loqui valeat, neque te minus solitatum hæc turba circumstantium reddit, dum absunt fida pectora, quàm olitorem sua olera, aut pastorem oues, dum socij non adsunt. Verùm quia ipse didicisti esse tibi instar multorum (videlicet perfectam habens humanæ vitæ conditionem, quæ stabile esse nihil patitur, capitæque etiam carissima pro varietate casuum abducit, idcirco beatum te habeo, quando germana hæc ratio est occupandi eos aditus, quibus fortuna tendere felicitati insidias solet. Heinc est, cur gratias agere Deo immortalis tenearis, quòd cum ferè alij mortales degere secum nescij, magnam xui partem cum sui ingenti fastidio traducant; prouideris ipse maturè, vt possideres in teipso, quod dies noctesque faceret breueis. Quippe iucundius nihil est, quàm animo esse ita comparato, vt neque aliorum comes, sis illis oneri, neque solus tibi-met ipsi; ac saltem liceat dicere, tibi seu quiescenti, seu iter agenti nunquam iniucundam solitudinem, iniucundam sæpe societatem fuisse. Tritum est, quod Cato apud Ciceronem de Scipione maiore scripsit, dicere nempe cum solitum nunquam se minùs otiosum esse, quàm cum otiosus, nec minùs solum, quàm cum solus esset: sed vide, vt ille excipiat, Magnifica verò, inquit, vox, ac Sapiente digna, quæ declarat illum & in otio de negotiis cogitare, & in solitudine secum loqui solitum, vt neque cessaret vnquam, & interdum colloquio alterius non egeret. Itaque, pergit, Dua res, quæ languorem asserunt ceteris, illum acuebant, otium, & solitudo. En autem quàm præclare Ennius illum ceterorum languorem apud Agellium expresserit,

Otio qui nescit vti, plus negotij habet,  
Quàm quum est negotium in negotio.  
Nam cui quod agat, institutum est, nullo negotio  
Id agit, studet ibi, mentem atque animum delectat suum.  
Otioso initio animus nescit quid velit.  
Hoc idem est: neque domi nunc nos, neque militia sumus.  
Imus hinc, heinc illic, quum illuc ventum est,  
ire ille incipit.

*Incertè errat animus, præter propier vitam vinitur.*

Sed ista nimis. Tu & sælix Viue, & perpetuò Vale, DECUS PRINCIPVM, Præsidium, & Decus meum dulce. Parisiis, x. Kalend. Maij M. DC. XLIV.

## E I D E M.

**P**luina sanè est prouidentia, quòd plarisque Viris non vndique bonis multa feliciter eueniant; quasi ea cum actionibus, quæ proficisci ex virtute videri possunt, sint compensanda, at quæ insinuas, cum ad Diuinam quoque prouidentiam pertineant, ipse secus interpretor. Quippe author quidem non sum, vt timorem illum deponas, quo vt firmamento Christianæ Religionis perfectio stat, (iubemur nempe cum timore, tremorèque satagere vt tum etiam, cum nihil esse prætermisissum conscij sumus, nos inutilis seruos agnoscamus) Verùm quæ tua vota Deus sic fortunat, ad Populi potiùs tranquillitatem, quàm ad te spectant, quem Deus aliunde difficillimis, diuturnissimisque casibus exercet. Quare subesse non videtur, vt à prosperitate hac timeas, quam optare semper debes maximam; vt cumque pro tua pietate esse circa propriam expetendam ad sapientem possis. Id age potiùs, vt cum omnia ad Deum authorem retuleris, ipsum habeas instar optimi Parentis, qui habet figmentum, hoc est imbecillitatem humanam perfectam & facienti quod in se est, denegare gratiam non potest. Aggrauat semper corpus hoc, quod corruptum, animam; nihilque vnquam prorsus sincerè, & citra omnem ad nos respectum illius ergo agimus. At cum nôrit virum non esse nostrorum, vt omnem planè nostri amorem, hoc est, naturam ipsam exuamus; quid-ni satis æquus, benignusque sit, vt præstantes quod possumus, quò ipsum quam licet sincerissimè diligamus, quò auerietur? Accessit hinc tandem eximius Bervilla, ac delectauit summopere potuisse me non prorsus malè decessus illius conicere causam. Gere modò semper incoctum generoso pectus honesto; pectus Principe, ac teipso dignum; vt quam es huc vsque laudem meritis, non tuearis solum, sed etiam adaugeas. Vale, OPTIME PRINCIPVM, Præsidium, & Decus meum dulce. Parisiis, iiii. Kalend. Maias, M. DC. XLIV.

## Erudito, &amp; Amico Viro SAMVELI SORBERIO,

PETRVS GASSENDVS S.

**V**Berius aliàs, mi SORBERI, nunc ne nihil rescribam, pauca accipe. Quod ais Dogma esse Cartesij, nullum dari Vacuum in rerum natura, expectandum est donec demonstrarit; quippe id antiquum, sed nondum probatum, ac iis præsertim, apud quos

— Natura duabus  
Consistit rebus, quæ Corpora sunt, & Inane.  
Omniem materiam esse extensam, seu vt dicere illum

illum ais, esse extensionem essentiam materię, suo quodam sensu verum est; at vicissim omne extensum esse materiam, non sequitur. Ego certe duplicem soleo extensionem distinguere, corpoream putā, & incorpoream; illam corporis, seu materię; istam spatij, seu loci propriam; vnde & motus mei est dimensionum alias corporeas, alias spatiales indigicare. Heinc cum ille, vt ais, dicit vbiūque est spatium mensurabile, ibi esse corpus; vides quā absum, vt id concedam, qui fateor quidem omne corpus occupare aliquod spatium, omnisque eius dimensiones coequari totidem spatij dimensionibus; ac non subinde spatium omne occupari a corpore; cum seu corpus sit, seu non sit, & seu continuum, seu interruptum, seu quiescens, seu transiens, ipsum spatium semper immobile sit, & cum inuariatissimis dimensionibus perseueret. Quod subdīs illum defendere ne Deum quidem posse inducere vacuum in rerum naturam, non satis perspicio, qui adeo fidenter limites præscribat Diuinę virtuti; quasi ea non possit quidquid est corporeum intra ædem hanc, in nihilum redigere, obliterareque, ne in vicem ipsius aliquid succedat. Nam quod destruendo aërem destrui quoque spatium oporteat, nulla ratione euincitur; & quod interuallum inane inter ædis parietes mensurari non valeat, ipsa est conclusio, quę fuerit probanda. De calore quod subnotas, distinguicula solum eget. Siquidem, cum calor non sit absque motu corpusculorum, quę Veteribus fuisse sphærica, si ipsa quidem corpusculi per inane aëant, aut in corpus incidunt, quod non temerent, nullus erit calor; at si in corpus subeant, cuius partē discutere, semouereque valeant; tunc calor erit aliquis; cum is nimirū aliud nihil sit, quā talis motus corpusculorum, quatenus sit cum coherentium inuicem partium diuulsione. Et quia ista esse videtur generalis caloris notio, illi speciatim additur sensus in Animalis corpore; quando talis partium diuulsio in coheri absque sensione, hoc est perceptione illius non potest. Quamobrem erit quæstio de Voce, si velis calorem ibi solum esse, vbi est sensus, siue facultas partium diuulsionem percipiens; scilicet ipse ex subiecto speciali rem desinit, alij generatim accipit. Qui fiat porro, vt hæc diuulsio in Animalis corpore cum sensu quodam doloris sit, natura facit, non sumptum separatim corpusculorum, sed contexturę, quę est ex ipsis, quęque fieri perinde potest ex insensibilibus sensilis, ac sit calida ex non calidis, humida ex non humidis; qualitatibus nempe subnascētibz ex habitudine complurium. Sed hæc sanē nequeunt paucis explicari. Ista dum scribo, nunciatur ecce aduentasse denum Exempla meę illius Disquisitionis. Id profecto appasit, vt possis optimo Curcellio salutem dicens, significare. Tu optimē Vale, ac me semper ama. Parisiis, prid. Kal. Maij, M. DC. X L I V.

*Viro Doctissimo, Clarissimoque ADRIANO HEEREBOORDO Inclytæ Leydensis Academię Professori Philosopho,*

PETRVS GASSENDVS S.

**Q**uo me rubore, dum tuam lego Epistolam, suffuderis, dicere promptum mihi non est. Quippe non modò amicitiam, quam meritò plurimi facio, vltro offerre dignatus es, sed ea simul exhibuisti beneuolentię indicia, quę mereri me potuisse non sentio. Nam quod habes quidem de aliquibus quę excidere opusculis; id tanti profectò non est; tuęque potius est comitatus, quòd meas nugas aliquid putares. Quocirca rem potius acceptam in verba de me nimis bona optimi Bornij refero; far enim noui quā ille se continere potis non sit, dum plenum amoris pectus effruescit. Vt cumque sit, tametsi impar tuę illi de me opinioni sim; is saltem tu, in quo sis nunquam & animi erga te grati, & affectus reciproci candorem desideraturus. Inaudij allatum esse in hanc Urbem vnum, alterum-ve Exemplum editę Louanij censurę, quam commemoras in meam illam Epistolam de detectis recens circa Iouem Stellis, quamobrem, vel te monitore, dabo operam, vt quid-nam rei sit cognoscam: interim verò penè sum certus, quinque illas Stellas esse Inerantes; ac, nisi nudo visu conspicuas; quales indigitate sunt, saltem (provt innui) ex numero earum quę Telescopio solum patefunt. Scilicet ex quo tempore habitę in Planetis sunt, Iouem circumite non sunt deprehensę; quod vnum tamen suppetere Censori potuisse argumentum video. Perpendiculari inconstantiam ipse non asserui; sed retuli solum, ac nescio an aduersus illam plura à Censore dicta fuerint, quā ipse ego inseruerim in alteram Epistolarum, quę in Bornij nostri manus perueniunt. Vale, Vir Præclarissime, & qui tam sponte amasti me, ne desine, quæso, rogatus amare. Parisiis, pridie Kal. Maias, M. DC. X L I V.

LYDOVICO VALESIO, Principi  
*Optimo,*

PETRVS GASSENDVS  
*Euroę Gen.*

**Q**uanta sit literarum tuarum suauitas, dicere quī valeam; Is videlicet præcordia sic tangis, vt sentiendo quidem, sed exprimendo impar sum. Ecquę-nam est verò hæc bonitas tua, vt affectum erga te meum, ardentissimum illum sanē, sed quī non alium quā obseruantię mereri possit titulum: Tu amicitię elogio, quasi quæpiam foret conditionis paritas, dones; & quasi id satis non sit, etiam Petrum tuum amicissimum m. voces: Quid illud quoque, vt velut oblitus quod in me

Q 4 habes



habes imperij ius, & roges me, & non enixè modò, sed enixissimè etiam roges? Roges autem, vt impetres rem, tanto iure debitam, tantopere pronam, ac tui recordatio est; quam si velim deponere, deponat potiùs ignis calorem. Idem de Bervilla testarer, nisi tu amplius illum nosses, quàm vt me teste egeat. Vir sanè pretij ob excelsum candorisque plenum animum inge-ritus. Quàm dolerem porro esse eum abs te, nisi & causam vtrumque nossem; & generosi animi tui vigorem perspectum haberem, & conscius forem eius lætitiæ, qua superesse iste tibi optimum Campinium veluti exsultas. En reddetur tibi cum his literis Exemplum eius Disquisitionis, quam nosti me pridem aduersus Cartesij Metaphysicam instituisse. Mitto verò, non vt in ea bonas aliquot horas perdas, sed ne quidpiam meum te lateat, maximeque, cum inaudieris voluisse Hollandos ipsam euulgari. Pudori est solum, vnà mittere, quod Typographi nomine præmissum elogium amici fecerunt. Sed ago nempe tecum simpliciùs, quàm vt aut quæram, aut velle videar gloriam quærere ex gloriæ contemptu. Satis est, qualiscumque sim, non esse meum pectus tibi conuelatum. Vale, *PRINCIPVM OPTIME*, Præsidium & Decus meum dulce. Parisiis, prid. Non. Maij. M. DC. XLIV.

## E I D E M.

**I**D sanè verum, *OPTIME PRINCEPS*, experiri nos rerum vices, quas ipse eximie declaras. Ecce enim Duces ad exercitus ex Hibernis iam eduotos discedunt, ac repetunt Belgium, ex quo Heros ille Confobrinus tuus superiore anno spolia reportauit. Accipio quoque Hollandorum classem fore postredie comparatam, vt quo opus fuerit, statim aduollet; & Auracum Principem fuisse nudius-quartus ad eam discessurum. Fortunet Deus omnia, vt fractis hostium animis, de pace inuenda seuid cogitetur. Spes non est, vt ante Septembriam, qui Legati illius ergò conuenerunt, de ea disceptent, quippe quiddid iam agitur, vestibulum vix attingit; ingressusque in adyta ab Æstatis fato momentum expectat. Heinc non hæreo sanè, quin cauere debeas à machinatione aduersus Prouinciã, cuius fuisti admonitus; siquidem, tamen si spes non sit Hispano, vt si quam arcem inuaserit tueri illam diutulè possit; prouidet tamen rem opportunè euenturam quo tempore, inlascere, ponderisque ostentare plurimum possit; ac sit de compensatione potiùs, quàm de vindicatione agendum. Quamquam non fat video qui bene consultus aggredi rem ausit, cum neque tuam sagacitatem, prouidentiam, animi magnitudinem, neque copiarum Naualium vim qua reprimi possit, habeat incomptam. Vicumque sit, quia fieri potest, vt quasi in angustias actus, nullum non moueat lapidem; sũntque aliunde res hominum infidæ, & alearum plenæ; idcirco tutius nihil est, quàm nullam vim hostium pusillam, infirmam-ve existimare. Quid ego tamen notuas Athenas? Vale, *PRINCIPVM OPTIME*, Præsidium, & Decus meum dulce. Parisiis, 111. Eid. Maij, M. DC. XLIV.

## E I D E M.

**Q**uod nullas ad te literas ante octiduum dederim, in causa fuit rusticatio mihi tota hebdomade cum optimo Abbate communis. Ob eandem certè neque ille, neque ego vllas dedimus ad Campinium fratrem. Quod tu autem nullas abs te datas ob susceptum iter excusas, & nullas esse proximè dandas, ob suscipiendum occupas, id sanè est tuæ illius singularissimæ comitatis. Scribere enim me ad te officij est, quod intermitteri citra culpam non valeat. Te verò ad me scribere, bonitatis est, à qua abstinere citra excusationem possis. Sed nimirum in te non est, vt euadas vnquam dissimilis tui; hoc est vt esse desinas Principum humanissimus, ac in me præsertim qui-cum agere effusissimo affectu cœpisti. Id mirè profectò etiam comprobatur quiddid in tua reliqua Epistola est argumenti. Quippe id eiusmodi est, vt ne gratias quidem ausim agere, ne laudes agnoscam, quas commemorare sine pudore non sustineam. Quare neque erit, cur mihi vitio vertas, si dum ipse tibi in me commendando non temperas, & me neque tuum causari iudicium, neque meam ignoratè imbecillitatem par est, planè prorsumque obmutescam. Vna est tua in me propensio, quam neque nescire, neque tacere vnquam liceat. Vale, *PRINCIPVM OPTIME*, Præsidium, & Decus meum dulce. Parisiis, vt. Kal. Iun. M. DC. XLIV.

## E I D E M.

**Q**ui factum est, *OPTIME PRINCEPS*, vt cum donec futurus esses in itinere, nihil literarum abs te expectandarum promouisses, literas tamen Tolone transiens, ad me datas volueris? Scilicet tibi diem sacrum ferari solidum non licuit; nec de eo partem non demere, quo ex insperato posses me beare. Itaque quam-maximas possum tibi grates meritò habeo, maximeque cum argumentum literarum esse volueris id, quod circa Antipolin cui præsertim timeas, cepisti consilium. Ac suspicatus quidem fueram Tolonem esse, cui hostes iniherent, sed est reuerà Antipolis expugnationi patentior, & vtrunque posset deinceps longè faciliùs recipi, parum id Hispanus curaret, si esset modò quo obtenderet, tum cum vniuersè de rebus componendis disceptaretur. Timetur heic quoque, ne è Luxemburgo irruatur in Campaniam ob eas, quas illic apparant copias Bekus, Lamboyus, & Verthius, Lotharingoque potissimum, vt ferunt, suas collaturo, neque obtinente Enguencio quantum opus seu militum, seu Tormentariorum machinarum foret. Sunt tamen, qui putent eas copias euocatum iri in Flandriam; videlicet non modò nostris oppugnationibus Grauelingam, quo est ante triduum Caletò discessum; sed Hollandis quoque aliunde negotium facessentibus, quos nuperrimè licet mox irrupturos perhibuerunt. Quàm interea Classsem nobis subministrant è regione Dunkerkæ est; obstituta ne Grauelingam aliquid subsidij proficiat, quare & nescio, verum-nesit, quod

quod ferunt diebus proximis prorepisse illeinc, & lembulis quidem, homines sexcentos. Vna ferè hostibus spes in ipso est Piccolomineo, Equitarumque, quo pollet. Vtinam hanc quoque Deus sic infringat, vt serò deinceps de pace agatur. Vale, PRINCIPVM OPTIME, Præsidium, & Decus meum dulce. Parisiis, III. Non. Iun. M. DC. XLIV.

## E I D E M.

**N** isteic quoque frigus viget, quod fugari visum, quo tempore festum ignearum linguarum illuxit, ab exactis tamen Octauis, quasi post-liminio sic rediit, vt iam adhuc magna ex parte redintegratum perseueret. Noster certè exercitus, ex quo non pauci per æstus illos interceptos siti perierunt, longè nunc abest, vt de ardore intolerabili conquaretur. Is, vt accipio, ex millibus Peditum quatuordecim, Equitum sex reipsa constat; suntque ad ipsum præterea ex legione Palatina destinata cohortes decem, aut Centuriæ, mauiis, xxx. Facta est spes, vt Eidibus circumvallatio perfecta sit, ac vrbs intra duos menses expugnetur. Vtcumque sit labor præsertim futurus circa San-Philippeum propugnaculum; quod Vrbs non minus protegit, quam ipsum tutelæ est Vrbi. Ferunt Piccolomineum tribus solum milliaribus à nostro esse exercitu, cui nihilominus quâ terra, quâ mari vberitimus suppetit commeat. Scribebam nuper esse Hollandos in procinctu, vt aliquorsum nutu primo itrumperet: audio tamen nunc esse adhuc illos in eadem Litoyæ ad Mosam statione. Lotharingus, diuisis copiis, earum partem ad Bekum mittit, partem verò ad Bauarum, cui restiturus Thurennius Rhenum traicturus breui perhibetur. Henricus Iulius Dux Lauemburgi pergere Olinabrugum fertur, Imperatoris nomine, speraturque proinde, vt Dux Longa-villa Regis nomine eò breui contendant. Id vbi fiet, tum demum spes futuræ pacis firmior euadet. An quo ista perscribo die, Thomas Sabaudus exercitum in Mediolaunensibus educturus sit, ipse, quàm nos citius pernosces. Pernocti verò haud-dubie fuisse Hispanum Venetis Cremonam oppigneratum, si quam modò pecuniæ vim, copiasque eorum impetraret, Mediolanensibusque id habuisse, quasi indignum facinus, ac prætulisse pecunias ex sese ipsis corrogare. Cætera nos longè remotius attinentia prætereo, vt Transyluano non omnia pari felicitate succedere, & Konismarkium aliunde quasdam Imperatoris vireis fregisse; Galasium currere Dano Gottemburgum nunc obsidenti; & Torstensonum ab Iutlandia Cherfoneso scilicet illa Cimbrica, non discedere; Anglum continenter esse in angustiis, ac esse præsertim, quod metitò timeat ab obsidione Eboracensi. Ea etiam prætereo, quæ ad Aulam spectant, quæque ad hesternas Guebriani ad Deiparæ sepulti solemneis exsequias; cùm quæ huiusmodi sunt, par sit omnino ex aliis te quàm ex me rescire vberius. Vale, PRINCIPVM OPTIME, Præsidium, & Decus meum dulce. Parisiis, IV. Eid. Iun. M. DC. XLIV.

*Amplissimo & Clarissimo Viro CASPERIO GEVARTIO, Scribe Ciuitatis Antverpiensis Primario,*

PETRVS GASSENDVS S.

**Q**uam sim nescius, licetæ-ne, quas ad te, & ad VVendeliuum Aprilis initio conscripsi; reddita tibi fuerint, suggero ecce alias, quibus te certiore faciam iterum, nisi editio Notarum tuarum in Antoninum sit absoluta, esse Viro clarissimo Ægidio Menagio dignas notatu coniecturas, ipsi intactas Casaubono; quas (nosse modò desideres) sit tecum communicaturus. Hoc solum te volo, ac vt ames me. Vale, & eximium literarum Decus. Parisiis, III. Eid. Iun. M. DC. XLIV.

*Admodum Reuerendo & Clarissimo, Doctissimoque Viro GODEFRIDO VVENDELINO, Pastori Hercano, Condatensi Canonico,*

PETRVS GASSENDVS S.

**Q**uas nuperas dedi ad te literas, eæ destinatæ fuere Antverpiam ad eximium Geuartium posttridie Kalendas Aprilis. Nisi eas fortè acceperis, iactura legis, certus sis modò esse semper me & animo grato, & affectu prono pro singulari, qua erga me es animatus, beneuolentia. Eam certè abundè es super restatus in exinio illo de Eclipsibus opere, cuius editionem gratulatus sum, & de quo quæ plura iam dicam, non habeo; quando Exemplum cursim visum meas in manus non recidit. Quia sum verò pollicitus loca aliqua Lunæ singularia, exquisitèque obseruata, ex quibus possis Tabularum Lunarium fidem explorare; describo ecce occultationem Quadrilateri Pleiadum, ad quam dum forem Aquis-Sextiis ante annos septem, attendi. Deligo eam verò quòd videatur vna habenda instar plurium, ipsamque exhibeo, qualis tunc relata in Commentariolos est; quò minus mirere, nisi supputatim omnia tempora, sed quæ duntaxat cognoscere aliis tum curis distracto, sat fuit. Cùm resumpsissem porro nuper in manus tuas literas superiore Octobri datas, admonitus sum, quod fueram oblitus, literas dare Aquas-Sextias, vt impetrarem quam B. Marij scriptam per Dinamium poposceras vitam: quoniam verò fecit absentia Sistaricensis. Episcopi, penes quem iam est Legendarium, ne ea vita exhiberetur, mitto quod interea excerptum ex vetusto Breuiario est, ac literas simul, quas ad me scripserant tum Riantij Baro, qui Peireskio ex fratre Nepos, & in munere Senatorio successore est; tum Decormius Beculius generalis, Primariusque in eodem Senatu Regis Aduocatus, quos, vt exhiberi vitam illam procurarent, interpellaram. Cùm primùm ipsam, vt spero authoribus illis obtriuero, ad te incunctanter transmittam. Subiit aliunde cogitatio,

tatio, facturum me tibi rem gratam si exscriberem, & hac occasione ad te mitterem, quod collegi alias de Sanctis Ecclesiæ Dinienfis Antistitibus, quorum meministi haud-dubiè reliquias à te pridem visas. Id scilicet, cum Atlanteo operis immensi auctore communicare poteris; vt (si ita videbitur) Sanctorum quoque Præsulum nostrorum memoriam illustret. Rem aliàs coram pollicitis optimo Rosvveidæ non præsiteram, quoniam qua isteic fui Æstate, quem benè valentem reliqueram Iunio, cum in Hollandiam discederem, reperti defunctum cum redij, Iulio. Tu VVendeline, æternum Vale. Parisiis, 111. Eid. Iun. M. DC. XLIV.

*Fortassis Viri eximij Caramuel, atque Vangrenius suave ducent cognoscere pro suo vterque instituto quam ad te mitto Observationem occultarum Pleiadum. Id si ita sit, haud-dubiè communicabis cum ipsi volens. Vale iterum.*

*Admodum Reuerendo, Amplissimoque  
Viro, D. IOANNI CARAMVELI,  
Lobkovvizio,*

PETRVS GASSENDVS S.

**L**Egi, Vir Præclarissime, Censuram illam tuam mei qualiscumque Iudicij de Stellis circa Iouem visis. Persensi verò inter legendum me factum obstridissimum, reputauique non posse me absque ingratitudinis nota non respondere aliquid, & prouocatum potissimum humanissimo illo Epistolio. Itaque gratias refero, non quantas debeo, sed quantas possum. Primum, quòd ipse præoccuparis, ac aded sponte, gratiosèque amicitiam obtuleris mihi expetendam, mihi requirendam. Deinde, quòd me iis elogiis, quibus prægrauer, exornaueris; quippe quasi amans iam me, licere putasti, si meriti quicquam in me foret, exaggerare. Insuper, quòd tenuem opellam sic retractare fueris dignatus, vt integram denuò euulgaueris, ac pleniorè etiam luce illustraris; & me ea ratione cum religiosissimo, optimoque Rheita conserueris, vt ille nihilo me minus habiturus sit obseruantem sui. Ad hæc, quòd licet non agnoscam quì duo illa Theoremata descripto à me apparenti Stellarum motui aduersentur, id tamen, quod ex ipsis vrge, quòdque cætera attinet, eiusmodi sit, vt comitatem suspicere, quàm regerere quicquam malim. Scilicet vice omnium argumentum vnum sat est, si quinque illi noui Errones Iouis Sidus adhuc circumstent, cum nisi ita sit, mea coniectura semper perinde vigeat; saltem quod attinet ad Stellas Telescopio solo conspicuas, qualescque à se obseruatas, (vnica excepta, ex cognitis pridem) Vir clarissimus Ioannes Hevelius Dantiscanus significauit. Præterea, quòd insertas meas obseruationes aliquot non modò commendaueris, sed & subinde tuo quoque ratiocinio nobilitaris; vt cumque mea ex dictione facta fuerit ansa intelligendi Coniunctionem Veneris, ac Solis spectare ad diem Februarij anni

M. DC. XXXVII. decimam sextam, cum profectò non ex Eichstadio, cuius nullas noram, sed ex Keplero, cuius tunc solas habebam Ephemerides, coniunctionem reiecerim in diem sequentem decimam-nonam. Vt cumque etiam velle videaris eleuare illam Veneris latitudinem, cum non minorem præscripta fuisse, vel illud possit arguere, quòd detecta Venus quadrante horæ post occasum Solem, gradibus adhuc circiter quatuor eleuata exstiterit, & dimidio horæ post Solem occidens Horizontem subierit gradibus proximè 12. Borealius, quàm ille subiisset.

Denique, quod obseruationem de reciprocante Perpendiculo ita refutandam institueris, vt & honorem nobili Viro eius Authori habueris, & mihi id solum tribueris, vt bona fide retulerim qualem ille perscripserat, quando neque me rem nondum expertus, reciprocationis præstiti sponforem; neque præstiturus me deinceps fui, cum & experientia, & ratione nixus, sum argumentatus aduersus Morinum; qui ipsam scribens aduersum me, est per-auidè amplexatus. Quod superest, duo gratulor, vnum te esse aded felicem, vt obseruare tutò possis incrementem, decrecentemque magnitudinem Diametrorum, Lunæ quidem in singulis diebus, Veneris, & Solis in singulis hebdomadibus, cæterorum Planetarum in singulis mensibus, atque aded etiam, dum illi circa Apogea, atque Perigeia versantur; quippe mirum dictu, quantum heinc subsidij ad perficiendum Astronomiam vniuersam sit accessurum, ob interualla Planetarum, Terraque inde stabilienda, vbi res semel constiterit. Alterum, apparare te præclaram Selenographiam, & (quod nuper etiam perscripsi ad memoratum Hevelium, quidpiam simile meditantem) subleuare veluti me eo labore, quo cœperam ante decem annos defungi. Scilicet institutum meum cognoscere potes ex Vita Peireskij, in cuius libro quinto exposui quas agnouì fore præcipuas Selenographiæ vtilitates. Cedo autem lubens curam integram, qui neque nisi paucas habeo Lunæ Phaseis æri incisfas, neque in eo esse iam possum, vt cælatores diuigam iuxta Iconismos cælitus captatos duobus amplius annis per Pictores eximios; neque me habeo satis idoneum, qui nomina impenam congrua tot, tamque variis partibus per Lunaris Mundi mappam digerendis. Tu verò age, Vir Eximie, positam in medio gloriam occupa, & immortale nominis Decus tue pretium operæ puta. Vale. Parisiis, 111. Eid. Iun. M. DC. XLIV.

*Vir Clarissime, si cognoscere forte voles, quam ad VVendelinum occultari à Luna quadrilateri Pleiadum obseruationunculam transmitto; agnosces ex ea aliquem Selenographiæ usum. Quam maculam appello Caspiam, eam peruidebis intelligi, quæ est solitaria ad limbum occidentum, cuique ex opposito penè respondet alia sat similis, vt dici Anti-Caspia possit. Quem vero Homuncionem (alias Theriten) dictum videbis, dico etiam Mare occidentum; cum & Mare Eoum vocem maiorem illud in Ortum effusam, Boreumque refusam in Boream; & interdum que*



que maculam maiorem imitatione antiquorum  
dicam. Hecates Penetrare. Ne quidpiam attin-  
gam de partium minorum indigitatione, ut Sa-  
linarum, Vallis umbrosa, Rupis niueæ, Amara  
montis, Vmbilici, Lacunæ, & similibus, qua  
ibi se hand-dubie felicitis indigebantur.  
Vale iterum.

LVDOVICO VALESIO, Principi  
Optimo,

PETRVS GASSENDVS

Evangelien.

**R** Edidisse te incolumem ex perlustratione  
Maritimæ oræ, quantum suave est, tan-  
tum gratulor. Per scriptum est tecum aduen-  
tasse famam insignis repulsæ, quam passi  
Hispani ad Ilerdæ muros ingentem non ho-  
minum modò, sed commeatus quoque, &  
auri, quantum duo gestarent veterina, fece-  
runt iacturam. Res mihi in voto, potiusquam  
in spe, quatenus eam fieri ratam non compe-  
tio. Constantior nobis fuga hostium ex  
arce San-Philippæ, quam octiduo amplius  
tueri poterant, nisi prætulissent Pyrium  
puluerem in Urbem non satis instructam in-  
ferre. Exscendere demùm Hollandi ad Phi-  
lippinam Flandriæ, neque procul Tasio, quod  
Gandavi dicunt, metati sunt castra. Timent  
Flandri Damæ, Hultizæ-ve. Comæque  
Iserburgis magna Peditatus cum parte ad-  
uersum occurrit. Hollandos esse non paucio-  
res millibus octodecim ferunt. Turennius  
missis sarcinis ex improvisoque Rhenum su-  
perans, paria Germanis, nisi iam castra mo-  
uere capessit, redditurus fuit; tametsi com-  
plureis ex iis interfecit, & adduxit captos, vel  
ab unico Rosco, Equorum plusquam mille,  
hominum plusquam septingentos. Sunt reipsa  
Turenno Equitum sex millia, & Peditum  
quinguescim sunt Germanis Equitum decem,  
& Peditum octo, præter Lotharingi, quas ex-  
spectant copias. Inaudij tamen Lotharingum  
(vtrumque etiam Piccolomineus duo Equi-  
tum millia ab illo expectet) in eo adhuc esse,  
ut deliberet vtrum nobis se, an Hispanis sit  
dediturus. Ex quo Ratgoskius in Transilua-  
niam se recepturus perhibetur, pondusque  
belli Germanici transferendum in Daniam  
spectatur, intolerabiliore sunt, quas Legati  
Imperatoris Monasterij proponunt pacis con-  
ditiones. Perseuerat adhuc in Anglia Eboracensis  
obsidio; tametsi rumor de capta Urbe  
admodum percrebuerit. Sed hæc nimis. Tu  
bene Vale, DECVS PRINCIPVM, Decus  
meum meum dulce. Parisiis, xv. Kalendas Iulij,  
M. DC. XLIV.

E I D E M.

**R**atulor denuò quem es dignatus redi-  
tum facilem nunciare. Mira, dignaque  
te providentia, qua cogitasti tam Tolonem,  
quam Antipolim communire; mira, & te  
digna, quæ sollicitudo te habuit de rebus ad

Ilerdam gestis. Multam sanè est, quod tue  
curæ debent, quorum causa vnum Centurio-  
num eò destinasti; at longè est amplius, quod  
debent elogio abs te reddito de strenua, qua  
viros egerunt virtute. Vtinam ille referat  
hosteis non modò in vltiorem Iberi ripam  
recessisse, sed & coactos fuisse Hispaniam in-  
teriore repeteret. Grauelingana obsidio pro-  
sperrimè semper succedit. Erant iam nostri  
ante dies quinque ad ipsam vsque fossam pro-  
moti, parabantque inde tormentis viginti  
tum præsidia quadam murorum deicere, tum  
reddere fossæ traiectionem tutam. Discesserat  
Piccolomineus, ut impetus primos Hollando-  
rum retunderet; at postquam visum est ab  
illis nihil metuendum summo perè, rediisse  
fertur, & Dunkerkam, nostrisque inter con-  
stitutus, Luxemburgis copiis increuisse. Ea  
de causa ferunt Enguenium secundum Mosam  
discedere, Leodiumque versus properare.  
Conualefcit iam Lotharingus; sed versatur  
semper in accipiri, è quorum stare partibus  
debeat; statuturque potius à nostris speratur.  
Hollandorum pro pace legati discessuri mox  
Monasterium sunt, itémque, qui ad compo-  
nendum Dani, Suecorumque dissidia mitran-  
tur. Sunt isti tamen Dani suspecti, vel eo no-  
mine, quod interim nauis quadraginta ar-  
matas conscendant. Sed nimirum timent  
Hollandi, ne quæ eodem vergit Hispanica  
classis fretum occupet, quod iurgiorum est  
non postrema causa. Est interea tam Suecica,  
quam Danica classis comparata ad prælium;  
quid autem euenturum sit, Solus, cui omnia  
parent, nouit. Imperatoris exercitus, dum  
Transyluano instat, ne sibi instet Turennius  
metuit; sicque inter saxum & sacrum, quod  
aiunt, quodammodo stat. Perhibent nihilo-  
minus Galasum Lipsiam obsessurum. Excessit  
Anglus Oxonio, obsidionem metuens, ex-  
spectantque interim, si fortè quidpiam pro-  
sperè Roberto Palatino ad soluendum obsi-  
dionem Eboracensem missio contingat. Ru-  
mor fuit abiisse illum in Hiberniam; verum  
non sunt ipsius res hæcenus adeò deploratæ.  
Tu felix Viue, ac semper Vale, DECVS  
PRINCIPVM, Decus meum dulce. Parisiis,  
viii. Kal. Iul. M. DC. XLIV.

Admodum Reuerendo, Sapientissimò-  
que Viro, D. IOANNI CARA-  
MVELI, Lobkovitzio, Abbati  
Disembergenfi,

PETRVS GASSENDVS S.

**R** Eddidit mihi nudiùs tertius optimus  
Mersennus tuas literas, quas cum scheda  
sub inuolucro ad se destinato accepit. Oblitus  
es rescribere vbinam, & quando illas dederis;  
sed quantum conicio ex fuere scriptæ Cru-  
ciniaci ante decem plus minùs dies. Ipse à die-  
bus quindecim meas ad te Louanium dedi,  
& nescius tamen, illeic-ne fores, ipsas desti-  
nauit ad eximium Chiffletium Bellofontanum  
Balernæ Abbatem, qui illas vbiicumque te  
verfari

versari nosset, transferet. Non potui verò vlla ratione maturius ad te scribere, gratitudinẽque testari; quoniam non prius libellum tuum, conscriptumque in eo ad me humanissimum Epistolium pervidere concessum fuit. Nunc cum bonitate in me adeo effusa existeris, vt etiam manu exarata, cæque benè longa Epistola præoccupâris (quippe nihil adhuc obtinens à me) non possum sanè me continere, quin prima hacce occasione denuò rescribam, gratiasque agam, & quod meam illam Disquisitionem Franco-furti inuentam tanti feceris, nimis erga me benevolentia tribuendum agnoscam. Facio porò quoque, ne me segnem habeas, circa id officij, quod comiter adeo abs me exigit; vt cunq; sim impar, qui planè, prorsumque ea in re tibi faciam satis. Exoptas nimirum tescire ex me, qui Authores hæcenus fuerint, & ex Parisiensium quidem Facultate potissimum, qui defendunt Pontificem Summum extra Concilium Generale, hoc est solum, aut in Concilio Nationali: imò & ipsa Concilia Nationalia errare posse. Verum & ipse interim ita enumerasti multos, vt omnem prope diligentiam censeris anteuertisse; & ego ex Autenionensi, non verò ex hac omnium Summa Facultate sum Theologus, vt tu videris supponere, cum ex me id rei perquiris. Vt tamen, quantum quidem possum, ac licet, tibi morem geram, non meam exponam sententiam, sed historice solum referam, si quid ex Authorum lectione, aut ex Doctoribus eximiis, amicisq; intimis ac vno præsertim inlytæ huius Facultatis conuersando addidici.

Ac primum quidem vt ingenuè agam, videris mihi non debuissè inter citandum auctoritates, Molinai commemoruisse; siue enim ille *Carolus* est, nôsti quàm sit ipsius nomen in Romana Curia exosum; siue *Petrus*, nôsti eum esse manifestè *εὐαγγελιστής*, & à Fide, communionẽque Catholica longè alienum. Videris deinde opinionem Nauatri debuissè non ex VViddringtono, sed ex ipsomet potius citare, maximeque cum eius Textus apud hunc Authorem mutilatus sit; & intersit sententiam Viri, qui, & magni nominis est, & Romæ etiam vixit, scripsitque, ex ipso eius haurire fonte. Atque vt discrimen agnoscas, en vt Nauatri textus te habeat in cap. Nouit. notab. 3. num. 84. de iudiciis. *Non est consilium in presentia definire, cui principalis Ecclesia potestas fuerit à Christo collata, an Ecclesia toti, an vero ipsi Petro, propter illam maximam discordiam Romanorum, & Parisiensium. Illi enim tenent Petro, & successoribus datam esse hanc potestatem, atque ideo Papam Concilio esse superiorem; Hi verò, quibus Gerson adhaeret, totam datam esse toti Ecclesie; licet exercendam per vnum, atque ideo in aliquot saltem casibus Concilium esse supra Papam. Quarum illa scilicet Romanorum videtur placuisse S. Thoma in 2. 2. qu. 11. art. 2. & 3. & qu. 1. art. 6. & in 4. dist. 19. qu. 1. Thoma à Vio in eiusdem articulis, & in paruis Opusculis, tom. 1. & in Apol. 2. part. cap. 1. & in 2. part. cap. 9. vbi aliis omnibus, & profundius, hoc demonstrare conatur. Altera verò placuit*

*Panormitano, qui pro Parisiensibus est, in capite Significasti, & in tract. super Concilium Basileense, quem frequentius nostri sequuntur, vt tradit Decius consil. 115. quam mortuum tueretur Iacobus Almainus è Sorbona Theologus, qui respondit Thoma à Vio, libello iusto, & Ioannes Maior in cap. 16. in Matth. idem facit, aiens Roma nemini permitti tenere Parisiensium, & Panormitani sententiam; nec rursus Academicam illam Parisiensem pati, vt contraria opinio asseratur in ea. En etiam, vt le textus habeat in Comment. in 7. dist. de sententia, dist. 5. pag. 492. col. 2. num. 12. Ex hac conclusione primo infertur Pontificem Romanum ad consensendum sua peccata tenere, quia diuina lege obligatur; quamuis verum si non ligari per caput illud, Omnis; & ita non teneri absolute ad consensendum semel in anno. Quam etiam sensit Io. Andreas, & Felinus. Quod procedit, tenendo illam, quam plerisque vni Italos audio tenere opinionem, quamque magis viribus tutari conatur Thomas à Vio, filium Papam esse supra Concilium. Nam, si inuenimus alteram sententiam, quam Sebola Parisiensis cum tota fere Gallia sequitur, Concilium vniuersale supra Papam esse (& adeo quidem sequitur, vt Iacobus Almainus scribit in hoc ipso articulo, dixerit, eum, qui cauerium assereret in Francia, hæreticum idem tum iri diceremus, vt ait ille, Romanum Pontificem statuto Conciliorum ligari, ac prius ad illud caput, Omnis, seruandum tenet. Sic textus Maioris à Nauarro citati, scilicet in cap. 19. Matthæi, ac in prioribus quidam Commentariis editis anno 1518. super illud. Si peccaueris, huiusmodi est. Hæc quid querit, an Pontifex Maximus sit supra vniuersale Concilium, vel super vniuersalem ecclesiam. Super præfata questione duo sunt dicendi oppositi; quorum vnus tenet Papam supra Concilium vniuersale. Hunc nam aliqui Cardinales tenuerunt, & tenent communiter Thomistæ, & Roma, vt affirmo nulli fas oppositum publicè rueri. Alium nam semper vniuersitas nostra Parisiana à Concilio Constantiensis imitata est, sic, quod ea, qui prædictam tenuerit, in campo eam reuocare.*

Iam, quòd hic citatur Constantiensè Concilium, nihil agnosco antiquius opinionem fauere, quàm Epistolam Innocentij III. à Philippum Augustum Francorum Regem, qui reperitur numero 104. inter editas Bosqueto. Scilicet in ea hæc verba habet. Propter sententiam Euangelicam, quam Deus expressit, vt quod Deus continet; non separaret, cum absque dubio nec Sanctis exempla, nec Patrum decreta intentioni in hoc suffragentur, verum, si super hoc absque generali definitione Concily determinari attemptaremus, præter diuinam offensam, & Mandatum infamiam; quam ex hoc possumus currere, forsàn ordinis, & officij nobiscum immiseret; cum contra præmissam ritatis sententiam nostra non possit tantas dissensare. Posterius autem, quod habet Thomas de Corfellis Parisiensis Theologus in Propositione an. 1440. facta à Bitunensi

præfente Rege in Concilio Ecclesiæ Gallicanæ, his verbis. *Post hac omnia Papa Martinus cum teo Concilio dedit literas ad Prælatos, & Inquisitores, in quibus continentur articuli Ioannis Vtclef & Ioannis Hus, inter quos iste ponitur articulus XI. Non est de necessitate Salutis, credere Romanam Ecclesiam esse supremam inter alias Ecclesias. Super quoad dicit Papa, approbante Concilio, Error est, si per Romanam Ecclesiam intelligat Vniuersalem Ecclesiam, aut Concilium generale, aut pro quanto negaret primatum Summi Pontificis super alias Ecclesias particulares. Deinde in Interrogatorio in ipsâ literis posito, super quibus haberent interrogari suspecti de hæresi Hussitarum ponuntur sequenti, Interrogetur virum credat quod quodlibet Concilium generale, etiam Constantiens, vniuersalem Ecclesiam representet. Ex quibus manifestum est, quod per Papam Martinum, & Cardinalem, qui tunc ibi communiter aderant viginti tres, vna cum toto Concilio fuit approbatum, quod Concilium generale habeat suprematam in Ecclesia, & quod vniuersalem Ecclesiam representabat. Quod verò dicitur Vniuersitatem Parisiensem id imitam esse, a diebus Constantiensis Concilij, ecce proferunt Parisiensis epistolam scriptam ad Parisiensem Facultatem Theologiæ ab Innocentio VIII. die Septembris 7. an. 1486. quâ improbatum nihil fuerit, quod fuisset eo vsque ab illa defensum, sed comprobatum potius huiusmodi verborum tenore, Dilecti filij salutem. & Apostolicam benedictionem. Intelleximus non sine magna cordis nostri lætitiâ sinceram animorum vestrorum deuotionem, quam ad nos, sanctamque Romanam Ecclesiam, & Fidem Catholicam habetis, cum omni studio, & curam vestram pro eiusdem Fidei defensione, & hæresium extirpatione sicut probatissimos quosque Christianos decet, incessanter adhibueritis. Afficiunt quoque non improbatum Facultatis eiusdem Decretum de celebratione generalis Concilij diei Ianuarij 11. ac anni 1497. in quo ad quesita à Rege respondendo inter cetera sic habetur, Responsum est, quod Summus Pontifex & Pater Sanctissimus teneatur de decennio in decennium congregare Concilium generale, Vniuersalem Ecclesiam representans, & maxime nunc, cum tanta sit deordinatio in Ecclesia, tam in Capitibus, quam in Membris, qua cunctis notoria est. Inferius autem, Dixit & definit prædicta Facultas quod tempore urgentis necessitatis, vt nunc, vel post decennium ab ultimo celebrato Concilio, vt supra dictum est, postquam aliqua bona, & magnapars & notabilis Christianitatis, quemadmodum vniuersa Francia, vel Rex Christianissimus ipsius vires gerens, rogauerit, summauerit, & exhortatus fuerit dictum Summum Pontificem, ceterasque partes Ecclesiæ, de congregando dictum Concilium, & ad ipsum conueniendo, & de prouidendo necessitati Ecclesiæ. Ipse verò Pontifex, vel aliquis prædictarum partium fuerint recusantes, negligentes, vel differentes de veniendo ad dictum Concilium, nihilominus illi, qui adierint, & comparebunt poterunt sine alijs non comparentibus dictum Concilium celebrare, & necessitati Ecclesiæ prouidere.*

Ad ipsa Maioris tempora vt veniam, id mitto, quod habet Senonensis Concilium, anno Gassendi Epistolæ.

1528. celebratum, Cardinali à Prato S. Sedis Legato, Præfide, in Decretis Fidei, Decreto III. his verbis, *Proinde, cum certa sit, & infallibilis Ecclesiæ Regula, ne aliquando inuisibilitatis prætextu tandem eludi queat; ea profectò Sacris generalibus Concilijs auctoritas derogari non potest, quæ proximè Vniuersalem representant Ecclesiam. His enim Concilijs, si ea decernendi, quæ ad sinceritatem Fidei, & extirpationem hæresium, Ecclesiæ reformationem, & morum integritatem pertinent, potestas adimatur; nihil certum, nihil stabile futurum est, nihil denique, quo Hæreticus ab Orthodoxo possit interuosci. Nec erat, quo veterum quondam retunderentur insultus, nisi Ecclesiastici Proceres exemplo Apostolorum Concilia celebrassent, quibus Sancti Spiritus auctoritatem ferocientibus illis, & humanarum rerum scientiâ tumentibus opponerent. Mitto & quod habet Ioannes de Celaia Parisiensis Theologus, ac Valentia in Hispania natus, qui tamen in Patriam rediit, mutarit sententiam, opiniois tamen Parisiensium fidem fecit sub Gallorum Doctorem nomine, scribens in 4. sent. dist. 25. qu. 5. de Symboli editione, his verbis, Pro huius questionis enodatione, est aduertendum, quod mirabilis est controversia inter Doctores Catholicos circa istam difficultatem, veluti de superioritate Papæ ad Concilium. Nam Ioannes de Gersono & Gualli Doctores, & multi Aliaonorum tenent, quod ad Vniuersale Concilium pertinet edere Symbolum, & determinare ea, quæ Fidei Catholice sunt & non ad Papam. Quo loco, vbi ille addit, contrarium tenere non modo Italos, sed etiam Hispanos, tuum est videre, teneat ne etiam Abulenſis, quem ipse post Adrianum Papam VI. Cardinalem Cameracensem, Cusanum, Panormitanum, Florentinum, citasti, præter Franciscum de Victoria Professore Salmaticensem, qui, vt Nauarius, probabilem vtriusque opinionem putat. In verò ex Gallis præter Adrianum, aliosque citatos à te pauculos Adrianus Gualterius Parisiensis Theologus, & maioris Monasterij Monachus in tract. de primatu Petri, & Ecclesiæ hæc habet, Sic ergo relinquatur, temerè dici, veritatisque maxime contrarium esse, quod Summus Pontifex in nullo casu Concilio Vniuersali sit inferior. Nec minus item falsum, quod in nullo casu possit ipse deponi, præterquam in casu hæresis; nam ipse potest esse criminofus, aut fautor alicuius criminis, vel intolerabilis erroris, tam perniciosi Reipublicæ Christianæ, quam perniciosæ est hæresis. Cui crimini refecando, si non possit remedium adhiberi, nisi per Summi Pontificis destitutionem, verè & realiter destituendus est. Et paulò post eandem doctrinam hocce disticho comprehendit,*

Petrus in Aede Sacra Caput est, & quandoque Membrium;

Paret, vt est Membrium; præcipit, vt Caput est.

Ioannes Arboreus, Parisiensis etiam Theologus lib. 4. Theosophiæ, cap. 32. sic sentit, Decretales Epistolæ non exequuntur canonibus Conciliorum & definitionibus. Hanc facile si uadebo assertionem. Minus auctoritatis habet Romanus Pontifex, quam tota, & Vniuersalis Ecclesia, quam representat Concilium generale ritè con-

R. gregarium



gregatum. Nam Papa in Fide errare potest, ut dicit Innocentius huius nominis IV. cap. 1. de summa Trinitate; & tota mihi aberrare via videtur, qui aliter sentit; & plus veritati tribuendum est, quam amico. Assentiantur sanè Romano Pontifici, qui faciunt eum immunem à peccato, & lapsu hæreses, & schismatis; cum non sit diuino munere confirmatus in gratia. At Concilia generalia legitime congregata non possunt in Fide aberrare. Claudius Confors, similiter Parisiensis Theologus, in confutatione errorum VValdensium, Paucis, inquit, probemus utramque & Ecclesia & Petri auctoritatem, Ecclesia primò, ex eo, quòd generalium Conciliorum definitione Ecclesia sit supra Papam, quem instituere & ex causa destituere potest. Verum iste scribebat iam anno 1548.

Ceterum ab anno vsque 1541. conditi fuerant celebri Facultatis Decreto articuli Parisienses dicti, numero XLII. quos iuramento adhibito profitentur etiam-num quotquot in fine Licentiæ sunt Doctoratum adepturi. Ipsorum autem XXI. huiusmodi est, Eodem veritatis firmamento recipiendum, potestatem excommunicandi esse de iure diuino, immediatè à Christo Ecclesia concessam. Et XXII. certum est Concilium generale legitime congregatum vniuersalem representare Ecclesiam, in Fidei, & morum determinationibus errare non posse. Ex quibus minùs mirum est, si scribens posterius Dominicus Soto (vtcumque oppositum cum sua familia sequutus) in 4. sentent. dist. 20. qu. 1. art. 4. sic quærat, Verum potestas iurisdictionis in vtroque foro fuerit collata Ecclesia, vt in toto corpore immediatè resideat, an verò in Prælati eius? Et postea sic habeat, Nihil hic dicere molimur de illa molesta lite, vtrum Concilium sit supra Papam; quæ causa est, vt nunquam Concilia eo candore feliciter celebrentur, quo antiquitus; sed quia rerum consequentia hoc exposcit, ne clauis tractatus mutilus maneat; quidquid sit de illa questione, pro nostra tenuitate subiectum proximum Ecclesiasticæ Potestatis & iurisdictionis explanare adoriamur. Enim vero Gerson in Tractatu Potestatis Ecclesiasticæ, quem imitatur Almainus in suo libro de comparatione Papa & Concilij, cap. 6. arque alij fautores illius opinionis, quòd Concilium est supra Papam, arbitrari suam opinionem ex hoc fundamento pendere, aiunt potestatem Ecclesiasticam iurisdictionis in vtroque foro residere in tota Vniuersitate Ecclesiæ, hoc est in toto corpore, quòd aiunt, Cælogrematicè, instar Reipublicæ Civilis. Hoc tempore non video rem vocari amplius in controuersiam; fortassis ob iuratos illos ab omnibus articulos; tamen sunt, qui opinionem vtramque probabilem putent. Cumque neutra disertis verbis defendenda proponi soleat; retineri tamen antiquam, iuratamque intelligi potest ex ipsa ratione loquendi tam eorum, qui libros conscribunt, quam eorum qui disputant Theosis. Quippe cum nihil simile obseruem pro opposito; facere tamen pro hac videtur, quòd scribens Franciscus Hallerius Parisiensis Theologus pro defensione Ecclesiasticæ Hierarchiæ, seu in vindictis Censuræ Facultatis Theologicæ

Parisiensis aduersus Hermanni Loëmellij Spongiæ, editis anno 1632. §. 2. sic instat. Legisti in libello Richeriano Regimen Ecclesiæ esse Aristocraticum; an non legisti statum esse Monarchicum? Et postea, licet Episcopus hic, aut ille morte extinguatur; licet ob crimen expellatur, sine Episcopo tamen Ecclesiam esse negamus, in qua semper remanet Episcopalis Cathedra, in qua viget semper Episcopi principatus. Et rursus, Hoc sensu neque Ecclesiam vniuersalem, nec particularem vllam perfectam sine Episcopo esse posse pronuntiavit Parisiensis Theologorum Facultas, & contrariam sententiam falsissimam, in consequentia periculosam, temerariam, scandalosam, ordinis Hierarchici destruentiam, Populo Christiano nociuam, traditionis Apostolicæ, & successionis Apostolicæ fundamentum conuellentem; imò & in hæresin inducentem indicauit. Facit verò etiam, quòd Theosis proponens Robertus Constantinus Baccalaureus Sorbonicus anno 1639. die Nouembris 18. Sorbonica 19. Thesin hanc inter cæteras vltima columna reposituit, Promulgatio essentialis est legi, non acceptatio; tenenturque omnes Principum edictis parere, non tantum propter iram, sed etiam propter conscientiam. Pari iure quisque fidelium, excepto nemine, Ecclesiæ Catholicæ, & Conciliorum decretis subditur.

Atque hæc sunt quidem, quæ recepi initio commemoranda historicè, non dogmaticè verò expendenda. Videlicet retuli solum, vt tibi quasi fido amico rem exigenti gratificaret; non vt sententiam dicerem, cui nullum ex me accederet pondus. Tu id totum quodcumque est, quo do affectu excipe, & tanquam pignus quoddam meæ ergate obseruantia habe. Parisiis, VII. Kal. Iul. M. DC. XLIV.

LVDOVICO VALESIO, Principi  
Optimo,

PETRVS GASSENDVS  
L'vdoꝝi eu.

**Q**Uæ de Ilerdæ obsidione & vouisti, & prouidisti, ea perinde prorsus contingunt. Quam times Classen Neapolitanam, comparatam audieram, quæ sese nostræ opponeret, si Tarraconem obsideremus. Nunc, quòd Hispanus præoccuparit, prospexitque forte, vt Mortæus cogeretur pedestreis copiis ab instituto diuertere; id arguit Classen huiusmodi aduersus Provinciam destinatam fuisse. Præclare autem vertitur, quòd tu & sagax præsenferis, & indefessus perfeceris, ne nostram in oram appellere, nisi vt in scopulum possit. De obsidione Grauelingana nihil non faustum accipimus. Piccolomineus, & Melosius nihil hactenus attentârunt, & tamen sperent ad vndecim millia, quibus iam præstant, militum, accessura, ex Beko sex, & ex vicana coactione decem, nihilominus id nostros nihil terret; quorum circum-vallatio absoluta est, & quinque Regijs arcibus, seu matris propugnaculis tuta. Tormenta interea, de quibus iam scripsi deiecere Urbis præsidia, vnicumque conuatum opus superstes in pomærio, nuperitis

peritissis diebus occupandum fuit. Hollandi, quod mirum, nihil interim mouent, & quasi minime Iānburgio, Assenedæ semper consistunt. Deliberant adhuc eorum ordines Clafsis-ne, de qua nuper scripsi, Danis se, an Suecis addicæ, an neutra remansura sit; videturque euentus belli Danici habiturus esse exinde momentum. Virget semper Galafium Saxo ad obsidionem Lipsiæ; ignoratur tamen, facturusne sit, an petiturus Daniām, an irrupturus in Pomeraniā. Accersere ad illum Coloredi vires, relicto Hasfeldio, qui sit obtuturus Koniſmarkio, & ac Hessli copias collaturus. Constat Transiluanis viribus inſectis, & vtrumque Polonus ipsum ad inſeundam pacem cum imperatore infliggi, non obaudiri tamen, dum Turca non annuit. Redit per Poloniām ex Moſcouia Voldaniarius inſecto matrimonio, quod propositas conditiones amplexari reuerit, nempe proſtitendi Religionem Gentis, iuxta quam Baptiſmus iterandus fuit; & excedendi nunquam Moſcouitæ ditionis confinia. Fama est hunc fuiſſe quaſitum prætextum, ex quo illi Sauromatæ afflicti Daniæ Regnum inuadunt. Lotharingus Vormaciæ est (quippe iam redux Treuiri) ſuaſque adhuc copias in ſtatuū habet. Anglus continuū angitur, & Eboracum paritur extrema. Plura dicere; ſed iſta ſati æquo. Tu, OPTIME PRINCEPS, & meum Decus Vale. Pariſiis, Kal. Iul. M. DC. XLIV.

E I D E M.

**I**teffisse Albaniam te per hocce ætus,  
quos maximos experimur, mirè delectat.  
Quippe & is locus videtur, esse amenus præ  
ceteris; & aliunde eo situ est, vnde momento  
vales, quòd vocare te præferim negotia pos-  
sunt, conuolare. Id sanè est nuper à te probatum  
felicissime, cum Massiliæ vix prius fuit seditio  
succensa, quam abste extincta. An-non verò  
cum eò potueris tempestiua adedè diligentia  
currere, commeministi Corij, in quo locum  
deligere qui totum æquæ prælium vult debet?  
Quid heic quodque rerum turbare operarij  
quidam attentauerint perduxisse iam ad te  
fama potest. Id tanti fortassis non fuisse, sed Aulæ  
nihilominus redeundi in Vrbem occasionem  
fecit. Ferunt enim inde non discessuram ad vs-  
que Graulingum captam. Eius porro vrbis ob-  
lidio felici pede semper procedit. Tentarunt  
hocce nuperis diebus trecentos quinquaginta  
viros ex reformatæ, vt vocant, militiæ præfe-  
ditos delectos in ipsam Vrbem intrudere, at ij  
incidere in nostrorum Equitum quadragintos  
circa, qui omnes strenuè, obstinateque di-  
micantes interfecerunt, perpaucis exceptis,  
isque manu captis. Ipsi sunt, qui Aurelianen-  
sem certum fecerunt Piccolomineum per-  
quam grauius laborare, & Melosium esse po-  
dagræ corruptum. Exerцитum imparem esse, qui  
munimenta nostra adoriatur; ac videri esse ali-  
quid ab ipsis quæsumme timendum. Hollandi ni-  
hil aliud, quàm mouerunt castra, quæ & metati  
sūt Adegemij loco Brugis milliariibus horariis  
tribus distante. Rediit Engenius ad fluuia  
Mosæ, postquam parte exercitus in Luxem-

burgum penetrante, Beki copias sic euocauit, vt parte alia interim traiectionem fecerit tutam, adducenti copias ex Leodiensi tractu Marcino. Aiunt Lotharingum mouisse cum suis Luceburgum versus, & fama tamen semper est ipsi nobiscum conuenire. Turennius obseruat semper Bauaros, Rhenum vt minantur, breui traiecturos. Transyluani exercitus præcellit semper Imperatori. Lentè admodum incedit Galafus. Torstenfonus cogit, moxque educturus in aciem exercitum est. Nullum adhuc Nauale prælium in Balthico mari commissum. Commisere Sueci Franco-furtum aliâque Vrbeis ad Oderam Marchioni Brandemburgico, qui & iam se ipsis penitus addixit. Sunt semper res Angli afflictissimæ: nam cætera inter, Principem Rupertum memorant à Scotis fugatum. Lusitani ex Castellanis insignem tulere victoriam, sed tu illam iam, vt opinor, nôsti. Vale, **PRINCIPVM OPTIME, Præsidium, & Decus meum dulce, Parisiis, postid. Non. Iul. M. dc. xlii.**

E I D E M.

**Q**uam dignatus es ad me mittere Exercitium tunc tuis cum literis accepi. Acceptissima verò mihi fuit, & quòd tua, & quòd ingenium, quantum est tuum, redolens. Quòd postulat verò vt pro meo candore quid de ea sentiam, edisseram, faciam sanè, nec tamen dicam, quòd de Henrici Engolismensis Propatui tui carminibus dixisse Malherbium subiungis. Scilicet ista, quæ à Viris tui fortis proficiscitur, pretiosissima habeo; neque exigenda ad eam limam duco, quia probari solent virorum vmbaticorum lucubrationes. Res est adeò rara, Virum Principem se habere dignum, qui partem sui nobiliorem, Animum nempe, excolat, natalibusq; congruum exhibeat, vt qui se supra ceterorum veluti turbam euehant, sint commendandi maxime; & quos edunt partusingeni, sint quouis aut pretiosiores. Quippe, vt interdum non vacat, ita & plerumque non decet fetus lambendo se expolire, vt scrupulositate magis, quàm fecunditate reseretur; satiq; est, si qua erumpunt felicitate ingenij, exemplum fiant, quo & alij animari Principes possint, & priuatos suppideat, nisi studiòse emulentur. Memini rem ad te scripsisse de generosissimi Regis Caroli X. Aui tui carminibus, quo censuisset paratione suppressenda Malherbii, & magnus tamen viri Ronfardus gloriofus habuit carminibus suis, vt nobiles gemmas inferre posse. Itaque huiusmodi censu lucubrationum tuam habeo, in qua vtcunque aliquid posset, si ab otioso, literatòq; proditiisset, desiderari nemo tamen non fit abs te, ac inter tot præsertim curas, occupationesq; profectam vnicè exosculaturus, & quoniam haud dubiè requires, quid desiderari posse iudicem, insinuabo ecce scotism in scheda, schemate putà appositò, ex quo ipse retexere tua illa cogitata possis. Id nempe tale non contexam, in quo alia membra, aliàsque rationes quàm à te allatas exhibeam, aut aliquid etiam, quòd videri possit superuacaneum reseceam; videre

quippe non tuam opellam ad Analysin reuocare, sed synthetin quandam meæ facere; verum id conficiam, in quo eadem omnia, ac sola, quæ tibi venerunt in mentem, quasi digerantur. Faciam verò, quo simul iunnam, seu (quia bene id voles moncam) vt cum deinceps simile quodpiam aggredieris opusculum, attentè spectes argumentum, quod tibi proposueris, & perspectâ eius naturâ duas, treis, aut plureis eius parteis statuas, & si opus fuerit earum vnâquamque diuidas, ac subdiuidas, referâsque omnes in schematis speciem; scilicet inde fiet primum, vt nullam partem, quæ videri possit necessaria, prætereas; deinde, vt nullam præposterè colloques; sed quo esse idoneo maximè loco possit constitui; tum, vt quid congruat ad cuiusque aut confirmationem, aut illustrationem, & excogites, & dicas distinctè. Ad-hæc, vt neque quid perturbes, neque alienum quid inseras, neque idem bis memores, neque, vt breui faciam, aliquid in toto contextu superflui, aut desiti. Sanè vbi rem pertentaris, aliquotiesque perfeceris; mirum dictu est, quanta copia te affluere sis obseruaturus; quando præter spem, tantum aberit, vt labores penuriâ, quin potius labor futurus sit in habendo eorum delectu, quæ numerosissima occurrent, Mirum, quàm proinde breui tempore id sis præstiturus, & omnibus quidem absolutum numeris; quod aliàs non-nisi prolixo spatio, ac semper deficere quidpiam suspicaris, exsequeris. Mirum denique, quàm sis facile peruisurus, agnitusque aliorum ne scripta, concionâsque se probè habeant, & possent ne res aut conscribi, aut dici appositè magis. Verum ipse interea modum excedo; neque satis caueo, ne Sus, quod dicitur, *Minervam*. Tu id, quidquid est, pro tuo illo in me amore consule, & bene semper, ô & Præsidium & dulce Decus meum, Vale. Parisiis, Eid. Iul. M. DC. XLIV.

*Remitto ecce autographum Exercitationis, re-  
rento exemplo. Rerum nouarum nihil scribo, tum  
ne te nimium onerem, tum quia ad Campitulum  
omnia iam perscripsi. Vale iterum.*

### E I D E M.

**Q**UOTIEN PRINCEPS, nihil est opus insinuatione, vt litetis meis resticem memoriam tuâ illius aded insignis, incomparabilisque iacturæ. Scilicet illa animi tui celsitudo, atque constantia mihi aded perspecta est, vt nullus hæream, quin sis ad id generosissimè comparatus. Ac fieri profectò non potest, quin tam grauis casus te commouerit, ipsèque inhumanus sim, si excipite illum te absque acerbo luctu debuissè contendam. Sed par est nihilominus de tua virtute augurari, vt modum consentaneum dolori adhibueris, ac tempore breui id euiceris, quod ipse è vulgo animæ prolixo demùm consequuntur. Quippe ea quidem non est imbecillitatis humanæ conditio, vt abdicare omnem molestiam, & si quæ præsertim ex naturæ sensu (qualis tuæ est orbitatis) profecta sit, possit; cum & ipse naturæ Author ptopensionem

istam in liberos tantam esse nequicquam noluerit: at non est, tamen ipsum quoque diuinum munus Sapientiæ frustra, vt non plurimum vehementium perturbationum temperet, vt non maximopere omnem acerbicatem leniat; vt non placidissimè animum ad Authoris naturæ decreta componat. Fælix es proinde, DECVS PRINCEPV M, cui Deus mores ex hoc metallo, præcordia ex hoc luto finxit. Quamobrem age, ipse te quoque dignum fingere Deo perge, dum cogitas effectum quidem præter naturæ ordinem, vt à quo esseri debebas, dulcissimum silium præmatura hac abreptum morte extuleris; at non contigisse tamen præter institutum æternæ Prouidentia, citra quam ne capillus quidem cadere ex capite potest. Videor certè mihi te identidem illud repetentem audire, *Dominum dedit, Dominum abstulit, sit nomen eius benedictum*. Videlicet in eo es, ne esse videare malæ fidei, quasi inuitus reddens id, quod commodatò solum habueris; ne grati parum animi, quasi nihili reputans tantum pignoris vltimam concessam. An-non verò etiam lucro deputas, exercitationem constantia, qua ille rerum Arbitrè probandum te, Aquilæ instar, non degenerem censuit; dum oculos tuos in illam corpusculi conficiationem tam molestam, tamque diuturnam inconfluenter defixos voluit? An-non vertis quoque summæ indulgentiæ quoddam te orbaturus carissimo puellulo, animum tuum sic præpararit, vt rem expedire & tui, & illius gratiâ fuerit consentiendum? Quod superest autem, an-non tibi satis perspectæ res humanæ sunt; vt nôris quam dicunt *Fortunam*, (sed nos *Prouidentia* partem facimus) ita in ipsis ludere, vt inaneis cutas proculeet, ludibriôque habeat? Cum sanè te illa orbitatis importunissima cogitatio sæpius haud-dubie subeat, vix hæreo quin ipsi opponas illud ex Sacro Oraculo, *Nonis Deus cogitationes hominum, quoniam vana sunt*. Nempe ij ferè sunt homines, qui generi, litipi-ve suæ æternitatem desint; ignari Deum consilia hæc euertere; pessundareque. Heine, cum ipse quoque interdum potueris hac cogitatione mentem pascere, ac tanto quidem æquius, quantò in tuo illo Ascaniolo spes inclinata recubuit propagandi superstitis ex Stemmata Regio rami singularis, ea tamen dubio procul fuit animi tui moderatio, vt te non lactâris inani hac spe, qua homines vulgò sibi somnia fingunt. Nisi nos verò Historiæ mouent intercidisse familias omnes prole olim beatissimas, nullâque illarum vestigia iam-pridem agnoscere. Nulla vnquam diuturnior fuit *Capetana* hac gloriosissima, cuius tu quoque scirculus es, at quàm pauci, quæso, ex tam numerosis supersunt iam rami? Ipsos ego æternos voueo; at quis tamen inret eadem illos fata, quæ & cæteros non breui manere? Fac verò esse superaturos non vnum, non duo, sed decem, & plura adhuc scacula? Quid demum, quæso, id totum est, si cum totius temporis longinquitate comparatur? An-non dices guttulam aquæ collatam ad Oceanum, ac etiam cum Simonide, ne punctulum quidem æternitatis minutulum esse?

Vt



Vt pridem certè euanuere tot illæ stirpium series, ex quibus contextæ fuere Dynastiæ Ægyptiorum, Assyriorum, Persarum, cæterarumque Nationum omnium; ita profectò spes non est, vt quæ nunc in honore sunt temporis progressu non attingant metam. Et, putas, si homines fortè aliqui meminerint nostri post vnum aut duo, tria-ve, aut quatuor annorum millia, memoraturus etiam post decem, post viginti, post plura si Mundus quidem durauerit? ô quàm alta tandem obliuio & nos, & res nostras inuoluet! quàm altum silentium hos strepitus omnes, quibus iam per totam Europam obscurdescimus, obruet! Tempus veniet, ne dubita, cum Grauelingane, & Ilerda exstiterint vniquam ignorabitur; cum nescietur Hispani-ne & Galli, quales nos iam sumus, spiritum vitalem vnquam duxerint; cum istæ Suecorum in Germaniam, & Transiluanorum in Hungariam irruptiones reticebuntur; cum perinde erit & Regi, & Patramento Angliæ, vt vicisse, seu succubuisse, tanquam profunda caligine nostram hanc lucem expiciente. Nimirum quæ hucusque fuit rerum omnium vicissitudo vices agere suas perget, & ex Regnis Respublicas, ex Rebuspublicis Regna, & Anarchias faciet. Quippe incessanter commiscens Imperia; sineis Provinciarum, ditionumque turbans; his addens, illis adimens; quasdam dispescens, quasdam confocians; omnia suisque, deque sic constituens, vt si quempiam nostrum singas reducem, non sit amplius rerum faciem agnitus, ac tantò magis, quantò ex eadem vicissitudine rerum est, vt interdum literæ vigeant, interdum barbaries sic obtineat, vt præteritorum omnium memoria penitus deleatur. Ne memorem vetusta omnia recentibus semper ita cedere, vt semper quæ sunt omnium vetustissima, obsolescant. Ist hæc verissima cum sint, facili tamen non capimus, quæ capere etiam penè auersamus; excecati nempe vano gloriæ studio, quo nomen nostrum propagare, transferreque in vniuersam posteritatem satagimus, ac sæculis paucis nos consequuturis æternitatem ipsam metientes, exhorremus cogitationem in Chaos illud desigere, in quo omni luce sumus carituri. Quorsum hæc verò, OPTIME PRINCIPES, certè, vt vel monente me, tametsi haud-dubie id facis, attendas, temetque solueris hoc Dilemmate, aut *Mundus breui desinet*, aut *immemsis adhuc sæculis durabit*; ac si breui quidem desiturus sit, cur me discruciet orbitas, quem aliquin Nepotum series post tempus non longum fuerit defecitura; cui ad æternam vocato gloriam, perinde prorsus futurum sit, floruisse posteros, aut cauisse. Sin longissime sit perduraturus, cur me adhuc sanguine longo non censeris discrucier, cum fuerint aliquin & nati natorum, & nati ex illis ferius, ocyus agmen clausuri; cum densa nocte conuelante, & mea, & omnium posterorum, interfuturum nihil sit, quispiam-ne rauium duxerit ex me, millesimum, an nullum. Enim-verò, cum fieri nequeat (aut difficillimum certè sit) vt hominem planè exuamus, hoc est præstemus, ne aliquæ gloriæ cupiditas

*Gassendi Epistola.*

nos tangat; cumque suauè proinde sit per ora virum, tam dum sumus superstitēs, quàm paucis illis sæculis de quibus dixi, volitare nostri vt famam extendere opus sit solius virtutis. Non Alexander certè, nec Cæsar; non Aristoteles, nec Tullius hanc, qua vigent gloriam à liberis habent; sed ab iis quibus incubere illustribus factis, scriptisque. Est in te vtrumque, PRINCIPES OPTIME, qui & scribenda facere, & scribere facienda potes. Intetim verò est iam ad manum, vt patem testatus animi magnitudinem cum celebris illis viris Anaxagora, Pericle, Xenophonte, Antigono, Paullo, Puluillo, & cæteris, qui libeorum mortem, atque orbitatem constantissimè pertulerunt, parem cum ipsis gloriam, nominisque splendorem merearis. Itaque, postquam meditatus illud Menandri fueris,

ὅτι οἱ θεοὶ φιλῶσι, ἀποθνήσκαι νῆες,  
Nempe propter illud, *Optimum non nasci,*  
*proximum verò quam-primum mori*: ne, quæso,  
te luctui committe,

Καὶ αὐτὸς ἀπὸ μέρους τοῦ σωτῆρος φησὶ  
Σόλως Ἀἰσώτης, ὅτι γενοῦς ἐν πυρί.

Sicque esto diu superstitēs, ac Vale. Vale, ô  
DECUS PRINCIPVM, ô & meum dulce  
Decus, Vale. Parisiis, xi. Kalendas Sextil.  
M. DC. XLIV.

## E I D E M.

Esit, PRINCIPVM OPTIME, VT  
quàm nuper fui, tam nunc sim prolixus. Habet certè me, donec cogito, pudor nescio quis; quasi opus tot verbis fuerit tuæ illæ Heroicæ, verèque cælesti virtuti. Quippe tyrocinum iam pridem non speculatione nuda perfecisti, sed animatissima etiam, exercitatissimæque constantiâ, qua excepisti hæcenus tam varios fortunæ insultus. Id verò quis præster, nisi animum supra conditionem vulgarem possideat; nisi generosè sese erigens, indeflexèque continens, maioris se faciat, quàm vt patiatur se deprimi, obuiisque passim casibus prosterni? ô fœlicem illum, qui cum Metrodoro possit dicere, *occupauit te, fortuna, atque cepi, omneisque aditus tuos interclusi, vt ad me adspirare non posses?* Sed nempe ij plerumque sumus, vt donec prospera sunt omnia mandemus malæ fortunæ laqueum, dum aduersi quid accidit, nihil possit statim videri deiectus. Te verò non tenet haud-dubie imbecillitas ista tanta, grandiorèque animo es, quàm vt propositi immemor, temet neque habeas, neque ostendas virum. Postquam naturæ id indulisti, quod ipsi negare in manu cordatissimorum non est, haud hæreo, quin te, qua par est, fortitudinem excitaris, & ratione agens, ex te obtrunctis, ne diuturnus te consueget luctus. Et certè cum nihil sit magis non inutile modò, verum etiam noxium; quæ-nam hæc foret Sapientia velle merore opprimi, recularèque attollentis virtutis manum prehendere, emergereque in tranquillum statum? Sed finio, ne modum iterum excedam; memor te ista & melius nosse, & animosius exsequi, quàm vt tibi sit monitore, hortatore-ve vlllo opus:

R. 3. Perge

Perge modò præstare te tua virtute dignum,  
& Vale. Vale, ô DECUS PRINCIPVM,  
Vale ô dulce Decus meum, Parisiis, IV. Kal.  
Sextil. M. DC. XLIV.

## E I D E M.

**M**itto ecce, OPTIME PRINCEPS, quas à nostro Luillierio literas accepi ad te destinatas. Dici non potest, quanta is semper veneratione te prosequatur; quanta quoque optimus Abbas, qui nisi etiam ad te scripsit, tenerritudo affectus fecit, qua veritus est, ne vulnus attingens asperitatem induceret, cui delinientia impar foret. Austerior ego; sed me nimirum, cui est perspectior tua virtus fecit securiorem, ratum aliunde posse te quod officij simul & affectus fuit, merito abs me expectare iure. Nunc verò ut vel animi diuertendi causâ aliud exequar, pauca ecce rerum novarum, quantum quidem habeo comperta, renuncio: vtrumque ipse aliunde plura, vberioraque sis accepturus. Oâiduum iam est, ex quo nostri Grauelingâ potiri sunt, deditioe facta; cum iam & propugnacula occupata, & intra Urbem milites non plures octingentis superstites forent. Speratur Dux Aurelianensis ab expeditione illa breui redux, Mellereo, qui munimenta restituenda curet, relicto, & Gassione, qui aggressuros quidpiam Hollandos adiutur, misso. Spes aliunde est, ut Enguenius collatis cum Turenno copiis Friburgum obsidione soluat; vt fama est (nescio an rata) Odancurium iam soluisse llerdam. Qui Monasterij, Osembrugique Imperatoris ministri sunt, agere de pace ineunda, nisi interstet Danus, recusant. Ferunt Imperatoris copias, dum à Transylvano se recipere, fuisse pessimè ab illo affectas; adduntque ipsum Imperatorem admodum veteri, ne à Turca nihil impetret; imò ne etiam pronocet quæ viginti hominum millia in procinctu esse ad Budam dicuntur. Commissum est Nauale prælium Danum inter & Torstensonum à matutina nona in noctem, Femeram prope Insulam. Hic paullo peius habuit, ille paullo prius cecinit receptui; vterque in eo iam est, vt se comparet pugnae instaurandæ. Perhibent interim Legatos Hollandorum eò peruenisse, cum & aliunde accefferint Konismarkius Bremam, & Galasius Mekelburgum. Res Angli afflictissimæ; Eboracum captum; caesa hominum octo millia. Robertus Princeps in fugam actus; Nouocastrensis, & alij Proceres Hamburgum appulsi. Rex quoque ipse, vt aiunt, excessit, recepitque se in Hiberniam. Regina verò ad nos discedens Brestensem Armoricae portum Parlamentariis nequicquam insequenribus appulsi. Cætera mitto; quoniam hæc nimis. Tu benè Vale. PRINCIPVM DECUS, Parisiis, Non. Sextil. M. DC. XLIV.

## E I D E M.

**V**guratus sanè nequicquam non faeram, te casum longè asperissimum ea excepsisse animi lenitudine, & constantia, quæ virtutem Heroicam, réque dignissimam deceret. Id

enim ecce vel ex tuis agnosci literis est promprum; quando non modò renouare dolorem scribendo auersatus non es, verum es præterea de eo temperando generosè ratiocinatus. Quin-etiam accepi quam anxiam aliunde tibi procurarint rerum sollicitudinem, qui leuamentum debuerant, tum cum literas exarasti: vt tantò magis proinde mirer animum tibi inter tot graues occasiones molestia, constituisse imperturbatum. Perge modò, OPTIME PRINCEPS, erectum semper, infra dùmque aduectus hosce quasi fluctus vndosi maris te gerere; videlicet qui clauum tenens se gnauiter habet, procellis agitantibus gloriâ deinceps, volupratemque æquore pacato, assequitur grandem. Quam Summi Pontificis mortem accepisti, haud-dubie, inaudiuimus ipsi quoque. Compleuit ille quam-proximè tertium annorum septennarium; sed æqua demùm necessitas sortidem insignis, & imos. Par est, vt etiam noueris Ticinum-ne sit, vt aiunt, à nostris obfessum. Fama satis constans heic est, solum esse obsidione Friburgum. Obsedere Hollandi tandem quod Tassium Gandauense vocant; nec defunt, qui iam captum censeant. Terror exinde Flandris ingens; sed, vt opinor, Hispanis maior. Omnia vertunt, quod Munsteri Edes Hispanorum icæ fulmine ingenti arserint incendio. Gassatur Transyluanus liber (copiis nempe Imperatoris nondum resectis) Hungariâ totâ. Procecit Galasius è Mekelburgo in Regionem Holsteniam; sed illi tamen excipiendo sese comparat Torstenfonus. Prælium Nauale inter Suecos, Danosque nondum instauratum. Ferunt Tuillerium ex Dania discessisse in Sueciam. Non excessit Rex Angliæ in Hiberniam. Transiit iam Regina Nauarum, speraturque heic breui adfutura. Reditus Ducis Aurelianensis retardatior non-nihil est, sic expetentibus Hollandis. Tu, ô PRINCIPVM OPTIME, meumque dulce Decus Vale, Parisiis, pridie Eid. Sextil. M. DC. XLIV.

*Quam Exercitatuiculam dignatus fuerat transmittere, typis mandare congruum duxi: feci autem, vel ex eo fine vt priore charactere expressa posset asseruari. Excusâ sunt verò pauca exemplaria, vt sit quasi non edita: si tu ipsam fortis volueris suppressam. Aliquot exemplarum hisce accipies, simulque agnosces vix vnum, alterum-ve fuisse interpositum verbulum, ac speciatim de Penitentia, vt consequi posset, eam esse secundum post naufragium Tabulam; quando ipsa est, de qua dici id solet. Tu quidquid id est, boni consule, affecluique tribue, vt soles, sincero. Vale iterum.*

*Nobilissima, ac eruditione, virtutique omnigena ornatissima Virgini,*  
ANNE MARIE SCHVR-  
MANNÆ,

PETRVS GASSENDVS S.

**D**Eninxit me nimirum optimus Duchenius exempla donans, Dissertationis, quam tu, ô rarum Sæculi, ô incomparabile Sæxus tui Decus, instituisti annis superioribus de

non incongruo Virginibus bonarum literarum studio. Nam hæcenus quidem inaudieram, demitatusque fuetam Virginem esse Ultraiecti, quæ penicillo, cælo, radio, acu provocare artifices quosque expertissimos posset; quæ præter linguas hæcæ vulgares, etiam Latinam, Græcam, Hebræam, Arabicam, eorumque lepores eximie calleret; quæ ad coronamentum ingenuarum Artium adhiberet rerum etiam Diuinarum, etiam Humanarum, etiam Naturalium singulare studium; quæ nihil denique non assequeretur subtilitate ingenij, nihil otis facundia non exprimeret, nihil manus industria non imitaretur. At me stupor iam occupat, cum ex paginis hæcæ paucis, ut ex vestigio Herculei, aut ex vngue Leonem, sic perspicere mihi videor, & maturitatem iudicij, & modestiam animi tantam, quanta esse potest in specimine commendatissimæ virtutis. O, quam te proinde, VIRGO, memorem! nam esse quidem feminæ possunt, quæ & verbotum elegantia, & sententiarum pondere animi sui admirationem pariant; ac licet semper interuideri sue loquantur, sue scribant, nescio quid non spontanei, affectatique studij, nescio quid gloriolæ inanitis, leuitatisque ingenitæ: in hocce verò opusculo, inque subiuncta ad Vitum illum eximium Responsacula, is mihi videtur candoris, ingenique simplicitatis fuisse expressus abs te character, ut nemo legens non internoscat eminere æquè in te & meditatissimam peritiam, & compositissimos mores. Ad me quod spectat: non alium puto esse genium Sapientiarum, quo beati homines possint; unde & te scilicet habeo, quæ talem nacta fueris, qualem vix perfectissimi Philosophorum sunt assequuti. Neque verò ego is sum, qui isthæc legenda obicerem tibi, nisi te eam agnoscerem, quæ ob encomia non gestias, quæ tuas laudes nisi inuita, nisi vultu moderationem, pudoremque testante, non audias; quæ exinde potius occasionem captes & reserendi omnia ad illum, à quo omnis perfectio est, & cauendi, ne quid indignum habita de te opinione agas, explorandique, si quicquam desit ad consummatissimam virtutem. Obicio verò interim, tum quia ille significauit non esse meum nomen tibi inaudium, tæque eo me habere loco, quem meritis sanè non sum; tum quia, cum nostrum hocce æunum te in exemplum extulerit, quo nullum huc-vsq; habetur illustrius; visus sum mihi censeri posse in facilitatem eius inuidus, nisi tuæ virtuti tantæ testimonium hoc redderem, & commendatione mea qualicumque, meoque applausu quasi calculo comprobarem. Quod superest, tu perge modo esse semper similis tui; quando alterius esse non potes, perge reputare tot præclaras doteis, ob quas efflorescis, ac suspiceris, ex eo maxime semper efflutas, quòd tam sponte, tamque constanter fucatas hæcæ, & caducas aspernata illecebras, delicias veras, perennisque in extolendo animo, hoc est parte tui diuina, immortalique posueris. De me

verò sic, quæso habe, neminem esse, foreve inquam, qui esse possit obseruantior, venerantiórque tuæ virtutis. Vale. Scribebam Parisiis, Eid. Sextil. M. D. C. XLIV.

LVDOVICO VALESIO, Principi Optimo,

PETRVS GASSENDVS  
Epoëseu.

**A**Gnouit ex literis optimi Campinij esse te Massilia, ac bene valere, Deum immortalē! quanto gaudio! nimiquam enim metueram, ne ad tempestatis intemperiem accedentes tot, tamque graues ægritudinis occasiones valetudini detrimento forent. Sed tua nempe est *indignitas*, cui secundum Deum id debes; cum quæ Medici vocitate animi *medicari* solent, ad eò frequentēis, ad eòque grauis corporibus inferant noxas. Rerum nonarum nulla est tibi reminciatio incundior victoria memorabili, quæ Duci Engenio Consobriuo tuo longè generosissimo obtingere sanè gloriosior non potuit. Varias ipsius circumstantias prorsus singulareis aliunde accipies; mihi satis est non tacere eum fuisse ardorem inuicissimi animi, ut nihil quantumlibet arduum insuperabile reputans, & periculis, manifestis licet, sese intrepide obliciens illum Bauatorum profligauit exercitum, qui capto Friburgo, Brisacumque iam cogitans, obstaculo quam-maximo paci ineunda videbatur. Scilicet ratus Imperator fore, ut ipsius, Hasfeldianque interuentus, res suas ad Rhenum restitueret, & ciuitates liberaret, Proceresque Germaniæ eo semper metu contineret, quo non auderent ad Comititia Monasteriensia accedere; vtque aliunde missis in Daniam auxiliariis copiis, Suecorum vireis frangeret, totamque proinde Germaniam suam sub ingum mitteret; id eò visus est huc-vsq; nihil minus, quam pacis studium cordi habere. Nunc verò tui exercitus victor irrumpat in Banariam, illicque hiberna in statione sit, tum instante periculo ne Germanicæ libertatis illucescente sidere Vrbes, Principesque animos resumant, tum metu irruento, ne copiis quibus Bauarus defensetur, reuocatis è Dania, res illic, Oratore Regio intercedente, componantur, Suecique denuò irruant, ac Imperij res pessum eant; videtur esse, cur Imperator seriò de pace sit cogitaturus. Quanquam meum sanè non est calculum mittere in hanc messem. Quod superest, ferunt Galasum, Torstensonumque non amplius quam vnus diei itinere mutuo abesse; speraturque fore, ut breui Dauos inter, Suecosque quæ terra, quæ mari prælium committatur. Vrgent semper Hollandi Thasum, Hispanique, metati licet proximè castra, nihil tamen mouent. Rumor est egisse Brugeses, Gandenses ac totam viciniam de redimenda pensuonculis agrorum suorum libertate. Dimisit Gassio quam Varensem arcem, Abbatianque ceperat, difficultate communiendi.

R. 4 Illo



Illo relicto, rediit in Urbem Mellereus à diebus quinque, ipsèque Dux Aurelianensis accessurus quoque dicitur post triduum. Aduentura hodie Carinanea est; Regina verò Angliæ, nisi post mensem non expectatur, quod sit diuersura ad Aquas Borbonias. Rex eius Coniunx in magna semper rerum perturbatione est; & quia suspendi nescio quos Parlamento fauenteis iussit, scribunt strangulandos hac hebdomade Cantuariensem Archiepiscopum, aliisque quosdam Regiarum partium. Enim-verò non-ne hæc nimis? Tu, ô PRINCIPVM, OPTIME, ac meum dulce Decus, Vale. Parisiis, XIV. Kal. Septemb. M. DC. XLIV.

## E I D E M.

**R**astina luce, Deo propitio, mittam ad Luillerium nostrum literas, quibus beate es illum dignatus. Quas hodie ex eo habui, significant ipsum Medio matricibus reducem; còd scilicet cum cæteris sui ordinis Oratoribus salutaturus iter aduentatam primum Schombergium Pro-Regem. Speraram quidpiam de Enguenij Instituto perscriberet, nam ex quo Enguenius discessit Friburgo, curamque ipsum ad dedicationem cogendi Erlaco commisit, fama est susceptam ab eo magni momenti expeditionem, verum ea de re perspectum nihil habuit. Ferunt quatuor hominum millia mitti in Alsatiam ex copiis, quæ sunt relicte ad Graulingum (rediit nempe Aurelianensis in Urbem ante quatuor dies) sed nescio tamen verum-ne sit, quando accipio Melosium destinasse quoddam ad Picolomineum aliquid à nostris metuentem. Dum ipse interim Melosius nihil aduersum Hollandos tentat, vrgete illi pergunt Tasium acriter, vt aiunt, obliuctans. Classes Succorum Danorumque non cõflicere iteratò; tametsi in procinctu sint, neque pedestres Danorum copiarum Galaso adhuc accessere. Habetis statua proximè Torstensonum; quanquam pugnaturus fortassis non est; ac præsertim si verum sit euocari ipsum in Hungariam, quòd Imperator alias copias, quas obicere Transylvano possit, non habeat. Dicuntur interea qui Munsteri sunt Imperatorij Ministri oblatas à nostris agendi de Pace, seu voce, seu scripto, seu Oratorum Venetorum interuentu, conditiones respuisse. Afflictissimus semper Anglus, maximè ex quo detecta aduersus Essexium machinatio est; nempe Duces quidam militiæ præcipui si ventum fuisset in prælium, tradituri illum ipsi Regi erant. Quod perscriptum fuerat de Archi-Episcopo Cantuariensi, & aliis tatum haberi iam non comperio. Vtuncque sit, Tu benè Vale, DECVS PRINCIPVM, Decus meum dulce. Parisiis, VII. Kal. Septemb. M. DC. XLIV.

## E I D E M.

**A**tor, cum mandari typis, procuraui tuam lucubratiunculam, fecisse me rem tibi non ingratam. Non hæreo verò, quin à viris quibuscum illam communicasti, & à no-

stro præsertim Sene optimo plausum tuleris; ij quippe non possunt non eadem in illa quæ ego ad te initio scripsi, suspexisse. Suscepit sanè etiam Neureus; ita enim Tolone scribens citra vllum vestigium adulationis significauit. Fiet aliàs Deo propitio suspiciendi occasio plenior, cum aliorum Opusculorum fieri copiam volueris. De rebus Aulæ nihil scribo, quòd ex aliorum literis eas cognoscere melius possis. De exoticis ista pauca. Dum exercitus Bauarorum reparatur ad Neccarum, Hasfeldiisque in Belgium destinatus, eò reuocatur, Enguenius interea cum Turenno secundum Rhenum properat, obfessurus, vt fama est, & occupaturus, vt speratur, Philippoburgum. Tasium sic semper oppugnatur, vt expugnandum breui sit, vtuncque magna castrorum pars senserit factam inundationem. In eo feruntur esse Hollandi, vt quia Legatis in Daniam missis abundè satisfactum non est, statuant Nauales copias, quas in mari Balthico habent, Suecicis in mare digressis adiungi. Accessere iam ad Galasum terrestres Dani copiarum, ac fore speratur, vt breui inter ipsum, Torstensonumque res decernatur, Konismarkius interea iudicibus armis pergit properè, vt cum Transilvano in Morauiam irrupturo conferat viris. Confirmari iam audio, quod penultimis literis scripseram de Parlamentariis Regis Angliæ iussu suspensis, deque Cantuariensi Archiepiscopo Talionis poenam iure metuente. Decretæ heic fuisse diebus proximis quæ necessariae impense sunt Vattenli arcis communiendæ, quando non illam Gasso, quod percrebuit, dimiserat; sed distulerat communiendi curam. Scripsit Campinius optimus soluisse Brezeum Tolone Taraconem versus; vtinam illerdæ iactura cum Urbis illius occupatione compensetur. Vale, PRINCIPVM OPTIME, Præsidium, ac Decus meum dulce, postrid, Kal. Septemb. M. DC. XLIV.

## E I D E M.

**A**ud iniuria sanè tuo metuis Enguenio; scilicet periculum est, ne generosus adeò cum sit, periculis se plus æquo obiciat. Quid facias tamen? Id in eum quadrat, quod nôsti dictum de Cæsare, nescia est virtus stare loco, solus est pudor non viuere; natis quocumque vocet meus acer, ac indomitus manum ferre, ferro nunquam parcere, successus vrgerè, instare, quidquid obster, impellere; fecisse ruinam viam, gaudere. Inaudiisti nuper quid apud Friburgum accipies quam-primùm vt in expugnando Philippoburgo se gesserit. Seruet ipsum modò incolumem Deus. Ominatus fueram fore, vt si ille, exturbatus hostibus, in Bauariam irrumperet, tum Galasus è Dania in Germaniam reuocaretur. Nunc nescio, an extimescente, Imperatorèmq; implorante Bauaro, an Imperatore ipso præsentiente, ac metuente Palatinatui, arcique famosissimæ; an aliunde contigerit; sed ferunt Galasum reuocatum fuisse. Addunt verò Torstensonum, se ex interceptis literis perspectà, illam ita preoccupasse, vt coactum confliget planè pro-

sumque

sumque profligârît, & in Germaniam, Daniâ dimissa, victorica arma conuerterit. Id, si verum sit (neque enim res habetur adhuc satis constans) Imperatoris res agit, tempusque est sanè vt cogitet Pacem. Bauaro iam exercitum Hasfeldianum concesserat; sed erit profectò cur aliò diuertat. Enguenius interea poterit securus, Deo benè propitio Philoppopolis, ac perget toti illi Regioni terrorè creare oppidò ingentem. Fetunt Spirenses expulsi, quod à Lotharingo habebant præsidium; & ab Enguenio obtinuissè. Nescias quid interea consilij capturus Lotharingus sit; aded erunt illi deinceps pinguia statua parum tuta. Mitto non esse propterea Danos liberos à Suecorum metu. Nam præter relicta non-nulla à Torstensono præsidia, præterque Horni exercitum; superest semper ipsorum Classis, & iam quidem propter adiunctam Hollandicam, formidabilior. Hæret Konismarkius in Saxonia, Torgauum vehementer vrgens, dum Transiluanus præstolatur in Hungaria exercitum ab Imperatore iam iam instauratum. Scribunt Tassij obsidionem prosperè semper succedere, ac proximis diebus dedicationem fore. Ruunt semper in peius res Angli, Parlamentumque suspensio demum multauit Viros nobiles, tamen si hæctenus pepercit Archiepiscopo Cantuariensi. Vale, **PRINCIPVM OPTIME**, Præsidium, & Decus meum dulce. Parisiis, v. Eid. Septemb. M. DC. XLIV.

## E I D E M.

**R**it profectò, cur lætetur expugnatum esse ante dies sex ab Enguenio Philoppoburgum. Scilicet, cum maxima sint quæ merito ex cõsperantur, nescio tamen speratine facinus illustrius, gloriosiusque possit. Quippe dimidio vix amplius mensis potius est arce, quam Suecus, fulmen illud belli, vix anno obtinuit. Cùmque ea iure haberetur Germaniæ propugnaculum, nihilque foret, neque nobis, neque hostibus hac obsidione inperatus; obstupescere omninò par est, & in audendo animum, & in exsequendo diligentiam, & in vrgendo contumaciam, & in potiundo felicitatem. Vtunque sanè alia tam præclare gesta non suppetere, tam egregia spolia relata non forent; aliundè foret, vt saluari Germanicus, Imperatorque, & victor deberet. Enim-vero cum isthac sit futura tibi lætitiæ causa; quanta-nam tamen Deum immortalẽ! molestiæ causa suberit, cum alterius illius tui laudatissimi Consobrii Comitis Turnonij fatum innosceret! Is nempe fuit non iniuriâ habitus tibi carissimus; quando & amantissimus tui, & ea omninò fuit indole, qua esse generosior, atque amabilior non potuit. An-non verò solabitur, quòd licet in flore iuuentæ præreptus, consummata tamen virtutis specimina ediderit; & factis famam extenderit longè deinceps perennaturam. Ac dolendum quidem, cum ipso occidisse illustrem aded, totque sæculorum familiam; sed illi tamen obtingere gloriosius sepulchrum non potuit; cum non

possit ruinis illis, quas inter occubuit, aded fortiter, marmor vllum, aut elegantius, aut durabilius reperiri. Cogita interim, amabo, quàm verè nuper edisseruerim, sollicitos frustra esse homines de serie Nepotum perpetuò longissime-ve producenda; quando vix vlla exstat familia, cuius acta, monumentaque monstrari, quàm huius antiquiora valeant; & tamen cùm superstes iam tot conscriptis aliis foret, ipsa quoque summa heic inuenit fatum. Quid-ni verò? cùm ea sit rerum humanarum conditio, vt ob indefinentis motus isti ascendant, illi excendant, fiatque etiam temporis progressu, vt ex bubulcis Reges fiant, & bubulci ex Regibus? Id autem qui contingeret, nisi aliqui intereiderent, vt alij exorirentur, ac nisi aliqui exorirentur, vt alij intereiderent? Sic versat omnia vicissitudo; & vtunque prospera sors aliquantisper interdum constet, aduersa nihilominus in filiis, Nepotibus-ve seriùs, ocyus suas habet vices. Sed tu hæc omnia melius, qui es iam-pridem omnia attentissimè meditatus. Rerum nouarum quid-nam adiciam; cùm hac Philippopolitana sit ex æquo cum pluribus; imò suo splendore cæteras præstinguat? magni momenti secundum ipsam expugnatio est Tassij, quod ab Hollandis denique ante decem dies occupatum fuit. Non fuit Torstensonum inter, Galasumque commissum prælium; sed pergere ferunt vtrumque, itum in Misenam, illum in Silesiam. Incedit Torstensonus lentius, crediturque, cùm illi se addidere Konismarkius debeat, magnum aliquid ab eo agitari. Aliàs de tuis literis humanissimis, ac te dignis, sunt enim iam ista haud-dubiè plus æquo. Vale, **PRINCIPVM OPTIME**, Præsidium, & Decus meum dulce. Parisiis, xvi. Kal. Octob. M. DC. XLIV.

## E I D E M.

**C**ompertum quoque ex literis optimi Campinij habeo, quod de tuis laboribus cum ipso communibus scribis. Vtinam finem det breui Deus, vt quiete frui quietissima, qualem mereris tandem possis. Spes forte non est, vt ille in frugem se recipere aut velit, aut valeat, qui mali causa, præter speim præterque decorum istheic superuenit; sed vertet omnia Deus in melius, neque aspirante eius numine ibunt res Aula ita turbatarum, vt seditiosi vount, iactantque. Nempe, quod nouentum est visum posse lancem deprimere, successu rerum sic temperatur, vt appareant deinceps omnia in æquilibrio constituta. Quam Tatraconis expugnationem asseuerari heic audio, certa-ne sit, tu melius nosti; de Santyaca res est dudum nota. Quando-cunque illa continget (nam saltem habetur indubiè futura) Odancurius tanto maiore cum fenore demeret gloriam, quantò non defuere, qui probro illi vertetint Illeddam amissam. Enguenius interea, Turrennio dimisso cum millibus Equitum quatuor, & Peditum tribus, Vormatiam in fidem recepit, sparaturque fore, vt Moguntiam quoque, aduersus quam idem Turrennius subinde con-

cessit, recipiat; cum aliunde Bekus Bauari rogatu prædiaria turmâ roborasset Franco-dalum; Enguenius, nescio an Turennius, misso Tubatole, delerint ad vnum octingentos equites, qui deduxerant pedites quadringentos. Temperabunt ista non-nihil gestientem Imperatoris lætitiâ, ob munera quædam à Turca, Moscouitæque mutuo accepta, obque spem conditionum pacis, quas à Transilvano sibi pollicetur. Qui certè Ministri, Legati-ve eius Monasterij sunt non perinde esse à pace alieni, ab audita vsque Bauarorum profligatione perhibentur. Galafus, mutato consilio, Albin traiecit non sine magnis à Torstenfsono incommotis. Restitit verò & Torstenfsonus, ac dum præstolatur Konismarkium, traiecit & ipse; & vix à Galaso dimidium, vt aiunt, est diem. Ita versaturi iam sunt inter Albin & Visurgim, Regione ob Drusum, Varumque famosa, duo insignes exercitus; sed nescias, conficturi-ne, quod imitatus Fabium Galafus restituere rem cogit cunctando. Vale, ô DECVS PRINCIPVM, Vale ô dulce Decus meum. Parisiis, ix. Kal. Octob. M. DC. XLIV.

## E I D E M.

**R**vi versabar, OPTIME PRINCEPS, cum redditæ mihi tuæ literæ amœnum alioquin secessum amenissimum effecerunt. Suscepit illas Præfes Molæus, cuius in villa prope Grobosium senos dies exegimus, & studiosissimus librorum cum sit, sensit se tanto tui exemplo fieri debere studiosiorem. Redux in Urbem electum audio Cardinalem Pamphilium in Pontificem Maximum, ac ab eo assumptum Innocentij decimi nomen. Quo cum applausu Electio fuerit excepta in Aula, mihi incomptum, ipse tu coniectabere. Dolendum prorsus obsidionem Tarraconensem fuisse solutam; sed nempe inde edocemur, quàm verè dictum pridem sit, nihil esse parte ab omni beatum. Aliunde quippe succedunt semper prosperitate prosperrima quæ Enguenius tuus agit consilia. Ecce enim accipio recepisse illum in fidem non modò Moguntiam, de qua spem nuper feceram, sed etiam Cruciniacum, Binghamium, Oppenheimium, aliâque cum arceis, tum vrbeis, quas inter non desunt, qui Landauium numerant; cum alij dicant solum obsessum, Constantiûs perhibent Turennium obsidere Francodalum, arcem scilicet munitissimam, quæ vnica, si expugnetur, esse operæ-premium possit. Nescio verum-ne satis sit quod Electorem Moguntinum implorasse Regis tutelam, narratur; vnum verisimile est, fore, vt si res nobis constent, & Francodalo potiamur ante Hyemem, rerum Germanicarum facies maximoperè commutetur. Bauari nihil adhuc tentarunt; exercitum agrè cogentes, & Land-grauianis potissimum negotiorum facessentibus, ex quibus aiunt etiam quatuor millia ab Heroïna ad Enguenium missa. Ferunt Galasum cum Cæsarianis, superato Albi, tendere in Austriam, & Torstenfsonum cum millibus Equitum quatuordecim illum continuo insectari. Cum ru-

mor sit fuisse pugnatum in Angliâ, dicitur victoria à Rege iterisse; sed circumstantiarum circumfector nihil, & cum scribatur ex Hollandia traiecis inde Palatinum in Angliam, docebit nos dies, traiecerit-ne tanquam concordia arbitrer, quod non-nulli interpretantur, an vt eligatur in Regni Vicarium, quod alij probabilius putant. Vale, OPTIME PRINCIPVM, Vale ô dulce Decus meum. Parisiis, prid. Kalend. Octobr. M. DC. XLIV.

HENRICO BORNIO, *per-cruidito, ac per-amico iuueni,*

PETRVS GASSENDVS S.

**R**Edduntur ecce, Rure dum redeo, literæ tuæ suauissimæ ante dies xii. datæ. Adest verò Martellus noster, dum eas accipio, per-opportunè, vt destinatas ad se habeat, verbulumque simul rescribat. Nempe nihil aliud per tempus licet, quàm rapim tibi significare, literas tuas redditas, ac reddere simul, diceretque paucis plurimam salutem. Aliàs, Deo bene volente, plura: nam etiam quod de Physica Cartesiana me cogitas, nihil esse poreft, quod iam respondeam, cui illam viderem nondum contigit. Quippe nec prostat adhuc venalis, nec Merseus eius Exempli, quod per Veredarium obtinuit, copiam ante discessum fecit. Nescio aliunde, an-non possit videri nimis in vrbanum, & à meo genio nimis alienum, pacatum dissidium vltro renouare, & in librum, qui me speciatim non atineat, inquirere. Vtunque ille iam in me non scriptis, sed verbis insultare fuerit in isto quoque opere, tacitè, vt ais, me subnotaturus. Nimis me interim & tu, & tot alij insignes Viri, quos insinuas, obstringitis, cum me reputare cum dignamini, qui vni commenta retegere possim. Id scilicet affectui tribuo, curtæ rei alioquin conscius, ac non nescius provinciam hanc ad vos longè potius spectare. Quamobrem & tibi, & illi gratias habeo quam-maximas. Tu & tibi habes, & cum iis partire, cumque ipsis Vale. Parisiis, Kal. Octobr. M. DC. XLIV.

LVDOVICO VALESIO, *Principi Optimo,*

PETRVS GASSENDVS  
Εὐσεβίου.

**P**Erstudisti sanè Neuræum, OPTIME PRINCEPS, insigni gaudio, cum illum adeo humaniter, familiaritèrque excipiens, dignatus es quarundam tuarum elucubrationum *ἀποκρίτω* habere. Nempe illarum quasi plenus literas perscripsit ad me, plenus profectò & stuporis, quo tuum ingenium suspicit; & affectus, quo raram tuam bonitatem prosequitur; & lætitiæ, quæ sibi ipsi ob habi-



tam abs te honorem gratulatus, vix temperat; & gratitudinis, quam non-modò coram sed etiam, vt vides, tam procul demonstrat; & obseruantie, qua tot illustribus excellentiæ notis in te veneratur. Id, quod miratur potissimum, tua illa ratiocinia sunt in libros Nicomachios; & sunt ea certè tuo delectu, tuoque studio dignissima; maximèque cum eò spectent, vt in exerendis consimilibus circa Politicos inferuant. Videlicet notiones illæ de Felicitate, de Bono, de Virtutibus, Vitiisque, de Affectibus Animi, quædam velut Principia sunt, ex quibus patet est in publicis rebus administrandis philosophari. Rerum novarum vt quidpiam addam; acceperamus iam Gassione arcem quandam denuò cepisse, & occupasse, profligasseque scilicet mille Equites: ecce autem fama iam est, irruisse illum præterea in stationem hostium insignem, quæ illis mirè exturbatis cum sarcinis tota ipsi cesserit. Expectamus, num ratum fiat, quod proximis diebus percutebit de capta ab Enguenio tuo Vrbe, atque Heidelbergensi; deque incesso in Bauaros, si quæ prouocari in certamen possint. Sunt, qui ferant illum ab expeditione in Aulam breui rediturum; sed nescio, an ea ipsi mens, præsertimque, si cordi sit, vt esse debet, parata tueri. Siquidem aiunt Bauaros, Hasfeldianosque in eo esse, vt cum primùm Bekus, Lotharingusque accesserint, aut Enguenij fortunam silant, aut etiam, quantum dabitur, eò vnde deiecti fuere, restituantur. Incedunt semper Cæsarei, Suecique per Germaniam. In Hungaria autem ferunt Transilvanum, de concordia dum agitur, detrimere nescio quid passum. Discessit Hollandica Classis ex Balthico mari in Germanicum, Danica verò & Succica, quasi conflictura, in alto consistunt. Fuit nuper, vt audio, in Anglia non tam commissum prælium, quam actus in fugam Parlamentarius Equitatus, factusque, armis positus, Peditatus deductio; sic tamen, vt aliqui fuerint Regijs turmis accessiti; cæteri, qui præterierint abire inermes, dimissi. Scribunt Palatinum sic fuisse exceptum à Parlamentariis, vt laudatis coram, atque comprobatis Parlamenti consiliis, decreta ipsi pensio fuerit, qua ille de gatur non indecorè. Vale, OPTIME PRINCIPVM, Vale, ô dulce Decus meum. Parisiis, Non. Octobr. M. DC. XLIV.

## E I D E M.

**P**ater literas, quas datead me IV. Novas dignatus es, accepi etiam alias, quas dederas V. Kalendas. Eæ sunt, quibus adeo constanter de carissimi Capitis Comitum Turonij interitu philosopharis. Hoc verò sanè est animum ita habere comparatum, vt fortunæ, quod ille ait, mandare laqueum liceat. Qui nempe eius lusus nouit, & prouisis casibus variis, quibus solet impetere, animum firmavit, ac apud se statuit fortiter illos qualescumque occurrerint, excipere, is est, quem cubo insidentem Fortuna exagitet frustra. Is est, qui dum volens, fata sequitur, trahi se inuitum ab illis non sinit; dicique adeo potest

inexorabile fatum subiecisse pedibus; quando illud iam, vt quidpiam impendens, horrendumque non extimescit. De gloria, quæ ratiocinatis, eiusmodi profectò sunt, vt dici nihil posse videatur præclarior, cum enim eius appetitus innatus hominibus sit, non tam est conandum, vt eradicetur ex illorum mentibus, quàm opera danda, vt ad ea solum, quæ sunt honesta, conuertatur. Illud scilicet foret attentare rem factu impossibilem, & cui tacitè illi etiam, qui acrius in ipsam inuehi videntur, testimonium dicunt. Istud est rem *à diis* in legitimum dirigere vsum, & de hominum, in qua viuunt societas, bene mereri. Id peregrinum interim est, quod positam omnem in hominum memoria gloriam esse caducam reputas; est enim reuera tempus rerum edax, & quod illius refugit dentibus per aliquot paucas chiliadas annorum, per myriadas certè non effugiet Egregium & illud, quod consequitur, rei saltem studendum esse, qua durabilior nulla sit; quippe nihil est magis secundum naturam, quàm id bonum eligere, quod gradum præcipuum in multis obtineat. Lites posterioribus cætera quidem omnia digna tua sagacitate sunt; sed nihil, vt puto, verosimilius, quam prosperos hosce successus eliminare pacis spem, qui nimirum sunt, Hispanorum mores. Adde verò quæ gesta nuper ad Ilerdam, Tarraconemque; exinde enim obiciunt non recuperandæ modò totius Prouinciæ spem factam, sed & hunc fore quasi gradum, quo euecti, & Lusitanum ex vltimato folio deiiciant; & tot tamque variis in locis amissas arcis recipiant; & in nos demùm, quos sperant semper aut exhanriendos peculio, aut factionibus turbandos, grassentur. Ex iis, quæ nuper scripseram, obestum quidem fuerat Laudanum, quod & fuit degnum expugnatum; at non item verò perinde Francandalia (ita nominat, non Francodolum, qui inde ad me literas Disembergiensis Abbas dedit. Vrgat continenter Galasum Torstenfonus; & cum non parum illi negotij ad Salam fluium fecerit, perhibetur, ipso prope Magdeburgum relicto, in Bauariam cum Equitatu sanè ingenti irrupturus. Transiit per hanc Vrbem diebus proximis rediens in Hispaniam Melosius. Turtius-ne illi forsitan foret in Lusitaniam appellere, quæ manent illum fata monstrabunt. Vale, PRINCIPVM, OPTIME, Præsidium, & Decus meum dulce. Parisiis, prid. Eid. Octobr. M. DC. XLIV.

Subuerentur Concines mei, ne Pedemontana, illa copia hiematum in Prouinciâ redeant; unde & te exorem, instans, vt te miserat Regiuncula quam maior vis miseram fecit. Mibi vel semel id ipsum tibi subinsinuasse abundè est.

Erudito, & Amico Iuueni, ABRAHAMO PRATÆO,

PETRVS GASSENDVS S.

**E**xardescit nimium tuus in me amor, dum quasi satis explicare pro votis affectum non valeas, in laudes erumpis, quibus præ

prægrauer, tanquam meritis longissimè impar. Vnum, quod agnosco in me propensissimam est voluntas, quâ non potui te, ex quo mihi perspecta tua indoles fuit, non amantissimè complecti. Quippe tua ista lenitas morum, & cum eruditione coniuncta modestia fecere te amabilem; candor verò, ardorque ille, quo amari me abs te sensi, insigni fervore pectus animarunt. Magnoperè gaudeo incubuisse te interpretando operi, cui præbere lucem non possis, quin ab eo ipse inclarescas. Præclarum Vallæum mei meminisse sua illa in Epistola humanitatis fuit singularis. Quod rogas autem, vt si quid habeam ad corroborandum sententiam, à qua ille se non stare insinuet, perscribere velim ad te, non est sanè quorum quid à me expectes. Agnoscere scilicet potes me non tam sententiam dixisse, quàm observationem nauasse, & ea quidem mente, vt non propter eâ voluerim quidquam vllam in partem præiudicatum. Hoc inculcare dumtaxat possum, commemorasse probè me, transfadactâ Payani manu per septum cordis spathulâ, obtusiusculo-ve spicillo, animaduersum fuisse cum ab aliis, tum abs me curiosius spectante, nihil dilaceratum, aut effractum fuisse (postquam ille, causantibus nobis, secari iussit septum secundû, & ad vsque spathulam,) sed spathulam fuisse traductâ per fluxuosum quidem, sed vnitissimum tamen, politissimûque, non autem cruentum, vlla-ve ratione discerptum meatum. Cûmque id repetâ, absrum tamen, vt vel autemum simileis meatus in omni corde reperiri, quandoquidem non modò Fluddus (Harueo etiam non inconsulto) scripsit eos non fuisse obseruatos in aliis; & descriptum illum à me esse potuisse ex speciali illius cordis dispositione; sed etiam præclarus Vallæus scripsit in illa Epistola, tales meatus, nisi fiant tentapte manu, non reperiri; vel idcirco statim admittam mero ex casu contigisse, vt illi reperti à Payano fuerint; ac volo rem solum vt nudam, merâque historiam à me recitatam. Rogas rursus, vt si quidquam habeam de meatu Cholidochæ, per quem nosti à me deductum ex stomacho in iecur chylum priusquam detegat lætæ Venæ fuerint, id iam tecum comunicem. Sed nempe nihil habeo, ni si quod inserui in Meditationes meas Physicas, & curâ, quibus iam distineor; otij satis non faciunt, vt id pro votis exscribere transmittereque ad te possim. Cogitani autem aduersaria meâ, si res fortè virgeat Martello nostro committere, vt tum id exscribat (faciet enim volens) tum etiam illud, quod sequitur de Sanguinis circulatione. Videlicet, vt quædam moneo aduersus Venas lætæas, vsum-ve ipsis attributum; ita causas commemoro, ob quas fieri possit, vt quis longè minus illam sanguinis circulationem probet, paucis vt dicam, nihil est quod tibi de me, si modò quid possim, polliceri iure non debeas. Clarissimis Medicis, Sponio Guillemino, & plurimam refero salutem. Tu & bene Vale, & me semper ama. Parisiis, prid. Eid. Octobr. M. DC. XLIV.

*Viro Clarissimo, Sapientissimoque  
IOANNI HEVELIO, Dantiscane  
Reipublicæ Palaepolews Scabino,*

PETRVS GASSENDVS S.

**N**on multum est, ex quo accepi literas tuas suauissimas sub Iunij finem Dantisci datas. Suauissimas dico, tum propter sincerum, quem erga me spirant, affectum, tum propter adiuncta ipsis pignora merito mihi cara habenda. Acepi verò tempore satis, vt cum Bullialdo communicarem, quas Edipseon observationes impertiri dignatus es, tū à te peractas, tum à cæteris magnis illis Viris, vnâ cum datarum ad te literarum exemplo illo, in quo præclarus Linemannus comparationem Meridianorum iuxta obseruatam instituit. Scilicet ille, nondum perductis ad vmbilicum Tabulis, habuit vnde observationes suum in locum inserere, & vestra illa loca plenius cum hisce nostris conferre posset. Mira aliunde læticia, quas Phæson Lunarium Icones vnâ transmissisti sum exosculatus; siquidem non potui non valde mirari, & oculi tui in obseruando perspicaciam, & manus tuæ in penicillo, cœlogue tractando industriad. Nam & cûm sit in te præterea tum affectus ad exsequendum, tum constantia ad insistentium, tum diligentia ad explorandum, sunt in te vno eæ dotes, quæ vix in alio vllò sint vnquam; quæque, nisi concurrant, frustra perfectio operis difficillimi expectetur. Etenim sat noui, quod tu insinuasti, neminem intelligere quanti id sit laboris, posse, nisi manum admonerit, præstareque quidpiam ipsemet tentârè.

Videris porrò titulo cuiuslibet Phæseos apponere tempus debere, quo obseruata fuerit, v. c. Anno 1644. die Aprilis 10. hora 8. meridie, & hora 16. diei 4. à Coniunctione. Quia enim quoties idem tempus à Coniunctione est rediturum, non eadem Phasis futura est, sed vmbre sectio oblique facta promouebit cuspidem Boream, reducet Austrinam; vel promouebit Austrinâ, & reducet Boream; sicque parteis quasdam rectas retegat, & reiectas teget; neque proinde Maculæ eadem apparebunt ampliùs in eodem lucis, vmbreque confinio, quòd aliunde magis, minusve distabit à limbo, provt libratio illa Lunæ magis, minus-ve partem illustrem, visâque è Terra, aut ampliabit, aut contrahet; Idcirco fieri poterit, vt qui Lunam contemplabuntur, & cum Phasis tuis conferent, aut existiment fuisse te quadantenus hallucinatum, aut non adiutentur ad intelligendum librationis tempus, ac periodos, quibus eadem Phases fuerint expectandæ. Quod superest, nemo te meliùs diiudicare valeat, sit-ne, exempli gratiâ, Macula illa, quam *Cassian* nomenitare soleo, tantillûm æquo nigricantior, & debeat-ne pingi eius circumductus paulo laceratior, ac lursum, deorsumque non proinde obtusus? Vniuersè certè videretur mihi à sectionis vmbre, & Macularum saltem maculæcularum

iufcularum limes exhibendus inæquabilior, & que præstari forſan poſſet non prorsus inſoliteſcit, ſi æs non ſcapello, ſed aqua forti excavaretur. Prætereo autem in Phæſibus primorum illorum dierum, videri frequenter, quantum memini, vltra Auſtrinaſcuſpidem, ac in ipſo limbo, duo aut tria quædam lucida puncta non parum diſſita ab ipſa, & à ſe quoque inuicem, quaſi editos vertices vaſtis vallibus interceptos; verum non fuisse illa fortè in iis vmbrae ſectionibus à te exhibitis conſpicua. Quanquam iſthæc ego ſolum attingo, ne cum ipſe petieris, vt ſi quid mihi videretur notatu dignum, ſignificarem, deſiderare poſſis candorem; alioquin enim tu potior iudex, cui ipſe omnia conceſſerim.

Quod de Campanella reſcire peroptas, fabula eſt mera. Ille neque de Teſcopio conſciendo cogitauit vnquam, neque vnqua- rum Caleſtium obſeruandorum ſtudioſus fuit. Circiter id tempus, quo rem inaudiſti, perſcriptum ad nos fuit ex Italia Neapolitanum quendam nomine *Fontanam* adinueniſſe Teſcopium, quod habita catenis omnia vt canalis prolixitate, lentiumque amplitudine, ita obiectorum adauctu, admonitioneque longe ſuperaret. Adſerebatur in exemplum grandefcere per ipſum Lunam, quantum *Platea*, vt vocant, magna Vrbiſ Neapolitæ grandis eſt; itemque Saturnum ovali forma ſic conſpici, vt hinc inde à medio, ac verſus extrema perforatus eſſet, Cælumque & Stellæ præter foramen, viderentur; Martis diſcum talem ſpectari, vt poſſet in vno eius latere mons quidam diſcerni: Iouem non modo Satellites iam notos circumvehere, ſed etiam per ſe quaſi ferre quandam trabem aut ſcælum, cæteraque huiusmodi. Et quia contigit Campellam hiſce de rebus aliquando coram quibuſdam reſum Caleſtium inanibus diſſerere, factum eſt, vt ſeu ipſe ſibi eius Teſcopij inuentionem tribuerit, ſeu alij ex ipſius verbis interpretati ſe fuerint, ſeu ob quaſitum Viro nomen, tem ad illum retulerint, ipſeque non prorsus abauerit; factum eſt, inquam, vt peruulgata exinde fama fuerit de inuento à Campanella huiusmodi Teſcopio, deque rebus ab ipſo viſis, ſed cum imutatione quadam, vt uſurpatæ *Plateæ Regiæ, ſive Pariſinæ*, pro Neapolitana. Neque id modo, ſed & quia ille rogatus de cauſa inſignis æſtus, ſiccitatique, quæ per id tempus neſcio quid de Solis ad Terram accellu protulit in medium; ideo ſeu reuer à enumerauerit (ac fortè quoque ſenſerit) Eccentricitatem Solis valde imminutam ab annis ſuperioribus, Solémque ad eò vltra quadragena leucarum millia Terris admotum, ſeu illi, qui ex eius ore verba exceperunt, ſic acceperint, id ſic elatum in vulgus fuit, vt rerum ignari pro certo habuerint deſcendiſſe admodum verſus Terram Solem, quo vſque frigora ac pluuie annorum conſequentium fidem fecerunt aut remanſiſſe, aut reſtitutum fuiſſe Solem in ſuum locum.

Rogas ſubinde, nouerim-ne, an Teſcopium ex ſphærica, an ex hyperbolica ſectione fuerit præparatum; ſed fateor id mihi eſſe

*Gaſſendi Epistoła.*

incompertum, qui Teſcopium minimè videtur inaudierim, cum uſurpatum Florentiæ fuerit, comprobaffe illeic Viros eruditos inſoluitum nihil ipſo demonſtrari, ſed ea ſolum, quæ videntur per Teſcopia cætera, aliquantò maiora ſimul, diſtinctioraque apparere. Interim autem ſuſpicor ſectionem eſſe ſphæricam; atque idcirco à cæteris magnitudine non ſpecie diſſerre. Nempe quotquot noui induſtrios, ſolerteſque viros hæcenus conatos conſicere vitra Hyperbolicæ operam planè perdidierunt; & qui præcellit cæteris, machinæque nullas non commentus eſt, peraffabreque elaborauit Vir oppidò vt ſanguine, ita animo Nobilis Daniel Auberius Maurerius, eò tandem peruenit, vt agnouerit, ſætereque Cartefium hæc tranſeuntem cogerit, fieri non poſſe, vt exquiſita hyperbolæ forma per compositos quoſlibet motus incidatur, quoniam organum inciſorium ita inæquabiliter agit, vt vna ſui parte in vnâ; alia in octo partibus vtgeatur. Et, quia ſi mihi eſt per-amicus, ideo poſtquam ipſum admonui, quid tua illa & à teiſpo elaborata vitra præſtarent; tum obſtupuit, tum me rogauit exorare te, vt ſignificares alia-ne eſſet, & quam forma, præter ſphæricam, uſurpata. Ego verò recepi quidem me id perſcriptum ad teſ; ſed abiit tamen, vt exigam, ſi vel nimirum fuerit graue; qui ſic alioquin ſum comparatus, vt nihilo ſim minùs obſtrictus futurus, ſi certo fortè conſilio rem nolueris communicatam. Id ſolum audeo mihi de tua beneuolentia polliceri, vt tranſmittere digneris ad me tuorum illorum vitrorum par, quo rem experiri mirabilem liceat. Fixarum nempe deradiationem, diſcūque ſimul maiuſculum quem ipſe habui hæcenus, etiam minorem, quàm Galileus. Si facias, noſtri vitra eſſe tabellulis ligneis probè communienda; & aut ſcæculi literarum forma per veredarium, aut libelli, per mercatorem deſtinanda eſſe ad Bibliopolam *Cramoiſum*, cuius interuentu ea ſim accepturus. Vides quàm agam tecum ſidenter; ſed videlicet, vt peropto agere te mecum, ſi quid fortè ſit, quod ex me, bona mea ſorte, velis. Animos autem addit munus præclarum, quo me beare vltro dignaris, Librum mittens futurum mihi merito iure cariſſimum, & tui cauſæ, & Authoſis, eximij ſcilicet Eichſtadij, quem velim per te ſic reſalutatum, vt intelligat eſſe neminem, à quo maiore cum affectu & veneratione colatur.

Salutat porro Bullialdus quoque pleno peſtore te, & illum, exoptatque, quod ego prior, vt plurimam etiam ſalutem præclaro Linne-manno dicas. Quod ſi Maſſiliæ tribuerit, quam Eclipſeos obſeruacionem ipſe per-egi Aquis-Sextiis, non multum fanè intereſt; quoniam Maſſilia non eſt vel vno minuto horæ integro Aquis-Sextiis occidentalior. Cum nihil inaudiſſem de libris, quos à claris Viris Gaulmino, Gaſſarelloque editos literæ tuæ inſinuauerunt, Authores ipſos quaſij, ſi illos prælo iam commiſſiſſent, pernegauit verò vterque, ac ſolum ſpem aliquam fecit fore vt breui committeret. Quod, ſuperceſt verò prodire nihil noui in re Literaria, quod ſcire te iuuet;

S

exſpecto



expectoque solum, donec memoratæ euulgentur Tabulae, vt ad te transmittam illarum Exemplum. Incidit mihi casu in manus typus quinquē Phaeon Lunarum, quas ante annos 18. quidam Antonius Faber (Vir aliòquin industrius) cælari, excudique curauit. Illas proinde heic adiungam, eo solum fine, vt si libuerit profitearis quantum huc vsque in vera Lunæ representatione aberratum sit; vtunque eò post Galileum non-nulli adhibuerint curam. Adiungam verò etiam schemata delineationis primariæ, quod ego incideri procurarâm, vt partium situ, proportionèque, quanta fieri poruerat, accuratiorè præsignatis, Phases deinde singulæ ad id relatæ cõformarentur. Magnum id compendium, ac nescio, tu-ne præparâris quidpiam simile; quoniam video maculas quasdam, vt duas illas longiusculas, quæ inter Caspiam, ac limbum sunt, non fuisse eodem situ à te in vtraque Phasi notatas. Tu quidquid id est, boni consule, ac eo affectu, quo sincerior esse non possit, traditum habe. Vale. Vir Præclarissime, meque porro amare perge. Parisiis Eid. Octob. M. D. C. XLIV.

*Excidebat quod admones, Stellam, quam ante duos annos & die 2. Septembris obseruaram ad ortum Iouis, distantem ab ipsa diametris eius x1. Fixam fuisse non Mediceam; id deberi sedulitati, qua in Calum intentus es. Nempe id potuisse intelligere ex Observationibus à te crebrius antecederet, consequenterque repetitis, cum me etiam facere cautiorem poruerit dies 7. qua rursus Stellam in eodem propè ad Iouem possum conspexi (distanti scilicet ab eo 10. diametris) quippe cum ea esse poruerit, quæ die 2. distiterat duabus ac semisse dumtaxat. Vale iterum.*

*Admodum Reuerendo, Amplissimoque Viro, D. IOANNI CARAMVELI, Lobkowitzio, Abbati Disembergenensi,*

PETRVS GASSENDVS S.

**A**ccipio ecce literas tuas decimo Septembris Francandaliæ datas, ac doleo simul datas à me, etiam à Mense Iunio, ad te vsque non petuuisse. Destinaram illas ex tuo præscripto Cruciniacum; & vt possent tutius transmitti, credideram ipsas Equiti illustri, qui-cum Langerenus agere per literas solet; pollicito nempe, perscripturum se ad nobilem scæminam, cui Veredariorum Brûxellensium cura, vt studiosè satageret, earum ad te transmittendarum. Feceram satis tuis votis, quantum quidem fuerat in me (qui scilicet Auenionensis, non Parisiensis Theologus sum, vt de alma hac Facultate quantum ipsis alumni nôrim) agrèque iam habeo frustratum te fuisse meo qualicumque officio, ac me idcirco erga te videri posse indiligentem. Et vercor quidem ne literæ (quibuscum fuere aliquæ etiam ab optimo Merfennio datæ penitus interciderint; verum non propterea factum repeto; sed præstare duco paucos hosce

versus exarare, & Langereno commendatos facere, vt si fortè isthuc penetrare valeant, qua de re est vt ambigam, certus reddatis habuisse me tuas vtrâque literas Cruciniaci, & Spiræ datas; ac simul monearis non incongruum fore, si amicum quempiam Bruxellæ, alibi-ve indigites, qui & literas habere à me, & ad te transdere tutò possit. Id sanè vbi præstiteris, ac simul innueris necdum à te fuisse literas meas recuperatas; tum iteratò eadem conscribam, numerum scilicet Authorum, quales expetis, adauctiorem; ac sententiam quoque de laudabili circa oscillationes, diametrosque Planetarum conatu. Vale intercè, & saluus semper ex mediis hisce turbis emerge. Parisiis, Eid. Octobr. M. D. C. XLIV.

LYDOVICO VALESIO, Principi Optimo,

PETRVS GASSENDVS  
Εὐσεβένει.

**P**er-egregiè sanè distinguis inter quietem, & otium, quando comparate te licet cum Gubernatore, qui vt verbis dicam M. Tullij, *clauum tenens sedet in puppi. Non facit ea, qua iuuenes; at multò maiora, & meliora facit.* Vtinam ventus adeò secundus tuum conspiret in regimen, vt feliciter in quem tendis tranquillitatis portum peruenias. Efficiere satis ab aliis de Enguenij reditu certior, Rediit & Parens eius in Aulam, quæ ipsa est per hosce dies tota in procinctu, vt repetat Vrbem. Rumor est non leuis Galasum fuisse tandem à Tortensono ad decernendum prælium compulsum; ac Peditatu profligato, sagittisque Equitibus, machinas belli, sarcinâque penitus omnem amississe. Id si verum sit (quod profectò difficile creditur est, perspecta Galasii sagacitate, & prouidentia, eaque castrorum metatione, quæ fuerat, Sala superato, opportunissimè deleta) actum propemodum de rebus Imperatoris videri potest. Nihil certè potest obesse, quominus Tortensonus pergat securus in Bauariam, eamque vt Daniam depræderet; nescioque an-non Biuatus id fortè præsentens nuncium miserit, qui Regem quæsit de neutrali statu. Is videtur saltem quas habet ad Rhenum, copias enocaturus; quare & reliquus ab Enguenio, Turennius non-modò nihil quæsitis metuet, sed etiam ad aliquid amplius tentandum animabitur. Ferunt cum nuper ita irruisse in Equitatum Francandalianum, qui nescio quorsum prodierat, vt ne nuncius quidem, qui posset factum narrare, fuerit superstes. Gassio aliunde ita excurrit, grassaturque per Flandriam, vt, si Picolomineo nihil animi relictum foret. Nihil ferè minùs laborant Dani ob Succos relictos cum Vrangelo, quam dum totus Exercitus cum Tortensono impenderet. Excitata recens in Scotia sunt turbae aduersus ordinem Nobilium, qui à Rege constiterant; Rexque interim non neglecta prospeti successus, de quo nuper scitiphi, occasione,

caſione, obſidet Plinuthum. Eo ſi potiatur, magna fiet ad vires ipſius acceſſio, iam enim ſalem poterit maris dominium controuerti. De Catalonia quod memorat, reſcite ipſe præclarus potes. Vale PRINCIPVM OPTIME, Præſidium, & Decus meum dulce. Pariſiſ, xii. Kalend. Nouemb. M. DC. xlii.

## E I D E M.

**Q**uod dignatus es optimi Merſenni ad te appulſum ſignificare, mihi oppidò quàm iucundum fuit. Facile nempe intellexi quantà tu læticia perſuſus, Virum exceperis, tam bonum, tam doctum, tam tu obſervantem; quantà ille quoque Principem conuenit, tam humanum, tam eruditum, tam & cognofcentem, & amantem ſui. Animo iam conceperam fore, vt Maſſiliam ſub tempus Comitiotorum concederes; quoniam tametſi non ignorabam eſſe in re, vt mero nutu, ac ſine Comitiſ Conſules creares; augurabar tamen te ea bonitate autoritate temperaturum, vt ſi modò Clues meliora ſuadenti morem gerent, patereris vltro rem geri pro more. Non nequiquam interim notas vix fuiſſe olim Purpuratam Romæ ambitu maiore petitam, quàm expetatur iam in Vrbe, quæ illi Orbis capiti fœdere iuncta fuerit; quippe homines & vbiuſ gentium, & omni æuo homines ſunt; & cùm varia ſint, quæ in ipſis pro variis conditionibus paſſiones efficiunt, ipſæ tamen interim paſſiones eædem, pares-ve in omnibus ſunt; cùm neque Rex, amiſſâ Provinciâ turbetur magis, quàm ruſticus amiſſo prædiolo; neque maior in illo ſit iræ vehementia, dum indicit bellum, quàm iſti dum intendit lirem. Et habes certè ipſe iam in Provinciæ exempla multa, ex quibus ſit promptum intelligere ſuum cuique Oppidum Romæ eſſe; neminèque eorum, qui primas in vnoquoque ambiunt, ſecus eſſe quàm Maſium, aut Sullam, animo affectum. Rerum nouarum vt quid atroxamiſerunt Turennum Philippoburgo diſceſſiſſe Spiram, VVormatiam, Oppenheimum, & Francandaliæ imminere. Interim autem Bauari recepere Manhemium, ac præſidium interfecerunt trecentorum militum; ipſeque Roſa agrè euasit, traiecitque lembo cis Rhenum. Faſum conſtat fuiſſe rumorem, qui tantopere peterebuerat de Cæſarianis proſtigatis. Ij conſtant ſemper ad Berneburgum, præſtolanturque Saxones, qui vbi ſemel acceſſerint, perhibent prælium à Galaſo detrectatum non ampliùs iri. Quamquam ſerunt etiam Torſelſonum ſic collocaſſe copias, vt neque Saxones quin priùs dimicent, accedere poſſint; neque Cæſariani, qui priùs certamen incant, diſcedere. Res ſemper Danos inter, & Suecos verſantur in accipiti, ſpèsque eſt non leuiſ, vt Tuillerio intercedente, componantur. Id memoratu interim dignum, conſtare ſemper Regem illius virtute, & canis venerabilem, infraſto prorsus animo; ac adeſſe coram exercitui aduerſus Hornium comparato; inque eo eſſe videri, vt oſtendat quàm glorioſum

*Gaſſendi Epistoła.*

ſit Imperatorem ſtante mori. Anglum victoriâ illâ ſuâ indiligenter vſum ſcribunt. Addunt Valle rum ipſi inſtare, Eſſexium reparare vires, Nouocaſtri expugnationem paucos intra dies ſpetari; cæptam interea neſcio quam aliam magni momenti obſidionem; Irlandos, qui in Scotiam irruerant prorsus delictos; ac plura eiufcemodi. Tu ô PRINCIPVM OPTIME, & meum dulce Decus, Vale. Pariſiſ, v. Kalend. Nouembr. M. DC. xlii.

## E I D E M.

**S**ed proxima occasione accipere negotia illa, quæ affecta ſubindicanis, conſecta ſolliciter fuiſſe. O te ſcilicet interea, qui potes in mediis hiſce fluctibus adeò tranquillè philoſophari! Fidem certè vberem facis definitioni Platonica, qua Philoſophia dicitur eſſe exercitatio, ſeu meditatio mortis. Nempe hoc eſt ipſum, quod eximiè præſtas, cùm de huiusmodi argumento ea & meditaris, & ſcribis, quibus non video præclariora neque Socrati, neque Senecæ veniſſe in mentem. Perge modo, OPTIME PRINCIPES; neque enim hæ cogitationes vitæ iucunditatem turbant, vt ſibi vulgus hominum ſingit; ſed eam tranquillitatem pariunt, vt exinde Vir Sapiens ſummum nec metuatur diem, nec optet; verum patienter ipſum expectet, & coram factum vltro excipiat. Scilicet, memor frugalitatis, nihil affectat præter fas, & vitam non prolixitate, ſed honeſtate petiens, ipſam moriendi neceſſitatem præſtito aſſenſu delinit. Agnoſcit hanc vitæ vſuram fuiſſe ſibi gratis conceſſam; quare & quantacumque eſt, ipſam in lucrum deputat; eaque fruitur, vt conuiuiò, à quo inuitus recedere, vt quieti ſe dedat, non debeat. Verum tu iſta longè meliùs; adnoto ſolùm, vt mors ſui, illuſtribus ſemper exemplis nos moneat. Ecce nimirum inaudium obſiſſe Regnam Hiſpaniæ; quod etiam par eſt te iam accepiſſe. Ferunt Regem cùm duabus horis ab ipſius obitu Madritum accederet, graui morbo correptum fuiſſe. De Regina Angliæ, quæ eſt in hanc Urbem cras excipienda, vulgare eſt laborare ipſam heſtico affectu. Lotharingæ Dux agrotare periculoſè dicitur, ac ingenteis interea querimonias profundere aduerſus Duces Cæſarianos. An addam verò ne quidpiam rerum nouarum non communicem, ipſas eius copias ad Moſellam conſiſtere; & Turennum ſemper circum Francandaliæ verſari. Comuniunt Bauari Menhemium, intereaque Haſſiaci Urbem neſcio quam obſident. Galaſus adixus eſt fruſtrâ ſe Magdeburgum recipere; fruſtra accipere nouas vires. Quippe proprio Caſtrametatu inter-fluuiali quaſi obſeſſus, ac Torſenſono non permittere, aut ipſi exceſſum, aut aliis acceſſum. In Baltico mari nihil adhuc tentatum, & cùm Danus perhibeatur Bredemburgum recepiſſe, fertur tamen neſcio quam grauem paſſus iacturam in Noruegia; capto, abductoque Gortemburg Pro-Rege. Ex Anglia nihil dignum memoratu habeo. Ex Flandria id ſolùm, quodd Picolomineus de Recuperanda Vattenſi

*S 2 aree*

arce cogitat, deque praesidio, com meatuque Audomaropolim immittendo. Vale, PRINCIPVM OPTIME, Vale ô meum Decus dulce. Patifsis; prid. Kalend. Nouemb. M.D.C.XLIV.

*Redit ecce ad te Bervilla, valetudine prospera, ac semper tuo illo cordato, sinceroque affectu dignus. Inuisens me proximis diebus Nobilis ille Turrium Baro, dici non potest quantafse teneri tui observantiâ fuerit contestatus.*

*Admodum Reuerendo Clarissimoque Viro, D. GODEFRIDO VVENDELINO, Pastori Hercano, Condatenfi Canonico,*

PETRVS GASSENDVS S.

**D**Ele&aronsummo perè, quas repetitò date ad me (etsi priores non habui) superiote mense literas voluisti. Ex iis nimirum addidici & valere te, quod præcipuum votum; & tradj abs te obliuioni tuas illas delicias non posse. Beabis profectò & me, & posteros rerum istatum studiosos, Eclipses euulgans, quas commemoras, ipsèque lator interea quòd adstrui illis asseris præclararum tuarum Tabularum fidem. De illis à me observatis nihil aliud, quàm fidem descriptionis spondeo; cum esse possit in me industria, at non voluntatis defectus. Ad tempora quod attinet, scito illa fuisse à me methodo eadem semper captata. Solitus sum quippe ea semper venari ex altitudinibus Siderum, non quemadmodum ipse coniicis azimuthali vilo sessili-ve Quadrante, sed suspensio potius, & eo quidem modo, vt claus ad centrum grauitatis quadratè infixus, & intra fulcrum teres liberam ipsi verticalem circumductionem faciat, ac ipsum-met interea fulcrum parte superiore intra inferiorem versatile liberam faciat horizontalem. Hac proinde ratione non cohæret amussis, pendiculum-ve ad latus Quadrantis, sed ab infixo ad centrum cylindro liberè proximèque faciem quadrantis dependens, ac supra eandem leuiter pulsans, secat, demonstratque in arcu gradus, & minuta, prout pinnacidia alteri laterum applicita diriguntur in Astrum. Cùm verò aliunde quam-maximè licet, Astrum deligam non in situ humili nimis (metu scilicet refractionis) neque aut in nimis sublimi, aut nimis prope Meridianum (quippe veritus, ne ascensus descensus-ve tadtitas moræ discretionem nois satis pro voto sensibilem faciat) sed in situ mediocri, & ad Ortum quidem, Occasum-ve, cum ascensus aut descensus intra minutum temporis admodum sensibilibiter, obseruabiliterque variatur; non video sanè qui possit tempus methodo vlla, vt simpliciore, ita tutiore obrineri. Quæ certè obseruatio hac ratione peragitur, solam Instrumenti elaborationem, Obseruationisque attentionem supponit. Quæ verò aliis, multa præterea, in quibus peccare nihil est procliuus. Nimirum inter cætera, vsus Quadrantis Azi-

muthalis, tum libellatam supponit planitiem, tum cohæsionem ad Meridianam lineam, tum hanc eandem lineam probè adinuentam, tum alia, quæ cuius sunt molis, testari soli experti possunt. Sic tua illa ad quampiam tutum procul positam collineatio supponit & eandem Meridianam lineam; & situm faciei, anguli-ve turris omninò perpendicularem, & oculi constitutionem in ipso Meridiano plano; & vel æstimationem distantia ab ipso Meridiano iustam, cum Sidus in illo non est; vel oscillationes eâ chorda expressas, cuius longitudo inuariata maneat, ac indubitato ituum, redituumque numero dimetiatur horam: ipsamque consimiliter perspectæ durationis, & alia, in quibus est opus, ac labor. Sic, ne de horologiis machinatus quidpiam dicam, tua illa Scioterica perspectam supponunt & declinationem plani, & directionem axis, & seu Meridianam loci obseruatam, seu variationem Magneticam, & plura quæ neque te latent, neque scrupulosè agentibus, certitudinèque requiritibus non difficillima sunt obtentu. Ingero hæc autem, non sanè vt tuis obseruatis fidem aliquam detrahā, aut meis maiorem aliquam conciliem; sed solum, vt quo es candore, & erga veritatem sincero affectu, diuidices ipse ecquid rei sit, quorsum inter nos non semper conueniat.

Quippe quòd mones Initium Eclipses anni 1642. ac diei Aprilis 14. debuisse Patifsis contingere hora 11. min. 45. ac me, lociosque idèò illud falsò retulisse ad horam 12. min. 10. Cogita, si horam venati appenso Quadrante, vt iam dictum est, potuerimus hallucinari, non paucis aliquot minutis in Cordis Leonis altitudine obseruanda; sed totis quatuor gradibus; ac ne admodum quidem erroris tam grauis in tota illa serie altitudinum consequenter obseruatarum? Cogita etiam, cum inter horam appellatam tibi Cælestem, & templi horonium discrepantia fuerit Initio Eclipses minorum 5. & in Fine minorum 21. num discrimen sit referendum potius in reputati à te Meridiani deflexionem à vero, quàm in irregularitatem horizonæ machinæ; quasi ea intra horas 4. horæ quadrante à se abfuerit. Non quòd idcirco machina censenda sit fuisse exquisitè composita cum ipso Cælo; sed quòd ex capite utroque potuerit error quispian componi. Pari ratione quod attinet ad Eclipsin illam anni superioris, ac diei Septembtis 27. Cogita, quæso, cur debeas potius ad illos Bullialdi Digtos attendere, quos ille & incertos habuit, & nulla habitatum præ oculis Phæson directione determinauit, quàm ad ipsum Finem Eclipses, quem ille ratum vnicum habuit; maximeque, cum idem Finis fuerit Agarrato obseruatus, ac mihi; & non modò obseruationes tres in diuersis locis habitæ consenserint; sed etiam et iis tribus Stellis, quarum altitudo obseruata fuit à me, duæ idem minutum exhibuerint, ac tertia discrepauit vnico dumtaxat. Inuitus sanè hæc inculcarem, quæ ante quoque



quoque innueram: sed animos addit sinceritas tua, cum & faciam solo Veritatis studio, & amice tui cordatissimo, quo tuam famam factam, te tanque in omnem velim Posteritatem. Aedurum quidem suspicari, non esse tuas Hypotheseis, Tabulasque omnino ratas; sed durius est sane vim facere Cælo, obseruationisque Phænomenis: cum fas, & æquum sit nos Cælo, si quidquam comminiscimur, non Cælum nobis accommodare. Quanquam, cum aurea sit illa vox, præstare Philosophum vitum tuendæ Veritatis gratiâ, & tu vincta dæmonis, non hæreo, quin ipse comparatus sis ad agnoscendum te hominem, ac fatendum potuisse te quapiam in te hallucinari. Multum sane præsteris, si consideris Tabulas, quæ propius ad verum collineant, quàm aliæ vllæ ex tam multis, quæ conditæ hæcenus sunt; Vtunque forsan aliquid desiderari adhuc possit. Hac sanè ratione mereberis laudem, si illas solum extuleris, vt omnium vero propositas, non autem vt verum planè assequas. Nam si alioquin talis iactatus, & tales fortè non fuerint, excides gloriâ, quam ij merentur, qui licet quidpiam vndique absolutum non pofeant, præstare tamen, quod in se est, eaque moderatione sunt, vt commendationem vltra fas non querant. Sin autem tales fuerint, tum nihil famæ addideris, quoniam & tales habebuntur, si tales quidem existuerint, & non quia ipse dixeris, sed quia verum erit, laudem consequeris. Interim vero tantum detrahetur, quantum modestiæ dedit, & procliuius est defectus alicuius suspecto; quatenus commendatio propria est, tam quasi hedera, qua vinum, vt aiunt, generosum non eget. Exemplum insigne, recensque habemus in Lansbergianis Tabulis, quibus extollendis id euitit Author, vt non ipsas modò incertitudinis, sed proprias quoque obseruationes fidei non bonæ fecerit suspectas. Scilicet videtur multas detorsisse, vt congruere possent hypotheseis; cum laudabile potius fuisset eorum admonere, quæ forent incongrua, iudicio Posteris relicto, qui in eo sunt incubituri, vt alias fignant hypotheseis, quæ iint Cælo consonantiores; quæque iuuant sentient se nostris etiam erroribus, eoque nomine gratiam referent, si modò illos bona fide non erubuerimus propagare. Neque vero est, cur existimemus conatus nostros vltimos fore, ac ita à nobis laborum iri, vt nihil supersit operæ. Profectò nimirum supererit semper, quod nobis extinctis, ac in omne æuum hominesোলiantur, vt has disciplinas perficiant; nôque abundè satis agemus, si quo viuimus sæculo, transdamus illa ad Posteris, vnde progressus perinde fiat, ac factus ad nos vsque est, ex iis, quæ Maiores nobis reliquerunt. Sed heus! quod abripior, Optime Vitorum? Tu condona affectui, quo esse erga te sincerior, vehementiôrque nullus potest, Vale. Dabam Parisiis, inuigilaturus proximæ Eclipsi, de qua admones, Non. Nouemb. M. D. C. XLIV.

Gassendi Epistola.

LYDOVICO VALESIO, Principi  
Optimo,

PETRVS GASSENDVS  
Evdæstien.

**N**ihil fuit mihi præter spem factum, cum successisset tibi pro votis Massiliensia Comitia ex literis tuis addicere licuit. Nôram scilicet tuam providentiam, neque hærebam, quin animis in te propensis sic vtereris, & alienos tua præsentia, autoritatèque ita contineres vt nihil non pro tuo destinatu, pacificèque per-ageretur. Summoperè intereâ gaudeo te eò deduxisse negotia, vt videaris posse deinceps longè quierius degere, tantum & turbis iam sedatis, & rebus sic compositis, vt suum ex seipsis tueri imposterum tenorem possint. Accessit, quo prædicti die Regina Angliæ ad hanc Urbem; Rege Reginæque tota cum Aula obuiam progressus. Qui Hispanæ obitus fuit aliquandò post emulgatus, Aulam totam pullatam fecit. Rerum externarum, ac potissimum Germanicarum vix quicquam habeo; scilicet Curforem præcipuum non spoliatum modò, sed etiam trucidatum ferunt. Acepi solum Konismarkium partim occidisse, partim adduxisse Halberstadium tria Equitum millia ex Cæsariano exercitu, qui depradatum excesserant Halberstadiensem, Anhaltinamque Regionem. Ex Anglia etiam aliud nihil noui, quàm moueri iterum causam Archi-Episcopi Cantuariensis, ac duorum simul nescio quorum Hibernorum Nobilium, qui se subduxerant è Turri. Addunt quidem Parlamentarios in eo iam esse, vt de conditionibus pacis Regi offerendis deliberent; verum hæc iam vetus, & circa spem fructus reperita cautio. Tu, ô PRINCIPVM OPTIME, & meum dulcè Decus, Vale. Parisiis, III. Eid. Nouemb. M. D. C. XLIV.

E I D E M.

**A**ud abs te fuit quòd Neuræum recentium illarum turbarum delegisti enarratorem. Is videlicet rem eo stylo, eaque simul fide descripsit, vt legens mihi videar meis oculis singula hausisse. Delectauit autem præcipuè intelligere, quantà ru, accepto tumultu, diligentia accurreris, quantà animi magnitudine, securitate, constantia, seditiosorum consilia, impetus, motus fregeris; quanta vt oris maiestate, sic lenitate, & gratia bonos demerueris; continueris, firmaueris; quanta postremò fecilitate commotos fluctus sedaueris, & ad tuum illud, *Quos ego?* cunctis dicto citius, tanquam Pelagi ceciderit fragor. Vtinam illi imposterum sic respiciere condiscent, vt neque quicquam deinceps turbent, neque sibi malum accerant, ipsèque, qua es indole, & benefacere omnibus, & saluare in neminem possis. De exteris quas nôrim rebus, id ratum habetur,

S 3 quòd

quod scripseram nuper de Cæsarianis Equitibus à Konismarkio partim cæsis, partim manu capitis, Halberstadiumque abductis. Addunt Torstenfonum cognita penuriâ, qua exercitus Cæsareus laborat, ita fuisse metatum castra, ut Galasum oporteat aut fame perire, aut prælio rem decernere; atque adeo sibi non sine discrimine facere viam. Memorant aliunde Nanale certamen fuisse Suecos inter, & Danos Octobri ruente tandem initum, at quo successu planè non constat, ita scilicet prioribus fauente Hamburgenses literæ, posterioribus Lubecenses. Licebit fortassis proxima occasione quidpiam certi perscribere. Per-mirum interea, nisi Sueci victoriam reportauerint, quibus fuere, ut perhibent, Naves quadraginta duæ, inque iis Præfecti magna parte Hollandici; cum Danis non plures quam sexdecim fuerint; utrunque insignis in illis extiterit vocata *Draco*, una cum Theisone Nauarcho eximio. Nosti fuisse iam-pri-dem adum de contrahendis nuptiis inter Reginam Sueciæ, & Brandeburgicum Electorem; audio iam rem deliberatam, ac esse utriusque de pactis, conditionibusque conuentum. Incertus heic rumor percerebit de morte Regis Angliæ; ille verò, ut scribitur recepit se hospes Oxonium. Quæ literæ id perferunt renuntiant fuisse Nouocastrum post obsidionem quindecimestrem, à Scotis tandem expugnatum. Quanto id Parlamentariorum emolumento contigerit conicere ipse quam-optimè potes. Tu, ô PRINCIPVM OPTIME, & meum dulcè Decus Vale. Parisiis, xiv. Kal. Decemb. M. DC. XLIV.

## E I D E M.

**E**didi in Urbem te, iucundissimum fuit pernoſſe. Videlicet viſus es tuas repetiſſe delicias, Muſæum reuiſens, ac libros. Per-quàm grātē etiam accepi, quod de venatione ſcripſiſti; ſiquidem intellexi tibi relaxaturū animum, non ipſum modò Apollinem, ſed Dianam quoque propitiā fore. Id verò præſertim mirè delectauit, quod ex aliorum literis noui fuiſſe nimirū multos, qui ſe in bonam frugem receperint; quippe futurum inde præſens, ut tranquillitatem demū ſtabiles. Faxit Deus ter-Optimus, ut quā generoſus, quā bonus, quā ſincerus es, tam intelligant, & proficeantur omnes; quò & illis optimè vertat, & tibi ſuauiſſimum ſit, vniuerſorum animos habere tecum conſpiranteis. De exteris rebus nihil video iam refragari famæ de victoria illa Suecorum in Danos nuper reportata. Quin etiam iam addunt hæc circumſtantias, ut maiorum illarum Nauium Danicarum captæ decem fuerint, exuſtæ duæ, æque præcipuæ, *Pelicanus*, & *Draco* vocatæ; duæ ſubmerſæ, & non plures, quā duæ, tres-ve ſuperſtites vix è periculo dilapſæ. Nihil neceſſe eſt memorare, quā-mul-ti ptoinde ſeu Duces, ſeu milites fuerint cæſi, vulnerati, & capti; id verò memorabile, ex Suecorum exercitu milites paucos, Duces nullos, cæſos, aut vulneratos fuiſſe. Ferunt Vrangelum ſubinde Inſulam *Fur-*

*ueren* innaſſe, & claſſem, viribus reſumptis, altum repetiſſe, neſcio quid denuò attentaturam; tametiſcribunt quoque Gallum Hol-landūmque Oratores, impetraſſe obſiduanas inducias. An-non, ut vetuſtimile eſt, Danum procuratas ab iſdem Oratoribus pacis conditiones non reſcutorum; ita videtur Inſpe-rator rebus ſuis haud-dubiè publica pace conſulturus; quando ſi iam tantum negotij à Suecis, qui in Germania ſunt, ſuſtinet, eſt car valde metuat, ſi qui adueſtus Danum occu-pati nunc ſunt, ſe quoque in ipſum conuer-tant? Obiter porrò Pacis res eo ſolū pro-motæ dicuntur, ut cūm Cæſatei, Hiſpanique Legati agrè conſenſerint res Fœderatorum vnā cum noſtris diſceptari; in eo iam ſint, ut quos Fœderatos intelligamus declararetur. De Konismarkio quod ſcripſeram etiam maius famā fuiſſe comprobatur. Continet ſemper ſe Galasus non ſine ingenti penuria, neque ferendis ipſi ſupperitiſt deſtinati Saxones Mag-deburgo prodeunt, ſeu quòd ſibi caueant, ſeu quòd ipſe Dux prodire eos nolit, niſi Gala-sus comparet ſe ad rem aperto Marte, inſtru-ctaque acie decetnendam cum Suecis. Pechi-bent tamen Haſfeldium deſiſſe à Bauaris, ut ipſi ex illis anguſtiis exceſſuro opitulerentur. Neſcitur verò an Bauari ſint interea rerum quidpiam molituri; & quia nihilominus de Rheno itaiciendo cogitauerunt, eam ob cauſam quæ Regiæ copiæ non procul Francon-dalia erant, Moguntiam verſus diſceſſerunt, ac Roſæ ſpeciatim cum tribus Equitum mil-libus in eo eſt, ut coitioni virium Lotharingum inter, & Gleenum obſtet. Eſt iam Regi-na Sueciæ pro comitiis Regni Maior habita, ac, ut nuper ſcripſi, breui coniuganda. Re-Angli nunc tandem propè deſperatæ. Quippe vix ſecurus in parua, quæ poſt varias clades, ſupereſt ipſi Regiuncula, ſalutem aliam, quā à Parlamento oblatam ſperare vix poteſt. Tu ô PRINCIPVM OPTIME, & meum dulce Decus, Vale. Parisiis, vii. Kal. Decemb. M. DC. XLIV.

## E I D E M.

**S**vmperè gaudeo rediſſe te valem-dine proſpera in Urbem. Huiusmodi exercitationes, & animum recreant, & vires reſciunt, ac temperante poſiſſimum, quæ tibi cordi ſemper eſt, cautione illa, *ne quidni-mis*. Poterat ſanè atrata Aula Regiæ Angliæ obuiam prodire: quippe mors Regi-næ Hiſpaniæ ſic renunciata iam fuerat, ut ne quid-dem (quemadmodum ex literis meis nouiſſi) latuiſſet; verū ne teſtandæ lætitiæ foret lu-ctus impedimento, diſſimulanda ea mors fuit, neque in vulgus, niſi poſt vnum, alterum-ve diem efferenda. Merito porrò eximias do-teis tanta Regi-næ commendas; nam quātum quidem accepi ſando, legendoque cūm alia, tum libellum, quo Oliuarez exanthor-tus deſcribitur, ea eſſe non poſſit, & Natali-bus, & illa imperij maiestate dignior. Time-batur nuperis diebus, ne inualeſcentibus Ba-naris, relicta apud Mediomatrices Enguenij copiæ, illeinc abduci, vſurparique ad Mortē obſidi-

obsidionem non possent; audio tamen iam abscedere illas, ac Darmstadtium versus in hiberna concedere. Id si ita sit, in promptu haud est, vt Lothatingi copiae cum Luxemburgicis, & Gleenicis cœant, ac promoti præsertim versus Mosellam Rosâ, qui in eo esse dicitur, vt obset, ne etiam destinata hiberna capeant. Ferunt Galasi exercitum vrgeri in dies maximis angustiis, & vix illi duo hominum millia ex Peditatu superesse, occupante Sueco omneis aditus, neque vllam interim rerum necessariorum penuriam patiente. Iussus repetitò Hasfeldius in auxilium accurrete, properat quidem, sed scribunt tamen oblituros Hassiacos magna vi, ne copias admoveat. Discedebat Hornus ex Dania in Sueciam. Danus id factum setid accipiens insequi illum acriter cœpit; ipse verò acie conuersa, fuisse insequenteis ferit, & aut cecidisse, aut manu cepisse cum Duces multos, cœsque insignis, tum milites supra bis mille quingentos. Adfunt ex Anglia literæ, quæ nuperas illas Regis cladeis eleuent, ac ipsum prodiiisse Oxonio Londinium versus, pethibeant, quasi iterum conflicturum. Quid id rei sit, euentus monstrabit. Interea præcipuè pacis conditiones à Parlamentariis oblatae dicuntur, vt qui Regis partes viri Primores sequuti sunt, ipsi Parlamento plectendi sistantur; segniores tertia bonorum parte compensandis belli expensis mulcentur: vt triennio quoque Parlamentum cogatur, & per intermorium resideant in aula viginti quatuor quasi *Ephori* (Commissarios illi appellant) sine quorum arbitrio nihil à Rege decernatur. Vt vocata illa *nobilis castradina* (qualem nosti esse in Normannia) abrogatur per Angliam, Regique ob remissum ius, centum Iacobæorum millia quotannis pendantur. Tu, ô PRINCIPVM OPTIME, & meum dulce Decus Vale. Parisiis, postrid. Kal. Decemb. M. DC. XLIV.

*Clarissimo, Doctissimoque Viro* ADRIANO HEEREBOORDO, Professori Philosopho in Inlyta Academia Leydensi,

PETRVS GASSENDVS S.

**P**etris, Vir Præclarissime, ea humanitate me obstringere, vt verba me, quibus meam tibi gratitudinem infinuem, deficiant. Quod certè cum optimo Bornio studium conferens rem facere mihi gratam satagis, eiusmodi est, vt dolendum sit illud, quidquid est opellæ meæ non esse tanti. Heinc quæso & te, & optimum illum, ne sis de ea tantopere solliciti, cum habentes me, qui affectus vestri candorem exploratum habeam, ac certus sum pet vos non stare, quin illud, quod in mei gratiam estis aggressi, perficiatur. Et verè quidem auguratus est Bornius fuisse Priuilegium euulgandarum Epistolarum non Bibliopolæ sed mihi concessum; verè etiam censuit nihil vestro illi ab eo Priuilegio, quod mihi in scitinis seruatut metucundum; at neque

Epistolæ illæ editæ id studiij merentur, vt iteratò excudantur; neque quassibet adnectere ipse tanti habeo, vt vel minimùm vestra hac sollicitudine dignas putem. Si pergatis tamen, & mos isti vestro affectui tanto gerendus sit, abundè mihi videbitur esse, duas *de Moru impresso*, ipsisque duas illas ineditas adiungere: sic enim & volumen congruum, argumentique vnus fiet: & qui habentiam exempla argumenti huius, alteriusque *de Solis magnitudine*, ex editione altera, minùs grauabuntur habere ex ista; & si quæ pauca fortè ex illa Bibliopolæ adhuc supersint, ea poterunt ob parem formam cum aliis non recusis diuendi facilius. Verùm, vt vobis videbitur, quibus plenum competit ius & in me, & si quid est meum. Vale, Vir Præclarissime, & me, vt cœpisti, ita semper ama. Parisiis, 111. Non. Decemb. M. DC. XLIV.

*Verè Erudito, sinceròque Amico* HENRICO BORNIO,

PETRVS GASSENDVS S.

**Q**uas ante mensem literas ipse, & eximius Heereboordus ad me dedidisti, rediditæ fuere ante octiduum. Non rescripsi tunc, quòd officiis nescio quibus distraherer; nunc verò etsi ingruunt alia, succidenda tamen breuis mora est, ne debitum tibi ampliùs differatur. Itaque quam-maximas possum gratias ago, ob tuum illum assiduum, profusumque affectum; testatus nihil esse in me, quod pellicere illum possit; ac tuam esse bonitatem, generosamque indolem, cui ipsum referam acceptum. Scriptis quoque eximius ille, de editione Epistolarum; ipse autem ad eum rescribo, nihil esse quidem à Priuilegio, quod ipse mihi obtinui, Bibliopolæ vestro timentum; sed non videri tamen rem tanti, vt vestris hisce curis sit digna. Et quia tamen Martellus noster consentire non potuit, vt quas ad te transdiderat Epistolas, remitterentur, ac ipsi assentiendum fuit vt liceret vobis duas illas *de Moru* iteratò edere, quò duæ ex eodem argumento nondum editæ possent euulgari; idèd ad illum scribens subicio, id mihi quidem si modò vobis videbitur, non ingratum fore. Hac nempe ratione Bibliopola nostras, si qua adhuc habet editionis suæ Exemplaria, detrimenti minus parietur, potius ipsa diuendere, vt coniugata cum cæteris, quæ solus de alio argumento habebit, & qui hætenus Exemplaria ex editione illa quæsierunt, minùs ægrè ferent ex recente hac quætere, tanquam geminata habituri pauciora. Ne volumen commemorem fore, vt vnum ita vnus argumenti non inueniendum: quamquam vt vobis gerere omnia pro arbitrio liceat volo, & concedo utcumque fiet, scito, mi BORNIO, me semper securum de tua erga me voluntate esse, & sic me habere, vt obsequentiorem ac cui amantiorem neminem habeas. Vale, Parisiis, 111. Non. Decembris, M. DC. XLIV.



LVDOVICO VALESIO, *Principi Optimo,*

PETRVS GASSENDVS  
*Evdæstien.*

**Q**UAM est hoc verum, OPTIME PRINCIPES, quod æternitatem in splendoribus Sanctorum admones spectandam! Siquidem nulla potest lux in hoc tenebrarum Regno perennare; neque est, cur apud mortaleis splendor aliquis nominis fama-ve vlla non mortalis speretur. Beati proinde fuerimus, si hæc caduca floccificantes, ad sola illa verè constantia, ac nunquam peritura bona conuerterimus animos, & vota. Appositè verò memoras euerfos Crassos, Pompeiosque, & illum, ad sua qui domitos deduxit frana Quirites; scilicet ut ij admoneantur, qui rerum potiuntur, potiri-ve student, in quàm lubrico illis res constet, edocui præsertim tot illustribus, quæ etiam-num ob oculis sunt, vicissitudinis exemplis. Erant ditionibus spoliati Lotharingi, Palatinsque, & Principes Germaniæ plures. Anglus in eo penè iam est, ut vel re, & nomine Regis, vel re saltem careat, si nomen tueatur. Idem penè Dano timendum est, nisi maturè ipsa pace, quam iam exoptat, & suggerunt Regni ipsius Ordines, sibi, suisque rebus prouideat. Nempe id confirmant, quod perscripsi nuper, de fuso eius exercitu, amissisque speciatim Equitibus mille, & quingentis. Vix euasit ipse Malmoyenum saluus cum mille superstitibus; & cum euocare eò satagat, quos præterea habet Gluchstadij nongentos, accinctus est Vrangulus, quò id armatorum quinque millibus instructus impediatur. Quid tot memorem Regna, Prouinciæque ex Hispanica ditione tam in vetere, quàm in nouo Orbe rescissas, adeò ut, quæ Austriaca Domus affectabat nuper totius Orbis imperium, illius, quod iam obtinebat, amiserit non minimam partem? Certè, ut reliquæ seruentur, & ad recuperandum amissa tutior pateat aliquis aditus, ferunt Hispanos, Cæsareosque, qui Monasterij sunt Legatos, seridè nunc demùm agere de Pace nobiscum ineunda. *Circulus*, ut vocant, Franconiæ eodem incumbere decreuit, missis ad Imperatorem Oratoribus, qui deliberationem renunciant, non ratihibitionem quæ sint; idque Imperator, ut aiunt, præsentens, licentiam ipsi, cæterisque per Germaniam *Circulis*, ut nominibus suis Monasterium Legatos destinent, concessit. Quin etiam addunt Bauariæ Ducem ad eum scripsisse, sibi se priuatim quæsiturum Pacem, nisi ab ipso grandis suppetias, quibus nempe nos à finibus suis depellere possit, obtineat. Galasus adhuc in angustiis, cum etiam nuper Torsten-sonus centum illi cursum commeatu onustus interceptit. Et Hasfeldius quidem iam propè accessit, sed propè quoque Hassiaci, ut videatur nihil penitus sine præliis posse tentari. Ex quo Bauari visi fuere se in Franconiam recipere, excessit Rhenum Turennius, & munitionem nescio quod Oppidum obsidere nunc per-

hibetur. Tu, ô PRINCIPVM OPTIME, & meum dulce Decus Vale. Parisiis, v. Eid. Decemb. M. DC. XLIV.

E I D E M.

**E**CQUIS ambigat, si te quidein nôrit, quia tua semper eò vota tendant, ut Ordinum Prouinciæ omnium, si qui sunt auersi, animos concilies, & stabilita tranquillitate, pacificet, & per-amanter in illorum mentibus regnes? Is scilicet tuus est genius, ut mereri bene de omnibus velis, male verò de nemine; ac nemo est, qui tuum in pectus, intimùmque cor penetrans, non deprehendat indolem incomparabilis bonitatis. Qui certè penetrare abnuunt, aut se nosse dissimulant, pauci sunt; iique sunt, qui priuatis rebus, potiusquam publicis studentes, suâ interesse existimant, ut tuum potius regimen quàm hominum mores, temporumque conditionem causentur. Enim verò spes est non leuis, ut ipsi se quoque in frugem recipiant; ne, si dum Regiâ incedis viâ, & sinceritatis splendore perstringis, omnium oculos, tuæ virtuti manus non dent, se & exuile Hominem, & Tigrides esse natos profiteantur. Nihil ex Aula rebus perscribo. De exteris, ferunt Galasum emeruisse tandem ex illis angustiis. Emissis nimirum delectis tribus Equitum millibus, iussit Torstensonus maiorem Equitatus partem illos insequi; Galasus verò, te perspecta, mouit propè, & parte dumtaxat sarcinarum in Castris relicta, stitit se propè Magdeburgum. Ita habetur ex literis præiæ Kalendas Lipsiæ datis. Quod adnoto ob alia quasdam, quibus scriptum esse ad Cardinalem dicunt fuisse Casarianos sub Galaso planè prostratos. Nempe id quoque verum esse, scriptum postremis literis potest. In Dania Rex semper vrgetur à Regni sui Ordinibus, ut aurem paci accommodet; & continenter potissimum, quia terra, quæ mari infestantibus Suecis. Ex Anglia scribunt fuisse tandem Cantuariensium Archiepiscopum à Parlamentariis suspendio damnatum. Aiunt Bauaros in Palatinatum reduces cepisse quoddam Oppidum, & Gleenum, Lotharingumque versus Rhenum accurrere, quo successu, dies docebit. Debet Motta obsidio ab aliquot iam diebus occæpisse. Tu, ô PRINCIPVM OPTIME, & meum dulce Decus. Vale, Parisiis, xviii. Kal. Ianuarij, M. DC. XLIV.

E I D E M.

**Q**UOD Vespasianum imitatus, si quid amici peccant, taces, si quid rectè agunt, commendas, id sanè est tuæ illius imperio digna humanitatis. De optimo nostro quid dicam, non habeo; nisi quòd dulci larium amore, & quietioris vitæ desiderio allectus, mihi fuisse videtur ad cogitandum de rebus. Quod autem te æquè, ac nos consilium suum celauerit, fecisse videtur, ne vlla ex parte ab instituto diuerteretur. Ac tuâ quidem magis, quàm nostrâ rem cognouisse intereret; sed hoc ipso videtur mihi ad eam respexisse indulgentiam, quam iam erga ipsum testaris. *Quantum*

port.

poterò ego doluerim, itæque etiam obuiam si licuisset voluerim. (nam vt tuâ referre, sic etiam illius, ne abs te discederet germana mea erat sententia) dicere nihil attinet; præstatque hac ipsâ in te tui imitatione teneri. Scripsit ad me nuper ex Belgio ille eximie doctus, bonique Godefridus VVendelinus, cuius memini in Vita Peireskij, versari se in eo, vt suam de Declinatione Solis maxima Diatribam quadruplò auctiorem iteratò edat, & quia pars non parua Diatribæ innicitur Observationi, quam ipse in eius gratiam peregrini Massiliæ, quâunque compendiosè descriptam illis exhibui paginis, subiecit se illam S. P. Q. Massiliensium inscripcurum, si me auctorem habuerit; vnde & iteratò rogat, vt sua sor, dissuasor-ve sim. Ego verò, cum sim ad illum crastina luce rescripturus, consilij inops penè sum, quòd vitorum in ea Vrbe principum genium non satis nòcim. Non sanè quod ille, optimus vitorum, aliud exigit, quàm suam pronam in concedenda Vrbe voluntatem ab ipsis grâte accipi (neque enim aut impensurum in editionem etrogandum, aut alterius rei prorsus meminit) sed quòd sim nescius quæ illis mens in exspectando futura sit, aut quid possim Viro tam bono tamque amico facere sperandum. Cogito nihilominus animos ipsi addere, frater illa commendatione, qua confido te, pro tua bonitate esse posse verum de Cæsarum clade perscripti. Nempe Galatæ equitatus, Albi superato, VVittembergam pederat, cùm Tortisenonius ipsum fuit ea inlequitus felicitate, vt totum planè fuderit, Ducisque vel occiderit, vel sauciauerit, ac cepit viuos. Bene cessit ipsi Galatæ, quòd Magdeburgi constitit cum peditatu, & sarcinis; nimirum hoc est, quod superest saluum. Perreuerat rumor de capto ab Imperialibus Olmutzio, at iam obsidionem memorant solutam, Cæsaremque ipsum laborate non parum, vt Transiluanum reprimat, qui acceptis octo Turcarum auxiliariis millibus, tum Vrbem quandam nuper cepit, tum aliam denuò obsidet. Abscessit Rheno Gleenus, Lotharingusque insecuta re; & ad statua Mosellam versus, Confluentemque ipsum redierunt. Turennius, qui non alio fine traiecerat Rhenum, quàm vt Bauaros a superbiis Galatæ ferendis reuocaret, pedem retrahit, ac iam seridò obsidet Cruciacum. Danus est nouas passus cladeis ob monitorum aliquot, eorumque insignium locorum iacturam. Quod de conditionibus pacis Anglo oblati memoras, admonet me, vt ipsa met, quales nudius-quartus accepi, transmittam. Audio Regem non reculare omnino de iis agere; sed in eo hætere, quòd agnoscere Parlamentum nolit vt legitimum Parlamentum nisi hac præuia cum conditione agere nolit. Tu, ò PRINCIPVM OPTIME, & meum dulce Decus, Vale. Parisiis, x. Kal. Ian. M. DC. XLIV.

Admodum Reuerendo, Clarissimoque  
Viro D. GODEFRIDO VVEND-  
DELINO, Pastori Hercano, Con-  
datenfi Canonico,

PETRVS GASSENDVS S.

**E**st sanè cur fata demirer mearum illarum literarum, quas primùm & ante octennium, & repetitò ante annum dedi; vt nimirum nuper dumtaxat tuas in manus peruenierint. Sed minor magis, te nunquam mihi disertis verbis significale, non fuisse tibi eas redditas, inuitas licet à me literis consequentibus, & viso in Vita Peireskij earum ipsarum argumento. Id ego non aliò referre, quàm ad summam moderationem, bonitatemque tuam possum; quasi fueris subueritus, ne me fortassis importunè ad iterandum operam videris sollicitare. Vtcumque fuerit, summè delectat præstitisse me aliquid, quod tibi potuerit esse non ingratum. Mea illa ratiocinia aduersus tuam, receptamque Oblivitatis variationem eo solùm fine congesta fuerunt, vt ad ea attendens, prouidere posses de ea sententia, quam defenderes, firmissimè constabilienda. Abundè est verò, quòd æqui, bonique meam libertatem consulucris; neque etiam offensus fueris postremis illis literis, quarum mentionem quoque iam facis. Parum certè absuit, quin literis datis inæ me licentia pœnituere; sed quanto iure deberim semper de tua bonitate benè ominari, fecisti ipse perspicuum; dum quidquid id fuit, vt à pectore candoris pleno profectum habuisti. Heinc est profectò, cur nihil prorsus mihi superstiti scrupuli; quando vtcumque hallucinatus in suggerendo consilio fuerim, muneri tamen non defui; quod sinceri esse amici est visum. De tua *καταστάσι* aliàs; iam enim diuertot, neque ea licet, quæ liberet attovete; hoc esto satis interim vidisse me quidem sæpe Lunam plenam transuersa nube, eam trabe bisectam, & perpendiculareni eius Diametrum non-nihil transuersâ visam prolixiorē; mihi tamen prolixitatem, qualem memoras, nunquam visam fuisse. Quin-etiam illa solùm mihi ad oculum talis apparuit; siquidem diuensis Organo per-acta diametros prodidit æqualeis; retulique adèò *τὸ πᾶν ὅλον* ad hallucinationem illam, quam me sæpe docuit experientia, dum attendenti ad treis Stellas, quarum vni altera sit ad perpendicularum subiecta, & tertia ad libellam sita, ea, quæ est subiecta, apparet longe distantior; cùm Organum tamen longè propinquiorem, quàm eam quæ sita est ad libellam, prodar. Sæpe aliunde animaduerti corniculatam Lunam in situ declui, ac intra nubila, vapores-ve densos, ostentare quidem inferiorem cuspidem, nimis vt elatam, ita & retusam, ac rotundatam propemodum; ac inferiorem tale nihil passam, vt pari debuisset, sit tam *καταστάσις*, quàm *ἀντάσις* suas egisset vices. Sed aliàs plura, cùm & hoc solum im-  
præsentiarum obiciam, vt ansam ampliorem  
meditandi faciam. Quod ex me circa tui *Lexia*  
nūcupa

nuncupationem rogitas, citius fecero, si ex-  
scribam, quod hesternâ luce ea de te perscripsi  
ad optimum æquè, & generosissimum, ac eru-  
ditissimum Principem Ludouicum Valesium,  
mea in Prouincia Pro-Regem. Sic porro esse  
agendum censui, quod & ille me satis amet,  
vt expectam commendationem polliceri mihi  
potuerim; & cogitârim Primores illos hac  
commendatione perstrictos, testaturos haud-  
dubiè gratitudinem vberiorè. Tu me semper  
ama, & æternùm Vale. Parisiis, x. Kal. Ian.  
M. DC. x l i v.

*Resoluant te plurimum Clarissimi, & Eximij  
Viri, Petauus, & Bullialdus, abest Furnerius  
à Ciuitate. Salutem quoque Arnando tuo renun-  
tatum in Prouinciâ misit. Vale iterum.*

LVDOVICO VALESIO, Principi  
Optimo,

PETRVS GASSENDVS

Εὐδοκῆς.

**N** Vspicor à felicitate, qua vt inchoandus  
perendie annus tibi torus eat, Deum  
veneror, Plurimum semper te laborum, nego-  
riorumque sustinere incomptum mihi non  
est; sed cum nihil in vita mortalium omni ex  
parte beatum sit; felix es tamen, quantum  
licet, donec tuo illo generoso, atque infracto  
animo quidvis excipis, quidvis geris. Qui  
nimirum hoc instituto mentem semel non ob-  
firmarunt, fluctuant, seu potius exæstuant  
semper, & nunquam non rerum seu iam exa-  
ctarum angore, seu circumstantium difficul-  
tate, seu impendentium metu torquentur.  
Ceteri verò, quibus ipse præluce exemplo  
potes, postquam id sibi defixerunt, vt inde-  
corè nihil agant; vt quantalibet providentiâ,  
quæ sint ventura subdorentur; vt impigrè  
quidquid maturè deliberârint exsequantur,  
illi demùm possunt otium in negotio, tran-  
quillitatem in medio æstu, serenitatem in statu  
rerum etiam perturbatissimo nancisci. Quippe  
neque præteritorum discruciantur memoriâ,  
vt quotum nihil suâ culpâ euenisse conscij sint;  
neque obuiis præsentium difficultatibus of-  
fenduntur, vt ad quas saltem vniuersim per-  
spectas sese comparârint; neque futurorum  
terrore, periculo-ve consternantur, vt quæ  
nisi averti possint, fortiter ferre decreuerint.  
Quod Hispanos seridè de pace non cogitare  
addubitas, iure, quantum assequor, facis,  
quando ipsis spes semper insidet, vt vel nostris  
rebus turbatis, exhaustoque ærario, vel Cæ-  
sar's rebus in Germania prosperè succedenti-  
bus, restitui in integrum possint; & velut ex  
æquo agere de pace, quam, vt res iam sunt,  
nisi cum iactura, nominiisque dedecore spe-  
rare posse non videantur. Si quid tamen ipsos  
compellat, metus erit, ne decipi pergant,  
& dum malè de rebus nostris, ac bonè de Cæ-  
sar's ominantur, res in peius ruerè non ces-  
sent, fortèque tandem pessimam habeant.  
Inaudies breui, vt coniicio, fore, vt valde  
percellantur, cum Principem vnum, in quo

habent spei collocatum quam plurimum  
agere seorsum de pace accipient. Distulit Har-  
curius discessum in Kalendas Februarias; per-  
hibeturque eius exercitus haud-quaquam mi-  
nor millibus militum viginti futurus. Clades  
Cæsarei equitatus, de qua ad te semel iterum  
que scripsi, vndique iam asseritur; additurque  
Galaso Magdeburgi conclusio nihil amplius  
quàm Equites mille, & duo Peditum millia  
superesse, Transyluano aliunde accessisse Tur-  
catum ferunt non octo, sed quindecim millia.  
Danis, Suecisque pactæ induciæ in Decadem  
Ianuarij primam, qua exacta futurum est vt  
inter illos de pace agatur. Misit Rex Angliæ  
ad Parlamentum, qui arbitrium significant  
circa propositas condiciones. Discessuri illeinc  
sunt Legati Hollandiæ, vt Parlamentariis non  
prorsus accepti. Accessit interim ex Sueciâ,  
qui de ineundo fœdere cum ipsis agat Parla-  
mentariis, ac eorum permisso vim militum  
cogat. Vale, PRINCIPVM OPTIME, Pra-  
sidium, & Decus meum dulce. Parisiis, 111.  
Kal. Ian. M. DC. x l i v.

E I D E M.

**N** Ota repeto, inito iam anno, quæ pro  
tua felicitate, ruente, imò desinente su-  
periore conceperam. Vtinam exaudiat, fasti-  
que Deus Optimus-Maximus; ita me ipse ad-  
iuuet, vt non annum modò, sed & totum  
æuum sis beatissimè exacturus. Exiges porro,  
quantum quidem humana paritur conditio,  
si ad eius nutum tès attemperans, tuebere con-  
stanter quam soles virtutem, atque honesta-  
tem; ac omnia gerens pro ea prudentia, &  
sagacitate, qua præditus es, consiliorum suarum  
eius providentiæ sic commiseris, vt quidquid  
demùm eueniat, nullius penitentiâ, quasi id  
non potueris meliùs instituire, ducaris. Co-  
mitia abs te conuocata, vt prosperè succedam  
voueo, successura autem ex ea, quæ virtutem  
tuam circumstat fortuna coniicio. Nihil de  
carcere Odancurij scribo, quando is tibi prius  
debut, quàm nobis innotescere. Miserat  
dumtaxat, ac miror quemadmodum *Heic  
apicem rapax Fortuna cum stridore acuto sustu-  
lit; heic possisse gaudet.* Laborare adhuc fecit  
Lotharingus in distribuendis per hybernâ cop-  
piis, futurumque erat diebus nuperis, vt se  
per Regalia Bruxellam conferret. Perseuerat  
adhuc Turennius in obsidione Cruciniaci,  
speraturque fore, vt breui Arce expugnata  
potiatur. Torstensonus vno, alteroque capitis,  
deuastatisque Oppidis hiematurus dicitur in-  
ter Albin flumiui, syluamque Hercyniam,  
& Konismarkius intercè ita destinauit cum  
suis, tum Hassiacis copiis hibernam statio-  
nem, vt de obsidione Magdeburgicâ, conclusio  
Galaso cum reliquis exercitus cogitare vi-  
deatur. Instare semper Transyluanum aium,  
& Legatum Cæsareum ne fandi quidem licen-  
tiam à Turca adhuc obtinuisse. Instigant con-  
tinenter Dani summâ vehementiâ ad pacem  
suum Principem, ac fuisse ferunt, qui veller,  
nollet, ineundam esse conclamârunt. Quod  
perhibent Anglum misisse Parlamentariis  
significatum, in eo est, vt quia agitur de regi-  
mine



que cum Politico, tum Ecclesiastico inuocandis, de loco prius, in quo res tanta decerni possit conueniat. Tu, ô PRINCIPVM OPTIME, & meum dulce Decus, Vale. Parisiis, ipsis Regalibus, hoc est postrid. Non. Ian. M. DC. XLV.

*Hec absolueram, cum allatum est schediolum de Anglicis rebus. Id qualecumque est, ut possis cognoscere, hisce concludam, eo non continentur propostæ omnes à Parlamento conditiones; sed reuerentia interim, qua sunt oblata, notanda est. Addunt Cantuariensem Archiepiscopum esse quidem in superiore illo conclavi facti conuictum; sed superesse questionem iuris, an nimirum idcirco sit ut Maiestatis reus damnandus. Vale iterum.*

## E I D E M.

**N**Vquam es profectò non similis tui, qui semper quam-optimus es. Nota Boni germana est, quod spontaneam sui diffusionem faciat. Quam esse bonum proinde par est, qui es in me etiam profusus? Ecce enim reducente anno tua redit munificentia, & facilem anni decursum, dum mihi opas, etiam facis. Quippe Virtus quidem utramque in felicitate complecti paginam, sed superiunt tamen quasi margines, quibus hæc, quæ vitam beatiorē, hoc est continentiorē faciunt, adscribantur. Nam est Virtus quidem seipsa ad bene, beatæque viuendum contenta, sed utrumque illam externa non inuenit ad viuendam melius, quatenus in nulla vitæ conditione aliam, quam iustum & tenacem propositionem esse patitur: conferunt tamen ad viuendum beatius, quatenus non ut probitas, sic felicitas quæ huius est vitæ, latitudine, & gradibus caret. Ac gessit quidem Porticus vocibus planè magnificis; verum ipsis sepositis. Spectatâque dumtaxat re, nihil aliud, quam Hortus, aut Lyceum sentit. Hæc tamen alias; quando iam istud à me solum attingitur, ne ab instituto discessisse videar, cum te dico felicitatem verbo apprecatum, & re exequutum. Videris mihi interim Deum Optimum-Maximum imitatus, cuius verbum efficax est, ac nunquam quem præfere non præstat effectum. Ecquid-nam verò mihi propterea subesse putes animi? Sanè, ut tuam continentem bonitatem exosculer, quam immerens licet continenter expetior. Et quod pergas quidem tuis literis nihil prorsus de munere abs te collato significare, agnosco te quoque peritare in eo, vt ne gratiam quidem à me, commemoratiōemque exspectes, sed dum ita me hisce radiis tuæ beneficentiæ perfundis, non potes iure habere me ἀφ' ὧν ἔστιν illa statua, quam Sole radiis affundente effectam memorant vocalem. Hoc dolco, verba mihi deesse, quæ quidquid fibræ later arcanâ, non enarrabile, resignet,

*Ὅτι τὸ μοι δὲ καὶ ἀπὸ τῶν ἀποστόλων, δὲ καὶ τῶν μαρτύρων.*

Dolorem verò longè ampliùs, nisi tu ampliùs nolles me, quam vt pectus geram, tibi, nisi verbis testantibus, immanifestum. Id vnum testor, vigere in me cum gratitudinis affectum, quo exigere calentiorem non valeas, quique,

quod tibi abundè sit, eo nomine solum mihi facit satis. Gratias rursus ago pro ea voluntate, quam in VVendelinum virum illum eximie bonum testaturum te recipis; si velle quod iam cæpit, pergat. Quæ de Anglo ratiocinarius, præclara, prorsus, & generosa tua indole digna sunt; sed facturus-ne ille sit, si ad tantas modò redigatur angustias, summus rerum Arbitrator nouit. Nihil hebdomade hac habemus ex ora illa Britannica; nempe aliquando cauet Parliamentum, & rebus præsertim minis prosperis, ne nauis vlla è portu soluat. Danicæ res semper turbata. Decumbit Magdeburgi Galasus, corpore nescio, an mente proliatior. Deliberare Cæsarem ferunt de substituendo ipsi Hasfeldio; interea verò Magdeburgum ea laborat penitiâ, Konisnarkio putâ, & Hassiacis variè incommodantibus, vt dedicationem factura sit, nisi supplicet à Saxone intra selqui-mensem ferantur. Quos Bauarus Legatos mittit ad Monasterienfiam Comitiam, superauere iam Franco-furtum: ij, vt opinor, rem peragent, quam superiorum pliterarum aliquibus iam insinuauit. Poritus demùm Turænnius est ea, quam obsidebat Cruciniaci arce, ac deinceps copiatum partem Mofellam versus in hyberna deduxit. Rediit ad Acrebates Gassio, prouisiū mque est, ne Vartenfis arx glacie hostibus fauente capiatur. Nimirum ita iam hyemat, vt supercrustante gelu Sequanam, plerique nec pontes, nec lembos requirant. Tu, ô PRINCIPVM OPTIME, & dulce meum Decus, Vale, Parisiis, Eid. Ian. M. DC. XLV.

## E I D E M.

**E**rum vicissitudinem eximie ob oculos ponis; & quod cecitatis Mortalium, qua sunt conditio te misereat, humanitatis est affectus. Subest interim, cur tibi des plausum, vt vnus ex iis, qui rari apparent in tam vasto gurgire, æqui rerum astimatores. Nam videas quidem plurimos hæc eadem edisserere; sed qui propterea res humanas vt è specula contemplantur, & suum cuique pondus tribuentes comparatum animum habeant iuxta proprium arbitrium, numero vix sunt totidem, quot Thebarum porte, vel diuitis ostia Nili. Porro, qui sic affecti sunt, ij sunt veri illi Sapientes, qui iudicio Pythagoræ sic hisce fortunæ ludibriis intersunt, vt qui spectatores accedunt ad Panegyrium, & spectaculis absque vlla sollicitudine fruuntur. Ac te quidem Natalium, præsentiumque rerum conditio non patitur quasi è Terra labores nauigantium, aut quasi è monte militantium motus intueri; sed quantum - vis tamen sis rerum gerendarum studio immerfus, is es, qui conatus res tibi, non te rebus submittere, quæcumque seu à cæteris, seu à te quoque ipso geruntur, tanquam infra te posita conspicias. Ea, quæ de Anglis subinsinuare præsertim videris, eiusmodi sunt, vt contentiente ad pacem Rege, nolint Parlamentarij cum illius Legatis, sed cum ipso solo de ea agere. Ceperè ij recens quædam Oppidâ, inserereque Londinum deduci coniuratos sexdecim, qui Droneri arcem,

arcem, portumque Regi tradere satagebant. Ea vetò fuit causa, cur nihil superiore hebdomade illeinc addidicerimus; tanquam nulla naui è portu soluente. Tentàrat Hasfeldius in Dania nescio quid in Vrangelum; verùm infœlici, vt aiunt, successu: cœpta aliunde grassari pestis in ipsa Metropoli, incolas non parùm contraxerat. Dicitur tamen hoc demum mense illeic de pace seriò agendum. Fertur Regina Sueciæ annos iam nata octodecim cepisse Regni sui habenas, audio tamen eius coniugium cum Brandemburgio Electore turbari à Rege Poloniæ, minitante fore, vt Prussiam Ducalem Fisco applicet, si ille Prussæ occasione Vassallus cum sit, ad Regnum adspiret, quod ipse ad se pertinere contendit. Obsidetur semper Magdeburgi Galasus; feruntque ipsi milites non superesse vltra non-gentos: addunt eius Vrbs Archiepiscopum in eo esse, vt procurat inter Saxonem, Torsten-sonumque statum neutralem. Ipse interim Torstensonus ita in Bohemiam perhibetur irumpere, vt Pragenfis miro terrore percellat. Fore aiunt, vt Imperator pacem cum Transyluano ineat; sed acceptis nempe, quas ille præstituit, conditionibus, quarumque illæ esse feruntur, vt sentiendi de Religione libertas in Hungaria sit, & eodem ex Regno Iesuitæ pellantur. Scribitur Bauarum misisse Oratores ad Cæsarem, qui aut ingentem quandam pecuniarum vim, aut restitutionem Regionis supra Anisanæ obtineant; quando non videtur de Palatinatu superiore esse securus. Atque hæc quidem sunt, quæ iam, vt è specula contemplari licet. Tu, ô PRINCIPVM OPTIME, meumque dulce Decus, Vale, Parisiis, xlii. Kal. Feb. M. DC. XLV.

## E I D E M.

**E**cce fuisse Comitia prosperè, proque tuis votis gaudeo, gratulorque impensè, siquidem (quæ est temporum conditio) id penè præcipuum incumbere munus Pro-Regibus in Aula putant, vt ex demandatis Prouinciis importari vim pecuniarum quam-maximam licet, in ararium eurent. Videlicet alia ratione inutilem esse eorum prouidentiam; quatenus frustra Prouinciarum tranquillitati consulitur, nisi eam fieri tutam armis, sola vi numorum animandis procuretur. Nihil verò mirum te animos habuisse prorsus obsequentes; quando, sit licet penuria ingens, nemo tamen nescit emunctionem hanc te inuito fieri, ac parendum esse, vel ex eo præsertim, quòd incumbens necessitas tua bonitate temperetur. Vtinam tempus demum adueniat, quo subleuare populos ab hisce oneribus possis; quippe voluptatem præsentio, quâ humanissime perfunderis, si quando, Numine propitio, reflorescentem Prouinciam tuo sub regimine contuitus acclamationes exceperis affectus & votorum plenas. Ferunt Cæsarem, Hispanumque ita ad pacem esse propensos, vt destinaturi mox sint Principes Ministros Monasteriù, atque adeò ipse etiam Longa-villa sit breui sese ad eandem expeditionem comparatus. Faxit Deus, vt nisi res tempestas verna

possit peragi; non differatur vltra Autumnum, quo vix sperandum hoc anno bonum, saltem sequuturo proximè allucescat. Destinantur iam in Picardiam copię, ne si fortè Picolomineus, vt aiunt, tentet aliquid, aggredi imparatos possit. Versari Moguntia nunc fertur Turennum, & nuper qualdam eius copias è rediisse spoliis onustas ex Durmstadiensi Prouincia, in quam, traiecto Rheno, irrepserant. Hæret Galasus semper Magdeburgi cum militibus non ampliùs quingentis, Totstenonius verò non mouit quidem, sed Equitatu iam instructo esse dicitur in prociñctu, ac sibi ab eius incurfu superiorem Palatinatum non minùs, quàm Bohemiam timere. Scribunt non potuisse Transyluano conuenire cum Cæsare, ipsùmque idcirco mouisse denuò castra in Cæsarianos. Speratur adhuc Saxonem cõiurum cum Suecis in neutralem statum. Speratur & pax Danos inter, Suecisque proximè incunda, apparante Sueciæ Regina terrestreis, Naualeisque viris, quæ nisi èa incutur, bello instaurando comparate sunt, prostrato aliunde ab Vrangelo, quod dicere nuper volui, Hasfeldio. Ex Anglia, quid sperandum sit, nemo facillè diuinari. Nam cum Parlamentum delegerit locum decimo quinto ab Vrbe milliari, in quo de pace cum Rege agat, sic tamen Legatis agendi tempus præfinit, vt quæstus esse in Regem prætextus, nisi absque mora conditionibus subscribat, videatur. Et aliunde id, quod appellant *Londnensis Vrbs Consilium*, decreuit (sele iurim gerens Parlamento quoque superius) tum cõtionem *Conclanum*, tum negata Regi, ob prauum eius regimen, obedientiam; faciendam de nouo regimine consultationem; quæ res agitata, & ad præfinitum vsque illud tempus indecisa remanens, argumentum est eisdem prætextus. Fuit miser Archiepiscopus vigesima mensis capite plectendus. Tu, ô PRINCIPVM OPTIME, ac meum dulce Decus, Vale, Parisiis, vi. Kal. Feb. M. DC. XLV.

*Nobilissima, ac eruditione, virtutibusque omnigena ornatissima Virgine,*  
ANNÆ Mariæ A SCHV-  
MAN,

PETRVS GASSENDVS S.

**N**on id promerebar, ô VIRGO longè incomparabilis, vt mei causâ discedens à tuo illo instituto scribendi nihil ad externos, nec mihi sanè ad te scribenti fuerat aliud in animo, quàm vt tuæ virtuti tam ratæ tabellæ quasi appendereim, & tibi quanta apud me esses veneratione significarem. Itaque, quæ meam qualemcumque conceptæ de te opinionis testificationem acceptam habueris, & dignata præterea fueris rem facere mihi perscctam præclaris illis, & tua modestia, eruditioneque dignis literis, beasti me oppidò non parum. Quod interim verò consilium, morumque fueris prætergressa, intelligo factum me esse vel hoc nomine obstrictissimum.

Pancula

Parsula porro hac iam repono, non ut parem  
*velis* gratiam prouocem, sed ut quam possum  
 maximam gratitudinem ob acceptam tester.  
 Vnde & exoro, ne, nisi quid forsitan bona mea  
 forte iulura me sis, præscriptam tibi metam  
 transilias; ac meminisse dumtaxat velis, esse  
 me cum semper, qui tuam virtutem constan-  
 tissime, summèque reueretur. Vale. Parisiis, v.  
 Kal. Febr. M. DC. XLV.

*Clarissimo, Doctissimoque Viro AN-  
 DREÆ RIVETO, Selectis Au-  
 rari Illustrissimi Principi, à Consilijs.*

PETRVS GASSENDVS S.

**Q**uanta putas me verecundia, ac simul  
 læticia tuæ literæ persaderunt, Virotum  
 Humanissime, cum & sensi me cultorem tam  
 benignæ illius beneuolentiæ, quam adeo  
 sponte, cumulatèque es olim testatus in me;  
 & te agnouî ea bonitate, ut amare constanter  
 me nihilominus pergeres, ac literis etiam  
 constantiam facere testatam non dedignaueris.  
 Id sanè tanti apud me est, ut ne eleuetur,  
 nullam negligentia exultationem prætexere  
 studium, sed culpam ingenue professus, so-  
 lam, cuius tantam spem facis, abs te indul-  
 gentiam implentem. Ac testes, sunt quidem  
 quos citat, optimus Merseus, amabilissi-  
 mus Sarberius, itémque Dalleus eximius,  
 aliquæ tecum communicantes, quam semper  
 de te, tuæque virtute magnificè senserim, sed  
 debui tamen sanè etiam aliquoties per literas  
 scribere que te reuerentia, quo affectu pro-  
 secutus, ac tum saltem, cum non fui ne-  
 cessarius te operam mihi nauasse, intercedenti-  
 bus Amicis, quæ singularem animi grati tes-  
 tationem promitteretur. Fuere mihi porro  
 tuæ literæ vel eo nomine etiam periuicundæ,  
 quid habuere comites alias ab incomparabili  
 Virgine, quam profectò non sine magno nomi-  
 nis splendore tuam dicis. Nempe qui illam  
 tanti facio, ut exillimem dono quodam Pro-  
 uidentia gemitam fuisse, in qua Natura, Sap-  
 ientiaque totas vires experientur, non pos-  
 sum eius literas non habere quasi carissimum  
 pignus, ac tantò magis, quantò noui cepisse  
 illam id consilij, ut nihil scribens ad externos,  
 voluerit me tamen facere exceptum. Re-  
 scribo ecce, ne intestatam ipsi gratitudinem  
 faciam; sed præsto id tamen paucis versibus,  
 ne velle videar exigere, ut prætergredi insti-  
 tutum pergat. Tu Epistolium curabis volens;  
 fac verò, amabo, ut intelligat, sentiatque de  
 me, esse neminem, qui tantam illam eius virtu-  
 tem pretio æstimer pretiosiore.

Quod scribis iudicium, censuramque meam  
 in opus Cartesij nouum expectari; verum  
 est quidem fuisse me sollicitum à plurimis,  
 ut aggerer Physices illius, quemadmodum  
 aggregis fuerat Metaphysices discussionem;  
 sed ego hanc spem feci nemini; neque pol-  
 licitus quidquam sum; quin potius detre-  
 ctavi semper, ac me multis nominibus excu-  
 satum constanter feci. Reponere nimirum  
 soleo, non ex meo esse genio, ut in aliena  
 opera, nihil prouocatus, inquiram. Nam  
*Gassendi Epistola.*

quod Metaphysicam viri paulò studiosius  
 disquiserim, factum idèd fuit, quod ille in  
 me se gessisset præter decorum. Compositum  
 iam videri dissidium; quando, tamen ille dic-  
 catur me semper linguâ lacessere, calamo ta-  
 men prorsus quiescit, & ne tria quidem illa  
 verba, quibus se Physicam edentem respon-  
 surum receperat, vquam operis illius appo-  
 suit. Potuisse me gerere morem, si opus ab  
 alio fuisset euulgatum, aut nihil prius inter  
 me, Authorèmq; intercessisset; quippe tum  
 pronum fuisset consilium, ad veritatis stu-  
 dium referre: nunc autem nihil fore procli-  
 uius, quàm ita rem interpretari, ut quidpiam  
 fuerit, ac etiam-nom quid alta mente repo-  
 situm maneat; sinque ut tenax propositi, sic  
 nimium amans contentionis. Possè aliunde  
 videri me liuore quodam id facere; ac nihil  
 aliud, quàm prodere aut malignum nimis  
 affectum, quasi aliorum partibus illicò suf-  
 focandis inhiem; aut animum sterilitatis re-  
 rum bonarum minùs conscium; quasi cùm  
 nihil in me sit vnde gloriam promerear; quæ-  
 rere mihi aliquam ex detractione alienæ affe-  
 ctum: atque hæc sunt quidem, aliæque id  
 genus, quæ instigantibus obiciunt. Addo iam  
 verò, ut pates me tecum agere confidenter,  
 videri mihi hunc laborem esse superuaca-  
 neum; quando liber videtur esse Authori suo  
 præmorigitur. Neminem certè video, qui le-  
 gere à capite, quod aiunt, ad calcem susti-  
 neat; qui non tædio sissimum habeat; qui non  
 miteretur potuisse virum tam operosus habere  
 nugas. Me quod attinet, vereor admodum,  
 ne quam ille gloriam præsumpserit, non adipi-  
 scatur; ut nempe Aristotelem è Scholarum  
 folio deturber, ipse imperium in iis obtineat;  
 veluti tam multis contendit in sua illa Epistola  
 ad P. Dinerum conscripta. Fruatur tamen, si  
 possit quidem, sua illa bona fortuna; conqui-  
 sanè non poterit obtinuisse me (ut conquestus  
 est, obtinuisse optimum virum) ne & prælegat-  
 ur, quod expressum est in illa eadem Epi-  
 stola; & familiam ducat, quod ad alium scri-  
 psit; & Theologi etiam quas cudunt novas opi-  
 niones antiquis præponant; quod quartis ob-  
 iectionibus respondens prædixit venturum.  
 Id verò mirare, Geometram eximium po-  
 tuisse sibi tot in somnia, atque chimæras sin-  
 gere; & quod est ampliùs diuendere pro de-  
 monstrationibus ratis. Nam virum quidem  
 solertem quis neget posse plurima commi-  
 nisci, quæ quadantenus inter se cohæreant;  
 & eo stylo conscribantur, qui altercando, ri-  
 xandòque ut in Scholis solent, comparatus sit;  
 sed velle protinus commèta in rerum naturam  
 inferre, & profiteri huiusmodi, non alia esse  
 rerum Principia, sic se non alio habere modo,  
 primam Materiam, proximas Causas, nativos  
 Motus, &c. hoc iam esse nolle agnoscere quid  
 humani ferre humeri recusat. Nihil necesse  
 est speciatim attingi; nam ab vique hypothesi,  
*quod corpus mundanti infinitum sit, seu, ut ludit,  
 indefinitum; quod ex se prorsus solidum sit, neque  
 à spatio differat; quod teri in fragminula loca va-  
 riè commutabilis absque admixto inani valeat;*  
 aliæque eiusmodi; id quot trahat incommoda,  
 contradictionèque percipit non nemo? Non  
 T quod



quoddam illis suis distinctiunculis subterfugere, faceretque fucum non valeat, aut saltem nitatur; sed nempe, non, ut imperiti, inanēque verbis capiuntur, sic Viri graues, studiosique veritatis iis inhærescunt; neque non verbis sepositis ipsas res sollicitè quærent. Hoc vnum dumtaxat lubet adnotare, quoniam ad Metaphysicam Disquisitionem attinet; cum ille prius nihil non egisset, tum meditando, tum respondendo ad Dubitationes varias, sed ad primam potissimum, circa Meditationem quintam, ut persuaderet Trianguli, rerumque aliarum Ideas non fuisse vnquam nobis per sensus illapsas, sed ab ortu ingenitas; ac ipse semper institissem Ideas huiusmodi illapsas esse nobis per sensus, quatenus ex viuo, aut aliquibus singularibus perspectis, Ideas quoddam, seu notiones generalis effinximus, quæ singularibus postea omnibus accommodarentur: ecce iam ita manus dedit, ut cætera inter ipso primæ partis articulo 59. isthæc legere verba liceat, *Eodemque modo, cum spectamus figuram tribus lineis comprehensam, quandam eius ideam formamus, quam vocamus ideam Trianguli, & eadem postea ut vniuersali vtimur ad omnes alias figuras tribus lineis comprehensas, animo nostro exhibendas.* Paria obseruare mox ante circa vnitatem Temporis liceret; verum hoc, aliisque dimissis, eum indicasse locum sufficiat, quem, si tanti ducas, possis cum obiectis, priusque responsis conferre. Quo loco admonere possem, non fuisse cur ille, tanta iactatione gloriaretur se falsi nihil ex eo die admisisse, quo omnia exiit præiudicia, & Deum ut sui Authorem, ita non fallacem agnouit. Nam nunc, verbi causa, secus planè sentit, quàm senserit in Methodo post præiudicia abiurata, Deumque & sui Authorem, & non fallacem agnitum, cum Imaginaria admitteret spacia, in quibus Deus nouam materiam nouo Mundo componendo sufficientem creare posset, cæteraque hisce affinia. Sed finem potius facio, ne velle heic videar ipsam, quam recuso, dicere sententiam. Tu, quidquid id est, boni consule, & loquacitatem hanc tantam cum diuturno illo silentio compensa. Vale, Vir Humanissime, & senectam hanc viridem, etiam ultra sæculum profer, Parisiis, v. Kal. Febr. M. DC. XLV.

prono obsequio erga Regem sint; nam tamen ad infimum præsertim Ordinem id refert; eo tamen incumbet tua prouidentia, ut si quid Proceres delitent, non idèd Achui plectantur. Rerum nouarum vix quicquam est, quod ad te perscribi mereatur, ac potissimum, cum ab iis abstineam, quæ attinent siue ad Aulam, ut consilium de repellendo Cardinali Valencæo ante octiduum huc appulso; siue ad Curiam, ut expostulatio ob insolitas, crebræque à legitimo Tribunali Enocationes. Non discessit adhuc Harcurius, præstolatus putà iudicium circa Egulonium Ducatum. Sunt Turanæ copię adhuc Trans-Rhenanæ, perhibentque Oppidum quoddam ab ipsis occupatum fuisse. Torlisenus semper in prociū stat, coëquitque interea in Bohemiam Cæsarei, ac futurum erat diebus proximis, ut Verthum eò appelleret, & cum Hasfeldio vireis conferret. Versatur Galafus semper Magdeburgi cum Ducibus aliquot, ipsorumque vxoribus; dimissi autem in Bohemiam, qui supererant 300. aut 600. milites, in itinere cæli memotantur. Ferunt aliunde Konismarkium, & Hassiacum ab iis finibus excessisse. Accessit Oxsternius Sueciæ Cancellarius cum duobus Senatocibus ad agendum de pace cum Danis; non desinit tamen idcirco, ac cis mare potissimum obidiones quædam, prouocationesque hostiles. Qui vicus in Anglia delectus ad agendum de pace est, *Vxbridgium* vulgè appellatur; ad quos Comites Conclauis Superius eò delinquit, sunt *Northumberlandus, Pembrokeus, Dembigbius & Salisberiensis*, nomina octo de stinatorum ab Inferiore non memini, neque de Scotorum, aut destinatione aut nomenclatura aliquid accepi. Soluit interea Princeps Robertus, non absque insigni iactura, quam susceperat, Regis nomine, Abingtonensem obsidionem; & quæ præsidia prope Plumthum occupata à Regiis fuerant, recepta iam esse prodantur. Quin etiam aiunt Patlamenios inuasisse nescio quod Castrum magni momenti in Vallia. Exspectantur tamen à Regiis millia duodecim Hibernorum. Infelix Archiepiscopus fuit tandem capite truncatus. Tu, ô PRINCIPVM OPTIME, ac meum dulce Decus, Vale. Parisiis, 111. Non. Febr. M. DC. XLV.

## E I D E M.

LVDOVICO VALESIO, *Principi Optimo,*

PETRVS GASSENDVS  
*Lugdunensis.*

**E** St cur gratuler iteratò, emeruisse te è fluctibus illis turbarum Comitialium, ac posse, dum iam Tolone quiescis, luctantè cum Strachadicis fluctibus Africum spectare. Actu quidem illos cum istis egregie prorsus comparas; verum addi potest, cum fabula sit, quod de Neptuno tumida aquora placante, narratur; temperare reuerà te tumultuantium affectuum aquor, dum & consiliis animos regis, & dictis mulces peccora. Delectat interim, quod homines nostros eo dignaris elogio, ut

**E** Ratulor tertium, OPTIME PRINCIPES, sic peracta fuisse Comitia, ut plaudis etiam tuleris eò in Urbem recepisti. Ac præclare tu quidem Deo cordium scrutatò committis, veri-ne fuerint, an personati, qui vultus tibi occurrerunt: interim tamen quiescuntque ij fuerint, augurari licet temperiem ipsorum affectibus factam; ac sperare, ut sese demum in bonam frugem serio recipiant. Quod superest, non multum te hacce occasione morabor; videlicet accipere me, ut euenturam hoc vespere Lunæ Eclipsin obseruitem, sicque sacris Vranix, qua ipse es non alienus, vacem. Nec vob aliunde perspexi rerum nouarum aliquid, quod magni videatur momenti. Ferunt

Turanæ

Tureniq; copias non fuisse satis prosperè obsequium quandam aggressas. Aggressi sunt Hassiaci, aliamque item Konismarkius, Hæbitiz formidabilis; dum Torstenonus interea variè excurrit in Bohemiam, ac eius irruptioni nihilominus in Palatinatum timeretur. Ramor est nouæ cuiusdam cladis, quam passi Dani fuerint: tamen si benè semper de Pace eos inter, Suecofque inuenda speratur; vt quod de ea non ante Kalendas huiusce mensis debuerit agi. Quæ Monasterij disceptatur, lento semper procedi gradu, Ministris Regis, Cæsareisque procuraciones instauratas ineptis ac Hispanis adhuc præstolantibus: debet nihilominus Longavilla illuc discedere ante mensē. Quæ in Anglia, dies nos breui quò euasura sit docebit; scilicet debuit occipere die superiore eius disceptatio. Vale, PRINCIPVM OPTIME, Præsidium, & Decus meum dulce. Parisiis, IV. Eid. Febr. M. DC. XLV.

*Admodum Reuerendo, Doctissimoque  
Viro D. GODEFRIDO VVEN-  
DELINO, Condatisensi Canonico,  
Pastori Hercano,*

PETRVS GASSENDVS S.

**E**N tibi, Optime VVENDLINE, totam tam feriem obseruationis, quam superius nocte peregi; neque enim patiuntur temporis angustiz, & interurbationum vices, vt æquum tecum iam pluribus, si velim quidem hæc perditâ occasione communicatam.

Phædes Lunæ deficientis, &c. *Vt in Commentarijs.*

Reuocare cæperam ad calculos omnia; sed totius fui interturbatus, vt vix potuerim tumultuariè vel vnius Procyonis calculum absumere. Expende ipse, & emenda omnia; ac Vale! Dabam præpropere Parisiis, 11. Februar. M. DC. XLV.

Recepit optimus Princeps præstiturum se erga Ma. liensiu quidquid verum petierimus. Excusatum habebit me eximius Langrenus si meuens, ne Cursor discedat, nihil iam ad ipsum deui litterarum.

*LVDOVICO VALESIO, Principi  
Optimo,*

PETRVS GASSENDVS  
*Eussæstien.*

**N**ihil esse potest, quod adiciam ad tuam illam commendationem Viri manibus innocens, & cuius menti insulsum aurum, non auri cupiditas est. Adderem solùm, si id pari tua illa modestia posset, esse te verè huiusmodi, tamen si nihil adderem ad eam, quæ præluces, gloriosissimam, ac meritisissimam famam. Ne quod attiner, is sanè non sum, quem, vt sæpe dixi, cum describis voues, *Gassendi Epistola.*

vtinam verò vel vmbra solùm eius, quam de me concepi, opinionis me dignum exhibeam, obseruari nuper, quam perscripsi me obseruaturum Lunæ Eclipsin, quæque tuos oculos quoque euocauit haud dubiè, si fuit quidem tam vobis istheic, quam heic nobis Cælum propitium. Cæpit ea nobis hora 5. cum minutis 34. Desiit octauâ, cum minutis 40. ac fuit proinde tota duratio horarum trium cum sex minutis. Contigitque medium hora 7. cum min. 7. Fuit maxima obscuratio Digitorum 9. cum quadrante aut semisse ad summum. Cæpit autem infernè ad Boream, ac desit supernè præcisè, aut tantilla cum deflexione versus Austrum; idque cum duæ cuspides in perpendiculari eodem fuissent, defectu proecto ad Digitos sex cum semisse; ac fuissent planè ad libellam deducto, defectu ad Digitos treis. Linea ducta per discum Lunæ à marginis puncto, quo Eclipsis cæpit, ad illud, quo desit, non reliquit plures ambitus Lunæ gradus ad partem lucentem, quàm 25. aut 30. supra centum, (id verò, cum summo defectu obseruato non malè congruit) & fuit aliunde arcus vmbra eundem discum temerans, portio circuli vix maioris, quàm qui diametro excederet semel Lunarem. Molestus forem, si adderem plura; nisi, quòd adnotari potest, futuram vsui obseruationem Tabulis Cælestium motuum reformandis; quando nullæ non aberrârunt, neque nullæ non prolixiorum durationem sperandam fecerunt, quàm reuerâ contigerit, vt putâ aliæ excedentes à vero totis sex minutis, aliæ 10. aliæ 15. aliæ 19. aliæ 27. & amplius. Atque ista quidem Cælestia. Ad res humanas quod attinet, discessit Hærcurius tandem nudius tertius. Turennius apparat Equitatum. Regij pro pace Legati in eo sunt, vt cum Succis delibarent, qua ratione ipsum de pace negotium promoueri valeat, qui autem illuc Imperialium Ciuitatum iam accessere, in eo sunt, vt obstitent, ne id promoueatur, quò vsque, qui à cæteris sunt destinati, accesserint. An proinde tam citò quàm speratum fuit Longavilla, (& cum eo noster Capellanus, generalis rei gerendæ à secretis delectus) discessurus sit, est cur meritò vocetur in dubium. Deliberasse aut saltem egisse de rebus momenti non parui Torstenonum memorant cum Saxonico, Brandemburgico, & Hassiaco Legatis; ingressus est autem, ac pergit passu iam grandi per Bohemiam cum vniuerso exercitu, aditurus, vt putatur, Cæsareum. Propterea certè Imperator Pragæ iam degens copias omnes cogit, ac dici potest ipsius res, exercitu illo Galasi consumpto, rediisse ad Triarios, & vel ex eo de summa agi, quòd in ipsâ Imperij sede victorem exercitum insulantem sit excepturus. Ferunt res Danorum paulò credtiores. Ex Anglia aliud nihil habeo, quàm ceptum esse agi de pace à die ante istum nono. Tu, ô PRINCIPVM OPTIME, ac meum dulce Decus, Vale. Parisiis, XIII. Kal. Mart. M. DC. XLV.

*Admodum Reuerendo, Doctissimoque  
Viro, D. GODEFRIDO VVEN-  
DELINO, Pastori Hercano, Con-  
datisensi Canonico,*

PETRVS GASSENDVS S.

**Q**UOPTIME VVENDELINE, non abs re  
vetebar, cum ante octiduum ad te scri-  
berem, ne præ nimia festinatione, intertur-  
bationeque crebra præposterè quid ageretur.  
Ecce enim cum deinceps altitudines tum Pol-  
lucis, tum Ceruicis, Cordisque Leonis reuo-  
cassent ad calculos & singulis sua tempora,  
vt factum iam fuerat, circa Procyonem appo-  
posuissim; facile deprehensa fuit ex vniformi  
discrepantia tam geminarum cellularum inter  
Procyonem, & Pollucem, quam singularum  
inter Leonis Ceruicem, & Cor immutatum  
quidpiam circa ordinem fuisse. Euocato ita-  
que Agarrato meo, quo in hac Vrbe iam mo-  
rante vsus fueram, vt altitudines captaret,  
ac describeret, dum ego forem interea Te-  
lescopio in Lunam intentus, iussi illum in  
suam ipsius descriptionem intendere, ac dispi-  
cere quid rei id foret. Ac demonstrauit ille  
quidem me non aduertisse cœcos quosdam  
ductus, ob quos altitudines Cordis Leonis,  
ab octauo vsque decrementi Digito fuerant  
reducendæ, reponendæque omnes vnâ cellulâ  
superiùs, vnâ cum illa cellula vacua, cui post-  
ponenda foret altitudo Cordis Leonis præce-  
dens, ac statuenda illi è regione altitudo Cer-  
uicis superior in vicem altitudinis Procyonis  
40. grad. 30. min. cuius lituram non aduertis-  
sem; cum non aliud fuisset, quam altitudo  
40. grad. 3. min. bis posita; id quidem, in-  
quam, demonstrauit, at quod spectaret ad  
Procyonis, Pollucisque altitudines, nihil  
comperit fuisse interuersum. Ego proinde ra-  
tus iam errorem fuisse calculi circa Procyonem  
instituti, sic ipsum cœpi retexere, vt initio  
statim deprehenderim fuisse me sub ipsum  
principium vnâ cyphrâ hallucinatum, ac to-  
tam deinde seriem calculi fuisse deinceps ex  
eo turbatam, idque præter speciales lapsus,  
qui sub finem irreperant, quare & totam de-  
scriptionem ipsius Agarrati manu exscriben-  
dam iussi, & instaurato calculo, sua altitudi-  
nibus singulis tempora adscripsi. Iussi & il-  
lum deinceps exemplum totius obseruationis  
conficere, quod hodierna luce ad te mittere-  
tur, vt vel scrupulo te eximeret, vel labore  
etiam quodam subleuaret. Id ipsum porro est,  
quod heic habes, cuique hocce versus attexo,  
vt errorem excusum, qui tibi haud-dubiè ne-  
gotium quoddam facesserit. Sed nempe facile  
agnoscere candorem simul, affectumque, quo  
rem gratam tibi facturus facere volui, nihil  
tuncatus, nihilque ad eò reueritus ne tran-  
mitteretur quidpiam inconditum. Tu proinde  
quidquid id est, æqui, atque boni consule,  
ac Vale. Parisiis, xii. Kalendas Martij,  
M. DC. XLV.

LVDOVICO VALESIO, Principi  
Optimo,

PETRVS GASSENDVS

*Evdæsiæ.*

**A**ud è nihilo est, quod præsentis fore, vt  
Bohemia sit quasi Theatrum, in quo bel-  
lum mox recrudescat. Ecce nimirum Torsten-  
sonus ferro, igneque omnia deuastans, abesse  
Pragâ dicitur milliaribus non amplius qua-  
tuor, ipsèque Cæsar, cum ea ex vrbe Pilsenum  
versus discederet, pedem referte coactus fuit.  
An recrudescet etiam in Dania, quo iam expu-  
gnato Homburgo, Albique traiecto, Konig-  
markius properat, vireis collaturus cum Vran-  
gelo, à quo Ripenum cum internecione cruen-  
ta memorant receptum: longè hac ratione  
sunt Cæsar, & Danus, vt suppetias inuicem fe-  
rant, cum & aliunde negotium Danicæ pacis  
non promoueat. De Anglicana potior est  
spes, modò Londinenses non obstitent. Ad ge-  
neralem quod attinet, accipere tandem Legati  
Hispani iteratam procuracionem, adduntque  
Regem Hispaniæ destinasse præterea Medinam  
Torrezium, & Cameracensem Episcopum ad  
Monasteriensem conuentum. An Torrezius sit  
vice Pignerandæ, quem delectum audieram  
totius legationis caput, nondum mihi comper-  
tum est. Addam-ne sperasse Gassionem, vt Au-  
domaropoli, fauente intestina Ciuium coniu-  
tatione potiretur; eamque fuisse germanam  
causam copiarum nuper heinc mittendarum,  
ac spe frustratum, inolasse Duacum inter, &  
Insulam, cepisque illeic Orchias, vnde & de-  
inceps vlteriùs grassetur. Pluribus te iam mo-  
rare non vacat. Vale, PRINCIPVM OPTI-  
MÆ, Præsidium, & Decus meum dulce. Parisiis,  
vi. Kal. Mart. M. DC. XLV.

PETRVS GASSENDVS

NEVRÆO SVO, S.

**V**T fuerim vsus narratione Massiliensis  
expeditionis scribo ad optimum Campi-  
nium. Tibi debeo speciatim gratias, ob Lunaris  
Eclipseos communicatam obseruationem. Ipse  
iam meam ad te transmisi, quam posses cum tua  
conferre; & quod adici circa illam heic possit,  
nihil superest. Attexo dumtaxat horarum mo-  
menta altitudinibus istic obseruatis, vt si  
fortè tibi, aut optimo Seni non vacauerit cal-  
culos subducere, comparationem temporum  
isthac inter loca instituire possis. Res igitur  
sepe in hunc modum habet.

Phases Lunæ deficientis, &c. *Vt in Commentarijs.*  
Conicio ex temporum serie altitudinē Pro-  
cyonis primam fuisse consignatam à te non 26.  
grad. 30. min. vt exscribendo irrepsit, sed 46. gr.  
30. min. vnde potest deduci hora 7. min. 25.  
Hærendum autem puto Initio, ac Digitis pri-  
mis; quoniam Digitorum variatio redditur sub  
medium Eclipseos inobseruabilior. Nutat can-  
tillum finis. Et nisi tamen calculus Lunæ ni-  
mis multa supponeret, supputarum ex ea tem-  
pus melius consonaret cum Initio, quam illud  
quod deducitur ex alterutro illarum Fixarum.

Quamquam



Quamquam & habui rationem centri, cum ipse non expresseris, centri-ne fuerit, an superioris inferiori ve limbi altitudo. Sed de his aliis; nam ista ecce imminente nona præpropere do. Vale, & Senem optimum saluere quam-plurimum iube. Parisiis, vi. Kal. Mart. M. DC. XLV.

LVDOVICO VALESIO, *Principi*

*Optimo,*

PETRVS GASSENDVS

*Εὐχαρίστη.*

**E** Nauidimus ipsi quoque, quem apparatus Turcicum narrares. Vtinam Deus Principum Christianorum mentes illustret, ut conciliatis affectibus, imminentem avertant perniciem. Ac non est quidem è nihilo, quod Melitenenses sibi prospiciunt: sed si Turca fortè cogitet Siciliam, vnde nam, quæ so, potest Hispanus abunde virum cogere, quibus-cum traienti obstitat? sin inducat in animum, ut Transjuncto faucis pergens, auxiliareis ipsi copias conferat, quomodo Cæsar Suecis aliunde impendentibus impetum retunderet? Mirum profecto, nisi ille Christiani osor nominis ex hisce proficiens occasionibus, impetum suum cum ditione promoueat. Quod dico porro de Cæsare, confirmant literæ postulatæ, quibus scribitur Torstensonum in eo esse, ut Egram traiciat, ac Imperatorium adiciatur exercitum, qui ad Pilsenum iam conuocatus, vix accedere dicitur ad militum quindæ millia. Credunt Turennum, dum copias inuenis prope Philippoburgum accessit, mente agitare facinus insigne. Deiciunt Hassiaci præsidium, quod dudum obsessum vi tandem ceperunt. Putant Konismarkium breui irrupturum cum sex hominum millibus in Archiepiscopatum Brementem. Danicæ res semper se perinde habent. De Anglica pace pene desperatur, quod rex præbere assensum nolit, aut expungendo Episcopatu, aut iuri regendæ militiæ in Parlamentum transferendo: quodque de pace dum agitur, Regij VVimuthum ceperint, qui Portus magni est momenti. Vale, PRINCIPVM OPTIME, Præsidium, & Decus meum dulce. Parisiis, v. Non. Mart. M. DC. XLV.

E I D E M.

**S**ic sanè est, OPTIME PRINCEPS, comparari Magnates possunt cum Magnis Luminariis; Homines è vulgo cum Stellarum turba. Rarè Sol ac Luna deficiunt, tarò intereunt Principes; crebrò occultunt Sidera minora; crebrò populares moriuntur. Defectum in illis vtrisque facit raritas celestis; defectum in istis vtrisque crebritas facit inobseruatum. Timetur ex vtrisque illis deficientibus rerum perturbatio, deficientibus his vtrisque alta viger securitas; nullum-ne igitur discrimen? Illud profecto vniuersè, quod de Eclipsi Solis, Lunæ caterorumque Siderum ad hominum omnium mortem comparata, dici idem possit, quod est à Poëta de

*Gassendi Epistola.*

eorundem occasu dictum. *Soles occidere & redire possunt; Nobis, cum semel occidit brevis lux, Nox est perpetua una dormienda.* Illud speciatim, quod non sit perinde à Solis, Lunæ ve Eclipsi, ac à morte viri Principis timendum. Quippe qui defuncto Principi succedit, alius homo est, aliæque consilia agitare potest; at Sideri non aliud Sidus, sed ipsum-met sibi succedit; ac noui nihil machinatur, quod ne per breuem quidem defectum eorum malorum causa est, quæ & vulgus metuit, & Astrologi inanes decernunt. An verò Solis luce priuati per integras nocteis, Terræ cum nobis partipiente, possumus nihil metuere, & ita præposterî simus, ut priuati per morulam, Luna eundem intercipiente, æquum reputemus expulescere, quasi magno quodam malo impendente! Quàm sapienter, quàmque cordatè dignus ille Præceptor Anaxagora Pericles, cum ob visam Solis Eclipsin confternato exercitu, militum aninos erexit; Solem faciei pallio præcipiens, edisserensque nihil interesse, prope-ne, an procul velamen obtendatur Soli! Sed hæc aliàs nunc, quod perscribis iterum de apparatu Turcico, ratum habetur ex Imperio, quod Melitenenses Equites inssi sunt se in Insulam recipere ante Aprilis finem. Turenus nihil adhuc mouet. Torstensonus pontem perfecit, quo speratur mox Egram traiceturus. Dicitur Galafus Pragæ concessisse, ut casum excuset amissi exercitus; quo successu dies docebit. Irrupit Konismarkius in Archiepiscopatum Bremensem, nec sine stratagemate præsidia ad Albin constituta cepit. Gratsatur aliunde Vrangelus in Dania non longè admodum Hamburgo. Anglicana pax propè desperata. Tu, ô PRINCIPVM OPTIME, ac meum dulce Decus, Vale. Parisiis, vi. Eid. Mart. M. DC. XLV.

*Admodum Reuerendo, & Religiosissimo, Doctissimoque Viro, P. PETRO CAZRÆO Societatis IESV, Mentensis Collegij Rectori Sapientissimo,*

PETRVS GASSENDVS S.

**P**Ellegi, OPTIME CAZRÆ, quam dignatus es ad me dare, ac publici iuris simul facere Demonstrationem Physicam, quæ ratio accelerationis in motu rerum grauium naturali determinatur. Agnoui verò imprimis, &c. Parisiis, Eidibus Martij, M. DC. XLV. *Habetur sub titulo, De Proportionibus quæ grauium decidentia accelerantur, Epistola.*

LVDOVICO VALESIO, *Principi*

*Optimo,*

PETRVS GASSENDVS

*Εὐχαρίστη.*

**Q**uam verendum, OPTIME PRINCEPS, ne vires immensa quas apparat Turca, in Christianorum Principum magnum dedecus

T 3 cns

cus comparentur! quippe res eò sunt deducæ, vt nihil copiarum transmitti eò possit, vbi timetur impetus, & ne Hispanus quidem in eo est, vt faciliè petat, impetret-ve pacem, ac priuato occurrens malo, alios ad commune arcendum inuaret. Spectatores erimus ipsi; sed nescij interea quid secum vehat Hesperus; vtrāque Polyphemus ille de nobis vorandis non simus ipsum Summum Pontificem Auenione rursus sedere coactum. Nisi cerè ter-Optimus, Maximusque Deus prospiciat, suamque ipse causam tuteat, nihil non subest periculi, adeò est damno auertendo Christianus Orbis imparatus. Nam quòd ille quidem solam Melitensem obsidionem cogitet non est admodum vero-simile; vtrumque causa mali tanti coniux iterum, &c. dici possit. Sed exurgat Deus, & dissipentur inimici eius; & fugiant, qui oderunt eum à facie eius. Ad res Germaniæ quod attinet, dicitur iam Spiræ agere Turennius, translatis eò sarcinis, quas dudum habebat Moguntiz. Torsten-sonus traictò Egrà Pilsenum versus rectà contendit, Imperatorum exercitum illeic degentem aditurus: verum-tamen Cæsarei Duces maturè castra inde mouerunt; ac tamen ille insectari pergit, creduntur nihilominus ipsa quasi Imperij fata prælij fortunæ non commissuri. Cepit Konismarkius Stadenum, Setedanum-ve insignem Vrbem in Archiepiscopatu Bremensi; suntque etiam aliæ, quæ aut captæ iam, aut breui capiendæ sperentur. Mirè aliunde Vrangelus grassatur semper in Dania, donec nimirum præstò non sunt, quæ obstitendo vires sufficiant. Anglicana pax desperata, & viginti hominum millia à Parlamentariis decreta Fairfaxio, quem totius militiæ Ducem, Imperatorem-ve iam delegerant. Cepere aliunde Parlamentarij Portum vnum, aut alterum ex iis, qui Regi supererant in Orientali littore, ac Plim-muthum ab obsidione inueterata liberarunt. Tu, ó PRINCIPVM OPTIME, ac dulce Decus meum Vale. Parisiis, xvi. Kal. April. M. DC. XLV.

## E I D E M.

**N**on demiror, OPTIME PRINCEPS, euocasse Hispanum è Sicilia milites, quo tempore fuerant in eam destinandi. Nimirum cum ipsa Hispania sit Imperij cor, cui paroxyfinis laborant, dum Catalonia, Lusitaniæque velut Systolen, ac Diastolen creant, subueniendum præcipuè sit, idcirco porciorem Hispaniæ, quam Siciliæ rationem habuit. At, inquis, Turca est in pro-cinctu, vt inuadat Siciliam, fortèque etiam ipsam Calabriam. Id incertum, excipiet ille, cum & Turca quodque vircis comparare in vnam Meliten perhibeatur; certum autem est fore, vt in Hispania impetar, interèstque aliunde, vt non obsistat modò hostibus insultantibus. sed hæcenus etiam obtrufos expellam. Nisi verò cum impar sim qui Hispaniam simul, & Siciliam tuteat, satius non est, vt alteram viribus compositis seruem, quam

vt vtramque diuisis amittam. At periculum grande inkerim ne detrimentum grauiissimum Religio Christiana pariat? Id non mihi probro vetteret, sed Gallis, qui suis irruptionibus effecerint me impotem ad auertendum tantam perniciem. Sed malum è Gallia accersit affectatio Catholici, hoc est generalis in Christianos imperij; ac præstabilis esset pœnas ambitionis patienter ferre, quam facere causam pietatis disertam? Heic verò, an canetur surdo? an, vt vulgò obicitur, ille est ita excepturus, vt ad populum phaleras? an illud quoque reposuiturus Eheu,

Vale, regnatum digito cerebrare Saluum  
Consentium perages, si viuere cum Ioue  
tendit.

**E**mox, exoptoque solum vt saltem flexa animum ad deposcendum inducias, aut pacem potius, qua valeat intima firmare, cuncta rueri. Quid euenturum porro putamus, si verus sit rumor, qui heic de accepta à Cæsare clade constanter crebrescit. Ferui scilicet Torstensonum iniisse prælium cum Cæsarianis, solidum diem in eo consumptum, cæsa hominum decem millia (sunt qui perhibeant xiv.) Peditarum totum Cæsaris prostratum, interfectum Halfeldium; Gœstum, & Verthum manu-captos, Cæsarem ipsum Pragà dimissà, vix se recepisse Passauiam. Ac tale quidem nihil habent Franco-furtenses, Coloniensèsq; ante dies decem data lettera; imò nec quas vidi Pragensis, scripta diebus nouemdecim; sed habent tamen scripta Ambergæ in superiore Palatinatu, decimoquinto ante hunc diem. An verò, si ea ita habeat, æquum est, vt Austriaci sibi plaudant, ac efferantur? Sanè res eius momentum est, vt non videatur, donec vberius continer, rata habenda. Addunt Transyluanum tendere Olomontium, vt obsidione caniberet; ac si Imperator Oppida in Hungaria ab illo capta repetat, destinatum habere Turca subsidium. Cepere ad-hæc Vrangela Arceis & Konismarkius Vrbeis insignis; x ipse Bremensis Archiepiscopus sese in Insulæ recepit. Quare & nihil mirum, si Sueci euano conditiones pacis proponant, vt triplicem amplius Coronam non gestet; vt se amplius Regem Gotthorum, Vandalorumque non vendider; vt vestigalibus mare soluat, vt præcipua quædam præsidia deiiciat, & alia eiusmodi. Futurum erat nuper in Angliâ, vt conuocato Londinensi Consilio, & hominibus Conclauis vtriusque Parlamenti assensibus, recitarentur quæ acta fuerant circa pacis negotium, cum Rege non ita pridem agitatum. Verendum autem, ne decretum in eo consequenter fuerit, vt eiurata omni in Regem reuerentiâ, obedientiaque, de regimine nouo prouideatur. Recepere interea Parlamentarij VVimothum, nec sine magno fenore, protsus, vt appareat nullam posse Regi facilitatem esse constantem. Tu constanter Vale, PRINCIPVM OPTIME, Præsidium, & Decus meum dulce, Parisiis, ix. Kal. Apr. M. DC. XLV.

Clarissim.

*Clarissimo, Doctissimoque Viro, D.  
ANTONIO FRANCISCO PAYENO,  
Iuriconsulto Auenionensi,*

PETRVS GASSENDVS S.

**A** Ccepi solum nuperis diebus quas dignatus es ad me dare postridie Kalendas Nouembris. Significare id poterit, qui tradendas acceperat, ac eris ipse ea æquitate, ut nihil mihi succenseas, si tardius ecce, quam debuim referibam. Pervellem fecisse maturius, vel gratiatum ergo, quas debeo, quæque quam possum maximas habeo, ob præclarum, quod lireris accedere voluisti munus. Id certe gratissimum fuit, quod ut symbolum tuæ benevolentiae ita specimen fuerit singularis non modo tuæ, sed fraternæ etiam, hoc est, gentilitiæ eruditionis, & elegantiae. Addam-ne me fuisse quoque delectatum eius loci recordatione, in quo fui & ipse ante annos vnam, ac triginta inauguratus: Inelytæ certe Academiæ non possum vquam sine affectu gratitudinis meminisse. Prodiit (quod requiris ex me) circiter id tempus, quo ad me scripsisti, Bullialdi Astronomia; & quantum accepi, illius Exemplum transmissum ad exitum Tondutum San-legerium fuit. Tu illum, quæso meo nomine saluere quam plurimum iube iube & Germanum, ac Vale. Parisi, ix. Kal. April. M. D. C. XLV.

*Reuerendissimo Presuli, ac Domino  
D. IOANNI CARAMVELI  
Lobkovitzio, Mysiensis Episcopo,  
& sanctæ Ecclesiæ, Sedisque Mo-  
guntinæ suffraganeo,*

PETRVS GASSENDVS S.

**A** Cceperam iam tuas literas Mense superiore Francofurti datas, cum diebus ecce nuperis priores illæ redditæ sunt, quas scripseras Mense Ianuario. Hasce expectabam, ut possem tum cumulatiùs gratulari, tum meam vberius testari lætitiâ ob novum, in quem es promotus, gradum. Facio iam autem, ac simul voueo, ut quod dicitur, verè gradus sit, nempe, quod ulterius ad quod usque culmen es promeritus, eueharis. Quanta nam interim virtutis eminentissimus esse Princeps debes, qui te eius virtutis Virum ad id munus delegerit, ad quod plerumque Aulici, ambitiosius assumuntur. Beasti me certè, innuens meum nomè non esse ille inauditum; pervellinque esse in me, vnde & tueri, quam illi de me fecisti opinionem, possum; & fieri ea, qua erga cultores bonarum Artium afficitur, benevolentia non indignum. Nullæ sunt earum literarum, quæ meminerint tibi redditam, quam quæsiisti ex me Doctorem Facultatis huius almæ conscriptorum consensionem; sed habueris modò, id mihi sat est;

cui aliud nihil cordi fuit, quam ut tibi quocunque tandem possem modo, gratificarer. Ad nuperam Lunæ Eclipsin quod spectat, observavi illam satis diligenter; quippe fuere Phases à me proximè octoginta notatæ. Cætera inter Principium Telescopio inspectum contigit hora 5. min. 34. scilicet Procyone iam alto 22. grad. 53. min. Finis autem hora 8. min. 40. nimirum Corde Leonis alto 34. grad. 55. min. & Ceruice 38. grad. 32. min. ac ipsa statim Luna inferiore, margine 34. grad. 10. min. Defectus promotus ultra Digtos novem, semissimque non fuit. Tu optime Vale, ac me semper ama. Parisiis, viii. Kal. April. M. D. C. XLV.

*LVDOVICO VALESIO, Principi  
Optimo,*

PETRVS GASSENDVS

*Eubægenæv.*

**E** Alfus haud fuit rumor ille, quem nuper ad te de insigni clade ab Imperatore accepta perferri. Interfectus tamen Harsfeldus non fuit, sed captus vñ cum aliis plarisque ex Primoribus Ducibus, Gocelus non captus, sed cæsus, & Verthius nec cæsus, nec captus, sed elapsus incolumis cum parte Equitatus non patua; commissum prælium Iannienstertio à Tabero milliari, pridie Nonas, seu sexta Mensis; & cruentum quidem præsertim à pomeridiana secunda in noctem; cum à sexta usque matutina velitationes leviores cœpissent. Consistebat Suecus exercitus millibus militum viginti, Imperatorius sexdecim; feruntque ex his octo millia in ipsa acie trucidata. Erat tum Imperator Pragæ, & Galasum mox tradere iudiciis meditabatur, cum exercitus iactura accepta, tum Vrbs tutelam Galasæ commisit, tum properè Viam concessurus discessit. An Torisensonus deinceps Pragam cogitavit, an in Moraviam contenderit, nondum habetur satis compertum. Pergunt continenter Konismarkius, & Vrangelus quo cœperunt pede. Pacis negotiorum Danos inter, & Suecos agitari cœptum ab initio circiter Mensis. De Anglicana nulla amplius mentio; sed cura est tota heine inde in exercitibus comparandis, vnde & misisse dicuntur Parlamentarij ad Fartaxium librarum Sterlinarum octoginta millia. Regina verò coniux ad Regem quinquaginta millia, quæ & feliciùs perlata sunt, quam pistoletorum, ut vocant, tria millia, quæ fuere Vimuthum deuecta, cum à Parlamentariis fuisse receptum ignoraretur. Monasterij deprehensum est Hispanorum Procuracionem non cedere captivibus. Cæsare verò agere de ascendendo in libertatem Archiepiscopo Treurenst in præliminariis reculant. Longavilla nondum eò discessit, sed Balneoli semper, quasi in itinere commoratur; neque nisi noctu, & quasi ignotus accedit ad Vibem. Quid rerum nonarum in Senatu interuenerit, ex literis aliorum cognoscere; vti & futurum proximè



discessum Cardinalis Valenzæ, quicum noster est nudius-quartus Villa-Regij collocutus. Inuifit me nuperis diebus eximius Vir P. Petitus, quem natalium iure tibi subditum; & Matheſeos non Prædictæ minùs, quàm Theoricæ eruditione celebrem noſti. Cùm ſermo autem incidiffet de Prouincialibus munimentis, & ipſe inſinuafſem exoptare me, vt quæ poſſimum Toloni, Stachadicſque Inſulis deſunt, ipſius ductu perficerentur; teſtatur eſt ille poſſe nihil ſibi iucundius contingere, quàm ſi induſtriam tuis ſub auſpiciis explicare concederetur. Ego verò recepi ſtatim me hæce de te ad te perſcripturum, ratus niſi alium deſtinafſes iam, fore vt ipſum huic operæ & deligeres, & præficeres lubens. Scribo proinde fiducia plenus, tum quia nullus hæreo, quin pro tuo in me amore licentiam hanc meam boni conſulas; tum quia ſum certus euenturum nunquam, vt te, ſi fortè illo utaris, vſum fuiſſe poeniteat. Scilicet abundè illius ingenium, ac hiſce ſpeciati in rebus experientia perſpecta eſt; neque ipſe opinor neſciſ fuiſſe illi commiſſam curam à Cardinali Richelio abſoluendorum Præſidiorum, quæ maximè habebat cordi. Vale, *PRINCIPVM OPTIME*, Vale & meum Decus dulce. Pariſiſ, prid. Kal. April. M. D. C. XLV.

*Viro Clariſſimo, Sapientiſſimòque  
D. IOANNI HEVELIO, Dantiſcane  
Reſpublicæ Palæopolews Scabino,*

PETRVS GASSENDVS S.

**A**Mplius Menſe eſt, ex quo habeo non tuas modò literas pridie Nonarum Ianuarij datas, ſed duos etiam recentiores Lunarium Phaſeon eclyptos, ac ipſum Exemplum Ephemeridum, quo tu, eximiùsque Eichſtadius eſſe me donatum voluiſtis. Tenuit me verò neſcio quis torpor, ne dum reſcribendi occaſiones procrastinando prætereo, ad te maturiùs reſcriberem; ac parùm abſuit quin etiam iam oblatam prætermiſerim. Rus videlicet conceſſurus. Sed neſcius nimium proximis-ne diebus, an non-niſi Feſtis exactis, rediturus in Vrbem ſim, committere nolui vt tamenſi ſperem vberiùs poſtea reſcribere, non paucis ſaltem verſibus res acceptas ſignificarem. Attexere autem par eſt, quas debeo & tibi, & Vito magno magnas gratias, quaſque vt reſcire per te ille poſſit, fore conſido. Cùm nihil verò ſit ad manum, quòd vobis fore acceptius putem, quàm editam nuper à noſtro Bullialdo Aſtronomiam. Crediſi iam ecce illius exemplum eidem *Cramoiſio*, quo intercedente accepi Ephemeridas; vt cùm ſe curaturum ipſius transmissionem receperit, fieri qualicunque compenſatio poſſit. Adiunxi autem exemplum libelli, qui *Ariſtarchus Samius de Mundi ſyſtemate* inſcribitur; qui-que, tamenſi ſuppoſtititus, induſtrius eſt tamen, & nullibi proſtat. Hæc ſuo tempore habiturus (lenta enim tranſ-uectio eſt) habebis hæc interim, quod dum ad te ſcriboſi ex-

ſcriptum iubeo obſervationis à me peractæ circa Eclipſin nuperam, quod poſſis cum eodem Eichſtadio, aliſque amicis facere commune. In ipſo cùm ille perſpiciet præſcriptam à ſe durationem toto penè horæ dimidio ab obſeruata diſcrepare; agnoſcet proſectò videri non tam ipſius calculi, quàm Tabularum vitium vel ex eo, quod nemo non deduxerit durationem hanc æquo prolixiorem. Quanquam, ſi vobis quidem fauit, vt ſpero, Cæli ſerenitas, id iam procul-dubio animaduertiſtis; ac peruidiſtis, quod Seneca ait, multum reſtare operis, neque adiiciendi adhuc aliquid occaſionem eſſe præcluſam. De Phaſibus nihil adhibeo ad ea, quæ ſunt à me perſcripta ſuperioribus literis; quando ipſe eſ potior iudex; & mihi, quid-nam videretur inſinuafſe abundè eſt. Nam Caſpium quidem maculam obſeruata pridem à me variantis configurationis, deprehendes ſatis ex illa, cùm acceſſerit, Aſtronomia. Lapidè dixiſti, quod dignatus es de Teleſcopio admonere; etſi, vt verum fatear, partim pigreſcens, partim aliis occupationibus abductus, nondum eius rei periculum feci. Si velis quidpiam ad cenſuram Lohkovitziſ reſpondere, tibi pet me integrum eſt; quippe & initio conſtitui nihil aduerſus illam inſtare, & ad ipſum quoque Authorem, qui iam Moguntinus Suffraganeus, priuatim reſcribens, verba hæc inſertui, *Ad hæc tamenſi non agnoſcam, qui duo illa Theoremata deſcripto à me apparenti Stellarum motui aduerſentur; id tamen, quod ex ipſis vrges, cuiusmodi eſt, vt comitem ſuſpicere, quam reuerere quicquam malim. Scilicet vix omnium, argumentum vnum ſat eſt, ſi quinque illi noui Errores Iouis Sidus adhuc circũſtent; cum, niſi ita ſit, mea coniectura perinde ſemper vigeat; ſaltem quod attinet ad Stellas Teleſcopio ſolo conſpicuas; quaſque à ſe obſervatas (vnicæ exceptæ ex cognitis pridem) Vir Clariſſimus Ioannes Hevelius Dantiſcanus ſignificauit. Beator, ſi quando complecti præclarum Conſolbrinum detur. Videbor enim mihi teipſum complecti, coramque aſſati, & quæ percellent ſanè tibi, obſequia ipſi exhibere. Plura aliaſ. Vale interea, ac meo ſemper nomine clariſſimos Viros ſaluta. Pariſiſ, Kalend. April. M. D. C. XLV.*

*LVDOVICO VALESIO, Principi  
Optimo,*

PETRVS GASSENDVS  
*Eudæſen.*

**E**tum eſt quidem, *OPTIME PRINCIPS*, non omne malum ex Aquilone, ſed iam ex Oriente impendere ingens; ac noſtri proſectò horriſetum Boream feciſſe occaſionem Euro, qui ad Perſida, & maritimiſ radiis ſubdita iuga receſſerat. Nec verò eſſe dubium poteſt, quin Turcicus ille aſſatus ſit Chriſtiano Orbi metuendus; ſed neſcimus ſanè quò ſit euafurus, qui labem in Catholicum ſpargere Suecicus occæpit. Optandum nobis

nobis fuerat, ut Austriacorum ambitio fræno quasi coerceretur; fuitque ipsi temperandæ non omnino inutilis irruptio illa Aquilonaris; interim tamen effera gens eo iam euasit potentia, ut, si pergat, verendum sit, ne ambitione detumescente, etiam cor ipsum labeficeretur. Docebit dies an-non ex iis, quæ circa pacis negotium penè insuperabiles difficultates excitabuntur, futura non postrema sit à victrice illa, superbaque gente. Docebit & num Hætelis, quæ serspit iam tantopere, radices exinde firmiores, productioresque sit habitura. Deus Optimus optimè omnia vertat. Scribitur Pragæ euasisse ex nupero prælio Cæsarianorum millia quinque, cæsa quatuor, capta quatuor, atque semissem. Non obseditse Torstensonum, ut creditum fuerat, Tabertem, sed successisse in Morauiam, ubi inaudita exercitus clade sponte liberatum obsidione Olmuntium. Timeri, ne ille breui subigat non totam modò Morauiam, sed etiam Austriam, qua parte ipsam, Danubiūque interiacet, & accedente potissimum, quem aduocauit, Transiluanio. Exercitus regendi curam ab Imperatore Galasio commissam; ac ituras in ipsum copias tum ex prælio superstitibus, tum quæ reductæ à Valstenio ex Olmuntina obsidione. Interim portò, ne Bauarus viceis iterum conferat, traiecit ecce Rhenum Torennius cum decem hominum millibus, negotium illi in Bauaria facturus. Discessit Colomesium Longa-villa ante dies sex; concessurus inde Monasterium illicò à Festis exactis; nempe qui Vir eodem contendit ex Hispaniæ Primoribus, Burdigala transit ante dies decem. Tu, ò PRINCIPVM OPTIME, ac meum dulce Decus, Vale. Parisiis, VII. Eid. April. M. DC. XLV.

## E I D E M.

**P**LENÆ SACRO hoc die aures rerum piarum, Diuinatumque vix admiscere quicquam vulgatum, atque humanarum; quod ad te perferibam. Inaudi j solum Imperatorem se Viennam quidem (& non magno cum comitatu) recepisse; sed Suecos, qui sub Torstensono, eò vsque sic excurrere, ut, Transiluanio aliunde accedente, periculum sit, ne ille citius diù non consistat. Recepit Verthium Bauarus cum millibus Equitum tribus ex nupera clade superstitibus, ac fertur quam maximum potest exercitum cogere, quo fretus, nisi Imperator de ineunda pace generali setid cogitet, specialem sibi ipse procuret. Id si contingat, mea de qua aliàs, coniectura non male cedit, quanquam eò redactæ sunt Cæsaris res, ut tergiversandum nihil amplius videatur. Traiecit quidem Rhenum Torennius; sed quorsum iturus, nondum exploratum. Vrangclius arce Margaritanà captà, Glustadium propè obsidet, & Konismarkius captà Rottemburgica nihil iam facit reliquum iis, quæ à Danis occupabantur in Archiepiscopatu Bremensi. Perhibent etiam Oppidum nescio quod ab Hassiacis captum. Plura addere iam non vacat. Tu ò PRINCIPVM OPTIME, ac meum dulce De-

cus, Vale. Parisiis, postrid. Eidib. April. M. DC. XLV.

## E I D E M.

**N**ISI nuper mentionem vllam acceptarum abs te literarum habuerim, vestigio-ve quasi subnotauerim, sera nimis redditio fecit. Nunc etiam, si quid fortè rerum ad me scribere es dignatus, in manus nondum incidit, ut possim proinde illius impræsentiarum meminisse. Moueret me, quod insinuauit præclarus Neutræ suis literis, expetiisse te ut conquereretur quoddè destiterim ad te scribere; sed nimirum, quoddè conficius sum nullam occasionem à me prætermisissam obtrudendi tibi garritus mei aliquid, rem ita sum interpretatus, quasi cum arguere pro tua comitate, taciteque vuleris, quoddè non accederet ad te satis frequens. Auguror quippe quæ eruditio, virtusque eius est lingularis, delectari non parum te illius consuetudine, ac ipsum, qua moderatione, reuerentiâque erga te est, nolle tua illa eximia affabilitate aburi. Rerum nouarum ut quidpiam atrextam, promouet semper Torstensonus victricia arma per Morauiam, Septentrionalèmq; Austriam, ac cæsis duobus millibus Cæsarianorum Equitum, tum atrextis quasdam alias, tum præsertim Cremū ad Danubium cepit. Cogit interim cæsus Imperator per ditiones hereditarias, ut calamitati insitanti occurrat, libertique ipsius Gradiscam cum auiâ profecti, suppeditari milices, pecuniâque passim depolcunt. Offensus Rex Daniæ conditionibus lancienda paci prærequisitis; agere iam amplius de ineunda non vult, fretus copiis naualibus, quibus præesse ipse contendit. Verendum est tamen, ne pessimè vertat, quando, nisi incauta pax, inaudio Hollandos in proinctu esse, ut vim nauium ingentem cum Suecica conferant, neque satis liquet, qui obfistere generosus ille Rex possit. Consistit semper Durlaci ultra Rhenum Turennius; ac instituturus iter in Franconiam creditur, quod Hassiaci quoque iam contendunt. Coacta certè ad Neccarum septem Bauarorum millia perhibentur, quod illum, si traicere fluium meditetur, impediant. Accessit interim hūc à Bauaro duce, qui Vir è Societate Iesu à confessionibus ipsi est, neque, ut par est, credere absque procuratore ad pacem spectante. Ex Anglia aliud nihil habeo, quam Exercitum Parlamentariorum ex quatuordecim Peditum & septem Equitum millibus constatum, in pedes iam stare. Addunt cæsos in Scotia fuisse quorquor à Regis partibus erant illeic superstites; verum id non perinde constat. Tu ò PRINCIPVM OPTIME, ac meum dulce Decus, Vale. Parisiis, XI. Kal. Maij. M. DC. XLV.

## E I D E M.

**V**RE ludibrium demiraris, quo Galasum nunc deprimit, nunc murata vice erigit fortuna. Ecce illum denud militiæ Præfectum, licet Leopoldus Archidux sit generatissimus creatus. Cogit ille exercitum quanta maxima

maxima potest diligentia expectare etiam eas copias, quibus Gleenus, & Lamboyus præfunt: tamen oportet, ut quidquid est penè Equitatus ad Cæsarem mittat. Dicitur porro Cæsar non modò ratam in multos annos obtinuisse à Tutca concordiam, sed iniisse quoque cum Translyvano pacem, cessis illi septem, præter occupatos in superiore Hungaria, Comitatus, depulsis ex ea Regione Societatis IESV Religiosis viris, & Lutheranis, *Protestantibus*-*ve*, ut vocant, in ipsam inductis. Scribunt nihilominus Cæsarem non diu Viennæ constiturum (dimissis iam Matre, Liberisque in Styriam cum pretiosa quaque suppellectile) maximèque, si verum sit caprum iam secundo ab vrbe milliari à Torstensonio Cornemburgum, ac inde ad ipsum usque Pontem excurri. Insignem ferunt apparatus, quo Sueci, quâ terra, quâ mari circum Stokholmum se comparant; & mox discessurum ab hibernis Hornum grande nescio quid meditari. Obsidet aliunde Vrangelus Rogenburgum, suntque eò etiam nonnullæ copiæ destinatæ à Konismarkio, tanquam iam securè Bremensis Archiepiscopus potiunt. Rediit ad sese Daniæ Rex, spēsque affulget iterum, ut breui pacem cum Suecis ineat; utcumque illi obex iam præcipuus à Cæsare sit, qui ne ille consentiat, ingentem pecuniarum vim sperandam ex Hispania facit. Ac rumor est quidem Hispanicam classem eò iam contendisse, circum-lustrata magna Britannia, per Mare Deucaledonium, sed is-ne verus sit, dies breui docebit. Traiecit Neccarum Turrenius, præmisso Rosâ cum Equitatu, qui & prosligauit Equitatum Bavaricum, & quidquid superfuit ex septem hominum millibus excedere versus Danubium coëgit. Qui Vir Religiosus in Aulam missus fuerat à Bauaro, Responsum tulit non heic de Pace, sed Monasterij esse agendum. Discessit Grotius hesternâ luce, itèrque instituit Hamburgum. Ex Anglia nihil aliud scribunt, quàm omnia ad prælium esse comparata, factâ Parfaxio licentiâ, ut etiam in exercitum, in quo fuerit Rex, depugnare possit. Qui nuper nobis ex Flandria irreperat timor, diuturnus non fuit. Motræ obsidio promouetur, ac futurum est, ut hebdomade proxima scētis ductibus tendatur ad muros. Tu, ô PRINCIPVM OPTIME, ac meum dulce Decus, Vale. Parisiis, iv. Kal. Maij. M. DC. XLV.

## E I D E M.

**C**ogitare Arelatem, & porro Maritimam oram tua dignum providentia est. Vtinam nisi Classis nostra satis se habeat prosperè (videlicet aliquot iam Triremibus malè exceptis) Hispanica saltem, cuius apparatus superiorem longè nostro perhibent, negotij nihil tibi facescat! Vtinam etiam, quod de Principum Ducum expeditionibus auguraris, euentu ipso comprobetur, & tam Æstate proxima sint, quàm superiore fuere scēlices. Aurelianensis adhuc abest, sed Vrbem tamen insequente repetiturus hebdomade; & mox in castra se recepturus. Enguenius etiam dis-

cessurus paucos intra dies in Campaniam est, ac fortè priusquam tendat in Germaniam, operiturus Lotharingum, qui Motræ cum manu non parua laturus suppetias putatur. Cepit interea Turennius Hallam non ignobilem Sueuicæ Vrbem, & iam instituit iter Danubium versus dicitur. Cepit & Torstensonius munimentum *Pontis* vocitati *Lupi*, quod Viennæ è regione est; ac tum supetiis Pontem extruxit, quo obster ne copiæ Cæsare coëant; tum inferiùs transmisit manum militum, qui occuparint, communierintque nescio quod Cænobium. Ferunt interea Cæsarem afferuisse Archiepiscopum Treuiremsem in libertatem, adduntque pacem cum Translyvano non esse habendam penitus indubiam. Quæ disceptatur in Dania, speratur breui successura; utcumque Vrangelus semper Rogenburgum sic urgeat, ut iam captum esse credatur. Monasteriensis negotium in eo esse iam dicitur, ut Ministri Regij Hispanis, Imperatoriisque exhibuerint Regionum iurium commentarios. Res Anglicæ semper in eodem sunt statu: nisi, quod vnus ille Primorum, qui Regi fauebat, copiasque insignes habebat in Scotia, prosligatus est, & prolatus nuper. Tu, ô PRINCIPVM OPTIME, & meum dulce Decus, Vale. Parisiis, iii. Non. Maij, M. DC. XLV.

*Admodum Reuerendo, & Religiosissimo,  
Doctissimoque Viro, P. PETRO  
CAZRÆO Societatis IESV, Mutensis Collegij Rectori Sapientissimo,*

PETRVS GASSENDVS S.

**C**od non improbâris, Optime CAZRÆE, mandari typis meam Responsum seu qualecunque iudicium de tua Demonstratione circa accelerationem grauium decidentium, cuius autographum tu mihi, si modò vindicias, quas intercedentes nobili Senatore, & Amico singulari, Francisco Luillierio, dedisti ad me, iuberem autem: ecce non alia conditione Typographo annuam meam opellam exigeret, quàm vt eum simul accipiens, tuo desiderio faceret laus. Vtus sum autem eâ licentiâ, quam abs te, & Parisiis, Nonis Maij, M. DC. XLV. Habetur sub titulo de Proportione quâ grania decidentia accelerantur.

*LVDOVICO VALESIO, Principi  
Optimo,*

PETRVS GASSENDVS  
*Eduardæ filius.*

**E**dditas tibi fuisse meas omnes licet vehementer gaudeo, non profeud quâ tanti sint, ut non perisille quicquam interis, sed quod esse tibi quasi continens oblectamentum argumentum possint. Spes est te fore



cum hæ reddentur, reuerſum Aquas-Sextias. Vtinam verò licuiſſet tibi oram totam inuiſere, & tot curis ſepoſitis, animum tantisper laxare. Quamquam haud-dubie ſemper in id pro tua incumbis ſapientia, vt quidquid rerum ſeu publicarum ſeu priuatarum acciderit, erectam mentem ſemper contineas; ſerenam, & tranquillam ſerues; angorem omnem elimines, ac perpetuò memineris, vt bene viuere, ſic lætari. Sat noſti gaudium vnum eſſe ex fructibus Spiritus Sancti, ſatque reputas quanti ſit, vt honeſtatem proſequi, ſic hilaritatem tueri. Non fuit ſanè ea vana fides, quam te non habere vanam es perſuaſus. Quippe datum eſt affari Amicum, reſcribereque ex illo id, cuius me tu quoque pro tua bonitate certiorem feciſti: eſſe nimirum ſemper te conſtantiſſimo in ipſum affectu. Magna animos tenet expectatio, quò Roſæ obſidio euafura ſit, vtinam tam feliciter, quàm ardentè opas ſuccedat; ac in fumum abeat ex oppoſito, quam Melitenſes Equites non tam metuere, quàm cupere pro iuuenili ardore ſcribis. Ad res, quæ poſſint impræſentiarum ad te ſcribi, quòd attinet, rediit ecce hodie in Vrbem Dux Autelienſis ex aquis Boiboniis, Engenſius breui diſceſſurus, præmittit interim Grandimontium. Turenſius capto Getneſhemio, ad Danubium vſque penetraſſe dicitur, & compulſo in ſtationem Verthio, cumque eò mille Equitibus, machinas tranſlatas ſex, cum trecentis Bauaricæ ſarcinæ curribus cepiſſe. Tortenſonum munita arce, quæ Viennæ è regione eſt, ac dum Tranſylvanum expectat, excutit repente in Morauiam, eaque occaſione Gaſalus pedem retulit in Bohemiam. Vrgetur adhuc magno conatu Rogenſburgum ab Vringelo, dum Sueci aliunde ſeſe comparant ad obſidendum Magdeburgum. Spes eſt penè certa futura Suecos inter, & Danos pacem; cum in conditiones iam conſeſſerint diſſicillimas omnium viſas. Longa-villa nondum Munſterum diſceſſit; ſed diſſeſſiam perlibent redeuntem Munſtero dauſiſſum. Dicuntur Regis Angliæ res in peius ſemper ruere; ac recens narratur deſectio Primorum Regni quinque aut ſex, qui Parlamento dederint nomen. Tu, ô PRINCIPVM OPTIME, ac meum dulce Decus, Vale. Pariſiis, iv. Eid. Maij. M. D. C. XLV.

## E I D E M.

**E**X eo, quòd optimus Campinius acceſſit Aquas-Sextias, conicio te quoque illuc appuliſſe; quando poſtremis literis dignatus es eum dicere vt ſidum Achatem, ſic laborum ſocium. Vtinam modò, cum ille quandam valetudinis iacturam ſit paſſus, tua ſteterit incolomis; ac portò conſtans perſeueret. Rerum nouarum ſi quid eſt boni, id temperatur detrimento, quòd eſt in Germania perpelliſſum Turenſius, circumſtantiarum vix quicquam notum. Aiunt interim ipſum nihil metuentem, tanquam hoſtibus procul diſſiſtis permiſſiſſe exercitum oppidatim diſtrahi, & copias in caſtris habuiſſe non multas, cum ſuperueniens repente hoſtis, & caſtra cepit, & ipſum-

met in Oppidum quoddam agrè auſugientem, breuique capiendum inſequutus eſt, & reliquas copias ſerò accurrenteis adhucque diſperſas, deleuit, & Duces inter cæteros, Roſam manu-captum adduxit. Vnoeo vt dies meliora doceat; intereà prouiſum dicitur in Aula, vt Engenſius eò diſcedat, inueniẽt ſtatim hebdomade; comparato iam Aurelianenſi, vt repetat Flandriam, imperaturus exercitus, qui minimùm ex miſſilibus Equitum ſexs, & Peditum quindecim conſtet. Quod ſuper eſt autem, Tortenſonum capto in Morauiâ Nicolaſburgo, rediit ad Danubium, perhiberũque obſeſſurus vnà cum Tranſylvano Piſonum, quod vulgò *Preſburgum*, in ipſis Hungariæ, Aſtriazque conſiniis. Ferunt Gaſalum acceſſum Viennam, vt Caſari præſes Conſilij Militaris adſideat, ac regimen exercitus interim commiſſum Comiri Bukenio. Speratur Saxo coiturus cum Suecis in neutrale ſtatutum, & Konismarkius intereà nihil non comparat ad obſidionem Magdeburgenſem. Vringelus, reſiſta exercitus parte in caſtris Rogenſburgicis, exceſſit nuper cum reliqua, Haſfeldium præoccupaturus. Remora iterum iniecta negotio de pace Danos inter, & Suecos. Expectari ſunt Monafterij Archiepiſcopum Treurenſem, & Longa-villa dicitur demùm eodem poſtridie diſceſſurus. Mortæ obſidio ſic promouetur, vt fuerit iam ante dies octo ad ipſam vſque ſollam peruentum. Hollandi in procinctu ſunt, vt ſex intra dies Dordracum concurrant. Ex Anglia nihil certi habeo, literis putà, aut non aduectis, aut nondum certè redditis. Tu, ô PRINCIPVM OPTIME, ac meum dulce Decus, Vale. Pariſiis, xiv. Kal. Iun. M. DC. XLV.

## E I D E M.

**E**Xiſtimabam nuper te regreſſum Aquas-Sextias, quòd & accepiſſem reuerſum Campinium, & literas nondum habuiſſem, quibus dignatus fueras ſignificare te conſtituiſſe. Nunc, cum poſterioribus tuis, & aliorum etiam literis cognorim te eò feliciter rediſſe; tum id gratulor, tum quos dies commemoraturum ſcribis te, vt auſpicatò tranſiſas vnoe. Quod de Capellano noſtro inaudiſti, & ex me ſcire deſideras, in hunc ſe modum paucis habet. Qui Miniſtri Principes Regia, publicæque negotia curant, fore protitendentes, vt Longa-villa quam-primum eſſet è Normania redux, Monafterium diſcederet, facturos ſe gratum illi cõgitarant, ſi Capellano, quem ſummè amat, cuiuſque peritiã, prudentiam, ac fidem perſpectam haberent vnà cum ipſo deſtinarent futurum à Secretis illi, procuratoribꝫque aliis, totius de pace inuenda negotij. Id & Longa-villa abſente, & Capellano inſcio, decretum, vt illum mirè delectauit, ſi cum mirè petulciſſe; quippe quaſi foret obex poſitus, tum ſtudio valetudinis, qua non ſatis firmà fruatur; tum generi vitæ tranquillo, ad quod ſe huc vſque compoſuerit; tum exercitatiõni ingenij, cui viribus parem ſe agnouerit, & addixerit; tum illi animi libertati, qua non ex præſcripto, ſed ſua

ax sententia, quæ agenda, dicenda, scribenda esse videantur assueuerit; tum saltem spei reuertendi Monasterio, cum Longa-villa, si forte illum ante rem confectam regredi contingat, ac non remanendi cum Viris, quibus-cum agens, mari flammam, aut Cælo Terram fuerit mistus. Itaque post effusas varias in Amicorum sinus querimonias, in eo, qua pollet solertia, industriâque, incubuit, ac euicit demum, vt per Longa-villam, perque Ministros rem gratam habentis, licuerit volenti renunciare muneribus, quod nisi fuisset ea, qua est, & moderatione simul, & magnitudine animi, non modò non reicere, sed & ambire iure potuisset. Et sic res quidem ista se habet. Discessit interea tandem Longa-villa, debuitque heri agere Rhemis. Daualus iussus cum operiri; discessuri sunt intra vnum alterumve diem Aurelianensis, & Enguenius. Priorem antecessit Gassio, qui cum abiit Strada recogniturus exercitum, & renunciaturus Hollandis, qui à tertia die Mensis proximi cincturi Urbem quampiam obsidione perhibentur. Euasit sopes Turrennius, traiecitque Mænum ad Herbiopolim, & Castellam ad Landgrauiam cum duobus Equitum millibus, accessit præter cohortes varias, quæ partim Brisacum, partim Philippoburgum, partim aliò se receperunt. Sunt, qui perhibeant Verthium eo prælio interemptum fuisse. Bauari esse in eo dicuntur, vt recuperent oppida à nostris nuper occupata. Cepit Torstensonus Urbem nescio quam in ipsis Hungariæ confiniis, apparatusque Pontem, quo Danubium transmittat. Præmisit ad illum fectur Transylvanus Bacorgaborem cum insignibus copiis, iussusque Konismarkius est versus ipsum accedere millia militum duodecim collaturus. Vrangelus, re feliciter gesta, captoque etiam Friderichstadio, sic Rogensburgum regressus est, vt iam ipsum compellere ad angustias extremas dicitur. Postridie, quam dedi ad te superiores, accepi Regem Angliæ sic fuisse Oxonijs conclusum, vt vix sine periculo pedem referre concederetur. Audio iam Principes Robertum, Mauritiumque eò accessisse cum magna satis militum manu, vixque futurum, quin Parlamentariis pluribus accurrentibus, certamen, & fortassis quidem Decretorium, breui incatur. Tu ô PRINCIPVM OPTIME, ac meum dulce Decus, Vale. Parisiis, VII. Kal. Iun. M. D. C. XLV.

## E I D E M.

**T**inam Turca sic irretiat iis de quibus scribis voluptatibus, vt de molestia Christiano Orbi inferenda cogitet nihil. Audio tamen, licet iam fortè intactam sinat Meliten, esse quamobrem Siculi timeant, & recens acceptæ Romæ literæ renunciant, centum esse Naueis, quæ iam Oris illis Siciliæ, Calabrizque imminant. Id mihi semper in votis est, vt Deus Optimus optime omnia vertat. Discessere, heinc, vt præscripti nuper, Enguenius postridie, & Aurelianensis perendie mearum literarum. Quid hæcenus euaserint, quid molituri deinceps sint, euentus nos breui docebit. Sunt, qui putent Enguenium non

prius reuisurum Rhenum, quam Motta sub iugum data fuerit, nescio tamen ardor-ne ille, contineri adhuc per vnam, alteramve hebdomaden possit. Dicuntur Bauari ouantes illum operiri ad altetam ripam; sed cui assenti minas intentant, eius præsentis, irruentisque impetum haud-dubie non ferent. Seruet illum modò incolumem Deus. Fortassis etiam Bauari aliò gentium reuocabuntur maximèque si verum sit, accessurum mox Konismarkium in Hassiam, & collatis cum Lant-grauo, cumque Turrennio viribus, in Bauariam irrupturus. Vget Torstensonus Brini obsidionem, neque de futura breui deditione, tamen post tertiam repulsam, desperat. Vget, & suam Vrangelus, postquam digressus iterum, tria Danorum millia interfecit, aut cepit. Scribunt aliunde Horum obsidere Chrisianostadium, & classem Hollandicam, superato Sundo, in Balthici Maris amplitudinem penetrasse. Exiit Oxonio Rex Angliæ, interim autem Farfaxius Tautonica obsidione soluta, accersere dicitur Scotos, vt eorum inter exercitum, suumque, ipsum Regem concludat. Transit Longa-villa Carolopolim, Mosâ vehendus Leodium vltra. Qui Regis Lusitanæ Legati Monasterij sunt, agniti non modò à nostris, sed etiam à Suecis, ceterisque fuisse, ipsis Hispanis, Cafarianisque vix quicquam murmurantibus. Hæc iam absolvebam, cum inuisit me præclarus noster Capellanus. Significauit illi quid nuper dignatus fuisses de eo rogare. Ipse verò quod tui dignum recordatione consueris, dici non potest quanto ardore expetierit gratias tibi per me agi; ac insinuari quanta te veneratione prosequatur. Id ergo hisce versibus præstis sponsores simul præstans me eximij, quo nectet candoris. Tu, ô PRINCIPVM OPTIME, ac meum dulce Decus, Vale. Parisiis, postid. Kal. Iun. M. D. C. XLV.

## E I D E M.

**P**aucis te hac vice morabor, nam quod rosas quidem licuerit exeunte Maio carpere, debet res tibi esse comperta. Quod superest, omnia in prociñctu stant, ac prope diem est, vt multa erumpant. Breui scilicet innotescet, quid consilij Aurelianensis, Engueniusque ceperint; quid rerum Hollandi attemptauerint; quo impetu Konismarkianæ, Lant-grauianæ, Turrennianæ copię Bauaros represserint; quo successu obsidiones Motta, Brini, Rogensburgi euaserint; quid Parlamentarij Oxonium obsiduri præstiterint; aliæque statim renuncianda. Tu, ô PRINCIPVM OPTIME, ac meum dulce Decus, Vale. Parisiis, v. Eid. Iun. M. D. C. XLV.

Fuere mihi literæ tuæ redditæ, cum has obignare. Rescribam, Deo benè propitio, proxima occasione vberius. Memini interea fuisse ante vnum alterumve Mensem affixum Programma per Templorum valuas, perque compita, quo significaretur adesse, qui Sclanonicum idioma doceret. Requiram illum, itaque, & quicquid rescribo, de ipso perscribere. Tu mihi perscribere, si quid actum velis, Vale iterum.

## E I D E M.

E I D E M.

**N**otatur adhuc in Ciuitate is, quem scripsi nuper docere posse Illyricam linguam. Quamobrem exspecto, si quid fortè sit, quod sit in iussurus agere cum ipso. Nô sit scilicet, quanto iure mihi quidquid demùm volueris me, & obsequendum comparatus. Ingrellus iam est Aurelianus in Flandriam, ac munimenta aliquot, quæ fuerant progressui obstitura, cepit. Debent Hollandi iam excedisse; quò tamen, nondum est compertum. Enguenius hæret adhuc Metis, obsidionem obseruans Mortæ, quæ per pyrios cuniculos subuerit luce hæsterna debuit. Dicitur eius exercitus ex hominum millibus duodecim constare. Qui constans ex Turenianis, Konismarkianis, & Hassiacis copiis est, non est minor millibus Equitum nouem, Peditum quatuor. Buaricus partim Equitum, partim Peditum millibus decem non est maior. Quare & dicitur iam semel, iterumque in fugam actus, ac potissimum ad Kirechtium, cuius promotam iam obsidionem tribu tormentis bellicis dimisit. Cepit tandem vi Torfsanlonus Brinum, ac in eo esse iam dicitur, vt Spilbergam perinde capiat. Accessit Gabor interea, Bukeuio nequiquam obstante, cum sex equitum millibus, ipsèque etiam Translyuanus speratur breui cum viginti hominum millibus accessurus. Creduntur, viribus collatis, obsiduri vnâ Presburgum; eamque ob causam Atelidæx immisit milites partim in urbem, partim in arces milites mille, & quadringentos. Capere aliunde Sueci Torgauium in Saxonia. De obsidione Renburgica ab Vrangelomil accepi. Spes iterum non parua est, pacis inter Danos, Suecòque incunda. Obsidetur respè à Farfaxio Oxonium. Tendit interea Angliæ Rex in Regionem Eboracensem. Receperunt ex ea Scoti, & prætextu eundi in Cestriam, per Cumberlandiam, regredi putantur in patriam. Nempe in ea Regis res habuissè se nuper non infelicitè dicuntur. Si ille, citra inhænem cladem, superare Æstetem possit, est cur non desperet res posse restitui. Tu, O PRINCIPVM OPTIME, ac meum dulce Decus, Vale. Parisiis xvi. Kal. Iul. M. D. C. XLV.

*Ista nondum absolueram, cum inuissit me egregius ille iuuenis, qui Illyricam linguam profiteatur, ipsum nondum fueram affatus; sed reuerà mihi est visus & probatis moribus, & eruditione insigni. Requisiui illum inter cætera, an si fortè illuc concedendum foret, comparare se ad hoc posset, respondit verò sese omnino quidquid suaseret, præstiturum. Tu iam quid opes, explorare labor; mihi fas iussu capeffere. Vale iterum.*

E I D E M.

**I**nas abs te habui heri literas, datas scilicet tum posttridie Nonas, tum Eidibus ipsis. Aderant, cum illas accepi nostri, Luillierius, Capellanus & alij Viri eruditi, qui pellectas prius à me, cum legere quoque ipsi expetissent, dici non potest, quàm fuerint & eruditam sententiam, & elegantem dictionem mirati. Vidit interim Capellanus ipsum sui *Gassendi Epistolæ.*

elogium; ac tum est erga te testatus singulari planè gratitudinem; tum commendandæ heroicæ tuæ virtuti finem vix fecit. Vacat hec iam Regia Matheoseo Professio; ac ipse vigeor vndique, ne mihi oblarum, & iam aliquoties à me recusatam reicere pergam. Nescio an sim tandem me vinci passurus. Si faciam, ea erit conditio, vt renunciare non indecorè quam-primum mihi liberetur, liceat. Scilicet te semper ita cogito, vt nullam mihi remoram, si quò me voces, factam velim. Rerum nouarum vt quidpiam habeas, cæpta fuere Cleri Comitæ, quibus Cardinalis Lugdunensis præest, cum hac hebdomade incunte. Tempore eodem, Regiæ iussu, Inquisitionum classes curiam repetierunt. Traiecit Aurelianus Colmam, sed non sine cæde hominum, vt aiunt circiter sexcentorum. Sunt qui putent Picolomineum, accessione facta copiarum Lamboij, commissarum prælium nostro cum exercitu; sed nescio tamen iussus ne sit talem experti fortunam. Exscendere Hollandi, ac ipsis dicitur Bexus obstitere. Quod autem Brederodus cum exercitu parte per Philippinam, & Tasium, occupare Regiunculam *Væsum* dictam adnitatur, videtur omnino obsidio impendere Antuerpiæ, cum hac ratione Scaldis sit quasi in compedes iturus. Cuniculi ad Mortam successi, molè que ingentes emoræ; at non eo successu, quo nostris aditus liber patuerit; quippe & huc - vsque repulsam sunt passi, & Magalotto, ob lethale vulnus ad caput infixum, prostrato. Discessit heri Villa-regius, qui & succedat, & rem conficiat. Peruenit Enguenius Sauerniam; & quas literas habeo fide dignas ex illius exercitu, tribuunt ipsi omnino millia peditum sex, equitum tria cum semisse. Turreniana copia vnâ cum adiunctis, numerum excedunt, de quo scripsi nuper. Bauari cauent, ne compelli ad ineundum certamen possint; idque præstolati interea exercitum confederatum. Erigi non-nihil res Cæsaris dicunt; nam & receptæ esse Lupi munimentum, & tantum abesse, vt Sueci Brino potiti fuerint, quin obsidionem potius soluerint, metu Leopoldi Archiducis, insignis copias eò deducens. Erigi etiam aiunt res Angli; nam, cætera inter, cepisse Lecestriam Prouinciæ cognominis caput, inque ea vim opum, armorum, equorum non exiguam. Dicitur tamen Farfaxius, relictis militibus paucis in Oxoniensi circumductu, ipsum è vestigio se feci, vt, Scotis iussis regredi, iri duos inter exercitus speret conclusum. Tu, O PRINCIPVM OPTIME, ac meum dulce Decus, Vale. Parisiis, ix. Kal. Iun. M. D. C. XLV.

E I D E M.

**C**œperam iam ad te scribere, cum datas ad te literas ad xii. Kalendas accepi. Declararam paulò vberius quod insinuat dumtaxat fuerat superioribus literis, vt Cardinalis Lugdunensis, cui tanquam Magno Franciæ Eleemosynario commissa est cura Regiarum in Academia Professionum, detulisset vltro Professionem Matheoseos, & quòd ipse satis constanter abnuerem, tum penè adhibuisset preces, tum Diploma quoque, vt lice-

V

ret



ret minùs recusare, domum misisset. Adiciēbam, vt Amici omnes non obestationibus modò, sed penè etiam dicam conuictis adēgissent me ad dedendum manus; & victus tamen, ea conditione, cum Cardinali pepigissem, vt liceret mihi quam-primum lubere, renunciare muneri, integrà eius beniuolentià. Auguratus scilicet fueram, quid fores ad me perscripturus. Quanquam, si pernosse potuissem, quales dedisti literas, in ipso esse itinere, facilem adèd me non prębuisset; ac prętulisset prorsus agrestis reputari, potius quàm leuis. Quid factò opus, quando res iam non est omninò integra, indecorumque adeo est canere palinodiam tam citò? Cogito ecce, quia ea negotia, quę, te volente in hac Vrbe me detinere hactenus, habitura finem alioquin non sunt, nisi ipsis Cleri comitiis ad finem conuergentibus; edere intereà quoddam specimen admissæ à me Professionis; ac tum, quia iam fecero fidem Professionem non contempsisse, & fuero Cardinali, Amicisque quantum potuero, gratificatus, nemini fore querelę ius, si remittam muneri nuncium, quem me remissurum fuerim contestatus. Id quantum coniector, sub Hiemem fiet, ac saltem longè abero, vt Deo propitio discessem differam in annum. Viue, quāso, intereà felix, animos semper erigens, & comparans semper ad lætitiā mentem. Significauit suis literis pręclarus Neutræ, quę nā recens fuerit in meam Diniam bonitas; sed nimirum sic amas me, vt nullam mihi gratificandi occasionem prętermisam velis. Rerum nouarum vt pauca addam, obsidet ab aliquot diebus Autelianensis Mardikum, Graulingam inter, & Dunkerkam vrbeis. Dicitur & ed apulisse, quę nostrorum fauacat instituto, Hollandica classis. Perhibent aliunde Enguenium traicisse Rhenum ad Philippopolim; & cum Bauari nondum moueret, fœderatum exercitum versari prope Franco-furtum, constareque ex millibus equitum decem, peditum tribus. Memoratur quidem Archidux Leopoldus ed incumbere, vt liberet Brinum, at Torstenfonas interim neque obsidionem, neque spem potiundi oppido dimisit. Pacis negotium Danos inter & Suecos lentè promouetur, ipsique Oratores Hollandi non interfunt amplius quasi arbitri, sed quasi partes (non sine Regis Daniici stupore) se gerunt. Videntur illeic omnia ad nauale prælium esse comparata; idque dum interim Rogensburgum aduersus diuturnam obsidionem constat. Scribunt Regem Anglię reuerti Oxonium, ac permitur fore, nisi occurrente Farfaxio cum septemdecim hominum millibus, certamen ineatur, etiam procul adhuc absentibus Scottis. Tu, Ō PRINCIPVM OPTIME, ac meum dulce Decus, Vale. Parisiis prid. Kal. Quintil. M. DC. XLV.

## E I D E M.

**N**inuauit mihi diebus nuperis eximius ille Grassensium Præsul esse hac in vrbe Aquisensem Apparitorem, nomine Maurum, qui procuracione accepta à Vinciensibus, vt

Episcopatum vnioni resistat, abutatur passim nomine cum tuo, tum etiam optimi Campinij, vt fauorem sibi nescio quem concillet. Ego securum esse eum iussu fieri id haud dubie te cum primis inscio; adèd noui illum ab te maioris fieri, amarique quàm vt, si quos habeat aduersarios, velis ipsis patrocinari. Ac assensit ille profectò fieri id sine te auctore, sed putauit tamen suà interesse, vt rem tibi suggererem, quò eam improbare, ac non pati posses. Itaque ego hoc officij, reculare illi non potis, & maximè quidem fiducię ob tuum in me amorem plenus, tum recepi, tum exsequor, quod me recepi pręstiturum. Sperabam, vt sub vesperam Illyricus me conueniret, quò possem certi aliquid de eius discessu ad te scire, sed à die vsque crastino procurare non desinam, vt si fieri possit, post triduum discedat. Accessit mane ad me *Prædubius* vltimum quid illi pecunię erogandum existimatum. Ipse verò censui sufficere posse centum libras Turonicas, aut ad summum centum viginti. De rebus nouis; ecce, castra communie *Arrelanus* pergit; quod naues *Hollandicę* accedere propius ob vada, munimentumque ligneum non possint, ac *Dumkercani* prondē lembi facilè subrepant nostrū *Mardikum*, timetur iure ne obsidio multos in dies protrahatur; nisi tamen fortè *Hollandi* munimentum illud quam-primum euertant. Pergant *Enguenio* post Rhenum traictum, dicitur *Turrenius*, *Mæno* superato, sic occurrere eorum fœderato exercitu, vt ex coniunctis tot viribus magni aliquid sit breui sperandum. *Sueci* qui *Brinum* iam occupatum dicant; sunt, qui *Suecos* repulsam passos cum insigni quadam iactura perhibeant; adduntque *Cæsares* & *Cremij* arcem recepisse iam, & in eo iam ac vt recipiant vrbe. Quid id rei sit, dies te docebit. Perfeuerat adhuc *Rensburgi* obsidio. Rex tamen *Danię* ed rerum compulsa esse dicitur, vt de ineunda cum *Suecis* tametsi conditionibus parum æquis, cognoscerid. Commisit *Anglus* prælium cum *Immentariis*, octauo Kalendas; verum de clade, fugatusque vix euasit incolumis, dimissus cum proprio curru, suppellectilēque cum omnibus sarcinis, armisque; & præter captis abductis quinque hominum millia. Quę fata sint illum deinceps mansura, Deus Optimus nouit. Nihil de *Morta* addo, cuius hodie pactis conuentis fieri deditio. *Nord* de *Harcutij* duplici victoria, quę non potest tibi esse incomperta. Tu, Ō PRINCIPVM OPTIME, ac meum dulce Decus, Vale. Parisiis, Eid. Quintil. M. DC. XLV.

## E I D E M.

**N**on potuit sese Illyricus ad discedendum comparare totam intra hebdomadam; sperat se nihilominus altero, tertio, insequentis die comparatum fore. Insuper recepi cras, perendie-ve cum ipso *Prædubio*, vt centum libras Turonicas tuum imperium numerandas curis. Insignes profectò sunt clades, quas ab *Hispano* ad *Saxim* nuper acceptas commemorasti; quæ

habes recentiore expugnationem Mardiki, ipsamque præsertim adeo celerem, ut Galli iure ab hostibus, quasi quædam belli fulmina habeantur. Spes est, ut breui inaudiamus quidpiam simile ab Enguenio, quem fama est, accepto iam fœderato exercitu, Haliprunum (aliqui putant Heidelbergam potius) statim oblecturum. Persecutare adhuc scribunt obsidiones celebres Brini quidem à Torstensono, Rensburgi verò ab Utangelo, & Christianopolis ab Horno. Quod addunt autem fuisse Presburgum à Transylvano occupatum, ut non valde asseritur, sic verisimilitudine caret. Versatur adhuc Treurenensis Archiepiscopus Francofurti, hæretique an Monasterium (qui iunior fuit) sit concessurus. Accessit tandem eò Longa-villa; utinam faustis ausibus, ac eo successu, quem multi sperant; non pauci vix sperant cum expectant tamen. Rex Anglus post cladem acceptam, recepit sese Bristoviam, instauratæque illeic denud perhibetur exercitum, quo prælium initiate iteratè possit. Ferunt posse eum cogere militum millia octodecim; sed & Parlamentario quatuor millia amplius; idque præter Scotos, qui iam accessisse Nouarchiam dicuntur. Tu, ô PRINCIPVM OPTIME, ac meum dulce Decus, Vale. Parisiis, prid. Eid. Quintil. M. D. C. XLV.

## E I D E M.

**E**N discedit tandem ad te eruditus iuuenis Ioannes Vgevinus ex Ducatu Russiæ, qui linguz Illyricæ callens, eam provinciam obeat, quam ipsi præscribes. Ipse est, qui hoc Epistolum reddet, quique & lenitate morum, & facilitate obsequij tibi carior brevi euadet, quam ut commendatione prolixa indigeat. Tu itaque illum pro solita tua humanitate sic excipe, quasi qui sit tibi penitus addictus. Vale PRINCIPVM OPTIME, Vale ô meum Decus dulce, Parisiis, xii. Kal. Sextil. M. D. C. XLV.

## E I D E M.

**E**di iam inanè Epistolum, quod consigneretur tibi expectus ille abs te iuuenis, qui ex Ducatu Russiæ oriundus perhibetur eximie callere Sclauonicam linguam. Is maturius discedere, quam hodierna luce non potuit. Discessit autem curru Lugdunum, peruenturus illud decimo ab heinc aut vndecimo summum die. Exegeram solum à Prudbonio tradendas ipsi libras centum; sed agnosuisse præterea illi erogandas viginti; & maxime quidem, ut si fortè Lugdoni aliquos comperiat eiusus idiomatis libros (qualeis nascisci heic potuit nullos) suppetat vnde coemere absque viatici detrimento possit. Aut verò fallor, aut est omnino probatissimis motibus, quantum quidem pernosse licuit ex consuetudine non valde diuturna; & ex eo, quod in ipsa facie, ut dictum nosti, legatur homo. Quod es dignatus meam parendi necessitatem non improbare, solitæ tuæ, ac præsertim erga me bonitatis fuit. Conditio

Gessendi Epistola.

autem illa, ut fuit dumtaxat tui ergo appositæ, ita profectò quoriscunque lubitum tibi fuerit, adueniet. Rerum novarum vix quicquam habeo, quod scribendi curam mereatur. Discessit quidem Mardiko Aurelianus ante sex dies; sed præter Linkij munimentum aduentantis meru succensum, desertumque, nihil gestum accipio. Sic inaudio Enguenium cum fœderato exercitu non longè Halipruno, Bauarique versari; sed fuisse aliquid ab ipso tentatum nondum comperi. Ex Austria rumores incerti; nisi quoddam Brinum, utcunque extrema pati dicatur, resistit tamen; & suscepta à Transylvano aliqua quidem, non ipsa tamen Presburgica obfidio est. Res in Dania semper confusæ. In Anglia verò Farfaxius expectare adhuc Scotos dicitur, ut vnâ cum ipsis Regem adoriatur. Quid nuperrimè ab Harcurio dum hostium commearus variè intercepit, gestum fuerit, nosse tu ptius, quam nos oportuit. Vale, PRINCIPVM OPTIME, Vale ô Decus meum dulce. Parisiis, eodem xii. Kal. Sextil. M. D. C. XLV.

## E I D E M.

**A**get tibi haud-dubie optimus Præsul gratias, ob tam effusam beneuolentiam. Id nempe cum summa affectus, gratitudinisque refectione præstiturum recepit se; cum tuis fretus literis, quam eum amarus fecurum feci. Quid heic præsertim noui sit, ex aliorum literis nosces. Expectatur Dux Aurelianus cras perendie-ve aduenturus; interim verò nata ipsi superiore nocte est filia. Dicitur post aliquot dies repetiturus exercitum, Præfecto interim Ranzouio, donec Gassio à vulnere, quo sauciatus est, conualescit. Speratur subinde grande aliquid moliturus in Flandriam; nam & eò tendit, qui nouus Ambiani apparatus exercitus, & qui à Villa-Regio dicitur esse deducendus. Ad munimentum Linkij quod spectat, id nuper solum captum est; & hostibus quidem non fugientibus, sed sese permittentibus mero arbitratui victoris. De Enguenio rumor est quidem præliatum fuisse in Bauaros, & tum victoriam ab eo stetit, tum casus confingendo fuisse heinc Verthium, inde Turennum, verum is planè certus non est; constantiusque aiunt Enguenium in Franconiam contendere, hosteis Bauariam turaturos desistere Danubium versus. Ferunt Torstensonum parte aliqua exercitus ad Btinum relicta, accedere cum reliqua, eaque potiore ad Transylvanum, Cæsarianis videlicet iam iam inualescentibus; utcunque quasdam illarum copias sic infregisse perhibeatur, ut ipse quoque Archidux fuerit in discrimen non leue adductus. Creditur iam demum ineunda Suecos inter, & Danos pax. Ad generalem quod attinet conuenisse Cæsarei, Electoreique dicuntur, ut conuocatis etiam qui adiunt, adesse-ve poterunt, ex omnibus Ditionibus, Comitatusque liberis Germaniæ, singularum iura speciatim disceptent; quod ipsis pacis Arbitris viam sternant complanatiorem. Memorant Angliæ Parlamentum literas postremò dedisse ad Regem

quibus rogetur, ut ab se omneis turbarum auctores ablegat, & Londinum repetat, suam auctoritatem indepturus, quantam sperare maximam per ipsa Regni iura possit: ni faciat, fore sibi promptam apud omneis excusationem, quod extremis denique malis adhibita fuerint extrema remedia. Tu, ô, **PRINCIPVM OPTIME**, ac meum dulce Decus, Vale, Parisiis, v. Kal. Sextil. M. DC. XLV.

## E I D E M.

**Q**ui ante dies quindecim discessit ad te Vgevinius, is quæ sit spes recuperandi Illyricos libros aperiet. Recepit nempe sese Lugduni, si quos in hac Vrbe non potuit nascisci, valeat requisitum. Quod Turca in Cretam vireis experiat, facit fortè, ne cum desperet de expugnanda Melite, videri possit exercitum nequicquam coëgisse tantum. Nihil verò mirum interim, cogitare iam illum de occupanda Insula; cum sit mirum potius cogitare tam serò; tamen enim non videatur esse admodum magni, donec habeatur à Venetis, ea tamen est, quæ comparata ad maris (imò & Græciæ, quod pridem Aristoteles notauit) imperium videatur. Dignus sanè Harcurius iis, quibus eum exornas elogiis; sed & scælix interim est, qui talem sit encomiasten nactus. Non accessit huc Aurelianus; verum Borburgum obsidet, speraturque eo breui positurus. Nihil tamen mouet Picolomineus, planè ut appareat nihil cum cætera, si modò Dunkerkam tutetur, curare. Id constabit clariùs, si qui nouus nobis apparatur exercitus, Audomaropolim, aut aliam insignem Vrbem impetret, neque ille tamen suppetias laturus accurrat. Non longè est Enguenius iam à superiore Palatinatu; nam Rotemburgum ad Tuberam non procul à fontibus cepit. Discessisse ab eo ferunt Konismarkium, ut opem Suecis quos Saxones, Cæsarianique vrgent, ferat. Sunt tamen, qui scribant misisse eò solum Equites mille, & quingentos. Accessit tandem Transylvanus ad Torstenfonum cum exercitu, qui militum viciis mille perhibetur; adduntque Bukenium, dum insidias quasdam ad Presburgum institueret, cæsum; & Galasi exercitum Pilsenum vsque in Bohemiam compulsus. Offert Danus Suecis, ut impetret pacem, aliquot insignia vltra mare loca; illi verò plura deposcunt, quæ etiam fortassis tandem obtinebunt. Conuenit ipse cum Hollandis; sed superest tamen Succorum consensio. Angli res pessum semper ruunt, neque modò Farfaxius obsidione Tamtonem soluit, sed obsessorem etiam sub Goringo exercitum fregit. Tu, ô **PRINCIPVM OPTIME**, ac meum dulce Decus, Vale, Parisiis, prid. Non. Aug. M. DC. XLV.

Dum hac absoluerem, accessit ad me qui renunciari se inaudiisse pacem Danos inter, Suecosque sanctam; & fuisse Cantelmum v. 111. Kalendas permissurum se arbitrami Harcurij, nisi suppetias experiretur. Vale iterum.

## E I D E M.

**N**on destitit sanè Neuræus, quod innuasti commendare; neque ego segniter profectò in sollicitando artifice fui; sed nempe ille tum alia quædam opera præ manibus habuit; tum ea perfecit lentissimè; tum me proinde continente procrastinatione delusit. Nunc, cum videatur serò tandem manum operi admonisse, spes est quidem, ut stet promissis, ac meis votis faciat satis: sed quam citò id sit futurum, minimè ausim polliceri. Facere dumtaxat certior me te possum, futurum vt per me non stet, quo minùs rem breui absoluat. Exsequutus *Prudhomius* est, quod dignatus es illi demandare. Opinor verò lutenem ad te iam demum accessisse. Rerum novarum vix quicquam habeo. Borburgi obsidionis dies promouetur; sitque expugnationis spes hebdomade insequutura. De Enguenio nihil certi, ac ne illud quidem, quod ferunt, in coësse Bauaros, vt digressi iam Konismarkio, prælii aduersus illum instituat. Dicuntur iam Brini, & arx Spilbergensis extrema pati à Torstenfono; ac misisse ad Cæsarem cogi se, vt statim, nisi opè ferat, se dedant. De Bukenij morte dubitari non video. Pax etià Danos inter, & Suecos vix quicquam in ambiguo est. Monasteriensem qui putes promotam, cum necdum constet de titulis, quibus se Ministri Principum ornari deposcunt. In Anglia dicitur Farfaxius obsidere nescio quam arcem, in quam Goringus machinas belli, sarcinasque coniecit. Dicuntur & Scori, acceptis stipendiis, tum deseruisse Vorcestriam, tum iter in Valliam instituisse aduersus Regem. Tu **PRINCIPVM OPTIME**, ac meum dulce Decus, Vale. Parisiis, 111. Eid. Sextil. M. DC. XLV.

## E I D E M.

**Q**ui ad te petuenerat rumor de profligato ab Enguenio Bauarorum exercitu, nullus quidem, sed veri tamen quasi prodromus fuerat. Quippe tunc nondum prælium commissum; necne autem sic gesta res est, vt perniciosissimo Heroi gloriam pepererit ingentem. Cognosces iple satis aliunde quicquid circumstantiarum est; mihi abundè est, quod tibi, qui sic ad illum attines, hanc adeò illi gratuler victoriam. Id facio verò, dum interitum desiderio tangor carissimi capitis, quod eo in conflictu strenuè dimicando occubuit; Nollis fuit iuuenis Daniel Auberius Maurerius, cuius industriæ Enguenius ipse professus est debere se Philippo-burgum expugnatum. In adindolem verò generosam, tum Philosophiæ studium, tum bonarum Artium adiecit, & totum, ac cætera inter eam apparat suppetiam, & stabilem Organorum obseruadis Calestibus, vt speraretur iure Hipparchus, Tychoque Galileus futurus. Verum aliter est Superis visum, illèque nobis præteritus est (Capellano vrbis mihi quæ imprimis, quibuscumque amore iunctissimus fuit) vt ea spectet iam cominus, quæ eminùs solum fuerat spectaturus. Non exciderent isthæc mihi, nisi eum te nossem, qui volens meis condones affectibus, vt quocunque lubet se exserant modo. Quod superest, hesternum



luz gratiæ solemnnes habitæ sunt pro Borussia expugnatione. Ferunt Transylvanum in iuribus quatuor militum oblatum Presburgum, & Torstensonum cum eo ad eum discessisse, quod Gallico, & Archidux, dum essent suppetias Brinæ abuturi, coacti fuerint diuertere, tendereque Presburgum versus. Constans semper fides de pace Danos inter Suecôsque est. Obsident in Anglia Scoti Herefordium, cepitque nuper Fairfaxius munitissimas quasdam arcis. Veni vos consternatos aiunt, non modo quod actum de Insula putent, sed etiam, quod se, quâ terra, quâ mari impetendos præstant. Tu, O PRINCIPVM OPTIME, ac meum dulce Decus, Vale. Parisiis, xv. Kal. Septemb. M. D. C. XLV.

## E I D E M.

**C**onsul demum ad te optimum illum. Scilicet est mihi sanè perquam iucundum. Scilicet te debet me iam quæpiam diuulsi iudicio, ob quinque iam hebdomadas ab eius discessu transactas. An fuit pariter etiam de Lunæ nugis, quâ in eâ Cælam propulsum, ut spectare vobis licuerit quod contigit deliquium Solis? Nobis certe præter eius iurium, quod minuto quarto post mortuum de manu obiciuui accidere ad portum Solis Borussia, & gradu quidem à veteribus prænotato, vix adnotari quicquam potest, quod votis satisfecerit. Nam quod per hanc quidem, iactimque interuifum aliquid fuerit, quovisque Eclipsis peruenit. Quibus quatuor cum belse, deficientibus, hinc ex ipsa Solis circumferentia gradibus circiter centum quinque; fueret tamen nubes delincepta ex opacitate, quæ & expleat maximum defectum non permisit, & ut cetera sic præterit Finem fecerit penitus inuisum. De rebus humanis, cum eo ipso diu habitæ fuerint gratiæ solemnnes pro Enguianâ victoria, occupationeque Norlingiæ, quæ postridie pælij facta est; non accipit quidpiam ne fuerit ad Heroë illo tentatum. Aurelianus Cassellum montem de dedendo se sic interpellauit, ut occupare eum iam credatur. Voluit Brinum se Torstensono cedere dedere conditionibus; at ille pacifici vllas recusauit; constansque satis fama est, ipsum ea iam Vrbe possidi. De Presburgensi obsidione, aut iam coepit, aut imminente vix dubitari quicquam video; & quia narratur Bukerius nescio quam cladem circa eam passus, falsum vides fuisse ruorem, qui de eius morte percrebuerat. Quàm iure verò tu de Danorum, Suecorumque pace hæsisisti, quando litteræ recentiores perhibent Classẽ Suecicam nihil non hostile moliri. Cepit Fairfaxius nouam arcem, aliâque rursum obsidet; & Scoti obsidere non modò Herefordium, sed etiam quoque Vrben dicuntur. Scribunt interea Parlamentum obtulisse Regi pacis conditiones, quas nisi accipiat, aleam planè iaciat. Tu, O PRINCIPVM OPTIME, ac meum dulce Decus, Vale. Parisiis, vii. Kal. Septemb. M. D. C. XLV.

*Gassendi Epistola.*

## E I D E M.

**Q**uas dignatus es ad me dare pridie quàm Albaniâ discessurus esses, accipe. Gratulor ætatis feruores illic felicititer exactos, ac in impendentem Autumnum patrem voueo felicitatem. Quæ de rerum statu in Christiano Orbe ratiocinans, digna te sunt; & maximè quidem circa Venetos, quos ea vixisse securitate, vt de tanto hoste non magis metuerent, est prorsus stupendum. Si quidem videtur Respublica nulla consiliis floruisse sapientioribus; neque maiore prudentia calibus variis prospexisse; sed persæpe nimirum Deus sæculi prudentiam confundit, planùmque facit, nisi ipse Ciuitatem custodierit frustra vigilare qui custodiant ipsam. Et de Creta sanè actares videtur; neque minus Ulyridi timendum esse perhibent ob traiciendis per Styriam, Carinthiâque copias ingentis; verumtamen res citæ erunt Deo Optimo, Maximo, sperandùmque ex eius bonitate est, ut non modò malum serpere non sinat, sed penitus etiam ipsum aueruant. Ad res nostras quod attinet, Aurelianus non modò Cassellum, sed Bethunam quoque, & alia loca munita cepit, ac plura vt capiat in proximo est. Enguenius aliunde semper Bauaros obsidionibus, præliisque infestat. Fama de Brino capto elanguit: imò sunt, qui scribant venisse suppetias, leueis illas quidem, sed aliquas tamen. Reuifiscit fama ex opposito de Danica pace cum Suecis ineunda. Konismarkius reipsâ se in Saxoniam rediisse demonstrat. Anglus nonas perpersus cladeis, tum Oxonium reuersus est, tum continendis populis Comitem Robertum Bristolæ reliquit. Emerferat quidam Rusticorum factio, quæ sese ab armis tam Regis, quàm Parlamentum tueretur; ac incedebat iam armatorum circiter decem millia, cum Parlamentarij incopositam multitudinem exturbârunt. Tu, O PRINCIPVM OPTIME, ac meum dulce Decus, Vale. Parisiis, Kal. Septemb. M. D. C. XLV.

## E I D E M.

**T**enes me sanè multis, magnisque nominibus tibi obstrictum, at non est, quod putes esse in postremis illam, quasi parentationem, quâ meum Maurerium gloriose functum condecorasti. Poterit olim tuus Enguenius quis ille fuerit, te edocere, vt minus proinde pœniteat te bona ipsi verba dixisse. Habent se potro Germaniæ res eo, quo perscripti tenore, nisi quod senserit ne Brinum suppetias, multi dubitant; ac fit iterum de pace Suecorum, Danorumque fama vacillâs. De Anglicis vera profaris; Rex enim V Valliam deserit, quippe ipsam quoque non fidam expertus, & in Scotiæ monte recipere se ad Montrosium dicitur, toto penè Angliæ equitatu eum infectante. Nostras cur attingam non est; nam quid hesternam quidem luce in Senatu actum, aliunde pernosces; venit eò Rex, ac insit Edicta vnde viginti in Acta referti; vt cunctis murmuratum sit rem insolitam, hac Regis atate. Ipsa Inquisitionum

Classes mouere quidpiam cœperant; sed nihil aliud denique, quam Deum, hominūque in Præsidem primum implorârunt fidem. Discessurus fuerat Condæus ab aliquot diebus ad Aquas Borbonias; restitit tamen hæc de causa; & Aurelianus interea aduenit nudius-tertius, qui ipse quoque Regi adtaret. Verat Deus optimè omnia. Tu, ô PRINCIPVM OPTIME, ac meum dulce Decus, Vale. Parisiis, vi. Eid. Septembr. M. DC. XLV.

## E I D E M.

**Q**UOD hac vice neque abs te, neque ab optimo Campinio literas vllas accepim, per-facile coniectu est, fuisse à vobis in montanam nostram Regionem iter susceptum. Quam verò putas doleo abesse me à Laribus, quos quantum coniector, hoc, quo ad te scribo tempore inuisi. Scilicet te lætitiæ plenus paupere cauo excipetem, neque tu ad me, quasi ad Philemonem diuertere dedignaberis. Gratulor porò nescisse te quanto cum vitæ discrimine Heros Enguenius laborarit. Scilicet, quo nuper vespere scribebam, aduenit Cursor ex Germania renuncians ipsum febre continua, alique profluuiio vnde-cimum iam diuexari diem: ac nocte solum superiore aduenere duo alij, qui esse cum iam à febre liberum retulerunt. Quantis itaque in angustiis tota fuisses hebdomade, si morbum rescuisses, de quo ad te scribi ante octiduum potuit: quantâ iam debes esse lætitiâ, cum ægotasse illum non prius, quam conualescere addidicis: captum iam ab illo fuerat Dunkespihelum, & exercitūque ad Halitruni obsidionem deducebatur, cum ipse Philipopolin, vbi quietius decumbere liceret, comportatus fuit. Ferunt interim Bauaros se comparare sollicitè vt castra nostra adoriantur; vtinam irrito conatu! falsus omnino habetur rumor, qui peterebuerat de inita inter Cæsarem & Translyuanum pace. Torstenfonus parte copiarum Brinum obsidentium subducta, dicitur insigne nescio quid moliri. Konismarkius, Miseno capto, Kemmitium petit, Saxoque interea cum Suecis coire in statum neutrum expetit. Inita iam demum atque promulgata Danos inter, & Suecos pax; vnâque esse præcipuarum conditionum ea dicitur, vt Hallandiz Prouinciæ sub Suecis remaneat in annos proximè quinquaginta. Non licuit infelici Anglo penetrare in Scotiam; ac præter Equitatum, quo semper vrgetur, coguntur copia vndique; quæ in angustias ipsum compellant. Bristolam interea obsidet Farfaxius; neque potuit Princeps Rupertus equitibus mille stipatas sese ex ea subducere. Migrat Aurelianus cum reliqua Aula his ipsis diebus Fontem-Bellaqueum; neque est, vt aiunt rediturus in Flandriam. Cepere nostri interea Lentium, & Armenterias; ac vtrunque Insulani nostros hæcenus non admiserint; saltem neque admittere Hispanum præsidium voluerunt. Tu, ô PRINCIPVM OPTIME, ac meum dulce Decus, Vale. Parisiis, xvii. Kal. Octob. M. DC. XLV.

## E I D E M.

**Q**UAS accepi, argumento fuisse discessisse te in Ortum, illum in Occasum; meque haud verè coniecisse, cum opinatus nuper sum fuisse tecum iter ab eo institutum. Debes iam haud-dubiè in Vrbem rediisse (cum & aliunde Consularium Comitiorum tempus imminet) vrinam & incolumi constanter valitudine, & animo quasi iucunda quadam rusticatione recreato. Aduenit ecce tertium Cursor, qui renunciârît Enguenium ita conuulisse, vt de proximo in castra reditu cogiret. Quanquam non modò ipsi licentia redeundi in Aulam est facta, sed additum etiam abs Rege imperium, quod eius Parens, quæ eadem est tua Matertera, procurauit. Tamen porò Bauari in prociñtu esse, vt Halipnum obsidione soluant, dicantur; nondum tamen ipsos aliquid tentasse aduersus castra accepimus. Constantior iam habetur pax Cæsarem inter, ac Translyuanum; feruntque omnes Cæsareas copias in Torstenfonum se comparate, dum interim & Konismarkius pactis cum Saxone induciis semestribus, se ad eum confert, & Sueci vires hæcenus in Dania occupatæ eodem contendunt. Pax illa Danos inter, & Suecos proclamata fuisse dicitur à decimo ante Kalendas; & oppida heincinde capta redditum iri conclusum est pridie Kalendatum Nouembris. Non Hallandiz modò Prouincia, sed Regiunculæ etiam aliæ remansuræ sub Suecis sunt in annos triginta, non vt scripseram nuper quinquaginta, idque præter Gollandiam, Prouinciolasque alias, perpetuò ipsorum dominio addictas. Id scilicet perscriptum est vnâ cum morte illustri Grotij, qui è Suecia rediens non sine insigni bonarum literarum damno, ipso sui anno Climacterico incidit in febrim, obiitque Rostochij. Videntur Regis Angliæ res non nihil melius se iam habere; ecce enim Montrosius Scotiam vniuersam sub iugum misit, Scotique adeo, qui per Angliam, tum ipsam Regem insectabantur, tum Herefordium obsidebant, omnibus dimissis Patriam repetunt, si fortè subsidij ferre quidquam possint. Pene-trauit Rex interea Oxonium, vnde & vnâ cum Goringo speratur suppetias Bristolz laturus. Ex Flandria scribunt Insulanos admisisse demum Hispanum præsidium; vtrumen nostros Bascam obsidere. Tu, ô PRINCIPVM OPTIME, ac meum dulce Decus, Vale. Parisiis, x. Kal. Octob. M. DC. XLV.

## E I D E M.

**N**ONDUM rediisse te in Vrbem, qui fuit tibi Campinius occursum, significauit. Interim verò ex literis Amicorum complurium non accepi modò fuisse Diniz te, sed illic etiam testimonia solitæ tuæ erga me beneuolentiæ exhibuisse. Quippe non modò es dignatus humilem casam inuicere, ac te sistere in Musæolo mearum aliquarum vigiliarum conscio; sed Hominibus quoque nostris voce, scriptoque palâ fecisti quantum esset cordi, vt

facta,

furta, rectaque illa qualiuncque mea iura habere, ut intelligeret simul me non posse abs te *amici* ardentius. Agnoscis ipse quàm non valere debitas grates rependere; sed ipse neque in causa es, qui tantum cum sis, tantum me ita deuincis, ut dum tibi non tempero, me proflus obuias, ac penitus imparem agnoscendo facias. Rerum nouarum vix quicquam habeo; & si quid habeo, ecce vix quicquam mihi superest temporis, quo id perscribere ad te possim. Conualefcit semper, sed lente Enguenius. An disceserint nostri Halipruno, ut adorianut Baiaros; an alio consilio, dicere non possum. Constantis est rumor de intra Casarem inter, & Translylanum pace; constantior adhuc de mita ipsos inter Dauos, & Suecos. Non differet omnium arcium, oppidorumque restitutio in finem vsque mensis Octobris. Fore memorant, ut Vrangelus quindam millia milium in Germaniam illuc duceret, cum constet etiam rumor de similibus inter Sarmes, Sueconque inductionem. Fugam Konismarkium discessisse iam in Misanum ad Torstenonum. Addunt nulla à Translylano ad Torstenonum tria equorum millia. Quod scribitur Legato Casareo scire iam ad pacem propendere, valde optandum. Quod uisus in Flandria non obsoleant Bassines, eam esse aiunt interceptas literas, quibus huius admoniti egregie communiarentur. Plura scribere iam non vacat. *Tuo Principum Optime*, ac meum dulce Decus, Vale. Parisiis, 11. Kal. Octob. M. DC. XLV.

## E I D E M.

**T**u Ratulor te demum in Vibem rediisse, ac tunc quidem litera cam fluxione non memorant, qua dum scriberes, laborabas; sed optimis tamen Compiniis illius ita meminit, ut etiam penè diffiderit posse te ad me scribere hac vice. Sed tu scilicet nimis bonus, ut mei erga nolueris ualitudinè habere rationem. Laboratum ab illo est contraxisse te id in commoti ex mora paulullò diuturniore in sudorifica illa Cypre. Ego verò id non demitor; qui ipse quoque alias paulullò diutius in ea moratus, deitum dolorem non leuem sensi. Id periculi in non subest, quibus sunt humores ex Balneo uisum reducere dispositi; ac impatatis, ualuetque facile tota corporis æconomia perturbatur. Deum queso ter-Maximum, ut te in quem optimum statum, ni iam fecerit, quam-primum restituat. Noram iam dignatum uisuisse lareis meos inuissere, & ipsis met Consiliis mea illa iura commendare. Quare & gratias iterum habeo, quòd & tam sponte feceris, & graue etiam non duxeris ipsemet id significare. Quæ me heic erant negotiola pessum penè tuum ut Hugonis perfidia. Siquidem postquam iam à Clero stipendia plena, & quasi nunquam à procuratore abstulisset, obtinuit, ac honorarij etiam vice octodecim millia librarum consequutus est; repentem mihi mea nira, quæ & ipse semper dum suis frueretur, ut iam fruitur, fecerat speranda; obstinate negat se quicquam debere; ac, ut in ius vocem

fidenter inculcat. Res mihi adeò inexpectata, maximeque ob præconceptam de eius probitate, fide, moderatione opinionem, ut dubius pendeam, me-ne ipsum, qui illi nimis fiderim, damnem; an nihil aliud, quàm malitiam, impudentiamque eius detester. An faciam, quod ille inclamat, sed me id nimirum abhorere nouit, ut vocem in ius, litem-ve scilicet intendam. Hæc ego sanè aut nullo modo, aut planè inuitus ad te scriberem; sed ipse, ut faciam addis animos, dum quæ mea sunt, ita habes cordi. Ut hæc mittam tamen, ac alia attexam, futurum speratur, ut Aula breui in Vibem redeat ob Legationis Polonica ad Calerensem oram adpullum. Adueniat Enguenius; & cum iam credatur peruenisse Nancieum, paucos intra dies Cantillium accedet. Actum aliquid nostros inter, Bauaròsque nondum auditur. Scribitur duxmaxat utrosque contendere Danubium versus. Ferunt Casarem accedere Lincium, ac sunt, qui id interpretentur, ut cum Bauaro colloquatur. Obstat egregie Torstenonus, ne ipsius copia Danubium traiciant, dum Konismarkius interim eò properat, ratis iam inducias. Hæfurus Translylanus est in ipsis Hungariæ confiniis, quoque eius Regni comitia ratas habuerint constitutiones, quas cum eo Casar pepigit; sed quo successu dies docebit. Danica pax, quod alia spectat, exsequutioni demandatur, disceptatioque superest solùm de Archiepiscopatu Brementensi. Scripseram nuper Monrosium subegisse iam Regis nomine vniuersam Scotiam, & Scotos, qui per Angliam, eò accurrisse tanquam ad incertidum: nunc autem, quantum hæcenus rescui, is successu fuit, ut Scoti Monrosium Lesleo duce ftegerint, eoque rerum adegierint, ut vix potuerit cum ducentis militibus euadere in monteis. Neque verò hæc vna Regis clades; ecce enim Farfaxius cepit aliunde Bristolam, dedente etiam arcem Ruperto, ea conditione, ut tam sibi, quàm militi discedere cum armis, cùnque sarcinis pro more Oxonium liceret. Tu, o *Principum Optime*, ac meum dulce Decus, Vale. Parisiis, pridie Non. Octob. M. DC. XLV.

*Per-erudito luueni IOANNI VGEVINIO ROXOLANO,*

PETRVS GASSENDVS S.

**I**nas iam abs te habeo literas; tu abs me habes hæcenus nullas. Eque enim-virum haberes me, nisi me sub cure, ac intinè nolles: non est profectò, cur suspicere, aut propensionem erga te meæ quicquam penitus decessisse; aut mihi satis non esse cordi, quidquid rerum te attinet; aut tuas mihi literas posse non gratissimas esse. Segnities est mera, cuius lenocinio dum scribendi differo tempus, etiam destinatum præterlabitur, re quapiam noua interneniente. Certè iam etiam parum absuit, quin literarum nihil darem; ac præclaro illi Nærao tui salutandi committerem curam. Videlicet tuo candori fidendum magis



cenſeo, quàm vt ſcrupuloſè amicitiam colam. Si quid expediat, aut ſit neceſſe; paratiſſimus ad officium ſum; ac ſic etiam me erga alios habeo, vt ſim licet in iis, quæ ſunt vrbanitatis negligens; non vereor tamen, ne amici aut mihi minus amici ſint, aut me minus amicum putent. Scripſi iam nuper, vt expetiſti; neque hæreo, quin ille Vir, qui adedò cordatus, bonuſque eſt, omni officio te proſequatur. Tu bene vale, & ſic habe me nihil vnquam prætermiſſurum, quod intelligam tua intereſſe. Pariſiis, prid. Non. Octobr. M. DC. XLV.

LVDOVICO VALESIO, Principi  
Optimo,

PETRVS GASSENDVS

Εὐδοκίην.

**V**dio te adhuc tuo illo laborare *ἰδμε-  
ται*, vtinam breui cum penitus eu-  
uiſſe compertum fiat. Fluxionibus hiſce ſuæ  
periodi ſunt, quæ exſpectandæ potiùs à ſobrio,  
quietoſque vitæ genere, quale tu haud-dubiè  
conſectatus es, quàm à nimio vſu pharmaco-  
rum videntur. Nondum acceſſit qui aduentat  
Orator ex Polonia, ac non mari quidem, vt  
creditum fuerat, ſed terrâ; neque rediit hæ-  
tenuſ Aula, vtcumque in dies reditura ſpe-  
retur. Peruenit tandem ſolpes Enguenius Can-  
tillium ante dies quatuor. Poſt admotos in  
Flandria noſtrum, Hollanduſque exercitus,  
poſtque circumuentum iam Huſtium, quod  
obſidere Hollandi pergunt: reſſi noſtri  
non Vdenardam, vt creditum fuit, obſident,  
ſed Baſſeam. Quanta Flandrorum conſterna-  
tione iſthæc peragantur, non facile dictu.  
Qui noſtri in Germania ſunt, immorari Hallæ  
Sueuorum dicuntur. Ferunt Cæſarem Lincio  
Ratiſbonam vſque venturum, vt conuocatis  
Principibus amicis, & Catholicis, quid con-  
ſilij ſit capiendum prouideat. Obſtat interim  
ſemper Torſtenſonus, donec præſtolatur Ko-  
niſnarkium, ne Cæſariani Danubium traſi-  
ciant. Perhibent præfectum Hallandiæ ac  
alium etiam nſcio quem hære, quæſito  
prætextu, ne Prouinciã Sueci vt pactum eſt,  
dedat. Ruunt Angli res continuò in peius;  
clade noua affectus Monroſſius, conſcluſit ſe  
caſtro, quod iam obſidetur. Defecere recens  
inſignes aliquot vrbes ad Parlamentum; &  
quæ obſidentur Voceſtria, & Nouomarchia,  
deditionem mox facturæ ſperantur. Hæc ab-  
ſoluebam, cùm tuæ mihi redditæ fuere literæ;  
Delectauit ſummoperè, quod inde agnouit te  
melius valere. Gratias habeo, quod ſis di-  
gnatus quis Comitiorum Conſularium euen-  
tus fuerit, ſignificare. Reſcieram iam Caneam  
captam, condolueramque ita eſſe Orbem  
Chriſtianum comparatum, vt naſcenti malo  
ire obuiam non poſſit. Ecquæ-enim, quæſo,  
perniciēs, ſi Vrbis in ſignis iactura iacturam to-  
tius Inſulæ ſic trahat, vt damnis longè grauio-  
ribus inferendis ſit quaſi gradus? vertat Deus  
omnia in melius. Tu, **PRINCIPVM OPTI-  
ME**, ac meum dulce Decus, Vale. Pariſiis, III.  
Id. Octobr. M. DC. XLV.

E I D E M.

**M**Abebis ecce cum Epistolio exemplum  
trium Epistolarum, quæ produnt nunc  
primum in lucem. Accipies autem lubens, ſat  
ſcio, quod vtcumque magni momenti non  
ſint, meæ ſint tamen, & argumento cum iis  
cohæreant, quibus ipſe aliquam pridem an-  
ſam feciſti. Si ſuſtineris vel ſummulas ipſiſ  
præfixas percuttere, neceſſe non eſt quicquam  
heic præmoneam. Multa ſunt in textu, quæ  
legi citra tædium minimè valeant; ſed ea ni-  
mirum à me extorſit polemiciſm ſcribendi ge-  
nus. Heinc quæſitum remedium eſt ex illiſ  
compendioſis, vt ſi liber alioquin nimius,  
Coronidèque ſera ſit longus, dictum putetur,  
*legito pauca, libellus erit.* Vota illa tua pro ſu-  
licibus Chriſtianorum in Turcas armis, digna  
ſunt tua & pietate, & magnitudine animi; ac,  
ſi quæ Campinius Maſſiliâ perſcribit ven-  
comperiantur, votorum iam es quadantenus  
compos. Inuenit ægrè heic res fidem, quod  
literæ Venetiſ datæ die menſis xxv. i. victorie  
non meminerint, quæ obſtenta tamen à die  
quarta perhibetur, quaſi res adedò proſperè  
geſta non potuerit tandiu Venetos latere. An  
inſinuem verò eſſe heic Prophetam, qui Apo-  
calypſin interpretetur, & magna quidem ſub-  
tilitate, de futuro intra annum excidio tum  
ſtirpis Ottomanicæ, tum Sectæ Mohamedicæ,  
ac ea de cauſa benè multos, quibus Religio  
cordi eſt, aut in militiam ſacram conſcribi,  
aut in eam ſaltem opes erogare. Ipſe im-  
mò *ἀντι*, vtcumque ſorte nſcio qua factus  
negotij particeps; qui quærere fugio quid ſi-  
cras futurum. De præſentibus dicere vt per-  
gam, dum Torſtenſonus Konisnarkium ad  
Danubium adhuc exſpectat, accedunt interea  
Leopoldus, Galasûſque ad Bauaros. Turciani  
verò vt tot collatis viribus impar, repetit Rhe-  
num. Perſtant Hollandi in obſidione, ſame-  
que eſt fore, vt Huſtium expugnent intra  
viginti plus minus dies. Noſtri non Baſſeam  
ſunt aggreſſi, ſed Lentium; ac non ipſam  
modò, ſed & alia quadam oppida ceperunt.  
Dicitur Enguenius perendie Cantillio in Ve-  
bem venturus; ſperatur & Aula reuerſura tota  
inſequente hebdomade. Legatio illa Polonia  
diuerſura eſt nocte proxima Siluanectam.  
Nſcio an inaudieris Polonum Regem, dum  
uxorem magno apparatu, ex Gallia acceſſit,  
conuocare interea Toruni Synodum quandam  
celebrem, in qua inter Catholicos, Luther-  
anos, & Caluinistas, de Religione ſic diſce-  
ptetur, vt, ſi fieri poſſit, in vnã conſpi-  
rent. Tu, **PRINCIPVM OPTIME**, ac  
meum dulce Decus, Vale. Pariſiis, XI. Kal.  
Noembr. M. DC. XLV.

E I D E M.

**N**on neglexit ſanè Neuræus quæ tu  
fuerit ſententia de Hugone ſignificare.  
Ego verò, **OPTIME PRINCEPS**, malum  
cius erga me fidem cauſatus apud te non fue-  
ram, indignationem vt prouocarem; ſed ſo-  
lùm, vt qui ſe haberent mea illa negotiola,  
quæ tibi eſſe non parum cordi perſpectum erat  
nſciant

nesciut non fores. Nihil erit profectò opus, ut te deinceps vlla eorum commemoratione fatigem. Addo iam solum persistere illum obstinate suo in consilio; & cum optimus Præsul Tolofanus ab eo extorsisset, ut res designatis heinc inde permitteretur arbitris, postquam ego quidem Prælatos illustres, Patienssem Coadiutorem, & Sagienssem Episcopum, nomine meo indigitavi; tum illum pedem tetulisse, abnuisq̃ue rem per arbitros decerni, quin-etiam rogitante me nihil-ne conscientiam reuertetur; veritus non est coram eodem Tolofano Antistite, coramq̃ue nostrate Gerentæo respondere, eam sibi esse persuasionem, ut possit idcirco non stare promissis, quòd credat cessum sibi à me ius fuisse sibi à me fauore præreptum. Ita videlicet prætextum quasi lenimen aliquod aduersus conscientiam petcentem quærit. Sed nimis tamen hac de re. Rediit tandem Aula in Urbem; etiam Dux ipse Enguenius valetudine prospera; & quæ Legatio Polonica accessit Sandionysium, ingressura Urbem perendie insigni cum pompa speratur. Cæpere quidem nostri in Flandria oppida quædam, quibus se illic sistere tutò per hiemem possint: at ferunt tamen Picolomineum recepisse montem Castellum, & quidquid præsidij in eo reperit, internectione deleuisse; idq̃ue, dum interim Hollandi Hultstio posituri haud-dubie timentur. De Turrennio an sit statua cis Rhenum, ac in Lotharingia habiturus, nondum competum. Non sunt Bauari longè Halipruno, autq̃ue intercè Cæsareos regredi Torstenfoni metui, qui ita mouit versus Bohemiam, ut dicatur etiam in altum Palatinatum excursurus. Ingressus per Bohemiam Konismarkius sic in Silesiam penetravit, ut oppida quædam insignia illic cepit, ac Vratissianam obsessus putetur. Rati habitio Danicæ pacis est vitrò citròq̃ue data, & accepta; ac perhibetur Vrangelus mox in Germaniam discessurus. Dicitur Rex Angliæ tantillum erectior. Aiunt videlicet Monrossium neque tantam perpessum cladem, quanta iactata fuerat; neque diu fuisse, quin res in Scoria prolapsas restituerit. Memorant etiam Goringum quidem aliquam passum iacturam fuisse; sed passos nihilominus Parlamentarios non minorem. Saltem ipsi Parlamentarij nondum rem esse aduersus Regem planè confectam profitentur; quando constare negotia scribunt, quæ in sequentem annum superfint. Tu, ò PRINCIPVM OPTIME, & dulce meum Decus, Vale. Parisiis, v. l. Kal. Nouembr. M. DC. XLV.

## E I D E M.

**N**on multis te moror, quia multa non habeo, neque suppetit multum temporis. Celebris heic fuit ante dies quinque Polonorum exceptio; futurumq̃ue est, ut perendie nuptiæ in Regia celebrentur. Nondum cepere Hollandi Hultstium, saltem quod inaudierim, prope diem tamen capturi sperantur. Nostri intercè futuram in Flandria hiemationem in dies stabiliant. Turrennius cis Rhenum hoc est in Allatia, Lotharingiq̃ue hiematurus

putatur. Qui Cæsarianum Bauaris ad eum adoriendum coierant, regressi iam sunt. Rediens è Silesia Konismarkius dicitur mox vireis in Bohemia cum Torstenlono collaturus. Discessit iam Vrangelus, ac Albi traiecto, per Germaniam incedit. Ex Dania nihil habeo, nisi quod accipio Seuerinum Longomontanum, oppidò grandævum, utpote, qui Braheo adiutor fuerit, vitam cum morte commutasse. Ex Anglia perscribitur Regem accessisse Nouarchiam, ac hiemem illic transacturum. Sollicitant quidem Parlamentarij Scotos, ut Urbem illam obsideant; sed futurum potius videtur, ut sint de patria solliciti, in qua iterum Monrossius præpollet. Ferunt interim munitionissimum nescio quod castrum occupatum à Cromuuele Parlamentario; adduntq̃ue ipsum cum Farfaxio aggressurum esse Goringum, ut vel prælium conferere, vel dimittere obsidionem Plimmuthensem cogatur. Scribunt Monasterio Ministris Cæsareos tum visitasse Longavillam, tum ad Ministrorum Regiorum postulata responsum dedisse. Obliviscbar rem satis novam, Cæsarem nempe, ut specialius Transylvanum demereretur, designasse illum Pro-Regem Hungariæ (an non per-mirum nisi ouem, quod aiunt, lupo commiserit); ac futurum breui; ut etiam Sacri Imperij Principem creet. Res valde vulgaris; sed mihi parùm fida. Tu, ò PRINCIPVM OPTIME, ac meum dulce Decus, Vale. Parisiis, i. l. Non. Nouembr. M. DC. XLV.

## E I D E M.

**V**arum illarum literarum decimo Kalandas datarum meminisse nuper non potui, quòd non-nisi biduo post nuperas meas ad te datas fuerint acceptæ. Illæ sunt, in quibus præclarè ratiocinatus fueras, tum de vulgari Medicina, tum de eo, quod Tiberius censuit, debere vnumquemque suam regere valetudinè, annos supergressum triginta. Nuptiæ inter Regè Polonum, & Mariam Gonzagam celebratæ sunt eo, quo prædixerà die; Rexq̃ue, & Regina sponfam deduxerunt proprio insignem Diademate, & Regia in Niuernam domum. Fuere honores varij deinceps illi habiti, imprimis verò hesternæ luce à summo Senatu, aliisque Magistratuum Ordinibus, & à Clero etiam, Academiæq̃ue Parisinis. Eam sub initium hebdomadis insequentis discessuram ferunt. Cùm literæ variz habebantur, quæ caprum iri Hultstium paucos intra dies perhibeant; tum legi quasdam Calcto scriptas, quæ ab otiduo memorant captum. Sunt, quæ renuncient Bavariæ Ducem morbo extremum laborare; & Konismarkium, Torstensonumq̃ue ita instituisse colloquium, ut ille in Moraviam redierit, hic iter destinauerit in superiorem Palatinatum. Addunt digressus è Dania Suecos Albi superato sensim promoueri. An accessuri autem sint ad alterutrum vel utrumq̃ue, an constituri potius per se, euentus proximè docebit. Plura iam non vacat. Tu, ò PRINCIPVM OPTIME, ac meum dulce Decus, Vale. Parisiis, iv. Eid. Nouembr. M. DC. XLV.

## E I D E M.

## E I D E M.

**E** Vere rursus literæ tuæ biduo dumtaxat post literas à me conscriptas redditæ; vt proinde agere gratias maturius non potuerim, ob exceptum adeo gratiosè Epistolarum mearum exemplum. Id profectò tantì non fuit, vt verba funderes tam bona, aut te aliud reciperes, quàm vel ipsum Titulum, vel quod summum fuit, summulas lecturum. Sed nimirum, qui tuus est erga me amor modum non tenet, & quam de me præconcepisti opinionem, eiusmodi est, vt, pace tua dixerim, non satis caueas, ne quid nimis. Delectauit magnopere habuisse te honorem tantum aduentanti Antistiti; quando is non potest non augere eam, qua in Aula præpolles, gratiam. Inaudij verba, quæ in Senatu ille accepit, ac reddidit. Quæ futura heic sit illorum interpretatio, tu coniecis probè. Nondum excessere Poloni ex Vrbe; sed excessuri tamen dicuntur insequente hebdomade. Quod de Hulfio capto perscribebam nuper, euentu ipso fuit comprobatum. Passus est deinde Lamboyus eam à Gassione copiarum cladem, quam futurum conceperat vt ille à se pateretur. Nunc, quod memoratu sit dignum, Treuiorum Metropolis à Turenno sic obsidetur, vt deditio eius speretur intra decimum ab hinc diem. Torstenfonus vrbe nescio qua potius perterret Bohemiam. Vrangelus verò, dum maiores adhuc à Suecia vireis præstolatur, moras per Luneburgum trahit. Futurum aiunt, vt Magdeburgum neutrum à Suecis impetret statum; atque idcirco ab obsidione eminens facta liberetur. Hæc inter verba, redduntur ecce tuæ literæ VII. Eidus datæ. Abbas Saluius est, qui eas ad me mittit, cum solitus fuerit mittere Prudhomius. Nisi id importunum sit, rogatum te velim, vt cum ad me dare literas dignaberis, deferri ad Campinium iubeas; vt pote cuius cum literis domum, rectè missis eas sim accepturus. De Hugone quod iterare tua dignatur bonitas, intercedit ecce rursus Gerentæus, si stare fortè ille velit aliquorum Prælatorum; Aduocatorumque arbitrio. Facturusne sit, euentus docebit. Tu, ô PRINCIPVM OPTIME, & meum dulce Decus, Vale. Parisiis, xv. Kal. Decembr. M. DC. XLV.

## E I D E M.

**E** Erò magis ex Vrbe redeo, quàm vt morari te pluribus, tamen desiderem, possim. Habendæ à me gratiæ fuere, & Cardinali Lugdunensi, & Parisiensi Coadiutori, & viris aliis Primoribus, etiam optimo tuo Consobрино Duci Vantadoreo, quod conuenire hefterna luce in Regium Collegium dignati, perorantem me patienter audierint. Itaque istud causæ est, cur animum tardè ad scribendum appellam. Rerum nouarum pauca inaudij, Regina Polonia est cras discessura. Constat Treuiorum obsidio. Leopoldus, & Verthius minis intentatis Torstenfonum petunt. Ille interim & variè grassatur, & ad hiberna se comparat. Idem molitur Konisnarkius. Expectat adhuc Vrangelus in Lunebur-

go Suecicas copias. Conuenere Magdeburgenses cum Suecis de neutrali statu. Comes Trantmandorsius Cæsaris Achates Monasterium properans, aderat nuper Francofurti. Facit illius destinatio, vt serò de pace cogitare Cæsar credatur. An demereri Germanos velit, vt pacem sibi conciliet, permisa Protestantibus sentiendi de Fide licentiâ, rei cunctus breui docebit. Tu, ô PRINCIPVM OPTIME, ac meum dulce Decus, Vale. Parisiis, vii. Kal. Decembr. M. DC. XLV.

## E I D E M.

**E** Minas abs te literas eodem prope die accepi. Quod de Rege magnæ Britanniciæ ratiocinans, non coniectura, verum ipsissima res est. Fœlix erat ille futurus, si mature salu induxisset in animum, vt cum Parlamento rediret in gratiam: sed nempe obstitere deper qui adlittere illi Magnates, cum rati se esse præsertim exosos, neque posse vnaquam incolumitatem prece, aut pretio redimere, prætexuerunt ipsi & Maiestatis immunitiones ex propositis nimium iniquis conditionibus, & spem prope certam vincendi, mittendique omnes rebelles sub iugum. Interim verò dum illos audit, consultoremque fidum non habet, pessum in dies ruit, ac verendum est ne breui non modò minutam, sed etiam exitiætam Maiestatem videat. Supererant illi nuper quædam copię, quibus stipatus videbatur posse citra periculum incedere, consistere: ecce autem illæ sic deletæ sunt, vt dimidiata Nouarkia Oxonium se receperit cum equibus vix trecentis. Nihil ampliùs ipsi ultra Nouarkiam aut Regionum, aut virium est; qui Gorings ad Ecclestriam cum superstitie exercitu est, sic à Farfaxio cohibetur, vt perire ad vorandum propria, quod aiunt de Polypode acetabula adigatur. Scribunt Parlamento fecisse Roberto, & Mauritio discedendi licentiam; ac in eo iam esse, vt postremum destinaret, qui offerant Regi pacis conditiones. Nisi accipiat, non video sanè quomodo præstet euentus sponsores. Eiusdem porò ponderis sunt, quæ cætera ratiocinans ac de ipsa præsertim pace, ad quam vsque magnam oppidò chaos interiectum, & vtique dicuntur Hispani petiisse quadriennis indicias, ea conditione, ne Lusitanis rebellibus suppetiæ ferantur. Perhibent certè Cæsarem eo successu animatum, quo Leopoldus frater nostros cis Rhenum compulit, reuocasse Trantmandorsium, quasi nihil iam amplius timeat, neque esse sollicitus de pace debere videatur. Quanquam hæreo, id-ne sit verum, cum ob cætera, tum quia Torstenfonus, & Konisnarkius in eo sunt, vt collatis viribus irruant in superiorem Palatinatum. Mitto captam fuisse Treuiorum Urbem, Eleo-rémque Principem restitutum in integrum. Mitto discessisse ex Vrbe ante dies quinque Reginam Polonia. Mitto cætera, quæ aliunde nosces. Tu, ô PRINCIPVM OPTIME, ac meum dulce Decus, Vale. Parisiis, Kalend. Decembr. M. DC. XLV.

## E I D E M.



## E I D E M.

**L**iteras habeo à Neutæo, quibus ait te  
 inopiosos conquestum, quòd occasione  
 tuâ nihil dederim ad te literarum. Ego  
 verò, OPTIME PRINCEPS, & dedi sanè,  
 & eodem viâ, qua semper dare sum solitus,  
 mîhi quæ qui fieri poterit, vt qui debuerunt  
 reddere, euaserint negligentiores. Memini  
 illis ipsâ fuisse, quibus oratum volui te, vt  
 quia semper nimis serò tuæ literæ ad me pro-  
 uenirent, deferri illas ad optimam Campi-  
 nium, Neutæum-ve iuberes, ita nimirum  
 fore, vt illas cum ipsorum literis rectâ desti-  
 natis maturius haberem. An verò, cum tu id  
 forte volueris ipsi Neutæo significare, ille rem  
 non satis percepit, & tuam idè, quæ mea  
 fuit, querelam esse est opinatus. Certe, si ista  
 quoque vice dare es dignatus ad me literas,  
 illæ redditæ nondum sunt; non quòd illos  
 idè mîhi, quibus est reddendi cura de-  
 mandata, illi enim haud-dubie sunt, quàm vt  
 citius valeant rem præstare occupatiores; sed  
 viam meam demorari doleo, quòd si quid-  
 piam forte interfuit, non possum maturè satis  
 respondere. Vtcumque sit, delectat me, quòd  
 mea tibi per Neutæum literas rati præscri-  
 ptæ, sic enim, & ipsi occasio salutandi te  
 sæpius dabitur, & ipse sæpius virum affari  
 quicum verba non iniucunda conscri valcant,  
 poteris; quippe illum noui eius indolis, vt  
 mihi vocetur, aut quicquam interfuit, ægrè ex  
 me discat. Retum nouarum vix aliud  
 habeo, quàm quod rescitit Mardikum ab  
 Hispania recuperatum. Imbecillum præfidium  
 non erat. Præfectumque etiam absentem; quare  
 & mirum est, si ipso positi intra horæ  
 duarum, ea nocte, quæ festum D. Barbaræ  
 præcessit, dicantur. Qui rumor percrebuerat  
 de reuocato Trantmandorfo, comprobatus  
 verus non fuit. Scribunt videlicet Munstero  
 expectari illum in dies, sed mandatum tamen  
 à Cæsare habens, vt Protestantibus Germanis  
 quidquid denique petierint annuat, si fœderi-  
 bus modò Gallicis, Suecicisque nuncium re-  
 mittant. Ferunt hiberna per Bohemiam à Tor-  
 stensono constituta; ac Vrangelum grandi  
 passu eò contendere, Luneburgo relicto.  
 Addunt futurum, vt dimissæ à Dano copiæ  
 nobis succedant. Anglus nihilo melius habet.  
 Tu, ô PRINCIPVM OPTIME, ac meum  
 dulce Decus, Vale. Patifisi, vi. Eid. Decembr.  
 M. DC. XLV.

*Clarissimo Viro PETRO MONERIO,  
 Doctori Medico,*

PETRVS GASSENDVS S.

**E**rit cur mirere, Clarissime Vir, me, cum  
 sim tibi vt facie, sic nomine forsan igno-  
 ritus, id cepisse consilij, vt quidpiam ad te li-  
 terarum darem. Sed nimirum & tua mihi hu-  
 manitas fando innotuit, vt minus propterea  
 verear ne succenseas, & quod volo te, eiusmodi  
 est, vt minis hæream quin pro tuo erga res

bonas studio, æqui, bonique sis consulturus.  
 Inaudij te, ex quo Philosophiæ cepisti dare  
 operam, tantæ vertisse felicitari, quòd esse te  
 eximij illius, Reuerendique Patris Honorati  
 Fabri auditorem contigisset, vt captus eius Si-  
 renibus, ab illo non discesseris; sed contentis  
 aliis collegisse semel curriculo (sic enim vo-  
 cant) puluerem Philosophicum, ipse constans,  
 ac indefessus colligendum censurus etiam ite-  
 rum & tertium, quatuorūque. Sensisti quippe  
 ex eius ore tanquam ex Amalthææ cornu; vt  
 inexhaustus, sic nouas semper promanare de-  
 licias; neque committere, vt illis genium de-  
 fraudares vnquam potuisti. Aiunt itaque pe-  
 nes te exstare, quidquid ab illo per oñennium,  
 nouenniumque dictatum est, hoc est tuæ fa-  
 cultatis esse thesaurum oppido insignem, quo  
 beate homines possis. Tertius scilicet præter-  
 currit annus, ex quo cum mihi concessum  
 fuisset egregia quedam specimina scriptorum  
 eius conspiceret, interpellare Virum cepti, ac  
 non modo per literas, sed etiam per Viros verè  
 nobilibus germanum eius, ac patruclem Valge-  
 lasium sollicitare, vt quæ tam multa, tamque  
 præclara supra vulgare philosophandi institu-  
 tum excogitasset, publici iuris faceret. Enim-  
 verò ea semper fuit animi ipsius modestia,  
 vt & hæcenus cecinerim surdo, & penè vt  
 impostum id ab eo obtineam, desperem.  
 Quamobrem rogandum te censui (& non meo  
 quidem dumtaxat, sed etiam complurium, qui  
 Viri ingenium pridem suspiciunt, nomine) vt  
 cum rei pretium ipse noueris, ipse euulgare  
 quidquid ex ea tibi commodissimum videbi-  
 tur, velis. Fortassis nempe aliquis fuerit hac in  
 re delectus habendus; sed quod ille futurus sit,  
 nosse te melius nemo possit. Ausim interea,  
 si apud te quantalacumque factum te rem  
 spondere forte, vt nunquam te eiusce facti pec-  
 nitar; neque, vt tibi vnquam vitio, quod rem  
 clandestinè curâris, vetatur. Siquidem, offi-  
 ciosum est hac ratione fallere viros, quorum  
 est in præclaris rebus non tam moderatio,  
 quàm aut parcitas, aut dissidentia nimia; ac  
 illi verè amicos agunt, qui tale quid ipsis aut  
 insciis, aut refragantibus, moliantur. Per-  
 nosces verò ipse haud-dubie facturum te rem  
 eruditissimis, & viro, & familiæ, & Socie-  
 tati non indecoram; ac tum esse te de iis be-  
 nè, imò optimè meriturum; cum tem procu-  
 rabis, quæ gloriæ non cedere ipsis non possit.  
 Testabere autem aliunde & in Præceptorem  
 eximium eximiam gratitudinem, & singula-  
 rem in hominum vniuersitatem affectum;  
 atque idcirco egregiam planè, quemadmo-  
 dum merebere, ita profectò referes laudem.  
 Ad me quod spectat, si me fortassis bona mea  
 forte audieris, tum gratulabor ipse mihi,  
 quòd præclari facinoris me suasorem præsti-  
 terim; ac talem voti mei fortunam non in-  
 feliciter tentatim; tum animo erga te vi-  
 uam vt penitus gratissimo, ita comparatissi-  
 mo ad obsequendum si quid me velis. Vale,  
 Dabam Patifisi, postrid. Eid. Decembris,  
 M. DC. XLV.

Lvpovico

LVDOVICO VALESIO, *Principi*  
*Optimo,*

PETRVS GASSENDVS  
*Eduegii flev.*

**N**A fuit nuper præcipitatio, qua & ad te scripsi, & variè compegi literarum fasciculos, vt confecto præterea vno ex aliquot meæ illius Inauguralis Orationis exemplis, nō meminerim vnum ne ad te speciatim destinārim; quōd ne literis quidem meis significauerim destinatum. Enim- verò, aut illud tibi in manus sponte inciderit, aut Neuraeus saltem tibi consignārit. Quod autem te eo donatum voluerim, non fuit sanè, vt in ipso pellegendo tereres tempus; sed dumtaxat id vt haberes, cui nihil, quod meum sit, non iure debetur. Cæterum habere Prælectiones pergo in auditorum frequentia pto solita Scholæ solitudine fatis magna; sūntque illi maxima parte & rude donati, & ingenui viri. Rerum nouarum vix quicquam est, quod ad te perscribi mereatur. Perhibent Trantmandorffium Monasterium iam appulisse; quo successu docebit dies. Quod scribebam nuper de Danicis copiis ad nos accessuris, ratum iam habetur; asseruntque eas ex sex peditum, quatuor equitum millibus constare; ac fore, vt ipsi Turenij exercitui bteui accrescant. Excessisse Torstenfonus è Bohemia dicitur, vt collatis cum Konismarkio, quæ in Silesia sunt viribus, Turingiam versus iter instituat. Vexatur semper Angliæ Rex eadem factorum iniquitate. Isthac dum scribo, ecce mihi tuæ redduntur literæ ipso die Notarum datæ. Fuere haud-dubie viri amici, qui de oratione scribentes, meas esse nugas aliquid putarunt. Tu interim, & nimis bonus, & nimium mei amans es, vt illicd ipsi tantam fidem habeas. Vtinam verò tam teipsa, quàm tu me habes; eloqueus forem, vt esset quod in tuæ virtutis commendationem impenderetur. Vale, PRINCIPVM OPTIME, o dulce Deus meum, ac Præsidium Vale. Patifis, perendie Idum Decembr. M. DC. XLV.

E I D E M.

**V**ere hac vice literæ tuæ paullò maturius redditæ; quippe eas accepi marutinis horis. Quod expectare meæ illius orationculæ exemplum dignaris, tuæ humanitatis est, amorisque erga me summi. Eam sanè vbi pellegeris, tanti non fuisse, vt à te expectaretur, deprehendes. Quæ de Germanis, Hispanisque ratiocinatis, præclara sunt: vtinam verò illi de pace, induciis-ve sic cogitenti, vt dum ne serid cogitare de illis videantur affectant, iis ipsis, quæ serid haud-dubie accipiunt, non excidant votis. Nempe & nostra eodem tendunt; sed non tamen consimili artificio dissimulata. Inaudies petrebuisse heic de futura illicd pace, aut de futuris saltem in annos xiv. induciis rumorem, ac authores fuisse citatos tum Cardinalem, tum Cancellarium, tum & Præfectum, & Censorem Atrarij;

verum quas licuit Monasterienfis literas videre, tale nihil habent. Ansa fortassis ex co facta, quod vulgaris persuasio fuit, Trantmandorffium serid de pace acturum; sed quidquid ab eius accessu exactum huc vsque fuit temporis, id totum penè in salutando, resalandoque consumptum excessit: ac aliunde ne adhuc quidem qui profecturi ex Hollandia Monasterium sunt legati de pace, illeinc discesserunt. Aiunt Cæsarem hiematatum Linziz, ac exercitum eius longè esse, vt inlequatur Suecicum, & Konismarkium interim complura per Silesiam insignia loca occupasse. Angli res nihilo melius habent: fecisse illum suorum partium Sectarioribus libertatem fecibunt discedendi ad Parlamentum, vt rebus suis quocumque tandem potuerint modo consulant: planè, vt si præsepte iam, aut imminente naufragio, liberum foret accipere quantumque tabulam primùm occurrentem. Accipies cum his literis tuæ Iconis Ectypum, qui vnicus expressus est à quadrante horæ dumtaxat. Typus scilicet nondum est omni ex parte absolutus, vt transmitti hac vice possit Ectyporum fasciculus; istèque interea sufficiet, vt quid id sit rei cognoscere possis. Vtinam ipso Prototypo frui nobis liceat in Nelloreo, annos. Sic proinde viue, sic vale, DEVS PRINCIPVM, decus meum dulce. Patifis, xi, Kal. Ianuar. M. DC. XLVI.

E I D E M.

**L**iteras ex Provincia hac vice accepimus nullas. Videlicet non potuit Cursor, quantum conlicere par est, eniti per hæc frigora, quantà solitus fuit diligentia. Heic ceterum prius per aliquot dies hiemasset satis acriter, tum & pridie Natalitiorum, & toris Festi sic congelaciavit, vt Sequana densò concreuerit gelu. Rigor hic Melano fuit excusationi, cur excudi mihi non curauerit quem Iconum fasciculum mittere ad te destināram; verum id Deo benè propicio occasione proxima fiet. De rebus nouis, scribunt Munsteri ita accepisse Trantmandorffium cum Regiis Ministris agere de pace, vt sit Cæsaris nomine cessurus quidquid illi competit iuris in Metensem, Virodenensem, & Tullensem Episcopatus, vt Landgrauia Hassiæ nescio quid iurium relaxatus, vt bona fide cum Palatino causâ ipsius cognitâ, probeque discussâ acturus; vt ipsis demum Suecis pecuniâ numerata satis facturus. Aiunt interim Cæsarem fidem Bauari habere suspectam; ac subuereri ne is nobiscum quidpiam fœderis medietur. Traiecit Albin Vrangelus, & copiis incolumibus ad Torstenfonum iam accessit, quò illi, vnâ cum Konismarkio, euasuri deinceps sint, euentus breui demonstrabit. Cepit Turennius quandam arcem munitissimam vltra Rhenum, nec procul Moguntia; ac perhibetur tamen secundum Rhenum, quam secundum Mosellam esse hiematurus. Angli res ptonæ semper ruunt. Ceperet recens Parlamentarij vrbein, atcèrque in Lancastria. Petiit Rex ab ipsis in gratiam Ducis Richemontij, & quorundam aliorum liberi comitatus literas, quas & concesserunt. Nondum

Nondum accipio missas fuisse quas aiunt potestatem ab illis offerendas Regi pacis conditionem. Tu, ô PRINCIPVM OPTIME, ac meum dulce Decus, Vale-Parisiis, iv. Kal. Ian. M. DC. XLVI.

## E I D E M.

**S**icne ergo, OPTIME PRINCIPS, obtruere me pergis tuâ munificentia; neque redite Solem ad nos, quin tua simul redeant munera permittis? Sed sedulo nempe Solem imitaris, qui benefaciendo indefessus est, illaque, ex quibus nihil reportat, fouet. Meruit porò interim Sol & haberi Deus ab his, qui ipsum Authorem Solis ignorarunt, & ipsi tibi Dei nomini causam facere, tam tibi tibi dicitur, quod perpetuo currat, quam tibi tibi dicitur, quod peruidens omnia, omnibus provideat. An non ipse saltem mereris haberi viua Dei imago, quando in Religione Sacra, id quod in Prophana audire non licet: Nosti quippe, quod ait Plinius, *Deus est mortali inuare mortalem, & hac ad æternam gloriam via.* Et statim, *Hic est verus illi, mihi referendi bene merentibus gratiam mors, ut tales Numinibus adscribantur.* Ac longè quidem abes ipse, vt simile quidpiam affectes, qui pergis etiam largitionem habere quasi clandestinam, dum ne litetis quidem tuis interferis vllum de ea verbum; aded vereris, ne quod occultum esse expetis, retegatur; at forem professò ego exculator, si minus in accepto dono commendando modum teneam, in quo confutendo ipse non teneris: & vtique aliud non liceat; saltem hanc tuam beneficentiam pati inuulgatam non possum. Id displicet, quod verba me, quibus mea in te gratitudo congruè exprimitur, deficiant; ac recitat illud solum me, quod meum tibi petius esse non incompertum sentio, neque ambigo, quin meum affectum candoris, venerationis que erga te plenissimum probans, sis pro singulari tua bonitate in ipso regnare contentus. Cæterum, cum binas abs te hac vice literas habuerim, tum non potui illas præsertim sine robore legere, in quibus meam Oratiunculam tuo prægrauasti encomio. Quippe ea tanti sanè non fuit, quam cognoscere totam sustineres; quantò minus, vt tuo illo Eulogio tanto eam exornares? Habebis hæc tandem quem sperandum feci Iconum tuarum fasciculum, vt si lubeat in selectiores distribuere Amicos possis. Vereor ne qui cominus erunt, desideraturi aliquid sint ad similitudinem exquisitam; sed Mellanus tui causatur absentiam, ac vouet, si quando tuimet ipsius frui conspectu liceat, adhibitum iri à se omne studium, vt imaginem exprimat, qua non sit ouum ouo similis. Quamobrem ipso vsus fuerim, fecit tum viri celebritas, tum facta ante tuum discessum, quam & asseruaret, tunc delineatio. Ad typi, tabulæ ve cælatæ magnitudinem, formamque quod spectat, agnosces esse eandem assumptam, quæ ad effigiem Monmorantij Conso- brini tui tibi hæc ipsa usurpata fuit. Habebis & Oden, quam ad te transmitti Capellanus ille noster exoptauit. Haud hæreo verò, quin ea sit futura tibi gratissima, & merito Viri, qui

*Gassendi Epistola.*

tui obseruantissimus semper est, & commendatione Enguenij, cuius laudibus Ode consecrata. Rerum nouarum nihil heic est, nisi quod falsus rumor fuit, qui de commissio in Bohemia prælio, cladèque à Suecis accepta percrebuit. Rediit Stokolmum Tuilleries, ac fuit Cancellarius Oxesternius Comitibus titulo donatus. Hæret semper Oxoniæ Anglus, ipsamque quasi à Farfaxio breui impendendam communit. Pacis negotium lentè procedit. Turennius partem exercitus in hibernis iam collocauit. Tu, ô PRINCIPVM OPTIME, & hunc, & portò Nestoricos annos feliciter viue, ac Vale. Parisiis, Non. Ian. M. DC. XLVI.

## E I D E M.

**N**equebar sanè id, quod euenit, quodque Neuræus significauit, ne scilicet missa effigies, tui effigies non satis foret. Noluisti ipse pro tuo illo in me affectu quicquam causari, veritus putà ne mihi quicquam molestiarum ingereres, verum hoc ipsum magis me angit, quod tibi tam bono, tam mei amanti opellam locatim tam parum felicem. Et quam putas vellem, vt licuisset mihi hæc occasione esse cælatori; neque pendere exprimendis hisce lineamentis ab aliena manu? At mihi non cælum subtile, sed rudis solum calamus est, quo vtrumque posset illa tui melior, diuiniorque pars deformari, est tamen aded singularis animi tui moderatio, vt ne pudorem iniiciam, operæ esse parcendum pitem. De Iconismo quid cogirem, ad ipsum rescribo Neuræum, vtinam sint & sapientiores, & fortunatiores scriptura perueniant. Quod fueris dignatus tuas literas tanta amoris erga me tui testificatione complere, pro tua illa fuit bonitate, qua, quod ad me spectat, temperate tibi, modumque tenere minime es potis. Ecquis nimirum non fuerit, si rem nòrit demiraturus, te, tantus cum sis, cum tantulo me agere ex pari; & non qualem possum, ac debeo, obseruantiam exigere, sed reciprocam petere amicitiam. Qualecumque sit, quod tibi de me polliceri potes, (nihil autem non potes, quod opis quidem mea sit) id omnino tuo ex nutu, arbitrioque pendet. Inaudieris iam appellisse huc Cardinalem Antonium; & filium Longaville natum. Perhibent agi iam de pace aliquanto feruentius; vtinam verò etiam felicius. Addunt Torstensonum collatis cum Konisfmarkio copiis Litometicum obsidere. Accessit à Turca, qui à Cæsare liberum comæatum exercitui aduersus Venetos comparato obtineat. Scoti Nouarchiam obsident; Rex ipse à Parlauentariis pacem poscere renunciat. Plura pluribus iam non vacat. Vale, PRINCIPVM OPTIME, Vale, ô Decus meum dulce. Parisiis, prid. Eid. Ian. M. DC. XLVI.

## E I D E M.

**E**t parum vacat, & pauca sunt, quæ im- presentiarum scribenda occurrunt. Nondum literas ex Prouincia habuimus; sed quantum quidem coniciere ex superioribus fas est,

X

esse



esse oportet, quæ Comitiatum indixeras iam perfecta, Deum veneror, ut in illis omnia tibi pro votis successerint. Versatur adhuc in Ciuitate Cardinalis Antonius; sed discessurus breui, ut aiunt in Abbatiam Normaniciæ quandam, vnde comitatu ex Italia recepto, duos post menseis rediens, excipiatu solempnius, & ut Nepotem Summi Pontificis decet. Rumor fuit admodum vulgaris abiturum heinc illum in Prouinciam, & concedente Turrim Aquosam inhabitandam Lediguerio, immoraturum complusculum. Id si verum sit, non potes profectò suspecti consilij non particeps fuisse. Melius iam habet Dux Aurelianus à sua illa Nephritide, calculos nempe emisit duos quibus fuit per duos dies maximè quidem diuexatus. Illustrissima eius Coniux emisisse partum immaturum dicitur, ac melius quoque se iam habere. Memini nuper sælicis partus, quo Illustrissima tua Consobrina filium edidit, illo ipso die. Pauca sunt horæ, ex quo inuisens Capellanus me, retulit & Matrem, & Filium optimè valere. Adiecit porro literas à Longavilla recens acceptas, spem magnam pacis facere; quippe superatas iam omnes præliminareis difficultates; ac ipsummet componendarum rerum negotium serò susceptum. Procedere aiunt res Germanicas, Anglicanasque eodem tenore; & quod spectat ad Flandricas, inaudieris iam, ut opinor, quemadmodum Gassio Legioni insigni penè integrè consiciendæ excurrit. Tu, ô PRINCIPVM OPTIME, ac meum dulce Decus, Vale. Parisiis XIV. Kal. Febr. M. DC. XLVI.

## E I D E M.

**Q**uam eleganter expressisti rigorem illum hiemis, qui istic dum conscriberes literas postemas inualuit? Profectò tempestatis faciem non auersaret magnopere, si tam bella occurreret, quàm est bellè à te descripta. Nos hac in Vrbe nihilo clementiorem experti sumus. Videlicet à Natalitiis in hunc vsque diem, quo cepit degelare, ita desæuit, ut glacies robustissima, qua tum Sequana obdurauit, etiam-num perduret. Quàm humaniter verò etiam dolens vices infælicis Principis, qui dum Maiorum satagit, etiam minorum iacturam facit. Vtinam ille tam cordatè, quàm tu, potuisset ratiocinari, neque enim sese in eas coniecisset angustias, ex quibus reuocare gradum, incolumisque euadere, nisi æquus amet Iupiter, non possit. Ist hæc dum scribo, redduntur ecce, quas es dignatus Lambiscij dare. Ita-ne verò, OPTIME PRINCEPS, vacauit tibi literas otio, quicquæque dignissimas inter negotia illa tam ardua, importunèque perscribere? Nimirum accepi ex aliis quàm intricatæ molitiones occupationem tibi faxint, & quantum inde suboriri impliciti laboris sentias, vnde leuamen oneris, quod sustines, fuerat sperandum. Næ tamen fallor, qui cum te nôrim ea esse magnitudine, atque constantia animi, ut nihil hisce gerris, titiuitiisque mouearis, reputare debeam te nihil propterea ex tranquillitate

illa remississe, quam peperit tibi & animi candor, & morum integritas, & doctorum omnium, factorumque consensio. Audieris, opinor, futurum ut Aurelianus in Prouinciam tuæ conterminam discedat, & Turnonem Comitiam, quibus interfit euocet, nisi ea fortè votorum Aulæ sese audienciora exhibeant. Aduentare aiunt Turrenium in Urbem, & vel hoc ipso vespere, vel crastina die adfuturum. Hollandi pro pace Legati accessisse iam Monasterium perhibentur. Fenu Ministros Regios securitatis titulo deposcere, & Lotharingiam, Comitatusque conterminos, & vtramque Alsatiæ, & cum Suntgora Brisgoiam, & Philippoburgum, atque Hermenthemium, & nescio quæ insuper alia; Suecos autem petere & vniuersam Silesiam, & ipsam Pomeraniam, & Mekelburgi maritimam, & Harberstadium, Osnaburgum, quosdamque alios Episcopatus. Interim verò ipsi Sueci non modò Lithericum, sed etiam quædam alia circum loca expugnauerunt. Dicitur eorum exercitus computatis Vrangeli copiis, ex sexdecim equitum, & quatuordecim peditum milibus constare. Excurrit veredis Koniskius Varsouiam; & cum Polono collocutus exercitum subinde repetiit. Quid id fuerit, rei euentus docebit. Tu, ô PRINCIPVM OPTIME, ac meum dulce Decus, Vale. Parisiis, VII. Kal. Febr. M. DC. XLVI.

## E I D E M.

**A**ccipio ecce literas, quas iterato è medijs Comitii dignatus es dare. Fit verò ex ipsis occasio suspiciendi iterum qui amicum inter tot turbas adeò imperturbatum geras, & tam serena mente de pace, de quæ bello ratiocineris. Sed nimirum nescius ad dextram, sinistram-ve deflectere, & redi semper tramite qua virtus demonstrat, incedens, ipsis negotiis superior es, ac illa tractas non negotiosus. Non fueram ego opinatus duratura tandi Comitiam, subuereor tamen, quid fuerit causæ; ac lator esse te ea spe, ut sæliciter denique succedant. Significauit mihi Tornator, qua in amicos illos meos bonitate exstiteris; vnde & quas possum gratias refero, quando quæ par est, meæ non est opis. Haud hæreo verò, quin cogitaris totam etiam Urbem onere eximere, si in te quidem id fuerit situm; quare & grates etiam rependo ob pronam adeo voluntatem. Tamen enim aliqui immemores beneficiorum, quæ mei causâ conferre soles, non est tamen propterea æquum, ut affectum in Patriam exuam, & debiliorum, pauperiorumque propter aliquos potentiores, ditioresque dimittam curam. Post datas ad te nuptas inuisens Capellanus me, ea legit, quæ dignatus es de conditò Poëmata in Enguenij laudem inferere tuis. Quam putas verò, Deum Immortalem! sese deinde testatus est, quod tu, tantus Princeps, tam bona de ipso fundere sustineris verba! Exoptauit certè, ut tibi suo nomine gratias agerem, ac sensum gratitudinis quam-maximum significarem.

Nihil habet Aula recentius, quod sciam, quam nunc Curforem à Cardinali Barbetino, & Thaddæo fratre, quos cum tota familia, ac Julia Thaddæi vxore Romæ relicta, appulsi Leonem aiunt, vt fuit statim tibi haud dubie perspectum. Insigne profectò temporibus istis ludibrij Fortunæ, ac vicissitudinis humanarum rerum exemplum, quo moneantur omnes, qui stant, vt iuxta præceptum Seruatoris, videant ne cadant, ac ne ita fidant volubili globo, quin saltem pedem alterum supra immotum cubum constituent. Exemplum aliud in Anglo Rege, qui cum tertium per literas à Parlamento petierit, vt accederet Londinum liceret, & de pace ipsa coram agere, ita repulsam passus est, vt Parlamentum statuerit, nulla ratione neque coram, neque per Legatos cum eo agere, sed præscribere solum ipsi conditiones, in quas concedat. Præter illa, quæ nuper scripti à Ministris Regiis Monasterij proposita, postulant ecce vt tota Alsacia Francia adscribatur, & Rex, quasi eius Land-grauus in Comitibus Imperij tum sedem habeat, tum suffragium ferat. De Lotharingi negotio agendum Monasterij negant; ac contendunt eum Principem debere ab vno Rege dependere. Tendere aiunt Tortensium in superiorem Palatinatum, ac fore, vt cum Bavaris, si quâ obstitant, prælium committat. An verò etiam aliquid Cælestium rerum commemorabo? Ecce, cum nudius-tertius manè Lunæ Eclipsis contigerit, satis fui fœlix, vt saltem totam, quod aiunt, Incidentiam obseruare potuerim. Cætera inter Initium fuit horæ præcisè quartâ cum quadrante, & Immeris Totalis punctum hora quinta cum parte quinta. Præter hoc glaciem plane solutam, ac Sequanæ alueum admodum intumescere; tamen si frigus visum est hocce ipso die resumere vires. Tu, ô PRINCIPVM OPTIME, ac meum dulce Decus, Vale. Parisiis, postrid. Kal. Februarij, M. DC. XLVI.

*Admodum Reuerendo, & Doctissimo,  
Clarissimoque Viro D. GODEFRIDO VVENDELINO, Condatensi  
Canonico, Pastori Hercano,*

PETRVS GASSENDVS S.

**D**Vo pene sunt menses, Optime Virorum, ex quo accepi literas Bruxellæ abs te Langreno tuo consignatas. Et statim quidem præclaro Viro literas mihi redditas, quò te certiorum eiusce rei facere posset, significavi; at non feci tamen Responsonis spem, quo vsque tibi reddere eorum, quæ per me curari in Provincia exoptâras, rationem possem. Tamen si verò reddere quampiam ab aliquot iam diebus potui; quòd tempus nihilominus nuperæ Eclipsos instaret, ac perscripturus ad te forem, quam expertus fuisssem in ea obseruandam, improbam-ve fortunam; idcirco, vt tibi vnus literis satisfacerem, differendum censui. Nunc igitur cum me fortuna circa

*Gassendi Epistola.*

Eclipsos obseruationem non omnino deluserit (nam totam saltem Incidentiam dubio tempore conspicuam reliquit) ecce de ea quidem aliquid dicendum; sed prius tamen esse videtur ad capita illa præcipua literarum tuarum præmittenda Responso. Itaque post illas acceptas, destinaui statum, quas per me voluisti ad nobilem Arnaudum transdi, conscriptis vnâ versibus paucis, quibus & dicere salutem, & quanti deberet tuum illum affectum ducere, facerem perspectum. Scripsi autem simul ad Riantij Baronem Aquis Senatus Consiliarium, & Peireskij *fratris*, ex fratre Nepotem, ac à tribus iam mensibus ex alio hæredem; quando qui hæres fuerat Parens ipsius Valaëus, terrena illi spolia, petiturus ipse Cælestia, dimisit. Scripsi, inquam, vt tui causâ duo quædam ex eo flagitarem; vnum vt tui transmitteret quem possem tecum communicare Babylo-nium laterculum; vel curaret saltem impresos in eo characteres ita scrupulosè, exquisitèque delineari, vt nihil interesset, an in ipso-met latere, an in tabula effigiati conspicerentur. Alterum, vt cum existare nossem in ipsius adibus antiquum marmor, quod Peireskij Massilia obtinuerat, erectum prius ad exteriorem *Templi Accolarum vocari* parietem, quòdque ille esse opinabatur statuam Crinæ Medici, habiti secundi Vrbis fundatoris: vt, inquam, curaret id marmor per Pictorem quàm magna posset imitatione adumbrari, quia statua esse, haberi-ve tam Pythæ, quàm Crinæ valeret; neque vlla posse obtineri statua instituto tuo accommodatior videretur.

Cæterum ex Arnaudo quidem nihil accepi hætenus; at Illustris Baro dum faciendi satis posteriori petitioni occasionem præstolatur, fecit iam satis circa priorem. Videlicet effigiem nactus, quam fieri Peireskij curarat vnâ cum facta descriptione memorari laterculi, & missa quidem, quantum coniector, ad vestratem Rubenium (Italicè quippe ad ipsum scribebat) ad me tam effigiem, quàm descriptionem misit. Vtramque proinde transmitto ad te, ac Batonis etiam addo literas, vt pronam ipsius voluntatem nôris. Vereor interim, ne maiorem euentu spem conceperis; ac potissimum cum Egyptius potius, quàm Babylonius later videretur (vtrumque ipsi quoque Egyptij potuerint perinde suas Siderum obseruationes conscribere) verum quidquid id rei sit, tu & peruidebis, & consules boni.

Næ verò & nimium es bonus, & mei amans nimium, dum, vt Pythæ ita mei mitti Iconem postulas, ac eo præsertim, quo insinuas sine? Abundè sanè esse potest, si qualiscumque fiat mentio tum meæ in te obseruantia, tum adhibita diligentia, vt tibi qua possem ratione satisfacerem; nisi sis etiam adeò profusus, vt tua in me viscera pro tuo erga me ardore effundas. Ac non sum quidem adeò austerus, vt Amicis instantibus tale quid negare sustineam; sed non possum tamen ea esse fronte, vt effigiem mei paginæ vlli appictam videam. Cum Peireskij

X 2 certe

certe ex me extorsisse, vt Mellani manu æti incidi me pateret, dedi illi ed operam, vt typus ipse supprimeretur; ne videlicet res in alios, quàm in intimos, fidôsque Amicos abiret. Hinc vellem quidem aliquis mihi superesset iam Ectypus, quod donare te potis forem (sed eo solum sine, vt tibi haberes) cum non super sit, operam dabo, vt si qua possim recuperare occasione alia rem præstem.

Adiungam hisce literis quæ exarauit Merfennus raptim de oscillationibus tuis. Peregit ipse experimentum quam-maximè fieri exquisitè licuit per brumam, chordâ Parisinorum pedum 49. assumpta. Quàm sollicitè in Solstitium vnâ cum variis clepsydris, quæ ipsi fuere vsui, asseruat; sed hac de re quidem suo tempore.

Ad Lunæ Eclipses annorum superiorum quod attinet, redij te non semel, neque frigidè postulante ad Thuanas ædes, in quibus peractâ observatio anni 1642. quæ de queteris, fuerat; verum nihil non circumspiciens, adnotare protulit nihil porui, quod ex parte Cæli imposuerit, & tempore quidem Initij præstetim, quo serenitas fuit, & Luna, Regulisque extra omnem Refractionis aleam sublimis, ac oculi nostri loco edito ad libellam pene cum testis domorum vicinarum facti. Quamobrem si quid fuit erroris, id in culpam mei, qui potuerim esse non satis attentus, coniciendum est. De alia anni 1643. idem plandî dico; tamen non possum satis demirari, vt Bullialdus Parisiis, Agarratus Raræi, ego Sucij adeo præcisè circa finem, & tempore quidem cælitus desumpto, conuenerimus; vtque speciatim mihi assumptæ trium diuersarum Stellarum altitudines idem exhibuerint minutum. Idem etiam penitus dico de alia superioris anni; tamen non licet quoque non mirari, quod fieri potuerit, vt non modò assumpta ad finem Lunæ altitudo, sed altitudo etiam duarum diuersarum Fixarum mihi imponeret, dum ex singulis idem momentum venatus sum, & conspiciante præstetim serie altitudinum præcedentium.

Ad Solarem verò Eclipsin superioris Augusti quod spectat, fuit mihi quoque Cælum infaustum; possimudum verò sub Medium, ac Finem. Accessit infelicitas deperditæ schedæ, cui aliquot Phases consignaueram, dum nubes per Initia aliquoties dehiscerent. Memini dumtaxat contigisse Initium, cum iuuenis pereruditus Ioannes Picardus, & studiosus adolescens Claudius Luillierius, quos vnâ cum famulo aucupandæ Solis altitudini præstitueram, idque, dum ipse intereâ in scena vicina specialem machinam moderaret, pronuntiassent mox ante altitudinem graduum præcisè 46. sicque horam fuisse decimam cum minutis quatuor, aut perparum ampliùs. Memini quoque cepisse Eclipsin in parte disci Solatis Boreâ, eâdem inclinatione ad verticalem versus Occalum triginta graduum proximè; & cum Sol momento interluxisset, sub Medium, aut aliquantò priùs, fuisse Eclipsin Digitorum 4. cum bescè; ac deficientis limbi Solaris portionem 105. graduum adnotatam fuisse.

An addam verò perscriptum ad me fuisse Gratiânapoli à Valefio, obseuatum fuisse Auenione Eclipses Initium Sole alto 52. grad. 25. min. ac proinde hora eius dici xxi. matutinâ 10. min. 25. Finem autem Sole alto 57. grad. 15. min. vel 56. grad. 50. min. hoc est hora vel 0. grad. 34  $\frac{1}{2}$  min. vel 0. grad. 41. min. à Meridie.

An perscriptum Dinia meis ab amicis, quibus demandâram, vt meis vsu Organis id, quidquid possent, exsequerentur; obseruasse se Eclipses Initium Sole alto 33. grad. min. 8. hoc est hora matutina 10. min. 35. Finem verò alto 56. grad. min. 34  $\frac{1}{2}$ . hoc est hora à Meridie 0. grad. 40. min. ac non ampliorem visum fuisse, quàm Digitorum 3. defectum.

An missum fuisse Româ ad Merfennum schedam, quæ continetur geminam fuisse obseruationem illeic peractâ, altero quidem Obseruatorum attendente ad Horologium Sciotericum, quod est in Palatio Cardinalis Spader, altero verò ad simile aliud, quod est in Conuentu Gallorum Minorum in monte Pincio; ac obseruatum utrobique fuisse Initium hora 11. min. 16  $\frac{1}{2}$  alto aliunde Sole 58. grad. 30. min. in verticali 53. Eclipsin autem petuenisse ad septimam partem Diametri Solis in parte 24. diuisâ, hoc est ad Digitos 3  $\frac{1}{2}$ .

An denique fuisse perscriptum Danisco à præclaro Heuelio obseruasse se in ea vrbe, tum Scioterico, tum ex altitudine Solis, contigisse Initium hora 11. min. 24. Finem hora 1. min. 53. idque præter Phases interiectas compluribus, ex quibus aliunde obtinuerit fuisse defectum maximum Digitorum 7. cum dodrante.

Porro & Eichstadium similibus vsu Sterinæ Pomeraniæ, obseruasse Initium hora 11. min. 8. Finem hora 1. min. 24. præter Phases itidem varias, ex quibus etiam obtinuerit maximum defectum Digitorum 7  $\frac{1}{2}$ .

Et Linnemannum Regiomonti consimilibus etiam vsu, obseruasse primum defectus sesquidigitum hora 11. min. 48. Digiti verò vltimi  $\frac{1}{4}$  partem, superstitem hora 1. min. 55. idque etiam præter varias Phases, ex quibus obtinuerit maximum defectum Digitorum 8. Addenda hæc sanè vt possent cum iis, quæ tu hac de re misisti ad me, compensari.

Vt verò iam demum de Eclipsi Lunæ, quæ nudius-quartus conigit obseruationem meam attexam; vix sanè affluerat spes intertuidendi aliquid, aut tota die superiore, qua nubes fuerant densissimæ; aut noctis etiam magna parte, qua effusissima est pluuia. Et verò, Deo benè propitio, cœpere nubes sub mediam noctem tum rarefcere, tum variè interhiscere; ac res ita se habuit, vt pauld ante horam 4. Cælum fuerit iam plerumque serenum, & serenitas fuerit constans ad vsque quintam cum semisse. Ab hora. vsque sesquiseconda conscenderam alteram Turtum quæ ad ingressum Templi B. Virginis, cum isdem adiutoribus, quos circa Eclipsin Solis memorauis, apertas nempe curârat fores optimus Canonicus, Abbâque Campinius, quos etiam fauente fuerant Organa à die superiore in Turtum illata. Editum elegeram locum, vt, si fors ferret, attenderem, num tempore exortus Solis



Solus heinc Sol, inde Luna deficiens supra Horizontem existerent, attamen frustratus Ipe sum, quoniam apparuit quidem Solis sed Luna ob nubes minime comparuit. Ne longum faciam feriem ecce, qua obseruando progressus, &c. *Vt in Commentariis.* Breui post subortæ ab Occasu nubes Lunam penitus obtexerunt, neque interuidere sunt passæ, nisi semel, idque transcursum, præter hiatulum, cum visa esset recuperasset ex luce primaria Digiti proximè dimidium alta adhuc margine superiore 4. proximè gradibus; atque adeò horâ proximè 6. min. 55.

Atque ita quidem se obseruatio habuit. Videtur ipse, qui fieri possit, vt duo momenta præcipua 9. propè minutis absint ab iis, quæ præscripseris. Auco certè scire, quid tibi hacce vice contigerit, vt experiri liceat, num saltem aliquis defectus conuincendus sit in Meridianorum differentiam præsumptam.

Isthæc vix absoluo; cum ecce redduntur à Riantensi literæ vnâ cum Staruæ delineatione, de qua sum initio loquutus. Itaque illam etiam adiungo, ac lætor fore exinde tibi voluptatem cumulationem. Si iunet te quidpiam testari in illum gratitudinis facies profectò dæ Virum, qui & te pridem suspexit, & de te bene meriti fuder. Vale, Virorum Optime, ac esto superstes in Nestoreos annos. Parisiis, 111. Non. Febr. M. D. C. XLVI.

Clarissimo, Sapientissimoque Viro D.  
IOANNI HEVELIO, Dantiscane Republica Paleopolews Scabino,

PETRVS GASSENDVS S.

**D**Onec pluribus scribere ad te spero, Virorum Humanissime, committere interea nolui, vt iuuenis nobilis, ac per-eruditus N. hacce occasione daret literas, quin participem te simul facerem meæ qualiscunque circa Lunæ Eclipsin obseruationis (nam de Eclipsi quidem Solis dicere aliud nihil possum, quam contigisse nobis ipsius Initium die illa Augusti 21. hora antemeridiana 10. cum minutis proximè 4. & à Borca quidem, cum inclinatione à verticali in Occasum in ipso Solis limbo graduum 30. proximè, ac existente medio circiter defectu Digitorum 4.  $\frac{7}{8}$  defectisse ex circumferentia grad. proximè 105. Cætera cum nubes, & calus præripuit.) Ne verò moret, ecce totam obseruationis feriem, provt statim, seu ipso die Ianuarij 31. cuius manè, seu tempore antelucano per-acta fuerat, in Commentariis eam retuli.

Phases Lunæ, &c. *Vt in Commentariis.* Isthæc sunt, quæ ex te bibo rapim, tu inlegentiam paginæ excusa, si quidquid est modò, pellegere possis. Breui, Deo volente, & plura, & melius. Resaluto viros præclaros, potissimum verò optimum Eichstadium. Ipse & Vale, & me amare perge. Parisiis, 111. Non. Febr. M. D. C. XLVI.

Gassendi Epistola.

LYDOVICO VALESIO, Principi Optimo,

PETRVS GASSENDVS  
Eudæmon.

**N**æ ego, cum nuper perscriberem natum Longa-villæ filium, feceram imprudens, non aduertens scilicet te orbitatis tuæ admonitum iri. Næ tu verò iam sic rescribis, quasi exinde occasionem leuandi dolore orbitatis acceperis. Tu alius certè longè ab iis, qui ne vllum quidem vestigium, & quasi *munusculum* pignoris deperditi ferunt, ac rursus ab iis, qui in vidua domo nulla, nisi tristia signa sustinentè quorum numero nôsti fuisse Herodem illum Atticum, in quem ob mortem filiz, nihil nisi atratum ferentem, iocatus Sextus Philosophus, *ecquid nâpos domum inferi*, inquit ad ancillam, *quos, quod albi sint non sit herus toleraturus.* Habes ea proinde, quæ sponte mihi in mentem reuocârunt, quod de Fabio Maximo à Catonè Maiore dictum, dum *multa*, inquit, *in eo Viro præclara cognoui; sed nihil est admirabilius, quam quomodo ille mortem filij tulit.* Profecto si Posterì nôrint quæ animi moderatione hacce in te te gesseris, erit quam-obrem, tuam orbitatem cum simili gloria compensatam putes; neque reputes te minis scilicem, dum vidèris illum quem propter filium superstitem nemo laudasset; ex eo etiam-num commendari, quod præreptum filium moderatissimè tulerit, & laudationem etiam scripserit, *quam*, inquit idem, *cum legimus, quem Philosophorum non contemnimus?* Sed de his aliàs. Nunc vix est quicquam rerum nouarum, quod ad te scribam. Accessit ad Aulam Princeps Carinianus ab vno, aut altero die, sicque post diem longissimum vxorem denique reuisit. Monasterio nihil habetur, nisi quoddam Ministri Cæsarei deliberant adhuc citra propositas à nostris ineundæ pacis conditiones. An Anglus oblatas à Parlamentariis excepturus sit, an amandaturus, heinc absurditas, heinc necessitas harendi ansam merito faciunt. Obstitisse ainnt Vrangelò, Suecicæ in Palatinatum tendentibus niucis, ne pro votis progredierentur; sed captam tamen interim ab ipsis arcem *Вричит* vocatam, quæ magni oppidò momenti habetur. Dicitur Konisimarkius cogere nouum exercitum, & Torstensonus misisse Lipsiæ Osnaburgum, ad impetrandum stipendia copiis Suecicis per Germaniam fuis. Nuptutam ferunt Suecicæ Reginam Consobrinò illi, qui diu sub Torstensono militauit. Adduntque Reginam Polonia esse Hamburgum iam prætergressam. Urgent impensè Hassiaci Marpurgensem obsidionem; & Colonienfes à Melandro molestissimè instantur. Tu, ô PRINCIPVM OPTIME, ac meum dulce Decus, Vale, Parisiis v. Febr. M. D. C. XLVI.

E I D E M.

**N**æ nihil potest ad ea, quæ de Fortunæ inconstantia, vicibusque rerum improuis habes. O te interim humanissimum,

X 3 qui

qui pro immensa bonitate tanto es afflictis solatio! Qui tanta per æquora vectos, tantisque periculis iactatos ea comitate excipis, ut illi non subiisse exilium, sed commutasse lares videantur? Qui Genti nostræ eam laudem queris, ut nulla videri hospitantior possit; donec illi crudeleis terras, ac avarum id littus fugiunt, in quo, ut Palinurum, sic ipsos fata infanda exceperint,

*Et gens crudelis madida cum veste grauosa  
Præsanctæque vinctis manibus capita aspera  
montis*

*Ferro inuassisset.*

Quod verò perscribis eos viros æquissimè, fortissimèque istam fortunæ iniquitatem, atque acerbiter ferre, id tantò mihi sit minùs dubium, quantò sum mihi semper visus agnoscere in Cardinali (nam germanus quidem haud perinde notus) singularem aded virtutem, ut faciliè capiam vigere in ipso & constantiam mentis innictam, & animi robur infractum. Heic sanè est, vbi Sapientiæ vireis suas explicans, quanti sit in vita momenti declarat, quæ & studiosorum sui fida comes, nunquam ipsos deserit, sed per Caucasos, Syrtisque festatur, simulque emergit atque enatat, & despondere nunquam sinens, illud identidem inlamar; *Nunc animis opus, ô Socj, nunc pericula firmo.* Sed quonam euado? Rerum nouarum nihil penè est, quod vt nôris, valde inter sit. Nondum mouere Sueci castra, sed prope Egram semper consistunt. Cepere Hassiaci denique Marpurgum. Monasterij quæ tria sunt Imperialia collegia eò solùm videntur, vt nostrorum postulata temperent, dum Cæsarei instant, vt deliberetur quidpiam-ne, & quatenus sit ex postularis concedendum. Ajunt Hispanos eas Hollandis offerre pacis conditiones, vt permissum sit, nisi admittantur, Angli res peius semper habent. Tu, ô PRINCIPVM OPTIME, ac meum dulce Decus, Vale. Parisiis, xiv. Kal. Mart. m. dc. x lvi.

### E I D E M.

**A** Degere me denique Amici, vt Hugonem in ius vocarem, qui ipse in se dicere ius noluerat, ac arbitrio etiam bonorum, imò optimorum Virorum de quibus ante aliquot mensibus quidpiam ad te scripsi, stare recusarat. Qua fide vir sit, vel ex eo nosces, quòd dicere adactus, Sacramento adhibito, quam mihi sumnam promiserit, se non meminisse, iurauit, dicam, an peierarit: itaque in eo iam sum, vt inchoata scripto probatione nixus impetrem licentiam adhibendi testis omni exceptione maiores, quorum sit memoria tenacior. Id disceptandum hodierna luce apud Palatij Magistros Libellorum Supplicum fuerat; verùm ille tergiuersatus vadimonium desertum fecit. Perscribo hæc potè, vt tibi inueniam quid me rerum hodie occupatum habuerit, feceritque, vt vix super sit paucis verbis conscribendis tempus. Quanquam & vix est aliquid rerum nouarum, quod ad te scribam; nisi quòd Strada præfestinanter, inexpectatòque discessit in Hollandiam, vt nescio quid rei inter Ordines, Principemque Aurai-

cum Regio interuentu componat. Negotium de pace perinde, ac nuper. Consistunt semper Cæsarei, Suecique in Bohemia; aiunt tamen omnia ad prælium breui committendum esse comparata. Angli res semper afflictiores. Ceperit recens Parlamentarij heinc Darmuthum, illeinc Cestriam; ac in eo iam sunt, vt Vorcestriam capiant. Id si fiat, vix ipsi duæ, tres-ve vrbes supererunt, ac ipsas inter Nouarkia, quæ eminens etiam penè obsidetur. Scribit, rescribitque, ac nullas non offert Princeps infelix conditiones; verùm furdis canit, & cum iis agit, qui sic in se summam rerum transulerant, vt illam aut exuere, aut cum eo patrii velle non videantur. Tu, ô PRINCIPVM OPTIME, ac meum dulce Decus, Vale. Parisiis, vii. Kal. Mart. m. dc. x lvi.

### E I D E M.

**P** Ergit Hugo tergiuersari, ac eiusmodi necit moras, vt nescius in quam longam diem valeat negotium protrahere, doleam, quòd interim tantumdem meum versum te reditum moretur. Quàm vehementi enim me putas tui reuivendi ardore flagere, vel ex eo, quòd ipse pro tua bonitate teneri te tanto mei desiderio testaris. Enitar profectò quantà maximà licebit diligentia ab hacce lite me expedire; ac vitam mihi aliunde faciendi satis optimo Campinio facultas aduissit; neque enim ex me, quantum reor, amici vnquam extorsissent, vt ob conceptam erga virum indignationem intenderem ipsam. Mensis est, ex quo ad te scripsi nihil habere Aulam recentius Barberinorum in Prouinciam appulsu; nunc recentius nihil, quod sciam, ipso Cardinalis Francisci accessu ad hanc urbem habet. Hæstema nempe die aduentauit, exceptisque ad Carantonem fuit à Cardinalibus Lugdunensi, Mazirino, & Prælatorum, Virorumque Aulicorum insigni turba. Nō rediit cum illo germanus Cardinalis Antonius; sed cum perrexisset in Prouinciam aiunt. Disseminatus rumor est de commissio in Bohemia prælio, quo profligati Cæsarei, Bauarique à Suecis fuerint; verùm is ratus nondum habetur. Hassiaci capto Marpurg, circumvicina quæque expugnant. Admisit Magdeburgum Suecicum præsidium. Excipienda Dantisci fuit Regina Poloniæ ante duodecim aut quindecim dies. Pacis negotium hand secus, quàm nuper. Anglites nihilo saniores. Post occupatam Cestriam, etiam Nouarkia cominùs obsessa. Tu, ô PRINCIPVM OPTIME, ac meum dulce Decus, Vale. Parisiis, postid. Kal. Mart. m. dc. x lvi.

### E I D E M.

**R**geri se præsentens Hugo, assensit tandem vt lis arbitris dirimenda permigeretur. Perstiti ipse in designandis Coadiutore Parisino, & Sagienfi Episcopo; ille delegit Arclatensem, & Xantonensem Præfules, adfuturusque est Tolosanus, à quo negotij series cuius ipse fuit pars magna, narratur. Cùm proximis diebus coituri sint, comparo me, vt pari mente faustum, infastumque exitum opperiar, nimirum si fortè cecidero

cecidero causâ, lucro non exiguo iam nunc deputo, quod mihi cutarum immune restitueretur rem pus. Sin verò temperantibus, vt fere mos est, iura Arbitris (tamen si in eo semper sum, vt totum, aut nihil, summo iure adiudicent) aliquid fiat reliquum, tum ipse mihi infusurabo, id quod in ore est omnium, *multum eum lucrari, qui à lite discedit*. Rumor est, sed nescio quàm vetus, mandasse Hispanum Ministris Monasterij degentibus, vt mero Reginæ arbitrari conditiones pacis committant. Id, si verum sit, timeo Danaos. Quid enim, si ille contendat aut Reginam, Aulamque nostram vocare in inuidiam. Si præoptare bellum pergat, reclamantibus populis, & Turca, quem ille prætexit, instante, aut texere cundo, ac redeundo moras, obstaréque, ne miles noster nimis propere ex hibernis prodeat? Mouere Sueci Bohemica castra; quorsum tamen nondum innouit. Rediturus breui Tuilicrius, deducturus est milites, qui iam in Dania nomen dedere. Ex Anglia scribunt Farfaxium, relicta parte exercitus obsidentis Eccestriam, occurrisse Principi VVallia deducenti suppetias, ac ipsum ita profligasse, vt agrè sospes cum quingentis equitibus euaserit. Cùm ea vrbs proinde capiendi mox sit, & aliunde Nouarkia deditionem iam meditetur; vix sunt aliæ præter Vorcestria, & Oxoniium superfuturæ. Ac ipse quidem Rex scripitare, nihilque non offerre pergit; sed conamine semper irrito. Tu, ô PRINCIPVM OPTIME, ac meum dulce Decus, Vale, Parisiis, vii. Eid. Mart. M. DC. X LVI.

## E I D E M.

**D**Estinat iterum ad te Capellanus noster exemplum conditæ à se recens Odes, ratus te pro ea comitate, qua cætera soles, illud excepturum, ac venerationem summam, qua te colit, atque reueretur, non improbatum. Nondum conuenere Prælati, quos Arbitros delegimus, sed diem nihilominus quorem disceptent, iam condixerunt. Expetiit meus ille Arnulphus Draguinianensis, quem dudum nôsti, commendari tibi ab optimo Campinio, rogatu meo, nescio quid rerum; Tu sic factum intelliges, quasi non potuerim id vito negare, cui præter ius affinitatis, etiam officia, meritæque non sanè parua me obstringunt. Quod superest enim, si quid fortè sit, quod aut importunum videatur, aut ne accommodes autem obster; scito id à me esse recantatum. Rerum nouarum nihil penè habeo; nam inter Succos, Cæsareosque nihil quod memoratu dignum videri possit, actum noui. Negotium de pace quantum agitur quidem in propatulo, se perinde habet, sed aiunt tamen arcana quædam colloquia intercedere, ex quibus sit breui aliquid sperandum. Rediere in Hollandiam duo ex Oratoribus Monasterium destinatis, vt ipsimet Ordinibus conditiones ab Hispanis oblatas ediderant coram. Mensis est ex quo Regina Poloniæ excepta Dantisci magnificè est; at Rex intem VVarsovia ægrotat; neque quovisq; conualuerit, illa excessura Dantisco putatur.

Angli res semper afflictiores, & quod casum eius deploras, humanitate tua est dignum. Quod Guisus Eques retulit de apparatu Turcico, à nemine ambigitur; vinam Deus omen auertat, & Christiani nominis osor incidat in laqueum, quem parat. Tu, ô PRINCIPVM OPTIME, ac meum dulce Decus, Vale, Parisiis, Eid. Mart. M. DC. X LVI.

## E I D E M.

**D**Escripsi nuper Arbitros proximo die conuenturos; at cùm in locum conuenerint, non conuenere tamen in sententiam. Nam abs me quidem designati id totum deberi, quod promissum fuerat, senserunt, quatenus Hugoni emolumentorum ob depulsiorem nihil deperit; designati verò ab ipso deberi nihil defenderunt ob redditum Chirographum ipso tempore depulsiore nis. Et reclamabant quidem iura statuentia posse id tepeti, quod errore facti relaxatum foret; sed illi nempe in eo hæserunt, vt affectanti quidpiam remitti Hugoni gratificarentur, & meos ad aliquam speciem temperamenti inducerent. Ac nolere quidem mei inconsulto me quidpiam de summa relaxate; ego verò, qui adeo inuitus, ac tantas post moras intenderam litem, dimidium potius amittere, quàm instaurare litem malui; sicque accessi vt persoluis quatuor librarum millibus, finis ipsi imponeretur. Id cùm fuerit satis, vt me are alieno liberarem, præstabilius duxi residui iacturâ tranquillitatem redimere, quàm euadere ditior misero bonarum horarum impendio. Quin etiam id sum consequutus, vt liceat ad te regredi quam-primum cæptis Lectionibus in Regio Collegio imposuero finem. Rerum nouarum quid memorem? nam & iam adhuc nihil sunt moliti qui Sueci in Turingia sunt, neque qui Cæsarei, Bauarique prope Norbergam versantur. Apparati in Suecia ferunt suppetias oppido insignis, quæ in Germaniam breui traiciant. Dicitur Regina Poloniæ, tamen si Rex nondum conualuerit, discessisse ad ipsum Dantisco VVarsovia. Obstant ij, quorum interest, vt iura Inperij illibata remaneant; ne alia ad nos transferantur, quàm quæ ad treis Episcopatus, & Mediouiicum, Pinarolamque attinent; nam ne alioquin ipsa Alsatia nobis cedat, summè repugnant. Memorant Anglum, vt aliquas ab Hibernis copias obtineat, indulgere ipsis quiddid denique Priuilegiorum experunt, & ad Religionem maxime quod spectat. Tu, ô PRINCIPVM OPTIME, ac meum dulce Decus, Vale, Parisiis, x. Kal. April. M. DC. X LVI.

## E I D E M.

**V**ix iam demùm sub vespertam in Museum redux, calamus arripio, vt proxima Festa fausta apperceptem demere de solidò die ne partem quidem minimam propter officia pietatis licuit. Non erit proinde cur à me expectes rerum nouarum aliquid; quandoquidem nec rogitare, nec audire quicquam vacauit; & si quid mihi aliud agenti aureis



aureis fortassis perculit, id paucis attingo ad nostrum Campinium, qui sit omnia tecum communicaturus. Cætera inter, quod insinuo de proposito inter Regem nostrum, Puellamque Hispaniæ Infantem coniugio, concedendoque in dotem Belgio, comprobat id ipsum, quod præclare ais, fallacem Gentem, dum omnia offert, nihil donare, ac interim suspiciones inicere, quibus exturbet Confœderatos. Profecto enim, ex quo Strada significauit rem Batauis; mirum quam illi alienata à nobis mente euaserint; quamque cogitare ferri cœperint de componendis cum Hispano rebus. Quod de futuris Comitibus Innuis, tuæ prouidentia est congruum, & maximè quidem, cum non sit hærendum, quin abundè prospexeris, vt commoda ex iis speranda, sit timenda incommoda, quæ saepe ex communicatis cœuentium Ordinum, factionumque consiliis, sequuntur. Hæc dum scribo, nouus Cælator, quo peritior neminem similitudini exprimeudæ noui, attulit ad me specimen eius Iconis, quam expressit ex prototypo Monasteriano; videtur id mihi non omninè malè, transmittendūque ipsum, vt interim habeas, habiturus plura, ubi procurarò, vt exactis Festis plura excudantur. Vitinam res tibi non ingrata sit; cui facere gratam fuit maximè cordi. Vale, *DECVS PRINCIPVM*. Vale o dulce Decus meum. Parisiis, 11. Kalend. April. M. DC. XLVI.

## E I D E M.

**Q**ua bonitate, quod te rogaram de Arnulpho exceperis, Neurus mihi significauit. Perscripsit nempe te incunctanter quidquid id esset, factum iussisse; ac misisse etiam Stipatorum vnum, qui & placitum renuntiaret, & si quid opus præterea foret, tuo nomine exsequeretur. O meam licentiam erga te nimiam! o quam erga me nimiam indulgentiam! Cum me inuauetudo leuis per hosce dies habuerit, non vacauit quos Iconismos fueram pollicitus procurare. Ipsos proxima occasione, Numine fauente, accipies. Rerum nouarum id non postremum, quod Valliæ Princeps, cum à Farfaxio versus Cornubiensē adigeretur promontorium, subduxerit se, & in Atemoricam migrarit. Dicitur & Rex eius Patens migraturus fuisse in Hiberniam; sed tutum-ne iter illi fuerit, quæ terra, quæ mari meritò hæretur. Verti aliunde in dubium video, futuri-ne Hollandi sint in suo nobiscum fœdere constantes; adeo prætexunt varia, libellis etiam editis, vt pacem cum Hispano inucentes, iure nuncium remittere inita nobiscum Societati videantur. Proccedit interim vtunque Monasteriensē negotium, aiuntque Cæsareos in id consensisse vt Electoratus restitueretur Palatino Principi, sed ea conditione, vt Octauus sit, & donec ipsi superior quoque Palatinatus restitueretur, persoluantur Bauarocentes trices centena millia. Germanici exercitus nihil adhuc mouisse narrantur. Memorant Reginam Poloniæ peruenisse tandem VVarsouiam, ac futurum fuisse, vt citius medium superioris mensis nuptiæ age-

rentur. Tu, *o PRINCIPVM OPTIME*, ac meum dulce Decus, Vale. Parisiis posttrid. Non. April. M. DC. XLVI.

## E I D E M.

**N**on fuit profecto sine scœnore illa Epistolij iactura, quando tu ipsam postmodum adeo solidè compensasti. Certè & ipse Capellanus se verbis tam bonis prægrauatum conqueritur; & ad me quod spectat, quæ tibi idonea reponere valeam, non suppetunt verba. Cum non sit meus reditus tanti, vt tibi cordi esse mereatur, est mihi tamen conspectu tuo desideratissimo frui tanti, vt pauci qui supersunt menses euasuri sint annis prolixiores. Habebis heic quos Iconismos recepi nuper transmittendos. Censui autem ex iis texendum satis insignem fasciculum, vt sit vnde valeas, si libuerit, quam plurimis gratificari. Noueris aliunde haud dubiè Aurelianum Ducem cum Cardinale Mazarino concessisse diebus nuperis Liancurium, & Gassionem eodem conuenisse è Flandria, ad deliberandum quid mox facto opus. Pergens Turennius interim ad exercitum in Germaniam, transiit Nancois, & Metis, scribitque Luillierius eius equitatum per Regionem illam in hibernis telictum ex lectissimis cohortibus nonaginta constare. Monasterij nihil aliud nobis offerri ab Hispanis aiunt, quam Damvillerium, Bapalmam, Hedinum, & nescio quem præterea alium non minoris momenti locum. Nondum planè constat Valliæ Principem in Atemoricam transisse; tamen si ex ea Insula, in quam se Farfaxij metu recepit, transiturus speretur. Non transiit quoque Rex in Hiberniam; sed continuit sese Oxonij, penè iam inermis, ac potissimum à profligatis recentibus hominum millibus, qui ad ipsum deducebantur, quibusque excipiendis ipse frustra cum alio filio Eboracensi Principe, ac Palatinis, Oxonio excessit. Tu, *o PRINCIPVM OPTIME*, ac meum dulce Decus, Vale. Parisiis, Eidib. April. M. DC. XLVI.

## E I D E M.

**N**on esto aliis, *OPTIME PRINCIPS*, at mihi certè, meisque es Cæsar; dum quod ab illo in Imperio, abs te in Prouincia præstat. Teneatur sanè meus ille ad dicendum tibi Panegyricum; at nisi satis eloquio valeat, assatu tamen satis pollet, vt & pro accepto abs te beneficio sentiat se obstrictissimum, & si quid aut tu illum iubeas, aut ipse tibi quomodoocunque placiturum prouideat, sit tibi omni obsequio gratitudinem testaturus. Ego verò, ad me quod spectat, quidquid mei ergò in eum contulisti, sic volo receptum in me, vt abs me deberi solidum proitear; ac patiar ex me olim repetas, si quid in illo desideretur. De rebus nouis nihil est constantius, quàm quod tota Aula breui discessura in ipsa Flandriæ confinia sit; neque, vt speratur quidem, sine fructu. Monasterij nouæ semper difficultates suboriuntur; scribunt tamen

spem

spem esse magnam, ut pax anno saltem ruente ineatur. Hiernant adhuc Sueci; sed ad Cæsarem interm scriptis Bauarus propriis se copiis indigere, ut illas opponat Turenio, cuius adiut exercitum ex sexdecim militum millibus constare. Perhibent verò constitutum aliunde Hassiacum ex duodecim millibus; sed accedente nempe Konistmarkio, qui iam ad ipsos properat; ut pote protus compositis inter Saxones, Suecosque negotiis. Ex Anglia scribunt Parlamentarios inuitasse Principem Valliæ, ut in suam ipsorum fidem sese dedit; fore videlicet, ut omnia pro conditione experiat; ac dicitur simul à Parente iussus, ut discedat potius maturè in Franciam. Ipse interim Rex ad Parlamentarios velle se Londunum accedere scripsit, non iam amplius ut pacificatur de pacis conditionibus, sed ut eas, quas ipsi præscripserint, subeat. Responsum autem tulit, si prius accedat, quam oblati subscripserit, coniectum iri totum ipsius comitatum in carcerem; ac prouisum simul iri, ne quisquam, qui sit Parlamento suspectus, ad eum admittatur. Non addo Reginam Poloniæ fuisse exceptam VVarsoviæ, & celebratas Nuptias *int. & Aug. 1673* mensis superioris. Tu, ô PRINCIPVM OPTIME, ac meum dulce Decus, Vale. Parisiis, xii. Kalend. Maij. M. DC. XLVI.

## E I D E M.

**T**ot, tamque bona sunt illa verba, quibus dignaris, OPTIME PRINCIPS; commendare curam valetudinis, ut ad immensas, quas debeo gratias nihil aliud possim addere, quam id, quod concipio pro tuæ constantia, perfectioneque ardentissimum votum. Ad meam certè quod attinet, vix est, quod illam magni habeam, nisi quia spes est, ut sit ad præstandum tibi obsequium comparata futura. Est semper Aula heine discessura sub hebdomadis insequentis finem. Rumor videtur satis constans de iam inita cum Cæsare pace; sed is nempe eo argumento, quantum opinor, nititur, quod discessurus Cæsar Presburgum ad Comiticia Hungarica, mandauit Ministris Monasterij degentibus, ut eas offerrent conditiones, quæ viderentur non posse nobis, Suecisque esse non acceptæ. Quas illi proinde offerunt iam, et sunt, ut Brisacum nobis, itémque Alsatia, ac Dioceses totæ trium Episcopatuum cedant. Ipsi autem Suecis cedat Pomerania, illaque aded altæ maris Balthici expetita ora. Sunt interim adhuc Sueci in hibernis; utcumque Bauarus dicatur suas seduxisse copias Turenij metu, ut nuper scribebam. Patitur Anglus penè extrema, quoniam & excisus illi equitatus, qui Oxonijs supererat; & perhibentur Parlamentarij ipsum eminus statim obfessuri. Plura scribere iam non vacat. Tu, ô PRINCIPVM OPTIME, ac meum dulce Decus, Vale. Parisiis, v. Kalend. Maij. M. DC. XLVI.

*Per-erudito, ac per-amico Viro, SAMVELI SORBERIO,*

PETRVS GASSENDVS S.

**Q**uod epistolium ad me Caeto, vela mox facturum dedisti, accepi. Nihil opus fuit excusare, quod vale coram non dixeris; nam præclarus noster Martellus sat declarauit quàm improuisa discedendi occasio fuerit; & quàm requisieris me tamen; utcumque non adfuerim domi. Quod addis autem potuisses ante discessum extorquere ab eximio illo Hobbeo id exemplum libri de Ciue, cui ipse manu propria marginalis notas apposuit, ut cum isthuc, vbi te voueo incolumem, peruenis, edi iteratò procures; id summopere delectauit. Videlicet tam pauca fuere excusa libri Exemplaria, ut illa sui situm potius fecerint, quàm expleuerint. Siquidem innumeros video, qui librum ardentè, sed frustra requirant, & liber certè est non vulgaris, dignusque, qui omnium qui altiora sapiunt, manibus teratur; neque, si illa seposuero, quæ Religionem, in qua sumus *in p. 1673*, attingent, Scriptorem agnosco, qui hoc argumentum scrutetur quàm ille profundius. Vinam verò cætera etiam, quæ ille versauit, perinde extorhisses; quippe & ex ipsis in lucem prolatis summe beales nationem totam Philosophantium solide; cum ego quidem neminem nostrum, qui sit inter philosophandum magis à præiudiciis liber; quique penitus quidquid rerum edisseruerit introspiciat. Enim-verò tu Virum satis nostri, frustra que foret, si quid præterea in commendationem eius adderem. Vale, & Amicos optimos saluta, imprimisque Curcellium, Herceboordum, Bornium, & alios. Parisiis, iv. Kal. Maij. M. DC. XLVI.

*LVDOVICO VALESIO, Principi Optimo,*

PETRVS GASSENDVS  
*L. v. æ. 1673.*

**R**atum fuisse tibi, quem ad te transmissi Iconum fasciculum, argumentum est bonitatis tuæ. Quod verò meam singularem erga te obseruantiam etiam amicitie nomine commendas, id affectus est erga me immensus, iam enim sapius dicendum fuit, te in amore erga me testandum non tenere modum. Cum neque fas sit admonete, ut tibi ipsi temperes; neque, si quicquam studiosè velis, ire aduersum liceat. Quod superest, Deum veneror, ut me faciat hac saltem tanta beneuolentia non indignum. De rebus nouis, prorogatus Aulæ discessus iterum est in hebdomadem insequentem; ferturque quin-etiam, alteram Aurelianus exspectaturus. Nostris autem iam, ut opinor, Andegauum ac vnà Condeum, itémque Cancellarium in Ciuitate remansuros. Constans semper rumor de pace cum Imperatore ineundis;

ineunda; tametsi ille præscribens modum oblati conditionibus, deposcit, ut Regiones illæ deficiente Borbonia Stirpe in statum redeant pristinum, ac possideantur Regio iure, non ut Germaniæ Circuli, ob ius ad Diatas Imperiales. Urget porro interea Imperatorem Bauarus, de pace aliquin acturus priuam, ac Regem etiam postulaturus Tutorem filij honorarium, veritus scilicet, ne Cæsar vendicans sibi tutelæ ius, bona pupilli faciat sua, ac mobilia potissimum, in quibus esse dicitur auri, argenti que vis ingens. Tenetur Rex Angliæ Oxonijs conclusus, & cum Ecclesiâ iam deditâ Farfarius eò properet, vides quid illi supersit spei. Parlamentarij, dum seditionem in Ciuitate metuunt, edicunt velle se nihil aliud, quàm Monarchiam constabillire; ac illam quidem temperatiorem, sed & florentiorem simul reddere. Valliæ Princeps se in Iarksam Aremonia Insulam recepit. Tu, ô PRINCIPVM OPTIME, ac meum dulce Decus, Vale. Parisiis, 1 v. Non. Maij. M. DC. XLVI.

## E I D E M.

**A**meti non prorsus pacatam Arelaten reliqueris, abunde est tamen quod non valde commotam. Fieri videlicet non potest, quin in tanta illa studiorum, animorumque varietate non sit semper variarum partium, seu agitationis intestina quidpiam superstes; sed, ut mare nunquam est aded tranquillum, quin aliqua semper agitatiuncula tentetur, & tranquillum tamen non desinit dici, donec insignes fluctus non sunt, quibus susque deque vertatur; ita nec ciuitatis status non quietus censendus est, donec factionum motus non sunt, qui fursum deorsum omnia conturbent. Ex quo fit profecto, ut tu nihilo sis minùs Neptunus habendus, quàm ille æquoreus, qui nunquam sic placat tumida æquora, quin aliqua semper subagitatione affecta relinquat. Quod mones de Classijs discessu, facit ut & ego bene apperceat, & votum addam, ne ex accidenti Turcæ negotiis heinc consulatur. Discessere heinc denique Rex, Reginaque nudius-quartus, & Cardinalis nudius-tertius, excipienda à Condæo Cantillij, indèque post vnum, alterum-ve diem digressuri Compendium. Dicitur negotium de pace in dies promoueri. Aiunt siquidem & Imperatorem remissurum esse conditiones appositas, & Hispanum offerre adhuc heinc Russionem, & Rosæ portum, inde Grauelingam, & Theonis-villam. Feruntur Succi reliquisse hiberna, ac Vrangelum vnâ cum Hassiacis pergere obfessum Vrbem ad Visurgim. Nondum mouisse tamen Cæsarei, Bauarique ideo dicuntur, quod nosse prius peruelint quid rerum meditetur, moliaturque Turennius. Maiores adhuc Angli angustia; futuræ omninò breui maximæ, nisi insignis quispiam metus, aut seditionis in Ciuitate, aut defectionis in Scotia, Scotorumque exercitu frangat animos Parlamentariorum. Tu, ô PRINCIPVM OPTIME, ac meum dulce Decus, Vale. Parisiis, v. Eid. Maij. M. DC. XLVI.

## E I D E M.

**S**uspecta habere, quæ circumferuntur de pace cum Cæsare, etiam prætermisso Hispano, ineunda, sagacitatis sanè est tur. Inaudiisti porro deinceps Hispanum etiam obtulisse conditiones non prorsus incongruas. Quid, si ex eius sententia fuit, quod Cæsar fuerit se absque ipso pacem initurum, quasi minitatus? Videlicet cum rerum suarum necessitate ed adigatur, ut ipse quoque in eam consentiat, id prouidisse maximè potest, ut quam gloriosam minimè licet, saltè non indecoram obtineat? An non verò talem obtineat, si prætexere valeat maluisse se redimere pacem iniquissimis conditionibus, quàm non maturè saluum facere quidquid virum posset, quod ut tremendo illi nominis Christiani hosti opponeret; ac tum maximè, cum aliunde ab illo consanguineo defereretur, à quo iure nihil non opis expectare debuerat. Ut quæque sit, rumor ille semper constat, & literæ Monasterienses, quas legere recenteis licuit, facere spem pacis non exigam pergunt. Discessura Aula Compendio insequente hebdomade; ac statim à Festis exadits Ambianum versus perhibetur. Aiunt Suecos iam obsidere Hoxteram, & Imperiales castra mouisse, peruenisse prope Marpurgum. Noriburgenses literæ postulasse ferunt Turcæ à Ragotzkio, ut comæcatum liberum præbeat Tartaris ad se accessuris. Quas ex Anglia habemus, variæ sunt; cùmque consentiant omnes Regem habitu seruili exiisse Oxonio, sunt quæ perhibeant agnitum, captumque à Parlamentarijs; sunt quæ hac de re nihil prorsus habeant. Quid id sit rei, breui constabit. O caliginem interim, atque inconstantiam rerum humanarum! Tu, ô PRINCIPVM OPTIME, ac meum dulce Decus, Vale. Parisiis, xv. Kal. Iun. M. DC. XLVI.

## E I D E M.

**N**on debuit sanè æuum nostrum suis cedere prodigijs, tametsi ea sunt, quæ ut rectè ais, *Posteri vix sunt credituri*. Quippe nihil habent Antiquitatis inonumenta admirabilius, quàm quod olim in temporum nostrorum Historia legetur. Succisam tam breui Anstriacam potentiam, tot non Europæ dumtaxat, verum etiam Orbi formidabilem. Regem Angliæ aded florentem Regno spoliatum, eoque redactum, ut quò sese tuò recipiat, non habeat, Lusitanum dispendio tanto Monarchiæ Hispanicæ, tot iam annos nobile Regnum, quasi abs parente traditum, meri. Galliam nostram Rege, & Cardinali extinctis, ac Pupillo tot inter hosteis imminenteis superstitè, non modò non fuisse prostratam, sed victricem quoque, & expugnatricem effectam. Tot insuper, tantæque alia his contigisse temporibus, ut visa fuissent non iniuriâ haberi posse in fabulis, si quis euentura nobis prædixisset. Quid vesper adhuc Reus vehat, nemo facilè dixerit; sed conicere tamen licet nondum esse factum euentis insignibus finem. Spes illa pacis, quæ fuerat seruida aded, iam elanguescit.



elanguescit. Futurum fuit, ut hisce diebus irumpere Enguenius in Flandriam. Aurelianus hoc demum die discessurus ex Vrbe fuit. Hollandi sub medium mensis insequentis grande aliquid aggressuri sunt. Hosteta ad Virginiæ ad Succis iam capta. Peruenit Anglus incolomis ad Scotorum exercitum. Scribere hi ad Parlamentum, quid facto opus videretur. Rescriptum, ut Regem in carcerem conicerent. Quid actum deinceps, hætenus nescitur. Lictas habeo à tuo Roxolano, quibus enixè rogat me, ut discendi veniam à tua impetrem bonitate. Ego officium hac in re meum superuacaneum existimo; quando ea est humanitas tua, ut si ipsemet à te postulet, tu sis cum ipso illico, ut cum homine libero acturus. Mirum, quantum ille commendet quem expetitur abs te affectum; & cum aliunde non explicet quam abundi causâ moueatur, ipse eam inquisitam nolo. Quæso solum te, ut condones, si quicumque fortè egerit imprudens (vir aliquin minimè malus) quamquam neque id opus est, cum tu tanta naturæ sponte ad benignitatem propendeas. Vale, PRINCIPVM OPTIME, Vale, ò Decus meum dulce. Parisiis, viii. Kal. Iun. M. DC. XLVI.

*Per-erudito Iuueni IOANNI VGEVINIO ROXOLANO,*

PETRVS GASSENDVS S.

**S**cribo, quod tuorum est votorum ad Illustrissimum Principem, speroque futurum, ut tibi, qua eximia est bonitate, annuat. Quantum doleam animum tuum amaro hoc affici sensu, explicare sanè non possum. Vertat Deus omnia in melius, conditionemque sic fortunet, ut quam virtus tua meretur, tranquillitatem consequaris. Ad me quod spectat, is semper sum, cui nihil sit gratius, quam aliquo te pro modulo virum demereri obsequio. Talem me semper experiere. Vale. Parisiis, viii. Kal. Iun. M. DC. XLVI.

*LVDOVICO VALESIO, Principi Optimo,*

PETRVS GASSENDVS  
*Eduardus.*

**V**od ad te napeta occasione non rescriptum, inualerudo fecit. Nunc pauca rescribo, quod illa emendatior quidem, sed perseueret adhuc tamen. Vixit autem calamum dumtaxat, ut insinuem die ab hinc quarto discessurum ad te, quem abs me voluisti Eleemosynarium. Is alius est quidem ab eo, de quo ad Neuræum nuper scripseram, sed facta est hand-dubie commutatio, in melius; nullusque hæreo, quin, Deo propitio, res cedat tibi oblectamento. Viri docti descripti mox literis ad Neuræum datis. Addo heic solum me sic habere, repetiri vix posse alium,

qui magis deceat tuam tam illustrem, tamque plenam pietatis Domum. Deum veneror, ut rem experire, qualem sperandam facio, qualemque prior ipse in spe, votoque, & affectu habeo. Nihil enim vnquam erit iucundius, quam præstare obsequium, quod possit tibi esse acceptum. Vale, ò DECVS PRINCIPVM, Vale, ò dulce Decus meum. Parisiis, vi. Eid. Iun. M. DC. XLVI.

E I D E M.

**N** discedit ad te Desnosius hoc ipso, quem præscripsi die. Tu illum sic excipies, ut qui sese totum deuenerit tuo famularui. Hisce verbis cum nihil aliud velim, ipsos nempe do illi solum, ut tui adeundi occasionem faciam. Precor Deum ter-Maximum, ut teque, & totam Familiam Illustrissimam incolumem seruet. Vale itaque, DECVS PRINCIPVM, Vale ò dulce Decus meum. Parisiis, prid. Eid. Iun. M. DC. XLVI.

E I D E M.

**P**erseuerat inualetudo, tamen si videtur in dies, Deo propitio, decretere. Heine neque multa, neque de multis. Precor solum Diuinum Numen, ut tuam illam lustrationem oræ Maritimæ fortunet. Quidquid rerum nouarum est, & quod spectat potissimum ad Aulæ regressum ex aliis accipies. Concludam heic solum quam schedam nactus sum de rebus externis. Discessit ad te ante dies treis Desnosius Eleemosynarius. Futurum confido, ut omnino placeat, desert Epistolium abs me, cuius occasione conuenire te possit. Numeravi illi in viaticum centum libras Turonicas; quas hæc transiens herum *Prud-homius* se nomine tuo redditurum recepit. Tu Vale semper quam-optimè; DECVS PRINCIPVM, Decus meum dulce. Parisiis, xvii. Kal. Iun. M. DC. XLVI.

E I D E M.

**C**onualefco lentè; sed, iuante Deo, conualefco tamen. Scilicet tussis inueterata, partim febri fuit deminuta, partim leniri sensim pergit, pulmòque cui timueram, euadit in dies liberior. Vicibatam parè, ut nòst; at nunc parcius adhuc viuendum assumpsi; neque id planè absque successu. Nempe hac ratione non fouetur amplius, sed sensum potius absumitur superfluis ille, qui vexauit humor. Quæsiui ipse mihi hoc remedium; spesque est fore, ut non peniteat ipsum omnibus Medicorum, qui etiam sunt mihi amicissimi præhabuisse consiliis. Appreor tibi semper valetudinem ut vegetam, ita constantem. Futurum spero, ut cum ad hoc Epistolium perueniet, accesserit iam quem Eleemosynarium expectas. Stetit promissis *Prud-homius*, misit scilicet nudius - quintus libras illas Turonicas centum. Discessit nudius-tertius ex Vrbe Consobrina tua Longavilla Vxor Colomesium, concessit inde Monasterium proximo die. Multus semper sermo habetur

habetur de pace tum Cæsare inita, sed quid id sit rei Superi ipsi norunt. Coëuntæ mox dicuntur Turenniaræ copiarum cum Hassiacis, Succisique in superiore Hassiam; neque procul illeinc Cæsareæ, Bauaricæque adfuturæ. Inaudieris obsessum in Flandria à nostris Cortereacum; ac spem esse, ut hostibus licet quam-proximè instantibus, paucos intra dies capiat. Hollandi nihil adhuc mouerunt, quod quidem acceperimus. Detinetur semper à Scotis Nouocastræ Rex Angliæ; ac, ut exarmari prius iusserat in Scotorum gratiam Monrossium, ita iam mandauit Præfecto Oxonijs ut Parlamentariis Ciuitatem dedat, Parlamentarij interim ipsi nouas agitant conditiones, quibus Rex debeat subscribere. An is sit finis ciuilibus belli Regioni futurus, incertum. Tu, ô PRINCIPVM OPTIME, ac meum dulce Decus, Vale. Parisiis, x. Kal. Iul. m. dc. XLVI.

## E I D E M.

**N**on scripsi nuper, OPTIME PRINCEPS, quod à superiore scriptione aliquantò peius habuissem. Nunc, Deo propitio, præclariùs valeo, ac sentio, agnoscoque me fieri in dies roboratiorem. Hoc scire te duntaxat volui, ne ut me haberem nescires, atque idcirco anxius pro tuo in me affectu hereres. Nam Aulam quidem post triduum discessuram Fontem-Bellaqueum, expugnatam in Flandria Cortereacum, coëuntes Dordracum Hollandos, Valliæ Principem mox hûc aduenturum; Parentem eius aequè à Scotis, ac Parlamentariis ad subscribendum conditionibus, quas ipsi præferibunt vrgeri; & quidquid præterea rerum nouarum est, abundè ex alijs accipies. Vale, ô DECUS PRINCIPVM, ô meum dulce Decus, Vale. Parisiis, prid. Non. Iul. m. dc. XLVI.

## E I D E M.

**S**emmè delectat, OPTIME PRINCEPS, rediisse in Urbem te prospera valetudine. Vtinam fruaris deinceps eadem constanter. Plurimum haud-dubiè tolerandum fuit in tua illa lustratione sollicitudinis, ac laboris; maximèque in maturanda illa Classis instauratione, quam fieri expedire operæ-premium fuit. Verùm tu, quæ negotia sunt Regia, publicæque aded curas alacriter, ut dum is incumbis, nihil molestiarum, quæ non possint hac tempestate non maximè esse, sentire videaris. Ad meam quod spectat valetudinem, ea lentè quidem, sed semper tamen recuperatur. Domo nondum exeo, nisi Sacri causâ; sed spes est tamen, ut possim breuè etiam longiùs concedere. Rerum nouarum vix quicquam habeo. Discessit Aula proximis diebus, ut præmonneram, Fontem-Bellaqueum. Accessit quidem ad Matrem suam, sed non ad Aulam Valliæ Principis, Rex eius Parens constat semper quasi inter saxum, & sacrum, Oxonijs deditio iam facta. Non discessit adhuc exercitus noster Cortereaco, cui interim communiendo insudat. Dicuntur Hollandi cepisse iam vnum, alterum-ve muni-

mentum ad Scaldin prope Antverpiam. In Germania nihil audio ab exercitibus patratum. Tu, ô PRINCIPVM OPTIME, ac meum dulce Decus, Vale. Parisiis, 111. Eid. Iul. m. dc. XLVI.

## E I D E M.

**N**on sum profectò tanti, ut quæ mea interdum est dubia valetudo, mouere re debeat. Quare & tantò obstrictior sum, quantò sum tuæ huius tantæ sollicitudinis immerentior. Potes porro iam esse de meo statu, Deo benè propitio, propemodùm securus. Quippe iam ferè ex integro recuperatæ mihi vires; nisi quod vox nondum planè libera; tametsi & ipsa sit sensim ut clarior, ita continuatior. Lætor admodum non frustratum me spe illa, quam conceperam de Eleemosynario tibi placituro. Profectò verò quæ bona verba habere de illo dignaris, eiusmodi sunt, ut vel ipsa sola esse fassis valeant illi exstimulando ad omnem virtutem. Delectat etiam, quæ de optimo Roxolano commemoras, exoptoque summoperè quam ille tibi operam iam præstat fieri non inuicundam. Fururum erat, ut Valliæ Principis hesternæ aut hodiernæ luce San-Germano digestus, & per hanc Urbem transiens, Aulam conueniret ad Fontem-Bellaqueum. In Anglia Vorcestria de deditione agit. Princeps Rupertus, quod propius Londinum, quam conditum fuisset, ventitauerit, iussus dicitur ante dies decem transficere mare. Legatus Scotorum non alia de re cum Angliæ Parlamento egit, quàm ut conditiones visæ Scotis iustæ ad Regem quam-primum mittantur. Non fuit comprobatum, quod nuper ad te de Hollandijs perscripseram. Quin-etiam subinde per aliquot dies percrebuit rumor de pactis clam cum Hispano iudicis, illeque in annos vnderiginta. Nunc, an seridè agant, an-non, quod plurimi interpretantur, definire meum non est; admitto solum quod perhibent exscendisse illos, ac esse in Flandria, non longiùs à nostris, quàm Belgicis milliariibus septem. Nec-dum etiam iam mouent aliquid Germanici exercitus. Dicitur duntaxat Turennius versari cis Rhenum, ac videri velle obsidione cingere Artembachium. Tu, ô PRINCIPVM OPTIME ac meum dulce Decus, Vale. Parisiis, x111. Kal. Sextil. m. dc. XLVI.

## E I D E M.

**V**em non mouerent literæ teneritudinis tanta edulcatæ? Vtinam exhibere me hocce tuo affectu non indignum possim? Inaudij quàm constans fuerit ille rumor de mea morte disseminatus; quando meum quoque Beneficium fuit Auenione imperatum. Sed ecce me tamen, Numine fauente, & superstitem, & qui possim mox ad omne obsequium esse comparatus. Pauca iam scribam, tum quia iubes, tum quia, si velim, non licet per tempus. Videlicet coactus fui tam multa Diniâ scribere, maximèque propter indignum Primi Consulis facinus, ut reliquum sit temporis penè nihil. Subiiciam proinde solum vno verbo,

verbo, vigere heic semper quam-maximos æstus: discessisse ab exercitu nostro in Hollandicum sex hominum millia sub Marefcallo Gtandinontio. Obsideri Antverpiam sed rumore dubio; eo sese Picolomineum cum octo militum millibus recepisse. Longovirtium à Fertæo-Sencterio expugnatum, ac obsideri iam Montem-medium. Turrenium non quam nuper scripsi, sed aliam Coloniam propiorem Vibem cingere. Traiecto illeic Rheno conuolaturum ad Suecos, & Hassiacos, qui irruentes in sua castra Cæsareos, & Bauaros cum insigni eorum clade repulerunt. Esse in eo Anglum, vt vel iis subscribat Scotorum conditionibus, quibus Rex pene esse destinatus, vel Ecclesiasticis censuris Regionis illius subiaceat. Palatinos Robertum, & Mauritium Caletum appullos, discessisse illum quidem huc, istum in Flandriam ad exercitum nostrum. Tu, ô PRINCIPVM OPTIME, ac meum dulce Decus, Vale. Parisiis, VI. Kal. Sextil. M. DC. XLVI.

## E I D E M.

**N**ihil semper dulcius tuis literis; nihil tuæ beneuolentiæ significatione humanius. Debet mihi sanè mea valetudo vel ob hoc ipsum esse cutæ, vt & rem gratam tibi faciam, & subsit, quod pro te profundam. Ea mihi, Numine propitio, euadit semper corroboratior. Tamen si me adhuc ob æstus perseueranteis domi contineo, hi vbi deferbuerint, assuescam paulatim me credere Cælo, eoque comparare, vt tandem optatum ad te reditum instituam. Res inter nouas, primas tenet Dunkerkana obsidio; eo scilicet conuolantur nostri, cum persuasi hostes cinctum iri Antverpiam, ac potissimum ob transmissa illa è nostro exercitu millia hominum sex, totas penè vires illæ diuerterunt. Et oppugnamus quidem adhuc Bergam Vinociam, quæ est Dunkerkæ veluti propugnaculum; sed Gassio tamen interitum munimenta ad mare vsque ab Hispanis nuper molimine inagno extructa occupauit. Traiecit Rhenum Turrenium, & Hassiacis, Suecisque iam adest: Cæsarei autem, ac Bauari castra mouisse, & repetere interiorum Franconiam dicuntur. Missa tandem ad Anglum sunt conditiones à Parlamento, Legatis iussis, breui redire, neque apud Regem dies amplius decem commorari. Dimissam à nostris Orbitellæ obsidionem inauduisse tu prior debes. Vale, PRINCIPVM OPTIME, Vale, ô Decus meum dulce. Parisiis, III. Non. Sextil. M. DC. XLVI.

*Audire cursorem aduenisse, qui agere Bergam de deditione renuntiari. Gratias quam possum maximas habeo pro favore, quo prosequi Dragunianensem Consulem in mei gratiam creauit pergis.*

Per-quàm Erudito, & sincero Amico,

HENRICO BORNIO,

PETRVS GASSENDVS S.

**Q**uem me censebas, Suauissime Bornio, qui nihil hactenus ad tot literas humanissimas dederim responsi Tibi certè mens

*Gassendi Epistola.*

est candidior, quàm, vt eam ob causam, de meo in te affectu hæreas. Mihi longam prætexere excusationem nihil est opus. Vno verbo, inualetudo, quæ me per menses compluribus habuit, huic me officio impare fecit. Quin etiam cum nondum ab ipsa penitus liber euaserim, erit cur boni consulas, si labori parcès, pauca iam rescribam. Cogito verò verbulum quoque ad illustrissimum Reuensbergium dare; tu, cui solidam debeo, maximique duco, Viri amicitiam, fac vt quiddid degerit suppleas. Gratissimum erit quod sperandum facis præclaræ Physicæ exemplum quando vel ex paucis, quibusdam, quas videre mihi licuit Theobis, veluti ex vngue leonem genericio, auguror quæ ipsum maiora parente generosæ indolis specimina exhibiturum. De editione Responsonis meas ad Instantias, nihil adhuc inaudio. Tu Vale semper quam-optimè, & cum præclaro Heeteboordo, nostrum etiam Sorberium, cuius coniugio omnia fausta apprecor, plurimùm saluta. Parisiis, V. Eid. Sextil. M. DC. XLVI.

*Clarissimo, Doctissimoque Viro IACOBO REVENSBURGIO, in Vltraiectina Alma Academia Professori Matheos Celeberrimo,*

PETRVS GASSENDVS S.

**Q**Uod exacto iam tertio mense, & paucis ad literas tuas comitatis plenas respondeam, excusatum faciet, quæ inualetudo tenuit me, atque etiam nam, licet facta iam emendatior, tenet. Id honoris non promerebar, quo me beate dignatus es, amicitiam offerens tuam, & cum ipse ego eam prior ambire merito debuim, tanto tibi deuinctior sum, quanto tu vltro præoccupasti. Heine te præcunte consequor quidem, sed volentissimus tamen; & cum spondeam fore, vt nunquam per me stet, quin omni officio amicitiam colam; securum te iubeo, nihil omnino esse, quod tibi de me, quantum quidem vires suppetent, polliceri non possis. Quæ Solis Eclipsis superiore anno, & die XXI. mensis Augusti contigit, cepit in hac Vrbe hora matutina 10. ac minuto proximè quinto. Altitudo scilicet Solis proximè antè fuerat graduum præcisè 46. Fuit autem initium defectus supernè seu ad Boream in distantia à verticali graduum quam-proximè 30. Cætera nubes innidere. Quæ Eclipsis verò Lunæ contigit die vltima nuperi Ianuarij, cepit nobis Polluce ad Occasum alto gradibus 23. min. 10. atque idcirco hora matutina 4. cum min. 15  $\frac{1}{2}$ . Captaui Phæcis subinde varias, quovsque Totalis obscuratio contigit alto Regulo grad. 26. min. 50. hoc est hora 5. min. 11  $\frac{1}{2}$ . cum & statim Pollux altus adhuc fuerit gr. 14. m. 25. & Castor subinde gr. 15. m. 30. hoc est hora 5. min. 13. Succedere breui pōst nubes, quæ reliquo toto tempore Lunæ obexerunt, quovsque occubuit nisi quod non-nihil interluxit, cum videretur iam circiter semi-digitus

Y

lucis



lucis testiturus, essetque eius altitudo secundum superiorem limbum 4. proximè grad. atque idcirco hora 6. cum 55. proximè minutis. An Luna prorsus euasida, inuisa futura fuisset, sub ipsum Medium obscuracionis, tamen si nubes nihil obstitissent, pronunciare non valeo. Ad Eclipsin illam anni 1642. quod spectat, euasit mihi quidem Luna, cui iam euadit visus hebetior; sed qui adstabant oculatioris, discernere se illam autumabant, Plura aliàs, Clarissime Vir; tu perge rogatus, quod vltro cœpisti, hoc est me amare ne desine, ac bene Vale. Parisiis, v. Eid. Sextil. M. DC. XLVI.

LVDOVICO VALESIO, Principi  
Optimo,

PETRVS GASSENDVS  
Euphrasien.

**M**Ea valetudo, de qua esse pro tua bonitate sollicitus pergis, in eo statu est, ut sperem me posse, Deo bene iuuante, Sactum facere proximo Assumptionis die. Vtinam Deus tet-Optimus, quæ vota pro tua, totiusque Familiz incolumitate concipere petgam, exaudiat! De rebus nouis, Berga quidem expugnata à nostris est; at quia Hispani intetum intrusere Dunkerkam hominum millia cititer sex, idè nostri ab ea cingenda cominus detertiti sunt; ac deficiente præsertim Classe, quæ mari subsidium prohibeat. Obsident tamen Mardikum à quarto vsque mensis die; vtunque Hispani eo propetè iniecerunt duo militum millia. Castrametati citra Scaldin, ac non longè Antverpia. Hollandi illeic hærent, nec quicquam mouent. An Turennius iam cum Hassiacis, Suecisque contulerit vireis, comperit penitus non est; neque inaudimus nouum aliquid ab ipso vsque Cæsareorum, Bauatorumque recessu patratum, Excepit Longavilla Vxorem Monasterij. Quod vetò de pace negotium illeic disceptatur, in eo esse dicitur, ut cum Imperator consentiat, res Germanicas in eum statum quo erant anno sæculi xxiv. restitui, postuletur adhuc restitutio in eum, quo erant anno xviii. Ex Anglia nihil habeo, nisi quod inter cæteras conditiones ad Regem missas, non postremæ sunt, quibus & Religio Catholica (infandum!) planè aboleatur, & militiæ ius penes Parlamentum in xx. annos solidum remaneat. Si quid in Aula transigitur, id ex aliis cognosces melius, Tu, ô PRINCIPVM OPTIME, ac meum dulce Decus, Vale. Parisiis, iv. Eid. Sextil. M. DC. XLVI.

E I D E M.

**N**ihil est, PRINCIPVM OPTIME, quod tibi potius renuntiem, quam Deo propitio, non esse lethale infictum luce hebeternæ vulnus generosissimo illi tuo

Consobrino, Duci Enguenio, dum via secta incedenti, granatum primum dissiliens, ferit humerum, & capitis partem perstravit, potiusquam petussit; adeo vt, tamen sanandus ante viginti dies non sit, sanandus tamen planè censeatur. Ita scilicet me mox educte acceptæ è castris Mardikensibus literæ; vtunque rumor ante horam finisterior fuerit resperfus. Adderem nihil posse cogitari glotiosius, quam quod est ab illo nudiusquintus patratum; cum tot citra ipsum perempti, aut vulnerati Proceres; nisi rem plenius ex vberiore facti narratione perspecturus fores. Addo id solum, quod ex iisdem intellexi literis, necesse videlicet fore, ut si Hollandi ludere nos pergant, neque Classem mittant, quæ communicare Mardikensis cum Dunkerkanis prohibeat, obsidio à nostris soluatur. Id, si demum fiet, tuus illi intetere, & conualescet, & sese illis non exponere periculis, quæ supersunt haud dubie vcteberrima, ita maxima; sicque Deo vertente in melius, eueniet, ut hocce casu tanquam leuiore, grauiorem alium redemerit. Tu, ô PRINCIPVM OPTIME, ac meum dulce Decus, Vale. Parisiis, xvi. Kal. Septemb. M. DC. XLVI.

E I D E M.

**C**oncessisse Brinoniam te declinando æstui sum valde lætatus. Quamvis profectò Aquis-Sextiis viguisse seruos contentaneum est; vbi ego quidem non commemini sensisse me vllum eo, de quo non-neum heic conquestus est, intensiorem. Vtinam rerò per negotia licuisset tibi maturius; sed præstat tamen reliquias, quam nihil, Alacris amœnitate hac temperare. Ô Felicem alioedete, qui sic habes Mundi histroniam perspectam! Siquidem tamen pro tua indole nihil tibi sit candore antiquius, & graue se non posse omnia nec cum omnibus apertè pectore agere; id nihilominus agere, quod agas, in rectum collineando finem, & quod conditio temporum, publicæque utilitas in exigat; hoc ad Sapientiam pertinet, cuius semper est possessio iucunda. Secus sanè illi euenit, qui ambitione, aliisque occæcati passionibus, neque æqui seruantes sunt, neque veri amantes, dum, quod sua inter sit, dumtaxat attendunt. Rerum nouarum vix quidquam habeo. Nam discessisse tandem isthuc rei commentariæ Præfectum, ipse abundè pernociens, & rediturum hodie ex Aula Valliæ Principem, sua cum Parente, id minoris refert. De Rege eius Patre hoc solum accepi, quod conditionibus oblati subscribere noluerit, cum quia parum æquis, tum quia nihil secum deum fuerit actum. Quò res porro sit euasura, magnæ expectationis est, ipso spoliato, inermique, & si fas dicere, captiuo. Significauit Aurelianus fore, ut ante exactum mensem Mardiko denique potiat, capto iam ab Hollandis, ed demum appulsis, propugnaculo ligneo, & obstructo à nostris canali, quo Dunkerkam inter, Mardixumque erat commercium. Dicuntur intetere Hispani recepti.

Mehenemur.

Mehenemium, ac vniuersum præsidium inter-  
necioni dedidisse. Illa Enguenij tui austio  
curacionis quidem lentioris, sed periculo  
tamen semper vacat. Ist hæc dum scribo, ac-  
cedit ecce, qui mihi renuntiat aduentasse mox  
ab Aureliano Cursorem, à quo perhibeatur  
illum rediturum, hūcque accessurum vnà cum  
Enguenio die penultima huius mensis. Scili-  
cet spem indubiam esse captum iri Mardikum  
die abhinc ad summum quarto. Ad summum,  
inquam; nam etiam hodie subuertendum fuit  
cuniculis pyris præcipuum propugnaculum;  
ac statim ingressus tentandus. Adicit ille na-  
ucis Hollandorum appulsisse non amplius sex.  
Tu, ò PRINCIPVM OPTIME, ac meum  
dulce Decus, Vale. Parisiis, 1x. Kal. Septemb.  
M. DC. XLVI.

## E I D E M.

**Q**uod primè profectò res habet, quod Claf-  
sis nostra est in procinctu. Quippe, nisi  
aliud, id saltem præstabit, ne Hispanica quid-  
piam aggredi aduersus oram Prouinciæ auit.  
Nisi aliud, inquam; nam & spes heic est, vt  
vltus ea Melleræus insigne aliquid moliatur.  
An verò successus pariter sperandus videtur  
vel ex eo, quod scribis totam Prouinciam mi-  
lite scaterere; coniciendum certè hosce mili-  
tes exercitui Maritimo instruendo esse com-  
paratos. Deus Optimus bene omnia fortunet.  
Accessit ad Vrhem, vt præscripseram, hester-  
na luce Aurelianus; verum remansit tamen,  
qui imperet exercitui Enguenius: videlicet  
intra quadriduum meliùs omninò habiturus.  
Captum Mardikum eo ipso, quo ad te  
nuper scribebam, die, superstitis adhuc li-  
cet tribus militum millibus, qui & se victo-  
ris permittere arbitrio, &c. vt manu-capti sunt  
in Galliam adducti. Nemo heic non putat  
Enguenium eò incubiturum, vt Mehenemium  
recuperet, quod aliquoquin vix liceat Corterea-  
cum facere tutum. In Germania dicunt Tu-  
rennium, & Suecicarum copiarum partem  
anteuerisse Cæsareorum, à Bauarorumque  
exercitum, ac necesse fore, vt ille aut prælio,  
aut fame (aliunde iam valde afflictatus) pereat,  
sicque euenturum, vt nostri, Suecique hiema-  
re securè in Bauaria possint. Ex Anglia nihil  
habeo noui à Legatorum reditu. Parmentarij  
siquidem deliberant adhuc quid sit factò  
opus; quando Rex subscribere oblati condi-  
tionibus recusauit. Tu, ò PRINCIPVM OP-  
TIME, ac meum dulce Decus, Vale. Parisiis,  
prid. Kal. Septemb. M. DC. XLVI.

## E I D E M.

**T**id timendum sanè, quod tuo Enguenio  
times; quandoquidem ille dum omnes  
animi verè generosi implet numeros, id ip-  
sum non timet. Vtinam eum seruet incolum-  
nem Deus, qui ornamento tanto est & Regno  
florentissimo, & gloriosissimæ Familiz. Cum  
pari iam curus vestationem possit, dicitur  
non corpisse modò deducere exercitum, sed  
cingere etiam Bassæam obsidione. Hoc tamen  
nondum, quod sciam, constat, vti neque  
Cassendi Epistola.

constat de Grandimontij reditu cum sex  
hominum millibus quos obsidendæ Antver-  
piæ prætextu Hollandi nobis subduxerunt.  
Aiunt Cæsareos, à Bauaròsque defectu com-  
meatus, viæque tutoris sic defecere, vt  
etiam Rhenum traiecturi sint; ac fieri vix  
posse, quin planè eant pessum. Addunt Tu-  
rennium, Fœderatòsque interea cepisse varia  
oppida, munimentaque non contemnenda;  
ac esse in procinctu, vt Haliprunum obsi-  
deant. Negotium de pace penè intermissum,  
instaurari iam dicitur. Faxit Deus ter-Opti-  
mus, vt proxima hyems, cætera sterilis, fœc-  
tum tantis votis experitum parturiat. Degit  
Angliæ Rex semper Novocastri, ac paruit  
tandem iussis Montrossius, armis positus, ac  
itinere mari destinato. Parmentarij esse nu-  
per in eo dicebantur, vt deliberarent, an pa-  
terentur accedere non-nihil propius Regem  
Londinum. Heic noui nihil, quod nôrim  
quidem, nisi quod die superiore accessit Le-  
gatus à Regina Suecia, quodque Aurelianus  
est Fonte-Bellaque Blosum discessurus. Tu,  
ò PRINCIPVM OPTIME, ac meum  
dulce Decus, Vale. Parisiis, vii. Eid. Septemb.  
M. DC. XLVI.

## E I D E M.

**Q**uod dignaris perscribere de exercitus  
nostri apparatu, bene ominari de suc-  
cellu iubet. Id vix persuaderi bene multis  
potuit, vt quidpiam denud aggredieremur,  
aut, vt res, & tempora sunt, exsequeremur  
fœliciter; sed spes iam tamen est plurima in  
ipso Imperatore sita; ac in iis copiis, quibus  
illum iri instructum insinuas. Heic, si quid  
rerum nouarum est, paginam vtramque tuus  
Enguenius facit. Ille de Bassæa obsidione  
spargi rumorem curauerat, cūque tendere  
illuc crederetur, VVernam diuertit, occu-  
pauitque, hoc est præclusit aditum, qui so-  
lus Dunkerkam supererat hostibus liber. Di-  
citur subinde aggressus Vrhem cominus cin-  
gere, Hollandorum classe interim appellen-  
te, aduehentæ Grandimontium cum ab-  
ducta militum manu. Videtur fama satis  
constans de Halipruni obsidione à nostris,  
Suecisque suscepta: sed interim tamen re-  
gressos Hassiacos cladem nescio quam per-  
pessos est rumor. Nihil adhuc est, quod au-  
dierim quidem, à Parmentariis in Anglia  
decretum. Aiunt tamen illos per-molestè tu-  
lisse effectum Regis indulgentiæ, vt iam  
Hibernia penè tota Anglicanum exuulserit  
iugum. Discessit ad Aulam Suecorum Le-  
gatus, ac Aurelianus, qui hūc redierat,  
eò reuersus est post aliquot dies Blosum con-  
cessurus. Tu, ò PRINCIPVM OPTIME, ac  
meum dulce Decus, Vale. Parisiis postrid.  
Eid. Septemb. M. DC. XLVI.

## E I D E M.

**A**ud hæcò quidem, quin bene mul-  
ti iteratam expeditionem auersati illud  
obstant, —

Quia nos vestigia terrent;

Y 2


Plurima

*Plurima se aduersum spectantia pauca retrorsum.*

At non hæreo quoque, quin multis præstantia Ducis animos addat; ratis putâ, quid vel Captarum ducente Leone exercitus possit. Fortunet Deus omnia; ac vtinam tandem tua illa vota de conuertendis in communem hostem Christianorum armis compleantur. O, quid non possent vel ipsi Galli, collatis in vnum totis viribus, & accedente ad animos ea, quâ iam vigent, bellandi pericia!

*O quantum posset Terra, Pelagique parari!*  
Constans satis huc-usque fama de obsessâ ab Enguenio Dunkerka: sed vtunque tamen circum-vallatione cingere Urbem cœperit scētis ire viis aggressurus non est, quod vsque videat, quid referat quem nuncium petiturum misit, & quidpiam nummorum animandis militibus, & Prætorianas aliquot tam Gallicas quam Helueticas cohortes. Non rediere à Grandimontio nisi soli pedites; verum aduenere interea quatuor Polonorum millia meritura. Minime visum Turenno est immorari ad Haliprunum, sed illius vice obsedit, cepitque Schorendorfum, quo fretus tutò valeat in Wirtembergensi Ducatu hiemare. Qui hostes fuerant versus Rhenum digressuri crediti, Danubium versus diuerterant, ac Ratibonam iam properant, vt Bukenium sibi adiungant. Verum tamen accurrunt simul Turrennius, & Vrangelus, vt præoccupent, & ad prælium cogant. In Anglia res adhuc eadem confusione; atque hæc quidem publica. Ipse differo in dies discessum, præstolando quoniam euasura sint, quæ mihi primus Consul Dinienfium nomine *Inramius* fraude insigni negotia fecit. Interim verò, quia transseunte nuper manu militum Diniâ non potuere eius Collegæ literarum tuarum reuerentiores obitare, quo minus eorum aliquot saltem, & vni meorum Affinium, & redemptori meorum qualiumcunque redituum destinaverit, diuertendos, Idèò veritus ne si deinceps, quod absit, incidat similis occasio, ille restari odium pergat, scribo ad meum Tornatorem, vt elenchum eorum, quos velim exemptos, ad tuum à Secretis mittat, quod tuo iussu Diplomata illis necessaria conscribat. Tu, qui iam vltro, ac pro tua illa incomparabili bonitate ire obuiam volueras, annuës haud-dubiè licet non vtar vberiore comprehensione. Vale, PRINCIPVM OPTIME, Præsidium, & Decus meum dulce. Parisiis, XI. Kal. Octob. M. DC. XLVI.

### E I D E M.


 Vam sum recreatus, Deum Immortalem! literas suauissimas legens, quas dare ad me Belgenferij dignatus; restitisti mihi memoriam cari illius Capitis, cuius, si cum voluptate desiderio mista recordari nō licet! Vtinam verò illi per fata esse licuisset supersit, vt posset te hospitem tantum hortis illis, quos suâ curâ nobilitarat excipere! Vtinam, & tibi licuisset ab ipso, quo erat genio, excipi!

*O qui complexus & gaudia quanta fuissent!*

Verum desiderio, & pudor & modus adhibendus est, ac leniendum patientiâ, quod durum cum sit corrigere est nefas. Au dio te deinceps repetiisse Urbem, ac voueo, vt te in illam sanus, incolumisque receperis. Quod de discessu Classis perscribis, expectationis magnæ est; vtunque ea fortassis aliò, quam quod tu mor ipsam dirigis, contendat. Occæpit Enguenius scētis ire viis, ac sese sub Eidus mensis proximi Dunkerka potiturum sperat. Censeri possunt Duces Hispani, vt inter saxum, sacrumque stare; nam ecce interim Hollandi cingunt, oppugnântque Lierium, arcem, vt munitissimam, ita momenti maximi Mechliuium, & Antverpiam inter; illi autem non possunt aut vireis pariri, quin reddant procul inefficacis; aut in alteros incerto euentu sic conuertere, quin alteri locum expugnent, qui Prouinciæ iacturam trahat. Sollicitat Hispanus Anglos; sed illis est satis negotiorum domi, nec dicuntur hæcenus aliud, quam pulueris pyrij quidpiam impertiri. Cæpere nostri in Germania Donanerdam supra Danubium; irrupentisque in Bauriam, consternationem pariunt ingentem. Ferunt Augustam Vindelicorum de deditione agere; & Baurum ipsum relicti, vt poruit, minutis Monaco, atque Aniponto, Ratisbonam discessisse. Literæ postremum Monasterio acceptæ perhibebant pacem cum Cæsare propè conclusam, iam verò timendum non est, vt ille vel à Bauaro instigatus, referat pedem. Tu ô PRINCIPVM OPTIME, ac meum dulce Decus, Vale. Parisiis, IV. Kalend. Octob. M. DC. XLVI.

*Admodum Reuerendo, Clarissimoque Viro, GODEFRIDO VVENDELINO, Condatensi Canonico, Pastori Hercano, Amico longe-optimo,*

PETRVS GASSENDVS S.

 Vas duodecimo, quartoque Kalendas dedisti ad me literas interuentu nobilissimi Equitis à Scala accepti. Cum non vacet iam pluribus ad vtrasque respondere; paucos saltem versus transdo, vt & acceptas significem, & me propitio Numine non viuentem modò, sed etiam valere renuntiem. Saltem plurimum iam conualui; & spes est, vt breui quidquid reliquiarum morbi superest, plane, prorsumque evanescat. Vtinam verò idem factum contigisset! morbo optimi illius, carissimique Erycij Puteani,

*— Cui pudor & Iustitia soror  
Incorrupta fides, nudique Veritas  
Quando vllum inuenient parem!*

Literas certè legenti tuas, & cogitanti Arcem illam, in quam videbar mihi aliàs vt in Parnassum ascendere, ac, illo præeunte, Musarum choro interesse, subiit illicò exclamare, *excessere omnes! verum desiderio sit pudor, ac modus.* Vnus iam, alterve est annos ex quo Bullialdus discessit Venetias, mensis-

que



que est, ex quo perscripfit petiturum mox Romanam se, neque diu fore, quin solutura Constantinopolin ex ora Hetrutiae naui Anglicæ, eodem, occasione accepta contendant. Si illi propitium, quod voueo, Salum, Solum, Cælumque fuerit, obseruabit illic haud-dubie quam commemoras Ianuarij Eclipsin. Salutem illi abs te nunciabo; & si quid à se obseruatum ex ea Eclipsi transiiserit, id quid sit, te diu latere non pariat. De illa, quæ ante annos quatuor, nihil est quod addam ad meas nuperas; nisi quoddam tibi integrum est, ut quo sumus vti Organum causeris. Quadrans fuit eiusdem Bulliardi, cuius fides penes eum est, neque enim ipse illum explorauit. Resoluant te Viri optimi Mersennus, & Petauis; ad Furnerium quod attinet, ille iam pridem ab vrbe abest. Tu &, Vale diuissime, & Vale semper quam-optime, & me, quod facis, æternam ama. Parisiis, 111. Non. Octob. M. DC. XLVI.

LVDOVICO VALESIO, *Principi Optimo,*

PETRVS GASSENDVS  
*Evdægenæ.*

**Q**UOD inaudisti, OPTIME PRINCEPS, de iniuncta aduersum me lite à Dimensibus, dum factæ à se vsurpationis iurium mei Beneficij constabiliundæ saragunt, compertur nimis-quam verum. Quod potissimum displicet, ipsa est meo illo optato redditui ad te temora iniecta. Dabo operam tamen, ut ea pertrampatur quam fieri citò poterit; fiet autem, opinor, si Consulis primi iniquitatem repressero, qui Ciuitatem non commouit, nisi ut patrociniū sibi publicum quæreret, postquam quæritum à se fundum à meo, mei-ve Beneficij dominio malignè subduxit. Est certe, cur illi præsertim succenseam; nam & secundus Consul, & alij quidam Primorum Vrbs qui è factione eius non sunt, conantur, quantum quidem possunt, (vasertimus nimirum est) eius artibus obuiam ire. Verum, quid te trices, apinisque moror! Ecce de aliis rebus ut dicam, accessit ante dies quatuor Thaddæus Barberinus cum vxore ad Aulam; idque post acceptum iam nuncium de restituta in integrum, motu proprio, Pontificis familia tota Barberinorum. Dicitur Aula esse Vrbe sub initium hebdomadis insequentis repetitura. Percrebuerat rumor ante paucos dies de iam occupata ab Enguenio Dunkerxæ; sed is fuit dumtaxat prænuncius illius qui breui verior, Deo propitio, succedet. Consimilis rescriptus fuerat de iam occupato ab Hollandis Lierio; & deinceps tamen dubitari cepit, neque omnino constitit reuera-ne obideretur. Excurrere nostri, Suecique in superiorem Bauariam pergunt; neque iam de facta Augustæ deditione dubitari video. Conditiones pacis, de quibus nos inter Cæsareosque conuenerat, ratæ haberi non debebant, nisi superiore Septembri exeunte, cum Conferderatis etiam contineretur. Quid verò, *Gassendi Epistola.*

idcirco profectus Osnaburgum Longavilla euicerit resciri nondum à nobis potest. Mortuus in Anglia Essexius Comes; interim verò ambigitur Scoti-ne ab Anglis in Regis gratiam sint discessuri. Tu, ô PRINCIPVM OPTIME, ô meum dulce Decus, Vale. Parisiis, 111. Non. Octob. M. DC. XLVI.

## E I D E M.

**D**ISCESSURUM te rusticandi, seu ut ipse interpretaris, oblectandi animi gratiâ, fuit profectò mihi scitu periuicundum. Nam cum nôrim te tot, ac tanta sustinere negotia, quid possim accipere dulcius, quam te interdum curis gaudia, ne iis conficiaris, interponere? Quanquam, qui tuus genius est, vix esse vnquam potes, quin muneris continuo vacans publicis commodis inferuias; ex quo sit fanè, ut verear, ne non mera recreatio sit, quæ te ab Vrbe euocat; sed ea prætextui solum sit, aut certe non præcipua, sola-ve discedendi causa. Vtunque sese habeat res, faxit Deus domum incolumis redeas. Regressa demum Aula in Vrbe ab ineunte hebdomade, neque diu admodum fuit, quin tota perstreperit de felici armorum Enguenij successu. Scilicet inuictus gloriosusque ille, Dunkerkâ tandem potitus est; &, cum de conditionibus deditionis ipsi Nonis pepigerit, earum vna fuit, ut in vrbe quinto Eidus admitteretur. Itaque debuit hesternâ luce victor, triumphator in eam ingredi; & nuncius die trastina, qui factum narret, expectatur. Non perseuerat iam amplius, qui tantopere percrebuerat de deditione Augustæ rumor. Constantior est longè, certiorque, qui de capto ad Lycum Rano, deque excurrente in totam Bauariam nostro, Suecique milite, hostium nemine vsquam obistente. Rediit Longavilla Osnaburgo, post diem decimum; at Suecos hortatus, ut cum Cæsare, imitatione nostri, conuenirent, nihil aliud responsi, quod perhibeant, tulit, quam illos sese Stokolmio ecquid facto sit opus expectare. Dicuntur aliunde, qui sunt Germani Catholici, nolle tam amplius stare iis, de quibus antè constitèrat, ipsos inter & Protestantèis. Aiunt Scotos fieri in dies ad coëundum cum Anglicanis Parlamentariis difficiliore; spemque esse Regi, ut experturus non sit ab Aquilone omne malum. Tu, ô PRINCIPVM OPTIME, ac meum dulce Decus, Vale. Parisiis, 1v. Eid. Oct. M. DC. XLVI.

## E I D E M.

**N**AUDIERAM iam Classẽ nostram oppugnare arcem Iluæ Insulæ, cui nomen inditum *Portus-longus*; at neque circumstantias, quas perscribere est dignatus, perspexeram; neque tempus quo coniciis fore, ut expugnetur, notam. Id si contingat, tempus erit, quod tuus Enguenius præter-propter in expugnatione Dunkerkæ consumpsit. Quippe, qui ad cingendum Vrbe m. 111. Kalendas accessit, agere Præsidium coëgit de deditione, ipsis Nonis, ac Vrbe demum potitus est, quo

Y 3 prædixi

prædixi die, puta V. Eidus, Rex, Reginaque, & tota Aula nudius-quartus ritu solemniori tam expedita, imò pene dicam, pro tam improuisa, inexpectataque, & tanti momenti occupatione gratias egerunt. Quid ille deinceps sit facturus, nescitur; nam cum sint qui domum reuerfurum dicant, sunt, qui fore consiciant, ut aliquid adhuc priusquam milites in hiberna mittat, moliat; maximeque, si verum sit, quod video increbrescere, obsidere Hollandos Venloijum ad Mosam. De capto Rantio nullum iam dubium. De Augusta verò nihil aliud est, quam fuisse in eam minas intentatas certum. Non coire adhuc in vnum Cæsaris, ac Bavarum copias nostras, Suecicæque ad prælium eas inlicere meditantur. Arduum semper illud, ingentisque molis de pace negotium, tamen nescio quid Hispano futurum iam animi sit, nobis Dunkerkæ potentibus, nisi conditiones ab ipso, quas accipere liceat, offerantur. Nihil in hunc diem, quod sciam, à Parlamentariis Anglicanis decretum est; sed difficile nempè cardinem, ut cui rerum summa innitatur, versant. Prosperam tibi approprecor rusticationem, venationemque. Vale, **DECUS PRINCIPVM**, Vale ô præsidium, & Decus meum dulce. Parisiis, xlv. Kal. Nouemb. M. DC. XLVI.

## E I D E M.

**N**ondum rediisse te in Urbem, sed proximè tamen reditum fuisse perscripsit Neurus. Apud nos noui nihil est, quod equidem sciam, cuiuspiam momenti. Nam qui percrebuit iterum rumor de capta Augusta iterum euauit; & qui inualefcit de pace siue inita, siue mox ineunda nescio quam sit ratus. Vnum est dumtaxat memorabile, consentire denique Scotos, ut Rex permittatur Parlamentariorum arbitrio, ac Parlamentarios in eo esse, ut deliberent, quo ille sit modo deducendus Londinum. Ex Flandria nihil certius habeo, quam pluuisse Bruxellæ pluuiâ purpureâ seu rubefcente, quam vulgus dicit sanguineam, pridie Eidus huiusce Mensis, seu pridie quam de ditione Dunkerkæ actum, pactumque est. Illius historiolum descripsit, typisque mandauit præclarus ille VVendelinus de cuius arduo opere Massiliensibus dedicando memini ad te aliquid scripsisse. Summa est, ut ostendat quid discriminis inter ipsam, & descriptam illam à me in Peireskij Vita, intersit; & causam eius esse declarat Chalcæthi copiam, quâ regio subterranea Scaldin inter, Mosamque scatur. Plura iam non vacat, sic ne totum diem, qui me inuisere Germani, Anglique aliqui tenuerunt. Tu, ô **PRINCIPVM OPTIME**, seu ruri, seu domi, seu vbiuis sis, bene, imò optime Vale. Parisiis, vi. Kal. Nouemb. M. DC. XLVI.

## E I D E M.

**P**er-iucundum fuit accipere te valetudine prospera in Urbem reuerfurum. Quæ pro Enguenio tuo voues vota, ipsa sunt, quæ concipere omnes par est, quibus Patriæ

gloria est cordi. Cum Patens illam exceptura progressa iam Cantillium sit; an non abunde videtur dignus, quem ipsa quoque suis humeris referat Gallia vniuersa. Inuisens me hesternâ luce præclarus Capellanus Decatrestichon Epigramma, quod in eius laudem ac in monumentum Dunkerkæ captræ composuit, ad te transcendendum consignauit; idque in pignus venerationis, qua te semper prolequitur, ac ratus aliunde fore tibi rem, pro eo quo Consobrinum tantum deperis amare, pergratam. Cum post datas literas tuas concessurus Massiliam fueris, ut adesses quo tempore Consules creari pro Comitibus solent, inaudio ecce nescio quid turbatum illic interuenisse, Tamen verò nondum satis, quid id sit rei, compertum habeam, accipio tamen nihil potuisse ex magnitudine simul, moderationeque animi tui desiderari. Id verò mihi haud-quaquam nouum, cui perspectum iam pridem est, quam generosa sis indole; quam pacis amans, quam æqui seruans. Rerum nouatum nihil propè habeo. Inualuerat iam tertium rumor de occupata à nostris Augusta, & ecce tamen iam perhibent etiam solutam obsidionem. Sic post famam quoque de Venloo capto, discessisse exinde, re infecta, Hollandos ferunt. Aiant & iteratò Scotos nondum conuenire penitus cum Anglis; sed rem iam maturius Comitibus conuocatis deliberari. Monasterienses literæ spem multam pacis facere pergunt, etiam cum Hispano ineunda, à capta Dunkerkæ; verendum tamen, ne quæ Infantis Hispaniæ interuenit mors, negotium non-nihil ob spem Cæsari factam, interturbet, sed quid sit venturum cras, fugio querere. Tu ô **PRINCIPVM OPTIME**, ac meum dulce Decus Vale. Parisiis, postrid. Kal. Nouemb. M. DC. XLVI.

*Admodum Reuerendo, Clarissimoque Viro, GODEFRIDO VVENDELINO, Condatenſi Canonico, Pastori Hercano, Amico longe-optimo,*

PETRVS GASSENDVS S.

**L**ecto scribo, OPTIME VVENDELINE, sed ferre nimirum diutius non possum, quin quas debeo rependam grates, pro præclarissimo libello. Is per doctas virum manus volitauit, nemòque eum legit, qui non sibi habere illius exemplum expetierit. Ad me quod spectat, summopere gaudeo rem obseruatam, descriptamque à Viro amico, & fidei pleno, qui ad rem accuratè explorandam nihil contulerit studij. Itaque non hæreo, quin purpurea pluuiâ, qualem describis, deciderit, alia scilicet à præsumpta illa, quam à rite descriptâ in Vita Peireskij commemorare dignatus es, nec sine vestigiis amoris aduersum me tui. De causa, fateor dici nihil posse, quod allatam illam à solertissimo Chiffletio, cui ipse subscribis, non inmerito, verisimilitudine vincat.

cat. Tamen si enim ne ille quidem, quo candore est (ac probè memor quanta sit humanum Mentium circa hæc Naturæ arcana caligo) iuraturus sit, rem se haud-dubie ita habere, vt se habere fecus non valeat; attamen nemo alius, opinor, facillè quidpiam proferat, quod cum ipsius ratiocinio videri possit comparandum. Nam, vt cumque posset opponi non rubere, vt rosæ folia, ita Asphalticam materiam, quæ macerata intra nubem ex Chalcanthinæ affusione ruborem pluviæ perinde crecet, ac creant rosæ illius aquæ, qua macerata fuerint, Chalcanthi oleo superinfuso, neque sufficere, quodd ex Asphalto eliciatur oleum obscuriore purpura splendens, quo arguatur vis rubescendi intra Asphaltum contineri; quoniam idem Chalcanthi oleum nulum ruborem exprimit in aqua qua fuerint folia ex Sena macerata; licet ruborem quoque latentem illud videatur arguere, quod is ex infuso tartari oleo exprimitur. Vt cumque, inquam, siue istud, siue aliud quisquam opponat; nihilominus & aliquid semperprehendetur discriminis, & probabilitas semper sua ratiocinio simul, experimentoque constabit. Mira sunt præterea quæ de igne illo subteritaneo ratiocinariis, quamquam ego semper in eo, tanquam persuaderi non potis, posse flammam vllam in loco obtutato, aut excitari, aut perdurare; nam quod alioquin Ætnam, similiaque loca quasi caminos habeas; illa videntur sanè imparia tanto incendio spiramenta; credoque quas flammæ ea loca eruant, non ex imo prorumpere, sed quo momento materia inflammabilis in aërem erumpit, creari. Verùm hæc longioris sunt disquisitionis. Quod habes de pulvere pyrio, qui ex auro paratus vocitari solet *aurum fulminans*; facit admoneam, posse quoque huiusmodi puluerem ex aliis Metallis parari; saltem ex ære, atque ferro; de quibus, quo dubites minus, concludam hisce literis ex vtroque aliquantulum, vt expectari tutemet possis. Scripsi ad Bullialdum ante dies quatuor, ac illi à te salutem nunciaui; & quidquid fuit tuorum votorum expressi. De mei effigie quod pergis esse adeo sollicitus, faciam tandem (tamen si sanè non absque verecundia) satis, quamprimùm melius habuero. Spes enim est, vt Deo propitio ex inuoluntate hac breui emergam. Tu interim, mi VVENEDELINÆ, bene, imò optimè Vale. Parisiis, v. Eid. Nouembris. M. DC. XLVI.

LVDOVICO VALESIO, *Principi Optimo,*

PETRVS GASSENDVS  
*Evdexetien.*

Villas ad te literas dedi superiore hebdomade; quoniam non prorsus bene habebam. Valeo nunc melius, Deo propitio, tamen si me committere in aliquod tempus aëri prohibeor. Quam me delectat interim te prospere semper valere! Vtinam in annos

Nestoreos. Accessit denique ad Urbem tuus Enguenius ante dies quinque. Digressurum alio rumor fuerat; sed hærent omnes merito, generosior sit, an prudentior. Accessit quoque eius Patens ad Aulam nudius-tertius. Fama rursus est, initam pacem etiam cum ipso Hispano esse; cum totis votis eam expetam, iuxta tamen adduci eò possum, vt credam. Turgenius, Suecique in procinctu sunt, vt inferiores numero licet decem hominum millibus, prælium cum Cæsareis, Bavarisque committant. Ferunt nondum Scotis, Anglisque de Regis dedendi forma, modoque conuenire. Nollent nimirum isti emisse, illi vendidisse videri. Docebit nos dies & euentus omnia. Quod de Portu-longo occupato scribis, nondum inaudieram: extremus quippe nunciatus dicebatur nihil aliud retulisse, quam obsides datos. De Ilerda video ruinorem, qui sinister fuerat, mutatum in melius. Scripsimus ad te nuper fueram de Draguinianensi negotio; verumtamen, si faciam iam, factum erit tempore satis. Sex sunt, puto, menses, & amplius, ex quo pro tua bonitate, & vt mihi gratificareris, designasti Consulem, meum illum asinum Arnolphum. Nihil non deinceps illi egerunt, qui regendæ urbis ius inuaserant, vt quod feceras, redderent insectum. Negotiiis turbatis, ego hic incubui, vt in Angultiore Consilio fieret Placitum, quo rei totius informatio Campinio nostro permitteretur. Quippe reputaui esse neminem, qui ardentiore studio quidquid egeris ratum curet. Tu, quaeso, si quid opus sit, illi sic faue, vt quod cepisti asserere, constabiliatur. Fidenter sanè, sed noui nempe, quanta tua sit bonitas, quantus amor erga me tuus. Vale, & DECUS PRINCIPVM, Vale dulce Decus, & Præsidium meum. Parisiis, xvi. Kal. Decembris, M. DC. XLVI.

### E I D E M.

Ræclara sunt adeo, quæ de obitu Principis Hispani præmaturo ratiocinariis, vt accedere ad ipsa nihil valeat. Satis mihi proinde est, attendere, quam tibi sit rerum humanarum conditio perspecta, quam egregiè notis virtutem in quam manca tuat semper fortuna, vnicam esse. Valerudo mea, Deo benè propitio, habet se satis prosperè, tamen si domo, nisi Sacri audiendi causâ, nondum excedo. Rerum nouarum vix quicquam habeo. Accessurum breui in Hollandiam ferunt Marchionem Brandenburgicum, ducturum illic in uxorem Principis Auraiici filiam. In Germania sunt semper nostri, Suecique in procinctu, vt cum Bavaris, Cæsareisque prælium committant; nisi obstat, qui illuc missi Monasterio Legati sunt metu eunctus, qui, iam promotio pacis negotio, remoram iniiciat. Non sunt quidem fastidiosa quæ isthinc de Ilerdensi obsidione audio; sed de ea heic semper eximia est spes, maximeque propter suppetias, quæ fuit Harcurio ferendæ insignes. Tu, & PRINCIPVM OPTIME, ac meum dulce Decus, Vale. Parisiis, ix. Kal. Decembr. M. DC. XLVI.



## E I D E M.

**R**um tanta sit illa affectus erga me tui tenacitas, haud abs re deficiunt me verba, quibus exprimam, quo idcirco sensu arcanis in fibris afficior. Quæso solum semper ter-Optimum Numen, ne me patiat hoc amore, quem satis sentio hæere tibi in intimis visceribus, medullisque fieri indignum. Valeo iam, Deo propitio, melius, spēsque est, ut eius adspirante gratiā, vitæ satis ad id complendum, quod tua spectant, vota, supersit. Si quicquam sanè foret ex ipsa maturius discendere graue, illud esset potissimum quod non liceret tuæ de me expectationi facere satis. Seruet modò te incolumem Deus. Rerum nouarum nihil iam habeo; nam qui rumor quidem vagatur de quæstione nostris, Succisq; aduersus Cæsareos, Bauarōsque victoria, nulum habet certum, quem nōrum autorem. Quod heic perhibent de recessu Hispanici exercitus ab Ilerdensibus castris, potest tam tibi esse, quā nobis perspectum. Debes iam ipse esse complexus Melleræum, inclytum illum famæ Gallici nominis in Italico orbe vindicem; quando tanro cum fœnore res nostras in illo restituit. Vale; ô DECUS PRINCIPVM, ô dulce meum Decus, & Præsidium Vale, Parisiis, prid. Kalendas Decembris, M. DC. XLVI.

## E I D E M.

**R**osulus nimium amor tuus, cui mea valetudo tantopere cordi. Ea sit in dies corroboratior, donec memet domi contineo; ac interim laboribus, studiisque operosis parco. Dum supersit, quod mihi liceat tuum in obsequium profunderē; erit, cur cum fructu ingenti recuperatam putem. De lite quod rogas, Consules Vinenses, vel potius eorum primus *Iuranius*, Procuratorem Regium Aquensis Rationum Curia implorāunt; isque obstitit, ne illa heic gentium, ut poterat fieri, compendiosè dirimeretur. Itaque lis ad Curiam illam proximis diebus remissa fuit; eritque ea mihi isthæc agitata. Quod maxime doleo, est illa grandis iactura temporis, quod melioribus impenderem curis, ac potissimum, dum prouideo, qua me illi sint diuexaturi prolixitate, existente *Iuratio* litigiosissimo Mortalium, & totam istam camarinam non alio fine commouente, quā ut insignem iniuriam, qua me, Beneficiūque meum affecit, texisse videatur. Quin etiam doleo summo opere, quod postquam ad te, Deo propitio, concessum fuerit accedere, sit mihi continuò à tua illa iucundissima consuetudine discendum, ut hisce me occupationibus omnium importunissimis dedam. Verumtamen hæc vitæ fors, & rerum conditio. Cogitationes hæc ut mittam, & rerum nouarum ad dam aliquid, redux ecce in Urbem est ab æsterna usque luce Melleræus. Laborat Nemorosus Dux insolita quadam Apoplexiæ specie, à qua parum spei supersit: Princeps haud paruum, ut video, facturus sui desiderium, ac ista præsertim ætate, isto habitu corporis,

cui tale nihil videbatur timendum. Non confligere in Bauaria, ut ferebatur, exercitus; nec perseverat etiam rumor de Monaco à nostris obfesso. Perhibent tamen omnia semper prosperè nostris succedere; cum & hostium horreum Lansbergam occupauerint, & vnum, alterum-ve copiosum comæcatum interceperint, & hætenus hostes fluminis obiectu ab ingressu in propriam Regionem Bauariam prohibuerint. Aiunt aliunde Hassiacos Colonien- seis copias, quibus præerat Melander, fuisse. Elanguescit iam iterum quantum audio Pacis negotium; at nulla sanè illius facies noua, inopina-ve surgit. Nondum penitus inter Anglos, Scotosque conuenire scribunt. Addunt vereri Parlamentarios, ne Londinensis Civitas affectum in Regem resumat, memor nempe fœlicitatis, quam cum illo amiserit. Et sanè si illa à parte Scotorum Regem instaurare cum legitima auctoritate conantium staret; Parlamentarij haud-dubiè à præstituto exciderent sine. Tu, ô PRINCIPVM OPTIME, ac meum dulce Decus, Vale. Parisiis, VII. Eid. Decembr. M. DC. XLVI.

*Admodum Reuerendo, Doctissimo, Clarissimoque Viro D. GODEFRIDO VVENDELINO, Condatensi Canonico, Pastori Hercano, Amico longè Optimo,*

PETRVS GASSENDVS S.

**M**ensis est, plus minùs, OPTIME VVENDELINO, ex quo ad te scripsi Amico, quibus legendi tuam illam de *pluvia purpurea* historiam copiam feceram, expetiisse sibi ipsius exempla. Commisi subinde quod fuerat dignatus transmittere ad me meo Bibliopola, isque non modò curauit illud typis nouis exprimi, sed plurimis etiam, qui Latine nesciunt, rem pernosse cupientibus, Gallicam illius velut compendiosam edidit interpretationem. Mitto ad te proinde editionis vtriusque exemplum; testatus abesse Librarium, ut iacturam inde vllam experiatur. Mitti Latinum potuit ante quindecim, Gallicum ante octo dies, verum distuli, quo vsque licuerit opera eadem transdere, quam repetitis, feruentibusque votis tuis non potui negare imaginem mei. Vnà igitur illam iam transmittito; tu sic accipe, quasi nihil sit, quod tibi de me, si meæ sit opis, & quantum vis cogar, erubescere, polliceri non valeas. Vale, & me æternum ama. Parisiis, postrid. Eid. Decembr. M. DC. XLVI.

*Vere Nobili, Eruditōque Viro D. IACOBO ALEXANDRO TENNEVRIO, Patritio Parisino,*

PETRVS GASSENDVS S.

**A**Ccepi vnà cum literis Gergouiz Aruenorum datis tuam illam Disputationem Physico-Mathematicam, cuius me lectione recreare

recreate voluisti. Dicere profectò non possum, quàm me inirrisce delectarit, cùm suspendente animum acumine, nescio, an elegantia magis, eam sic prægustare non potui, quin, valerdine licet parum firma, vno tenore hauserim totam. Ecce interim tu es erga me ea bonitate, comitatéque, vt mihi hocce in argumento plenam messem deferens, tibi spicilegium dumtaxat attribuas? Inuertenda sanè hæc sunt, cùm & aliunde sint in meo illo alioquin patentiore campo, inanes solum spicæ enaræ; ager hic tuus, angustior licet, grauidis artibus canescat? vt verbo dicam, est cur exoptem rem fieri quamprimùm iuris publici; tum tui ergo, ita nihil est tua solertia non dignum tum mei, ita est honori ad stipulatorem tanto asseri; tum veritatis, ita interest, vt aduersum ingenia hæc simileis tui fautores habeat. Optimus ille nihil iteratò, quod sciam in me edidit; reputare autem par est fore vt si semel tuum istud quasi totius controuersæ coronamentum conspexerit; quidquid fortè illi præ manibus fuerit machinamenti dilabatur. Vale, Præclarissime Vir, ac me, quod facis, portò ama. Parisiis, postrid. Eid. Decembr. M. DC. XLVI.

LVDOVICO VALESIO, Principi  
Optimo,

PETRVS GASSENDVS  
Evdægen.

**A**buisse se omnia Massiliæ pacificè, ac pro tuis votis delectauit summopere. Vinam omnia semper tibi prosperè perinde succedant, euanescentibus perinde si quæ tuas aduersum curas fortè comparentur, consiliis. Demiratus sum tam breui momento, tam pugnantiâ fuisse tibi de Ilerdensi obsidione tenunciatâ, vt prioribus literarum versibus fausta scripseris, posterioribus infausta narratis. Subiit certè statim illa cogitatio,

*Ipsi dies quandoque Parens, quandoque No-*  
*merca.*

tanta est instabilitas, incertitudòque rerum humanarum. Iure interim, vt opinor, Amici tui vicem doles, cùm te, vtcomque se, qua de te hæret nemo, generosissimè gesserit; vicio tamen ipsi vertatur, quòd suapte sponte id negotij susceperit; & si qui in Aula ipsi malè affecti in illum sunt, anam declamandi in ipsum hanc habeant. An verò heine erit retardandæ pacis vel occasio, vel excusatio? Video iam certè de illa breui ineunda pene desperari. Quid, si Hispani hocce successu elatiores facti quidpiam insuper, nec infœliciter tentent? Meditari nempe eos aiunt obsidionem triplicem, Cortereaci (dicunt etiam aliqui Dunkerkæ) in Belgio, Plumbini in Hetruria, Balaguerij in Catalonia. Quid isti interim Dux Bavarie, quem morbo extremo laborare ferunt, diem obeat? Fortunet Deus nobis omnia. Tu modò, ô PRINCIPVM DECVS, Viue semper felix, & Vale, Parisiis, postrid. Eid. Decembr. M. DC. XLVI.

E I D E M.

**N**ihil sanè gratius mihi poterat, quàm quod est expressum tuis literis abs te, ac de te renuntiari. Ecquid enim possum audire iucundius, quàm & bene valere te, & facere te ea, quæ tueri constantem, diuturnamque valetudinem possint? alterum quippe præsentè bono, alterum spe futuri delectat, & cùm intersit te viuere, interest tamen magis valere. Forlicem diem, quo te subiti cogitatio eiusmodi, vt non modò pristinas illas lectiones repeteres; sed aliis etiam adhibitis efficeret continentiores. Scilicet & *γυμνασιον* nobilissima & *ὁ γυμνασιον* pars est; meritòque inter tria illa sanitaris tuendæ *ἀσκήματα* positam habemus *τοῦτον ἀσκήματιον*. Perge proinde, OPTIME PRINCEPS; memineris modò, quod est à Sapiente iam olim dictum, *ἡδὺν ὄραν*. Rerum nouarum vix aliud habeo, quàm quod perhibent Fœderatos inter, & Bavaros, Cæsareosque initum conflictum. Sterisse victoriam à nostris (quatuor millibus hostium cæsis) addunt; idque præter cladem non mediocrem à VVerthio mox antè acceptam. Sed id-ne totum verum sit, vadem me præstare non ausim. Cùm noluerint Sueci de pace Monasterij agere, ne videri possent quicquam cum Legato Pontificio habere commune; discessisse iam cæteros Osnaburgum memorant; futurumque, vt tam Cæsarei, quàm nostri eodem breui concedant. Fuere Hagæ ipsi Kalendis celebratæ nuptiæ inter Electorem Brandenburgicum, & Principis Auræci filiam. Ex Anglia nihil, quod sciam, noui, nisi quòd Farfaxius Londini exceptus aliqua cum specie fuit. Vale, PRINCIPVM OPTIME, Prædidum, & Decus meum dulce. Parisiis, XII. Kal. Ian. M. DC. XLVI.

E I D E M.

**N**illus hæreo, OPTIME PRINCEPS, quin quotquot hac vice literas accipies, obitum renuntient illustrissimi Principis, quem demum nudius-tertius sub horam nonam vespertinam sua illa, qua toties diuexatus fuerat, *καταστροφῇ* abduxit è viuis. Ipse casum commemo dumtaxat vt significem, quam tibi ob factam iacturam condoleat. Nimirum præter insignis illos Cognationis, Agnationisque quibus cohærebat gradus, tu te illum dicto, factoque sic amare testatur es, vt non possit tibi non relinquere singulare desiderium sui. Id me erigit, quod prouideo te tuam illam constantiam aduocaturum in subsidium, neque passurum vt animus, qui se hæcenus ad eò grandem, inuictumque aduersus tot alios luctuosos casus præstitit, ad renuntiationem huius deiciatur, soles quin-etiam sic omnia tela Fortunæ habere prouisa, vt istud præsternit te non fugerit, ob repetita identidem eiusce morbi symptomata; dicturumque proinde statim, ipso audito, haud-dubie sis,

*Hoc quoque percepi, atque animo mecum ante peregi.*

Et cùm sint, qui satis se accommodem, vt quod corrigere est nefas, patientiâ leuius faciant;

ciant; id tibi sapientius est moris, ut omnia permittens arbitrio æternæ Providentiæ, persuasus sis nihil posse melius, ut illiusque contingere, quàm quod illa (cui etiam casus capilli est curæ) dispensante contingit. An-non verò etiam id solabitur, quòd ille hæredem reliquit, Magnum, Celebremque Enguenium, qui-cum ut tibi hæcenus vehemens amor intercessit, ita est sanè impostero ardentior adhuc intercessurus. Sernet vos modò incolumis Deus Optimus in Nestoreos annos. Cum nihil sit, quod insuper rerum novarum abs me expectes; addo solum antecedente eiusdemmet diei, quo Condæus interit, manè natam fuisse Aureliano prolem, quæ si fuisset mascula, tum exclamare de hisce aureis Regiæ stirpis ramis licuisset, *vno auulso, non deficit alter*. Quia secus visum Superis, subiit saltem cogitare, quàm verè dictum ab illo fuerit,

*Nec nox vlla diem, neque noctem Aurora sequutæst,*

*Que non audierit mīstos vagitibus agris*

*Ploratus mortis comites, & feneris atri.*

Tu iterum Viue, & Vale, **DECVS PRINCIPVM**, ô & dulce meum. Parisiis, v. Kal. Ian. M. DC. XLVI.

### E I D E M.

**E** Aud est par sanè, **OPTIME PRINCEPS**, ut hanc labentis tacitè anni abire patiar originem absque votis ardentibus pro tua, totiusque Familiæ incolumitate conceptis. Causæ scilicet publicæ, priuatæque insignes sunt, ob quas interest saluum te, quam diutissimè superesse. Ac noui quidem singularem animi tui moderationem, non modò quod ad cætera, sed etiam quod ad ipsius vitæ diuturnitatem attinet. Verumtamen quod tuæ virtuti, id non perinde *ἀδιάφορον* illorum desiderio est, qui te, vt obseruantia, ita amore prosequuntur. Tametsi æquum profectò est, vt omnes vel tui exemplo permoti, nosmet admoneamus posse fieri, vt qui iam ineuntem annum vidimus, exeuntem non perinde videamus. Nempe, cum nobis in decursu vnus annorum, quem cœperimus desinendum sit, nemine vtimur sponfore, quo liceat nobis de hoc potiùs, quàm de alio esse securis. Nam quod plerumque Astrologi, cæterique id genus Vates annos tam facile largiuntur, impudentiâ, imposturæque intolerabilis videtur, sed querela hæc alterius est loci. Vtinam modò quæ tibi fausta, fortunatæque apprecor, Deus ter-Optimus concedat. Significauit mihi Neuræus, vt dignatus fueris ad meos illos scribere; sed isthæc nimirum familiaria sunt tuæ illius erga me beneuolentiæ argumenta. Rerum nouarum nihil pene habeo, nisi quod *Seruiensiu* Plenipotentiariorum nostrorum vnus simul cum vno ex Cæsareis accessere iam in Hollandiam, vt cum Marchione Brandenburgico de compensatione Pomeraniæ, quam Sueci ab Imperatore deposcere dicuntur, agant. Quod Vlmæ autem coituri nostri, hostiũque Duces feruntur, vt agant de induciis; id nondum satis perspectum est; vt neque

id quod Turennius millia hostium duo cecidisse dicitur; aliæque id igenus non-nulla. Quàm præclara interim sunt, quæ ipse de rebus Catalonicis, deque Harcurio ratiocinaris. Vale, **PRINCIPVM OPTIME**, ô dulce meum Decus, ac Præsidium Vale. Parisiis, prid. Non. Ian. M. DC. XLVII.

### E I D E M.

**Q**uæ anni noui occasione ratiocinaris, **OPTIME PRINCEPS**, eiusmodi profectò sunt, vt nisi te alia tam multa supra vulgus eueheret, possent abundè genium grandem & curantem quidquid dignum Sapiente, bonoque est demonstrare. Quam abundè appreciationem mei causâ instituis, ea est quæ nisi te abundè nossẽ, amplissimam fidem posset facere incomparabilis tuæ, bonitatis. At quam voluisti quasi appendicem literis tuis esse adiunctam, ipsa est, quæ pergit ruborem creare, adedò mihi continens est tuæ non modò beneuolentiæ, sed beneficentiæ quoque argumentum. Gratiã itaque quantam quidem maximam possum habeo; sed quæ tamen sit & tuo dono, & affectui, quo per-velim testatam facere gratitudinem impar. Tu, qui adedò confans in me demerendo obstringendoque perseueras, constantem saltem hunc affectum, quo esse non possit ardentior alter, acceptum habe. Habebis autem dubio procul, vt vel id mihi solatio sit, qui etiam priusquàm ad te veniam, in illud ipsum inciderim, cuius metu Socrates olim accedere ad Perdiccam rennuit. Rogatus nimirum cur id faceret, *ἴνα, ἵνα μὴ τὸ κακὸν ἀλὶθῶς ἀποδείξω*. Quod quidem declarans M. Antoninus, *πρὸς τὸν*, inquit, *μὴ εἰς πῦρ τὸ ἐμὸν ὡς τὸ ἀντὶ δὲ τοῦ σώματος*. Sed neque ego Socrates sum, neque tu is es, cui prona voluntas videri non possit superque, & satis. Viue, & Vale **PRINCIPVM DECVS**. Noui nihil attexo, quia nihil iam est, quod quidem ad te perficibi mereatur. Insultant semper Confœderati, dum interim hostes sese in interiora recipiunt. Negotium de pace nihilo promotius; neque inauditur adhuc, quid Seruiensiu penes Hollandos profecerit; pactis conuentisque conditionibus de daturis pecuniam Anglis, discessurusque ex Anglia Scotis, expectatur adhuc, quid Regi, de quo nihil est pactum conuentum, sit euenturum. Quid rerum Italia molietur; quid ex ea nuncietur ipse meliùs nôsti. Vale iterum dulce meum Decus. Parisiis, 111. Eid. Ian. M. DC. XLVII.

### E I D E M.

**E** Vre obstupui, **OPTIME PRINCEPS**, parem tibi fuisse hæc occasione, & cogitando animum, & conscribendis literis manum. Scitè dictum ab illo est, curas leuissimæ loqui, ingentis stupere; an-non ergo Sapientia fuit, quæ fecit, ne, perculsus licet grauissimo casu hæretes tamen attonitus, sed te ipsum statim tibi redderes, tuncque similis constares? Quippe fieri quidem non potest, quin tam acuto, validoque Fortunæ telo imperitus, inflicto vulnus senseris; at præsto tamen


fuit



fuit lenimentum, quo & dolorem temperare, & inducere cicatricem valueris. Sic age semper, OPTIME PRINCEPS, hoc est, paratus semper esto æquo perferte animo, quidquid setus Vesper sit demum venturus. Rerum novarum nihil est, quod sciam, nisi quoddam Princeps Aurajcus dicitur extremo laborare morbo; & Rex Angliæ extremo pene autoritatis detrimento. Rogarat nuper Parlamentum, ut liceret sibi Londinum circumvicinamve aliquam Regiam domum accedere, & qua de pace agere posset; at Parlamentum cavuit, ne de pace agatur; sed conditiones solum ad Regem, quibus subscribat transmittantur. Ac potest ille quidem si velit recipere se domum neicio quam viginti leucis Londino distantem; sed commoraturus tamen cum iis dumtaxat quos Parlamentum destinavit, & quatenus id ad salutem tum Regis, tum Regni conducere videbitur. Obscurius forte rem enuncio; sed illi non-nihil ambigue Decretum suum expresserunt. Quo sine, euentus docebit. Tu, O PRINCIPVM OPTIME, ac meum dulce Decus, Vale. Parisiis, xv. Kal. Febr. M. DC. XLVII.

*Admodum Reuerendo, Clarissimoque  
Viro GODEFRIDO VVENDELINO, Condatensi Canonico,  
Pastori Hercano, Amico longe  
Optimo,*


PETRVS GASSENDVS S.

 VI. quàm fuisti, mi VVENDELINÆ, circa Eclipsin nuperam felix! Ecce enim contigit nobis Telescopio attendentibus, pluvia opportunè cessante, attenuatisque nubibus illius Initium hora 8. min. 8. Procyone videlicet alto 32. grad. 45. min. & statim 32. grad. 50. min. ac Ioue 33. grad. 45. min. Finis autem hora 10. min. 16. Corde Leonis nimirum alto 35. grad. 50. min. ac statim post, Cervice Leonis, 40. grad. 25. min. cum & statim ante fuisset altitudo Cervicis 40. grad. 10. min. Cordis 35. grad. 45. min. De interceptis Digitis nihil admodum certi adnotare licuit, ac ne potui quidem præcisè æstimare quantitatem maximam, quoddam densæ præsertim per id tempus nubes non permiserint limbum obscuratum vllatenus discernere; adeo ut dicere solum possim, constitisse Eclipsin infra disci dimidium; neque accessisse, nisi ad Digitum præterpropter quintum. Cætera prætereo, ut cœpisse Eclipsin in parte limbi infima (sive minimam vergendo ad dextram, hoc est in Meridiem) qua parte terminabatur linea per mediam faciem *Homuncionis*, ac Lunæ centrum concepi ducta; hoc est, qua parte Langerenus noster habet *Sandriam maculam*, desisse autem ad limbi dextram, octoginta proximè gradibus, nempe qua parte circiter, Langerenus reponit *Carolum Lotharingum*. Prætereo hæc, inquam, ut subiiciam voluisse me aduigilare, valetudine

licet nondum firma, ut attendertm; si qua Luna occultatura Iouem foret. Occultauit portò parte superiore, ac subiit illum margine, circa Telescopium conspicuo, hora 14. min. 10. Arcturo nimirum ad Ortum iam alto 39. grad. min. 5. Cum Telescopio verus margo tantum adhuc à Ioue abesset, quantum est dimidium longitudinis *Cassie* maculæ, ut reputare exinde liceat, quantum per Plenilunium, noctæque intempesta, lux illa spuria nobis imponat; quantumque æquo citius ineunte Eclipsi spurius ille margo temerari incipiat; & exunte tardius desinat, quàm verus, atque adeo quantum potuerint Maiores nostri Telescopio destituti hallucinari. Verum spectata Telescopio Luna cœpit denique occultare Iouem, Arcturo alto 40. grad. 17. min. sive hora 14. min. 17. Desiit verò Ioue, nempe viso ad Occalum emergere, Arcturo alto 46. grad. 55. min. hoc est, hora 15. min. 0. seu hora matutina diei XXI. tertia. Pars autem limbi, qua Iupiter mirè est visus, fuit è regione medijs illius quadratuli lucidi quod est ad dextram cuspidis niuæ, sive qua parte Langerenus reponit *Sinum Principis*; quæ exire, è regione genæ sinistrae *Homuncionis*, sive aliquantè supra maculam Langereno *Hugeniam* vocatam; exitu distante ab initu, gradibus 72. Expendes ipse singula, quæ ego mitto iam supputare. Adnoto dumtaxat occultationem Martis à me in hac vrbe obseruatam, descripramque ad calcem *Mercurij in Sole visis*, fuisse ad eandem planè regionem, & Iouiali ista perparum minorem. Quippe initu, exituque intra huiusce limites proximè heinc inde contentis; completentibusque circumferentiæ partem non septimam solum, verum etiam sextam, ut tunc adnotavi. Vale, OPTIME VVENDELINÆ, ac me, quod facis perpetuum ama. Parisiis, VII. Kalendas Februarij, M. DC. XLVII.

*LVDOVICO VALESIO, Principi  
Optimo,*

PETRVS GASSENDVS  
Evdædæten.

 ERSPICIT abundè sagacitas tua, quo dicere sensu cum Sapiente poterim, *Nibi esse sub Sole nouum. Quare* & lubens tibi subscribo, dum argumentaris noua esse omnia, ob continentem, quæ in rebus obseruitatur, mutationem. Nam verum quidem est rerum Summam eandem generatim constare; sed verum est quoque, singularem rerum circumstantias in dies variari. Non potest res graphicè magis, quàm abs te est factum, circa mores exprimi; adeo mihi sum visus illud Poëtæ audire,

*Dissidet ambiguus semper mens anxia vortis,  
Nec voluisse homini satis est: optata recusar;  
Esse in honore placet; nunc displicet, & dominari.*

*Vt possint, simile volunt, &c.*

Ad Naturam verò quod spectat, non sola sanè lucernæ

lucernæ flamma perseverare eadem visa, alia, aliâque semper est. Non solus fluvius habitus idem, ex aquis tamen indefinenter succedentibus, rusticôque frustra expectante, dum defluant, constat, vt proinde Heraclitus iure dixerit, *eundem fluxum bis non transiri*, & Cratylus adiecerit, *ne semel quidem transiri eundem*; quando secundam partem transeundo, prima iam dilapsa, tertia nondum allapsa est. Ipsi nos quoque in pari fluxu propter nutritionem versamur; & quod ferunt de Naui Argo, in qua tabulis sensim substitutis, nihil non nouum fuit cum Græciam repetiit; quod de populo quolibet, in quo nemo non alius post centum annos interuenit, id ipsum potest & de nostrum vnoquoque existimari; quando licet iidem senes dicamur fuisse, qui iuuenes; ob particulas tamen nostri abscedenteis, accedenteisque, tales sensim euadimus, vt iidem dici, nisi, quod aiunt, æquialenter non possumus, sed hæc vt mittam, addam-ne cum ante annos nouemdecim obseruassem istheic Lunarem Eclipsin die Ianuarij xx. obseruasse me heic nuper eadem die aliam, cuius Initium cõtigerit hora 8. cum minutis 8. Finis hora 10. cum minutis xvi. Quantitas autem accesserit ad Digitum proximè quintum. Rerum nouarum nihil adicio, nisi quòd Consobrina tua Longavillæ Vxor discessisse iam Monasterio debet, vt Parentem superstitem consolatura in urbem redeat. Quod Matchio Brandemburgicus abiisse ex Hollandia ante duodecim dies dicitur propter vtriusque Pomeraniæ, de qua Monasterij, Osnaburgique agitur, negotium; quod scribunt conuenisse demum Hispanos inter, & Hollandos; sed Vltraiectionis Prouincia excepta; conditioneque apposita, si modò cum Gallis conueniat. Superest pergenti ad Comitatu tibi, itum, redditumque appretet facilem; exorémque, vt quando illa Draguiniani es habiturus, haberi ratum id iubeas, quod semel de meo Arnulpho statuisti. Vale, PRINCIPVM OPTIME, Præsidium, & Decus meum dulce. Parisiis, viii. Kal. Febr. M. DC. xlviii.

*Clarissimo, Sapientissimoque Viro D.  
IOANNI HEVELIO, Dantiscanæ Republicæ Paleopoleos Scabino,*

PETRVS GASSENDVS S.

**E**Xcedebat superior annus, cum tuas accepi literas perende Eiduum Nouembris datas. Reddidi statim, quas adiunctas reperi optime Merlenno, qui & illicò responsionem ad te transdendam consignauit. Distuli verò mittere, quòd essem meam attexturus, vt significarem vnâ operâ, si quam Eclipses nuptæ exsequerer obseruationem. Nunc autem demum quia bona sorte ea mihi tota non periit, Initium, atque Finem do; quantum per Cælum licuit (quòd tota die pluuium, & ad tempus vsque Eclipses inuisum, iis tamen momentis potuit conspici) quantumque

per meam valetudinem (quæ est iam toto anni besse parum firma) attendere graue non fuit. Itaque cœpit nobis Eclipsis die huius mensis xx. hora 8. min. 8. ex altitudine Trocyonis 32. grad. 4. min. Desiit hora 10. min. 16. ex altitudine Reguli 35. grad. 50. min. Maximus defectus definiri præcisè ob densitatem nubium non potuit. Addo porrò Eclipsin Iouis post aliquot horas à Luna contacti. Subiit scilicet illum Luna parte sui Borea, Arcturo alto 40. grad. 17. min. seu hora 14. min. 17. dimisit Occidua, Arcturo alto 46. grad. min. 55. seu hora 15. min. 0. cum interstitio graduum in ipso Lunæ margine 72. Mitto dicere vtramque Eclipsin, quatenus designatur heic, spectatam Telescopio fuisse. Expecto quid tu de vtraque; ac suspicor quidem posteriorem istheic nullam fuisse, operæ tamen pretium erit, nosse quantum Luna infra Iouem transierit, si fuit à te quidem distantia illa proxima adnotata. Saluere semper quàm maximè clarissimum Eichstadium iubeo. Discessit Bulialdus Bizantium; vtinam eò sospes peruenerit, illeicque Eclipsin obseruaret. Tu quàm optime semper Vale. Parisiis, viii. Kal. Febr. M. DC. xlviii.

LVDOVICO VALESIO, Principi  
*Optimo,*

PETRVS GASSENDVS  
*Euaesit.*

**E**Ximiè nosti, OPTIME PRINCEPS, qualis Iberorum sit genius; at damno certè suo iam nòrunt, non esse Gallos ita leues, quin, sicut possunt quærere, ita sciant parata tueri. Faxit modò Deus, vt quas mari, terræque copias in illas Hetruriæ arceis comparant, eludamus; ac sponsores propè demum, fore, vt ab iis, quas obtulerant conditionibus non referant pedem: nempe consilij inopes sint, nisi agnoscant, vt hæcenus nihil sibi æquè nouit, ac melioris Fortunæ spes; ita euenturum, vt in ea persistentes, detectore semper conditione sint; ac fortè quoque sibi malum denique maximum accetant. Nondum rediere Longavilla, & Trantmandorsius Osnaburgo; spēsque est, vt priusquam redeant pacis negotium Cæsarem inter, Suecòsque, & nos valde promoueat. Quàm putas id verò vrget Bauarus, dum videt milites tam suos, quàm Cæsarianos grassari iam in superiore Palatinatum! Scilicet eò digressi sunt, traiecto Ingolstadij Danubio, dum terga vertunt nostris, Succisique, qui interim capto ad lacum Acronium Constantiensē-ve Bregentio, perhibentur Lindauium quoque, quod oppidum est munitissimum, Breui occupaturi. Acepi heri tuam illam Illustrissimam Consobrinam non tam maturè discessuram, quàm spes, rumorque fuerat; quòd se prægnantem comperit, nec se credere itineri ausit. Ex Anglia nihil habeo hac hebdomade, vt se res tamen nuper habebant, verendum est semper, ne omnia Regi optimo pessimè vertantur.

Significauit

Significauit mihi Neutens fuisse te tandem ad Comiticia posttridie tuarum discessurum. Dicere interim non ausim, quanto ille semper affectu literas de te suas compleat, quanto candore de te sentiat; quanto cultu te veneretur. Potes tu nempe id coram nosse. Vale, **PRINCIPVM OPTIME**, Vale ô Decus meum dulce, Parisiis, Kalendas Febr. M. DC. XLVII.

## E I D E M.

**N** Vllas hac vice literas, neque optimus Abbas, neque ego isthinc habuimus, quod Cursor partem fasciculorum reliquisset Lugduni dicatur. Sed bene est, si modò tu, & quos ipse amas valetis. Rerum nouarum vix quicquam est, nisi quod Turcæ nuncios exit recens à Cæsare, vt pedestrem traiectionem ad ditionem vsque Venetorum liberam faciat. Obsidetur semper Lindanum à Confederatis exercitibus. Agitur adhuc de negotio Brandenburgici Electoris. Euicit apud Hollandos Seruientus, vt quod iam pene cum Hispanis ratum fecerant, infirmetur. Qui missi Londino ad expiendum Regem à Parlamentariis fuerant, creduntur iam illum deducere Hombeium, Regiam nempe domum, leucis Gallicis viginti Londino distantem, vbi commoraturus sit, quomodo, & quamdiu Parlamento commodum erit. De quodam negotiolo ad me attinente vt quidpiam attexam, cum diebus proximè elapsis nobilis Riantij Baro de Romularum Prioratu sermonem haberet cum Puteanis Fratribus, admonitus ab illis fuit, factam coram Vice-legato resignationem inualidam esse; quod Beneficij collatio ad Letinensem Abbatem spectet, & Celsissimus Contyæus Princeps Indultum habeat Cardinalitio par, quo talis collatio ipsi vindicetur. Itaque & ipse, & illi, amicique cæteri in id consentire, vt Beneficium huiusmodi meo nomine peteretur; ac tum illustrissimus Præsul, Parisiensis Coadiutor, rem communicauit cum Celsissima Heroïna Matertera tua, tum optimi Patres Petauius, & Burdinus de eadem egerunt cum Celsissimo Principe; tum Burdelotius, vt faceret fidem, quantum tu me ames, quantumque proinde res grata tibi futura esset, habere quasdam voluit ex tuis ad me literis, illamque delegit in qua præclare adeo testatus es luctum ob mortem Celsissimi Principis, quamque & ipsi Principes, & plerique alij sunt iure admirati. Vt paucis dicam, res hæcenus pro amicorum voto successit; ipsæque tibi illam insinuo, vt nisi incommodum sit, digneris Epistolia abs me reddenda transdere quibus tam Celsissimæ Materteræ tuæ, quam Celsissimo Conso-brino testatum facias factam rem ab ipsis erga me, tibi gratam fuisse. Videlicet tum nomen tuum, quo mihi iure merito gloriari licet, interuenit, tum alterius opem, quam tuam testanda gratitudini, cui sum planè impar, implorare non possum. Vale, **PRINCIPVM OPTIME**, ô & Præsidium, & Decus meum dulce, Parisiis, v. Eid. Febr. M. DC. XLVII.

Gassendi Epistola.

## E I D E M.

**S**cribebam nuper, **OPTIME PRINCIPES**, eatenus probe successisse, quod de Romularum Prioratu Amici certatim curarant. Bullam quoque mihi deinceps Celsissimus Princeps iam concesserat; supereratque vt de adeunda possessione prouideretur; cum ecce subortus Indultarius est, qui & amicorum conatus, & Principis gratiam elusit. Nempe illius Priuilegium quæsito mihi iure est potius; & vtrumque Amici sustinendum velint, donec vt se habeant illius acta confiteri ipse tamen ab vsque initio pollicitationi Fortunæ diffusus, nihil est quod sperandum ducam. Non me interim res admodum mouet, qui etiam identidem Amicis optimis opposui, quod est præclare ab illo dictum, *Cur à fortuna potius impetrem vt des, quam à me petam?* Ipsissimum hoc exarabam cum tuas accepi literas, sub mensis initium Draguiniani datas. Quam putas verò sum demiratus, te in salo hoc negotiorum tanto, delibrare posse quidpiam temporis, quod siue Philosophiæ, siue conscribendis literis impendas. Me quod atinet; habeo etiam gratias, si, quovsque redux in Vrbe euades, intermittere hanc curam digneris. Sanè & quas nuper expetij, ad Celsissimos Principes, adierunt satis temporis, si modò à te fuerint non incommodo tempore conscriptæ. Porro, vt quid noui habeam, iam perscribam; perhibent ecce nuncium illum à Turca ad Cæsarem missum, poscere ab eo reliquiarum nomine trecenta auri dolia; hoc est vt puto, trecenties centum millia triginta-ve miliones Turonicarum vt vocamus Librarum. Constat semper obsidio Lindanensis ad lacum Acronium. Negotium illud Electoris Brandenburgici circa vtramque Pomeraniam absolutum iam dicitur; atque adeo potest Germanica pax censei admodum promota. Fecere Hollandi insectum, quidquid cum Hispanis actum fuerat; & cum Plenipotentiarius Hispanus ad illos accedens, vix abesset iam sextum lapidem, missi sunt, qui illum pergere ulterius prohibuerint, ac reduxerint Monasterium vsque. Nondum accepi Rexne Angliæ Hombeium deductus à Parlamentario comitatu fuerit; audiui dumtaxat recuisse illum eò contendere, ac elegisse pari potius non inultum violentas manus, quam amittere sponte libertatem. Tu, ô **PRINCIPVM OPTIME**, ac meum dulce Decus, Vale, Parisiis, xv. Kal. Mart. M. DC. XLVII.

*Verè Nobili, Eruditoque Viro D. IACOBO ALEXANDRO TENNEVIO, Patricio Parisino,*

PETRVS GASSENDVS S.

**S**cribere distuleram ad binas illas literas, quas Fratres tui Nobiles, atque per-humani, abs te reddiderant, quod vsque ad manum iterum habeream tuam illam *Disputationem Physico-Mathematicam*, in qua

Z



qua scribis te lapsum agnouisse. Cum illorum itaque alter ipsam superioribus diebus ad me referre dignatus sit; facio ecce satis prima occasione, pelleſto rurſum opere, ac iis maximè Corollariis, circa quæ es ſubodoratus, quid tibi Cazarus reponere valeat. Porro non quadrant quidem ſpeciatiim, & niſi facta accommodatione, Corollaria huiusmodi ad factam continuò, æquabiliterque accelerationem; ſed nimirum tu deſiniendum quid eſſet motus æquabilis, æquabiliter-ve acceleratus, non aſſumpſeras; verum quid eſſet alterum motum eſſe altero velociorem; quod potuit ſaltem *ad hominem* (vt facturus deinceps eras) argumentando uſurpari. Quamquam, cum iſta aut ſimilis ſuppere exceptio poſſit; tui profeſſo erit candoris, ſi quid ſuperſit ſcrupuli, fateri ingenuè excidiſſe tibi præ feſtinatione membrum alterum argumento accommodatus. Videlicet, vt bona fide, per quam homines nos eſſe agnoſcimus, nihil poteſt præſtabilius, laudabiliuſque reputari; ita & lucro eſt deputandum, quodd vel nobis inſenſi rectum quid admo- neant, vt ſi quid hiet, ſi quid præuberet, ſi quid amuſſis vt ille ait, deliret, emendare valeamus. Facies tu hoc verò, detrimento tantò minore quāto in te ipſe ius dicens, hoſtem præuenies, & alioquin præoccupaturum, exarmabis. Quod alter ille, cuius mentio à noſtro Merſenno eſt facta, adnexus iteratò ſit offendere emenſa decidendo ſpatia æqualibus temporibus non numerorum imparium, ſed vnitatum ſeriem inire, tradita tibi lampas iam eſt, vt hunc quaſi curſum abſoluas. Ego certè, quantum nunc quidem per inualetudinem licet adhibere animum ſtudiis, ita diuertor ad alia, vt ad hæc curas reuerti, ſi velim, non poſſim. De Caramuèle, & Rheita quod rogas, reſcripſi quidem ad priorem, poſtquam iterum illam meam Velitationem edidit; verum priuata literæ fuerunt, quibus aliud nihil conſtatutum ſum, quā vnicam aduerſum me valere experientiam poſſe; nempe ſi *quinque illi Errones præter Medicos inducitur, circumpoſiti etiam circum-cuntesque Iouem deprehendantur.* Nihil ad hoc reſponſi datum; ſed interim optimus Rheita volumen ingens edidiſſe de Cæleſtibus rebus dicitur, titulo *Oculus Enoch & Elia*, ac in eo tum fuiſſe conqueſtus egiſſe me præpropere, tum edixiſſe mihi iam ſatis à Caramuèle fuiſſe reſponſum. An verò ſibi experientia ſuffragaretur, ne verbum quidem. Tu & bene Vale, & me ſemper ama. Pariſiis, xi. Kal. Mart. M. DC. XLVII.

LVDOVICO VALESIO, Principi  
Optimo,

PETRVS GASSENDVS  
Evdæſten.

**D**Ebet iam eſſe adhibita extrema Comitiſ manus: vtinam verò pro tuis votis. Quam tu es cauſatus ab illis abſentiam, ipſe

demiratus non ſum, qui geminam illis fuiſſe cauſam putarim; alteram videlicet ſtandi promiſſis impotentiam; alteram inuidiæ conſlandæ occasionem. Futurum fuerat, vt Princeps Condaus Conſobrinus tuus in Italiam contenderet; ſed ecce iam in Cataloniam, reuocato Harcurio, concedet, Nempe, vt exercitui Pedemontano Carinanius; ſic nauali imperitabit Princeps Mathias, quem eſſe noſtri Magni Hærruræ Ducis germanum. Erit porro breui Condaus ad expeditionem accinſus. Quippe mandauit Comitatu, vt ſe comparet in Nonas menſis inſequentiſ. Futurus dicitur in Flandria ſub Aureliano Princeps Nemurius (quem recidiſſe audio in morbum valde periculoſum) vni cum Gaſſione, & Rantzouio, illeſicque propugnando potiùs, quā impugnando conſtitutus. Subſcribi debuit pactis conuentis inter Brandemburgenſem, & Suecos, Eidibus ipſis huiuſce menſis; & quæ poſtremæ Olinburgenſes, Monafterienſeſque literæ id habent, maximam nobis, ſi quam vnquam Germanicæ pacis ſpem faciunt. Sunt certè, qui fore eam citiùs perfectam, quā expugnatum Lindaium putent. Tu, ô PRINCIPVM OPTIME, ac meum dulce Decus, Vale. Pariſiis, VII. Kalendas Martij, M. DC. XLVII.

E I D E M.

**Q**uas dignatus es dare literas ad Sereniſſimos Principes, vni cum datis ad me accepi. Habeo verò tibi pro illis immenſas, qualis & debeo, gratias; ſœlix, niſi eas ſcribere mediis in negotiis fuit importunum. Non reddidi ipſemet illas, quoniam proximis hiſce diebus fui vnde timerem, ne in meam illam inualetudinem reciderem; vt proinde necesse fuerit, ac etiam-num ſit, me aliquantisper continere domi. Commiſi tamen eas Burdelorio, qui ſe redditurum, & captata quidem per-oppurtutha occasione recepit. Nondum reculit fuiſſe redditas; non hæreo verò quin pro eo, ac meritis ſint expiendæ. De reditu quod ſubſinuas, nihil mihi ſanè magis eſt cordi; ita ardentè expeto ſtatim atque Verna temperies, meaque valetudo fuerit confirmata, ad te conuolare ſpero id autem, Deo propitio, non longè ab ipſis Paſchalibus fore. Dicebatur heſterna luce Nemurius è viuus proximè exceſſurus. Scribunt aliunde Auracum ad Æquinoctium vix peruenturum. Verſatur adhuc illeic Seruientus, & vt aiunt quidem, re nondum conſectus. Oſtendit Capellanus à Longavilla literas, quibus pax cum Cæſare, Hiſpanis nequicquam obſiſtentibus, promotior in dies fieri perhibetur. Conditionibus inter Suecos, & Brandemburgenſem ſubſcriptum; appoſitumque, non niſi parta generali pace, eſſe valituras. Accepimus hodie literas Nanceio, quibus ſcribit Luillérius non eſſe Lindaium à Sûecis obſeſſum; & præterque tamen ſunt alia, quæ ſingularis obſidionis circumſtantias renunciant. Recepit ſe, & quod ſuperſt, hie-mat Turannius in Wirtembergæ. Debet iam

Rex

Rex Angliæ petuiffisse Hombium. Libertate excepta nihil-non honoris à Proceribus Anglis exierit. Aiunt, cum ex eo quæretur, an-non cum Anglis degere, quàm cum Scotis duceret sarius, respondisse, malle se sane cum ipsis sui temporibus, quàm cum venditoribus esse. Tu, ò PRINCIPVM OPTIME, ac meum dulce Decus, Vale. Parisiis, Kal. Mart. M. DC. XLVII.

## E I D E M.

**N**Eum immortalem! OPTIME PRINCIPVS, sic affici te, quod mihi fortunam non videre existimes, vt rotis penè lueris nihil aliud, quàm conqueri de iniquitate illius videaris! Ego sane tuum illum tantum erga me affectum suspicio, & exofulor; interim autem neque mihi non aridere fortunam duco, quæ hæcenus mihi non paucarum rerum, quas pro tute suo absportare posset, vsuram permittit; neque vllam prorsus iniquitatem eius agnosco; quæ mihi nihil pollicita, rea agi non potest, quod non ster promissis. Ipse sum potius in eam iniquus, dum vt Amicis gratificet, fores illius importunè pulso; adeò proinde, vt, si repulsam patiar, debeam non ipsam nimis austeram, sed me instituti parum memorem, parum quoque tenacem, causari. Verùm ne tibi plura de me (nisi quod nondum valeo melius admodum, quàm ante octiduum) Dictus fuerat Condæus Princeps discelsurus initio statim insequentis hebdomadis; nunc autem eius finem dicitur esse expectaturus. Sarcinas interim præmisit ab vno, aur altero die; transiurūque per Burgundiam (neque illic mulrum commoraturus temporis), accessurus in Catalonia ipsi Paschalibus perhibetur. Scribunt Monasterio, agi iam negotia tum Lant-grauia Hassiæ, tum Palatini Comitibus; ac in eo esse, vt quàm-primū sint coronidem adeptura. Cogitant interim Hispani, quid ad quinquaginta plus minus, quas ipsis proposuimus, condiciones sint responsuri, quodque potissimum queruntur, induciæ sunt, quas Lusitanis partas, ratasque volumus. De Anglo aliud nihil audio, quàm esse ipsi charta, calamōque interdictum; neque ipsi aut famulos, aur custodes alios, quàm à Parlamento scriptos, adesse. Tu, ò PRINCIPVM OPTIME, ac meum dulce Decus, Vale. Parisiis, postridie Nonas Martij, M. DC. XLVII.

## E I D E M.

**Q**Vam verendum semper, ne quod subnereris de pace, sit nimisquam verum! Ecce enim cepit hebdomade hac quæ spes illius superiore incalcebat, decalcescere; adeò nihil videtur lucis, nisi exstinguendum, exhiberi. Dicitur Condæus quarto ab heinc die Regi, ac Reginæ vale dicturus; vtcumque deinceps dies aliquot commoraturus in Vrbe sit; inaudiōque eius germanam paucis post diebus aduenturam. Obsidetur semper Lindauum, cepitque in

*Gassendi Epistola.*

terea Turennius Tubingam. Traicere Rhe-num Lorching copiar, accessuræque Landgrauio Darmstadtensi auxiliares dicuntur. Constat semper Anglus in eo, ne aur abrogationi Episcopalis ordinis, aut eorum, quos est expertus fidos, patriūque tenacis, damnationi subferbat. Hæc publica; ad me quod spectat, aliquantò melius Deo volente habeo; scilicet dum me in lecto coniceo, crudus ille, ac acerbus humor longè iam decoctior, mitiorque euasit. Tamen si portò proximis diebus prodire ipse foras non potui; non desisti nihilominus eò per amicos incumbere, vt Draguinianense negotium, quod in mei gratiam, pro tua singulari bonitate occæperas, auctoritate demum Regia postemam acciperet manum. Illustrissimus nempe Cancellarius id me exoptare non nescius, cauere voluit Placito quidquid visum iam fuerat optimo Campinio cauendum, inò & censuit quædam amplianda, quæ vixdum ille indigirarat. Experij potè ita fieri, non tam profectò quodd me illius Arnulphi aliquid interfit, quàm quia agitur de rato præstando, quod ipse constitueris; de protegendo viro, quo in ea Vrbe neque fideliozem, neque cordatiorem habiturus sis; confirmandis partibus, quas sis probaturus, factione opposita multis nominibus potiores. Exhibebit tibi Placirum Campinius, vt plenius agnoscas quid id rei sit; neque interim opus est, vt si quid in illo exsequutioni demandando auctoritate tua indigeat, rogem te, vt annuas, fauæque. Vale modò, PRINCIPVM OPTIME, ò meum dulce Decus, ac Præsidium, Vale. Parisiis, Eid. Mart. M. DC. XLVII.

## E I D E M.

**N**Alco in dies melius, Deo bene propitio, speroquæ semper fore, vt sin post dies à Paschate non multos ad discendum comparatus. Scilicet hoc vnum mihi est in votis, vt possim tandem itineri discrimine nullo me committere, & natale solum reperiens, tuos simul in amplexus ire. Non possum certe fando explicare, quanto me rubore suffundant, quantoque simul sensu permoueant repetitæ illæ, & sinceri affectus plenissimæ inuirationes, in quas, vt si aliquis forem, vt si tecum essem ex pari, tua bonitas est adeò profusa. Ad res nouas quod attinet, dicitur denique Condæus luce crastina discelsurus. Quod scribebam Kalendis mensis Auracum Principem non producturum vitam ad vsque Equinoctium, euentu ipso est comprobatum, nimirum occubuit Hagæ biduo ante Eidus; illas, inquam, Eidus, quæ venere quidem, sed non excescere, saluo Cæsare. Aiunt Hollandos interim non conuenire neque de eo, cui dignitas eadem Imperatoria deferatur, neque de pactis conditionibus cum Hispano ratis habendis. Ferunt Bauarum in eo esse, vt pacem nobiscum seorsim ineat, ac induciarum negotium, de quo agitur Vlmæ, probè succelsuram. Turennius interea, relicto Tubingæ præsidio validissimo,

Z 2

reperiisse

repetiisse dicitur Danubium. Tu, ô PRINCIPVM OPTIME, ac meum dulce Decus, Vale. Parisiis, XI. Kal. April. M. DC. XLVII.

## E I D E M.

**P** Ræter literas, quas ad me tua bonitas est dare dignata, accepi etiam alias ad Riantij Baronem conscriptas. Plenissimæ priores sunt continentis illius tuæ de mea valetudine sollicitudinis, & sinceri illius desiderij, quo meum reditum præstolaris. Dolui id egisse veterem Amicum, quod tibi displicerit; sed est iam quod gaudeam, fuisse tibi factum in Aula abunde, & satis. Ad posteriores quod attinet, ago sanè tibi quam maximas possum pro tam effuso affectu gratias, verum quæso simul, ne id improbes, quod cepi de ipsis, & deque Alliandi literis minimè reddendis consilium. Quippe non sustinui Baronem in eas conicere angustias, ut aut mihi, tibi-ve potius, quod posceretur, denegaret, aut ex consanguineo id exigeret, quod detrimento ipsi foret. Satiùs mihi longè, faciliùsque fuit id negligere, quod in meam rem esset, ac semel abiectam non resumere habendi beneficij curam. Succurrit mihi semper illud, *Satis multa bona habebimus, si timuerimus Deum*; ac interim Dei in me benignitatem exosculor, qui in re tenui animum paucis contentum est largitus. Non tam proinde illum precor, *det vitam, det opes*; quam ut mihi patere, seruareque pergat æquum animum, quo ut equadam ditiôr, non diuitiis addiciendum, sed cupiditatibus detrahendum censeam. Habebis heic Exemplum Odes, quod Capellanus, optimus ille, ad te destinandum mihi consignauit. Rerum nouarum vix quicquam habeo; nam Condæi quidem discessum, quo prædixeram nuper die, ipse abundè noueris; & quod Generalis Tritemium Præfectus clam non Amita modò, sed domesticis etiam suum ad officium discesserit, diu te latere non potest. Pacis negotio remoram iniicere Sueci dicuntur, quatenus vt superior etiam Palatinatus restituatur, instant; Konismarkius inrerim, & Hassiaci cepere Kirchesium. Aiunt obsidionem Lindauij solutam, & pacis tandem Vlmæ inducias. Consensere Hollandi, vt Filius Aurajci Principis iisdem omnibus, quibus Parens muneribus, iuribusque poritur. Quòd Angliæ Rex in eo pergat, vt nolit neque in Religionem, neque in Amicos suos peccare; Parlamentum esse in eo perhibetur, vt seueri nescio quid sanciat. Tu, ô PRINCIPVM OPTIME, ac meum dulce Decus, Vale. Parisiis, IV. Kal. April. M. DC. XLVII.

## E I D E M.

**P** Ecrudivit tantillùm, qui me vexat humor; sed & breui post maturescere non nihil occæpit. Ita fiet demum, vt Deo propitio, post tentamenta varia sensim infirmata penitus mitescat. Vergit eò semper mea spes summo animata desiderio, vt ad te

quam-primùm & discedere, & peruenire incolumem liceat. Delectauit summopere fecisse me rem tibi non ingratam, cum sum adnexus negotium illud Draguinianensè promouere. Sunt interim verò immensæ, quas tibi ob tantum fauoris in re exsequenda præstiti, debeo gratias. Id profectò Neurus quoque cum insigni affectus tui testatione ad me perscripsit; ipsèque interim sum ex eo fœlix, quòd & illum talem, qualem tu describis, amicum experiar; & tu ea bonitate sis, vt testimonium dicere amoris illius erga me digneris. Ad publica quod attinet, debes ipse iam in procinctu esse, vt Condæum Principem per ipsa Prouinciæ confinia transeuntem conuenias. Aurajcus Princeps pro ætatis seruiore, ac genio familie, aliud nihil, quàm Martem spirat: sed Federati Ordines maiori ex parte non adhibent aurem. Vrgent continenter Suecici Ministri rem difficilem, vt nempe fiat penitus fatiatum Palatino Comiti, tum Hassiacorum Land-grauiæ. Scribunt Vlmensibus Arbitros conuenisse, vt Bavarus in neutralem statum admittatur; ac rati habitionem heinc ab ipso Bauaro, inde à Longavilla in dies expedari. Addunt illius exercitum ea ratione iri dimissum, vt sit ad Venetorum copias aduersus Turcam accessurus. Haud difficile quidnam interim cogitare Cæsar valeat, diuinare. Anglus in iisdem semper angustiis; futurum enim erat nuper, vt Angli, Scotique Legati coniunctim cum eo postremum agerent de subscribendo conditionibus, quarum hæcenus memini aliquoties. Tu, ô PRINCIPVM OPTIME, ac meum dulce Decus, Vale. Parisiis, Non. April. M. DC. XLVII.

## E I D E M.

**P** Ergit mihi mitescere, Deo bene propitio, importunus humor; ac neque iam tussis adeò aspera est, neque expectoratio adeò difficilis; neque respiratio adeò vehemens, neque oris sermo adeò laboriosus. Videor mihi proinde, Numine fauente, esse in proclui, vt in meliorem statum restituar; sicque possim breui in procinctu esse, vt quod pergis expetere, valens non malè, ad te redeam. Rebar nuper scribès ad te, esse te in eo per id tempus, vt legentem tunc confinia Prouinciæ, Condæum Principem conuenires; verùm id, vt accipio, biduo iam ante præstiteras; adeò ille supputationem vulgarem dierum, ac itinerum suâ præuerrere diligentia solet. Ex Aula nihil habeo noui, nisi quod Aurelianus hæsterna luce cum Coniugè ad Aquas Borbonias discessit. Quod superest, constans habetur, quod de Bauaro nuper scripsi. Addunt autem ab eo concedi Lavvingam quidem, & Haliprunum nobis, Memmingam verò, & Vberingam Suecis, dimissuris vicissim ipsi Donaverdam, & Raurum. Restitutum etiam VVitembergensi perhibent quidquid ex ditione eius occupauit, ac ipsos Rosam, Sundbergumque liberos ad nos remissurum. Meditari semper Lotharingum aut irruptionem in Palatinatū, & quā præsertim ditio est Archiepiscopi Treurenensis; vnde

Fertao



Fertæo mandatum, vt copias in eum colligar, & Turenno etiam, vt aliquas mittat. Monasterio nihil scribitur, quod exscribi multum intersit. Processisse iam debet admodum Consobrina tua Longavillæ vxor, quam exceptura Parens discessit proximis diebus Cantillium; & excepturus frater Contyæus discessit tertio abhinc die. Tu, ô PRINCIPVM OPTIME, ac meum dulce Decus, Vale. Parisiis, pridie Eidibus Aprilis, M. DC. XLVII.

## E I D E M.

**N**on iam brevis esse laboro; sed cogor potius, OPTIME PRINCEPS, adeo mihi temporis parum facta diei officia residuum fecerunt. Ago proinde solum gratias tum nomine meo, ob illum amorem, quo temperare tibi non potes, quin nimis de me magnificè sentias: tum nomine etiam nostri Capellani, qui se deuinctissimum tibi, ob illa tam bona verba proficitur. Ex rebus nouis seligo vnam, quæ plurimum instat meritò sit, si vt spes est quidem, vera comprobetur. Aiunt nimirum Cæsarem, ex quo accepit Bauarum Vlmensis illis conditionibus subscriptisse; subscriptisse & ipsum pactis conuentus Monasterij ante aliquot iam, vt inaudisti, menses. Forè, qui in gratiam Hispani manus dare abnuerat, sensit paratam sibi non leuem apud ipsum excusationem. Res ciuile momenti est, vt tamen illam à viris fide dignis acceperim, expectandum tamen, quovsq; vbertiore fide constiterit, censcam. Interim autem, si vera sit; haud dubiam videtur, quin Hispanus quoque breui tempore in pacem consensiat: an-non verò, si id contingat, ac aliunde Ortomannus ille nihil aliud, quàm sanguinem spirans, diem, vt perferunt, extremum obierit: an-non, inquam, spes magna est vt Orbi Christiano pax demum quærat? Vnam! Tu, ô PRINCIPVM OPTIME, ac meum dulce Decus, Vale. Parisiis, XII. Kalendas Maij, M. DC. XLVII.

## E I D E M.

**O**elix Condæus, qui te, vt Consobrinum, ita & Encomiasten habet! non Achilles talem Poëtam, non Alexander talem Pictorem nactus. Quod obseruasti nihil in eo esse, præter ætatem iuuenilem; quàm citò, quæso, per-quam eximio comprobavit specimine! Inaudio nempe cum omnem pompam à Barcinonensibus recusasse; ac Authorem fuisse, vt impensè amplificando bellico apparatui destinarentur. Seruet illum modò incolumem Deus; ac tibi ænum ita propaget, vt florentem immensa illa, quam meretur gloria diuissimè videas. Quod scribebam nuper fuisse proditum de subscriptione Cæsaris, votum solum fuit, ac spes penè certa. Videlicet scripsit Daualsius rem ita esse in proclui, vt pro confecta haberi possit. Adiecit verò vgeri se, vt Monasterium repetat, quod Mediatores instent vt etiam cum Hi-

Gassendi Epistola.

spano res peragatur. Quæ cetera habeo, non magni momenti; aut si quidquam est id nisi aliunde, saltem ex Campinio pernosce licebit. Iam enim amplius nihil vacat, quàm tibi gratias agere ob literas commendatitias ad Diniensis Consules in illorum gratiam, quos habeo in ea Ciuitate cariores: hæc scilicet tui erga me amoris argumenta sunt planè continentia. Mea valetudo eo iam euasit, vt, Deo propitio, Luillerius accessurus prius non sit, quàm sperem fore me omnino ad discedendum heinc comparatum. Cùm ille verò expetierit, vt nisi se coram salutato, non abeam; scripsit se nihil aliud deinceps, quàm militarem comitatum quo viarum pericula tutò declinet, præstolari. Tu interim, PRINCIPVM OPTIME, ac meum dulce Decus, Vale. Parisiis, VI. Kal. Maij, M. DC. XLVII.

## E I D E M.

**S**ignificatum iam memini superioribus literis, nihil penè esse, quod amplius me, præter nostri Luillerij, quem exspecto, aduentum, posse remorari. Quippe tamen sum nudius-tertius leuicula febri tentatus, & tussis mihi non-nihil crebrior, asperiorque effecta est; attamen & ecce dies iam exactus, in quo tertiana paroxysmus, qui Deo propitio nullus fuit, metueram; & illa in pectus defluxio nihil sensibilis cepit incrementi. Causam noui symptomatis, non sanè in mutationem victus, quæ vix aliqua in me fuit conicio; sed in mutationem potius aëris, qui toto iam octiduo ventis, frigidibusque sic infestatur, vt planè oportuerit diploidas resumere, & Vulcanum perinde prorsus, ac per ipsam Brumam propitium habere. Spes est, verò vt saltem statim, ac Cælum euadet clementius, redintegrare, confirmareque occipiam valetudinem, de qua nuper fuit, vt non modò bene sed etiam optime sperarem. Nimio me interim rubore suffundere pergunt tuæ literæ, quibus profectò humaniores, suauioresque esse non possint; adeò te delectat, vt natura bonum, ita ratiocinio optimum probare, imprimis verò erga me, quo non esset quisquam Mortalium felicior, si obtinerem vel minimam earum, quas in me reputas, virtutum. Vnam verò sit aliquid, quod in tui obsequium impendere liceat. De rebus nouis dicitur Rex tota cum Aula pridie Nonas discessurus Compendium. Autellianus verò ex Aquis Borboniis ipsis Eidibus accessurus. Ex quo Bauaris conuenit nobiscum, sunt ipsos inter, & Cæsares in similitates omnia proclui. Colonienis proximè est, vt Germani sui exemplum sequantur. Daualsius adhuc Ofnaburgi, itémque Trantmandorfius, qui-cum Succi semper contendunt pro eius Urbis Episcopatu; pro Amnestia; pro Antonomia Regionis-ve libertate. Tu, ô PRINCIPVM OPTIME, ac meum dulce Decus, Vale. Parisiis, IV. Non. Maias, M. DC. XLVII.

## E I D E M.

**C**lementius iam effectum Cælum, cœpitque mihi interim tussis non-nihil mittere; ipsi delinenda, aut etiam eliminanda penitus Medici Amici Asininum præscribunt lac. Fortè hac vice, donec Luillerium exspecto, illos audiam, quibus hæcenus leuem habui fidem. Verendum mihi, ne si faciam, *ὅς τις λύσει efficiar*; sed mihi nempe insulurabo, *εἰ μὴ δῶμαι βῆν, ἐλαυρὸν ὄρον*. Discesse hesternæ luce Rex, & Regina Cantillium, vnde mox Compendium, & breui Ambianam. Dicitur Regina discedens, testata se non sine pace comite reducem futuram. Id dulcius, quàm quod scribitur Trantmandorsium offensum nimia Suecorum contumacia, & excessisse Oinaburgo, & Monasterio etiam desperata excellurum. Quamquam, vt res Cæsaris sunt, non video qui facturus sit. Grassantur Sueci in Franconiam; aiuntque Turenium, occupato Darmstadio, cum Lant-grauij familia, etiam Marpurgum, quò ille aufugiens sese recepit, obsidere. Vt Colonienfis iam amplexus; sic amplexurus mox dicitur Moguntinus neutralem statum. Plura attexere iam non vacat. Tu, *ὁ ΠΡΙΝCΙΠΥΜ ΟΡΤΙΜΕ*, ac meum dulce Decus, Vale. Parisiis, vi. Eid. Maij. M. DC. XLVII.

## E I D E M.

**V**am-longè sum, OPTIME PRINCIPES, vt eæ mihi suppetant voces, quibus tum exprimam affectum, quem mihi tuas literæ mellitissimæ accendere pergunt; tum moram excusam, qua habitam abs te mei reditus expectationem etiam-num fallo? Solatio est mihi quòd te adeo bonum, adeò candidè de me iudicantem; adeò mei amantem sentio, vt etiam tacenti de affectu credas, & nisi quidpiam exsequar, quod præstandum receperim, in defectum non voluntaris, sed facultatis culpam conicias; ac, Deo quidem bene propitio, non prorsus malè habeo; sed non est sanè facta mihi, quantam speràram, virium accessio; neque polliceri ipse mihi possum, vt me adhuc itineri absque discrimine committam. Repugnant aliunde tantoperè Amici; studio solo meæ valetudinis, vt eorum amorì indulgendum sit, quod mei amore exigè heic adhuc proximos feruores deposcunt. Voluit quin-etiam nomine omnium, qui est obseruantissimè tui, optimus Abbas Campinensis hac de re ad te scribere, fidem facturus quam impatienter procrastinationem tam diuturnam feram. Nihil sanè id fuerat opus; sed amorì nempe, quo esse non potest sincerior, condonandum fuit. Luillerius quoque, cui negotia memoram iniiciunt idem fuit facturus; verùm necesse nihil est te excusationibus onerare. Hæc retardationis tantæ cogitatio sic mihi mentem occupat, vt vix quicquam rerum nouarum quod ad te scribam, in illam subeat. Id solum percellit, quod aiunt Leopoldum Archiducem cum totis Flandriæ viribus cingere obsidione Armenterias, illucque idèò confluere quidquid virium licet ex

his regionibus corrogare. Quin perhibent etiam mandatum Turenno, vt superiorem reliqua, in inferiorem veniat Germaniam; ac solitam prius præstari ab Hollandis, operam suppleat. Tu, *ὁ ΠΡΙΝCΙΠΥΜ ΟΡΤΙΜΕ*, ac meum dulce Decus, Vale. Parisiis, xv. Kal. Iun. M. DC. XLVII.

## E I D E M.

**V**icepto demum consilio, quod valetudinis meæ status effecit necessarium, trahendi videlicet adhuc in mensē vsque Septembris moras: cœpi ecce hodierna luce, quod scripsi nuper *videtur* fieri. Fœlix, nisi & tandem *ὅς*. Si quam insignem emendationem sperandam faciunt, heinc consequar, non prætermittam eius te, quando sic dignis de me sollicitus esse, facere certiorum. Ex rebus nouis, aliud nihil habeo, quàm accessisse Aurelianum ad Urbem ante dies treis ac esse post treis discessurum in Aulam. Nondum expugnatas audio Armenterias; tamen posse copias nostras coire satis tempori, vt suppetias ferant, iactari non video. Expectatur breui Turennius in Luxemburgum irrupturus; vt cumque non desint, qui ipsum esse obsessurum Francandalium putent. Aduenit Cursor nudius-quartus, qui renuntiavit certo certius initam cum Cæsare pacem. Vtinam tam sit, quàm dicitur verum. Anglus in eodem semper statu. De Herda obsessa vota equidem pro expugnatione concipio; verum concipio maxime pro Condai tui incolumitate. Tu, *ὁ ΠΡΙΝCΙΠΥΜ ΟΡΤΙΜΕ*, ac meum dulce Decus, Vale. Parisiis, ix. Kal. Iun. M. DC. XLVII.

*Hæc obsignaram, cum tuas pridie Eidem datus accepi. Seruum adeo est, vt non liceat aliud, quam condolare ob lugubrem erepti tibi Amici casum. Fœlicem te, qui ex te ipso consolationem quaesieris? Fœlicem illum, cui dederis literalem hæc inferias. Tu, & diu vix, & iterum Vale.*

## E I D E M.

**P**erculit nos sanè renunciatus ille optimi Campinij morbus, verùm erexit animos quod significante Neuræo, remitti cœpisse eius vehēmentiam; addere ipse dignatus es id factum ab vno iam die. Vtinam inaudimus breui euasisse optimum illum tam tui venerantem, tam nostri amantem, nisi valentem penitus, at saltem discrimine immunem. Quàm opportuna interim, quàmque rationi consona tua illa querela est? Reuerà quippe Animalia suo illo naturæ instinctu certò requirunt, inueniunt, vident consentanea remedia, quæ Homines suo ratiocinio nusquam, incertò-ve assequuntur. An verò cum sit Ratio hac in parte instinctui impar; & non possit tamen Natura fuisse nonerca in homines, patet credere nostra fieri culpā, vt concessus nobis instinctus nihilo quàm illis inferior, sic miserè labefactetur, vt vix aut ne vix quidem vllum illius vèstigiū in nobis remaneat. Nempe ipsa bruta illibatum seruant,

dum

dum alimentis vſa naturalibus, non immutant temperiem: nos vſitantes adulceratis, temperiem planè immutamus; neque mirum proinde eſt, ſi Animalia non abducta à naturæ tramite, ferantur recto quaſi ductu ad id, quod ſibi congruum eſt, nos ab eo averſi, erremus, &, niſi caſu in id, quod expedit, ipſa etiam ratione prælucente, non incidamus. Verùm hæc longioris ſunt Diſquiſitionis. Quod optabam nuper tam eſſe, quàm eſſe iadabatur vetum; nequicquam non fuiſſe etienrus probavit; optandum nimirum, ſeu orandum potiùs, ut Decus ter-Optimus det, quàm Mundus dare pacem non poteſt. Aiunt non eſſe ex Germania diſceſſurum Turennum, VVeimarianis abnuentibus, niſi perſolutis ſtipendiis. Verſatur adhuc Aula Ambiani, Aurelianusque eò diſceſſit dumtaxat nudius-tertius. Inexpugnata hætenus Armenteria: aiuntque noſtros interim eſſe Iperam obſeſſuros. Tu, ò PRINCIPVM OPTIME, ac meum dulce Decus, Vale. Pariſiis, prid. Kal. Iun. M. DC. XLVII.

## E I D E M.

**Q**uas ad Abbatem optimum dignatus es literas dare, eodem modo me cum iis, quibus me beaſti, obſtringunt. Nempe utraque præ ſe ferunt bonitatis erga me tuæ characterem oppidò inſignem. Nequicquam verò ſanè non eſt, quòd nutanti ſemper valitudini proſpiciendum ducis: ecce enim cùm ante dies quinque exire in Urbem tentaviſſem, inuaſit me febricula, ac triduo habuit continer; neſcio an via non longæ labor, an aëris fevor penè immodicus, an lactis vſus, de quo ſcripi ad te aliquoties læſerit temperiem. Vtunque ſit, ſum iam omninò, Deo propitio, febre immunis; vitam verò perinde ſit, de quo iterum ſcripſiſti, Campinius. De rebus novis, dicitur Aula Ambiano digreſſa, hodiè acceſſura Compendium. Scribunt Aurelianus non illeinc aditurum exercitum, ſed in hanc Urbem regressurum. Armenteria expugnata quidem, ſed aiunt tamen ſpem noſtris eſſe, ut illas breui recipiant; neque id verò improbable, ſi ea modò vera, quæ hiſce ſubiiciunt; nempe acceſſiſſe Turennum, & cum eo millia militum octo; Hollandos id tandem cepiſſe conſilij, ut exercitum pto more educant; hoſteis in eo eſſe, ut copiarum vim in Urbium præſidia diſtribuant. De illerda nihil inaudio. Vitam illeic proſperè omnia. Appuſus Princeps Catrinianus ad Urbem nudius-tertius, die ſuperiore diſceſſit in Aulam. Tu, ò PRINCIPVM OPTIME, ac meum dulce Decus, Vale. Pariſiis, VII. Eid. Iun. M. DC. XLVII.

## E I D E M.

**D**eum immortalem! quantum deſectat, valere melius optimum Campinium! Vitam tandem quam-optimè! De mea valitudine quid mihi polliceat vix habeo; quando ecce mihi actis ille humor tuſſim aſperam denudò inſtauravit. Sequela hæc eſt quædam

eius febris, qua me nuper tentatum ſcripſi. Nondum reſumpſi lactis vſum, eius occasione intermiſſum, in eo verò ſum, ut deliberem, ſim-ne omninò reſumpturus; Verùm quid de me tam ſæpe, & tam multa. Præclarum profeſſo tuum illud de Hollandis iudiciũ. Qui de illis nuper ſpargebatur rumor, is fuit, de quo merito dubitari, Turennij etiam aduentus dubius; tametſi niſi venturus ſit, dicitur ſaltem copias miſſuras. A capris Armenteris, hære etiam-num Cominis coram hoſteis aiunt. Quod gloriati fuiſſent Aurelianus noſtram deſtinari præ metu redire Compendium; Aula non modò conſtitit, ſed deſtinavit etiam, ut perſcribitur, pergere Caletum. Sunt nihilominus, qui perhibeant Aurelianus ſolum eò conceſſurum. Exercitus interim noſter fertur reipsa ex viginti hominum millibus conſtare. Caſarei deſiderio pacis nihil non concedunt Suecis; & Haſſatis, nobis quoque; niſi quòd Caſar abſtinere, quæ Auſtria Princeps, à ſuppetis Hiſpano ferendis non vult, rogatque, quo poriore iure nos à ferendis Luſitano abſtinere detrectemus. Hiſpani ipſi interim maniſeſtò iam ſubterfugunt. Scribunt Anglorum exercitum eſſe Regi melius, quàm Parlamento affectum. Idne ſit quidpiam pariturum, breui, ut opinor, edocebimur. Quod ex Italia, Cataloniæque inaudimus, tu melius noſti. Vale. PRINCIPVM OPTIME, ò meum dulce Decus, & Præſidium, Vale. Pariſiis, poſt. Eid. Iun. M. DC. XLVII.

## E I D E M.

**A**d huc illud vnum de me, OPTIME PRINCIPES, præclariùs valeo; nempe, ut tibi id noſſe gratum, ita mihi non prætereundum. Quo penè momento hæc ſcribo, ipſum Solſtitium tranſigitur; id monet tibi appreeet totam, quam inihus, rempetat ſollicem. Aduentat nunc demum Turennius; & cùm foret, ut perſcriptum eſt, ante dies quinque Metas appuſſurus, prope eſſe iam debet, ut copias Flandrico exercitui iungat. Aiunt proinde exercitum ex tringinta duobus millibus millibus conſtitutum; ac fore, ut molliatur breui aliquid, quod Archiducis victorias obſerret. Scilicet etiam poſt Armentetias, Cominaſque, occupatis Lentiis, quibus inſtat nunc temporis, eius conatus reſtreſſum iriſ; futurumque, ut de propugnando, non oppugnando ſit cogitaturus. Ex Aula aliud nihil habeo, quàm Aurelianus huc rediturum, unde diſceſſurus hac die in Sabaudiam Carinianus fuit. Quod ſcripi nupera occasione de Anglicano exercitu erga Regem melius quàm erga Parlamentum affecto, eo fuiſſe ſucceſſu fama conſtans eſt, ut Regem & adierit, & e cuſtodia exemerit, & quaſi triumphantem deduxerit Londinum. Id ſi verum ſit, ò plane, proſumque humanarum rerum mirabiles vires! Tu, ò PRINCIPVM OPTIME, ac meum dulce Decus, Vale. Pariſiis, XI. Kal. Iul. M. DC. XLVII.



## E I D E M.

**I**nas simul literas habui, quas ad me dare, & tertio. Eidus & decimo quarto Kalendas voluisti. Quod sapienter adeo in prioribus de Leopoldo ratiocinaris, simile prorsus vero est; ac potissimum, quia facta deinceps accessione Turenij, nihilo fore exercitum nostrum exercitu hostium inferiorem scribunt. Ilerdensis obsidio nimis-quam sanè difficilis; sed nempe tuo illi Heroi *tu ex- ad kalend.* duntaxat. Tutetur modò illum in tantis periculis Diuinum Numen. Haud abs re perfas in tua illa, quod ad pacem spectat, sententia. Nimirum Austriaci Cæsarei non mustanter insinuârunt, quid forent reipsâ facturi. Factam accipio Longavillæ reuertendi licentiam; quanquam addunt ea conditione, vt sit post mensis aliquot Monasterium repetiturus. Quæ posterioribus literis appulsus Bullonij occasione philosopharis digna te sunt; ac ipse ea legens visus mihi sum in ipsa Senecæ lectione versari. De Angliæ Rege quid subiiciam; nisi quod hætenus nihil aliud, quàm commutasse custodiam videtur. Quippe nondum est Londinum deductus; ac parum abest, quin exercitus, Scotorum instar, illo potius, videatur ipsum similibus conditionibus proditurus. Sed erit fortè ille scelicior, quàm vt experiri hanc tantam fortunæ iniquitatem pergat. Tu, ô PRINCIPVM OPTIME, ac meum dulce Decus, Vale. Parisiis, iv. Kalend. Iul. M. DC. XLVII.

## E I D E M.

**I**ci non potest, quantæ vertatur Condæo tuo prudentiæ, quòd maturè Ilerdensis obsidionem soluerit; spectatis nempe circumstantiis, planum fecit se animi consilio, magnitudinèque ex æquo polleere. Venerat in Urbem, cum nuncius ab eo huc aduentarit, Aurelianus; deinceps autem biduo solum commoratus Aulam repetiit. In Belgio cæperat Leopoldus obsidere Landrecium; veruntamen illi tutando dicuntur nudius-tertius milites immissi mille, & ducenti, vnà cum Manicampio; Addûntque Gassionem partim neci, partim mancipio sex penè millia hostium dedisse. Inaudietis iam, opinor, regressum in Germaniam Turenium, quòd VVeimarianis progredi, nisi persolutis omnibus stipendiis, in Flandriam recusantibus, præstiterit exercitum vltra Rhenum integrum, quàm citra mutilatum habere. Exstant literæ ex Hollandia, quæ rem cum Hispanis nondum confectam renuncient; ac spem faciant fore, vt breui exercitus illeic campis eat apertis. Res Angli adhuc in incerto; exercitu significante, contendere se, vt vnicuique plena sentiendi de Religione libertas sit; vt soluto Parlamento, quod nunc obtinet, instituat aliud; die præstituto soluendum; vt in eo de legitima, quæ Regi permittenda sit, potestate, deliberetur, vt sit, exceptis pauculis, præteritorum *de p. m. a.* Tu, ô PRINCIPVM OPTIME, ac meum dul-

ce Decus, Vale. Parisiis, 111. Non. Iul. M. DC. XLVII.

## E I D E M.

**Q**uod probâris, OPTIME PRINCEPS, renunciatum tibi literarum initio Valerudinis meæ statum, facit heic quoque iam præmittam, me, Deo propitio, valere in dies præclariùs. Profectò sic habeo nunc me, vt, si modò Deo fuerit visum, ne in deterius recidam, grata sumpturus manu sim, tametsi in melius deinceps non promoueat. Heinc, si ritu illo antiquo, cuius meminisse es visus, literas ad te meas non exordiar, *si vales, bene est*; non illud sanè mihi est causâ, quòd non videar posse satis verè subiicere, *ego quidem valeo*; sed quòd bene valere te, tam absolutè desiderem, vt rem cum conditione efferre non sustineam. Falsum fuit, quod nuper non modò abs me, sed ab aliis quoque haud-dubie accepisti, de allatis Landrecio suppetiis. Perseuerat adhuc obsidio, nec video spem fieri, vt diu protrahatur. Aiunt VVeimarianis ita factum satis, vt Turennius illos reducturus sit. Si faciat, non est cur hæreamus, quin omnia vertantur, Numine fauente, in melius. Sit-ne Aula breui in Urbem, vt celebre fuit, reditura, non est quamobrem asseuerem. Rumor tamen est, Materteram tuam proxima luce huc accessuram. De rebus Angliæ aliud nihil habeo, quàm quod Regi melius sperantem videatur. Tu, ô PRINCIPVM OPTIME, ac meum dulce Decus, Vale. Parisiis, iv. Eid. Iul. M. DC. XLVII.

## E I D E M.

**Q**uod hærebas propter rumores, qui de Condæo spargebantur, gratulor optime veritise. Lucro profectò deputandum, quòd soluta obsidio incolumem emisit, cui producta vix poterat (quibus ille est animis) non esse admodum fatalis. Accessit hûc ipsius Parens Matertera tua ante dies septem. Hæsit verò Aula, hæretque etiam-num constanter Ambianis. Landrecium nondum expugnatum. Gassio interim Basæam obsidet, & Rantzoniæ Dixmudam iam cepit, dum Sueci Egram obsident. Expedit Turenium in Germania versari. Audio Lorharingum obsidere Longovvitzium. Data acceptaque ab Hollandis fides, vt si Hispanus, confecta pace, quidpiam in consinia alterutrorum moueat; utriusque iunctim occurramus. Angli negotia nondum perfecta. Debet tibi non nouum esse, quod de nouo Sicilia Rege ad nos vsque percrebuit. Debet & quod de Venerorum nauali in Turcam victoria, quam Cydonis seu Canæa deditio fuerit insequuta. Tu, ô PRINCIPVM OPTIME, ac meum dulce Decus, Vale. Parisiis, xiv. Kal. August. M. DC. XLVII.

## E I D E M.

**A**lamum iam assumpseram, vt paucos ad te versus exararem, cum binas accepi abs te literas, priores ante mensinas, posterores

riores Eidibus datas. Illis admones, vt VValterium de valetudine consulam; sed tum ille abest, tum, Deo propitio, meliùs iam valeo; nullûmque est febris hecicæ, quam times, vestigium. Illis facis me de proximo tuo Brinoniam discessu certiorẽ. Deum ter-Optimum venero, vt illeic & te & totam familiam per hosce ætus incolumem seruet. Tux est providentiæ, quod exinde sis Maritimæ nostræ oræ prospecturus; at quis Hispano animus, vt cogitate valeat de occupanda Areola, si vetum sit quod perhibent, defecisse ab eo florentissima Siciliæ, & Neapoleos Regnat; Sexus hic est dies, ex quo vt Landrecium sic Basscam quoque expugnatam accepimus. Hinc compensatio insignis facta; adiuncte exercitum nostrum esse iam hostili potiorẽ. Quin-erit etiam longè amplius, si, quod memorant, non Lotharingus modò suas abduxisse copias, à quibus Longovitzium fuisse obsessum non constitit; sed Bekum quoque alias, quas vnâ cum illo in Turennum deducat. Videlicet ferunt Turennum aduentare iam iterum, & traiecto Rheno, Diuzam Lotharingiæ appulisse. Verendum interim, ne Sueci Egræ obsidionem solvere teneantur; properante eò Cæsare cum insigni exercitu, & concurrente VVerthio cum Bauarico equitatu. Angli negotia semper incerta. Rumor est Aulam Calemum primum, tum Rhotomagum concessuram. Tu, ô PRINCIPVM OPTIME, ac meum dulce Decus, Vale. Parisiis, VII. Kal. Aug. M. DC. XLVII.

*En cum his literis Exemplum Institutionis Astronomicæ, nunc primùm è pralo prodeuntis. Tu id accipe, non quasi mereatur tuas in manus incidere; sed quasi cum meum opusculum sit, par non sit, vt diu te lateat. Salutat te optimus Merfennus. Vale iterum.*

## E I D E M.

**N**on quod rumor fuerat Aulam concessuram, sed post dies omnino paucos huc accessuram fama iam est. Ipse interim Aurelianus accessit nudius-tertius. Perrexit iterum Rantzonijs cum copiatum parte ad maritimam, ac obsidere arcem Neostendam, quæ inter Neoportum, Ostendamque est, perhibetur. Gassio cum superstitibus prope Basscam castrametatus, hæret. Compulsus prece, ac pretio Insulanorum, Archidux perripere castra tentauit: repulsus autem cum insigni iactura à Gassione est. Non Turennius denud traiecerat Rhenum, neque ipse Diuzam peruenerat; sed missus ab eo Lamerus cum duobus hominum millibus. Adjunt ipsius milites detrectare imperium Ducum, ac delegisse nescio quem Comitem Gulielmum, cui parere velint. Egra à Suecis occupata; & neque Cæsar tempori accurrit, nec pro voto concurrit VVerthius; quippe quem Bauarus, reuocato equitatu, exactorarit. Discessit Monasterio Trantmandorsius; pergunt tamen Miniſtri Regij disceptare negotia cum superstitibus Cæsareis. De Anglo nihil audio melius. Quod Neapolitana seditio (neque enim rebellio fuit) euaserit, scire auent multi. Tu, ô

PRINCIPVM OPTIME, ac meum dulce Decus, Vale. Parisiis, postrid. Kalend. Aug. M. DC. XLVII.

*Dum has obſignarem, literas accepi è caſtris Baſſeanis, quibus circumſtantia magis ſingularis tentamenti deſcribuntur. Illas ad Campinium ſic tranſſo, vt moneam ipſas pellegat tantum, mox vnâ cum hiſce tranſmittat ad te. Vale iterum.*

## E I D E M.

**Q**uamobrem adeo bonus es, vt si inter-miseris semel referbere, temer excusēs? Numium foret, si singulo, aut ſeno etiam quoque menſe ſcribere vel paucos verſus dignare; nunc, cum ſepteno quoque die bees me tuis literis; niſi interdum facias, cauſam dicis, quare non facias; ſed nempe non care modo humanitas tua eximia non poteſt. Adeſt iam occaſio, qua illâ abutar; ſed, non quia ego temerarius, tu idẽ eris minùs indulgẽs; conſtans rumor eſt, fore, vt in Aulam ante hiemem proximam venias; optimus etiam Pater Bizotus, cum vale nuper diceret, retulit te ſibi dixiſſe, dum in hanc Vrbe diſcederet, fore vt tu quoque hũc breui aduentares. Ipſe hæcenus aſſenſum continui; nunc autem, quoniam tempus inſtat, quo de diſceſſu cogitem, nôrim intereſt ſis-ne reipſâ ad nos aduenturus; quippe niſi ſis, ipſe breui me vti pollicitus iam ſum, ad diſcedendum comparabo; ſin autem ſis, nihil mouebo, ſed te preſtolabor attentẽ, vt tranſacta hæc tecum hieme, tecum Deo propitio, poſt hiemem diſcedam. Itaque velim rogatum te, vt, ſi moleſtũ quicquam non ſit, digneris me quid hac de re ſtatuere, facere, certiorẽ; ſiquidem ipſe, prout res erit, deliberationem inſtituam. Vides, quàm agam confidenter; ſed facio, ne ſi iſthũc tendam, quo tu excedes tempore, cogar ibi diutulũ te non præſente, facere moram. Cũ ad te nuper ſcriberem, ſic Aula denud cœperat cogitare Rhotomagum, vt tunc non longè illeinc abeſſet. Redit hũc autem hodierna luce, Rex, Reginaque videlicet, nam Cardinalis heri acceſſit. Nihil memorabile, quod ſciam, à nuperis meis patratum in Flandria. Roſa à Turenno in carcerem actus, vt potẽ tanquam proditor, & excitatẽ ſeditionis cauſa. In Anglia ſi quid noui eſt, ſumma eſt poteſtas, quæ iam reſidet penes exercitum, ac Ducem Farfaxium. Quod de Magnis Biblijs rogas, quæ ſunt in hac Vrbe nuper editæ, quadringentis libris turonicis vaneunt, atque ea quidem incompacta; cum ipſa compactio (decem ingentia volumina ſunt.) ſuperaddat pretio circiter Dodrantem. Quæ verò Antuerpienſia fuerẽ hæcenus Magna vocitata, ea trecentis libris, plũs minùs venduntur. Tu, ô PRINCIPVM OPTIME, ac meum dulce Decus Vale. Parisiis, V. Eid. Sextil. M. DC. XLVII.

## E I D E M.

**Q**uam nuper prolixus, tam nunc ero breuiſ. Non repetam certẽ quam fiducia plenam præcationem nuper adhibui; quando

tu adeò bonus es, & in me quidem maximè, ut nulla tibi opus sit, si quid te rogem, inculcatione. De Aula quid noui perscribam, nihil habeo; nisi quod Dux Aurelianusis Diuam Carnutensem, (quam etiam olim parituram regio illa coluit) venetatum iuit. Ex Flandria id solum accipio, quod nostri dicuntur obsidere Lentios. Aiunt iam Tutennium insequi perduelleis. Qui percrebuit tumor de accepta quadam post Melandri obitum à Cæsateis clade, non valde est certus. Londini quæpiam quidem seditio in Regis gratiam excitata; sed ille-ne idèò fœlicior, quàm hactenus fuerit, potèrè futurus? Verendum sanè ne magna adhuc ea in Insula rerum perturbatio sequatur. Quippe ex duabus, quæ illeic vigent Religionis factionibus, obtinget quidem videtur, quæ dicitur *Independentium*, propter Farfaxium, & quos is voluit in Parlamento suppetstites; at quæ est *Presbyterianorum*, tum numero vincit, tum milites iam alio titulo in Vrbe conscribit; tum adstantia habet in Regnotum confiniis decem, plura-ve Scotorum millia. Tanti est semel camatinam mouisse. Tu, ô PRINCIPVM OPTIME, ac meum dulce Decus, Vale. Parisiis, xvii. Kal. Septemb. M. DC. XLVII.

## E I D E M.

**E**Ro iam etiam, quàm nuper breuior, quòd mihi totus pene dies ab inuisentibus succedenter eiuscæ conditionis Viris, quos non debuerim pro arbitrio dimittere, fuerit præreptus. Renuntiabo solum fuisse heri mihi redditas abs te binas literas, priores quidem Nonis, postetiores verò pridie Eiduum datas. Addam nihil mihi esse incundius, quàm quod ex utrisque accipio; te scilicet probè valere, & præter negotia, studiæque, etiam venationi, ac istis excursionibus esse satis. Quod de cœpto, sed non perfècto negotio subinsinuas, Numen venerot, quam optimè vertat. Ne verò anxium animum teneat, maturè semel deliberandum, ac deinceps tenenda constanter sententia. Siquidem opus solum heic animis, & potèrè firmo. Sed tu ista meliùs; ego innuo solum, ut significem, quàm mihi sit cordi, te ut valentem corpore, sic animo hilarem esse. Lentios nostri non obsederunt, sed duntaxat inuadere stratagemate affectarunt. Cùm id non successerit; successit tamen quòd Equites ostingentos circum-venetunt. Cætera momenti non magni. Tu, ô PRINCIPVM OPTIME, ac meum dulce Decus, Vale. Parisiis, x. Kal. Septemb. M. DC. XLVII.

## E I D E M.

**R**atias habeo, OPTIME PRINCEPS, quòd mihi adeò confidenter describere dignatus sis quid cogites de proximo, vel sperato potius in Aulam aduentu. Cùm res sic habeat, accingam me, ut ipsis Remigialibus, aut non longè post, Deo propitio discedam. Quòd dignaris autem facere mentionem adognati cubiculi, quo me exceptura tua

bonitas sit; quæso, ut mihi liceat per te diuiteresproximè quidem, sed extra tamen ipsum Palatium. Non sanè, quod mihi non sit supra metita honorificum hospitio abs te excipi; sed quod euenturum prouideam, ut tibi liceat tanto diuturniùs, quanto è Familia minùs videbor adherere. Nihil est necesse causas inueni, quæ dici, nisi cotam non possunt; satis esto, nihil fote vnquam mea erga te obsequantia ut sincerius, ita constantius. Ex Aula, si quid noui est, ipsa est valetudo Germani Regis, Andium Ducis, qui febri tentatus diebus nuperis, habet nunc, Deo fauente, meliùs. Constantior iam fama Præfulem Aquisem breui in Cataloniam, titulo Pro-Regis itutum. Quas illeinc vidi literas, discessum Condæi ad Eidus mensis proximè sequuturi notant. Quas Romæ, ipsam etiam Sardiniam rebellasse memotant; sed, quòd tu nihil ea de re, vereor admodum ne vera non sit. Quas Monasterio, Longavillam in ipso procinctu, ut hùc tedeat, describunt; vnde & sunt heinc aliquot ad ipsum præmissi Abbaullam curus. Quas è Germania, pethibent cecidisse Suecos duo Cæsateorum millia; ac Cæsatem se Pragam tecepisse. Addunt Tutennium teceptis duobus, qui defecerant, militum millibus, Rhenum rutsus traicete, contendetque Luceburgum versus. Quas ex Anglia, sterrunt Farfaxium in Vrhem admissum occupasse Tutrim; collocassèque in ea præsidium. An autem, & quando, quaque conditione admittendus Rex, dies edocebit. Quas ex Hollandia, admonent Classis, quam sex militum millibus instructam illi in Occidentalem Indiam destinant, vt ea loca recuperent, vnde fuere nuper à Lusitanis expulsi. Tu, ô PRINCIPVM OPTIME, ô meum dulce Decus, Vale. Parisiis, iiii. Kalend. Septemb. M. DC. XLVII.

## E I D E M.

**V**re professò demitatis Hispanicum illud imperium, quod toti penè Orbi compedes nuper intentabat, ita iam protolapsum cotruere, ut instaurati, nisi factio quopiam insperato non possit. Nemo scilicet, si quis prædixisset, donec res illius florebat, id non habuisset in fabulis; tamen si euentus nos docuit, ipsum opinione, ac fama, potiùs quàm vigore interno stetit. Nondum res ad metam deducta; sed fortè tamen deducenda; nisi pacis ope breui prouideatur. Qui degunt illi procurandæ Monastetij, Intercessores adeò obnixè sunt obtestati, ne ante dies aliquot Longavilla discederet, ut ille sit adhuc aliquantum hæsurus; & quod alinde Oratores Hollandi eò concesserunt; spes est bene multis, ut non sine fructu negotiorum pacis iam instauraret. Discessit Gassio à statione; sed nempe, ut cuiuspiam Atcis obsidionem auerteret. Creditur Turennius iam in Luceburgo, ac aut ipsam Metropolim, aut Montem-medium obsessurus. Perseuerat rumor nescio cuius prælij, quod inter Cæsareos, Suecosque commissum, Suecis probè successerit. Rex Angliæ nondum meliùs habet. Ferunt intèrè à



interea Catholicos in Hibernia planè prostratos, caesis nimirum quinque aut sex vno confictu millibus; ac fore, vt victores aduersus Farfaxium reuocentur in Angliam, Scotis iam restatis scripto publico, se aduersus eundem illic aduenturos. Id si contingat, quantanam adhuc Insulanos illos manet inter necio. Quod de Finalij obsidione, aliisque ad Italiam attinentibus memorat, pernosse ipse melius potes. Vale, PRINCIPVM OPTIME, ac meum dulce Decus, Vale. Parisiis, postrid. Non. Septemb. M. DC. XLVII.

## E I D E M.

**R** Aucula scribo ob paruulam, quæ residua est, ad scribendam moram. Pluicula, Deo bene volente, hebdomade proxima; quam tui ideo destinaui, vt assueciam acri, qui à mensibus vsque sexdecim vix ultra Ecclesiam sum quicquam progressus. De rebus nonis, Aula perendit Fontem-Bellaqueum est discessura. Flandrico nostro exercitui accersere viteis in dies dicuntur. Distribuire hostes peditatum in Arcium, Vrbiūque praedia. Turennius obsidet Harloneum, Succileuem nescio quam cladem accepere à Verthio. Farfaxius in sua illa rerum nouarum molitione perstat. Tu, 6 PRINCIPVM OPTIME, ac meum dulce Decus, Vale. Parisiis, Eid. Septemb. M. DC. XLVII.

## E I D E M.

**R** Ripiebam iam calamum, vt pauca ad te scriberem, cum literæ binæ abs te reddita, alteræ postridie Kalendas, alteræ quinto Eidus datae. Significabas prioribus te, nisi mense infrequente non profecturum Massiliam; at significas posterioribus eò te euocari maturius. Coniector fore, vt eodem redeas, postquam Aquas-Sextias te receperis. Viuiam vbiunque fueris, & quocunque concesseris, seruet te Deus incolumem, tuaque consilia fortunet. Scribo hæc non tute, vt speraueram, sed ex ipsa Vrbe propter leuem febriculam, quæ me cum iam pene in prociectu forem, inuasit. Cum sim verò Deo propitio ab illa iam liber, ac superis solùm quæ reuertit tussicula, spero intra biduum, triduumve quod destinaram exsequi; vt sit mihi quasi vicium tentamentum; præexercitamentūque in longiorem viam. Quintus hic est dies, ex quo discessit Aula Fontem-Bellaqueum; nisi quod Dux Andium in Vrbe remansit. Nihil audio noui ex Flandria. Suspecta sit Bauari fides. Konismarkius dicitur breui ad Vrangelum profecturus; idque duobus hominum millibus, qui à Tureunio defecece, receptis. Monasterij negotium de pace cum Hispano sic instauratum, vt breui peruidendum sit, quid sperare ex illo liceat. Illeinc non procul Padeborna obfessa ab Hussiacis. Angliæ Parlamentum non alias, quàm veteres Regi conditiones obtulit; quo consilio, diès docebit. Quas Aquis-Sextias literas habeo, triste nuntiant finis optimi illius, & antiquissimi amicorum Iosephi Galterij, Prioris Valleræ, qui

cum mihi videor animæ dimidium mez amisisse. Vtinam vacet aliquando perspectum Mundo facere, quàm illum sapientem, quàm bonum, quàm meci amantem tot hæcenus annos licuit experiri. Tu, 6 PRINCIPVM OPTIME, & Viue in annos Nestoreos, & Vale. Parisiis, xii. Kal. Octob. M. DC. XLVII.

## E I D E M.

**V**id animi subesse mihi existimes, OPTIME PRINCEPS, cum tanta pridem reditus mei, & concepta, & facta spe, significare tamen iam cogor quid de me amici Medici censuerint. Nempe apud me vltro conuenerunt, vt exprobrarent quam dixerunt nimiam discedendi pruriginem; ac tantopere exaggerarunt quod mihi vix discrimen subest, nisi vacillante adhuc sanitate memet per Autumnum contineam, à quo cauendum praefertim est; vt manus pene dederim testifendi heic adhuc in pauculos menses. Ac illi quidem probè conscij teneri me potissimum tui reuolendi desiderio; volebant ad te valitudinis meæ statum, ac rationes eius, quæ in me sunt vsi dhortationis perscribere. Volebat & optimus Abbas testem se illis adhibere, veritus quippe, ne non satis, quo habitu sim tibi manifestem: sed abui ipse, securos iubens, te mihi satis fidere; neque enim hæzere, quin quam-primum mihi ad te ire incolumi licebit, alacer concedam. Sic verò fiet, & breui quidem, quantum spero, OPTIME PRINCEPS, quando me sic habere sentio, vt petgendo me domi continere, rationemque victus suscepiam tueri, valeam, Deo bene propitio, tum Autumnum hunc absque vilo graui symptomate transigere, tum sub ipsum Veris initium prosperè valeris te conuenire. Ipse interim quam-prosperrimè, & meum dulce Decus, Vale. Parisiis, v. Kal. Octob. M. DC. XLVII.

## E I D E M.

**V**re aduenio, OPTIME PRINCEPS, & Suctio quidem, quod prope Grobosiū. Degi illeic toto quadridio, nisi quodd nudius tertius inuitante serenitate, qua & prius carueramus, & deinceps caruimus, iul tantisper exspatiatum in præclaris illis tuis ambulactis. Dum curtu exscendo, eni mihi redduntur humanissima abs te literæ, octauo Kalendas Aquis-Sextias datæ. Pergit semper bonitas tua valitudinis meæ curam, quam non promerco gerere; ipsa verò tametsi nondum restituta penitus est, videtur semper nihilominus, quantum quidem sentio, progredi in melius. Aut nihil certè, aut parum est, quod exerior incommodi ex hæc breui rusticatione. Quare neque hæreo, quin *dic debitis*, sic possim ad te denique Vere ineunte discedere, vt sim non iam ægorabundus, sed perfectè sanus ad te accessurus. Quantum doleam te caritum suauissimam illa Campinij, quem toties Achaten dixisti, consuetudinē, conicere ipse quàm optimè potes. Est etiam, quod doleam, & mihi, & vniuersæ Prouinciæ; verum id, quod auertere non licet, leuiter ferendum. Rerum nouarum nihil accipio, præter vulnera

vulneratum Gassionem in obsidione Lentij. Sunt, qui etiam mortuum ex vulnere dicant; confracta nempe cranij portione; sed res non planè asseritur. Tu, ô PRINCIPVM OPTIME, ac meum dulce Decus, Vale. Parisiis, IV. Non. Octob. M. DC. XLVII.

## E I D E M.

**I** Naudieram iam variolarum morbum istheic magnopere grassari; quare propterea fuit prouidentia, vt Infans illustrissima degeret procul à contagio. Seruet illam tibi incolumem Deus; faciâque, vt florentis videas de quibus potes dicere, *debes mihi Nata Nepotes*. Rumor fuerat Aulam breui reddituram; sed iam constituta in vnam, alteram-ve hebdomadem perhibetur. Mandatum dicitur Turenno, vt in Germaniam redeat; iterum cum Suecis vires collaturus. Quippe iam demum Bauarus ita scædus initum fregit, vt pars exercitus illius accesserit ad Cæsarem, pars concessam Succis Memningam obsideat. Et contestatur ille quidem se pactis conuentis cum Suecis duntaxat non stare; velle autem manere fide cum Christianissimo Rege illibata; sed mera nimirum dat verba, quasi debeat Rex interim Confederatos deserere, expectareque, donec iis fractis, arma in nos deinceps vertantur? Cæterum hocce fœdistragio pacis negotium perueritur; quatenus, vt audio, periculum est, ne Comitibus breui dissolutum cant. Scilicet non modò Cæsarei, sed Hispani etiam Ministri novos resumunt animos, & recusatis, quæ prius fuerant admittæ conditionibus, facta omnia esse infecta insinuant. Nescio tamen ecquid nam adhuc spondere certo sibi possint; si verum sit, quod scribitur, Konismarkium ita fregisse Lamboyanum exercitum, vt accessurus Vrangelo, sit adhuc non parum negotij facturum. Ex Flandria à recepto Lentio, & mortuo Gassione, nihil habetur noui. Nam de Dixmudæ quidem obsidione dicitur in Aula non magnopere laborari. Tu, ô PRINCIPVM OPTIME, ac meum dulce Decus, Vale. Parisiis, v. Eid. Octob. M. DC. XLVII.

## E I D E M.

**Q** Vam es semper similis tui, dum sic pergis amare me, ac meæ valetudinis plenam tanti affectus rationem habere! Ego vero, OPTIME PRINCEPS, leue semper spero de me, ac tantò magis, quantò isthæc tempestatum mutatio, nihil mihi, quod sentiam, infert detrimenti. Exinde certè auguror fore, vt Deo bene propitio, hiemem illæsus superem, ac simul superstitēs omneis morbi importuni reliquias deponam. Id interim tempus vel ea de causa per-alacriter transigam, quòd sim te volente, hanc nexurus moram. Speratus Aulæ reditus proxima luce fuerat; sed is est dilatus in biduum, triduum-ve. Debet quidem Dixmuda iam aut occupata ab hostibus, aut ab obsidione esse libera; sed res tamen nondum, quod nôrim, innouit. Qui rumor iam antè de commissio in Bohemia prælio percrebuerat, compertus est vanus. Kon-

ismarkius quoque nondum eò discessit, verum hæret adhuc cum Hassiacis, quovisque Lamboyus fame pressus, deserat stationem. Aiunt Londinensem Maiorem coniectum fuisse in carcerem, adduntque conditionum Regi mox offerendum has esse præcipuas, vt contentus deinceps sit Regionum fundorum prouentus; vt abolendo penitus Episcopatu consentiat, vt quæcunque habuit Sæclatorum partium, Parlamenti arbitrio permittat. Quò euaserit sub Condæo tuo Agerensis obsidio; quò Cremonensis sub Mutinæ Duce, & quidquid præterea in Italia moueri pergit, Tu melius nosti. Quod scribis de insigni strage, quam passa Classis Hispanica tempestatum sæuitiâ est, id videri potest diuinitus factum; ac si præsertim illi fuit, qui à te præsumitur scopus. Licer hoc saue suauē habere,

*Non quia vexari quemquam est in cuncta voluptas;*

*Sed quibus ipse malis careas, quia cernere suauē st.*

Esto proinde semper sælix, ac semper, ô PRINCIPVM DECVS, bene, imò optime Vale. Parisiis, xv. Kal. Nouemb. M. DC. XLVII.

## E I D E M.

**N** ON obstitisse venæ sectionem, quominus ad me dextrâ scriberes, amoris fuit singularis, quo dignaris me persequi. Summè verò interim delectat, fuisse id prophylacticum, non therapeuticum remedium. Si valeas modò, bene est; ego licet non multò melius, peius saltem haud quam habeo. Quod lætatis me Grobosiensis tuis ambulacris delectatum, cogites velim delectationem vberiore factam ex spe præconcepta, quòd aliquando *quis* *quis* forem ea tecum emensurus. Acceperamus iam, quod perscribis de Aquis Archiepiscopo in Purpuratorum Collegium adscripto. Inaudio verò præterea Pontificem Summum scripisse ad Regem, exoptare se, ne ille à suo latere discedat. Recepta ab hostibus Dixmuda, perhibent Cortereacum eminens ab iisdem obsessum. Remissæ ad Turennum sunt, quas commodatæ copias. Ille verò repetens Rhenum, creditur in transcurso recepturus Vormaciam, si verum sit quod memorant eam ab Hispanis occupatam. Creditur & non procul deinceps abfuturus Moguntia, donec in locum demortui nouus Archiepiscopus sufficiatur. Cætera in Germania res, ac etiam in Anglia haud-admodum secus. Tu, ô PRINCIPVM OPTIME, ac meum dulce Decus, Vale. Parisiis, v. i. Kal. Nouemb. M. DC. XLVII.

Clarissimo, Doctissimoque Viro D.  
IOANNI HEVELIO, Dantisca-  
næ Republicæ Palæopoleas Scabino,

PETRVS GASSENDVS S.

**C**cepi nunc demum, Clarissime HEVELIO, quem fasciculum Exemplarium nobilissimi Operis transdere ad me tuis cum literis

litteris ab Eidibus vsque Iulius es dignatus. Reddidi statim suū cuique, Merseno primū, cum Roberualio postea Bullialdo (ad nos nūc demū reduci) ac mihi id habui, quod voluisti meū, & pro quo tibi gratias refero quam-maximas possum. Id compatori traditum statim ac mihi redditū fuit; adfluere Amici qui ipsū autē legendum absportauerint, ipsēque vix potui ex eo quidquam cursim perstringere, vt donec in manus rediturum foret, significare tibi possem non fuisse mihi planē inuisum. Itaque quantum quidem licuit, percurrendo cognoscere, dignum profectū visum est Opus, quod in seros Posteros transeat, nominique tuo, donec perennabit bonarum rerum studium, asserat immortalitatem. Quam in eo mei mentionem dignatus es facere, grato, vt par est, habeo animo, ac tanquam singularis tui erga me affectus argumentum complector. Obseruationem transitus Lunæ prope Iouem die sexta Iunij abs te peractam quam xxi incisam mittere te scribis, nusquam reperi in fasciculo; verū poterit alia occasione, nisi incommodum sit, transmitti. Delectauit interea peruidere aliam in librum insertam diei Aprilis 12. quippe ipse quoque eandem heic peregi; sed Phasi planē alia; quoniam, cum tibi Iupiter totis sex minutis à cuspide Lunæ ad Boream abfuerit; mihi in ipsamet cuspide dimidio sui disculi super-exstitit; dimidio delituit. Fuit Arcturus id temporis altus gr. 49. exhibuitque adeo horam 10. cum minutis 4. Prætereo autem dum planē emerisset, tantum à cuspide eum abfuisse, quantus dodrans est longitudinis vocatæ mihi maculæ Caspiæ, quam tu Mæotidem dicere maluisti; & Arcturo quidem alto 49. gr. m. 50. seu hor. 10. min. 9. quid circa Lunæ Parallaxin ac Meridianorum differentiam colligi heinc possit, per nosse est promptum. Cum primū Bullialdus suas sarcinas explicuerit, tum ad te scriberet, tui si quid fuit caluitus venatus, tecum communicabit. Ego ex ipso nihil aliud habeo, quam obseruatam Smyrnæ Eclipsin Lunæ nuperam, hoc est Initium hora 9. min. 55. finem hora 12. min. 7. itēque Iouis occultationem consequenter cœptam hora 16. min. 37. finitam hora 17. min. 10. aliquid fortē ad præcisionem deest; sed rem per otium cum eo expendam; præsertim verò, si faxit Deus, vt quam mihi videor valetudinem recuperare, constanti eat pede. Proxima occasione Mersennus & ego contexamus fasciculum rerum ad te transmittendarum. Refaluto millies clarissimum Eichstadium. Tu me semper ama, ac optimē Vale. Parisiis, v111. Kal. Nouembr. M. DC. XLVII.

*Admodum Reuerendo, & Clarissimo,  
Carissimoque Viro, D. GODE-  
FRIDO VVENDELINO, Con-  
datenſi Canonico, Pastori Hercano,  
PETRVS GASSENDVS S.*



Aud malè sanè es ominatus, VVENDELINÉ Carissime, gauisurum me, quòd do-  
Gassendi Epistola.

lueris tantum. Ecquid enim, putas, esse mihi potest quàm te valere iucundius; ecquid acceptius, quàm nōsse te percoleratis his casibus, sospitem adhuc superelles; ipse, tametsi iustitiam semper valetudine diem traho, videor tamen, Deo propitio, aliquantò meliùs habere; spēsque adeo non parua est, vt demū planē conualeſcam. Hoc ipsū tepono, vt sit, quod gaudere vicissim valeas; tametsi aliunde subſidio, quod vterque iure doleamus. Scilicet obitum renūcio amicissimi Capitis, optimi putā illius Galterij, Prioris Valletæ, quem vterque coluimus; qui, vt me semper impensè amauit, sic te & suspexit, & anauit saue quam-multum. O qualem Virum! Deum immortalē! Sed te coram nihil est opus de ingenij acuminē; de iudicij maturitate; de animi celitudine; de morum candore; & de ceteris eximij dotibus verba facere; quando is fuit tibi abundè perspectus. Abiit ē viuis *o magnēsimus*, propē octogenarius, Nonis Septembris nupticio corpore quidem valde afflictato, sed vegeta mente, & constantia summa. Rediit solpes noster Bullialdus diebus proximē elapsis Byzantio. Narrat verò sese captandæ ea in Vrbe Poli altitudini destitutum fuisse Organo idoneo; sed fando tamen à quoddam Patre Societatis Iesv accepisse, fuisse eam obseruatam graduum 41. cum semisse. Ad Eclipsin quod attinet, obseruauit illam cum Ioanne Fabro Mafſiliensi (cui ligneus Quadrans aderat) Smyrnæ, cuius loci *εξαστη* ex Meridianis Solis per Ianuarius mensē altitudinibus gr. 38. min. 11. obtinuerat; tametsi iam refert sex ex Solstitiali altitudine eam deprehendisse grad. 37. min. 45. Contigit ergo illis Initium Regulo iam alto 35. grad. 10. min. seu hora 9. min. 55. Finis eodem alto 58. grad. min. 40. seu hora 12. min. aut 7. aut 9. Attendere portò illi quoque ad occultationem Iouis, adnotaruntque subſiſſe eum Lunam alto Procyone grad. 9. min. 45. seu hora 16. min. 17. dimiſſiſſe Capellā altā 5. grad. min. 50. seu (correcta refractione) hora 17. min. 10. tametsi Capellam in tam declinū situ adhibere haud valde tutum. Addo eundem Fabrum, referente Bulliādo, obseruasse finem Lunatis Eclipsios, quæ anno superiore die 17. Iulij contigit; quāque uos Occidentiores non potuimus conspiciere, obseruasse, inquam, ibidem (& horologio quidem ad Solem composito) hora 8. min. 30. Quod doles autem nuperam, nusquam fuisse, quod innotuerit, obseruatam in Belgio, ecce eam Dantiscij obseruauit præclarus Heuclius, adnotato Initio hora 9. min. 19. Fine hora 11. min. 28. De Occultatione Iouis per illam noctem nihil habet, sed vicissim prodiit à se obseruatam emersionem Iouis è limbo Lunæ occiduo die mensis Decembris superioris anni 24. hora 8. min. 39. cum aliunde Immersio fuerit à Linemmano obseruata Regiomonti, hora 7. min. 53. Quoniam verò Heuclius in sua illa, quæ nuper prodiit è typis, *Selenographia* delineauit transitum Lunæ propē Sidus Iouis ad diem superioris Aprilis 12. retulitque in proximo transcurso distitisse Iouem à Borea Lunæ cuspide min. 6. idque, cum foret hora 11. min. 15. ideo attexo

Aa non



non fuisse mihi hunc transitum inobseruatum. Verum (quæ tum fuit insignis ob diuersitatem locorum Lunæ Parallaxis) salutari mihi Iupiter ipso sui centro ipsam-miet Lunæ cuspidem; quippe disculi dimidio occultus, dimidio superextans fuit margini Lunæ superioris; pulcherrimo spectaculo. Fuit autem in cuspidē ipsa hora 10. min. 4. Emergit integer è limbo hora 10. min. 9  $\frac{1}{4}$ . Gratias ago pro indicato nomine *Ioannis de Limeris*, qualem Astronomum Parisiis ante annos trecentos floruisse incompertum habueram. Rem communicabo proxima occasione cum ipso Bulialdo, cui ceterisque etiam amicis, quod hactenus non præstiti, salutem tuo nomine dicam. Dabo operam, vt quam-primum exemplum aliquot nugarum, quæ nuper ex me prodierunt, accipias. Tu interim, ô Carum Caput, & diu Viue, & bene Vale. Parisiis, Kalend. Nouemb. M. D. C. XLVII.

LVDOVICO VALESIO, *Principi Optimo,*

PETRVS GASSENDVS

Εὐδοκίμην.

**N**on vacat quidem scribere multa, & tardè præsertim redeunti ex Diuinis officiis; verum committere non possum, quin tester saltem me suspexisse egregium ratiocinium, quo familiaris rei curam non esse abiiciendam probas. Nam nisi præcinderes quidem tum *πλεονεξίαν*, cui nullus præscriptus est modus, tum *μικροψύχϊαν*, rem aded alienam à virtute Heroica, herere aqua, quod aiunt, posset; sed hæc cautione adhibita, nihil potest vt fieri, sic dici sapientius. Nimirum cum Sapientiæ sit prouentibus impensas metiri, ne aut præ nimia paritate quid illiberale geratur; aut præ nimia profusione, necessitas fiat emendicandi; contrahendi alienum æs; fallendi fidem; rapiendi non suum, & quæ id genus similia sunt; quoniam modo potest dimensio hæc fieri; dispensatiōque ritè institui, nisi res suas quis nouerit, ac suis etiam œconomis, ne licere sibi nimium reputent, se eas nosse ferrent fidem? Non est Cortereacum obsessum. Peruenit Turennius, vt aiunt, Moguntiam. Memninga fortiter resistit. Bauarus ait se eo sine sædus fregisse; vt pacem promoueat. Dicuntur eius copię cum Cæsareis nusquam coisse. Angli in eo penè sunt vt res & Ciuileis & Ecclesiasticis Hollandorum ritu componant. Quid in Catalonia, quid in Italia gestatur, ipse melius nosti. Vale, P R I N C I P V M O P T I M E, ô dulce meum Decus, ac Præsidium, Vale. Parisiis, Kal. Nou. M. D. C. XLVII.

E I D E M.

**E**c satis noui, OPTIME PRINCIPES, non querere te quæ sunt tua. Vtinam in quos, & in quorum gratiam operam impendis, id satis agnoscant. Quod de valetudine mea continenter aded sollicitus es, ex nimio illo

amore est, quo me immerentem beare dignaris. Ea tentata potius, quàm labefactata diebus hisce nuperis fuit. Nam quæ me quidem febricula per vnum diem solidum habuit, tussim non-nihil instaurauit; at non ea exasperatione, Deo bene propitio, qua consueuerat. Si faxit Deus, vt tuens Autummus nihil amplius noxæ inducat, esse videtur cur de me mihi ominer, spondeamque non malè. Vt illi tamen, in cuius manibus fortes meæ sunt, videbitur, fiat. Ex rebus nouis nihil æquè auditur, ac illa in dies peiora, quæ patrantur Neapoli ab ipso vsque Ioannis Austriaci appulsu; verum debes ipse, vt prius, ita plenius illa pernosce. In Germania accessere tandem Bauaricæ copię ad Cæsareas, quæ & iam infectari Suecicas dicuntur. Vt oppugnati, sic propugnati generosè Memningam ferunt. Adduntque Turennum obsessis eas misisse suppetias, quæ possint hosteis ad soluendum obsidionem compellere. Ex Flandria nihil habetur noui; nihil etiam ex Anglia accipio, saltem quod valde ratum sit. Tu, ô P R I N C I P V M O P T I M E, ac meum dulce Decus, Vale. Parisiis, IV. Eid. Nouemb. M. D. C. XLVII.

E I D E M.

**N**illas hac vice lireras ex Prouincia accepimus; scilicet debent seu Druencia, seu flumina alia nimium exundasse. Si valeas modò, bene est; ego quidem melius, quàm nuper nunc valeo. Laborat iam Rex Christianissimus variolarum morbo; prodeunt tamen fœliciter, ac propemodum sine febris exanthemata à die superiore. Videntur hostes iteratò velle eminùs Cortereacum obsidere. Cepit Turennius Falkensteinium, expectatque adhuc, quò Hassiacorum, Suecorumque negotia vocent. Discessere à Lamboy, qui in angustiis eum continebant; Vrangelus autem quasi à Cæsareis, Bauarisque, traicturus mox dicitur Vilsurgin. Propugnatur semper fortiter Memninga, obsessisque nullas condiciones audiunt. Anglica res semper confusa. Quid egerit nuper Condæus, & an se viæ commiserit, latere te minimè potest. Magna expectatio est; quid vecturus sit dies crastinus de Neapolitanorum rebus. Tu, ô P R I N C I P V M O P T I M E, ac meum dulce Decus, Vale. Parisiis, XVII. Kal. Decemb. M. D. C. XLVII.

E I D E M.

**E**c eam, quam nuper significavi Veredarij retardationem, binas iam abs te habeo literas; alteras Nonis ipsissimè, alteras pridie Eidus datas. Pietate sanè tua est dignum, quod occasione institutæ Mortuorum cœmemorationi, de Animabus, quæ à funere purgari debeant, edisseris; mirumque est Heterodoxos placitum abnuere, cuius fidem adstant non Sacer modò Codex, tum eo què insinuas, tum aliis etiam nonnullis locis, sed ipsum quoque Naturæ lumen, quod sequuti Ethnici, ac in iis quique Sapientiores, vt Pythagoras, Plato, alij huiuscemodi purgationis necessitatem agnouerunt. Rex dicitur hodie prædare,

pro

pro conditione morbi, se habere tamen non sese perinde die superiore habuerit. Aiunt Condæum fuisse Diuione hac ipse die discessurum, & huc accessurum perendie. Eques Guisus est in prociectu, vt ad fratrem Duem discedat, ex quo accepit Neapolitanos delegisse illum in Imperatorem. Apparet iam paulo inconfusus, quò videantur denique res eius Regionis euasuræ. De rebus Angliæ tale nihil, ex quo Legionum aliquot à Farfaxio facta secessio. In Germania est, cur Land-graui suæ deditio timeat, vt pote cui dicatur Cæsar cum Equitum quindecim, & Peditum nouem millibus instare. Videor mihi *de J. J. J.* non multò quidem melius, sed aliquantò tamen melius, quàm ante octiduum valere. Tu, *ô PRINCIPVM OPTIME*, ac meum dulce Decus, quam-optimè Vale. Parisiis, x. Kal. Decemb. M. DC. XLVII.

## E I D E M.

**Q**uod Portet iam, quantum conicio, cæpta esse Comitia, eo in oppido, quod obtinuit vt faceret nomen *Ciuitatum* suam. Commendat locum Apiana vitis; è qua expressum vinum eiusmodi est, vt ex quo in hac Vrbe præsertim innotuit, & Frontinianum, & Hispaniense, & cætera antè deprædicata obscurarunt; verum celebriorem iam facient, quæ in eo calata Comitia, & te quidem possimum præsentem, haberi voluisti. Ea vt tibi pro votis cedant, ac vt deinceps tibi sit prosper in Urbem reditus, voueo. Habet se iam Rex, Deo propitio, melius, diesque tertius elapsus est, ex quo euasisse dicitur discrimen. Accessit in Urbem nudius-quartus Condæus tuus incolumis. Accessit etiam Belleuræus ex Anglia, vbi sunt res semper haud-secus turbatæ. Imminui ferunt in dies hostium apud Flandros exercitum; ac Neapolitanis præsertim desciscitentibus, ex quo celebrem suæ nationis defectionem acceperunt. Quin in ea geratur ipse melius nosti, neque ignoras quod literarum ad ipsum Summum Pontificem ab ea datarum sit argumentum. Ad Germaniam quod attinet, Herbipolensis Episcopus in Archiepiscopum Moguntinum pro Regis votis electus est, ac discessit statim Turennius Memningam, cuius tamen oblationem fatigatus à præsidio Bauarus dicitur soluisse. Aiunt Konismarkium, & Vrangelum sic contulisse copias, vt obtent ne Lamboyus suas conferat cum Cæsareis. Scribunt Monasterio Ministros Cæsareos conditionibus pacis subscripsisse. Valeo nunc paulò, Deo aspirante, melius. Tu, *ô PRINCIPVM OPTIME*, ac meum dulce Decus, Vale. Parisiis, III. Kal. Decemb. M. DC. XLVII.

## E I D E M.

**A**ccepi quas dignatus es *Ciuitate* literas dare. Faxit Deus, vt quæ te illuc deducere negotia, tam sint euentu suauia, quàm est ipsum vinum *Ciuitatense* potatu suauis. Quod de valetudine mea voues, eius est erga me amoris, quem sanè vt merear, longissimè

Gassendi Epistola.

absum. Ea porro, quando es adeò bonus, vt quo sit statu, nosse delectet, non iam prorsus malè, Deo propitio, habet; quippe febricula euasit, tussisque euasit longè mitigatior. Conualescit in dies Rex, ac Regina Patrens, quam eodem morbo teneri fuerat creditum, sic breui conualuit, vt omneis liberarint metu. Noui nihil accipio ex Flandria. Scribitur semper Monasterio pactas conuentas conditiones nos inter, & Cæsareos esse; nec desunt, qui adiciant etiam Cæsareos inter & suecos. Memningam ferunt adhuc obfessam; sed strenuè semper oblucentem. Non eò profectus Turennius est, sed ad Konismarkium, & Vrangelum, quos ob collatas in vnum vires, fore perhibent hostibus potiores. Pernosces aliunde vt Rex Anglus sese ex Anglia subduxerit, ac in Insulam nostris oris propinquam se receperit, exul viuere, quàm captiuus præoptans. Inaudiuimus quidem Classem nostram Neapolin versus discesse; verum quo successu, adhuc incomptum. Tu, *ô PRINCIPVM OPTIME*, ac meum dulce Decus, Vale. Parisiis, postid. Non. Decemb. M. DC. XLVII.

## PETRVS GASSENDVS

SAMVELI SORBERIO SVO, S.

**M**isit nudius-quartus ad me optimus Merfennus tuas literas. Eidus mensis superioris datas. Longum iam tempus est, ex quo aliarum quoque debitor sum; sed non est profectò, quod me idè habeas minùs memorem, venerantem, amantem tui. Insignis nimirum de tuo erga me amore confidentia est, quæ me segnem oppidò fecit, ne culpæ quidpiam conferam in eam inualetudinem, quæ me à selqui-anno ac ampliùs iam habet. Quanquam mihi nihil est necesse excusationem pertexere; adeò de tua bonitate, beneuolentiæque securo. Quòd meam illam de traiectione Chyli, deque sanguinis Circulatione Dissertationem Gallicè redditam & nomine meo suppressò, committendam typis censuisti, improbare sanè non possum, neque non boni consulere; cum ipse sis qui feceris. Tibi siquidem plenum in me ius, & si quidquam est, quod proficisci abs me possit; id totum tui est arbitrij. Vnum vereor, ne scilicet si edatur fortè aliquando in lucem Tractatus de Animalibus, cuius ea Disputatio pars aliqua est, desumpsisse illam fide non bona videar ex alienis operibus, aut frustra, ineptè querentasse aliquid noui inuicere; tamen res fuerit meo Marte, & fortassis non sine quadà nouitatis specie conscripta. Quippe & ista edita fuisse antecederent comprobantur, & meo nomine tacito, illepidum foret, neque mei genij, aut ipsa mihi vindicare, aut de editis conqueri. Vtuncque sit ne idè putet fecisse te rem mihi parùm gratam; tum quòd hæc omnia minoris ducam, quàm vt debere me de ipsis esse admodum sollicitum putem; tum quòd persuasissimus sim, eum esse tui in me affectum, quo non possit esse sincerior; ac te nihil meum

Aa 2

artinge

attingere, nisi ut mihi, quam-maximè abundè potes, gratificeris. Itaque hanc mitte de pectore curam, ac operam solùm, nisi graue est, dà ut quo nosse valeam, quid id rei sit; illius ad me exemplum transdatur. Si istheic fortè Prætor est (frustra nempe volebam nuper eum salutari abs me Lugduni) saluere illum iube abs me; uti & Amicos cæteros, quos esse nobis communis nosti. Tu, mi SORBERI, me amare perge, cui heres in ipsis medullis, ac Vale. Parisiis, Eid. Decemb. M. DC. XLVII.

LVDOVICO VALESIO, Principi  
Optimo,

PETRVS GASSENDVS  
Evdexi. Rev.

**Q**uam bene nosti hominum mores, dum sic describis genium istorum oppidatim delegatorum, qui singillatim quidem adnuunt, sed vniuersim deinceps abnuunt! Non sanè, quod non idem propè Societatibus aliis vsu-veniat (obiici certè speciatim quoque nostris, quæ dicuntur Capitulis, solet) sed quòd hocce hominum genus τῶν δουρικῶν seorsim laboret, ut imbecillitatis conscium, & turmatim τῶν ἀνταρτικῶν insoleat propemodùm, quòd stipantibus aliis roboretur. Heinc vulgaris facta illa comparatio virgularum complurium, quæ fragiles singulæ cùm sint, diffringi congestæ in fascem non possunt. Rumor crebrescens de excepto Neapoli Duce Guisio vtramque heic paginam facit. Tener interim omnes expectatio euentus prælii duplicis, alterius pedestris inter ipsos Ciucis Neapolitanos à Guisio eductos, & collectam Nobilium manum, libero ciborum commætuui obstantium; alterius Navalis nostram inter Classem eò versum recens prouectam; & Hispanicam illece commorantem. Scribunt Memnigam denique occupatam à Bauaris; adduntque Hassiam à Cæsareis maximopere infestari. Rex Angliæ sese in Insulam non oris sanè nostris vicinam, sed in nobilem illam Vectam oræ Anglicanæ proximam subduxit. Tu, ô PRINCIPVM OPTIME, ac meum dulce Decus, Vale, Parisiis, Eidib. Decembr. M. DC. XLVII.

E I D E M.

**N**ecesse est hac quoque vice flumina exundauerint; quando Prouinciæ Veredarius ὁ χαρισματούχος nondum huc accessit. Tamesti verò nullas proinde istinc habemus literas, conicere tamen est promptum, & iam perfectæ esse Comitæ, & nisi in Urbem te receperis, proximum esse, ut te recipias. Nempe Dies Sacri pro foribus sunt, quibus abesse domo non soles. Vtinam sospes cum sospite Illustrissima Familia eos ducas. Valeo ipse iâ, Deo propitio melius; spesque est, ut possim per eisdem-mer dies Sacrum facere, quod ne facerem, obstitit per scsq̄ui-mensem inualetudo. Res inter nouas illud heic est, quod scri-

ptum est Româ postridie Kalendas fuisse cum diem tertium, quo Summum Pontificem grauis *dyougia* cum febre vexaret. Sunt qui addant Guisium insignem victoriam ex Nobilibus Neapolitanis retulisse. Monasterienfes literæ pridie Eidus datæ peferunt recusare Hispanos pactis conuentis subscribere, nisi Rex susceptæ Neapolitanorum tutelæ renunciet. An verò contingere id possit, reputandum est: Concessit Haliprunum Turcennius, cuiusque Nepos Durafius Regis nomine missus est, qui bellum Bauaro indicat. Pars Cæsareorum Hassiâ excessit, pars illam adhuc occupât, idque non valde procul Casellis. Dicuntur tamen minui, & Sueci contrâ incrementum, dum se ad hiemandum in Brunsvicensi Regione parant. Degit semper (nisi teneretur potius) in eadem Insulâ Angliæ Rex; ac mitiores nihilo sunt, quæ ipsi offeruntur pacis conditiones. Tu, ô PRINCIPVM OPTIME, ac meum dulce Decus, Vale, Parisiis, XI. Kal. Ian. DC. XLVII.

*Hac absoluebam, cum allata ad me litera quædam sunt, quæ appulisse huc denique veredarium fecerint fidem.*

E I D E M.

**E**rum nouarum quod hac vice abs me expectes, nihil est. Quippe literas nullas habeo, nisi à quibusdam eruditis, quibus cum soleo ut in Republica ab hisce Mundanis aliena versari. Et me amici quidem nonnulli per isthæc Festa inuaserunt, quibus curæ est, quid vbiuis gentium geratur rerum, non ignorare; ac ipsi tamen professi sunt, nihil sibi, præter pauca de rebus Neapolitanis esse perspectum. Verùm debes ipse profectò ea nosse, veluti fuisse, auspice Guisio, educta ex Vrbe viginti quatuor Ciuium millia, quæ tripartitò progressi, triplicia Nobilium præsidia sic euerterint, ut liber omninò iam sit ciborum in Urbem commætus; itemque quædam Urbis regiones fuisse à Ciuibz receptas, quòd Hispanica Classis, nostræ metui, præsidij partem inde euocasset; ac rursus Archiepiscopum, Cardinalémque Philomarium fuisse ab Hispano reum Maiestatis conclamatum; vniuersamque eius familiam municipij iure priuatam, quòd inuidentem se Ducem Guisium & admiserit, & reuiserit ipse. Insuper eisdem Neapolitanos minas Genuensibus intentare, quòd aduersum se Hispanis fauentes sese gerant pro hostibus; & quæ sunt id genus similia. An enarrabo insigne furtum in Luceburgensi Palatio per ipsa nocturna Nataliciorum Sacra patratum. Diuersabatur ecce in Villa Riuius Abbas, cum ingressi fures in illius cubiculum, quod ipsi Heroinæ cubiculo imminet, singularem famulum id asseruantem trucidarunt, frustulatimque in ipsam fecerunt foueam deiecerunt; & quatuor *Philippeorum duplerum*, seu *Pistollarum* millia, effractâ arcâ absportarunt. Tu, ô PRINCIPVM OPTIME, ac meum dulce Decus, Vale. Parisiis, VI. Kal. Ian. M. DC. XLVII.

E I D E M.



## E I D E M.

**E** Vere ad me hesternâ luce geminæ allatæ abs te litæ; alterâ quidem *Cintra*, alterâ verò *Aquis-Sextiis* datâ. Cùm condolerim propter priores, quoddam illis Comitiorum turbis successuras alias in ipsâ Vrbe præsenferis: consolationi tamen fuit, quoddam negotiorum difficultates, quæ es solerti prospiciens, sic te ad illas compares, vt sapientis, bonique Viri officium nunquam desetas; & tum in mediis eorum procellis pacatum animum tuearis, tum ob infœlicem successum penitentia non discueris; quatenus agnoscis nihil fuisse contra prudentiæ leges peccatum, & non fuisse tui arbitrij fortunam, quam plerumque humanæ res potiusquàm sapientiam sequuntur. Cùm etiam propter posteriores, quoddam abs te discendens optimus Campinius tantum tibi sui desiderium reliquerit, id mihi quoque solatio fuit, quod agnoscens esse non posse illius præsentiam perpetuam, præoccupâris animo ferendam leniter absentiam; ac reputâtis virum sapientem maximè quidem amicorum consuetudine delectari; verum, vt possunt interuenire qui eam interturbent casus vatij; sic debere illum semper in seipso reponere spem maximam sui. Quid itaque maius nouo hocce anno vouere tibi valeam, quàm vt hoc semper animo sis, ac simul bene valeas; quando ex antiquo senatio,

*Ἐγὼ καὶ σύ ἰδὲν τὴν βίην ἔθε.*

*Sunt sanitas, & mens gemina vitæ bona!*

De rebus nouis, versari adhuc aiunt in Alfatia Turennum, ac Brisaco breui traiectorum Rhenum. Pars Cæsareorum se ad habendum hibetna in Franconia parat; pars in Halsa adhuc grassatur, & Marpurg capto, arcem obsidet. Sueci semper vltâ Visurgin, ac in Brunsvicensi ditione præsertim Equitatum reficiunt. De pace nihil sani renunciant. Anglicæ res semper turbatæ. Ea à Patlamento exercitus petit, ex quibus meditati discessio nem existimetur. Oblatis conditionibus detrectat Rex subscribere, nisi quibus rerum summa componatur. Tu, ô PRINCIPVM OPTIME, hoc anno, Nestoricosque porro & Vine, & Vale. Parisiis, 111. Non. Ianuarij. M. DC. XLVIII.

## E I D E M.

**E** Ta est sanè, OPTIME PRINCEPS, ea conditione nascimur, vt confecto hoc breui quasi curriculo denascamur. Quinetiam eo ipso momento, quo viuere aggredimur, mori quoque incipimus (quando incipimus parte quadam concessæ nobis vitæ priuari, & vitæ priuatio mors est) adeò vt, quæ vulgò appellatur mors non tam sola sit, quàm extrema dicenda. Non lusetis proinde nos, qui nos dixere nascentis mori, pendere ab origine finem, ac illum ipsum, qui primus datur vitæ dies, dare extremum. Insigne interim discrimen inter extremum hunc vitæ diem, & anni extremum, qualis ille fuit, quo dignatus es scribere. Quippe nobis quidem dat primus extremum; verum ipsis annis ex-

*Gassendi Epistola.*

tremus dat primum, egregièque Egyptij illud serpente, qui in caput caudam inferat, adumbrant. Quare neque nos etiam lusit, qui causatus est posse Soleis ita occidere, vt redeant; nobis cùm lux brevis semel occidit, vnam esse noctem perpetuam dormiendam. Tibi certè non infrequens in ore esse meministi illud,

*Nos ubi dedicimus,*

*Quopius Aeneas, quo Tullus diues, & Ancus*  
Et,

*Cum semel occideris, & de te splèdida Minos*  
*Fecerit arbitria.*

Verùm ab hisce temperandum ne velle videar lucernulâ Solem facere illustriorem. Ad res nouas quod atinet, nihil est, quod dicere iam possim. Anglicæ haud secus quàm prius. Germanicæ nondum emendatæ. Hollandi in prociectu, vt pacem cum Hispano tatam declarent. Longavillæ, ne Monasterio discedat, redeat ve mandatum. Tu, ô PRINCIPVM OPTIME, ac meum dulce Decus, Vale. Parisiis, 1v. Eid. Ian. M. DC. XLVIII.

## E I D E M.

**V** Erendum prorsus, OPTIME PRINCEPS, ne quod auguraris eueniat, vt nempe hocce adhuc anno bella in Christiano Orbe recrudescant. En quippe Cæsar, ac Bauarus prosperioribus paulò rebus non iam perinde pacem reclamant; & Hispanus in Cæsaris fortunam iaciens ancotam, ac emergere non desperans, illi fandiendæ moras trahit. Quare euenturum omninò videtur, vt & tota Germania, & quidquid ditionis Hispanicæ est proxima Astate armis perstrepat; cùm & aliunde in eo sint Angli, vt videri possint se suis discerpturni vnguibus, & Veneti esse videantur in eo, vt ab extraneis sint lacerandi. Ecquid nobis in ista rerum perturbatione aliud supersit, quàm vt Diuinum precemur Numen, ne ea, quæ pro foribus sunt, contingere mala patiat, ac tot miseratus infanteis, illis etiam ignoscere, qui sunt tantæ noxæ authores, dignetur. Abundè pernosse haud dubiè ex aliorum literis, sedisse in Senatu sacram Maiestatem nudius-tertius pro Tribunalij iussisque cætera inter, referri in Acta Diploma, quo Libellorum Supplicum Magistros duodecim conscripsit. Qui ex hoc ordine iam sunt, quoddam nescio quid non satis gratum ipsi Principi egerint, euocati luce hesternâ in Regiam, tum obiurgati seuerius, tum muniis fure interditi. Tu, ô PRINCIPVM OPTIME, ac meum dulce Decus, Vale. Parisiis, xvi. Kalend. Febr. M. DC. XLVIII.

## E I D E M.

**N** crebescit quoque heic rumor instituendi istheic Senatus Semestris. Ac ipse quidem, vt audio pro tuo in Prouinciam, eiusque Ordines affectu, nihil non præstitisti, vt posses insignem adeò innoationem auertere. Verùm consilio quid opus sit, vbi est parere necesse? In eo semper sum, vt appreecer tibi feliciora tempora, quibus facere tibi liceat bonita-

Aa 3 tem

tem explicatiorem. Quod de glorioso Classis nostræ commemorasti prælio, confirmatum illico fuit literis à Richelio datis, quibus reditum, appulsusque ad Leornem significauit. Scribitur ex Germania, Suecos admodum inualescere, ac Turrennum breui ipsis accessurum. Excedere proinde non modo ex Hassia, sed etiam ex Franconia tam Cæsareos quam Bauaros; ac illos quidem iam Marpurgensem, hos verò Norlingensem obsidionem soluiffe. Inire fœdus Saxonem, Brandenburgicumque, & Danum, vt Lutheranismum sartum tecum seruent, Germaniamque in eum statum, qui fuit anno sæculi huius xvii. restituant. An Sueci persentiunt id fœdus reipsâ aduersum se pangi? An serid est, quod Bauarus quasi ex prætextu illius, sibi metuens, Imperatorem vrget ad pacem? Hollandi iam satis constanter nihil sine nobis obsignaturos contestantur; maximèque ex quo Archidux destinauit Gueldriam Lotharingicis copiis in hibernâ. Pessimè omnino res Angli se habent. Subducti recens ab eo sunt omnes omnino domestici; communita quoque Insula vberiore præsidio, neque illum emittere neque admittere ad eum quemquam potest; quin etiam, ex quo quatuor illis insignibus aded conditionibus recusauit subscribere, sanxerunt Parlamentum, ne quis quouis modo cum ipso communice; neque amplius de componendis cum eo rebus verbum iniiciat; secus agentem tanquam reum Maiestatis multatum iri. Instaurata mihi cum febricula ab ineunte vsque hebdomade tussis, quæ licet adhuc perseueret, atramen iam penè absque febris est. Tu, ô PRINCIPVM OPTIME, ac meum dulce Decus, Vale. Parisiis, viii. Kalend. Februarij M. DC. XLVIIII.

## E I D E M.

**V**erisaris iam, quantum conilio, inter non paruos instituendi Semestris Parlamenti ætus. Qui à Curia huc aduentarunt, iussi dicuntur discedere, neque ex Aula quemquam salutare. Fortunet Deus Optimus omnia, ac tibi tribuat quam exoptas, quamque mereris tranquillitatem. Quod de Neapolitanorum ominaris rebus, quantæ est, amabò, probabiliter? Non dum profectò res est ipsis aduersus Hispanos confecta; & vt confecta concedatur, quantis deinceps factionibus misera regio turbabitur, priusquam quietum, constantemque assequatur statum? Quanquam quid imposterum ipsis Hispanisque sit euenturum, caliginosa nocte premit Deus; ac videtur posse dumtaxat sperari, fore, vt cunque res cesserit, remoram Hispanis insignem, ne aduersum nos grande quidpiam tentent. Aiunt interim illis denuo cum Hollandis sic conuenisse, vt statuti omnino sint pactis conuentis. Quare & creduntur nobis belli studia in Belgium præsertim deinceps conuertenda. Si pergant modò Suecorum res prosperè in Germania geri, spes est, nostræ quoque in Belgio prosperè succedant. Euasi, Deo bene propitio, à febris, solæque mihi iam hæret tussis. Tu, ô PRINCIPVM OPTI-

ME, ac meum dulce Decus, Vale. Parisiis, pridie Kalend. Februarij. DC. XLVIIII.

## E I D E M.

**E**tor admodum omnia pacificè aded in Semestris Curie institutione se habuisse, ac es dignatus perscribere. Id tuæ providentiæ haud dubie debetur; tametsi non hæreo, quin factum grauiorem te grauius affecerit. Sed publica nempe necessitas fecit, cui & te, & quorum interfuit, parere consentaneum fuit. Commendari heic saltem debet nostrorum hominum moderatio, quos nemo sibi persuaferat posse tantam hanc sine grauius querelis perferre iacturam. Hac in Ciuitate Senatus deliberat adhuc de Edictis, quæ sedente nuper pro Tribunali Rege inssa fuere in acta referri. Expectatur adhuc quo successu exceptum fuerit Monasterij, quod Rex ante quindecim dies innouescere palam voluit, & Nuncio Pontificio, & Oratori Veneto Hispanum esse, per quem stet, quod minus pax inearum quam primùm; quatenus ipse quidem stare iam conuentis paratus est, Hispani autem tergiverfatur, conditionesque nouas apponit, ac potissimum circa Lotharingum, cui tam ampliora postulat iis, in quæ prius consenserat. Anglus paris semper infelicitatis. Reposita spes aliqua in Scotis; sed verendum sanè ne illi, si forte velint, non multum possint. Tu, ô PRINCIPVM OPTIME, ac meum dulce Decus, Vale. Parisiis, viii. Eid. Februarj. M. DC. XLVIIII.

## E I D E M.

**Q**uam mihi fuit primus literarum tuarum inamœnus versiculus, tam profectò fuit succedens amœnus. Scilicet ille temerata, hic redintegratam valetudinem renouauit tuam, qua iure mihi carius nihil. Vtinam Deus ter-Optimus eam sartam restituetur. Mea, de qua dignaris sollicitus esse, eodem pene in statu est. Hærescit videlicet adhuc importuna tussicula; tametsi spes est, vt, Deo propitio, Vere ineunte euanescat. Rerum nouarum vix quicquam habeo, nisi quod rata habita in Supremo Consilio est, sub initium hebdomadis, quæ fuit istheic Parlamenti Semestris facta institutio. Deliberat adhuc Senatus circa Edicta nupera; ac se perinde semper Magistri Libellorum Supplicum habent. Nôris iam, opinor, vt Bekus repulsus Cortereaco fuerit, quod mane quopiam intradere ex improviso attentâr. Discessisse Monasterio Longavillam perhibent, ab vsque die 111. Nonas, hanc in Urbem vt redeat. Transduci aiunt Angliæ Regem ex Insula Vecta in Lundiam ad ostia prociæ Sabrinæ fluuij, ac è regione consilij Cornubiæ, Deuonizque sitam. Sunt, qui addant ipsum haberi Maiestatis reum apud Parlamentum, quod disceptare accusationem quadripartitam instituerit. Tu, ô PRINCIPVM OPTIME, ac meum dulce Decus, Vale. Parisiis, postrid. Eid. Febr. M. DC. XLVIIII.

E I D E M.

E I D E M.

E I D E M.

**E**ne vertit, OPTIME PRINCEPS, quòd multa, quæ scribam non habeo. quando vix quicquam ad scribendum mihi superest temporis à dictamine quarundam nugarum, quas excepsisse auribus, Amici optimi, non contenti, etiam conscripseras, vt referre domum possent, efflagitârunt. Incumbit Senatus iisdem semper studiis, & Aula quidem instigante, vt finem tandem faciat. Nondum accessit Longavilla, ac Heroïna illius vxor dicitur iam solum esse in procinctu, vt pergat ipsi obuiam. Discessurus est in Burgundiam Condæns tuus, proximis diebus, vt breui redux se ad Flandricam expeditionem comparet; quippe renunciatus Imperator summus. Dicuntur Suoci in Germania prosperiorē vti fortuna, dum quæ hæcenus fuit Anglo aduersa labitur semper in deterius. Viuica salutis spes in Scoris sita, si illi irrumpant, vt ferunt in Angliam, propter futuram accessionem ex vniuerso populo, qui & desiderio Regis teneri, & Parlamento admodum esse insensus creditur. Misurum nuper fuit Parliamentum alias nescio quas conditiones; ac decreuit intercæ Presbyterium Ecclesiasticum regimen, quod quidam sic interpretantur, quasi fucum facere Scoris, vt quodammodo demulceantur, velit. Tu, ô PRINCIPVM OPTIME, ac meum dulce Decus, Vale. Parisiis, x. Kalend. Mart. M. DC. XLVIII.

E I D E M.

**N**vdus-quartus fuit, cum literas tuas tertio Eidus datas accepi; & nudius-tertius cum datas post octiduum, seu decimo tertio Kalendas. In vtrisque agnosco, ac suspicio tum quam vbique spiras pietatem, tum quod es solitus matrum promere de rebus iudicium. Nihil ex Aula, quod sciam noui; nam illa quidem relaxamenta, quibus ad notam vsque superiorem indulsit, nec te audire iouat, nec commemorare me decet. Accessit primum Longavilla Triam, hoc est domum, quam habet vltra Pontisaram, decimo-quarto abhinc lapide, vnde in Urbem demum die superiore aduentauit. Perhibent Turenium accessisse ad Suecos cum octo hominum millibus; ac idem esse exercitum ex triginta iam militum millibus constatum. Fide non carer, quod fore addunt, vt quidpiam insigne breui adoriatur; ac præsertim, si verum sit, quod supponunt hosteis esse numero longe inferiores. Non heic subitico quod Dinienfes amici mei conqueruntur se Consulum fraude frustrari eâ gratiâ, qua voluetas exemptos. Hoc potius queso, vt si quidpiam peccetur à Consulibus, id populo non imputes, ac subleuare miseram Urbem grauiamine illo digneris. Vale, PRINCIPVM OPTIME, ô meum dulce Decus, ac Præsidium, Vale. Parisiis, III. Kal. Mart. M. DC. XLVIII.

**Q**uid hoc est rei, OPTIME PRINCEPS, vt tuæ semper erga me munificentia non immemor distulisse eo solum sine videaris xenia solita, vt esset, cur quodam quasi scœnore ea cumulatiores præstares? Sanè, cum tibi suppetat, vnde benefacere pergas, me tamen verba quibus pergam gratias agere idoneas, deficiunt, vt hac proinde occasione liceat mihi dicere *inopem me copia fecit*. Quò vno abundo, ipse est affectus, quem vt venerationis, amorisque plenum, ita & gratitudinis intimo in corde constanter retineo. Ex Aula noui nihil habeo, nisi quod Senatus respondere iussus quid se habere iuris præsumeret in ea Dicta, quæ ipse Rex coram referri in Acta mandasset; respondit se aliud nihil præsumere, quam modum quempiam si visum fuerit; sed pro ipsius tamen Regis beneplacito illis adhibere. Discessit solum nudius-quintus Condæns tuus in Burgundiam; intereâ verò diligenter apparatur exercitus, quem ex millibus octo Equitum, & Peditum quinque supra viginti constitutum aiunt. Id iam confirmatur, quod perscripsi nuper de Suecorum exercitu; scilicet perhibent Cæsareos illum aduentantem nusquam opperiri. Timere aiunt Bauarum, ne in suam rursus dirionem pœnas de pestidia sumpturus irrumpat. Detentus semper rigidè Anglus in arce Vedæ Insulæ, donec propalare Parliamentum pergit præcipua illa quatuor criminatōis capita, quibus hæcenus eum infumalauit. Pergunt conqueri Dinienfes amici de immanitate Consulum, à quibus etiam longe iniquius, quam Ciuium ceteri excipiuntur. Tu, ô PRINCIPVM OPTIME, dulce meum Decus, ac Præsidium, Vale. Parisiis, prid. Non. Mart. M. DC. XLVIII.

*Quoniam, vt accipio, tum ille optimus à Sacris immutrudine laborat; quaso immensam tuam bonitatem inherere dignetur cœpiam famulorum, vt reddat manu propria quem literarum fasciculum te bene volente his facto adiunctum.*

Viro Clarissimo, Sapientissimoque,  
IOANNI HEVELIO, Dantiscana Reipublicæ Palaepolews Scabino,

PETRVS GASSENDVS S.

**N**uisti me ecce Iuuenis eximius, conciliusque tuus Georgius Phelantius, vt abs me referat, vnde noster Metfennus valeat satisfacere præclaro Hartlibio, qui ipse exinde sit facturus satis tuis illis literis, quibus nosse aues sit-ne verus rumor, quo perhibent Patrem Societatis IESV accepisse à Cæsare, ac habere præ manibus quas commissurus prælo sit Tychonis Brahei Observationes. Retcribo itaque ad illum quidquid mihi est ea de re perspectum, vnde & spes est, vt breui accipias quid id rei sit ab ipso Hartlibio. Subinde autem, quia iuuenis eximius monet se literas



ad te proxima statim luce daturum; non possum, quin vno tenore hæc conscribam, ac illi tradam, tum vt ex me quoque quam opus rem nosse breuiter addiscas, tum, vt poscam te aliquid, quod occasione tuarum ad Hartlibium literarum mihi venit in mentem.

Imprimis itaque Dodrans propè est anni, ex quo Neoburgi ad Danubium Dux misit in hanc Vrbem Religiosum quemdam Societatis Iesu, qui à confessionibus illi est. Is me iniussere dignatus, salutem dixit à Patre Andrea Curtio, Neoburgensis eiusdem Societatis Collegij, quantum commemori, Rectore; ac renuiciauit illum habere conceditas sibi ab Imperatore Observationes Tychonicas, eo fine, vt illarum editionem curet. Rogatus, quàm multas; compactas respondit in xviii. Tomos; ac typis mandatas posse duo insignia in folio volumina conscribere; adiecitque optimum Curtium non ita pridem concessisse Tubingam, vt, si ille quæ piam exstarent Mestlini, Schikardi-ve observationes, referre eas posset. Quæsiui an-non ille se ad editionem accingeret; excepit egisse iam illum cum Guiljelmo Cæsio Typographo Amsterodamensi; sed non fuisse pacta conuenta; quòd foret quidem Cæsius ad editionem comparatus; at ministrare pecuniam noller, quam ab eo Curtius exigebat, tum exemplo obseruationum, quod transmitteret, exscribendo; tum incidendis æri necessariis operi figuris circiter 60. Quanquam Cæsius vice pecuniæ Exemplæ editionis nescio quot offerret. Subiunxit se iter facientem Lugduno, egisse cum Librario, qui cum non magis conuenerit; ac requisisse, si qui in hac Vrbe rem aggredi vellent; neque reperisse. Et tantum est quidem, quod hac de re noui. Cum lætatus porro fuerim admodum exstare apud egregium illum nunquam satis laudari Ioannis Kepleri filium eandem-met obseruationum vel Autographum, vel certè Exemplum, quod octo in Tomos compactum sit; miratus sum solum, qui vterque se dicat habere ipsum-met Tychonicum Autographum; cum Tycho ex Dania discedens & sub finem anni 1597. scribens, perhibuerit gestare se obseruationes Vraniburgi viginti & vno annis habitas, easque in Tomos toridem, viginti vnum nempe, compactas.

Deinde, cum me mirè delectât inaudire superstitem esse illum tam dignum tanto Parente filium, persuasi mihi posse te, pro ea, quæ intercedit tibi cum illo amicitia, duo quædam ab ipso in mei gratiam impetrare. Vnum est, compendiosa vitæ optimi Parentis descriptio. Nempe vbi, quando, ex quibus Parentibus natus; vbi & à quibus præceptoribus institutus; quando, vbi, quoties additus coniugio, quos, vbi, & quando liberos suscepit, qui superstites ex iis fuerint; ac etiamnum, & qua sorte viuunt. Vbi, quando & cum qua regionum professionisque commutatione vitam egerit. Quonam præcisè tempore, & vnde euocatus ad Imperatorem, ac Tycho-nem fuerit. Quo die per Comitiam illa Ratibonensis obierit; & quæ id genus similia sunt; quæ ille potest sigillatim, distinctèque aut

quadantenus habere perspecta. Alterum compendiosa quoque eorum, quæ de Tychonis vita, illiusque liberis, aut cognouisse ipse potest, aut fando à Parente, aliisque audiuisse, narratio. Ac peruellem quidem id præcisè tempus, quo natus Tycho addiscere; sed cum admodum verear, ne ille dicere id non possit, velim saltem nosse, si rescire id valeat, quo præcisè tempore Tycho ad Cæsarem accesserit; & an-ne ex Rantzouiano illo prope Hamburgum hospitio, an alio ex loco, in quo se post annum iam memoratum 1597. receperit. Nisi id tempus præcisè norit conicere saltem poterit vtrumque ex iis Obseruationibus, quas Tycho in Bohemia, siue Pragæ primas peregit. Cum Tycho apud Rantzouium degens, haberet uxorem, & liberos sex; velim quoque scire, quæ fata tum uxorem, tum liberos manserint; qui ex illis superstites, qui, vbi, & qua conditione etiam-num ætatem tra-ducant. Vt paucis dicam, quæ cætera poterint in eius venire notitiam, & ac potissimum circa mortem, si quicquam habet simile iis, quæ fuere à Snellio conscripta. Ille me sanè quam-plurimum, si hæc me rescire, te intercedente, voluerit, deinceps; ac si digneris ipse te sponso-met meæ erga illum gratitudinis præstare; præstabo sanè ipse te, quantum mihi quidem dabitur, indemnem. Dic, quæso, semper clarissimo, optimoque Eichstadio plurimam salutem, ac Vale. Parisiis, iv. Eid. Mart. M. D. C. XLVIIII.

LVDOVICO VALESIO, Principi  
*Optimo,*

PETRVS GASSENDVS  
*Edmædæ.*

**I** Naudieram iam aliquid de subinven-ta abs te proscriptione. Et demi-ratus quidem sum fieri occasionem à descriptis potuisse, quando ipse perscripseras pacifice adeo fuisse omnia peracta; verum facile intellexi & hominum nostrorum mores, & causas, quæ eos perpulerunt. Quod vnum doleo, ille est labor, quem sustineas necesse est, dum heinc graue impetium est, illeinc contumax obsequutio. Sed dabit Deus his demum finem, ac tantæ agitationis vice, placidam quietem, quod voueo, concedet. Ex Aula nihil, quod sciam, noui; nisi quod Condæus hebdomade statim proxima rediturus speratur; scilicet vt breui discedat in Flandriam, aut in procinctu saltem sit, hostibus meditantibus prodire ex hibernis maturus. Timeri video, ne Lotheringus, Lamboyusque viribus iunctis in ea oppida, quæ ad Rhenum occupauimus, irruant, ipsamque Moguntiam speciatim obsideant. Id saltem se exinde euicturos sperant, vt coacto regredi Turenno, Succorum vires imminuantur. Qua occasione nescio an Sueci nihil non molituri sint, vt priusquam ille discedat, prælium cum Cæsareis, Bavarisque committant. Recruduit mihi non-nihil tussis cum duorum dierum febricula; verum spes est,

est, ut illa rursus, Deo propitio, breui leniatur. Tu, ô PRINCIPVM OPTIME, ac meum dulce Decus, Vale. Parisiis, III. Eid. Mart. M. DC. XLVIIII.

*Iubeat etiam quas hæc vice uni famulorum tua bonitas, ut heic conclusum fustisculum illi, ad quem transdo, manu propria reddat.*

## E I D E M.

**Q**UAM febriculam reputabam ante octiduum euauisse, reuixit subinde, ac me iam quartum diem in lecto habet. Adnui hodie, quod toto penè iam biennio abnueram, venæ videlicet sectionem. Fortunet eam Deus pro amicorum votis. Id mihi præsertim doloris incommoda hæc repetita creant, quod tamen fore plane ab iis liber, sub finem mensis proximi, quantum tamen diuturna sunt, tantundem faciunt necessariū meum discessum retardatiorem. Videlicet varios Tractatus amicorum hortatu, suasūque inferendos Operi illi, quod Lugduni sub prælo est, absoluisse non potero, ut bona spe fretus mihi fueram pollicitus; neque poris sum eos absoluerè, nisi hæc in Ciuitate, vbi librorum abunde est. Præstabo nihilominus quicquid per vitæ mihi licebit, ut quod exopto, possim te quam citissimè conuenire. Tu interim, PRINCIPVM OPTIME, ac meum dulce Decus, Vale. Parisiis, XI. Kalendas April. M. DC. XLVIII.

## E I D E M.

**S**CRIBO quidem adhuc è lecto, sed habens me longè, Deo propitio, melius. Non modò enim febris pene iam euauit, sed ab hesterno etiam die lenior fieri tussis occæpit. Ita fore spero, Numine fauente, ut possim proxima occasione me conualluisse significare. Acepi interim abs te carissimas mihi binas literas, quibus eximia exprimere pro more ratiocinia pergis. Quod de negotio pacis ciuicis, verendum nunc quoque, ne nimisquam verum. Anglo nulla spes nisi ab ipsis Scotis; an tamen, & quid præstaturi illi sint, nondum exploratum. Insectantur semper Sueci Bauarum, quem ferunt in propriam ditionem grassatum, ut irruentibus commeatus deficiat. Cepere illi interea Furchemium, Oppidumque, in quo festinans Bauarus, reliquerat maiora tormenta. Aiunt non satis bene Turenpio, Vrangeloque conuenire. Cùm nudius tertius Rex; Reginaque Diuam Carnutensem salutauerint; mox reuisuri Urbem spectantur. Hocce vespere duò illi nefandi, qui ipsa Naralitiorum nocte furati aurum Riuerij fuerant, luerunt immane sceleris pœnas. Nôsti enim non simplex furtum, sed horrendum quoque homicidium ab iis patratum, dum Riuerij famulum idè bifecuerunt, ut deici posset in secessus barathrum, ac nusquam comparsens, & aufugisse creditus suspicionem furti solidam subiret. Tu, ô PRINCIPVM OPTIME, ac meum dulce Decus, Vale. Parisiis, VI. Kal. April. M. DC. XLVIII.

*Balduinus ille, de quo quaris, non est aggressus,*

*quantum audio, neque Plutarchi, neque Xenophontis interpretationem.*

## E I D E M.

**P**ERUAGATUS iam rumor fuerat à primis tuis literis, de infando facinore, quod dignatus es postremis ad me paulù vberius designare. Inaudieram etiam quàm probata fuisset in Aula tua diligentia, sagacitasque in criminis reis, authoribusque detegendis; quàm seuera fuisset tibi demandata in vtrosque animaduersio. Delectat me iam ipsam Ciuitatem tam promptum vouisse obsequium, ac esse tibi integrum sic te in eos gerere, qui non satis te reueriti sunt; ut serio deinceps tuam opem implorent. Nam iam-ne quidem audiendi sint, nôsti ipse melius, an tibi expediat; vti & an transferre Parlamenti sedem, quemadmodum plena tibi concessa facultas est. Incipio iam Deo propitio, valere paulù melius, scilicet prout à febris liber, tamen si tussis nondum lenita. Mira ad me de tua illa bonitate immensa perscriptis Tornator; faxit Deus ter-Optimus, ut testari obsequiis, magis quàm verbis gratitudinem possim. Rerum nouarum vix quicquam habeo. Discessurus Condauus tuus illicò à Festis ad exercitum est. Discessit Melleræus heri, & Grandimontius ante aliquot dies. Parùm abfuturum exercitum ferunt à triginta quinque militum millibus, ac in iis fo. c. equitum, ut minimum duodecim millia. Aiunt Archiduci non bene cum misso ex Hispania Saldanio, quasi censore, conuenire; adduntque esse quatuor ex Fœderatis Prouincijs, quæ rata habere pacta Monasterij conuenta recusant. Ingens semper Bauato timor, cui iam curæ esse solum dicitur, ut Danubij traiectioni obset. Scoti, quicquam-ne aduersus Anglos, an in Regis gratiam molituri sint, nondum declararunt. Tu, ô PRINCIPVM OPTIME, ac meum dulce Decus, Vale. Parisiis, III. Non. April. M. DC. XLVIII.

## E I D E M.

**N**IL est necesse, OPTIME PRINCEPS, Tornator meus hûc accedat, ut meum discessum sollicitet; sum quippe ex me satis comparatus, ut quam-primum fuerit per vitæ licitum, discedam. Et per-quam vrbane profectò vi quadam opus esse causaris: at non ambigo, quin persuasus sis, vim nullam esse maiorem posse plenissima illa sinceri amoris, qua te prosequor obseruantia, quaque flagrantissimo sum desiderio reuiscendi tui. Id verò fiet, Deo propitio, statim ac mihi valetudo permiserit coronidem quibusdam, de quibus iam scripsi, Tractatulis imponere; ac fidem obstringo, seu imposta, seu non imposita, & quomodoocumque tandem valeam, discessurum denique me, nisi prius, at saltem simul, ac maiores calores deferuerint. Apprecor tibi interim prospera, quæ sunt pro foribus Festa. Rerum nouarum id præcipui momenti, quod aiunt Suecos, Turenpiūque non traieciisse modò ad Donanerdam Danubium; verum etiam, caprà Landsperegâ munitissimâ,

tissimâ, superasse Lycum. Hac ratione Bauarus eandem suo fœdisfragio iam concitauit, quam fœdere prius inito sedârât procellam. Tu, ô PRINCIPVM OPTIME, ac meum dulce Decus, Vale. Parisiis, 1v. Eid. April. m. dc. xlviii.

## E I D E M.

**Q**Uæ te adhuc curæ exerceant, mihi nimis quam perspectum est. Ver ipsi Deus Optimus finem. Concessurum aiunt Neapolim Lambertum cum Peditum millibus quatuor, & Equitibus mille ac ducentis. Discessit, vt audio, Condaus Canrillio, ac in exercitum properat, Melleræo Atrebatibus morbo articulari grauitè laborante. Perhibent Suecos, quod Bauariam deuastatam reperiant esse in Austriam penetraturos. Scoti nondum deliberârunt, etsi facturi in dies credantur quod in Regis gratiam sperandum fecerunt. Paucula hæc sunt, quæ mihi narrantur. Tussis facta mihi non-nihil moderatior, ac incipio iam iterum versari cum libris. Spes est proinde, vt possim breui, Deo bene propitio, absoluerè cœpta, & cogitare de reditu. Significauit Scriba classis criminalis *Orcinus*, quàm multum ipsum deuinxeris; quare pro antiqua quæ mihi intercedit cum illo amicitia, & gratias ago, & quæso etiam, vt si occasio iterum grauitandi ipsi occurrat, pergere dignetur tua bonitas parem erga illum testari affectum. Vale, PRINCIPVM OPTIME, ô meum dulce Decus, ac Præsidium, Vale. Parisiis, xv. Kal. Maij, m. dc. xlviii.

## E I D E M.

**Q**Uas & septimo & postridie Eidus, literas dare dignatus es, reddidit fuisse nudius tertius. Vtræque eximie; sed illæ præsertim, quibus turbulenta confusio huiusce vrbs describitur. Ipse id sum boni ex mea inuæltudine consequurus, vt biennio prope integro nihil senserim tantarum turbarum: nempe cum hoc tempore toto vix quicquam in Urbem exierim; nostri quo sita domus sit, in qua Deus mihi otia fecit. Ea quippe à strepitu omni urbano seposita est, ac in media vrbe penè extra urbem. Hospire aliunde tam mei amante, nihil vt humanius sic placidius est; vt proinde in medijs procellis tranquillitare vigerim summa. Pergit mihi tussis, Deo bene propitio, mitior in dies euadere; adeo vt, cum liceat ex studiis versare serium aliquid; spes iam succrescat, finiendarum breui lucubrationum. Ex rebus nouis, speratur Aula discessura Compendium sub hebdomadis insequentis finem. Aiuntque proinde Regem, Reginamque concessisse San-Germanum hodie, Anglicæ Reginæ salutandæ causâ. Melleræus se melius habet; spēsque est, vt breui explicare animum, ac industriam possit. Regressi Donauerdâ Succi non verò ingressi in Bauariam, progressi dicuntur in Superiorem Palatinatum, & Turennius suis cum copiis ab iis digressus Rhenum reperit. Nondum à Scotis factum decretum, sed interim VVallie Prouincia in Parlamen-

tum facta rebellis. Tu, ô PRINCIPVM OPTIME, ac meum dulce Decus, Vale. Parisiis, viii. Kal. Maij, m. dc. xlviii.

## E I D E M.

**M**T pergo in dies valere, Deo bene propitio melius, ita pergo me alacrius dare iis occupatiunculis, quæ solæ mihi iniicere, vt præscripti remoram possunt. Non est certè, OPTIME PRINCERS, quamobrem esse aliam cauferis; nam quod de ipsis amicorum quasi Sirenibus insinuas; nemo est eorum, qui non me spe facta firmioris valetudinis, versum te, abs quo me amari ita sentiunt, volens dimittat, ipsæque aliunde me illis agnosco hæctenus satis creditum, vt hoc, quod vnum superest, superato obstaculo, mihi esse omnino erumpendum putem. Itaque quam-primum, Numine fauente, id submouero, ad te conuolabo; vti nam verò ipsum licuisset per valetudinem citius tollere; ita me Deus adiuer, vt vel apud te, vel in itinere iam forem. Rerum nouarum vix quicquam est, nisi quod omnia perscrupunt de capto ab Hispanis Guisio; atque adeo de turbis illis Neapolitanorum sedatis. Discessus Aulæ in insequentem hebdomadem dilatus est. Adfuere diebus superioribus tum Aurelianus Computorum Camera, tum Contyæus Subsidiarum Curie, Edictorum nouorum in acta referendorum gratiæ, cum & pridie, quàm superiores darem, responsum Parlamento fuisset, Placere Regi, vt ad vnguem, quæ penes ipsum relata fuerant, exsequutioni demandarentur. Perhibent Turennum, & Suecos, latè Agræ suppetiis, fuisse iterum coituros. Scribunt esse demùm à Scotis decretum ingredi in Angliam, cum exercitu militum quadraginta millium. Tu, ô PRINCIPVM OPTIME, ac meum dulce Decus, Vale. Parisiis, Kalendis Maij, m. dc. xlviii.

## E I D E M.

**N**ESCIO quis contrigisse possit, vt reddidit tibi literæ meæ non fuerint; cum decimo quinto Kalendas & rescripserim, & per veredatium transdendas more solito consignarim. Ac non fuit quidem iactura tantis; sed doleo interim quàm illa creare suspicionem potuit factæ infirmioris valetudinis, quæ fuit nihilominus, Numine fauente, prosperior. Illa certè eo iam euasit, vt accedenti nudius quintus Tornatori occasio fuerit lætandi maximopere, cum valentem me etiam longè melius, quàm fuisset Lugduni spes facta, inuenit. Agrè dumtaxat admodum ducit, non esse comparatum me, vt quàm cito optaret, discedam; sed nempe eum satis præmonueram, nisi moræ paullo impatientior fuisset. Ad te quod spectat, confido semper fore, vt boni id consulas, & donec plenè conualefco, hanc pauculorum mensium vltro condones morulam, quàm mihi aliunde occasio sæpius repetita necessariam fecit. Non dicitur iam amplius Aula discessura Compendium; sed concessura solummodò ad aliquot dies Ruellum. Perhibent



Perhibent Condæum, dum copias perlustrat, accessisse Artebaris diebus mox elapsis Peroniam; constansque est fama, illius exercitum non pauciore omnino esse militum numero, quam millium Equitum vndecim; Pedum quam viginti quatuor. Constans est pari ratione Scotos irrupturos in Angliam; & pergere VVallæ Prouinciæ cæteris non exemplo modò, sed horratu etiam præire, vt arma pro Rege capebant. Addunt Farfaxium coegere exercitum totum in planitiem, milliariibus decem Londino distantem; ac Parlamentum conuocasse omnes, qui à cœtu aberant, in diem proximè sequentem Kalendas. Tu, ò PRINCIPVM OPTIME, ac meum dulce Decus, Vale. Patris, postrid. Non. Maij, M. DC. XLVIII.

## E I D E M.

**Q** Vanto rubore, putas, suffundor; dum pergente constanter te meum sperare reditum, ipse tamen meum Tornatorem discedere absque me patior; & quam occasionem sepius iam repetij, remoratur me ad proximos fæpe calores exactos. Sed nempe bonitas est tua, quæ pergit in me fouere fiduciam; præstatque, vt ausim constare in proposito, quod, vt scribebam nuperimè, speciem habet necessitatis. Quod caput est, & Deo propicio; valeo semper in dies melius, quod etiam Tornator coram referet, & vtcumque se mea valitudo tempore præscripto habitura sit, nihil amplius est, quod mihi vltiorè inducere remoram possit. Silentium iam est de Aulæ discessu; ipsèque aliunde pernoctes, vti & Parlamentum, & Computorum Camera, & Subsidiarum Curia, & Magnum Consilium societatis speciem inierint, quo agere de stipendiorum restitutione coniunctim possunt. Acceperamus iam Condæum cum exercitu incedere; nunc autem rumor effusus est, de Ipera ab eo oblecta. Ceperet Sueci Dunkespiellum; iam verum sit, quod perhibent Nordlingam à Cæsareis obfisione cingi, dies nos docebit. Nondum consensere Zelandi in eas cum Hispano pacis conditiones, quæ placere Confoederatis cæteris Prouinciis dicuntur. Perhibent Angliæ Patlamentarios ob bellum prope imminens sollicitudine non leui teneri. Tu, ò PRINCIPVM OPTIME, ac meum dulce Decus, Vale. Patris, Eid. Maij, M. DC. XLVIII.

## E I D E M.

**Q** Væ pauca vacat, paucis perscribo. Consistit Aulæ, ac perseuerat de eius discessu silentium. Qui nuper fuit de Iperensi obfisione rumor, nunc certa est fama. Condæus institutum suum hostibus delusis eximè celauit. Sperat se intra paucos dies tam ciueis, quam præsidium ad dedicationem coacturum. Sueci, nostrique munimentis Dunkespielli dirutis, tendunt in Sueciam, sed Cæsareis, Bauarisque affectantibus; adde vt non pauci, ob vires inter vtrosque penè æquas, initum iri prælium conficiant. Quod de Germaniæ pace inuis, probabile æquè, ac timendum est; obstat

nihilominus, quòd Suecis omnino deposcensibus, vt qui ex Cæsaris ditione hereditaria profugi sunt, æquas conditiones accipiant; Cæsar id audire nullatenus sustineat. Exiisse dicitur Farfaxius cum toto exercitu in VValliam, Parlamentum verò, illo iam absente, alia quam præsentè iniisse consilia. Quòd certè Scoti cepere nuper non Catilam modò, sed etiam Barvvicum in ipsis Angliæ confiniis; sunt, qui id non sine auspicijs Parlamenti reputent factum. Quorsum omnia sint euasura, alta adhuc caligo est. Tu, ò PRINCIPVM OPTIME, ac meum dulce Decus, Vale. Patris, xi. Kal. Jun. M. DC. XLVIII.

## E I D E M.

**E**uincit me nimium tua bonitas, cum gratiam habet discessus mei dilationem in paucos menses. Spero interim me intra id tempus, Deo bene propicio, sic conualiturum, vt modò tussis, quæ adhuc hæret (sed remissior tamen facta) euanescat, videar mihi adeo non vegetus minus, quam abcesserim, accedere posse. Nihil eorum perscribo, quæ in vrbe gerantur, dum supremæ Curia imperaris Aulæ de non ineundis conuentibus satis perspicuè refragantur; & partim sunt, qui in munimenta procul posita transfugiant, partim sunt, qui idem mer sibi, aut aliquid granius impendere putant. Urget Condæus obfisionem susceptam quam sedulo potest; vtinam perficiat satis tempori, vt Arci Cortereacensi ferre suppetias valeat. Pernosis videlicet vrbem, subducta parte præsidij, fuisse ab hostibus occupatam. Perscribunt ex Anglia Farfaxium cum maiore exercitus parte aduersus Scotos procedere; ac sunt, qui adiciant Cromvvelem profectum in VValliam, cum residuas copias, quæ iam in Regis gratiam coactæ erant, debellasse. Tu, ò PRINCIPVM OPTIME, ac meum dulce Decus, Vale. Patris, iv. Kal. Jun. M. DC. XLVIII.

## E I D E M.

**R**ipueram iam calamum, vt paucos ad te versus exartarem, cum ecce ingressio optimo Merfennò, & cum eo aliquot Amicis, quos non licuit excludere, id detractum est temporis, vt vix superfit, quo vel hoc ipsum tibi significare vacet. Bene est proinde, quod aliunde nôris & deditionem Iperæ ante ostiduum Condæo factam; & Cæsareorum extremam aciem internecioni à nostris datam, & acceptam demùm hinc inde ratihabitionem conditionum Hispanos, & Bauaros inter, Zelandis exceptis, pacturum; & Bel-fortij euasione è quinquenni illo suo carcere; & nondum planè cohibitas Curiarum Summarum querelas; & Daualfium triduo in Vrbe (sed quasi latenter) exacto, Rociacum dimissum; & si qua sint alia, quæ tibi enarrare vberius potuissim. Omittere verò interim non debeo, quam recepi me optimi Merfenni nomine dicturum salutem. Tu illam ita accipe, vt quam meo dico amplissimam putes. Vale, ò DECUS PRINCIPVM, Vale, ò dulce Decus

Decus meum. Parisiis, Nonis Iunij, M. DC. XLVIII.

## E I D E M.

**P**ro solita, hoc est immensa erga me bonitate facis, quod mihi author es, ut labori parcam. Ego verò & parco satis, neque enim tam sum, quàm vulgò habeor sedulus; & siam tamen ista tua admonitione cautior, mihi illud identidem infusurrando *ne quid nimis*. Quod attingis de Antistite, non-nihil me sollicitum reddit, quando non satis sum perspicax, ut qua de causa periclitetur, & quo in discrimine sit peruideam. Pernosces aliunde, quid tum in Senatu, tum in Summo Regis Consilio hodierna luce actum sit; quid porro noui crastina sit allatura, ipsa docebit. Ex Flandria aliud nihil audio, ex quo capta Ipera est, quàm Rantzouium grauissimè ægrotare. Sueci, Turenniusque traicere Lekum, ac sunt qui addant Bauarum Monaci tutandi dimisisse curam. Percerebuit rumor minatos Suecos fore, ut nisi treis intra menses in pacem consenserimus, ipsi seorsim incant; & Monasterienses tamen literæ pollicitos perhibent Suecos se nihil penitus de pace cum Cæsare cogituros, nisi ille, quod nos attinet, tum Lotharingi tutelam abiciat, tum fidem præstet se neque palam, neque clam Hispanis suppetias laturum. In Anglia dicuntur res esse in procinctu, ut partim Scotorum imminente exercitu, partim irritatis Prouinciis, Parlamentariis quidem malè, Regi verò præclare vertat. Tu, ô PRINCIPVM OPTIME, ac meum dulce Decus, Vale. Parisiis, prid. Eid. Iun. M. DC. XLVIII.

## E I D E M.

**Q**uam pulchrè nostros perstringis mores! quippe, cum aded verum sit posse nos longè difficilius, quàm quærere, parta tueri. Vtinam verò quæ cætera tanto impendio quæsiuimus, pari ratione non amittamus? Nihil adhuc noui, quod sciam, ex Flandria, nisi quod Condæus mouit Iperā, & mouere etiam à suis stationibus hostes. Rumor fuit eos obfessisse nunc Capellam, nunc Castellum, fortè quod in ipsa confinia copias quasdam dimiserint augurati, sed falsò tamen, ut nobis quidem videntur, futurum est, ut res apud nos turbentur, ob fœderatas mutuo, & ineuntes Comitum Curias, utcumque id Regis nomine veteretur. Perseuerare adhuc ferunt quem Cæsarei, ac Bauari cepere terrorem à nupera clade; adduntque Suecos heinc Ranium, inde Amsbergam obsidere. Res Angliæ in eo semper sunt, ut videatur Regi præclare sperandum; quippe, vel sola Cantium Prouincia aded numerofo milite iam est, ut Farfaxius non sine strage tentaret illam reprimere, cum & postulatis ab Vrbe septem hominum millibus, qui auxilio forent, tulerit repulsam. Tu, ô PRINCIPVM OPTIME, ac meum dulce Decus, Vale. Parisiis, XIII. Kal. Iulij, M. DC. XLVIII.

*Significauit mihi Felix, Creisseti Toparcha, & in Dinensi Profenescalia Consiliarius, quantā*

*abs te humanitate mei ergò fuerit exceptus. Gratiarum itaque, quantas possum habeo, exorogue, & quæso, ut si quid negotio illius perficiendo desit, fauere eius votis tua bonitas pergat. Vale iterum. Dum obsignarem literas, aduenit qui retuleris, Dixmudam à Condæo captam.*

## E I D E M.

**O**mines nostros non excuso, quod Sacris prophana commisceant. Miseret me potius humana, qua laboramus, infirmitas; tantæ scilicet, ut Diuina nostro metiamur modulo, & quibus capiantur rebus homines, iidem delectari Deum reputemus. Vtinam modò pura mente hæc, qualicumque sint, peragantur. Decreuit hodie Parlamentum Comitum Classium continentia; ac delegauit, qui Regiæ id factum præter imperium quidem, at non tamen præter ius, probent. Quod nuper iactatum de Dixmuda fuit, ex eo causam habuit, quod Condæus se eam obfessurum simularet, ut faueret Rantzouio occupare Ostendam ex improuiso meditantem. Accessit deinceps Condæus ad Atrebatem, recesserèque hostes à confiniis, ultra quæ excurrens eorum Equitatus oppida aliquot expilaret. Rumor interim est Lamboyum cladem accepisse insignem ab Hassiacis; & Cæsareis, at Bauaros (quorum Dux, ut aiunt, grauiter laborat) eodem continenter terrore teneri. Cum Rex Poloniæ obierit, aiunt Casimirum Germanum non esse Electionis admodum securum. Pridem iam est, quod inaudieris Bremensem Archiepiscopum esse in Regem Daniæ, Parente demortuo, electum. Res in Anglia semper incertæ. Quam stragem nuper commemorabam, non tam ex Farfaxij, quàm ex parte aduersa fuit; & Scotis dissidentibus, vix quidpiam Regi inde sperandum. En tamen nihilominus Princeps VValliæ discedit in Hollandiam, ut opportuno loco sit, vnde, si fors ferat, se in Angliam recipiat. Tu, ô PRINCIPVM OPTIME, ac meum dulce Decus, Vale. Parisiis, VI. Kal. Iulij, M. DC. XLVIII.

## E I D E M.

**D**e electauit me admodum, quod dignatus es scribere capitalis formulæ litem, qua Antistes meus iste tenebatur, in ordinariam controuersiam (neque, ut aliunde accipio, citra tuam opem) commutatam fuisse. Quod significauit Tornator intra paucos menses discessurum me, id ut literis quoque ad te datis pollicitus non semel sum, Deo fauente, perageretur. Visa est quidem nuperis diebus remora quæpiam regredienti valetudini iniici; verum & illa, Deo propitio, superata prosperè est, & hæc aded bellè procedit, ut si semel, quæ dudum viget, hyemans tempestas recaluerit, sit ipsam omnino recreatum sperem. Quam Leonis immanitatem insinuas, valde est insignis; equidnam tamen facias genti, cui solemne est, omne ius posse, reguandi gratiâ violari? Significauit Regina Parens grata se habere Classium Parlamentum, & delegatorum Curialium comitia, ac pergunt in iis variâ de instauratione rerum disceptari.

disceprati. Nondum discessit VVallia Princeps; neque aliud habeo ex Anglia, quam quod aiunt Farfaxium satis malè exceptum in Essexia fuisse. Consistunt semper in confiniis nostri, hostiùmque exercitus: ac videntur planè alter alteri ne quicquam moliantur, obstaculo esse. Prosperè adèd in Germania Fœderatorum succedunt res, vt ignorare Bauarum, quò se possit tutò recipere, scribant. Tu, ò PRINCIPVM OPTIME, ac meum dulce Decus, Vale. Parisiis, v. Non. Iul. M. DC. XLVIII.

## E I D E M.

**P** Vlta profectò Antithesis, qua mentis humanæ inconstantiam depingis. Verum est, quod ais, crudescere pacis fructum. An Hispani in causa? Certè Pigneranda Plenipotentiaris; *Quod petijt spernit, repetit, quod nuper omisit*, ex quo quid rerum heic agatur, rumore perlatum Monasterium est (quasi sit futurum, vt res apud nos perturbentur) illeque excessit. Nihil hædenuc Parlamentum sanxit, nisi, vt qui rei Iudiciariæ in Prouinciis Præfecti præter Ordinem sunt, abrogentur. Ex quo Aurelianus Senatui pridie Nonas interfuit, occurrere res non malè componi. Depulsus fuit hesternæ luce è Summa Ararij Præfectura Esmerius, ac Melleræus illi substitutus. Pergunt semper exercitus in ipsis Flandriæ confiniis; neque quicquam noui vtriusvis auditur. Ceperant Fœderati obsidione Vasserburgum cingere, verum ab incepto breui destiterunt. Expectat Vangelus Palatinum Sueciæ cum decem hominum millibus, cùmque illo in Bauariam dicitur irrupturus. Heri denique VVallia Princeps discessit San-Germano Caletum, facturus exinde vela in Hollandiam. Aiunt interim neque Farfaxio in Essexia, neque Cromwelli in VVallia, res satis prosperè successisse. Vt se Italiæ, Cataloniaeque res habeant, ipse melius nosti. Vale. PRINCIPVM OPTIME, ò meum dulce Decus, Vale. Parisiis, vi. Eidibus Iulij, M. DC. XLVIII.

## E I D E M.

**P** Ergit me tua bonitas miro pudore suffundere, cùm & dignaris reditus mei tanta expectatione teneri, & tantam de meo erga te affectu (sed nempe summa cum obseruantia) tantam de candore testaris fiduciam. Ego verò, OPTIME PRINCEPS, ad meum discessum quod attinet, exsequar haud dubiè, Deo bene propitio, quod sum sæpius pollicitus; & quod superest (etiam non iuranti credas) ita Deus me adiuvet vt me *omnibus modis* habes. Noua habeo pauca; nam quæ Aulam inter, & Parlamentum, cæterisque Curias interuenire negotia, penè composita iam sunt, Aureliano intercedente. Aiunt Reginam Angliæ, dimisso famulitio, in Religioso aliquo *yuauit* commotaturam. Obluctatur semper Essexia Farfaxio, feruntque Cromvelem, relicto Pambrokio, esse

Gassendi Epistola.

illi suppetias laturum. Plebs nempe malè animata militiam amplius non reficit. Qui in Flandriæ confiniis perseuerant exercitus, ita semper stationes tenent, vt non videatur vlla posse bello hoc esse pax tranquillior. Præterit Pigneranda se non rediturum Monasterium, quòd cum viro, qui inferioris, quam ipse conditionis sit, agere de pace impotenter nolit. Vrgetur semper Bauarus; sed nuncium tamen fœderi cum Cæsare inito remittere abnuir. Tortosæ obsidionem promoram, Cremonæ affectam, Neapolcos dimissam, ipse melius nosti. Tu, ò PRINCIPVM OPTIME, ac meum dulce Decus, Vale. Parisiis, xvi. Kal. Sextil. M. DC. XLVIII.

## E I D E M.

**N**æ tu Vates optimus es de Condæo cum ominaris: videlicet

*Mæne desig, tunc eius tui natus,*

Ac iam fama est, esse illum ex Candidatis Triumviri, qui futuris suffragiis Polonorum sunt destinati. Quippe memorant præter Cazimirus Regis vita functi germanum, & Palatinum Neoburgicum, Condæum tertium aduocari. Ac merito sanè id iure; siquidem ex factis nuper Tartarorum Moscovitarumque irruptionibus, admoniti Poloni sunt, rali se Duce, qualem Condæum omnes celebrant, indigere. Venit ille nuper in urbem, & commoratus pauculis diebus, exercitum nudius-tertius repetiit; scilicet renunciatum est, hostes intereà castra mouisse. Quo fine, nondum satis compertum; nisi quòd creduntur copias aliquas seposituri, quas Erlacho opponant. Ille nimis mox aduenturus cum quatuor, aut quinque hominum millibus in Luceburgum perhibetur. Succedunt semper prosperè aduersus Bauarum Fœderatorum arma. Conuenisse iam Monasterij aiunt de forma, deque tempore, quo Sueci à Cæsare illa quinque milles millia Thalerorum accipiant. In Anglia, sit-ne quidpiam noui peractum, mihi nondum constat. Tu, ò PRINCIPVM OPTIME, ac meum dulce Decus, Vale. Parisiis, ix. Kalendas Sextileis, M. DC. XLVIII.

## E I D E M.

**C** Ommodum accepi tuas literas, vt ap- pulso pridie Campinio traderem, quas ad eum dedisti. Is eadem semper veneratione, eodemque affectu aduerfium te est; dignus sanè, quém, vt cepisti, ita amare perseueres: Cùm sit sub Octobris finem rediturus, amicorum quidem sunt vota, vt donec discedat, expectem; non faciam tamen, Deo propitio, tuin præ summa tui visendi impatentia, tum ne, me in itinere, quæ plerumque solent per ea tempora inguere, frigora intercipient. Quos hostes nuper mouisse scripsi, desistere deinceps, VVernam obfessuri; idque sociis, qui non procul eo hæserant sine, præuerentibus, vt Urbem cingentes, Rantzouio præsidium firmaturo obtarent. Ac insequutus

B b quidem



quidem Condæus; sed aiunt vix esse, ut sperandum sit posse ab eo locum sospitem præstari. Scribitur ex Germania non potuisse Confœderatos, ituros vltcrius, superare Ænum; tanta fuit & aquarum vis, & hostium ex aduersa ripa occurrentium resistentia. Addunt Lamboyum viribus refectis in Hassiam redire. In Anglia res semper perinde turbata. Apud nos; actæ nudius-tertius pro Tortosæ expugnatione, Rege præsentē sollemnes gratiæ. Hodierna luce confedit Rex in Senatu pro tribunali; ac tum rata fecit complura, quæ iam Senatus decreuerat; tum haberi deinceps vetuit, quatuor supremarum Curiarum Comitria. Quid sit futurum eras, fuge querere. Viue autem in annos Nestoreos, ô dulce meum Decus. Parisiis, prid. Kal. Sextil. M. DC. XLVIII.

## E I D E M.

**Q**uid rerum nuper sustinueris, ut te non generosè minus, quam moderatè gesseris, incertum fieri fama non permisit. Pergratum fuit autem, quod simul accepi; abfuturum mox eiusmodi irritamentorum patientiæ fomentum. Euicit heic Aula, ut Senatus ad medium vsque mensem exactum intermitteret Comitria; consensitque, ut liceat deinceps de Regio Placito, quod nuper fuit promulgatum, deliberare. Quoad vsque VVerna sit restitura; quod processurus Erlachus sit; quid Lamboyus cum Gexio, Sueci cum Bauaris gesserint, auide expectant non pauci. VVallæ Princeps in Hollandiam ap-  
*pullus* nauiibus decem maioribus, quas *Rambergus* vocant, consensit, sese cum fratre mari commisit. Farfaxius perseuerat semper in obsidione Colcestriæ; Cromvvel, expugnato Pembrokio, discessit in Boream, obliturus Scotis, qui Hammiltone Duce tandem protuberunt. Tu, ô PRINCIPVM OPTIME, ac meum dulce Decus, Vale, Parisiis, vii. Eid. Sextil. M. DC. XLVIII.

## E I D E M.

**S**unt ea profectò, quæ commemoras, diiudicatu perdifficilia. An verò posuit Bauarus spem in vastatione à se facta, in fluminum obicibus, in præcipuarum vrbiū præsidiiis, in amplificandis abs Cæsare copiis (vri & reuerà ea iam perhibentur, quæ nisi distrahendæ sint, ut succurratur Bohemiæ, non desit quod Sueci per Bauariam timeant? Denique in Germaniæ pace, quasi ea breui ineunda sit? An aliunde huiusmodi pax suffragiis etiam nostris promouetur, quia iniicere remoram non licet? neque tamen si Suecus cum Cæsare, Germanisque conuenerit, conditiones propterea vllæ; quovsque & nobiscum conuentum, & pax publica fuerit promulgata, sunt demandandæ? An demùm Parlamentum peruidit fore, ut nisi iam eam reformationem, quam Aula probauit, sanxitque suaderet, non opportuniùs ipsi tempus imposterum occurreret, quam occurrerit hætenus; imò & fortassis dici illud posse,

*Qui non est hodie, eras minùs aptus eris?*

Ad te nuper cum scriberem, aduentabat qui occupatam ab hostibus VVernam nunciaret. Aliud nihil ex Flandria deinceps accepi, nisi quòd nostri metuent, nè non diu Iperam tueamur, ac præclare futurum sit, nisi hostes; quos apparare insignem Classē memorant, quidpiam cogitent de Dünkerka. Dam-natos aiunt Maiestatis ab Anglicano Parlamento Scotos; & quotquot ipsis ex Anglis fauent, quales præsertim sunt Procere Hol-lantus, atque Bakingamius. Tu, ô PRINCIPVM OPTIME, ac meum dulce Decus, Vale, Parisiis, postrid. Eid. Sextil. M. DC. XLVIII.

## E I D E M.

**O**stinere non possum me quin paucos hosce versus incipiam à gratulatione, quam debeo ob insignem victoriam, abs tuo Condæo in Archiducem reportatam. Commissum prælium dicitur Atrebatē inter & Bassam; vbi hostes planè prostrati; capta tormenta supra triginta, cum vniuersis sarcinis; & cum Archidux agrè elapsus, agrè se in Castrum nescio quod receperit, dicitur Condæum illum obsidere. Ut paucis dicam, victoria hæc non minor, nec minoris momenti, quàm Rocroyana reputatur. Quid possit hostibus deinceps esse animi, ipse iudicabis; & cum simul quidem potissimum acceperint, quàm cladem Cæsar passus est, ob Pragam insperatò captam, direptamque à Konismarkio. Scribunt Bruno procurationem ab Hispano missam consimilem illi, quam Seruientus haber ad ineundum pacem. Quòd vsque ea demum sit producenda, dies docebit. Accepi porò magno dolore non esse tibi turbatum finem; & quod de moliminibus in Comitatu subindicatis, per-scriptum fusiùs ab aliis est. Spes est, ut breui totam hanc caliginem planè discutias. Faxit Deus ter-Optimus, quòd tibi demùm ea, quam mereris, quàmque ardentè voveo, tranquillitate frui liceat. Bene interci, OPTIME PRINCIPES, ac meum dulce Decus, Vale. Parisiis, xii. Kal. Septembris, M. DC. XLVIII.

## E I D E M.

**Q**uanta fuerit illa, quam nunciaui nuper Condæi tui victoria, abundè iam perspexeris. Actæ pro illa apud Deiparæ nudius-tertius sollemnes gratiæ; at, quòd subinde iussu Regis abductus Senator, cui *Bruxella* nomen; idèd populus, qui illum habet, quasi iurium suorum Patronum, sic tota Vrbe commotus fuit, ut nulli pro more sub-vesperam colluxerint, qui dici solent *læticia ignes*. Fuere deinceps insignes turbæ; verùm, qui reductus est manè Senator, pacata ecce omnia iam sunt. Non hæreo profectò, quin bonitas tua, quæ poterat lenire tigres, rabiòsque leones, quantam describis exstiterit. Id doleo, quòd ea, ut par est, quorum interest non vtantur. Docebit tandem illos dies, quanti sit tuam indulgentiam, lenitatēque

lenitatēque experiri, & qualis abs te exhibetur, sinceritatem, fidemque præstare. Ego id semper vnicē voueo; ita mihi est cordi, vt fruentem te tranquillitate videam, sine qua oneri est vita. Faxit itaque ter-Oprimus Deus, Tu interea, OPTIME PRINCEPS, ac meum dulce Decus, Vale. Parisiis, v. Kal. Septembr. M. DC. XLVIII.

## E I D E M.

**R**it haud-dubiè, OPTIME PRINCEPS, quod condoleas ereptum nobis nuperis Kalendis optimum Merfennum, qui & te donec vixit, tantoperè coluit, & per morbi etiam extrema, cum inuideretur abs me, commeminuit tui. Duodequadraginta dies pleuritide notha ad dextrum latus laborauit, continenter dolens, perpetuè infomnis, difficiè anhelans; & nisi in partem affectam, iacere non valens. Crebrò illi sanguis, ac potissimum per morbi initia; sed nequicquam missus, Cauterium etiam adhibitum, sed parca nimis exsudatio. Denique & latus apertum; verum successu non faelici; nam paucis post horis animam efflauit. Vir corde simplex, innocens, mundus, in quo dolus non fuit. Vir, quo nullus vquam curiosior, scrutantior, experientior. Vir, quem omnes Artes, & Scientiæ, quibus semper quā explorando, quā consultando, quā alios instigando, promouendis sese præstitit indefessum, meritò lugeant. Et vis singulare illius, qua fuit erga humanum genus, beneficiæ argumentum? Ecce iam penè moriens Medicis mandauit, suum vt cadauer dissecaret, quovsq̃ morbi sui causam, quam ignorarent eo fine addicerent; vt iis, qui deinceps morbo simili tenerentur, succurrere possent. Viuat, ô ille, vt animo in Cælis, sic famâ in Terris, inter Homines; cui, si qua illis, etiam mortuus, prodesse posset, curæ fuit. Quantum mihi sit Viri desiderium, ipse, qui nos nôras; coniecere potes. Vix certè sustineo tibi quicquam aliud, hac quidem vice, perscribere; adeò mihi vnica penè Capitis tam cari effigies animo obuerfatur. VVerna mox à Rantzouio occupanda sic creditur, vt Dixmudæ occupatio consequutura breui speretur. In Germania res semper se prosperè admodum habere dicuntur. Agitur iam cum Anglo benigniùs; spēsque est, vt illi res non malè cedant. Reditum Classis in Prouinciam ab irrita Neapolitana expeditione accepimus. Ea, quæ heic contingunt, ex aliis adfices. Ruri Campinius noster est. Tu, ô PRINCIPVM OPTIME, ac meum dulce Decus, Vale. Parisiis, prid. Non. Septembr. M. DC. XLVIII.

## E I D E M.

**O**ellx Condæus, cui tu, tantus Princeps, isthæc tam præclara condidisti. Nempe, vt magna sunt, quæ peregit; ita magnum profectò est, tantum, quantus ipse es, Encomiasten nancisci. Obsidet ille adhuc VVernam; sed nimirum loci præsidium longè amplius est, quàm

*Gassendi Epistola.*

facta initio spes fuisset. Sparsus rumor est nescio quis de inita cum Cæsare pace; sustinendum tamen, donec certior fiat. Nihil adhuc molitos accepi, qui in Bannaria exercitus; an verò Sueci in Bohemia Taborem, vt aiunt, occupauerint dies succedentes docebunt. Quàm verendum, ne Angliæ Rex degere infælix perseueret! Mitibus iam cum eo agebatur, metu Scotorum videlicet; at quid suspicemur, post tantam à Scotis acceptam cladem factum iri! Ecce enim Cromwell stipatus non ampliùs quàm nouem hominum millibus, illos duplo plureis ita est adorsus, vt fugato Equitatu, non fanè in Scotiam (postico enim occurrat) sed ipsam versus VValliam, vnde vix possit euadere; peditatus se desertum videns, sui deditionem fecerit, & pauci interfecti cum sint, mancipatorum numerus esse nouem millium dicatur. Tu, ô PRINCIPVM OPTIME, ac meum dulce Decus, Vale. Parisiis, prid. Eid. Septembriis, M. DC. XLVIII.

## E I D E M.

**Q**uo die ad te nuper scribebam, Condæus VVernâ potius est; idque, cum glandem moschetto explosam, ideò bufalino thorace exceperat. Felicitet, quòd in appendiculam casu replicatam, ac resistentiorem proinde, incidisset. Is speratur die proxima, aut saltem perendie adfuturus Ruellij, quò nudius-sextus Aula discessit. A Scotorum clade, & Gloucestria capta, nihil habeo ex Anglia, nisi quod Hamiltonus, qui cum Equitatu aufugerat, dicebatur mox intra Oppidum nescio quod ad se dedendum cogendus. Addunt Parlamentum à conditionibus Regi proponendis non desistere; ac esse in eo Regem, vt illas, qualescumque demum offerantur, accipiat. Fit semper pacis aliqua spes; sed credi, ac probari, nisi euentu, vix potest. Fuit verè, quod ais, Dei digitus, vt tanta commotio fedaretur tam citò. Vinam deinceps tale nihil contingat; ne Deus ob ingratos mores esse tam propitius non pergat. Tu, ô PRINCIPVM OPTIME, ac meum dulce Decus, Vale. Parisiis, xiiii. Kal. Octobr. M. DC. XLVIII.

## E I D E M.

**N**on poteras, OPTIME PRINCEPS, iusta facere magnificentiora, quàm cum tam egregio *Manu* dignatus es Merfenni nostri piis Manibus parentare. Oblitus fueram perscribere, fuisse illi, pectore delecto, non quà dolore miserat, quæque ad infimas notharum costarum apertum latus fuerat; sed duobus suprâ digitis, Apostema inuentum; adeò vt, si ad illam partem facta fuisset incisio, creditum fuerit potuisse illum incolumem euadere. Atamen sic fata tulere. Perendie, quàm nuper dedi literas, Condæus Ruellium accessit. Aiunt fuisse illum deinceps Thalassarcham Admiraliumve factum; sed rem ex aliis, quàm ex me, certius exploratam habebis. Cardialem

B b 2 San-

San- Cæcilianum A quensem Archiepiscopum Romæ mortuum accepimus. Quid Parlamentum heic rerum moueat aliunde haud dubiè pernosces. Fuit illud heri inuitatum à Regiæ stirpis Principibus, vt possent ad San-Germanum, quò Aula erat concessura sermones mutuo conferere. Iuere eò mane ex Curia Legati; sed redierint-ne, aut quid egerint, mihi hæcenus incompertum. Nouitas hæc rerum aliam quamlibet foris aduenientem obscurat. Nempe excessus Aulæ ex Vrbe, circumstans miles, quorundam carcer, aliorum abactio, Populi murmur, plurium aufugium, vtramque penè paginam facit. Profectis Sarronem in Campaniam, in dies x. aut xii. Campinio, & Luillerio, ipse eorum tantum reditum, quò ad te discedam, expecto. Tu, ô PRINCIPVM OPTIME, ac meum dulce Decus, Vale, Parisiis, vii. Kal. Octob. M. DC. XLV III.

## E I D E M.

**Q**Uod tam amanter conquereris, nihil me de meo discessu scrip sisse, anteuertisse me comperies superiore hebdomade, qua significauî nihil aliud me, quàm nostrorum Campinij Luilleriorum reditum, vt vale iis coram possim dicere, expectare. Nondum rediere, & non diu tamen commoturi amplius sunt; ipse interea non desinam insequente hebdomade sarcinulas colligere, quò præmittere eas Lugdunum possim. Insequar deinceps, *εὐχὴ δὲ*, quàm potero primum, & quàm longissimum spero me Lugduni adfore pridie *μαρτυρίας* Kalendas. Heinc nihil erit amplius necesse, vt tua bonitas destinet huc villas ad me literas: quippe quas his acceptis dares, non offenderent me amplius in Vrbe. Ipse proxima occasione faciam te, Deo bene propitio, de die præfinito discessus certiorum. Disceptatio Principes inter, & Parlamentum nondum absoluta. Spes est tamen fore, vt breui, ac pacificè exitum inueniat. Cepere Sueci quidquid residuum ex Ciuitate Pragensi erat; sicque vniuersam iam tandem vastarunt. Aiunt Suecos, nostrosque eo fine repetiisse Bauariam, vt Vasseburgum serid obfideant. Fama est Bauarum nunc demum obfisse, ac egisse Deo gratias, quò vidisset se, & cæteros Principes, Ciuitatesque Germaniæ nobiscum, ac Suecis in conditiones pacis coisse. Nosti scilicet vtrunque subscriptum, ac inuitatum Cæsarem, vt & ipse intra mensem, si videatur subscribat, secus enim eo prætermisso, pacem promulgatum nihilominus iri. Et literæ certè Monasterio acceptæ ferunt Legatos Cæsaris incumbere serid in id, vt illius quoque nomine subscribatur. Tu, ô PRINCIPVM OPTIME, ac meum dulce Decus, Vale, Parisiis, postrid. Kalend. Octobr. M. DC. XLV III.

*Haud memineram facere te certum, fuisse ad Campinium, quas ad eum dedisti, per Abbatem fratrem literas transmissas.*

## E I D E M.



Q Uod scripsi nupera occasione me hæc hebdomade collecturum sarcinulas, id hoc demum die, Deo propitio peregi. Tradidi quin-etiam iam illas cõportandas vectoribus; quò dubites minùs me nunc denique, Cælo largiente discessurum. Et noster quidem Luilleries rure est iam redux; verum Campinius adhuc hæret, nec se sperandum, nisi intra proximam hebdomaden facit. Ipse solidam præstolabor, at si ille longiorem moram, quod tamen vix est, vt credatur, trahat; non eò minùs, Numine fauente, ita sub initium alterius discedam, vt sim Lugdunum, quo proximè prædixi die, appulsurus. Interim vix superest tempus, quò perferbere vel hoc ipsum vacet; estque proinde, vt condones, si nihil adiciam, neque de iis rebus, quæ partim in Aula, partim in Senatu geruntur, neque de negotio in quo esse te dicis *ἀσπανάς*, cuiusque vti nam euentus is sit, qui breui te in oppositam persuasionem conuertat. Vale, ô DECVS PRINCIPVM, Vale ô dulce Decus meum. Parisiis, vii. Eidib. Octobr. M. DC. XLV III.

*Viro Erudito, & Industrio, ÆGIDIO MATROPTO,*

PETRVS GASSENDVS S.

**Q**Uarè complector, quod voluisti tuam mihi Sphæram ostendi; ac probò quam machinationem conuersionibus secundorum Mobilium repræsentandis commentus es. Optarim solum, productiorem Terrenum axem fieri; vt melius idem esse, qui Mundi totius, axis intelligatur. Perge his modò te dare curis, quibus adeò es feliciter natus. Parisiis, Eid. Octob. M. DC. XLV III.

*LVDOVICO VALESIO, Principi Optimo,*

PETRVS GASSENDVS

*Εὐσεβίου.*

**P**OSTREMÆ hæc literæ sunt, quas ad te ex Vrbe, Deo propitio scribam. Nondum quidem rediit Campinius; sed, seu redierit, seu hæserit, spero ipse discedere non serius, quàm quarto ab hinc die. Prosperum iter faciat nobis Deus salutarium nostrorum. Proximè in Aula, ac Vrbe res sunt, vt quietissimè peragantur, faxit Deus ter-Optimus. Literæ Monasterio acceptæ renuntiant Ministros Cæsareos fuisse intra biduum subscripturos pacis conditionibus inter Germaniæ Ordines, nosque, & Suecos pactis conuentis. Ea te peracta, si nihil modò intestini mali vigeat apud nos, spes sit multis, fore, vt breui generalis pax insequatur. Rescribam ad te, Numine fauente, Lugdunum cum appulcro, vbi interquiescam per quinque, aut sex



sex dies. Seruet te interea incolumem Deus, vt prospera fruente vale tudine reuifete te, denique, & completi plenissimo venerationis affectu liceat. Parisiis poſtridie Eid. Octobris, M. DC. XLVIII.

## E I D E M.

**E**N me Lugduni, OPTIME PRINCEPS, & ab eo quidem, quo præſcriptam, die. Fuit verò mihi hæcenus, Deo bene propitio, iter proſperum; eadẽque prorsus, qua Parisiis diſceſſi, conſtat vale tudo. Cogitãram non ampliùs heic, quàm hebdomade hæc commorari; at vereor, vix fieri, vt excedere niſi poſt Martinalia poſſim. Nempe Cardinalis huius vrbis Antifteſ, di mittere me, niſi priùs in villam ſuam deduxerit, & dies in ea pauculos detinuerit, mi nime vult; ac ipſe ea fronte non ſum, vt, qua ille id exigat comitate, negare ſuſtineam. Vt cumque tamen fortè adhuc hæream tota inſequentẽ hebdomade, conſtitui ſaltem in i t i o ſtatim conſequentis alterius abire. Quare, & ſpes eſt, vt, Deo fauente, ac modò ſe cunda nauigatio ſit, accedam ad te, circiter beſſem huiusce menſis. Interim verò OPTIME PRINCIPVM, ac dulce Decus meum, Vale. Pridie Nonas Nouembris, M. DC. XLVIII.

## E I D E M.

**P**oſt tunc, quàm ſcripſi nuper ex hac Vrbe, cepit me leuiſ inualeſcudo, quæ hæcenus quidem me in lecto habuit; verùm, Deo propitio, ſic iam euaneſcit, vt conſur recturus mox ſim, & nihil obſtiturum ſit, quominus præſcripto tempore diſcedam. Nam quod optimus quidem Cardinalis me deducere in villam conſtituerat, id ſic meo permiſiſ arbitrio, vt cùm fuiſſet heſterna luce dignatus me inuiſere, tacitè excuſarim, niſi facerem ſatis. Tu, ò PRINCIPVM OPTIME, ac meum dulce Decus, Vale. Lugduni, III. Eid. Nouembr. M. DC. XLVIII.

## E I D E M.

**P**eratam hodierna, craſtina-ve luce Tarafconem appellere, currumque pro tua bonitate eo deſtinatum uſurpare; & ecce adhuc tamen ex hac vrbe ſetibo; quia res pet me ſolum non ſtetit, cùm forem nudius tertius (ac non penitus refragante præſertim vale tudine) ad diſcedendum comparatus. Scilicet præclarus Neuraus vrgenti mihi con quereſcentique non eſſe apparatum nauigium, cuius in ſe totam receperat curam, ſignifi cauit demum fraudem, qua uſus erat ſcribendo iſthuc, & ad Tornatorem imprimis, non eſſe adhibendam meis literis de die, ac loco appuſus, fidem. Siquidem non paſſurum ſe, vt quidquid moliter, me flumini committerem; ſed euicturum, vt cum Lecticam tua bonitas fuerat miſſura, exſpectarem. Cùm que ego, fraude cognita, vehementius ex poſtulare, quippe & ob nimiam erga te Gaſſendi Episto la.

fidentiam, & ob diſceſſum præter ſpem poſſi citationẽque meam retardatum, excepit Præſectum Curſotum potuiſſe, quo eſt ge nio, non tranſdere ſtatim noſtras literas; ac fore, vt perendie reſponſum ad ipſas haud dubiè habeamus; & niſi habeamus, ſe quam-maximo incubiturum ſtudio, vt nullà ampliùs protractà morà, initio ſtatim heb domadis proximè inſequentis diſcedam. Iſthac enarro, vt exculem, niſi promiſſis ſteterim, ac vt te exorem, ne niſi fortè iam feceris, Lecticam huc deinceps mittas; quo niam, cùm Deo bene propitio diſceſſurus ineunte ſtatim hebdomade indubiè ſim, ea me prætermitteret, meque heuic diſgreſſum comperiret. Vale, PRINCIPVM OPTIME, ò meum dulce Decus, Vale. Lugduni, XIV. Kal. Decembr. M. DC. XLVIII.

## E I D E M.

**A**ppuli demum, OPTIME PRINCEPS, ad ripam Tarafconicam, vbi & accepti diu commoratus, quam dignata fuerat tua bonitas ad me deſtinare Lecticam. Significauit quin-etiam hoſpes, fuiſſe curam ſibi mandatam, vt quam-primum forem allapſus, ſi allaberet quidem, nuncium mitteret, quò Lectica reduceretur. Et cogitãram quidem equos, inò & iam conduxeram, vt poſſem hoc, quod ſupereſt itineris, perſicere; ſed inſtanti illi denique aſſenſi; tum ne rem facerem tibi parum gratam, tum ne proritare leuiculum quidem, ſed morbum nihilominus, à quo nondum planè conualui. Præſtolor proinde, quod pro tua illa erga me voluntate eſt; voucòque ſemper, vt liceat mihi venerabundo te breui complecti. Interim verò, PRINCIPVM OPTIME, ac meum dulce Decus, Vale. Tarafcone, IV. Kal. Decembr. M. DC. XLVIII.

## E I D E M.

**L**iteras habui, OPTIME PRINCEPS, quas à nupero Curſore accep tas tua bonitas tranſdi ad me voluit. Hæteo in Vrbe; neque Diniam in proxima Feſta concedo; quòd hyemis rigor perſeue ret; quòd opellæ incumbam, cuius abſol uendæ mihi otium illece non ſuppeteret; quòd te hic ſecuriùs excepturus ſim, vt tibi eſſe cordis teſtari dignatus. Tu, ſeu Mari timam oram luſtres, ſeu conſiſtas alicubi, viue ſemper ſimilis tui, hoc eſt, eo vitæ te nore, ea mentis ſerenitate, qua hæcenus te caſibus omnibus humanis ſuperiorem præſtas. De Ciuitatis ſtudiis, quæ ſemper ſunt varia, nihil eſt quod dicam, extera ipſe meliùs noſti. Vale, PRINCIPVM OPTI ME, & cum generoſiſſima Heroïna, cùmque tota Familia, tum Sacros hos dies, tum ætatem totam quàm feliciffimè exige. Aquis-Sextiis, Kalendis Aprilis, M. DC. XLIX.

Exciderat penè tibi renunciare Capitio longe cariffimi, Spiſoſa nempe, hominum candidiſſimi, ac optimi mortem. Inaudire

rem iam potuisti; sex enim sunt dies, ex quo abiit, ac illud potest tibi in tanto desiderio esse solatio, quod in Professione constantissima Christiana, & Catholica Religionis clausit diem. Ita perscribere ad me, qui ipsi extremum morienti adfuerunt. Mollior ossa cū cubent; tu vero Vale iterum.

E I D E M.

**A**met si nondum acceperim quas abs te literas exspecto; non desino tamen ad te scribere, & hac præsertim occasione, qua is, qui tibi hoc schedion tradet, obseruantissimus est tui; neque alio fine ad te adit, quam ut ea tecum communicet, de quibus adhibere ipsi fidem potes. Versor adhuc in Ciuitate ob eandem, quas nuper ad te scripsi, causas; vnde & neque Diniam discedam ante illud tempus, quod fecisti spem, ut te complecti hic adhuc possim. Dum id opperor, ipse interim, ô PRINCIPVM OPTIME, ac meum dulce Decus, quam optime Vale. Aquis-Sextiis, VII. Eid. April. M. DC. XLIX.

E I D E M.

**V**as hæc adiunctas literas habebis, id confirmabunt, quod scripsi nuper dictum ab illo iri, qui literas meas ad te pertulit. Spero heinc demum discedere ab exactis Nonis mensis insequentis. Voueo interim, exoptoque tibi omnia prospera; maximèque, ut discussas omnes hæc nebulas feliciter videas, Imprimis verò, & Viue, & Vale, ô PRINCIPVM DECUS, ô Decus meum dulce. Aquis-Sextiis, XI. Kalend. Maias, M. DC. XLIX.

E I D E M.

**A**ud sanè par est esse me officij adeò immemorem, ut tot missis aliis occasionibus, non saltem conuenienti te Patri optimo, paucos versus dem, quibus abs me ferat pleniorē salutem. Vtinam ille saluum te, incolumemque renunciet à Maritimæ oræ lustratione, à qua te fore hodierna luce reducem constans fama est. Ipse, ut reliquisti valentem, sic valere pergo, ac in eo sum, ut breui absolua quod susceperam operæ; sicque Diniam demum ante Eidus mensis insequentis instituam iter. Significauit mihi Neuræus dedisse se nuper ad te literas, exoptarèque, ut sicut plenæ sinceri affectus, obseruantiaque summa fuerunt, ita fuerint acceptæ abs te. Ego verò iussi esse eum securum; adeo perspecta mihi est tua, ut erga omneis bonitas, ita in illum summa propensio. Quod superest, id semper voueo, ut illius verbis fidem adhibueris, qui literas primus detulit Tolonem. Vale, ô DECUS PRINCIPVM, ô & dulce Decus, & Præsidium meum. Aquis-Sextiis, IV. Kalend. Maias, M. DC. XLIX.

*Admodum Reuerendo, & Clarissimo Viro, D. CLAUDIO ALVERNIO, Hebraica linguæ Professori Regio, & Collegæ Clarissimo,*

PETRVS GASSENDVS S.

**V**am beasti me, Vir Præclare, cum significasti fore, ut eximia Simeonis Muisij Opera breui in lucem prodeant; & procurante quidem te, ut tam hætenus edita, quam nondum conspecta prælo subiiciantur! Scilicet, qui commemini quantum me lætio eruditi in Psalmos Commentarij, cætera inter, recreauerit (ut putà propter literalem, historicamque declarationem, quæ mihi cordi cum-primis est) in ea sum spe, ut mirè delegeret Interpretatio tot aliorum Veteris Codicis locorum, quæ se fecisse explanata iungitur testatus est, & de quorum non-nullis à me, dum superstes foret, rogatus, Deum immortalem, quibus me tenuit quasi Sirenibus attentum! Perge itaque vrgerè, ut soles, Typographicas operas; quoniam rem facies non mihi solùm, sed quibuscunque etiam aliis genuinum Sacri Textus sensum curæ est assequi, per-gratam. Facies verò simul rem tibi decoram, dum gratitudinem erga illum, qui & te instituit in his literis, & te Successorem, ut vouit, ita habuit, testabere; ac id aliunde ages, quod sit & tuæ Professioni contentaneum, & dignum tanto illo ardore, quo ad huiuscemodi studia promouenda es animatus. An-non verò id cohærenter præstabis, quo de te toties interpellaui; ut nimirum denique edas tuas illas Sacræ huius linguæ Institutiones Grammaticas, quibus vidisse nihil memini, ut capto expeditius, ita memoratu facilius; adeò familiares, ac paucæ; adeò generales, atque cohærentes. Regulæ illæ sunt, ad quas inaudita complura, nec-dum tantam molem præceptionum refers? Est, crede mihi res absolutor, quam ipse, pro tua animi moderatione, fateri iussit; eaque, ex cuius euulgatione reportaturus sis insignem & commendationem, & gratiam non à tyronibus modò, sed ab iis etiam, qui longum tempus hac in lingua contriuerint; ut quibus non pauca sis demonstraturus, quæ non fuisse prius à se animaduersa deprehendent. Suaderem quoque editionem egregiorum opusculorum doctissimi Maimonide, de quibus egisse tecum memini, cum ea nobis coram interpretaretur Nobilis ille puer Bignonus, tot rerum supra ætatem sciens, ac tanto Parente dignus filius; sed nihil est anteuertendum, præmature-ve efflagitandum; ac erit cur hæc de re agam tecum vberiùs, vbi, Deo bene propitio, reuersus isthuc fuero. Ex quo vale dixi, nondum domus meæ salutare limen est datum; sed mea illa inualetudo partim me aliquandiu remorata Lugduni est, partim huc appulsum hætere coegit, ac vigente præsertim Hyeme, quæ vix elapsa etiam-num est. Cogito porò proximo diè lareis demum reuiscere, plurimum ex

cazo,

celo, soloque, quod mihi Natale est, sperans. Tu cum illo per-erudito, optimoque Fratre, abs quo etiam amari me ut sentio ita lætor, Vale. Dabam Aquis-Sextiis postrid, Eid. Maij. M. DC. XLIX.

LVDOVICO VALESIO, Principi  
Optimo,

PETRVS GASSENDVS

*Evdæstien.*

**N**E mihi præceptis ista occasio ad te scribendi elabatur, aliud nihil significo, quam me & venisse in hanc Urbem, & fuisse in ipsa ut benevolè, sic honorificè exceptum; idque intuitu beneficiorum, quæ est mei ergo tua bonitas in homines nostros conferre dignata. Tussis mea non-nihil recruduit; sed & Deo propitio, sensim maturescit. Tu, ô PRINCIPVM OPTIME, ô meum dulce Decus, bene semper Vale. Dinix raptim 11. Kal. Iun. M. DC. XLIX.

EIDEM.

**S**Chediolum hoc eadem via, qua & superius, destino; scilicet tutum iam non est Aquis-Sextiis transmittere, ubi res in dies turbari accipio. Nihil verò aliud ex me nunciabit, quam quod febrilis paroxysmus sic me superiore die habuit, ut quando hoc die qui iam pene totus est elapsus non rediit, subuecrear admodum ne sit Tertianæ febris expectanda. Ut visum Deo erit, sic fiat. Tu verò, OPTIME, PRINCIPVM, ac dulce Decus meum, Vale. Dinix, vii. Eidib. Iun. M. DC. XLIX.

Viro longè Illustriſſimo PETRO SE-  
GVERO, Franciæ Cancellario,

PETRVS GASSENDVS S.

**O**fferet tibi, Magne SEGVERT, singularis vir Ioannes Capellanus, quod destino ad te Exemplum mearum illarum in *Decimum Lærtij Librum Animaduersionum*. Attexo verò tradendas simul mea exaratas manu literas, qui si fuisset mihi tantum animi prætexere typis expressas maluissim. Scilicet Opus tibi dicere sæpe numerò cogitavi, at ne facerem obstitit, quod ducere ipsum tanti non potuerim, ut tam illustri nomine in ipsa fronte decoraretur. Quippe nihil aliud mihi est visum, quam scopæ quæpiam dissolutæ, variæque & sine ordine nunc heic nunc illeic intertextæ, proptum passus nunc hæc, nunc illa variè extorqueri à me, de quibus longè abfueram ab initio, ut cogitarem. Sanè, si habere id dignum potuissim, quod magni alicuius Viri inscriberetur nomini, non poterat alius in mentem, quam tu, Vir tantus occurrere, & duplici quidem maximè ex causa. Vna, quòd me sentiam affectu non leui amari abs te, ac teneat, si quo

modo possim, singularem ut obseruantiam, sic gratitudinem testari. Nempe, ex quo primum voluisti ut eximius ille Puteanus ad te salutandum me deduceret, ea fuisti in me propensione, ut nihil potuerim humanius, beneuolentiùsque experiri. Siquidem non stetit per te, quin & diuersorum tuas intra ædeis, & nobilissimæ etiam Bibliothecæ speciem mihi clauem habuerim, ac nunquam non mihi patere ad te voluisti aditum, nunquam non concessum, si quicquam in mei, amicorum-ve gratiam rogauim. Testatum quin-etiam fecisti non semel, quàm ægrè duceres meam illam inualitudinem diuturnam; cuius reliquias etiam-num traho; cæteraque inter argumenta, illud facio merito magni, quod mihi id voluisti innotescere per tuum illum Cubicularium, & nominis tanti Medicum Cambræum, à quo etiam acciperem inualitudinis leuamentum. Altera, quòd me sæpe sapidiùs hisce de rebus interrogaris, & num forem ipsas in lucem breui editurus, requisieris; dignatus non raro, seu confidens domi, seu me ad tuas illas extra Urbem deambulationes deducens, non audire solum, sed etiam tua illa oris facundia amplificare, illustrareque, quæ ipse pressus, & mea illa ruditate edisseruissim. Quoties-nam interim me esse demiratum commemorem te, cum tot ac tanta sustineres negotia, cum res non modò publicas animo agitare, administrareque; sed priuatas quoque mille hominum ad te dietim accedentium ita calleres, ut cum singulis colloquens scire, ac appositè magis, quam ipsi de illis, verba faceres; te, inquam, posse momento post, multitudinem declinadò, & cum delectis Eruditorum familiariter secedendo, eos commiscere de Philosophia, de Theologia, de Humaniorum Literarum, aliisque studiis sermones, quibus non-nemo recens paratus sese imparem agnouisset. Hisce ergo de causis non poterat alius præter te venire in mentem, cui meas hæc qualiscunque lucubrations publicè offerrem, si impetrare ex me valuissim, ut eas reputarem tuo nomine dignas.

Enimverò, ut hoc Exemplum tradi tibi priuatim curem, facit tua illa humanitas, qua græte aded complexus es quiddid meum vnam ad te accessit. Tamen quippe minime subit, ut quemadmodum es dignatus cætera mea pellegere, in quibus partim breuitas, partim ordo potuit leuare fastidium; ita sustineas ex tam prolixo, inconditòque Opere, vel pauca quadam delibare; cum & esse abundè videatur si ipsum vel in angulum tanti illius tui librorum Theſauri extremum recondi patiaris. Nihilominus vix erit, sat sentio, ut propter vehementem illum, qui Philosophia nomen fecit, ac in te tantoperè viget, amorem Sapientiæ, continere te valeas; quin cognoscere ex eo quidpiam velis, cum deprehendes & Opus esse Philosophici argumenti, & eo contineri Doctrinam Philosophi, cui labem fuisse ob sententiam de Voluptate iniuriæ resperam, dum alias te coram edissererem, meminim rem tibi fecisse per-gratam. Et quod Philosophicum quidem argumentum pro tuo genio sit, vel id planum facit, quod iam attigi,

Bb 4 quando



quando animus ille tuus nunquam sic est rebus agendis immerfus, quin serenitatem suam tueatur, & constanter ad contemplandum, complectendumque veritatem, quod ipsum est philosophari, comparatissimus perseveret. Quin etiam hæc res tot, ac tantas, quibus gerendis es destinatus, non quali ex ipsis conuerteris, sed quasi ex specula sublimi, quæ veluti Arx Philosophiæ sit, prospicis; omnia scilicet non tam ex quibusdam apparentibus circumstantiis, quàm ex rationibus à natura intima petitis dimeriens. Quò sit, vt cum aliis, quid agatur, constet, teneas ipse causam, cur quidque agatur, ac speciatim Legum vindex, & custos, Legum-laboribus paria facias, quos idcirco cum Architedis Aristoteles comparat, quòd rationem æqui, bonique generaliore prosequantur; Magistratus alij ex præscripto agant. Est verò præterea in te singulare, vt nemo scilicet connectat duo illa summa studia, quæ scissa, habitaque vt plura, magni Oratores conquesti sunt, cum fuissent ab initio quemadmodum iuncta naturà, ita copulata officio, vt iidem Sapientes atque Eloquentes haberentur. Nam partim quidem inertia, partim uotum prauitas fecit, vt alij dicendi studium, quasi nihil ad sapientiam; alij philosophandi curam quasi nihil ad Eloquentiam conducere abiecerint; tu verò omne tulisti punctum, qui reputans multum hæc inter constituendum esse diuortium, assuetus es, quidquid profatis, suauitate illa Nestorea condire. Certè & videris non alia de causa illam de nitore sermonis fouere Academicam, quàm vt exinde prodeant, qui possint res maximas, pulcherrimasque eleganter exprimere; neque enim, tametsi illinendus rebus ingenuis fucus non sit, non illas potius natus splendor, quàm squalor, & barbaries decet.

Quod autem Philosophiæ genus, quo de agitur, displiciturum tibi non sit, vel illud suadet, quod vni licet innutritus Sectæ olim fueris, animo tamen eam libertatem deinceps asserueris, vt cæteras æquè triuissè videaris; neque sic illi addictus sis, quin sis paratus quidquid aliæ similis vero habent, complecti. Et sanè, cum omnes Philosophiæ Sectæ ad vnum tendant, eundemque scopum, Veritatem nempe, & eam, quæ ex illius adeptione consequitur, Felicitatem; par est habere illas omnes non quasi pluris Regias vias, quarum aliæ aliò deducant; sed quasi vnus eiusdemque viæ inertiacula semitasque, quibus denique eodem perueniatur. Quid-ni verò; cum attendenti sit in promptu agnoscere, esse plærumque earum dissidia non tam de ipsis rebus, quàm de vocibus; adeò vt, si quis modò nôrit appositè distinguere, is facillè omnes in vnam, eandemque sit conciliaturus? Ac inuitaret quidem occasio, vt compararem Epicuream potissimum cum Stoica, quòd ipsi quasi opposita è diametro vulgo habebatur, maximeque, quòd attinet ad Philosophiam de Moribus; verum apud te id nihil est opus, nisi velim *nocturnus*, quod aiunt, *Athenas*; cum & res abundè ex germana Epicuri sententia perspecta intelligi possit.

Huc ad te, scribens, Vir Maxime, ante mentem perueneram, cum ea febris corripuit me, quæ de abolucunda Epistola ne cogitare quidem permisit. Nunc verò paroxysmi quidem leuiotes, breuioreque facti considerare me aliquantisper in lecto patiuntur; at non, vt citra periculum irritandi illos contendere animum possim. Quare, cum absum, vt prosequi ea, quæ occiperam, aggrediar; paucos solum hos versus addo, & qualiscunque est, chatham hanc transmittito, ne Libri Exemplum tuas ad manus sine speciali meæ erga te obseruantia telfera accedat. Fiet deinceps, Deo propitio, vt quando hæc res te summè delectant, agam de illis pluribus. Quæso interim, vt pro illa singulari humanitate, qua beasti me hæctenus, istud, quidquid est, boni consulas, & quasi profectum à viro, quo tui non sit venerantior, habebas. Vale. Dinix, Nonis Quintilibus.

M. D. C. X L I X.

### LVDOVICO VALESIO, Principi Optimo,

PETRVS GASSENDVS  
*Evdæstien.*

**Q**UOTIEME PRINCEPS, ex quo me recepi in hanc Urbem, bis duntaxat dedi ad te literas, easque, quando alia via tutum non fuit, Auenione transmissas. Dedi verò priusquam febri importuna corripere, quæ à Nonis vsque superioris mensis in Nonas huius sic sæuit, vt vix iam planè enaserim ab ipsius reliquiis liber. Certè ab altero solum die exire in Ecclesiam licuit, & seu lectionis, seu descriptionis ægrè patiens sum per horæ semissem. Ac rogavi quidem iam antè, schediolo misso, Ramefortium, vt si quæ ad te scriberet, remissiores mihi fieri paroxysmos renuntiaret; at deinceps scribere ipse nisi hac occasione non valui; quam & arripere tamen debui vt, discedente potissimum vetum te nobili Pontifio, non modò viua eius voce, sed exarato etiam mea manu charactere, certior fieri, quantum hæctenus conualuerim, possis. Referet porro ipse, vt sese Vrbana nostræ res habeant, sed qua animi est moderatione, non commemorabit haud dubiè quidquid siue ipse, siue optimus frater, siue generosus ex fratre Nepos Durbesius, vt Ciuitas in eo quo decuit, officio contineretur, egerint: ego verò teneor testimonium apud te illorum fidei, constantiæ ac diligentiæ dicere, quæ tanta est sanè, quanta, in ipsis desiderari maior haud valeat. Utinam verò licuisset mihi, cum ille ad te scriptis Massiliam, versus paucos, vt rem maturius significarem, adiungere; sed nempe mihi per illud tempus quidquam scribendi defuerunt vires. Suppar illis fuit nobilis Vallenorius Cadafalcus, qui vnà cum Durbesio ex cætu est Ciuium per hæc turbas res moderantium. Suppare fuere Consules, & bona etiam ipsorum Ciuium præclare affectorum pars; at mihi præter ordinem summopere commendandus nobilis Pernissia Vigurius

Viguerius Illustrissimi, Reuerendissimique Sistaricensium Episcopi ex sorore frater mei tam amantis occurrit, cuius generosos conatus, indefessosque labores dicere si velim, non possum. Poteris ipse specialius omnia, ipsummet rogare Pontifium; cum & indicasse mihi satis sit, & me scribendi facere finem ipsa lassitudo admoneat. Fortunet Deus consilia tua. Te verò cum primis incolumem seruet. Vale. **PRINCIPVM OPTIME**, ô meum dulce Decus, ac Præsidium, Vale. Dabam Dinæ, x. Kal. Sextil. M. D. C. XLIX.

## E I D E M.

**R**oxima hæc occasio est, à discessu Pontifis, quo ad te dare literas licet. Nihil tamen de me quod perfectum subest; nisi me magis, magisque in dies Deo bene propitio conualescere; tamen nondum neque lectionem, neque scriptione diutnam feram. Nihil etiam, quod de rebus his nostris; cum omnia nisi ex Tabellario, saltem ex Pontifio cogniturus sis. Addo proinde solum, illos, qui commendati iam abs me sunt, cordatè adeo pergere, ut commendari satis nunquam possint. Digni illi sanè, quos ames, quorumque curam specialem geras. Audio te iam valde florentem coëgisse exercitum: tribuat tibi Deus secundum cor tuum. Inprimis verò, **PRINCIPVM OPTIME**, ac meum dulce Decus, Vale. Dinæ Nonis Sextil. M. D. C. XLIX.

*Hæc iam scripseram; cum nescio quid non rebus his nostris intercessit, cuius causa mutatum est, de tabellario mittendo consilium. Destinatur ergo ad te illius loco nobilis Vir, qui referre ipse quidquid rerum est, possit. Ego verò hæc versus subijcio, ut certior te faciam esse illum dignum, cui omnem fidem adhibeas; & si quid mandatorum est, quod esse videatur committendum, concedas. Vale iterum.*

*Qua occasione factum fuerit, ut Vir nobilis, cuius factum superiore per scripto mentio, te versum non discesserit, ac iam Tabellarius rursus destinatur, cognosces vberius ex iis literis, qua ad Pontifium perscribuntur; cognosces & quidquid deinceps peractum. Ipse nihil aliud, quam hoc tibi significandum sumpsit. Pridie Eidus, iterum Vale.*

## E I D E M.

**Q**uod diceris, **OPTIME PRINCEPS**, accessurus propius ad nos, ea fueram spe, ut si modò per valetudine liceret, & conuenirem te, & boram dicerè optatam salutem. Nunc quia semel, ac San-Paulinum illud præsidium diceceris, regressurus esse, & cincturus Urbem obfidione perhiberis; ipsèque recidi in febrim, quæ me in lecto detinet (tamen ea, Deo bene propitio, & superiore mitior est, & non est, Lautaretio quidem sponse, futura diuturna) ideo Tornatorem ad te destino, qui & fidis oculis hauriat, & fido ore referat, qui te confecerit valentem. Hæc scribebam ipse, cum manus hæteret, restitaturque ob paroxysmum febris obrepentem occiperet. Is, cum iam incipiat deferuere, prohibet imbecillitas, ne

manu calamum resumam. Tu verò, boni consules, quod Amanuentis ille meus Antonius Poteria & superiores versus exercebat, & me distante excipiat, quæ fueram porro consecraturus. Ea sunt præsertim, quod idem Tornator gratulabitur quidquid prospera est fortuna, quam magnitudo animi, Sapientiaque tua conciliat; cuiusque aded non alium quam te agnoscere artificem licet. Quò magis sanè pergendum est generosos hosce conatus vrgere, & cogitandum te iam in ore, oculisque non modò Gallia, sed & Europæ totius stare; aded proinde, ut nunc præsertim sit animis opus, & pectore firmo ad complendum opus, quo non potes toto ætatis decursu gloriosius moliri. Enarrabit idem Tornator eequid rerum obstitit ne literæ, quas hæc atexto, fuerint ipsi temporibus, quibus eas scripsi, transmissæ. Recensebit quoque, quis apud nos verus rerum status hæcenus fuerit. Qui ex nostris hominibus affectu propenso in te, qui alieno existerit; ac eos, qui fide sincera, constantique animo perseverarint memorans, aliquos etiam referet, qui gestiunt redire ad te, ac denuò quam videri possunt violasse, obstringere fidem. Adiciet, qui meam implorant opem quid ipse illis obiecerim, quatenus factum excusarint. Quod verò te velim maximè exoratum, est, **OPTIME PRINCEPS**, ut Alacri, senis optimi, quem milites tui Valentioræ manu-ceperunt, miserearis. Is tum Patruus est præclari Perusii, quem Viguerium aded erga te bene animatum pernocti; tum amicus meus ut valde antiquus, ita omnino singularis, & quamvis quidpiam desiderari in eius filio valeat; ipse tamen semper de te dignè & sensit, & est loquutus. Quod demum Pontifius, Durbesiusque sunt acturi tecum de eo Oppido, cui tanto iure infensus es, dicere aliud nihil possum, quam esse illos reuera dignos, quorum precibus non patium flectaris. Homines certe Oppidi illius longè sunt, ut proposita, pacta-ve vlla tecum conditione sub iugum eant; quacunque enim multâ eos plectes, illam subire parati sunt; tantum vellent denastatione militari esse immunes. An verò cum id Oppidum lapide solum quarto hæc distet, si illic milites grafsarentur, continere se satis possent ne ad nos vsque excutirent? Tu, **OPTIME PRINCEPS**, quid expediat nosti. Vale autem semper, & successibus quam prosperrimis fruire; ô & Præsidium, & dulce Decus meum. Dabam Dinæ, è lectulo, xlii. Kalend. Septemb. M. D. C. XLIX.

## E I D E M.

**Q**uid meam Tornatorem à postremis meis conscriptis remoratum fuerit, quid rerum interuenerit, ipsemet satis tenuitabit. Quæro te solum ut ipsi fidem, qualem mihi habes, adhibeas; & quidquid addet, detrahet-ve superioribus literis, id abs me additum, aut detractum putes. Plura iam non possum, neque parui duco, quod dum paroxysmum expecto, isthæc scribere licuerit mea manu. Tu, ô **PRINCIPVM OPTIME**,

ac meum dulce Decus, Vale. Dinix, meo è lectulo, xii. Kal. Septembr. M. D. C. xli. x.

## E I D E M.

**E**diit Tornator abs te, ac me, Deo bene propitio, comperit febri iam immunem. Quam auidè cum expectàrim; quanto gaudio exceperim, haud est sanè facile dictu. Inaudieram iam aliquid de prostrata ad tuos pedes, cum Ordinibus totis Ciuitate; ac de ea mansuetudine, qua temperasti victoriam: verùm lætitia maxima fuit, ex ipsomet addiscere, quì se omnia habuerint; ac prætèrà intelligere, quàm bene, prosperèque valeas. Et commendabere quidem semper, quòd factionem tantam, ac tam variam tam generosè represseris; at illud tibi potissimùm laudi immortalì vertetur, quod cum posset ad vsque excidium in Vrbem tam malè affectam, hominèque adèd infensos scuire; malueris tamen illam saluam, istos esse incolumeis; ac eò potissimùm deductos, vt quem inuitià offenderant, à quo vltionem iure timuerant, eius clementiam implorarent, bonitatèque agnoscerent, suspicerent, venerarentur. Hac certè ratione non modò inimicos, sed teipsum quoque gloriosè vicisti, ac planum fecisti, neque tutum esse in animi tui celsitudinem, prætèr fas, & æquum peccare; neque non tutum ad lenitatem, placabilitatèque tuæ mentis, quo decet modo, confugere. Cæterum ecce ad te Tornator mox idcirco reuertitur, quòd nostræ huius Vrbis comitia expecterint eum comitari quos Primores viros ad te destinant, vt & gratulentur prosperos successus, quos exultatione tanta accepimus; & quam-maximas tibi agant gratias, pro iis, quibus nos cumulare fauoribus non desinis; & offerre pergant quidquid est obsequij, quod abs Vrbe in te propensissima, deuotissimàque exigere potes. Lætare verò haud-dubie, cum in illis conspicias & Perussiam Viguerium, quo esse non potest alius erga te, resque tuas cordatior; & Esclangonium Consulèm primum, quo desiderate potes neminem in procurando, vt omnia tibi pto votis cedant, vigilantiorèm; & nobilem Durbesium, Pontisij illius, quem nuper vidisti ex optimo fratre Nepotem; cuius consilijs, animisque per-acta huc vsque omnia sunt; & Iuramium Iuriconsultum, à quo sum quidem, vt ipse nosti, non leuem passus iniuriam, eamque mihi nondum refarciri cœptam; sed quem tamen dicere possum vnum esse ex Ciuibus, qui fuere tuas erga res præclarissimè animati. Vnum adiciere heic teneor, Vrbem nimirum Sedenam ad nostræ mores, ac regimen adèd studiosè se composuisse, vt & in fide manserit constans, & nihil, quod sciam, egerit, quo promerita duriusculam illam, qua taxata est, animaduersionem videatur. Forfan non-nulli in eam insensij ipsam apud te traduxerunt; at inauditum nobis est, quòd aliquanto vel latum vnguem ab officio discefferit. Nam non defuere quidem in ea perturbatores, ac mali ciues, vt non defuere etiam nobis, qui susque deque omnia querere tentauerint; verùm maior pars fuit

semper sanior, atque idcirco vt melior, in deliberando obtinuit, sic in exsequendo commune nomen tulit. Hoc autem non alio commemoro fine, quàm vt insinuem è te tua esse, animaduersionem ita temperare, vt dum æquitatem tueris, eum te omnes habeant, qui discrimen amicos inter, inimicosque statuas; neque, quòd aliqui pro te, aut te contra stent, à disceptatione putes. Vale, PRINCIPVM OPTIME, Præsidium, & Decus meum dulce. Dabam Dinix, iiii. Kalend. Septembr. M. D. C. xli. x.

## E I D E M.

**V**antà lætitià homines nostri, Tornatorque meus imprimis, abs te redeuntes, accesserint, ipse, qui tanta humanitate eos exceperis conicere potes. Quòd præ cæteris delectauit me, valetudo fuit, qua vigere te, tuamque Familiam Illustrissimam retulerunt. Ego, Deo bene propitio, ita in dies conualefco, vt spe non leui teneat, videndi tui, complectendique nisi hoc, saltem proximo mense. Qui Iuuenis hoc Epistolum reddit ille est Felix à Creiseto, patre optimo dignus filius, quem Marchio Grimaldicus Bedenarum Arci præposuit; quique ad te assignandorum stipendiorum causà proficiscitur. Author illi fui, vt quampiam, quam habet, præ manu Epistolam monstret. Attexam porro heic exemplum veteris eius Diplomatis, quo beate Chantercerium, meos Nataleis, dignatus es; declarans nempe velle te esse ipsum prorsus milite immune. Facio verò, vt bonitas tua dignetur illi subscribere, & Iuuenali vii subsignet, sigillòque muniat mandare. Nimirum qui nos milites circumstant, ita illi inhiant, minasque intentant, vt vix huc-vsque obistere, quominus in ipsum desceat, licuerit. Causam præterunt, quòd Diploma vetustatis nimis iam sit, ac cæ res ex illo vsque tempore interuenerint, quæ reddiderint irritum Priuilegium. Vale, PRINCIPVM OPTIME, o meum dulce Decus, ac Præsidium Vale. Dinix, prid. Eidib. Septembr. M. D. C. xli. x.

## E I D E M.

**E**di quidem hesternà luce ad te literas per Creisetum; at non debeo committere, vt Ciuitatis nomine Charambonus ad te discedat, quin schediolo significem, & esse illum mihi amicum, parentisque, qui olim fuerit mei amantissimus, filium; & fuisse in eo semper tuarum partium cordatum, ac vehemens studium. Nisi Creisetus tam citò redeat, referre ipse poterit, quod exemplum Diplomatis renouandi ad te transmissi, ac si nui narrabit, quid mihi laboris sustinendum sit, vt obistam, ne milites Chantercerium meum inuadant. Adfuit nempe Thoardi, operam daturus, ne illeinc Sant-Andreana legio, quod iam cœperat, eò irrueret; & donec expectat, vt schedam hanc tradam, reditece quem ad Artaudum Latrunculatorem eo destinaui sine, vt ne Santonæa quam deducit legio,



legio, eodem inuoler, aut excutrat, caueat. Vale, *PRINCIPVM OPTIME*, ô meum dulce Decus, ac Præsidium Vale. Dinæ. Eid. Septemb. M. DC. XLIX.

## E I D E M.

**N** On discessit deinceps ad te Charambonus, morbo scilicet in ipso procinctu ex inopinato correptus. Habebis autem eius loco nobilem San-Peteum, ac ipsius manu accipies cum hoc Epistolio, quem literarum fasciculum destino ad meum Luillerium, quemque velim tua bonitas, vt per quempiam ex dimissis iſtheine veredariis, deferri iubeat. Præstitit porrò quidem Artaudus, ne destinatæ quatuor cohortes ex Santonæa illa legione Chantercerium deflecerent; at metus gravis ex eo impendet, quod qui Sant-Andrani Sedem grassantur, minentur se hûc reuersuros, & deuastaturos redeundo quidquid populari eundo non sunt. Et certè id faciant penè est necesse, cum quacunque semel transierint, efficiatur, *וְנִי אֲנִי*, hoc est, nihil reliquum fiat, quod rursus ibidem consistere possint. Mirum dictu, *OPTIME PRINCIPS*, quam desolata, infelixque Montana hæc regio euadat, ab hisce commorantibus, progredientibus, regredientibusque tot legionibus. Id sanè præter tuam mentem, voluntatemque omnino sit; sed militarem licentiam nostri, quæ consumpris miserrimum Oppidorum cibariis, abreptaque, & coniecta in immensas fascinas vna cum abductis iumentis paupercula supellestile, torquet ipsos quoque, cruciatibus diris, quò vsque etiam exhauserit quidquid corrogari pecuniatum potest. Utinam tibi adsit facultas; nam de affectu non dubito, vt nos, regionem-ve hanc nostram tot hisce malis eripias; ne tot insontes animæ luere pœnas pro fontibus adèd immanis diutius pergant. Vale, *PRINCIPVM OPTIME*, ô meum dulce Decus, ac Præsidium, Vale. Dinæ, xvii. Kalend. Octobr. M. DC. XLIX.

## E I D E M.

**N** Ec ad te scribo, *OPTIME PRINCIPS*, è meo Chanterceriolo, quod dignata est tua bonitas nouo officere beneficio; ac id sanè peropportunè; nam tuas literas cum accepi, aderant iam Equites sex designaturi hospitia pro Sant-Andreana legione. Santonæa ab vno, altero-ve die iam abscellerat; ac teneor tibi significare, debere me multum generoso Marcussæ, quatenus cum foret penè in procinctu vt Scis hûc defleceret, vt honorem habuit tuo nomini, sic literis meis per-humanè respondit. Qui hæc ad te defert, vnus est ex meis non incognitis tibi famulis. Habere autem ipsas voluit, vt libertatem fratris obtineat, quem Antragua legio traducere vincitum idèd dicitur, quod Batolensis Consul cum sit, teneri illum de pecunia ab eo Oppido postulata contendat. Id quid sit rei probè non capio; sed coniector præter voluntatem tuam fieri, ac te idèd tanto faciliùs clementem

autem precibus accommodaturum confido. Quæ me heic aliquot iam dies apud patrios lareis detinet occasio, grauis morbus est, quo quæ mihi est Soror vnica, sic laborat, vt vix vllum maius leuamen, quam ab ipsa mei præsentia fortiaur. Id incommodi, si abesset, posset, opinor, breui, quæ mihi nondum planè est integra, valerudo prosus restitui natali hocce in aère; verum expedare par est, quid de nobis prospexerit, constitueritque Diuinum Numen. Cæterum quas literas tuas cum immunitatis Diplomate accepi, Deum immortalem! quanto me voluptatis sensu affecerunt? Hui enim, tibi tot, ac tanta sustinenti negotia, tantum licuisse temporis, quo proluxas adèd illas dares, succidere, ac me simul tanta amoris testificatione beare? Quippe, non præclara sunt modò quæ de amicitia in iis disseris, sed etiam, quæ simul factò ipso præstas; adèd nihil vnquam commendas verborum, quod opere non exsequaris. Quàm verò es gratus, dum rebus publicè iam commissis, suboriturum tamèn ciuile, singulare-ve quoddam bellum te inter, ac me minitaris: nisi ego tui rationem in amicitia habeam? Videlicet, quasi oblitus quantus sis ipse, quantulus ego, congregi mecum velle dignaris, eo certaminis genere, quod Athletas exigit pareis; ac pergis non alio donate, quàm amicitia nomine, quam ego soleo, vt tui ex parte benevolentiam dicere, sic mei ex parte obseruantiam. Vtcumque sit, minimè hæreo, quin me habeas verè *φιλαδελφον*, quando sum reuera, vt obseruantissimus, ita & amantissimus tui. Quod si quam me habere rationem depolcis, eo fortè spectat, vt de meo ad te reditu cogitem; Sanctè confessor nihil esse, quod mihi magis cordi sit, adèd vel ob hoc vnum expecto fieri his morborum reliquiis immunis. Tu interea bene, imò optimè, ô meum dulce Decus, & Præsidium, Vale, ix. Kalend. Octobr. M. DC. XLIX.

## E I D E M.

**Q** Vi Amalricus te versum tendit, fuit mihi à teneris annis, & Patentum merito, & indole sua per-carus. Tendit verò, quod inaudierit Hefmirium San-Ioanneum sibi ex Sorore Nepotem apud te, producem-ve tuum, traduci, vt reum desertæ militiæ; ac in eo sit, vt fidem tibi excusationis faciat, veniàmque, si quid est ab illo ætatis inscientia peccatum preceat. Dederat adolescens nomen legioni primariæ tui Equitatus, ac fuerat etiam per turbas illas San-Sebastianas commilitans. Cum discedente verò deinceps & non procul heinc transeunte legione domum diuerfisset, vt sibi de quodam, quem esse heic nôrat generoso equo provideret, contigit, vt equus, casu nescio quo inter probandum, conciderit, & Equiti suo, San-Ioanni nempe perfrerit tibiam. Quare & hoc ipsi obstaculo fuit, quominus se ad cohortem suam, vt exoptarat, reciperet, & postulantre occasione, suo officio defungeretur. Et signior quidem fortassis fuit, aut in casu huiusmodi, cui oportuit, significando, aut in petenda, à quo decuit, abfistē

abstinenti licentia; sed quod facere, nondum rerum satis expertus, poterit, ut condonandum ætati est, ita tuâ est indulgentiâ dignum. Reuersus mox meo Chantercerio, Sororem reliqui graui semper morbo periculosè laborantem, tamen si Lautaretius bene sperare me semper iubet. Debemus Deo nos, nostrâque salutem: *אשר יתנו יישינו*. Ipse, Deo bene propitio, videor mihi in dies conualescere; ac est solum, quod verear, ne quæ tussis antè remissior, primis hinc frigidibus non-nihil recruduit, ingrauescat. Admoneor proinde, vel hac ipsa re, ut Cælum clementius exoptem; sicque quam primùm poterò, ante Hiemem te conueniam. Vale intercâ, OPTIME PRINCEPS, ô meum dulce Decus, & Præsidium, Vale. Dinia, 111. Non. Octobr. M. DC. XLEX.

## E I D E M.

**A**ud debeo sanè committere, ut meis sine literis Præful meus ad te discedat. Optaram ego unâ cum ipso ad te reuiscendum instituere iter; neque per illum profectû stat, quominus me eadem lecticâ conuehendum dem comitem; at non licet mihi esse tam felici, quodd Germana mea sic adhuc labore, ut de deserenda, quo-vsq; non-nihil melius habeat, cogitare minimè possim. Spem facit Lautaretius fore, ut nisi ante finem mensis, saltem breui post discedere liceat. Quare & Deo bene propitio, illic *אשר יתנו יישינו*, redire ad te dabitur; ac uti spero, ob illustis Infantis nuptias gratulari. Nimirum Sponsus ille eximius penè iam, ut audio, pro foribus est, resque in ipso est prociuctu. Vtinam è Cælo adsit Hymenæus, qui

— *Et solemnia verba*

*Et laetis vultus & felix adferat omen?*

Reuersus ad nos Amalricus dici non potest, quantis præconiis immensam illam bonitatem in se effusam exaggeret. Ipse qui tibi solidam debeo, rubore suffundor, quodd illi testandæ continentem penè occasionem faciam. Ad valetudinem quod spectat, est etiam fauente Cælo, satis propitia; nisi quodd importuna tussis, quam mihi penè euandam posterior febris reddiderat, quasi postliminio regressa, suas videretur actura vices. Verum, ut luter Numini, ita par est nos esse comparatos. Tu, ô PRINCIPVM OPTIME, ac dulce meum Decus, quam optimè Vale. Dinia, xii. Kalend. Nouemb. M. DC. XLI X.

## E I D E M.

**E**ferent, qui ad te contendunt ex nostris Consulibus duo, alter quidem, ut Comitibus abs te conuocatis intersit, alter verò ut, quantum licet, testatam Urbis nomine gratitudinem faciat; referent, inquam, idcirco me in dies pauculos discessum differre, quodd quæ mihi negotia cum ipsa Ciuitate sunt, nondum planè confecta fuerint, & in eo sunt tamen, ut breui absoluantur. Optandum fuerat ipsos adesse; verum quodd abundi necessitas fuerit, demandata est cura tum col-

legæ eorum in Vrbe superstiri, tum aliis quibusdam Ciuibus primariis, ut cæpta perficiant. Spes est proinde, ut nisi hac tota hebdomade res peragatur, id fiat saltem primis insequentis diebus; sicque ad te discedere aut mediis, aut postremis liceat. Exopto certè quam-maximè; quoniam tum adesse non licuit, cum generosus Princeps accessit,

— *אשר יתנו יישינו*

Saltem & breui conuenire, & coram bene apprecari,

— *אשר יתנו יישינו*

Tu bene interim semper Vale, ô & Principum, & dulce meum Decus. Dinia, 111. Non. Nouemb. M. DC. XLI X.

## E I D E M.

**V**ixta literas, quas postremas dedi, constitueram perendie, seu pridie Eidus discedere; verum eo ipso, quo scripsi die, eadem me cepit infirmitas quæ anno superiore, eodémque hoc mense detinuit Lugduni. Continui me proinde in lecto; nec potui nisi hesternâ luce ex eo surgere, ut mea ex bibliotheca, quos præmitto libris seligere possem. Heinc quia nolueram tuâ illâ indulgentiâ nimium abuti, mihi quæ equum compararam, quo non incommode veherer, consilium capio iam de Lectica, de qua iussisti, non recusanda; scribôque ad Desinosium tuum à Sacris optimum, ut eam heic adesse xi. Kalendas procurer. Videlicet spero me, Deo propitio, eas interim vireis recuperaturum, ut me itineri impunè ac eo præsertim genere vesturæ, committere valeam. Qui hæc tibi literas reddet, Oresonius est, filius scilicet optimi in Sede huius vrbis Senescallica Consularij. Is ad te contendit, quodd cum prædium habeat in Oppidulo vocato Archbail, per motus aliunde eâ miseriâ fuit, qua pauculi illi, qui eum loculum incolunt, miserè laborant. Sunt in eo familiæ solum pauperculæ quatuordecim, neque enim plura sunt, seu aggesta seu in villulas dispersa tuguria. Cum res verò ita se habeat, ecce homines Marellenses indignati, quodd Santonæa legio illis prætermis, ad se, aliaque Oppida diuertisset, tuæ imposuere Celstutini, dum obtinere, ab ea decretum, quo miseros illos possent cogere ad soluendum facta in legionem expensa. Fuere autem adeo immites, ac ferrei, ut impetu facto in eos irruerint, & omnes omninò, quos habebant *hæc agnoscas*, omnes omninò aſinas, omnes omninò ouiculas, capellâque abduxerint; ac id quidem pridie, altero-ve die ante Nundinas, quibus infelices sperabant eisdæ peculij commercio sibi in Hiemem providere. Ij sequuti sunt prædiores illos, scenum comportantes, quo armenta, hoc est suam spem totam alerent; acerbè autem ab iis repulsi, accessere omnes ad Ciuitatem supplices, & bonorum omnium ut commiserationem in se, sic in feros illos, atque barbaros, indignationem concitarent. Barbari profectò audierunt, ex quo præsertim admittere vadimonium nullum voluere, ac petiere sibi reipsâ libras quater mille, atque quingentas

quingentas numerari; cùm miseri illi vix sint totidem denariis persolvendis pares. Rem itaque, OPTIME PRINCEPS, tua bonitate dignam facies, si reddi illis miseris totam eam prædam mandaris, ac iusseris quoque Authores tantæ scuititæ increpari. Pete, amabo, ex Artaudo, cuiusmodi sit ille viculus. Nempè, cùm fuisset abs te extortum, vt eò diuersti legionem memoratam præscriberes, ipse præiens fuit omnino præscripta mutare coactus; & Marcussia quoque te coràm spectata, ne momento quidem hæreere sustinuit. Demiratus nuper fui admodum, cum tuis ex literis agnouii fuisse ex nostris hominibus aliquos adeò peruicaces, vt fuerint de Creifeto apud te recentius conquesti. Quippe ex quo ille abs te rediit, semel duntaxat petiit, non quidquam à se aliunde expensum; sed ducentas duntaxat libras erogatas in milites, quibus est ruratus Bedenensẽm Arcem. Sed nempè illi, vt ne eas quidem ducentas libras soluerent, querelam illam instituerunt; puduitque eos planè, cùm rem mihi ingratitude in exprobranti, perspectam nouerunt. Discessurum me re infecta cum Ciuitatis hominibus, Consulum absentiam causantibus, prouideo: discedam tamen lætus ea spe, quòd ad te demum sim accessurus. Vale interea quam-optimè, ô & Principum, & dulce meum Decus. Dinæ, 1 v. Eidib. Nouemb. M. DC. XLIX.

## E I D E M.

**A** Ccepi, exoscularusque eximium Epistolium sum, quod statim *in scriptis* scribere ad me tua bonitas est dignata. Id obstupescerem, nisi qua in me animi propensione sis, tot iam argumentis haberem perspectum. Sperabam, vt & par erat, ad te literas prior dare; tu verò, ne foret amoris *πικρίας*, quo non vinceret, id, quod omnino mei fuit officij, præoccupasti. Hoc vt honori mihi est, ita de te non conqueror; neque meum caufor segnitium, quòd tu anteuertens omnem diligentiam hanc mihi peccandi, si peccatum fuit, necessitatem feceris volens. Nihil hærebam, quominus illud, quod significasti eueniret; sed nempè ter-Optimus Deus quò sit omnia versurus, nouit; sperandumque est, vt nihil non bene. Apprecor solum prosperum iter; quando & aliud nihil superest, nisi vt continenter vota pro tua incolumitate, felicitate rerum successu concipiam. Luillierius meus zgrè semper, lentèque admodum conualescit; conclususque adhuc cubiculo degit; nisi quòd migravit ad me, vt donec vterque heic sumus, vnà diuersemur. Musæum tuum inuiso frequens, cuius meus quoque Poteria curam quam potest maximam gerit. In eo est, vt omnia inuoluta euoluat, cæcèque aceruo eximat; libros, qui Elencho deerant, additurus, ac cætera omnia ita digesturus, vt cùm heinc discedam, singula distindè, explicatèque Belmontio committam. Tu, ô PRINCIPUM OPTIME, ac meum dulce Decus, *Gassendi Epistola.*

Vale, Tolone, xiv. Kalendas Ianuar. M. DC. L.

## E I D E M.

**Q**uòd spes sit, vt literæ meæ te Lugduni conueniant, idèò paucos versus illuc destino, quibus apprecari iter prosperum pergo. Valeo ipse semper, Deo bene propitio, ac habet se quoque Luillierius iam meliùs. Cæpit nudius-tertius vt domo exire, sic adire Paræciam, *ἀναεσθὶς ἃ ἀναεσθὶς* assumptione persoluiturus. Sperat animum aliquoties elegantia, varietatèque Musæi tui reficere; ac vbi tempora præsertim pomeridiana aridebunt. Persfilar Poteria meus in rebus indigestis se digerendis, vt, si quid opus fuerit, facili negotio possit comperiri. Tu, vbiuncumque fueris gentium, ô PRINCIPUM OPTIME, ac meum dulce Decus, Vale, Tolone, vii. Kal. Ian. M. DC. L.

## E I D E M.

**A**llucinatus ante ostiduum sum, cùm fore, vt te meæ literæ Lugduni conuenirent, spes fuit. Nunc, cùm sis *Alessi*, deinceps aliquantisper commoraturus, hæc edo, vt isto anni semi-sæculique residui initio non foelicem modò anni decursum tibi appræcet, sed comprecet simul transcursum foelicem in proximum sæculum; vt possis vidisse te tria, quasi alter Nestor, sæcula gloriari. Apprecor verò etiam Illustrissimæ Hæroinæ, totique Familiz omnia prospera, ac negotiis tuis optatum successum. Cæpit iam Luillierius Musæum vnà mecum inuisere, amœnitatèque illius recreari. Secreuit Poteria meus omnia, digestisque in fasciculos; literas videlicet Régis, Reginz, Administrotum, Parentis, Cognatorum, affinium, aliorum, mei etiam compluribus; Diplomata quoque, & Placita varia, Contraçtus item, rationesque Colonorum, & alia, præter libellos, chartasque multas Geographicas, Phragmographicasque; & fatraginem quandam nihili. Vale, PRINCIPUM OPTIME, Vale, ô Decus meum dulce, Tolone, postrid. Kal. Ian. M. DC. L. i.

## E I D E M.

**Q**uid heic gentium rerum geratur cognosces abundè ex literis aliis. Mihi, quod scribam nihil superest, nisi quod tibi prospera omnia summis votis semper exopto. Accipio te semper optimè valere; hoc ipsum verò est, quod imprimis nosse experitum, cum-primis delectat. Ipse, quando mea quoque tibi valetudo ita est cordi, bene, propitio Numine, valeo. Cæpit Luillietius hesternæ luce lustrare Vrbs pomerium; tamen non nisi lentè conualescit. Poteria meus in eo iam est, vt omnium librorum, quo ordine sunt per pluteos digesti, succindam texat Catalogum, quo omnes Belmontio & adnumerare, & adprobare facilius sit. Mandabo deinceps, vt duo illius exempli describat,



describat, quorum à Belmontio, obsignatorum alterum transmittam ad te, alterum mihi habeam, tibi que adseruem, si fortè quod fuerit transmissum, casu aliquo intercederit. Vale, *PRINCIPVM OPTIME*, Vale, ô Decus meum dulce. Tolone, xvii. Kal. Feb. M. DC. LI.

## E I D E M.

**A** Ductis tam serò tuis literis non possum si velim multis respondere. Quamquam quid opus pluribus? Cum approbanti tuum illud totum præclatum ratiocinium, vnum sufficiat verbum, subscribo. Doleo & ego Memmiam illustrem Præsidentem fato functum (scilicet me quoque, vt nôsti, amabat) sed omnes nimirum eodem cogimur, ac omnium ita versatur Vna, vt sua cuique fors serius ocyus exeat. Exempla legi literarum, quæ fuere ad te ex Aula conscriptæ; spes est vt omnia bene verrant: sed times, opinor, semper Danaos. Est aliquid tamen credendum fortunæ, quæ fortassis quoque, donec lentè incedis, commutare omnia poterit in melius. Faxit Deus ter-Optimus, ac te cum primis incolumem, seu in statione manear, seu in itinere pergas, seruet. Valeo ipse semper, Deo propitio, bene. Tu, ô *PRINCIPVM*, *OPTIME* ac dulce meum Decus, quam-optimè Vale. Tolone, vii. Kal. Feb. M. DC. LI.

## E I D E M.

**N** On propterea vanè conieci nuper, fore, vt dum lentè incederes, res compararentur in melius. Scilicet spes nobis sit magna, vt occasione proxima Cognatos tibi Principes esse in libertatem assertos audiamus. Non hæreo proinde, quin deinceps gressu non-nihil concitatore pergas; tamen si, quia non appulisti, nisi nudius-quintus Lugdunum, vix est, vt ista litera non præuertant tuum in Urbem aduentum. Sunt heic qui rediturum te priusquam ad Aulam peruenieris, sperent; ipse id exoptare quidem, at sperare tamen non ausim. Vtinam solum moram non trahas, ac breui nos bæces tuo reditu. Curatur semper Musæum tuum, quo studio par est, nihilque isti quasi Parnasso, præter suum Apollinem, deest. Discessit Luillerius ante septem dies Maritimam oram lecturus; at ferre tamen me comitem, nisi Hieras usque non voluit. Dies aliquot cum optimo Grassensi Episcopo moratus, regressurus est Druginiano, Brinonia, ac Belgenferio in hanc Urbem. Quid deinceps consilij capturus sit, dies docebit. Tu ubicunque fueris, esto semper sospes, ac Vale. Vale *PRINCIPVM OPTIME*, ô dulce meum Decus, Vale. Tolone Eid. Feb. M. DC. LI.

## E I D E M.

**S** Pes est, quantum nobis è longinquo licet quadamtenus conicere, te his ipsis diebus aut iam peruenisse, aut mox

peruenturum Parisios. Haud multum hæremus quin, vt res se habent, appulsus illuc tuus sit auspiciatissimus; quin omnia, vt exoptas succedant; quin animo sis redeundi ad nos; quin te, Deo bene propitio, prosperè redeuntem breui excipiamus. Hæc bonorum omnium sunt vota; vtinam Deus illa fortunet. Literas habeo à meo Luillerio Monæco scriptas à diebus quinque; erat tunc ille in procinctu, vt Triremis facta occasione, Genuam sese reciperet, vnde & coniecto Romam concessurum. Spero ipse solidum adhuc in hac Ciuitate mensem degere; eaque potissimum de causa, vt subdolerentere à quid sperare liceat de tuo reditu, quo quid discedenti agendum de sarcinulis sit, provideam. Tu, ô *PRINCIPVM OPTIME*, ac meum dulce Decus, bene semper Vale. Tolone, x. Kalend. Mart. M. DC. LI.

## E I D E M.

**A**rdè quidem, sed bene est tamen, quòd ad me tandem tuæ literæ Lugduno datæ peruenerunt. Beasti me nempe, quòd & te, totamque Familiam valere intellexi; & factus certior abs te sum, habere se iam prosperè Cognatorum Principum res; tamen si idipsum ex aliorum præuerentibus literis iam nôram. Equam-verò, putas lætitiæ animo meo peperit, quòd te iam quasi respirantem, sperantemque meliora persensu? Sic Phœbus tandem post nubila; sic Deus tranquillum post tempestatem facit. Hæc est mutatio dextræ Excelsi, digitusque Dei est heic. Vtinam, vt cecepit, sic opus perficiat. Conicimus te esse iam Parisiis; speramusque breui, vt illic appuleris, accipere. Plura scribere, si velim non possum, Tabellarius enim qui ad nos Tarascone venit, urget reditum. Vbicunque fueris, bene tibi sit, ac sit Dominus Deus semper tecum. Vale, *PRINCIPVM OPTIME*; ô meum dulce Decus, Vale. Tolone, iv. Kalend. Mart. M. DC. LI.

## E I D E M.

**S**cripsi ad te quidem solum nudius-tertius; verum tenere me non possum, quin occasione publici Curforis hæce ad te literas dem; vt gratuler tibi, quam summam lætitiæ attulisse is debet, qui carissimorum tibi Caputū libertatem renuntiauit primus. Nempe, tamen si tanta ea fuit, quæ tibi ex Briennæ literis accessit, quantam mihi significare Lugduno scribens dignatus es; quia nondum tamen Regia voluntas exsequutioni demandata pro tuis votis fuerat, subesse adhuc poterat, quamobrem Danaos timeres; at iam, cum non modò donatos liberate Principes, sed etiam in Urbem appulsos, & ingenti acclamatione, applausisque exceptos didicerimus; facile sanè coniectum est, quàm fuerit immensum, quo fueris perfusus, ubi ista primum

primum acceperis gaudium. Gratulor verò etiam quam securitatem tibi factam sentio; tum ob hanc ipsam libertatem, tum ob eum depulsum, cui tam Græca fides (quippe & Diores Græci sunt) quemque veritus, tam lentè incedebas. Idem interim tibi contigit, quod Pro-Auo tuo Magno Mon-morantio; adèd prætumque è te est, quod dicitur *οὐδὲν ἂν Ἀπαιδωτοῖ*. An verò gratulabor quoque quam incredibilem lætitiā Ciuitas hæc testata est, ob renunciatam, quam tantis votis, & vel tui amore, expetierat libertatem? Nequicquam sanè non est, quòd illam exstitisse dico incredibilem; quippe ne ego quidem fidem adhibere, nisi domo in vicis plateasque egressus, potuisseni. Videre enim erat, omneis cuiusque conditionis, sexus, ætatisque homines, spontanea quadam exultatione tripudiantes, cantantibus, identidemque inclamantibus, *Vivat Rex, Vivant Principes*. Scaturiebant vndique vini fontes, circumferebanturque Cyathi, ac lagenæ, quæ passim epoto vino, effringerentur. Nemo fuit, qui vitis cæruleis se exornatum noluerit; supputatùmque est, fuisse ex illis ultra millia vlnarum triginta coëmpta. Ditiore nimirum ipsi ipsi quæsierunt; Consules autem publicis distribuerunt in pauperiores. Turma Equitum erat ex selectiore iuuentute, quæ ensibus strictis, elarisque per Urbem incedens, ingeminandis acclamationibus occasionem faceret non paruum; neque deerant Pedites, qui certatim cum tuæ legionis militibus idem præstarent. Quòdque admiratus potissimùm sum, fuere fœminarum aliquot cohortes, quæ hastis, mosquetisque instructæ, præcipere militiæ laudem ipsis militibus viderentur. Debetur verò id quoque gratiæ Roberto, & Mauritio Palatinis Principibus, quòd se tota die Ciuibus commiserunt, & ad omnia tripudia, maximèque illa, quæ in Publica Ciuitatis Domo, Consules instituere, saltarint. Nihil de confluxu in Ecclesiam dico, vbi in gratiarum actionem celebre, quod vocant *Te Deum* decantatum est; nihil de ignibus tota Urbe accensis (quos geminos etiam illi accenderunt, quorum domibus patent gemini, seu in duos vicos exitus) Commemoro solum nihil posse addi ad reboarum, quo non modò tota circum-Ciuitas, multiplicatis machinis, sed & totus præsertim Portus repetitò insonuit; cum omnium & Tirremium, & vt maiorum Nauium, sic nauigiorum quoque minorum, quæcunque illis fuere (scis autem quàm multa) bellica tormenta bombum excitarent; idque vbi primum ingenti pyra ad Publicam Domum accensa cohortes tam Ciuium quàm militum omnes mosquetis suis concrepitauerunt. Ipse certè, cum acceperissem quo apparatus instruderetur, esse spectator, auditorque ex tuo ipsius Musæo volui; ac dici non potest, vt me *ἡ Νεῦα*, & *ἡ Ἀρπύρεια* delectarit. Ista pluribus ex aliis cognosces; interim verò, quia ex me quoque rem non iniucundè accepturus es, censui cam paucis significandam; vt votum simul innuerem, quo interesse simili ob tuum aduentum spectaculo exopto. Intereà verò, *PRINCIPVM OP-*

*Gassendi Epistola.*

*TIME, ac dulce meum Decus, Vale. Tolone prid. Kal. Mart. M. D. C. L. I.*

### E I D E M.

**S**cribebam nuper, quantà lætitiā tota hæc Ciuitas exultasset, quo primum die acceperat factam Principibus libertatem. Lætitiam dicebam incredibilem; quid putas verò dicendum iam, vbi intelliges fuisse illam solum insequentis quasi proliudium? Scilicet deinceps tota hebdomade (solà v. i. feriā exceptā) nihilo inferior exultatio fuit; quin-etiam, ignibus seclusis, celebrior longè exstitit. Quippe non incessus militaris modò; non modò choreæ, ac tripudia; non cætera modò fuere continuata; sed accessere etiam largitiones oppidò insignes, ac exhibita publice conuiuia; idque tam in Aula Domus Ciuiçæ, quàm in plateis, vicisque mediis, inque ipso quoque Sphurispærio, quod esse extra pomarium nostri. Quanquam nihil necesse est, vt speciatim quidquam designem; cum sis perspeçurus sigillatim omnia ex ea narratione, cuius typis mandata exemplum haud-dubiè accipies. Agnosces ex ea fuisse abs me nuper prætermissa quamplurima, & vittas cum dixi cæteulas, addi debuisse isabellinas, & flauas; nempe ad insigne famulitij tui, censuere Consules addendum tum attinens ad Principes, tum proprium suæ Ciuitatis. Literæ Caldemontio pridie tui discessus datæ, ademerant iam nobis spem accipiendi abs te occasione hac literas Parisi. Vinam verò proxima liceat nobis accipere te fœliciter illuc appulisse. Bene intereà *OPTIME PRINCEPS*, ac dulce meum Decus Vale. Tolone, Non. Mart. *M. D. C. L. I.*

### E I D E M.

**M**earum aliquot superiorum literarum prolixitatem harum breuitas compensabit. Quin-etiam aliis distractis curis, nullas impræsentiarum darem, nisi & non possem non testari lætiam, quam ob tuum fœlicem in Urbem appulsum, animo concepi; ac non tenerer congratulari, quem te tota Aula maximum tulisse applausum reuerentiatum est. Viuum est, quod præterea facere missum non valeam, incidisse me nempè nudiùs-tertiùs in additissimum tibi Equitem Villagium, ac non potuisse de suo fato conquerenti non condolere, maximèque vbi vnà operâ & factam ipsi iniuriam, & fractam tibi fidem perspexi. Id scilicet commemoro, vt innuam videri è te tua esse, dare operam, donec istheic degis, vt res in integrum restituantur. Quot verò, & quantis nominibus è tua re sit, ipse melius nosti. Festi dies heic nondum sunt completi. Quid putas, vbi ob exoptatum reditum tuum instaurabuntur? Bene intereà, *OPTIME PRINCEPS*, ac dulce meum Decus, Vale, Tolone, *III. Eidib. Mart. M. D. C. L. I.*

*Cc 2*

*EIDEM.*

**E**X iis quidem, quæ ad me Neuræus per-  
cripsit, intelleximus fuisse literas abs te  
datas; sed nullas tamen neque Belmontius,  
neque ego accepimus. Præclare sese interim  
res habet, quod præclare vales. Constitue-  
ram sub hoc solum tempus ex hac Urbe dis-  
cedere, ut si qua possem subodorarer, quid  
sperandum foret de tuo reditu, quo, pro ut  
deberet maturè, tardatò-ve contingere, meam  
supellectilulam relinquerem, aut absporta-  
rem. Cum nihil adhuc subsit, vnde aliquid  
non penitus vanè coniciam (qui rumor est  
enim etiam literis hominum nostrorum, qui  
istheic sunt creber, esse pro votis dumtaxat  
potest) idèd cogito moram adhuc ad proxi-  
ma usque Festa trahere, quando ipsismet Fe-  
stis is Cursor aduenturus est, qui possit præ-  
cisè responsum ad hæc literas perferre. Non  
sanè quòd velim, ut ipse tor inter negotia  
perscribas ad me; sed quòd exoratum te  
cupiam, ut dicas Neuræo fidissimo in autem,  
quoniam proximè tempore esse te reipsa re-  
diturum putes. Nimidum, si nòrum id breui  
futurum, vix pauca aliqua emouebo; sin for-  
tè non ante Æstatem, & quovisq; Rex eua-  
ferit Maior, discessurus sis, tum ita compara-  
bo me, ut post mensum domi transactum,  
quo mea componam negotiola, possim te Pa-  
risios ante Ioannalia conuenire, ac veteres  
illos tam bonos, fidòsq; Amicos inuisere.  
Bene interea, OPTIME PRINCEPS, ac  
dulce meum Decus, Vale. Tolone, ipso die  
Verni Æquinoctij. M. D. C. L. I.

## E I D E M.

**E**D tibi euenit, OPTIME, PRINCEPS,  
quod plarisque hominum nostrorum,  
qui vbi appulere primum ex Prouincia Pari-  
sios, solent iactura aliqua valetudinis petten-  
tari. Gratia tamen Deo Optimo habenda,  
quòd tua hæc inualetudo principes parteis  
non attingit, & ex earum genere est, quæ  
periodo breui terminatur. Vtinam proxima  
occasione conualuisse re integrè, accipere li-  
ceat. Nullus hærebam, quin illa effusa hu-  
iusce Urbis exultatione afficereris magno-  
perè, quando illa te, tuamque lætitiàm, ob  
liberatos Principes, occasionem non postre-  
mam habuit. Delectat, quod scribis re ad  
Consules primo quoque die literas daturum;  
id sanè & illi mērentur, & quantum perspi-  
cio, è re tua est. Sic enim per vices illorum,  
ut spes ita constantia est sustentanda. Quod  
de Aula scribis, videre mihi videor; vouen-  
dum verò interim est, ut Deus omnia opti-  
mè vertat. Id audire præsertim iuuat, quod  
assulgere spem aliquam futuræ pacis interfe-  
ris; eò nempe ardentissima bonorum om-  
nium vota concurrunt. Faxit Deus rer-  
Maximus, ut breui tanto bono beemur. Tu verò,  
OPTIME PRINCIPVM, ac dulcem meum  
Decus, Vale. Tolone, VI. Kalend. April.  
M. D. C. L. I.

**O**leo tibi aliquid adhuc superesse in-  
commodi; sed bene est tamen, quòd  
vehemenia illa ita remissa hætenus sit, ut  
defluxio breui euanida speretur. Nòrum ali-  
quid, quod de Nobilium conuentibus signifi-  
cas; vtinam bene omnia cedant. Nullum vi-  
detur quidem tutius, efficaciusque remedium,  
quo laboranti Gallia succurratur, quàm es-  
sagitata illa à Cleri, Nobiliumque Ordinibus  
generalia Comitria; sed nescio tamen, illa-  
ne sine voto potiùs, quàm spe habenda. Id ni-  
mirum, seu Aula timear, ne quæ sita ex quo  
celebrari Comitria deserunt, Authoritas quic-  
quam minuat; seu Curia impatienter fe-  
rat, excidere ab ea, quam Comitria sibi detra-  
ctam ipsi accessisse conquererentur. Fieri cer-  
tè exinde potest, ut stante ab Aula partibus  
Curia, ista Ordinum conuocatio aur denegetur,  
aut eludatur; vtinam aliunde verum  
videatur maximopere, ne si forsassis No-  
biles videri degeneres nolint, magna aliqua  
rerum perturbatio sequatur. Auerat Deus  
omnia mala; ac te cumpremis incolumem  
seruet. Sperandum faciunt literæ omnes, fo-  
re, ut breui ad nos aduentes; ipse præstet  
quid proxima occasione sis significaturus. Bene  
interea, OPTIME PRINCIPVM, ac  
dulce Decus meum, Vale. Tolone, III. Non.  
April. M. D. C. L. I.

Viro Eruditissimo, CLAUDIO BAR-  
THOLOMÆO MORISOTO,

PETRVS GASSENDVS S.

**A**ccipio ecce nunc dumtaxat quas ad  
me dare literas ad diem superioris De-  
cembris xxiv. voluisti. Quo id faro contige-  
rit, (quando præclarus Barberius adeò solet in  
transmittendo esse diligens) nescio; sed est  
profectò, cur summè doleam, tum istas tam  
serò aduentasse, tum illas quas antecederet  
conscriptas inuis, intercidisse. Subest nimi-  
rum, cur aut me non sat magni duxisse illam,  
quo beasti me, honorem causeris; aut reputes  
fuisse me nimium in rescribendo negligen-  
tem. Enim verò, Eximie Vir, & habeo sanè  
maximi tibi in amicum coopari, qui erudi-  
tionem, virtutemque tuam suspicio maximo-  
perè, & sanèd assitmo me vno tenore pelle-  
gisse tuas literas, ac hisce exarandis manum  
adhibuisse. Significauit Barberius se accepisse  
simul abs te quod ad me transferet exemplum  
nobilis illius tui Supplementi; pro illo ita-  
que gratias ago, addòque tunc opus tanti fa-  
cere, ut dignum ducam, quod Ouidius re-  
diuiuus pro suo agnoscat. Profectò enim  
Argumentum tanta imitatione à te continua-  
tur, & ad metam perducitur, ut seu inuentio-  
nis solertia, seu rerum delectus, seu styli fa-  
cilitas, seu quidvis demum aliud spectetur,  
nemo non illud pro Ouidiano habiturus  
facile fuisset, si aliquis ipsum tanquam  
è Bibliotheca vetere erutum vendidisset.

Gaude



Gaude proinde nobili fortu, digniore sanè qui deinceps cum Ouidianis Fastis excudatur, quam supplementum illud Maffei cum Virgiliana Æneide. Ecquid enim habet istud comparandum cum immenso illo labore, qui tibi exanthlandus fuit, ut illam rerum varietatem, quæ in tempora, temporumque causas, inque ortus Siderum, & occasus digeretur, corrogares? Plura aliàs maiore otio, iam enim ista solum attingo, ne abs me diutius desideres quam abs me gratiam iure expectas. Vale, Vir Præclarissime, & me, ut cepisti, sic amare perge. Scribebam Tolone Diniam discessurus, 11. Non April. M. D. C. L. I.

LYDOVICO VALESIO, Principi  
Optimo,

PETRVS GASSENDVS  
Εὐσεβήτων.

**R**atias habeo, OPTIME PRINCEPS, quod ipsemet rogatu meo facere satis volueris. Nihil ergo ante id, quod præstituis, tempus de meo ex Provincia discessu constitutum; cogito solum proximis diebus laeis eo sine reuiscere, ut negotiis compositis, valeam tibi deinceps hæere constantius. Ne interim verò quidpiam detrimenti ex mei absentia tuum Musæum capiat, ecce iam Belmontio sic clauem commisi, ut ipsi prius adnumeratum, adprobareque contenta omnia, confecto Indice per meum Antonium Potetiam, cui ipse Belmontius manu sua subscripsit. Curavi autem quod fieri eiusce Indicis exempla, quorum vnum iam tradidi Belmontio, alterum ad te cum his literis transdo ut nôris quid id tui sit, ac, si vacet aut lubeat, possis isthinc tuum Musæum breui momento perlustrare. Ille est nempe pro platearum, loculamentorumque ordine confectus, ac licebit præsertim libros quo quemque loco memineras fuisse relictum internoscere. Dico autem præsertim libros; nam quia cætera fuere consularia; illa ita digesta sunt, ut cum meminisse ubi singula fuerint relicta potis non sis, ubi tamen iam habeantur, deprehendere possis. Lætor omnia sensim in Aula tranquilliora euadere; ac illud maxime pægorium de conuocandis Comitibus, Aurelianensis providentiâ, autoritatèque compositum fuisse. Delectat etiam magnopere quam facere pergis induciarum spem; ac scribens potissimum Heroïnam illustrissimam intercedere, quæ sit ut virili prudentia, sic fide apud partes oppositas summa. Permovebit fortè Hispanum, ut manus non inuitus det, quod res Neapoli iterum turbantur, quodque in Catalonia iij Duces aduenturi sunt, sub quibus nihil à destinatis eò viribus sit timendum. Fortunet Deus omnia, ac præsertim præstet, ne suo tempore occasio vlla incidat, ob quam id quod Nobilium Ordo timendum iam fecit, malum recrudescat. Tu interea, OPTIME PRINCEPS, ac dulce meum Decus, Vale. Tolone 14. Eid. April. M. D. C. L. I.

*Quos in transmissio Indice libros habebis; præ Gassendi Epistolæ.*

ter descriptos in Aqueusi Catalogo, qui intra Musæum relictus est, cuiusque ipse Exemplum habes, ipsi sunt qui fuere reperi. in Miscellanea illa congerie, ac inde eruti, apostitque loco vacuo, ad plateum imminentem otio, quo ex Musæo Cubiculum inis. Fuere porro omnes adiecti memorato Catalogo, confecto Aquis-Sextiis, etiam vnus qui inscribitur Magnani Perspectiva Horaria, quemque tua cum venisti mecum deferam, ut ipsum per otium percurram. Vale iterum.

E I D E M.

**I**gressus Tolone Dracenam, illicque moratus dies aliquot, accessi domum denique, ac resolutaui laeis nudius-quartus. Cogitavi statim Tornator Parisios, scilicet ob litem, quæ ipsi intentata in magno Regis Consilio est; neque sine aliquo meo ad te Epistolio discedere voluit. Itaque paucos hosce versus non alio fine per ipsum do, quam ne penitus vacuis, quod aiunt, manibus accedat; nam commendatum alioquin illum facere nihil opus est, cum ipsum iam satis & nôris, & ames; & quo apud me loco sit, non incomptum habes. Accipies, ipso referente, quam Deo propitio valeam prosperè, & quam acceptus fuerit Conciuius meus aduentus. Id videlicet, quia memores sunt beneficiorum, quæ abs te, me intercedente, obtinuerunt; quæque tanto magis iam exaggerant, quanto à tuo discessu, milite non carent. Expectabo heic donec innotescat, quod est insinuatum de tuo reditu. Interea verò, quam-optimè ô meum dulce Decus, Vale. Dinia, x. Kalend. Maij. M. D. C. L. I.

E I D E M.

**D**iscedenti ante paucos dies Tornatori Parisios literas ad te perferendas dedi. Hæc Aquas-Sextias, oblata occasione, sub eo inuoluto ad te destino, quo Lugduni exempto Parisios transdantur. Cum binas, ex quo huc accessi, ex Neuræo habuerim, par est reputare tutam esse viam, qua ille perscribit ad me; hocque insinuo, ut, si me fortè beare Epistolio velis, quod reddi maturè intersit, id ipsi Neuræo concedas. Quod nihil certè abs te accipiam, causam suspicor, quod literas dare ad Belmontium Tolonem pergas, ac per-rare sint occasiones, quibus heinc illuc, illeinc-ve huc dare literas recipere liceat. Nihil porro aliud iste tibi, quam valere me renuntiabunt, ac præfolari semper tuum foelicem ad nos reditum. Varia sunt, quæ passim de illo iactantur; ipse verò partium studiis omnia tribuo; & quod superest, Providentiæ Diuinæ euentum committo. Hoc verò interim sum certus, nihil posse te capere consilij, quod præter decorum euadat, ac non generosum animum testetur. Quidquid illud futurum sit, bene semper, OPTIME PRINCEPS, ac dulce meum Decus, Vale. Dinia, 14. Kalend. Maij. M. D. C. L. I.

Cc 3

EIDEM.

## E I D E M.

**N**illas ad te, OPTIME PRINCEPS, ante octiduum literas dedi, quod partim aëris commutatio, partim officiorum varia exhibitio, dederit causam febriculæ, quam me decumbentem per aliquot dies detinuit. Ac non sum iam quidem ea planè immunis; sed ea tamen est relaxatio, per quam possim ac debeam paucos hos versus conscribere, tum ut, qui valeam significem, tum ut me habuisse ex postremis meis, geminas abs te literas renunciem. Spero ipsis, Deo propitio, ubi melius habuerò paulò vberius respondere; non possum intercèa continere me, quin testatam faciam conceptam lætitiā ob tuum redditum, quem occipis iam facere certiore. Fortūner illum Deus; faxitque, ut vel quo fecisti tempore sperandum, vel non longa certè interceptā morā contingat. Vale, OPTIME PRINCEPVM, Vale, ô dulce Decus meum, Dabam Dinia, iv. Eid. Maij. M. DC. LI.

## E I D E M.

**A**leo nunc quoque, OPTIME PRINCEPS, aliquantō, quā nuper melius. Id vel ex eo intelligis, quod cogitem hoc ipso mane non modò, Deo bene propitio, solemnī Sacro interesse; sed ipse etiam facere. Hoc vnum est, sed quod scribere vacat; sed ferè etiam vnum, sat cōiicio, est, quod ex me, & abs me expectas. Aliud proinde nihil subiticio, quā quæ vota pro tua salute, pròque fœlicis tuo redditu, ut continenter, sic ardentior fundo. Vale itaque, ô DEVS PRINCEPVM, Veni, ô dulce Decus in eum. Dinia, ipso die Ascensionis Dominicæ, xv. Kalend. Iun. M. DC. LI.

## E I D E M.

**E**inas iterum abs te literas, intercèdente Belmontio, accepi. Vitam mihi das, cum quid subsit spei, minimè alioquin credulus, insinuas. Et quantum quidem cōiicio, non adeò maturo eris redditu, ac plarisque facta spes est; sed futurum quoque illum adeò ferum, ac plarique sibi fingunt, non prospicio. Quocunque tempore is contingat, prosperum tibi apprecor; quanquam qui possit contingere, & prospero euentu non esse? In nostris hisce regionibus omnia milite perstrepunt, eaque deprædatio oppidatim fit, ut qui simili occasione causabantur tuum regimen, incidisse iam potiùs se ferream in sæculum fateantur. Id dolendum quidem; sed interim tamen opéra quasi pretium fuit, & te abesse, & geri ista, ut, quod omnia pertineant, constet. Modij Toparcha nondum ad me sui Cimeterij Elenchum transmisit. Ipsum quæ primùm accepero, ad te confestim destinabo. Quod mihi, ut Lugdunum me recipiam suades; faciam, Deo bene propitio ubi & valetans adhuc valetudo erit confirmata; & negotiola aliqua domestica peregero. Ecquid porò dicam, ô PRINCEPVM DEVS, de nesciente modum amore, quo posterioribus literis me

immerentem sic euehis, ut quadantenus etiam me Principibus inferas viris, quibus placuisse non vltima lani sit. Nimirum & mihi idcirco Poëtæ dictum accommodas; & suspicionem assentationis excusatione amoliris; & Natalium etiam splendorem ipsi virtuti subiciis, imitatus, putà Pompeium, cum ex Oriente rediens, & Posidonium Rhodi inuisens, *sesticis lictorios ianna submisit is, cui se Orientis Occidentisque submiserat*. Profectò, nisi gratias agam, non quantas debeo, sed quantas possum, habebor meritò ingratus; cum mihi obtingere abs te effusor amoris testatio non possit. Sin agam, videbor annuere, ac in me agnoscere doteis, quæ potiùs quasi navi sunt, ex quibus tuus in me amor quasi lumina (quod dicere solent de Parentibus) quædam faciat. Itaque gratias quidem agam pro immenso illo affectu, quo in me ornando exaristi; sed patieris interim ipse, ut quod non sum, respiciens, mecum habitem, & quā curta mihi sit suppellex, nōrim, Plura dicere pudor vetat, ne pergens me deprimere, vel facere affectatè videar, vel caulari non satis te, quid rei ageres, attendisse. Vale, PRINCEPVM OPTIME; ô dulce meum Decus, Vale. Dinia, viii. Kal. Iun. M. DC. LI.

## E I D E M.

**E**scipsi ad te nudius tertius post acceptas binas abs te literas. Accepi die hesternā alias, quas Belmontius vnā cum datis ad Episcopum meum transdidit. Rescribente illo, schedulam hanc addo, tum ut testet ipsum vltro subscripsisse cyclicis illis literis; ac dignum esse, cui circa negotium Euocationum faueas; tum ut, agere gratias pergā, ob studium adeò sedulum, quo dignaris facere me de rerum tuarum statu certiore. Quantā lætitiā exceperim, quod postremum significasti de Oratoribus inauditis, de Euocationibus concessis, de celebrandis Comitibus, de mox decernendo redditu tui tempore, de eiusmodi cæteris, ipse, qui me nosti cōficere potes. Cætera inter, OPTIME PRINCEPS, ac dulce meum Decus, quam-optimè Vale. Dinia, vi. Kal. Iun. M. DC. LI.

## E I D E M.

**S**chediolum ecce ad te transcendendum, quo momento, qui ad veredarium illud deferat, transcurrit, accipio. Recipit in se eius Author rem, si abs te probetur, ita facilem, ita apertam reddere, ut nihil sis desideraturus. Nullas heic literas à Curfore, qui die Maij xix. Parisiis discessit, habemus; & quas inficiens artulit, habere nondum possumus. Speramus autem semper fore, ut omnia tibi bene vertant. Imprimis verò, PRINCEPVM OPTIME, ac meum dulce Decus, Vale, Dinia, Non. Iun. M. DC. LI.

## E I D E M.

**A**ccepi, aut accipio potiùs, quas binas abs te literas expectare me insinuas nuper. Accipio, inquam; quoniam, qui mihi occasione

occasione transitus sui per hanc urbem eas reddidit, abs me non discedit, sed instat, ut è vestigio, si quid velim rescribam. Paucis itaque, OPTIME PRINCEPS, gratiose quidem conquereris; sed iuste etiam conquereris de mea in rescribendo segnitie, si ullam omnino scribendi ad te occasionem facerem prætermissem. Coniecto verò, quo die statò literas à me habuisti nullas, illum fuisse, in quem illas dare præ inualitudine non poterim. Quod superest enim, nunquam intermisi, & scribere & literas inuolucro obtegere, destinato ad *Dulcium*, Lugduni Cursum Præfectum. Et certè, cum querela tua literis prioribus continetur, posteriores inuunt acceptas, quæ fuere occasione proxima perscriptæ, quando pro tuo illo erga me amore dignaris ob recuperatam valetudinem gratulari. Imensas porrò ago gratias, per incomparabili bonitate, qua me utrisque literis de rerum tuarum progressu facere participem pergis. Exspecto autem per-auidè, quod te die proximo perscripturum recipis; id enim spectat, quantum conicio, ut ad describendum extremam negotiorum coronidem, ita ad diem discessus tui ratum, fixumque significandum. Vale interea, PRINCIPVM OPTIME, ac meum dulce Decus, ac Præsidium Vale. Dinia: x. Kal. Iul. M. DC. LI.

## E I D E M.

**N**ondum accepi quas literas postrema occasione fecisti sperandas: auguror nihilominus ex iis, quæ perscripta ab aliis sunt, fore, ut nisi expectata, proximæ saltem literæ certi quidpiam de tempore, quo sis discessurus renuncient. Quippe, tamen hic non desint, qui datis ad te literis cessasse te Prouinciam probent, & liuor tamen, & artes notæ, quibus apud istos imponere est moris. Quod, ut Lugdunum cogitem, sæpe sæpius me admones, facere adhuc minimè vacat, cum & animus semper sit, quidpiam prius de tempore tui reditus perspectum habere. Utcumque euenturum sit. Tu, ô PRINCIPVM OPTIME, ac meum dulce Decus, Vale. Dinia: postrid. Eid. Iun. M. DC. LI.

## E I D E M.

**R**ecreauit me mirum in modum pellegere quas literas Groboscio discedens, utbèmeque repetens, es dare dignatus. Siquidem nondum tantam spem, quantam his ipsis literis, aut conceperas ipse, aut feceras mihi. Potum iam tenere videris, speroque proxima occasione etiam sacram ancoram fore demissam accipere. Quod de altero Oratorum inaudito, altero confuso perscribis, non absolum est iis, quæ iam antè præsumptas, sedque non postremum est rei bene cessuræ argumentum. Illud iam inaudieram, quod interferis illos te, quos par erat præceteris tibi fauere, destituisse. Sed videlicet hæc est rerum humanarum conditio, ut sua quisque potius, quam aliena curet; agnoscendumque est nullum esse, præter Diuinum, præsidium tutum. Quam appositè inierim Poëta,

*Sape premente Deo, fert Deus alter opem!*

Certè quantumvis id tibi sit infelicitati vertendum, quòd parum æquos habueris, quos fore æquissimos speraras; id saltem boni es consequutus, quòd poteris præter nostrorum opinionem ostendere, te non vnicò stare pede; sed superesse, vno labante, quo te præclare fulcias. Quid-ni proinde tuæ famæ interfuisse existimes, ut res hac via procederet, ac reputes esse nihil satius, quàm se totum Summi Parentis prouidentia committere, ut cui sit homo carior, quàm sibi, quique nōrit occultis quidem, sed certis tamen tramitibus omnia deducere ad suos fines. Id ut tu facis, OPTIME PRINCEPS, sic perge semper facere *בְּחֵיל וּבְיָמִין אֱמֶת וְנֶאֱמָר* Bene verò, ô & Præsidium, & dulce Decus meum, Vale. Dinia: x. Kal. Iul. M. DC. LI.

*Præclarissimo Viro D. IOANNI AL-  
CIDIO MYNERIO, Philoso-  
pho, & Medico Lotbaringo, Cuique  
Genuensi,*

PETRVS GASSENDVS S.

**Q**uòd te paucis hisce versibus conueniam, facit tua illa in me propensio, cuius meus Luillierius Amicorum optimus me sæpe sæpius certiorum fecit, & ob quam tibi tum refero quam gratiam possum maximam, tum offero reciprocam, plenumque candoris affectum. Ceterum quia longum est tempus, ex quo nihil habeo neque audio de Viro amicissimo; & res, ut nōsti, *soliciti plena timoris amor est*; ideo exoratum te velim, ut quid esse id causæ possit, significare haud graue ducas. Utinam sit in causâ potius, quod commutandi aëris gratiâ, vestra ex Vrbe discesserit, quàm quod deterius (auertat Deus tale omen) habuerit. Habebis me certè deinceps ut tibi admodum deuinctum, ita comparatum ad omne obsequium. Vale, Dinia: x. Kalendas Iulij, M. DC. LI.

*Destinare schedam poteris Lugdunum super-  
scriptione huiusmodi, A Monsieur, Monsieur  
Barbier Imprimeur ordinaire du Roy, à Lyon.*

*Per-erudito, & Amico Viro IOANNI  
MICHAELI VGEVINIO Pin.  
Sclauono,*

PETRVS GASSENDVS S.

**Q**uas ad me Romæ literas pridie Nonas Maij dedisti, ubi perlata Parisios incidere in manus nobilis Campinij, transmissæ subinde ad me in Prouinciam hanc, Diniamque meam fuere. Nempe discedente Parisios illustrissimo Principe, Duce Engolismensi, ipse restiti, neque me in eius comitatum dedi. Quare & ad illum remisit, quas non modò ad ipsum addidisti literas, verum etiam, quas ad Neuratum, ut qui in eius versetur Aula.

C c 4 Destino



Destino verò operâ eadem Patifios hocce Epistolium, si fortè tuus ille *Vaisius*, qui fuerit ad te dirigendum, nōrit. Destino, inquam, vt gratias agam pro singulari illo affectu, quo me constanter prosequeris, ac lætitiâ testor, qua recreasti me, dum & vbi-nam gentium fores, & quid-nam rerum ageres, literis tuis significasti. Quippe nihil protus de te à quinque annis audieram; tamen non rarò de te, tuâque insigni eruditione, amabilissimâque indole cum Principe eximî bono, ac impensè tui amante; cûmque Neuræo catissimò, sermones instituerim; ac tibi omnia fausta fuerim apprecatus. Delectat proinde accipere te & versari in Ciuitate, quæ vt Caput est Mundi, sic bonarum Artium fautoribus præcellens est, & studiis illis incumbere, quæ animum verè ingenuum, veritatisque amantem decent. Nimis me deuinciunt tum eximius *Slusius*, qui me immerentem eo loco habet, vt sua salute non dedignetur; tum *Kircherus*, optimus ille, qui me sibi exidere ex memoria non patitur. Quæso vtrique, meo nomine, salutem quam-plurimam refer. Quod meas illas nugas commendas, tuo erga me amoris sic tribuo, vt forti etiam felici vertam, quòd potuerint eximio Viro non omni ex parte improbari. Fortunet Deus tua omnia vota, *VEEVINI* Carissime. Tu verò amare me perge, ac Vale. Dabam *Dinæ* 111, Kal. Iul. M. DC. LI.

LYDOVICO VALESIO, Principi  
*Optimo,*

PETRVS GASSENDVS  
*Εὐδοκίῃ.*

**N**on demiro; OPTIME PRINCEPS, quas iactati minas perscribis; sed suspicio summam constantiam, quâ ipse illas floccifacis. Scilicet illi pro genio agunt; at rara *Auis* in *Tertis* est, quæ sese volatu hoc tuo attollat. Memini ipse occasiones, quibus meritis fueris timeri, nihil metuens. Equid proinde hæream, quâ impavidè armatus reuifas, quos intrepidè inermis vidisti? Quamquam putas-ne *Thrasones* illi tam metuendi sunt, quàm videri volunt? *Leones* erga lepores; lepores sunt erga *Leones*. Quare & vix est, vt mihi persuadam intentate hæcillos, vt tibi quem satis nōrunt, metum incutiant; sed vris, quos habes catos; quòsque incubituros eò putant, vt te quoquo pretio tuo ab instituto diuertant. Id admodum iuuat, quòd tam generosè accelerari exinde potius, quàm retardari tuum discessum scribis; quòdque speras te intra hebdomadem impositurum denique extremam negotiis manum. Quid tanto-perè ea remoraretur coniciebam quidem; at nesciebam planè; & cûm aliquoties conquestus cum *Neuræo* fuisset, quòd nihil hac de re singularè perscriberet; excusauit demùm, quòd nihil pernosset, neque enim se eò admitti, vt ampliùs quidquam cognoscere, quàm qui-vis ex *Aula* inferiore posset. Ac stupeo id

sanè, sed non vrgo tamen, quoniam & de tuo erga illum amore, & de illius erga te fide dubitare piaculum est. Vtinam verò accipere hebdomade proxima possim, quod ea mihi sperandum facis. Quòd si fortè aliquas adhuc remotas sentias iniici; vnum est, quod te tescire intersit, cuiusque idè te admonere, quando casu id nosse mihi contigit, debeam. Accepi nimirum duos treis-ve esse ex præcipua nobilitate, qui ante dies paucos *Parisiis* in *Provinciam* redierint, eo fine, vt *Primariis* illis, qui tui obseruantes sunt, clam suadeant fore, vt haud-dubie *Pro-Regem* *Contyæ* habeant, ac sua interesse, vt illius demerendi gratiâ hæc, & illa agant. Quid factò opus tibi sit, consilium dare meum non est; fortè, nisi aliud, saltem non noceret ad præcipuos quosdam dare literas, quibus & ipsi tenerentur, & cæteros tua in fide seruarent. Vt cumque sit, OPTIME PRINCEPS, ac meum dulce Decus, Vale. *Dinæ*, 111. Kal. Iul. M. DC. LI.

E I D E M.

**N**Equè iam miror, OPTIME PRINCEPS, aliquid semper, quod tua negotia remotetur, interuenire. Miraret potius, si in hac tanta, quam innuis *Aulæ* agitatione, nihil noui suboriretur. Agnouit *Heraclitus* in rerum natura idè *ἀνταρ*, *ἰδὲ*, iuxta quam *Mundum* constare dixit; quânto ea magis agnoscenda in rebus humanis, ac nostris præsertim, eo solo constantibus, quòd nunquam nostrum deorsum ferantur. Vtinam modò, ne id eueniat, quod, vt illius opinio fuit, *Mundum* denique *ἐκπυρρῶς*, sic res demùm nostræ in incendium abeant. Nam bene quidem est ominandum, sperandumque de superata *Regis* *Maximi* pupillari ætate: sed *Diuinum* Numen interim orandum, ne ea difficultatum seges intra hoc bimestre, quod superest tempus, succrescat, vt illam deinceps euellere nimisquam operosum sit.

*Fallax, & hoc omen tenuis vanescat in auris,* præstetque *Deus* glorioso Regi, vt sumptis in inanus Imperij habenis, efficiantur illi praua in directâ, & aspera in vias planas. Hoc sat scio, tuum est votum, qui & Regem, & Regnum amas vnice; id ille fortunet, per quem Reges regnant, & in cuius manibus sortes nostræ sunt. Tu verò, ô dulce meum Decus foeliciter omnia exsequere, ac Vale. *Dinæ*, 111. Non. Quintil. M. DC. LI.

E I D E M.

**D**Aus sum quidem, non *Oedipus*; sed videor tamen posse malè interpretari quod recipis *Ænygma* coram soluturum. Ipse quoque præfens coniecturam dicam; non possum verò interea non commendare constantiam, qua *Maieftati* *Sacræ* additus, eisdem cum illa ptobas, improbas Amicos, inimicos ducis. Dici non potest, quàm delectari, quòd tam præclaram fecisti spem felicis exitus rerum tuarum. Nondum habere literas licet, quibus te proxima occasione rem perscripturum recepisti. An interim tamen eam fuisse per

per-actam argumento est, quod San-Markius celeritima celeritate aduenerit, & ab ipso eius aduentu cogitari arma sit rumor. O nos fœlices, quod tu tam bonus, vt etiam præoccupes te nullius vnquam rei magis, quam iniuriarum immemorem fore. Digna sanè hæc mansuetudo, illa animi magnitudo, qua vt aduersis non frangeris, ita prosperis rebus non effereis. Vtinam illam homines nostri ita denique persuadeantur, vt animos omnium tibi reconciliet, & quæ pro salute Prouinciæ concepisti, vota succedant, ac Patriæ Parens ab omnibus agnoscat, & conclameris. Vale, OPTIMÆ PRINCIPVM, ô dulce Decus meum, Vale. Diniz Eid. Iul. M. DC. LI.

## E I D E M.

**Q**uod ille Principum secessus aliquam adhuc remoram negotiis tuis iniecerit, pro conditione est rerum humanarum. Spes est tamen fore, vt breui accipiamus fuisse rem mox compositam; ac nihil obstitisse, quominus tua negotia perficerentur. Rescieramus iam, vt ex literis à me postremum datis perspicies, aduentasse San-Markium neque nos plane latuerat, quod minatum eum fuisse scribis, priusquam discederet, bellum. Ac fortè quidem per eum non sterit, quin rerum novarum quidpiam moliretur; verum omnia hæcenus se pacificè habere inandimus; & Parlamenti quidem presentia, factionibus nascentibus Senatus-consilio repressis. Quam voueo vt hoc non modò augurium, sed etiam quasi præludium sit exoptatæ tranquillitatis! Faxit Deus ter-Maximus. Tu verò interea, PRINCIPVM OPTIME, ac meum dulce Decus, Vale. Diniz, xiiii. Kalendas Sextil. M. DC. LI.

## E I D E M.

**N**illas ad me nuperus Cursor literas abs te attulit, hoc verò non sanè conquerendo dico; sed facio solùm, vt insinuem, potuisse tuas literas occasione quapiam intercidere; si quid fortè ad me pro more (quæ tua nimirum esse solet bonitas nimia) perscripseris. Audio interim non fuisse res Aulæ, vt sperarant, compositas: quare & reditus ad nos tui fieri auguro procrastinationem. Sat ille cirò, si fiat bene. Vtinam modò ipsi concordia potiusquam dissidium occasionem faciat. Quàm verendum enim ne istæ scintillæ in eum incendant fomitem, è quo strues ingens concipiat incendium! Sic flectat Deus animos, vt similitate deposita, omnium vota in commune bonum, hoc est tranquillitatem conspirent. Tu, OPTIME PRINCIPES, vbicumque fueris, cum nusquam nisi pro Regis nutu, ac voluntate futurus sis, Tu, inquam, ô meum dulce Decus, Vale. Diniz, vi. Kal. Sextil. M. DC. LI.

## E I D E M.

**L**iteras abs te accepi binas, cum postremis videlicet, quas intercidiſſe nuper suspicabar. Didici ex vtriusque inchoata qui-

dem, promotæque negotia, quæ tibi iniunctæ remoram; ac nondum tamen eò deducta, vt diem destinare ad discessum possis. Quin-etiam tamen spes est, vt postquam Curia iusserit referri in Acta nouum id Diploma, quo Cardinalem postliminio non iri receptum caueatur, Princeps in Aulam redeat, tam breue tamen superest interstitium heinc ad Natalem, quo Maximus Rex pupillari ætate euadat superior, vt te vix discessurum rear, quin prius dies ille fortunatus illuxerit, & Regi gratulatus coram illius manum iam habenas tenentem fueris exoscularus. Vt cumque facias, faxit Deus, vt proxima saltem occasione accipiam peractam esse, quam fieri voues, vocatam magnam Martis cum Ioue in Aulæ calo coniunctionem; & qui Rex inclytus est tibi magna Romæ spes altera, imperium summa vt æquitate, ita felicitate regat. Quàm præclarum interim est, quod de faciendis Philosophi experimentis ratiocinatis! quippe experientiam rerum Magistrum iure confers cum oculo, quo qui destituuntur Andabatæ fiunt, & non tam Philosophiam, quam Matrotechniam feciantur. Nam illi quidem sibi officio præclarè perfuncto videntur, cum disputationum, quæstionum, argumentationum seriem struxere; at, quod ingenij potius figmentis, quam experimentis inædificant; deprehenduntur nihil aliud, quàm chimeras coaceruare, inforniatque pertextere. Sed hac de re plura, Deo volente, coram. Interea verò, PRINCIPVM OPTIME, ac meum dulce Decus, Vale. Diniz, postrid. Non. Sextil. M. DC. LI.

Tacere non debeo optimum Pontificum, illum scilicet plenum fidei, & probitatis antiqua virum, qui te semper summo ardore vt veneratur, sic sanè amat, perisse abs me, tibi dici, quoniam pectore toto profundit, vouerique salutem. Nullus plene hereo, quin illius germanus, qui iam est Parisiis, te frequens inuisit. Durbesius certè eiusdem filius, tibi addictissimus semper est. Ipse est, cuius ope rescini, quod scripsi ante circiter mensem, de quibusdam nobilibus, qui aduenissent Parisiis, vt defectionem quampiam molirentur. Vale iterum.

## E I D E M.

**Q**uam dolendum, OPTIME PRINCIPES, versari res semper in ancipiti, ac nihil præter vota, vnquam superesse! Nisi insequente certè occasione res accipiamus compositas, non video quid boni ominari liceat. Videlicet res eò vergunt, vt inita licet deinceps concordia, ea superfutura dissidentia sit, ob quam discordia facile recrudescat. Verat Deus omen in melius, faxitque, ne quæ ante annos trecentos, ac postmodum quoque fata contingere, nos maneant. Quippe, vt se res ac genij habent, pronum est fieri Helenum, vtinam modò non & Cassandram. Perspicis ipse cominus omnia; quare & facile est tibi eminens omnia prospicere. Pauca quidem sunt, quæ insinuas; sed non obscura interim, quæ vis haberi subintellecta. Deus iterum omnia melius; ac te cum primis sospitem seruet. Vale, PRINCIPVM OPTIME, ô meum dulce

dulce Decus, ac Præsidium, Vale. Dinia, prid.  
Eid. Sextil. M. DC. LI.

## E I D E M.

**N**ihil fuit necesse, OPTIME PRINCIPES, lituras illas pauculas præ festinatione ductas excusare. Satis enim noui varias, graueisq; quibus teneris occupationes; permirumque est Virum tuæ fortis, & isto scribendi genere oblectari, & tam pauca, tamen ferè properantem oblinere; & facilitate tam facili esse, vt tua extemporanea possint aliorum cogitatis grauioribus æquiparari. Suae admodum fuit legere, quod perscribere es dignatus, Condæum, præcunte Aureliano Regem, Reginamque demùm salutasse. Quidpiam-ne adhuc nubilum, quasi per transfennam conspiciam, asseuerare minimè ausim: si quid tamen tale super sit, faxit Diuinum Numen, vt Sol id exortu primo discutiatur. Solem cum dico, Regem intelligo, qui futurus mox pupillari ætate maior, & auctoritatis splendore præfulgens, erit tanquam Sponsus procedens de thalamo suo; & exultabit vt gigas ad currendam viam, à summo Cælo egressio eius, & occurfus eius vsque ad summum eius, וְיָוִן בְּמִסְרָהּ מִתְהַתָּה. Quo putas verò dulcore me tua illa verba perfuderunt, *Ætatem pupillarem pedetentim missam facit Rex noster, cuius indolis eximia odore referta est Aula & Orbis ipse.* Reuocaui certè illicò in mentem, quod votum pro illius gloria, Actione illa mea inaugurali perorans concepi, ac vultu in Cælum elato, id vt completeretur, voui iterùm. Præclarum, ac te dignum est, quòd illos istorum, qui te oderint gratis, rumusculos floccifacis; neque, dum bella cogitant, non cogitas ipse cogitationes pacis. Sic Deus me amet, vt tu esse alius, aliud-ve agere, sustinueris nunquam. Adueni modò, ac interim, ô meum dulce Decus, Vale, Dinia, xv. Kalendas Septembris, M. DC. LI.

## E I D E M.

**A**llatæ nondum ad me sunt, quas nuperus Cursor literas aduexit. Quare & si quas bonitas tua ad me dare dignata sit, respondere iis nondum licet. Quòd sese interim offerat occasio dandi Aquas-Sextias literas, ipsam idèd arripio, ne non fortè alia deinceps occurrat. Facio verò, tum vt me semper, Deo bene propitio, valere insinuem; tum, vt significem qua lætitia me Tornator affecerit, quòd mihi in aurem abs te dixit, quod ipse ore tenus expressum voluisti. Id, vt constitutum, vtinam eueniat; ac tempus etiam expectatum præuertat. Interea verò, PRINCIPVM OPTIME, ac meum dulce Decus, Vale. Dinia, ix. Kal. Sept. M. DC. LI.

## E I D E M.

**A**ccepi quidem literas à superiore Cursore aduectas; at quas aduexit nuperus accipiendi spes nulla est, si verum sit, quod memoraunt, fuisse cum vestrâ spoliatum. Quod

insnuas de redivit, de tempore interpretor; ac ob id quidem potissimum, quod refert Reginam palam edixisse. Affecere me iterùm summo dulcore tua illa verba; *Pupillarem interea exigit ætatem Rex egregius, in cuius fronte animi candor, militaris ardor, summæque eniet prudentia.* Faxit modò Deus, quod subinde voues, vt pubertatem aggrediatur, transigatque pacificè. Tantulum est, quod scribere iam vacat. Vale, ô DECVS PRINCIPVM, ô & Præsidium, & dulce Decus meum. Dinia, Kal. Septembris, M. DC. LI.

## E I D E M.

**L**iteris quidem quas quærebar nuper spoliato Cursore interceptas, reddita fuere aliqua; at non mihi tamen, quas abs te expectabam, qui testatus fueras superioribus, prætermitti nullam à te, quin ad me scriberes, occasionem. Et quidpiam-ne fortè interuenerit, quod obstiterit, ne literas dares, neque scire licet, neque conqueror; sed quo tamen illarum fata esse potuerint, insinuo; vt si expediat, nosse rem possis. Ad insequenteis quod attinet, ipsas cum cæteris accepi. Et quoniam amicus occurrit, qui Auenionem has perferat, idèd occasionem arripio, vt securius ad te transdantur. Iuuat nosse quid istheic rerum à te perscriptarum agatur: quàm iuuaret magis, posse illas minùs turbulentas accipere! vertat Deus omnia in meliorem sortem. De mea versum te professione, cogitare quidem incipiam, sed vbi tamen ad me vberius, quod & recipis, scripseris. De Neuræo quod attigisti, delectauit summopere; ille enim profectò is est, quem paucis describebam nuper. Vale, OPTIME PRINCIPVM, ô & Præsidium, & dulce Decus meum. Dinia, Non. Septembr. hoc est die Natalitio, quo Rex Maximus transit ad Ephebos, M. DC. LI.

## E I D E M.

**E**erunt Cursorem, qui ad te meas deferrebat penultimas vltra Auenionem iterùm spoliatum. Quid id rei sit, conicere est promptum, sed conqueri inutile. Quas postremas literas dedi, eas Auenionem destinaui. An meliore fortuna fuerint, tu ipse prior noueris. Tuas interim Kalendis conscriptas intemeratas habui; ita apud nos non semper ius Gentium, publicæ fides violatur. Est verò, cur hanc quam describis tam continentem rerum vicem, perturbationemque doleamus, quando exitum non reperit; sed aliis, aliisque nectitur ex causis. Faxit, quæso, Diuinum Numen, vt quas proxima occasione accepturus sum literas, referant hanc caliginem tum fuisse penitus discussam cum primum fuerit Rex Maximus tanquam Sol supra Horizontem pupillaritatis exortus; ac Maiestatem (ex eo dictam quòd sit quasi maioris status) tanquam splendorem induens, in suo Themidis solio quasi in Cælo coruscavit. Tu quoque, OPTIME PRINCIPVM, tanquam Sol nobis exorere; futurum est enim, Deo bene propitio, vt quam-primum illuxeris, superstitis omneis apud



apud nos tenebras discutias. Interim verò, ô & Præsidium, & dulce Decus meum, Vale. Dinia, xvi. Kal. Octobr. M. DC. LI.

*Viro Clarissimo, Eruditissimo, Amicissimo, IACOBO ALEXANDRO TENNEVRI, in Aquitanico Vætigalium Senatu Regio Consiliario,*

PETRVS GASSENDVS S.

**Q**uem eximium librum abs te editum ad me dare, intercedente Monconisio nostro dignatus es, diebus proximè elapsis accepi. Significat præclarus ille, librum sibi iam traditum, ipsèque Mathematici argumenti cum prætolabar; at ex titulo statim ipso esse deprehendens Historici, nihilo segnus ipsum attingi, neque minù exhaustum: adeò vt etiam in mei mentionem inter additamenta factam, & ob quam tuæ bonitati gratiam habeo, inciderim. Nimirum & Authoris nomen, & controuersia dignitas, & perspicuitas ordinis, & rationum pondus, & phræseos elegantia, fuisse mihi quasi Sirenes, à quibus vix quicquam potuerim abduci. Sic proinde habere me & inter legendum fuisse summo-perè delectatum, & congratulari iam summo-perè tibi, quoddam felici adeo successu atduum negotium discussis. Ita profectò videris mihi & de gloriosa Regis stirpe, & de Regno esse bene meritus; vt planè insignem consequi gratitudinis restitutionem debeas. Ac fortè quidem eam non aliunde, vt se habent res, morisque hominum, consequeris; sed consequeris tamen certè ab eruditis, bonisque Viris, qui sunt Veritatis, Patriæque amantes, & quibus præsertim innotuerit tui Antagonistæ eruditio, ac fama. Perge modò bene mereri de literaria Republica, quando in quocumque argumento te versari contigerit, natus vnice ad ipsam videris. Perge & semper amare me, qui te & reuerè suspicio, & mihi amicum summo honori dico, Vale. Dinia, xvi. Kalendas Octobris, M. DC. LI.

*LVDOVICO VALESIO, Principi Optimo,*

PETRVS GASSENDVS

*Evangelien.*

**Q**uam copiosè, tam eleganter, tam exquisitè describis pompam, qua gloriosus Rex à Tutore, Curatorque effectus liber, propriij imperij habenas sumpsit, vt interfuisse coram videar, nihilque graue sit à spectaculi ostentatione procul abfuisse. Vtinam modò solemnes isti, magnificæ apparatus omina sint exultationis, qua decursu toto Regni persequeretur; ac vouere liceat non inaniter, quod faustum iam sit, quod felix futurum. Non fore porò irritum votum coniciere licet ex summa Sapientia, qua Maximus Princeps

supra ætatem pollet, & ex iis, quæ iam exhibuit, speciminibus aquiratis. Delectat, quod refers de Cinea; at tibi cum non modò Reges, sed ipsum etiam Regem Regum in folio iustitiæ sedentem vidisti, non-ne qua pietate in Deum, quo affectu in Regem es, apprecari illud subiit cum Psalte, *Deus iudicium tuum Regi da, & iustitiam tuam filio Regis. Iudicare populum tuum in iustitia, & pauperes tuos in iudicio*, & quæ omnia in illo consequuntur. Psalmo! Ego certè ex eodem semper apprecor, vt in diebus eius iustitia, & abundantia pacis oriatur; & appreciationem quasi ingeminans, desino in eadem verba, *fiat, fiat*. Tu, ô PRINCIPVM OPTIME, ac dulce meum Decus, vbicumque sis, Vale. Dinia, ix. Kal. Octobr. M. DC. LI.

E I D E M.

**V**ix quidem hæreo, OPTIME PRINCIPES, quin per Cursorem nuperum literas ad me dederis: quippe id pro tua erga me bonitate in more habes ac non ita pridem contestatus es nullam te scribendi aut me prætermittere occasionem: verum, si hanc quidem non prætermisisti, nescio quis casus-ve, Deus-ve, quominus literæ tuæ ad me peruenirent, obstitit. Dum tamen semper prosperè valeas, rebusque tuis bene sit, cætera patienter ferenda. Hoc est solum quod te iam volo. Plura nempe proximis diebus per Mercatores Lugdunenses, Deo propicio, scripturus sum. Interea verò ô & Præsidium, & dulce Decus meum, Vale. Dinia, prid. Kal. Octobr. M. DC. LI.

E I D E M.

**I**sthæc quidem à lecto scribo; verum ea spe, vt Deo propicio, proximis diebus in pedes stem. Febris est, quæ decumbere me ab hebdomade ineunte coëgit; & duobus quidam paroxysmis, quorum alter septemdecim, alter duodecim fuit horarum; sed ita tamen, vt tertij tempus, si Terciana futura erat iam excesserit, ac timeri solum illius accessus possit, si Quartana fortè futura sit. Nisi præmaturè, quod timeo, ô *χαριταίος* discedat, dabo operam, vt quis paroxysmi successus fuerit rescire valeas. Nullas adhuc postremas Cursor literas abs te deuolit; adeò vt iam penè nullus dubitem, quin quas solitus es, dignatissime ad me scribere, interceptantur, ac tantò magis, quando innotuit eas, quas debueram quarto ante loco accipere, ostensas, lectasque publicitatis fuisse. Te exoratum proinde velim, vt si beate me tuis literis pergas, transdere digneris illas ad Belmontium, quoniam tamen tardius, securius tamen eas accipiam. Ego, donec constiterit meas quoque intercepti; aut solita viâ, aut intercedente Belmontio indifferminatim, ac prout se occasio obtulerit, scribam. Scribenti ad nostrum Neuræum meo Poteria, vt rei eiusdem eum admoneat, mando. De publicis rebus in eo semper sum, vt melius omen appareat, quàm vt non absimilia iis, quæ ante annos trecentos contigisse legimus, consequantur.

quantur. Quod noui accidisse Aquis-Sextiis, donec ista scribo, perferetur ad me, alia viâ haud-dubie pernoſſes. Tu, ô & Præſidium, & Decus meum dulce, Vale. Diniz, pridie Non. Octobr. M. DC. LI.

## E I D E M.

**L**etæ ne literæ ad te peruenturæ ſint, prorsus hæreo, quando nullas habeo abs te, quæ te ſuperiores accepiſſe inſinuent. A conſcriptis certè poſtridie quàm Rex pupillarem ætatem exiit, reddita mihi nullæ fuere: vnde & vereor admittum, ne quas conſido ſcripiſſe te fuerint alicubi interceptæ. Si meis idem ſatum contingat, ac hiſce quoque aditus ad te vſque non pateat, id mihi ferendum erit leuiter. Committo ipſas tamen fortunæ, vt ſi tuas in manus fortè incident, certior me te faciant me Deo propitio poſt duos paroxyſmos febrem non ſenſiſſe. Oſtiduum eſt, ex quo diſcedentibus Lugdunum Mercatoribus literas, quæ illeinc ad te Pariſios tranſſerentur, dedi. Cùm monuerim autem, ne tuas ad me, ſi quas conſtaret interciſiſſe, deſtinare amplius Aquas-Sextias, nihil opus eſt heic repetam; ſed ſolum, vt eas, quò innui, dirigas, te rogare pergam. Deum ſemper quæſo ter-Maximum, vt te ſeruet incolumem, tibiſque omnia tribuat ſecundum cor tuum: Vale, PRINCIPVM OPTIME, Præſidium, ac Decus meum dulce, Diniz, prid. Eid. Octobr. M. DC. LI.

## E I D E M.

**E**N literas denique binas abs te accipio, OPTIME PRINCEPS, alteras quidem pridie Kalendas, alteras vetò pridie Nonas huiusce menſis Pariſiis datas. Fortè ſi quando intermiſiſti aliquas, vt inſinuas, dare, non tot, quot rebar poſt interceptas ob Curſorem palam ſpoliatum interciſerunt. Vt cumque ſit, ea mihi voluptas tuis ex literis contigit, quæ ex ſecundis calicibus diurnam ſitit explere cupienti. Id verò fanè tantò magis, quantò continenter valere te agnou; nam quòd me quidem continenter amari abs te ſentiam, id pridem ratum, fixumque eſt. Quominus porrò me hætenus itinere commiſſet, partim literarum tuarum exſpectatio, partim ea, cuius iam ſemel, iterumque memini, inuauetudo fecit. Ac fortè quidem quæ nos iam hac in Regione hyems inuadit, non iniiceret remoram; ſed vias ſic inſeſtari audio, vt hæream, an non ſatius ſit, quid ſerus veſper vehat, exſpectare. Quæcumque ſit verò mea iam hæſitatio, ea mihi, Deo propitio, vltra hiemem non prorogabitur. Tuque aliunde ne dubita, quin alta mente reſpoſum ſit, quod de amico omnium horarum habes. Quidpiam accepinus de ſœlici, cuius mentio eſt à te facta, expeditione ad Biturigas: vtinam Deus pari ſucceſſu id, quod ſuper eſt Regiæ profeſſionis fortunet, Tu, ô PRINCIPVM OPTIME, ac meum dulce Decus, Vale. Diniz, xii. Kal. Nouembr. M. DC. LI.

## E I D E M.

**M**irabere, OPTIME PRINCEPS, duos ex Prouincia Curſores meis ſine literis diſceſſiſſe; ſed mihi nempe occaſiones, quibus Aquas-Sextias tranſſerentur, deſuerunt. Accepi interim literas *ut tu virgula* ſuperioris menſis à Neutæo datas, quibus fuiſſe te illo ipſo die febri correptum renūciauit. Quo id dolore acceperim, quàmque me anxie hætenus habeam (donec ſcilicet literas ſuccedenteis deſidero) ipſe qui ex tuo erga me amore meam erga te obſeruantiam metiris, conſicere poteſ. Faxit verò Diuinum Numen, vt & iſtæ literulæ in te valentem incident, & ego breui eas accipiam, quibus & metu omni exſoluat, & pro ſœlici ſpei ſucceſſu, quæ concipio vota, perſoluam. Voueo nempe, vt ne quicquam non ſit, quod, dum apprecor pro more, vt valeas, Vale, inquam, OPTIME PRINCEPS, ô dulce meum Decus, ac Præſidium, Vale. Diniz, vi. Eid. Nouembr. M. DC. LI.

## E I D E M.

**A**m raræ ſunt iam occaſiones, quibus heinc Aquas-Sextias dare literas liceat, vt videri poſſim ſemmoti officij, abs quo habeas tam infrequenteis. Sed res nimirum illius Urbis ita turbatæ reputantur, vt vir quiſquam ſe eò conſerre negotiorum cauſa ſuſtineat; ipſeque proinde bonæ ſorti ducam, quòd ſe occaſio hæc offerat, deſtinandi has Auenionem, vbi veredario tranſcurrenti committantur. Vt heinc porrò illuc perpauci contendunt, ſic illeinc perpauci huc redeunt, qui eò deſtinatas ad me perferant, vt qui valeas, aut quid tum iſtheic, tum alibi rerum geratur, cognoscam. Vnde ſœlicitati etiam verto, quòd ſuperiore hebdomade literas nanciſci à Neutæo potuerim, quibus Octobri licet datis, acceperim te febri iam immunem. Quæſo Deum ter-Maximum, vt quam valetudinem cepit reſtituere, planè perficiat, ac diuturno deinceps æuo ſartam, teſtam, conſtantem ſeruet. Vale itaque, OPTIME PRINCIPVM, ô dulce meum Decus, ac Præſidium, Vale. Diniz, vi. Kal. Decembr. M. DC. LI.

## E I D E M.

**Q**vanto cum gaudio literas, quibus beate voluiſti me, vt te iam conualeſcere reſtiteris, acceperim; dicere quæ valeam, qui tantopetè extimueram, ne tua illa febriſ longe aut malignior, aut diuturnior euaderet. Itaque tibi vt gratulor, quod iſta quidem tempeſtate conualeſcere tam citò potueris; ſic gratias quàm poſſum ago maximas, quòd mihi id ipſum tua manu ſignificare fueris dignatus. Adde & quas debeo, quòd benignè adeo excuſationem admiſeris, ob nondum ſuſceptum à me, ſed dilatum ad vſque initium Veris proximè ſuccelluri iter. Teſtor interim me, Deo propitio, ita liberaturum fidem, vt neque abs te, neque ab iis amicis, quos inſinuas, vllus querelæ ampliùs de me inſtituendæ præſtetur locus, Vtinam modò ſeu iſtheic tibi, ſeu alibi occurrero,

occurrere, te prospera fruente[m] valetudine complecti venerabundus possim. Vale igitur, PRINCIPVM OPTIME, ô dulce meum Decus, ac Præsidium Vale. Dinia, prid. Non. Decembr. M. DC. LI.

*Illustri Viro PHILIBERTO DE LA MARE, Senatori Diuionensi,*

PETRVS GASSENDVS S.

**R**edduntur mihi ecce tuæ literæ ante mensẽm Diuione datæ. Quàm gratas illas habeam, dicere sanè potis non sum; qui & exinde valere te post inualetudinem tam diuturnam accipio; & me tibi è pectore, nec dum ex memoria post tam diuturnum silentium non excidisse compertum habeo. Quanta ego quoque, quàmque diuturna inualetudine fuerim, dicere nihil atinet, asseuerare sanè præstat esse mihi te, virtutemque tuam venerationi semper summæ. Quod de Numo Augustoduni effosso me-rogas, doleo admodum nihil posse me lucis exoptatæ conferre. Antiquaria illa supellex incomparabilis Peireskij Parisios translata, distractaque est; mihi que nihil potest ex ea, quod ad rem faciat, succurrere. Potuisset sanè ô magnus, aut nemo Mortalium tibi affulgere; nunc, illo extincto, non miror, si in neminem incidas, qui hac in re præferat faciem. Difficultas fortè ex eo, quod *Popeanum* nomen sit, vt suæ gentis, sic sui æui; nec liceat, defectu Historiæ, quis ille fuerit ex nuda stella, & voce *Consa* conicere. Hariolari certè, ac hariolationes quibus fundamentis par est, non communire sit risu dignum. Est verò etiam, quamobrem doleam, nihil habere me, quo tuum illud de *Leonardo Aretino* institutum quicquam promoueam; sed nempe in Regione versor, quæ vt germanæ literaturæ, sic huiusmodi deliciarum sterilissima prorsus est. Quamquam & quia eximios Puteanos hortatores habes, par est reputare, non posse te aliunde, quod non ex illorum intercessu obtineas, nancisci. Certè, nisi alioquin nôris, nosse saltem ipsis procurantibus poteris spirantem illam Bibliothecam præclarum Naudeum, quo nemo habet omnis æui plurcis Authores, libròsque perspectos. Non nescire profectò potes, deprompsisse illum ante decem annos sua ex Bibliotheca opusculum illud *Leonardi Aretini de Studijs*, & literis, ac præmisisse etiam ipsius ex Trithemio elogium. Sic ergo habes, frustra te (quantum ego quidem opinor) ire requisitum ex alijs, quod non dabitur ex eo impetrare. Ego, si me aliquid roges, quod meæ magis opis sit, dabo operam, vt saltem in me non desideres pronam voluntatem. Vale, ac me portò, quod fecisti, ama. Dinia, prid. Non. Decembr. M. DC. LI.

*Gassendi Epistola.*

LVDOVICO VALESIO, Principi  
*Optimo,*

PETRVS GASSENDVS  
*Edoardo Hen.*

**M**irè recreauit, quas literasvi. Eidus dare es dignatus, accipere; quando fuere mihi insigne constabilitatẽ iam tuæ valetudinis argumentum: seruet illam Diuinum Numen sartam, testatamque in longum æuam; ac tua fortunans consilia, tuis votis, cæptisque omnibus adspiret. Quod de rerum statu attingis, id ipsum est, quod prospexisse, prædixisseque antè videris. Faxit verò vtinam Deus, ne serpente vltèrius malo, Prophetia amplius producat. Ipse me Deo bene propitio non malè haberem, nisi Tullius, malum penè popolare, incommodas mihi nocteis faceret; nam interdiu quidem est tolerabilior. Spero Festis hisce exactis continere me domi paululum, si decoqui fortè mali causa possit. Quoniam portò hæc literæ tibi anno iam nouo inito reddentur, par est ipsis tibi illius felicitatem appreeor, ac vt consequuturi omnes prosperè quoque decurrant, voueam. Imprimis verò, OPTIME PRINCIPS, ac dulce meum Decus, quam-optimè Vale. Dinia, vi. Kalendas Ianuarij, hoc est ruente anno M. DC. LI.

E I D E M.

**S**ignificauit Neuraus meus fuisse se abs te interpellatum, vt te excusatum faceret, quod oij defectu nullas ad me literas daret. Ego verò, OPTIME PRINCIPS, id ita facio maximi, vt rubore tamen suffundar, quod immerens sim eiuse honoris, vt, tantus cùm sis, dignum habeas me, apud quem texas excusationem. Sed bonitas nimium tua quod ad me spectat modum nescit; meique officij est, ne quid vltra fas admittam, cauere; ac ne quidquam abutar ea, qua esse dignaris in me propensione. Illud delectat, quod accipio pergere te bene valere; vnde & Diuinum Numen veneror, vt pergas in Nestoreos annos, ac isto quem iam inimus cum primis, quo speciatim tibi appreeor omnimodam prosperitatem. Vale itaque, OPTIME PRINCIPS, ô dulce meum Decus, ac Præsidium, Vale. Dinia, Nonis Ianuarij, M. DC. LII.

E I D E M.

**Q**uod rerum statum præsentem desles, dignum sanè facis tua humanitate, singularique illo amore, quo in Patriam es, Regemque affectus. Eximium prorsus est illud *Varij* quod innuis de *Constantia* opus; nescio verò an obseruauis fuisse magni Virum dignatum conscribere illud imitatione Lipsij, vt & conscripsit etiam aliud de *Philosophia Stoicorum*. Nullus hæreo, quin Lipsium quoque de *Constantia* pellegeris; sat, nisi fortè feceris, eoque D d vacet



vacat incumbere, opera tibi non peribit, Habet hoc lectio *Varij*, quodd res nostras propius attingens, possit nos magis afficere; sed iuvat tamen agnoscere querelam esse non Regionis, non *Ætatis* nostræ dumtaxat; verum ubi-vis, ac omni ævo eandem cantilenam audiri; vt quod humanæ sortis est, ac deuitare non possumus, ferre leniter condiscamus. Tu modò *OPTIME PRINCIPVM*, ac meum dulce Decus, Vale, Dinia, xvii. Kal. Febr. M. DC. LII.

## E I D E M.

**E**uauit me sanè Neuræus sollicitudine ingenti, cum literas dedit, ex quibus fuit promptum conficere, te bene valere. Nimirum literæ Aquenses laborare te graui-ter (& non-nullæ etiam aliquid peius) deprædicabant; ac tametsi ipse assuetus aduentantibus illeinc literis non multum fidei adhibeo; quia tamen nullas neque abs re, neque abs Neuræo, neque abs quoquam alio habebam, quibus quæ valeres, certior fierem; idcirco suspicio creabatur, ne aut tu non posses, aut illi nolleut rem futuram mihi hand-dubiè parum gratam renunciare. Et nosti certè tritum illud, *Res est solliciti plena timoris amor*. Vtinam verò similes omnes de te rumores petinde euanescent; ac liceat semper, quod sit istorum votis contrarium præsumere. Quocirca & non modò bene, verum etiam optimè, ô *PRINCIPVM OPTIME*, ac meum dulce Decus, Vale, Dinia, i. Non. Febr. M. DC. LII.

## E I D E M.

**N**on est profectò quod inspicere nullas ex tua bonitate ad me literas proficisci. Ecce enim Amicus rediit Aquis-Sextiis superiore hebdomade, qui & sigillum & manum tuam agnouit in aliquibus, quæ fuerint nuper interceptæ. Quare & licet illas non habuerim, non minus ramen ago gratias, quòd fuisse abs te conscriptas nòrim. Et memini quidem insinuas me, vt literas committeres aut Neuræo, aut alij, qui illas non sine adhibita cautione ad me destinaret; at quia res fortè tibi visa à tuo candore aliena est; idèò rursum quidem insinuo; sed ita, vt nolum factum importunè. Cæterum, ubi hæc accipies, si tamen ea sorte sint vt tuas ad manus perueniant, inaudieris iam, vt opinor, mei illius Luillerij Amicorum longè carissimi obitum luctuosum. Is, me ne quicquam obliuiscante, in Italiam discesserat, valitudine nondum confirmata; ac non sine hecicæ febris periculo, imò penè indicio. Euenit autem id, quod timebam, consumptus enim tabe est, ac diem vltimum obiit Pisis, ipso initio Decadis extremæ mensis superioris. Tametsi verò ego me ad hanc iacturam composueram; quippe ex literis tum ipsius, tum eorum qui illi aderant, promptum fuerat rem coniicere; non potui tamen non admodum renunciatu casu percelli; adèò non potuit non vehemens Capitis tam cari desiderium

esse. Id certè tibi maximè omnium reputare facile est, qui conscius fuisti quàm intima, quàmque multorum iam annorum nos inter foret necessitudo. Tu, ô *PRINCIPVM OPTIME*, ac meum dulce Decus, & Viue, & Vale, Dinia, xv. Kalendas Martij, M. DC. LII.

## E I D E M.

**N**e nihil scribam (occasione videlicet præcipitata dandi Lugdunum literas quando Aquas-Sextias nulla datur) hoc solum scribo, Neuræum me, cultoresque reliquos tui recreasse maximopere, cum & scripsit valere te, & esse de tuis negotiis quam-optimè sperandum iussit. Valeo ipse semper, Deo bene propitio, non omnino malè. Tu verò, *OPTIME PRINCIPVM*, ac meum dulce Decus, quam-optimè Vale, Dinia, postrid. Kal. Mart. M. DC. LII.

## E I D E M.

**E**x dies sunt, *OPTIME PRINCEPS*, ex quo oblata occasione dedi Lugdunum schediolum ad te exinde transmittendum. Facta iam occasione alia scribendi Aquas-Sextias, hoc rursus ad te destino, eo maximè sine, vt tibi insinuem, quod tibi per me *Vallenoria Volsius*, ille nempe tuæ cataphraetæ Equitatus cohortis dux, fieri insinuatum expetiit. Id verò èò tendit, vt quia fortè tibi displicuisse potest, nescio qua in re: intelligas ipsum factum velle infectum; nihilque magis habere cordi, quàm vt tecum redeat in gratiam, ac id, vt mereatur, nihil non facturum, si modò rem fore tibi gratam cognouerit. Ac videtur is mihi sanè ex imo loqui pedore, dignusque adèò esse, quem non auerferis. Nosti quos secum Proceres trahat, quàmque iuuet hoc tempore Amicorum copia vigere. Nihil vetat discrimen statuere, ne ex æquo omnibus fidatur; ac euenire interim potest, vt qui post defectionem redierint, vel ipso relapsus pudore constantes euadant. Fama certè adfectorum sibi, detractorumque aduersariis virorum huiusmodi, esse non inuutilis potest. Quamquam hæc tibi quid suggeram, qui profundius omnia perspicias. Quæso ergo solum, vt vno verbo significare mihi digneris grate-ne, an ingrâte redeuntem excepturus sis; vt recognita, quid sim ipsi renunciaturus cautius prouideam. Interea autem, *PRINCIPVM OPTIME*, ac meum dulce Decus, Vale, Dinia, Non. Mart. M. DC. LII.

*Oro te, vt ad me rescribens digneris tuas literas Campinio, Neuræo, alij-ve committere, vt tutius ad me inuolucro alieno obducæ transdantur.*

## E I D E M.

**E**gnoro semper, *OPTIME PRINCEPS*, eadem-ne meis literis, quæ tuis fata interueniant, si quas fortè bonitas tua dare ad me pro more pergat. Nullæ certè ad me ab vsque conscriptis anno inuente peruenerunt;

peruenerunt; tamen si accepi interceptas, visasque Aquis-Sextiis, quas conieci potuisse te scribere initio Februarii. Vtcumque sit, non desino committere semper sorti aliquas, vt lætitiā tēstet, quā ex literis aliorum ad alios perfertur ad me, quā si Deo propitio valeditūne prospera, quāque in prociūctū, vt breui ad nos redeas. Ipse sic comparatus sum, vt bene potius, quā malē habeam, ac sperem semper non longē ab ipsis Paschalibus discedere, maximēque, si inaudiero (quod ægrē tamen suspicor) tuum reditum prolixius differri. Vale, PRINCIPVM OPTIME, ô dulce meum Decus, quā optime Vale. Diniz, xiiii. Kal. April. M. DC. LII.

ISMAELI BYLLIALDO SVO,

PETRVS GASSENDVS S.

**A** Cceperam iam tuas literas sinceri affectus testatione plenas, cū imminente Eclipsi Lunæ responsurus non antē fui, quā vt ad illam sic attendissem, vt possem ad te, si quid fortē ex ea obseruassē, transmittere. Cū nubes illius conspectum penitus eripuerint, responsum adhuc distuli, donec quæ circa Eclipsin Solis mea foret fortuna experirer: ac dato interea ad Neuræum schediolo, rogavi illum, vt tibi quid rei contigisset, significaret. Cepit me porro tridū ante ipsam Eclipsin febricula, à qua vix iam sum factus planē liber: non obstitit ea tamen, quin omnia Eclipsi obseruandæ apparati curauerim, & cū Bernerio, qui fortē aderat, tum. Amnensī meo Poteria, & quibusdam præterea Amicis industriis ea mandauerim, quæ peragenda singularim forent. Quin adesse quoque ipse volui, ac bona forte etiam potui præcipuum quoddam circa Phæcon adnotationem munus obire. Vtrebar eadem Machinā, quā *Paginā Animaduersionum* 888. indicatam habes: cū & proximē extra scenam foret, qui captandæ Solis altitudinē, regeret Quadratum Geometricum vtraque costa, vmbra-ve, vt vocant, in millenas parteis diuisum. Erat verō simul qui ad horologium Sciotericum attenderet, vt altitudinis variationē circa Meridianum insensibili, qualemcumque posset, opem ferret. Ac Sciotericum quidē visum est vno, altero-ve minuto antē indicare Initium, quā ex altitudine deducatur; Finem duobus circiter post (satis præcisē videlicet vmbra attingebat ipsum Meridiem) verū, cū de Fine contendere nolim, de Initio paulo magis hæreo, & vt vter habeat, te latere eam nolo. Habui me exinde paulo deterius, ac vix iam nudius-tertius solum obseruationem resumere, & ad calculos reuocare vtrumque sustinui. Inferui iam in proximum solium, & Obseruationem, & quod hæcenus potui ex obseruatis deducere, vt ipse & cognoscere, & explorare omnia melius possis, cogitāram tantundem ad optimos Heuclium, Eichstadiūque transdere, sed obstat præceptis scribendi occasio, quā ne prætermittam, exaro hæc

Gassendi Epistola.

raptim. Quæso te verō vt pro tuo erga me, ac illos amore, quidquid hoc est rei excrēbere, ac exemplum dare ad illos digneris: nisi fortē malis tibi habere exemplum, & ad illos destinare ipsum-met hoc autographum vt & manum meam agnoscant, & esse me adhuc Deo propitio saluum perspiciant, & nōrint viarum intervalla nihil obesse, quominus semper mihi in medullis intimis hæreant. Cū primū Parisios rediero, diuturnum silentium compensare adnitur. Specto autem Deo fauente sic discedere, vt Pentecostem transigam Lugduni. Saluere interea optimum Puteanum, ceterosque Amicos iubeo. Dantiscum dum scribes, iube etiam nomine meo salutari præclarum Mochingenum, de quo Bernerius apud me mira. Allata est heri ad me Aquis-Sextiis quā Obseruationem Lunaris Eclipsos communicatam mecum voluisti: sed nondum vacauit rem expendere. Gaudeo solum de tua fortuna, ac nosse aneo ecquid-nam tibi circa Solarem euenerit. Cū iam non vacet ne ad Neuræum quidē, vel schediolum conscribere, cura, amabo, id sciat, ac me apud alios, quibus nouit me literas debere, excusatum faciat. Vale. Diniz, postridie Eidibus Aprilis, M. DC. LII.

LVDOVICO VALESIO, Principi Optimo,

PETRVS GASSENDVS  
Evdæstien.

**A** Buera iam sub inuolucro literarum optimi Campinij conscriptas à te Martij Eidibus, cū per-lata ad me Aquis-Sextiis, & nescio quo conscientia ductu reddita fuerunt geminæ, alteræ postridie Kalendas, alteræ perendie Nonarum Februarij data. Incertus, quæ mearum sint fata, hæc ad Campinium nostrum eundem destino, si fortē pari felicitate, qua tuæ ad me, eius intercessu ad te vsque perueniant. Ipsi porro nihil iam aliud, quā rerum vices tecum doleo, ac Deum Optimum veneror, vt magno hoc sanē turbante tumultu rem Gallicam sistat. Quis status huius Prouinciæ sit, nōris ipse ex aliis melius. Mea valetudo non iam malē habet, ex quo quæ me detinuit per aliquot dies febricula euauit. Ad meum discessum quod attinet, constitui Lugduni Pentecostes festum Deo propitio exigere, visurus an Deus interea quod chaos vos inter, eamque urbem est, interceptum discutiat; an, nisi rectiore illo ductu, saltem per Burgundiam tendere iter liceat. Tu, seu interea ad nos accedas, seu istheic amplius hæreas, bene, atque scilicet, & OPTIME PRINCIPVM, & dulce meum Decus, Vale. Diniz, xi. Kal. Maij, M. DC. LII.

D d 2

EIDEM.

## E I D E M.

**F**ortunatum fuit illud inuolucrum, sub quo tuæ literæ decimo sexto Kalendas datæ, illæ ad me peruenierunt. Vtinam fortunata quoque de rerum statu renunciaſſent; ſed ferendum eſt, quia Superis viſum. Hactenus omnia apud nos ſatis ſe paciſicè habent; quàm timendum tamen, ne ſit nobis quoque conturbatio pro foribus. Nihil ſpeciatiim commemoro; quando ipſe aliunde noſſe omnia potes, rumores inter cæteros, venturum Regem Lugdunum ferunt. Id ſi ita ſit, potero diſceſſum non-nihil diſſerre, ne me in medias belli, Aulæque turbas coniciam. Niſi ſit, ſpero ſemper fore, vt me ante finem Menſis illeiciſtam; ac deinceps te quàm potero citiſſimè conueniam. Bene interea, PRINCIPVM OPTIMVM, ac dulce meum Decus, Vale, Dinia, IV. Nonas Maij. M. DC. LII.

HENRICO SCALELIO, Baroni  
Brachij, Anſuſij, &c. in Supremo  
Aquiſextienſi Senatu Regio Conſi-  
liario,

PETRVS GASSENDVS S.

**I**teris illis ſuauiſſimis, quas Sacriſta noſter, præclarus Galliardus abs te reddidit, nihil potuit mihi obtingere iucundius: qui certè ab vno, altero-ve die decumbebam æger ex febricula, leuari me dimidio inualetudinis perſenſi; ita delectauit agnoſcere te hæredem ſummæ beneuolentiæ, qua me olim Senatus Princeps Auius tuus illuſtriſſimus; ac nobiliſſimus quoque tuus Parens, dum viuere, dignati ſunt. Recreauit me verò maxime, videre ingenitos illos ad virtutem igniculos, quos à tenerioribus annis in te accenſos perſpexeram, ita iam inualeſcere, vt nullus hæream, quin olim tuis Maioribus longè præfulgeas. Ecquid nimirum de maturiore ætate ſperandum non ſit, cùm in iſto annorum flore tanti prouentus frugem oſtentes! Macè proinde, ô GENEROSE; perge modò tui eſſe ſimilis, hoc eſt Virtutis tramiti indeſſo pede inſiſte; hæc ſcilicet vera, atque vnica ad germanam gloriam eſt via. Quod fieri me rerum nouarum participem volueris, gratias habeo ſanè quam-magnas. Id ex illis præſertim placuit, quòd intellexi reditum ad eò expectatum eſſe in procinctu. Faxit Deus ter-Maximus, vt omnia pro tuis, ac bonorum, quorquor ſunt, votis, bene, ac ſæliciter cedant. Vale, Dabam Dinia e lectulo, poſtridie Eid. Maij, M. DC. LII.

## E I D E M.

**E**mperare mihi profeſſo non poſſum, quin alacritatem hanc tantam, qua inter belli cogitationes iſthæc pacis ſtudia ſectaris, commendem. Ecquis enim alius in Prouincia eſt, qui ſimile quidquam, non dico aggredi, ſed vel agitare animo ſuſtineat? Neque verò

eſt, quod abs me, ne id extollam, exigas; rem enim petis inofficioſam, quàmque, niſi virtutis partem velum prodere, non poſſum largiri. Hanc nempe laudem generoſum tuum inſtitutum promeretur; nemòque eſt bonus, qui non calculum conferens id valde ſuſpiciat. Ac perinde quidem alium non aſſaret, qui exinde inoleſceret, & viſus ſibi iam ſapere, à Sapientiæ proſequentione, cultûque retraheret pedem: at verò eam animi tui moderationem eſſe noui, vt inde potiùs anſam accipias exardeſcendi in dies magis erga ſtudium laudabile, præſtandique ne fruſtra ſit, quod ego ad id te animarim, eamque de te ſpem conceperim, qua ſanè eſſe maior non poſſit. Age itaque, ac id ſolùm habere deſixum animo, neminem eſſe eo ſæliciores, qui ab vſque adoleſcentia virtutis viam ingreditur; illique hæret ita conſtanter, vt quam ſummis votis concupierit, deperieritque, tandem aſſequatur. Quas Tolone literas habeo, ſignificant Optimum Ducem debere iam eſſe in itinere, neque à nobis procul abeſſe. Omnia aliunde ita eſſe apparata accipio, vt de ſucceſſu proſpero quicquam dubitare vix liceat. Vale, ô GENEROSE, Dinia, IV. Kal. Iunij, M. DC. LII.

## E I D E M.

**N**e nihil reſcribam (in illa nempe, qua Regius noſter, in hæc Dinienſi Proſneſcalia Conſiliarius, deprehendit me exterorum frequentia) paucos hoſce verſus dare malo, quàm nullos: videlicet ferre non poſſum, vt Tabellarius dimittatur, quin certior ſias & tuas mihi redditas fuiſſe literas tertio Kalendas Anſuſij datas, & fuiſſe me ſumma perſuſum lætitia, cùm accepi te Plutarchi leſione ad eò impenſe delectari. In ea enim ſententia ſum, vt quod Quintilianus de Cicerone ait, *Ille ſe proſeſſe ſciat, cui Cicero valde placebit*, idem de Plutarcho reputem dicendum, Plura aliàs maiore otio. Quaſo interea Diuinum Numen, vt tuum hoc tam generoſum, tam laudabile inſtitutum fortunet. Vale, Dinia, tertio Nonas Iunias, M. DC. LII.

LVDOVICO VALESIO, Principi  
Optimo,

PETRVS GASSENDVS  
Eid. Maij.

**I**u iam erat, OPTIME PRINCES, ex quo non habueram abs te literas, cùm ecce mihi redditæ ſunt, quas ſcribere nono Kalendas, & ſtudio optimi Campinij committere dignatus es. Quoniam verò (quantum conſilio, tum ex eo, quod ad calcem inſnuas; tum ex literis ad Belmontium datis) par eſt te iam eſſe in itinere; idcirco hanc ſchedam deſtino Lugdunum, vt ubicumque Curſorum Magiſter te eſſe nouerit, ipſam ad te tranſdi procuret. Diſces ex ea, quod & ab aliis compluribus perſpectum fiet, quanto tui ſint deſiderio,



desiderio, quotquot boni in Prouincia sunt, res præsertim eò deducis, vt quò longior mora, eò sit periculum maius. Ratus te tandem aduenturum, discipulum distuli in Autumnum, vt & te complecti in ipsa Prouincia venerandè liceat, & testem esse prosperi, quem tibi exopto, successus. Deus Optimus Maximus te semper incolumem seruet. Vale, OPTIME PRINCIPVM, Vale, ô dulce Decus meum. Dinæ, vt. Eid. Iun. M. DC. LII.

CHRISTINÆ, SVECORM REGINÆ  
Serenissimæ, Potentissimæ,  
Sapientissimæque,

PETRVS GASSENDVS  
Eudæmon.

REGINA SERENISSIMA,  
Non ego is sum, neque me eum habeo, cuius literæ peruenire ad tuas manus Regias, & à Maiestate tua tanta benignè excipi, beneuolèque legi mereantur. Quare neque dum hæc scribo, quas venerabundus ad te destinem, tam vltro, meaque sponte facio, quàm inductus tuæ illius erga me immerentem beneuolentiæ significatione, qua insinuata à Burdelotio esse mihi imperium cogentius non potuit. Heinc vereret quidem, ne meum hoc consilium temeritati verteretur, si ipsum nulla occasione provocatus susceperem, verum tamen cum ipsa sis, quæ me audientem feceris, nullus penè hæreo, quin meæ obseruantia erga te summæ, gratitudinisque restitutioni id tribuas. Scilicet non possum non me summè deuinctum profiteri, ob tantum illum, quo tua me Maiestas cumulat honorem, cum incomparabili bonitate, & de me sollicitè quærit, & meas lubricariunculas non inspicere modò sustinet, sed commendare etiam dignatur. Subest verò quorsum abundè mihi mer ipsi gratuler, neque mea quæliacumque studia frustra abiisse existimem, quando ex tantulo meo penu prodisse potest aliquid, quod poruerit Reginæ tantæ, tantæque virtute, eruditioneque ornatissimæ non vndeque displicere. Ecquæ nam interim hæc est sæculi nostri felicitas, vt Principibus cæteris squalere Musas patientibus, tu ipsa exoriaris, quæ illas respicias, & in hoc sexu, in hac ætate, eiusmodi occupes gloriam, qua non sit consequentibus sæculis futura splendidiore, id nempe erit semper omni fide maius, te adeo generosè pet tenetos annos Martis studiis incubuisse, vt bella à Magno Parente suscepta feliciter peregis; gloriosam Regno tuo pacem, beatamque tranquillitatem populis tuis quæseris, & ipsam summæ deinceps curâ sic sartam tectam tenueris, vt ad bonas Artes interim conuersa, eas feceris delictum tuum. Felices Populos! quos non antè tantus ille Heros destituit, quàm velut alter Iupiter, vt cum Poëtis dicere liceat, te Mineruam ediderit, quæ & armata hosteis terret, & pacis artibus instructa fores maximo tuis ornamento. Sanè quod Fabulæ adumbrare illius specie contenderunt, ipsa Veritas in te exprimit; quippe cum ea sis,

Gassendi Epistola.

quæ merito iure quasi Dea, Præsèsque Sapientia habearis. Votum celebre fuit Platonis, vt ad Regni felicitatem, aut Reges philosopharentur, hoc est Sapientia studiosi forent, aut Philosophi, seu qui forent Sapientia studiosi, regnarent: Tu verò id votum omni ex parte complēs, quæ & regnando philosopharis, & philosophando regnas; ac non modò es Sapientia studiosa, sed euadis etiam viua eius effigies, idæque germana, ad quam sese componere, qui regnare volent feliciter, debeant. Peccem ego proinde in Sapientiam ipsam, si quicquam te adhorret, vt quam viam teris, eam constanter teneas; ac ea præsertim indole cum sis, vt non esse tui similis non possis, rata scilicet perfectionem, coronamentumque Sapientia ipsam esse in laudabili instituto perseuerantiam. Voueo itaque dumtaxat eam seriem, plenitudinèque annorum, quam adipisci maximam per conditionem humanam licet, vt frui cumulatè valeas beatitæ summæ, quam consequeris ex hoc præclaro Sapientia cultu, ex beneficentia, qua tot populos, quorum tibi est tam cara salus, demereris; ex veneratione, & amore, quo te regnare in intimis eorum peccatoribus persentiscis. Reputare nimirum decet, hoc fore tibi semper vt summum, sic consummatissimum bonum Sapientia fructus demetere; subditorum vtilitati quam-maximè consulere; in eorum sincero, ac pleno gratitudinis affectu versari. Viue igitur semper felix, ô, VT EMINENTISSIMA, SIC GLORIOSISSIMA FOEMINARVM; ac perge exemplum fieri, quod omnes suspiciant, pauci assequantur. Ist hæc Celsissimæ tuæ Virtutis, æquæ ac Maiestatis venerantissimus, obseruantissimisque dare audebam Dinæ, Eidibus Iul. M. DC. LII.

PETRVS GASSENDVS  
BERNERIO SVO, S.

Nil ante literas tuas acceptas inaudieram de singulari Obseruatione, qua Medicus sagax Pecquetus nouum iter Chylo aperuit, quo ab vsque venularum lactearum confluentium receptaculo ad vsque ramos venæ Cauræ subclauicularis euectus, influat exinde in ipsum mer venæ Cauræ ascendens truncum, ac per ipsum cum sanguine circulando in Cor redeunte in dextrum cordis ventriculum, iecore nullatenus traiecto, effundatur. Exopto posse rem experientia non constante minus, quàm luculenta confirmari; (adeo est in votis, posse homini tandem aliquid lucis affulgere in tantis hisce ambagibus) ac mihi periculum erit, quid id sit, plenius cognoscere ex libro, quem ais hac de re editum, si ad me, postquam Doctoratū fueris adeptus, redieris, id exemplū attuleris, quo te esse donatū ab autore scribis. Quod interim verò postulas quid sentia de duplici experimento, quo circa Inanis inductionem hydrargyri ope peractum eo in libro describitur, en vt breuiter tibi morè geram. Prius experimentum non aliud est ab eo, quod primum præclaro Roberuallio in mentem venit. Is nempe accepit vesiculum qualis distenta ex

Dd 3 ventre

ventre Cyprini, Lucij-ve piscis educitur, & factò foraminulo ipsam tum vacuauit, tum etiam, ne quid aëris intus remaneret contorsit, & factum foraminulum, ne quidpiam deinceps subingrederetur, ligamine strinxit. Habuit coherentèr tubum vitreum solitæ longitudinis, sed baseos ampliata, orèque repando aperta, in quam immisit vesiculam ligaminis parte exterius relicta, qua suspensa contineretur. Suilla vesicâ ori obductâ, circumque reuinctâ, capacitatem totam hydrargyro compleuit, qui & deinceps ad solitam vsque altitudinem intra restagnantem desfluere permisissam, vesiculam intra baseos inanitate suspensam reliquit. Mirum autem fuit eam sic explicari, circumque diduci, vt quemadmodum fuerat è pisce educta retumeret. Atque id ipsum est, ob quod obstupescis, tanquam causam non perspicis, ob quam id possit contingere; videri enim tibi ais esse somnio simillimum, quod debere dicunt aëris tantillum inter vesiculæ plicas remanere, quod & rarefiat, & sui dilatactione vesiculam expandat. Itémque quod aiunt, debere quidpiam corporeum intra rubi capacitatem aut remanere, aut externè per vitrum subire, quod in vesiculam penetrans illam ipsius quasi inflationem faciat. quare & rogas, vt si quid putem verisimilius posse id prima occasione perscrutari.

Ne te ergo morer causam esse conicio, tum ipsum motum fibrularum, ex quibus contexta vesicula esse sese in suum situm restituentium, tum circumfusam inanitatem, à qua nulla motui eiuscemodi obfistentia est. Nempe vt textura viminea propter connisum virgularum ex quibus interplexata est, deflectenti obnititur, ac vbi vis cessat, suum in statum redit; ita membrana ex rectis, transuersis, obliquis fibrulis intertexta, suòque in situ contenta manens, dum inflectitur, ita ex fibrularum singularum renissu contrahitur, vt cessante vi, ac nisi quid obftet, suum se in statum recipiat. Et de vi quidem, qua omnes res tensæ à statu dimotæ resiliunt; inque ipsum redeunt, nôsti esse à me aliquoties maximèque cum *de rerum tractabilitate & flexibilitate* dictum; nunc ne exinde quid perperam assumo solum vesiculam, qua de agitur, quod membrana sit connato aëre semper tensa (quippe eâ Naturæ providentiâ vt grauiusculis piscibus ad natationis facilitatem subleuaculi loco) ea propter, dum aëre extruso comprimitur, conniti non desinere, si qua se restituere suam in contentionem possit. Leuiculus sanè connissus, imbecillaque hæc vis; necque enim est quanta membranæ pergamenæ exarefactæ, quæ vbi conuoluta aliquandiu permanet, quoties euoluitur, toties se reuoluit. Scilicet in vtrisque quidem, quot sunt flexæ fibrularum implicatarum particulæ, totidem quasi machinulæ sunt, quæ continenter contrahuntur; at cum machinulæ in pergamena robustiores sint, quam vt aër circumstantis valeat earum connissui obfistere, in eiusce tamen vesiculæ membrana debiliores sunt, quam vt compellere aërem ad cedendum sibi, vt distendantur possint. Simile est, vt si catullum, canemque intra arenam condas; hic enim se inde expediet, vbi ille oppressus hærebit.

Resistere potèrò non-nihil aërem, quatenus est corpus, suopreque nutu deorsum vrgetur, ipse abundè persuasus es; ac tamen si non magna vi ipsi diuertendo, propellendoque opus sit, vbi locus patet, quem mobile cedit, opus est tamen aliqua, ipsaque maiore, quam in oppressa vesicula vigeat. Adde quòd hæce occasione opus etiam ea vi foret, quæ aërem ad profundiorè in sese, spatiosa-ve inania subingressionem cogeret, quando foraminulo obligato, deberet à vesicula ita circumquaque compelli, vt locus interim non pateret, in quem se posset recipere, planè vt contingit in folli-bus obturato orificio diducendum.

Catèrùm difficultas omnis amouetur, prorsusque cessat constitutâ vesiculâ intra capacitatem propositâ baseos, à qua sit omnis aër exclusus, & in qua proinde vesicula nihil aliud, quam inane spatium circumquaque exinde efficitur, vt facta sese expandendi libertate omnimoda sese componat, restituatque in solitam illam suam contentionem. Neque verò est opus, vt propterea quæras, quid sit, quod tunc ipsam vesiculam compleat; quippe ea, vt extrâ, sic intus est tota inanis; ac vt distendatur, non aliquo internè diffilante est opus, sed solo connissu, quo vesicæ partes à solito situ abductæ, sese in ipsum sponte restitunt. Sanè & cum folles in ipsa ipsi diductiōe aëre complentur, hoc complementum non est per se ad diductiōem necessarium, sed merè ex accidenti est, quòd aër à follium tabellis compulsus, nusquam aliàs, quo se recipiat habet; quippe si ad latera haberet, eò se potius reciperet, neque diductio minùs fieret: vnde & licet intelligi ipsum aëris intra folleis ingressum, non spontaneo quodam, internòque attractu fieri, sed prorsus coactu, compulsuque externo. Posset totum hoc ratiocinium eo confirmari experimento, quod mirificus Paschalius peregit; cum montem illum *Domnam* conscendens, detulit secum follem lusorium, quem cum ad radicem montis leuiter inflasset, & flaccidus cum foret, heine inde in formam disci pressisset, deprehendit ipsum sic sensim inter conscendendum distendi, vt ad summum cum peruenisset foret in orbem compositus; deprehendit verò & eundem inter exscendendum sic sensim laxari, detumescereque, vt in imò tandem flaccidus perinde, ac antè fuerat, euaserit. Nisi hoc non est argumento eiusmodi follem solitum inflatione contendit, remansisse tamen flaccidum ad radicem montis ob resistantiam aëris pelliculam. ob sui pondus ab vsque superficie Atmosphæræ quasi opprimentis, distensionique eius obstantis; sursum verò elatum intumuisse sensim, quòd sensim accedendo propius ad Atmosphæræ superficiem, aëris pondus decreveret; oppressioque illa euaderet minor? Nisi & non verisimillimum sit, si efferti folliis ad vsque inanitatem aëris, quæ est supra Atmosphæram potuisset, futurum fuisse vt ad summam vsque contentionem prouheretur? Quidni proinde & idem fieri in vesicula valeat, quæ sit aëris tyrannide immunis? Quid-ni & absque factò vllò subingressu; cum & dici non valeat quid subire intra follem possit?

Circa

Circa posterius expetimentum, non est quod multum immeret; ipse enim rem acu, quod aiunt, tetigisti. Id tu sic describis, ut assumptum dicas tubum similem superiori; in cuius ampullam & aperta basi vasculum quadratum coaptatum fuerit, ad cuius latera, si quid exundaret, per tubi collum deflueret. Fuisse, ais, supra eius fundum erectum alium tubulum utrimque apertum, qui obserando basim vesicæ suillæ fuerit ipsi circum-ligatus, eadem vesicâ simul obducta foraminulo in basin alioquin patente. Orificio inferioris tubi digito famulantis occluso, fuisse per orificium superioris tubuli totam capacitatem hydrargyro oppletam, & obturato suillâ eodem superiore orificio, subductoque intra restagnantem hydrargyrum digito, totum hydrargyrum exscendisse ad solitam usque intra inferiorem tubum altitudinem; nisi quod superius illud vasculum remanserat, se in imminente tubulum insinuârit, eueritque. Causa porro phænomeni non alia videtur, quàm abs te deducta; videlicet non totus aer, qui fuerat exterius subingressione in seipsum, de qua me dixisse memoras, tum compulsus, cum hydrargyrum ex vitroque tubo delapsus cogeret hydrargyrum in inferiore vase restagnantem aduersus aërem sibi incumbentem attolli, non totus, inquam, fuerat suæ laxitati restitutus, cum foraminulo adaptato, in basin collumque tubi inferioris irrumperet, ac depelleret quiddam intra ipsum hydrargyri hæreret, sed tanta adhuc pars illius compressa manebat, quanta extrusa fuerat è superiore tubulo. Quare & non est mirum, si permixtus ingredi, ea vi presserit restagnantem in superiore vasculo hydrargyrum, qua ille in immergi tubi inanitatem fuerit subuectus. Neque verò est cur de Experimenti veritate subdubites, quodd tubulus ille superior non videatur debuisse amplius, quàm tubus inferior depleri, quasi scilicet perinde immersus in restagnantem hydrargyrum: nam in vase quidem inferiore restagnans hydrargyrum aërem supernè insistentem habuit, à quo inhiberetur, ne impendit intra tubum locum ex toto cederet, at in superiore vasculo restagnans, non iam aërem incumbentem, sed inanitatem meram habuit, ob defluxum hydrargyri ex basi, colloque tubi inferioris.

Horum occasione Experimentorum, reuocas in memoriam ea, quæ anno superiore, cum me Tolone conuenisses, illic loci peregrinus in summo, in medio, ac in imo excessu montis, in summo, ac in imo domus, ac in ipso etiam maris litore. Et postquam inculcasti fuisse tibi semper præ cæteris mirabile visum, quodd sereno Cælo, & Borealis spirantibus ventis hydrargyrum intra tubum hærens altius semper resisterit, quàm Cælo obducto, & Australibus ventis flantibus; quippe, cum Cælo defœciatore deberet pondus aëris esse longè, quàm rubidiore minus, sicque minùs resistere restagnanti hydrargyro, ac istum proinde debere minus altè euehere, continerique resistentem in rubo. Cùmque ipse tu causam videri dixissè, quodd sereniorebus simul, frigidioribusque temporibus non ij vapores è Terra emer-

gant, qui obductioribus calentioribusque; quare & perilla ponderis ab vique Atmosphæræ superficie, omninò, & absque vi vlla obistente exprimi; per hæc verò ascendentia vaporis, calorisque corpuscula, aëris ponderi obniti; ipsumque quadantenus refringere; adeò ut, non tanta per hæc, quanta per illa hydrargyro sit ab incumbente aëre resistentia. Nimirum tamen si aer tum sit crassior, non tamen esse ponderosior, quodd non omnia corpuscula illius deorsum ferantur, deorsum-ve compressa nitantur, sed pars efferatur, contraque nitatur, unde & multæ suspensæ hærent, cuiusmodi sunt corpuscula nubium, quas non ita sanè suspensæ videres, nisi esset vis subuehens, illasque sustentans; eo modo, quo pappi subuehantur, volitantque per aërem, qui corpuscula venti sunt, quæ illos alioquin casuros euehant, sustinentque. Cùm ipse, inquam, id tum dixissè, volitantque per aërem, qui eandem causam pertineat, quodd donec pars tubi inanis exscalefactis pannis fouetur, hydrargyrum nonnihil subfidit, donec eadem pars niue intra lineum circumposita inalgescit, sit hydrargyrum nonnihil euectior: verum non videris satis meminisse dictam à me esse eandem causam ob quam in thermometro calore exscendit, frigore ascendit. Quare & cum legeres ipsam in Meteorologia valeas, non est quodd heic quidpiam de illa subiiciam. Vale modò & præclaro Saportæ redde quam-plurimam salutem. Dinixæ, postridie Non. Augusti. M. D. C. L. I. I.

LVDOVICO VALESIO, Principi  
Optimo,

PETRVS GASSENDVS  
Evdægræu.

**A** Ccipio ecce, OPTIME PRINCEPS, quodd Epistolium dare ad me ex illis Montis rotundi Castris, ad quæ ex deductus, & in quibus detineris, dignatus es. Mox autem hosce versus conscribo, quos eadem via ad te destinem, si fortè pari faciliitate per medios Satellites ire, Castraque percurrere possint. Ij porro dolorem quidem testabuntur, quo longas esse Regibus manus, te experium inaudij; at gaudium simul renuntiabunt, quo ut fortunam tuam ex aliis, sic ex te virtutem, qua hunc casum perfectus, discere est concessum. Neque vero sanè, quin te animo hoc infrecto gereres dubitaueram; testis scilicet inuidæ constantiæ, quæ gessisse te per infestam illam, & insultantemque custodiam, quâ fui ipse quoque prope inuolutus, commemini. Et digna res certè vitæ innocentia, à qua tibi, vel latum vnguem discedere, religio est; quippe quem ne querere quidem magna fulminantis Iouis manus possit. Heinc possunt quidem inuidi, & insulati æmuli, possunt, quibus probitas tua, & in Regem fides oneri est, esse insensu, calumniâque pertextere, quibus sanctissimum alioquin Principem aduersum te moueant; at tu, qui interim didicisti nullâ

Dd .4 culpâ



culpâ pallefcere, cui confcientia eft mille reftes, is euafifti, quem Orbis ruina, fi illabatur fractus, impanidum feriant; quique adeo poffis tuâ ifti custodiâ, præfidiôque dicere,

*Pone me, nigris ubi nulla campis*

*Arbor æftiua recreatur aura.*

*Pone fub curru nimium propinqui*

*Solis, in Terra domibus negata;*

nihil me fecus hilarem perfpicies. Abfit proinde, vt quicquam te adhorter ad ferendum id leniter, quod rerû conditio neceffarium facit; quando, vt te folum audias oportet, vitæ integrum, & fcleris purum. Et cur fanè mætor te conficeret, qui tam foluto es animo, vt cenfere te custodibus tuis liberiores poffis? cui carcer tantò gloriofior eft, quantò inuidis tuis dedecori eft fummo? Plura aliàs, OPTIME PRINCEPS, fi aditum ad te literis patere accipiam. Derinet me heic adhuc ftatus rerum; neque enim Parifios, quò iam contendiffem cogitare fuflineo, viis fic obftis, Vrbe fic turbata. Quòd percrebuiſſet initio rumor fuiſſe te Lugdunum, *Perram-ve Incifam* traductum, præoccupare difceſſum deftinâram, vt me Lugduni fiſterem, ac, dum ibi rerum fedationem expectârem, tibi me in confuetudinem, fi qua eſſet fas, folitam præberem: at poſtquam is rumor euanuit, fatius duxi heic præſtolari, quid ſerus Veſper veſturus fit. Tu interim, ô DECUS PRINCIPVM, ô & meum dulce Decus, Vale, Diniæ, xiv. Kal. Septemb. M. D. C. LII.

*Clariffimo, Doctiffimôque Viro D.  
IOANNI HEVELIO, Dantiſca-  
næ Republicæ Paleopolews Scabino,  
Amico plurimum obſeruando,*

PETRVS GASSENDVS S.

**R**at profectò, cur ſubuerer, HEVELI PRæclariffime, ne tam diuturnum meum ſilentium ſuſpicionem quandam remiſſioris facti erga te affectus ingereret; neque, niſi tot argumentis teſtatam mihi humanitatem, beneuolentiâque feciſſes, videbar poſſe amplius audere literis conuenire te, excuſationemque prætexere vllam: ſed enim verò poſtremum hoc tui in me amoris ſpecimen, quo voluiſti etiam publicè teſtari, quàm non propterea deſineres amare medullitè me, hoc, inquam, eos mihi animòs adiecit, vt, quaſi vetero excuſſo, calaum ſtatim arripuerim, ac tam immani denique ſilentio hunc fecerim finem. Et de ipſo quidem faciundo ſæpe numero antè cogitâram, maximèque, ex quo reſtituta in meliorem ſtatum valetudo fuiſſet; quia Parifios ſimul cogitans, & diſcedere niſi in dies, ſaltem in hebdomadas ſperans (provt dudum ſpes crebrò facta, vt res turbata componerentur) deftinâram illiinc ad te ſcribere; ea propter effectum eſt ſenſim, vt procrastinando, huc denique rerum, temporumque peruenitum ſit. Sanè & fortè longius adhuc trahere motas contigiſſet, niſi quia Cælum

illeic nondum ſerenatum accipiens, exigere heic adhuc Hyemem conſtitui, & publica illa tua interpellatio ita exſtimulauit me, vt proſus viſum fuerit nihil ampliùs eſſe cunctandum. Itaque, Suauiffime HEVELI, hæc iam tandem abs me accipies, non excuſationem quampiam continenteis, quando nulla eſſe legitima poteſt; ſed veniæ, quam ſolidam debeat tuæ illi indulgentiæ, bonitarique deprecationem. Quod ſuper eſt, ne putes me tamen ſi obſtinatè ſilentem, eò minùs tamen animo coluiſſe amicitiam, & tuorum erga me meritorum recordationem caram habuiſſe. Et qui poſſem certè, aut vitra obliuiſci, quæ adeò frequentia præ oculis ſunt, aut mente non reuoluere plena amoris viſcera, quæ mei cauſa in Bernerium iſtheic commorantem feciſti effuſa; maximèque, cum ille rem totam, me nuper conueniens ſic deſcripſerit, vt te meritò eum ſolum habeam, à quo poſſent tot, tantæque præſtari. Quid enim? quia ille dumtaxat ſchedulam habebat abs me, fuiſſe te ſtatim non illum modò, ſed & totum comitatum tanto cum ardore complexum, vt Regium etiam Oratorem, qui-cum iter ſuum inſtituerat, & conuiuiò excipere, & nominibus aliis multis deuincire volueris? & poſſunt hæc alio, quàm te eſſe digna? poſſunt mihi ex niemoria, plenèque gratitudinis affectu vnquam excidere? Dici interim fanè non poteſt, quanto calore animatus Bernerius omnia recitâr, quantum ſe obſtrictum abs te abiſſe fuerit profeſſus. Cum diſceſſurus heinc iam foret, poſtridie nimirum Eclipſeos Solaris, cæperat ad te ſcribere, ipſèque receperam me literas ad te traditurum, vnâ cum facta Eclipſeos ipſo adiuuante obſervatione, quam communicare tecum deftinâram; verùm comitatu vrgente perficere illas non potuit, ac perficere diſtulit, donec Monſpelium, quò contendebat vt ibi Medicinæ lauream conſequeretur, perueniſſet. Memini verò dolere ipſum, quòd literas nullas dediſſet ad te, ex quo vſque apuſſus, commorânſque Venetiis miſerat ad te vitra neſcio quæ, cuiuſmodi expetieras; quòd vbi accepiſſet veſtarium, cui non memini an Pragæ, an Viennæ ferenda alia commiſerat, incidiſſe in milites qui ſpectatorum audeorum vice vitra obuoluta deprehendentes, præ ira, ac rabie illa perſegreſſent. Miſi iam ad illi præclari Mochingeri Epistolam, quam accepi ante ſex dies, vnâ cum tua obſervatione, cùmque Bullialdi literis, ante menſem Lutetiæ datis. Non hæreo quin eius lectione tam beandus ſit, quàm eo Doctortu, quem eſt maximo cum applauſu ſuperiore menſe adeptus; ita nempe ſe & ſuſpicere, & amare virum, ac optimum etiam Eichſtadium non ſemel teſtatus eſt, apud me dum diuerſaretur. De ipſo porro Eichſtadio quid huc inferam, niſi quod percipio, vt reſciat quàm grato etiam animo recipiam in me quidquid offici mei cauſa in eodem Bernerio collocatum voluit. Accepi illum quoque ea fuiſſe in me exornando propenſione, vt fuerit mihi aliquam ſuam Elucubrationum tui inſtar dicare, dignatus. Niſi ad ipſum iam reſcribam, dicat, dignatus. Niſi ad ipſum iam reſcribam, gratesque debitas perſoluam, cauſa eſt exſpectatio,

*Et*atio, qua teneor noscendi quid id rei sit, nisi fortè hominum nostrorum iniuriâ sic intercidit, vt excusa illa Bullialdi quam vidisti obseruato, quæ ad me transmissa, ad me non peruenit. Vtcumque sit tamen, quæso interrim meo nomine sic illum salutes, vt intelligat esse cum me, in quo gratitudinis sensum desiderate vehementiorem, venerantiorémque non possit. Commemini satis debere me illi specimen quoddam fulminantis tum ex Venere, tum ex Marte, vt loqui solent, pulueris; at quem ex vtroque, ac simul ex Sole à quinque, aut sex annis asseruo, ita euasit languidus (& repositus præsertim à non aduertere famulo in humido loco) vt ægrè effectum debilem præster; neque is sit, ex quo aliquid ad optimum virum mereatur transmitti. Quamquam, vt puluerem saltem videat, non-nihil heic ex vtroque concludam, operam interim daturus, vt vegetiorem Parisiis, etiam antequam illuc appulero, accipiat. Ad te, mi HEVELI, quod spectat; ago imprimis non quantas debeo, sed quantas possum gratias, ob tot, tamque insignia tui amoris symbola, in quibus non postremum duco, quod postremum mihi exhibuisti, cum de te nihil tale merentem cohonestasti publicis; neque sustinuisti tuam Obseruationem absque hac tuæ beneuolentiæ quasi oblatione ad me peruenire. De Obseruatione ipsa quod dicam non habeo, nisi quod tuâ summâ industriâ, diligentiaque dignissima est; ac nemo est Mortalium, qui quidquam in hoc genere præstare, quàm tu, exquisitius possit. Mean, si quidquam probro, ex eo potissimum est, quod obseruata à me Phases cum tuis collata, ea conspiratione sunt, vt ab Initio ad Finem vsque discrimen horæ ac trientis pro Meridianorum differentia constantiâ non parua exhibeant. Nescio an iam antè Bullialdus scripserit ad te, quod illum rogaram, vt in transmissis nempe exemplo reponeretur ad octauum cum semisse Eclipses Decrescentis digitum, quæ Phasis cœuntium cum perpendiculo diametrorum nescio quo lapsu ad Crescentis octauum cum semisse fuerat adscripta. Id mihi nimium in memoriam venit, cum aliquanto maiore otio in Aduersaria rem transuli. Si fortè Bullialdus post acceptam meam nuperæ Eclipses Lunarum obseruationem ad te scripsit, eam communicasse tecum poterit: nisi fecerit, habebis heic ipsam prout in Aduersariis exstat consignata. Quæso te, si quidpiam fortassis, quod tamen non mereor rescribas, significare mihi velis, quod euaserit, quam Tychohis Vitam breui edendam perscripseras; ipse scilicet ex eo tempore commentariorum quæ de illa, deque vita Copernici, quorundamque aliorum congesseram, curam deposui. Superest, vt manum de tabula tollens, iterem eam, quam plurimam Viris præclarissimis, optimisque nuncio salutem. Tu verò, ô Suauissime, Generosissimæque HEVELII, ô Decus Amicorum, Vale. Diniæ, 14. Kal. Nouemb. M. DC. LII.

LVDOVICO VALESIO, Principi  
*Optimo,*

PETRVS GASSENDVS  
*Evdæstien.*

*Æ*Ccipio tandem, OPTIME PRINCEPS, quod tandiu expecteram, te & in libertatem assertum, & Parisios reducem, & quod caput est, præclare valentem. Vbi cumque, & quomodocumque fueris, sis, futurus sis, eam esse animi tui moderationem compertum habeo, vt vno tenore æuum exigas, ac tui semper similis viuas; eâ videlicet animi constantiâ, vt neque efferaris rebus prosperis, neque deprimaris aduersis. Nullus certè hæc quin nuperum hunc casum quam-fortissimè tuleris, & bonâ fretus conscientia minaci fortunæ mandaueris laqueum. Is quippe est tuæ illius Christianæ Philosophiæ fructus, vt fors ferre nihil valeat, quod hanc animi æqualitatem, hanc mentis sibi conscientia recti serenitatem conturbet. Trēs sunt, & amplius exacti menses, ex quo iis literis acceptis, quas ex tua illa custodia ad me donare dignatus fueras, rescripti ad te, ac eadem quidem, quâ illas acceperam via. Literæ-ne meæ eâ fuerint felicitate, qua tuæ; vt nempe ad te vsque per istas ambages penetrare potuerint, nescius hætenus plane sum. Ex eo certè tempore, nullas neque habui, neque dedi literas; ac expectaui semper quovis id addiscerem, quod magno meo gaudio nuperæ literæ ad me Parisiis datæ renunciarent. Quare & nunc primum est, quod tibi & libertatem restitutam, & reuissos Lareis, & intereratam valetudinem gratulor; appretorque potè omnia prospera, ac iucunda. Quid futurum sit, fugio quærere, ac Diuinum Numen solum veneror, vt omnia quatenus & tuis, & publicis rebus expedit, fortunet. Vale modò semper, ac me ama semper, ô & Principum, & meum Decus dulce. Dabam Diniæ, postid. Kal. Decemb. M. DC. LII.

*Heic adhuc versor, quod tamen si impensè ab Amicis sollicitatus vt Parisios me ante Hyemem reciperem, noluerim tamen rebus turbatis me itinere committere; ac ubi esse eas accepi in Vrbe saltem campostas, persenserim Hyemem iam magis esse pro foribus, quàm vt non mihi adhuc Ver proximum foret expectandum. Vale iterum.*

CHRISTINÆ, SVECORM REGINÆ  
*Serenissimæ, Potentissimæ,  
Sapientissimæque,*

PETRVS GASSENDVS  
*Evdæstien.*

*REGINA SERENISSIMA,*  
*Æ*Is est bonitatis character totis impressus literis, quibus Maiestas tua Regia me beatè dignata est, vt & me potius imparem sentiam, qui grates dignè referam; & qualescumque

que relaturus, vnde initium ducam, non habeam. Equo enim, putas robore legentem eas me suffundi oportuit, cum mea tenuitatis conficiis, sensu, agnouique à primo versu in vltimum, iis me elogiis, titulisque à tantà Regina exornatum, vt ne Plato quidem, aut alius ex tot Viris inter antiquos Sapientiam professos eximiis, simileis vnquam fuerit à Principibus magnis consequutus? An proinde aliud mihi superest, quàm vt te præ illis Regibus, quibus potentia nequaquam cedis, virtute autem, doctrinâque omnigena longè præfulges, summè suspiciam, ac venerer; ipse verò, qui cum nemine Sapientum illorum comparandus sim, & mecum habitum, & nōrim quàm curta mihi supellex sit. Quæso hoc solum tuam Maiestatem, vt quando dignatur aliarum, repetitarumque etiam Literarum spem facere, cogitare, attenderetque quantà ipsa sit, quantulus ego, sustineat; neque eò sese demittat, vt me encomiis prægrauans, facere sibi parum congruè, parumque decore videatur. Parum scilicet Tibi visum fuit, mecum qualecunque apud alios nomen studiosè adeò exaggerare; nisi etiam de ea, qua apud te essem, exultatione sermonem instituens, haud graue haberes addere te meos amicos subornasse, vt qui affectu, comparatâque fores erga me, mihi insinuant. Parum cogitasse accersere me nisi etiam excusationem beneuolè acciperes, ac, vt saltem per literas liceret mecum agere, Te expetere significares. Parum te exoptare consulere me; nisi etiam sanctè affirmares, Te Præscripta mea pari religione, qua Placita Clarissimorum Legumlatorum obseruaturam.

Cæterum, quòd me eo loco habeas, vt dignum ducas, cuius nomen licitando amplificare; euctoque in summum pretio, auctionem omnem longè vincas; quid, ò OPTIMA, MAXIMAQUE possum aliud reponere, quàm esse eo me in medullis, præcordiisque intimis gratitudinis sensu animatum, qui ineffabilis cum sit, verbis exprimi nullis possit. Quoties profectò cogito, (& non cogitare penè continenter qui valeam, adeò præsertim immeritus) toties mihi illud cum Ænea ad Didonem vouere, exclamaréque subit,

*Dy tibi, si qua pios respectant Numina; si quid*

*Vsq̃uam iustitie est, & mens sibi conscia recti,  
Præmia digna ferant. Quæ te tam lata tulerunt*

*Sæcula? Qui tanti ralem genuere Parentes?*

Quod verò etiam, vt ego te conuenirem desideratis, quanto id, putas, verti honori, qui nihil agnoscens in me, quod possit mei præsentiam caram, expetendamque facere, senserim me tamen à Regina tanta per-humaniter, perhonorificetque inuitari? Quantæ etiam felicitati, si id modò mihi per ætatem iam ingrauescentem licuisset: si per natium constitutionem, quam sortitus sum parum firmam; si per assuetudinem à cunabulis clementiori huic Cælo factam; si per cætera quæ vel ipse ad Burdelotium scribens attingi, vel, vt per illustrem Mon-morium, præclarumque Capellanum (cuius interuentu tuæ Maiesta-

tis literæ fuere ad me transmissæ Parisiis) perscriberentur, operam dedi? Si quid sanè in coiactura, id nō Te attinet, ò SERENISSIMA, apud quam, si quid mihi est famæ, id mei præsentia imminueret; sed me attinet potius, qui occasione prætermiserim spectandi te coram, hoc est exhibitum tam grande æuo hoc nostro miraculum, vt neque peruideam sæcula priora simile vllum exhibuisse; neque valeam præsumere posteriora exhibitura. Sincerè, ac, vt sentio, loquor; quando præter constantem famam, quæ in ore est omnium, tam certam habeo ab illis testimonia, quorum mihi pridem est perspecta fides, quibusque id iam contingit honoris, vt Te spectare, affarique, & audire cominūs possint. Quippe præter illa, quibus suas semper plenissimas facit literas Burdelotius (ille scilicet tēque, & quater fœlix, cuius præstita erga tuam valitudinem opera, id mereri potuit elogium, quo eum tam effusè, ac tam grato animo in tuis ad me literis commendas) Præter illa, inquam, Nau-dæus summi vir candoris literis suis nupers ea ingenuitate descripsit, & doctis naueræ eximias, & virtutes summas, perfectissimasque cumulatifsimè superadditas, ex qua mihi omnino,

*Nec primam similem visa es, nec habere sequentem.*

Quidquid id est rei, hūc insererem, nisi & quæ tua est moderatio, ellēs auditura inuitæ; & res mihi apud alios potius esse dicenda videretur. Quanquam tacere vnum non possum, quod Epilogi instat est; testari illum nempe, se, quoties ad ea quæ fusè recenser, attendit, in eam rapi extasi, vt vix possit oculis suis, auribusque credere; ac Te cogitans, dicat tacitè quod olim Regina Sabæorum ad Salomonem, *Non credebam narrantibus, donec ipse veni, & vidi oculis meis, & probavi, quod media pars mihi nuntiata non fuerat. Maior est sapientia, & opera tua, quam rumor, quem audiui.*

Quod subinde autem deposcis, vt tuas saltem literas admittens, velim tua cum Maiestate hoc, quo inter absenteis commercio licet, agere; esto ipsa Iudex, ò INCOMPARABILIS, quàm fieri me exinde animo confusum par fuerit. Quasi verò ego is sim, qui id honoris promerëar? qui possum hoc tam nobile recusare commercium? qui non id debeam summæ gratiæ, summo fauori imputare? Quàm veteor solum, ne literas accipiens vicissim abs me, futurum sit, vt conquerere facere te commutationem, qualem Glaucus cum Diomede? Tamen si non crit quæsum mihi veritas, quod Te spe inani fuisse lactatam sensura sis; cum ipse vt tantam de me opinionem conciperes, occasionem non fecerim, qui nihil vnquam magni de me, neque mihi ipsi, neque aliis spondeo. Suberit verò interim, cur ipse magno deputem Lucro, non tuam sanè (vt præ summa modestia Te aucte perscribis) erudiisse ignorantiam; sed meam potius propalasse, quam ipsa aut pro tua solertia, sagacitateque sis dignatura excutere; aut pro tua humanitate, beneuolentiæque ita excusare, vt ipsam quasi symbolum compara-

tissimi



missimi huius mei ad obsequendum affectus habeas. Quippe dicere quidem possem, Tute-  
met ipsam Te consule; quando licet tibi ex  
teipia, tanquam ex ditissimo penu ea depromere, quæ frustra aliunde requiras; sed ne  
causari tamen possis detrectare me operam,  
dico ingenue, obsequari ac tantò quidem ala-  
tius, tantòque confidentius, quantò spes est,  
vt nihil ex me (qualecumque id demum sit)  
prodeat, quod non ipsa sis pro hoc tam be-  
nigno, beneuolòque erga me affectu, æqui,  
bonique consultura. Nam si alioquin foret in  
me, vnde aliquid lucis ad diuinum tuum in-  
genium illustrandum dimanare posset, id, putas,  
Tibi inuiderem, qui ita comparatus sum,  
vt nemini abnuam colloqui, cuiuscunque ille  
sit sortis, qui me quidpiam roget, quod nosse  
me putet (vtcunque in recessu, quod sibi ac-  
cedens fuerit, pollicitus, non ferat) Tibi, in-  
quam, tantæ Reginæ, cui si prodesse quic-  
quam liceret, id foret eiusdemodi, vt inde  
exundare in tot capita, ceu ex viuò quodam,  
perennique gurgite posset? Silere heic potrò  
interim non licet, quod mihi in hunc locum  
tuæ Epistolæ incidenti in mentem occurrit.  
Quippe abfui quidem, vt talem me haberem,  
qualis Philosophus Sextus fuit, sed ipsa tamen  
mihi visa est tali esse genio, qualis in Sapien-  
tissimo Imperatorum Antonino fuit, qui tot  
retum sciens, imò & iam senescens, cum ipsi  
aliquando Lucius occurrisset, requisissetque,  
quorsum pergeret; ad *Sextum*, inquit, *Philoso-*  
*phum, vt ea discam, quæ nondum scio.*

Quod postremò bonitas tua testari digna-  
tur, ac penè iurare eorum, quæ fuerint abs  
me præscripta, obsequantiam; id verò demum  
me cò deducit, vt omnino pendeam dubius  
animi, hæteamque an Teipiam satis, an me-  
ipsum satis cogitaueris. Iam enim etiam imi-  
tari Pompeium illum Magnum videris, qui  
Philosophum Posidonium conueniens, fores  
percuti de more à lipectore vetuit, & *falsis li-*  
*ctoris*, inquit Plinius, *ianna submisit is, cui se*  
*Oriens, Occidentisque submisserat.* Scilicet Tu  
quoque tot Populorum Victricem, tot Natio-  
num Imperatricem, non erubescis tuam Maie-  
statem quadamtenus submittere Placitis ho-  
muncionis, quem, quantum-vis non habeat,  
habere tamen aliquid cum Posidonio simile  
putes. Subiit certè etiam in mentem, in hunc  
locum dum incidi, nihilo esse Te inferiorem  
Magnis illis Principibus, quorum meritò ce-  
lebre in Iure illud legitur, *Digna vox est Ma-*  
*iestate regnantis, Legibus alligatum se Prin-*  
*cipem profiteri*; ac id, quod consequitur mox,  
*Reuerà maius Imperio est, submittere Legibus*  
*Principatum*; siquidem quæ illis circa Leges  
fuit, eadem Tibi est *digna vox* circa Philoso-  
phiam, è qua omnes iustæ, sanctæque Leges  
originem ducunt, Veruntamen, ad me quod  
spectat, cum non sim eam Philosophiæ, quam  
præsumpsisse ipsa videtis consummationem  
assequutus, cogitare sic subit, eo quidem te  
fuisse candore, vt præconceptam tuam de me  
opinionem exprimeres; at fore me nihilomi-  
nùs Mortalium ineptissimum, si ea me verti-  
gò præsumptionis corripere, vt illa propre-  
tè me ducerem dignum. Quare & aliud

nihil licet mihi, quàm illud quasi regetere, vt  
ipsa potiùs Te audias, cui tam cumulatè sunt  
omnia perspecta; ac Tibi simul gratulari, quod  
hactenus ad eum doctrinæ, Sapientiæque gra-  
dù Te euexeris, vnde quidquid siue agere, siue  
non agere par sit, ceu è specula providere pos-  
sis. Cæteris sanè Principibus eò præcellis ma-  
ximè, quòd ipsa per Te perspicis, quæ illi vulgò  
rerum ignari, nisi oculis alienis non vident;  
neque mirum idcirco est, si dum Consiliarios  
admittunt, quos non nòrunt deligere, ac ipsis  
interim credunt omnia, pessum ire omnia pa-  
tiantur. Quò sit, vt cum esse nihil felicius  
possit eo Principe, qui ipse met suos, suàs-  
que res nouit; ita nihil sit illo infelicius, qui  
credit omnia aliis, quorum vix est vllus, qui  
non se respiciat, ac Principis res accommodet  
suis. Sed nempe hoc est valde secundum na-  
turam, vt quisque se potius, quàm cæteros  
amet, ac propter seipsum amet cæteros; adeò  
proinde, vt culpentur licet, qui non sine quo-  
dam habito ad se se respectu Principi consilia,  
monitùsque dant; culpandus tamen sit ma-  
gis Princeps, qui ita fieri potè innato cuique  
erga semet-ipsam affectu ignorat; ac non id-  
circo dispicit, quò quisque possit vergere, aut  
certè ea non exhibet peripiciæ specimina,  
quibus illis suspicio, ne quidpiam non saui  
consilij deprehendatur, fiat. Quid facias ni-  
hilominus parti Principum maximæ, quos ab  
vsque cunabulis adulatores obsident, qui iam  
tum ad redundaturam in se vitilitatem respec-  
tunt, omniæque ad gratiam loquentes, eam  
sensim inspirant molliem, quæ exhorreatur,  
refugiaturque, qui est ad necessariam doctri-  
nam necessarius labor. Heinc profectò est,  
quamobrem deinceps natos quidem se ad re-  
gnandum putent; at debet se euadere ido-  
neos ad regnandum non reputant; pergantque  
auerfari Doctrinam, vt quidpiam eminentius,  
cui, si illam admitterent, parere ipsi teneren-  
tur; ac idèò tantum detraheretur summa po-  
testati, ac mero, quo potiri gaudent arbitrio,  
quantum illi in se, suasque actiones tribueret  
iuris. Miseri! qui proinde se, non vt Pa-  
stores Populorum; sed vt Ductores Pecudum  
habent; neque propter eam in se conuersa, effu-  
sæque habent Subditorum pectora, qui se ab  
illis verè amari non sentiunt, sed spectari so-  
lùm quasi victimas ipsorum nutui consecra-  
tas. Quorsum itaque non gratuler Tibi ô Re-  
gina PRINCIPVM DECVS, cum te ea doctri-  
na hactenus imbueris, quæ Te & Reginam  
verè Reginam possis gerere; hoc est non im-  
modò imperare, sed sapienter etiam, iustèque  
imperare, atque adeò Populis tuis eam facere  
de Te opinionem, quòd abs Te, vt communi  
Parente reuerà amentur, Tæque idèò tanquam  
Parentem tenerrimo affectu ament, ac non  
simpliciter vt Reginam, sed vt Deam quan-  
dam venerentur, & colant. O præclarum tui  
Principatus fructum! quando nullum maius,  
aut expetibilius laborum omnium, vigilia-  
rùmque, quibus pro salute tuorum excubas,  
optare Tibi præmium potes! cum eo certè  
coniuncta est, quam sunt tui carissimam, iu-  
cundissimamque memoriam transmissuri in  
Posteris; qua, si quid gloriæ feruendum est,  
quæ

quæ nos manet post obitum, nulla potest esse gloriosior. Perge itaque, ô REGINA VERE INCOMPARABILIS, perge eo Cælesti passu, quo cœpisti incedere; neque enim Vares ero inanis, si eam Tibi gloriam, famamque præfagiero, quæ esse præclarior, perenniôrque non possit. Isthæc sunt, quæ Sacræ tuæ Maiestati rescribendam Dinixi, Non. Decembr. M. DCLII.

LYDOVICO VALESIO, *Principi Optimo,*

PETRVS GASSENDVS  
*Eduæ. Aven.*

**L**Iteras habui, OPTIME PRINCEPS, quas ad me dare Tornatore intercedente dignatus es. Fueram iam tibi prosperum in Aulam reditum gratulatus, neque hæseram quin fuisses in ipsa exceptus perhumaniter; gratulor verò nunc tantò magis, quantò licet id per te ipsum nosse. Ac dubius quidem semper pendeo, quò propterea sint res tuæ euasuræ; verum ea sunt semper committendæ Diuinæ Providentiæ, optandumque solum, ut bene omnia vertant. Quod Illustri illius tui Consobrini sic vicem doles, id profectò dignum est tua & caritate in Consanguineum, & pietate in Patriam, & constanti in Regem fide. Et meam quidem sortem non decet quidquam causari, inquirere-ve in factum tanti Principis; sed, ut tuum in sinum effundere hoc liceat, defendendum est, quam ille tantam sibi gloriam quæsierat, hisce eius actis sic dedecorari. Quantæ nempe laudi ipsi vertebatur, tot peperisse Patriæ Victorias, tot quæssisse Vrbes, ac penè Provincias, tanto decori iam datur, facere ipsum hostibus ansam Victoriarum incurtantium, ac recipiendi citra vim quidquid ipsis fuerat tanta vi ereptum. Quid illud verò, quod etiam scribis, creatum illum Summum hostilium Exercituum Imperatorem? Sanè, ut non modò speciosus, sed legitimus etiam illi fuerit commotæ huc-usque camarinæ prætextus; at nullus esse profectò potuit addicendi sese hocce titulo hostibus; quòd hoc demùm nihil esse aliud, quàm se gerere Patriæ hostem videatur. Ij certè, quibus iam militat, non huius, illius-ve, qui res administrant sunt hostes; sed ipsius Patriæ, quam velint euersam; neque, ut ille sibi inensos vlciscatur, curæ ipsis est, sed ut hac occasione res suas promoueant. Solemne est dici, oportere amicum esse usque ad aras, at non minore iure decet esse, ad aras usque inimicum; neque si flecti Superi nequeant, mouere Acheronta fas est. Præter meum morem, sat sentio, prætereque institutum abripior; sed nimirum id excidit pro eo, quem tecum concipio dolore, quòd tantus Princeps, quem obseruantia, venerationeque summa prosequor, viam inear illi contrariam, quam sibi amplam iam strauerat ad nomen, decusque immortalæ. Quod subinde petis, ut meam tibi sententiam aperiā circa

id, quod istheic ab Astrologis perhibetur, exscendisse Solem duobus gradibus; paucis aperio, nugas puto. Idem-met rumor iam euulgatus Campanellæ nomine fuerat; sed nimirum isthæc infomnia ij soli possunt confingere, qui nouitatis prætextu gloriam inane venantur, neque verentur ludibrio fieri paucis intelligentibus, si modò sui admirationem apud multitudinem creent. Sol eiusmodi Sidus est, quod vno tenore suam pergit viam; neque, si quid fortè per ipsam alterationis patitur, id tempore aliquo breui, vrab istis iactatur, sit; sed vix potest demùm post multas annorum Myriadas sentiri. Id declararem pluribus, sed excederem Epistolij modum. Satis esto, si ego quidem hisce in rebus quid assequor, sapere hoc commentum triam fabulam de casu Solis Phætoonto. Quas verò non audies etiam fabulas de eo Cometa, qui est per hosce dies conspicuus? Verùm, tu, vt Sapiens & supra Vulgus Princeps, non illum magis es in ostentis, quam aut Solem, aut alia magis familiaria Naturæ opera habiturus. Vale OPTIME PRINCEPS, ac Decus meum dulce; & curriculum imminenti anni foeliciter aggredere, prosequere, absolue. Dinixi, pqrstidie Natalitiorum. Anno M. DCLII.

E I D E M.

**N**E in hac, qua scribo iam festinatione, occasione primam anni initii præteream sine tessera, præstat omninò paucos versus ad te exarare, quam nullos. Id nempe, ut tibi iteratò foelicitatem apprecer, & vota pro tua incolumitate, rerumque tuarum prosperitate quam-maximè possum ardentia concipiam. Faxit modò Deus Opt. Max. vt & decurentem iam annum, & porrò Nestores, provt venero ipsum, agas. Significauit optimus Campinius (ac Tornator etiam) sapientulè te scripsisse ad me; at quæ infœlicitas mea fuit, nullæ ab vsque exeunte Maio ad me peruenere abs te literæ, præter datas vnæ Montis Rotundi, vbi detinebaris Castris; & datas alteras Parisiis, post reditum foelicem tuum in Aulam. Debuere nimirum alias eadem fata, quibus fuerant iam aliquot antè interceptæ, manere. Quas proproinde, vt quia placet pergere etiam manu propria literas superscribere; committi deinceps eas mandes aut optimo Campinio, aut alij, cuius inuolucro, superscriptioneque tegantur. Vale, OPTIME PRINCEPS, Vale, ô dulce Decus meum. Dinixi, pridie. Non. Ianuar. An. M. DCLII.

E I D E M.

**N**Ensis iam est, OPTIME PRINCEPS, ex quo literas ad te dedi nullas. Quam verendum proinde mihi, ne meam incalescentem segnitiam, nisi præsto esset tua bonitas, quæ me excusationis faceret securum! Est-ea certè mihi sic dudum perspecta, vt fuisset fortè etiam diutius officij quasi immemor, nisi acceptum recens à meo Capellano Epistolium,

aurum

aurem velliſſet, & admonuiſſet. Ille nimitum ita expreſſit quem nuper honorem abs te cum ſingulari beneuolentia teſtatione eſt conſequutus, vt mearū eſſe parium putem, nomine etiam meo gratias agere ſita quicquid eum attinet mea reputo non facile dicas. Quippe & eruditio illi ſupra vulgus, & morum candor ſupra ſæculum eſt; Vir, in quo ingenij perſpicacia cū maturitate iudicij certat; qui in omnis bonos propenſus, officioliſſimus omnium eſt; ac ita colit amicitias, vt nemo eſſe poſſit amior. Diceret plura, niſi quæ me de virtute illius ſumma diuturna conſuetudo docuit; Ipſe vel ex vno, alteroq; congreſſu poſſes abunde perſpicere. Hoc ſolum addo, quam ipſi laudem delatū vltro ab omnibus arbitriū Poëſeos, Eloquiiq; peperit, minimam eſſe eorum, quæ illi ob tot præclaras doctis debentur. Occipio iam, Deo propitio, paulò melius habere me ex eo rheumate, eadē tuffi, quam obſeruandi Cometæ ſtudio per dies illos prægelidos non tam recens induxerat (vetus enim, vt noſti, querela) quam ſupra modum exaſperat. Tu, ſo PRINCIPVM OPTIME, ſo dulce meum Decus, bene ſemper Vale. Dinia, vi. Eid. Feb. M. DC. LIII.

## E I D E M.

**Q**uam beaſti me, OPTIME PRINCEPS, datis Literis pridie Eidus ſuperioris menſis! diu nempe erat, ex quo nullas abs te habueram; quanquam & nōram quibus curis per id tēpus deſtineretis; ipſe illas mihi iam ſubſinuas; verūm quæ tua eſt moderatio miro verbōtū lenimenro temperas eorum grauitatem. Cū neſcire verò non poſſim quid deinceps contigerit, tenere me vix potis ſum, quin talē, tanrāque fortunæ iniquitatem incuſem; at cū aliunde te cogito, ſubeſt tibi mihi ipſe ſuccēſam, quod perſpectum nimis-quam ſit, quā cunctus ſit generoſus, cōſtānsque tuus animus ſupra omnia hæc ludibria fortunæ. Et reputare certē decet, nihil exinde vt tuæ virtuti, ita nomini detrahi; quin-etiam tibi eſſe glorioſius quod quæri videamus cur hæc accidunt; quā ſi, cur non accidunt, quereretur. Plura Deo volente & breui, & coram. Quia enim ad nos iam non aduenis, ſum ipſe in prociñctu vt diſcedam ad te hebdomade inſequutura. Tu in tece, OPTIME PRINCEPS, ac dulce meum Decus, Vale. Dinia, Poſtr. Eid. April. M. DC. LIII.

*Admodum Reuerendo Clariſſimo, &*

*Amiciſſimo Viro, D. GODEFRIDO VVENDELINO, Pa-*

*ſtori Hercano, Tornacenſi Canonico,*

PETRVS GASSENDVS S.

**A**D ſum atque aduenio, non Acherunte, mi VVENDELINO, ſed penè ex faucibus Orci, vix viā altā, atque arduā. Scilicet ex graui, diuturnoq; morbo ægrè in Partia demum conuallui, ac ſum denique in hanc Vrbe redux. Qui ſuperceſſes ipſe ac valeres, ex Amicis ſtatim *Gaſſendi Epistoła.*

percontatus ſum; & rem à Scala Equite, noſtrōque Hoſerio præſertim edoctas, ipſos exceptos hodie communi apud illuſtrem Mon-morium prandio dimiſſos ante nolui, quā iis Episto-lum hoc concrederem priua occasione ad te tranſmittendū. Id nimirum vt ſcias me & Deo propitio bene valere; & gerere ſemper medullitè cariliſſimam, ſuauiſſimāque memoriam tui; & eſſe iam propius vt deinceps valeas, ſi quid fortè vuleris me compendioſius ſignificare. Accepi diebus proximis literas abs P. Ferrando Societatis Ieſv commorante Chamberij, ſuperiore menſe Diniam deſtinatas, vnā cū exemplo literarum optimi ex eadem Societate P. Bollandi, ex quibus reſciui tradiſſe te illi ante aliquot annos, quas duorū, trium-ve noſtorum primorum, eorūque ſanctorū Antiſtitum vitas ad te, vt cum ipſo communicares, miſeram; quare & quantum poſſum gratū animū teſtor. Et quoniā ille mihi ſalutem tam nomine ſuo, quā P. Henſchenij, & noſtri Quartij renuntiari per Ferrandum voluit, quæſo te, vt niſi incommodum ſit, & triadem illam præclaram reſalutes meo nomine, & Chiffletium Clariſſimū cum rota erudita familia, & Van-langrenū quoque ſaluere quam-plurimū iubeas. Valc. Pariſiis, vi. Eid. Iul. M. DC. LIII.

PETRVS GASSENDVS

SORBERIO SVO, S.

**I**N me non fuit, vt ſuperiore occasione reſcriberem; ita me neſcio quæ negotia calamo iam arrepto auerterunt. Nunc perparū abeſt, quin etiam à ſcribēdo abſtineam, ne fluxionem, quæ me iam triduo impetorene habet, irriter. Verūn ne diutiſ officio erga Amicū tam officiolum, deſim, continere non poſſum me quin ſaltem paucos hos verſus dicem, quibus fuiſſe literas tuas mihi reddiras certior ſias. De argumento nihil eſt quod addam, niſi quod magis amas me, quā vt nolis meā qualicunque famæ ex tuę interpretationis editione fieri conſultum. Et dignum certē eſt tuo erga me amore, quod ob Typographicas operas ininterruptas non ſuccenſueris, ſed aliquam potiùs rationem eorum, quæ ad te ea de re ſcripſi, habueris. Spero autem fore vt nihil tuę gloriæ ex hac dilatione decedat, ac te id vel maximè agniturem, vbi primæ cogitationes ſecundis locum fecerint. Legi quæ ad Conradū noſtrum vberiùs ſcripſiſti; at ipſe de iis facere tibi ſatis in ſe recepit. Quod ille quē in ſinuas meditatur aduerſum me, ſcito me tam parum morari, quā apud Sinas quod agitur. Scilicet quidquid ea de re ſcripſi, quod attineat, & quatenus, mihi nō malè conſcius ſum. Sed tu, mi SORBERI, quam-optimè Vale, Pariſiis, v. Eid. Iul. M. DC. LIII.

PETRVS GASSENDVS

NEVRÆO SVO, S.

**P**Lurima ſanè ſunt, Mi NEVRÆ, quæ tibi, tuæque amicitiz debeo, at illud non poſtremum eſt, quod conceptum mihi dolo-rem ob mortem præclari *Naudei*, Capitis longè caſiſſimi habere te mecum communem declaras; ac petuelle, ſi fieri poſſet eo me peni-

E c r d s




tus eximere, significas. Quippe cum nihil sit optimi Amici possessione iucundius, nihilque adeo esse possit eius priuatione molestius, facis tu profecto per-humaniter cum subire in te aut totam, aut certe molestiæ partem, quam mihi casus hic flebilis molestiam fecit, exoptas. Quamquam me quidem quod attinet id quod Poëta ait *est quædam flere voluptas*, cate-nus experior, ut molestiam malim ea suauitate temperatam, quæ *non iungitur*, consuetudinisque cum illo iucundissima, antiquissimaque afficior, quàm illà immuncem fieri, si mihi simul suauitas huiusmodi eripiator. Nosti ut parentes, vt filij, vt coniunctissimi quique non sine voluptate adiones, verbaque illorum, quos habuerint carissimos, & recordentur, & enuncient, nihilque fieri iis gratius possit, quàm si alij quoque eadem enarrent, aut enarrata gratè accipiant. Ego certè quoties in eos incido, qui communi mihi cum illo fuisse necessitudine, nihil esse potest dulcius, quàm sermones recollere, quibus aliàs *non potest iungitur* confabulati fuimus; adeo nihil potuit illi excidere, quod non foret memoria, considerationeque dignum. Superfunt adhuc sælici fato, quos & tu ipse apprimè nosti Eximij Viri, Elias Diodatus, & Franciscus à Motha Vayerius, quibuscumque & congregari, & rusticari soliti fuimus, maximeque priusquam ille in Italiam discederet duos ante annos supra viginti. Retulit ipse, descripsitque nonnullas ex confabulationibus nos inter quatuor habitis, maximeque in *Synagmate de Militari studio*; dice-reque, cum conuenissemus erat solitus parere se Pythagoræ, si per talem quandam Tetradem iurauit. Dico autem priusquam in Italiam cederet; ex eo scilicet tempore institui nisi per literas nos inter commercium non potuit; & quamuis deinceps euocatus ab Eminentiſſimo Cardinali, Bibliothecæ curandæ fuit; partim ipsius occupationes, partim mea inualetudo ne possemus toties conuenire obſcuerunt. Discessi quoque ipse in Prouinciã, discessit & ille ante meum reditum in Sueciam, totoque eo tempore literis dumtaxat conuersari licuit, donec cum me iam reduce ipse proximè accederet, mutuo-rumque complexuum spes foret, quæ lugubria fata interuenerint, nimisquam est notum. Tamen porrò literæ compensare non poterant quem fructum longè vberri-mum licebat ex eius conuersatione demerere; ea tamen semper seges erat, quæ magni pro-uentus loco haberetur; quippe ad me nunquam scribebat quin significaret quid toto Literatorum Orbe ageretur, quid hi noliten-tur, illi iam paraſſent, ceteri etiam edidiſſent.

*Reliqua exciderunt.*

*Viro Clarissimo, & Amico Optimo  
OLAO VVORMIO, Doctori  
Medico, & in Regia Hafniensi Aca-  
demia Professore Humanissimo,*

PETRVS GASSENDVS S.

 N me, Optime VVORMI, reducem non ex Prouincia modò in Vrbem; ve-

rùm etiam penè ex Orei limine in vitam Quamprimum verò huc appuli, nihil potius fuit, quàm vt quæ & ipse, & præclarus From-mius valeretur, interrogarem. Cum respon-sum foret concessisse alterum satis, & verè ta-men esset, non designaretur, non interqueui donec didici Frommum esse *non iungitur*, qui ad pluteis abierit; te verò esse, qui Deo propicio & superſis & bene valeas. Tenere itaque me non potui, quin & meam tibi læticiam tes-tatus toto animo gratularer, & Clarissimum Medicum nostrum Guidonè Patinum literas ad eximium Bartholinum dantem offe-dens hosce ad te verſus atrexerem, quibus certior fieres me, Deo donante, ex mea illa adeo diu-turna inualetudine emerſiſſe, adeſſe in hac iam Ciuitate, & vitæ Tychonis Braheï ve-stratis, ad quam tu mihi præ cæteris afful-siſti editionem moliri. Quinque aut sex iam anni sunt, ex quo Gedanum ad celebrem Heuelium scribens, illum rogàram vt si fieri posset impetraret meo nomine ex præ-claro Medico Ludouico Keplero Ioanni fi-lio, Regiomonti in Prussia degente, si quid haberet monumentorum ad Tychonis, quem ipse vidiſſet, vel de quo Parentem loquen-tem audiſſet, vitam attinens, & attinens etiam ad vitam Parentis, cuius summam libens intexerem; responſum verò tuleram futurum, vt breui non monumenta modò, sed vitam quoque integram vtriſque typis commenda-tam accipere poſſem. Ipse id ratus, omnem curam meâ lucubratiunculæ euulgandæ di-miſeram, donec quid illeinc adueniret fru-strà iam tamdiu præſtolarus, & interpellato etiam quid id rei eſſet Heuelio, cò fui adduc-tus ab Amicis, aliisque præſtantiſſis Viris, quos Vraniz amor, ac tanti illius veſtri He-rois gloria tangit, vt nihil cunctando, id quod haberem pridem paratum, emitterem. Manum itaque iam admo- ui, & cum opella tota foliorum viginti quinque, aut triginta futura ſit, quinta iam eſt, aut ſexta pars excu-ſa. An verò quia lentè opæ procedunt, & ſpes eſt vt priuſquam ad metam perueniant, ferre abs te reſponſum, ſi quopiam me bea-ueris, valeam, orare te auſim, vt ſi quid tibi forè in manus, ex quo pluſcula illa ad me mittere es dignatus, inciderit, id eadem viâ, quâ hæ literæ tranſduntur, velis imper-tiri. Quippe tamen acceſſurum tempori ſatis forè non ſit, fiet nihilominus occaſio, vt ni-ſi in ſuum locum inſeri, attexi certè ad calcem poſſet. Vnum ſaltem eſt, quod te maxime exo-ratum deſiderem, vt ſcilicet mihi procures exaratum manu exemplum Orationis fune-briſ à Leſſenio habitæ, cuius excuſum vnicum iſtæ exſtare aliàs ſcripſiſti, cuiuſque nul-lum reperire in totis Pariſiſis Bibliothecis licuit. Exoptem verò ſi iſtud adhuc mihi nauare opæ importunum non fuerit, rem diligenter peragi, quo prima occaſione tranſ-mitti ad me poſſit. Eſt verò & vnum ad-huc, quod te rogem; vide quantam mihi tua illa immenſa bonitas libertatem faciat. Notus tibi hand dubiè eſt vir illuſtris Petrus Rec-zius, qui ex Tychonis eſt cognatione. Iſ eſt, qui ante annos ſex Legatus Regis nomine hac

in Aula interfuit. Dignatus me tunc pro sua singulari humanitate inuifere, ac instituti mei conscius, recepit sese, & obtenturum, & mecum communicaturum descriptionem, confessionemque singularis cuiuspiam vnguenti à Tychone excogitati, Braheanique nominati, quod cætera inter Tychonis encomia, non memorare modò, sed describere etiam, publici facere iuris possem; quasi nempe mirificum, generique humano adiutandum comparatum inuentum. Si igitur nôtis, & graue non sit ipsum, aliùm-ve ex familia, penes quam id quasi arcanum asseruatur, interpellare, vt copia mihi ipsius fiat, erit cur & tibi, & ipsi gratia habeantur, non abs me modò, sed etiam abs summi viri Manibus & abs quibuscumque leuamen sentietur. Virum illustrem si conuenias, & salutem ipsi nunciare meo nomine poteris, & indicare memorem me illius affectus, quo me prosequi suaue habuit, hæc interfuerisse altera statim vitæ Tychonis pagina, *Cum vero fratres ipsius omnes magna in Patria auctoritatis, & magna ex parte Senatorij Ordinis fuerint, tum memorandus præcipuè, Seno, qui Maiestatis Regia Consiliarius, & in arte Calundburgica Præfès, habuit cæteros inter liberos, tum filium Ottonem Basnesum, tum Birgitam filiam, qua illustri Friderico Reetio nupta quatuor filios edidit, Petrum, Stenowem, Antonium, Georgium, quorum natu maximum Legatione Regia Parisiis fungentem; omnia cum uatu minimo uidere, assari, experiri beneuolus licuit. Quæro te iterum exemplum Orationis funebreis, & quam citò quidem per tuas occupationes fas erit. Vale intereà, Vir Optime, ac me amabò amare perge. Parisiis, Eid. Septemb. M.D.C. LII.*

*Clarissimo, Excellentissimòque Viro D.  
IOANNI DOMINICO CASSINO, in  
alma Bononiensi Academia Profes-  
sori Matheseos Primario,*

PETRVS GASSENDVS S.

**A**mplius mense est, Clarissime Vir, ex quo literas ad me, intercedente nobili Venasco dedisti, illustris Riantij Baro mihi studiosè reddidit. Diuturnæ huius meæ ad respondendum moræ non vna fuit causa; sed nihil est necesse aut occupationes, aut inuoluntudinem, aut aliud causari. Oro te solum vt sic habeas me, & honori duxisse magno, quam vltro, gratiosèque offerre amicitiam dignatus es; & felicitati vertisse, posse me, non eximie quidem, sed vtumque tamen tuis votis satisfacere; & quam primum licuit, arripuisse calamum, vt qua in te essem voluntate facerem perspectum. Gratulatus itaque tibi pro tam laudabili instituto, exscribere ecce ex meis Commentariolis aggregator quas deposcis obseruationes trium superiorum Planetarum circa tempora Oppositionis ipsorum cum Sole peractas. Exigis pro singulis ternas; ego verò quinás, senas-ve exhibeo, vt quia omnes ea serie, copia-ve non sunt ex quibus exactè deduci Oppositionum tempora pos-

*Gassendi Epistola.*

sint, sint ad manum quas deligas, ac prout videbitur in rem veritas. Organum, quo acceptas distantias agnosces, Radius Astronomicus fuit, Orgyia prolixior, in parteis 10000. distinctus cum Transuersali immortò, & hinc inde Tangentis vice in simileis diuiso. Fixus ad centrū cylindrus, in Transuersali etiam cylindrica emobiliæque pinnacidia. Signis vsus sum & — denotandæ aut additioni graduum, scrupulorūque Tangentibus indicatorum, pinnacidis ad diuersas Transuersarij parteis existentibus; aut subtractioni pinnacidis existentibus in eadem. Calculum adhibebo nullum, ne præiudicium faciam, quo vtumque præoccupetis; doleo certè fecisse me, cum Martis oppositionem, stationemque alteram anni 1623. euulgans, calculum obseruatis subiunxi, ad quem vnum, aut alterum ita Stellas datum suppositi, quod deinceps, caro amico Iacobo Valesio monente, non reidè se habere deprehendi. Suppositi videlicet Stellam in Humero dextro Sagittarij habere latitudinis Australis gr. 3. min. 11. prout in Tychonis Catalogo habetur, cum habeat tamen solum gr. 3. min. 18. ac aliundè eius distantiam ab Australiore duarum in Boreali parte Arcus esse gr. 6. min. 5. prout calculo eam deduxi; cum præ tamen obseruationes excedere tribus minutis eam prodant. Quo effectum est etiam, vt cum distantiam illam assumpsi rectificando Organo, tantundem abesse, nisi interdum magis à vero potuerim. Hæc proinde est causa, cur obseruationes nudè, & qua fide fuerè peractæ, consignatæque communicem, ne quidquam sit, quod imponere, creare-ve vllam, quod dixi, præoccupationem possit. En itaque vt res se habeat.

P R O ♂

Anno 1621. debuit ex Ephemeride contingere Martis oppositio Sole cum die Maij 6. Itaque Aquis-Sextiis die Maij 3. vesperti, hora 10. distiterunt inter se Mars, & Lanx Australis, &c. *vt in Commentariis.*

Anno 1623. debuit oppositio contingere die 3. Iulij. Itaque Dinix die 28. Iunij, hora 13. &c. *vt in Commentariis.*

Anno 1625. debuit oppositio contingere die 18. Septembris. Itaque Dinix die Septembris 21. sequenti vesperti circiter hor. 10. &c. *vt in Commentariis.*

Anno 1634. debuit oppositio contingere die 12. Martij. Itaque Dinix die 7. vesperti, &c. *vt in Commentariis.*

Anno 1636. debuit oppositio contingere die 18. Aprilis. Itaque Aquis-Sextiis die 15. vesperti, &c. *vt in Commentariis.*

Anno 1638. debuit oppositio contingere die 7. Iunij. Itaque Dinix die 6. vesperti, &c. *vt in Commentariis.*

Anno 1638. debuit oppositio contingere die 7. Iunij. Itaque Dinix die 6. vesperti, &c. *vt in Commentariis.*

P R O ♀

Anno 1620. debuit oppositio Iouis cū Sole contingere die 7. Nouembris. Itaque Aquis-Sextiis die 4. vesperti, &c. *vt in Commentariis.*

Anno 1633. debuit oppositio contingere

E c 2 die

die 16. Decembris. Itaque Dinix die 14. vesp-  
peri, &c. *ut in Commentariis.*

Anno 1635. debuit oppositio contingere die  
Ianuarij 18. Itaque Aquis-Sextiis die Ianua-  
rij 15. vesp-eri, &c. *ut in Commentariis.*

Anno 1636. debuit oppositio contingere  
die 19. Februarij. Itaque Dinix die 5. vesp-eri,  
*ut in Commentariis.*

Anno 1637. debuit oppositio contingere  
omnino 20. Martij. Itaque Aquis-Sextiis die  
Martij 11. &c. *ut in Commentariis.*

Anno 1639. debuit oppositio contingere  
die 22. Maij. Itaque Aquis-Sextiis die 20. vesp-  
peri, &c. *ut in Commentariis.*

### P R O H

Anno 1633. debuit oppositio Saturni cum  
Sole contingere die 28. Maij. Itaque Aquis-  
Sextiis die 25. vesp-eri, &c. *ut in Commentariis.*

Anno 1634. debuit oppositio contingere  
die 9. Iunij. Itaque Aquis-Sextiis die 6. ma-  
ne, &c. *ut in Commentariis.*

Anno 1635. debuit oppositio contingere  
die 21. Iunij. Itaque Dinix die 19. vesp-eri, &c.  
*ut in Commentariis.*

Anno 1636. debuit oppositio contingere  
die 2. Iulij. Itaque Aquis-Sextiis die Iunij 30.  
vesp-eri, &c. *ut in Commentariis.*

Anno 1637. debuit oppositio contingere  
die Iulij 14. & tamen nihil obseruatum com-  
perio, quàm quod Dinix die 17. vesp-eri, &c. *ut  
in Commentariis.*

Hactenus exscribo, Excellentissime Vir,  
quæ de Marte, Ioue, & Saturno circa tempora  
oppositionum obseruatis consignata habeo.  
Nisi ea tam sint exquisita, quàm ipse forsan  
expectasti, tibi quæ de me pollicitus es, ipse  
sanè in culpa non sum, qui & quod potui præ-  
stiti, & ut maius quidpiam abs me exigere-  
tur, occasionem non feci. Obseruationes cru-  
das agnosces, & vel ex eo quidem, quod  
necundum sint plarisque appositæ arcus deducti  
ex Tangentibus; verum non ob id eas minùs  
probabis, vtrumque tibi in deducendo labo-  
ris quidpiam reliquerim, quod ut nunc subir-  
em, mihi non vacauit, quin non vacaretiam  
omnia recensere, ne aliquam fortè cyphru-  
lam præposterè interscripserim; sed si fecero,  
quod vix reor, tarum erit, ut non ex serie ob-  
seruationum possit emendari. Quali acumque  
tandem hæc sint, tu sis vtere, fructe, ut me  
saltem tibi ad obsequium comparatissimum  
agnoscas. Parisiis, xvi. Kal. Febr. M. DC. L. IV.

SAMVELI SORBERIO SVO,

PETRVS GASSENDVS S.

**C**ceperam iam tuas literas, & gratula-  
tus animo licet, nondum tamen scripto  
meam lætitiæ significaram, cum Capellanus  
præclarus ille ostendit abs te literas, quibus  
alias mihi innuebas conscriptas. Expectaui  
proinde illa-ne alicunde mihi aduenirent,  
quovis hoc ipso demum die, tum ipsæ mihi  
reddite sunt, tum aliæ quarum feceras spem  
ab Illustrissimo, optimoque tuo Patrono Præ-

sule Vasionensi. Paucis itaque, quia tempore  
vrgeor, gratulor tibi pectore pleno ob tuum  
illud tam generosum, tantæque pietatis con-  
siliium. Nempe res eius est ponderis, cui æqui-  
parari nihil possit. De salute enim summa  
agitur, pro cuius commutatione non tota cum  
auro suo Terra, non vniuersus Mundus sit sa-  
tis. Fuit hæc mutatio dextræ Excellsi, & opti-  
mam partem cum elegris, non erit profectò  
cur vnuquam te facti pœniteat. Felix interim  
qui incideris in Antistitem adèd bonum, adèd  
generosum, adèd eruditum, ut & virtutem  
tuam amare, & pretium tuum nosse potis, fie-  
ret tibi in hac humanarum rerum iactura per-  
fugium. Quod tu verò mihi ob mortem Prin-  
cipis tam mei amanti Ludouici Valcsij, En-  
golismensis Ducis condoles, humanitatis of-  
ficiū est, amorisque erga me tui. Et non pos-  
sum certè non teneri magno Capitis tam cari  
desiderio, vtrumque in partem consolatio-  
nis veniat, quod ille me amore sincero, tene-  
ròque amauerit, quo Mortalium nemo, aut  
melior, aut innocentior vnquam fuit. Ille  
vnus sanè ex iis, quibus dignus non fuit Mun-  
dus, qui qua erat sorte vixit in hac tanta sæ-  
culi colluue, fide, candore, probitate, ut pla-  
nè insignis, ita incomparabilis, ac omnino  
dignus, qui in singulari virtutis exemplum  
Principibus proponeretur. O quàm sæpe at-  
tendenti mihi ad inculpato illos mores insulsa-  
rare illud subit, *Quo nihil maius, melius-ve  
Terris Fata donauere, bonique Diu nec dabunt,  
quamuis redeant in aurum Tempora prisenti*  
Sed mihi tempero, ut & finiam, & Antistiti  
optimo verbulum rescribam. Tu bene Vale, mi  
SORBERI, & corroborare ip dies. Parisiis, x.  
Kal. Febr. M. DC. L. IV.

IOSEPHO MARIE SVARE-  
SIO, Illustrissimo, Reuerendissimo-  
que Vasionensium Antistiti,

PETRVS GASSENDVS

Evdædænev.

**E** Aud ego sanè id promerebar, ANTISTES  
ILLVSTRISIME, ut Tu non modò mei, &  
vultus, & nominis commeminisses, sed digna-  
reris etiam humanissimas dare literas, tanta  
amoris erga me tui significatione plenas. Sed  
nempe hoc mihi bonitatis tuæ esse voluisti ar-  
gumentum, cui pridem insignis tua eruditio,  
ab vsque consuetudine cum nostro communi  
Peireskio nō parvipim erat perspecta. Grati-  
as proinde quantas possum maximas tibi habeo,  
ac me, quando aliud non possum, tibi totum  
oppignero in animi grati testificationem.  
Quàm verò subinde, putas, gratulor ob tam  
egregium facinus, quo eximium Sorberium  
Deo, & Ecclesiæ quaesisti; quo illum ad te pel-  
lexisti; quo illum foues, fortunarumque ipsius  
curam fuscipis; quo rem præstas, ut tua illa  
generosa indole dignam, ita dignam, quæ ce-  
lebretrur, cuiusque memoria non intermoria-  
tur? Et merebatur ille sanè incidere in tan-  
tum Patronum; Vir tam bonus, tam candidus,  
tam



tam singulariter eruditus, vir tanta in conuersando gratiâ, in scribendo tanta elegantia, vir, vt paucis dicam, quem tu noueris, quem amaueris, quem delegeris, vt tua in eo viteis suas beneficentia experiretur. Quod me attinet, sic ego illum amo, vt cum tibi sit tor obstrictus nominibus, ipse vnâ me obstrictum profitear, ac fotem modo soluendo par, ita mens adiuet, vt totam in me recipe rem obligationem. Et verum est quidem nihil aliud te, quàm vt beneficias spectare, at non idè minùs, qui tua beneficia perferunt, ad ea agnoscenda, & gratitudinis ergò, quam maximè licet, effundera tenentur. Tu ô PRÆSVLM DECVS, sic agere perge, ac me cum porro habe, quo tui obseruantior, tibi què obsequentior sit nemo. Parisiis, x. Kal. Febr. M. DC. LII.

nû, quod vel per te, vel per illustrem Retzium meo nomine illi offeratur. Præter fas, ac decorum foret aliquas factò excusando adiungere literulas, cum abundè, imò nimium sit fuisse semel me, & publicè quidem ea interpellatione vsûm. Tu itaque Optime VVORMIO, vt videbitur, ita agito, ac pergito me tibi penitus deuinctum amare. Vale, Parisiis, postrid. Eid. Iul. M. DC. LII.

*Clarissimo, Doctissimoque Viro D.  
IOANNI HEVELIO, Dantiscano  
Consuli, Amico plurimum col-  
lando,*

PETRVS GASSENDVS S.

*Viro Clarissimo, & Amico Optimo  
OLAO VVORMIO, Doctori  
Medico, & in Regia Hafniensi Aca-  
demia Professore Celeberrimo,*

PETRVS GASSENDVS S.

**E**N iam tandem, Optime VVORMIO, Tychonis Brahei vitam editam, cuius ad te mitto aliquot exempla. Quas provideam fore moras, & re ipsâ intercesserunt; & cum Bibliopola noluerit exemplum ipsius vlum distrahi, quin alia simul opuscula typis coherenter commissa prodirent, non licuit vlum ante mensẽ, quod transdi ad te posset nancisci. Nactus porro distuli huc vsque, quod Patinus noster accessum sperans in dies præclarum Bartholinum ex Italia, expectandum censuerit, donec cum libris ab eo coactis hæc ad te exempla destinarentur. Nunc, cum possit præclaro Viro iniecta esse temora, quæ incertum reditum faciat, ipsæque pudore quodam obruar, quod non mature satis exhibeam istud qualecumque meæ erga te gratitudinis specimen, dum aliam vestræ occasione quæro, offert se mercator amicus, qui recipiat se fasciculum abs me acceptum Amsterodami mittere, vnde ad te porro Hafniam transmittatur. Bonis itaque auibus fasciculum ipsi committo, apprecorquæ vt tuas in manus & tutò, & quam primùm perueniat. Exempli in eo quatuor comperies, quorum tibi vnum nominibus multis debitum vt habeas, haberèquæ velis te quæso. Alterum erit, quo liberes fidem erga illum quemcumque, abs quo obtinuisti quod dignatus es ad me mittere Orationis funebreis in laudem Tychonis habitæ exemplum. Tertium dari exopto per-illustri Retzio. Ipse est solus, quem attinentem ad Braheanam familiam mihi esse notum contingit, quare & iute eum deligo, cui meum erga illam obsequium, affectumque testatum faciam. De postremo quid factum velim, vix ausum tibi dicere; vt dicam tamen ipsum addo, vt si, vbi Apostrophen illam ad Regem Serenissimum, qua Tychonis vitam vt concluderem in mentem venit, pellegeris, reputes rem sacræ eius Maiestati non displicituram, habeas ad ma-

**E**Vantum me tuæ literæ, Suauissime HEVELI, recreauerint, dici facile profectò non potest. Nempe & te esse incolu mem, quem grauitèr adèd laborare inaudieram; & me abs te semper anari, quod duco sanè maximi, ecquid potuit esse iucundius? Nihil iam, cum tuas accepi, typographicarum circa Tychonis vitam operarum supererat; at Bibliopola certo consilio, ipsam, ac vnâ Copernici, Peurbachij, & Regiomontani vitas non prius euulgari, quàm alia quædam opuscula simul ederentur, expetiit. Quare & vel hac occasione paulò seriùs accipies, quod ad te exemplum destinatum volui. Et Bullialdus quidem noster etiam expectandum censibat, quo vsque tempora Eclipsion proximi mensis forent transacta, vt simul, si quid obseruatum à nobis foret, perscriberetur. At quia vestræ librorum ambages nimis longæ sunt, idèd auertendum duxi, commissurisque statim sum mercatori fasciculum, qui ipsum amico Amsterodamensi commendet, vt inde ad te Dantiscum transdat. Fortassis quoque priusquam ipsum cum his literis habeas, dandas posterius alias accipies. Erit porro præter exemplum, quod vt tibi habeas pro votis mihi est, etiam aliud, quod quæso te, vt optimo Eichstadio, quem terque quaterque resaluto, tradas. Egrè me porro ad editionem opellæ huius accinxeram ob factam à Keplero spem; nunc cum aliud ipsi consilium infedisse significes, minis pœnitet operis suscepti. Doleo & ipse cum tui causâ, tum Artium ingenuarum gratiâ concessisse eximium Linemannum fati. Plura Deo propitio, proxima occasione. Tu interim bene, imò optimè Vale, Parisiis, postrid. Eid. Iul. M. DC. LII.

*CHRISTINÆ, SVECORVM RE-  
GINÆ Serenissima, Potentissima,  
Sapientissimaque,*

PETRVS GASSENDVS

*Evdæni.*

**E**GINA SERENISSIMA,  
Ruri versor, dum ecce audio Piquetum,  
& Fraxineum, vt tuam Maiestatem Antuerpiæ  
E c 3 conueniant,

conueniant, die proximo discessuros. Itaque, ne eorum dumtaxat sermone, sed meis etiam literis, quanta semper tuæ Maiestatis veneratione teneat accipias, pauculos hosce versus do ab illis ad te perferendos. Facio videlicet ne meo ex silentio fortè conicias non satis magni ducere me præclarum illud facinus, quod tanto consilio aggressa, tanto animo exsequuta es. Profectò enim demiror potiùs potuisse vel cogitationem ipsius subire in Fœminæ mentem; & hac iuuenili præsertim ætate, rebusque adeo prosperis. Sed oportebat nimirum te, dum sexum, ætatem, sortémque supergredieris, insolitum quidpiam, ac omni expectatione maius moliri. Tale verò omninò fuit, pro nihilo habere, ac ram vitro deponere Coronas, Sceptra, Imperia, quibus haberi nihil solet in hominum votis sublimius, ad quæ obtinenda, tuendaque, iure, iniuriâ, dolo, vi, ferro, flammâque passim certatur. Ac facile quidem illud commendatur, quod dictum est olim, *Diadema rem esse ponderosam adeò, spinisque adeò intertextam, ut qui saperent, si humi iacens occurreret, ne attollerent quidem*. At vix tamen vnus & aliter summorum Principum memoratur, qui dictum factò probauerit, cum sponte Diadema abiecit. Sed & cum tam rara hæc existent exempla, tanto sanè magis tuum istud erit admirationi Posteris, quanto satietatem regnandi sola tibi ratio, non longæuitas fecerit. Gloriosius poterat videri, in salutem Gentis, subditorumque populorum tuam istam regnandi industriam, sapientiamque impendere, & quam illis gloriam, beatamque tranquillitatem quæsieras, toto porò vitæ decursu tueri; verum & prælarè illis consuluisti, cum eum dedisti successorem, qui id præstare eximiè posset: & te quod attinuit, tot iam editis Regiminis tui egregiis speciminibus, censuisti Tibi esse viuendum. Quamquam verò id factum varij interpretetur variè, ipse esse securus, quantum in me est iubeo, te ea pollere & sagacitate ingenij, & maturitate iudicij, & celsitudine animi, vt tameris nondum in tua perituri consilia, tempus tamen sit illa haud-dubiè quam-optima demonstraturum. Et non potes sanè, quæ tua est Virtus, non sapientissimè prospexisse, quam deinceps vitæ rationem institueres, sectarèrisque; neque non persistere in proposito constantissimè decreuisse: quippe alia tibi profectò mens est, aliùsque vigor animi, quàm vt quidquam committere non satis dignum tua hac Virtute, quæsitâque gloria sustineas. Sat siquidem nôsti, tameris curandum non esse admodum videatur, quid de nobis sentiant, loquanturque cæteri, dum nobis probè conscij sumus; debere tamen bonam famam, vel eo nomine esse nobis caram, quòd in societate degentibus felicitatis partem faciat, bene apud omnes, bonosque & Sapientes præsertim, ex quo veneratio & caritas consequitur, audire. Cùmque id non ex vna solùm, altera-ve actione assequamur, sed ex omnium serie, & constantia; idcirco esse operam dandam, vt Vita tenore quodam æquabili degatur, ac tota secum ipsa consentiat. Quin-etiam, cùm in eo, quod superest æui, quodque Tibi vt longissimum, sic

felicitissimum apprecor, incidere plurima valeant, vt res nempe Mortalium sunt, quæ inducere posse aliquam facti pœnitentiam videantur, non hæreo, quin Te ita comparâs, vt dicere cum illo possis,

*Omnia percepi, atque animo mecum ante peregi:*

adeò proinde vt effecta omnibus Fortunæ casibus superior, generosè semper, hoc est intrepidè, & pari passu sis incessura. Felicem te certè, quæ viurpare illud Metrodoreum valeas, *Occupari te Fortuna, atque cepi, omnesque aditus tuos interclusi, vt ad me adspirare non posses*. Hoc est quòd voueo, ô REGINA, nominibus hæcenus multis longè incomparabilis, vt qui sequentur intelligant fuisse te velut dono quodam Providentiæ genitam, in quo totas vires suas summa virtus experiretur. Vale. Dabam Menilij San-Dionysiani, è Castro Illustris Mon-morij, qui ipse quoque tuæ Maiestatis reuerentissimus semper est, x. Kalend. Septembris, M. DC. LII.

*Clarissimo, Doctissimo, Amicissimoque  
Viro D. IOANNI HEVELIO,  
Dantiscanæ Reipublicæ Consuli,*

PETRVS GASSENDVS S.

**S**cripsi ad te, Clarissime HEVELI, circiter Eidus Iulias, transdens ad te duo exempla editæ hæc à me Tychonis Braheï Astronomorum Coryphæi Vitæ, cum subiuncta vita vestratis illius incomparabilis Copernici, summorumque etiam virorum Peurbachij & Regiomontani. Mens scilicet fuit, vt vnum exemplum tibi haberes, alterum optimo Eichstadio communi nostro tribueres, cum nunciata à me plurima salute. Vereor ne nondum fasciculus tuas in manus peruenerit. Destinatus enim nauigio Amsterodamum ad mercatorem fuit, vnde rursus uani Dantiscum discessuræ committeretur. Vtcumque sit, sat bene erit, si ad te vsque tandem pertingat. Quod recepi porò illis literis communicare tecum, si quid circa tam Solis, quàm Lunæ Eclipses superioris mensis obseruare concederetur, id fidem liberans, iam præsto. Adiungo nempe hæc vtriusque Obseruationis qualiscumque exscriptum, quod etiam vt commune habeas cum optimo Eichstadio te rogo. Quia ruriadhuc versor, ipsum ad nostrum Bullialdum do, vt cum proximis, quas ad te scribet literis, transmittatur. Tu bene semper Vale, Clarissime HEVELI, & optimum illum meo nomine saluere semper quam-plurimum iube. Menilij San-Dionysiani, Kal. Septembr. M. DC. LII.

PETRVS GASSENDVS,  
SORBERIO Suo, S.

**M**Ox vt tuas literas accipio, & ne quidquam morer tabellarium, pauculos hosce versus do, ac simul conscribo, quod ad Præsulem illustrem exigis Epistololum. Non tanta mihi

mihî erat cum eo, ut illud auferem, familiaritas, verum de te cum agitur, quis esse pudor, aut modus possit? Exopto solum ut hoc meum officium non sit nequicquam. Acceperam iam quod egregiæ ad præclarum Pecquetum Epistolæ exemplum ad me dederas, verum ut gratias agerem nondum fuerat facta occasio. Facio iam, ac testor me fuisse ipsius lætione maxime delectatum. Doleo dumtaxat abfuisse me, neque factum vobiscum testem singulatis experimenti; doleo & sortem si vos fortassis discere sitis ante Remigialia; quippe id solum circiter tempus reperiturus Urbem sum, ac mihi aded frustra erit, quam ille erga me gerit voluntatem. Et memini quidem me alicubi mentionem fecisse raræ observationis, cum Bernerius noster Monspelij degens, quid id rei foret ante treis annos significasset: at suavisimum longè esset rem oculis hauritam narrare, ac simul Authorem facere commendatum. Nisi iam liceat, licebit fortè alia occasione beatoribus esse. Recreatus mitificè fueram, cum tuam legens Epistolam, viderem factam veteris, per-carique Amici Bornij aded luculentam mentionem (dudum quippe erat; ex quo nihil de eo inaudieram) nunc verò summè beasti me, cum certum fecisti tuis literis, & meminisse illum mei, & nunciassè quoque plurimam salutem. Quæso tu illum nomine meo salutata quam-plurimum, & cura ut intelligat hæc se mihi semper in medullis. Saluto verò etiam quam-plurimum optimum Pecquetum. Te quod attinet, quàm tuus sim nōsti. Vale. Menilij San-Dionysiani, xv. Kal. Octobr. M. DC. LIV.

*Admodum Reuerendo, ac Erudito Viro,*  
IOANNI LVDOVICO CASTA-  
NEO, Canonico Sistaricensi,

PETRVS GASSENDVS S.

**P**Ergratum fuit nuper, cùm è graui morbo incipiens conualecere, tuas accepi literas superiore Decembri datas. Factus iam vicumque lætioni, scriptionisque quàm tum forem, patientior, pauculos hosce versus reponeo, tum ut significem literas fuisse mihi à præclaro viro, Cognato tuo redditas; tum ut Regioni nostræ gratuler, quòd tu in ea exoriare, cui de meliore luto præcordia Titan finxerit. Equis enim, amabo, est alius, qui studia ingenia seclatur; ita vulgò sunt omnium animæ in Terras curæ, & Cælestium inanes? Tu sanè tanto es laudabilior, quanto in ista barbarie, interque has, quas dicis cautes, ex te ipso emergis, factisque *ai redi hant*, contentus es tibi canere & Musis. Quod tuæ illius Præfationis adiunctum voluisti literis exemplum, non sine voluptate pellegi; agnoui nempe diligentiam, industriamque adhibitam in toto opere contentendo. Itaque dum præstes ea, quæ pollice- ris, præstare autem non dubito, author tibi sum, ut te compares ad ipsum edendum. Tametsi enim deinceps occurrat, quod correctione indigeat, id tamen curatum erit poste-

riorum, quæ nunquam fient maturiores, nisi crudiores præcesserint. Nihil initio perfectum est, neque haberemus magnorum Virorum consummatissima Opera, nisi illi coepissent à rudioribus, quæ deinceps castigantur. Aude igitur, & te quoque dignum Deo finge;

*— tentanda via est, quæ te quoque possit  
Tollere humo, victorque virum volitare per  
ora.*

Mihi certè nunquam erit quidquam gratius, quàm videre te, ut virtute eximium, sic famâ conspicuum, & nomen id longè apud externos propagantem quod Patens, germanusque iam in Patria clarum fecerint. Vtrumque saluto, ac ipsis, tibi que omnia prospera voueo, approcorque. Vale, Parisiis, iv. Kal. Febr. M. DC. LV.

*Viro longè Clarissimo D. IOANNI*  
HENRICO BOCKLERO,

PETRVS GASSENDVS S.

**M**Ultum est, quod Equiti illustri Scipioni Scaligero aliis nominibus debeo: at illud sanè plurimum est, quòd eius officii te Amicum debeo. Id ego verò non promerebar, ut tu meam (quod loqueris) ambres amicitiam; meum potius erat, ut si quibus possem obsequiis demereret tuam. Sed nempe addecebat, ut hoc erga me humanitatis specimen, Vir humanissimus, exhiberes; hoc est, ut me anteverteres, sicque eâ gratiâ prægrauares, quam ego pensare, nisi referens, atque aded factus inferior non possem. Quod itaque mihi reliquum fecisti, id vnicè amplector, ut scilicet gratias quam-maximas possum pro oblata mihi tua amicitia referam, & quam prior, vltroque debui, reciproce offerens, tester eam fore semper cum omni, quantum per vires dabitur, officij genere coniunctam. Videri possem tardius rescribens in hoc ipso præstando signior, verum causa fuit grauissimus morbus, per cuius vigorem fuisse ad me tuæ literæ perlata. Quippe & iam post vnum, alterumque mensem ægrè ab eo conualeceo, ægrèque possum quidpiam serium aut meditari, aut scribere. Pauca hæc proinde iam habe, ac Vale. Dabam Parisiis, 111. Kal. Febr. M. DC. LV.

CHRISTINÆ, SVECORVM RE-  
GINÆ *Serenissimæ, Potentissimæ,*  
*Sapientissimæque,*

PETRVS GASSENDVS  
Εὐαγγελίου.

**R**EGINA SERENISSIMA,  
Non ea sanè mihi, ad tuam Maiestatem nuper scribenti mens fuerat, ut responsum elicetem, quo me es donare dignata; id volueram solum, ut intelligeres non esse cum me, qui in Te, non tam Purpuram, Diademæque spectauerim, quàm generosam indolem, ac verè Regiam, summamque virtutem. Nempe qui ex-  
téma



terna illa suspiciunt, fortunam, non personam mirantur, ut si palam magni æstiment, non ipsam geminam in pretio habeant. Porro & quoddam iteratò scribo, facio dumtaxat, ut gratias agam ob eam, quam voluisti ipsa Tibi imperare rescribendi patientiam. Nimium quippe est, quoddam literæ meæ Tibi non prorsus ingrata sint, quodque meam probationem heroici facinoris loco habendam aliquo putes. Certè hoc ipsi quoque est immensæ illius tuæ bonitatis; cum propria facti conscientia Tibi abundè sufficiat, ac te habere eam debeas, quæ sis ipsa Tibi amplissimum theatrum. Et qui humanas quidem res, quasi ex quodam ergastulo, non tanquam è specula contemplantur, rem accipiunt præpostere; verum quid illi sentiant, Tibi curæ admodum non est, quando ij sunt, qui ad splendorem eximie virtutis non minùs caligant, quàm nocturnæ aues ad meridianum Solem. Quin præclarum est etiam, quoddam nihil moraris, sed pareris illos invidia distumpi, dum ea improbitate sunt, ut facta vel nulla, vel leuissima occasione, pro affectu suo rumculos spargant: secura scilicet cum sis nihil veritate esse potentius, & quod dies vna occultat, id aliam patefacere. Ac ipse quidem nullus harebam quin habenda in figmentis forent, quæ varia circumferebantur; sed suauissimum tamen fuit ex Piqueto addiscere quàm non lenes fuissent meæ coniecturæ. Perge itaque, ô SERENISSIMA, virtutem serò colere; sic enim ut vertex Olympi perpetuo in sereno degens hosce quasi nimbos, & rauca tonitrua non calcabis solum, verum etiam planè discuties, ac euascescens demùm coges. Quidni! cùm intelligens te maxima in luce versari, tam præclare agnoscas quid Tibi, quid societati hominum debeas, ut sinceram & intus mentem, & extrà famam tuearis. Quamquam & quod societati præstamus, eiusve causâ agimus, in nos quoque ipsos redundat; dum hac ratione eam mentis tranquillitatem nanciscimur, qua haberi non nos despectui, aut odio, sed venerationi, & amoris apud homines persentimus. Etenim quod videri quidem nonnullis incommodum solet Genium ita desiccare, ut quodammodo defraudetur; ij profectò haud-quaquàm eâ, quâ tua Maiestas, sapientiâ pollent; quando minimè peruidet deflexionem hanc fieri assuetudine adeò facilem, ut haberi pro indole possit, neque habendam potius esse defraudationem Genij, id agere, vnde aliqua molestia, pœnitentiâque sit consequutura. Et par est sanè, aut in syluis, extrâque commercium cum hominibus degere, aut in ipsorum societate versantibus illi ser-

nire, hoc est, quod cuique pro conditione decorum est, sic agere, ut gratia potius, quàm offensa pariat. Quo abrior tamen: quasi ipsa non sis, quæ omnium Mortalium optimè perspicias geri ab vnoquoque duplicem personam; & à Sapiente quidem vtramque, perinde ac si alteram solum ageret, sustineri. Age proinde ea semper, REGINA SAPIENTISSIMA, quæ sint & tua Maiestate, & præcellente illa virtute, qua hæcenus præfulges, digna; ut & æuum degas felicissimè, & nomen gloriosissimum, quod cepisti, in Posteris transmittas. Vale, Dabam Parisiis postridie Eid. Februarij. M. DC. LV.

*Viro Clarissimo, Doctissimoque D.  
IOANNI VALLISIO, S. Theologiae Doctori, & in Oxoniensi Academia Geometriae Professori Samliano,*

PETRVS GASSENDVS S.

**T** D non promerebar, Vir Clarissime, ut me cogitates, ac mei quam dignatus es, rationem haberes. Accepi & literas tuas humanitatis plenissimas, & quod adiunxisti exemplum præclaræ tuæ obseruationis Solaris Eclipsæ superioris anni. Verocè ne me, ut negligenter, sic immemorem beneficij putes, quod iam solum post quatuor menses, ex quo dedisti literas, debitas tibi referam gratias. Sic tamen res habet: fuisse illæ mihi ante paucos solum dies redditæ; ac eruditus Erasmus Raschius cùm eas traderet, testatur est tibi recens consignatas. Quod apposuisti destinatum ad nostrum Bullialdum exemplum, ad eum deferri illicò iussi; habebisque, quantum coniectòr, ab ipso etiam literas per eundem inueniem egregium Paulum, Terraharium cum hisce meis perferendas. Committo verò ipsi quoque, in compensationem aliquantulam tuimuneris exemplum meæ Obseruationis, cum eiusdem Eclipsæ, tum insequatur etiam Lunaris. Tantulum est, quo simile munus eximij Hevelij communis nostri compenſaui. De Eclipsi mensis Februarij nihil magis quàm tu, quod perscribam habeo; quando heic etiam nubes conspectum illius nobis præripuerunt. Quod superest, & me amare, qui te redamo, & de his studiis bene mereri perge. Vale. Parisiis, x. Kal. Iun. M. DC. LV.

*Atque hæc quidem sunt, quas Latine conscriptas recuperare potuit Amanuensis, Epistola.*

F I N I S

APPENDIX  
EPISTOLAS  
*AD*  
PETRVM GASSENDVM  
CONTINENS.

ALPHABETICALLY  
LIST OF

NEW GARDENS  
IN THE





# REGINÆ SVECORVM SERENISSIMÆ,

ITEM QVE

## Quorundam suorum illis adiunctæ, AD PETRVM GASSENDVM EPISTOLÆ.

Lettre de la Reyne de Suede  
à Monsieur GASSENDI.

De Stocholine le 25. Septembre 1652.



**V**OUS estes si generale-  
ment honnoré & estimé  
de tout ce qui se trouve  
de personnes raisonna-  
bles dans le Monde, &  
on parle de vous avec  
tant de veneration que  
l'on ne peut sans se faire  
tort vous estimer mediocreement. Ne vous eston-  
nez donc pas s'il se trouve au bout du Monde  
une personne qui se voit interessée à vous esti-  
mer infiniment, & ne trouvez pas estrange qu'elle  
ayt suborné vos propres Amis pour vous faire  
connoître qu'elle ne s'estoigne pas des sentimens  
de tout le genre humain lors qu'il est question  
de donner à vostre merite une estime non com-  
mune. Le reste infiniment obligée à celui qui  
vous a fait connoître une partie des sentimens  
d'estime que j'ay pour vous, & ie le suis d'au-  
tant plus, puisque ce bon office est un sur-  
croist des autres services qu'il m'a rendu, &  
encore que ie confesse de luy deuoir la resti-  
tution de ma santé, & de ma vie, & qu'il  
semble qu'après cela il ne se puisse rien ad-  
joûter à ce que ie luy dois; neantmoins, ie  
confesse que l'obligation de m'auoir procuré des  
asseurances de vostre estime, esgale tous les au-  
tres dont ie luy suis redevable. Aussi est-il vray  
qu'il est seul digne de se vanter de m'auoir  
procuré ce bien. Mais ie vous prie de me don-  
ner la satisfaction de la durée de nostre com-  
merce; & puis qu'il ne m'est pas permis d'espé-  
rer le bien de pouuoir en presence vous pro-  
tester mon estime, & bien-veillance, permettez  
au moins que mes lettres vous assurent des sen-  
timens aduantageux que ie conserveray toute  
ma vie pour vous, & que les vostres me puissent  
donner les confirmations de vostre bonne vo-  
lonté. Souffrez que mes lettres interrompent  
Epistolæ ad Gassendvm.

quelque-fois vos meditations, & vostre loisir.  
Je vous consulteray comme l'Oracle de la verité  
pour m'esclaircir de mes doutes, & si vous vou-  
lez prendre la peine d'instruire mon ignorance  
vous ne ferez autre chose sinon d'augmenter le  
nombre de ceux qui sçauent vous estimer digne-  
ment. Je vous prie de croire que j'observeray  
vos preceptes aussi religieusement comme l'on est  
accoustumé d'observer les dogmes de plus ce-  
lebres Legislaturs. Ingez après cela combien ie  
vous seray redevable des lumieres que me donne-  
ront vos belles connoissances, & croyez que ie ne  
seray iamais ingrate envers vous, & que ie veux  
cultiuer avec soin l'estime & la bien-veillance  
d'un si grand homme que vous estes.

CHRISTINE.

### AVTRE.

De Bruxelles le Januier 1654.



**D**VPIQVET vous dira com-  
bien j'estime les resnoignages de  
vostre esprit; vous m'avez obligé  
infiniment en me resnoignant que  
nonobstant le changement que j'ay  
fait de ma condition vous estimiez encore ma  
personne. Vostre estime me iustificera contre  
ceux qui blaïent mon allion, & vostre ap-  
probation me suffira pour me confirmer dans  
l'opinion que j'ay d'auoir bien fait. Conseruez  
moy vostre amitié, & soyez certain que dans  
l'indifferance que j'ay pour la plus-part des cho-  
ses ie ne puis m'empescher de m'interessier fort  
pour les sentimens que vous aurez de moy; &  
ie vous puis dire avec verité que vostre amitié,  
& estime sont du nombre des choses dont ie me  
passerois avec peyne.

CHRISTINE.

Lettre de Monsieur du Piquet  
Secretaire de la Reyne à  
Monsieur GASSENDI.

**M**ONSIEVR  
Le n'ay de temps que ce qu'il en faut pour vous reconfermer mes tres-humbles seruites, & pour vous dire que la Reyne à reçu vostre lettre avec ioye: Elle m'a commandé de vous assurer de son amitié, & qu'il n'y auoit personne au Monde qu'elle estimast tant que vous, ce sont les propres termes qu'elle m'a prescrit de vous faire sçauoir. Du reste vous pouuez bien croire, Monsieur, que vous aurez tousiours auprès d'elle vn tres-humble seruiteur en moy, & que ie vous feray reconnoître en toute rencontre que ie suis veritablement

Monsieur

Vostre tres-humble, & tres-obeissant Seruiteur

DVPIQVET.

AVTRE.

**M**ONSIEVR  
La Reyne m'a commandé de vous remercier de sa part de la lettre que vous luy auez escript, ie luy ay presenté moy mesme, & vous puis assurer que la ioye qu'elle en a tesmoigné estoit tout à fait extraordinaire, elle me parla si auantageusement, & avec tant d'estime de vostre personne, qu'il seroit mal-aisé d'en parler plus dignement, si elle n'auoit esté empêchée par l'arrivée de l'Archiduc, qui luy a rendu visite avec grande ceremonie, elle n'auroit pas manqué de respondre à la vostre, ce sera par le prochain Courrier selon qu'elle m'a ordonné de vous en escrire, voila ma commission, & voicy

Monsieur

Vostre tres-humble, & tres-obeissant Seruiteur

DVPIQVET.

à Anvers ce 11. Septembre 1654.

Lettre de Monsieur Bourdelot  
premier Medecin de la Reyne à Monsieur GASSENDI.

**M**ONSIEVR  
Ie vous escrins il y a vn mois & vous manday l'estime extraordinaire que la Reyne auoit fait de vostre lettre. Vous la connoistrez mieux par celle qu'elle

vous escript. Elle sera bien aise d'en recevoir de vous de temps à autre: Les preceptes moraux venans de vostre part seront tres bien reçeus, & si vous y mectez de la doctrine, de l'erudition, des obseruations de Physique, elle en serabien satisfaite. Nous nous efforcrons de nostre costé d'y respondre, Messieurs Bochart, Naudé, Du Fresnoie, Meybomius & moy, estudions fort & rasons de plaire par nos études à cette Reyne, qui est l'honneur de l'Vniuers. Iamais rien n'a esté de si esclairé, ny de si iudicieux. Monsieur Naudé vous en escript. Ie me remet à luy de toutes choses. Ie vous assureray seulement que c'est à la mort & à la vie que ie suis

Monsieur

Vostre tres-humble, & tres-obeissant Seruiteur

BOVRDELOT.

À Stocholme ce 17. Octobre 1652.

Lettre de Monsieur Naudé  
Bibliotequaire de la Reyne  
à Monsieur GASSENDI.

**M**ONSIEVR & meilleur Amy  
Ayant ouy dire aujourd'huy à Monsieur Bourdelot, que la Reyne nostre Maistresse à tous deux vous escriroit samedi prochain, j'ay esté ravy de deux choses, la premiere d'apprendre que sa Majesté eueue correspondance avec vous, car encore que ie luy en aye entendu souuent parler en tres-bonne estime, ie ne croyois pas neanmoins que la correspondance fust si bien établie; & la seconde d'auoir si bonne commodité de vous escrire pour vous faire sçauoir de mes nouuelles & apprendre des vostres. Peut-estre auez-vous esté bien estonné d'apprendre la resolution que j'ay pris, & effectué tous ensemble, de venir à Stocholme, où ie m'asseur que si vous & Monsieur de La Motte le Vayer pouuez venir aussi facilement que moy, ie ne tarderois gueres à vous veoir bien tost, puisque la Reyne ne manqueroit de vous y appeler. Mais comme ie ne sçauois que faire à Paris ou tout le monde me regardoit de costé à cause \*\*\*\*\* & qu'en mesme temps sa Majesté de Suede me pressoit par lettres de proprio pugno, à la venir voir, ie n'ay pas eu beaucoup de difficulté à m'y résoudre. Le voyage a esté de deux mois entiers, tout par terre & sans beaucoup d'incommodité. Pour la Mer ie n'ay pas mis vn iour entier à passer le petit & grand Belt & le Sond; les charriots qui nous ont amené iusques à Coppenhagen, & les cheuaux que l'on change de deux en deux mille de là iusques à Stocholme, qui est vne assez petite Ville, & que le feu a diminué de plus de deux cens maisons depuis mon arrivée. Pour lo pais il n'est point si aspre ny si facheux que l'on m'auoit persuadé. La Sanoie & les Suisses le font beaucoup d'auantage, & il y a tant de François icy que l'on trouue assez de quoy se divertir

uerir sans apprendre la langue. Pour des hommes doctes il y en a si peu, qu'exceptez Messieurs Bochart, Bourdelot, Du Fresnoie, Garde du Cabinet, & Meybomius, ie n'y en connois encore point d'autres. Mais s'oublie toutefois le suiet le plus considerable qui soit icy en cette qualité, sçavoir la Reyne de laquelle ie puis dire sans flatterie qu'elle tient mieux sa partie & ses confereces qu'elle tient assez souvent avec Messieurs Bochart, Bourdelot, Du Fresnoie & moy, qu'aucun de la compagnie; & si ie vous dis que son esprit est tout a fait extraordinaire ie ne mentiray point, car elle a tout veu, elle a tout leu, elle sçait tout, & elle en donne des preuues indiciueuses, & avec telle facilité de discours & force de raisonnement, que ie n'en auois pas congeu la moitié de ce que j'en reconnois maintenant. Et à vous dire vray, cela m'a fait apprehender que ce commun dire ne se verifie en elle,

*Immodicis breuis est ætas & rata senectus :*

Au reste quoy qu'elle tienne assez sa grauité en public, elle l'abandonne tout à fait avec nous, & ie ne la voy iamais en meilleure humeur que lors qu'elle a le loisir de nous auoir auprès d'elle. Mais ne croyez pas qu'elle soit seulement sçauante en ce qui depend des Liures, car elle l'est pareillement en Reinture, Architecture, Sculpture, Medaille, Antiquitez, & en toute autre chose belle & curieuse, & s'il y a un bon Ouyrier en ces Arts là, elle ne manque point de l'auoir auprès d'elle. En effect Monsieur Bourdon excellent Peintre arriva il y a cinq ou six iours de Paris: Et pour travailler en cire, en esmail, en burin, pour iouer du Luth, chanter la Musique, danser, &c. on le peut aussi bien faire icy qu'en lieu du Monde. Pour sa Bibliotèque de laquelle il a la conduite cum absoluto imperio, elle est tres riche en MSS. tant à cause de ceux de Monsieur Petau, que de Monsieur Gaulmin, de Monseigneur le Cardinal Mazarin, de ceux d'un nommé Stephanides,

de Raimus, & d'autres. Mais pour les Imprimeriez, il faut aduouer que l'on la pourra rendre beaucoup meilleure qu'elle n'est à present par la seule faueur de ceux qui en ont en le soin au parauant moy. Outre cela, elle a une Galerie de Statues tant en bronze qu'en marbre, de Medailles, tant d'or, d'argent, que de bronze, en pieces d'ivoire, d'ambre, de corail, de crystal travaillé, de Miroirs d'acier, d'Horloges, de Tables, de guises, bas-reliefs & autres choses non moins artificielles que naturelles que ie n'en ay iamais veu en Italie de plus riches. Reste les Tableaux desquels elle a aussi une merueilleuse quantité, & ainsi vous voyez que habet animi apertum ad omnia, Monsieur Du Fresnoie & moy sommes à la table de Monsieur Bourdelot laquelle est tres bonne, pour les Chambres on nous en prepare dans le Chasteau, & cependant nostre vraie est dans l'Hôtellerie avec un peu d'incommodité. Monsieur Bochart depuis cinq mois est aussi reduit à la mesme peine. Il travaille icy sur son liure de Animalibus Sacre Scripturæ, ou il mettra bien de l'Arabe. Monsieur Meybomius pretend de monstrier bien tost quelques fautes dans Euclide. Cætera turba silet. Pour moy j'ay assez d'affaires à ranger mes liures, à cause qu'il y en a beaucoup qu'il faut quasi tous les iours porter d'un lieu à autre, celuy ou ils doiuent estre à demeurer ne pouuant estre encore prest d'un an. Je vous baise tres humblement les mains, & suis à iamais

Monsieur & meilleur Amy,

Vostre tres humble, tres obeissant,  
& tres obligé Seruiteur

G. N. AVDE.

De Stokolme ce 19. Octobre 1652.

A l'heure que j'escriis, il fait beaucoup plus froid en France qu'icy.







ILLVSTRISSIMI PRINCIPIS  
 LVDOVICI VALESII,  
 DVCIS INCVLISMENSIS,  
 COMITIS ALENSIS,  
 LEVIORIS EQVITATVS  
 PER GALLIAS MAGISTRI,  
 ET  
 GALLO-PROVINCIAE PRO-REGIS,  
 AD PETRVM GASSENDVM  
 EPISTOLÆ.

LVDOVICVS VALESIVS  
 PETRO GASSENDO *Doctissimo,*  
*ac Carissimo Viro, S. P. D.*



VRE diutius agitaui,  
 Vir Eruditissime, si  
 tam exquisitis Episto-  
 lis Latinè responsum  
 darem. Pudote tandem  
 suffusus, more milita-  
 ri, & in procinctu, pau-  
 cis dicam quid censeo.

Præfulis tui vinculis aureis deuinctam, non  
 intueor mentem. Cunctator naturâ medita-  
 tur aliquid quod votis respondeat meis, for-  
 tassiss sodalium nobis vota conciliat, vt con-  
 secto negotio gratior ad me accedat cuius be-  
 neuolentiam scelere quærere non licet. Nepo-  
 tis ad Antistitem tuum missi reditum expecto  
 cuius contumacia tantis à me machinis op-  
 pugnabitur, vt supplices & victas manus co-  
 gamus cum tendere. Vale. Antipoli Idibus  
 Septembris 1639.

LVDOVICVS VALESIVS  
 PETRO GASSENDO *Ornatissimo*  
*Viro, ac dignissimo Dinia Pra-*  
*posito, S. P. D.*

VLtimis tuis eruditissimis Epistolis re-  
 spondere non erubesco. Campinio no-  
 stro catissimo Sphingem Antistitis tui mitto.  
 Si tamen tanta opus sit sagacitate vbi (magni  
 Alexandri more) nodum illum Gordium ense

liceat secare. Auctoritas illa Regia, cui nihil  
 potest resistere gladij tam inuicti Imperatoris  
 fungi munere debet. Non erit mirum cum  
 tam præclara gesserit Rex noster si Antistitis  
 tui mens ei se subiiciat, cui hæretici rebelles  
 inuicti cesserint. Quid donique boni augurari  
 nõ possum Petro illi Gassendo Musarum alum-  
 no cuius suffragium Theatrali planctu merito  
 præstat. Gloria non morituræ cupidine tactus,  
 stylo tuo immortalis ac ære perenniori, memo-  
 riam commendari meam permittas opto &  
 enixe rogo. Vale. Briniolæ 25, Septemb. 1639.

LVDOVICVS VALESIVS  
 PETRO GASSENDO *Viro eru-*  
*ditissimo, S. P. D.*

Optarem, Vir Doctissime, firmiorem in  
 hac Pronincia valetudinem, citius tedi-  
 res, & tardius à me discederes. Non est tamen  
 quod te terreat. Mundi sumus heic, sed non  
 omnes. Reuertere igitur velocius quàm aspa-  
 ragi coquantur. Nihil mihi rescribas attamen  
 ipe veni. Vale. Aquis-Sextiis 23, Aprilis 1640.

LVDOVICVS VALESIVS  
 PETRO GASSENDO *Viro eru-*  
*ditissimo, S. P. D.*

Escribo tibi mœrens ac laudans, disces-  
 sum desce, promotionem probo, didici  
 ex Roberto tuo carissimo, vt res tuz se ha-  
 bent: narrauit etiam Glandatenfis ille nun-  
 quam satis laudandus. Carissimus ille Abbas  
 Victoriz

Victoriæ Commendatorias has reddet literas quæ te admodum possunt iuare. Inuenies Campinij nostri epistolam, quam te absente aperui. Amicorum omnia communia. Ad Grassensem mitto, qui ratam afferat nominationem. Sanitiensem expecto. Nostras omisi lucubrationes. Vale, Amicos communes saluta & memor esto mei. Aquis-Sextiis 29. Ianuarij 1641.

LVDOVICVS VALESIVS  
PETRO GASSENDO, S.P.D.

**S** Peraueram, Vir Eruditissime, itineris narrationem. Cum iucundissimas accepi literas, quæ absentia dolore possunt lenire. Gratissimus ille Victoriæ Abbas summo te prosequitur affectu. Vinces patientiâ Antistitis Dinienfis duriciem, quam corrigere est nefas. Perge negotium prope cœpisti & cum licuerit amicitiam nostram vè eternam respicias, enixissimè rogo. Vale, Artis literatoris Decus & Ornamentum. Episcopo Augustodunensi Epistolam, quam scripsi, reddes. Aquis-Sextiis 26. Februarij 1641.

LVDOVICVS VALESIVS  
PETRO GASSENDO *Ecclesiæ  
Diniensis Præposito Dignissimo,*  
S. P. D.

**E**xponere non possum, Vir Eruditissime, quali affectus sum lætitia cum peractum negotium retulere ultimæ tuæ literæ, temporis fecisses iacturam, si tantis implicitus negotiis noctium tuarum lucubrationes coactus esses omnino deferere. Quotidie deperditur aliquid nostri, ad famam præcipua sunt dirigenda, quæ cum sit æterna, summo est appendenda studio. Quidquid agas Prouinciâ aspicias rogo, amicitia insolubilis memor. Vale literarum Decus. Aquis-Sextiis 12. Martij 1641.

LVDOVICVS VALESIVS  
PETRO GASSENDO, S. P. D.

**M**ltas & nuperas tuas accepi literas semper iucundas etsi breviores, negotiosum otium tuum diligo. Lucubrationes tuas nouo pumice polire non est opus. Fiam Amicum tuum beneuolentia semper prosequar, & quicquid optare poteris, peragere conabor totis viribus. Propriam delectationem utilitati publicæ libenter condono, dummodo annuâ sis contentus absentia. Vale, literarum Decus & Ornamentum. Aquis-Sextiis 26. Martij 1641.

LVDOVICVS VALESIVS  
PETRO GASSENDO, S. P. D.

**O**rollarium imposuisse negotio tuo libenter accepi. Explicite viues ponde-

roso iugo, vitabis Aulæ iter lubricum, Musis gratis dabis operam vilem, inferuies famæ & quieti, & quicquid accidat leuius erit, & iucundius. Ecclesiæ Gallicanæ onus hac tempestate grauissimum erit. Bellum imminens indurefcet semper, iter medium inuenire arduum est, inter abruptam contumaciam & deforme obsequium, optimam elegisti partem. Inceptis incumbere totis viribus, Amicos saluta, frequentius scribas oro. Vale literarum Decus & serues animæ dimidium meæ. Aquis-Sextiis 8. Aprilis 1641.

LVDOVICVS VALESIVS  
PETRO GASSENDO, S. P. D.

**E**xistimabam, Vir Eruditissime, epistolas meas esse silentio operiendas, & tu Amicis ignorantiam meam deregis, emendationem styli militaris expectabam, tu laudes in medium affer & robore suffusus sum. Quicquid tamen eueniat, studia proferam mea & Amico amantissimo omnia libentissimè aperiam. Sæpius rescribas rogo, & amicitiam nostram pactum salis existimes vehementer opto. Vale literatoris Artis summum Decus. Aquis-Sextiis pridie Kalendas Maias 1641.

LVDOVICVS VALESIVS  
PETRO GASSENDO, S. P. D.

**N**on est quod Antistitem tuum pertimescas, multa promisit & illis stabit. Negotiorum isti dies Bellonæ dicati totum penè nostrum dirimunt commercium, in plagam nostram Orientalem excurrere cogor. Quicquid eneniat semper tuus ero, & tu meus, epistolas sæpius exarare necesse est, & absentia diuturniorem negotiorum leuare. Studia negligentius colo. Musæ te absente sunt frigidiores. Quid denique amplius dicam aut literis aut animo præsens esto. Vale delicia meæ & totum literatoris Artis Decus, & Ornamentum. Tolonæ 3. Iunij 1641.

LVDOVICVS VALESIVS  
PETRO GASSENDO, S. P. D.

**M**ltæ tuæ literæ, Scientiæ plenitudinem redolere videntur. Quæ quidem iucundissimæ, cum in medium proferant argumenta non communia, Veteris Scholæ iter tritum non sequeris; altum sapis, & nihil vulgare concipit illud magnum ingenium, cuius acumini resistere non possunt huius tempestatis Philosophi antiquitatis amantiores. Sed cum de veritate agitur, non est quod Aristotelis aut Platonis sumus studiosi, dummodo ad questionum claritatem via non vulgari peruenire liceat. Vale literatoris Artis Decus, & Ornamentum. Tolonæ 17. Iunij 1641.

LVDOVICVS VALESIVS  
PETRO GASSENDO, S. P. D.

**V**ltimis tuis epistolis respondere non potui, diuersis rumoribus agitatus, infinitis implicitus negotiis, non fui mei iuris, ciuitatem istam quotidie peragro ex infirma, munitam reddere cupiens, ex nihilo, nihil sit, eius est creare cuius est seruare, illique vni contigit perfectio, cui inest summa potentia, ex præiacente materia licet nobis operari, & cum omnia desint *ἐνταῦθα* inconcussa manet. Vale. Tolonæ 15. Iulij 1641.

LVDOVICVS VALESIVS  
PETRO GASSENDO, S. P. D.

**E**go & perlego suauissimas & doctissimas literas, quibus respondere non concessum mihi. Aquas-Sextias proficisci coactus fui, & subito Tolonam repetij munitio- nibus nostris operam daturus. Nunc Antipolim cogito. Semper in itinere. Vinam labor iste quietem nostræ Prouinciæ dare posset, illi indefessè incumberem. Fallor equidem. Primo tantum morori licet non moueri, cætera caduca mortalia, & fluxa sunt, vera vir- tus immota. Hanc opto, sed non possideo, etsi instillare coneris totis vitibus vltimis illis epistolis mirâ doctrinâ plenius, symbolum tuum populi plaufibus anrepono. Vale. Tolonæ 5. Augusti 1641.

LVDOVICVS VALESIVS  
PETRO GASSENDO, S. P. D.

**E**pinicium, canis, Vir Doctissime, vltimis epistolis. Lucuosa quidem fuit Victoria & Cadmi, sic fæuet fortuna voris Regis nostri piissimi, qui bellum civile nascens, clementiâ clausit, & ignoscendo transiegit. Ad- uenit iustum pacis tempus & quietis quod nobis accessere per nostra non licet peccata. Rariùs rescribo ob continuas equitationes, cum tamen nihil de amicitia remittam, quæ te præsentem inuisere optat & rogat. De re- ditu cogires moneo & monebo. Vale literarum Decus & Ornamentum. Epistolam his versibus finire sinas, quæ mihi frigidissimo Poëtæ exciderunt. Briniolæ 19. Augusti 1641.

In Sedani Pugnam,

*Occidit fortuna Ducem Martemque re-  
pressis;*

*Hostibus ecce suis palmam Rex prapripit  
ense.*

PETRO GASSENDO  
Celeberrimo, LVDOVICVS  
VALESIVS, *Εὐδοκίῃ*.

**V**ltimis epistolis tuis semper iter faciens respondere non potui. Nunc omnem amitto ratiocinationem negotij tui disrupti

dolore tactus summo. Non est quod animo despondeas. Nihil perdidisti, fortuna quod fui erat iuris accepit, reliquit quod tuum est. Ingenium altum, amœnum, omnibus ornatum vir- tutibus. Constantiam & animi demiror tran- quillitatem, negotium veluti alienum narras mihi & vultum, frontemque hilarem præferre videris. Rationi consentaneum est vitium tanto genio præditum, inuicem temanere. Quicquid acciderat, semper ero tuus & tu meus, & in ista animarum mixtura corporis etiam bona volo esse communia, vt ere facultatibus meis vt tuus. Vale. Adiciam versum frigidissimum & corol- larium brevis istius epistolæ qui Galliæ nostræ felicitatem, Castellæ redi infortunium satis denotat. In Castro Luci 16. Septembris 1641.

*Gallia fert laurum, gestat Castella cupressum.*

PETRO GASSENDO  
Eruditissimo Viro, LVDOVICVS  
VALESIVS, *Εὐδοκίῃ*.

**V**ltis de nominibus tibi debitor sum, sed vltimis non potui citius tuis respondere epistolis, accepi exemplatia & Domino Ba- roni de Riano commisi absente Valaëchio. Carmina retinui. Non est mirum Illustrissi- mum nostrum Cancellarium erga te esse bene affectum. Amor ille è fama tui procreatus inti- ma cognitione fiet maior, eximia illius Viri bonitas & singularis eruditio nullam patietur iacturam. Musæ à Gallia recederent si tantum alumnus neglectum Magnates sinerent. Mem- or esto mei semper & in æternum Vale. Aquis-Sextiis 9. Octobris 1641.

PETRO GASSENDO  
Eruditissimo Viro, LVDOVICVS  
VALESIVS, *Εὐδοκίῃ*.

**S**ignificare mihi in quo sunt studia tua non est superuacaneum. Diligentiam tuam laudo, quæ te Lutetiæ vacantem immo- tari non sinit. Agnoscere beneficium & debi- tum persolvere idem est, Salutarum Amicum tuum benignè excepisse non est mirum. Eset quidem si nomini aut epistolis tuis aliquid de- negarem, absoluta illa potestare qua erga me vales sæpiùs vttere. Studia proferas tua nihil mihi iucundius. Vale literarum Decus, & Or- nametum. Aquis-Sextiis Idibus Octobris 1641.

LVDOVICVS VALESIVS  
PETRO GASSENDO, S. P. D.

**R**evi discis sicutus in procinctu scribo, non quidem militari, Tolonem cogito hospi- rio excepturus Legatos Lusitanos, quos Sum- mus Pontifex Hispanorum minis territus non vult admittere, quamuis armatus, timet iner- mes. Duci Parmæ bellum vt ediscere potuisti, intulit. Generosos alit spiritus & gerit. Vlti- mum epistolium de Epicuro verba facit. Stu- diorum obiectum non est commune, ingenium tuum redolet amœnum quidem illud, & huius temporis



temporis auribus accommodatum. Vale literarum Decus, & Ornamentum. Aquis-Sextiis 9. Nouembris 1641.

PETRO GASSENDO  
LVDOVICVS VALESIVS,  
Εὐλογεῖν.

**M**Orum ac Epicuri vitæ nudam ad me misisti narrationem hisce tuis vltimis epistolis. Antiqui Philosophi Apologiam suscipis qui certe prosperam sui non reliquit memoriam ob infensorum philosophantium inuidiam potius quam ob tanti viri culpam. E tumulo eum exfuscitas, & Iulij Cæsaris more Marij imagines penè deletas iterum ostentas Orbi. Laborem tuum laudo, rem non vulgarem aggredieris. Operi insta & quidquid agas Prouinciam semper adspice. Fieri non potest quin in me oculos conicias. Vale literarum Decus & Ornamentum. Tolonæ 18. Nouembris 1641.

LVDOVICVS VALESIVS  
PETRO GASSENDO, Εὐλογεῖν.

**P**usculum, Doctissimi Viri, nomine Macedonis Lusitani ad te mitto, Patriæ ingenium redolet, & encomio meo suppleto, nihil in eo reperies culpandum. Legatis Lusitanis immixtus Italiam transfretauit, absentem te colit quem præsentem demitteretur si fata sineret. Atci Monæci oculos infixos teneo donec ex omni parte munita remaneat. Corbonem nostrum videbis cuius ope tantum confeci negotium. Obtusescunt Genuenses, Hispani desperant, vicini Nicæni totis artibus contremiscunt, Itali optatam libertatem possunt respicere, vti nam & resipiscant. Vale literarum Decus & Ornamentum. Antipoli 16. Decembris 1641.

PETRO GASSENDO  
LVDOVICVS VALESIVS,  
Εὐλογεῖν.

**E**Picuri causa etsi optima non minore indigebat Patrono, seu præualeant illucita, siue consuetudo illa inueterata, quæ tanti viri memoriam dilacerare non desistit. Illius zui Philosophi Epicurum summo odio sunt prosequuti. Posteriores autem natorum opinionionibus excœcati tanquam Pedarij Senatores anteambulonum sententias pertinaciter sunt amplexi. Huius verò temporis philosophantes Christianis imbuti dogmatibus, Epicurum inauditum damnant, tempora non distinguentes. Abundè omnibus fit satis, dummodo absit liuor & assentatio. Et veritas elucescat tuis fulta doctissimi scriptis. Vale literarum Decus & Ornamentum. Antipoli 30. Decembris 1641.

PETRO GASSENDO  
Eruditissimo LVDOVICVS  
VALESIVS, Εὐλογεῖν.

**P**usculum ad te peruenisse admodum lætor, Macedonem Lusitanum summa laude prosequeris, dignus est cui tuo patrocinari suffragio non delinas. Romæ degit antiqua illa lustrans ædificia, quorum vestigia tantum restant, & Romam Romæ quærens quam non inueniet. Caduca sunt & mortalia omnia. Fama verò æterna, huic vni inferuire tentas vt mihi videtur. Festis enim diebus sacris hymnis operam dedisti, quæ amicum illud ingenium redolent, antiquis par Philosophis, & huius temporis multò elatius. Vale, & in æternum viue, sic annum inchoare decet, & Varronem nostrum Gallicum fanstis demonstrare acclamationibus. Antipoli 6. Ianuarij 1642.

PETRO GASSENDO  
Doctissimo, LVDOVICVS  
VALESIVS, Εὐλογεῖν.

**P**atrum testimoniis satis fulta Epicuri vita tuo tantum indiget. Quod quidem theatralibus acclamationibus iure antepono. Petreskij vitæ torus perlegendæ incumbit, tanti viri mores, studia, omnium capax ingenium satis demirari non possum, laudarem quidem si ignotum alloquerer, simplici tua narratione præfulget. Redium meum superioribus literis significauit. Vale literarum Decus & Ornamentum. Aquis-Sextiis 19. Ianuarij 1642.

PETRO GASSENDO  
Viro Eruditissimo, LVDOVICVS  
VALESIVS, Εὐλογεῖν.

**V**re ac meritò de me quæri posses si diutius silere tentarem. Humanitas tua desiderium meam solet excusare, Eminentiissimi Cardinalis à Lugduno è Prouincia discessuri aliquot diebus comes fui, tanto Præfili satisfacere lubens conatus sum. Nunc in procinctu Aulam inuisum vltimis epistolis paucis respondere cogor, tuam ad me scribendi materiam nouam admodum probans. Epicuro tuo vltimam imposuisti manum, Opus difficile & à multis oppugnatum, sed à te egregie defensum, Philosophiam tuam deinceps expecto quæ tota tui iuris est rationationemque solam respicit. Vale Musarum Decus & Ornamentum. Aquis-Sextiis 8. Februarij 1642.

LVDOVICVS VALESIVS  
PETRO GASSENDO, Εὐλογεῖν.

**V**ltimum epistoliam, omnino Philosophicum, lubens accepi, sententiam darem, si liceret alloqui Petrum illum Gassendum

dum Varronem Galliarum, satis est respondere silentio, & Virum demirari Antiquis Philosophis parem. Aulam nunc cogito & Solis nostri radiis illustrari. Præsentiam tuam exoptarem, sed illam tantis tantæ Urbis inuidere viris pertimecerem. Vale Musarum Decus & Ornamentum. Aquis-Sextiis 18. Februarij 1642.

**LVDOVICVS VALESIVS**  
PETRO GASSENDO, Εὐλογεῖν.

**M**irimis epistolis Aulæ immixtus respondere non potui. Antiquam *συσχῆμα* à mortuis mihi videris exsuscitasse. Opus magnum aggrederis quod breui ad summum perfectionis feres fastigium, modò non despondeas animo, doctis gratus eris, indoctis grauis & omnibus ritè philosophantibus ira acceptus, vt nihil vtilitati publicæ addi posse videatur. Mortalitem superasti & famæ non morituræ probè consulasti. Vale Musarum Decus & Ornamentum. Aquis-Sextiis 11. die Martij 1642.

**LVDOVICVS VALESIVS**  
PETRO GASSENDO, Εὐλογεῖν.

**E**riem antè natorum Philosophorum vltimis tuis accepi epistolis. Respondere non potui Aulæ immersus & Arelatensis ciuitatis moribus intentus. Omnia seruiliter pro dominatione. Istius vrbis Nobilitas diuisa primum occupare locum in Comitibus totis conatur viribus. Pacatam relinquo quam rumoribus implicitam inueneram moerens. Musæum nunc inuiso, Epistolas tuas sollicitè expectans donec præsentia frui liceat. Vale Musarum Decus & Ornamentum, & necessitudinis nostræ monumentum grato animo accipias, oro. Aquis-Sextiis 25. Martij 1642.

**PETRO GASSENDO**  
*Eruditissimo* LVDOVICVS  
VALESIVS, Εὐλογεῖν.

**P**hilosophiæ partitionem continet vltimum epistolium. Nihil est in Antiquis quod non inuestiget prudens illa sagacitas, cui res nulla incomperita. Melius philosophatus est Epicurus, qui vnicam tantum probauit Ethicam, quæ circa nostros versatur mores. Quid enim vtilius quàm sibi consulere? quid magis necessarium, quàm vitam illam caducam, fluxam, & mortalem ita dirigere vt ad æternam perueniat felicitatem, & summa animi possit frui voluptate? Aliis frustra præluere studemus si tenebrosa caligine nos obrai sinamus, Operi Philosophico tantæ vtilitatis, vltimam impone manum, Et magnæ vrbis immixtus deliciis Amicum absentem nunquam mandes obliuioni. Vale Musarum Decus & Ornamentum. Aquis-Sextiis 8. Aprilis 1642.

**PETRO GASSENDO**  
*Eruditissimo* LVDOVICVS  
VALESIVS, Εὐλογεῖν.

**M**irimis tuis occurrere epistolis citius non potui multis distentus negotiis. Episcopum tuum mitiorem experieris, nihil est quod pertimescas. Mihi videris in postremo epistolio antiquam Philosophiam à mortuis auocare. Dialecticam Platone verustiore non fuisse enarras, illam optimè Rhetoricæ consocias. Prima enim differendi, altera bene dicendi Artes edocent. Vtraque nihil vtilius; differere & probè eloqui non nisi magnis viris licet. Heroës ipsi vt rectè ais, eloquentes fuere, & quicquid contra audeant huiusce temporis otiosi adolēcentes. Militiam Musis excultam satis laudare non possum. Vale Musarum Decus & Ornamentum. Aquis-Sextiis 20. Aprilis 1641.

**PETRO GASSENDO**  
*Vero Doctissimo* LVDOVICVS  
VALESIVS, Εὐλογεῖν.

**E**t si in Gymnasio tractentur quæstiones illæ Dialecticæ, quas vltimum profert epistolium; ita obscurè tamen à Magistris tractantur, & cum tanta breuitate vt Scholastici sepius ignari aut confusi ludum deferant literarium. Eget memoria adminiculis, ingenium humanum exercitatione, vir denique bono duce, qui ipsum ad illam Philosophiæ summam euehat perfectionem, quæ nisi studio & lucubratione acquiri non possè iure videtur. Opus quod aggressus es omnibus est vtile, sed potissimum mihi cui carissimus es. Vale Musarum Decus & Ornamentum. Aquis-Sextiis 6. Maij 1642.

**PETRO GASSENDO**  
*Eruditissimo* LVDOVICVS  
VALESIVS, Εὐλογεῖν.

**A**ucis plura refert vltimum epistolium. Aristotelis Dialecticam naturæ genij ante oculos ponis ex omni parte perfectam et si breuem. Arte eximia claritati & breuitati laudes, etsi difficile sit. Non est equidem mihi omnino incomperita Aristotelis Philosophia, sed tamen enarratio illa mihi fuit gratissima. Et labori grato non incumbit quisquis alterius commodò insinuare iure videtur. Vale Musarum Decus & Ornamentum. Aquis-Sextiis 20. Maij 1642.

**PETRO GASSENDO**  
*Eruditissimo* LVDOVICVS  
VALESIVS, Εὐλογεῖν.

**M**irum est, Vir Eruditissime, Stoicos Philosophos nihil de inueniendi parte tradidisse, etsi ab ipsis exalta fuerit Dialectica: Ciceronis sententia multi ponderis est. Vellem equidem

equidem rescire rationes, quibus eximij illi Philosophi fulti, tam necessariam Dialecticæ partem neglexere. Omnis ratiocinatio, ut mihi videtur, inuentione constat & conclusione, quæ quidem in Syllogismis tribus, in Enthymemathe, duabus propositionibus deducitur. Dialectica est ars differendi, quæ & inuentione, & aliis necessariis indiget. Hæc nescire tanti Philosophi non potuere. Ad te attinet mihi hanc enodare difficultatem. Vale Musarum Decus & Ornamentum. Aquis-Sextiis 25. Maij 1642.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**ltimis epistolis citius respondere non potui, immixtus Aula, eas legere & perlegere non destiti. Ludibrium fortunæ præ oculis habui, & experimento didici nihil esse tam fluxum quam famam non sua vi nixam. Gallia vel potius Orbis totius, iacentes duas columnas quotidie video, sed quid non video hoc potissimum tempore, in quo beneficia eo usque læta donec exolui possunt, sed si mulrum anteuenerit odium pro gratia redditur. Nihil tam sublime quod non cadat, nihil tam fixum quod non moueatur, & denique probitatis omnia peruia, ingratis omnia inuia. Et hoc satis. Vale Musarum Decus & Ornamentum. Tarascone 24. Iunij 1642.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**O**ra Gallia laborante. Non esset rationi consentaneum Provinciam nostram immotam manere & quiescere. In prociñctu scribo Antipolim petiturus Eminentissimum Cardinalem Rhodanum incolentem linquo sanitati restitutum, vltimas epistolas legi & perlegi. Antiquam Philosophiam ob oculos ponis ita clarè & distinctè, ut nihil desiderandum restet. Lucubrationum tuarum rationem semper reddas oro. Vale Musarum Decus & Ornamentum. Aquis-Sextiis 7. Iulij 1642.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**cet philosophari inter arma, leges non silent, ubi ratio est magistra vitæ, quid prodest homini, nisi sibi confiteri, & quomodo fieri potest nisi rationis ductu? Sophia igitur semper operam demus, Cæsares & Alexandri sub sapientiz insignibus totum deuicerunt Orbem. Epicuri criteria ratiocinatione tua protecta omnem superant difficultatem. Sententias cui plausum dedisti authori elegantissimo Cornelio Tacito remittere cogor, ne alienis plumis indutus reliquarum

autum fabula fiam. Aula nostra agitata nunc quiescit Phaërontis casu. Iuuentus & sapientia in eodem subiecto raro remanent. Vale Musarum Decus & Ornamentum. Cannis 14. Iulij 1642.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**bricæ Aulæ fallacibus solutus illecebris hic nunc quiesco. Ibi personati histroniam exercemus, hic pectore intado & aperto incedere licet. Ibi denique simulationi est locus, hic tandem sentire quæ velis, & quæ sentias dicere licet. Vltimis epistolis perueicaciter operam dedi. Rumores Neapolitanæ Classis abtulerunt animum, & Prouinciæ conseruationi totus incumbo, quod feliciter vertat Deus. Interim epistolas charissimas habeo, & diligentissimè seruo. Vale Musarum Decus & Ornamentum. Antipoli 21. Iulij 1642.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**oties de te mea erit Mersennum nostrum recuso, non ob tanti viri defectum qui nullus est, sed ob nimiam erga me caritatem, amicitiam appellarem, si Mundum à multis annis non repudiasset optimus ille, cuius opinioni non refragantur eruditi. Quoad sensus euidentiā in tua sum sententia, etsi multi eam oppugnare tentent. Præualeat GASSENDO illius mens, & suffragium quod omnibus anteponeere non dubitarem si per eius liceret moderationem. Plagam nostram excurrere totam, nunc desisto, satis firma gauderes valetudine, & nobilitate illa stipatus cuius Patres Carolum Quintum Imperatorem olim inglorium expulserunt. Vale Musarum Decus & Ornamentum. Toloni 4. Augusti 1642.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**O**t ac tantis blandientis Aulæ fulgoribus offusus Philosophiæ subsidium peto. Illius quidem cuius vultus non fallax, dogmata vera, Axiomata certa, verba denique non blandientia, sed veritatem & sapientiam semper redolentia. Deest sanè qui verum dicat ei, qui dignitate præfulgens, & totæ fortunæ radiis illustratus cæcutire cogitur saepenumero. Sed ad alterum Criterium redeo quod Cicero Anticipationem appellauit. Ita clarè vltimum epistolium hac de te loquitur ut nihil desiderare possim præter præsentiam authoris, qui semper mihi erit carissimus. Vale Musarum Decus & Ornamentum. Toloni 10. Augusti 1642.

PETRO



## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**ltimum de prænotione Epistolum lumbens accepi, Epicuri mentem optimè declaras, quæ quidem mihi videtur sana, & sensum naturali operationi consentanea; experientia rerum Magistra docet nos sapissimè, nunquam fallitur. Illa quidem, & doctis, indoctis principibus viris infimisque faciem præfert, vti nam illo doctore ita vti possimus vt errores nostros tam politicos quàm Morales emendare valeamus. Durbarum Toparchæ absentiam non damno, necessitati seruire licet. Vale Musarum Decus & Ornamentum. Toloni 18. Augusti 1642.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**lexandrum Magnum tot ac tantis bellis pacisque præditum virtutibus Atheniensium suffragia tanti fecisse non miror, & Tacitum nostrum satis laudare non possum, qui Principum sortem ad famam rendere iure docet. Amico lubenter fateri cogor, æternitate illa tangi, quæ famam nunquam moriuram ad Astra tollit, tuis capior encomiis, & Petri nostri auram capto theatralibus anteponendam plausibus; tertium tuum Canonem accepi, & vnumquemque Logicam suam possidere naturalem, quæ Methodo tantum indiget probè tenui. Vale Musarum Decus & Ornamentum Toloni 25. Augusti 1642.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**D Criterij Canonem postremum tandem peruenisti. Verborum dissidium indifferens est, modò sensu conueniant Philosophi quòd in rerum euidentium prænotionibus accidit. Ex euidente rem ineuidentem conspiciamus, etsi nostræ tanta sit imbecillitas Mentis. Omnium corporis ac Animæ functionum rationes querimus & ignoramus, quotidie videmus & visus actionem problematicam esse constat vtrum fiat per receptionem aut per emissionem, & sic de cæteris. Ita vt nobis concludere liceat, cognitionem humanam potius esse ignorantiam quàm scientiam. Inuestigamus semper & nihil inuenimus disputamus quidem sed non soluimus. Solus naturæ Author opus suum nouit. Vale Musarum Decus & Ornamentum. Toloni vltima Augusti 1642.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**E postremo Criterio quod Epicurus Passionem vocat loquitur vltimum tuum Epistolum. Non existimabam vitum tam à passionibus alienum ita posse de re incognita disserere cùm verissimum sit Petrum nostrum esse omnino amicum, etsi prouincialis sit & igneæ regionis incola. Non ad nationem carpendam hoc dico, quam semper amare & reuereri cupio. Sed ad maiorem Viri laudem, qui arte & industria naturam domare nouit, vitia erunt donec homines & minùs imperfecti perfectiores iure censentur. Vale Musarum Decus & Ornamentum. Noli sic omnes repudiare passionem quin amicitiam nostram incolumem & illa quamvis extremam retineas. Toloni 7. Septembris 1642.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**on est quod tuis respondeam encomiis, etsi difficillimum, satis me nosco. Prudentis & amici viri dissimulare vitia, & verbis eius virtutem extendere, quem ad perfectionem prouehere statum, totis viribus conamur, à rebus ad verba progreditur vltimum Epistolum, & à mente ad linguam vsque descendere videtur, & iure quidem cùm cogitatio debeat locutionem anteuenire, istius Canonis & sequentium audiam libenter explanationem. Hoc potissimum tempore, quo, Perpinio capto, Regis triumphantis victoriam decantare licet. Vale Musarum Decus & Ornamentum. Toloni 15. Septembris 1642.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**S**Ophistas summo odio prosequi non desinam, dies rerum verbis terunt, & cùm verba mentis sint interpretes obscurum per obscurius explanare non erubescunt. Iure Seneca illos punit, Philosophia enim omnis in ratiocinatione posita est, attamen ingeniosi nostri verba ponderant. Optimè Gellius non esse captiosis questionibus respondendum, verba igitur clara proferre licet, & ita menti accommodata, vt conceptus nostri etiam rudioribus pateant. Obscuritatis vitio ignari laborant, aut illi quibus scientia oneri non ornamento esse videtur, vltimum Criterium maxime probo. Vale Musarum Decus & Corculum meum. Briniolæ 21. Septembris 1642.

PETRO

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**ltimi epistolij Epilogo respondens libenter fateor me. Physicæ Canones summo studio expectare, modestiam tuam vltius vrgere non sustineo, humilitatem frustra premerem eius, quem scientia non inflat. Pietati studes & doctrinæ simul, vtriusque magna proferens exempla, sed promissum violò, virtutis tuæ eximix laudationem suppressere professus fueram. Silentio regam quod satis exprimere non possem. Vale igitur Musarum Decus & Ornamentum, neque te inferiorem me existimes, qui tibi literarum & Heroicæ virtutis palmam iure deberi censeo. Aquis-Sextiis 29. Septembris 1642.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**riusquam ad Naturam & Physicam descenderes, de vocibus & ratiocinandi Methodo disserere, necesse erat. Hunc ad ipsius definitionem tandem deuenit oratio tua, quam vniuersam de Natura contemplationem appellat Epicurus, in eo laudandus in quo naturæ vires contemplatur, culpandus verò cum cælum ascendere frustra nititur, ita tamen possumus eius mentem interpretari cum de fulminibus, Cometis, cæterisque similibus loquitur. Physiologia terrores nostros fugat, dum Meteoræ omnia sic nostris subiicit oculis, vt res notatu difficiles, horribilibus innotescant; sed iam satis. Vale Musarum Decus & Ornamentum. Aquis-Sextiis 3. Octobris 1642.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**ltis paucis ad me scribens præfatus es. Vltimum epistolium attenta mente perpendens, Epicuri sententiam iure demirari non desino, quæ sic se habet. Philosophandum est non ex auctoritate, sed ex iis quæ nobis patent. Ad experientiam quidem est deueniendū, quæ rerum omnium vera est Magistra, & ita ratiocinationi coniuncta vt ex multis oculis subiacentibus Axiomata illa disciplinarum principia proponantur, tanquam scholarum propugnacula: mox licebit inuisere libros, & defunctos illos alloqui, quorum opera assentatione & inuidia omnino carent. Vale Musarum Decus & Ornamentum. Aquis-Sextiis 14. Octobris 1642.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**is vltimis & modestis epistolis manum militarem & legionem integram  
*Epistola ad Gassendum.*

opponerem, nisi à Tyrannide longè abesset animus; attamen nec ego Adrianum neque tu Favorinum es imitaturus, philosophicæ victoriæ palmam assigno, & tanti viri modestiam premere non sustineo. Epistoias tuas libentissimè accepi, legam & relegam, & quem præsentem intueri non possum, reuerebor absentem. Bernillæum nostrum summa perfudisti lætitia. Vale Musarum Decus & Ornamentum. Aquis-Sextiis 20. Octobris 1642.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**ereculio & Bernillæo opuscula commissa dedi, lucubrationis tuæ meditatione Typis mandare enixè te rogo. Vltimum epistolium de Vniuerso & de Inani loquitur. Vellem equidem rescire quid per Inane intelligat Epicurus. Etenim per Inane nihil aliud nisi vacuum percipio quod natura non admittit. Tu verò ignorationem iuuabis nostram, ego quidem à viro infinitæ eruditionis Infinitatis tractatum expectabo. Vale Musarum Decus & Ornamentum. Aquis-Sextiis 27. Octobris 1642.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**G**regium temperamentum Epicuri sententiæ de Infinito apponit vltimum epistolium. Oculis enim Fidei percipit quod Philosophi egregia mens concipere nullo modo potest. Spatia quidem imaginaria Epicuro concedimus & infinita. Corpora verò finita esse à Christianis non ambigitur. Magui artificis manu condita sunt omnia, & meritis Atomos Epicuri nostri repudiamus. Optimam igitur & Principe Philosopho dignam affers distinctionem. Captiuus intellectum in obsequium Fidei. Vale Musarum Decus & Ornamentum. Aquis-Sextiis 4. Novembris 1642.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**ihil infinitum præter Deum Optimum Maximum Fides nostra cognoscit, cuius centrum esse vbiq; & circumferentiam nullibi aliquis ex antiquis Philosophis asserere non erubuit. Atomos suas Epicuro relinquamus, & ad immotum motorem peruenire tentemus, eius impleri lumine gloriæ clarè videbimus, quod Philosophiæ naturalis oculi aspicere non possunt. Optimam mihi contra Epicuri Atomos attulisti difficultatem, etenim quod sursum deorsumque flectitur, finitum esse constat. Non mirum est quidem Philosophum nostrum arctare dum agitur de Vniuersi fabrica, quam solus nouit qui auctor est.

G g . &amp;

& hoc quod continet omnia, scientiam habet vocis. Vale Musarum Decus & Ornamentum. Aquis-Sextiis 12. Nouembris 1642.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**Vteriam petiturus epistolis tuis mox verbis respondere cogito. Epicuri tui quaestiones philosophicas enodabimus familiariter colloquio. Rationi consentaneum erat me ad te proficisci, quandoquidem diuturniore mora Parisiis degis; praesentem amplecti meditor, quem absentem reuereor, Berecullum nostrum inuitus relinquo, quia nunc palatio indefinenter adhaeret. Bernillæum adducam laborum socium, & Amicum communem. Vale Musarum Decus & Ornamentum. Aquis-Sextiis 18. Nouembris 1642.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**Quas-Sextias hilarior accessissem si nostri Senatus disensiones me non vehementer commouerent. Berecullum nostrum quæror iuuentutis immixtum insolitis, & vanis quidem rumotibus attamen considerandis cum de eorum agatur solatio, & Amicorum. Non ponam vnquam rumores ante salutem priuatæque iniuriæ utilitati publicæ condonabo. Vitæ meæ seriem ab incunabulis retexere, et si nullius momenti in tui gratiam non recusabo. Vale Musarum Decus & Ornamentum. Aquis-Sextiis 2. Iulij 1643.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**X itinere fatigatus totius Prouinciæ accursu deuinctus, citius rescribere non potui. Berecullio, Bernillæoque feci satis. Vltimas tuas epistolas morientem piissimum nostrum Regem, enarrantes auidè more meo pellegi. Aulæ crebras mutationes didici, quid plura? Sapientis verba reicio qui nihil esse noui sub Sole asserere non dubitabat, imò ut opinor omnia noua. Vanitas ipsa fumus est, gratia, valetudo, fugiunt velut vmbra, fama verò æterna; huic insuetiendum. Vale Musarum Decus & Ornamentum. Aquis-Sextiis 8. Iulij 1643.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**T si inuitus precibus tuis concedo quod à me exigere tentasti; Gallicè opusculum describam ex tertia persona, breui-

ter & sine fūco, ut à te nouo pumice expoliatur, singulis hebdomadis quaternionem mittam. Opus quidem sterile & inter tot Heroës locum non inuenturum, satis est si Amico placeat, Berecullum videbis mutatum ab illo quem in Musæo Aqueus colebamus ambo; necesse est ei vnā apertam aurem committere, alteram verò clausam nobis, & nostris iustis seruare querelis. Vale Musarum Decus & Ornamentum. Aquis-Sextiis 18. Augusti 1643.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**O**mmitto fidei quod à me experiisti, quamuis sit difficillimum, inter tot molesta negotia animum liberum seruare posse. Spero quidem faciliorem exitum, quandoquidem omnia ad publicam utilitatem dirigere studeo, conicies oculos in libros quos tibi confido, vnus Regi est offerendus, alter verò Protocancellario si digni sint, qui in lucem edantur. Vale Musarum Decus & Ornamentum. Aquis-Sextiis 25. Augusti 1643.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**mbra fugat veritas, insomnium tatio ipsa confirmat, therinas Dinienſes probo, & Lautaretium tuum conueniam, tenera infantis ætas, & virium debilitatio sollicitos iure nos facit. Quærenda sunt humana remedia, & tentata fuere fermè omnia, sed Dei omnipotentis Prouidentia totum me committo, quotidie deperditur aliquid nostri, singulis verò momentis vnici filij casus, irremediabilisque morbus, maximo conficiunt me dolore. Hic finis esto. Vale Musarum Decus & Ornamentum. Aquis-Sextiis 1. Septembris 1643.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**Q**uis-Sextiis diutius commorari sum coactus in capite rerum vnde in omnia regimen. Berecullum conuenire iam potuisti, ex tua in nos nimia caritate expecto quod ex Amico requirere licet. Satiuscst mihi ingratos inuenire, quàm de omnibus non bene mereri. Monæcum nunc cogito, mox Massiliam repetiturus. Vale Musarum Decus & Ornamentum. Aquis-Sextiis 8. Septembris 1643.

PETRO



## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**E Libris quos mihi bonum cepisti consilium, Eruditos consulis, qui rem attenta mentis acie perpendunt. Autographum accepi ea conditione, quam mihi imponere noluisti. Rerum antè actarum memoria labitur facillimè. Aula nostra fert semper aliquid noui. Optimæ Reginæ calefceret authoritas & bonorum præualebunt suffragia. Transitus rerum mutationibus patet. Sola morum constantia hinc temporibus utilis. Vale Musarum Decus & Ornamentum. Aquis-Sextiis 15. Septembris 1643.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**nstauracionem Viri amicissimi, ob quam lætatis ex Abbate nostro lubentissimè didici. Schedion secundum accepi, quintum mitto, etsi sanguinis ebullitione & triduana febre tentatus, nunc quidem bene me habeo. Aula nostra in quadro posita, firmiter erit stabilita bonitas Reginæ nostræ; amissionem decreuerat, prudentia verò animorum discretionem fecit, quæ bonis erit grata, malis quidem terrori. Vale Musarum Decus & Ornamentum. Aquis-Sextiis 22. Septembris 1643.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**S**extum Schedion iam mitto inducias facturus, quoque ex Monacho reuersus fuero. Semper aliquid noui fert Prouincia, quod ex aliis melius dignoscere poteris. Semper mei similis ero, & quicquid euenerit semper immotus, priuatas quidem iniurias utilitati publicæ possum condonare, sed læsæ Maiestatis nunquam. Paucorum culpa fuit, vnus poena, nempe Assessoris, qui cum seditiosè in Aede communis huius ciuitatis orasset, à me continuo ex officio fuit deturbatus; tu probè nosti ingenia illorum iuuenum Senatorum, quibuscum res mihi est, & erit nisi respiciant. Vale Musarum Decus & Ornamentum. Aquis-Sextiis 29. Septembris 1643.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**n itinere vltimum accepi epistolium, & Schedion, Monachi originem pertractas more tuo, breuiter & dilucidè. Vir-

*Epistola ad Gasendum.*

gilij carmina perlegi soceri, & generi plurquam ciuilia bella decantantia. Propugnaculum quidem vidi à natura potius quam ab arte peractum, inexpugnabile tamen, nisi à seipso. Principem loci colui, qui frequentibus ignibus ardorem, & Galliæ significauit amorem. Relationem absolutam, & integram ab alio expectes, & à Præceptore maioris natu filiorum nostri Campinij veram historiam luminis frequenter coniugi, & mihi in lecto decumbentibus simul apparentis sententiam, & opinionem tuam desidero. Vale Musarum Decus & Ornamentum. Aquis-Sextiis 2. Nouembris 1643.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**assiliæ & Aquis-Sextiis prospere peregi, Deo fauente, Consularia comitia, seditionum praua consilia funditus corruere. Regiæ authoritatis, utilitatis publicæ legitima iura defendens nihil pertimesco. Schedion breue mitto, tuis iustissimis precibus obtemperans. Massiliani rursus cogito, Aquas-Sextias breui reuisurus, & sic incedens mixtus assiduus, & indefessus laboribus munus meum adimpleo. Illud Diui Augustini præclatum dictum demitari non desinens, honores, quibus in hoc Mundo fruimur dormitium esse somnia. Vale Musarum Decus & Ornamentum. Aquis-Sextiis 8. Nouembris 1643.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**ota tua exandita fuere, omnia prospere celsè Massiliæ, & Aquis-Sextiis. Nihil me debet prouidentia, sed totum Diuinæ prouidentia, quæ consilia mea voluit fortunare, quia ad bonum publicum tendere non desistunt, nec desinent vnquam. Ingratos multos in hac Prouincia deprehendo, sed rectam illam viam non deseram, quam ab initio amplexus fui. Mallem probos fecisse, quam inuenisse, & è contratio teos reperire, quam facere, non quæro beneuolentiam omnium si promereor, veritas visu & mora, scelerata imperu valefcere solent. Vale Musarum Decus & Ornamentum. Massiliæ 17. Nouembris 1643.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**m Massiliæ commoror, Neutræum audire de apparente lucula non potero, sed quæ de dæmonio Socratis disserteret promittis,

Gg 2

mittis, & de genio Bruti, edificere admodum cupio. Tolonem cogito ad conuentus agendos qui breues erunt & feciles, vt spero, & ex prouidentia expecto diuina, quæ mihi huc vsque non defuit. Omnia sunt tibi prospera & diu Vale Musarum Decus & Ornamentum. Massiliæ 23. Nouembris 1643.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**C**ommentariolus è memoria non excidit, quandoquidem est tibi gratus; quiescit nunc animus à negotiis, quæ cum ferme sint violenta, sunt etiam breuiora, conuentus nostri agitabant animum, sed de exitu bene conicio, modò adsint preces continuæ tuæ, quæ magni sunt momenti. Apparet semper ac ferme singulis noctibus eadem lux, quæ nunquam me terruit. Hac de re nihil opinor, tempori & prouidentia diuinæ omnia committens, apparitionis varias huc vsque assignaui causas; omnes tamen naturales, sed nunc sitimur pronuntiare possum, digitus Dei hic est. Vale Musarum Decus & Ornamentum. Massiliæ Kalendaris Decembris 1643.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**S**eptimum Schedion accepi, octauum remittam si possim. Desiderarem admodum omnes eandem de me concepissem opinionem, quam tu proferis; non licet de meo erga Prouinciæ affectu dubitare, iniuriæ priuatæ, utilitati publicæ obesse non possunt. Idem semper ero quandoquidem sic expedire mihi significas. Egregium stabilire temperamentum mihi videris inter indulgentiam & dignitatem, cuius recordari totis conabor viribus, de aliquorum ingratitudine iure quæror, sed malo ingratos inuenire quàm perdere. Conscientia facti sufficit, sat est nobis si proborum suffragia obtineamus. Vale Musarum Decus & Ornamentum. Aquis-Sextiis 7. Decembris 1643.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**ccepi quod à te expectabam de genio Socratis, paucis referbo, obrutus negotiis, non erunt ynquam molesta modò utilitati publicæ conducant. Epistolarum ordinem pauper interrupti, seriem nunc repetiturus. Tacitis senescimus annis, anni finem attingimus, vinam sic sequentis metam assequi possumus, vt æternitati potiusquam tempori inservire in mente firmiter habeamus. Vale Musarum Decus & Or-

namentum. Aquis - Sextiis 22. Decembris 1643.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**equitatem vltimi epistolij non accuso, natalitia Domini erant celebranda. Nunc opus nostrum resumere licet, quandoquidem antiqui ipsi dierum differentias agnoscebant; & in fastos & negotiosos diuidere solebant. Schedion accepi emendabile quidem & parum correctum, nullum remittam nunc Conuentibus nostris applicitus & implicitus. Neuræum nostrum libenter audio, & libentius feriem fultus tuæ præsentia mihi necessariâ, his præsertim difficilissimis temporibus, vbi deest Amicus, qui verum dicat. Vale Musarum Decus & Ornamentum. Aquis - Sextiis 5. Ianuarij 1644.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**T** bene annum inchoasti, sic faulse finias opto. Breuitatem epistolij facile excusabis si me ad Conuentus huius Prouinciæ agendos proficiscentem consideres, vinam felicem sortiantur exitum, hoc sanè efficiam si possim, ne quis affectum erga singulos ordines desideret meum, qui idem semper erit, Vallettam pergitus satis celebrem quandoquidem Illustri noster Prior eam moderati solitus, cuius honor, nomen, laudisque manebunt semper. Cætera peritura, fama verò æterna. Vale Musarum Decus & Ornamentum. Bernillaus noster & fidus Achates plaurimam tibi optat salutem. Sextiis-Aquis 12. Ianuarij 1644.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**istolium tuum cui respondere non potui iter faciens, Vallettam appulsum, conuenit me Dinia, solatium nomini debetur tuo, cui nihil denegari potest, Lautaretium amplector, & pluri facio, infantis morbum eius experientia committam libentissimè, negotia perage, & Hugonem ita demulceas, vt Campinius noster sit satisfactus, tui ardentissimo teneor desiderio, sed non in tui negotiorum tuorum perniciem. Amicorum omnia communia resque tuæ meæ sunt vt meæ tuæ, Conuentus primordia probe celsæto. Vale Musarum Decus & Ornamentum. Vallettæ Ianuarij mensis die vltimâ, 1644.

PETRO

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**ultum quidem me permonuit quod de Parente inaudij, & non dubito quin meus te pungat iustissimus dolor; rerum domesticarum iacturam non pertimesco, sed familiaris nostræ decus vehementissimè concutit. Reges nostros proavos ante oculos pono, & futuri æui memoriam semper præsentem intueor; patrem quidem reuereor, & indefinenter colam, scis equidem quàm sint mihi pretiosa conscientia & honoris vincula omnibus mihi iure potiora. Parce tristitia, quæ multa silentio premit & negotiorum ponderi, quæ me mihi metipsi huc usque subripere. Vale Musarum Decus & Ornamentum. Aquis-Sextiis, Martij Kalendis 1644.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**elatensum rixis sedatis, Massiliam apulimus, & ubique prosperus fuit rerum euentus, Campinij Achatidis fidi subsidio fultis, omnia probè cedunt, non defunt negotia, nec animus qui malis non occumbat quamnis continuis. Non esset rationi consentaneum ibi quiescere ubi non est requies, & in lubrico terrarum Orbis pedem fixum habere. Tempus est mensura motus & omnia ei subiecta, æternitatem solam respicere licet. Vale Musarum Decus & Ornamentum. Massiliæ 8. Martij 1644.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**ustra fit actio gratiarum cum nullum sit acceptum beneficium, non mirum cum de te censeam quod omnes, si idem optem quod singuli. Vitam peregrinantem expior, postredie discedo Arelatem petiturus, ciuitatis proxima me vocant comitia, uti nam sint prospera, bene opinor Deo iuvante. Domestico dolore tactus epistolarum tuarum lectione mireasco. Omnes animi ægitudines Amicorum æris leuiiores fiunt. Vale Musarum Decus & Ornamentum. Aquis-Sextiis 15. Martij 1644.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**ffiliâ sedatâ iterum Arelatem repetij Campinio comite, memor epistolarum tuarum, quæ obstimant animos rimidiore. Linores frequentes sunt in Anla, sed insidiæ vitantur si non intelligantur, palmam semper consequitur patientia moderationi iuncta.

*Epistola ad Gassendum.*

Deo Optimo Maximo vindictam linquere licet, quam sibi iuste seruauit. Vale Musarum Decus & Amicorum culmen. Arelatis 28. Martij 1644.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**on vrbis comitia probè cessere, comitiorum hic tamen ut præsentia meâ stabilita firmetur concordia, & negotia singularia quæ me solum spectant sint finita. Postica Aquas-Sextias repetam, mox Tolonem, Anripolim, & vniuersam illam maritimam plagam, more meo lustraturus. Et cum nihil sit nouum sub Sole, rem actam semper agimus, & tacitis senescimus annis. Viatorianum Abbatem consule, & rescribat quid sit agendum in tua promotione quæ mihi est cordi, quandoquidem tu cor meum es verè. Vale Musarum Decus & Ornamentum. Arelatis 5. Aprilis 1644.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**x discedit hiems, venti vehemeniores huc usque aërem agitauere, Campinus noster Aquas-Sextias repetiit, Beruilæ Lutetiam cogitat, & sic solus remaneo, solitudinem appello iure Amicorum absentiam, qui quidem non absunt modò non excident memoriâ, videtur esse mors, absentia quæ cum sit frequens, imaginem exitus ob oculos ponit. Vale Musarum Decus & Ornamentum. Arelatis 12. Aprilis 1644.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**T**ibi habeat suam quoque fortuna rationem, licet Christianis prosperos rerum euentus, Dei Optimi Maximi providentiæ soli concedere, quæ quidem improbis huius Mundi felicitates largitur ob aliquas virtutes notatu dignas, timeo ne idem mihi eueniat. Nolo tamen momentum æternitati anreponere, æternum est quod delectat, momentaneum quod cruciat, omne finitum fluxum & caducum est. Vale Musarum Decus & Ornamentum. Arelatis 19. Aprilis 1644.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**micorum landes non sunt explodendæ, ac potissimum quorum probitas & eruditio ita splendent, ut ignorationis & assentationis suspicio procul absit. Expecto nunc Campinium nostrum non mutabilem Amicum.

Gg. 3



cum. Neutrum tuum lubenter audio, nobis gratum, Maij Kalendis transactis Aquas-Sextias repetam, mox Tolonem inuisurus recorder nostri Petrus Amicissimus, & Beruillæ nostrum alloquens absentis rationem habeat, rogo cum cunctissimè. Vale Musarum Decus & Ornamentum. Arelatis 26. Aprilis 1644.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**rum vices ubique experimur, & tandem ad tempus accedimus quo solent exercitus hiberna linqvere, hostilia parare Martemque accendere cantu, quod prosperum fortunatumque sit nostræ Galliæ. Italiæ pax, nunc demum stabilita, Eutopæ Christianæ quietem euocare videtur, peruenit ad aures quidam rumor hostium Prouinciam concupiscentium potius quam sperantium, qui huc vsque vanus fuit. Faxit Deus sit semper idem, nihil desperandum, Christo duce & auspice Christo. Vale Musarum Decus & Ornamentum. Arelatis, Kalendis Maij 1644.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**pistolarum cursum interrompere coactus sum, dum essem in itinere, quod mihi est faciendum per aliquot dies, opportunè tamen disquisitionis aduersus Cartesium exemplum hic accepi, summa perfusus lætitia, nominis tui gloriam inter Batauos celebrare videns. Nil mirum si tua summa doctrina & suauis isti mores, qui omnes sibi deuincunt, vniuersum penetrent orbem, legam & pellegam & nunquam demonstrare desinam quàm sit mihi charus Petrus ille, quem satis laudare non possum. Vale Musarum Decus & Ornamentum. Massiliæ 17. Maij 1644.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**ltimo epistolio nunc respondere potui sacro-sanctæ Trinitatis festum hic colens. Cras Antipolim petam obuiam ire hostium conatibus magnopere cupiens, quos quidem auertere potius licet quàm perimere. Et si Duces eximij semper existimare non esse Militiæ contrarium, & aliquando timere, & opportunè, ne importunè & cum aderit hostis metum demonstrare, inuiti finis coacti, depugnare decet hostem, non despiciere, Deus optimus maximus sic exercitus protegat nostros vt tandem ad felicem pacis finem peruenire possimus. Vale Musarum Decus & Ornamentum. Tolonæ 23. Maij 1644.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**ntipolim opportunè lustravi, vix ite-  
peragi cum ex Cathalaunia lugubres & cruentas accepi literas, hostium conatus cohibuit Lerida, vicere quidem, sed victoria frui non potuere. Cohortes nostræ Prouinciales sic se gessere, vt viros decebat in quorum manibus huius Prouinciæ decus & salus erant affixa, nisi vnum ex Ducibus nostris, qui mihi de vulneratis, occisis, & captis vetum refectore possit, Tolonem quinque millibus propugnare cogito, Antipolim, duobus quoque millibus armatis, & sic laborans requiem inueniendum Prouinciæ, & officio consulo. Vale Musarum Decus & Ornamentum. Aquis-Sextiis 14. Iunij 1644.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**on poteram vberius, quàm ex te, rescire quid noui sit in Aula nostra, in exercitiis, in Oriente, in Occidente, quicquid denique investigare libet, capit mens tua, classis è portu Neapolitano mox discessuram respicimus, Leridæ obsidio sic in Cathalaunia se habet, vt felicem exitum liceat sperare. Primus noster Præfex ad nos tandem accessit, sat citò, si bene, negotiis parem ac vigentem animo iure suspicor, faxit Deus Optimus Maximus omnia illi prosperè & pro voto succedant. Funiculus triplex difficilè rumpitur, ille quidem Campinius noster, & ego, ita iuncti manebimus, vt deceat Viros, Monarchiæ, officio, & probitati studentes omnino. Vale Musarum Decus & Ornamentum. Aquis-Sextiis 20. Iunij 1644.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**detur nobis arridere fortuna cum prius Hispanos attollere concupierit, vt lapsu grauiore ruant, fuga hostium ex arce San-philippea vel est subdola, vel aliquos Grauelingæ defectus denotat, tempori commit-tendos; ad Ilerdæ muros iacturam hostes fecisse nobis relatum est, vndique aduolant ad campos Cathalauniæ copiæ, quæ bene de Ilerdæ obsidione nos sperare cogunt. Turen-nius trans Rhennum Bauaros vino sepultos concitauit, cum Dux Bullioneus limina visitat Apostolorum comite Cardinale Grimaldo. Expectamus constanter tritremium Neapolitanarum discessum, qui semper numerorum penuriâ prorogatur. Vale Musarum Decus & Ornamentum. Albanæ 28. Iunij 1644.

PETRO

## PETRO GASSENDO

*Eruditissimo, LVDOVICVS  
VALESIVS, Εὐλογεῖν.*

**E**vm in obsidione Grauelingæ decertatur Regiis armis, hic pennis depugnamus vnus horæ opusculum ad te mitto Typis mandandum suppresso authoris nomine, Schedion manuscriptum remittas rogo & libenter non sicut cum Principe, sed vt cum Amico, cui veritas in pretio est me alloqui confidenter audeas, potes etiam Malherbum imitari, qui cūm à Magno Franciæ Priore Engolismense de Carminibus ab ipso compolitis sententiam dicere rogaretur, ingenue professus est suppressi debere tanti Principis versus, quandoquidem perfectio Principes deceat. Secretum serua, & quod fidei tanti Viri credo, inter nos lateat. Vale Musarum Decus & Ornamentum. Albanix 5. Iulij 1644.

## PETRO GASSENDO

*Eruditissimo, LVDOVICVS  
VALESIVS, Εὐλογεῖν.*

**E** Grauelingæ obsidione licet bene spectare, & si res sit in integro, & Picolominus Dux ita comparatus vt istius blandix propugnaculi capti incommodum probè sciat. Auxiliari totis conabitur viribus, & cūm suam habeat quoque fortuna rationem, euentum timeo, Illud vi non oppugnat, Motheus ad soluendam obsidionem se nunc accingit, & ita vndique ostentantur arma, vt denique ad illam tutam & æternam perueniamus pacem, quæ quidem victis utilitati videtur honoris est & ornamento. Vale Musarum Decus & Ornamentum. Albanix 12. Iulij 1644.

## PETRO GASSENDO

*Eruditissimo, LVDOVICVS  
VALESIVS, Εὐλογεῖν.*

**A**udans & moriens tibi referibo epistolium demirans, casum meum desens, mortales genueram filios, quos Deo Optimo Maximo lubentissimè condonaui. Stirpis Regiæ furculos foui, aliquando ramos futuros iure sperans. Impono nunc tumulis supremus Valesiotum nomen. Et quandoquidem temporis seriem in nepotibus respicere non licet æternitati solæ studebo deinceps. Exercitationculam recepi sententiæ tuæ coniunctam, quæ mihi fuit carissima. Sed cūm potius impetu quàm methodo agam, ingenium materiæ fuscicare est difficillimum. Vale Musarum Decus & Ornamentum. Albanix 2. Augusti 1644.

Typis mandare aut suppressi Schedion iudicio relinquo tuo, modò nomen reticeatur.

## PETRO GASSENDO

*Eruditissimo, LVDOVICVS  
VALESIVS, Εὐλογεῖν.*

**E** quid nimis in vltimo epistolio Luilerij nostri suauissimas accepi literas quibus nunc respondeo. Abbatem nostrum verum Nathanaëlem colo, pavit meo dolori dum suum conatur supprimere, fortius quidem tu qui & demonstrando tuum, meum minuire tentas, & res novas in medium proferēs, diuersionem facis alicuius momenti, quandoquidem ingenij solertia suspendis animi ægritudinem quam omnino delere non possis. Vale Musarum Decus & Ornamentum. Aquis-Sextiis 16. Augusti 1644.

## PETRO GASSENDO

*Eruditissimo, LVDOVICVS  
VALESIVS, Εὐλογεῖν.*

**L**iquor lucubratiunculæ exemplaria à te missa distribui. Iesuitarum Rector ipse satis probauit. Ita vt cætera prudentiæ tuæ committam modò nomen reticeatur; Valleræ noster Prior suffragio fanit & vulganda censet lubentius quod ad animos conciliandos tendit Schedion; & breuitas ad legendum incitat, Grauelingæ successum precibus, igne, læritia, celebrare conabimur prout nobis fuit iniunctum, fama volans ventorum pennis Ducis Enguinæ victoriam non inuentam hucusque detulit. Faxit Deus vera sit, & Liliorum florem pretiosissimum seruet incolumem. Vale Musarum Decus & Ornamentum. Massiliæ 24. Augusti 1644.

## PETRO GASSENDO

*Eruditissimo, LVDOVICVS  
VALESIVS, Εὐλογεῖν.*

**V**ltimum quod accepi epistolium, & statim rerum & totius Europæ pacis optimè auguratur, Ducis Enguinæ trophæa Christianitatis quietudinem augurari videntur, auda est periculi virtus, sed tam pretiosum caput toties fortunæ committere, ferre non possum. Faxit Deus Regiæ domus columnen alterum, seruet incolume. Magnæ Britannicæ Regis malum sortem doleo, ætas nostra videri, in purpuram, quid andeat fortuna. Feriunt cellos fulmina montes. Vale Musarum Decus & Ornamentum. Aquis-Sextiis 29. Augusti 1644.

## PETRO GASSENDO

*Eruditissimo, LVDOVICVS  
VALESIVS, Εὐλογεῖν.*

**E**nguina nostri prosperi successus significationes lætitiæ hic renouare, optimum sequitur consilium, hostes insequendi Friburgo pone relicto, ne idem experiretur incommodum, quod Rex Hispaniæ post scelericem Illerdæ pugnam. Errores in bello irreparabiles.

parabiles, Mothæum profligasset si victoria potuisset vti, Magni Iulij exemplo, qui Magno Pompeio fugato spatium tutè fugiendi non permisit. Incolumitatem nostri laureati Principis enixissimè opto, ineluctabilis fatorum vis quos extollit sapius opprimit, omnia sibi subigere tentans. Faxit Deus, æterna sit vita, cuius famam Astris terminare decreuit, hoc virtutis opus cui iure subest fortuna. Vale Musarum Decus & Ornamentum. Massilia: 6. Septembris 1644.

---

PETRO GASSENDO

*Eruditissimo, LVDOVICVS*  
VALESIVS, Εὐλογεῖν.

**E**T de Aula & de exteris rectè scribis, non est quod excusationem in posterum quæras. Campinius noster & ego in itinere ferè sumus singulis momentis; Aquas-Sextias sine Massiliam respicientes in capite rerum, vnde in omnia tegimen, vtilitatem publicam, non nostram quidem metientes. Laborem certè ingratum suscipimus & eum omnes amplectimur, singuli recedunt, cuique sua vtilitas, quæ sæpe in publica non reperitur, conscientia & honori seruire studemus, & quicquid conueniat satius est ingratos experiri, quàm nulli benefacere. Vale Musarum Decus & Ornamentum. Massilia: 13. Septembris 1644.

---

PETRO GASSENDO

*Eruditissimo, LVDOVICVS*  
VALESIVS, Εὐλογεῖν.

**E**nguinæi nostri prosperos successus tremens & laudans excipio, Philippi-Burgi expugnationem breui spero, Deo fauente. Mihi videtur epistolum tuum totius Europæ imaginem oculis subicere dum Cæsaris res afflictæ enarrat, Magnæ Britannia Regis casum desleo. Etsi Monarchia illa nobis fuit semper aduersa, & vt à Philippo Comminatio rectè dicitur, vnicuique contrarium siue oppositum Deus concessit iure; ne res humanæ euentibus sublata secundis nimium insolecerent, res prosperæ (vt ait Tacitus) acrius explorant, felicitate enim corrumpimur. Vale, Musarum Decus & Ornamentum. Aquis-Sextiis 20. Septembris 1644.

---

PETRO GASSENDO

*Eruditissimo, LVDOVICVS*  
VALESIVS, Εὐλογεῖν.

**P**hilippi-Burgi expugnationem accipio eo animo quo præclara Enguinæi nostri facinora. Sortem Comitris Turnonij cõsobrii anantissimi, vehementius deslerem si in honoris lecto non occubuisset, quid pulchrius inueni, quàm in prociuctu fato fungi; satis vixit qui prosperam sui linguat memoriam, & quicquid Montanus ille tum celebris de gloria dicat, expedit magnos Viros eius desiderio tangi; magnæ animæ omnia honore, ac

honesto iure metiuntur, demissæ verò vtilitate. Certum est caducam esse memoriam vt cætera mortalia, sed cum omnia pereant, his inniti ac incumbere decet, quæ sunt diuturniora minusque fluxa. Vale Musarum Decus & Ornamentum. Aquis-Sextiis 27. Septembris 1644.

---

PETRO GASSENDO

*Eruditissimo, LVDOVICVS*  
VALESIVS, Εὐλογεῖν.

**E**quilibrium illud quod Italorum vota magnopercè expetunt difficillimè reperietur. Hostium imminsa cupido, nullo sibi imponit fines, prosperi nostrorum successus eliminare pacem videntur, quandoquidem Hispani laureatam illam sperant frustra. Enguinæi Ducis progressus frænum ac metam dabit Bavarorum exercitui, Turcaum fides panica vna manu Imperatori munera proferet, & altera gladium. Transiluanus præbuit aures conditionibus pacis, vt potius Torstensoni reditum præstolaretur, quàm potenti hosti consideret. Galatius alter Fabius cunctando non restituet rem. Etsi his opus est parmâ & morâ qui minus ensè valent, ac potissimum Enguinæi victricia arma propè habentibus. Vale Musarum Decus & Ornamentum. Aquis-Sextiis 4. Octobris 1644.

---

PETRO GASSENDO

*Eruditissimo, LVDOVICVS*  
VALESIVS, Εὐλογεῖν.

**I**nimè solus dum ruti versaris comite præsertim Molæo Præside, cuius præclara fama & probitatis, & eruditionis, quæ non minus armis, quàm togæ conueniunt, Enguinæo nostro recte, cuius ingenium ad extemporalityatem vsque, primoribus Moguntia innouit, illorum meditatæ orationibus Larinè occurrit. Et ita Marte & arte probè vtrius inuictissimus Princeps, cuius annos Nestores opto famamque Astris terminatam. Hic in vmbra degimus, quieti non otio indulgentes, non quidem sine molestia ac labore Prouincia huius itactantes negotia, non ex rumore statuentes, sed priuatas vtilitates publicis proponentes. Faxit Deus ingratæ non seruamus. Vale Musarum Decus & Ornamentum. Aquis-Sextiis 9. Octobris 1644.

---

PETRO GASSENDO

*Eruditissimo, LVDOVICVS*  
VALESIVS, Εὐλογεῖν.

**V**ecubrationum nngas Neuræo patefeci, Viro eruditionis eximie, delectique tuo dignissimo. Desidia otiumque fugio, & cum manus quiescant, ingenium exercere animumque excolere nitor, Enguinæi nostri reditum vltimæ significant epistolæ. Massiliam nunc cogitamus ad vrbs conuentus agendos, vbi etsi de purpura Romana non agatur, exoptatur



exoptatur tamen ab illis, qui primatum in vrbe ambiunt, quæ olim Romæ Orbis capit, fœderte iuncta fuit, ac sine quo nunquam illa triumphauit. Vale Musarum Decus & Ornamentum. Aquis-Sextiis 18. Octobris 1644.

Appulit hesternæ die Mersennus noster incolumis.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M** Assiliæ negotiis implicitus pauca nunc rescribam, Amicos desseo. Sed cum vita sit practica Philosophia, humanis casibus sic uti oportet, & ita mentem fato inuitabili ac semel venturo, assuescere ut impetum tanti hostis viriliter sustinere possimus. Experientia rerum equidem Magistra est, sed in omnium terribilium terribilissimo exempla sola nos docere non ambigitur. Francandaliæ obsidionem speraueram quasi Germaniæ spolia vltima Enguinæ nostri manus reportanda, virtutis & fœlicibus huius Principis armis inuideret hyems, & vniuersa pro reditu Gallorum vota, quem seruet incolumem Deus Optinus Maximus. Vale Musarum Decus & Ornamentum. Massiliæ 15. Octobris 1644.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**nguinae Principis fœlicem reditum summa persufus læticia nunc audio, Galassi fugam opto potius quam spero Fabij illius cunctatoris pugnam præcipitatum, iter fauente exercitu non concipio. Imperatoris res profligatæ sunt omnino, si rumor verus existat. Pontificis Maximi vota pacem exquirunt, Cardinales Legatos in Germaniam, Galliam, ac Hispaniam mittit, vinam cum fortunato successu. Massiliæ comitia prosperè cessere. Vale Musarum Decus & Ornamentum. Massiliæ 1. Nouembris 1644.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**scellit iam Mersennus noster Romam petens & expetens, res Germaniæ nuntiant ut mihi videtur, Enguinæ nostri discessu, tanti Principis incolumitatem omnibus aliis anteponere licet. Imperium complectitur ingenium illud magnum natalibus par. De reditu semper loquitur indefessus miles, vinam diu. Nihil referam de hac vrbe, aliunde rescire poteris turbidos aliquid tentasse, frustra Nobiles probi, & populus ipse à nostris steterit partibus. Vale Musarum Decus & Ornamentum. Massiliæ 8. Nouembris 1644.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M** Assiliæ discessum insigniuit turbidorum conatus audax, & infœlix moderationis meæ pretium; nunc reporto satis grande, quandoquidem perdere poteram eos, qui vniuersam plebem commouere studebant me præsentem. Malo me dementiae pœniteat, quàm iracundiæ pudeat, Deo vindictam linquens, qui funiculo iustitiam exercet, & cuius misericordiarum nullus est numerus. Huius vrbs Musarum nunc inuiso meum, proxima hebdomada venationes meditans, quo quiescat animus à rot laboriosis negotiis & ingratiss. Vale Musarum Decus & Ornamentum. Aquis-Sextiis 15. Nouembris 1644.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**ginæ Angliæ ad Reginam vrbum accessus non fuit mihi inopinatus. Aula nostra obuiam iur arata, ut opinor, ob Hispaniæ Reginæ obitum, hostes ipsi fatentor Heroïnâ illam maximis dotatam virtutibus muliebria quidem vitia exuerat, & nouissimis istis diebus Regem Virum adiuuaret vitilibus consiliis & curis. Mulierem fortem inuenerat Princeps ingenij mediocris, voluptatibus immerfus & boni consilij indigens. Hisce diebus venationi operam dedi satis, & tempestate temperata, & rusticis oblectamentis delectatam vrbem nostram repetij prospera valetudine gaudens. Vale Musarum Decus & Ornamentum. Aquis-Sextiis 22. Nouembris 1644.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**ælium Nauale commissum inter Danos & Suecos, vltimis prosperum fuisse lætor admodum, Monarchiæ nostræ virilitatem solam respiciens. Magnæ Britannici Regis casum desseo, quem nec victum, nec victorem esse fortuna permittit. Multis iactatum periculis ad portum feret aliquando, ut habeat instrumenta seruituris & regnet, more populi Romani, qui Deæ illi inconstanti posuisset aliquando frænum, si omnia in lubrico non essent: Magni quoque terga vidit vaga illa Dea, & Magni Cæsaris corpus vulneribus confectum Pompei statui subiecit. Rerum dole vices mearum, Vir Eruditissime, & æternitatem illam fixam ac permanentem in splendoribus Sanctorum attentæ mentis acie considera. Vale Musarum Decus & Ornamentum. Aquis-Sextiis 28. Nouembris 1644.

PETRO

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**ultos ē Senatu nostro me in gratiam recepiſſe certiffimum eſt. Spero fore in poſterum adminiſtrationem quietiorem. Quod ad me attinet erga alios me geram, ſicut alios erga me exoptarem ſeſe gerere; laborum ſtrum reſetam modō animos omniū Ordinum huius Prouinciæ conciliare poſſim. Gloriam non vitilitatem metere ſtudeo conſcientiæ, & honori inſeruiens. Quid de Magnæ Britanniæ rebus deplorari cenſeam nuper reſcripſi, fortunæ alunnos non Regis filios, aut Reges ipſos reſpicit Dea illa calua, quæ alata, & rotæ inſidens depingitur, vt cuius volubilitas, & inſtantia clariùs innotefcat. Vale Muſarum Decus & Ornamentum. Aquis-Sextiis 6. Decembris 1644.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**S**i mihi liceret, quererem de Campinio noſtro, qui veniam & copiam ex hac Prouincia diſcedendi, me inconfulto, clam obtinuit. Amicorum errores diſſimulare liquet, non virtutes. Veſpaſiani more, qui antiſquis Ducibus, & eximiiſ Imperatoribus par erat. Suecorum res in progreſſu eſſe lubenter audio. Magnæ Britanniæ Regis conditio, ſiue bello immixtus ſit, ſiue paci intentus, admodum dubia, & nutans videtur eſſe, in aduerſis reſurgit, proſperis non bene vititur, & Parlamenti pax oblata eſt potiùs ſeruitutis pactio, quàm fœderis. Quicquid eueniat virium periculum facere magis conuenit non tantum Regi, ſed Viro militari, quàm protrahendo tempus rerum dies verbis terere. Vale Muſarum Decus & Ornamentum. Aquis-Sextiis 13. Decembris 1644.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**ſpanos ſeriō de pace cogitare vix mihi perſuadeo, non fortuna quidem, ſed prouidentia Dei, quorum fortes mutare vult, conſilia corrumpit. Hoſtium ſuperbiam ubique deprimere cælum conſentit. Quid aliud experimur, quàm rerum crebras mutationes? Reges ipſi corrumpunt, & huius Mundi fluctibus Pharaonis more, ſinguli merguntur. Et cùm mari rubro Ægyptiorum hæcant nunc veſtigia, vix tamen vnus eſt qui reſciſcat. Omnes inutiles facti ſunt, anchora ſpei deiecti naufragium patimur. Solemnibus iſtis diebus ad pietatem attendere licet, & humanæ mentis inſirmitatem dolere incerta proſpicientis ac futura, præſentium incurioſæ. Vale Muſarum Decus & Ornamentum. Aquis-Sextiis 20. Decembris 1644.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**E Tottenſonij victoria dum Galatiſ exercitus eſſet in itinere iure ambigitur, facilè creditu eſt Fabium illum cunctatorem valibus non conclamatis clam diſceſſiſſe, & antequam Tottenſonius reſcire potuiſſet, lōgius proceſſiſſe. Quicquid eueniat, à noſtris pactibus, ſtat proſpera fama, quæ in bello, & in togatis negotiis plurimum poſſe certiffimum eſt, Comitia noſtra conuocauimus, de exitu nihil dico, futura in incerto, præterita in noſtra non ſunt poteſtate, præſentibus tantum ſui licet. Vale Muſarum Decus & Ornamentum. Aquis-Sextiis 27. Decembris 1644.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**O**deſtridum Vendelinum laudo, Maſſilienſibusque ſuadere conabor, quicquid probaueris. Angliæ Regis res afflictas deploro cùmque tam iniuſtas pacis conditiones ratas habere poſſe non video. Neceſſitas quidem ſuprema lex eſt, ſatiùs eſt tamen armis occumbere quàm authoritatis Regiæ, honorisque iacturam facere. Dicam poſteà de illo quod Tacitus noſter olim de Vitellio, vt ſi ceteri non meminiſſent, ipſe citò regni ſui obliuiſceretur. Conſcientiæ ac decoris ſtaterà omnia eſſe ponderanda iure arbitror, omnia ſauſta precor, anno inchoante Viro amiſſiſſimo. Vale Muſarum Decus & Ornamentum. Aquis-Sextiis 3. Ianuarij 1645.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**ihil noui ſub Sole, quid fuit niſi quod eſt? & quid erit niſi quod fuit? rerum vices demiror, truditur dies die, & annus anno, ver præterit, æſtas interitura ſimul, & tamen nunquam quieſcit hominis mens, nec eadem ſatiſdine diſcit, vitæ oblectamenti innixa. Ad noua ſemper aſpirat animus, ſed tamen præſenti æternitatem poſtponit, vitanam ſeriō cogitaret, quàm fluxa ſunt omnia, contemptui haberet quod tanto opere deſiderat. Hic velut è ſpecula vniuerſum Orbem perluiſtro, hinc victores proſtratos, inde victos Laureatos, nunc Reges populis fræna ponentes, mox ſubditos Regum detrectantes imperia conſpicio. Nihil tam ſublime quod non euertatur, nihil tam demiſſum, quod non tollatur in altum, ludibrium fortunæ ſumus. Vale Muſarum Decus & Ornamentum. Olioli 9. Ianuarij 1645.

PETRO

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E** Aput rerum nostrarum Aquensem ciuitatem nunc reuisto, Comitibus nostris pacare actis, plausus negotiationem nostram sequuti sunt, quales desiderare potuimus, & quamquam in mimo vitæ vultus personarum inspicere liceat, Deo Optimo Maximo scrutationes cordium linquere solemus. Hic vix lumen experimur dum Parisiis omnia concreta gelu narrantur. Varietatem illam vniuersi terrarum Orbis meditor, quæ animorum inconstantiam probè denotat; vicissitudines perpetuas huiusce Mundi contemno, æternitati infixus, vbi ciuitatem in quadro positam ac permanentem intueri concessum est. Vale Musarum Decus & Ornamentum. Aquis-Sextiis vltima Ianuarij 1645.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E** Omittis nostris peractis vbi multum desudamus, nunc respirare licet, & Tolonum inspiciens procellosum mare intueri non absimile, vt mihi videtur vndanti, & fluctuanti turbæ, quæ discessit à nobis integritas quidem valet, sed ratio sæpius obmutescit. Fœliciter tamen egimus, & cuncta prosperè celsere; istius Prouinciæ animis infixa est Regis reuerentia, & plus sapiunt infimæ sortis hic viri, quàm Nobiles ipsi in Prouinciis istis, quas et si Aulam nostram pertingant, nunquam tamen inuisant, turibus degentes agrestem vitam exercent, & animum ferocem gerunt. Non desinam mirari Britannos etiam nostris ferociores, qui dum suos insaufos exitus abscondere student, malorum remedia non ipsa mala differunt. Vale Musarum Decus & Ornamentum. Tolonæ 23. Ianuarij 1645.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**Q**ua illa excipio, quæ protulit eximia erga me illa singularis amicitia non moritura; linquemus enim post nos opusculum quod non imber edax non Aquilo impotens dituere possit. Rerum inconstantiam vides immotus, & Amicorum vtilitati verè rectè consulis. Deest nempe ac potissimum Magnatibus qui verum dicat, & qui potius personam quàm fortunam illorum audeat alloqui. Conuentus nostri bene finiuntur, vtinam nobis idem eueniat postquam mimum vitæ peragere licebit. Augustum reuereor, qui ita de rebus humanis, excedens è vita philosophatus est, quandoquidem certissimum est vniuersum Orbem histrioniam exercere. Vale Musarum Decus & Ornamentum singulare. Olioliij 16. Ianuarij 1645.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**tilitati consulere hisce ferreis temporibus necessarium est, & vt probè dicis, Protegum curæ pecuniis importandis in fiscum nunc incumbunt; sat est manus habere puras, & ita aurum istud Tolosanum attrahere, vt famam incolumem seruare possimus. Nihil tam lucidum quod obscuritatem non gignat, & aurum quod ob oculos fulget, nigrescit in tactu, & quamuis nec vulneret nec tegar, ad idololatriam ducit, sed quid opus Philosopho tot animi dotibus ornato, hac ratiocinatione? Diogenis more diuitias contemnens, mentem ditare non atcam iure quartis; non qui plus habet, sed qui minus cupidus est. Vale Musarum Decus & Ornamentum. Aquis-Sextiis 6. Februarij 1645.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**rmaniarum res turbidas attentè considero, Hydræ more renascentes. Inclusus Galassus aufugit, exercitus cuius Dux erat est profligatus, & tamen in Bohemia resurgit bellum atrox, quod cruentum prælium vix dirimet. In Magna Britannia odiosæ pacis Regi offeruntur conditiones. Sola stat nostra Gallia Lauræis fecunda, prosperæque fama, pace, Deo iuuante, citò firmabitur. Musis & Equitationi nunc operam do negotiis peractis. Vale Musarum Decus & Ornamentum. Aquis-Sextiis 15. Februarij 1645.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**stinant lentè Hispani cùm de pace incunda agitur, & giganteis passibus ad Monarchiam vniuersalem progredi non erubescunt. Illius nationis vultus pallidi inextinguibilem sitim denotant Galliarum, & confederatorum armis repressi, ad salubria consilia tendent aliquando, seriùs tamen, vt opinor, nì Turcarum apparatus bellici nos ad vnionem cogant inuitos, Melitensem obsidionem meditantur, aur potius inuasionem Siciliæ. Quicquid accidat diuinæ subiecti Prouidentia nihil debemus pertimescere. Magnæ Britannia Regis res afflicta, status submersiorem religionis, que iacturam prænuntiant. Vale Musarum Decus & Ornamentum. Aquis-Sextiis 21. Februarij 1645.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E** Lunæ Eclipsi quam obseruauit Neutæus nihil est quod scribam. Magna illa Astræ



Astra oriuntur & occidunt, exaltationes & exilia frequenter patiuntur, Minora verò quæ vix parent à paruitate, & obscuritate sua proteguntur, sic Reges ipsi intereunt, sic Magnates, ferunt summos fulmina montes, & ita nos mortales quamvis immortalia induamus desideria, præterimus velut umbra, omnia caduca & fluxa præter omnium authorem ad quem solum respicere licet. Nihil hic noui nisi rumor satis compertus de formidabili Turcarum apparatu Melitensem insulam, aut potius Siciliam minitante, sic nostrorum Principum animos conciliet Deus, vt hosti Ecclesiæ perpetuo, possint obistere. Vale Musarum Decus & Ornamentum, Aquis-Sextiis 28. Februarij 1645.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**ortidum vndique Martem belligerantem video, & Cæsares penè prostratos. Sola Anglia videtur pacem meditari etiam Regi odiosam, necessitatis legi, vt mihi videtur, parenti. Hispanorum superbiam nouissimam deuincimus, nisi Turcarum infinitæ copiæ ad saniora cogant consilia, quos huc vsque hæc sacra, nec profana, nec ius ipsum rationi subiacere potuerunt. Scrutator cordium Deus Optimus Maximus, videat & iudicet, & ita Christianorum Principum pectora demulceat, vt concordiam æternam aliquando pacifis queant. Vale Musarum Decus & Ornamentum. Aquis-Sextiis 7. Martij 1645.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**ille belli diuturnioris trahendi artes oculis nostris parent, plûque ponderis habet ambitio illa hostium nostrorum mestibus infixa, quàm Christiana Ecclesia orans & gemens; sua cuique vtilitas, & zelus fragrans maiorum, nunc est extinctus omnino. Et Sicilia soluerunt aliquot nauigia militibus onusta Catalauniam petentia eodem momento, quo Italia tota formidabilem Turcarum apparatus iure reformidat. Quid plura? manet tantum religionis species, prævalent illi citæ, & politica Hispanorum religionis fundamenta destruere non erubescit. Vale Musarum Decus & Ornamentum. Aquis-Sextiis 14. Martij 1645.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**acem inter Regem Magnæ Britanniae, & rebelles subditos esse desperatam non miror. Importuna quies cum bello bene mutatur, nihil grauius illi Principi accidere potest, quàm quod ei offertur subdola fæderis inhonesti specie; obuiam armis ire dedecori

licet. Hæsterna die Iubileum appetit Aquis Ecclesia celebratissima processione cui interfui, sic summus Pontifex, sacro munere inchoante, communi providere salutis studet. Vale Musarum Decus & Ornamentum. Aquis-Sextiis 21. Martij 1645.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**on ab Aquilone omne malum, quandoquidem in Oriente Turca, incredibili celeritate, formidabiles vires colligit, Germani bello assueti, & Hispanorum iugo pressi, pacem potius concupiscunt quàm ispirant, in Anglia nondum victoria, iam discordia. Omnes ferè nouo Imperatori parere detrectant. Rex ipse incertus & fluctuans, rebus secundis dies terum verbis terens non probè vitur, aduersis premitur, fato succumbit, & improspere fortunæ pondere fessus, temporis committit, quod rationis fræno debetere tegere, tu ne cede malis, sed contrà audentior ito. Vale Musarum Decus & Ornamentum, Aquis-Sextiis 28. Martij 1645.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**ortis Suecorum insignis rumor ad nos peruenit gratus, vtinam vetus, Moræ valeat veritas, & fama, quamvis acquirat vires eundo, retinet aliquid constanti cui inniti liceat omnino. Fortitan cordi est fortunæ bellum finire vbi inchoauit. Bohemia & Praga ipsa vident Imperatoris terga, eodem loco, quo defunctus Cæsar Lauream consequutus est, nondum marcidam, ac tanti momenti, quandoquidem Germaniæ libertatem subiecit, Angliæ Regis res desperatæ minantur extrema & regno, & Regi, pax tandem inde orietur, vnde minus parer, & Dei Providentia dirigit ad bonum finem, quicquid in nostram verti perniciem iure timemus. Vale Musarum Decus & Ornamentum. Aquis-Sextiis 3. Aprilis 1645.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**C**lassi sortem iute demitor, qui nunc ab exilio venit ad impetum. Fortunæ ludibrium sumus, Magnates deprimuntur, infimæ plebis viri; tolluntur in altum. Cæsaris casus & fuga Christianæ Religionis obesse non potest. Sueci victores, non habent satis virium ad profigandum bellum diuturnum, atrox, & cruentum malis altius; Bauatunionis Catholicorum Principum columnam restituet, pacem victoria gignet. Vale Musarum Decus & Ornamentum. Aquis-Sextiis 18. Aprilis 1645.

PETRO

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**ſce factis feſtiſque diebus Chriſtiani exercitiis vacare licuit, ne totum vitæ curriculum noſtræ, vanis aſſueſcat nimis. Nunc reſumere epistoſarum commercium decet, pacem optare, potius quam ſperare, reſque bellicas & auilicas velut eſ ſpecula perſpicere, Aurelianus & Enguinaus ſic inchoabunt expeditiones, vt bonum & proſperum ſucceſſum augurari poterimus. Hic præter Roſæ obſidionem, nihil noui. Arelatem cogitamus, inde maritimam plagam luſtraturi. Vale Muſarum Decus & Ornamentum. Aquis-Sextiis 25. Aprilis 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**cce ſubodoratus es, duas epistoſas eodem curſore accepi, Neuraſi cui genium conſidero, cuiusque docta delector cōſuetudine. Arelatem nunc colo antiquiſſimam ciuitatem Alam noſtram cogitatam, ſed non eſt mihi per otium, Prouinciæ negotiis implicitus ad hæte. Credo equidem nec vana fides, te nunc Beruillæum noſtrum alloqui, cui permiſi aquas ſalubres tentare, quod ſanior euadat in poſterum; Campinium noſtrum comitem habeo fidum Achaten, & laboram ſocium. Roſæ obſidio, nunc eſt in progreſſu, vtinam ſœlicem ſortituri exitum, oppugnatur & propugnatur fortiffimè. De Turcis expectantur noua, vndique concurant Equites Melitenſes, qui inſulæ obſidionem iuuenili ardore admodum cupiunt. Vale Muſarum Decus & Ornamentum, Arelatis 2. Maij 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**n Oriente, Roſa, in Occidente Motta obſidione cinguntur, vtinam proſpere. Hinc diſceſſit Campinius noſter Aquas-Sextias repetens. Aliqua negotia, quæ res domeſticas reſpiciunt, adhuc me detinent, nihil noui, & ſi omnia noua, deperditur quotidie aliquid noſtri, & dies truditur die, quàm vana hominum cogitationes, quàm inutilis ambitio, ſepulchri immemores, totius Orbis poſſeſſionem exoptamus, & in Motta, in Roſa tamdiu hæremus ſuſpenſi, & dum vniuſuiusque gladius proximum ſuum iugulat, aduenit hoſtis communis, Tutca Tyrannus Orbi Chriſtiano minitans, ac de ſucceſſu proſpero ſecurus, ni Deus Optimus Maximus impetum validè repellat. Vale Muſarum Decus & Ornamentum, Arelatis 9. Maij 1645.

*Epistoſa ad Gaſſendum.*

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**eſurgens in Oriente bellum, Occidentis fortaſſe dirimer diſcordias, Treuirenſis Electoris liberatio, & Cæſaris res proſtigatæ hoc mihi præſagire videntur. Neſcio quid audiui de Capellano noſtro, qui Ducem Longauillæ non comitatur, verùm ex te ſpero; de Magna Britannia nihil eſt quod dicam, factio valeſcit, bellum trahitur, quicquid eueniat, Rex premitur admodum, nec habet ſatis virium quæ poſſint feſtis ſuccurrere rebus. Aquas-Sextias tandem repetij aliquot commoraturus dies. Vale Muſarum Decus & Ornamentum. Aquis-Sextiis 16. Maij 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**lam inuiſere haud potui rectè vt conieciſti. Prouinciæ negotiis nunc incumbo Aquis-Sextiis in capite rerum Campinio ſemper comite. Roſæ obſidio promouetur, Claſſis Hispanica nondum eſt portu ſoluit, Turcica minatur, ſed nihil certi de oppugnatione inſulæ Melitenſis habemus, hæc gens voluptatibus immerſa pericula fugit. Hiſpani, tantum inſeruiunt vanitati, & dum minis præſumunt, amittunt certa, minis & verbis depugnantes, ru mentem rebus præclaris inſtruere non deſinis, Amicos fouens inimicis parcens, affectus animi ſedans. Vale Muſarum Decus & Ornamentum. Aquis-Sextiis 23. Maij 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**C**Altra-metationis vtilitatem commendat copiarum Turenſij noſtri iactura, cuius ſiniſtrum caſum deſlere potiùs quàm culpæ licet; verſat omnes vrna, & fortuna ſubluniores præcipitat, erigit humiliores. Et in bello bis non peccat Dux aut Miles, ſic nos decipit incoſtans mobilique Dea. Aurelianus & Enguinaus rem reſtituent, ex te interim illius exercitus iacturæ circumſtantias expectabo. Vale Muſarum Decus & Ornamentum. Aquis-Sextiis 30. Maij 1645.

Vellem reſcires vtrum ſit aliquis Lutetiæ qui Illyricum idioma edocere poſſit.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**cceſſit tandem ad lilia Roſa, & verno tempore quo flores legere ſolemus, agitur nunc de Gleba, quæ ad legitimum redibit poſſeſſorem,

H h

possefforem, Capellani nostri moderationem demior. Longa uilla pedetentim Monasterium petit, pacis opus, lapis est Philosphorum, quem omnes querunt, & nullus inuenit. Magnæ Britannię res afflictæ, vix resistuntur, rector indigent, & quem habent non regit, sed regitur, Turrenii in columis euasit, exercitu non profigitur, Suecorum laurus Delphica procellam fugabit fulgurantem Heroium nostrorum auspiciis & ductu. Vale Musarum Decus & Ornamentum. Aquis-Sextiis 6. Iunij 1645.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**E Turcarum apparatu bellico est quod timeatur, etsi nihil certi ad nos adhuc peruenit. Classis Hispanica quinquaginta nauibus, & triginta tritemibus adornata, Rosæ auxilium, tatdè meditans, nunc è portu soluere seridè cogitat. Classis nostra recepit se opportunè. Tripudiis resonat nunc ista ciuitas festum corporis Christi more suo celebratura. Misericordiam aliquando voluptatibus vulgi oportet ne rusticam & intempestiuam seueritatem percolere videamur. Incolumis est, Deo fauente, familia nostra, incolumes Amici. Vale Musarum Decus & Ornamentum. Aquis-Sextiis 13. Iunij 1645.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**Lbanie villæ secessum meditans tui desiderio flagrare incipio, negotiis tamen tuis oblectamentum postponens ad solitudinem penè redactus, Amici omnium horarum auxilium imploro. Eorum qui à secretis inferuebant mihi recessus variè iactatur, conscientia facti sufficit. Moderatio mea laudatur à multis dissendæ magis quàm discindendæ amicitie; innocentium morum & auiditas habendi non bene conueniunt. Amicitias magnitudine munerum retinere volui, & non constantiam morum, sicque magis metui quàm habui, videant quibus interest gratitudinis exempla demonstrare. Vale Musarum Decus & Ornamentum. Aquis-Sextiis 20. Iunij 1645.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**c quieti non otio indulgere quanto Orientem & Occidentem respiciens, hinc Turcas immanes, illinc, exercitus in prociendū considerans. Italia tremat, Hispania desidiola iacet, sola Gallia Suecis fœderatisque innixa opportunitatem belli capiat, vbiq; fulgens. Britanniam tempore linquo, Germania Austriacæ domus visitati laudans ac mœrens inferuire cogitur. Aurelianus Dux Hol-

landis iunctus, magnus incumbet ausis. Enginæus Bauarum è lomno exsuscitabit & fessis coget succurrere rebus. Vale Musarum Decus & Ornamentum. Albanie 27. Iunij 1645.

Expecto iuuenem Illyricam linguam edocentem. Et thesaurario Prudhomio rescribo, det sufficientem pecuniam, tu videbis quid erit opus.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**scite potuisti insignem cladem exercitui Regis Hispanie à generoso Heroe Comite Harcurio inflictam; est quod vbiq; ab hostibus nostris timeatur, de Turcis nihil certi fertur. Classis adornatur sed non è portu soluit. Melita militibus vndiq; confluentibus tam secura redditur, Comes Harpajovius vices gerit magni magistri omnibus acceptis & charis. Hispanica Classis immota iacet peticulis immixta. Lusitanus in prociendū Gallie victoriis tutus & protectus, Hispaniam inuadere nunc seridè cogitabit. Vale Musarum Decus & Ornamentum. Albanie 4. Iulij 1645.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**Athæseos professionem recusare non licuit, ac præsertim pactis, dimittendi munus, conditionibus. Vere, vt voles, adueniet interim discessus gratum tempus, quod quiete præstolabor. Albanie secessu delector admodum, etsi æstus feruens fuerit, familiaris hic incolumi immixtus, equitationi & libris operam do assidam. Sed non diuturnam, ne mens tristitia, & corpus morbo langueat. Campinius sæpe adest indiuiduus comes & fidus. Vale Musarum Decus & Ornamentum. Albanie 11. Iulij 1645.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**E querelis in Appatitorem Motum certiore faciam Campinium nostrum, qui non minus illustrissimum Grassensem Antistitem chatum habet. Meuerium à secretis, Lutetie degentem moneo caveat à viro, qui me inconsulto nomen immiscet meum vt fauorem sibi conciliet. Mardicum oblectum scribis, Regis Angliæ exercitum profigatur, & Germaniam aduentu Enginæi Laureati nostri tementem. Vltima Deo fauente respondebunt primis. De Turcis fertur minitantem classem Venetorum insulas Cephaleniam & Zacinthe inuadere velle. Pestis hoc vique Mahometanos trucidauit. Vale Musarum Decus & Ornamentum. Albanie 19. Iulij 1645.

PETRO



PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M** Ardicum captum, Brinium obfessum, Christianopolim serè expugnatam, Magnæ Britannię Regem è fuga se recipientem, enarrat vltimum epistolium, hæc in Occidente, sed in Oriente Turca Cretam inualidam aggreditur, vilia tanti exercitus spolia, Selymus & Solymanus obiere qui ardua tantum respiciebant. Harcurius Heros impossibilia tentat & perficit, optat & obtinet, adest & vincit, ardet, & audet, incolumem seruet Deus quem Hispaniarum Cæsarem appellare decreuimus. Vale Musarum Decus & Ornamentum. Albanie 25. Iulij 1645.

Si libros Illyrici idiomatis inueneris, certiotem me facias, enixè rogo.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I** Vuenem à te missum singulis expecto diebus, ad nouitatem pergit auidè animus humanus, & cum nihil sit in Orbe nostro, quod possit nobis felicitatem offerre constantem, de præsentibus ad futura, de dubiis ad securam, de incertis ad certa, de caducis ad immortalia tendit cor hominis, non frustra triangulare, quandoquidem nisi Trinitatis triangulo futurum sit adimpletum. Curia nostra maior, capite vehementissimè dolet, Campinius & ego egregie cœcordes. Vale Musarum Decus & Ornamentum. Albanie Kalendis Augusti 1645.

Prudhomium moneo reddat tibi viginti libras Tutonenfes, obliuioni ne tradas imagines Virorum illustrium depictas, quas Neuraus tories commendate non desinit.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**S** Pei repulsam propinqua solatur fortuna, scœminæ partum, Serenissimæ Dominæ, insequetur masculus Princeps, qui serò Patri succedet, carius eminus victorias non sine discrimine vitæ Herois Enguinæ, Bauarorum exercitus profligati tumor ad nos peruénit incertus. Diuinæ Providentiæ committamus omnia, adueniet tandem iustum pacis tempus, & Deus Optimus Maximus non suet inulcôs nominis sui superbos hostes, & cum alteri gloriam se non cessurum suam, tories assueret, victimas ad ima detrudet, quos Veneti potius pertimescere, quàm vincere norunt otio nimis assueri. Vale Musarum Decus & Ornamentum. Albanie 8. Augusti 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**C** Cessit iuuenis incolumis, optimæ vt mihi videtur indolis. Germaniæ res  
*Epistola ad Gassendum.*

in statu, Angliæ Regis, in pessimo; Catalauniae in mora esse, & longius trahi non est in dubio, Danos inter & Suecos firmati, pax nullo modo poreft. Ars est Hispanorum ne peccat diuisio tanti momenti, Turca interim insolefcit, & Christianos impune lædere assuescit. Exurgat Deus & dissipentur inimici eius. Campinius noster non bene habet, & Aquis-Sextiis immoratur. Vale Musarum Decus & Ornamentum. Albanie 15. Augusti 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**odd ab altero pendet semper est incerto, & ita non est cur tuas reprehendam curas, sat citò si sat bene. Res orbis Christiani in Germania sunt in æquilibrio, in Anglia Rex vix respitat, in Italia tuta timentur tamque lentè accingunt se ad Turcicum bellum improuisum, vt Venetorum iacturam certam prænunciare liceat. Multorum capitum caput est Respublica, omnes imperant, nemo parat, deliberant, & non est qui statuat, præuident, sed non prouident, bellum exhorrescunt imparatque suscipiunt, omnes denique bonum publicum prædicant, & vti cuique utilitas nummorum summa cupido, victori seruatur quicquid non expenditur fortunæ. Vale Musarum Decus & Ornamentum. Albanie 22. Augusti 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V** Erum prænuntiant aliquando vulgi rustici mores, quod peroptamus, loquimur dormientes etiam & ægotantes, prælia, dolores, voluptatèsque somniamus. Tori Galliæ gratulor ob rem præclare gestam ab Heroë nostro Enguinæ, sic itur ad Altra. Iuuenis Auberij Maurerij casum deslerem magis, si cum decoro exitus non esset summa laus coniuncta. Marte & arte valebat eximius vir ac genetosus, qui è memoria illustrium nunquam excideret. De Magna Britannia nihil est quod dicam. Naui est amillo gubernaculo, huc & illuc fluctuans. De Germania bene spero, modò victori Enguinæ opportunè succurrere valeamus. Vale Musarum Decus & Ornamentum. Aquis-Sextiis 29. Augusti 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**rsum peregi feliciter, Diuix lares tuos inuisi resque priuatas, quæ te respiciunt Consulibus commendau, vbique faustas accipi populi acclamations, Nobilitatis concursum, Cleri pias preces, dignum laborum fructum, vulgi amorem, publicamque plausum. Herois Enguinæ incolumitatem antè mortuum præscui. Vtinam ad Nestoreos annos.

Hh 2 Danos

Danos inter Suecos pacem firmam & firmatam opro, Transylviani ambigua consilia magis nociua, quàm si res cum hostibus composuisset incerta, semper lubrica, & cauti quàm magnanimi periculosiores, fortes aperto Marte, timidi, clam agunt. De Anglia nihil est quod dicam, temporis linquendæ & fortunæ huius Regis res deploratæ. Vale Musarum Decus & Ornamentum. Aquis-Sextiis 26. Septembris 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**Q** Vibus conditionibus, pax Danos inter & Suecos, fuerit firmata, refert vltimum epistolium, opportuna illa quidem, cùm Transylvanus tandem, toties repudiata pacem, Cæsareis concesserit, melius est eos quiescere, qui in otio bellum, & in bello otium cogitant. De Turcis varia, fertur insulam Canaam adhuc resistere, Genuenses verò captam fuisse, optant & promulgant, vti nam falsò; de Germanis & Britanhis nihil referunt quod possit fessis succurrere rebus. Comitia nostra pacata fuere. Comes Borlonius est primus Procurator Provinciæ, Bligerius Allessor Rossetus & Lagetus postremi consules. Massiliæ Lex de ambitu esset necessaria, singulis momentis purpura illa vti Romana respicitur, mox adueniet iustum pugnæ tempus. Vale Musarum Decus & Ornamentum. Aquis-Sextiis 3. Octobris 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**Q** Ratores Cæsaris paci obnoxiores lubenter audio, communis hostis infestatio eorum animos frangat, quos rationi subicere nationis non fert superbia, & auida illa dominandi cupido, sed quacumque viâ ad quietem pergere publicam possimus, nihil refert, modò iunctis viribus depugnare & debellare Turcas, nobis à Deo Optimo Maximo concedatur. Canæa obsessa pactis conditionibus, victori cessit, Principum Italix Classis lentè procedit, & dum vnusquisque sibi timet & cauere studet singuli pugnant, & vniuersi vincuntur, Enguinæ nostri vires paulatim rescinduntur. Vtinam transigat hic æuum. Vale Musarum Decus & Ornamentum. Aquis-Sextiis 10. Octobris 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**L**uxio qua laboranti cùm febris expers fuerit, leuis, nec incommoda Medico meo Martino paruit, nunc Deo fauente melius habeo, tuo Hugoni iure succensco, Neuræque commisi quam ad te referret sententiam. Prospere Enguinæ nostri valetudo, mihi nunc sola

cordi. Germaniæ Magnæque Britannix res vti remotas considero, de Turcis nihil certi audio. Attociis prælij incertus ad nos perueniat rumor, sed prosperi, qui non confirmatur, veritas visu & morâ. Vale Musarum Decus & Ornamentum. Aquis-Sextiis 17. Octobris 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**ntiquitus morbi diætiis, & sobrietate corporibus pellebantur, nunc emissione sanguinis, & potionibus vruntur Medici, quorum consiliis incolumitatem nostram committimus; sic est vltus vel potius abusus. Tiberij Cæsaris in hoc iudicium probo, quod virum triginta annos supergressum valetudinem regere suam debere, inconsultis Medicis, existimabat. Consuetudini deditus & rerum ordini corpus Medico, animam Confessori permitto. Heroem Enguinæ in incolumem reddidisse lubentissimè audio. Orbis Christiani res turbatas admodum doleo. Vale Musarum Decus & Ornamentum. Aquis-Sextiis 23. Octobris 1645.

PETRO GASSENDO

*Eruditissimo, LVDOVICVS*

• VALESIVS, Εὐλογεῖν.

**E**vm vltimo epistolio exemplum tuum epistolarum lubeus accepi, magni quidem momenti tuoque nomine dignum. Legam & pellegam lucubrationum tuarum opus sapientibus gratum omniumque plausus excitans. Archiepiscopi reditus in Metropolim, rapuit Campinium nostrum, qui mox discessit, Prouincia nostra rota est in apparatu, tantum expecto Virum cui adherere desidero multis de nominibus, virum nobilem domesticam carruca vectum. Præmisit, citò sequitur, de Turcis nihil certi nisi maxima incommoda ab hostibus nominis Christiani Veneris inflicta; omnia in peius ruent si discordia nostra procedat vltius. Vale Musarum Decus & Ornamentum. Aquis-Sextiis vltimâ Octobris 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**on nimis de perfido quæri poteris & Amicis volentibus, Hugonem persequi debes, non ita bonitatem colere decet quin periuros rationi obediens reddas; Prælatos optimos testes habes, & fideiustores qui obuiam ibunt dedecori, & in Ecclesiasticum refractarium animaduertent sedulo, rediit in urbem Aula trium Reginarum maiestate fulgēs, & purpuratorum Principum fulta, quorum concordia regni felicitatem parit, domi quietem, foris palmas & triumphos, & vbique Gallorum nomen extollit: sic Deus minorem turatur Regem. Sic mater infantem fouet, sic

sic denique Magnates sunt obsequentes vt extranei obstupefacti hostes omnino cotruant. Vale Musarum Decus & Ornamentum. Aquis-Sextiis 7. Nouembris 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**olonorum magnificam exceptionem nartauit pluribus Renaudotius. Reprat adhuc Rex Magnæ Britanniz, sed vt lapsu grauiore ruat, infælici Principi deest qui verum dicat, & cui credat, vndique infidiæ eum obfessum derinent, nec à sanguine tutus qui nulli nunc fidere potest; res afflitas in melius vertat Deus Optimus Maximus. Si tantum temporis in præliminariis impendunt Cæsaris Oratores, quid fiet in negotiis tractandis? senescunt Plenipotentiarij aut fato fungentur: mora tamen victoribus non est periculosa. Classis Christiana re infecta pedem retulit, Italici longè à Romanis absunt, Veneti tutius in pace degunt, bellumque detrectant. Vale Musarum Decus & Ornamentum. Aquis-Sextiis 14. Nouembris 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**es Soles natura non fert, attamen vidit Aula nostra tres Reginas, aut potius illa micantia Astra, quæ diei lumini ac vero Soli caliginem offundere non erubere, ita narrantur solemnia, vt ad magnificentiam & pompam nihil desiderari possit; verum est quidem confusionem ordinum aliquid detraxisse antiquæ Maiestatis Regiæ, quæ magis inter primores regni elucescit. Cærimoniz illæ sunt velut cortices, quas extorare non licet absque arboris deperditione, omnes ascendere, nemo descendere cupit, & sic tandem ad despectum extraneorum deueniemus, si tanto gliscenti, & ex Aulicorum diuisione nascenti inalo obuiam non itur. Vale Musarum Decus & Ornamentum. Aquis-Sextiis 11. Nouembris 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**roranti faciles præbere aures; non est difficile, ex aliis audiuimus quanta eloquentia & doctrina oratio tua peracta fuerit, non vanum fuit plaudere manibus post tam celebrem actionem, diu viuas vt prospera tui fama ad multos annos frui possis? Regiæ Poloniæ discensus in dies prorogatur; & quam adsit corona florifera, spinæ longi itineris acriter pungunt, & regnum illud, vt honestam exilium respicere licet. Vale Musarum Decus & Ornamentum. Valemus nos quoque Amici tui Deo fauente. Aquis-Sextiis 5. Decembris 1645.

*Epistola ad Gassendum.*

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**ræliminarem tuam expectamus orationem doctam & elegantem. De Britannia nil boni, ex Germania inuitos Septentrionales illos ad pacem cogi, iure existimo & conicio. Hispani nouissimam exuent superbiam, & inextinguibilem dominandi sitim, offerunt quadriennes inducias, sed in inanis conditionibus, vt ex vna patte populos decipere possint; ex altera verò Monarchiam nostram obruere, sociis derelictis. Fata viam inuenient, & crescet cum Rege prosperitas regni. Vale Musarum Decus & Ornamentum. Aquis-Sextiis 12. Decembris 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**n opusculum tuum oculos conicere non mihi permisit temporis breuitas. Mardici inopinam expugnationem vix credere potui. Soli Galli exemplis vti nesciunt, certis moribus addicti, hostes contemnimus, altum dormimus, ad aciem inermes occurrimus, & sic à natura edocti, eadem committimus errata. Certissimum est tamen quod in bello bis peccare non licet; aperto valemus Marte, occulto succumbimus; generosos gerere spiritus, nostræ est nationis, laboribus verò non resistere. Prima nostra feruent, vltima frigent, & sic audacter suscipimus quod cum tædio linquere solemus. Vale Musarum Decus & Ornamentum. Aquis-Sextiis 19. Decembris 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**O**rationem doctissimam quam cum tanto pronuntiaſti plausu, facilius fuit audire quam percipere. Pauci quos æquus, &c. è Diis geniti potuere. Nihil intactum reliquisti, ab arcano Sacrosanctæ Trinitatis vsque ad infima profluxit oratio. Non est quod timeas si in lucem prodierit, admiratione non reptehensione digna est quidem. Et quamuis in eam Cartesius criticam exerceret, euaderet elegantior, ac purior. Conuentus nostri nos premunt & breuiorem scribere cogunt epistolam. Vale. Musarum Decus & Ornamentum. Aquis-Sextiis 16. Decembris 1645.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**mmortalia ne speres monet annus, & iterum vicissitudo, quæ sublimia deprimunt, ima subleuat, pacata turbat, discordias dirimit & denique ita omnia miscet, vt vix ali-

H h 3 quid



quid stabile dignosci possit. Ver proterit ætas, & à iuuenibus vita expelluntur senes. Virrus tamen immota manet, & vera amicitia qualis inter nos reperitur, æternam spondeo & stabilem, reciprocam peto, & Nestoreos exopto annos, fama & valetudo contingat abundè Petro nostro carissimo, cuius amicitiam, constantià morum, considero, Vale Musarum Decus & Ornamentum. Aquis-Sextiis 2. Ianuarij 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**lems etiam hic acriter pungit, montes nunc albescent, pluuiis valles sunt refertæ & sic vbique frigus importunum. Conditiones ab Imperatore miriores oblatas delector, sed timeo Danaos & dona ferentes. Res Magnæ Britannæ Regis pessimè ruunt, & sic Principes fortunæ ludibrium, iure dicuntur. Pauones pedes respiciunt alâsq; depri-munt suas. Nouissima cogitemus & exue-mus superbiam, cui resistere nec ipsi Angeli poruere, puluis & vmbrâ fumus, sepulchri tamen immemores struimus domos, arborésque serimus, quæ alteri sæculo profinr. Viuimus, horam vltimam è longinquo prospicientes. Vale Musarum Decus & Ornamentum, Aquis-Sextiis 9. Ianuarij 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**irtutum cælator optimus, immortalitati opera mandas, pauci tali pictore, digni, Neurzum accuso si tibi perepistolium fuit molestus, Amicos non premo, illisque morem gerere glorior. Ad pacem randem hostes nostros appellere fertur. Credam quod docebit euentus, verbis refarcire quod armis amisere, frustra tentant. Ministri nostri hostium fraudibus obuiam ibunt, exercitûsq; nostri eorum derident sententias. Lentè procedunt Comitia nostra, sed huc vsque bene. Tu quidem valeas Musarum Decus & Ornamentum. Lambesci 23. Ianuarij 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**S**ingulis hebdomadis ad te rescripsi, Comitiorum negotia commercium non dirimunt nostrum, Longauiâ puerperium maximo mihi est solatio, orbitatis iacturam nominis famâ refarcire conabor, & pennæ tuæ vectus alis, immortalitatem attingam. Posterisque ab Amico narratus, aut laudatus ero, aut excusatus. Pacem cupio potiùs, quàm spero, dum Occidens Irim demonstrat, Oriens & Meridies nubibus teguntur. Vale Musarum Decus & Ornamentum. Lambesci Ianuarij vltimâ 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**Arberinorum appulsus animum vehementer commouit, vices fortunæ raro sempiternæ attenta mentis acie considerans, totius Orbis mente lustrauî partes, nihilque fixi, nec etiam Terram, deprehendere potui, motûmq; rerum continuum, vt volubilis Deæ imaginem propiùs inspicere tentauî. Bellum vbique, pacem nullibi, regnantes egenos, pauperes sublimes, omniâque subuersa video. Hæsterna die vniuersam familiam excepî conuiuio. Fortiter miserum gerunt ipsi casum diuitiisque affluentes iucunda præteriti recordatione, temporis præsentem calamitatem sublenare conantur prudentissimè. Hos gloria reddit honores. Vale Musarum Decus & Ornamentum. Aquis-Sextiis 6. Februarij 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**ortunam reformidare licet tot casibus illustrem, volucrem singunt Poëtæ iure, ob perennem volubilitatem, pedem Galliz insigat fixum, nobis est peroptandum. Interim fata viam inuenient, Germani suam respicient libertatem, Galli suam stabilire gloriam non desinent, Turci obuiam ire conabuntur Itali, & dum futura incerta prospiciunt præsentibus adferre periculis remedium non negligunt. Aperiat Deus oculos cæcorum istius Regû hostium quos sola regit ambitio præpostera. Vale Musarum Decus & Ornamentum. Aquis-Sextiis 14. Februarij 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**nfestas vbique irruptiones exaudio, sed præsertim in Anglia Regis ita res deploratas, vt à subditis seruitutis pactiones accipere sit coactus, ni furor arma ministret. Meliùs Eduardus ille Princeps qui vitæ peticulum, honoris iacturâ postposuit. Sic Heroës, & Maximus ille Iulius Cæsar omnibus se opponebat casibus, vt sibi victoriam scilicet acquireret armis. Decus ante omnia ob fortium oculos ponere rationi est consentaneum. Satis vixit qui decenrer fungitur fato. Hic tandem dum armorum strepitus militum exsuscitant animos, paulò quietiorem transigimus vitam, absente Amico, cuius desiderio admodum detinemur. Vale Musarum Decus & Ornamentum. Aquis-Sextiis 20. Februarij 1646.

PETRO

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**onasterij disquisitiones longius protrahuntur. Hollandi certè pacis conditiones oblatas, non admittunt, Ludouici vndecimi notæ sunt artes, Principibus vnitæ & armatis offerebat omnia, modò deponerent arma. Sic Hispani Hollandis proponunt quod seruire nolunt, vt à nobis diuellant potentes Amicos, perdantque disiunctos, quos sacro fœderis vinculo constrictos vix sustinere queunt. Stemmata respicient perpetui illi confœderati nostri, resque paruas concordia crescere, discordia verò maxima dilabi; sic ars eluditur arte: Hispanique olim cautiore, nunc rationi obtemperare studebunt inuiti. Vale Musarum Decus & Ornamentum. Aquis-Sextiis 27. Februarij 1646.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**in litem inchoatam aduersus Hugonem ad bonum deducas finem, nullo modo dubitare possum. Paucis hodie rescribam, Equitis Guisij inopini aduentus carimoniis immixtus. Miserum Angliæ deploro casum, cuius prauum consilium subditos armauit imprudenter, auctoritas verò fluxa, exarmare nequit. Sic pereunt Principes qui inter prospera regni nil nisi oblectamenta curant, & in aduersis minimis succumbunt negotiis. Vale Musarum Decus & Ornamentum. Aquis-Sextiis 6. Martij 1646.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**gonis tergiuersantis liti finem imponere, antequam discedas, rationi est consentaneum, lentè progredi pacis opus non est mirum; Hispanorum incredibilis habendi sitis, fortunâ ipsâ aduersâ extingui non potest. Cæsar Imperium Austriacæ familiæ seruire perpetuum cogitat. Diuise sacri Imperij mentes libertatem concupiscunt magis quàm sperant. Summus quoque Pontifex, Italiæque Principes vindictæ priusquam securitati consulunt. Turcæ interim vndique minantur, Deum Optimum Maximum tantis mederi malis, solum posse certissimum est. Vale Musarum Decus & Ornamentum. Arelatis 13. Martij 1646.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**tem arbitris committi quam plurimum gaudeo. Bene vt mihi videtur opinatus

es de literis ab Hispano Rege recenter scriptis, fallaces sunt omnino, & cum omnia offert, nihil donat, confœderatis suspiciones incurit, populis blanditur, Clerum exsuscitat, Deuotis puluerem iniicit, & cum de Turcis obloquitur vniuersus orbis Christianus, optimam sui spargere contendet famam. Paramus hinc Comitia breui futura, ne diuiso, vltimum magnarum urbium malum fortius erumpat. Et sic transit vita nostra variè agitata. De Britannia reticeo. Vale Musarum Decus & Ornamentum. Arelatis 20. Martij 1646.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**obis epistoliis vnico respondere cogor. Prius, opus Lyricum inimitabilis Capellani continet & narrat, posterius quidem de composita lite eloquitur proximòque discessu. Verba superat carmen amici tui, prudentiamque denotat tuam, pactio cum Hugone, breuem non impatienter feram absentiam, amplectique lætor admodum, quem absentem reueror. Lectionibus finem impone ruis & Amico indulge omnibus infortuniis maiori. Monasterij res in ambiguo, Britannicæ Regis in extremis, & Turcas in prociendū video. Dum Italia iacet vindictis immersa. Vale Musarum Decus & Ornamentum. Arelatis 3. Aprilis 1646.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**C**onfobrinum tuum Laurentium Consulem, non quidem Regem feci, Cæsar tamen non sum, etsi ex Cæsaribus oriundus, specimen iconis accepi bene expressum ex Prototypo. Exactis festis plura expecto, remque gram facies. Arelatem singulis diebus appellant terrestres copię lintris & cymbis vectæ. Italiæ terrorem iniiciunt nobis vt refertur, vtinam Turcis opponerentur, Orbis Christianus non in peius ruet à semetipso desertus & proditus. Hollandi satis sagaces Hispanorum dolum sentient, & nodis strictioribus fœdus nostrum firmare non desinent, & sic hostium ars eludetur arte. Vale Musarum Decus & Ornamentum. Arelatis 10. Aprilis 1646.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**ostum curis animum Musisque defixum inualetudine aliquoties tentari, non est mirum. Sed cum mihi salubre temperamentum vnum ex maximis vitæ bonis esse videatur, Amicum hortor, non tam animi ornamento vacare, quin corpori conuenientia cogiter aliquando, vtriusque vnio, naturalis sepa-

ratio violenta, totius nostri compositi forma diuina est, et ex diuersis partibus ab Authore Naturæ sit compacta materia. Sed qui solus facit veraque vnum, ipse ex diuersis vnitatem, et contrariis vniorem, & ex alienis proxima, elicere solet. Vale Musarum Decus & Ornamentum. Arelatis 17. Aprilis 1646.

PETRO GASSENDO

*Eruditissimo, LVDOVICVS*  
VALESIVS, Εὐλογεῖν.

**E** Conisfortum insignem fasciculum accepi, ingentes gratias ago diligentissimo Amico cui res minoris momenti cordi sunt, & recte, quandoquidem in minimis elucet amicitia vera. Magnæ Britannicæ Regis res in peius tuunt. Timco ne in hostium manus incidat, dum media semper sequitur dubius & incertus. Principis deplorabilis casus, qui cui credat Amicum intelligentem non habet. Regnante Ludouico vndecimo, Ducis Burgundia Aula Regij sanguinis Angliæ viris reſerta erat; sic erit nunc Gallia. Discessus vxoris Longauiæ Ducis, Monasterij opus in longius protrahi, præſagire videtur, quod Deus bene vertat. Vale Musarum Decus & Ornamentum. Aquis-Sextiis 24. Aprilis 1646.

PETRO GASSENDO

*Eruditissimo, LVDOVICVS*  
VALESIVS, Εὐλογεῖν.

**A**bsente Campinio, vltimum tuum non accepi epistolium, Arelatem non quidem omnino pacatam, sed quietam reliqui. Singulis annis Comitibus aduenientibus, discordia & ambitus quoque renouantur. Annuum dominationem perpetua emunt seruitute. Iulium habent Cæsarem authorem, qui vici incogniti præſecturam sedemque primam, secundæ Romæ vrbis, anteponebat non erubuit; imitantur etiam Othonem qui omnia seruiliter pro dominatione. Et sic animi penitus in altum vehimur è portuque rationis soluentes vix euadimus incolumes. Classis nostra vento secundo nunc nauigat, & nos à longè prospicientes, optamus prospera. Vale Musarum Decus & Ornamentum. Aquis-Sextiis 1. Maij 1646.

PETRO GASSENDO

*Eruditissimo, LVDOVICVS*  
VALESIVS, Εὐλογεῖν.

**C**onditiones pacis à Cæsare & Banaro oblatas habeo maxime suspectas, nisi Hispanus interueniat. Etenim quid nobis utilitatis produceret sola Cæsaris concordia, cuius vires attritæ respirare desiderant, & Suecos à focus arcete, quo possint hæreditaria Regna ad pristinum felicitatem restitui. Interim palam aut clam Hispanos fouebunt, Galliam oppugnabunt alienis armis; & sic occulti, periculosiores. Hispanos à Cæsaribus

deseri non est existimandum. Demus tempori, tempus, & subdolas condiciones pacis inueniemus facillimè. Vale Musarum Decus & Ornamentum. Aquis-Sextiis 8. Maij 1646.

PETRO GASSENDO

*Eruditissimo, LVDOVICVS*  
VALESIVS, Εὐλογεῖν.

**E**vgâ salutem quærere Principibus est durissimum. Magnæ Britannicæ Rex Scotiam petiit, ut fertur, & sic depugnat pro vita qui de Imperio olim decertabat. Misera conditio, priuatam degere vitam cogitat, qui coronam perdidit, modò cæteri non recordentur tam felici obliuiscetur status aliquando. Beati magnanimi Viri qui vitam honoti postponunt, & malunt fortunæ quàm animi pudere. Auum nostrum multa profert, quæ non credit posteritas. Videmus enim seruos in equis & Principes deambolantes super terram quasi seruos. Vale Musarum Decus & Ornamentum. Aquis-Sextiis 15. Maij 1646.

PETRO GASSENDO

*Eruditissimo, LVDOVICVS*  
VALESIVS, Εὐλογεῖν.

**E**Aulæ discessu, deque ineunda pacis spe certiorum faciunt vltimæ tuæ literæ. Hac transiit cursor extraordinarie missus, Orbistelli nuncios obsidionem, & D. Stephani numentum compositioni captum; affulget spes bene rei gerendæ, & sic classis nostra non inutilis, & Roma non sine timore remanet. Magnus Herreria Dux neutralitatem Abbati Beuti uoglio promissit. Veneri à nostris stant partibus, Duces Parmæ & Mutinæ opitulabuntur nobis. Etenim Hispani Eminentissimum Cardinalem Estensem iniuria, singulis afficiunt momentis, & vtrique Romæ discutruunt armati non sine magna Summi Pontificis sollicitudine, qui totum se nostris commisit hostibus, Patriſque communis nomen omnino perdidit. Vale Musarum Decus & Ornamentum. Aquis-Sextiis 22. Maij 1646. Natalibus meis.

PETRO GASSENDO

*Eruditissimo, LVDOVICVS*  
VALESIVS, Εὐλογεῖν.

**P**rimam te de pace concipere spem, video & gaudeo, utinam firmam & longam habeamus, de bello extraneo fieri civile sepius accidit. Nec est credendum Hispanos habere cogitationes pacis, nisi emolumentum maioris rationem habeant, quod ex Aulæ diuisione fortassis expectant. Vtunque res casura sit, licet Deo futurum relinquere motusque componere fluctus utilius esse videtur, Quid de Magna Britannia dicam? Nunc capere carer, quæ Ecclesiæ voluit esse caput. Et Rex qui nulli se subicere cupiebat, nunc propriis



ptiis subditis subiectus, aut in carcerem detrudetur, aut profugus languentem trahere vitam cogetur. Vale Musarum Decus & Ornamentum. Aquis-Sextiis 29. Maij 1646.

Eleemosynarium expecto, Preudhomioque meo mandavi honesto, illi Viro itineris expensam exhibeat.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P** Et mensem integrum à literis quiescam plagam nostram lustrans, inhonesta pace tutius bellum, Herois nostri hostium contumaciam expugnabunt. Et Deus Optimus Maximus qui viduas & pupillos solet protegere, Hispanorum prosterneat superbiam vixque Turcarum effingent manus Germani, de Orbitelliana expeditione nihil est quod dicam, aggressores fortiter agunt propugnantes, victoriam, pro viribus morari contendunt. De Roxolano tacebo, ipsemet rescribit, ei omni modo satisfacere conabor. Est bonæ indolis iuuenis, cuius ingenuitatem diligo. Tu quidem valeas omnium horarum Amice. Aquis-Sextiis 5. Iunij 1646.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N** Ltimum epistolium in itinere accepi, impropterea tuæ valetudinis summo taetūs dolore. Scio te non multum Medicis credere, etsi vsus hoc ferat. Quin sobrietas tibi prosit, non dubito, accessit Eleemosynarius doctus & modestus integreque vitæ. Roxolanum nostrum foueo, dum istius Provinciae Geographiæ operam dat assiduam. De Britannia Magna, omnia timenda, nihilque boni sperandum, vbi multitudo regnat, ibi consulto, non sine periculo corruet euellentium, tam profunda antiquæ Monarchiæ fundamenta. Vale Musarum Decus & Ornamentum. Aquis-Sextiis 9. Iulij 1646.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R** euiore in posterum epistolas tibi commendo, & ita valetudinem regas vt pristinam mox recuperare sanitare possis. Anxius hæcebam cum vltimum ad me peruenit epistolium, animi & corporis quietem queras enixissimè rogo, lectiones linque, epistolis abstine & hisce canicularibus diebus otio te trade. Si tamen otium appellari possit præstantis ingenij meditatio continua, & serues denique animæ dimidium meæ. Vale Musarum Decus & Ornamentum. Aquis-Sextiis 17. Iulij 1646.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R** euerter cursim tua bona valetudo, esset oprandum, sed modò firmiter adhareat, sat erit, notum est malum & perinde facilioris curationis fauet æstas, & breui te Provinciam reuisurum spero, vbi natalem aërem respirare, Amicos alloqui, & ab omni quiescere labore, tunc melius poteris. Sic imminens morbus suadere nititur, sic nichi amicissimo abundè satisfacies. Extanea negligo valetudini tuæ totus incumbens. Vale Musarum Decus & Ornamentum. Aquis-Sextiis 24. Iulij 1646.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E** ximioris valetudinis tuæ noua granter excipio, præsentia postmodum completam efficiet lætitiā. Principem VValiæ Aulam nostram appulisse audio, Regem Patrem captium, Britannos & Suecos non bene concordēs suspicor, exinde dicto Regi asfulget aliqua spes, quam inutilem existimo si ei desit qui consulat, & verum dicat. A suis desertus semetipsum deseruit, languidam & precariam vitam præclaræ morti, & quam Epaminondas sacram vocabat, seridè anteponens. Vale Musarum Decus & Ornamentum. Aquis-Sextiis Iulij vltimâ 1646.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**Q** uò breuius ed incundius vltimum tuum epistolium, donec perficiat præsentia, quod semper deest absentia. E paludibus tandem Hollandos migrantes, restiduum more, nunc exaudio, vrinam bona fide. De Magna Britannia obmutesco, soluit Orbitelli obsidionem exercitus noster, multis pressus incommodis, ac potissimum copiis auxiliariis Neapolitanis, quibus Summus Pontifex passum permisit liberum. Cohortes nostræ admodum debilitatæ restant. Briniolam nunc cogitamus. Vale Musarum Decus & Ornamentum. Aquis-Sextiis 7. Augusti 1646.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**B** riniolam amcenam tandem appuli, vt aliquando rusticam degustarem vitam. Vbiq; tamen nos sequuntur negotia; & donec pereat dissimulata facies histriioniam exercere cogimur, beatamque sperare quietem nobis non licet, nisi vera redeat. Theatrales sumus, solusque Deus in æternum permanet. Et sic nihil quod delectet expecto: Hepoim nostrorum

nostrorum exercitus Bergam honestis recepit conditionibus. Et Dunkercham oppugnatum iri existimant Aulici nostri, incolumces feruet fortuna, duo fulmina belli, Scipiadæ. Vale Musarum Decus & Ornamentum, Briniolæ 13. Augusti 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**c expecto Classis Hispanicæ Genuense legentis littus, vltima noua. Nauigabat nudiustertius Ponentem respiciens, Principe Monæci prospiciente, Orientis fauente vento validiore. Triremes non aderant. Nostra, vt mihi renuntiatum fuit est in procinctu, iræque obuiam hostibus viriliter decreuit. Prouincia nostra militibus est reserta. Sto in medio eorum singulis prouidentibus rebus, non vt volo, sed pro viribus. Dunkercham vt opinor, non obsidione cinget exercitus noster. Omnia seruiliter non pro dominatione, sed pro ipsa seruitute concedet Magnæ Britannix Rex. Vale Musarum Decus & Ornamentum. Briniolæ 20. Augusti 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**roï nostro vulnus inflictum, mortalem ostendit, quem xui futuri memoria æternum reddet. Immensa laudis cupido perdet aliquando Virum incomparabilem, antequam ætas matura animi motus ebullientes refrænare possit. Nullum deseret periculum, nullæ inseruiunt admonitiones, nemo tandem obuam ire contendet, sequuntur quem demirantur, & dum eius insistant vestigiis, hinc & hinc labuntur. Deus tandem tam caro capiti æterna prouideat pace. De Hollandis nihil dico, eorum cauillarionibus obtupefactus omnino. Vale Musarum Decus & Ornamentum. Briniolæ 27. Augusti 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**eruenit ad nos citissimè, rei tormentaria Præfectus terræ, marique Imperator designatus, resarciat præterita damna. Dux peritissimus. Recepit se Classis Hispanica versus Hispaniam. Apparatus noster magnificus, Ibérico minatur orbi, vtinam Turcico, ne communis hostis Christianitatis ex incendio solus proficiat. Huc vndique confluunt pedestres, equestrésque copix. Marcicum captum refert vltimus Aulæ cursor ad Aquesem missus Episcopum. Regem Britannix Providentiæ dininæ linquo. Vale Musarum Decus & Ornamentum. Briniolæ 3. Septembris 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**Q**uod diuersis exercitus constat partibus, vt antequam ad vnum redigatur corpus, non parum infumatur temporis. Melleræus Dux eximius, & cui Poliorcetes nomen conuenit, adest, & omnibus inuigilat cutis. Orbicellum execrantur milites, & dum istud effugiunt periculum, incidunt in maius, & insignia deserentes, Præfecti castrorum diligentia, capiuntur, punitur commune crimen, constatque pertinacia, lucri causâ, perpetrant milites, quod poenâ crescit, & misericordiâ non fit minus. Sic omnia regat ventorum Pater, vt felicem portum teneat nostra classis, fortunatumque successum terrestribus inueniat exercitus. Vale Musarum Decus & Ornamentum. Briniolæ 10. Septembris 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**sc amœnis locis nihil nisi de memoria Peireskij, & de Gassendo obloquimur. Terrestrem incolere paradysum nobis videtur, vbi malum Persicum, vt obiectum culpæ primi nostri parentis, atenta mentis acie perpendimus, & riuulos mutuantis aquæ perspicimus, hic mitior hyems, & æstas minus feruida nobis patet. Prior ipse, Patrefamilias absente, oblectamento mulcum inseruit, & quamquam molestissimo implicitus morbo, nullo detentus incommodo obuam ir omnibus, quæ gratiorem domum possunt efficere. Iam iam è portu soluunt nauigia, triremesque nostræ mare petunt. Vale Musarum Decus & Ornamentum. Belgenferij 16. Septembris 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**udis immensa cupido sicanimum Ducis Enguinæi stimulat ac pungit, vt ardua petere non desinat. Et vt sui superior omnium oculis videatur, famam senescere suam non sinit. Nauigat nunc nostra Classis, pro cuius incolumitate & prosperitate, continua iacimus vota: accessit tandem Campinius noster alta è rupe Monæci descendens; concordet viuimus, constantique nos prosequimur amicitia. Cùm de reditu in Prouinciâ non loquatur vltimum epistolium, non ampliùs spero, litigant vt rescia, Dinienfès aduersum te, thesaurum, quem possident, vt mihi videtur, nullo cognoscunt modo. Vale Musarum Decus & Ornamentum. Aquis-Sextiis 25. Septembris 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P** Eractis Comitibus huius civitatis, & ali-  
quibus desumptis medicamentis, cor-  
pore purgato, Manueſcam cogito animi re-  
creandi gratiâ, venationique dandi aliquid  
temporis, & poſtea ad negotia redibimus. Et  
ſic vita tranſit citò & imperceptibili grefſu,  
Neuræum tuum conveniam, & de tuis loque-  
mur negotiis. Euguinæus, vt fertur, obſidione  
cinxit Dunkercham brevi victricibus cellu-  
ram armis, quid plura? aut pax æterna ſucce-  
det, aut victoria leta. Vale Muſarum Decus &  
Ornamentum. Aquis-Sextiis 2. Octobris 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A** Ppulit tandem, vt rumor eſt, Claſſis  
noſtra ad Portum-longum vulgò dictum  
*Portolongone*, eſt arx in Elbienſi inſula ſita,  
pentagona illa quidem, ſed militibus quin-  
gentis tantum deſenſa; paucorum dierum la-  
bor erit eius expugnatio, cuſtodia verò diſſi-  
cilis. Sed nihil eſt quod non poſſit Gallia tan-  
tis columnis ſulta, cum nihil de Magna Bri-  
tannia dicas, huius Regis deploratas res video.  
Poſtridie Deo fauente, Manueſcam pêtam, vt  
iam reſcripſi, Neuræum allocutus ſum tuum,  
qui lite finitum iri negotium tuò credit, non  
ei reſiſtere præſumo. Delectationi enim, uti-  
litas eſt antepoſenda. Vale Muſarum Decus &  
Ornamentum. Aquis-Sextiis 9. Octobris  
1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**bem noſtram poſt octo dies, iterum  
appuli, hic me inuenêre duo vltima à te  
reſcripta epistolæ, & bonus Dunkerchæ cap-  
tæ nunciuſ. Fronte gerit vt video, Laureatam co-  
ronam Euguinæus noſter, ſuperior ſui, utinam  
diu? Sic enim in periculis vltro implacabilis  
ardet, vt ſingulis momentis pertimeſcere li-  
ceat. Iteratis aſtibus generatur habitus, & ita  
indureſcit tanti Principis animis, vt Amico-  
rum precibus aures claudat omnino. Bene ſpe-  
randum de Magnæ Britannia Regis ſalutē ſi  
à nationum inimicatur diſcordia pendeat.  
De lite tua aliquid ſubaudire cupio donec ad  
bonum ducatur exitum. Vale Muſarum Decus  
& Ornamentum. Aquis-Sextiis 23. Octobris  
1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**ifceſ à Neuræo tumores Maſſilia inter  
Comitia, me præſente, qui authoribus

improſperi, mihimetipſi & Campinio noſtro,  
fuere fruſtuoſi. Monæci Principem in reditu  
colui, Amicum noſtrum intrinſecum, Aulam  
noſtram petir, citò reuerſurus, vnicum filium  
ſecum ducit magnæ expectationis iuuenem.  
Audiui ex ipſo Principe Melleræum Portum-  
longum certis recepiſſe conditionibus, quas  
hodie exequi obſeſſi polliciti ſunt, de Herda  
nihil ſubaudio. Celebrabimus Deo fauente  
Diui Huberti feſtum venatione ſolemni. Ro-  
xolanus noſter veniam petiit Venetiæque co-  
gitat, vt Italia luſtrata, patriam aliquando re-  
uiſere queat. Vale Muſarum Decus & Orna-  
mentum. Aquis-Sextiis 29. Octobris 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**Q**uam mutati ab illis, Scoti iſti qui legi-  
timum Regem non modò deferere, ſed  
etiam hoſtibus tradere conſulunt. A Regibus  
noſtris olim ob fidem delecti ſunt, nunc verò  
proprium prodere Principem non erubeſcunt.  
De pace admodum dubito, timeo Danaos &  
dona ferentes, nobiſque conditiones oblatæ  
multum ſuſpicionis afferunt, cum ex altera  
parte Suevis denegatur quod ipſi belli iure de-  
tinent. Poſtremò cum Caſare non cum Hiſpa-  
niæ Rege tantum opus prouehitur. Hic de  
Lerida ſolliciti, Portum-longum captum ac-  
cepimus, ac Summo Pontifici conciliatoſ Bar-  
berinos. Vale Muſarum Decus & Ornamen-  
tum. Aquis-Sextiis 6. Nouembris 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**mproſeram tuam quauis ſubaudio va-  
letudinem vix ſuſtinere poſſum, Acha-  
tem fidum, coartancum, quem ſenectuti meæ  
ſepoſui, corpore gaudere ſano admodum cu-  
pio, publicam potiùs reſpiciens vtilitarem  
quàm meam. Remedia adhibeas rogo, quæ in  
priſtinum te reſtituant ſtatum. Neuræo iure  
ſuccenſui, qui te febre correptum mihi non  
renuntiauerat. Heſterna die leporis venationi  
operam dedi, etſi pluuiolum inconfanſque  
tempus honeſto illi oblectamento ſe opponat  
ſæpius. Vale Muſarum Decus & Ornamen-  
tum. Aquis-Sextiis 20. Nouembris 1646.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**lius habes vt video, & lætor admo-  
dum. Valetudo nondum conſtituta,  
omnes reſugit labores, & ſic, ſtudiis, literis,  
aliſque vitæ oblectamentis, ſeridè parcas oro.  
De lite nihil ſcribis. Campinius ſupremi Con-  
ſilij ordinibus probè vretur, vt iure opinor.  
Pacem tempori, Germaniæ Britanniaque ne-  
gotia linquo. In te vnum oculos conſicio, in-  
columemque



columēque exopto, sine quo, incolumis esse nullo modo possum. Massiliam iterum petimus Comitibus ultimum imposituri finem. Vale Musarum Decus & Ornamentum, Aquis-Sextiis 27. Nouembris 1646.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**ondum te domo excedere non libenter audio. Deum tamen Optimum Maximum nostras ratas pro te habere precor, firmiter spero. De illerda hodie gratiora accepi. De ceteris quæ nunc in ote omnium versantur, nihil dico, Portum-longum solum respicimus vt belli theatrum. Massiliæ Consules, fido Achate semper comite, meliorum plausu, in lucem prodidimus, pacatam Inquo ciuitatem sine qua Romani olim non triumphauē. Nunc omnes de isto capite Mundi triumphare student, & quæ Orbis terror fuit, eidem Orbi est despectui. Sic transit gloria Mundi. Vale Musarum Decus & Ornamentum. Aquis-Sextiis 4. Decembris 1646.

Soluta est illerda obsidio, vt fortuna leuis, magni quoque terga videret. Amici infortunium molestissimè sero,

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**ecolumem seruet diu Deus Optimus Maximus quem æternitati sacrabit fama temporum vindex. Nunc exercendo corpori & animæ totus incumbo, & melius habeo. Meditationi olim fixus intermissis aliis exercitiis, consopitus iacebam, periculūque erat ne Apoplexia me raperet ante diem, arte Martini Medici vsus & consilio, nunquam robustior euasi. Hæc Amico renuntio bene merenti. Paucis dixi postrema epistola quid de infausta Leridæ obsidione, sentirem, libellum quem misisti accepi. Vale Musarum Decus & Ornamentum. Aquis-Sextiis 11. Decembris 1646.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**cum litigans duplici dignus est poena, mitissimum virorum oppugnat Doctoris, quæ viros vigiliarum tuarum labore fructūque priuat, importunum morabor Neuræbque consulto, ne quid detrimenti capiat res tua familiaris providebo. Libellum de pluuiæ rosea nondum legi, percurram, & quid sentiam non reticebo. Germaniæ res protrahuntur. Magnæ Britanniæ Regis infortunium eius patriæ salutem, ita vt armatus non potuerit quod inermis obtinuit, tantique Regis miseræ plebis amorem exsuscitare videntur. Fœlices quorum magnanimitas admirationem potius gi-

gnit. Vale Musarum Decus & Ornamentum. Aquis-Sextiis 19. Decembris 1646.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**B**reui summa vertuntur & nihil est mutatione certius. Aulæ inuidi in vmbra educati fermeque omnes ignaui adulationi seruiētes, Comitum Harcurtensem quem non sunt imitaturi culpæ audent talibus assueti. Certissimum est tamen vicissè ante Leridam Hispanos numero tantum, & patientiā illā inimitabili qua solent vt à tempore quo magnus Consalius in Neapolitano Regno nostros superauit. Nulla in Catalaunia timeatur obsidio, recepit se Hispaniæ Regis exercitus ad Hibenna insigni militum iactura imminutus, in Flandria hyems nostra tutabitur præsidia; in Italia Neapolis Prorex aliquas cogit copias, sed lentè. Vale Musarum Decus & Ornamentum. Aquis-Sextiis 25. Decembris 1646.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**unc Ianus bifrons duabus clauibus claudere anni præteriti portam præsentique fores aperire creditur, nunc obliuioni datur quid retro futurum non intelligitur, soloque fruimur momento, quod præsens vocatur, nunc dies truditur die primisque dedit extremum, nunc denique noua licet condere fata, & ante-actæ vitæ deslere peccata vt veteri Adamo expoliato noni, modernique sequi vestigia possimus. Do tibi Aulæ Romanæ vota ad multos annos quibus Summum Pontificem prosequuntur Purpurati, peropio valitudinem firmam Mundumque victum non deficiente crumena. Vale Musarum Decus & Ornamentum. Aquis-Sextiis die prima anni 1647.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**fleo equidem Serenissimum Principem nostrum sanguine purpuratum, ingenio sublimem, pietate fulgentem belli domisque donis decoratum, quem inuidum eripuit fatum, anticipata extinxit senectus, breues, ac infausti Galliæ populi amores tam charum non potuere detinere Principem; summo eum honore colere non erubescēbam, redamabat optimus Heros cui succēssit alter tertium similem non relicturus. Quid dicam amplius deest vox, lacrymæ opprimunt tantoque obrutus dolore finire cogor. Vale Musarum Decus & Ornamentum, vale & iterum vale tantique Viri memoriam mori ne finas. Aquis-Sextiis 9. Ianuarij 1647.

PETRO

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**C**Omicia meditantes discessus nunc diem  
 auidè expectamus, noua semper appe-  
 tentes, vnde mirorè in vltimo epistolio as-  
 seruisse nihil in hoc orbe esse poui, imò noua  
 mihi videntur omnia horæ, diei, anni momēta,  
 instantia, hominifque natura mobilis semper,  
 & vana, quæ noua semper amat, & mox pos-  
 sessa relinquit. Puerorum more semper varia  
 attrectamus, & vt illi manibus, sic nos animo  
 pugnancia concupiscimus. Denique ita im-  
 mutatur homo, vt vix vlla infantie rema-  
 neant vestigia, affectus nostri inconstantes  
 sunt, odio prosequimur quem dileximus, ni-  
 hilque fixum præter Deum immortalem.  
 Quid aliud expectandum in tot ac tantis an-  
 gustiis constituti, nisi alteram vitam immobi-  
 lem æternam, quæ nostra refrænēt vota, &  
 impleat indomitam rerum diuersarum sitim?  
 Vale Musarum Decus & Ornamentum. Aquis-  
 Sextiis 14. Ianuarij 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**L**Neunte anno Hiberorum pessima no-  
 tescunt consilia, & dum ore pacem  
 prædicant, corde respuere non erubescunt.  
 Timeo Danaos, & dona ferentes, Hollan-  
 dis mitiores offerunt conditiones pacis, vt  
 à suis fœdere iunctis eos facilius auellant.  
 Nihil denique sincerum in hoste capcioso  
 cuique pietas, iustitiæque non hærent. Otto-  
 manni viam inuenient Venetisque subactis  
 illorum ambitioni frænum imponent, tardius-  
 que à Principibus Christianis dignoscetur quid  
 à Gallis Orbis Christianis sperare, quidve ab  
 Hispanis timere iure debet. Vale Musarum  
 Decus & Ornamentum. Aquis-Sextiis 22.  
 Ianuarij 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**C**uto ac diurno dolore tactus ob  
 Principis nostri mortem negotia pro  
 solatio accipere nitor. Hicque summa pa-  
 tientia in conuentibus agentes vniuersiusque  
 sententias Regni necessitatibus accommodare  
 tentamus, vinam prospere cedat, quic-  
 quid tamen accidat impavidum ferient rui-  
 næ. Archiepiscopus Aquisensis abest, solus  
 Regiensis Episcopus conuentus nostros pre-  
 sentia firmat, Sisteriensensem amissimus qui  
 huius infirmi orbis vinctulis omnibus solu-  
 tus miti & contrito obitu cælum (vt opinor)  
 petiit. Rarius tibi rescribam donec Aquas Sex-  
 tias repetierim, pluuia importunas experimur  
 flagella Dei imitantantes. Vale Musarum Decus  
 & Ornamentum. Dracennis 3. Februarij 1647.

*Epistola ad Gassendum.*

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**Onasterij res protrahuntur & magnæ  
 Britannię Regis casus ad extremum  
 deducitur, vel potius vt mihi videtur iam pe-  
 riit qui famæ fecit irreparabilem iacturam.  
 Nam contemptu famæ, contemni, Virtutes  
 certissimum est. Quoad negotium de quo mihi  
 perhumanè rescribis, epistolas quas opta-  
 sti mitto. De reditu seriò amicū sollicitans  
 socium curarum quæro, qui & verum enun-  
 tiet & secretis horis mihi sit solatio. Fœlici-  
 ter urbem caput omnium huius Prouinciæ  
 repetimus non sine plausu, qui cū detur  
 malis & bonis conandum est tamen vt vltro  
 concedatur. Vale Musarum Decus & Or-  
 namentum. Aquis-Sextiis 19. Februarij  
 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**irtute præditis non semper fortuna  
 fauet réque ab indultario persequen-  
 tum, iri non obstupefco, iniusta illa volubi-  
 lis Dea inuidet bene meritis, excelsos depri-  
 mit, infimos extollit, ignaros fouet doctos-  
 que Viros despiciere non desinit. Indulta-  
 riusque ordinariorum flagellum manu ar-  
 ripit beneficia potiora, liberumque ei est  
 minora respicere, sed ars opponitur arti &  
 aliquando cogitur accipere quod illi offer-  
 tur satisque potentie inest Principibus no-  
 stris ad coercendam huiusmodi hominum  
 insolentiam. Lites abigere licet, nam vt in  
 bello aliquando firma militis & ducis præ-  
 sentia victoriam consequitur sola sic in  
 palatio linguarum pugna multum potest  
 ficta pertinacia. Vale Musarum Decus &  
 Ornamentum. Aquis-Sextiis 26. Februa-  
 rij 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**aci toties decatæ nec credo, nec cōfido  
 ob graues tibi iam rescriptas rationes.  
 Vndecimus præteriti mensis dies conuentibus  
 nostris finem fecit, quem sperabamus. Nunc  
 hic Saturnaliâ celebramus more gentium Ro-  
 manorumque rerum Dominorum, qui vulgi  
 voluptates tolerabant, hisque immisceri læ-  
 tabantur. Soli Iesuitæ quadraginta horarum  
 solemnia colunt vt verbo, & exemplo à lu-  
 dictis populum auertant. Archiepiscopus no-  
 ster absens societatem est imitatus Sacro, san-  
 ctissimoque Christi corpore exposito precibus,  
 & prædicationibus prauum extirpare morem  
 nititur. Vale Musarum Decus & Ornamentum.  
 Aquis-Sextiis 6. Martij 1647.

Ii PETRO

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**on prospera te vti valetudine doleo admodum; ætem repetere natalem licet, vbi mihiior hyems. Nunquam Amici præsentiam tantopere desideravi, omnes cum nostra fortuna, nemo nobiscum loquitur. Adulatio palam, invidia clam agit. Perge igitur, aduola, neque despicias Amicum, qui te summo prosequitur amore. Pacem inter problematica reputo, Regemque Magnæ Britannæ in extremis laborantem existimo. Et quicquid ei cuperit Herois nec nomen, nec locum occupabit. Et sic satius est pulchræ occumbere morti, quàm vitam degenerem trahere. Vale Musarum Decus & Ornamentum, Aquis-Sextiis 12. Martij 1647.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**ertinax illa ex hyemis intemperie contracta valetudo mihi est molestissima. Aëris mutatio multum confert, & quamuis omne solum fortè patria sit, regio tamen natia trahit nos, & allicit. Aliquid semper noui fert Prouincia. Patronus ille Regius olim Amicus nunc infensus Gazellum in carcerem coniecit cohortis huius Prouinciæ seu Centurionem, Reginam & Regios monui ministros callido Berecullij ingenio summam opponens moderationem. Huiusce rei successum, & seriem tempus edocebit. Vale interim inò integerrima fuere sanitate quo citius possis ad nos incolumis peruenire. Aquis-Sextiis 19. Martij 1647.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**otos componere fluctus non est facile. Pacis opus nunc fiet Philosophorum lapis nisi aduolet communis Christianorum hostis. Quod ad te attinet Regium placitum lubens accepi. Neuræisque noster contentus exiuit à me. Quod non est parum quandoquidem cum de tuis negotiis agitur impatiens appareat semper donec tuæ satisfactum sit vtilitati. De Magnæ Britannæ Rege nihil est quod dicam non solum loquendi, sed agendi momentum perdidit, clientelisque suis destitutus vicinorum Principum frustra implorabit auxilium. Parcat Deus tanto Principi eripiatque eum è manibus inexorabilis Deæ, quæ nemini parcere visa est vnquam. Vale Musarum Decus & Ornamentum. Aquis-Sextiis 26. Martij 1647.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**oræ impatiens breuem absentiam molestius feram. Conualescenti naturæ conuenientia aſſeras remedia enixè rogo. Auriaci Principis magis deſſerem obitum, niſi pars animi præcipua iam demortua fuiſſet. Heroës illi ad totius orbis tutelam nati, occumbere optant, cum gloriæ inſeruire deſinunt omnino. Principis Condæi belli meditatamenta eſſe diuerſa ferunt multi. Varij varia. Sunt qui Catalauniam Heroi inuidiſſimo tepræſentant, alij Italiam ei deſtinant. Modò euadat incolumis nec inglorius, magnis conatibus conſentire non reſuſabo. Francorum clypeus, & enſis Fabium Maximum Marcellumque reſerāt ad Neſtoreos annos. Vale interim tu Muſarum Decus & Ornamentum. Aquis-Sextiis 2. Aprilis 1647.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**on poſſum quin tuam extollam moderationem, & prudentiam, vtilitatem minuiſ, ne Amici iacturam experiri cogar te fortuna, vitæ commodis renuntiare vales, ne ingratum reperias Amicum, denique tantipendis, quanti magnanimi illi antiqui, quantum vt amor, immortalis ſic viuūt memoria, & qui denique ſalutem Amici ſuæ ipſi præponere lætabantur. Diuitiis aſſuat qui contemnit, deſetque mihi hoc fortuna vt poſſim bonis, & commodis Amici tanti nominis virtutes eximias comparare, Capellani oppuſculum eruditionem non Gymnaſij, ſed Aula redolet, ſempérque ſui ſuperior Virgilius noſter doctos, & indoctos in admirationem trahit. Vale Muſarum Decus & Ornamentum. Aquis-Sextiis 9. Aprilis 1647.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**e Bauariæ Ducis neutralitate aliquid ſubaudieram. Callidus, & verſutus Princeps vergente ſenectute tum demum ad pacem appulſit animum, vti nam ſerid, ſerid certè erit niſi promoueaturnegotium. Condæus Heros magnis itineribus Catalauniam petiit, non me inſalutato, vt iam reſcripſi, ſed de tanto Principe repetita placebunt. Taraſconium ad hoc electum fuit. Vbi ſumma excepi lætitia Virorum ſummum, ne ſit Gallorum vltimus, magna modestia inſatiabilem gloriæ cupiditatem tegit. Nihil eſt iuuenile in ipſo niſi ætas. Luculli, Gaſtonis, Fuxij, Spinoſæ Marchionisque mote rem militarem nullo belli experimento optimè callebat, artibus etiam pacis inſtructus



instructus omnino utrumque tempus rectè potest gubernare. Vale Musarum, Decus & Ornamentum. Aquis-Sextiis 15. Aprilis 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**cilis est curationis morbus cognitus, & à perito viro quoque sapientissimus ab oraculo Delphico pronuntiatus esset si inter septem claruisset. Nunc discendum spero, nunc expecto omnium horarum Amicum, & qui summam mecum experiri libertatem poterit. Inæqualitas cum amicitia non conuenit ut putant plerique, sed eam existimo esse vinculum contraria etiam coniungens. Sed quicquid sit nec sum Alexander, nec tu Diogenes, ambitiosus ille, contentus iste, magnus vnus, & parvus alter, primi tamen excitauit animum vltimi moderatio, verbis tantum summus ille Imperator iteratis actibus philosophabatur vltimus etsi fors inæqualis, & Diogenis minor, magni mores longè etiam etant inferiores, Exuamus igitur quæ non sunt similia fierique nodus amicitiae insolubilis. Vale Musarum Decus & Ornamentum. Aquis-Sextiis 23. Aprilis 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**ffulget nunc maior pacis in Germania spes ut video, & opto. Bauarus ad summum vergens senectam labori quietem, honesto vtile præfert. Imbellis Venetus Ottomanii iugum subire non cogetur, Rexque Magnæ Britanniae securi Galliz auxilium opportunum sperare ac expectare iure poterit. Lusitanus copias dimissas euocabit ad se. Catalania quoque pondus dici, & æstus ferret, & sic exercitiis ad extraneos missis pax tandem succedet quæta, vtinam diuturna. Rumor est Hispaniæ Regem puellam ferè de cœnnem matrimonio sibi iungere. Mirum est tantam prudentiam sic delirare. Vale Musarum Decus & Ornamentum. Aquis-Sextiis vltimâ Aprilis 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**mmo tacens dolore ad te rescribo heri maligna febre correptus obiit Marignanensis Amicus additissimus. Hodie meam deus sortem. Nam illius perfectus est status qui in portu nunc quiescit necessariamque Parca soluit dotem. Non est beatus qui viuuit, sed qui in Domino moritur; imò infelix qui tot tantisque expositus casibus vix vnum enadere posse sperare nequit. Epaminonda mors sacra Christianæ respondet quodque olim ge-

*Epistola ad Gassendum.*

nerositas nunc pietas vocatur præuenite tunc mala nunc expectare patienterque ferre licet, & sic non qui fato fungitur suo, sed qui in lubrico semper est, morisque perpetuo, ille infelix merito dicitur esse. Auulso vno alter non deficiet, modò ad me citò incolumisque peruenias. Vale Musarum Decus & Ornamentum. Aquis-Sextiis 14. Maij 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**nter bona externa prosperam valetudinem primatum tenere non ambigitur. Et sic nihil est quod ad iter faciendum recogat cum remediis præmunendum sit corpus quocumque sit implicatum morbo. Rediit æger Campinius noster hesternâ die. Non timent Medici, sed quid in parte incerta sola possit coniectura certè non ignoras, muta, & ratione carentia dictamen quærunt & inueniunt. Solus homo non se dignoscitur, suum non inuenit temperamentum alteriùsq; arbitrio vitam committere audet. Quid miseris, ratiocinatio inutilis est omnino si corpus, & organa in quibus operatur regere non valeamus. Monasterij res protrahuntur, ut Classis Hispanica magnis sumptibus enentru prospero respondere queat. Vale Musarum Decus & Ornamentum. Aquis-Sextiis 21. Maij 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**e itinere ad me faciendo ne sis inquietus rogo. Abbati nostro suffragor non enim esset rationi consentaneum Amici valetudinem non bene confirmatam temporis, & viæ incommodo committere, valeas, & mancas hortor, modò istis promissis cum opportunitas permiserit. Longius procedet Campinij nostri ægritudo, longa seu cronica erit, ut affirmant Medici sed non periculosa. Iam tussis concocta expulitur, febris panè imperceptibilis vix pulsù dignoscitur. Et sic non est quod timeamus. Dum peregerim quinquaginta annorum cursum Deo Optimo Maximo gratias ago infinitas, Amicumque nostrum moneo. Nunc etsi prospera vtentes valetudinè, senescimus tamen tacitisque labentibus annis finem respicimus ut proximum, aut saltem, non valdè remotum. Vale Musarum Decus & Ornamentum. Aquis-Sextiis 28. Maij 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**emediis morbum aggredi facilis curationis & cognitionis difficilis lubenter audio, alternis vicibus humana vertuntur

morbis sanitas, prosperis aduersa, infimisque summa succedunt interitura simul. Ingenij monumenta famæque æterna, cætera peritura. Melius habet Campinius noster cuius incolumitas innititur meæ. Malè audiunt hîc Hollandi parùmque politici censentur, nunc Nassouij magnanimi illi desiderantur, qui cùm Reipublicæ bellantis iecerint fundamenta, vnica militari arte stare posse hunc statum prudentissimè coniecere. Fides Germana deficit excæcarurque prudentia illa, quæ armis libertatem acquisitam, absque armis tueri stultissimè putat. Vale Musarum Decus & Ornamentum. Aquis-Sextiis 4. Iunij 1647.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**Rmenteriarum propugnatio obsessis gloriam, obidentibusque honoris parum, producet (vt opinor) Leopoldique repentina Archiducis euptio non erit tanti nominis. De Lerida nihil certi nisi quod ab Heroe nostro egregie, fortiterque imperitur. Quoad pacem, in eadem sum sententia, essetque vt mihi videtur nociua nisi esset vniuersalis. Domus Austriaca non solum fœdere & sanguine, sed etiam propria vtilitate connexa sibi ipsi auxiliari non desineret, essetque Cæsar ad opitulandum liberior si Germania quiesceret. Campinius noster conualescit. Totaque domus nostra bene se habet Deo iuuante. Vale Musarum Decus & Ornamentum. Aquis-Sextiis 11. Iunij 1647.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**Vcem Bullionij venientem excipio. Nunc fortuna mitior ei fauere cœpit. Perieratque nisi periisset arx Sedani, solos Reges decet. Parénsque istius ad supremos Aulæ honores peruenisset, nisi insano amore Sedanum deperisset. Militares obtinet virtutes, clariorque esset nisi carcer animum eius exasperasset, minúsque patientem virum exposuisset, cuius constantiam non in præliis solum, sed vbique oportebat demonstrare. Non ad culpandum scribo, sed ad firmandum cor magnanimis exemplis. Morum vt mihi videtur studium vtilius. Non semper belligeramus, non ad suprema euocamur consilia. Sed vbique experimur naufragia, & in paruis, & in magnis assuescere debemus, vt virtutis Heroicæ in nobis, si possit, hæreat habitus infixus. Vale Musarum Decus & Ornamentum. Aquis-Sextiis 18. Iunij 1647.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**Ellem consuleres de tuo morbo Protomedicum Regis, nomine Valtercium Arelatensem, ne febris accidentaria habitus fiat, iure timeo. Campinius charissimus inuisit me hodie Aquariam petitus totum, vt aëris melioris respiratione vires resciat. Briniolam cogitamus. Quoad Germaniæ pacem clarè nunc vides sententiæ meæ certitudinem. Cæsar Galliæ iungi fœdere pacis cupit, vt sociis Hispanis validiores supplicias ferat, quod si obtineat, actum est de nobis. Magnæ Britanniæ Regis auxilium de Cælis opto, in terrarum enim orbe nihil est quod sperare possit. Hostis Hispanus, rebelles subditi, Hollandi subdoli, Galli extraneo decenti bello, quid possunt? Vale Musarum Decus & Ornamentum. Aquis-Sextiis 25. Iunij 1647.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**T**olim summus orator Cicero suas finiebat epistolas potius ad familiares, quam familiares dicendas, sic tu à valetudine ordiis tuas & bene. Totius enim delectationis fundamentum sanitas, præclara nempe eius ope destituta odio sunt omnino ipsaque iuuentus dum morbus est displicet senectutisque robusta, & sana potior est sine dubio. Quoad res vniuersas Turrenium citius euocarem si possem, vt Archiducis præliminaria bellica retundat, & pellat. Hollandis parere non possum, nisi in periculo mortis ne reprobus fiam. Illorum ignoro politicam, nec mihi suadere possum, quoniam modo otiosa stabit quæ vix bello & sociis potentibus fulta Respublica vix viger. Peruanum aurum suspicor, & ne sit Tolosanum timeo. Regis Magnæ Britanniæ casum fortunæ assigno, cuius ludibrium & Reges, eius erit prudentiæ illam firmiter tenere impetumque cœcum prudentiæ moderare. Vale Musarum Decus & Ornamentum. Aquis-Sextiis 2. Iulij 1647.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**ter spem metumque scribo de Leridæ obsidione sollicitus, varijs varia narrat, isti obsidionis solutionem volunt, illi fidam fuisse contendunt, & Hispanorum exercitum Herois nostri armis, & stratagemate profigatum asseuerant. Quicquid sit, modò Princeps incolumis euadat satis est. Martis & fortunæ par insolentia, quos tollunt, aliquando cadere sinunt, vt potestatis sublimis specimen nobis ob oculos ponere possint. De rebus belli, & pacis nihil dico

dico ab Aquilone panditur omne malum. Campinius turrem Aquarum inhabitat mox urbem repetiturus. Valemus omnes Deo fauente, valeat etiam Amicus charissimus Musarum Decus & Ornamentum. Aquis-Sextiis 8. Iulij 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**X Aquarum turre aduenit Campinius noster valetudine satis firmata, hebdomade ista discedam Deo iuuante Briniolani peritutus. Hic in medio Prouinciæ vndique noua confluentia præstolabor. Quid tandem Letiæ acciderit, didicimus, soluit obsidionem Hetos noster vt tot prudentiæ specimina daret quot fortitudinis iuclytæ. Classis nostra Tolonensem portum obtinet, hostes in altum coniuncti nauigant forsan nostros inuasuri aut aliquam ex nostris infirmis arcibus, obuiamibo, Deo fauente, totis viribus & alacri animo vt opinor. Vacant nunc Curia nostræ solæque Vacationum camera laborat, & existit. Tolle lites, grauêque curas vitæ spinas acerbis pungentes auelles sine dubio. Vale Musarum Decus & Ornamentum. Aquis-Sextiis 15. Iulij 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**E Magnæ Britannia Regis rebus desperare nunc incipio. Faxius exercitus Imperator aut non audent satis, aut Parlamentariis mihi videtur additus. Quid sibi vult tanta in Londini suburbii commoratio? quid continui cursores cunctes & redeuntes? quid denique ipsimet Regi consilium ad quoddam castellum diuertendi donec res turbata componerentur. Respiciendum esse finem tantæ reuolutionis existimo. In Flandria exercitus noster nullo, vt opinor, magni momenti progressus faciet. Multis de causis, primam Hollandorum defectionem, secundam Vimarensium rebellionem, tertiam & vltimam nostrorum Imperatorum discordiam pono, quæ magnis conatibus semper aduersa fuit. Vale Musarum Decus & Ornamentum. Briniolæ 30. Iulij 1647.

Quanti emere debeam Regiam Bibliam à Plaignardo Aquis Bibliopola rescribas rogo; tuis vltimis seriùs acceptis respondere non potui.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**nstitutiones Astronomicas nunc accipi, de tua prospera valetudine certus & lætus, Tolonem inuisi aliquot ibi expeditis necessariis negotiis. Plagæ nostræ (vt fertur) *Epistola ad Gassendum.*

grauia minatur Hispanus. De Sicilia nihil certi, populorum seditiones vanæ dum ducere carent. Est enim plebs bellua multorum capitum, cum vnum bonum sufficiat. Classis nostra nauigat, Hispanica etiam mare petiit. Nudiustertius venationi dedi operam, pridie Tolonem circuiui, heri denique facibus accensis de secunda vigilia Brinoniam appuli vbi mitior æstus, aer salubrior, fontes puriores, mora quietior. Vale Musarum Decus & Ornamentum. Briniolæ 5. Augusti 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**ale Mœnam hic degerem vitam si Amicus adesset Petrus, negotiis, venationi, societati, deambulationi, assiduam operam donisq; esset aliquod concupitum negotium imperfectum, quod animi premat, felix foret proculdubio vita nostra. Sed spe ac voto tanta amplectimur, quanta sustinere, nec ferre potest humanus animus; possessis vix acquiescimus, & fortunæ more noua quatere non desistimus confusi ac varij. Hinc ad faciliorem licet attendere vitam. Quoad Monasterij res, Trauandortij discessu, negotia manca, aut remanebit inutilis. Briniolæ 12. Augusti 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**O**ri tuo sigillum apponens dicam libenter me nondum inuisum nec Aulam nec Pacifios, multis de causis quas scribere non possum, fingo tamen ne longior noceat absentia. Potes igitur valetudinem consulere, itinereque te committere quando volueris, hoc firmet credens te ex corde à me expectatum iri. Manebit anxius animus donec præsentia Amici incomparabilis fruatur. Nolle tuo abuti affectu, & lubenter vtilitatem mentemque tuam antepone me non dubitabo. Mense proximo, Deo iuuante, reperam Aquas-Sextias vbi cubiculo satis ornato socium laborum præstolabor. Vale Musarum Decus & Ornamentum. Briniolæ 19. Augusti 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**T**riusque Siciliae turbatae res Hispanos omnino obruent, aut iustus pacis conditionibus submittent sine dubio. Mirabile est magnum illud Hispaniatum corpus tam citò corruere, cum tam profundis steteret radicibus. Hinc sapienter à Ludouico vndecimo Gallia Regē dictum fuit extranea extraneis esse linquenda. Monasterij res protrahuntur. Aulæ nostræ consili Germani crebris mutationibus æquissimas



pacis respuunt conditiones necessitate compulsi, quietem tandem respiciunt, sed serò. Vale Musarum Decus & Ornamentum. Briniolæ 26. Augusti 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**T**ratagema Gassioni probè successisse lator. Hic alter Marcellus Gallorum ensis hostium tergo semper imminet, prosperisque & claris euentibus nilitum animos summa firmat fiducia. Possumus hic tantum quiete respondere, etsi otium appellare non sustineo vitam politicæ immixtam. Pluuiæ aëtem temperantes gratiorem huiusce loci fecere moram. Paucis tamen Aquas-Sextias repetam, vt aliquot expeditis negotiis Massiliam sine qua nunquam Roma triumphauit, inuisere queam. Vale Musarum Decus & Ornamentum. Briniolæ 2. Septembris 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**S**emma perfulsus lætitiæ gaudiôque exultans incomparabili, aduenientem Amicum tempore præfixo præstolabor. Brinoniam inuitus linquo, delicias meas Massiliam peto, vbi vt matæ annexam procellæ alicuius venti violenti sæpe perflant, tantâque semper agitant vrbem. Non est res magni momenti, sed in ea nihil modicum. Diuisiones internæ, hostes externi, annonæ caritas, infirmorum pauperes, nobilium ambitio, celeberrimæ imminent ciuitati. Hisce remedium afferre è longinquo non possum. Vale Musarum Decus & Ornamentum. Briniolæ 9. Septembris 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**quas-Sextias linquo nunc ob Massiliam præsentia indigentem mea, vt nuper rescripsi. Propero vt hic sistam cum accesserit Petrus amicissimus, quanta exultem lætitiæ declarabit Neutræ ille doctus æquæ ac ingenuus. Comparauit Bibliam Regiam, incomptam, Musæum te manet vt noua expoliatur pumice, in ordinem cogatur, & ita oculis tuis perlustretur Lynceis, vt alios pertimescere vix queat. Neapolitanus equus affessore exturbato campos excurrit, nobiles pedibus subiicit, Carolûmque Gattæum, Ducemque Toraltum sequitur. In Germania detinetur Longauiillus vinam bona mente. In Britannia regnat Farfaxius, donec Scoti aut alij potentiores illum è Regio deciciant folio. Rex interim clausus sortem ignorat suam. Vale Musarum Decus & Ornamentum. Aquis-Sextiis 17. Septembris 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**euistas vltimi epistolæ me tenet. Timeo ne iterum in morbum incidat charissimus Amicorum. Sed modò itineris, & aëris mutationem ferre possis conualescentiam sperabo iure. Medicus Martinus est expertissimus, eodem morbo laborantem Comitem Carfaxium omnino liberauit. Sæpius rescribas rogo, valetudinem regas, libris patum des operam, scripturæ minimè, recreationique multum impendas temporis precor. Monasterij res in longius protrahet VVerthij victoria. Farfaxius in Britannia nimis amplectitur, è Scotia tempestatē auguror illi funestam, totique Regno mæstissimam. Rumor est Campinium è nobis auulsum iri, vt iterum Lugdunensem administret Prouinciā. Dutus est hic sermo, omnibûsque desertus intimis, in te vnum oculos conicio. Vale Musarum Decus & Ornamentum. Aquis-Sextiis 24. Septembris 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**assiliæ iter mihi interclusere frequentes variolæ, quæ etiam Aqueensem infestant ciuitatem, & portæ cumfidem negotiorum singulos huiusce vrbs incolas forme diuifos tenent. Dum maturefceret, rura excolere conabimur vindemiisque operam dare, vt mixtam degentes vitam minus otiosâ ac magis sit grata. Verum est Priorem Vallatæ excessisse è vita animæ dimidium tuæ. Quid noui? Reges, rustici, docti, ignaui, duces, & milites eandem incedunt viam, serius, ocyus, omne capax mouet vrna nomen aut potius, vt antiqui ferebant non est mors sed obitus, separatio illa animi à corpore, quæ sepulchro suam reddit prædam cælisque spiritum ac potissimum Deo, qui vt ait Salomon hominum sapientissimus Ecclesiast. cap. 12. dedit illum nostrôque inclusit corpore terreno. Vale Musarum Decus & Ornamentum. Aquis-Sextiis 1. Octobris 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**oram aliquot mensium libenter feram modò salubrior euadas, & ad nos incolumis peruenias. Timeo tamen ne humidior aëre temperamento noceat tuo. Plures esse Gassendos opareiri vt Parisini, & Prouinciales eorum operâ vnâ absque amulatione fini possent. Sed vnicus Sol, vnica Luna, vnicus etiam Gassendus, quem vnice diligo, concedo igitur te tibi ipsi vt aliquando meus fias. Quid demum? Tutelam è cælo accepi-

mus,

mus, nobis patrocinatur æther, & coniurati veniunt ad Classica venti, imò ad Classem Hispanam, quæ decimo tertio anteacli mensis litus legebat nostrum, tanta eam contri-  
puit tempestas vt per aliquot dies ludibrium fuerit Mediterræni maris solâque Ducis Oriæ triremis Genuam appulit incolumis. Decem hominum millia ferebat, Tolonemque vi expugnare habebat in mente. Vale Musarum Decus & Ornamentum. Aquis-Sextiis 8. Octobris 1647.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A** Sanguinis ob præcautionem missione calamum fumo vt tibi rescribam. Non molitum te accepisse ex rusticatione incommodi lubenter audio. Gtobosij ambulaera tibi fuisse oblectamento lætor admodum. De discessu amici nostri nihil est quod dicam. Talis iactura tuâ tantum potest resarciri præsentia. Nulla hic abit dies quin Sol eluceat. Autumnus frugifer, etsi pauca frumenta, tace-  
mi, oliuæque fertiles fuere, & sic Prouidentia Diuina compensat omnia. De Monasterij negotio nihil. Romæ promotio à summo facta fuit Pontifice, nosctque Archiepiscopus vnus est ex sex assumptis. Vale Musarum Decus & Ornamentum. Aquis-Sextiis 15. Octobris 1647.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**llec purgationis meæ diebus otiosus non fui, domesticis operam dedo negotiis, quæ parum oblectamenti multumque molestie afferre solent. Humanæ tamen vitæ fundamenta sunt, si utraq; ad alta ambitione nostra properamus nisi prouentuum, nostrorum parsimoniâ fulti. Etenim exhan-  
sti patrimonij iactura per scelera etic supplenda, necessitatiq; succedit aliena rapiendi libido, cogitque desperatio quos bona indoles & educatio à vitiiis abhorretere docuerat. Absit auaritia Idolorum feruitus quam animi hydropisiam voco, desest auaro quod habet, & quod non habet, anima diues est cum nihil cupit, & arca auro cum sit plena. Optimè Græci χρηματία, diuitias appellant, eas tamen moderatur vsus. Vale Musarum Decus & Ornamentum. Aquis-Sextiis 22. Octobris 1647.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**ssiliam oculis pedibusque lustrari totam, & sub ipsomet Comitiorum tempore, rura repetij, vbi homo viuat salubrius, studet frequentius, meditatur liberiùs,

Musæque magis obsequentes experitur omnino. Vrbem denique cogito negotiis, conuersationi operam daturus non ingratus, quandoquidem non quero quæ mea sunt, sed ad ea rendo, quæ Regis totiusque mihi commissæ Prouinciæ utilitatem respiciunt. Tu denique valetudinem regas vt ineunte Vere ad nos incolumis peruenias. Lucundissimum non accepi epistolium. Vale Musarum Decus & Ornamentum. Aquis-Sextiis 18. Octobris 1647.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**T**erum rura repero, conuentuum no-  
storum tempus expectans, omnium Sanctorum celebratatem coluimus, defunctorumque commemorationem propterea quòd salubris est cogitatio pro defunctis exorare, vt à peccatis soluantur. Sequitur enim delictum pede pœna claudò, cui satisfactionis siue purgatorij locus destinatur, culpam remittit misericordia Diuina, flammis pœnam exstinguit summa Dei iustitia. Prima ad Cælum euocat, altera ad tactata mittit, & ita omnium virtutum specimen nobis linquit Optimus Maximus. Quoad vrbis huius res, bellum inflammatum, pacem difficiliorum video, nisi Neapolis & Sicilia hostibus nostris quietis imponant necessitatem. Persidus Bauatis iureiurando violato senectutis diem dehonestat vltimam. Vale Musarum Decus & Ornamentum. Aquis-Sextiis 5. Nouembris 1647.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**lluuium paucorum dierum dulcissimum epistolium tuum detinuit diutius, vixque ei respondete momentum restat. De re æconomica rescripsetam mouente me rusticatione, quæ aliquando importuna non est. Nunc è te audio Bavaram fœdisfragam quæ-  
rete excusationes in peccatis, quas non inueniet nisi pacè promoueat. In Britannia Farfaxius misero Regi illudere nou erubescit. Has rerum factes fortunæque ludibria non sine stupore considero, hinc seruum dominantem, illinc Regem seruientem, rebellantes alios, & vsque ad Syнарum fines bellum penetrasse atrox, cruentum, seuiens, terra, mare sub tanto ingemiscunt pondere vt omnia misceri iure timeam. Vale Musarum Decus & Ornamentum. Aquis-Sextiis 12. Nouembris 1647.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**omptus discessus tibi non rescribendi attulit necessitatem. Nunc hæc fixps  
li 4 duobus

duobus epistoliis vnico respondeo. Incipiens à valetudine tua, quæ mihi est cordi. Iute existimabat Tiberius Imperator vnumquemque sibi Medicum esse debere. Quandoquidem experientiâ dignoscitur Ars illa omnino coniecturalis. In Germania bellum inflammatur. Pax in dies difficilior, firmiterque tenetur non nisi induciis ad eam peruenire posse delegatos. De Britannia magna nihil certi, præualeat discordia, vbi fixit pedem confusio; nec frater à fratre tutus. Farfaxius ipse (vt fertur) militum animos ad Regis miseras conuersos vix potest cohibere. Equus interrim Neapolitanus infractus Sessorem excussit Hispanum, Galliamque infelicitum proteetricem respicit. Classis nostra ad auxilium properat quingentis nostris electis ex præsidariis militibus onusta. Pauet ventus, fortuna rerumque opportunitas eximia. Vale Musarum Decus & Ornamentum. Ciuitati 25. Nouembris 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**ifficiliorem Prouinciæ statum in Comitibus experimus. Populi in vnum coacti sibi videntur liberiotes, & audacter deuegant quod priuatim ac separati sine murmure soluunt, pollicentur quod præstare non possunt, omnes verbo depugnant, singuli denique vincuntur. Non sine labore tamen ad finem peruenitur. Preces, minæ, consilia adhibentur, falluntur autem vt pueri quibus Saccaro conditum porrigitur medicinæ poculum. Est pia fraus, quæ ducit ad salutem. Classis nostra à 25. Mensis transacti die nauigat, vt Neapolitanis auxilium ferat opportunum. Vale Musarum Decus & Ornamentum. Ciuitati 2. Decembris 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**Q**uoniam nostris peractis liberius nunc scribo, distuli infinitis implicitus negotiis, urbem nostram repetere, vbi non erit tranquillior vita, & sic quietis nulla spes; non expecto equidem nec spero, donec ad æternam peruenire beatitudinem liceat. Cor nostrum triangulare, solo Trinitatis triangulo repleti potest. De valetudine sollicitus tua præsentiam non spero, etsi admodum desiderem, adueniet tamen discedendi momentum, si pari detinearis desiderio. Neapolis rebellio procedit semper, Classisque nostra in auxilium nauigat, Dux Guisus omni superata difficultate incolumis tandem euasit. Monasterij res (vt fertur) ad pacem tendunt, Bauarique Dux Imperatori quierem inspirat. Discedit Campinius ab amicis raptus cum mei summo retineatur amore. Siccine separat fors quos amor nodo iungit inseparabili? Va-

le Musarum Decus & Ornamentum. Ciuitati 16. Decembris 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**ilectissimum tandem Campinius noster non sine morte, separatio violenta, vbi vnio stricta fuit, absentia intolerabilis, vbi præsentia tam grata erupit, aufugit, euasit. Sed imaginem sui ita cordi infixit meo, vt nunquam deleri possit. Inest amori in mortem imperiosa manus magisque superabit absentiam amicitia non communis. Nunc omnibus destitutus, post te, tuamque præsentiam fortius clamabo, modò adsit prospera valetudo sine qua vita ipsa ingrata. Breuior fiet epistola hisce diebus festis ac potissimum Domini Natalibus, quæ ieiunio ac precibus colere & celebrare decet. Vale igitur & sic præsentem inspicias, vt absentis amici rationem habere possis. Vale iterum Musarum Decus & Ornamentum. Aquis-Sextiis 24. Decembris 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**d vltimum huiusce anni dies, aderit citò finis vniuersæ carnis, & sic ad mortem properamus cuncti, vnum est Numen æternum, immortum, cætera caduca & fluxa, primusque dies dedit extremum. Nosque ipsi theatrales Mimæ vitæ agimus vsque ad plausum, & qui nobis superstites, censores seueri sunt, odioque, liuore, aut amulatione ducti, cineribus non parcunt nostris. Nascens morimur & quamvis morientes viuamus, delicias colimus vt immortales, venationi, & adificationi & aliis oblectamentis immixti vltimæ obliuiscimur horæ, instat illa tamen nosque incautos rapit trahitque nolentes. Sic philosophari decet, dum est mens sana in corpore sano. Grata fama valetudo contingat abundè, viue, valeasque semper Musarum Decus & Ornamentum. Aquis-Sextiis die vltima anni 1647.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**nus hinc bissextilis Martialis potius quam pacificus, vt mihi videtur, erit. Turca Venetum totis viribus oppugnat, Anglus Regem suum detinet in carcere. Bauarus cautus occasionem capiat. Socij nostri aut oppressi, aut lapsi, viribus animoque deficiunt. Aula Romana nouum sperat Pontificem, & Neapolitani magis sine Domino quam in libertate Hispanotum iugum excutere tentant. Gallia in se vniuersam internam fouet pacem, dum externum bellum parat. Et



sic vbiq̃ue Classicum tuba canit. Tu interim valeas Musarum Decus & Ornamentum, bene valetudinem regas, amicorumque absensum memor, studeas tui votis, partis vti ambitioneq̃ue illa exni, quæ sublimia eruciat ingenia. Aquis-Sextiis 7. Ianuarij 1648.

---

PETRO GASSENDO

*Eruditissimo, LVDOVICVS  
VALESIVS, Εὐλογεῖν.*

**M**olestissimo semestris Parlamenti implicitis negotio, vix quiescit animus, vndiq̃ue tamen prospera exortuntur Dux Mutinensis prospero prælio, Mediolani copias fugauit & cohibuit. Naualis nostra Classis, vt fertur, Hispanicam ferè crēmauit. Hinc & inde victoria. De Germania nihil spero. Monasterij res protrahuntur. In Magna Britannia captiuus Rex, subditorum inclamat fidem, & sic incipit annus Bissextilis. Valetudinem firma quò possis citius nos conuenire. Valet Deo fauente familia, excepta vnica filia, quæ parumper ægrotat, non periclitatur tamen, breuique vt spero conualecet. Vale Musarum Decus & Ornamentum. Aquis-Sextiis 14. Ianuatij 1648.

---

PETRO GASSENDO

*Eruditissimo, LVDOVICVS  
VALESIVS, Εὐλογεῖν.*

**T**iam si res in Magna Britannia nutent; negotiorumque pacis interruptum esse videatur nullaque concordie lux affulgeat, Dei Optimi Maximi prouidentia Christianitatem in peius ruere non sinet. Veneti soli resistunt hosti formidabili, Græcia libertatem appetit, omnesque Orientales, qui Catholicam profitentur fidem, nostram implorant opem. Classis nostra incolumis & victrix Tolonem appulsa. Neapolitani concupiscunt magis florentem statum quàm sperant & inter se diuisi, Hispanis locum dant vltima tentandi. In Hetruria atres nostræ bene munitæ. In agro Cremonensi velitationes prosperæ audiuntur, & sic vbiq̃ue incipitur annus. Vale Musarum Decus & Ornamentum. Aquis-Sextiis 21. Ianuarij 1648.

---

PETRO GASSENDO

*Eruditissimo, LVDOVICVS  
VALESIVS, Εὐλογεῖν.*

**O**c momento interdicitur Parlamentum nostrum, & postea instituerur Curia semestris, spero, Deo iuuante, omnia tranquilla. Emisso illa sanguinis est copiosa elsetque periculo immixta, nisi ordinem huius Prouinciæ obstatet discordia, nouissimum malorum & extremum. Quoad res Monasterienses, omnia obscura. Nescio an discesserint Hispanienses Plenipotentiarij, vt fertur. Petiit portum Classis nostra multas passa tempestates, Hispanica verò anchora fundauit naues Nea-

politanoꝝ Castellorum sub ictu. Vale Musarum Decus & Ornamentum. Aquis-Sextiis 29. Ianuarij 1648.

Institutum fuit Semestre, nemine restagante.

---

PETRO GASSENDO

*Eruditissimo, LVDOVICVS  
VALESIVS, Εὐλογεῖν.*

**E**bricula etiam ephemera tussi importunæ coniuncta tentatus fui. Nunc bene habeo, valetudinisque tuæ solum anxius mortuus hæreo, donec epistolio me recrees. Anglum deslerem magis si Schismaticus non esset. Nunc verò spoliatus nouissimum expectat diem. Monasterij negotium dissimulatione iter pergit impernium cuius terminus Europæ Christianæ erit ruina, hostisque communis prosperitas. Plura dicere vetat breuitas consuetæ. Vale Musarum Decus & Ornamentum. Aquis-Sextiis 4. Februarij 1648.

---

PETRO GASSENDO

*Eruditissimo, LVDOVICVS  
VALESIVS, Εὐλογεῖν.*

**N**on sine labore peruenitur ad quietem, bellum pacem post se ducit, & tempestas serenitatem. Confusio denique magna ordinem gignat necesse est omnino. Hispanus pacem horret. Attamen regni Neapolitani rebellio progressum facit, cogetque necessitas quos ratio non regit, deprimer superbiā nationis fortuna pessima, contumaciam rerundet Amicorum desertio. Arces offerunt Summo Pontifici, qui mediatoris patriſque communis nomen non amittet, vt bellum incertum contra nos gerat. Valetudinem cures rogo meique absents rationem habeas totis viribus precor. Vale Musarum Decus & Ornamentum. Aquis-Sextiis 11. Februarij 1648.

---

PETRO GASSENDO

*Eruditissimo, LVDOVICVS  
VALESIVS, Εὐλογεῖν.*

**V**rbatas Europæ res componere Dei opus est non hominum. Frustraque excruciantur ingenia. Hic digitus Dei est qui peccata nostra punire non desinit, quandoquidem peccare non desistimus, vtriusque temporis, bellorum ac pacis, vitia ponderans, minora sustinet maiora perdens, luxum, superbiam, gulam, lubricitatem cum pace simul eliminat, rapinas, cades, solitudines, bello committit & permittit. Et nondum statim finis, precibus, conuersionibus, & elemosynis carius emetur tantum bonum imperitum. Vale Musarum Decus & Ornamentum. Aquis-Sextiis 18. Februarij 1648.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E** Ongavillæ discessus, pacem videtur explodere, Britannæ res confusæ denotant regnum, potius sine Rege, quam cum libertate. Cortereaci repentina irrupcio profperum non habuit successum. Veneti imbelles, bellicose resistunt nationi, contra omnium opinionem. Armati autem pacem ab Ottomano petunt, nec pecuniis parcant, modo possint porram venaleme adoriri. Itali æquilibrio studentes Neapolitanorum motus quieti respiciunt, libertatisque suæ carum perdunt momentum. Germani denique bello assueti pacem spernunt, quam sanguine & iacturâ emere coger irremediabilis recessitas, & sic vbique inchoatur Bissextilis annus Vale Musarum Decus & Ornamentum. Aquis-Sextiis 25. Februarij 1648.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**O**culos exempla ponit ætas nostra quibus non credet posteritas, spoliatos Principes, fugitivos, mortique ipsi affixos non fortuitæ sed violentæ. Quid plura? Germani ipsi sunt scædifragi, Hollandi ingrati, Scoti denique perfidi clientes. Pulvis & umbra sumus. Vanitati etenim seruientes fortunæque spe, & ambitione omnia oculis vorare non desistimus. Hic præscribere cogimur, quos nec toga rationi obediens, nec lenis obiurgatio villo modo reprimere potest. Franciscum Thomassinum, Sinium & Samarcum Senatus Consiliarios ablegauimus, & iure. Vale Musarum Decus & Ornamentum. Aquis-Sextiis 3. Martij 1648.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**id in Regem suum statuerint Angli adhuc ambigitur, quicquid deliberent, delictuere. Non possum quin in eos inueham, qui iure diuino humanoque neglecto, vltimas Principi decernunt pœnas. Timeo aliunde ne cunctando Hispani rem restituant, socios nostros corruptentes. Rumor est ex Italia Principes Parmæ & Mutinæ ab hostibus premi vt vno inter se scædere iungantur ad quietem patriæ procurandam. Sic vbique in nos parantur arma & ita eminus & cominus resistendum erit. Vale Musarum Decus & Ornamentum. Aquis-Sextiis 10. Martij 1648.

Fertur litteratum quemdam nomine Balduinum traduxisse Xenophontem & Plutarchum, vellem rescire.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**ihil desit Regis Angliæ infortunio, ipsius subditi suum finem videntur degustare, quod possint crimini crimen addere, & seruata legis specie atrocius in Principem inuehi legitimum. Spernunt legem antiquiorem contraque ius diuinum & humanum in illum fictis legibus agunt. Longavillæ reditus reliquam pacis spem expellit omnino, tantæ Vir experientiæ non recederet si scintilla concordia affulgeret aliquando. Quoad Neapolitanos attingit, mobile odi vulgus & arceo, nimiumque libertatis assumer populus, qui maximam perpeffus est seruitutem, Vale Musarum Decus & Ornamentum. Aquis-Sextiis 17. Martij 1648.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**efariorum conatus cùm in multos sauire non posset, in vnum grassatus est nomine Guydonem Massiliensem officij semestris candidatum à tribus aggressus nondum occisus fuit. Ita timidè se gesserunt vt & arma liquere duo scilicet scelopetta minora ab artifice recognita. Stephanus Vaillac hoc indicio deprehensus est, Venellus Regius Consiliarius fugitiuus abiit. Crisis est insignis morbi, aut lethalis ad internecionem vsque, aut ad resipiscientiam ægri. Consules huius vrbs concordēs omnia mihi obtulere, vt securitas & tranquillitas ciuitati reddatur. Vbiq; supereminet Regia auctoritas, Vale Musarum Decus & Ornamentum. Aquis-Sextiis 24. Martij 1648.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**ris mutationem natui, pernecessariam iudicant amici, & Medici, operum tuorum editionem è patria melius & cautiùs curabis procul dubio. Nec est quod te retineat Parisiensis plausus, quem vniuersus non ignorat Orbis Terrarum. Tornatorius tuus qui tuis infusat litibus, idem suadet & iure, quid enim prospera valitudine pretiosius? Quid patria iucundius? Quid amicis denique securius. Discedet mox Tornatorius, obuiam ibit, teque manu capiet si vis expediat, solusque amor adensque tui desiderium non sint satis. Vale Musarum Decus & Ornamentum. Aquis-Sextiis Martij vltima 1648.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**nducia tibi cum libris omnique tam animi quam corporis labore sunt faciendæ, quò facilius valeatndinem regere possis. Tornatorio totis suadeo viribus, vt te vel inuitum ab aëre Parisiensi auellat, vbi vrbs imminet incluta totius imaginem referens Orbis, hinc Aula eximia paret offundens inspicientium oculos, illinc infinitæ plebis obiectum, armati, docti, nobiles, artifices vndique surgunt, diuitiæ immensæ, paupertas etiam facit importuna, quid dicam amplius, confusio est illius ordo, & quotidie famem tintet ciuitas, omnibûsque abundans, & referta rebus. Incantat animos, fascinat oculus pulcher Aulicorum corda, & Presbyterum doctissima pietas ad Cælum trahit multos, & sic virtus & voluptas militiam inter se ibi exercent assiduam. Vale Musarum Decus & Ornamentum. Aquis-Sextiis 7. Aprilis 1648.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**rocin nostrum esse in procinctu lator, vnitatemque Prouinciarum discordiam, auide audio. Etenim tanti Ducis præsentia hostibus molesta erit procul dubio. Federatis etiam vitilis illa dissensio quæ pacem è suis expellet finibus. Imperium bello partum, bello seruatur. Quoad Bauarum, non mihi videntur respondere vltima primis. Tanti nominis septem-vir qui fortitudinis & pietatis tanta edidit exempla, nunc subdolas latebras quærit inutiles. De Britanno nihil pronuntio. Parlamenti mora Regis salus erit, & quod Scoti rationis & officij ductu non sunt ausi, commiseratione & necessitate pressi, forsitan perficient. Vale Musarum Decus & Ornamentum. Aquis-Sextiis 14. Aprilis 1648.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**ilectum toties dilatatum iterum promittis, amicum non vrgerem, nisi summo oblectamento meo, esset tua coniuncta valetudo, & vitilias. Certissimum est, aëris Lutetiæ Parisiorum respirationem, tibi lethalem à Medicis iudicari. Quoad vtilitatem quæ te non tangit, dicam vno verbo, nostra erunt communia bona, & maximam mecum experieris libertatem. Nec tibi eiusdem Lutetiæ clausus erit reditus cum expedierit. Exne igitur catenas aureas, sic voco amicitias, quæ te iure detinent. Vale Musarum Decus & Ornamentum. Aquis-Sextiis 21. Aprilis 1648.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**duenit Cursor absque dulcissimis literis quoddam miror. Discessit Tornator longioris absentia impatiens. Quoad me, moram amplius ferre non possum tanti dilati oblectamenti. Neapolitanus populus toties perfidus, Hispanos tursus admisit, Duxque Guylsus ab equitatu insequutus, captus ab hostibus fuit. Caucamus à Catalaunia, & Germanicam pacem debemus recusare, nisi Hispanos deserat Imperator, & vnio catholica, cuius caput Bauarus septem-vir. Epistolij aut perditij aut neglecti, iacturam refarcias oro. Vale Musarum Decus & Ornamentum Aquis-Sextiis 28. Aprilis 1648.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**id dicam tibi nunc ignoro, primis epistolis, à tribus annis exaratis, totum lustrauimus Orbem, Bocalinique more singula ponderauimus. Quid superest, Monasterium penetrauius vbi arcanum quod vulgate non licet audiuimus. Lutetiam denique ipsam feliciter repetere, concessum fuit. Imponamus igitur literis finem, Tornatorisque manu ductus amicus discedat & accedat, vt difficilibus implicitus negotiis, non sui sit iuris, sed potius vt aliquando omnibus solutus curis sibi soli viuat. Vale Musarum Decus & Ornamentum. Aquis-Sextiis 5. Maij 1648.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**sumunt, vt video, vires & animum Scoti vt Regi restituant quam subripere libertatem. Hollandi prosperitate inflati pacem querunt intutam & infaustam. Germani inter se pacati onus belli linquere nobis student. Itali delitiis & otio dediti nec audent satis nec provident. Et sic in Orbe iudicr. Dum soli Veneti communem propulsant hostem, sed citò decident deficientibus animis & pecuniâ. Grauiora passi, dabit Deus his quoque finem. Vale Musarum Decus & Ornamentum. Aquis-Sextiis 12. Maij 1648.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**C**oncedo libenter petrum tempus ab amico, cui nihil denegare possum. Etsi dubitem te posse ob aduerfam valetudinem huc proficisci cum volueris. Assulget ex Aquilone



Aquilone aliqua Regi Britanniae spes. Sed deest vir, qui regat & dirigat infelices Principis res ferè deploratas. Quicquid sit, non omninò defecere Scoti, quandoquidem ad sui Regis reuerentiam & amorem redire testantur. De Suecis audio aliquid quod me perturbat, illos scilicet se se recipere, eis, ab Imperatore & Germanis concessa pecunia, & ita soli remanebunt Galli, tanto impares oneri. Vale Musarum Decus & Ornamentum, Aquis-Sextiis 19. Maij 1648,

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**nto graditur pede Magnae Britanniae Regis salus, quamvis ipsius aduersitas graui cum premat pondere. In Germania aut cruentum fiet proelium, aur pax à multis desiderata. In Flandria Heros noster coëgit exercitum, & ad hostes pergit alacriter. Deus Optimus Maximus, qui & exercituum appellatur, laurea cingat inuicti Principis tempora, & ita eius subiciat pedibus, hostium in superabilem superbiâ, vt Orbi Christiano pax immerita concedatur aliquando. Tunc licebit Ottomanum aggredi. Vale Musarum Decus & Ornamentum, Aquis-Sextiis 26. Maij 1648.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**er pauca scribere te lator, modò eandem abstinentiam serues in omnibus, ac praesertim in animae laboribus & exercitationibus. Diniae Antistitem Curiae nostrae haerentem ac periclitantem inuenimus. Tornatorem expectamus qui vera de valetudine tua renuntiet. Nunc & de Germania & de Magna Britannia taceo, huiusce orbis res confusiores verum à falso distinguere non sinunt. Tempus veri patens altas & profundas istas discutiet caligines. Vale Musarum Decus & Ornamentum, Aquis-Sextiis 2. Iunij 1648.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**perito dimicare Marte Regium est, dolus an virtus quis in hoste requirat? Virtutes erunt donec homines. Sed quibus liceat bis peccare, nisi solis Gallis? Qui in pace, in bello, semper eosdem committunt errores, & intra vnum diem multi pulueris & laboris ciuitatem Cortetacum amiserit, Herois nostri lugeo sortem, quandoquidem aliorum culpa vertitur in suam. Et sic singulorum imprudentia magni prouidentiam Ducis sternere nititur. Quicquid delirant Reges plectuntur Achiui, & è contrario. Hic rebus vrbani impliciti ingratur sustinemus laborem, et si

non perparuum. Vale Musarum Decus & Ornamentum. Aquis-Sextiis 8. Iunij 1648

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**ltima significant mihi noua, quam instabilia sint huius Orbis omnia, in Germania à nostris adest partibus fortuna. In Flandria non adhuc elegit quem sequeretur Ducem, nutare videtur adhuc, sed inuictum Herois nostri peccus difficilem soluet quaestionem. Bacchanalia huius gentis more sacratissimi corporis Christi solemnitati miscuimus, sclopis tamen armati Sancti Saluatoris Basilicam non ingressi fuere, & explodere prohibiti, modestè se gesserunt. Vale Musarum Decus & Ornamentum Aquis-Sextiis 16. Iunij 1648.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**uistis tui lis, civilis est, & ita nihil quod ad dignitatem aut personam respiciat, video. Tornatorem inuisti cupidum tui & amantiissimum, te infra paucos menses discessurum promisit, faucat valetudo, fauent omnium vota. Castellæ leone nihil crudelius; sanguine restagnat Neapolis, vbi pueris non subuenitur pane, sed gladio occumbere datur. Quid Turcarum barbaries posset opponere, quid antiquitas fingere, quid posteritas credere? Tritermes Galliae, decem nauigiis iunctæ petunt Siciliam, vinam faultè, tantisque occurrere miseriis illis à fortuna, aut potius à Dei prouidentia concedatur. Vale Musarum Decus & Ornamentum, Aquis-Sextiis 22. Iunij 1648.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**aturescunt omnia, praeter pacem, cuius fructus crudescit. Optamus quod nolumus, exquirimus quod fugimus, amplectimur denique quod tanto habemus fastidio. Quid plura? Alterum vellem esse Cyneum qui Hispanis tantum suaderet bonum? Omne donum è caelo descendens ab Optimo Maximo, ac praesertim pax illa beata ex eodem oritur principio. Classis nostra nunc in prociectu, mare minatur superbum, etsi innumeris glorians naufragiis. Vale Musarum Decus & Ornamentum, Aquis-Sextiis Iunij vltima 1648.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**m transit ætas, & spes proximi defensus affulget, non vrgeo, sed lator, dum

dum in amici amplexus ruerе cogito. Deest qui verum dicat. Mirum est, Principes ferè omnium experimentum facere, excepta ipsa veritate, quæ illis vnquam nisi personata occurrat. Quàm infelices quos alloqui audent nemo! Omnes fortunæ blandiuntur, nullus personæ Principis. Multi Crateri, pauci Ephestiones. Assentatio palam, veritas clam agit & in Aula, pessimum inimicorum genus laudantes. Viue diu ac Vale Musatum Decus & Ornamentum. Aquis-Sextiis 7. Iulij 1648.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**Oloniæ Regis obitum, inter prospera ducit Iberos, successor in incerto ob diuisa suffragia. Casumitum eligent si intra domum, hæredem quærant, orbem si perlustrant famamque, omnium ore loquentem audiant. Heroem nostrum meritò constituent Regem. Bauari culpam sequitur pœna pede, non claudio. Tanti septem-viri mentem non capio. Fortunæ committit ætatem octogenariam, cum Vespasianus de sexagenaria, in vitamque partem prudentissimè consuleret antequam se ad bellum accingeret ciuile. Vale Musatum Decus & Ornamentum. Aquis-Sextiis 14. Iulij 1648.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**Vtationes in Aula crebræ, vitam rusticam securiorem esse, inficiatur nemo. Meretrici comparatur illa, quæ blanditiis castiores seducit aliquando, sed excurritur mare quamuis innumeris clarum naufragiis, sic Aula expetit ambitio, vt cæteris præsit. Auaritia vt diuitiis affluat, prodigalitas vt pecuniâ emat suâ summos honores. Probitas vt proficit, malignitas denique vt noceat. Nec plura exquisitas, & hæc de Aula satis, vbi silentium sagacitas est, & mysterium. Vale Musatum Decus & Ornamentum. Aquis-Sextiis 11. Iulij 1648.

Campinio nostro, epistolium præbeas inclusum, enixissimè rogo.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**Agnam vndique Britanniam agitatam video, captiuumque Regem viuere, vt respiceret, non vt regnet & sic precariam trahere vitam. Valliz Princeps non mihi videtur per quem salus ventura sit in Israel. Fama quæ aliquando nimia, & nunquam est falsa; cum de tanto Heroe loquitur non est garnia, sed triste seruat silentium. De Suecis rumor est eos cum Imperatore conuenisse præsentē ac interueniente Serniano Plenipotentiario, & Pignerandam Hispaniæ Regis Legatum extrahere.

*Epistola ad Gassendum.*

ordinarium, Monasterio discessisse ne vocem cum inferiore sociaret. Vale Musatum Decus & Ornamentum. Aquis-Sextiis 27. Iulij 1648.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**Vo difficilia video tertiumque penitus ignoro. Primum quæ sit mens Bauari destructi. Secundum quid sibi vult pax in Germania, si cum Hispano bellum gerere cogamur. Tercium, quod tendunt magni nostri Parlamenti reformationes ipso tempore belli externi, atrocis, diuturni, importuni, inquam, si fas est dicere. Silent leges inter arma, rumorque belli legum latatum promulgationem opprimit. Vnusquisque utilitati studet publicæ, circumstantiæ tamen non negligendæ. Vale Musatum Decus & Ornamentum. Aquis-Sextiis 4. Augusti 1648.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**edatatione & præsentia clausit Rex Christianissimus magnæ Curix comitia. Existimant multi res longius processisse quàm vt tam citò stabiliiri possint. Quicquid sit summæ prudentiæ est duos simul hostes non conuenire discordiam, & Hispanos. Res Prouinciales ex aliis, patientiam ex me ediscas. Ad arma conclamatur in comitatu, ego in toga, maledictis petor, precibus respondeo, ignis vndique me premit, aqua fio & sic gubetraculo insitens motas vndas compono, Clerus, nobilitas, populus Regiam respiciunt potestatem, turbidi, pauci, debiles in suam ruunt perniciem. Vale Musatum Decus & Ornamentum. Aquis-Sextiis 11. Augusti 1648.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**atientiæ potui miscere pardos vt edices postea. Nunc lentescit primus rumor, sua munia reddit Senatus noster etsi semestris, agros & vineas excolunt rustici. Nec vsquam tam profunda pax, cum vbique intonet bellum. Furnum interea expugnant hostes Herosque noster penè desertus, ipsi patientiæ litare cogitur. Et sic intestina discordia dedecorat nostrum triumphans impetrium, grauiora passi, dabit Deus his quoque finem. Vale Musatum Decus & Ornamentum. Aquis-Sextiis 18. Augusti 1648.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**Vam sit arduum & difficile cuncta regendi onus, ob oculos ponere non est necesse. In momento summa vertuntur & vt

K k in

in bello, in politica non licet bis errare. Ad Bauarum tendo cuius peritium diuisionis suæ destructione corripuit iustitia Diuina nunquam fallax sed plerumque occulta. Nihil tam politicum quam Scriptura sacra, nihil sanctius. Dictamen est naturæ ipsius, quod tibi fieri non vis, alteri ne feceris. Non erat seuerus Imperator ille Romanus, qui liminibus sui Palatii hanc infixerat pulcherrimam sententiam. De pace non loquor sed concupisco tamen etsi non sperem. Vale Musarum Decus & Ornamentum. Aquis-Sextiis 25. Augusti 1648.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E** Pinicion canerem & ante aras saltarem, si Herois nostri gloriæ, nostra non esset vtilitas iuncta, non obmutesceret inimicabilis Capellanus, non reticebit historia, fama ipsa centum loquetur oris, nec alium experietur terminum tanti Viri victoriæ, quam ipsum terrarum orbem. Obsecundat fortitudini ipsa fortuna, trahitque secum Heros noster ineuitabile fatum, cuius voci antiquorum, Dij obtemperabant. Seruet incolumem precor solus ille Deus Optimus Maximus & cuius sinu oritur victoriæ, triumphet Dux inuictus, mortique non subiacet, cuius expeditiones, æternæ sunt memoriæ caræ. Vale Musarum Decus & Ornamentum. Aquis-Sextiis Septembris prima 1648.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**gitus Dei hic est, nunquam rumor citius euasit quam hesternus, nunquam minus damnum, nunquam tam brevis exitus, Dei opus non hominum, Regis nostri innocentia auctoritatis non patietur detrimentum, & penè septuaginta Regum solidata Maiestas non corruct. Monarchia tam antiqua æternitatem attinget aliquando, aut certe Otis caduci finem, gradibus istis pacem ascendimus, copiarum coactione, prælio ac victoriæ cum ad vim rediguntur omnia, si pacto res transigatur, ratione, iustitia, suasionem ac probitatem, tantum perficitur opus. Vale Musarum Decus & Ornamentum. Aquis-Sextiis 8. Septembris 1648.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**M**ercennus obiit scientissimus piissimusque. Cælum petiit qui vniuersum terrarum orbem oculis subiecerat suis, Angelorum concentum delectatur, qui Musicam optime callebat. Expertus est vltimam horam, qui omnium rerum fecerat Experimentiam. Beatitudine satiatur qui inuestigatione eximia scrutabatur rerum causas. Quicquid denique

fruitur summa, cuius ingenium in communi fuerat labore, summus Mathematicus, huiusmodi Religiosus, mitissimus hominum, sumptuosus ac timens Deum. Offibus levis sit terra & anima graui gloriæ pondere prematur. Vale Musarum Decus & Ornamentum. Aquis-Sextiis 15. Septembris 1648.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**E omnibus loquitur rebus vltimum epistolium, de discessu, ne verbum quidem, vellem tamen rescire quid adhuc hætes? Displicet quidem longius iter, patriæque commotiones. Ne pertimescas, inuenies hic quietem sine nube, libertatem experietis non immutatam, valetudinem integram, & amicorum amplexus. Carior mihi eris præ aliis geniusque tuus meo coniunctus certissime præualebit, Natale solum valetudinem reddet firmiorem, quid denique dicam? Præsentis salus innititur mea & oblectamentum summum. Vale Musarum Decus & Ornamentum. Aquis-Sextiis 22. Septembris 1648.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**rois nostri cruor est similis illi, quem à suis Diis fluere Poëtæ fingeant antiqui. Videtur immortalis, etsi vulneribus expositus cuius memoria nunquam est moritura. Non potest occumbere morti, is est cuius vita, pendet regni felicitas, donec ctescat Rex noster, alter Augustus quamvis Philippi nomen non habeat, vnici fratris brachio fuluus triumphabit aliquando, Autelianensem prætermitto, victoriarum laureâ testum. Quoad pacem, hæreticus sum, in eaque sententia, Germanicam, sine Hispanica inutilem esse cædo. Vale Musarum Decus & Ornamentum. Aquis-Sextiis 29. Septembris 1648.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**X nubium conflictu accessit tandem maxima tempestas, interpestiva illa quidem, authoribusque perniciofa, quid sibi vult ordo cum confusione? quid bellum cum legibus? quid denique restauratio Regni cum singulorum iactura? Narrabit aliquando posteritas, Senatores nostros olim minorum Regum nutritios, nunc discordes, bellum atrox, in semetipsos vertisse, dum vbique Rex infans triumphat & vincit, populo fidunt necessitate coacti qui eos in Regis manus adducet, quoties cum importuna oppræsserit fames, iugeo prudētes viros, qui tam misere ad suam totiusque Regni decurrunt ruinam. Vale Musarum Decus & Ornamentum. Aquis-Sextiis 6. Octobris 1648.

Babylonem nutantemque Aulam citò fuge.

PETRO



## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**xperimur nunc libertatem plenam & quam sit iucunda præteriti doloris recordatio. Nobilitas immixta ciuitatum delegatis inuisit me cum plausu. Massilia sese effudit, currens in oculos nostrum, Dei Optimi Maximi prouidentia hæc voueo, quandoquidem honores quibus fruimur in hac vita, somnia sunt dormientium, vt ait Diuus Augustinus. Quoad me attinet, idem sum & ero, inimicis non infociabilis, Amicis fidelis, Gassendo meo charissimus. Vale Musarum Decus & Ornamentum. Toloni 6. Aprilis 1649.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**rcuiui plagam cum summa lætitia, effudit se Nobilitas, ferèque omnes ciuitates obuiau iuere cum plausu. Massiliam cogito urbem fidam & populatam. Vellem conuenite te in reditu, & Aquis-Sextiis sistentes donec libri inuoluti, & ad me sint transmissi; vnus ex nostris aduenit cum Catalogo, cui quid sit opus probè insinues. Satis firma vitur valetudine familia nostra. De Aula nil noui, omnium vertuntur arma in communem, & externum hostem. Archidux vt fertur, Iprensus obsidioni totus incumbit, & sic vulpinæ pelli leoninam insuere nititur. Vale Musarum Decus & Ornamentum. Toloni 3. Maij 1649.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**cit pacem in virtute sua Optimus Maximus, & qui dedit posse, abstulit velle, digitus Dei hic est, valetudinem non prosperam sustinere te suspiro, Amicique omnium horarum præsentia frui admodum cupio. Torinatorem amplexus remitto laudantem, & mœrentem. Vale Musarum Decus & Ornamentum, in Castris ante Aquas-Sextias 26. Augusti 1649.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**Ornatorem tandem remitto, tuo commendato negotio, bene meritis Consulibus, quos pro mea erga eos beneuolentia benignè excepi. Egregios belli fines, vt ais, existimo, quoties ignoscendo transiguntur. Etiam si indulgentia sit nocua. Melius est tamen aliena culpa perire quam sua. Sic censeo, det nobis Optimus Maximus quietem, non

*Epistola ad Gassendum.*

otium pacem tranquillam, non fidam. Vale Musarum Decus & Ornamentum. Toloni 4. Septembris 1649.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**eissertum tuum libenter existimo. Amicorum munus est non modò se inuicem prosequi amore mutuo, sed etiam omni momento res gratas efficere, vt augeatur, si fieri possit. Existimo tamen res humanas finitas esse & terminatas, ita vt vnicum Numen sit infinitum. Quamobrem veras amicitias vsque ad certum progredi gradum puta, vbi sistere liceat. Verumtamen quæ in vtramque partem si homo fragilis vt bullæ, & arundini comparetur, & perfectam sustinere possit amiciriam & constantem, nociua ei sunt multa, morum mutatio, absentia, fortuna, fastidium etiam omnibus vitæ ciuiliis immixtum casibus, & sic à tantis pendet accidentibus amicitia, quos vitare nequit humana prudentia. Nunquam de amicitia loquor quin mihi veniat in mentem Pomponium Atticum, qui Cæsares meruit habere pronepotes. Sed longius progredior, valetudinem cura, meique absentis rationem habeas, ne excreetur inter nos bellum ciuile. Vale Musarum Decus & Ornamentum. Toloni 16. Septembris 1649.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**niensem Canonicum negotio confecto, remitto, vellem posse quod olim Cæsar Cicetoni roganti. Sat est intra meæ conditionis carceres, remanere. Voluntas pro facto. Nihil est quod tam latè pateat, quam amicitia quandoquidem in rem mutatur amaram. Vnde Ouidius, & antiqui Poëtæ suas hausere fabulas, & bene, ego Deus & non mutor, huic soli, & immutatio tribuitur & æternitas, res sublunates vicissitudini addidit, vt Prometheus Caucaſo, puram redolent inconstantiam. Valetudinem prosperam, & constantem tibi opto. Vale Musarum Decus & Ornamentum. Toloni 12. Octobris 1649.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**T**inerarium incipio vbi iter secundæ diei fuit finitum. Bohemorum turma, mihi videtur nostra. Nobiles vicini occurrunt, prosequuntur nos lacrymis non fictis. Ipsa ciuitas Aquis, quam marmoream linquo, metallum imitata, clausa manet ac dolore intada, beneficiorum iniuriarumque immemores Galli, veluti Paradisi aues vento feruntur. Quid tandem scribam, nulli iactantiùs mœrent, quam qui maximè lætantur. Vale Musarum Decus & Ornamentum. Gardanæ 8. Decembris 1650.

Kk 2 PETRO

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**W**Itam priuatam experimur, & procul à fraudibus Mundi hic stamus otiosi. Non est tamen in nostra potestate obliuio illa segnis, Imperatoris Vitellij Aulæ illecebræ aliquando aures feriunt nostras, vincitque amor patriæ laudumque immensa cupido. Anima nunquam tuta nec quæta, denegata cupit, absentia exquirat, difficilia tentat, adest frequenter præsumptio, & eius sociæ temeritas, quæ sapientes in profundum mergere non desinunt. Infelices homines dominam infidelem, fortunam, colimus, cuius forma capti, alaræ fidimus, antiquorum Deæ globo insistenti, rotam semper momenti, instrumenta seruitutis, & Reges habenti. Mœcenati nostri temporis Prædidi Memmio nouissimè defuncto lacrymis liceat parentare. Vale Musarum Decus & Ornamentum. Alesij 9. Ianuarij 1651.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**studijis more lentè gradior infantulum, & mulierem grauidam mecum ducens, hic noua gratiora aures verberare meas incipiunt. Comes Briennæ rescripsit mihi Principum libertatem à Regia maiestate fuisse concessam. Dux Aurelianensis non contentiit modò, sed etiam tantum promouere negotium iure videtur. Tristitiam nunc exuere cogor, quam ex iteratis calamitatibus conceperam. Redibit ut spero aureum Saturni æuum, Aстреa de cælis descendet, & Hymen facris vinculis innodabit diuisa, iunget separata, instaurabit festa, & vulgi acclamationibus ceder. Quod sælix, sanctum, fortunatumque sit. Vale Musarum Decus & Ornamentum, vltimà Februarij 1651.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**O**ngè superant modernæ, & effusa latitæ signa Tolonis vrbis, antiqua illa imitamenta, quæ Romæ sub diuersis Imperatoribus erupere. Stuper Lutetia vrbium caput vnde in omnia regimen. Miratur Gallia etiam sub graui belli extranei pondere gemat. Populare gaudium dum est vniuersum, Dei Optimi Maximi denorat providentiam. Plura dicerem si faucium importuna fluxione non laborarem. Affulget nunc aliqua pacis spes domusque omnis Regia cirs conuincta erit ut spero, Aula nostra semper in motu nunquam in eodem statu permanet, cessabunt venti, & tunc parebit tranquillitas magna. Campinium amplexus sum, Luillerium veneror teque summum nostræ Galliæ decus, cuius

mens Sidera voluit, ut patro num agnosco vale. Lutetia 17. Martij 1651.

Memor esto Musæi Domini Du Muy.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**St aliquid semper incommodi, quod tranquillitatem proximam perturbare videtur. Nobilitas nostra quæ Lutetia moratur, sæpius inter se conuenit, comitiæque generalia enixissime rogat. Curia Parlamenti sese opponit viriliter; Aula nondum concors, nunc hos, nunc illos protegit prout conducere existimant virilitati publicæ. Deus omnia bene vertat, dummodò auctoritas immota maneat. Sunt qui sperant conuentus generales fore conuocandos, hebdomadè proxima plura rescribam Deo fauente. Vale Musarum Decus & Ornamentum. Lutetia 25. Martij 1651.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**ansigas vbis mensem Aprilem intergrum rogo, scies postea quæ nunc profundo remanent abscondita silentio. Omnia in Aula tranquilliora sunt, incertioresque publici sunt tristiores, secretis cuniculis serpit Providentia diuina omnibusque probis inspirat concordiam. Cardinalis Germaniam petit; vrbis pacata est, excubia, custodes, cæteraque imitamenta militiæ omnino cessant. Nobilitas obtentis publicis conuentibus mirè quiescit. Heroïna Longavilla federe nos Hispanis iungere seridè cogitat. Vnusquisque concordiam meditat. Sola Provincia trā vindiæ pertinaciter adheret. Plura per otium rescribam. Vale Musarum Decus & Ornamentum. Lutetia vltimà Martij 1651.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**perit hesternæ dies concordiam in Aula, benignè Regina Principes excepit. Extincta discordia facilius ad vniuersalem perueniemus pacem, Nunc & de reditu in Provinciam, & de Amicorum negotiis seridè cogitabimus. Huicvque domesticis totum me tradidi. Tu paulisper Tolonæ commoraberis, & de Musæo Domini Du Muy aliquid mihi rescribes. Vale Musarum Decus & Ornamentum. Parisiis 14. Aprilis 1651.

## PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**enique discors Aula omnibus negotiis iter occluserat. Nunc ad res Provincie publicas,

publicas, manus admoovere feliciter cœpi. Deus fausta omnia reddet, quæ nisi suis auspiciis suscipiuntur. Per hoc molestos dies valetudinem curare studui, ne quid obstarat piis mœis salubribusque consiliis. Quocumque mouere me & perturbare, inimici mei non destitère. Videntur lassī, oppositæque profunda patientia, omnia calumniæ, & inuidiæ tela repulsi. Vale Musarum Decus & Ornamentum. Lutetiæ 21. Aprilis 1651.

Perspectiuam horatiam te ferre gaudeo. Vellem Indicem nouum tam exactum ad me transmissum, non interrupisse cursum meditationum tuarum profundarum, quæ totum complectuntur Orbem, gratias tamen ago, & curis & humanitati tuæ, quæ res minutiores non negligit. Musarum Domini Du Muy tibi commendo.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**es in fundo, vt probè scis, & sic vsque in finem negotij eniti oportet, vt visu, & mota magis elucescat veritas. In Aula impotuntè sit quod opportunè perfici non potest. Non hîc ex rumoribus statuendum, prospera rerum facies est aliquando fatuus ignis, qui nos ad præcipitia ducit. Vale Musarum Decus & Ornamentum. Lutetiæ 28. Aprilis 1651.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**incipibus placuisse viris non vltima laus est. De magnis & tui simillimis loquitur Porta vt mihi videtur. Credo equidem natalium splendorem esse omnino vanam, & inutilem nisi virtus adsit, ac potissimum vniuersalis illa, sublimisque scientia quâ polles. Procul inter Amicos assentatio, quæ à timore plerumque gignitur. Amicus es qui verum dicis, & cui veritas enuntiari debet omni tempore. Lugdunum cogitare potes quando voveris, illic mitior ætas, & commoratio magis quieta. Lentè hîc procedunt omnia negotia, sed etsi minimè credulus, de meis bene sperare cogor. Vale Musarum Decus & Ornamentum. Lutetiæ 6. Maij 1651.

De Musæo Domini Du Muy memorem te esse enixè rogo.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**P**edentem testudinis more iter facimus. Heri in supremo Consilio statutum fuit Parlamenti Provinciæ nuntios inauditos regressuros, Euocationes certas fore, cùmque aduenerit Miromenæus cætera erant disposita. Ita vt tempus conuentuum generalium etiam

*Epistola ad Gassendum.*

constituendum erit vt reditus mei. Si res ita sint, & mobilitas Aulæ nihil immutet confusio penè inimicos nostros summæque inter Amicos lætitia futura est. Sigillum ori apponendum, negotiæque nostræ in bono esse statu solum dicere licet. Cælum Galliæ nubilosum frequentes denuntiat pluuias Aulæque malè concors magnas, & ineuitabiles totius Galliæ commotiones mihi prælagire videtur. Vale Musarum Decus & Ornamentum. Lutetiæ 12. Maij 1651.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**unc ad Parlamentum huiusce vrbis, aut potius Orbis vniuersi cõfusi confugiunt inimici nostri, Orbis dico quandoquidem Reges ipsi illud sacrum aliàs adière tribunal. Hinc Deum appellabunt iniustitiæ clamoribus surdum, innocentiaque voci aures præbentem apertas. Incertus quidem exitus ob lapillorum differentiam, & æquiuocum inodum, quo Senatorios procedere solent. Nihil tamen pertimesco conscientia tutus Senatûsque Sacri, tantique nominis probitate fultus. Nesci an morbus, aut te retinuerit obliuio, sed nullas ex te excepi literas, quarum audior sum, ita vt vix tibi pepercerim, nisi validissimas mihi profectas excusationes. Vale Musarum Decus & Ornamentum. Lutetiæ 18. Maij 1651.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**mmutatam febrem gaudeo valetudinemque validiorem tibi opto. Aëtem natalem incommodum experiris, vt epistola vltima enuntiat. Lugdunum cogitare debes, vbi Amicorum societas mitiori iuncta calo magisque temperato te omnino efficient incolumem. Hisce sacris diebus omnibus negotiis indistinctæ sunt induciæ. Assulget aliqua pacis spes, Gabriel enim è Toleda alter Mercurius oliuam præfert, soli Regij ministri probè norunt quid sit expectandum. Timeo Danaos, & dona ferentes. Ac potissimum Aulæ nostræ discordiam totius Regni proximum incendium denuntiantem. Pupilli Regis incoronatio, & maioritas propè accedunt. Cæsariûsque virtus contigit ante diem; hebdomade proximâ cuncta rescribam, & quicquid sit, demissus resurgam. Vale Musarum Decus & Ornamentum. Lutetiæ Paschorum 27. Maij 1651.

### PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**umeris iactatus periculis, tandem portum tenere mihi videor, etsi eorum protectione sim orbatus, quorum decus & incolumitas



mitas cariora esse mihi non ambigitur. San-  
martius inauditus redibit vt spero, Galifetus  
breui auditu dimissus fuit satis confusus. Lu-  
tetiā hodie cogito, vt molestissimo negotio  
vltimā imponam manū. Hic tamen vt in  
Cœnobiis, & Eremitis homo cadit rariū, re-  
surgit purius, moratur frequentius. Addam  
quoque Aulæ non immixtus fraudibus degit,  
& sic melius cogitat dies antiquos salutique  
inferuire potest. Vale Musarum Decus & Or-  
namentum, Grobosiij 9. Iunij 1651.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**adā ibit ad te istud epistolium per cur-  
sorem Lugdunensem, breue quidem  
erit ob vnius fœmoris leuissimum dolorem,  
quem ex equitatione frequentiore contraxi.  
Negotii mei moram iniecit, proxima tamen  
hebdomade Deo iuuante, his vltimā im-  
ponam manū. Nil intentatum nostri li-  
quere inimici, omnem mouere lapidem co-  
pari sunt, omnibûsque Principibus Prouin-  
ciam obtulere. Vsq̃ue aded insanire miserum  
est? Circuncisionem mihi præferunt, seque  
cum Hispanis, & Turcis conuenturos, potius  
quàm memetipsum Gubernatorem diutius  
ferre, prædicare non erubescunt. Moliuntur  
vt ipsi proferunt cædes, sicariosque paratos  
se habere, qui me è medio tollent antequam  
Lugdunum appellere possim, vt asseuerant. Tot  
& eiusdem fatinæ sermones discessum acce-  
lerant sine dubio meum, eodēque intrepidi-  
tate eos reuisam quā eos in carcere ali-  
quando respexi, nesciunt miseri mentem  
meam, quod plus ardent, ego magis frigeo, &  
cū cædes meditantur ego concordiam, &  
pacem respirare non desino. Vale Musarum  
Decus & Ornamentum. Lutetiæ 17. Iunij  
1651.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**O**dagra quæ detinet Ducem Aurelia-  
nensem, etsi levis, negotiorum cursum  
interripit, & quominus aliquid certi resciri-  
bere possim, efficit. Inuoluuntur interea om-  
nia, & ad Chaos vsque deuenient, nisi Regis  
maioritas tenebras expellat, metum eliminet  
lucēque creet maiorem, qui Ministrorum  
animos mutantes confirmet, electionisque,  
rarum donum Reginæ concedat. Absens nunc  
regit, qui præsens inuisus erat, & Magna-  
tum discordia eis prodest, quibus Monar-  
chia non est cordi. Nihil boni auguror, pax  
extranea, Regnum cadens, sola potest re-  
tinere. Alioquin susque deque vertentur om-  
nia. Rurapetieram, sed qui sinistra interpre-  
tantur mentem meam, accelerare reditum me  
coëgere, vt præsentia destruerem quod ab-  
sentia fabricauerat. Rescies modò euentum re-  
rum mearum. Vale Musarum Decus & Orna-  
mentum. Lutetiæ 23. Iunij 1651.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**læ artes infinitæ, spero tamen proxi-  
ma occasione tibi renuntiare posse, ar-  
dui negotij egregium finem. Si Deus hoc  
agat, omnium memor ero iniuriis exceptis,  
quas vtilitati publicæ concedere meditor.  
Fœlicitate non corrumpar vt credo, quando-  
quidem res aduersæ inconcussam linguunt.  
Salutem ex inimicis meis accepi. Quid dicam  
amplius? non moneo te sæpius, vt Lugdunum  
cogites alia de causa, nisi tuæ valetudinis ergo;  
qui cessasse me Prouinciæ scribunt, vota sua  
enuntiant, non veritatem. In nidulo meo mo-  
riar non resupinus, sed stans, vt militem de-  
cet. Amicus inimicorum cogor esse, & inimi-  
cus Amicorum, ænigma solūm in præsentia.  
Vale interim literarum Decus & Ornamen-  
tum. Lutetiæ vltimā Iunij 1651.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**opinus Principum Regij sanguinis  
discessus moram iniecit meis difficili-  
mis, & molestissimis negotiis. Euocationes  
tamen concessæ fuere, Reginæque inimicis  
meis ore suo pronuntiauit se nolle me Pro-  
uinciæ cedere. Sanmartius inauditus discessit  
& minatus est bellum atrox, & cruentum,  
aliunde scribitur Parlamentum ipsū, cæte-  
rōsque procures Prouinciæ pacem, & quietem  
in mente habere. Quod ad me atinet iam  
rescripsi quid sentirem. Dux Aurelianensis  
rescripsi quid sentirem. Dux Aurelianensis  
Aulæ discordanti morem imponere totis vi-  
tibus speraturque Principes qui ad  
Dui Mauri tantum processere, à concordia  
non fore alienos. Vale Musarum Decus & Or-  
namentum. Lutetiæ 7. Iulij 1651.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**D**iscessus Principum cæteris negotiis in-  
iecit remoram, singulis hiis diebus  
Parlamentum eorum cum Regina insudauit  
concordiæ, speratur fore aliquam conciliatio-  
nis viam, quæ à viris probis magnopere desi-  
deratur. Neutrū noster singularia rescribet,  
ego infinitis dissentis curis omnia Diuinæ  
committo prouidentia, cuius consilia ple-  
rumque occulta, nunquam tamen iniusta,  
euocationes concessas rescistiui, & Sanmar-  
tium inauditus discessisse. Nunc quid de con-  
uentibus, & meo statuetur editu, expecto  
quietissimè. Te verò historia naturali, & ex-  
perimentis operam dare admodum delectat.  
Experientia rerum magistra, Theoria verò  
inutilis, si prima negligitur. Aristoteles etiam,  
vt Homerus, obdormiuit aliquando, plus au-  
ditui, quàm visui credere videbatur, cæte-  
rique

rique Magni Alexandri opibus adiuti non fuisse, & sic experientia orbi, omnium scientiarum oculo, potentissimo caruere auxilio. Vale Musarum Decus & Ornamentum. Lutetia 14. Iulij 1651.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**pes est, Aurelianum Ducem non frustra insudaturum Regia stirpis concordia. Quandoquidem Regina veniam dedit tribus illis viris, qui Cardinali Mazarino videbantur additi, hi sunt Telius, Seruietus, & Lionæus, heri Aulam relinquere visi sunt. Hodie Princeps Condæus Parlamentum iniuit insalutatis Rege & Regina, die Lunæ Curia placitum in lucem exibat, concordia vinculum, omnia tristitia & silentio operata sunt, donec Altrorum coniunctio in Aula cælo fiat, faxit Deus omnia prosperè cedant, seruet incolorem spem alteram Romæ, Aulam conciliet Aurelianus, innocentem fortunet Deus Regem, Regiisque exercitiis præbeat auxilium è cælo, ut verum sit dicere, cui militat æther, & coniurati veniunt ad classica ventri. Vale Musarum Decus & Ornamentum. Lutetia 21. Iulij 1651.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**s Aula ita sunt inuolutæ, ut vix quæ ad singulos spectant auditu posse videantur, Principes alternatim Lutetiam adeunt; in Curiam ingrediuntur, & hæc omnia insalutatis Rege & Regina, quod viros probos, & Monarchia deditos admodum cruciat. Dux Aurelianensis nititur in ventos concordia contrarios. Sed quid sit aut timendum, aut sperandum, ignoratur omnino, propterea quod factiosi prævalent, & vrbs omnium gnara, & nihil reticens fremere creditur. Erumpet intra dies paucos hæc flamma siue ut extingui possit, vel ad maius excitandum incendium. Vide quo in periculo versentur cuncta, & quod oculis non cernis, mente considera. Vale Musarum Decus & Ornamentum. Lutetia 28. Iulij 1651.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**dit denique heri faciem Regis & Reginae Princeps, comite Aurelianensi Duce, Aula lætante, Curia promouente providenti Diuinâ, quæ Monarchiam nostram regit (sic omnia) Regia contraria auctoritati, bene vertit, vnde aliquando magnus ille Villaregius solebat dicere cæteras dominationes à viris gubernari, Galliam verò à Deo. Etatem pupillarem pederentem missam facit Rex

noster, cuius indolis eximie odore referta est Aula, & Orbis ipse, ut opinor. Quicquid remurmurent inimici mei, non cogito nisi cogitationes pacis Provinciâque tuam rectius gubernare si possim. Vale Musarum Decus & Ornamentum. Lutetia 5. Augusti 1651.

Cursum scribo, lituras excula, ac de Domini Du Muy Musæo aliquid certi rescribere.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**vllus discedit cursor quin tibi rescribam, nunc evocationes fuisse planè concessas certior te facio, de reditu nihil certi, quoad gubernationem spectat palam declaravit Regina non fore mutationem, Aula discordia omnia in suspensio reuer, salutauere tamen Regem, & Reginam Principes. Mercorienfis Dux comparuit in augusto Senatu suumque non reticuit matrimonium, crastina die conuenit Curia, ut molestissimo negotio vltimam imponat manum. Pupillarem interea transigit ætatem Rex egregius, in cuius fronte animi candor, militaris ardor, summaque eniter prudentia. Faxit Deus, ut pubertatem quietè attingere possit. Vale Musarum Decus & Ornamentum. Lutetia 11. Augusti 1651.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**n eodem statu remanet Aula, Aurelianensis & Curia enixè laborant, ut omnem euellant discordiam, spes est laborem illorum non fore inutilem, huc vsque tamen Principes Aulam fugiunt, verbis queruntur acerbis, scriptis urbem implent diffidantque admodum. Regina interea diem die trudit, pupillaremque Regis ætatem abigere studet. Diuiduntur Aulici, omnesque Provincie veluti è specula rimantur verba, nouaque meditari pro comperto habetur. Comitia ipsa parum sunt quæra, ita ut etiam tuta timeantur. Tu ipse videris, ad nosque progredi poteris, ut opinor. Rescribam prius, & Amicus Nouræus cuius societate admodum delector. Vale Musarum Decus & Ornamentum. Lutetia 25. Augusti 1651.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**V**id tibi rescribam penitus ignoro, Aula nostra more maris, semper est in motu, Dux Aurelianensis tadio rerum potius quam iratus aut irato similis, Limocertium profectus est, Princeps Curiam premit, ut pateat eius innocentia antequam Rex pupillarem egrediatur ætatem. Quæstio est de generalibus conuentibus Turonibus assignatis,

quos Principes Lutetiam caput Mundi, trans-  
ferre desiderant. Multi bellum cogitant inte-  
stinum, Principes detestantur, probi enitun-  
tur contra. Curia ipsa omnibus omissis, hoc  
solum in mente habet, ut possit tot tantisque  
malis obuiam ire. Creditur tamen proborum  
preces non fore irritas; faue votis nostris, &  
vale Musarum Decus & Ornamentum. Parisiis  
1. Septembris 1651.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**mperatoris Romani imaginem vidimus  
triumphantis hesternæ die, Rex, cui vir-  
tus contigit ante diem, equitans, Curiam  
adiit, ubi, post omnium vicorum istius vr-  
bis plausum, Regio exceptus est apparatus,  
paucis dictis fauste accepit ex piissimis Re-  
ginæ matris manibus huius habenas Regni.  
Qui interfuit, cæteris ludictis anteponunt  
hanc Regiam magnificentiam, Magnates &  
Nobiles turmatim incedebant superbe vesti-  
ti, equi ipsi ephippiis deauratis fræna manden-  
tes, onere ditissimo gaudere videbantur.  
Quoad Regem, effusus populus acclamationi-  
bus eum insequabatur. Quid plura? Talis  
Alexandri tigrim superantis imago. Nox ut  
dies reluxit accensis fascibus & focis. Ignis-  
que fuit Solis minister, Regiæque maiestas,  
ut carbunculus tenebras excutere visa est.  
Senatores nostri tot Reges, quot Viri vene-  
ratione digni, Aulæ parvèrè vniuersæ, ita  
Cineas idem de Curia nostra iure prædi-  
casset, quod olim de Romano Senatu. Ho-  
die ad Divæ Mariæ Deiparæ sanum profectus  
est Rex pietate insignis, ex manibus Re-  
ginæ cæli coronam resumpsit, quam altari  
tantæ Virginis imposuerat triumphantis me-  
morix Rex inclitus Pater. Vale Musarum  
Decus & Ornamentum. Parisiis 8. Septembris  
1651.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E** iniquorum litarem curiositati, ab  
epistolis inuitus abstinui. Nunc mœ-  
rens scitibo, omnia susque deque ver-  
tuntur, extraneoque bello intestinum iun-  
gitur. Cuncta in factiones erumpunt, nubi-  
losæque Galliæ calum maximam portendit  
tempestatem. Discessit Aula, & Lutetia, Or-  
bis miraculum, tristatur. Probi lugent, di-  
uites timent, ambitiosi sperant, pauperes  
excitantur, turbulenti soli lætantur. Credo  
equidem nec vana fides, quod digitus Dei  
hic est. Si per valetudinem liceat ad redi-  
tum hortor, dum via adhuc est libera. Neutræ  
quod superest, linquo. Vale Musarum De-  
cus & Ornamentum. Lutetiæ 30. Septembris  
1651.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**ogreditur Rex & Aula, Bisurigelque  
petunt, de oppugnatione vrbs ambigi-  
tur varij varia, rumoræque sunt prout fama  
figit vulgæque quisquis quod optat. Dux  
Aurelianensis vtriusque partis conciliationi  
studet, speraturque huius Principis conatus  
non fore irritos. Lutetia de Regis absentia  
remurmurat, Caputque vrbiæ & Regina,  
sine Rege vivere non sustinet. Aulæ iter à  
paucis probatur breuèque & parum fastum  
timetur fore. Solus à Castronovo Dominus  
adest & sequitur, cæteri Ministri hic reman-  
ent. Præsentem opto omnium horarum  
Amicum cùm vitam elegerim priuatam, quæ  
aliquando ob assiduè comitantem solitudinem  
fastidio esse solet, bene habet Neutræ, &  
cæteri Amici, qui te summè venerantur, & co-  
lunt. Quoad me, nulli credo, teque incolam  
mem opto. Vale Musarum Decus & Orna-  
mentum. Lutetiæ 6. Octobris 1651.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**briæ tertiana acuta correptus literarum  
intermittere commercium coactus fui.  
Nunc lætus resumo, tuæque valetudinis in-  
certus ac sollicitus, tremens scribo. Neutræ  
noster cæterique huius Vrbs illustres, tuique  
amantissimi tuam appetunt præsentiam. Ego  
& valetudinis, & rerum turbatarum rationem  
habens, iter tuum, tuæ relinquo prudentia,  
non est enim veri Amici, inde delectationem  
capere, vnde periculum oritur Amico. Sed  
nunc via est inuia, hostes currunt, vndique  
naufragium est. Et Rex precariò regnat  
quamvis pubertatem attigerit. Hispani ad  
flumen Burdigalensis ciuitatis appulere. Quid  
denique dicam? omnia subuertuntur solæque  
pecunia regnat. Vale Musarum Decus & Or-  
namentum. Lutetiæ 15. Nouembris 1651.

---

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**I**mmortalia ne speret monet annus, ca-  
duca omnia, in morbis expetitur pro-  
spera valetudo, in arduis quies, & in bello  
pax, anima corpori iuncta tanti ponderis sol-  
uere vincula cupit. Ambitio præcipitat, ener-  
uat voluptas, otium etiam inertibus fastidio  
est. Magnates ipsi ut vindictæ licent, cætera  
linquunt. Panditur integra Iani porta, inte-  
stinoque bello impliciti, tuta timemus & iure.  
Quandoquidem externum à sexdecim annis  
abique induciis sustinemus, Europa Chris-  
tiana vndique agitata ruinam minari videtur,  
solus Deus qui nostram protegit Monarchiam  
tantis potest occurrere malis. Quoad me  
mœrens



mœrens omnia considero. Vale Musarum Decus & Ornamentum. Lutetiae Parisiorum 8. Decembris 1651.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N** Arius eximius in primis, in prosperis vnionis temporibus, xui huius mala desiebat cum Amicis, eidem nobis liceat oro, sed quid prius logebimur? Discordias inauditas nostras, inminutam fidem, fraudes innumeras, cupiditates immensas: quid denique Monarchiæ nostræ expirantis vltimum singulum? Euocemus Heroiū manes fato functorum, qui non vilittates solum priuatas, sed vitam ipsam patriæ saluti condonabant? Exfusi sciemus prouidentiam illam Diuinam, quæ per duodecim sæcula nostram rexit Galliam? Libenter fateor me tanto esse mœrore confectum, vt vix sustinere queam. Cætera Neutræ linquo. Tu verò interea vale Musarum Decus & Ornamentum. Lutetiae 29. Decembris 1651.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N** Ontibi rescriptis istis Purificationis Beatae Virginis festis diebus. Meditationi, & precibus operam dedi quod mihi huic tempori accommodatum videretur. Quandoquidem à Deo Optimo Maximo nostræ expectanda salus. Omnes intestinum, & externum desistent irremediabile bellum. Nemo it obuiam imminenti tempestati. Huiusce Monarchiæ socij, & confederati è portu procellam intendunt. Probi gemunt, improbi lætantur, pauperes res expetunt turbidas, diuitesque riment. Aula discors hac & illuc fertur vbi imminet maius periculum, plebs ad extremum redacta bellum, vt malorum vltimum prospicit. Hic satis quieti viuimus, sed non sic erimus diu, proximum etenim incendium nobis imminet. Vale Musarum Decus & Ornamentum. Lutetiae Parisiorum 7. Februarij 1652.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**E**bdomade præteritâ tibi rescribere non potui, nunc etsi summo pressus dolore ob vndique mala imminentia, prosperam familiæ valetudinem tibi significo, cætera Neutræ & tumoribus committo publicis, qui etsi non semper veri, rerum tamen faciem repræsentare non desinunt. Stetere comæ, & vox faucibus hæsit cum vicinas huius vrbs provincias oculis lustrò, fames successit morbis & bello, ita vt rustici se inuicem vorarent, vt Anthropophagi, & dum urbem petunt, fame pereuntes intereunt, & sic vltima profert su-

spira Gallia illa florens sub cuius frondibus istius coronæ socij remanebant intacti. Nemo it obuiam nostris periculis, hostes insultant, confederati obtupefcunt, mali & improbi maximè lætantur, nos quidem mœrentes à Deo Optimo Maximo vltima expectamus remedia. Vale Musarum Decus & Ornamentum. Lutetiae Parisiorum 2. Martij 1652.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**L** iteras distuli ne à curiosis subriperentur, nunc obscurius rescribo, & securius, hic omnia ad ruinam vergunt, vndique armatae copiae occurrunt, ita vt ad prælium accingantur, nisi diuina Prouidentia animos mutet, quod est difficillimum, quandoquidem omnia subiecerit, præter cor hominis, cuius libertas vim non patitur. Vitmur omnes prospera valetudine Deo fauente, etsi angustia nos premant vndique parentes. Omnia nos teneant, & nemo it obuiam dedecori, consiliisque corrupta felicitatis nostræ mutationem deponant. Vale Musarum Decus & Ornamentum. Lutetiae 15. Martij 1652.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**A**rtius scribo ob imminetia pericula, Luillerium tamen nostrum desico, & magis quereret, nisi pessimus rerum status esset mors acerbissima, & præsertim huiusce regni probis, integerrimisque viris. Vita oneri nunc est, quandoquidem miseria sunt insuperabiles. Vicinæ Prouinciæ cædibus, sacrilegijs, fur-tis, impudicijs referta, inania ad cælos emittunt suspiria, parentes liberorum carnibus vescuntur, rustici cadaueribus, omnes denique deficiunt. Quid plura? discordia adstat, pertinacia praualeat, frans regnat, omnia timeo, nihil spero, Deo Optimo Maximo sortes committo nostras, & sic tristis & mœrens patriæ meæ peritura vices doleo. Vale Musarum Decus & Ornamentum. Lutetiae Parisiorum 16. Aprilis 1652.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**euræi nostri inopino, & minùs præ-niso discessu, epistolas Campiui committo, quod securius ad te possint peruenire. Mala quibus Gallia nostra torquetur, manifesta sunt, & dilucida. Remedia verò clam lentèque procedunt, & sic rimemus multum, & speramus parùm. Senatores vrbs iter facient ad Aulam crastina die, vti nam fauste ac feliciter, Lotharingus properat, vt Principum copijs citò iungatur, in Belgio Grauesinga capta est, Trintum in Montisferrati Marchionatu expugnata,

gnatum, Casalium nutans linquere nobis inre videtur, Barcinona mari tetrâque cingitur, & nisi breui solvatur obsidio, in maximo versatur periculo. Deus prouideat. Ego multa cogito, quæ nunc scribi non possunt. Vale Musarum Decus & Ornamentum. Lutetiæ 24. Maij 1652.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**N**on quidem virtutem ex me, sed fortunam ex aliis melius edisces. Rumores publicos fugiens, & Aruerniam cogitans Regis longas esse manus expertus sum, & à copiis equestribus, quæ Montem-rotundum obsidione cingunt, captus, huc deductus Aulæ ultimam mentem expecto. Cui nunc innocentia mea cognita est, rumoresque ficti ab inuidis iacti planè euanescent. Et sic absentibus accidere solet, quibus præsentis nocere non erubescunt. Quicquid fiat Deo fauente, mentem liberam in captiuo corpore gerere non desinam. Vale Musarum Decus & Ornamentum, in Castris antè Montem-rotundum 22. Iulij 1652.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**Q**uod ore liber, anxius animo, variis agitatatus cogitationibus ad te scribo. Aulæ

adsum, Regis & Reginae humanitate bene exceptus. Turbæ interuentium immixtus, tempus tero, dum abest gubernator puppis, in cuius absentia omnia in suspensio extant negotia publica, Condrem Principem quotidianè desseo, alter Samuël lacrymis irremediabilibus, qui Hispanis exercitibus nunc præest Dux summus, prohi morient, improbi lætantur, tota gemit sub pondere cymbæ, & Gallia totis contremiscit artibus. Vale Musarum Decus & Ornamentum. Lutetiæ Parisiorum 5. Decembris 1652.

Euulgant hic Astronomi Solem ad nos descendisse duobus gradibus, quid obseruaueris mihi rescribas, oro enixissimè.

PETRO GASSENDO

*Eruditissimo, LVDOVICVS*

VALESIVS, Εὐλογεῖν.

**R**aro & pauca rescribo, propterea quòd morum corruptio præualeat, intercepta epistolia absentium dirimunt commercium. Quoad me gratias agendo, & iniurias ferendo, Aulæ iter pergo lubricum, noua exoptans condere fata, quinquagenario maior. Quoad te, tibi prosperam exopto valetudinem, quâ possis ad nos sæliciter peruenire. Hisce Saturnalibus Rex & Aula, choreis & miris theatri mutationibus eximiam dedere operam, ita ut ab arte natura vinceretur. Vale Musarum Decus & Ornamentum, Lutetiæ Parisiorum 14. Martij 1653.





# CLARISSIMORVM QVORVNDAM AD PETRVM GASSENDVM EPISTOLÆ.

*Domino GASSENDO Professore  
Philosopho in Gymnasio Aquisi  
H. FABER Libellorum Supplicum  
Magister, S. P. D.*



ACCERTUAS eo tempore quo  
in certis etiam an literis ut  
nunc facio, an viua voce res-  
ponsum essem laturus, quia  
id tunc in Iouis nostri con-  
silio, & ut ita dicam, in Gal-  
licis satis serid agebatur.

*Mulciber in Troiam pro Troia stabat  
Apollo.*

Quid, inquam, Apollo, imò Iupiter ipse,  
qui tamen, suis aucupii intentus, aliena au-  
cupia minds constanter & laboriosè potuit  
prospicere. Ego vetè ut cum Sexto Empiri-  
co non satis intelligebam an expedit quod  
agrabam, & in eo habebam amicorum meo-  
rum sententias inter se discordantes &  
contrarias. Nempe Tolofatum nostrorum &  
Aulicorum omnium quotquot nobis sunt fa-  
miliares & necessarii, vsque ad vota aduersus  
Aquisenses & Prouinciales qui nobis eodem  
vinculo ut tu amicitie coniuncti sunt; ita  
nunc quamuis videat mihi libertior & magis  
mei iuris, ac velut in potu esse procul à  
tempestatibus & syrtibus, quibus eiusmodi  
maria infamantur: Tamen hæreo, reuera, an  
doleam, an gaudeam in vtrumque. Primam  
partem sequentibus præsertim quoties tui  
similium mentio fuerit cum singulari desi-  
derio tui. Cæterum sunt hic Philosophi &  
Mathematici quibus magis curæ sunt Sol &  
Luna Chymicorum quam Astrologorum, nec  
defectus alios obseruant & timent quam eos,  
qui in marispiis contingunt. Philosophan-  
dum est cum iis qui vixerunt meliore sæcu-  
lo, & quorum mentibus aurum infusum est  
non cupiditas auti. Idè micro tibi Charo-  
nis librum quo continentur tractatus Chri-  
stiani, quia scio eius tibi authoris genium  
& ingenium placere, nec propterea venalem  
apud Bibliopolas Aquisenses, cum meo lo-  
co poteris aliquando in solitudine habere  
socium & confabulatorem, & me vbiicumque  
sim tuarum laudum fautorem acertimum &

amicum obsequentem. Vale. Datum Lutetiæ  
Prid. Non. Martij, anno 1621.

*Reuerendo & Celeberrimo Viro Do-  
mino PETRO GASSENDO  
S. Theologiae Doctori, & Canonico  
in Ecclesia Cathedrali Dinienfi.*

**G**ASSENDE,

Ego pro eruditissimis tuorum laborum  
amapæ, quibus rem arduam, rem difficilem  
& iam multis seculis desperatam aggrederis  
solus, eamque tanto animi impetu perficis,  
cui Veteres vniuersi vix patescè esse potueret,  
gratias, ut par est, habeo maximas. Neque  
enim ut ille quem erroris coarguendum tibi,  
non sine summo eoque accurato iudicio de-  
legisti. Autoribus falsas opiniones affingis,  
quod Philoponus ei imputat, & res ipsa pa-  
lam clamitat. Cum tam magnis Viris tam  
absurda sæpè impingit, aut aliena inuenta  
sibi arrogat. Et propterea illud generosi  
pectoris institutum tantò magis demiro,  
quod à capite ad calcem omnia vel inutilia,  
vel aliena, vel falsa conuellere aggrediaris.  
Cum enim omnes, qui verum amant, quique  
tantum fidei autoribus habendum didicè-  
re, quantum momenti ea quæ afferunt rationis,  
& demonstrationis habent, id facillimè vi-  
deant; multa in Organo esse inutilia, & quæ-  
dam etiam falsa; in Acroamaricis multa in-  
epta, aliena, contra rationem asserta. In li-  
bris de Cælo non pauca falsa, atque alibi  
aliter ab eo tradita. In reliquis libris porro  
sæpè commissum. Nemo tamen adhuc in-  
uentus est qui huic malo medicas manus per-  
fecit attulerit, ut multò plura loca sint per-  
sananda & recidenda quam sit ab ipsis fa-  
ctum. Quin adeo isti qui hodie inter Philo-  
sophos censentur, non id quarant, quomodo ea  
refellant aut emendent; sed quemadmodum  
malè concepta peius concilient. Astronomi,  
quidem Opticeque & reliqui, qui Mathesin  
quædam tractant, suam sibi libertatem reti-  
nuerunt. At in Scholis tamen, in pulpitis isto-  
rum hominum vmbicatorum, non sine inepti-  
tis illorum commentis & interpretationibus  
audiuntur,



audiuntur, & tanquam fucati in publicum prodeunt. Si quis supra istos sapere velit, vnum hoc ferè est solarium, vt conscientiam suam sibi habeat, suæ ingenuitatis; & suorum laborum testem. Videmus enim quàm malè magni illi Viri sint excepti, qui aliquid contra Dium Aristotelem mutire, aut ab eo, & spinosa scholasticorum doctrina (quam ne ipso quidem Aristoteles intelligeret, si reuisceret) dissentire instituisset, vt tantò magis ingenuum tui candorem mirari subeat, qui istis contempnis, tam sublimi animo ad veritatis inuestigationem contendas. Neque verò faris demirari possum, Clarissime GASSENDÉ, eo in veritatis scrutatore te esse affectu, vt me quoque tanto affectu complectaris, quamuis gaudeam me in adèd tenui, sed tamen laborioso puluere operam meam tibi probauisse. Mallem vtiq; meliore & digniore causa id demereri me potuisse. Efficiam tamen vt me non temerè ad adèd honestum certamen provocauisse videare.


Quam operam Amplissimo Viro Domino Mons-fortio Consiliario Regio me nauare voluisti, eam quàm diligentissimè præstiti, & fabro tantum, quantus meus est 150. libellis faciendum locui, & Domino Botardo pretium placuit, quod ipsum quoque Domino Mons-fortio per literas significavi. Sed cum causam adèd commodam nobis obtruleris. De Obseruationibus latitudinum loquor, quem inde fructum Geographia perceperit paucis explicabo. Vt inde quoque pars nostri gaudij ad autorem suum redeat. Longitudinis accuratior differentia Lugdunum nostrum inter & Romam à me sæpè est desiderata. Tuæ obseruationes nobis certum eius rei examen suggerunt. Ex altitudine Poli & itineraria distantia latitudo Augustæ 48. grad. 24. min. Lugd. Bar. 52. grad. 10. min. Romæ 42. grad. 4. min. Augusta Leidam milliaria sesquihoraria 95. dempto triente propter itineris aufectum fiunt 98. horaria, vel quindecimana (quanta 15. vnum gradum implent) 75. at sunt 76. vt in horatis nobis hanc analogiam compendiosè sequi semper liceat 5. ad 4. ita 95. ad 76. Nam ad vnum milliaria tam longi itineris mensuram renouare velle, non est vtiq; postulandum. Hinc Augusta Vindelicorum erit orientaliør Leidâ 5. grad. 15. min.

Augustâ Romam statuuntur milliaria horaria 195. vnde triente subducto dantur 130. & inde quindecimana 104. vnde differentia longitudinis datur 4. grad. 21. min. atque ideo Roma est quàm nos orientaliør 9. grad. 36. min.

Et Gallias vestras vestro tentemus beneficio, Luteriæ latitudo 48. grad. 49. min. Vietæ. Aquæ-Sextiæ Reuerendo Abbati Iacobo Gualterio 43. grad. 53. min. Lugdun. Bar. distat Parisiis horariis milliariibus 102. inde triente deducto, reliqua sunt 68, & quindecimana 55. inde Parisij concluduntur nobis occidentales 2. grad. 20. min.

Itineraria distantia Lugdun. 99. Lugduno Auenionem 42. Auenione Aquas-Sext. 15. fiunt horaria 157. deducto triente 105. &

quindecimana 84. & differentia longitudinis 2. grad. 45. min. tanto Aquæ-Sextiæ sunt orientales, & Leidâ nostrâ quàm Aquæ-Sextiæ occidentales 23. sunt autem Aquæ-Sextiæ etiam orientales quàm Massilia, inter Massiliam verò & Romam longitudinis quæ sit differentia non admodum præcisè adhuc noui. At non esse maiorem aut minorem multo 9 $\frac{1}{2}$  grad. existimo si Tabulas melioris notæ sequear. At verò quàm opportunè hoc accidit quod Aquæ-Sextiæ adèd præcisè sub eundem meridianum nobiscum cadat. Vtinam verò etiam Dinia vestra, quæ 1 $\frac{1}{2}$  grad. videtur orientaliør quamuis & hoc quoque parùm sit. Attamen vtinam. Quantam opportunitatem & facilitatem nobis afferret ad rem eam, quam animo voluimus. Non audeo nunc quicquam addere, si cerè & tutò liceat consilia communicare, & si postules atque cupias postmodum explicabo. Essent faciendæ impensæ nonnullæ, ego istas iam hîc deuoravi molestias. Sed ad Geographiam reuertor; non potest ignotum tibi esse Clarissime GASSENDÉ, è locorum distantia itinerariâ per sphæricorum triangulorum doctrinam longitudinis, differentiam inueniri. Sed cum pauci ea intelligant, ego idem in planis, si latitudinis differentia 5. aut 6. grad. non sit maior explico, etiam si longitudinis differentia sit maxima. Hoc modo, Theorema tale est in nostro Tiphy. Vt sinus totus ad quadruplum secantis dati Parallelij ita milliaria itineris quindecimana in eodem parallelo ad scrupula euariatæ longitudinis. Et quamuis verus vsus, vt scis, sit in locis sub eodem parallelo sitis, tamen aliò traduco, vt non vno scrupulo à vero abeam diuersus.



84	79
84	79
336	711
672	553
7056	6241
6241	

815. huius Radix 28  $\frac{1}{2}$  milliaria.

Aquis-Sextiis 43. grad. 33. min.

Parisiis 48. grad. 49. min.

Differentia 5. grad. 16. min.

Summa 92. grad. 22. min.

Dimidium 46. grad. 11. min.

Ea sunt milliaria latitudinis 79. distantia Itineraria reducta valet milliaria quindecimana 84. dimidium vtriusque latitudinis additæ est 46. gr. 11. min. cuius secans 144434 quadruplum 577736. fiat. Itaque vt 1000. ad 5777. ita 28  $\frac{1}{2}$ . milliaria quindecimana, ad scrupula 165. quæ sunt 2. grad. 45. scrup. vt prius: si non displicet habes rationem compendiosam. Cerè eius vsus adhiberi poterit cum

cum latitudinis differentia erit min. 12. 13. 14. 15. Et longitudini differentia etiam multo maior. At, si longitudinis differentia non sit magna, illic esset periculosum. Sed antequam hic manum de rabula tollam, aliquid est quod obnixè à te contendam, Vir Eruditissime, ut tuo beneficio plurimum locorum latitudines habeamus consignatas. Præterea pedum in locis celebrioribus publicorum mensuras, & vinarum quoque. Diniae Aquis-Sextiis, Auenione, Lugduni, Massiliæ & alibi si tibi opportunitas sit. Profecto publice per quos profecerim, rogo te subleua me hoc onere, si ex Italia quoque obtinere quid certi possis, facies mihi non tantum rem gratâ, sed rei quoque literariæ. Eratosthenes meus augendus, & locupletior est in lucem edendus. Hæc si à te, Oprime G A S S E N D E impetrâro apud amicum hominem & gratum beneficium collocatum dices. Saluta Virum doctissimum iuxta amicissimū nobis D. Jacobum Valsium ad quem occasione proxima literas destinaui mittere. Vale, Vir Summe, ut de bonis deque hoc sæculo & futuro bene mereri perge & cum non liceat voces reciprocare, saltem literis memoriam mutuam & affectus tecoꝝ dationem susciteamus, iterum Vale, postid. Kal. Maij 1625. Tuæ Reuer. Addictissimus VVILLEBOR-DVS SNELLIUS Rodolphi filius.

In longitudine maris mediterranei Ptolemæam ampliùs sexdecim gradibus peccare, ex nauticis cursibus & veterum collatione facile deprehendi. At quis nobis in latitudine littoris Affricani cum ampliùs duobus gradibus à vero diuersum abiuisse vnquam vel per somnium cogitasset. Profectò hoc iam vestris obseruationibus debebit Geographia. Nam Hipponis Regiæ latitudinem statuit sub parallelo 32. grad. 15. min. Cum reuera non sit minor 35. grad. 58. min. Quamobrem si vel ista, vel alia huius generis apud te lateant, Eruditissime & Humanissime G A S S E N D E, erit cur & ego & docti tuis laboribus fauere, & eorum fructu gaudere debeamus. Hoc vnum postulo obnixè ut aliquantò plenius ea, quæ nobis in animo sunt proferamus. Iterum Vale Vir Reuerende, & Snellium tuum in quacunque amicitia parte collocato, modò alibi hæreat.

Reuerendo & Clarissimo Viro D. PETRO GASSENDO S. Theologiae Doctori, & Cathedralis Dinienfis Ecclesie Canonico, Domino & Amico honorando S.

Clarissime Domine G A S S E N D E, Ille cui affectus index summo mihi fuit gaudio, & ut gratias affectui tuo pares referrem, cum nihil luenerim id enim mihi ingenuè proficenti credes, tamen aliquam mei exprimendi occasionem commentus sum: quod si hæc literæ aut incuriâ, aut curiositate nimia ad manus vestras perlatæ non sunt, erit aliquid tutius nobis excogitandum, & tale ut omnium literarum dispendia nobis

Epistola ad Gassendum.

sint leuia. Quæ tum expressi vix eorum summani nunc explicare queam. Attamen ea ferè hoc argumento continentur me nobilissimo & prudentissimo Domino Monsfortio operam pro vitili nauauisse. Iam tertius mensis agitur, aut excessit. Instrumentum nunc, quale voto concepsit visus es, ita confectum existimo, & apud nos hæret & super eo atque pretio ad istum Heroem literas etiam tene, & iam nunc quoque iteratò dedimus. Tibi verò Vir Reuerende gratias habeo quas oportet, pro eo quem erga me indicas affectu de locorum latitudinibus Dinienfi, Aquis-Sextiensi & Gratianopolitana, quid dicam? Aut quem rebus Geographicis fructum attulerint, etiam nunc obiter indicare haud alienum videtur. Principio inde ex itinerum intervalis id cognouimus Romam nobis orientaliorem quasi 10. gradibus si sequamur itinerum mensuram per Germaniam ut pote Coloniam, Augustam, Tridentum, a denique Romam. Idem quoque per Gallias vestro beneficio consecutus sumus. Neque id solum, verum etiam Aquas-Sextias vix 26. scrupulis nobis esse orientiores. Atque adeò Ptolemæam quoque in latitudine Cathaginis, Hipponis Regiæ facile tribus gradibus aberrare. Id clarissime vestrae obseruationes coarguunt pro quibus Geographia totius nomine vobis & vestrae diligentia gratulor, earum enim expertis secundum Ptolemæam pronunciaßem; & potius tantò ampliùs vos in meridiem protrulßem: sed id totum vestri erit beneficij. Addo insuper quod mihi periurandum accidit, vestras Aquas-Sextias. Sed finem facio ne nimis longis logis aures vestras obrundam, ecce notam, quam ita seruaturus sum, ut de literarum securitate certi simus. Istæ sunt literæ secundæ exaratae Iulij 20. Lugduni Batavorum 1625. raptim ut vides. Vestrae Reuerentia studiosissimus VVILLEBOR-DVS SNELLIUS Rodolphi filius.

Ignosce quod Gallicè non scribam, etsi intelligam. At velim me tam cominodè vestro idiomate animi mei sensus explicare in his friuolis posse,

Clarissimo Viro Domino PETRO GASSENDO,

ERYCIUS PVTEANVS,  
Σπουδαίος ὁ ἄριστος.

Auda, mi G A S S E N D E, Epicureismum meum Sequor Virum, qui vbique clamat, *Honestè viuendum esse*; & hoc duce, rectè agere malo quàm multa scire. Satis profectò est, seipsum non ignorare: in rebus agendis Naturam & Rationem sequi; quæ vera Philosophia est, & ab illo olim tradita, qui cum aliquando Clarissimus esset, postea tanquam impurus lacerati cæpit. Quando igitur desipere tandem desinemus? quando bonum, sobrium, sanctum Epicurum & verum Naturæ mystam Philosophorum Scholæ agnoscent? Tu facies, LI quod





cum sine munere : ipseque tu proprio exemplo ritum hunc commendâras magis. Quod autem promisi, quodque nunc mitto, inferius certè est meritis tuis; non enim Elenchum sed ( quod mei iuris est ) librorum istorum vsum & fructum de beo singulari amico, & exopto soletti aded Viro. Idèoque magis dolebam nequidem leuidentem illud licere mihi, prohibente scilicet decoris publici lege. Quia enim suppellex illa Academiæ comparata erat: videbatur prima eius inspectio deberi Academiæ moderatoribus; qui liberaliter impensas fecissent. Ei autem rei vacare illos nuperrimè demùm finit Reipublicæ cura. Quamobrem hoc, quidquid est, æqui bonique consulas rogo : facturus scilicet aliàs, vt quotiescumque tibi gratificari queam, sedulum me & studiosum tui experiaris. Nam amicitia à te mihi oblata precium virtus, atque doctrina tua effecerunt maximum. De Apollonij Pergæi Elementis Conicis & Aristotelis libris cognosces ac Catalogo. De Epicuro verò hætenus vix quidquam mihi apud Arabas occurrit. Doctissimi *Hardyæ* litteras, quarum in tuis meministi, nullas vidi; nihilo tamen minùs me deuinctum illi pro beneuolentia profiteor; multumque etiam obstrictum tibi, quod tuos amicos, meos quoque esse velis. At patet quæso ( mi GASSENDÆ ) tenuibus rebus meis, ne supprimantur ipsæ commendationis tuæ pondere, nempe quam sustinere nequeam. Satis beaueris me, si me amare pergas. Vale. Hagæ Comitane VIII. Kalendas Ianuarij 1639.

Clarissimo Doctissimoque Viro D. PETRO GASSENDO S.

**C**larissime & Eruditissime Vir, Etsi humanitas tua, & eruditio multiplex, ac profunda, qua mihi, sed fulguris instar (protinus enim disparuisti) mentis oculos olim perstrinxerunt, magnum iniecerant desiderium amicitiaæ tuæ; eam tamen hætenus prohibitus sum obsequiis meis ambire, aut inceptam fouere. Curam singularem adhibueram, vt eruditionis tuæ specimen, non minùs Mundo illucesceret, quàm Romanis Phænomenon illud illustre: sed cùm sapissimè frustrà eâ de causâ Typographum adiissem, cui ob occupationes densissimas, à societate indita, tum incumbentes nihil otij planè supererat, tandem suffuratus est, vel potius se obtulit nonnihil otij ad id præstandum; sed eo ipso tempore mihi ab vrbe discedendum fuit, coactisque sum vicariâ alterius operâ curare ne quid vitij editio haberet: ac licet ad eam rem delegeram amicum fidelem nec indoctum, facile tamen reuersus didici multum interesse tua-ne ipse, an alius curet. Hoc fuit primum optima meæ ad tibi obsequendum voluntatis impedimentum. Postmodum cùm exemplaria mittenda essent,

*Epistola ad Gassendum.*

nouæ vocationis occupationibus obrutus ne epistolium quidem adiungere licuit. Nunc postulas tibi duodecim exemplaria. Et hic rursum nonnihil obstatuli. Natalitiis feriis Amstelodamum me receperam; (iam enim Leydæ dego) ipso die quo literas ad me tua causa dabat Clarissimus Dominus Riuetus, Lugdunum reuertebat vbi demùm certior hac de te fiebam. Nunc cogor tertid per alium curare, quod per me curatum velles. Verùm nihil interest dummodo rectè id curetur; nec propterea moram longiorem trahet hæc res, quia eo ipso die hæc ad te mittentur ab alio, quo ipse misurus fuisset si Amstelodami fuisset. Equi itaque bonique consule hanc qualemcumque meam operam, spero fore, vt illustrior ac liberior detur occasio præsertim sub Veris initium tibi testatum faciendo obseruantiam, quâ virtutes tuas, & eruditionem summam prosequor. Tantisper inducias mihi concede, quia ita postulat grauissima trium adolescentum pædagogia, quæ initio totum me occupat. Eam eo tempore oblatam quo adhuc pendebat Professionis Philosophicæ negotium prætuli spei quàm alioqui summam, imò certam fecerant amplissimi Academiæ Curatores, & platorumque ac præcipuorum Professorum fauor ac beneuola in me propensio. Causam quæris? Multas aliàs condiciones pro spe illa professionis, & lautas quidem reieceram; tandem cùm nimium protraheretur negotium veritus ne si & hanc reicerem, fortè (quæ est rerum & voluntatum humanarum inconstantia) omni condicione breui destitutus conspicerem, præsentem futuræ prætuli; cùm præsertim multò lautior esset professione, & parentes libenter se mihi obstrinxerint ad suppeditandos annuos ad vitam redditus sufficientes ad honestè viuendum, quàm non ampliùs ventur operâ mea ad institutionem liberorum suorum. Quoniam iudicio tuo & prudentiæ plurimùm tribuo, optarem ex te intelligere quid horum trium magis faciat ad studiorum promotionem, & ex quo vberior fructus sperari debeat: Præstet-ne pueros Latinæ & Græcæ linguæ utcumque peritos multa legere, an potius multa discere, an denique multa scribere; quo vltimo exercitia thematum intelligo. Nolim tamen meâ causâ interpellari grauiores tuas occupationes, si hæc id minùs patiantur. Accedit & alterum quod alterius causâ te rogatum velim; Typographi illius filius, qui hoc Phænomenon edidit, Pictoriæ artis excolendæ causâ Patrisios se recepit; optaret tuâ commendatione accessum habere ad Magnatum ædes, quo liceret ipsi illustriores aliquot picturas exprimere. Si non id præter morem, & decorum, promoue quæso laudabiles iuuenis conatus & parentis causâ, qui Geographus celeberrimus, & meâ, quando obnixè rogauit vt apud te eo nomine intercedere dignarer. Imprimis verò peto beneuolentiæ in me tuæ continuationem. Habebis vicissim tui cultorem

Ll 2 humil

humillimum ac obsequantissimum Henricum Reneri. Lugduni Batavorum 6. Ianuarij 1630.

*Præclaro & Reuerendo Viro Domino  
PETRO GASSENDO Theologo  
& Philosopho Doctissimo nunc agenti  
Lutetia Parisiorum,*

IAC. GOLIVS S.

**N**Olo ominosam esse charo huic & egregio iuuenum pari culpæ apud te mentionem. Ideoque rogo nunc mihi liceat veniam silentio silendo impetrare. Quid enim indignanti amico amicos commendem, quod tamen vt velim facere, iubet ipsorum virtus & doctrina, ipsumque VValei & Thyfij nomen, mihi & Academiæ nostræ charum & venerabile; vt verò facere audeam, suader humanitas tua: vt pote quam esse tantam scio, vt sperem eo ipso me in gratiam rediturum, quod illi materiam offero; dignam præferim, vt quidem ego arbitror. Neque enim in humanis rebus quidquam præstantius esse, aut amabilius censet, integritate vitæ, ac modestæ sapientiæ studio. Sed cum hæc in te ipso excellant maximè, rectius de iis ipse arbitraberis. VValei filius Asculapio, alter Themidi nomen dedit; & honores inde uterque suos publicè cum laude adeptus. Nunc autem vestras Athenas petunt Lycæorum Reginam, vt ibi exemplis & doctrinâ animam augeant. Quò tu in primis eos pores deducere, & in Labyrintho porrigere Ariadneum solum Hoc & meo & illorum nomine expeto, vt laudabilis voti compotes, prædicent quantum amicum habeam. Sed quoties huius ego amici recorder, tantum non me mei pudet, quod pusilla adeò, quæ ipse petit, ac ne mutuum quidem hætenus præstiterim. Hic quidem apud nos desiderabatur æquè Raphelingi Dictionarium quam ibi apud vos. At excusarum & responsum oportuit; & ad nobile adeò studiosæ peregrinationis institutum, consilia saltem aliqua & subsidia conferri. Fateor, sed quoque restor me voluisse serid, neque amoris diminuti fuisse culpam; quin potiùs ne nimio impeditum non præstitisse quod debebam; vt, cum satisfacere mihi non, possem, nisi pro re ipsa abundè tibi satisfacerem, haud quicquam effecerim. Plurima enim erant, quorum te participem memorèmq; optabam, quò ea, quæ simili itinere, à me aut neglecta, aut frustra superata fuerant, amico coningerent. Cum verò te in prociectu versari intelligerem, hunc mihi præscribebam modum, vt eadem illa, Constantino-polim tibi ingresso, auspiciatius offerrem. At nunc, postquam in patali regno animum sedemque rursus firmasse videris, de consilij mutatione & priuatis tuis publicisque studiis certior à te fieri auco. Ego petitione Lexici à te magis incitatus fui, vt tibi & aliis, eiusmodi studio, & labore, licet in glo-

rio consultum irem. Eadem adhuc stat sententia, & quamcumque possum operam nauo vt ad recludenda Arabum scrinia, quoad poterò, clauem impetiam. Idque facilius futurum spero, reddita Lexici mei copiâ, quod Venetiis amissum, postliminio repertum, iam ferè ad me rediit; neque longè abesse potest. Vitæ quoque rationem, Deo duce, notam & quietiorem iniij, vt resectis superuacuis, inanibusque curis maioribus: quas Reipublicæ literariæ me debere puro, commodiùs defungar. At hac de re cæterisque plura addere non finit præsens occasio, quam serid arripui. Votis pro tuarum incolumitate, literas seu litteram potiùs absolua, sedulaque petitione, vt me eo amicitia loco, quo habere soles, serues, vel denuò recipias. Amicorum omnium quos perperisti mihi memoriam reuerenter colo; iis meo nomine salutem dicas plurimam, meamque in eos obsequantiam testetur, etiam atque etiam rogo, ipsam alias propriis verbis, vel, si possum, factis probaturus. Vale Ianuarij 1630.

*Doctissimo Viro D. PETRO GASSENDO S. Theologiae Doctori, & Cathedralis Diniensis Ecclesiæ Canonico Theologo, S.*

**N** Vdiâs-tertiùs cum iam vesperti accubuissem, & variis hæc & inde repetitis cogitationibus, sicut mihi moris est, somno tacitus obrepenti moras netherem; venit mihi in mentem eorum omnium de quibus sub Aurora te conueneram, & illius Operis maximè de vita & doctrina Epicuri, cuius te idoneum sponsores & locupletem debitorem iam pridem constitui. Atque, adeò me oblectauit tum suscepi istius negotij dignitas & præstantia, tum etiam Scriptorum quæ iam apud te circa illud parata sunt varietas & copia, vt ex iniectis tam præclaro conatu nescio quibus temoris, & defunctoris in tam præclaro opere cudendo lucubrationibus ruis, in meorem certè grauissimum, atque ex eo paulò post in somnum etiam fuerim delapsus; sed quæ me vigilantem exercuerat, eadem me dormientem & placidâ quiete compositum non deferuit nouissima de tuis studiis cogitatio. Atque ipse quidem Epicurus vultu hilaris, veste nitidus, gestu decoratus visus est mihi per vtramque Germaniam superiorem videlicet & inferiorem, citato ac veluti Grallatorio passu ambulare, & mox Basileæ, Argenterati, Ingolstadtij, Lipsiæ; Francofurti. Paulò post verò Duaci, Franckæ, Lugduni Batavorum atque aliis passim vrbibus & Academijs Philosophemara sua luculenter explicare. Dogmata stabilire, & Symboloni illud quod antea Democriti fuisse accepimus, in æquâ ipsi tam præclarâ magnâ animi contentione in doctorum circulis & asserere & efferre; subinde

verò aliarum rerum de quibus pariter interditi cogitaueram, diuersæ species & nihil quicquam cum Epicuro commercij habentes se se obtulerunt, ex quibus & laudabilem corporis mei temperiem, & mentem à crassissis ciborum vaporibus liberam, qualem-ve abstemiorum esse conuenit sine pondere ludentem, & veritatem insuper istorum versuum, qui inter Petronij reliquias à Criticis referuntur deprehendi,

*Somnia que mentes ludant volitantibus vmbis*

*Non delubra Deum nec ab æthere Numina mittunt*

*Sed sibi quisque facit.*

Tu verò an vltieris *δυναστεύειν* debeas aut *δυναστεύειν* agere equidem non arbitror, illis potius animum aduerte, quæ hac somnij occasione commotus familiariter ad te decreui conscribere; quo meis verbis quasi pedamentis quibusdam fluctuantes, circa Epicuri tui elaborationem cogitationes componas mentemque fulcias, & in summa temporis penuria, & intercapedine tanti tamque nobilis & operosi conatus finem & portum facilius assequare. Sed papæ, inquis, nouum morem & penitus insolentem! Vt qui viua voce & præsentis colloquio amicum iuuare & monere potest, hunc potius amet ex scripto conuenire, atque etiam epistola præeunte de rebus grauissimis affari, quem aliàs non infrequenter gerris fuculis & inanibus nagis patienti aures detinuerit, & ad nauseam vsque præsens exercuerit. At isthuc te volo, Perdocte Gassende téque Censore non recuso moris istius innotuati, non quidem in rebus titi illitij & sermonibus flocci-faciendis, sed in istis de quibus Augustus Imperator nunquam locutus est, ne quidem cum vxore sua Livia nisi ex libello, atque meditatâ & compositâ oratione, quamvis vt notat Suetonius cap. 4. non deficeret adhibita, ex temporali facultate. Quo magis æquum est mihi qui harum neutra dicendi ratione valeo, vtriusque vsum libenter concedi vt qua voce, qua manu, præsens & absens amicorum negotia promoueam, & ea præsertim vrgeam, quæ absque maximo illorum & publici boni dispendio remissius aut indiligentius tractari non possunt. Deinde verò quod summi Oratores & Poëtæ contendunt, illud etiam verissimum esse statuo, nimirum ea longè segnius animos irritare quæ per aures demittuntur; quàm quæ fidelibus oculis parent ipsisque quod in Epistolis præsertim vsu venit, non semel exponuntur. Vt igitur memoriam eorum de quibus in præsentia tecum agere constitui, inde vsque repetam, vnde & tu auocamenta illa quæ te verè ab Epicuro auocantur repetere consueuisti. Cum superiori ætate vindemiales ferias procul vrbe transigerem, & Romanorum more nonis tantum diebus, non res vt banas sed amicos in vrbe degentes reuise-rem; si lebam etiam te in alto illo & tranquillo secessu conuenire, vbi excuspendo & bene dedolando Epicuro, cæteris curis & negotiis solutus præclarè & placidè incumbas gestiebamque vehementer huic labori

*Epistola ad Gassendum.*

totum te addixisse, ex quo maxima nominis tuo gloria & incredunda, vt cum Antiquariis loquar, Reipublicæ literariæ utilitas profusè esset reditura. Sed nescio quo casu interim factum est, vt illustrissimus Comes, & cunctis naturæ ac fortunæ bonis impensè cumulatus & exornatus D. de Marcheuille, cui tua singularis virtus & eruditio iam pridem innotuerat, ex quo Regis nostri Christianissimi apud Tutarum Imperatorem Orator est designatus te etiam voluerit,

— Habere suorum

*In numero, dumtaxat ad hoc, quem tollere*

*Rheda*

*Vellet iter faciens & cui concedere curas.*

Atque vt me primum de hac re & suscepta in Thraciam & Bisantium peregrinatione certiorum esse voluisti. Ceppi continuo mihi gaudere, & tibi vehementer gratulari, quod ea demum se se obtulerit occasio bene merendi de literis & insignes progressus faciendi, in rebus Astronomicis, quatum te callentissimum esse satis superque testantur insignes illæ, quæ nuper cum tua Epistola pro Reuerendo P. Martino Merfennio prodie Observaciones, atque etiam communis & vulgata de tuis studiis opinio, quæ te patrem cum peritioribus nostri sæculi Astronomicis nec immeriti quidem componit; ac proinde spem certè nec vanam nec mediocrem animo meo concepi, quòd vbi semel Alexandria in Ægypto conlisteris, & magno illo Gnomone Mathematico, quem vt amplissimum & omni arte, studio ac industria elaboratissimum haberes, nullis sumptibus pepercisti, cælestes motus obseruaueris; talia profectò de illorum natura retegantur, quæ non minimam illustrandæ Ptolemæi Alexandrini doctrinæ conducant, nomenque ruum cum egregia virtutis & eruditionis commendatione, in omnem ætatem posteram transmittant. Et verò cum accuratissimam ipsius Urbis Constantinopoleos totiusque Bosphori Thracici Topographiam ab eruditissimo Viro Petro Gillio; Incolarum autem mores & ritus à Busbequio; Plantarum naturam à Prospero Alpino, varias denique animalium quæ illis degunt, figuras & proprietates à Petro Bollono Parisiensi Medico acceperimus, illud tantum cumulatæ felicitati superesse videtur. Vt perspecta & explorata soli ipsius natura, in eius Cælum irumpas, & ex Alexandrina specula totius naturæ cælestis ingenium, ac descriptionem experimentorum & obseruationum fide confirmatam literis consignes; eoque diligentius & pertinacius huic vni negotio tibi incumbendum esse existimes, quo iam inde à Ptolemei temporibus rariores extitere, qui tam propensum in publica commoda Mæcenatem nacti fuerint; atque adhuc rariores futuri sunt qui vel sub optimi nec non fauentissimi Mæcenatis præsidio, illud ipsum tam peritè ac luculenter, quemadmodum tu ipse, præstare possint. Quamobrem vrgebam supra modum, ne tibi aut amicorum tuorum flagrantibus votis hac in parte

Ll 3 non

Horat. satir.  
6. lib. 2.



non obsequeris, ne-ve plebeias & humiles animas, quæ domi resident, & affixæ sunt suæ terræ, sed diuiniore illas imitaberis, quæ Cælorum instar perpetuo motu gaudent, & faciunt nunquam quiescendo vt cætera omnia placide semper conquiescant. Verum & illud præterea si rectè memineris, addebam atque etiam vehementer commonebam, ne dum Thraces & Græcos & ignotum Orbem cogitas, familiaris tui Epicuri obliuisceris, ne-ve ipsum sineres tanquam Cæstianum Aiace in spougiâ incumbere, vel cum blattis & araneis luctari, aut denique, si non extinctum, at saltem sopitum & veluti situ ac puluere sepultum diutius obdormiscere. Laborem hunc eo perductum esse vnde nullo vel certè quàm minimo negotio absolui possit, extremos tantum ductus & vltimos colores ei superesse, quibus toti figuræ decor & venustus concilietur, neque temporis angustias addè premere, quin si laborem tuum partiri velles, & suum Epicuro peculiariter assignare, non hunc ipsum sensum absolueres, & ante Kalendas Octob. quæ tibi supremum in vt be tempus esse debeant, omnibus numeros perfectum auicis tuis, aut præstolantibus illum Typographis relinquere posses, atque tunc temporis,

*si di quæ ista super apicem quæsto Boud.*

Tibi verò non item, sed partim nihil agendo, vt inquit Seneca, partim etiam aliud agendo. Illud tandem consecutus es vt hoc totum rei bene gerendæ tempus tibi incassum effluerit, quod si proptè ipse sapienter constitueras grauioribus studiis destinare voluisses sufficientissimum erat ad illud omne quod de Epicuro in te recepisti, feliciter adimplendum. At nescio quomodo altius quàm conueniat sensum prouehor, & dum Epicuri causam ego tuam deferere videor, quam verbis seuerioribus & tibi forsan ingratissimè eleuare contendendo; verùm tam ardens est meus in te amor singularis, vt facem propemodum succenderit, quam tibi velut in præsidio ad susceptum iter promptius emetiendum constitueram. Et si tecum paulò liberius ac vehementius celsationem tuam exposulaui, id eo certè factum est quod æquum semper esse duxi, vt qui amicorum tuorum beneuolentiam ex libertate, qua tecum vtuntur, dimetiri consueueris, mea præsertim quæ non nisi ex vehementissimo affectu procedit, nusquam offendant. Quicquid sit arbitror semper me rem laude etiam dignam fecisse, qui non possum in villam aliam incidere opinionem, nisi in eam, in qua scilicet tua de te tibi suadere videat quod piè facere non possum, tu autem mi suauissime G A S S E N D E, sic hæc accipies vt siue probabuntur tibi, siue quod absit non probantur, ab optimo certè animo ac deuotissimo tibi & cogitata & scripta esse iudices. Enim-verò vt qui me Censorem & quidem accerrimum satis exhibui, Consultoris iterum partes sustineam, cùm ex Medicinæ præscriptis, non tantum ille factus vires existant qui V I I. sed etiam qui I X. & X. mense in lucem erumpunt, non est adhuc quod Epicuri tuo prospeto successu desperes, cui

videlicet poteris vel extrema protogationis istius lege conuenienter opitulari. Etsi perfectæ eius elaborationi atque exclusioni legitimar, præfinita hæc à Medicis tempora nondum sufficiunt, Iuriconsultorum tamen decreta subuenient, qui non adeo strictè tempus nascendi definiunt. Sed vide quæso ne tardulè ab istis duobus quasi retinaculis, quæ sola fecere, vt nihil omninò à tribus aut quatuor proximè elapsis mensibus, circa Epicurum tuum feceris. Illa verò imprimis esse existimo, quod nobilissimus Orator, qui te sibi Comitem adiunxit, de discessu suo ferè semper cogitet, Domesticis conscribat, sacinas & omnis generis impedimenta componat. Trirèmes conducatur, missionem denique ac abeundi licentiam de die in diem expectet, sæpius etiam petat & impensis efflagiet. Vnde est quod tibi inter eiusmodi temporis angustias luctanti coërcitòque, fatidus fore arbitraris nihil noui in Epicuro tuo tentare vt potest quem non nisi,

*Multa dies vanusque labor mutabilis aui potest in melius referre. Sed potius quicquid erit istius temporis incerti, interrupti, intercepti, vberiori linguæ Græcæ, cognitioni ac nescio quibus aliis minoris momenti negotiis, illud totum impendere. Ego verò contrarium quidem censeo, & cùm non minora sint quibus nos demeriti potest Epicurus quàm Ptolemæus, vtique ex æquo tibi incumbendum esse existimo. Hoc autem facies, si quemadmodum quando eris Alexandriæ totum te detinebit Ptolemæus; ita nunc cùm Lutetiæ degas totum te sibi habeat Epicurus, quod certè rationi conuenientissimum esse saxo statim vt intelligas. Ille siquidem nihil aliud à te requirit quàm quod facili negotio potes illi & Alexandriæ & vbique Gentium commodare, acutam videlicet oculorū aciem, Astrolabio, Tubo Galilei, aut Gnomone aliquo diligenter adductam & obscuratam. Hic verò ingentes & instructissimas postulat Bibliothecas, auctores omnis generis, excusos & manuscriptos codices, & doctorum Virorum colloquia, quæ tu frustra alibi quàm Parisiis conquiras, & ne quidem tota Græcia, Aegypto, Asia, vel Africa possis reperire. Quod si in reditum tuum hoc opus differendum & remittendum esse censeas. Næ tu parum adueritis ad insignem illam Cæli & soli mutationem, ad maris vortices, pitatas, tempestates, ad esseram & crudelem pestem Bisantio & totipene Græciæ familiarem, ad victum insolentem, mores ignotos, morbos communes, sporadicos, ad latrones, sicarios, grassatores, & mille alia discrimina, mille pericula, à quibus non solum tibi & Epicuro, sed insuper amicis tuis vtriusque vestrum aequè sollicitis, continuè timendum erit. Nam illud meo quidem iudicio de peregrinantibus potissimum offerri debebat quod de singulis Hominibus dixit Seneca,*

*Nemo tam Diuos habuit fauentes  
Craſſinum vt posset sibi polliceri.*  
Deinde verò vt hæc omnia nulla sint & nauoci floccique faciendâ, at innumera species

& nouæ cogitationes, quas diuturna mentis circa Philosophiam Epicuream agitatione concepisti & fidelis memoriz custodiendas tradidisti, intra sexennium (qui legationis Constantinopolitanæ communis terminus est, prorsus euanescent, Amici tui aliò commigrabunt, libri distraherentur, & noua omnia tibi que inuisa, inaudita post reditum forsitan apparebunt. Nolim tamen existimes isthæc omnia, quæ tibi liberius examinanda propono, velut quoddam Attalanæ pomum iniici, quo futuræ nauigationis tuæ cursum sistam, aut quemadmodum propola, qui ficus diuendebat coram Crasso in Parthos exercitum ducente, Caueas occlamem; tantum enim abest, ut etiam istius peregrinationis primum auctorem ac laudatorem semper habueris. Sed hoc tantum contendo, ut interim dum Magnates illi, quos fortunæ calculus rerum nostrarum gubernaculis admo- uir Clarissimo Oratori & Patrono tuo D. de Marcheuille dies continuo protrahunt & subinde moras innectunt prudenter caueas ne tibi similiter & Epicuro ipsæ moræ innectantur, & cum iam instituta ratione promouendi, tempus simul excidar. Sanè licet aliorum exempla non suppetere, meum certè tibi deesse non potest, quo in istis cautior euadas, cum non semel propria experientia didicerim, nihil vnquam de Legatorum discessu statui debere nisi ubi in viam cum toto comitatu se dederint, propter crebras comperditiones, quibus ira plerumque torqueri & diuexari solent, ut nulla alia re magis. Hoc verò frustra apud te statues, nisi eadem animi libertate & constantia, leuiores alias occupationes, & Græcos illos præsertim valere iubeas, qui te phaleris & grammaticationibus suis impallescens tandem derinuerit, quasi verò egregiam laudem & spolia ampla referre possis ex intellectu Aristophanis Pluto, aut discipuleata ac euiferata non sine Tertzis aut alterius ductoris ope Lycophronis Cassandra. Hoc est profectò ne quid molestius dicam, non rectè philosophari, & præsentis grauissimoque Literaturæ fato prorsus impediri, ne cuius nunc Hominis personam sustineas, per te ipsum possis cognoscere: ita ut etiam monitoribus egeas & istius linguæ intemperantiæ laborare deprehendaris: cum tamen vel mediocritas eius cognitio satis idonea visa semper fuerit magni Viris ad principatum in sua quemque facultate obtinendum & retinendum. Sanè & D. Thomas, & Niphus, & Pomponatius quid in Philosophia abique illius auxilio non præstiterit? Quid item in Mathematicis Peurbachius, Tycho, Copernicus eiusdem præsidio fermè destituti non effecerit? Sed vin' tu Petronianam de nouo isto eruditionis fastu parodiam patienter ferre? Nuper certè ventosa isthæc & enormis Græcitas Gallias & vniuersas fermè Europam ex Asia cōmigrant animosque Iuuenum ad magna surgentes veluti pestilenti quodam Sidere afflauit. Semelque corrupta Philosophia, & altiorum disciplinarum regula stetit & obmutuit, quis postea ad summam Alberti? quis Regiomontani ad famam pro-

cessit? ac ne libellus quidem sani coloris enituit, sed omnia quasi eodem cibo pasta, non potuerunt vsque ad senectutem canescere. Verùm audio quid statim obganniant hesterni illi & nuperi Hellenistæ, nimirum quod eiusmodi Philosophi & Mathematici opera sua longè doctiora, & augustiora reddidissent si ab illis auctoribus & libris adiuti fuissent, à quibus constat eos propter linguæ istius ignorationem perpetuò abstinuissè, & sanè in eorum sententiam descendo, modò hanc liem & contestationem moueat de mediocri tantum in hac lingua exercitatione, quam ut in omnibus lando, sic in te potissimum magni-facio, atque vti iam ista contentus, quæ tibi viam facilem referat, & iter planum expedit, ad optimos quosque tum Historicos cum Oratores & Philosophos inoffensè perlustrandos & euoluendos, vltioris in ea progressus curam Humaniorum literarum Professoribus & *istis* *seculis* ut ipsi mer loquuntur Coryphæis relinquant, & Celi tantum ac soli curam geras. Quod nunquam aliter melius præstiteris quàm si

*Dum res, & aas, & Sororum*

*Fila trium patiuntur atra,*

totis tuis viribus in Epicurum incumbas. Cuius partim Hominum neglectu, partim etiam longo sæculorum decursu, extinctam famam, obliteratam doctrinam, neglecta & malè arrepta dogmata, dispersos Sectatores, Palabundos auditores. Nisi tu velut alter Esculapius in integrum postliminio restituas, & cælestis quadam animulæ tuæ particula plenius illustres, non est profectò quod optimus ille & sapientissimus Philosophus præstantiorem alterum vindicem rebus suis deploratis & omninò conclamatis opem vni-quam larurum existimet, aut aliunde suam salutem, immò resurrectionem speret & expectet. Quare mactè virtute & honore Amicorum meorum eruditissime, mactè & quod magnis auspiciis cœpisti, magno animo, & pari cum felicitate, constantia, perage, ut enim meus me fallit animus, aut illucescet tandem illa dies, qua tu, quod pro tua singulari humanitate & beneuolentia literatos omnes iuueris non modò eos tibi deuinctos habeas, sed insuper tuam doctrinam tibi honorificam fore, & vniuerso generi humano valde vtilem ac laudabilem magna omnium bonorum gratulatione gloriaris. Vale. Dabam Parisiis die vltima Octobris 1630.

*Tuum ex animo GABRIEL MTSORCY-ROSEVS Parisinus,*  
*sive G. NAVDÆVS.*

*Clarissimo, Doctissimoque Viro D. PETRO GASSENDO S.*

**N** Ir celeberrime mihi que perpetuum colende,

Nunquam opportunius quicquam obtinere potuit aut tuis postremis, aut incluso libello, adeoque honore & amore, quibus me (vnam magè meritum) prosequeris, si hæc tua ut medicinam afflicti animi

Ll 4 accipiam;

Horat.  
ode 3.  
lib. 3.

accipiam; nunquam vicissim quicquam in-  
tempestivum magis, si ut munera spectem,  
quibus pro magnitudine illastre gratitudinis  
testimonium summo iure à me debeatur. Sed  
cum curæ meæ sint eiusmodi, ut & exitum  
felicem expectent, & chartam refugientes  
nonnisi in amicorum aures ac sinum deponi  
possint, suppressam, & operam dabo ut forti  
animo quicquid id est concoquam, quam ad  
rem optarem animi tui virtutes, quæ veluti  
supra nubium Regionem locatæ nec ventris  
agitantur, semper tranquillæ, semper serenæ;  
& à rebus humanis exortas curarum nebulas  
aut non excipiunt, aut dissipant. Præfens  
hic animi status, dum in meliorem ac bre-  
uiorem transferit, quæso ut mihi hac vice  
apud humanitatem tuam sufficiat ad amplio-  
rum meæ in te gratitudinis argumentorum  
nonnullam dilutionem. Nisi is obstitisset mi-  
sissem Analyseos meæ specimen illustrius  
cum adiuncta demonstratione; etsi enim ea-  
res si perspicacissimi ingenij tui aciem, exci-  
pere, ac exactissimi iudicij censuram subire  
debeat, postulet arduam mentis intensio-  
nem, & publico vsui destinata tantisper penes  
inuentorem delitescere, vel te consentiente,  
posset; tamen cerò tibi deinceps persuadeas  
nihil meum esse quod non pari iure tuum es-  
se velim. Ac ne verba hæc putes, & vsitatam  
sæculo ad humanitatem factò formulam; ex-  
perire fidem meam quacumque in relibuerit.  
Sed iudicium saltem de scriptis tuis, at in  
primis maiori illo quo Philosophiæ Fluddan-  
næ fundamenta retegis, postulabis. Sanè si  
postules, subterfugio non erit locus. Alioqui  
nec virium mearum imbecillitas ad tantum  
fastigium assurgere valer, & genus hoc scri-  
bendi eiusmodi est, ut si tantum authoris lau-  
des persequaris, quamvis candidè id præstes,  
vix adulationis notam effugas; si etiam ali-  
quid carpas, ne adulari videaris; aut incertiam  
tuam prodas, aut frigidam affundas amici  
feruenti in te amoris, cui augendo semper po-  
tius studendum. Quanquam si tua scripta  
censuræ sint capacia, eo te candore novi, ut  
malis eam ab amico proferri, magisque ob id  
ipsum sis eum amaturus. Non possum tamen  
quin tribus lineis exprimam, quæ lecto cur-  
sim maiori tuo opere protinus animum meum  
perstrinxerunt. Ingenij tui par cum candore  
acies, eruditio per omnia rerum & actuum  
genera sese diffundens, prudentia, animi mo-  
destia, pacis studium ita in eo relucet, ut  
cum in tuo libro lectores Fluddum quærant,  
te in primis inueniant, deprehensum ament,  
reuerentur, imitari cupiant. Sanè dabo  
operam accuratiori eiusdem examine, ut non  
minorem ex virtutibus tuis quàm ex multi-  
plici eruditione fructum reportem. De li-  
bello alio gestante nomen meum in frontis-  
picio nihil hac vice dicam, ne ieiunitate  
epistolæ quidquam derogem de magnitudine  
affectus, quo hoc tuum beneficium prosequor.  
Hæc sacra festum diem postulant, solum id  
obnixè rogo, ut quo maior ad me ex tuo  
splendore gloria redeat, non deneges huic re-  
gioni exemplaria, incommodum quòd vere-  
baris nullum est distractis iam plerisque prio-

ris editionis exemplaribus & alium titulum  
ac effigiem præferentibus. Reuerendi Patris  
Mersenni literas, cæteraque quæ iniunxerat  
diligenter curavi, sed quia responso an-  
nectendus experimentorum meorum Catalogus  
nonnullaque alia, quæ minus potui hoc te-  
rum statu conficere proxima opotunitate  
mittam. Dignaberis cum meo nomine hu-  
millima salute, me verò tuo & amore & fa-  
uore. Lugduni Batavorum 26. Nouembris  
1630.

HENRICVS RENERI  
R.T. Observantissimus.

*Admodum Reuerendo, Clarissimoque  
Viro D. PETRO GASSENDO  
Theologo, S. P. D.*

**R** Euerende admodum & charissime Do-  
mine,

Eruditissimam Diatriben tuam Epistoli-  
cam, quæ Fluddanæ Philosophiæ principia  
doctius ambigo, an elegantius refellis, his  
diebus ad me misit Chiffertius noster cum  
litteris tuis humanissimis. Quod quidem  
minus gratissimum mihi fuit, è quo profun-  
dam illam ~~in te~~ tuam, & penetrata à te  
intima Philosophiæ arcana perspexit. Quæ  
dum lego, vehementer dolui, nobis in tran-  
seursu tantum licuisse raram illam omnigenæ  
eruditionis tuæ penum gustare.

Felicem Mersennum tuum, qui tam erudi-  
tum nactus famæ suæ vindicem, Observa-  
tiones tuas accuratissimas de Parheliis Ro-  
manis cum Vendelino nostro communicavi,  
qui mirificè earum lectione est affectus. Quod  
ad Ciceronis locum ad Atticum spectat, de  
*Patrone*, & *Parietinis* Epicuri manibus &  
pedibus, in sententiam tuam concedo. Loca  
enim illa quæ ex aliis Epistoli adducis, pla-  
nè euincunt legendum vti obseruasti. Nec  
dubito ipsum summum Virum Cl. Puta-  
num, si viueret, tibi assensurum, quod de eru-  
ditissimis eius filiis narras. Ad editionem  
Marci Aug. quod spectat, ex Hispania varian-  
tes lectiones è manuscripto Codice expecto,  
mox illum prælo subiecturus. Vale, Eximie &  
Clarissime Domine, & quod facis, nos ama-  
re perge. Scribebam Antuerpiæ 30. Ianuarij  
1631.

*Admodum Reuerende Dom. Vestra  
Observantissimus  
C. GEVARTIUS.*

*Admodum Reuerendo, & Clarissimo  
Viro D. PETRO GASSENDO,  
CHRISTOPHORVS SCHEINER,  
S. P. D.*

**E** Ratissimæ mihi acciderunt humanitate  
tua literæ plenissimæ, quas mihi excel-  
lens Dominus Naudæus vnà cum Opusculo  
tuo erudito officiosè tradidit. Quibus cur  
tam serò respondeam causa fuit, quod nolui  
coram te vacuus apparere. Speraueram sem-  
per



per libellum de Parheliis iam tum semi perfectum abfoluere, tibi que eo remittendo simul fatifacere, simul beneficiis à te in me collatis quadantenus respondere. Sed quia negotiis aliis super alia ingruentibus impeditus fui, nunc in illorum locum Pantographen subrogo, luci modo per missam; cum qua etiam adiungo exemplar Parelidorum anno præterito obseruatorum eorumque explicatione petita subnecto quanquam satis ambigo, horum an eorum Parelidorum quæ anno 1629. obseruauimus, quæque tu Commentariis tuis illustrasti, explicationem desideres; sed ut ut sit, quidquid de vno, idem ferè de altero dicatur. Ad singula igitur venio Diagramma ad te manu exaratum rectè perlatum est, quia Romæ illud typis nunquam commisi. Iridum Solem proximè ambientium diametri fuisse graduum 43. plus minus; remotiorum in impresso *ORP*, graduum 95. & 20. min. circiter. Colores ut Iridum Solarium primarum, puniceus vel ruber Soli proximus, reliqui ordine & more solito, Omnium istorum arcuum crassitudo seu latitudo æqualis & eadem, Solari tamen diametro minor quasi tertia parte; propterea Schemata rectè docent; quamquam inficias non iuerim circulum lacteum horisonti parallelum reliquis arcibus aliquantè fuisse latiorum; cuius diameter apparens secundum Solis altitudinem in sphaera metienda est, iuxta rationem circulorum in Sphaera maximis minorum. Parhelia anni 1629. satis videtur explicata in transmissa charta; anni verò 1650. ita se habuere: Duo quidem *M* & *N*, satis viuacia, altera duo *O* & *P*, minùs vegeta existeret, *M* & *N*, qua parte Solem respiciebant rubore purpureo, a uera colore candido fulgebant; *O* & *P*, tota alba. Omnium istarum imaginum durationes erant differentes. Nam imago *P*, debilitata, & ratò emicuit, obliterata ante omnes, in nubibus ibidem crassiusculis conglobatis; imago *O*, & illa debilis, sed tamen satis stabilis, diuque hæsit; duæ laterales *M* & *N*, per tres horas constanter visæ, elanguescente tamen, & post multas fluctuationes extincto prius Sole sistitio *M*, alter autem *N*, ultra horam superstes fuit, neque vltimum ipsius obitum, egressus domo animaduertere potui, certus ipsum cum Sole genuino diu solum incessisse neque nubibus, neque vaporibus aut halitibus instar aliorum oppressum. Tandem tamen insecutis pluuiosis, & ipse comparere desit. Igitur si initium cum fine obseruationis conferamus; reperiemus minimum horas  $4\frac{1}{2}$ : cum autem ad initium animaduerti Phenomeni iam omnia in pleno cursu sese stiterint: facile mihi persuadeo ad quinque aut plures horas totam durationem peruenisse.

Parelia in plano verticali *Q* & *R*, ubi sese arcus Iridum vel interfecerant, vel euerso situ prope verticem in plano verticali per oculi *F* & Solis *G*, centra transeuntis contingunt, splendoris vehementia, qua visum feriunt, aliis quandoque cedunt quandoque percellunt, figura & candore ordinatè succumbunt neque figuram eadem magnitudinem, neque

picturam simili semper elegantia disperfant, sed modò argenti modò minuunt, per varia nimirum Solis *G* agentis, & materiæ *Q* atque *R* patientis temperies. Vnde hæc Parelia in perpetua propemodum lucta atque lucis colorumque fluctuatione versantur. Prima ferè & postrema in Parelis visuntur, quam in hac apparentia, imago Solis *N*, vltimas tenuit partes, propterea ex indultia obseruauimus. Distantia siue altitudo iubarum *Q* supra horizontem tempore primæ obseruationis fuit 49. grad. 40. min. iubarum *R*, 76. grad. 10. min. Solis altitudo, 18. grad. 30. min. vnde distantia ipsius *Q* à Sole in circulo verticali fuit 21. grad. 10. min. At verò ipsius *R* distantia à Sole fuit 49. grad. 40. min. tempore ante meridiano, quo primam obseruationem peregi. Initio harum obseruationum Ventus Boreas erat, sed sensum in orientalem, tandemque meridianum mutatus, pluuias non tamen magnas nec diuturnas causauit Diebus subsecutis penè quatuordecim, Calum quotidie semivapudum apparuit & quotidie ante prandium Sol nouos filios creare conatus est, irritò tamen successu, ex defectu scilicet vel materiæ vel debitz dispositionis. Vide enim in circulo verticali initia Parelidorum manifesta, per sat longa temporis intervalla, vide etiam solum lateralem manifestas reciprocationes. Itis *ORP*, viderut fuisse portio vna arcus circularis, ideoque semicirculus Soli concentricus tametsi iuxta  $\theta$  &  $\kappa$  horizontem *AB* non penitus attigerit; fueruntque portiones  $O\kappa$ , &  $\theta$ , extensionis inconstantis, modò longioris, modò brevioris. Arcus  $ZQ\alpha\beta Q\gamma\delta\epsilon\zeta$ , Solem proximè ambientes, ostentabant quidem visui vnum quasi quemdam ambitum circularem consulum, non æqualiter latum, neque constanter sibi similem, sed perenni quasi fluctuatione exundantem atque varium: tederatamen, ex arcibus in schemate expressis constabatur; quemadmodum ex instituto animaduersionibus accuratissimis obseruauimus. Cornua *HRC*, videntur esse segmentum semi-circuli minoris, maiorem *ORP*, situ contrario contingentis in communi modo *R*. Arcus Iridum  $ZQ\alpha$ , &  $\theta Q\gamma$ , in modo *Q* sese interfecerant, ibique Parelum *Q* efficiunt. Soles duo *N* & *M*, enati sunt in communibus nodis seu intersectionibus *M* & *N*; quas facit Iris  $\zeta\delta$  cum circulo lacteo *OMNP*. Cæli pars Septentrionalis purgatior fuit Australi, quæ tenuibus & viscosis vaporibus incessa huic apparentiæ occasionem & materiem maiorem subministravit. Atque hæc sunt, quæ ad tua quæstura reponenda occurrunt modo. In Opusculo de Parelis plura fortassis ad gustum tuum prouidentur. Delectauit me admodum tuus eruditus ille super Parelia mea Commentarius; manum certè & calamus accuratiorum haud expecto, & gaudeo adumbrationibus meis tantum Apellem superuenisse; ad gustum meum faciunt omnia, quæ de genesi, natura, & significato huius Phenomeni disputas, uti ex meo Tractatu satis perspicies. Meum de Maculis & Faculis Solaribus Opus sub Rosa Virgine titulo euulgatum,

eulgarum, Romæ nunc prostat, & ad te mittit illud excellens Dominus Naudzus; venditur hic scutis Romanis quatuor, cum tamen à Bibliopolis censum sit 15. sed difficultas temporum obstat nunc plurimum rei literariæ. Si foret in Gallia vestra, qui Opus hoc, aut saltem bonam exemplarium summam vellet comparare, posset pro tribus scutis quodlibet nancisci. Pantographice venditur pro tribus Iuliis. Si qui sint quos ista delectant, poterunt hic vororum suorum compotes fieri. A nobili Domino Gabriele Naudæo maximam humanitatem expertus sum. Ego P. nostri Petauji Opera nonnulla vidi, & magni æstimo, si quid tibi consuetudinis cum illo intercedit, grarum facies si meo nomine salutaeris: & si fieri posset mutua Operum permutatio, multo id gratissimum eueniret. Maculas Solares generabiles & corruptibiles esse, ex Opere meo clarè videbis: vnde rectè contra Malapertium (bonæ memoriæ) & Tardæum vnà mecum sentis. Et miror Tardæum meum dissimulare nomen, cum tamen ad verbum mea scripta citet tanquam sua. Fecerunt ex maculis stellas, vt placeret philosophastrijs, & nomen saltem aliquot obtinerent: quod non magis perennabit quàm macularum, spatio videlicet menstruo. Taceo nunc errores vtrorumque innumeros, optarem vt quisque suas venderet merces, & vnique relinqueret suum. Humanitate tua ita me diuinxisti, vti tecum non aliter agam ac si semper simul amicissimè conuixissem, itaque ignosces libertati meæ, quam tua comitas calamo meo ingessit. Vale, & sicut cœpisti, atque esse iussisti, amicum imò seruum tuum fouere pergit. Romæ in Domo Professæ 3. Decembris 1631.

*Parheliorum Schemata exciderunt.*

PETRO GASSENDO

*Doctori Theologo,*

GABRIEL NAUDÆVS S.P.D.

**N**on est profectò, Doctissime GASSENDE, quod grauius & iniquo animo ferre debeas, si tibi, & mei amantissimo, & eius officij, quod inter Amicos per literas exhibetur studiosissimo: diuturnâ mea ad te scribendi cessatione, vel tuum illud licet Columbinum, acrius paulò vellicârim, & occasionem sanè non leuem iniecerim, altius inuestigandi. Vnde-nam istius tam obfirmati & immittis silentij causam posses elicere. Vulgarum siquidem est, & solemnî apud omnes qui Tallionis legem obseruant sanctione receptum, per quæ quis peccat, per eadem & ipsum puniri. Et verò cum me in eodem equuleo priùs ipse destitueris, non tam inuestigandi quàm diuinandi, cur tuam illam quam D. Buchard mihi reddidit dum Vaticanis in Hortis spatiaremur, acerbiusculè scripseris, hoc sanè tibi reponendum esse penes me sum arbitrat, vt hoc tam longo tempore quo nihil à me literarum accepisti, dubitares saltem cur nihil literarum ad te transjicere-

rem, & pene est vt dicam cur irasceret; pauperat me siquidem nonnihil epistola tua, meque in eam suspicionem adduxerat. Vt vereretur ne quid à me antè impudentius fuisset, in ipsis quas ad vtriusque nostrum delicias Tubertum Ocellam non infrequenter exarare soleo, de te forsan insinuat. Hoc verò si tibi vel per somnium in mentem venerit, quæso, obtestorque vt somnij instat auolet; cum nihil vnquam ego quo tarditatis & negligentia te insinularem, non modò scribere, sed ne cogitare quidem potuerim; quasi verò te non bene nossem, tuaque mihi virtus, comitas, & propemodum incredibilis amicitia parum perspecta esset, aut quiquam mortalium existeret, qui nunc auderet contendere tuos sibi sensus meliùs quàm mihi perceptos esse & cognitos. Crede mihi, Amantissime GASSENDE, mentisipsum turpissimè incitiæ accusarem, si tibi per me vel minimè ignauitè nota inueneretur & grauius aduersus *te* peccassem si quod à me tibi tunc temporis erat exhibendum, hoc ineptè voluissim & mihi à te priùs exhiberetur, neque enim ita sum rudis, vt nesciam, nec tam maleolus vt inficiam hunc scribendi morem quod sapienter monet Symmachus, à superstitione vetusta fuisse constitutum, vt ad peregrina digressi priorem sibi locum vendicent cum absentibus colloquendi. Quare nescio quo fato contigisse dixerim, vt quod mihi inter scribendum mera voluptas, iocus, delictum, vrbantitas videbatur, tibi inter legendum non ita similiter appareret, & in hoc tantum peccet mutui nostri consensus regula, quæ in cæteris actionibus tam firma est, & sui semper similis, vt non immeritò videri possint

*amborum fœdere certo*

*Consentire dies, & ab vno Sidere duci.*

Ne tu igitur parùm vrbane facias, vrbانيتem hancce meam æqui consule, meque & tunc iocosè locutum, & nunc etiam cum me tibi iratum fuisse dixerim, non serio loqui apud te perpende. Vtor verò libenter hac, non quidem excusatione, ad mentiendum composita, sed liberâ & efficaci ad persuadendum confessione: quod ab hac etiam non penitus abscedas, & tot ridiculis casibus diversorum Principum in hac velut Mundi scena Histrioniam agentium persuasum habeas, beatissimam illam Epicuri sui voluptatem non alio rectè quàm sapientissimo Democriti risu & blandiloquio posse condiri: Sed heu! quàm te beatum & felicem existimo amicum suauissime, qui cum Theodoro nostro, & Tuberto Ocella potes ipsum os liberius diducere, & leni dum seditionem facit locum ampliorem concedere; mihi aut in medio quorundam nobilium degenti, quos humor melancholicus sapientes, parcimonia grandes & siccos, Dea verò quædam nomine Lesina sibi peculiari cultu deuotos efficiunt, timerem magnopere ne quemadmodum & ipsius, risu atque diſtertijs & hilariori vitæ genere interdicitum foret. Nisi Eminentiſſimi Cardinalis à Balneo cui me totum mancipaui, vt deliciarum & liberalitatis, sic morum & libertatis

libertatis Gallicæ multum adhuc retineret, & ea omnia suis Aulicis subministraret, quæ nos præcorum Ægyptiorum similes efficerent, apud quos

*Porrum & Cape nefas violare & frangere moysi.*

quod non item præstant reliqui Cardinales suis Anteambulonibus & Paralirîs, quibus sportula tam exilis & artificiosè in singulos dies commensurata distribuitur, ut ipsos annos circiter 30. & aliquando etiam 40. locatæ suæ operæ tanquam venenum aliquod ad certum tempus determinatur paupertie & miseria, nonnunquam etiam rabie enecet, hoc tamen utilitatis interim consequuntur ex coacta illa & imperata fugalitate, quod Israëlitarum instar duro ac Alliaro eiusmodi victu ad functiones Aulicæ vegetiores existant, non pingui aqualiculo deformes, nec lautiori mensurarum apparatus velut vres disteinti, sed honestissima quadam inter ipsos marcedine venustiores & Romana macie decori, adderem plura, nisi, rerum istarum non perfunctoria narratio Elæo nostro seruanda esset, cui iam pridem addita est ut Mortalium omnium *φθολογία* maximo, lubentiaque ac viculina festiuis celebrationibus non per annua reuerticula ut Thesiali Gelasino, sed quoties à grauioribus curis ferri aliquid licuerit hilariter ac suauiter operanti: Tibi verò ista velut in promissidem attuli, quo me totum ad sales & facietias nunc esse compositum agnoscas, & tunc etiam fuisse conicias cum tuis Atomis, & ipsarum quibus inter se connectuntur hamis, harpagonibus, & vinctis fucinalisque ac sibilis, idem à Campanella periculum, quod Pygmæis quondam ab Hercule, aut Pediculis à Diogene imminere prædixi, quod equidem tam vrbane & facere dictum omnino fuisse velim existimes, ac si montis istius Vesuuij qui etiam nunc flammis euomit, & latius in dies grassatur, qua Chasmate qua Cinere, qua Torrentibus ignis & aquæ, perdens fata læta, boiūque labores, occasione & quot millia atomorum ex tam profundo specu erupisse, & per aërem hinc & inde dispersa fuisse arbireris, obnixè nunc à te contendere: imo verò non possum adhuc facere quin toties rideam effusissimè quoties apud me cogito, tam ineptum hoc metum, & tam patum verisimile mendacium, tantum tibi sollicitudinis attulisse: cum alioqui cogitationes tuas verè sublimes & te solo ac Epicuro dignas nullo modo damnare potuerim, nec si potuisssem voluerim, neutrum enim modestia & candore meo incolumi fecissem, sed nec ingenij semper fui similibus opinione, qui te priori mea ut ipsas redintegratis viribus & alacriori quodam impetu ad finem perduces vehementer sum cohortatus, ut certè in præsentia, & aliis quæ ab te postea frequentius transmittere mihi est animus, cohortari non desinam. Cum enim omnes qui me meumque singularem in Viros literatos amorem cognoscunt. Idem etiam non ignorent hoc mihi semper in more & consuetudine positum fuisse ut eorum velut *παραδιδόντες* nouos subin-

de foetus inquirerem, eliceremque frequenter & in Academiarum lucem ac eruditorum conspectum proferrem, tum verò istud vnum mihi præ cæteris faciendum esse semper existimaui, ut te ad hoc quod tam laudabiliter incœpisti Philosophiæ Epicuriæ systema perficiendum vehementer stimula-rem. Et si enim tua naturalis, ad mentem studiorum cultu & melioribus literis excolendam propensio, & Epistola quæ me de tuo progressu in hac noua philosophandi ratione certiorum esse voluisti, satis ipsæ mihi persuadere valeant te quidem in hoc summo otio & tanta facultate vacui ac liberi temporis non cessare vel otiosi, multa tamen sunt, eaque grauissima, quæ te totum inflammare & accendere debent ut quantum conitari animo potes, quantum labore & diligentia contendere, tantum omnino efficias, neve committas istud operis diutius expectari, cuius flagranti desiderio certum est teneri, non tuos amicos modò, sed eruditos omnes, & Orbis Academijs vniuersis, quarum maxime interest te sanioris istius Philosophiæ vindicem, nullis obicibus & impeditis à tam præclaro & generoso conatu retardari. Fuit enim mea semper hæc, nec diffido quin aliorum etiam extiterit sententia, Doctissime G A S S E N D E, eos qui scriptores veteres in Bibliothecarum situ & puluere delitescentes erunt, ac prope modum diuino Typorum beneficio, studiorum vsui accommodat, vel iniuria temporum deperditos & instar cuiusdam Hypopoliti hinc & inde distractos, reliquorum auctoritate freri colligunt ac in pristini corporis speciem restitunt, de bonis literis honestisque disciplinis melius longè mereri, quam qui, aut poemata, aut orationes, aut libros artem aliquam, iam ante à veteribus traditam atque explicatam complectentes scribunt & componunt, quoniam istorum futilis est plerumque conatus & mediocris industria. Hocum verò nunquam non summo opere necessarius est labor & non vulgaris doctrina. Quamobrem si tuæ existimationi, & optatæ nominis immortalitati rectè consultum esse velis ad Epicuram tuam syntaxim ocyùs absoluendam non tantum accede,

*Sed quantum se homini possunt extendere passus*

*Ardens accelera*

hoc sit stadium, hoc otium tuum; in hoc somnus & quies, in hoc etiam labor & vigilia reponantur. Nam cætera rerum tuarum

*Cum semel occideris & de te splendida Minus Ecceit arbiria*

alium atque alium Dominum fortientur, hoc nunquam desinet esse tuum, nosti siquidem illud alterius Poëtæ

*Vivitur ingenio, cætera mortis erunt.*

Hos igitur ego te imitari mallet quorum nomina solo librorum, quos nobis reliquerunt præsidio adhuc viget & habentur in eruditorum sensu celeberrima cum ipsi tamen duobus ab hinc annorum millibus obierint, quàm istos qui sint qui te infirmis- simis rationibus à pulcherrimo sanè consilio conantur



conantur abducere; atque ut nihil ex istorum parte timendum esset. Vereor tamen ne fatalis quædam perniciēs Epicuro tuo incumbat, ab illa terratum parte à qua nihil vnquam tale sibi ipse iurasset expectandum. Nam dum huius illustrationi & velut anastasi molientæ totum te accingebas & pleno animi impetu vehere; quas tibi moras non iniicit, quas cassos & tendiculas desiderium illud vltioris Græciæ sedulo perlustrandæ non obtulit? Ut Epicuri cura relicta, alterius te curæ committeres in has oras velut in quoddam latomias deportandum, ut verò nunc quas illud idem non iniicit, ut quod tam laudabiliter incepisti nunquam perficias? Nunquam dico, & hoc tam securè quam securum est eos omnes, qui durum istud ac fastidiosum iter ingressi sunt, aut ex ista peregrinatione non reuertit, aut longè fallos eorum, quæ sibi promiserant, redire. Sed quod Elæus tibi persuadet absit ut dissuadeam, cum ipso qui sapientissimus est impellente, nihil inde non factum, & te qui doctissimus es annuente nihil non ex cultum ingenio, elaboratum industria, & erurum atque illustratum incredibili propemodum diligentia sperari debeat. Faciendum tamen mihi visum est pro animi mei conscientia, proque eo, quanti te facio. Ut aliquid iisdem de rebus ad te litterarum darem, de quibus ortam ante biennium simili occasione nonnullas dedi, & hoc vnum quantà possum animi contentione abs te petere ut inuistatam hanc inuiscendæ Græciæ cupiditatem, qua te nunc flagitare verius quam teneri ex tuis & Elæi ad Dominum Bouchard epistolis cognosco, tuæ enim voluntati & amicorum deinde commodis ac voluntati lubens accommodes, quorum suffragiis si tantum deferas, quantum par est ab amicissimo & honestissimo quoque concedi, nihil prius aut antiquius omnino habebis, quam hunc librum suis omnibus numeris absolueres, teque Mulieribus similem gerere, inter quas non raro videmus prægnantes offendi peregrinatione & sequenti locorum mutatione, enixas verò plerumque iuari. Cæterum responsum earum, quas sub aduentum meum R. P. Scheiner tuo nomine tradideram, nudius tertius tantum accepi cum præfatione tamen veniæ quod ipsam tandiu distulerit, & 3. Decembris anni proximè elapsi exaratum, istius instantum vertentis principio exhibuerit, hoc in primis causatus se nimirum variis librorum suorum editionibus & quorundam etiam Italorum fraudibus distractum hinc epistolatum officio negligenter admodum vacasse, cui nunquam ita curis solutus est ut nisi se inuiros accingat atque hoc tantum effatum absque vltiori declaratione protulit. Ego verò facillè mihi persuaderem hunc ipsum tot eruditorum infestatione commoueri & exemplo etiam doceri qui tempus omne suum in hac litterarum vicissitudine, futiliter conterunt, nisi cuiusdam alterius negotij quod mihi cum ipso dissoluendum fuit occasione deprehendissem pari ipsum neglectu & tarditate in reliquis omnibus vitæ officiis incedere solitum,

operis sui de Maculis Solaribus quod ad Dominum Moreau transmissi iudicium tuum expecto, meo interim

*— rudis eris indigestaque moles  
Nec quidquam nisi pondus iners, congestaque eodem*

*Non bene iunctarum discordia semina rerum.*

Tu si aliter, statim mone, ac de Epicuro etiam quam rectè se gerat & integrè, quam seuerè ambulet, quam nitidè vestiat, quos amet & innuat, an prælo se accommodet vel calamo tantum, fusè admone, meque tibi iterum, deinde verò sapientissimis Elæo Theodoro ac Orasio Tuberoni commendatum habere & vale. Dabam Romæ 13. Ianuarij anni 1632.

D. V. PETRO GASSENDO

*Doctori Theologo, & Cathedralis  
Diniensis Ecclesiæ Præposito,*

GAB. NAVDÆVS S. P. D.

**N**on possum non gratulari vehementer felicitati tuæ D. GASSENDO, qui per tot scopulos semel inceperat nauigatione, Physicæ Epicuræ portum tandem attingisti; sed longè vehementius mihi gratulandum esse arbitror, quod apud te statuisti nullum iteruscipere, nec in Græciam aut aliam Mundi plagam cogitare prius quam totum id quod superest in moralibus negotiis eodem studio impetu absolueris, integramque Epicuri Philosophiam ab Hominum contemptu & temporum iniuriâ laudabili admodum ac strenuo conatu viuicaris. Ita enim consilij tui ratio, quam Elæo pariter non displicere ex eius litteris cognoui, non me solum hoc magno timore ac metu liberauit, quem ex rei difficultate ne vnquam ipsa perficeretur animo meo conceperam. Sed mihi præterea spem non mediocrem iniicit, priores epistolas meas in quibus tam ardentè hoc vnum à te flagitavi, eo tibi gratiores fuisse & magis acceptas quod amicorum tuorum consiliis & omnium eruditorum votis fuerint ipsæ persimiles & ab eodem velutigenio dictatæ. Quamobrem finem nunc impono Paræneticis meis sermonibus ut tibi iuppiteras veniam & in tam præclaro ac difficili negotio animosè desudanti breuiter subindidem quæ vel officio meo inseruiens vel tuis petitionibus obtemperans, tanquam huic operi quod præ manibus habes maximo opere conducentia in quibusdam cum locis auctoribus adnotavi. Et verò licet multa sint, eademque penitus diuersa de quibus te in hac epistola conuenire statui Amicissime GASSENDO, nulla tamen potiori iure præcedere debent & narrationis exordium ducere quam ea propter quæ ipsam epistola à me suscepta est. Accipies igitur vnâ cum præsentibus litteris figuram Epicuri Monogrammam qualem ipsum Diis omnibus affinxisse auctor est Cicero, aut potius

si Plinium audire maus lib. 3. c. 3. picturam linearem, & rudiori tantum penicillo delineatam prout ipsa cernitur una cum Socratis & Diogenis ad ostia interioris Palatii quod est in hortibus maioribus Ludouicis accuratissimi sculptoris alicuius caelo licet non admodum antiqui in albo marmore exsculpta & nulla sui parte quantum animaduertere potui mutila, sed integra, docentis habitu, chartaceum aliquod volumen manu dextra complectentis. Sinistra molliter & placide supra genua demissa. Capite vero sua caluitie & protensa ac rugis exarata fronte admodum notabili. Sed quod tamen Eminentiissimi Cardinalis mei Pictor Henricus ab Houuen non adeo Graphice & cum illo spiritui quasi latente exprimere potuit qui lapideum ipsum vberius animare & Epicuri mentem in oculis ac vultu repraesentare magna cum delectatione conspicitur. Ausum nihilominus audebat affirmare parum aut nihil omnino differre hanc Epicuri Ludouiciani faciem ab ea quam ex veteri gemma inter Iosephi Sealigneri curiosam suppellectilem diligenter asseruata primum in lucem protulit amicus tuus singularis idemque Vir eruditissimus & seculi nostri delictum ERYCIVS PYTEANVS in epistolarum suarum reliquiis ubi ad Maximilianum Plouuerium scribit hanc siquidem eandem esse, quam tuo mihi nomine Tubertus ocella transmisit vtriusque diligentis inspectione & integra ac absoluta similitudine facili negotio deprehendi. Si vero post modum aliam inuenerim, quae ab istis duabus vel tantillum differat, vtar eiusdem Pictoris opera, quam mihi libenter accommodare solet vt tibi morem geram & bonis etiam ac eruditis omnibus, quorum maxime interest veram adeo celeberrimam Philosophiam effigiem vna cum suis dogmatibus è tenebris in lucem proferri; atque vt laboris quem citra ipsorum collectionem sustines in partes quocunque descenderem quasi mihi semel à Leone Allatio & Luca Holstenio, qui hic praeter ceteris in Graecorum Auditorum lectione & Manuscriptorum tractatione versatissimi sunt, num recordarentur, se quidquam vnam aut legisse, aut animaduertisse in Vaticana & suis vel amicorum Bibliothecis, quod tuum opus locupletare possent. Sed vterque fatum accusauit & pauperiem suam causatus est, nisi forsitan velis pro non nihilo ducere fragmentum illud Graecum librorum Diogenis Laërtij Basilicae quondam editorum, in cuius margine quaedam annotauit ad librum 10. Thomae Aldobrandinus, quae non reperiuntur edita cum suis notis ad nouem priores libros eiusdem Diogenis Laërtij. Hoc vero quaecumque sit recipies cum libris, quos nuper ad Dominum Renatum Moreau transmisi, & si quid inde cognitionis hauries, gratiam debebis Holstenio, qui me insuper admonuit Heronem initio libri de Spiritualibus tractationem instituire de Vacuo ad Mentem Epicureorum, quos inter hunc non vltimum extitisse pluribus argumentis confirmat. Ad me vero, quod attinet, nihil quoque habere de quibus te monendum esse operae pretium arbitrarer, nisi dum libros quosdam

*Epistola ad Gassendum.*

Saturnalibus istis feriis perfunctorie satis euoluam, casu deprehendissimam Muretum nostrum cap. 16. lib. 11. variarum lectionum Agellium accusate quod Epicurum iure à Plutarcho reprehensum frigide atque inepte titari conatus sit. Et Cleomedem lib. 2. *per 76. par* cap. 1. grauitate & copiose aduersus eundem Epicurum inuehi, quod Solis orbem non maiorem esse quam vt à nobis Tubo cernitur asseruerit. Addam & hunc ipsum infimulagrum grauitate à Casaubono rudiat & barbarie, quam ipsi peculiarem fuisse passim ostendit commentariis suis ad Diogenem Laërtium & animaduertor in Athenarum cap. 2. lib. 5. 13. 8. & 12. lib. item 12. Vbi vocem *καταρτιστικόν* & multas eiusmodi similes in examen Criticorum more adducit. Sed isthaec omnia vix est vt credam à te iamdudum non fuisse animaduerta, quare si repetita displicent hoc saltem quod te nouitate sua delectet accipe. Marcus Antonius Boncarius ex schola & institutione Mureti, Humaniorum litterarum Professor cum longa docendi consuetudine, quam integro fere vitae suae curriculo Perusii sustinuit, tum etiam variorum librorum quos omnes literati mirantur ac suspiciunt, editione celeberrimus testatur in operum suorum Catalogo, quem sub finem Rhetorices à se compositae & ibidem anno 1601. editae in 8. apud Vincent. Columbarium atroxuit, se librum composuisse cui titulum fecit *Epicurum sine Dialogis de antiqua Philosophia, in quo efficacibus argumentis & Doctorum Virorum testimoniis probatur neminem de praecipuis Philosophis accessisse propriis ad veritatem quam Epicurum, contra nullos ab ea legibus recessisse quam Stoicos*. Vtrum vero talis liber in lucem prodierit nondum liquet quoniam ab ipso Boncario inter edendos reponitur, & parum adest vt credam idem omnino huic, quod similis argumentis libro Marij Philalephi, quem tibi ex appendice ad Trichemium de scriptoribus Ecclesiasticis paulo ante discessum meum indicaueram contigisse. Nempe vt si editi sunt pro non editis, tamen haberi possint quandoquidem nec eos vidi, nec alios vnquam, qui ipsos viderint inueni. Verum heus tu semper auditor nunquam-ve repones? Ita sane nolim facias meque silentio eneece, qui ab eloquio tuo vt doctissimi & me amantissimi viri famam expecto, enigitur ad quod respondere possis & debeas? Quare à me frequenter celeberrimus in Collegio Sapientiae Professor & quotquot hic degunt Medicorum Doctissimus Alsatius à Cruce, (quem vt primum salutavi Lucretianis versibus commentatio merè Philosophico illustrandis occupatum inueneram,) num ex Epicuro tuo talis lux hinc Epicureo Poetae affulgere possit vt hic ampliori & aliunde mutuata non indigeat, quoniam si illud in te recipis; ipse totum quidquid inde sperari potest laudis & honoris tibi relinquet, nec eodem campo decurret.

*In quo magnus equos Aruntis scelerat alumnus.* Secus vero opus iam fastidium & pro derelicto habitum Alfarins resumet illudque ab vmbilico ad pilos & vngues extremos quantà potest fieri diligentia perducet. Quare tuum

M m est

est nunc, Humanissime GASSENDÉ, tale mihi responsum insinuate, quo ut rei veritati sic utriusque vestrum benevolentiae & comitati ex integro satisfactum fuisse vnusquisque intelligat. Sed dum ista pro amico impensius rogarem, ecce commodum mihi traditur ab Eminentissimo Cardinali meo Nundinarum Francofurtensium Catalogus, in quo Philosophiae & Alchymiae Fluddanae clauem inueni suae Roberti Fluddi Armigeri & Medicinæ doctoris ad epistolam tuam pto R. Patre Marino Merlenno exercitationem responsum. Verius tamen ego dixerim responsionis titulum, nobis enim qui Romæ viuimus non licet esse tam beatis ut libros omnes absque meta & delectu penes nos habere possimus. Sed nec Mercatoribus ipsis Bibliopolis quidquam huc aduehere concessum est quod examen ignis perhorrescat, non haereticis modò Lutheranis, sed etiam Paracelsistis ob blasphemias vtriusque commune sæpè sæpius intentatum, quare cum hoc illo nomine, atque insuper vasto ipsarum ponderis Fluddanae compositiones quibus nunc deferendis vix onerariae sufficerent communi ad nos aditu prohibeantur, fac oro te vehementer & obtestor ne diutius ipsorum ignoratione maceret, quæ aduersus tuam epistolam effuderit suo more ac effutierit tam obscurus & inuaginatus Philosophus, nec istud tantum, sed hoc insuper postulo ut quid & quomodo scripserit, quidve illi & quomodo responderis (si tamen homini tam impensè nugaci respondendum esse duxeris) breuiter subindices quod nihil est aliud quàm sui libri & tuæ responsionis synopsin petere, hæc enim non mihi tantùm gratissima, sed doctissimo iuxta ac Eminentissimo Cardinali Franciscio Barberino, qui tuæ pridem velitationi locum in instructissima sua Bibliotheca esse voluit & R. Patri Scheiner ac doctioribus Romanis qui per me de tuis laboribus & studiis certiores facti sunt acceptissima futura est. Atque ut de ipsorum affectu dubitare sine culpa tum verò de peculiari in te & propensa Doctissimi Scheineri voluntate sine flagitio non potes, ostendit siquidem suis ad te litteris quanti te faciendum existimaret, & quum illi nuper referret quæ de Mercurio sub Sole die VI. I. Nouembris. à te secundum Kepleri prognosticon obseruato, mihi ut cum illo communicarem præceperas, totus præ lætitia gestiens, obseruationis tuæ singula verba laudauit, eoque diligentius & accuratius descripsit quod ipse nubilo Cælo præpeditus & quibusdam negotiis distractus, nihil omnino deprehendere potuerit eorum quæ tu aded peritè ac subtiliter annotasti. Optaret nihilominus videre Diagrammata totius obseruationis cum Solis disco & positione lineæ verticalis ut Eclipticæ ad obseruationis horam. Itemque scire an transitus historiam secundum omnes suas partes & tempora descripsisset, & vtrum Mercurius dum sub Sole ferebatur, maculae tantùm alienius vel Planetæ instar apparuerit cum pluribus aliis animaduersionibus, quas à te dubio procul factas fuisse pro summa, qua polles in rebus Astronomice doctrina persuasum habet, interim verò se

tibi plurimum commendat & meis verbis gratias agit quàm fieri potest amplissimas, sed protrahitur sensim Epistola & communes prætergressa terminos in orationis molem excreuit quamobrem hoc tantum addo Amicorum meorum Doctissime ut persuasum habeam omnibus me officiis & perpetuo quodam in te studio & obsequio curaturum, ut tua me benevolentia gratissima quo literarum vicissitudine non prorsus indignum iudices, quod maximum fore amoris erga me tui indicium semper existimam. Vale & communes Amicos Elæum, Ocellam Theodorum cum ipsos tibi videre contigerit meo nomine saluete iube. Romæ 6. Martij 1632.

## DOMINO GASSENDO S.

**G**ratias pro Munere habeo, Vir Eximie, refero & qua possum id agendo ut in plurimum notitiam veniam, quæ à te bono sæculi elaborantur. Vossius in parte memoriarum tuarum hærete plurimi facit. Quidquid habes obseruationum suæ Physicarum suæ Astronomicarum commodè inseri poterit & sic melius diuturnitati consecrari in Magno opere Cosmographiæ quod molitur VVilhelmus Blaëus Typographorum diligentissimus. Quæ de Gargettia Philosophia congesceras, eadem si quæ Antiqui accedant, gaudebit edere idem VVilhelmus. Ego nihil aliud quod regem habeo nisi ut pergas tui esse similis, nosque tui reuerentes ames. 11. Aprilis 1632.

Tuis Tuis HUGO GROTIUS.

PETRO GASSENDO *Philosopho*  
MICHAEL CONSTANTINVS S. P. D.

**N**on mediocri dolore affectus sum, mi GASSENDÉ, omnium Virorum humanissime, cum nuperimè Gassarellum prope nostras ædes versantem non inuiderim gestiebat animus magnoque exilliebat gaudii votis inuidere. Fata & temporis iniuria & laboris itinere multum de te habuissimus sermone, huncque precatus fuissim ut meo nomine tibi diceret plurimam salutem, quam tibi nec ingrati, nec iniucundam (ob illam singularem, quæ es præditus, humanitatē fore sperabam. Geret hæc epistola vices, aperietque animi agnitum vnius GASSENDI vel aliquo, vel literis leniendum. Nescio, quo infelicitate à carissimis auulsus ruri degam, & solitudinis molestias & tedium ferre cogar; inter has angustias sæpè mihi recurrit gratissima tui nominis recordatio, quæ me totum suauissimam voluptate perfundit, nec vana spe sustentat in posterum me non posse à te sciungi. Si mihi non liceat te præsentem insucri aut alloqui, dabitur ex tuis vberitibus Sophia scitptis nonnihil doctrinæ haurire, & aridas fauces diuino nectare proluere, ieiunamque mentem cælesti ambrosia reficere. Plus æquo videor

more



moræ impatiens nec verba toties data expectationi sunt postura modum, donec prodeat illa verè philosophantium disciplina; quam & nobis tradere, & posteritati consecrare pollicitus es. Philosophi est officium erroribus hominum subuenire, atque illos ad veram viam reuocare, ne imperiti quorundam fraudibus circumuehantur, & eorum simplicitas prædæ ac pabulo sit astutis hominibus. Arguere verò & reuincere peruersos errores opus planè pium, ac nullis præmiis repensandum; sed non est facile inueteratos depellere. Scio non deesse, qui aded cœcutiunt, & hallucinantur in his quæ ob oculos sunt, & tam pertinaces videntur, ne eum clarissimum Solem sanis ac patentibus oculis videant; videre putent. Malè audit Epicuri disciplina apud bonatum literarum rudes; nam cum summus ille Philosophus summum bonum voluptatem esse censuerit, voluptatem corporis, non animi esse arbitrantur. Habemus locupletissimos testes, & fide dignissimos, qui de Epicuro bene sensere; quorum è numero Laërtianus asserit hunc Philosophum summum bonum animi voluptatem docuisse, cuius disciplina, eodem teste, multò celebrior semper fuit, quàm cæterorum Sophistarum, quos mancipia gloriæ vocat Hieronymus litigationibus furiosis, ac pertinacibus vitam humanam turbant; hi sibi oculos eruant, ut omnes cæci sint, ut vltro in lapidem impingant, & populus omnis offendat. Omnia scire se iactitant, & gloriantur, qui longè minùs, quàm artifices sapinnt, hi quam callent artem, eandem non aliam se scire profitentur. Nescio, quis sit ille malus genius, qui erroribus humanis gaudeat, cui sit vnica ac perpetua cura offundere tenebras, & hominum cæcare mentes; ne lucem videant. Tamen ipsa veritas, cogens naturâ, etiam ab iniuitis pectoribus erumpit, & lippos ac cæcutientes vulgi oculos verita, nunquam se totam exemit, quia multitudine, & propè consensu omnium nationum premitur. Summâ virium contentione decertare debet Philosophus, ut virtus sibi pariat voluptatem, illorûque effugere consortium, qui Philosophiæ mysterium barbâ celebrant, & pallio. Aded cæcæ mentis homines, ut hauriendis voluptatibus Epicurum stiterent incubuisse credât, & Epicureæ Sæctæ alumnos in corporis voluptates ruentes ac pronos, nihilque aliud quàm Veneri, & ventri seruientes clamitent. Tandem reuerti manus dare cogentur, cum innatam, & auitam ex animo discusserint caliginem. Velim, si ad Gæstarellum, vel Naudæum scribas nomine meo salutes, & ad te mittant Librum Romæ à Campanella editum, cui titulus; *Arbeis inuicti triumphatus*, quem cum legeris, aliquot horis me participem fieri optarem. Nolim te diuitiis inmorari, & ab optimis studiis interpellare, quæ cum in publicum prodierint, æternam laudem tibi parient, & nomen posteris commendabunt. Illud vnum omnes, qui tui sunt, à te efflagitant, facitò voti compotes, amabo te, & Constantinum ex animo tibi esse deditissimum confide. Vale, & felicibus fatis viu. E Monasterio Arretarenfi in agro Tricassino 7. Kalend. Maij 1632.

*Epistola ad Gassendum.*

*Doctissimo Philosopho ac Astronomo D.  
PETRO GASSENDO S.*

**V** Ir omninò bonus Gabriel Naudæus, idemque singularis vtiulque Amicus, ostendit mihi nuperas tnas obseruationes, quibus ut video non parum Astronomica rei profuturus appares. Gaudis sum valde, quod temporibus nostris, quæ præcis difficillima erant, obuia sunt arcana Cæli, & quidem luminare maius surrexerat Copernicus, luminare minus Tycho Brahe, additur Galilæus Celestium oculissimum nostrum supponens ingenio; ostiundumque pandens, pet quod extra flammantiâ incenia Mundi longè procedamus ad inexplorata systemata conspiciunda. Adiungeris tu Vir Doctissime sternens viam ac tutiores faciens semitas ne animus immensa peruadens spatia aliquo vel puncto abetretet. Doleo tamen è contra sæculi vices, quod cum felicissimum sit inuentione nouarum rerum, in scholas tamen inuentiones introire non sinit: occupant enim illarum Cathedras olim qui nugaciter philosophati sunt non duce naturâ, sed proprio arbitrato cuncta metientes, tantique præstigiis animos Hominum occupauerunt, eaque obnubilauerunt caligine, ut in somnum aded profundum, suauemque obtusis mentibus ita adegerint, ut quicumque vel veritatis voce, vel facie relique diei perlucidis intrare velit ad istas, statim irâ indignationeque periciti contra dulcis somni impedimentum confluant armati, explosaque luce iterum ad infamem quietem reuertantur. Quapropter vagomur extrâ oportet, donec Deus systema nostrum purget tenebris, habitandumque suis reddat affectis. Obseruationes quidem tuas laudo, cæterisque commendo, ut alias & ipsi capeant. Sic enim fiet ut res literaria tandem ita resurgat, quod vel clausos spontè oculos recludat, ac Pastores Hominum ad meliora pascula ducere diuinum gregem armentumque compellant. Tu interea macte virtutis esto, & cum plura alia rimatus fueris, nos participes facito. Gandeo iterum quod nebulas Aristotelis excusseris, sed quod Epicureas veluti Cæcias ad te traxeris, non satis placet: si enim eas ratione amplecteris, & tu à te ipso non es, rationem habet & Mundus, unde & tua est; ergo non casu regitur: ergo non sine prima sapientiæ ergo non sine Deo, si absque ratione fidem non mereris. Cætera Atheismus triumphatus nuper editus ostentabit. Vale 7. Maij 1632.

*Tuus F. TH. CAMPANELLA Ord. Præd.*

*Nobili atque Clarissimo D. D. PETRO  
GASSENDO Canonico Diuensi,  
& Domino suo multum honorando,*

**CHRISTOPHORVS  
SCHEINER, S. P. D.**

**V** Ccepi tuas, Vir Clarissime, vnâ cum  
in O lteris, munus acceptissimum,  
M m 2 statim

statimque cum magna voluptate perlustraui omnia, & quia aliud munusculum rependere cogito, quod sub manibus etiamnum habeo, idcirco longiore responso adhuc supersedeo. Expediam autem intra 8. vel 14. dies, statimque submittam. Interim te nescire nolui, Dominum Gassarellum legatione sua probe perfunctum, meque officio meo non defuturum. Vale Vir Clarissime inque in numero tuorum servorum esse sinito: atque societatem nostram, uti facis, benivolentia tua protegit. Romæ in domo Professæ 2. Julij 1632.

*Tua Dominationi addictissimus in Christo*  
SERVUS CHRISTOPHORVS  
SCHEINER.

*Clarissimo Viro Sapientia cultori PETRO GASSENDO S. P.*

**E**geram pridem D. Naudæo facultatem faciente, observationes tuas circa duos Solis assecas. Et quantum placuerint, tibi etiam significaræ: cum D. Gassarellus abs te mihi idem munus, aliudque de quatuor fictis Solibus Romæ observatis, me inspectante, mihi obtulit. In utroque diligentiam, exactas descriptiones Mathematicas, & utilitates ex eis provenientes laudo: Aliisq; bonis veritatis amatoribus imitationem earum cupidissimus instaurationis scientiarum ipse commendo. Verum quoniam iudicium completum à me requiritur, respondeo, non mihi placere quod assecas, huiusmodi apparitiones casu temeratio potius fieri, nullo iubente auctore vniuersitatis, nec operante per eas quidpiam, nec adnuntiante. Si enim tu absque ratione hoc doces: Stultum qui tibi credat putabis credo, Si ratione profectò, & Mundus ratione regatur longè potentiori quàm tu, & ratione significet, & operetur, quidquid in eo videmus, oportet. Neque enim nos corpora nostra tanto artificio edificauimus, quantum viz capere, & admirari post diutinas omnium eorum persecutiones Philosophi potuerunt. Sed mens longè nostra præstantior. Puderet quidem te, si in domo tua quippiam te nesciente, displiceret etiam si te nolente, fieret. Cometas ergo & Phænomena tantæ molis frustra fieri ex se Deo nullo auctore, quomodo concipere potes? Vir Doctissime? An putas quædam curari ab opifice rerum, quædam verò negligi? Nec enim volens negliget, sed non valens. Ergo in tanta mole versatus, ut ait Plinius, non potest omnia curare. Sed furoris plenum arbitror eum esse, qui existimat se posse Deum concipere, meliorem aut sapientiore, aut potentiore illo, quem cogitare mens omnis auctorem rerum cogitur inuicissimis rationibus: Et illo qui naturæ præest, ante nos, & ante cogitatus nostros ab æterno. Quasi pars, quæ sumus nos ac mens nostra, possit capere nedum totum, sed supra totum. Nos infinitum apprehendimus: Et quod omnibus supereminet finitum dicemus? Quomodo enim apprehendimus infinitum, apti cogitamus, nisi verè sit? Cogitatio autem non est Atomorū corpusculorū viz Atomum alterum

vnus tangentium. Extendetur enim extra meridia multorum Mundorum si qui essent. Hæc est vacuum spatij immobilis nil discurrantis. Sed mentalis Mundi, qui corporeum & Mathematicum penetrat interius, & ambit exterius absque fine. Quapropter mentem primam effugere posse nihil video. Et ideo quidquid accidit, ratione mentali accidere, quàm si ignotem, non propterea non extat. Nec enim propterea quod mus & culex, nescit scribere & sensum scripturæ, propterea non extiterit qui scripsit. Præterea Mundi constructio, & animalium, & plantarum, & partium vsus, & vis, & notio, satis supérque declarant virtutem hanc primam, quam vocamus Deum. Et nulla res est, quæ non maximè ipsum manifestet, quod si lateret ratio multarum nos, haud propterea non sit. Qui officinà ferrariam iurantem stuporem pueri, donec vsum ferramentorum, & Organorum eius didicerimus. Si natura arte regitur: igitur & Politica. Igitur illi Soles aliquid portendunt, si sine auctore casu quodam non sunt, longe verius ac certius, quàm huius Scripturæ characteres, quoad à meliori artifice mei & illorum, facti sunt. Vale Vir Optime. Vide si quid non rectè dixi in triumphato Atheismo: ac cottige. Vel mecum fatere Soles non casu fieri, nisi respectu eorum, qui vsum ipsorum ignorant. Rectè enim Paulus dixit, ignorantia facit ratum. Vale. Cætera D. Diodato, & Moræo, die 4. Julij 1632.

T. CAMPANELLA.

*Admodum Reuerendo D. PETRO GASSENDO Viro Clarissimo,*  
CHRISTOPHORVS  
SCHEINER, S. P. D.

**I**gnatus est heri Illustrissimus, & Reverendissimus Dominus Episcopus Dinienfis, domi nostræ me assatu suo humanissimo, mihiq; tuam salutationem annuntiavit, atque interrogavit an ruum sub Sole Mercurium viderim? Respondi mihi ante aliquot menses eundem vnà cum literis tuis allatum ab excellenti Domino Gassarello; meque epistola re-scripta gratias egisse. Cùmque is diceret hæc athenus ex me nihil esse acceptum, en iterum respondeo, prout accepto dono gratissimo quas possum ago gratias maximas, compensaturus si potero oblata occasione. Discursus tui erudit ad stomachum fecerunt meum, isti sunt veri, & reales philosophandi modi. Eundem Mercurium mihi inuiderunt naves; quem tamen Cæli clementia indulsit R. P. Ioanni Baptista Cislato in Germania Oenipontani Collegij Societate nostræ Rectori, meo quondam in Mathematicis discipulo, qui in magnitudine ipsius describenda à te non discrepat nisi secundis duobus aut tribus. Eundem obseruauit etià Rubeaci in Alsatia Ioannes Remus Quietanus, Serenissimi Leopoldi Medicus, meus singularis Amicus. Itaque in ore trium tantorum testium, stet statique hoc Phænomenon, Vtinam & Venus simili modo deprehensa fuisset;

fuisset: sed frustra Cali serenitas conatus nostros adiuuit; elusit ipsa insidiatores suos. Venit in manus meas VVilhelmi Schikardi erudita commentatio super tuam epistolam: Promittit Ephemerides, vel potius tabulas Mercuriales, quas si olim vnâ cum hac responsione nancisci potero, multum gaudebo. Romæ enim non extat. Dominus Lucas ab Holstein mihi legendam dedit. Ego Parelia mea nondum absolui, interruptus aliis aliisque negotiis. Vocatus sum nunc à sacra Cæsarea maiestare in Germaniam. Sed locorum mutationes Amicos non disjungunt. Prodiunt nuper quatuor Dialogi Galilei Italice conscripti pro motu Terræ Copernicano stabilimento conscripti, contra communem Peripateticorum scholam: Ibi discerpit measquisitiones Mathematicas, manus irem violentas in Rosam Vrsinam, motumque macularum Solarium, & Solis annum à me inuentum iniicit: quid tibi videret de his? Multis non placet ista scriptio. Ego pro me & veritate defensionem paro. Vale Vir Clarissime, meque tui amantem redama. Romæ in domo Professa 23. Februarij 1633.

*Clarissimo Doctissimoque D. PETRO GASSENDO Theologo ac Philosopho celeberrimo, S.*

**N**on propeant ad te, GASSENDE Doctissime, literæ nostræ, & cum iis publicum diuturni amoris testimonium; quod nupera tua Mercurij in ☉ observatio, calamo nostro extorsit primum, mox & in lucem fecit extrudere perpetua nominis tui observantia. Et si autem nulla antehac inter nos culta sit amicitia, non est tamen quod dubites, quin notus dudum, & amatus mihi fueris, quum toties iucundissimam tui memoriam recolui, cum communi nostro Beekmanno, qui mecum nonnisi summa omnia de te in ore semper habet, animoque verè candido profiteretur. Et huius rei fiducia libertatem cepi scriptum tuum de Mercurio in ☉ accuratè excutiendi, & meis cum considerationibus conferendi futurum sperans ut non ægrè id, sed animo æquissimo feras, qui velitationum philosophicarum, & candidæ veritatis inquisitionis tam strenuum semper te præbuisse amatorem; ut mearum cogitationum quamvis, ad sinceram animi tui rutinam ausim expendere. Videbis inibi latum apertum campum contemplationum Physicarum & Opicarum, quarum dulcedine, mentem istam generosam satures, & inuentis inuenta addendo artem nostram non parum cumules ac promoucas. Felicem me iudicabo si non tam approbarorem te quàm cenforem æquum ac bonum uactus, gloriari porero conatus meos Viris eruditissimis non omnino displicere. Gratulabor quoque mihi si currenti calcari addere contigerit, & in observationibus Astronomicis iam strenuè versantem ita excitare, ut quotidie magis ac magis iis inuigiles. Amaui semper, crede, labores tuos,

*Epistola ad Gassendum.*

ex quo inter tot vulgi ludibria, comperi, vnum reperiri GASSENDVM; qui generoso spiritu ad alta hac, & à facie rerum terrenarum longè remota, aspirare audeat; & aspirando non solum observationes pulcherrimas obtinere, sed & in publicum dare, omnium Astronomorum iudiciis exponenda. Idem nunc spero apud te euenurum laboribus meis, quos in eundem finem, promotionem nempe Astronomiæ, lubens & suscepi, & cum nominis tui omni honore in lucem dedi. Neque excusabo eos prolixius coram te, in quo certar candor animi cum iudicio sincero, & amore veritatis inexpugnabili. Nam si non omnino me fallit animus, habebō non solum Amicum GASSENDVM, sed & gratum erga scriptum istud, & mutuæ benevolentiæ posthæc cultorem haud vulgarem. Quo meo vovo, Vir Clarissime, si ut stuar efficere digneris, & me subinde doctissimo tuo ac iucundissimo alloquio confirmare; dabo operam ne te vnquam amicitia inter nos inire pœniteat, faciamque ut & priuata nostra, & publica studia eius fructum suo tempore hand contemnendum sentiant. Iudicium tuum de Disertatione mea breui expectabo, ut & quæ circa Eclipsin Solis præteritam observasti. Nobis ea Middelburgi rum versantibus neque quoad principium, neque quoad medium aut finem, distinctè visa est; sed ranrum in vna, aut altera phasi, idque ad breue tempus, observatissimam rempestarem. Vale, Vir Doctissime, & me ama. Dabam Leidæ 26. die Aprilis, anni 1633.

*Tuus omni officio MARTINVS HORTENSIVS.*

**CONSTANTINVS  
PETRO GASSENDO Theologo  
Xaiscev.**

**S**æpius tibi significarem meam erga te animi propensionem, ni tibi literas obtrudere viderer, cum paululum abs horis legitimis remittas, ut mearum lectioni vaces. Quæ res me ira deterruit, ut à scribendi paribus omnino defecissem, ni me sollicitasset religio meæ erga te obsequentiæ, cui ut facerem satis ad te misi die 4. Ianuarij, ut ex meis intelligeres ab hoc officio me non resiliisse, neve ferres nominis mei recordationem ex animo tuo oblitteratum iri. Nolim te de rescriptione interpellare, satis supérque mihi est, si meas leuibus oculis legas, & accipias in tui Bourdelotij ædicula sermonem de te fieri plurimum, & in tuam commendationem, qui tui sunt amantissimi, crateras coronare. Scio te esse, qui iis verbis lædi non potes, Vir præditus eximia humanitate, quæ me audaculum effecit, ut te è patria in urbem euocem, ubi expectaris plurimum, velimque, quàm celeritè mihi in precibus occurras, videbis tui literariam libellis commotam, & audies eorum, qui sodalitiis vota nuncuparunt, querimonias, quod Episcopus Bellicensis rem Monachismi rotam detexit, horum quæta sit

M m 3 in



in dies grauior, iamque in Pontificij Legati tutelam, & praesidium confugiunt, vt Theologos Parisienses nimis temeritatis, & audaciae redarguat, quod Guillelmi de sancto Amore librum de periculis nouissimorum temporum typis mandari curarint, vel passi fuerint. Tene hunc virum famosis mendicantium libellis inhumaniter fuisse suggillatum, nec profuisse Innocentij IV. diploma, quo viros primarios Academiae Paris. in suam fidem, & clientelam receperat, & tabulas iure praerogatio mendicantibus concessas resciderat. Legisti in Dominicanorum Chronico summum hunc Pontificem fratrum Litanis intempestiue diem suum obisse, parumque abfuisse, quin de eius salute actum esset, ni sodales preces, & vota praetendissent. Tanti iurgij in causa fuit Euangelium aeternum, seu Spiritus sancti à mendicantibus concinnatum, qui palam, & publice praedicabant Christi Euangelium, completo iam anno millesimo, abrogatum fuisse, & adesse diem, quo Euangelium Spiritus sancti ad meliorem, & perfectiorem vitam vocantis homines, promulgandum erat. Eò inoleuit superstitione, vt difficillimum fuit praepostera iudicia reuincere. Haec est scæna totius rei, quæ apud nos agitur; cum Lutetiam attigeris, plura rescisces. Interea scito benignè, & amanter mecum te facturum, si in ære tuo me numeres. Vale, Lutetia Parisiorum pridie Kalendas Iunij 1633,

*Clarissimo Viro D. D. PETRO GASSENDO Theologo Philosopho, Mathematico eximio,*

ISMAEL BVLLIALDVS S.P.D.

**P**raestantissime pariterque amicissime Diutinae morae vltimas centesimas persolutura tibi se sistit hæc epistola tuamque aduersus nos iustam expostulationem deprecatur; succensere silentio tam profundo iure merito potes, & in me subscribere, nec accusationis formidare exitum. Omnis namque probus, & æquus iudex secundum te dicit, non itaque hæc Prætoris sollemnia metuas, calumniatus es, vel hanc mitiorem iudicij formulam non probasti, neque enim falsitate aut errore laborat accusatio. Conspicunt etiam tecum leges, & in me insuper confitentem, Amicorum testimonij consilium insurgunt, iacni sanè supina nimis negligentia, & torpentri constrictus, sed ob iniuriam illam tuam erga me comitatus, & humanitatis tuæ decoti, & merito factam. Vis damno decidam dupli, vel quadrupli præstatione? Tuis rebus & nostris quid accedet? An noxæ me dedam? me tuum scis. Excipe igitur supplicem oratorem, & serenis oculis meas perlege epistolas. Inchoans autem lætiora auspicia habere non possum, quam ab inuocatione nominis R. P. Marini Metfennii sub vexillis sancti Francisci de Paula stipendia spiritualia facientis, huius sanè Aquilæ pullus generosissimus est; siquidem Patens ille dispo-

lutis corporis vinculis intuitu fixo, nec vacillanti diuinam essentiam rerum omnium in sensationes, & *χαρμηνας ἀπαρτίων* habentem contemplatur, non degener filius in conuenientibus oculis illas rationes quas *ἀρχαῖον* oculo corporeo cernere nequit, scrutatur & rimatur *ὑπερσπασίαν*, & *ὑπερσπασίαν* in omnibus rebus, quarum signaculo informatæ suum esse à Deo conditæ participant. Piget me tandiu hinc Viro ignotum Parisijs vixisse, cum etiam anno superiore per te ad illum aditus pateret. Inexhaustæ scientiæ & sapientiæ thesaurum in peiore gestat, fucatam illam scholatum, & corymbis quardam distinctiunculum cinnatam aduerfatur; quæ sanè non veritatem inuestigat & perquirat, sed quibusdam argutijs veluti præstigijs aufusculantium animos petcellere conatur, & contendit dum antiquas & sanè antiquandas opiniones ne dicam errores tuetur barbaris verbis sui auditores perturbat, dumque intelligi non vult, aut se explicare nequit abstractas, non solum à rebus singulæribus, sed ab ipsa etiam veritate formas curiosæ & sollicitè confingit. Paucis tecum agam de illis, quæ primis nostris congressibus leui velitatione tractauimus. Triquæ tantum in præsens præcipua edisseram. Cum itaque primis colloquijs verba fecissemus de motu grauium deorsum causasque quæ hissemus, quate motus à principio tardior processu velocior fietet, quas debiles vel nullas, vel sibi contradiçentes Scholastici peni sua expromunt. Ad Physicas simul, & Geometricas rationes confugiendum esse necessarium duxi, demonstrationemque totam, vt mihi videtur confeci, assumpto illo Copernici Lemmatio quo probatur ex duobus circularibus motibus rectam lineam describi posse, hoc sanè habeo quod & obseruatis, & accuratè experientia perquisitis hypothesis mea aliquo modo satisfaciatur, ostendo enim graue corpus necessariò moueri tardius in initio, quàm circa finem, ex qua præterea consideratione aliquid ad Terræ mobilitatem pertinens deduci posse spero. Secundum argumentum non minus iucundum quod diffusè etiam tractauimus, tenuit me occupatum in inquirendis causis cur elateres compressi, & postmodum laxari ad suam redeant formam, totam sanè rationem refundo in odium illud, quod vnumquodque abhorret à duorum contrariorum simul passione. Atque ad eò cum elateres æqualitatem, & inæqualitatem simul patiantur per extensionem, & compressionem partium æqualium, ad formam vim naturæ non facientem statum se reuocant cum externa violentia cessante non amplius impediuntur. In eo autem argumento optimum visum fuit de fractione, & flexione differere, & vtriusque tum definitionem cum causam pro capto nostro explicare. Tertium difficillimum est, & sic se habet, experientia constat, auræque absque errore diiudicant, non tantum fides, & chordas Musicorum in instrumentorum, sed & tubos Organicos, sonos grauiiores, & remissiores spirantes, duplicem simul tonum spirare, & emittere, ordinarium seu proprium, & præterea Diapente supra Diapason, vel vt vulgò dicunt quintam supra octauam. Quàm hic nodus explicatu

plicata difficilior quam ardua causarum inquisitio? te ipsum experiri velim tam fidibus quam organicis tubis, & non solum mirari, sed etiam aliquas causas exquirere, spero me aliquid Physicæ & Geometricæ demonstratorum per Cylindrum & Conum ei in scriptum assumpta consideratione motus ætæris cuius impulsu sonus erumpit; de his prius te monitum volebam quam ad alia transirem.

Gratias tibi maximas habeo, pro tanta tua humanitate & cura, quas adhibuisti in communicanda observatione Mercurij per te Radio Astronomico deprehensi. Ne autem munus tuum honestissimum in tertiam sterilem cecidisse videretur, colono suo ingratam; rependimus vnam nostram observationem & ad te dirigimus Veneris nempe in cornua gracilescentis visæ per Telescopium propè Stellam quæ est in II sequentis seu Pollucis humero sinistro, & præterea locum Mercurij ex distantijs Fixarum deductum solutione triangulorum sphericorum, vtrumque & observati & loci calculum, & Veneris observationem factam appendicem qualemcumque huic epistolæ annexum & appensum invenies. Expectamus interim antecedentes & consequentes Mercurij observationes, observatus a te & locus discrepat à calculo Tychonico, Rudolphino, Adriani Vlacci tribus, gradus vnus, quadrantibus, Veneris observatus per me locus illi fermè consentit si per otium vacuerit, Tabulas Tychonicas, Longomontani & Lansbergianas consulam vt consensum vel dissensum illarum videam.

Legisti libellum Hortensij quo tecum agit de Mercurio, mecum longas duce querimonias de discrepantia Keplerianæ hypotheseos à Lansbergiana, & dissensum tantum in assignandis Veneris nodis plange. Nam dum 7. Decembris, anno 1641. Solem subitutam prædixerat Keplerus, illam deprimat Lansbergius ad Austrum vno gradu cum dextante aut eacozela has inducit differentias, quæ sibi novitatibus gloriam struit, aut observationes vitiosas esse & dissonas fatendum est. De Tychonicarum observationum diligentia & fide nunquam dubitabo, & famæ & veritatis impendio studiosior erat Atlas ille. Et sanè cum Longomontano in Lansbergium & Hortensium acerbè inuicere possem & iure cotriperè qui magnum Tychemon criminantur de falsò inducta variatione motui Lunæ æquando quam somnium & merum figmentum asserere audent præceptor & discipulus. Sed ambæ nostræ observationes, (etsi in aliquot octo ad summum scrupulis discrepent) coniunctio Lunæ cum corde  $\delta$  satis probant aduersus illos variationem Tychonicam omnino necessariam esse ad Lunæ motus veros adipiscendos. Tota hypothesis Lunaris Tychoonica mihi retinenda videtur modò angulus Epicyclicæ æquationis reducat extra syzygias non ad centrum eccentrici, sed ad centrum Telluris. Illud enim absurdum in explanatione huius hypotheseos notauimus & meminimus olim me hoc monuisse. Miror qui tanti ac summum artifices aut non viderint, aut cognitum non correxerint, vnus trianguli so-

lutionem molestam effugisse videntur.

Non possum non mirari Kepleri meditationes de Physicis illis æquationibus, & quo pacto motus (varios vnico contentus eccentrico variabili explicare queat, fatetur esse motus reales & Physicos, concedat etiam per veta & realia spatia fieri, quorum dimensio à Geometrica dependet, non autem demonstrabilis est illa virtus magnetica Solaris, quæ Planetas trahit Sol pro modulo suæ distantæ ab illis, quam induxit Keplerus, equidem si Planetæ essent corpora cum Sole homogenea, concederem fibras suas ad fontem illum luminis semper dirigere. Dico amplius quod non solum versus illum tenderent, sed ipsi tandem vniretur, sicut enim Terra trahit congenæ, ita & Sol sibi homogenea ad se trahit & contineret vel à longo tempore contigisset omnes Planetas sed & Fixas Soli vniri & cum Sole ferri quod nec vidimus, nec viderunt maiores, nec posteri expectare debent. Astronomia sanè & Geometria semper has hypotheseos & physicas motuum æquationes, quæ demonstrationes Geometricas excludunt vt mera somnia reiciunt. Standum est huic axiomati, cælestes motus circulares esse simplices, & ex circularibus compositos, & hanc observationem ellipses illius respuo & repudio nisi per Epicyclum Coperniceum aut Tychonicum describi velit. Facile enim demonstratur descripta ellipsis assumpto circello cuius diameter æqualis sit differentie axium Ellipseos, & Planeta duplam in illo revolutionem facere intelligatur, interium dum epicycli centrum in orbe magno semel reuoluitur.  $\delta\iota\alpha\ \tau\eta\ \nu\upsilon\tau\ \iota\sigma\tau\alpha\ \delta\epsilon\iota\epsilon\ \kappa\alpha\lambda\omega\mu\epsilon\iota$ , dies diei cruciat verbum & nox nocti indicat scientiam, quis exhaurire vnquam poterit omnia illa quæ quotidie noua se produunt? Antiqui Venerem infra Solem semper currere asseuerarunt & docuerunt, & omnes secuti sunt ad Copernici ætatem. Ante annos triginta sphericam semper credita est emitte lucem, & faciem globosam versus Terram ostendere, Tubus opticus deregat illam proprio carere lumine, & corniculatam versus Terram descendere. Quis maculas in Sole viderat & tales non Planetam Mercurium docuerat, Galilæus & Apelles & infiniti alij viderunt & quotidie vident ipseque superiore anno excepto Solis lumine per foramen maculas grandiores notauimus mensibus Augusto & Septembri. Vnum & alterum subnectam, audieram à Domino Luillierio Galilæum vocatum decreto sanctæ inquisitionis, vt ad accusationes responderet, quæ obiciebantur ei tanquam aduersus Religionem Catholicam, & auctoritatem sanctæ Sedis Apostolicæ hæretica quædam scripserit in libello suo de Terræ mobilitate, stupebā & dolebam vicem huius optimi & doctissimi senis, sed gratissimus mihi fuit nuntius, qui Galileum ampliatur non solum sed & absolutum dixit, nunquam persuasum habeo sanctissimum Dominum nostrum ac beatissimum Patrem Papam Christi vicarium ad ea, quæ ad Fidem non pertinent clauum potentiam extendere velle, sanè si Sanctæ Scripturæ, vel decretis summorum Pontificum aut Conciliorum Canonibus aduersaretur illa de motu Terræ opinio, quæ

studio illam ut verisimiliorem, & naturæ rerum magis conuenientem tuor, tanta non solum facilitate amandarem, sed & contrario affectu execrater illius auctores perfectiôque odio prosequer. Cerrum est enim, quod Beatus Hieronymus ad Beatissimum Damasum Papam scribens spiritu Catholico omnes docuit, qui tecum non colligit, spargit, id est, qui non est Christi, est Antichristi. Verum quænam fit iniuria Christo, vel Ecclesiæ, vel Pastori Ecclesiæ Oecumenico, an blasphemam in sacram Scripturam, qui docet Terram moueri, quis vel leuiter in Philosophicis, & Theologicis tractatus non vider Scripturam Sacram vbi cumque de Terræ stabilitate loquitur commodissimè posse intelligi, vel de duratione, vel partium coagmentatione aut soliditate, quæ cæteris Elementis denegata est; vti nam S. Sedis Apostolicæ, & Ecclesiæ spiritus semper verus scientiarum, omnium fundamenta, & principia nobis reuelaret, causas incognitas patefaceret non amplius dubiis propemodum infinitis agitari fluuaremus; sed quæ saluti hominum sufficiunt perficere saragit, dum supercælesti fidei lumine mentes nostras collustrat, & per vias rectas deducit, cæteræ scientiæ indultrix humanæ naturali lumine instructæ commissæ sunt; scio Zachariam Summum Pontificem circa annum Christi 745. Virgilium Salzbürgensem Episcopum decreto damnasse, eò quod doceret Antistes ille Salzbürgensis Mathematicas pro tempore illo rudis, & ignaro doctior Antipodes esse, qui aduersus veltigiis nostra premerent; cur damnauit Zacharias Virgilium? Credo sanè non idè quia simpliciter doceret esse Antichrionas, sed ex eo fortè quòd duos Christos induceret, quod blasphemum, & impium est. Iure merito damnaremur omnes quorquor mobilem Terram asserimus si huius dogmatis vi, aliquam hæresim (quod absit) aduersus fidem Catholicam astruere cuperemus.

Alterum & vltimum te commonefaciet me prolixam, & amplam epistolam à Domino Christiano Longomontano accepisse Hafniæ scriptam prid. Kal. Aug. anni 1632. reddidamque mihi post longos errores die Maij 28. anni currentis, acerbè corripit Lansbergium & Horrensium, ob illorum calumniosas accusationes, in Dominum suum & Herum Tychonem Braheum, illòsque Viros mendacissimos appellat, monet me quædam de Martis motu, & ad illius Planetæ stabiliendam hypothesim partem eccentricitatis Solis assumendam esse affirmat. Gratum erga te animum gerere profitetur maximæque gratias rependit pro munere misso, & oblato quod magnificè miraturque, & iure merito tuam solertiam in deregendo Mercurio, libellumque cyclometricum, honestum rehosimentum ad te mittit, quem vñ cum epistola transscripta habebis breui vbi per otium licuerit. Ex tuo natalitio systemate, ingenium tuum Mathematicum sapere pronunciat, sagacitatem ingenij significare Saturnum in domo ☿ illam Stellam inuentem, & Mercurium in prima domo recipientem, similiter in mea Genesi trigonum ☿ & ☿ & Mercurij ad Saturnum sextilem in

Mathematicas speculationes propensum denotare, Vale & me tuum semper etcde. Scribebat Lateriæ Parisiorum 21. Iunij anno 1633.


*Tua Dominationis Observantissimus*  
ISMAEL BVLLIALDVS.

*Observatio PETRI GASSENDI facta anno 1633. Maij die 16. Post occasum Solis Aquis-Sextijs Radio Astronomico in tangentes distincto.*

Distantia Mercurij à Capella grad. 20. 58. min. 40. sec.

Ab humero dextro aurigæ grad. 10. 45. min. 0. sec.

Capella his temporibus occupat iuxta Braheum  $\Pi$  16. grad. 44. min. 24. sec. cum latitudine Borea 22. grad. 50. min. Humerus dexter Erichthonij  $\Pi$  24. grad. 56. min. 24. sec. cum latitudine Borea 21. grad. 27. min. 30. sec.



Sit colurus Zodiaci, seu transversalis  $ABCD$ . Zodiacus  $BEFGD$ . Locus Hirci in Zodiaco  $E$ . Locus dextri humeri aurigæ sit  $G$ . Polus Zodiaci Boreus  $A$ . Datus est ergo angulus  $EAG$ . 8. grad. 12. min. Latus  $AK$ . Complementum latitudinis Hirci 67. grad. 10. min. Latus  $AI$ . Complementum latitudinis dextri humeri aurigæ 68. grad. 32. min. 30. sec. Ex datis igitur lateribus  $AK$ ,  $AI$ , cum angulo ad  $A$ , dabitur latus  $IK$  7. grad. 43. min. Et angulus  $AIK$  78. grad. 13. min. 20. sec. Item in triangulo  $HIK$ . Data sunt omnia latera, dabuntur etiam anguli scilicet  $KIH$ . 81. grad. 30. min. 43. sec. qui iunctus  $AIK$ , exhibet  $AIH$ , 159. grad. 44. min. 3. sec. Iam in triangulo  $AIH$ , habemus latera. & præterea angulum  $ADI$ , habebimus ergo latus  $AH$ , 88. grad. 15. min. 20. sec. Et  $FH$ , latitudinem ☿ Boream grad. 1. 44. min. 40. sec. At angulus  $HAG$ , erit 6. grad. 38. min. Ergo ☿ locus in  $\Pi$  18. grad. 17. min. 44. sec.


Calculus Prutenicus Origani statuit illum in  $\Pi$  grad. 16. 36. min. cum latitudine Borea 2. grad. 16. min. Calculus Tychonicus Rudolphinus Adriani Vlacci Götiani in  $\Pi$  grad. 17. 29. min. Deficit ergo Prutenicus à Cælo gr. 1. 41. min. 44. sec. In longitudine, at in latitudine 31. grad. 20. min. excedit. Tychonicus 48. grad. 44. min. at in latitudine.

*Observatio*



*Observatio ISMAELIS BVLLIALDI  
facta Parisiis anno 1633. Majj die 26.  
Post occasum Solis hora 8  $\frac{1}{4}$ .*

Anno 1633. cū mensis Maij die 28. ad Meridianum Parisensem collocaret calculus Prutenicus Meridie illius diei ♀ in 26 grad. 18. min. 31. cū latitudine Borea 3. grad. 4. min. à die 25. quāsuimus ♀ Telescopio vt coniunctio illius cū Stella, quæ Tychoni in sinistro humero seq. II occupabat tunc temporis 26 grad. 18. 17. min. 20. sec. cū latitudine Borea 3. grad. 3. min. Die itaque 26. cū sonare Horlogium R.R. P.P. Iesuitarum tres quadrantēs post horam octauam à Meridie, hora scilicet 8 $\frac{1}{4}$  animaduerti ♀ iam cornua præbentem quorum acumina Terram versus dirigebantur diducto rubo ad extensionem mihi consuetam duorum fere Pedum Regionum addē vt basi Coni, seu Pyramidis in pari extensione totum ambitum ante dies quatuor fere caperem, hunc itaque Planetam considerari ad limbum basis coni applicatum, & reperi supra se habentem Stellam illam non procul à centro circuli apparentem, sed in azimutho Orientaliori, & almicantharæ superiori, vnde quantum Telescopio assequi possumus simplicī estimatione æstimauimus ♀ in magno circulo distitisse à Stella scrupulis 18. ad summum, at azimuthum ♀ occidentalium fuisse 8. min. vel 9. min. & Venerem australiorem ipsā Fixa. Ecce figura obseruationis



Circulus illuminationis tubi optici in con-  
vexo vitro *EFGI*.

Stellæ locus visus  $A$ . Azimuth fixæ  
 $FAD$ .

Azimuth  $\varphi$  IB, Venus B.

Distantia azimuthorum *D B.* 8. min. vel 9. min.

Distantia Stellarum in circulo magno 18.  
min. nempe  $AB$ .

Distanzia altitudinum  $AD$ , 15. min.  
fermè.

Calculus Prutenicus statuit ♀ in ☿ 17.  
grad. 23. min. cum latitudine Borea 3. grad.  
8. min. Sed multò prouectior erat in ☿ grad.  
18. 2. min. vel circiter & latitudo Borea 2.  
grad. 48. min. fermè.

Adriamus Vlaccus ex Rudolphinis habet ♀  
in ☿ 18. grad. 21. min.

*Admodum Reuerendo atque Clarissimo  
Viro D. PETRO GASSENDO  
Theologo & Canonico Dinienſi S.*

**A**dmodum Reuerende atque Eruditissi-  
me Domine,

Latentem illum occultumque Magnetis ad  
Magnetem consensum, & *tas idiomata apparet*,  
ut cum Philosophis loquar, sicubi semper; sic  
potissimum tamen, dum nos suavissima sua  
præsentia, & Magnetica quadam *doctræ* con-  
versationis suæ extasi defixos Aquis-Sextis  
teneret admiratus sum,

*Magnus enim Magnes, Magneta trahendo  
minorem*

*Sympathico nexu iunctis utrumque simul;*  
adde acutè & efficaciter, vt ab eo congressit  
vitali communicata virtute animator factus  
nescio quid impetus ac violentiæ, quâ post  
se moueri me experior, sentiam; tantum valet  
Heracleotica illa catena; tantum Magneti-  
ca illa similium mentium *Μαγνητικῆς καὶ τῆς  
Λογικῆς συνήτης*, verum illud Sympatheticum à  
Pythagora quondam celebratum tetrachardum,  
quo resonante nulla locorum interca-  
pedo mutua similium mentium ac ingenio-  
rum *συμπεπαισμένη* impedire posse videtur. Sensit  
hoc quantum Plato dum vna maximè causa  
amorem necessitati præferre quod illa propinqua tantum, amor etiam diffusa possit con-  
iungere. Senserunt etiam hanc virtutem vel  
ipsæ literæ, non tam missæ, quàm à Cl. D. V.  
longo locorum intervallo diffusa ad se eminus  
Magnético veluti actû attractæ, affectus, ob-  
sequij, desiderijque omnibus in rebus ei in-  
ferendi indices. Verùm ne fortè à tam po-  
tenti Magnete plus æquo abstractus digrediar,  
ad scopum reuertar. Nosse forsan desiderat  
R. D. V. quid modò geram? quibusve dis-  
tincere? vno verbo dicam, multitudo occupa-  
tionum me non tantum obruit. Ex vna parte  
quidem me, Primitiæ Gnomonica Catoptri-  
cæ, quas ad Amicorum meorum instantiam,  
prælo ante discessum meum subdere sum eo-  
actus, mirum quantum destinant. Ex altera  
parte in explicatione Barachiana in fauorem  
Domini nostri de Peiresk inceptâ desudans  
summosque exanthlans labores, sub onere  
propæfatisco. Accedit preparatio ad iter adeo  
longum quale hinc Viennam in Austriam,  
quod post solemnitatem Assumptæ Virginis,  
Deo auspicante vnà cum D. de la Vallète in-  
grediar; accedunt denique quotidiani Amico-  
rum congressus labores augmentantes, quibus  
adeo premor vt vix liris feribendis idoneum  
tempus reperiam. Ad obseruationes potè  
quod attinet, ego vt ingennè fatear didici de  
causis hæctenus eis inuigulare non liceat. Nihilominus quod vltimam Eclipsim concernit,  
comprehensum est sedula computatione à Do-  
mino Tonduti huius negotij exercitissimò  
Viro, & me quoque, illam Tychonico calculo  
nequaquam quadrare, ita quidem vt tabulæ  
Tychonis Lunares (quod in Viro, & ingenio-  
sissimo, & exactissimo quispiam non immerito  
mirari posset) interiores repererimus, quàm


Multi putent; comparatione quoque facta cum Prutenicis & Alphonsinis, has exactiones deprehenderimus. Sed nuncius festinus, & iam petusatus mihi omnem ea fusiùs perferibendi occasionem adimit. Ceterum etiam atque etiam rogo R.D.V. ne impostum ab incepto semel litetarum commercium nos locorum intercedendo absterreat. Imò sibi persuadeat velim eam amicitiam tantò esse gratiorem, suaviorèque quantò maiori intervallo distiti fuerint eam sincerè colentes. Ego enim si vel repeteret inter Austrios Philosophos, & Mathematicos aliquid vestro ingenio dignum, sincerè spondeo, ac sanctè polliceor; me pro ea quam erga V.D. gero animi propensionem communicare nunquam intermisurum. Quod & de R.D.V. idem spero. Atque hinc me R.D.V.SS. facticiis humiliter commendo. Valeat atque iterum valeat, Auenione raptim 10. Iulij 1633.

R. D. V. Servus in Christo humilissimus,  
& propensissimus ATHANASIVS  
KIRCHER Soc. IESV.

Misi semel R.D.V. librum meum, quem inscripsi Primitias Gnomonicæ Catoptricæ, si absoluta fuisset impressio, nihilominus ubi absolutus fuerit, eum etiam post discessum meum, R.D.V. transmitti curabo. D. Priorem à Bompas, nuper ferè nobis abstulisset colica passio; gratiæ pro longiore vita viri Reipublicæ literariæ utilissimi.

Admodum Reuerendo atque Clarissimo  
Viro D. D. PETRO GASSEN-  
DO Canonico Dinienfi Domino suo  
plurimi honorando,

CHRISTOPHORVS  
SCHEINER, S. P. D.

 Vas ad me nonis Maij dedisti gratissimas, accepi mense Iunio, quantum recorder. Acuit industria tua torpore meum, accensus sum ut par pari refundam, hoc est, ut observationem meam Eclipses Solaris Romæ factam, remitterem; quod cur hæcenus non fecerim; obstitit penuria temporis, dum ad discessum perdis & pernox occupor. Hæc vna eaque gemina, & sola causa obstitit, cur tuis humanissimis scilicet & accuratissimis literis non responderim: Vellè enim aliquid, si non tam exquisiti, saltè non ineruditi laboris rependere. Tu ergo pauxillū patiētiae habes, & omnia compensabo. Interim ad manū, & oculos habes P. Athanas. Kircher, qui etiam memoriā mei sua excellētia obliterare poterit. Alias præter has literas in præsentiarū tē non accepi. Observationē hanc cum D. Campanella communicabo. Ego cōtra Galilæum mearū inuentum inuasorē altera nunc vice me defendo. Obstupesco, quā homo fronte tantum dedecus consicere sustinerit. Videbis olim & miraberis, ubi defensionem meam perlegeris. Interim orbem tuis accuratissimis observationibus erudire ne desistas, ut exemplo isto suscitati multi sequantur. Vale mei ad Deum memor. Romæ in Domo Professa 16. Iulij 1633.

MICHAEL CONSTANTINVS  
PETRO GASSENDI Theologo,  
S. P. D.



Vas à te accepi literas, mi Suauissime GASSENDE, magnam in animo meo pepererunt voluptatem, cum ex iis intellexi me tibi esse cordi plurimum, idque non merito meo, sed tuo benefico ingenio, quod mirari non desino ob illam, quæ in eo inest, tranquillitatem. Magni sanè fuit Philosophi summam animi quietem tantā curā, tantæque opetā sibi comparasse, ea est, quæ malum me mouet, & singularis doctrina, in qua eluces, & eruditorum amore in te concitas, meque totum incendis, qui in media tutba, & grege nondum locum teneo. Scito tamen me semper duxisse, si nihil ad te datem literarum, me non esse extra noxiam, & religione impediti, donec huic muneri facerem satis. Velim tamen credas non eo consilio ad te scripsisse, ut è tuis eliciam, sed ut ratum habeas meæ erga te obsequantiae pignus, & quos in vrbe nostri tui studiosissimos, tuo aspectu, tuoque alloquio propediem exillares, quibus rem gratissimam facies, si veterem ac prisecam Physiologiam typis mandes. Hoc à te cōflagitant, quos veræ & germanæ Philosophiæ nimia sitis vrit. Interea vereor, ne re diutius detineat soli Natalis aua, & charissimorum amor, & quorum amplexibus auelli æquo non patieris animo, cum illie præceteris habeas tuum Peiresium, Musarum decus, & Literatorum præsidium, cuius suani consuetudine mitificè caperis, & tanti viri genio indulges, qui varia, & singulari retum suppellectile oculos pascit spectantium, & lectissimis sermonibus Doctorum reficit animos, tuas amceno rufculo vehementer oblectaris, & miraris tui Peiresij opatis respondisse ipsam naturam, quæ huius plagæ angulum tanto adornauit splendore, quasi omnia studia in eius cultum contulerit, tanto Hero ac Domino factura delicias. Nullum finem facerem prædicandæ domus Gratiæ sacrae, ni modum epistolæ excedere videret, cum in hoc scribendi genere de Amicorum salute, & negotiis de more quaeratur. Quare si res tuæ in tuto sunt, & bellè te habes, redi ad tuos quàm celerrimè, resciscas grauem esse *τὴν φασονίαν ὅτις τὸν πρῶτον contentionem, eorumque animos in dies magis exulcerari, nec villam, quā delinquantur, adhiberi medicinam. Diu dolent & conqueruntur ei γὰρ, ὅτι διδόντες τὸν φασονίαν, nouos & peregrinos ritus induxisse, nec fas fuisse eorum reclamarere erotibus, & damnare hæreses. Eam querimoniam satis probat prima dies huius mensis, quæ multa signa τὸν συνιστάει* dedit, & ostendit *ἀπολύμπτον, ὃ ἀντικατεῖν τὸν τῷ τῷ διδασκάλῳ συνιστάει*, & verenda *τὴν φασονίαν* pallia, dum vtrique scenicam sapientiam ostentant, histrionicam agunt, & luce clarius apertius mentis humanæ vitia, inscitiam nempe, & superbiam, quos in scopulos facile se dat præcipitem, qui scientiæ, & sapientiæ primas

primas sibi arripit, nec se, nec hominem nouit, cuius est errare & labi. Hæc me docent humanissimæ tuæ literæ, & Academiæ forum Sophistarum disceptationculis perstrepere, idque esse solum doctissimis Viris ingratum, pingue verò, & opimum tabulariam exercentibus, quæ capiuntur adolescentuli, in eamque curam incumbunt cum è palæstra literaria Patrum subsellia conscenderint, ut vniuersus Orbis perpetuo laboret dissidio, quo cunctis in rem dissidentium irruant, suamque faciant. Vetera me conquierevetant præsentia & viua exempla, quæ movent hominem homini esse lupum. Eamque ob rationem nemo probus non luget perditos hominum mores, ac præposteram mentem, & illam persequitur lætiam, per quam quies animi comparatur, & sedem seligit, in qua tranquillo otio dies transigat, cumque sui amantissimis sermones & iocos conferat. Nosti Lutetiam esse literatorum domicilium, & in ea paucos è plurimis seligi, qui moribus & naturâ clarissimorum Philosophorum non sint dissimiles, cum quibus ineunda est vitæ societas. Illic qui tui sunt, te interpellant, & tibi litem intendunt, nisi apud nostrum Bourdelotium te sistas propediem, in cuius zdicula fœdera solemnî sacramento ferierunt.

Dixi tuis verbis plurimam salutem suauissimo Alberto nostro, qui Academiæ dignitatem iam ptope senescentem pristino splendore restitui curat Regis Christianissimi munificentia, & amplissimi Cardinalis Richelij consiliis. Prodiit Aurelij acerrimi ingenij viri Anæreticus aduersus Sirmondî Antirheticum de integritate primi canonis Concilij Arausiacani. Sunt, quos magnopere torquet ea controuersia, & Sirmondum ab Aurelio malè acceptum fuisse, & hæresi notatum, quod christianæ confirmationis sacramento detrahit. Aurelius vt est vir acutissimi iudicij, reber sententiis, grauis rerum pondere, ludit Sirmondum, tanquam imparem pugilem, eiusque ridet orationem cum pigmentis, & fucis pene puerili. Hæc sunt iurgia nostri fori, mihi quæ sunt de Gassatello quærelæ, ad quem si scribas, velim cum moneas esse memorem, quam personam sustineat, ne in posterum, mimos agat, neve se, suosque ludibrio haberi ferat. Quas enim ad suos scribit literas, fidem faciunt nullius esse falsi hominem, & sannonis olent ingenium, precor illi saniorum mentem, & tibi prosperam valetudinem, meque, vt soles, ames. Vale, Polliaci in agro Melceduncensi, pridio Nonas Augusti 1633.

PETRO GASSENDO,  
GABRIEL NAUDÆVS  
S. P. D.

**B**onitas à te nuper accepi, Doctissime GASSENDE, cum vnas tantum expectarem literas, sed quæ tamen plura mihi significarent de te, de Luillierio vtriusque

nostrum deliciis & cotulo, de Epicurea Anastasi, & de singulari illo certamine, quod paulò ante meum è Gallia discessit cum Armigero Londinensi susceperas; quàm vnquam vsquam ex illis duobus & geminato vrbani-tatis tuæ officio excerpte poterim, aded nempe occupatus es in orio vt mecum iam Laconicè quædam tantum insulstures, ac veluti furtim & per scitulum effutias, de quibus cum antea simul essemus prolixos equidem sermones miscere consueuisti. Papæ 1 quæ tanta mutatio est hominem Philosophum Parisiis otio disfluere, Dinia verò vel Aquis-Sextiis aut potius ruri degentem, temporum angustias vrgeri, negotiis premi, & nondum sibi diem vnum vindicasse, quo vel homini amico nobilissimo studioque studiorum, & opinionum communione deuincto pectus suum denudare vel datam fidem liberare posset! fidem enim si nescis aut potius si oblitus es, quam superioribus ad me tuis oppignerasti, de iudicio & censura responsionis illius quæ defensionem tuam pro R. Patre Marino Merfennio Fluddus excepit, nunc requiro. Nec tantum te interpello vt bonum nomen esse non desinas, sed hoc insuper abs te peto vehementerque contendo, vt me vel de nugis etiam & rictu illius tibi certiorcm facias, & omnino quæ mihi si coram adesses exponere velles, ea ne graueris in chartam cuiuscumque modi fuerint conicere. Probè siquidem nosti me quoque istud facere solitum fuisse; ac sæpius quæ præsentî vix narrarem ea perscripsisse, nempe charta meo iudicio minime est inter amicos præscindenda, aut quod Oraius noster Tubero Religioni sibi esse dicit, prima tantum facie depingenda quasi Sinensium more nunquam ad aduersa membranarum parte uobis scribendum esset, vel literas ipsas ex Demetrii præcepto turpe foret sinistram legentis manum adimplere. Quare si me audis quod tibi dabitur à seniori Musarum cultura subiectui temporis hoc totum in gratissima literarum cum amicis vicissitudine esse impendendum arbitrabere, sanè quantum ad me atinet non committam vilo modo vt occupationes meæ, quæ non magnæ illæ quidem, sed interdum tamèn multæ sunt, cogant me vnquam minus erga te officiosum esse quàm vellem. Imò verò quod Mercatoribus interdum vsu venit vt si merces vasa non explent scenum atque cannabem & scruta infertiant, ita ego cum non supperet res dignæ scriptione, quæ scis ipsa tulerit & obuia quæque arripiam, ne tecum paria fecisse non videar, aut aliquid ex antiqua mea consuetudine liberius cum amicis meis confabulandi remisisse. Sed ne te qui satis tuapte natura rerum cæterarum memores, de hac vna quæ tibi forsitan aliis quàm vlla cordi semper infedit admoneam. Age, mi GASSENDE, paulatim ad eam quæ magis me versat & coquit sub pectore curam descendamus, ac demum illis tuarum literarum capitibus respondebo, quæ mihi videntur maxime responsum flagitare. Recordaris igitur opinor, quanto quamque incredibili desiderio non te solum, qui mihi sem-

per



per non minus quam tibi ipsi carus extitisti, sed omnia tua, & egestia præsertim, quæ tu subinde literarum monumentis consignare solitus es animi tui sensa fuerim vel ab inualescente iam inter nos mutua necessitudine profectus; quare postquam mihi cuncta illa, quæ dum adhuc suauissimæ tuæ consuetudinis fructu oblectarer scriptis mandaueras, vel post meum à Gallia discessum publicæ hominum luci commisi, reddita mihi eùm à te ipso, tum etiam ab amicis fuerint, sola autem quam re verisimile est omnino nuper ad R. Fluddum excudisse responsio diligentiam hanc meam sefellerit. Amabo te, amicorum suauissime quoniam istud fato vel potius errore factum fuerit parumper apud te diiudica: & si nihil quidquam vlla mei in te officij ac obsequij cessatione commerui, si nihil peccavi, quod mihi tam graui & acerba poena luendum fuerit, fac oro te atque obtestor, ne istius tuæ responsionis expectatione diutius macerer, aut quod ipse Fluddus ad primos tuos volones repoluerit ignorem, quod equidem si me hæcenus latuisse dixerim, res tibi erit non admodum creditu difficilis, qui sacris Ecclesiæ sanctionibus damnata pridem aduersarij tui volumina, nonnisi difficulter & cum summo vitæ ac fortunarum discrimine istuc à Mercatoribus deferri posse, etiam si vastissima mole non præpedirentur, aut adito reliquis etiam omnibus propter contagij metum intercluso, satis ipse iam intelligere potuisti. Deinde verò eùm me quasi testem assiduum habueris eorum omnium, quæ sub initium istius vilitationis à te gesta sunt, nunquam opinor cogitatione consequi posses, quantum me pruritus quidam vrget quò tandem modo ipsa composita fuerit intelligendi. Vix enim adducor vt credam quod

*Hi motus animorum atque hac certamina tanta*  
licet inter apes vetè Palladias & mellifices enata

*Pulueris exigui iactu compressa quiescant.*  
Verum postquam mihi semel frontem perfricui vt tecum audacius de multis rebus, quæ ad studiorum & otij tui literarij rationem attinent pertractarem. Age currente iam atque incitato calamo vt valeat Epicurus tuns, vt adolescat; vt ratiocinetur: vt se ab improborum & ineptorum calumniis defendat; vt tibi atque amicis placeat; vt typographos vrgeat, vt publicum denique fauorem expectet paucis exequere. Ista siquidem, de quibus attentus nonnunquam cogitare soleo, animum mihi haud mediocriter sanè perturbant tot difficultatum in dies succrescente materia, sed hoc præ cæteris me sollicitum detinet, quamobrem fiat quod in alto illo tranquillo secessu, quo nunc perfrueris, in hac profundissima pace & quiete, quæ tibi stimulos acres ad istud operis perficiendum addere debet, cessas nihilominus & inducias quæris quasi aliorum negotia tractare deberes non tua, aut corporis potius quam animi laboribus tibi foret incumbendum; quod certè quàm iniquè facias aut parum in rem

tuam & literariam consultè tum demum intelliges eùm forsan non erit amplius huic morbo remedium. Neque est quod Venetiis istud commodius quam Aquis-Sextiis absolui posse tibi persuadeas, nam si tibi nunc in solitudine viuenti deest otium, deest tempus quod eiusmodi cogitationibus impendatur, qui precor superflue poruerit, in hoc celeberrimo tot mercium totque nationum emporio, vbi nec Argus sat oculorum haberet rebus speciosissimis perlustrandis, nec Briareus sat brachiorum pertractandis. Sed Patanium fortè cogitas vrhem illam Academicam si quæ alia vnquam in Orbe extiterit & studiis florentem ignobilis otii. Verum quid opus est tot maria tranare, tot pericula subire vt otii illud quasi fugitiuum persequaris, quod ipsa Philosophia tecum vnà nasci voluit, tecum manere, tecum vel in medijs ciuitatibus habitare, modò istud ipsum ampeti velis, quoties vel vnus Senecæ, vel Epicteti, vel ipsius etiam Epicuri consilij se tibi obuiam facit. Nec ægotantis alicuius instat fastidiosi tories lectulum commutes quoties tibi operæ prærium erit quietem aliquam inuenire. Sed hoc dices, nimis acerbè mecum agis mi Naudæ! verum quò mitius istud facere debeo aut potius

*Quis Calum terris non misceat aut mare Cælo?*

Cùm tu qui meritò Philosophorum huius æui *καρυφαι* æstimaris, qui vacuitatem affectuum & negotiorum tam eleganter præditas, qui nos omnes ad pileum vocas libertatis philosophicæ nondum tibi viuere poteris, quem negoria quotidie distrabunt, nec dum etiam amicis, qui Philosophiam hanc Epicuream continuo requirunt, inter quos si pro ea libertate, qua me iamdudum aliàs prosumer Epicuro perorantem sustinui, aut paulò etiam vehemeniore quod cessatio tua postulat. Reliquorum tibi mentem ac animum explico: Rogo te etiam suauissime GASSENDE, vt quidquid hac in re peccatum est, affectui meo potius qui in te profectò singularis semper extitit, quàm tua alia studia improbandi desiderio condonandum esse existimes. Cæterum quod amplissimas conditiones iam antea tibi ab Eminentissimo Viro, & nunc etiam ab eo quem vt rectè dicti optimè noui, oblatas vltro, tanta animi constantia, tantaque amoris in Luillierum nostrum significatione recusaris. Est sanè quod plurimum tibi gratuler & mihi etiam vehementer gaudeam, quandoquidem si hunc, qui te sibi iunxit raro & indissolubili benevolentia nexu, qui te vix Lutetiam appulsum tanquam in sinu proprio fouit & recepit, qui tibi bonorum omnium auctor esse potest, quo cum aut philosophari liberè, aut suspirare familiariter, aut iocari securè possis, quem denique & in vrbe hospitem, & in peregrinationibus comitem, & in priuatis omnibus conscium ac testem semper habuisti, si hunc virum inquam, qui toties non tibi diuitias modò quas amplissimas possider, sed se ipsum obtulit angustioris fortunæ tendiculis irretitus reliquisses, grauius in Philosophiam ipsam

ipſam peccaſſes. Mihi verò & cæteris omnibus amicis qui in te continuo velut in ipſius modèſtiæ probitatique & temperantiæ viam ſpirantemque imaginem oculis conſpicimus, præclarum illud fortitudinis exemplum ademiſſes, quod vt in dies illuſtrius reddas perpetua & conſtanti in Luillerium noſtrum volutione, me ſuaſore credo non indiges, qui ſeu ad Epicurum tuum conuertare, ſtatim audies præcipientem naturales diuitias facili negotio parabiles eſſe quòd paucis natura ipſa indigeat, ſi ad Luctetium nihilo ſecius doctorem inuenies quod

*Non colide citius decedunt corpore febres  
Texilibus ſi in piſturi oſtroque rubenti*

*Laſtariſis quem ſi plebeia in veſte cubandū eſt,*

Si denique ad Senecam & ad Cicetoneum quos præ cæteris etiam plurimum ſemper æſtimare conſueſti, ille nihil ſibi magnum in terris videri aſſerit præter eius animum qui magna nec accipit, nec deſiderat; hic verò conſulit omnia quæ videntur vtilia, honores, diuitias, voluptates & cætera generis eiufdem nūquam eſſe amicitia anteponenda. Sed vbi tot monitores non aſſeſſent aſſeſſet tamen vera illa & germana ſapientia, cuius ductu atque auſpiciis poſquam talis euſiſti vt vnicus ferme noſtri ſæculi ſapiens habere, rationi certè conſentaneum eſt nihil quidquam de te cogitare quod non Hominem deceat vt ab omni ſaſtu & ambitione ac cupiditate alienum, ita recti ac honeſti maxime ſtudioſum, aureæ libertatis amantem, libertatis tenacem, nobiliſſimique rerum altiffimarum cogitationibus penitus immerſum, quibus in ſtudiis dum ipſe totus eſt vitamque degis ſuauior & tranquillè, quid vnquam tibi deſſe poſſit modò Luillerium tuum non deſeras, equidem non video. Quare ſi me audis abigeos illos longum vale te iubebis, qui liberos Homines aureis quibuſdam catenulis ſuas in caſſes ſenſim pellicunt, & ſtudia cum Philoſophica, tum etiam Aſtrológica diligenter ac vnicè vt tui moris eſt excoles, propter quæ non SCHIKARDVS modò aut HORTENſIVS ſed SCHINERVVS Galilæus & quicumque rerum Cæleſtium peritiſſimi habentur, te ita admirantur & ſuſpiciunt vt etiam hoc dicant à pereleganti & ſubaſto in iſtis obſervationibus ingenio tuo nihil niſi abſolutum perfectumque proficiſci, quibus ego libenter ſanè aſſentior, & vehementer lætor te quem vnum præferim colo & in oculis ferro, mirum etiam in modum ab omnibus coli & exiſtimari. Vale dabam in Caſtro Giaggioli Romandiolæ 22. Menſis Septembris 1633.

GABRIEL NAVDÆVS Vir immenſæ literaturæ cuique Vir clariſſime, ſtudioſiſſimus ac mei amantiſſimus prædicatione tuatum laudum me in tui amorem rapuit, idemque ſua auctoritate vt ad te ſcriberem homo ignotus animauit. Liceat ergo mihi compellare te, Virum Mathematicarum & reliquatum ſcientiarum cognitione ſtudentem, neque tu propenſionem in te meam, neque hoc amoris mei teſtimonium ſpernito. Vale, meque ama, quod & vehementer opto, & enixè peto.

*Tibi dediſſimus Scipio CLARAMONTIVS  
CÆſenas.*

Epistolæ ad Gaſſendum.

*Admodum Reuerendo, Clariffimoque  
Viro Domino PETRO GAS-  
SENDO, Dinienſis Eccleſie Cano-  
nico, & Theologo meritiffimo,*

PETRVS FRANCISCVS TONDVTVS  
*Dominus de S. Legier, S.*

**A** Ccepi à R. P. Athanaſio Kitcher Germano è Societate Ieſu accuratas obſervationes tuas circa illam Solis Eclipſin quam die 8. Aprilis proximè præteriti conſpeximus, mihi tuo iuſſu exhibitas, ſimulque maxima cum animi ſatiſfactione perlegi caput illud epistolæ tuæ, quo ex Morini noſtri relatione, amoris in me tui gratiſſimum præbes teſtimonium, nec tandiu ſcriptioni temperaſſem, niſi eadem me Forenſium negotiorum copia & clientum ſapius impotuna ſollicitatio quæ vel iniuriū ab integra Eclipſis eiufque Phaſium contemplatione abſtraxit, ad otium calculi in hæc vſque vacationum tempora adduxiſſet. Incepit Auenione Eclipſis hora 3. min. 29. P. M. Sole gradibus 31. <sup>45</sup> ſupra horizonrem eleuato. Congruit hic euentus maxima ex parte cum Kepleri calculis ſupputariſ Planetaſum moribus ad horam 3. min. 59. cui habito reſpectu ad Meridianum, ab eodem auctore assignatum reſponder hora 3 min. 29. quo tempore verè apud nos incepit Eclipſis, habitâ ratione æquationis Phyſicæ quam Keplerus amplectitur eaque cum menſurâ qua ipſe vtitur præcept. 171. mutud compensata, quia quantum vna addere, tantum alia demere iubet. Hinc vtriuſque Meridiani diſtancia Diniæ videlicet & Auenionis assignati poteſt minor quàm aliqui cenſeant, maior quàm cæteri vt non mirum ſit pletorūque omnes de intricatiſſima hac Meridianorum diſtantiæ incertitudine conqueri, mirum neminem ſtudere remediis. Sentirem libentius tuam & aliorum hac de te ſententiam, vt pote qui ſalcem in alienam meſſem immittere nolim ſola ea fruge contentus quam Dina Themis cultoribus ſuis elargiri ſolita eſt, felicem ſanè mihi meſſem futuram ratus ſi amoris tui merrear honore donari. Interim ſi quid pro te, pro amicis poſſum, hoc ſincerè & ex corde præſtabo. Si ad R. P. Athanaſium aut ad Regium profeſſorem Morinum ſcribas, eos quoque etiam nomine meo ſaluta, & metui tuæque vicitutis amantem redama. Auenione hac die 24. Septembris 1633.

*Obſequentiſſimus S. LEGIER.*

*Clariffimo Viro Domino PETRO  
GASSENDO, S. P.*

**N** On credas Clariſſime, Doctiſſimeque Domine GASSENDE, quanto cum gaudio reſponſum tuū ad meas literas diſſertationemque, acceperim non ſolum ob metum quem habebam à longinquitate interualli quo à nobis abes; ſed præſertim ob ingenium tuum & candidum animum; quo non indignè tulisti libertatem meam in diſcutiendo tuo ſcripto,

N n

ſed

sed æquissimè accepisti; inque eius gratiam amplexus es sententiam probabiliorē circa varias controuersias. Gratulor mihi non leuiter conatus istos tibi placuisse; & in partem amicitia tuæ me admisisti, quam tor ante votis exambui, quum nondum GASSENDO auditum erat Hortensij nomen. Sed & contra non accipio nimios istos titulos, quibus tu vicissim me summis aut Viris non definitis accensere; qui vix ad primum lapidem in vasto hoc famæ campo progressus; si non temerariè, saltem audacter satis, iudicio seculi hætenus ausus fui me committere. Sic habet Doctissimè GASSENDE, Tyronem esse me in scrutandis naturæ mysteriis, & vt paucissimis annis (vix enim xxv. i. i. superauit) in contemplatione rerum versatum; ita abundè mecum ex animi sententia actum existimare, si modò per indefessos labores, per sperata vulgi nescientis ludibria, sic comparere contingat in choro eruditorum Virorum; vt tuus ille Metcurius comparuit in Sole, hoc est, vt vel minimam faciam vmbra in magna luce. Quam putas igitur ad lectionem tuarum indignabar, quod tu summus Philosophus ita mea acceperis, ac si non latere ea, vmbraque subiici oporteat; sed sub oculis magnorum Virorum legi, & in media versare luce. Sanè affectui tribuere malo iudicium istud, quàm sic mihi ad blandiri vt purè rem ita se habere, quia amicus censuit; & in posterum operam dare, vt magis magisque proficiens, is tandem dignè habeat, quem me esse maturè nimis iudicasti.

Circa aëriam sphaeram globis cælestibus circumiectam, gaudeo tibi aliter nunc videri: speroque si rem penitèns introspereris, non tantam modò eius altitudinem, sed qualemcumque tandem inibi existentiam, saltem in Luna reiecturum: quod mihi hætenus suaserunt Phænomena omnia & imprimis observationes per Telescopium. Ignium nocturnorum ampliorem rectè mecum agnoscis è Solis pendere oculis; & quid si eandem causam assignem omnimodæ ampliæ Planetarum; cur quæso Orbem aërium habeamus circumfundendum? Nulla enim prorsus obseruatur proportio inter ipsum Planetæ globum & molem radiosam circumfusam; quod vel ex Venere cognita apparet. Et tamen si realis Orbis aërius lucens eis circumfunderetur, oporteret non solum eum conspicuum esse; sed in diuersis Planetis diuersam seruare proportionem: quia & si quantitatis est modicæ in singulis, non tamen eiusdem est per omnes altitudinis. Atque econtra, videntur nudis oculis Planetæ interdum æquè magni, qui si per Telescopium inspiciantur, differentiam diametrorum ostendant notabilem; quod arguit realem diametrorum apparentiam non eò vsque iuari ab aëria sphaera, donec in oculo ad eandem magnitudinem excreuant; sed id solum dependere ab oculis; neque proportionem sphaeræ aëriæ vllam hinc concludi. Exempli gratiâ Anno hoc 1633, mense Martio aliquandiu Venus iudicabatur nudis oculis maior Ioue; cum tamen diametrum vel terra parte minorem per Telescopium obtineret. Si ergo auctio Veneris de nocte, contigisset ab aëre

ipsi circumfuso, fuisset ille eiusdem crassitudinis cum semidiametro globi Veneris, aliter enim Ioui non potuit æquari, quod vtrique non credo te accepturum. Idem aliàs expertus in Venere & Mercurio, & si attendaris, deprehendes rem ita se habere.

Methodum demonstrationis distantia Solis à Terra, Viri optimi Domini Gaultierij, lubentissimè accepisti quod pace eius liceat, videtur nimis curiosæ. Si enim semidiametros Solis & Lunæ propt ex Terra spectantur, considerandas vellet. Lansbergiumque minutula ista non debuisset negligere censere; sciat, debere se nos prius circa Solis, Lunæ, vmbraque semidiametros ad ipsa scrupula secunda securos reddere, anrequam demonstratio non tantum secum discrepantiæ vehat, quantum oriri potest, ex neglectu Lansbergiano. Quod quàm difficile sit præstare, sine dubio optimè nouit. Sed tamen laudo eius industriam, & gaudeo quod tam candidè de Lansbergio, heu quendam meo sentiat, videoque apud Gallos vestros longè plus residere humanitatis, quàm apud Danos aduersarios meos, qui nullis rationibus adhuc adduci potuerit, vt videant Lansbergij Methodum esse verè Geometricam, Tychonis autem & Longomontani demonstrationem, Geometriæ non consentire & in propria dedomena impingere. Cum Danos dico aduersarios meos velim scias mihi nunc rem esse cum quodam Bartholino, qui Apologiam edidit pro Tychone aduersus præfationem meam in Commentationes Lansbergij de motu Terræ. Si non videris eum libellum, poteris Lutetiâ habere. Scio enim Dominum Mercennum legisse. Purus est, & à tali homine profectus, qui Astronomiam illatis nimis manibus tractauit, quam vt intima eius Sacra inspexerit, Multus ibi ero contra diminutionem vmbrae Terræ & Lunæ in Eclipsibus ☉ & ☾, ab aëre crasso, quam fingit in opere suo Longomontanus, item contra Lunaria Tychonis; contrastabilem eccentricitatem Solis, &c. speroque tuo & tui similibus iudicio, partes Lansbergij measque pulchrè me sustentarum. Excerpta ex libro D. Galilæi valdè placere. Vtinam totum habere liceret! Non posset gratius opus incidere in meas manus. Velim scire vt ei res Romæ successerit, & an liber non sit prohibitus. Si non sit, saluas res habent Copernicani. VVillelmus noster Ianfsonius Cæsius elegantissimam construxit sphaeram ad mentem Copernici, quam si vel ipse Pontifex viderit, non poterit non amplexari. Breui, vt puto, eam edet, & in Italiam, & ad Proceres Aulæ Romanæ destinabit. Observationes tuas, quas Lutetiæ iussus describi, hætenus frustra exspecto. Cuius culpa ibi tantum hæreant, equidem nescio: & nunc sollicitabo P. Mercennum vt missionis curam in se velit recipere. Si coniunctionem ♀ & ♄ 29. Octobris obseruatis, rogo observationem digneris communicare. Expectabis vicissim quidlibet à me, etsi hoc anno pauca obseruari obimpedimenta negotiorum, itinertum, & perpetua ferè nubila, quibus hac ætate, autumnoque fuimus diuexati. Responsum tuum ad D. Mercennum destina, à quo facile possit



post ad me mitteretur. D. Vossius amicissimam tibi iussit dici salutem, literisque te salutabit, quàmprimum per occupationes, quibus nunc mirum in modum vrgetur, licebit. At ecce quod penè oblitus fueram. Si vlla tibi intercedat familiaritas cum illustrissimo Molino Patrio Veneto, quæso meam dissertationem ei transmittere & me cōmenda, officium hoc quavis occasione posthac redempturum. Idem dē D. Galilæo dictum puta. Quem equidem vitum quanti æstimem dicere satis non possum. Si modò aliquam habeas occasionem, rogo te per amicitiam, vt cum hisce literis, dissertationem meam ei cures mittendam, quam credo te iam Lugduno aut Lutetiâ posse habere; quia missa sunt in Galliam non pauca exemplaria. Quidquid expenderis pretij, aliâ occasione hic libenter repēdam. Totum committo tuæ curæ: si me hac in parte tua contigerit vti industriâ; ne dubita quin plura pro te præstare paratissimum sis inuenturus.

*Tuum ad omnia paratum MARTINVM  
HORTENSIVM.*

Dabam Amstelodami Nonis Decembris anni 1633. optimo Viro Domino GALTERIO licet ignoto, salutem à me dicito, & prospera omnia voueto.

*Admodum Reuerendo. Clarissimoque  
Viro Domino PETRO GASSENDO  
Diniensis Ecclesiæ Canonico  
& Theologo,  
P. F. TONDVTVS Dominus de  
S. Legier, S. P. D.*

**D** Vplicem ex gratissima epistola tua fructum colligo Vir, Clarissime, alterum, dum mitam inter nostram & Parisiensem observationē circa visam die 8. Aprilis Eclipsim, deprehendo consonantiam, tuis etiam Dinie factis animaduersionibus conuenientem, Alterum dum Meridianorum nostrorum inter se & cum Parisiensi compertas habeo proportionē atque distantias 11. vel 12. minutorum inter se verò 6. vel 7. diuerfas quidem ab iis quæ Ptolemæus & Clavius aliique autnant, conformes verò illis quæ Appianus scripta reliquit, ita vt rectè Parisiis Eclipsi initium hora 3. 18. m. rectè Auenione hor. 3. m. 29. Rectè Dinie hor. 3. m. 35. vel 36. fuerit obseruatum. Hæc vt vt probè se habeant, aliquis adhuc restat scrupulus circa locorum nostrorum longitudines supposita veritate illius quam Tycho & Keplerus adstruunt Vranoburgi partium 36  $\frac{1}{4}$ . Necessè est enim vrbes nostras longius in orientem esse productas quam scriptorum antiquitas existimârit, nisi cum Magino, nonnullis gradibus Vraniburgi minorem faciamus longitudinem quod ipse statuit & probat in tractatu de meridianorum distantia post supplementum Ephemeridum, pagina mihi 298. Quod ad latitudinem attinet memini me aliâs, maiotus præcisionis & subdivisiōnis gratiâ sæpius per meridianam Solis altitudinem, dimisso per altioris muri perpendiculum filo, illoque cum vmbra parietis

*Epistola ad Gassendum.*

collato, ex proportionē gnomonis & vmbre deprehendisse Auenionensis Poli altitudinem partium grad. 43. min. 52. nolim tamen vnus aut duorum scrupulorum errorem prorsus excludere quia tunc nec verò loco Solis Tychonico, nec perfectæ prorsus Solis declinatione utebar, ex quibus leuioris erroris causa potuit exoriri. Hæc sunt, Vir Eximie, quæ Foletis epistolæ tuæ suauitati respondenda habebam. Tu si placet mea opera vt te & perpetui obsequij in te mei affectum proba. Auenione hac die 27. Decembris anni finientis 1633.

*Obsequentissimus S. LEGIER.*

**MICHAEL CONSTANTINVS  
PETRO GASSENDO, S. P. D.**

**M** Elim te scire, mi suauissime, non serò ad me te literas dedisse, quas auide arripui, & exosculatus sum ob eam, quæ in iis elucet, & quæ me prosequeris, beneuolentiam. Benigne & amice facis, mi GASSENDE, multumque addis ad officia in me tua, quando Peiresium, Virum primarium mihi concilias, quem nullo obsequio demerui, vt me amet & diligat. Ea sunt manifesta signa beneficæ naturæ, quæ illum esse audio ab iis, qui in eius consuetudinem recipi gloriantur. Dudum auebam in eius ære numerari, quod tandem mihi contigit tua ope & cælesti quodam beneficio, ex quo habeo tibi grâtiâs immortales, rem tamen vnâ te rogassem, ne orationis meæ vitia tâto Viro aperires, qui hoc meo dicendi genere oblectaris, vt de dissidiis fori literarij crebrò ad te mittam, modò ne tibi sim oneri, neve negotia tua, & otia interellem. Quod autem ad me rescribis *ἀντὶ τοῦ διδασκαλίου* & *τοῦ ποιητικοῦ*, scito eorum animos in dies incendi, nec vllis verbis deliniri, quò sit vt perspicacis ingenij homines coniciant tantam litem dirimi non posse, cum vrrique non curent, quantam cladem rebus suis afferant. Subiecere facem huic discordiæ libri tres, in quibus *τοῦ φασματικῆς* lepidè & faciet detegitur, forsân curæ fuit Puteano hos ad Peiresium dari. Nunc decreto sacri Consistorij huic operi recensendo addicti sunt quatuor Theologi, qui se Doctores venditant, vt errores, si quos deprehenderint, vni ex Magistris Libellorum Supplicium deferant. Quò res caderet, iam multi præsentiant, nec coniectura assequi difficile est; horum librorum author est, qui & director dicitur, & opus Monachorum Gallicè donatum quibusdam cum obseruatiunculis in lucem edidit, qui & in Ecclesiæ Rothomagensi nuper celeberrimo cætu conciones habuit, & veteri disciplina exagitauit *τὸς μοναχους*, qui cò omnem locant operam, ne hoc quadragesimali tempore verba faciat ad populum. Excitantur etiam Archi-Episcopi Rothomagensis programme, quo iubentur in ordinem cogi Episcopo, & Presbyteris, quos Curiones vocant, subici, eamque esse antiquam Ecclesiæ praxim Concilia commonstrant. Programmata ad te mittam prope diem, & si quos reperiam libellos, qui ad eam rem spectant. Nunc longè absum ab Athenis nostris ob valetudinem languentis discipuli,

*Na 2 qui*

qui abhinc sex mensibus quartana grauissimè laborat, & dolet in sinu matris; eam incolit vrbis partem, in qua degebas vbi te absentem oculis ac animo requiro, qui in aliud tempus aduentum tuum differis & mihi auges tui desiderium. Cæterum de amicitia, quæ cum Gaffarello mecum intercedit, nolui vnquam eam disrumpi, neve dissui qui illum feci semper plurimi, & veni in eius partes cæteris reclamantibus. Non tuli alienas meas nomine meo perstrepere, risum & fabulam fieri. Non sum aded tetricus & austerus, vt à salibus & iocis omninò refugiam, sed is sum, qui scommata non pariat, & mihi inuiti maculam, quam vix possem eluere. Si quæ fuit culpa, hæc Hozerio adscripsi, qui Gaffarelli literas circumtulit. Vt volui sales Gaffarello reponere statim excanduit, & quos aduocauit nostri iurgij iudices, eius sententiam defugerunt. Bellè ais esse amantius iras, & argumenta singularis amicitia, qua quis nudat amici æuos, vt iis faciat Medicinam, & animi perturbationes funditus tolli curet, quibus me, ac illum carere peropto, vt gratiorem habeas, quam tecum iniuius familiaritatem, nosque ames sedulo. Vale, mi GASSENDÆ, & Peiresium tuum meo nomine plurimum saluere iube. Lutetia 11. Februarij 1634.

*Admodum Reuerendo, Clarissimoque  
Viro Domino PETRO GAS-  
SENDÆ, S. Theologiae Doctori, &  
Ecclesiae Cathedralis Dinensis Ca-  
nonico, & Mathematico Philosopho  
Insigni D. Fautori meo Amicissimo,  
Salutem & obseruantiam.*

**R**euere de admodum & Eminentissime D. GASSENDÆ, Amicorum carissime, Geminas tuas, & quæ copiosissimas literas, vnas mense Augusto Tenatone, alteras Diniz horò Ianuario scriptas, rectè accepi, has quidem die 27. Februarij nuperi, illas verò 18. Ianuarij præcedentis. Vtrasque scito mihi accidisse multò iucundissimas, ac Thesauri loco haberi, quod tot & tam diligentes complectantur obseruationes. Quas verò dignas vnquam tibi reddere grates potero, pro tam beneuola communicatione, proque labore ac patientia describendi, quæ nos paucos dies poposcit? Carum esse mihi oppoteret, cuius causa ego tantam subire vellem molestiam. Credo igitur & opere ipso experior impensè me abste amari, vt autem operæ minus pœniteat, scito non mihi priuatum, sed publico bono ac posteritatis id te exantlassse. Inferam enim omnia ea, quæ ad cæli, maximè & pertinent historiam, destinato libro, ( nisi fortè quid exceperis differre, quod publicari uolis,) quia intelligo Astronomiæ interesse, vt hæc talia legantur olim à feris nepotibus. Quod verò veritus es, editionem Theoriæ, literas præueniunt. Iubeo, te securum esse. Nichil horum præcipitabo, ne me cuiuspiam pœnitere possit. Et multa sunt quæ me hætenus

morabantur. Primum conquisitio platiæ obseruationum, quot quot nascisci videremque possem, vt etiam æquationes intermedie stabilirentur experientiâ, nec hypotheseos forme soli permitterentur. Præsertim seruaret huic proposito ea digressio maxima, quæ futura est sequenti mense Aprili, opportune circa Pleiadas, cui te quoque aduigilare cuperem, si fortassis hic serenitate destitutor ego. Eam igitur expectandam censui. Deinde impediunt ipe hætenus concatenata negotia plurima, quæ non sinerunt obseruationes retexere, scis quot sint soluenda Triangula, vt vel vnus locus eruatur. Quid ergo dicemus de toto libro nostro? Vix possem integro mense omnia refluere, licet huic vni curæ vacans quanto minus cùm intereā distrahor ad tam diuersa? Et subleuasses tu quidem ipse suâ parte; si fuisses occisior. Nec soleo interim, si fortè vna tantum aut altera hora detur, statim in hæc intruere, continuam attentionem res postulat, si satis comitè omnia velim tractata. Mihi verò iam à dodrante anni nunquam licuit esse tam beato, vt per vnicum aliquem diem continuum, sine molesta interruptione, potuerim esse meus aut grata hæc seriò tractare. Nec vllum sperare datur ortum ante Autumnum, donec tadiofissimum hoc officium Decanatus Philosophici deposuero. Tunc ad amœniora ista reuertar, & inuante Deo tandem absoluiam; interea etiam editio Chorographica xxiij. Tabularum VVitembergiæ, quas Amstelredami nunc sculpturatur VVilhelmus Cæsius me aliter sollicitum tenet. Taceo aduersam valetudinem, quibus vniuersa ferè familia mea, & ego ipse hac hyeme fuimus consticti successiue. Cæteri tamē omnes, laus Deo Seruatori, restituti; præter vnum filiolum, quem nudius tertius proh dolor! sepeliui, vt nunc in recenti luctu ad scribendum sim ineptior. Nimis molestus fietem, si omnia impedimenta mea percerensse vellem. Atque nunc, postquam præcipuis defunctus esse videor, nouum succedet, anniuersaria scilicet profectio mea, ad oppida xxvj. attributa superiori parti huius Ducatus, quæ visitare teneor, ( quali occasione Tabulas primò confeci.) Et quotannis sex ferè hebdomadas, hoc est anni octantem ferè infumere oberandos; post etiam semissem prædicti, describendo, & referendo statim ad Curiam VVitembergicam. Proinde ante Pentecosten litteræ tuæ domi me vix offendent, etsi vel maturares. Ideo tamen maturabis nihilominus, quia in itinere vides tandiu morari. Sed hæc hætenus excusationis tantum loco. Nunc ad realia. Eclipsis nupera Lunæ cæli fauore abs me obseruata est egregiè, vt de minutissimo sim securus. Accipis descripti summam, vt conferas cum tuis, expecto interim, quid obtinueris tu, vel Tondutus aliusve peritus. Miror autè valde, cuius culpa factū sit, vt responsi mei exempla pariter mutila fuerint; nec intelligo ex epistola tua, nū hodiè quæ habeas deficientem paginam. Itaque in euentum aliud integrum hic mitto addito tractatulo de *Purim* Iudæorum & incompletis disputatiunculis Academicis, quæ in hac paucitate studioforū tardè procedūt. Nemo enim ferè est, qui talia tractet seriò ac fundamētaliter, plerique

plerique. In generalibus hærent, umbratili quadam notitiâ contenti. Lansius ipse scribet hodie, monitus à me. O quoties G A S S E N D U M in ore habet, quæ vnice miratur! Quid autem hoc rei dicam quod Vir Illustris, D. Peyresius ad meam humilitatem descendere dignatur? Nisi te proxeneta id factum, vt me tantus Heros amaret, quo de nihil horum huc vsque meritis sum, sed nec deinceps mereri potero. Misit ille descriptum præfationis Hebrææ, in Tabulas Lunæ Solares R. Immanuelis, de quibus quid sentiam percipies ex meo ad illum responso. Sed & aliorum quorundam benignè communicandorum spem fecit. At hoc vnum veror, vt res adeo pretiosa, satis tutò possit huc deferri. Præstaret ea describi tantum, si Amanuensis contingeret orientalium peritus, Quis autem quæso est ille Holstenius, qui apud ipsum adeo benignè mei fecit mentionem? Inter plurimos peregrinos, qui me subinde salutant, non bene recordor aut discerno: Nisi forte sit insignis ille artifex Mechanicus, qui præter omnigenam eruditionem, addo & morum suauitatem, horologia minuiora fabricare nouit. Nam is ni fallor patria fuit Holsatus. Alius nemo fucurrit. An rectè acceperis meam de Solari Eclipsi relationem, dubito, quoniam in tua files, neque confers tempora quod fecisse tamen expedit. Si fuit intercepta, faciam alias vbi rescinero. Oraui te quoque, vt Lunam crebrius obseruares, maxime circa nodos (vbi superest adhuc ingens error maior quàm quisquam animaduertit.) Item circa Prosthaphæreus maximas cum est in quadrato Solis & eius Apogæum Soli vniatur, vel perigæum tamen; denique circa vtrumque limitem latitudinis, cum aut altissima est, aut humillima. Vel quoties vicina cuiuspiam Fixæ & obseruatu opportuna tibi fuerit. Nam mei oculi tunc vel maxime caligant, hebetati splendore maiori. Etiam diametros crebro notari cuperem in varia distantia, maxime verò, cum ferè bisecta est, proportionem totius, ad transuersam partem lucidam. Inde enim de proportionem sphaerarum » ad » concludere auderem. Hortensius meo rogatu idem hoc tentauit. Et felicius potest interdiu explorari, vbi minimum spuria lucis circumfunditur. Ego longissimæ hactæ aptaui transuersariolum subtiliter in partes æquales diuisum, vnâ cum albis aculeis loco pinnacidiorum trusatilibus, quibus id explore. Citeriori loco apud oculum apto Telescopium, & ne vacillet, alliga. Sed tu faciliè commodius aliquid excogitabis. Oportet autem tempus notum esse. Ita Triangulum formaremus inter Solem, Lunam & Terram, cuius vnicum latus, scilicet à nobis ad Lunam, cognitum est, duo item anguli, vnus apud oculum, ex collatione locorum Solis & Lunæ, alter apud ipsam Lunam ex hac proportionem illuminationis. Ergo inuenietur, hinc latus ignotum, inter Tellurem atque Solem. Praxis hæc exerceretur opportunissimè circa quadraturas, quando phases citissimè variantur, vnâ tamen Lunæ asperitas me lusciosum turbat, vt nil certi pronunciare ausim. Tu Lynceus ei bene medeberis.

Plurima essent ad quæ respondere non  
*Epistola ad Gassendum.*

modò deberem, sed & perciperem; vrgem verò me, præter funebria mea, insuper alia variè, vt vix hæc sine intèrcursu impediendum, & attentè satis exararem. Ignosce igitur obsecro, & quæ malè coherent, per distortas curas meas excusa. Tu verò felicius atque tranquillus Viue, ac Vale, amicorum Princeps. Propterabam Tubingæ 26. Martij 1634.

Adhuc vnum audi! Spero me obtenturum differentias Meridianorum inter Alexandriam & Romam, duplici ratione: vnâ, mediante Constantinopoli, vbi obseruauit Muhammed Tschelebi eandem quam ego hic Tubingæ, vt sim certus distare Orientem breuius à nobis quàm Tabula tradant: alterâ, per lineas Nauticas ex Portolano, Barbaro Græco auctore nouitio, si ergo deinceps Romam satis ceteris cum Tubinga connectere possem, haberemus tandem veras longitudines locorum nostrorum, tales qualis Alexandriæ supponitur  $60\frac{1}{2}$ . Da igitur operam quæso, vt Româ impetres nouitiæ obseruationem aliquam, quæ cum nostris comparari queat, & iterum feliciter Vale, à tui obseruantissimo, fidissimoque.

VV. SCHIKARDO.

*Admodum Reuerendo & Clarissimo Vi-*  
*ro Domino PETRO GASSEN-*  
*DO Dinienfis Ecclesiæ Canonico &*  
*Theologo,*

THOMAS LANSIUS, S. P. D.

**E** Suauissimo familiaritatis commercio, quod cum SCHIKARTO Amicorum charissimo iam tot annos intercedit mihi, vt aliàs sæpe collegi plurimos eosque gratissimos fructus; ita præcipue insignis facta desideris meis accessio est, posteaquam rua, Excellentissime G A S S E N D E, illiusque in Astronomicis illustria studia in mutuam literarum consuetudinem coaluere. Nam cum scripta tua omnia, quæ cum illo communicasti hæcenus, amicitia iure in meam quoque potestatem vsu concesserint: credere vix potes, quàm recrearit, quàm bearit, imò me lætiorum celestium obseruationum, tum animaduersionum in Aristotelem tuarum. Illis equidem fidem fecisti, nihil acutissimum ingenio tuo imperium, nihil oculis lynceis; quippe qui & verutissimum Atlatis nepotem, visu alioquin tam difficile, iam multoties; & accuratè quasi quidam primæ admissionis Domesticus, sis contemplatus nec non aduerteris subinde apparentem eamque spuriam Siderum amplitudinem à vera eorum magnitudine, mirum quantum differre, quâ felicitate Tychonem Bracheum, & amicissimum olim meum Keplerum, summos artifices, non parùm superasti. De censuris in Aristotelem quid dicam? Non diffiteor, percussisti me primò nouitate sententiarum ac *αυτομαρτυρία* insolentia. Nec enim putabam *δυσωριον* illud Stagiritæ, ab Auerroë Arabum doctissimo tantopere celebratum, tot & tanta in Philosophia ignorasse.

N n 3 Cæterum



Cæterum pensculatis rationum tuarum momentis diligentius, ac vaneſcente dein ſtupore, rapuiſti me tandem ad aſſenſum; ita tamen vt etiamnum alicubi hæream, interim ſatis nunc cettus, Ariſtotelem non pauca peccauiffe: Verùm hæc mi G A S S E N D E, prop- terea ad te ſcribo poſſiſſimum; vt reſtifier, me ob tanta merita tua debere omnino tibi cultum honoremque, paratum inſuper officiis gratificari omnibus, ſi modò occaſio non defuerit; quam tamen abs te auidè expeſto. Fabricium Petriſcium (cuius memoriam & ingentes virtutes iam diu veneror) nec minùs Tondutum San-legerium, meo nomine, vbi commodum fuerit, ſaluta honorificè. Ita Vale, Vitorum Eximie, magnum Galliz Ornamentum. Scribebam Tubingæ 28. Martij, A. C. 1634.

min. 39. Videbis hæc omnia & ad nunc corti- ges meique qui tibi ſum additiſſimus im- mor non eris. Auenione hac die 19. April. 1634.  
Obſequentiſſimus S. L. E G I E R.

Dominum Felicem Medicum ſalutare non potui vt pote qui ad vos profeſſus erat.

*Viro Clarifſimo ac Doctiſſimo Domino*  
PETRO GASSENDO, Theolo-  
go Doctori, Eccleſiæ Cathedralis Di-  
niſis Canonico, Mathematico pe-  
ritiſſimo & Celeberrimo,

MARTINVS HORTENSIVS  
S. D.

*Doctiſſimo Clarifſimoque Viro Domino*  
D. PETRO GASSENDO Di-  
niſis Eccleſiæ Canonico, & Theolo-  
go meritiſſimo, S. P. D.

**P** Ræcipitatur nimis inter ſeria negotia calculum ſtatim recepta epiſtola tua deprehendi indèque errorem proceſſiſſe, vnde tua ſuſpicabatur induſtria, ex prætermiſſis videlicet quinque gradibus rectæ aſcenſionis Solis, qui ex integro circulo ſupererant: Vt ſit in prima parte Eclipſeos liberiſſiori Muſa deprehendi quod mox prudentiæ tuæ examinandum ſubiicio. Maioris obſcurationis tempus ſatis exactè deprehendi, dum Luna priſtini ſplendoris redintegrationem non deſiderabat modò, verùm etiam aſſequaba- tur ipſa 33. gradibus & 20. circiter ſcrupu- lis eleuata, cui ſatis præciſè reſpondebat Caudæ Leonis altitudo part. 45. 40. min. quæ dat horam 9. 4. min. Luna verò ſic vt ſuprà eleuata dat horam 9. 5. min. Eandemque Stellam Fixam per plures obſerua- tiones cum Luna congruere durante Eclipſeos incremento & conſiſtentia adnotaui. Finem autem Eclipſis licet non tanta cum diligen- tia propter diuerſa impedimenta obſeruatum ſatis etiam rectè videor ſupputaſſe: hora 10. 57. min. Luna 45. gradibus & 37. minutis ſuprà horizontem eleuata. Hæc accipies eo animo, quo mitto, tuoque iudicio ſuppono. Multum eſt Viro aliis ac planè diuerſis ne- gotiis implicito in iſtis ſaltim voluiſſe.

Notauit quidam Carpenteraſti Lunam è nubibus emergentem, quindecim ferè gradi- bus eleuatam & iam ex Telluris vmbra defi- cientem ſupponamus eſſe gradus 14. min. 55. Erit hora 7. min. 10. quod vix conuenit cum tuo calculo.

Idem in fine Eclipſeos Lunam 45. gradi- bus Carpenteraſti, minus aliquot ſcrupulis eleuatam notauit dubitans tamen ne tunc omnino Eclipſis perfectè finita, Lunaque pri- ſtino ſplendori reſtituta fuiſſet.

Auenione alius Lunam notauit iam Eclipſi immerſam dum nubibus deſtituta videri cæ- pit eleuata grad. 19. min. 50. hora nempe 7.

**V** Ir Clarifſime,  
Eſt quartus abeat menſis quod ad poſtremas tuas non reſpondi; non deſij tamen interea memoriam tui apud animum meum recollere, quoties aut Diniam tuam cogitaui, aut communia ſtudia, quæ ſcribèdo, obſeruando ac diſputando non ceſſas iuuare ac promo- uere. Dabis veniam mortæ in tot meis occu- pationibus. Reliqui Leidam & contuli me Amſtelodamum, ſpe docendi aliquando publi- cè Mathematica. Id tandem obtinui & im- petraui circa Kal. Maias orationemque habui qualem hîc vides; quam quia in præſentia aliud munus non erat ad manus, viſum fuit literis dare comitem. Nunc quotidie doceo elementa Aſtronomica in ſatis magno Audi- torum numero: à quibus ob rationes quaſ- dam fuit inchoandum. Sed Vrania mea mi- rum in modum iacet. Ex eo enim tempore quo Amſtelodamum veni, pauciſſimè Cælum inſpexi. Quod inſuper ne huic calamitati quidquam deeſſet, peſſimæ & æterrimæ nubes obtexere in Eclipſi Lunæ nupera, adeò vt nihil ſit viſum aut obſeruatum. D. Schichardus obſeruauit ſatis egregiè. Quid tu præ- ſtiteris cum voluptate ex te intelligam. Viſi ſunt non ita pridem Leidæ Parelij quales erant Romani quos deſcripſiſti: ſed nondum contigit introſpicere delineationem. Vbi nactus ero communicare non intermitam. Tots nunc ſum in obſeruanda diametro Solis (quia alia non poſſum) per ſotamina, in canali 18. pedum, & clauſa atque inſuper obſcuriſ- ſima ob nigros parietes camera: vt videam vnde habeat ortum paradoxum illud Schei- nerianum, quod eſt in volumine de ma- culis, pag. 573. facit vir iſte diametrum Solis ſcrupulis 42. 47. 52. aut 56. &c. quod nec verum eſt, neque Eclipſibus conſenta- neum. Et tamen cum ſic obſeruafſe nullus dubitat, ob candorem quem videtur in omni- bus ſuis experimentis præ ſe ferre. Meditor eius rei accuratam excuſſionem, & habe- bis breui (quod tamen tibi dictum ſit) tractatum de diametro Solis. Occaſionem ha- beo ex ſcripto Bartholini, cui reſpon- ſum oppoſui in capite illo quod agit de dia- metris Luminarium. Ibi enim velim nolim diametrum

diametrum Solis per canalem à Tychone obseruatam obtundi tanquam legitimam. Cuius contrarium aded clarum reddam ac ipse est Sol. Quod autem scribis vt Tychoni quantum possum relinquam suum honorem; pro eo gratias ago maximas. Nec dubitare te volo quin sim abundè præstiturus quod sentis. Nam non Tychonem tantum humanissimè, sed & ipsum aduersarium quàm modestissimè tractabo; & soli veritati litabo. Quæque probabili non Mathematicà consequentiâ deducam, non prosequar amplius quàm per se possint ferre. Interim non negares ipse, si vidisses Bartholini scriptum asperius cum commeruisse puniri ob summam virulentiam. Quod addis fore vt imminuatut inuidia; id sanè nisi ex natura mea altercationum essem fugientissimus, non multùm apud me valeret. Quid enim? inuidiam placare parum virtutis, (veritate) reliqua? Absit, quæ minutule in Tychone ante carpi, non fuere nimia, aut si fuere, do ardori scribendi & ætati iuuenili, ac velim omissa. Quod & in scripto meo nondissimulabo. Sed quæ iure in Tychonicis reprehendi, non omitam defendere; ne iuuium insolescant Dani isti, & vbi quidlibet effutierint, triumphum canant ante victoriam; & inutilissimis nugis eruditis omnibus putent esse satisfactum. Verùm de his satis ad rem.

Observationes tuas perquam locupletes, tandem accepi. Multæ sunt quæ egregiè meo & Schichardi instituto inferuiunt. Hoc vnum malè me habet quod Sextante acceptæ non fuerint, sed Radio. A quo instrumento, licet exactissimo, certitudinem eam expectari non posse, quæ in cælestibus requiritur mecum non ignoras. Eclipses sunt egregiæ, & dignæ, quæ ante in sæcula. Quod & futurum non dubito, vel me auctore. Quas enim digniores grates referam pro tam liberali communicatione? De Aëre globis Planetarum circumfuso, video inter nos nondum conuenire. De Lunari (quem ex limbo Lunæ æquabili vrget) sum certissimum non dari. Quod aded apertè possem tibi ostendere si præsens essem, vt statim & persuaderem. Imprimis in partibus Lunæ lucidis nullos esse vapores, nullamve circumfusam spheram aëriam, imò ne in maculis quidem (vbi credo te præcipuè eam admittere) inuictis doceo argumentis. Quæ hic breuitatis causâ nunc non attingo. Apologiam Lansbergij sine dubio acceperisti. Auidè legam quid opposuerit Dn. Morinus, Fromondus respondit salibus & risu, aut si malis dici scommatibus. A quibus vellem & Lansbergium abstinuisse. At Fromondi argumenta mihi non satisfaciunt vt nec Morini, nisi iam aliquid adferat solidius. Editum est interea aliud quoddam scriptum cuiusdam Scoti Peripatetici, contra motum Terræ satis amarulentum: sed illud nondum vidi. Literas quas ad Ianissonem aliquando dederas legi, & offendi ♂ ♀ & ♀ anni 1632. à te obseruatam, Verùm eam non desiderabam videre. Nam ipse quoque vt in dissertatione habes, obseruauit. At ♂ ♀ & ♀ quæ fuit 29. Octobris anni 1633. scire volebam an

obseruaueris. Si non, quæso significas: sin verò adde processus & modum obseruandi. Exemplar libri Galilæi, quod Vir præstantissimus Fabricius Lugduno ad me curauerat deferri, proh dolor! nondum accepi. Mercatores enim ad quos missæ erant sarcinæ quibus liber fuit insertus, inter se discordes facti sunt. Aded vt merces omnes adhuc hæreant Parisiis, aut fortè iam distractæ sint, liberque intercederit. Si immediatè missus fuisset ad P. Merfennum, vt is datâ occasione ad me destinaret; iam cum obseruationibus tuis habuisset. Verùm cum id factum non sit, tongo te vt si vllis mediis per te aut D. Fabricium efficere queas vt scribarur Parisios ad Mercatores, quibus erat missus, id quamprimum fiat, ne perdat, sed detur P. Merfennus, nomina Mercatorum si memini erant *Monsieur du Gal, & Monsieur Valmalette*. Ipse nunc ad Merfennum scribo, vt inquirat si potest vbi liber hæreat, sin minùs, vt aliud exemplar datâ occasione mihi comparet. Si ad D. Fabricium scribas, roga cum meo nomine, vt Latine potius quàm Gallicè rescribat, quia idioma vestrum non satis percipio, neque Gallicè possum respondere. An literæ meæ quas aliàs ad Galilæum dedi, peruenerunt saluæ in eius manus, vix credo, ex quo incarcerationum audio, fac scias fodes, quid ab eo habueris responsi. Rescriptum meum ad Bartholinum defectu chartæ nondum imprimitur, sed spero quamprimum imprimendum, & futuris nundinis compariturum Francofurti. Noua alia non habeo quæ sint alicuius momenti. Itaque finem facio, & Deo Opt. Max. te animatè commendo. Vale Optime, atque integerrime D. GASSENDE, & me, vt soles agra. Datum Amstelodami Postrid. Kal. Iunias 1634.

Salutat te amanter D. Vossius, ego D. Galterium, & Valsium tuos intimos, nec minùs meos vel tui causâ.

*Viro Clarissimo, ac Doctissimo Domino  
PETRO GASSENDO, S. Theologiae Doctori, Philosopho ac Mathematico Celeberrimo, S. P.*

**V**ir Clarissime.


Nuper me à fetula & Magistrorum superciliosè feruentem fati cuiusdam necessitas in Galliam propulit. Acris dubij ausus leuititem vrgebat humanioris soli fama, quæ Belgio præter sermonis blandimenta sponderet quoque pectoris cultum. Itaque Parisiis semestri peregrinationi terminos fixi, dum eruditi familiaritatis ambitum exerceo. Hic illustrata plurimorum nomina collegi; non à limine perfunctoriæ salutis vanus captator, sed licitati fecellus frequens cultor. Vbi tamen in præteritorum memoriam excitata mens reuoluit, damno inerti diligentiæ fidem, multorum enim notitiâ frustratum me dimisit iuuenili iudicio offusa caligo, quæ Doctorem apud nos colloquiis excussa refarcien-

do damno, attentionem flagitat. Tuum imprimis nomen auribus meis inerrauit, ex quo Leidenſis Academiæ porticum intraui. Aſtuantem non lento aſſlatu animum ſentiebam eſſet in ſcriptionis curam, quam alibi reſtagnabat obſtaculum. Sed cùm natale ſolum & Iacobi Lanſbergij viciniam indulſit, tui refricata mentio non diu me deſiderio anhelantem vidit. Poſt exercitationum enim tuarum lectionem, quam tali parario nobis conceſſit ingenua Beeckmanni liberalitas, commercio literarum iter patuit. Tam grande beneficium Lanſbergio me debere candidè proſiteor neque inferior Beeckmanno gratia eſt, qui hæc ad te dirigere non abnuit. Tuum eſt imberbis iuuentutis ardorem ſuo meriti pretio, quæ conſignatum hac tabella mentis depoſitum *à xiv* offert. Ego animam recondita veritatis ſcrutinio incumbentem, ſepoſito auctoritatis fūco, ita expendi, vt maiores apud me ſtimulos naſci aliunde non potuiſſe prædicem. Ita nimirum erectos genij ſpiritus in libertatem vendicare decet, nec ſanctioris auræ particulam ignobilis ſeruitij iugo emancipare. Vtinam reliqui libri, quibus plurima, primo velut per Indicem ſparſa, explanatiùs diſcutiuntur, Typographica expeditione eant in Orbis theatrum! Ego lectionis hunc fructum tuli, quod Pyrrhonismi placitis comitatum non denegem, dum naturæ myſteriis circumfuſas tenebras percipio. Sed hæc laxiore ſtilo diſcenda, commoditatibus ſuæ articulos expectant, vbi muniendæ familiaritatis voto interpretēs literas conferre lubuerit. Incurandi officium patent tibi Beeckmanni lares, quos commendo non auerſos expectar. Ita Vale, & amantem (niſi graue ſit) pari dignare obſequio. Si quid prælo adornas eius quoque rei notitia veniat. Iterum Vale, Mildelburgi in Zeelandia 6. Idus Auguſti 1634.

Tuum ISAACVS GRVTERVS  
PETRI Filius.

Clariffimo Viro Domino PETRO  
GASSENDO

GABRIEL NAVDÆVS  
S. P. D.


uis igitur, Doctiſſime GASSENDE, nec de te ſplendida Minos fecit arbitria? O me felicem qui te mortuum omnino conſeſſatumque putabam! ſed quænam hæc iſta tua mens aut potiùs vaſtricies & aſtutia, vt qui hucusque Epicuri ritu vixeris, nunc etiam Pythagoræ ſilentium inſtituas? nempe vis, opinor, omnes Philoſophorum Tribus perreptare, vt quid in vnaquaque tibi commodum verterit, tunc cùm eo tibi opus eſt uſurpare poſſis, & quoties laute atque opiparè cœnandum erit, Epicuri te de grege pinguem & bene curata cute porcum; cùm etiam ab opere & moleſtia ſcribendi vel dicendi ceſſandum, Ranam te non ex Scryphia ſed Pythagorea Palude mutam

exhibere. At amabo quid iſtud rei eſt niſi cornicum oculos conſigere, idemque à Philoſophia quod mercatores Horatiani à pulchra lauerna flagitare,

*Da fallere, da ſanctum iuſtumque videri,  
Noſtem peccatis & fraudibus obice nubem;*  
aut potiùs ritu peſſimi iſtius Sycophantæ viuere, qui ſe cùm eſuriales feræ imminebant Lutheranum proſtebatur, cùm nummis indigeret ad Anabaptiſtas diuerſeque: & quoties Philoponia nauſeam illi ac ſtultitiam attulerat, Diuos omnes maximos mediocres & Patellarios vnâ cum Catholicis venerabatur, ſicque rem omnium opinione ſanctiſſimam priuatos in uſus flagitiōſos detorquebat: ſed heus, inquires, Hydropata dicaule, ſtancico an ſerio tam aculeatè in me contorſiſti? at iſtud equidem eſt, Oprime GASSENDE, de quo non ita facile deliberare poſſum; ſi enim moleſtiam quam mihi diuturnum iſtud ſilentium tuum attulit, ſi officium probi & diligentis amici quo minimè deſanctus es, ſi oblatam à doctiſſimo Claramontio teſſeram cui te aded tardum nomen exhibuiſti, ſi Peireſkij crebras adhortationes, quas tu pertinaciter & obſtinatè neglexiſti, in conſilium vocem, ſeridè profeſſo dicta velim ea omnia: verùm ſi ex alia parte oculos animumque reſpecto ad optimam tuam & ſuauiſſimam naturam, quæ mihi probè perſpecta eſt; ad leges amicitia, quæ libera eſſe debet; ad literas iſtas, quibus tam ingenuè reum te ſiſtis, & ad munuſcula etiam librorum, quos vnâ ttaſmiſti, ioco ſanè ac mera illa, quæ mutud ſemper nos coniunxit vrbaniſſimè prolata ſunt oportet; quemadmodum certè & me nunc illa protuliſſe velim omnino exiſtimes, cùm præſertim Deo omnium gratiſſimo Gelaſino vitulinæque Lubentia, præbe cum feriis Martinalibus, quibus hæc ad te ſcribo conueniat, & nihil aliud mihi ſupperat in antiqua iſta & tædij pleniffima ſolitudine; quo paginam hanc abſoluiam quæ Clariſſimi Scipionis ad te literis comitem ſe præbeat, cæterum vbi Romam peruenerim, quod breui futurum ſpero, excuſſerimque veterum hunc qui me tandiu iſtic oppreſſum detinuit, plura ad te de rebus vrbaniſ & Academicis Fluddaniſque perſcribam, quam vt diligentiam meam deſiderare poſſis aut debeas. Tu interim idem antea ſolito frequentius præſtabis & me vt antea feciſti amare perges. Vale. Dabam Gattæi 1634.

Viro Clariffimo ac Doctiſſimo Domino  
PETRO GASSENDO S. Theologiae Doctori, Philoſopho ac Mathematico Celeberrimo,

MARTINVS HORTENSIUS  
S. D.

It Clariſſime, Accepi tandem exemplar libri Galilei, quod Vir ampliffimus D. Fabricius gratiſſè ad me curauerat eſſeſſi; ſi & tu litteras oratio



orationemque quam ad te iam ante tres menses per P. Merfennum destinaui, erit cur mihi gratuler. Nescio enim quid mali suspicer ex longa illa tua mora, qua hæcenus Responsi nihil accipio. Ages autem meo nomine gratias Viro isti Eminentissimo pro munere suo, & officia omnia ipsi à me promittes; quandoquidem impensè eum obsecro, ob tenorem erga litteras & litteratos omnes, tum præcipuè erga me nihil tale promeritum. Scripsi quoque illi tum tempore prolixè, & gratias abundè egi, sed quia librum nondum acceperam, non potui ex animi sententia gratitudinem testari. Nunc autem non vacat, sed differam in meliorem occasionem. Audi quid mediter. Scriptum quod molior de diametro Solis, decreui D. Fabricio offerre. Gratum feceris si conditionem & statum viri, nec non merita erga Regem & ciues suos, tum & propensionem in studia, præsertim Mathematica, significaueris; quo tanto maiore cum gratia dedicationem instituiam, & fauorem eius erga me recognosciam. Video nonnullos ex vestris opera sua ei obtulisse, sed minus illi scribunt quàm quod mihi satisfaciat. Itaque rogo, ut per te certior fiam, quid potissimum dicendum censcas; quo & intra modum encomij consistam, & alios quàm minimum offendam.

Vidi nuper itinerarium Anglicum versus fretum Hudsonis & terram laboratoris in America Boreali, in quo erant obseruata aliqua circa tempestates anni, Refractiones Solis, variationem acus Magneticæ, & similia, non contemnenda. Dux navis Mathematicum fuit satis peritus, & habuit copiosam suppellectilem instrumentorum librorumque Mathematicorum. Liber Anglicè conscriptus erat, aliquot habuisses aliquot excerpta, quæ ubi à studio quodam meo amico conuersa fuerint in Latinam linguam, ad te mittere non destinam. Obtinui etiam obseruationes quoddam Eclipsium ☉ ac ☾ pro Domino Schichardo, institutas Oxoniæ Angliæ, à Viro doctissimo Iohanne Bainbridge M.D. & Astronomiæ Professore in Academia Oxoniensi. Eas non potui non tibi quoque communicare quum sciam te curiosum esse talium, & fortè omnes illas Eclipses eodem tempore obseruasse. Si tempus mihi esset, multa obseruata Meteorologica tibi impertire possem, de Iridibus, Halonibus, tempestatibus, & similibus, quæ quondam Leydæ, in seruiore studij Mathematici in priuatum vsum curiosissimè sectatus fui. Scio te non minore curam habere talium apparentiarum, quam ipsarum obseruationum cælestium. Et ego olim nescio quo indefatigabili studio huiusmodi speculationibus incubui; quum defectu instrumentorum non poteram obseruare ipsa Sidera. Nunc autem ita vrgeor aliis negotiis ut eas nequeam describere, amplius etiam continuare, postquam docendi munere fatigor, & alia meditor ad Astronomiam aut Opticam facientia. Excusabis ergo me, si affectum non deducam in effectum; & eâ promptitudine tibi mea non rependam, quâ tu tua nuper primus ob-

tulisti. Quandocumque ad D. Galileum scripturus es, fac quæso mentionem mei affectus quo virum colo, & gratitudinem meam significa pro munere quod non ita dudum ad me dedit è portu Liburnensi, per Consulem nostræ nationis ibi degentem. Quia enim illud accepi sine litteris, & suspicor tutò non licere ei ad me aliosque scribere, ego quoque vicissim ad ipsum aliquas iam dare, quæ studia nostra & opinionem damnatam (quod tamen vnice vellem) redolcant, ausus ininimè fui. Eam rem totam committo tuæ prudentiæ, & te studiæque tua Deo Opt. Max. ex animo meo, ac voto tuo, commendo. Vale, mi GASSENDÆ, & Hortensium tuum, quod facis, semper ama. Salutem dei Viris præstantissimis, D. VALESIO, & GALTERIO. Dabam Amstelodami die 15. Septembris 1634.

Ne hoc omittam; conficitur iam Sextans 7. pedum in radio pro D. Cælio & in meum vsum. Per eum hac hyeme spero obseruationes egregias me obtenturum. Sed si publicè aliquando dignetur mihi succurrere nostri Consules, ne dubita quin magna præstituri simus, & instrumentis nostris superaturi ipsum Tychonem. Iterum Vale.

*Eclipses Solis obseruata Oxoniæ in Anglia  
1630. die Maij 31. vel Iunij 10.*

I.

Initium fuit alto Sole 18. grad. 20. min.  
Finis 3. grad. 7. min. post meridiem.

*Anno 1633. die Martij 29. vel  
8. Aprilis.*

II.

Initium fuit alto Sole 31. grad. 10. min.  
paulò ante Finem 14. grad. 55. min. post meridiem.

*Eclipses Luna ibidem obseruata Anno  
1628. die Ianuarij 10. vel 20.*

I.

Mox post Initium alta Luna margine superiore 29. grad. 55. min. Initium moræ 37. grad. 27. min. Finis moræ 32. grad. 29. min. alto Regulo, & Finis Eclipsis 49. grad. 16. min.

*Anno 1631. die Octobris 29. vel  
8. Nouembris.*

II.

Initium Eclipsos alto Aldebaran 28. grad. 50. min. Finis moræ dextro humero Orionis alto 34. grad. 30. min. & Finis Eclipsis 41. grad. 20. min.

*Anno 1632. die Octobris 17. vel 27.*

III.

Initium Eclipsis altà Lunà margine superiore 44. grad. 50. min.

Altitudo Poli Oxoniensis è circumpolaribus accuratissimè 51. grad. 46. min.

Has Obseruationes Oxoniæ diligenter habuit, & bona fide retulit Iohannes Bainbridge M.D. & Astronomiæ Professor publicus in Academia Oxoniensi.

*Admodum*

*Admodum Reuerendo atque Eruditissimo Viro D. PETRO GASSENDO Theologo, & Dinienſis Eccleſiæ Canonico digniſſimo,*

**PAX CHRISTI.**

**A**Gnosco, Doctiſſime GASSENDE, etiam in ſcribendo quædam eſſe decretoria tempora, quæ neque peruerſas, neque præter- eas; id ego ſum meo expertus periculo. Nam cum ſæpe mecum ipſe conſtituiſſem ad te ſcribere, iamque manu calamum tenerem, neſcio quo pacto, repente aliæ ſe mihi cogitationes, aliæque auocamenta obiecerunt, quæ & calamum manu excuterent, & in ſcribendo diem diſſunderent. Quam rem ſanè periniquo animo tuli, quum in ea non exiguum exiſtimationis meæ partem veſtari intelligerem. Nam ad me in primis pertinebat coalitam inter nos beneuolentiam non ſolum comiter; ſed religioſè etiam tueri, ad hoc illud accedebat incommodi, quod meo me ſilentio magna fraudatum iri voluptate ſentiebam, tuarum ſcilicet literarum ſauitate, cum nihil ſcribendo, tibi reſcribendi occaſionem adimerem; nam qua ego alia ratione ab te homine rebus maxime ſeriis occupatiſſimo literas impetrarem, niſi ſcribendo? aut quomodo initum illud amicitie noſtræ ſœdus incorruptum ſeruabimus niſi comuni literarum commercio, qui vnicus eſt vigentis adhuc amicitie fructus? Et hæc ſanè accuſationis pars tanti apud me fuit, vt nullo facile dilui poſſit argumento. Aliàs ego totam hanc ceſſationem vel facili poſſum deprecatione redimere, cum præſertim nihil interim acciderit quod aut me ſcribere aut te ſcire noſtra intereſſet. Atque vti nam nō potius quædam incidiffent digna, quæ perpetua obliuione premerentur. Audiſti ni fallor ex optimo noſtro Peireſkio mare tribulationum quod eundo Romam ſuſtinui, percepisti quantæ mihi cum omnigenis moniſtris Romæ ſuſcepta pugna, quibus debellandis in tantum diſtentus fui, vt nō mihi ſolam omnem ſcribendi, ſed & cōſuetorum ſtudioſum, Mathæſcos dico tractandæ facultatem penitus ademerit. Cæterum quod amoris proprii munus eſt, quodque ſine piaculo prætermitti non poteſt, memoria noſtræ beneuolentiæ alioqui nunquam intermoritura ſemper apud me incolumis manſit: & quicquid à me in ſcribendo deſiderari potuit, id largè & cumulatè non deſij aſſidua tuarum virtutum prædicatione & crebra amicitie noſtræ cōmemoratione ſarcire. Et hæcenus quidem deſidiæ noſtræ patrocinium habes: at cum iam fatale illud ſilentij tempus effluxerit, nunc ab amico tantum admonitus certum offerri nuncium, qui iſtuc proſciſceretur etiam ſi nullum ſcribendi iuſtum argumentum ſupperebat, ſcripſi tamen hoc quicquid eſt, & ferream illam neceſſitatem perſegri, qua ſcribendi occaſione oblata, illam quoque non prætermittam grati animi tibi ſignificationem dare, tibi que cum primis immortales gratias teſtari. Qui me participem feceris exercitationis tuæ

in Fluddanam Philoſophiam, dici vix poteſt quantum in eius lectione gultus percipiam: tum ob reconditos omnigenæ Philoſophiæ reſeſſus quos in ea recludis, tum ob eximiam illam animi moderationē & æquabilitatem, vnicum docti viti & politæ mentis exemplar; quod id effeciſti ingenij tui māſuerudine, vt vtrum plus tibi Fluddus debeat cuius errores & periculoſa dogmata tanto iudicio & diſcretionē perſtrinxisti; an P. Merſennus cuius defendendi cauſam ſuſcepisti, diſpicere vix poſſim certè vterque ex æquo tibi obligatur. In illo tamen reducendo verèor ne forſan fruſtra laboraris, contra eum enim agis, qui neque voſſellis neque ſamnitum haſtis deterri poteſt: contis trabalibus opus eſt vt loco moueatur & corruat. Homo enim cum vanus ſit, & ſibi ſoli ſapere videatur, ſeuerioribus obeliſcis eum impetendum exiſtimarem, vt ſibi decipere inpiat, & impia illa dogmata, & nouitates ad omnes priorum ſæculorum ſuperſtitiones, & diuinatorias artes fenestram aperientes, deſerere. Cæterum laudanda ingenij tui mititas quæ omnigenæ eruditioni coniuncta, etiam inuitos in amore ſimul & admirationem rapit; ſed venio ad ſtudia nobis propria, ſcripſit P. Scheiner Viennā ad hie, mirarique ſe dixit, quid ſibi portendat facies Solis tanto iam tempore immaculata: Miror & ego non dubito quin & tu mi GASSENDE, mireris, quid enim ſibi tor ſumi ſlamarūmque globi à Sole præteritis annis vomiti velint. Malim meam hac in re ignorantiam fateri, quam præſumptuoſus inaccessam naturæ maieſtatem inueſtigare; ac proinde hoc Coſmicum myſterium modò tantum me ſuſpicere & ſanctè venerari relinquitur donec altiores in Coſmocritis progreſſus fecero. Quod fiet vbi particeps factus ſuero laborum operis tui, quod de huiusmodi obſervationibus moliris, gratum tamen nobis feceris, ſi tuam hac de re ſententiam, quam magnificimus, tranſcripſeris. Scripſit præterea P. Scheiner, ſe monſtraſſe Imperatori ſpecies rerum forinſecus apparentium proiectione directæ, eaque forma & magnitudine, qua apparebant foris idque pet tubum cuius lōgitudō 15. pedum; lentium verò eius cryſtallinarum vnaquæque 1. pedis Geometrici: quæ omnia Imperator dicitur ſumma cum voluptate vidiſſe. Scripſi ipſi vt Domino noſtro Peireſkio ſimile quid apparet; cenſeo modò hic Romæ vnā cum P. Chriſtophoro Grimbergero nouum Opus Mathematicum elegans omnino & curioſum, Summo Pontifici dedicatum à P. noſtro Mario Bettino Bononiēſi, cui titulus eſt *Apiarium Paradoxorum Mathematicorum*; in quo omnia ea quæ in tota Encyclopædia Mathematica rareſſima ſunt & ingenioſiſſima, cum præctiç tñm theoreticè pertractat. Elegantiffimis figuris elaboratum placebit Opus, ob nouitatem & methodum. Cenſeo præterea alium, qui intituletur *Apollonius Ligu*, compoſitum à Ioanne Anſuſio Genueſi, in quo de inclinationibus & contactibus ſubtiliſſima quævis demonſtrantur. Sed quid de mea Gnomonica Caroptrica, certè altum ſilentium. Annus iam aggruat quo eam prælo ſubdidi, ſed neſcio quæ

remora

remora interciderit; sic fit in absentia Authorum. Sed de aliis meis studiis quibus modò occupar plura intelligit ex optimo nostro Patrono sed audio abiturientis nuncij murmur. Itaque rumpens stylum me tuis SS. commendo. Vale. Vir doctissime, meque ut soles, amare perge. Datū Romæ 23. Septemb. 1634.

*Tuus quem nosti* ATHANASIVS  
KIRCHER à Societate IESV.

*Clarissimo Viro PETRO GASSENDO, eidemque Doctissimo,*

SCIPIO CLARAMONTIVS F. P.

**N**on est cur culpes (Vir Clarissime) literarum tuarum tarditatem, quæ mihi eo nomine gratissima accidit, quod meo moram prouentu compensauit; expressit enim literas eloquentia: plenas, Atticis salibus conuersas; humanitate redundantes, & in quo præsertim triumpho, exhibentes amoris erga me tui amicitia:que in animo stabilitæ cætu testimonium. Equid enim aliud significat diligens adeo, enixa adeo excusatio, ubi nihil erat, quod accusaretur, nemo qui accusaret? Ingenitem nempe cœu Zelotypiam importat, quæ non nisi ingentem, & confirmatum amorem comitatur. An non ego amicitia: viri optimi, doctissimi ac celeberrimi summopere gaudeam? adde si placet amicitia: clarissimi Galli me iure lætari, qui antiquam ex Gallia originem iactem. Illud verò in literis tuis minime probò, dum officiū Naudæ amicitiarum cultoris egregij damnas, quod impares nos iuncto vinculo amicitia:, me scilicet tibi tanto (ut interpretaris) minori deuinxit. In hoc tuo iudicio reprehendo, quæ illud distorquet, summam modestiam tuam, ego impar, ego minor. Patere tamen, Optime GASSENDE, in hac imparitate necti amicitiam nostrā: nam communis Magister inter dispares etiā amicitiam collocat eique suæ quoque sonat fistula. Disparibus compacta ciuitas. At sint cætera inæqualia, amor tamen, & officiorum vicissitudo æquales sint; de me id tibi polliceor; de te mihi humanissimæ tuæ literæ pollicita: sunt. Illustri viro Fabricio, cuius splendoris & magnanimitatis huc etiam fama perlabitur pro humanissima consulatione plurimas meo nomine gratias age, id mihi gratissimum feceris. Vale, Cæsenæ 3. Non. Nouemb. 1634.

*Clarissimo Viro PETRO GASSENDO Dinienſi Canonico,*

GODEFRIDVS IRENÆVS  
VENDELINVS, S. D.

**Q**uod sextum iam ferme annum compellatus à te satis ex propinquo, vix nunc tandem respondeam. Tuius fecit *regiō*, litium, morborū, funerum, & erepti mihi mei fratris. Denique postquam his fractus etiam ego decubui menses ferme 18. vix tandem me mihi reposuit Chiffelcius. Cæterum dum animam agere in quā maximè, Serenissima Isabella postremum omnium antequam è viuis excederet munus in me nihil tale cogitantem con-

rulit, & canonicatu Condatchi (honesto satis) maclauit. Ad cuius ego residentiam vnā cum regense proximo me comparo, & fortunam tandem contemneſe audeo. Cæterum dicta, quæ me mihi reddidit, nunc ita portò firmavit ut audeam & anios mihi adhuc pluresculos promittere: quos, inerti otio ne pereant edendis meis, quæ habeo plurescula impendere visum est, & cultui amicorum, quos inter tu mihi primus es. Et Tabulas quidem Lunæ Solares quas beneficij memor ISABELLINAS inscribere visum est, primas daturum me spero, sed tunc deum cum tu me in parte iuueris, iuuabis autem si ad ea quæ peto rescripseris pro eo ac potes, ac potes plenissimè. Scire aueo quanta sit eleuatio Poli Massiliensis; meministi me anno 1599 iterumque anno 1604 per Solstitium æstiuum pronunciate vltra gradus 43. ad minuta plura 20. pauciora 25. min. æt tricientis ratione inter ista interualla ut essent 21. min. 40. sec. sumtā mihi declinatione maxima Solis 23. gr. 30. min. sed non ausim mihi fidere. Tu velim quod tuo commodo fiat, explores, & quidem in ἀκρόπολιν hoc est circa ædem primariam (siue ea Dianæ olim fuit) quanta sit altitudo illic Poli, ut eam conferre possim cum obseruatione Pythæ Massiliensis qui suo tempore obseruauit distare Solem Solstitialem à suo vertice in ratione Gnomonica partibus 19. 12. min. 18. sec. cum ad Gnomonem 120. vmbra exhiberet 42. minus 7. esset inquam Gnomon ad vmbra: sicut 5200. ad 418. Admonui in Loxiā meo, quid antiquos hic fecellerit, & semidiametrum disci Solaris addendam monstraui. Fuit ergo sub Pythæ distācia Solis Solstitialis à vertice Massiliæ gr. 19. min. 27. saris præcisè. Eadem quanta inueniatur hodie nemo te meliùs scire poterit Solstitio proximo. Hoc ergo velim agas, & quidem circa vmbilicum vrbs illum editiorem, ubi haud ego fallor agas, aut Pythæas obseruauit. Si vera fuit mea obseruatio, & planè Massiliæ latitudo est 43. gr. 21. min. 40. sec. necesse est obliquitatem Pythæ fuisse 23. gr. 54. min. 40. sec. & vixisse illum temporibus Alexandri Magni, quod scio esse verissimum. Et Loxiæ mei mira est certitudo, quam à te velim confirmari antequam denuo ac triplo iam audior, etiam & obseruationibus longè antiquioribus atque admirabilioribus instructior prodcat, velim quoque cum Pettisco illo eruditionis omnis Genio agas, ut Byzantijs latitudinem curet explorari quā pote accuratissimè, & quidem missis illuc è Gallia nostra instrumentis. Etenim hoc mihi (sed Teutonice) scripsit ante annum Haga legatus ordinum Hollandiæ. Præstantissimi huius vrbs Astrologi vnā cum Visitorum vno Mathematices candidato affirmarunt mihi Imperatorem Sultanum Amurathem tertium curiosè perſerutatum longitudinem ac latitudinem vrbs in eius loco cui Topchana nomen est, ac deprehendisse latitudinem gr. 41. min. 30. longitudinem gr. 56. min. 47. exactissimè. Partilius his nihil expectari potest. Scio latitudinem immane quantum abesse à recepta 42. gr. 30. min. immanius etiā ab eā quā tu mihi scribis inueniendam 43. gr. min. 19. Quotquot hic sunt Arabes cum illa Amurathiana conspiciant. Nemo his omnium est



est qui exacta habeat astrolabia, quibus instituitur observationis experimentum. Vix bilem tenebis scio, vix risum, mi GASSENDÉ, ubi hæc leges, ego scio Byzantij latitudinem Peræ inueniendam 41. grad. 20. min. Serralijs proin ac veteris Byzantij 43. grad. 19. min. si verum est Hipparchum inuenisse illic eandem vmbra Solstitialem quam Pythæas Massiliæ, Huius ergo rei certitudo simul & fides mei Loxiæ Petrisco tibi que debetur in omnem sæculorum memoriam. Velitis modò ac iubearis. Velim & Forcalcarium ad eas ibidemque amplissimum virum Arnaudum meum Castronouarium Toparchâ, vt in manuscripto illic suo quæras annotata quædam loca stellarum fixarum ad annum 1360. aut citciter. Dignus est locus qui non lateat. Ille ad me perscripsit Abacum Ebonmezuphi ex parte, ad annum 937. imò enim vero 937. & quæ alius quidam annotauit ad annum 1406. sed ego illum annum 1360. iterum quæro & locum Reguli, Spicæ aliarumque trium aut quatuor nobiliorum stellarum quæ memini illic notata à viro tunc (quisquis ille fuit) peritissimo. Nam quia apomalia octauæ spheræ mera fabula est, vndique conquiro firmamenta quibus hoc demonstrarem, & habeo luculenta non pauca. Tu etiam magnam partem in hoc opere habebis si me rescripto beabis. Adde quoque observationes si quas habes vberiores Mercurij circa maximum eius à Sole digestum, nam Kepleriana diafemata mihi dudum suspecta sunt, videor ego mihi satis certò collegisse Perihelium Mercurium distare à Sole 30358. Aphellum 47071. vt media eius distantia sit 38711. In Venere est mihi Aphellum 72783. Perihelium 71903. medium 72343. corpora Planetarum mihi sunt in ratione suarum spherarum, diametros dico Planetarum esse in ratione distantiarum suarum à Sole, vt proin Saturnus simul & Iupiter, & Mars & Tellus, & Venus, & Mercurius spectentur è Sole sub angulo secundum ferme 28. aut summum 30. sec. nobis Mercurius spectatur sub sec. circiter, Venus sub 1. min. 20. sec. Mars, cum eum tu, ac sicut eum obseruasti reuera fuit minut. 1. sec. 6. admodum, sed Luna eum iusto arcibus extenuauit. Iupiter *æperit* 36. sec. non excedit. Saturnus intra 30. sec. clauditur. Iam si à me quæris quid de Sole sentiam, inuenio, heus tu! eius diametrum ad Diametrum Telluris sicut 64. ad 1. & Telluris ad Lunâ sicut 4. ad 1. ac puto me rem probis demonstrationibus habere confectam, quas propediem dabo cum ostendâ abesse à nobis Solem terrenis semidiamentris 14720. quæ est incredibilis hæcenus vastitas, sed moles Solis lôgè incredibilior, vera tamen intelligenti loquor. Perscribe verò mihi etiam si quas habes horum posteriorum annorum Eclipses cum Solis tum Lunæ, & si quarum deinceps institues obseruationes, eas verò ne posthac de altitudinibus aut Lunæ aut Solis supra Horizontem definitas, lubrica est hæc ratio ne dicam inepta. Fac quod ego soleo. Sciothericum constitue magnam Horizontale siue lapideum siue plumbeum in horaria minuta dispartitū, illic in vmbra suam & Luna & Sol vtrò tempus indicabunt, nec eo contentus obserua quo ali-

qua stella initio Eclipsæos vel ante, vel in, vel post meridianum inueniatur, & quotenis illa gradibus, sic omnes meas Eclipses obseruare soleo. Sic hoc anno inueni cœpisse Eclipsim Lunæ hora 6. min. 52.  $\frac{1}{2}$ . immersionem factam hor. 7. min. 57.  $\frac{1}{2}$ . emersionem hor. 9. min. 38.  $\frac{1}{2}$ . repletionem hora 10. min. 43.  $\frac{1}{2}$ . vt medium fuerit hora 8. min. 48. admodum. Proximam quam Augustus dabit spero me hic item obseruaturum aut certè Condari: malim hic tamen vbi meridianum mihi firmaui & choriagium omne præsto est. Tu vbi cumque eris mei memor eris. Mersennus tuus à me ante annum quærebat quid sentirem de casu grauium? addebat lapidem casurum in centrum vsque Telluris spatio 6. horarum, ac ego longè aliud inuenio, ac certus sum peruenturum ad centrū intra minuta hor. 12. demonstratio longa est & pulcherrima, quæque de motu grauium multa hæcenus ignorata patefaciet aliquando. Sed dum eam elucubro inchoatam à Noeumbri postremo, interim hoc habeto, signum vnius vniæ sphericum nihilo cadere lentius quàm ferreum globum 1000. librarum, si miramur Archimedeum in quadratura Parabole, mirabimur & huius demonstrationem theorematibus pulcherrimi & verò non inutilis in commune bonum. Addo quod vos trium viros eruditionis omnivariæ scio expectare auidissimè, esse Leodij amicum meum Patrem Iesuitam Anglum, qui horologium cœcèsit *auréum*, Sphæra est æquæ innatans, & vnâ cum Sole se diurnum in gyrum agens. Hoc vbi audiui primulum, accessi vitum & in eius me familiaritatem amicitiamque insinuaui. Quæsiui quid esset quod audieram? Ille spheram esse dixit cæream concavam, & aquæ innatantem, sed rogatus ecquid inditum illam cieret; contraxit humeros in ciuilem meam curiositatem satis sic damnnans. Scripsi ad Mersennum, ille solani granū hoc agere suspicatur atque adeò pronunciat. Quæ siueram & illud à Patre illo, volueretur ne illa sphæra æquinoctialiter seu Polariter an Horizontaliter? Horizontaliter respondit, quantum rēpsu persisteret triduum respondit aut quātriduum, nimirum cæra ipsa de aqua contrahit vitium quantum conicio, & vtrumque ille Pater rem occultat, prorumpet alicunde veritas, quam non despero, simul me ad ocium negotiosius composuero. Cæterum immensum est beneficium Petriscij quo nobis reliquias illas aut supra caras è Cypro aduexit. In illis Parfondæ illud drama omnem deterfit hæsitatiōem, circa Babylonios illos Reges, quorum catalogum à Nabonassaro habemus deducum. Præfectos enim fuisse Assyriorum seu Medorum iam clarè liquet, vsque dum Nabopolassar Nabugodonosori pater sibi *αυτοκρατορ* asseruit. Atque hinc iam planior fuit ac plenior Temporum cognitio, quorum ego iamdudum saxum voluo, ac confectam in aduersariis meis chronologiam porrò in mundū redigo & editioni paro. Multa illic leges ignorata hæcenus, eruta ex ineditis Græcis (chediis). Illic & Iubiles primū iam post 1300. annos agnosces, deriuatos ex anno ante Epocham nostram 1513. quo Moses Ægypto excessit; fuerunt verò Iubilæi (vt eorum gustum capias aliquem) annus noster 5. mensis Septembris,

Septembri, tum 54. & 103. 152. 201. 250. 299. 348. 197. item & noster 1621. eritque 1671. ex Septembri. Plura scribere vetat festinans ac mihi adstans *isidorus Dormalius*, quo iubente finio. Hec præfestinè Kal. Maij 1635.

*Sine sine Tui nexu, mancipioque*

GODEFRIDVS IRENAÏVS VENDELINVS.

*Viro Clarissimo Doctissimoque D. PETRO GASSENDO Ecclesiæ Cathedralis Dinienfis Canonico, Theologo, & Mathematico Celeberrimo,*  
MARTINVS HORTENSIVS S. P. D.

**I**Negerime GASSENDE,  
Iterum ad te properant literæ nostræ, quibus tentare volui num extremo conatu tuam istam in respondendo tarditatem valeam tandem aliquando expugnare. Totus anis abijt quod nihil à te literarum ad me delatum. Et tamen non ignoras quantopere afficiat tuo alloquio, quàmque libenter conferre tecum velim de studijs Astronomicis aut Physicis. Transmisi tibi Eclipsium aliquot observationes Anglicanas, & nuperam meam circa Lunarem huius anni. Si saluas acceperis, cur non significas, & simul communicas observationem tuam? Intellexi ante multos menses ex P. Merfennio, versare te in natura Visus exploranda, & experimentis eò pertinentibus. Eadem me cura sollicitat: & vellem libentissimè tecum iungere operam in scrutandis omnibus illis arcanis, quæ hîc occurrunt. Occupor hodie in Dioptrici & confectione Telescopij. Si Deus annuat, maiora molior quàm hæcenus sunt visa apud vltimos artifices. Astronomica mea ferè iacent, ex quo contemni hîc vidi cælestes illas curas: nullamque spem esse impetrandi publica instrumenta. Quid illustris Fabricius, quid Valefius, nihil in tuum commodum fieri iubent? Pergit ne ille olitor Sidera vt ante obseruaret? Exopto: & quidem vt paulo accuratioribus vtatur instrumentis. Rescriptum meum ad Bartholinum nondum ob summam chartæ penuriam ceptum est excudi. Modestissimè ipsum refutavi, & D. Tycho mihi omnem habui honorem. Hodie Opticam publicè lego in Gymnasio nostro: sed paucissimis Auditoribus. Ad eò hîc sordent: sublimia ista studia. Pecuniam omnes amant, non scientias: luxu dissolunt & corpore ornati splendide, animo inculti horridique obambulant: talis est genius loci. Nulla eos cura tangit, nulla curiositas, rerum pulchrarum; Bacchum diligunt & Cererem. Quid agam? Fero, & subinde te aliasque candidas Gallorum animas cogito. Inter quas si mihi viuere per fortunam liceret, & excitaret ipse magis ad philosophandum, & præclara inuenta cum maiori honore per orbem diffunderem. Famam habet hæc ciuitas quasi & studia & viri docti in aliquo sint pretio, sed famam tantum, nihil minùs quàm rem. Dolet me sæpius quod cum de sede habitationis deliberabam, non prætulerim Luteriam Amstelodamo. Illa verè flos urbium est, & tantum non parvus Mundus; hoc ineptis modò & sordidis hominibus

*Epistola ad Gassendum.*

plenum. Conatus fui studia Optica nuper oratione quadam excitare, nihil profeci. Vix dignabantur ad audiendum conuenire. Nihilominùs non dubito, quin tali loco dignam vbi legeris, sis indicaturus. Rogo autem vt per te vnum Exemplar habeat amplissimus Dominus Fabricius cum seria mentione meorum seruitiorum, & æstimationis quæ ipsum colo: alterum amicis tuos Dominus Valefius magnus artis nostræ patronus. Imprimis oro vt iudicium tuum de illa mihi perferas, & si quid observationum memorabilem, aut ipse penes te, aut apud D. Valefium habeas, simul communices. Fortè aliquando de editione, si per vos liceat, cogitabo. Vale, GASSENDE amicissime, & me ama. Amstelodami 15. Iulij 1735.

F. M. MERSENNVS  
PETRO GASSENDO S. P.

**D**ilcedebat è manibus epistola vna aut altera, quibus fortè recreari possis, Carissime GASSENDE, cum tuam paulò seriùs accepimus, quæ, tam etsi plurimum mihi placuit, vereor ne penitus faciat satis Andegauensibus quæstionem proponentibus, ad quos die proxima Sabathi, quo discedit nuntius, illam missurus sum. Excipies interim duas alias, quas etiam post Campanellæ responsum miserunt, solutiones: iamque videris quod de latitudine radiorum in superficie Parabolicam perfectè solidam, duram & politam incidentium, & ad focum punctum confluentium dici posse videbatur. Nihil enim cõrumpitur, neque deest vlla lucis particula exiis, quæ superficiem quantumvis magnam, & extensam attingunt, quæ non reperiatur peræquè in foco. Porro quod attinet ad ea, quæ de variis animi partibus, aiunt Academicæ & aliæ Scholæ cum veteres, tum recentiores, tantum abest vt soluant difficultates, quippe quæ nequeunt demonstrari. Adde quòd neque illa Dei per omnia spiritualis extensio, multò minùs humanatum animarum, aut Angelorum potest ab illo probari eà, quam appetunt demonstratione. Et quidem ea iam illis dudum obieceram, quæ tamen minus eis satisfecerunt quemadmodum & quod de illa ideali, & vt vocant virtuali, & per eminentiam comprehensione, quæ Deus à nobis concipit ipsam quantitatem, & latitudinem, &c. perfectissimè complecti. Nihil itaque hæcenus ex omni parte probant: fortè pulcherrimis illis viis, quas apertis pedem comitent lubentius; quod vbi resciero, ad te perferibam. Nostra interim otia Harmonica paucis abhinc diebus prælum effugientia, si tantulum tibi à grauioribus occupationibus super sit otium, inuisce: in quibus si non omnia, at ea saltem, quæ coram experti sumus, animo tuo placitura confido; vt vt sit, autorem & librum tuos habes, atque ad eò tibi vt iusque, qualem tui ipsius, curam incumbere cogitatu, vt illius nauos quoscumque cum notaueris vnguiculi radio inter legendum monentem, de præcipuis saltem nos opportuni moneas, quibus nempe addito nono folio te præscribente medicinam aliquam faciamus. Non repeto nouarum creaturarum generationem, & alias obserua-

O o tiones

tionem quas in literis nostris reperies epistola Peiresianæ coniunctis, has enim ante præsentem (ni fallor) excipies: Tui amici valent excepto Chambonio ad vsque mortis ianuam translati, ex iis tamen felici successu redeunte. Non iam peto quod à me toties amici postulant, quando nempe tua Philosophia lucem salutabit, quo tempore futurus reditus, &c. cum ea arcana soli illi Peiresio tua præsentia satis felici referuare videaris. Lutetia Paris. 15. Kal. Decemb. anni partus Virginei 1635. ineunte ferè 1636. quem tibi tuisque faustum adprecor.

Exciderat à memoria, vt te rogarem de tua ad me protinus mittenda sententia, in arcuum reflexionem, & laminarum chalybearum inflexionem, cur nempe redeant, an quia atomi perpetuo metu poros transantes cogunt poros è circulari figurâ ad ellipticam, aut aliam angustiorum conuersos redire ad figuram pristinam circulem sit lamina reflexa  $AB$ , sintque pori  $CD$ , latiores  $E, E$ , angustiores an forte atomi transeuntes per  $CD$ , cogunt reliquam pori profunditatem eam figuram resumere. Sed cur atomi potius mouebuntur à  $Cad E$ ,

quàm ab  $E$  ad  $C$ . Quæro igitur num ab oriente in occidentem sit oriens  $D$ , & occidens  $E$ ,  $E$ , an ab occidente in orientem aut quouersum moueantur, quod nisi probâris, assignes velim causam istius reuersionis  $AB$ , ad lineam rectam pristinam, sed cum ipsa lamina  $AB$  ex atomis constet, ergo atomi nouæ

huc illuc discurrerent à  $Cad E$ , cogent atomos incuruos  $EE$ , vt redeant ad rectitudinem & restituantur rotunda spatiosa, seu pori circulares, cum autem hac difficultate plurimum vigeat, virgebis etiam illius solutionem.

PETRO GASSENDO SVO,  
F. M. MERSENNVS S. P. D.

**N**ihil de atomis legere possum, mi Gassendo, quin tui, & quæ Philosophiæ recorder, quam cum è tuis manibus velim exire perfectam, & omnibus si fieri potest numeris absolutam, nolui præclaram eamque fuisse Augustini ad Discorum epistolam te celare, quæ ferè tota, magna saltem ex parte in paginis vltimis in Atomorum Democriti & Epicuri confuratione versatur: adeo vt futurum existimem ob tanti viri auctoritatem à te lectam iri cum voluptate, nisi tamen dum illam videris, quid enim latet tuos oculos lynceos, quos ne latent quidem atomi. Ne tamen ipse decipiar, ac tantulum temporis in ea querenda infusus illa est ordine secundæ, idque secundo volumine, quod nisi præ tuis manibus esse crederem, quid enim Theologi, ac Præpositi Dinienfis Bibliotheca absque Theologorum coryphæo stare possit? partem illam Epicuream exscripsisse. Porro Andegauensis ille Poyssonius hic iam adest cum tua epistola, quam magno Campanellæ nuper ostendit, & ab eo postredie repetiit, etiam-num pollicetur suæ propositionis demonstrationem, cui La-

leus 100. obtulit epistolas, si quid demonstrarit. Vereor vt quidpiam meo foco parabolico radiantem superficiem complectente subtilius ant verius proponatur, quam contēdit eam non esse veram & radicalem solutionem, sed illius tantummodo propaginem. Sed & aliam iam nouam proponit, quam nondum scribere potuit, multis obutus negotiis. Hæc tamen esse videtur demonstrare eodem modo quo primam propositionem, vnum corpus totum esse posse naturaliter in multis, imò infinitis locis completis, & inter se distinctis. Faciam vt ad te scribam, & de tua epistola ferat iudicium, hinc enim hominem facile noueris. Cum autem sim expertus ventros contrarios nil omnino minuire sonoris per aërem celeritatem, quæ semper æqualis esse videtur, siue fauceat ventus, siue aduersetur, siue sonus sit violentus & magnus, siue debilissimus, quæro abs te huius admirandi phænomeni causam, cumque ventus adeo sit aduersus vt aliquem tollat sonum, ne penitus audiatur, cur nusquam illum remoratur, quoties auditur? Sed & experientiâ mihi constat globum sclopi tormentarij tardius quàm ipsum sonum siue fragorem moueri, enius ferè subduplus est.

Cum hinc epistolæ statuendus videtur, occurrit iterum Augustinus, qui 151. ad nebridium epistola reicit iterum atomos: & certè me semper cruciat, qui fieri non possit, vt minimâ etiam atomus, cum mathematica quantitate non careat, cum & duritiæ ac ponderis, & figurâ non careat, in infinitum diuisibilis reuera diuidatur, saltem à Deo: quo posito fuerit atomus minima, ex hypothesi, nec tamen fuerit cum partibus in quas diuidetur, sit minor: Dominus le Maire, de quo crediderim tecum Dominus Peiresius, literarum decus & ornamentum, collocutus fuerit, proponit se dubio procul alphabeti, atque adeo linguarum reperisse, quibus Sinenfes, vel alios quosvis orbigenas ita posset literis, seu epistolis alloqui vt absque præuio pacto, doctore, mediatore, responsum ab illis de omnibus quæstis impetret, quod arcanum nulli reuelare cupit, vide tamen interim num istum nodum possis exsoluere, licet enim illis figuras omnium vestrarum arborum mitteres ea lege vt ad te remittant suas præcipuas arbores, quomodo sciant quod petas? His verò finem appono, vt tibi hisce nouis Kalendis anni 1636, te plurimum saluet.

Tuus MERSENNVS Minimus.

Episcopus ille quem adeo eloquentem aliquando in cubiculo nostro adiuisti die S. Ioannis obiit post annum crucifragij doctorem: ora pro eo.

Clarissimo Viro D. PETRO GASSENDO Ecclesiæ Dinienfis Præposito, S.

**D**quisitiones (Vir Clatissime) quibus ornati meum Problema de magnitudine in puncto, ingeniosissime certè doctissimæque, tantò me grauius obligauerunt, quòd tuum tempus rem pretiosissimam, seu partem illius æternitatis Operi nobilissimo de



de placitis Democriti debita, mihi dare dignatus es, sic ergo sunt Amicorum omnia communia, ut quoniam Merfenio nostro petenti denegare non potuisti quin me tuis scriptis honestares, iam meo iure posulem, & publico, te non semper neque diutius honore privari summo, quem istius Philosophiæ reconditæ volumina tibi sunt allatura. Id etiam postulant tempora Iusti Regis, qui cum ipse sit effectior tam cælestis mûdanæque Harmoniæ, quàm diuinæ Sapientiæ, pergratum habebit si viderit in hac communi Deique hominumque domo, non solum Merfenios de rebus musicis libros, sed etiam tuos de principiis vniuersitatis appensos, quasi Genealogias quibus ex quam-generosa stirpe sit otiusdum ostendatur. Certè Democrito tuo honorificis, inquam tuis vigiliis diem dat Cardinalis eminentissimus, cui soli conuenit de maximis rebus, & de toto Mundo facere iudicium, nec dubito quin ille Vir instar omnium Philosophorum, Populorum, & Seculorum, mox sit daturus subtilissimis ingenij tui partibus lucem felicem & æternam. Quod ut non negligas aut prætermittas exemplum, hortatoreque adhibeo magnum illum Cæpanellam, qui cum tandem non sine Prouidentia numinis emissus sit è diuturnis & obscuris Neapoleos carceribus, nunc sicut pugil Olympionices è summo Galliæ loco in aspectum totius orbis proferitur laudatus à quo laudaris ipse, & amaris. Interim atomorum m æcerimò contemplatori mitto tibi quæstionem nostram alteram, quæ si te excitauerit aliquantulum, reperies statim vnum & multiplex, diuiduum & indiuiduum, ita naturâ simul esse, ut vel ipsis sensibus non acutissimis appareant talia: quo sit ut aliquando contraria Philosophorum axiomata non magis pugnent, quàm ego tecum, cui cum omni reuerentia incum obsequium sempiternum voneo. Vale, Paris. 12. Ianuarij 1636.

Tuus Dediturus BAPTISTA POYSSON  
DE LA BENERIE.

Proposita quæstio plurima cui paucis. *Datur demonstratio perfectæ Logica, perfectæ mathematicæ; & perfectæ sensibilis quæ probatur dari magnitudinem latitudinis non expertem, quæ aliquando alicubi est in puncto verè mathematico & cuius puncti nulla sunt partes, & tamen in eodem puncto ipsa habet partes extra partes.*

Ratio quia datur gradus essentia perfectionalis in qualibet essentia, qui est ipsa essentia magnitudo extensivæ & eiusdem essentia per *Tuum Arc.* videlicet latitudinem qui gradus aliquando & alicubi non tamen, sed & semper est in essentia, cuius essentia nullæ sunt partes cum sit in suo conceptu formali indiuisibilis, & tamen habet illa essentia genus & differentiam, actum & potentiam, materiam & formam, ex quibus constat quæ sunt partes extra partes in indiuiduo & indiuisibili per vniuersale contradictionis ipsum omne demonstrationis genus constituentes, vnde sequitur tot esse proposita quæstionis demonstrationes quot rerum essentia, & earumdem gradus perfectionales, quæ cum sunt ferè infinitæ, infinitæ possunt dari huius quæsti demonstrationes, & cum hæc omnia sint Logica, Mathematica, & verè sensibilia, hæc demonstra-

tiones erunt reuera Logica, Mathematica, & perfectè sensibiles, sensibiles quidem non in actu signato sed exercito. Vel clariùs non quoad esse, sed quoad existere.

Viro Clarissimo atque Eruditissimo D.

PETRO GASSENDI, S. Theologiae Doctori, Insigni Philosopho & Mathematico,

MARTINVS HORTENSIVS S. P. D.

Vir Doctissime

Litteras tuas & typum observationis nupera Eclipsos Lunaræ gratissimò animo accepi. Mihi Amstelodami non licuit esse tam felici, sed solus annotatus est Finis horæ 11. ser. 32. Præcedentis anni Eclipsin mense Augusto ex parte obseruavi, sed ad manus iam non est, ut eam describam. Anno 1635. Februarij 21. visum est nobis Amstelodami initium hor. 6. min. 43. cum Regulus ad ortum distaret à vertice grad. 62. ser. 8. Immerfio hor. 7. min. 51. cum Regulus à Zenith abesset grad. 52. min. 36. Emerfio fuit hor. 9. min. 30. cum cauda Sol distaret à vertice gr. 50. min. 28. Finis fuit hor. 10. ser. 34. cum Arcturus ad ortum à Zenith abesset grad. 59. min. 14. Dantisci obseruauit Clariss. D. Crugerus per automarum initium hor. 7. min. 39. immerfionem hor. 8. min. 47. Emerfionem hora 10. min. 35. Finem hora 11. min. 39. sed in duabus posterioribus phasibus fateretur automati fidem non satis constare. Lōdini Clarissimus D. Gellibrandus vidit initium hor. 6. min. 20. immerfionem hor. 7. min. 37. Emerfionem hora 9. min. 9. finem hora 10. min. 21. Puto tamen hic scribendum hora 10. min. 11. intellexi ex C. D. Gollio, Illustr. D. Peiresio Eclipsin anni 1635. Augusti 27. curasse obseruari in multis Europæ locis: si eas observationes per te habere queam, nihil erit acceptius. Vbi meâ recepero Illustr. Domino communicabo vellem quoque adderes observationem Eclipsis anni 1635. Februarij 21. & appulsus Lunæ ad Fixas aut Planetas, quos interea de cælo obtinere tibi licuit. Schichardæ mortem cum dolore intellexi, & versu quoque profectus sum, quæ ad D. Diodatum iam dedi. Si obseruata eius per te habere liceret, scis quàm id me afficeret, animaretque ad præstandum aliquod quod dignū sit nominis immortalitate. Oro ergo te ut in hoc mihi gratificeris, & Illustr. D. Fabricium ad idem officium sollicites. Imprimis desidero descriptionem Geographica VVirttembergensium Ducatus, quæ per partes iam inchoauerat, & nostro Cæsio promiserat, si salua ea est, saluæ quoque sunt res nostræ. Nec minor mihi cura Theoriæ Mercurij, & tot Eclipsium quas collegerat, quibus si frui liceret, carius nihil æstimarem. Nobiliss. D. Valesius iam ad me humanissime scripsit, & orationem meâ de oculo sibi placuisse testatur est. Sed quid tu de ea iudices aut magnificus D. Peiresius nondum significasti. De Ephemeridibus è Lansbergij Tabulis supputatis nihil sperandum, & potest Argolus securissimè in proposito suo pergere. Opusculum meum de diametro Solis nōdum absolutū est, sed velim

O o a

nihilō

Epistola ad Gassendum.

nihilominus accuratè mihi significes conditionem & statum D. Peiresij, vt aut illud, aut aliud ei offeram; siquidem id omnino mihi stat propositum. Meretur Heros iste vt nomen eius perpetuetur eruditum virorum monumentis; & me quoque nostri peculiariter ei esse obstrictum. Excuditur hic scriptum Claromontij de sede sublunari Cometarum; vbi illud absolutum fuerit, puto excudendum meū aduersus Bartholinum, interea perficere decreui, Deo dante, illud de diametro Solis quod (vt & alterum) pulchra habebit Optica & Astronomica, Dioptricas contemplationes iterum deserui, & ad Astronomicas redij, sed non sine percepto insigni fructu circa Tubum Dioptricum, quem in publicum cum tempore proferam. Quid tu in ratione Visus, aut alia philosophandi materia. Oro communices quædam, expectaturus paria à me. Morinus vester Deus bone, quos non strepitus edit de inuentione longitudinum! scripsi ad eum iam secundà viçce, & varias difficultates moui, in quibus nondum mihi satisfecit. In summa censui, & censeo, inuentionem eius super matè esse prorsus impossibilem quoad accuratam praxim. Video eum proposuisse schema D. Galterij de demonstratione distantie Solis à Terra, quod aliàs ad me misisti; & vituperare illud Lansbergij quod est in Vranomettia, tanquàm non Geometricum. Quod certè nescio qua de causa fecerit. Nam vt hic de schemate D. Galterij aliquid insuper dicam, præter illa quæ aliàs ad te scripsi, si paritatem diametrorum Solis & Lunæ in Apogæo ei eripias, extra demonstrationē Lansbergij nihil habet. Pares autè esse Solis Lunæque in Apogæo diametros Ptolomæus statuit & Keplerus, sed neuter solida ratione comprobauit, & proculdubio est falsum. Mira quoque promittit de parallaxi Solis, æquatione temporis, Theoriis Planetarum, &c. sed ego omnibus iis ante facta experimenta nequaquam confido. Quid tu sèrias, auide ex te intelligam. Vale mi optime D. GASSENDE, & si me amas quàm sepius rescribe. Imptimis fac vt quàm citissimè (rebus meis sic exigentibus) certus reddar de statu D. Fabricij, quod vnice ab amicitia tua expecto. Datum Amstelodami 16. Maij 1636.

*Viro Clarissimo, Doctissimoque Domino*

PETRO GASSENDO *Amico*  
vnice colendo, S. P.

**V** Ir Clarissime, Accepi quas ad Deo datum nostrum dederas Eclipses Lunatis Anni 1635. Augusti 27. observationes, pro quibus maximas tibi, & illustri Fabricio, ago gratias. Profectò amor & studium illius Herois erga artem nostram, non vno ore laudandum. Sed vtinam tam laudabili proposito debita responderet obseruatorum omnium diligentissimi Romano, Ægyptio, Neapolitano, Syriaco adfuisset magis idonea instrumenta, certius de meridianorum differentiis licuisset còcludere: cum nunc in illis nihil nisi conatus veniat æstimandus. Quis enim in tãta Obseruatorum discrepantia, & vnica Eclipsi de vera differentia longitudinum audeat pronuntiare? si illustris Fabricius in eodem insti-

tuto perseveret, & futuras Eclipses maiore diligentia in illis locis obseruari curet, habebit vnde famam, nomenque suum, cum omnium eruditum insigni còmodo vltèrius excedat. Nescio an alias ad te scripserim; saltè nunc silere nequeo, quod non illobenter accipias. Nimirum Vvilhelmum nostrum Blæu inde ab anno 1634. apud Præfectos Societatis Indiæ orientalis procuasse, vt omnes gubernatores nauium, qui imposterum nauigaturi sunt in Indiam, teneantur Eclipses Lunæ, tam in mari, quàm in terra, obseruare. Dedit autè illis super hac re instructionem typis excusam; & nò dubito quin nupera & vrraque anni 1635. Lunæ Eclipsi, diuersis locis ad Orientem sitis iam sint obseruatæ. Nonne vides quantum id faciat ad promotionè re Geographicæ & Nauticæ? Prudentissimè ergo feceris, si D. Fabricium in proposito suo confirmaris quandoquidem vbi naucleri isti redierint, si viuant, obseruationes omnes vobis transmittere decreui; atque cã ratione & gratitudinem meam ostendere, & ad Geographicæ emendationem symbolam qualemcumque confectæ.

Intellexi ex literis D. Morini non tantum te per instrumentum 30. pedū obseruare diametrum Lunæ, sed & variabilè deprehendere pro diuersa supra horizontem altitudine. Scitè quæso quomodo id obserues, & quæ nã sit instrumenti structura. Nulla enim ratione mihi persuadere possum, phænomenum istud realiter Lunæ adesse, sed existimo ab Optica aliqua luminis proprietate, oculisque tuis deperdere. Et videor mihi causam videre manifestam. Nã cum Luna humilis est, ostendit atmosphæram profundiorè, densiorèque. Itaque tingit ætrem maiori lumine quàm cum est alta idque cã ratione, vt annulus quidam lucidus iudicetur Lunam circumstare, eius limbo ad sensum còtinuus. Et hinc fit, quod visus in humiliori situ Lunæ inter contactū limbi & pinnaculorum ægrè discernat quã in altiori; adeoque vt diametrum iusto maiore obseruet, arripiendo lucè aliquam æris pro lumine ipsius Lunæ limbi. In maiori autè altitudine illud non fit, quia ob ætrem puriorem, purior quoque offertur Lunæ limbus, & præcisior, minorque diameter. Tu vide num causâ hæc saluando phænomeno sufficiat; & simul considera, si realis sit ista diametri Lunaris mutatio, debere quoque locum habere in Sole. Et si locum in Sole habeat, necesse esse vt quemadmodum ætrem in Cælo comparat, reuera quoque obseruetur per Telescopium. Verùm enim verò & tibi ignotū esse nequit, & mihi sepius exploratum est diametrum Solis ne tantillum quidem variari in quacumque obseruetur supra Horizontem altitudine, exceptâ contractione Ellipticâ, quæ obuenit diametro erectâ à diuersitate refractionis superioris & inferioris limbi. Consequens ergo est, phænomenum illud ex accidenti Lunæ superuenire, ab ætre illuminato & oculis obseruatoris. Clarissimus Valesius non ita dudum mihi per literas indicauit te diametrum Solis, Lunæque in Apogæo non maiore statuete scetup. 30. sec. 4. Lubentissimè intelligam quã id ratione obseruari. Ego obseruandū diametrum Solis per varia foramina, insignem in ea inueni diuersitatem, & plerumque maio-

rem

rem scrupulis 30. diametrum autem Lunæ nondū accuratè & ex voto obſeruare potui ob debile lumen. Si tu eam obſeruâris per pinnacidia & inſpectionem oculatam, ſcito me audere ſtatuerè, neminem vnquā ad ſcrupula ſecūda hoc obſeruandi modo eius quantitatem determinaturū: quod tamen requiritur, ſi quid æſturi ſumus quod omnes prædeceſſorum vincat conatus. Si occaſionem & commoditatem obſeruandi haberem, non diu eſſet quin videres quid ego ad obtinēdam eam præciſionem queam præſtare. Nunc diſſerendum eſt, & premendæ inuēſiones aliquæ ad Aſtronomiæ bonum non parum conducentes. Significāram Morino, atcanū illud Aſtronomiæ maximum quod ſe inueniſſe putabat in viſione ſtellarum fixarum diurna, mihi non eſſe inſolens; ſed ante ipſum à me viſas per Teleſcopium fixas poſt ortum Solis. Reſpondit, ſe non credere, cūm alioqui non tacuiſſem. Quasi verò de fide mea quicquam dubitandum haberet, eò quod tot circumſtantiis & ineptiſſimè non propoſui, vt ille pag. 2. 10. partis 6. de longitud. Non ſoleo inuenta mea cum tanto ſtrepitu protrudere. Plura habeo circa Teleſcopium, & quidem egregia; ſed non dabo antequam poſſim cum maxima nominis gloria, & ſpe immortalitatis. Quod autem fixas poſt ortum Solis viderim, colligi poſteſt ex mea tecum Diſſertatione pag. 39. vbi viſioni Veneris diurnæ, ſubiungo obſervationem diurnam Iouis & fixarum. Idque dudum antequā D. Morinū nouiſſem; ſed hæc eadem ad illum ſcripſi, & ſpero agniturum ſe non eſſe primum tanti arcani, ſi tantum eſt, inuentorem. Si nolit, tu intercede & impelle virum, ne tantillū honorem mihi inuideat. Quid de Schikardi ſcriptis? nihil ne auditur? ſperaueram ea aut per D. Deodarum, aut Illuſtr. Fabricium haberi poſſe; & tu quoque operā promiſeras. Scribe oro quid ſpei ſuperſit, & multum Vale. Amſtelodami 12. Octobris 1636.

*Tuum ex animo*

MARTINVS HORTENSIVS.

*Summo Viro D. PETRO GASSENDO  
D. Dinienſis Cathedrali Eccleſiæ  
Præpoſito, Domino & Amico cum  
primis honorando, S.*

**N**oli expectare, maxime GASSENDE, vt Schikardi noſtri diſceſſum ex hac vita exequar pluribus. Non enim charta hæc tam ſancta deſideria caperet; quibus Chriſtianiſſimus hominum Cælum obſidebat, & perripit: non illam inuicti animi præſentiam, cūm feralis & epidemius graſſator neceſſitatem denuntiaret vltimam, nō denique ſuprema Deoque plena verba ac ſuſpiria, cūm immortalis anima euolaret ad Creatorem ſuum. Et quid, mi GASSENDE, in triſtiſſimo tunc corde volutaſſe me putas? cūm Medico quidē pridie proſpera cuncta, & reditum valetudinem promittente, poſt ſequentis tamen noctis meridiē de ſubito omnia mutaret in peius. Quid? cūm mox exciperetur anhelæ & lamentabilibus gemitibus interrupta vox valedicentis mihi, cum gratiſ votiſque ſummam pietatem teſtantiſ. Quidcum interiecto breui ſpatio

*Epistoła ad Gaſſendum.*

nūntius ſuccederet horribilis, candidiſſimum expiralle pectus, omnis & ſapientiæ & honeſtatis promum condum extinctum Academicæ Poſphorum, atque ſummas ſpes vno veluti momento cōcidiffe. Quid? At non ſuſtineo iacturæ grauitatem hic expendere ampliùs, vnum me conſolatur non parum; ſuperſeſſe adhuc deſuncti fratrem Lucam, elegantiffimis moribus hominem, ac præter cæteras artes Mathematicis ſtudiis non vulgariter eruditum: qui non tantum quæ noſter ille, & maxime publico bono deſtinauerat, colligeret, & ſicubi latente nōnulla (quod credo equidem) erueret, diſſigentiffimè: verū etiam operam impenderet omnē, vt Schikardianum nomen perenni gloriā vigeat, atque nouorum ſubinde meritorum acceptionibus magis magisque illuſtretur. Peregrè abeſt Lucas cum Principe ſuo; in patriam rediturus, quamprimum leniores aſpirauerint Auſtri. Eſt inſuper in magna apud nos expectatione Moglingus iuuenis ingenio validus, ac reliquos Schikardi diſcipulos induſtria & profeſtibus longè ſupergreſſus: & quem tantus Magiſter iudicauerat dignum, qui ſibi in Profeſſorio munere aliquādo ſubrogaretur. Hunc producam ego, quantum potero. Spem pronuper faciebat is mihi, Mercurij Theoriam abſoluendi, dummodo obſervationibus iuuaretur: quia in re nullus Tycho tantum ſuppetiarum ferre poſteſt quam tu, mi ſapientiſſime GASSENDE. Optimus Schikardus noſter eū ingentem epistolam deſtinaverat tibi, fato conatibus eius intercedente vix principium ille calamo, expreſſit: quod hic mitto. Ex paucis tamen lineis æſtima magnitudinem obſeruantiæ & amoris, quo te ille proſequebatur. Addo etiam literas ad illuſtrem Peireſium; & ſimul aliquod exemplaria laudationis, honori & memoriæ Schikardi dicatæ: quæ omnia vt cures, te vehementer rogo. Vale ſumme Vir, & vale. Dabam Tubingæ, Kal. Nouembriſ A.C. 1636.

*Tui obſervantiſſimus*

THOMAS LANSIVS.

*Reuerendo & Sapienti Viro D. PETRO GASSENDO Cathedrali  
Eccleſiæ Præpoſito, & Mathematico  
ſimul Eminentiffimo,*

VV. SCHICKARDVS, S.

**N**antum tibi debeo, mi D. GASSENDE, Vir admodum Reuerende ac modis omnibus honoratiſſime, quantum vix mortalium alteri cuiquam; vt quoties beneficiorum & eſſentiſſimi amoris vbertatem cogito, toties exhorſeſcam, nil æquiualens in me reperi, quo tibi viciſſim ſeruire poſſim. Quid enim dicam de tot prolis nō epistolis, ſed integris libris, quos mei cauſa manu propriā ſcribere non tædedit, vel inter medias occupationes graues! Aliter ſanè gratitudinis declarandæ medium non ſuperſeſt, niſi vt aliquando cum reſtituta pace iſta edidero, Poſteritati ſeræ indicem, quantum Aſtronomiæ reſtaurandæ inteuſuevit GASSENDVM naſci. Cæterum vt ab Eclipſi verna ordiar, notum & proſus ſingulare eſt

O o 3

quod




quod in ipso corpore Lunæ tu lyncæus, quatuor illa puncta contactus notare potuisti, ex quorum intervallis proportio vmbæ ad lucē, vñatū latitudine queat elici, etiam absque præcognitis alienis dubiisque. Quo autem ratiocinio tu inde deducas triplā,

**A** ego quidem ignoro, quid verò **B** mihi ea cogitatio suggesserit, indicabo vt examines. **A** sit initium, **D** finis, **B** immersio, **C** emerſio, ex obseruatione tua distant **AC** 25. grad. **CB** 142. grad. **BD** 30. grad. **DA** 163. grad. nisi oportet necessariò bina intervalla opposita **B** **D** & **AC** æuari (quod autem tu non tradis æqualia, factum agnosco veritatis

amore, quia non soleas obseruationes ad arbitrium corrumpere amplector ingenitarem, & millies præfero rudiusculas cuiusmodi, aliorum comptis, ex composito fictis.) Sunt igitur ambo **BD** & **AC**. pariter inter excessum & defectum medio, scilicet  $27\frac{1}{2}$  manentibus cæteris intervallis.

In assumpto quopiam circulo vmbam designante, disponantur quatuor puncta dictis spatii respondentia, quæ sint **a** **B** **C** **d**. Horum bina **BC** (quia Lunam subiiciunt intra vmbam) ita mancant, reliqua duo (quæ contactui exteriori respondent **a** & **d** continentia ad oppositum, vt acquiram veros contactus **AD** connectentia **a** **a** **AD** & **BC**. Dico inter



eas versari aliquam parallelam, quæ sic abscindat è centro egressas, vt exterior pars *AE*. Interiori *BV* æquetur. Habeo autem demonstrationem (proximitate sua hæc radiolam futuram), quod eius proportio sitis inter extremas vicinas sit æquæ, quæ notorum *P* O ad *P* M. Ttahatur ergo *AM* & parallela *LH* inde Orthogonalis suprema *HK* denique ex puncto sectionis *I* *F* ea monstrabit apud *F* transitum quæritur. Hinc innoteſcunt omnia reliqua. Nèpe, supposita diametro *BN* min. 30. qualem hunc obſeruaſſe refers, ſemidiameter vmbra *BO* 39  $\frac{1}{2}$  (quippe vniuerſis altior ibat) quàm vulgò creditur.) Et diſtantiâ centrorum, ſue latitudo in medio deliquij *OF* min. 8. tantum. Sapienti ſatis, &c.

*Hæc Epistoła præ morte non finita fuit.*

## CONSTANTINVS GASSENDO SVO S.

**E**grè moleſtèque feto te tandia verſari in Prouincia, nec poſſe te vllis precibus oblectari vt te cõſeras in urbem noſtrâ, in qua oſtendiſti lumen ingenij tui, quod facit nobis abſentiam tuam plenâ deſiderij & ſollicitudinis, quo fit vt non ceſſem te inuicibus appellare, licetis, & ad te mittere quæ apud nos gerûntur, vt habeas, quos ſuperioribus meiſtibi pollicitus fueram, libellos, in quibus nonnihil rei eſt, quæ te ad eorum lectione accendat, & ſcenam vitæ humanæ tuis ſubiiciat oculis. Facere imprudenter, ſi putarem illam te non propiùs inſpexiſſe, qui optimis diſciplinis inſtitutus, cognitas habes eorum artes, qui gloriantur arbitrari ſuo cælum licere, & Deos præberi faciles, cæque opinione capi imperitos, quos fracto & abiecto animo ſub ſuū iugum mittunt, vt arbitrio cateant ſuo. Hæc per ſe nota ſunt, nec tutum eſt Poëtarum *pueræ* ni mauis, *modice* aperire. Lugent enim Athenæ Socratem ſuum, qui Poëtarum inſidiis in vincula coniectus, Arcopagi venenū hauſit. In eo viuunt homines, vt omnium qui horum partibus non ſe dederint, perturbent animos, & quos non poſſunt ingenio, metu aſſequatur. Plangere & lamentatione domos complent, ac queruntur Deorum Sacra violari, quæ res apud eos perpetuò recinit. Non norunt cæci tantum ſcelus ſuo dari vitio, quod cælum ſcenam, & Deum drama faciant. Vetera ſibi prætendunt, vt plus authoritatis habeant, nec patiuntur illa antiqua commenta ex æquo & bono reſcindi, neque ſe veritate & ratione conuinci. Nihil penſi habent, ſi ſuis conſiliis Remp. concitent, ad cædes & incendia homines acuant, & nomen Philoſopi in commune vocent odium. Nihil niſi ſubdolè & verſutè agunt, qui ſi reuincuntur mendaciis quæritur latebram. Noſtra ætas tantâ effudit Poëtarum copiam, vt in oppidis tumultuantur homines plus æquo ſui ſtudioſi per ſectas & hæreſes diſſident, qui dum ſe imperi ſentiunt, veniunt in belli ſocietatem, & ciues occupant, è quorum maſcupiis non deiciunt oculos, donec exhaustæ ſint. Quod in cauſa eſt, vt florentiſſimas vrbes faciât ingenij ſui theatra, vbi ſuis Apologis deludunt homines, qui cæco quodâ timore horû partes ſequuntur,

*Et veluti pueri trepidant, ac omnia cæcia  
In tenebris metunt, nec ſomnia cernere ceſſant,  
Sollicitamque gerunt caſſâ formidine mentem.*  
Vetus eſt clariſſimorum Philoſophorum quærimonia paruulos tradi imperitis mulierculis, quæ eorum animum ad res humiles abiciant, vaniſque frangant terroribus, deinde tradi inſtitutoribus, qui bonarû rerum fudes falſum, aut veriſimile pro vero doceant, ſuaque ſomnia, quibus, etiamſi in viros euāſerint, deluſi, facile ſe credunt Poëtis, qui horum ignorantie ad perniciem abutuntur, & optimates in quibus gratiæ & præſidij eſt plurimû ſuis laqueis irretiunt, vt iis qui ſecû non conſentiunt, vncum impingant. Hæc palâ aguntur, & nemo audent hiſcere, quin vocetur in crimen. Felix nimium prima ætas, quæ iis præſtigiatoribus caruit, nam antè Orpheum & Linum nulla eſt litera. Poëtæ etiam tollunt è ſua Rep. viri pij; quia Poëtæ eſt fingere & verſari in nugis, quibus euertendis operam poſuit Seneca in eo libello, qui de ſuperſtitionibus inſcribitur, & quem petiſſe doleamus. Aduerſus Poëtarû furorem & audaciâ Varro vim eloquentiæ oſtendit, & eorum dānauit *paucos* *deſonias*, vultque hos homines omninò extingui, & eorum memoriam ſempiternâ obliuione deleri. Plura dicetem, niſi ſcires, quos hæc omnia attingunt, quique rem eandem verſant, cûm vnaquæque gens habeat ſuos Poëtæ, quorum nutu & artibus optimorû ciuium fortunæ tentari, famam lædi, ipſumque caput in diſcrimen vocari legimus. Vterer exemplis niſi ea noſſes, & eorum technas, qui Poëtarû myſterijs initiatos ſe eſſe venditant. Nos verdè ab eorum moribus & ingenio ſumus alieni, qui diſſidiis æternam Vale diximus, nihilque beatius ac antiquius habemus animi quiete, quæ facit, vt gaudeas in ſinu tuo, & felici otio fruaris. Vale.

*Maximè Reuerendo ſummoque Viro  
PETRO GASSENDO Eccleſiæ  
Cathedralis Diuienſis Præpoſito, Domino & ſauori honoratiſſimo, S.*

**P**urimum Reuerende Domine virorum eximie.

Parum abeſt, quin à redditis tuis ad me literis, humanitate ſingulari, hoc eſt, nationi veſtræ propria reſeretiſſimis, quintus iam menſis effluxerit. Et quia reſpondendi officium ed vſque diſſerre viſum eſt, dum excellens carmen tuum cæteraque in honorè Schikardi *ſui* *maximè* parata, ex officina Typographica vnâ irent, ita factû eſt, vt expectatione tardior eſſe cogeret. Modicû hanc urbē inter atque Tubingam, nec niſi bidui interuallû interiacet. Et quia tamen propter itinera militariis vndique latrociniiſ inſeſſa, vltro citroque cõmeare tuto non licet, omnia lentè proceſſerunt, & quod valdè doleo, exempla parentationis, quorum vnum ab illuſtri D. Luillierio accipies, non ſalutè ſub finem noſtri mercatus, vbi commodiſſima erat occaſio, rectâ Lutetiam ea tranſmittendi, ſed nunc demum, Lanſio noſtro mittente, allata fuerunt vt non niſi cum mora longiore

giore & per viarum ambages peruenire possint. Dabis igitur huic tarditari, sed & literarum meum breuitati veniam. Nihil poterat exoptatius accidere mihi, quam ut prolixam & pridem admiratione diuinorum ingenij monumentorum, in animo conceptam tui obseruantiam, prolixa item epistola explicare, & vltro oblatae tanti Viri amicitiae captare fructus vberiores mihi liceret. Verum exhaustae quattrimestri morbo, & prostratae vires, vix pauculis hisce scribendis suffecerunt. Ut primum valuero relictus (id quod ope Dei Medicorumque breui futurum spero) resumpto calamo, si permittis, amplioribus verbis vltiori me gratiae tuae insinuare conabor. Vale, Vir summe, scribebam Argentorati, 19. vel 29. Ianuarij 1637.

*Tua Reuerenda dignitatis cultor obseruantissimus* MATTHIAS BERNEGGERVS, *Historiarum Professor in Academia Argentoratensi.*

*Dilectissimo Viro* PETRO GASSENDO *Theologo,*

ATHANASIVS KIRCHERIUS  
S. P. D.

**M**orem tibi geram, mi GASSENDI, & tantum quidem libertatis quantum iussio tua mihi gratior & occasio tibi gratificandi oportunior, hac enim futurum spero, ut quam dulcissimi Peiresij nostri opera quondam Aquis-Sextiis tecum contraxeram necessitudinem, vti locorum intercapedine, ita occupationum itinerumque complurium distractione penè extinctam è fauillis resuscitem, & quanti te tuaeque studia faciam, quamque dicto iussu tuis sum obediens hocce breuiusculo restaret epistolio, iussisti ut Eclipsin quam die prima Iunij currentis annis Sol subiturus erat, obseruarem; feci quod iussisti & ea quidem diligentia quam iubentis merebatur authoritas; quod si expectatio tua non viquequaque sit satisfactum, non me id in negotio exequendo, promptitudine, sed iniuriae Caeli quoddam eo ipso die ad eò se contumax ac turbulentum exhibuit; ut facile monstraret id se nobis inuidere, quod videre à tot annis plerique optant Mathematici. Rem igitur eo quo sequitur modo & methodo aggressus sum prima die Iunij hora 2. pomeridiana, instrumenta obseruationi destinata loco opportuno exposui, Tubum opticum loco particulari per obscuratae fenestrae relictum foramen, fulcris quae verebris suis ad tubum in omnem partem situsque differentiam facile contorquendum instruebantur, nixum in subnexam Tabulam, in qua futurae Eclipsos in suos digitos & minuta distributa schema delinearam direxi. In contiguo loco duae aliae fenestrae erant in quarum vna Quadrans Azimuthalis in horizontis centro circumuolubilis in gradus & minuta summo studio distribu-

tus ponebatur, in altera sciotericum duplex, Astronomicum videlicet & Italicum in quadrantes & minuta à Clauio quondam exactè distributum Soli exponebatur. His igitur omnibus ita rite instructis adscitisque in operis executionem duobus aliis Patribus multum exercitatis; ego tubo ad punctorum Solarium obscuratorem indagandam dirigendo, alter altitudini Solis, horis denique metiendis tertius intentus vniuersisque ad commissio sibi munere probe fungendum, tempus rei bene gerendae opportunum operiebatur. Primum itaque Solis obscurati punctum, quantum nobis quidem nubes earumque lucida interualla permiserunt, ope vitrorum viridum obseruauimus incidere in horam 5. à meridie & min. 33. quibus in quadrante respondebant 18. gradus altitudini Solati & min 24. Hisce nobis occupatis veluti succensens Caelum, Solem ad eò enormi nube texit, ut de obseruatione perficienda penè desperaremus. Post nubi tandem aliquandiu desideratissimus nobis illuxit Phaebus; cuius faciem ego tubo excipiens 4. punctis & 15. minutis obscuratam inueni, eodem tempore in Quadrante altitudo Solis inueniebatur graduum 18. min. 36. & in horologio, hora 5. à meridie & minut. 48. hora 6. & min. 10. denudè disicum Solarem 8. circiter punctis obscuratum inueni, Sole alto gradibus, 9. minut. 43. Posthac luminaria ad eò profunda nube se abdiderunt, ut imposterum videri amplius non potuerint. Atque ex hac nostra obseruatione, mi GASSENDI, facile colliges Argolum ferè mediam horam à vero aberrasse, magnitudinemque Eclipsos puncto integro à vero defecisse cognitum est. Sed hæc omnia tibi exactius exploranda relinquo.

Ceterum multa mihi de calamitosa itineris mei Melitensis successu tibi scribenda forent. Mira quoque quæ dum Æthnam & Vesuium conscendi, huius voraginem quoque dum Liparis adij, dum inauditis Terræ moribus in Calabria præfens interfui, communicanda essent. Verum quandoquidem de iis particulari libro forsitan tractaturi sumus, superuacaneum esse ratus sum, iis recensendis tempus perdere. Modò Romæ de go in gratiam cum pristinis Musis reuersus. Hieroglyphico operi noctu diuque intendo, in quo si aliquid laude dignum præstitum fuerit, post Deum D. Peiresio acceptum fero, hic enim fuit primus huius operis ad eò per totam Europam exoptati promotor, nec enim ego vnquam tantæ molis opus humeris meis imponi mihi passus essem, nisi is authoritate sua, quæ pollebat maxima, me fulciuisset. Opus ipsum pecunia clam suppeditata, libris, aliisque ad tem bene gerendam necessariis abundè animasset. Imò alios quoque ad opus quatuordecim tandem ratione promouendum, præsertim Mecænate meum continuus stimulis incitasset. Huius Viri inexplicabilem peritiam atque in promouendo literario negotio feruorem ego 90. epistolis proorsus longis omni

recon



reconditiōis eruditōis genere, atque veteri sapiētiæ arcanis refertis, quas ad me de Hieroglyphico negotio dedit, testari possum. Atque hæc de studio Hieroglyphico. Interim subcessu horis aliud opus molitus sum, quod dum hæc scribo ad Coronidem perduco. Estque de arte Magnetica Opus ripartitum, cuius primus liber intitultur Magnes, siue de effectibus raris & prodigiis Magnetis; alter Magnes applicatus, in quo quæ miranda in Geometria, Catoptrica, Statica, Astronomia, Gnomonica, Mechanica, Steganographia, Thaumaturgica, Cosinographia, similibusque Magnetis opere fieri possint variè ostenditur. Tertius liber Catena Magnetica dicitur quæ totum Mundum singulasque eius partes *mutuè* ostendo. Opus, ni fallor, placebit, cum omnia in eo varia probatissimorum experimentorum demonstratione, sine qua omnem Philosophiam non immetitò mancā atque inutilem existimo, comprobantur. Mox ubi impressus fuerit, dabo operam, ut te eius participem faciam. Atque hæc sunt, quæ tibi breuiter, mi GASSENDÆ, communicanda duxi. Quid tu porro modò moliaris scire aueo, non dubito omnia ut soles magna & ardua; quæ ut ad finem desideratum perducas, Deum Optimum Maximum obnixè deprecor. P. Scheiner impressit modò Opus nouum contra coniectores Astrologos, quod tamen ad manus meas nondum peruenit. Vbi Romam appulerit, dabo operam, ut tibi propediem exemplar transmittam. Cætera D. Naudæus vtriusque amicus optimus ita & integerrimus perscribit. Ignosces manus volantis errores, valdè enim timeo, ne inconditis hisce literis meis bilem tibi potius quàm cor moueam. At cum occupationes meas nôris, multaque scribendi materia, literis formandis inhærere non me permittit facile festinationis meæ veniam à te me impetraturum confido. Vale, amicorum optime, meque ut soles, amare ne desistas. Datum Romæ 2. Iunii 1639.

*Tu quem nosli amantissimus*  
ATHANASIVS

*Clarissimo & Nobilissimo Viro Domino*

PETRO GASSENDO,

HIERONIMVS BARDIVS  
S. P. D.

**E**N doctissimi mei patrio solo plurimum coniuncti, & indissolubilibus amicitiae vinculis obstrictissimi Liceti typis datis Epistolis tuam vastissimam eruditionem doctrinamque ad Sidera extollendam contemplans me tibi maximè oppigneratum operi quod factum est. Ut me in amicorum tuorum album inscribi curarem, quod quidem si feceris mihi gratissimum erit, qua de te plurimum te etiam atque etiam exoro. Scirem libenter an Petrus Ioannes Faber Me-

dicus Monspellienfis Castrinodaneri Medicinam iam faciens viuat, quo loci degat, quid agat, quid meditetur, an suum Panchymicum & Philosophiam reformatam euulgauerit, habeo enim præ manibus multis ab hinc annis opus, in quo Philosophiæ libertatem cum ipsa Iatrochymia vindicare contendo in genere, & in specie, eorum propriis causis & Elementis, qualitatibus & passionibus in lucem euocatis, & iam primam partem habeo, sedè ad vmbilicū elaboratam, sed actum agere ita semper iniquum fuit, ad moneas quæso, Vir Eruditissime, an aliquod consimile opus subolfeceris à quoquam meditari, multa in tenebris conspeliui quæ omnino noua, & ratione methodi & rerum pertractandarum digestione non erant, illaque Endimioni consecraui huic me operi addixit mea aduersa corporis valetudo, & medicamentorum crassa farrago exhibita, quæ mihi natium calorem humidumque fixum ferè conspeliui, quapropter noua viuificatione indigerem. Scire præterea vellem cui morbo expellendo Aquæ-Sextiæ comprobentur. Diu Mantuæ huic Scientiæ sedulam diligentiam nauauit, & postremo Pisis quo in loco Aristotelem & Platonem post Eruditissimum Mazzonium postremus per aliquot annos sum interpretatus, & occasione amplæ Pharmacopææ Chymicæ, Medicæ Florentinæ consimilis multa ad actum practicum experientia circumvallatum produxi, sed præ imbecillibus viribus vsque adhuc omnia experiri non licuit. Habeo enim ego solus doctissimi Viri Vincentij Thornei Angli arcanum Philosophicum, quod quidem ex eius epistolis Syngraphis & eiusmodi scriptionibus constat Ferrariæ & Venetiis ad actum practicum eduxisse: præsertim verò ex *Ædis* Monetariæ Ferrariensis rescripto, & quidem patet luctum 80. pro quolibet 100. reddidisse Duci Alphonso de cuius mandato opus assumpserat exequendum, quod quidem arcanum habeo eius manu ad amissum exaratum, & duorum mensum spatio perficitur, & facili negotio à Viro in his negotiis experientiis comprobato, in actum practicum educeretur, & ex his quorum vidi Myriadas mihi plurimum arridet, eo quod præsertim rationibus Philosophicis innitatur, & Phanaticis imaginationibus non adhareseat, & quia in his regionibus multos huic operi addictos persentio, libenter cum aliquo fido Achate me coniungerem, ne palinodiam canere mihi esset necessarium.

At enim verò quòd opus vrgeas & quid mediteris Typographiæ commendandum admoneas velim, præsertim verò de his quæ Epicuri Philosophiam respiciunt. Ego enim etiam Platoniam prædicare & à tris & nodis extricare contendo, & quæ omnino noua in Phasis & Phenomenis Cælestibus obseruari scribas. Mitto ad te opusculi Exemplar de quo iudicium tuum elucidare ne graueris. Typis excusus est liber Galilæi de motu quatuor dialogis Italicis

Italicis suo more expeditus de quo quidem Senis apud ipsum decem dialogos videram, multa quidem noua, sed libellâ Physicâ & Mathematica lance æquiblanda proponit. Vale magnum Matheleos incrementum meque tuis iussis paratissimum perferentias. Datum Rapalli 11. Kalendas Octobris 1639.

*Clarissimo, Doctissimoque Viro Domino*

PETRO GASSENDO

FORTVNIVS LICETVS B.A.

**A** Ccepi leuulentissimam epistolam tuam, PETRE GASSENDE, Vir omniscie, quæ tantum abest vt longitudine sua, volumen integrum exæquans, vilo me tædio molestatuerit, quod potius ingeniosis digressionibus, & argutis admodum paradoxis, in ea subinde se se consequentibus, me aded delectauerit vt eam legere aggressus, nequiuero nisi tota perfecta, singulisque partibus eius attentè consideratis, de manu deponere. Suspicio miram ingenij fecunditatem, in omni doctrinarum genere tam docta scribentis solertiam, abditas rationes è rerum natura tam promptè depromentis: & felicitatem, difficultia & obscura tam expeditè dilucidèque proponentis. Osculor insuper insignem animi modestiam tam vrbano liberalique more cum Antagonista controuersias agentis, Quamobrem est vt ingentes tibi gratias habeam de tam ingenua comitate, quâ mecum disputas & de multi-juga doctrina rerum occultiorum, quâ me tumulare voluisti. Meum verò responsum ad ea, de quibus tecum nequeo consentire, non est cur vnica disceptatione breuiter absoluenda comprehensum expectes; tot enim ea sunt, tamque difficultia, vt neque sub vnus libri titulo singulari contineri valeant concludere debeant; neque breui temporis tractu satis expediti possint, à me præsertim in aliis occupatissimo. Quia verò mihi necessitas ingruit in præsentia respondendi Cl. Galilæo de candore Lunæ, cogitavi simul in ea disceptatione perpendere, quæ tu illi consentiens contra meas rationes affers ad calcem epistolæ; quorum exemplar ipse transmissi nuper ad inclytum Virum, quod ex tuis ad optimum Naudæum datis agnouerim, te percipere cogitationes istas tuas eorum cupidissimo Viro communes fieri. Reliqua capita superiora tuæ disputationis decreui seorsim expendere in altero Volumine de qua sitis per epistolas à CL. Viris, quod iam adornare ceppi. Interim mitram ad te vel per Clarissimum Naudæum, vel per Bardium nostrum, quæ post Litheosphorum è typis hætenus mihi prodierunt opuscula. Tu verò me amare ne cesses, vt ego te plurimum colo, Vale. Dabam Bononiæ 6. Idibus Nouembris 1640.

PETRO GASSENDO Ecclesiæ Diniensis Præposito dignissimo,

ANTONIUS GODEAV Episcopus Grassensis S. P. D.

**I** Ngratus & inhumanus essem, Vir Doctissime, si Clarissimi Viri historia absque voluptatis quam ex illius lectione ceppi, ingenua significatione in manus tuas rediret. Cum primum audiui ab amicis tuis, te hanc Spartam excolendam suscepisse, non dubitavi, quin exornates, Sed, vt verum fatear, non existimabam literati hominis mores, & studia, istam posse consicere historiam. Dij boni! quàm nobilem, quàm omnibus numeris absolutam, quibus, quantisque scientiarum, artium ornamentis illustrem fecisti? Ita Nobilissimi & suâ famâ maioris hominis præclaram indolem, ingenij vim, memoriæ felicitatem, inexhaustam discendi cupiditatem in scientiis & disciplinis illustrandis, ab omnibus vindicandis & compendiosiori via explicandis, indefessum studium, ita miram in naturæ miraculis explorandis, variisque experimentis probandis diligentiam; ita generosum opum contemptum, morum innocentiam, in amicitis retinendis constantiam, in omnibus bonis iuuandis, & colendis alacritatem & sollicitudinem, ita, inquam, hominem ad viuum exprimis, vt Peiresium audire, & præsentem contemplari, mihi videret, cum eruditissimos, & tersissimos tuos commentarios legerem. Dignus scilicet ille Vir, qui posteritati commendaretur, sed scilicet, qui GASSENDVM laudem suarum præconem inuenit. Quidquid librorum, gemmarum, iconum, numismatum & cæterorum id genus summa cum diligentia, nullique parcens sumptibus, in viuum colligere potuit, iniuria temporum vel alio casu, distrahi facile potest. Sed tu illa omnia in tuto collocasti, cum ita accuratè de singulis, posteros voluisti certiores facere. Mirus Styli candor, infinita eximie eruditionis argumenta, exquisitæ de rebus occultissimis coniecturæ, omnia, vt vno verbo persiciam & Peiresio, & GASSENDO & melioribus sæculis, & æternâ hominum memoriâ, dignissima. Scis quàm procul sum ab adulatione, itaque, mi GASSENDE, crede me ex animo tuum opus laudare. Quas motas nectis, quare literatis hominibus; literarum Decus & præsidium in tuis scriptis redituum, exhibere procrastinatis. Hoc à te manes Peiresij possulant, hoc à te Respublica literaria expectat, hæc corrente calamo scriptis, non dubito, quin barbarè. Sed tibi, tuisque Musis loquor, quæ styli barbariem vt sunt humanissimæ, facile excusabunt. Saluta meo nomine, illustrissimum Comitem, nec ita illum tibi totum serua, vt illius amantissimo & obseruantissimo, copiam non facias. Pluribus amicis tantum Vir potest sufficere. Vale, & nos ama, id ipsum

ut faciant, Clarissimi amici nostri D. de Beaurécueil & de Bernille opto, enixè peto, & fautores spero. Fruere dulcissimo illorum convivio, nos rupibus nostri affixi, animi tædium & solitudinis molestias, ferre conabimur iucundius tui gratissimi adventus expectatione. Vale iterum, & loquacitatem excusa. Thononi. die 1x. Decembris Anno Incarnationis 1640.

PETRO GASSENDO  
PAVLVS DV MAY S. P.

**V**i consuetudinem, imò potiùs arctiorem amicici inter nos necessitudinem antestor (Vir Clarissime) ut in eminenti litis futuræ periculo, illustrissimi Provinciæ Provinciarum Proregis oraculum, ex Tripodis tui cœtinâ consulere mihi liceat, ne domesticis lacessitis negotiis, quæ fratris & nepotis ex fratre animos nescio quo fato diuidunt; calamitatem priuatam ingemiscere festinem, illi siquidem Tolosani Senatus Tribunali ex programmati Regij formula abdicati, & Aquisiensis iurisdictionem sortiti forsan litis ordinem in iudicio prosequuntur, quem nihilominus interruebant ex priuato voti nostri suffragio Illustrissimus Princeps Condæus cum nuper Idibus Nouemb. Tolosæ ageret; etenim agnatos circa negotiorum tricas in sinu dulcissimæ patriæ arbitrum calculo addixit, qui alterum si dissentiant in ditimenda lite destinent: crediderim illos (Vir Erudite) circa mandati tantæque gratiæ religionem obsequij gloriam sectari, attamen inter spem merumque dubius, Illustrissimum Principem Comitem D'Aletz tui ope & auxilio suplex adire festino; ne scilicet alterum cognatorum priuatâ authoritate in Senatu commendet, sed ex amussi & trutinæ tranquillo vultu vtriusque deliria pendat & Illustrissimi Principis Condæi genio morem gerere obliuanti persuadeat, & Tolosam redire iubeat; ne rei domesticæ commodis litigandi procax libido detrimentum pariat, & infans litis, iniquisq; labore rationes expensis fera in fundo parcimonia computet. Bene Vale, dum mandatum ex epistola Herois, qui te amicem è re nata nouit expecto. Diuione pridie Kalendas Febr. A.D. 1641.

Robertum bene-valere te nosse velim, grataque recordatione Sacros cineres Lazari & Magdalenzæ lucubrationibus tuis ex pignoris formula appone.

Reuerendo Clarissimoque Viro Domino  
PETRO GASSENDO,

SAMVEL PETITVS S. P. D.

**N**uitus penè iussi tibi dari, Vir Summe, cum hoc epistolio exemplar observationum nostrarum, nollem enim doctissimum Persium, id est te ista legere, sed quia iacta est alea, vide, & si me amas mone atque emenda; hic enim vnicus finis est, cur

ad te mittam: nihil certè magis pro amico feceris, nihil mihi gratius, quod ut à te impetrem enixè te rogo Vale, Vir Eruditissime, & nos amare perge. Nemausi ad diem Kal. Sextil. anni Dionysiani 1641.

Clarissimo & Doctissimo Viro Domino  
PETRO GASSENDO,

HIERONYMVS BARDIVS  
S. P. D.

**N**audæo intellexi te Patifis pro commoda occasione edendorum tuorum librorum commorari, teque meas simul cum clari nostri Liceti dialogis recepisse, quod mihi quidem gratum maximè fuit. Opus meum typis etiam excudendum promptum erit. Ideoque aliqua commoda sedulaque Typographi tibi familiaris operâ uti vellem, pro qua tuam humanitatem vehementer implo-ro, & deprecor. Iustum quidem Volumen erit duobus vel pluribus Tomis, prout illi satius videbitur diuidendum, deque Philosophiæ libertate ad Platonis aures, & de Iatrochymia, ut quarto & præcipuo Medicinæ instrumento, ac de Medicina sacra inscribitur. Opus quidem nouum erit non rerum tractatione, sed iucunda Encyclopædiæ permixtione, qua curiosus erit, ideoque (ut me clarus Licetus & Naudæus admonent) ab omnibus expectatum, & facilem exitum omnino præstolatur. Claro Gassello multas meas de literis, de quibus nullum mihi gratum responsum accidit. Idem & claro nostro Liceto euenit. Scire vellem an librum de erroribus Medicorum ex Hebræo manuscripto Codice, quem in præfatione ad Medicinalia Campanellæ promittit, euulgauerit, & curet ut eius opera ad nos transmittantur, ne tanti Viri laboribus diutius ieiuni simus, quod & de ruis à te factitarum iri peroptarem. Ab eo vellem literas valdè commendatitias pro claro Gausfrido Serenissimi Ducis Parmæ, &c. à secretis pro meis negotiis cum ipso pertractandis, vel quæ tuæ est aura beneuolentiæ illas mihi percommotas cures. Insudar Licetus noster in responsione ad epistolam Galilæi, aculeis omnino & salibus sine sale conditis refertam, quæ propediem lucem expectat. Vale mi amantissime GASSENDE, meque tuis iussis ac nutibus à me valdè peroptatis paratissimum perferentias, & cognoscas. Genuz 12. Iulij 1641.

Doctissimo Clarissimoque Viro Domino  
PETRO GASSENDO,

PHILIBERTVS DE LA MARE,  
in supremo Burgundiæ Senatu Regis Consiliarius. S. P. D.

**E**stiuuit animus ex quo te Cl. Peiresij vitam scribendam suscepisse accepi, nemo enim



enim erat, qui elegantius concinnaret, nemo qui Virum omni hominum memoria dignum propius obseruasset quam tu, qui tum communis patriæ cum studiorum ratione arctissimam cum eo necessitudinem habuisti; & si Alexander edixit olim ne quis ipsum alius, quam Apelles pingeret, quam Pyrgoreles sculperet, quam Lyfippus ex ære duceret, quidni & solus GASSENDI opus est vita Peiresij, cum te Vitum omniscium literatus orbis suspiciat & demiretur. Iampridem mens mihi eadem fuerat, quæ huncce tibi laborem suggessit, & ob id à Cl. Viro Rantio Senatore Aquisi poposcera nonnullis in eam rem commentarios, sed ut ille monuit te huic operi ab aliquot mensibus incumbere animum à proposito reuocauit tum propter meum in te studium cum quia tenuitatis meæ conscius vereretur ne male habita esset Peiresij fama posthuma si me scriptore vulgaretur; tibi ergo hæc Sparta incumbit & tuæ gloriæ & Peiresij memoriæ digna, ergo neque tantum hoc nomine beatum illum dixi, quod res cedro dignas gesserit, sed quod eum GASSENDVS celebrare instituerit, magnum ergo erit quod debeat tibi Respublica literarum si susceptum opus feliciter (vti speratur) confeceris; ego gratiam habebo nullo vnquam modò rependendam, eoque strictiorem quod Cl. illius Musægethæ virtutem & doctrinam perpetuò cultu profecutus fuerim, præter quam quod mihi ad te Virum toto orbe celebrem aditum fecerit; quod si te meis votis secundum recepero, tuamque demereri beneuolentiam valuerò, nihil ultra conatus meos erit, quo æternam obsequij in te mei fidem testatam relinquam. Vale, Diuione 5. Kalendas Augusti 1641.

*Clarissimo Viro D. PETRO GASSENDO Theologiae Doctori, & Ecclesie Diuionensis Præposito,*

ANTONIUS FRANCISCVS  
PAYENVS S. P. D.

**T**ibi tardiùs Musas nostras ad te peruenisse credideris, qui illas cum edita à te Peiresij nostri vita, publicas faceres, dum iam prælo excussum opus in lucem prodiiit, dum consignata tibi exemplaria exegere forsan, vt iam communia fierent, provt me Baronis inclity literæ certiore reddiderunt; adhuc tamen tempusdè se se offerunt tibi; vt se tuæ mancipent clientelæ; vt tuas, amicitia vinculo, Charites sibi deuinciant. Nimirum aliam nusquam mentem habuerant, quam vt tibi sua amoris & honoris pignora traderent, dicata tuæ virtuti obsequia nunciarent; lætamur quòd citiùs quam crederemus conscriptum è typis opus exierit, cum inde citiùs in publicum prodire debuisset, vt noua admirationis argumenta, nouæ laudis accessione commendat authoris merita. Expectabam in dies partum ingenij, quem mihi, notus tibi Sangenesius

promiserat de tuis & Peiresij laudibus editurum, eà mente, vt mei tuditate styli, polioris cuiusdam manus industria leniret, temperaret ingenij peritia, sed nescio quis animi scrupulus, vt palinodiam caneret, impulsit, aut quis genius, vt factus emergeret, impedit: ita vt elusa sic expectatio nostra moras rumpere debuerit transmissio ad te hoc epistolio, contenta scilicet vt ignorantiam nostram agnosceres, dummodò affectum in te nostrum probares, ingenuitatem mentis gratam haberes. Vnum addo vt si quid aliquando superstiti orij aliqua ex obseruariis communicare memineris, vt promiserunt tuæ ad nos gratiarum manu conscriptæ literæ, nec non etiam si quid noui fuerit super acus Magneticæ declinatione deprehensum; de qua dum scripsi aliàs P. Athanasio Kircherò Soc. IESV in vrbe Roma Mathematicum Professore tibi noto, is mihi responsum dedit fusè de ea scripsisse in libro, quem nouit ipse in lucem edidit & Mathematicum opus nuncupauit, in quo tui nominis & doctrinæ mentionem vt decet fecisse rescripsit. Cæterùm finite nequeo quin meritis tibi grates rependerim, de humanissima quam habuisti de me, in Baronis inclity literis, recordatione; quæ me inde tanto obligationis nexu deninquit vt mein æuum omne memorem simul & debitorem reddat; nusquam ergo tanta tibi beneficia rependam, vt immortaliter à te pendeam; salutem illam quam iussisti tuo nomine, dedi Eximio nostro San-legerio, qui tua obseruans merita, exegit à me vt recipi- cas eius nomine salutes hæc carra rependeret. Vale Vir Celeberrime ac Doctissime, & amore, quo cæpisti immeritum prosequi perge, Datum Auenione postidie Kalendas Octobris 1641.

*Nobilissimi ac Excellentissimi Viri NICOLAI FABRICII FABRITOPARCHÆ PEIRESKII, & in Supremo Senatu Aquisi Regij Consiliarij,*

EPITAPHIVM.

**P**eiresij quid Parca dies prescindit; an illi,  
Quod nulli parcas, parcere saua negat?  
Falleris? & dirà tentans abrumpere falce  
Fata Viri, falsis ludis imaginibus?  
Vixit Peiresij, vixit sub marmore nomen,  
Vixit Fabricij nescia facta mori.  
Munere Peiresij vixit dum Pieris ipsa,  
Vixit Peiresius munere Pieridis.  
Quid mirum! Musas aluit, pro munere vitam,  
Quæ vitam accepit, reddere Musa potest.  
Vixit in illustri, virtus transmissa, Nepotæ,  
In quo pars superest magna relicta sui,  
Officiòse nimis, cumulo secede, viator?  
Peiresij satis Parca nocere nequit.  
Nempe vices hominis superas Peiresius Heros,  
Inde suas voluit fallere Parca vices.

*Clarissimo*

Clarissimo ac Reuerendissimo Viro PETRO GASSENDO Philosophicæ ac Theologicæ Facultatis Doctore, Dinienſis Eccleſiæ Prepoſito, & PEIRESKII Vita ſcriptori ſacundiſſimo,

ELOGIUM.  
PALLADIS ET PHIDIÆ  
ICON ALLEGORICA.

**S**ic Palladem Phidiâs expreſſit, ut etiam ſui ſpeciem impreſſerit,  
Ne venerari liceret formam illius,  
Quia raperet admiratio alterius.  
Eâ infernit arte vnâ alteri: vt eadem vtriuſque referret effigiem,  
Ac ſi ex immortalis Palladæ, immortalẽ fieri poſſe crederet:  
Æternique operis gloria æternum Aurborem referret.  
Sed tu GASSENDE! dum ſtylo pæne celeſti Peireſkij vitam exprimis: tuam imprimis Simulque immortalẽ reddis.  
Dum vitam, quam ſcriptis designas,  
Tuis etiam factis ad vinum repræſentas;  
Peireſcium in te rediitum facis.  
Et meliori quam Phidiâs æternitate Tuam ex Peireſkij gloria gloriam auges.  
Scilicet Phidiâs temporis æternitati pinxiſti, Decuit ergo illum perſiſſe temporis: dum tu viues æternitate.

VOTVM.

**P**erge Vir inclute? perge? & ille qui te pronocauit amor,  
Vt Peireſkij noſtri vitam, tuis & ſcriptis, & factis expreſſam  
Duplici gratitudinis ſenore publicam faceres,  
Ille idem excitet te, ad ſublimia nartum;  
Vt qua de incognita Epicuri ſapientia  
Qua de Solis, & Luna diametris,  
Qua de Mercurij motibus tibi vni notis  
Viuentẽ, imò videntẽ Peireſcũ,  
Perdiu, & pernox obſeruati,  
Meritam in lucem edas.  
Non poteſt Mercurius ſemper ſub Solis radijs deliteſcere,  
Erumperẽ tãdem in lucem debet auſpicijs tuis;  
In neceſſarium Aſtronomiæ Reipublicæ com-  
modum ac votum.  
Indigebat quippe nouo Tychone Aſtronomia,  
Qui præcoci morte præueni Brabai vices ex-  
pleret,  
Parallaxes, refractiões, Solis Lunaque dia-  
metros corrigeres,  
Aſtronomiam numeris omnibus impletes.  
Quid mirum te iam alterũ Tychonẽ agnouerat,  
Schickardus ille totius Germania laus, &  
Aſtronomia decus  
Ille te, hac de re, ſuis ad tuum in Sole Mercu-  
rium licet interpellauit,  
Hoc velut ex Tripode Tubingeniſis Orator  
Etiam inter Schickardi funera effudit oraculũ,  
Epistolæ ad Gaſſendum.

Scriptis confirmauit Lauſbergius,  
Tuis dum ſuas hypotheſes firmauit, Pheno-  
menis.

Quid plura? dum Gallia caput Lutetia  
Muſarum Parnafſus, literarum Athenarum, Orbis  
Epitome

Te talem proclamat.

Predicat Germania, veneratur Aqua-Sextia,  
Admiratur emula Romana vybis Auenio,  
Fatetur omnis regio Solis illuſtrata radijs,  
Tua conſcia virtutis.

Hoc vnũ ſupereſt

Vt dum tuam laudibus Peireſkij hinc uſque ad  
Sidera noti Pieridem animas,  
Reſonet apud omnes, perennis tui nominis  
gloria.

Decet nimirum omnes, quibus ſe ſe præbuit fami-  
liarem tua virtus,

Admiratiōe raptos, ad Peireſkij nominis,  
vique famam,

Velut ad Orphei Lyram exilire.

Mutuoque laudum certamine, victoriam am-  
bientes,

Tuis meritis applaudere

Et vtriuſque gloria perennitatem

Æternis vtriuſque geſtis modulari.

Ilicet Viator hoc prius Carmen lege

**D**um mea Muſa canit GASSENDI car-  
mine laudes

PEIRESIQVE fugit, cui ſua dona ſerat,  
Siſtat Muſa gradum: Muſas trahit vterque  
Sic vtrique poteſt, laus vtriuſque dari.

A. F. P.

PETRO GASSENDO SVO,  
PHILIBERTVS DE LA MARE, S.

**N**antum abeſt vt mihi periculum in mora  
fuerit, quod meis ad te datis maturius  
non reſponderis quin-imò tui beneficio Cl.V.  
Peireſkij vitam à te nuper ſcriptam accepi, le-  
gi, pellegi, nam illa eſt, cuius contemplan-  
tiōe quiſque ad virtutem, & capeſſenda ſerio in-  
genuarum artium ſtudia fingi poteſt: Sed quod  
pluris eſt, acceſſit huic muneri beneuolentiæ  
tuæ ſponſio omni munere maior, de qua grates  
referte non opis eſt noſtræ, nam mutuum non  
repoſcit tantũ beneficium, agere autem omni-  
nino animi mei eſt omni ſtudio tibi deuotiſſi-  
mi. At nemo ne poſt deſcriptam magni illius  
Muſagethæ vitam, Pinacothecam illius refer-  
tiſſimum omnis antiquariæ ſupellectilis penu  
deſcriberet: certe Reipublicæ liretatum nimium  
inter-eſt ne tot laboribus & ſumptibus, quibus  
non peperit Vir ille Heroici ſpiritus, com-  
parata antiquæ hiſtoriæ documenta puluere,  
& ſqualore ſepulta dormiant (vt ita dicam)  
penes hæredem; illud mihi in votis fuit, &  
etiã mutuum totis animis exopto, vt ab eruditio-  
quoſque id operis ſuſcipiatur, qui grauiſ-  
ſimis clarorum ſcriptorum teſtimonijs res  
illas priſcæ ætatis illuſtrẽt, præſertim eas  
quas de ponderibus, & menſuris veterum  
ſibi comparauerat Peireſcius, à cuius Schedis  
non leue auxilium ſuppeter, nam illum accepi  
paucis ante obitum annis operam poſuiſſe  
Pp huic

huic rei inter absoluti xui ambages meo sensu difficillimæ. Ab Amico tuo qui epistolam dedit audiui te illustrandæ Epicuri Philosophiæ totum esse, bene etir, ru nempe falsam imperiti vulgi sententiam haud sanè huic Philosopho æquiorẽ radicẽs euellẽs, scilicet cùm de illo mentio habetur, circumfertur tanquam omni vitiõrum genere corruptissimũ, ar pranis licet nonnullis erroribus imburus, veritamen Philosophi speciem in multis præ se fert, neque adeo Epicurus est, quàm populari disterio iactatur, tantũque illi tribuit Lucretius, vt crediderit Epicurum ceterorum omnium Philosophorum lumen obscurasse; tuum erit, vt probatas Epicuræ Sæctæ sententias sententiæ tuæ pondere, & calculo firmare, ita & illius nẽuos pro acerrima ingenij tui acie repellere. Ego autem Iacobi Guyoniorum apud Aduos nostros capitalium quæstionis opera vulgare cogito, hominem si non vultu, famã saltem tibi notum fuisse opinor, nam ille *vt* *uaxipius* Casauboni, & Clarissimi Viri Salmasij familiaris non pauca reliquit scælicis ingenij monumenta, si quæ apud te sint illius stylo, stricta vel soluta oratione, Græco, vel Larino idiomate exarata, copiam facias velim, nec non eorum quæ de vita, & moribus illius acceperis. Vale, & me ama tui studiosissimum. Scribebam Diuione 9. Kalendas Nouembri 1641.

*Clarissimo & Doctissimo Viro Domino*  
**PETRO GASSENDO** *literato-*  
*rum Primpilo meritissimo,*

**HIERONYMVS BARDIVS**  
S. P. D.

**T**Vam admirabilem experientialem Philosophiam Typis exaratam esse intelligo, quæ tamen adhuc ad nos non peruenit, meam tamen ideam Medicinæ Sacræ Claro nostro Naudæo commissam tuas manus cum meis literis occupasse mihi persuadeo, cui quidem scribo quid pro meorum opusculorum permutatione magna tuorum manus habeatur. Typis Romanis imprimitur Meteorologia Parrisi Nicolai Cabei Societatis IESV, in quo volumine vnam experientialem Philosophiam promittit. Pater Merfennius cùm Claro Ioanne Baptista Baliano diutiũs est commoratus. Et ad meas autes non peruenerat cum tamen eius Religiosis Patribus, eius aduentus notitiam mihi iusserim manifestandam. Vale diutiũs incolumis tibi, & Reipublicæ literariæ, meque redamare fatagas. Genuæ Kalendis Nouembri 1641.

Literæ Illustrissimo Domino Ioannetino Iustiniano pro Rege Christianissimo agentĩ committantur.

**PETRO GASSENDO** *Suo,*  
**PHILIBERTVS DE LA**  
**MARE, S.**

**C**ognoscere cupis, paucis habe, Patria illi Augusta Aduorum, genus omnino literatum, bini nempe illius fratres politioris literaturæ studio inclauetunt, eorum vnus præter huius gloriæ decus etiam & sanctitatis famam addidit, eo celebriorem quod vrbis patriæ infulus sibi oblaras reiecerit quasi irritamenta malorum tenui in Lexouisi Sacerdotio contentus; Iacobus autem noster rerum capitalium apud suos quæstior pangendis carminibus delectatus imprimis neminem suo æuo habuit, quicum eo de Poëticiis studiis iure posset contendere, nam neque quæstus verborum ambirus, neque molles sermonis lusus in illius operibus animaduertuntur, sed concinna oratio repir cum leuioribus, & cum grauioribus assurgit ad rei dignitatem; omnium instar etio iudicium Nicolai Bonij inter melioris notæ Poëtæ Doctissimi, qui cùm nonnulla Guyonij opera legisset, ea Cedro digna renuntiavit, mitto illum Atabici sermonis scientia celebrem Isaacio Casaubono innotuisse, quorum cùm vterque Grammaticam huius idiomatis texuisset, hæredum incuria petiit ea, quam consecerat Guyonius. Multa quoque in Græcos Patres molitus adnotauerat, sed indigesta, verum omni opera Poëticæ data, hoc scribendi genere potissimum ingenrem sibi famam quæsiuit. Hæc habui quibus te de Guyonio nostro monitum vellem, quem mortaliũ rebus subduxit annus 1625. Quod non omnino desperata sit Petresciana Pinacothecæ desertio maximè gaudeo, si modò is, qui se digesturum recepit, spartæ huic par sit, nam res est non ardua tantũ, sed omni ferè conatu superior propter immensam omnis Chatacæ, & Antiquariæ supellectilis congeriem, cui illustrandæ non modò coniecturis opus est, verũ exquiritis veterum Scriptorum testimoniis: Sed ægrè fero quod variis casibus actus à suauissimo Musarum consortio abstatu fueris hætenus, deinceps verò relictuẽdus sedulo, quoniam, vt me monuit Robertustuus meũque Lutetiæ Penates posuisti, ita aucto & voueo rne mihi, tum Reipublicæ literarum quam ornate & iuare non desines quandiu GASSENDVS eris. Naudæum tuum hunc auirare tua frerus literis adire placuit, tu, ni graue fuerit, scribenti præibis, meũque in illud studium significabis, rẽmque longè suauissimam feceris, si quam ad illum scribo mittendam curaueris Romæ illum agere imprensarum opinor apud Mæcenatem suum Cardinalem Barberinum. Vale, & me vt facis semper ama. Diuione 8. Idib. Decembris 1641.

Si quæ tibi nota sint de pralio Lepanthino indicare velis oro atque etiam oro, nam exatam illius, seu pugnæ dixeris, seu belli (quia tantum sanguinis fufum est quantum cruentissimo



tissimo quoque bello) historiam scribere animus est, singuli enim quique authores non nihil habere circa eam rem peculiare, neque eorum vnus omnia scripsit, ego modis omnibus conabor, vt tam celebris licet non adeo vilis, Christiani nominis victoria restitatur in integrum. Iterum Vale.

## PETRO GASSENDO

PAVLVS DV MAY,  
S. D.

**R** Ellegi Panegyricum Amici nostri (Vir Erudite) cuius elegans series calami tui natina pulchritudine assurgit, & alterum Plinium naturalis historię assertorem sibi vindicat; doleo Clarissimi Peireskij vicem, sed dum adhuc spirantem in tua pagina contemplari licet, fato superstes inter eximios viuut quamvis genius commendatus sit. Noui quo beneuoli propensę animi affectu illustrissimus sacri Palatii Quęstor eruditionis tuę delicias prosequatur ex occasione nostri apud illum fiat mentio, iterum atque iterum rogo: quod si dies nouerca consilio nostro aduersetur, aliam quę sit fauens amplexare? Carmen quod aliquando in fui gratiam effinxi, & te natā xpi mēse comminiscere colore quęro, quod ante discessum eiusdem copiatu ribi fecerim, quia meas esse aliquid putas nugas. Hic Epiciuri prima quoque die tua industriā explanatam videre mihi videtur: vnā cum Fabroti nostri lucubrationibus ad *Banlię* Iuris quę Petri Fabri San-Ioriani monumentis consignata, post obitum magni Cuiacij Tolosatis nostri, Lutetiam translata interpretem celeberrimum sibi destinatur, eiusdemque Quęstoris & Herois (cui bene sit) auspiciis in lucem prodire festinant. Clarissimi Bochartii Champinij Abbatiss gratissimam recordationem absenti illibata conferua & de te illoque vicino tuo, epistolam exhiberi iube à Roberto tuo necessitudinis inuendā consilium obtestatus sum consuetudinis tuę illiusque eruditionis patrocinio suffragante. Bene Vale, & me ama. Diuione 6. Idibus Decembris A. D. 1641.

*Illustrissimo Viro Domino Domino*

PETRO SEGVIERIO

*Francia Cancellario,*

Γ Ε Ν Ε Α Λ Ο Γ Ι Α .

**S** Temma genisq; tuum gens imperterrita bellum

*Vasconidum, illustri sanguine prima tulit.*

*Insignita dein proauorum purpura fastis*

*Claruit, insontis murice tincta toga*

*Præsidis hic ubi sub trabæ, maioribus atque*

*Inter auos gestis, te SEGVIERE, colit.*

*Tęque Palatini Comitatus cultmen adeptum*

*Nonis, vt arcano nōmine cuncta inues.*

Epistolæ ad Gassendum.

*Dum tua cœruleo distinguit fata colore*

*Torquis, & in gemina sorte sigilla geris.*

*Quę bullata vident Orbis monimenta sub armis*

*Regis, & imperij quā via lata patet:*

*Sic dum consilio Germani Ecclesia surgit,*

*Labantem populi firmat vterque fidem.*

*Fortunata nimis tanioque Lutetia parui*

*Aucta, tuum vino Sidere cinge caput,*

*Vt iactata diu nondum submersa superstis*

*Nauis, & attonito turbine sistas iter:*

*Arma licet trahant Procures sub fulmine belli,*

*Quorum Richelę dextera frana premet.*

Lutetię vonebam Heroi 16. Kal: Aug.

A. D. 1641.

*Doctissimo Clarissimoque D. Domino*  
PETRO GASSENDO Theologia  
Doctori Ecclesię Diniensis Prapo-  
sito,

ANTONIVS FRANCISCVS  
PAYENVS, S. P. D.

**E** Icet tardius quā deberem, aut seriū ac optassem tuis hæ nostrę respondeant literis, ingenita tibi humanitas innocentis negligentię crimen condonabit aut potius æquitas tua librato causę pondere, quę me à debito prohibuit scribendi munere, non iniuste repellit iustissimam accusationem tuam, Ea nimirum fuit silentij nostri ratio quod excitata de monetis celebris controversia me elapsis proximē feriis Lucalibus ad publicum in Vniuersitate nostra legendi munus pronocauit, quod ne perfundiorē tantum implerem, nēve à forensibus propterea curis recederem, sed vtrumque penum absoluerem, adeo temporis sollicitus esse debuī, vt vix aliquid superesset orti, quod intentum cutis animum recrearet, vel intensam mentis aciem remitteret: Sed ne maior me contumacia reum faceret, aut ne Dominus San-Legerius eximij Patris tibi nori filius ad te sine epistolio aduentaret, decuit purgare moram, si tamen adhuc facere satis possim, dum tot vrbauitatis tuę nominibus restrictum superaddita vincula ex acceptis iuperimē literis strictiori me nexu obligarunt, vt fateri cogar inuitus me non soluendo factum, qui possim æquā lance contractum exsoluere. Quod veid assens ne tua *pauci* depradicasse merita, ac si vitro quodam conexo in te nostra respexisset oratio, da veniam si te tibi ipsi imposuisse dixerim, qui tua per Myoptram inuictis merita, dum te tempore deprimis, vt mihi te nullum ferē persuadeas, vt te ad punctum penē redigas; qui tamen Galliam omnem, ne dicam orbem splendore nominis impleas, ac emines vt hoc Homerissem *Ναυτις ἀπὸ τοῦ καὶ ἀνδρὸς*; & licet ea mihi tribuas, quę quidem optatim semper sed nunquam fuerim assecutus quę nec ego ob ingenij mei tenuitatem sustinere, nec tu propter iudicij tui dignitatem pertinacius tueri possis. Capior tamen falsis

huiusmodi gloriæ imaginibus, & ferè con-  
ditionis meæ oblitus inter huiusmodi pha-  
leras, & ornamenta cresco; saltem non au-  
deo ne à te omninò dissentiam, & authori-  
tati tuæ nimis detrahā, me ipsum prorsus  
contemnere, quod ut maiori cum fiducia,  
& minori cum iactantia fiat, enitar omnibus  
viribus, & continuis laboribus efficiam si  
potero ut des aliquando veritati, quod modo  
amicitiæ largiris. Interim dum fidem libe-  
rasti transmissis ad me optatis obseruationi-  
bus tuis de Mercurio, Marte, Venere, &  
Ioue, aliisque me grauiori obligationis onere,  
deuinctum iam, oppressisti, ut debitam  
à me tibi fidem exsoluere non valeam; dum  
studiis, & curiositati nostræ proximis hisce  
natalitiis festis fecero factis, an Argolicæ,  
vel Copernicæ, an Lansbergianæ, vel Rudolphinæ  
exactius Cælo respondeant trans-  
scriptas ad te, ut indicasti remittam obserua-  
tionum Schedulas, calculique nostri ratio-  
nes, tuum super his iudicium expectaturus.  
Cæterum quoad nuperæ Eclipses Lunar-  
is obseruationem à te factam cum eximio Bul-  
hialdo cuius nominis fama, & virtus non  
me latet, dolui quam-maximè quod Cælum  
nobis fuerit minùs proprium quàm tibi,  
cùm ita crassis obscurum nubibus nobis  
existerit, ut ne quidem vel minimam inter  
rimas (phasim à nobis obseruari licuerit; ac-  
cincti eramus cum Illustrissimo Domino San-  
Legerio nostro, ut oprata nobis obseruatio  
fieret tibi communis, sed elusit insidum  
Lunæ Sidus expectationem nostram, quæ  
Terræ umbram indignata ne nobis orbara  
lumine deformis appareret, maluit nubium  
velum induere, ut verecundiam tegeret; vel  
obseruatoris tenuitatem aspernata subtrac-  
to elegit aspectu delitescere in nubibus, ut  
temeritatem plecteret. Proximo Aprili mense  
Deo dante conabor insignem Lucinæ defe-  
ctum obseruare, si Cælum ut spero feclicitis  
fauerit, & quia instrumentum nobis sunt mi-  
nùs apta, ut opinor, vix enim palmos tres  
Quadrantis Astronomici diameter excedit,  
ita ut sola scrupula prima quinario numero di-  
stincta intercipi possint, acceptum haberem,  
si requisitam longitudinem dum tibi liceret  
per otium, notares; aliæque pro fulcro fir-  
mando necessaria, ne vel minimus in obser-  
uando supersit inde scrupulus, tam in Pha-  
sibus, quàm in totali immersione, vel emer-  
sione, principio vel fine, & altitudine fixa-  
rum, ac quæ sit habenda ratio refractionis  
in obseruanda oræ Lunar-æ altitudine, vel  
fixæ de tempore obseruatæ Phæseos, nec non  
secundarij luminis oræ Lunar-æ pro deter-  
minando eius limbo, cæteraque ad hanc rem  
scitu digna pro exactè peragenda obserua-  
tione; si tamen seria quibus detineris negotia  
patiantur, rem gratam facies, cùm à mag-  
nis Viris tibi similibus ediscere in gloriæ  
parte reponam, ut obseruationibus tuis nos-  
træ respondeant pro definienda illa Meri-  
dianorum differentia in publicam cui labo-  
ras totius orbis vtilitatem, Nestoreos ad hoc,  
& alia quibus natus viuus tibi depre-  
cor annos quales mereris, quales exigit

Astronomiæ restitutio. Vale, Vit Celber-  
rime & Doctissime, additūque ex aſſe tibi,  
amore proſequere. Dabam Auenioni 3. Id. De-  
cembris 1641.

*Clarissimo et Doctissimo Viro Domino*

PETRO GASSENDO,

HIERONYMVS BARDIVS

S. P. D.

**T** Naudueram iam à Cl. Meysſonnerio  
te Luteriæ commorati pro editione  
Heroicarum virtutum ostentanda Viri Illu-  
stris Domini Fabricij, & cuius tui opetis duo  
exemplaria hac die habeo, & Liceto nostro  
destinatum nunc quidem mihi data com-  
moda occasione transmittō. Huins autem  
meum tibi sensum aperire non possum cū  
ab exemplarium latore pro responsione Do-  
mini Valauez, illique cui commendata, pro  
debira cura facere nimis urgeat. Prima au-  
tem fronte videtur mihi magni Viri argu-  
mentum, quod ipsi operi complementum  
præoccupat, at quidni maximè cuique arri-  
dere debeat? Cū ab illo maximo Philo-  
sopho, & Eruditissimo Viro Apollini, &  
Musis consecrato, & Mineruæ, & Mercurio  
dicato omnium scientiarum vastissima arce  
dependeat, & originem ducat non est pro-  
fecidū qui possit inficiari. Sed hæc pauca pro  
magna laudum mole tibi dicam. Si haberem  
Doctissimi Allatii elogium pro nostro Lice-  
to, cuius multa exemplaria à nostro Libro-  
rum vastissimo Hellnone, & præstantissima  
tinea Gabriele Naudæo missa sunt. Vnum  
tibi transferendum hac occasione curarem,  
sed ab Amicorum hic manibus omnia mihi  
auulsa fuere. Expecto à nostro Liceto vili-  
tationem, & Theoriam quam discit ex  
tuis obseruationibus de Lunæ luce, &c.  
cum Claro Galilæo quam statim ad te  
mittam.

Virgo nunc transcriptionem idæ Medi-  
cinæ factæ typis hic excudendæ in 16, quod  
opus erit Prodromum Iatrochymicæ meæ in  
generali, & particulari, & vestigijs libertatis  
Philosophiæ in Platonis Timæum. Et cū  
his subsequeretur Medicina sacra in particu-  
lari in vnoquoque Sacræ Scripturæ loco dig-  
num punctum faciens, & adoptata methodo  
cuncta euentilans. Encyclopediæ tam Pro-  
phanæ, rym Sacræ consecrata, & Physio-  
comedicis animaduersionibus corroborata.  
Scire anerem à te quod opus præ manibus ha-  
beas, neque enim vnquam te otiosum intel-  
lexi.

Occasione autem studij Iatrochymici Me-  
dici, cui me plurimum dedivum esse pro-  
fector mihi communicata fuerunt quadam  
non ingrata notæ scripta Vincentij Thornei  
Angli, qui etiam de Philosophica sublimi-  
tatione perſcripſit. Ex cuius scriptis, & rela-  
tionibus mihi constat fuisse, virum quidem  
in hac arte insignem, & plurimam molem  
auri tempore Ducis Alphonſi Ferrariz ope  
multi

multiplicationis compaginasse. Quod mihi constat ex syngraphis, & ædis monetariæ illius vrbis calculis digna obseruatione peractis. Cuius quidem apud me arcanum est dignum, vt experimento comprobetur. Enimvero lucrum cestum 80. pro quolibet 100. dat. Et quia in his regionibus tuis Viri ædunt huius artis peritissimi optarem, vt de hoc me certiores faceres, vt cum illis totum arcanum communicarem ad maiorem saltem Dei gloriam iuxta Salomonis institutionem in Templosum ædificatione eiusmodi ostentandam, vel cum ipsis experimenti trutinam subire possem. Cæterum enim sum hoc mihi tantum secretum esse cum Dei benignitate eius scripta ab vxoris eiusdem quam hic senex accepit manibus habuerimus, & ad amissum ab eo recriptum esse in suis scriptis, in quibus ipse aiebat habere thesaurum reclusum, & hoc in actum prædicum eduxit. Nam primo diues Londini, dein tota gaza in huiusmodi Sophisticis operationibus depopulata peregrinabundus has nostras regiones petiit, & vt vero Philosopho Deus huiusmodi secretum communicauit, quo sibi duodecim millia scutos comparauit, quibus vitam commodè ducere sibi persuadebat quos vxori reliquit, vt post eius mortem in pia opera ab ipso destinata remanerent. Cæterum me ama, Vir Clarissime, & tuis me iussis condecorare ne graueris. Viue Nestoreos annos Reipublicæ literariæ magnum Decus & Ornamentum. Vale, Genuæ 23. Ianuarij 1642.

De operibus tuis ad me transmissis quantas tibi possum animo non nisi gratis tuis grato rependo.

*Magno in literaria Republica Senatori  
inchyto ac perillustri Viro PETRO*

• GASSENDO,

SEBASTIANVS BALDVS

*Genuensis Medicus,*

F. P. P.

**E**N tibi mitto, Vir Clarissime, elogiū, quod sapientiæ Præsuli eximio Liceto nostro, veluti donarium, & anathema consecrat Leo Allarius. Virum loquor, in cuius pectore nidulatur sapientia ipsa, & quem Musæ mellitissimæ in humanitatem adornarunt. Licetum scis qualem Virum, quem scio te vnicè diligere, admirari eius laudibus sensu miro affici, & cuius dotibus ita excultis vilescat omnis laudatio. Mirro ego manu rusticā, sed animo omninò dispari erga tuam humanitatem, doctrinam, & in re vtraque excellentiam, quibus mirificè sum obstrictus, mitto inquam flores hoscæ amœnitatis, quibus fructus magnæ doctrinæ veluti redimuntur.

In his habebis, vnde minus repudies inanitatē animi mei, quem si minis com-

*Epistolæ ad Gassendum.*

ptum, & excultum deprehendes, ipse sibi animus nihilominus candore, & obsequio munitus sibi feret suppetias, & tibi litationes mouebit. Sin minis accipe proxeneta eundem Licetum, magno mihi amicitia nexu deuinctum, & in paucis mihi carum. A me qui iubar doctrinæ ad eximiam non queo ferre, quid aliud expectes nisi animum tibi omninò addictum, & veluti ligamine vinctum, ne laudum tuarum molitionem, quibus sum omninò impar, ad eam vt admirationi locus superesse tantum videatur. Sed ecce dum GASSENDOVM hac epistola conuenio, rudiatem animi explicatam calamo patefacio, Viro nimirum qui apes in ore, in pectore Charites habet, qui volucrem famam vbique Terrarum vbi theatrum posuit eximiis doctrinæ ornamentis, sed nunquam casuram possidet, cuius monumentis literariis gaudet Apollinis Curia vniuersa, proficit in dies, & incrementum capessit.

Cum Hieronymo Bardio, ac promeritorum eius fulguris metuet minis mea infantia, minis exhorrescet doctissimi Viri conspectum: is mihi auctor fuit, vt tibi non tam hanc scriberem epistolam, sed elogium Liceti insuper transmitterem: arripui omnibus votis hanc iucunditatis plenam occasionem, scripsi propterea, à ruditate haud timens, sciens tibi non defuturum spiculum illud humanitatis, quia mea sentia in bonum acciperes, & opus impolitum veluti lima ac scalprio perpolires; non quidem in cordis tabulis, in quibus plenitudinem dilectionis insculpsi: nam animus, ab amore non patitur inanitatē.

A Trium-viratu magnorum Virorum Liceti, Pauli, Aresij Deuthenenfis Episcopi, & Syluestri Petra-Sandæ à Societate IESV, quos vnicè veneror à doctrina, monumentis æternis, morum integritate, & quos familiares habeo; id etiam mihi vti spero accessit, vt à te Viro hercè eximio, in tuam amicitiam dicam, an clientelam assumam & veluti insitus ramusculus propago magnæ arboris efficiat.

Sed dum Bardium tibi appello, opus Medico-sacrum, quod in lucem parat, & æternitatem circumscribere debeo: in eo sublimiori obtutu Medicinæ arcana, Philosophica praxide discludit Vir egregius: Sacros Scripturæ sensus defossor industrius eruit Iatrochymiam ad Hippocratis normam ita solide, eruditè, floridè explicat, vt remotis Sectarum diuortijs, iam Medicina vnitatem agnoscat: Nobilitatem eius, fructus vberimos diffundit vbique, & breui compendio magnas opes includit. Quod aliàs scripsi, rursum repeto, habet ibi vnde Medicinæ Apotheum sapientiæ calculo commendet. Vale, & Nestoreos impleas annos, vt tui perennitate floreat literarum Respublica. Genuæ 28. Ianuarij 1642.



PETRO GASSENDO *Suo,*PHILIBERTVS DE LA  
MARE, S. D.

**P**robè Obertus ille noster benignior est etiam leuissimorum officiorum æstimator, quandoquidem cùm commendat officia, quæ abs me experiri dicit, veris maiora tibi retulit; vtinam daretur vtriusque vestrum ratione meum in vtrumque studium, prout est, exhibere, videret equidem ille si non vtilem me, saltem rerum suarum apprimè studiosum. Cæterum erupit nouissimè penè me infcio Commentarius de bello Burgundino, illum à Marneo nostro Senatore Diuionensi meo nomine accipies, nefas putaui, si te illo quamquam leuissimo, & rudi, quod aiunt, Minerua scripto indonatum vellem, & Amici, non Amicum in eam rem iudicium expofcerem, probè quippe mihi notum est cùm tu illi calculum adieceris, à censoria aliorum virgula immuniem fore. Naudæum Lutetiam iam-iam venturum gaudeo, & quas possum gratias ago, quod eam quam scripsi epistolam transmitti curaueris, minùs certè Eminentissimi Mazaringi famam augebit noua, quæ nunc fulget purpura, quod si Naudæum in familiam suam adsciuerit: desinet tunc aliquomodo Gallorum querela qui stirpes apud se enatas in alieno solo radicem agere queruntur, sed omninò desinat, velint Superi, breui Salmasij, & Cartesij reditu, quotum prior apud nos agit proximo Vere in Barauiam migraturus, vterque vt post-liminij iure parenti suæ Gallicæ reddatur & opto, & cordatorum quotquot viri hominum votum est. Vale, Diuione Kalend. Februarij 1642.

*Admodum Reuerendo atque Amplissimo  
Viro ac Domino D. PETRO GASSENDO S. Theologia Doctõri, atque  
Diniensis Ecclesiæ Prapõsto dignissimo Amico cumprimis colendo, S.*

**A**dmodum Reuerende atque Amplissime Vir,

Magnotum Virorum atdentibus sollicitus precibus fores benignitatis humanitatisque Reuerentiæ vestræ denuò pulso; si importunior sim ignosceas rogo. Causam petitionis meæ breuibis aperio, cùm magneticarum declinationum obseruationes, in arte mea magnetica proposiæ per vniuersam Europam ab insignibus Mathematicis factæ, eximiis quibuscvis hic Romæ viris mirum in modum attulerint, atque hoc ipso experimento, quantum vnanimis mentium in vnam rem indagandam conspiratio possit, compererint, Magnum haud dubiè Reipublicæ literariæ, si similes obseruationes simili animorum cum pari industria coniuncta conspiratione instituerentur, augmentum accessurum cre-

debant; dum igitur felix dictatum suspiciunt obseruationum auspiciu, ad aliorum similitum obseruationem oculis, animisque adspirant. Me igitur continuis sollicitantes precibus, & præ cæteris ipse Eminentissimus Cardinalis Barberinus instanter vrget; vt qua industria magneticas declinationes obseruari curassem, eadem & duarum huius anni futurarum Eclipseon obseruationes institui curarem; quorum quidem æquæ & laudabili postulationi refragari nefas esse duxi.

Horum itaque nomine R. V. obnixè rogo, vt memoratorum Virorum votis annuens in hoc ipso ad boni communis promotionem instituto negotio se impigrum gerat, id est, Eclipsein alterutram omni diligentia, ac industria obseruare non grauetur. Ita autem eam obseruari velim cùm vtraque Eclipseis totalis sit, præcisa temporis momenta singulorum 4. punctorum inceptiois totalis obseruationis, ex vmbra emerisionis, & totalis definitionis vnà cum eiusdem Lunæ iisdem momentis, sicut & alterius Stellæ fixæ ab horizonte altitudine summo studio obseruet. Quo facto obnixè rogo, vt pari studio singulas obseruatæ Eclipseos circumstantias, vnà cum eorum, qui præsentis, & dictæ Eclipseis indices, testèscque fuerint, Mathematicorum nominibus comprehensos Romam transmittere dignetur. Faciam enim vt eæ propediem hic publici iuris fiant. Quamobrem, si quos peritos Mathematicos Amicos noueris, eos ad eandem obseruationem faciendam omni studio exstimulare non omitas. Sic fiet vt opus in bonum publicum cedens communibus etiam suffragiis instituat. Nihil portò restat, nisi vt me R. V. SS. PP. & SS. commendem. Romæ 13. Februarij 1642.

*Reuerentiæ Vestræ Seruum in Christo*

ATHANASIVS KIRCHER.

Reuerendæ Dominationi Vestræ gratias habeo, de honore & splendidis testimoniis, quibus me in vita D. Peirescij exornauit. Respondam ego R. D. V. similia in operibus meis. Si aliquid in arte mea magnetica correctione necessarium, vel ad augmentum operis iam denuò Coloniz imprimendi conferens nouerit, id mihi propediem significare non grauetur. Cæterum vti magneticas declinationes summo studio obseruauit, ita & Eclipseos accuratam obseruationem mihi non denegaturum confido.

PETRO GASSENDO

PAVLVS DV MAY,  
S. D.

**N**on ingratus grates ago (Vir Erudite) vrbauitatis tuæ officio propinquis in acerbiore litis ordine opportuno; cuius illecebris irretitum videre videor Illustrissimum Principem Valesium Pro-regem Patriæ, quæ tuis cunabulis gaudet, cui epistolæ tuæ copiam faciam, quam-primum intellexero alterutrum assinium contumacem aduersus mandatum

datum Illustrissimi Principis Condæi, ex cuius formula totum istud negotij sine strepitu fori viâ leniori definiri debet: si quid inuicem de Roberto rependere possum pro modulo virium parturienti obstetricabor. Bene Vale, Vir Erudite, obsequiique nostri pignus D. Abbati de Champigny, vt vtat verbis I. A. ti. opponas iterum atque iterum rogo. Diuisione 12. Kal. Martias A. D. 1642.

*Viro Maximo, incomparabili PETRO  
GASSENDO, S.*

**V** Ir Clarissime, Cum primum veni Amstelodamum, nihil prius habui, quam vt Elzevirium conuenirem, & de tuis libris excudendis mentionem facerem: nec multis opus fuit vt persuaderem si quos ad me mitteres elegantibus illis typis adornaret. Quare non est iam quod diutius detineantur penes te, inuideasque thesaurus tantos eruditus, quos omnes puta vno ore per me Virum eruditionis auantem grauit expositulantes tecum de tam longa procrastinatione. Non immemor est Vossius ante decennium te spem ipsi tunc fecisse breui proditura in lucem commentaria in Epicuream Philosophiam. Non ignoro quid præstiteris, & quid præstare possis, Riuetus, Barlaeus, Heinsius, Regius, alij, quos omnes audiui, non sine magna animi voluptate, de te vt par erat verba facientes. Mitte igitur ad nos quæ priora publici iuris facienda constituisti. Ego prouinciam libenter suscipiam specimina typographica corrigendi, & opera vrgendi. Periculum fac vel in responsione ad Cartesium, cuius expectationem feci, illi ipsi viro, cum viderem scilicet opinione tanta ingenij sui tumentem vt minimo te prouocaret: nam quod in postrema Metaphysicæ suæ editione fortè legisti de iis, qui scripta in ipsum clanculum legenda tradunt inimicis, id de te mihi exposuit, vt de animaduersionibus tuis nondum excusis, quamquam scio cā te esse mansuetudine, vt missa sponte facias quæ ad hominem militem, cedere nescium spectant, dum ad rem ipsam in qua latet virium proferas: Sed hæc in autem tibi vni dicta velim. Cæterum, quæso ita censeas neminem esse, qui te pluris faciat, suspiciat magis, veneretur, & amet quam ego. Itaque nulla sunt beneuolentiæ, & obsequij officia quæ à me, quoties se dabit talia præstabit occasio, expectare non debeas. Vale, & nos, Vir Clarissime, vicissim ama, Amstelodami 8. Iunii 1642.

*Tui obseruantissimus & addictissimus  
SAMUEL SORBERIVS.*

R. P. Mercennum plurimum salutatum velim. Præterea nostro sub discessum tradidi liberos tuos, & Dissertatiunculam nostram, quæ puto in manus tuas venisse.

*Viro Maximo, incomparabili PETRO  
GASSENDO, S.*

**V** Ir Eximie, Iterabo quod in prioribus meis iam indicauit, quid quid operum tuorum ad nos transmittes prælo sine mora committetur. Suasi Blauio Typographo vt Paradoxicarum exercitationum tuarum in Aristoteleos nouam editionem curaret; sed te prius consulendum censui, vt si quid mutati addide oporteret indicares, & præterea copiam faceres exemplarum quod nullum hic reperiri potuit. Ego Hagæ Comitum nunc dego apud D. Rhingrauium, vnde Slusam sum profecturus circa brumam: quare si quid mittas post illa tempora ad nos, dirigendum erit ad D. Riuetum, vel ad D. Guillelmum Grotium per quos tutò accipiam. Vale, & perge me amare, Hagæ Comitum 25. Augusti 1642.

*Vir Eximie,*

*Tui obseruantissimum tibi que addictissimum  
SAMUELEM SORBERIVM.*

*PHILIBERTVS DE LA MARE,  
PETRO GASSENDO Suo, S.*

**N** Vnquam-ne desines, mi GASSENDE, & rem literariam tuis lucubrationibus promouere, & me nouis in dies cutulare beneficiis: Nunquam sanè, nam vt in exhausta est ingenij tui vis, ita & humanitas tua minime sibi temperare potest, quin alia semper veteribus audat beneficia, quam obrem de munere tuo, quod transmitti ad nos curauit Cl. Du Maius noster, gratias ago quas possum, ego autem quam maxumas, mirè præsertim placuere in eo epistolæ illæ de motu, sed maxime vbi de Terræ motu differis. Rem verò longè suauissimam fecisti, cum vniuersæ Epicuri dogmata breui à te fore illustrata pollicitus es, quibus vt citò colophon addatur, & suadeo, & opto. Interim Vale, breuique Rempublicam literarum tam præstanti opere locupletem velis, iterum Vale, & me, quod facis, æternum ama. Scribebam Draciaci in Eduis 16. Kalend. Nouembris rebus prolatis 1642.

*PETRO GASSENDO,  
PAVLVS DV MAY, S. D.*


**L** ibros de motu & apparitione Solis humilis eruditionis, & Phascos elegantia sparsos accepi (Vir Clarissime) quo nomine tibi gratias ago, meque tibi ex asse deuinctum profiteor: Eisdem Domino Bouchu Curæ primo Præsidi, legendas commodavi, postquam in Palatio Regis Senatores Collegæ contrectantur, dum à te Domino de la Mare exemplar destinatum dedi, quorum sententiâ politis, & reconditæ doctrinæ pignora habentur. Quod si Bibliopolæ eorumdem copiam præstitissent, vnumquemque Bibliothecæ priuatæ tractatus tuos & te nata inseruisse velim, credas:

P p 4 Etenim

Etenim materies, eiusdemque partitio, & enucleatio calami tui sorte accuratâ sic elucescit, vt vniuersis in tui admirationem à tuo genio motore primo impellatur; & in Solis licet humilis irradiatione obtusecat, quod si meridiem ignibus illustraret; de oculorum, & ingenij cecitate dubitarem inter delectationis illecebras & irritamentum. Bene Vale, Vir Erudite, Diuione 16. Kalend. Nouembris 1642.

*Clarissimo Sapientissimoque Viro D. D.  
PETRO GASSENDO Dinienfis  
Ecclesie Præposito dignissimo,*

PETRVS CAZRÆVS  
Soc. IESV, P. S.

**I.**  Vas ad Nobilissimum Clarissimūque Senatorem Dominum de la Mare de motu impresso à motore translato epistolas tuas benevolentia nomine transmisisti, eandem ille pari benevolentia mihi communicatas esse voluit: quas ambas tantò auidius decurri, quantò præeunte tui nominis famâ iam altius animo meo infederat, scetus omnes ingenij tui non posse à tanto parente esse degeneres. Neque certè expectatione mea delusus sum; plurima enim ingenio tuo, & publica luce dignissima in iis aduerti, & maximè quæ ferè tota epistola experimenta proferis, quibus etiam clarè euidetretque concludis quod initio probandum assumis. *Si id corpus cui insissimus transferatur, motu omnes nostros, reuerſumque à nobis mobilium perinde fieri, appareatque, ac si illud quiesceret:* vnde vltèrius quoque euincitur, nihil contra motum Telluris ea argumenta concludere, quæ à projectileum motu vulgò deducuntur. Ego certè ante annos plus viginti, cùm in Academico puluere desudarem, eadem argumenta omnia, quamuis non tam præclaris indutis experimentis, vt inualida, nulliūque momenti abieci. Hoc itaque cùm citra omnem dubitationem à te euidenter constitutum sit, patièrè (vt mihi quidem persuadeo) etiam perlibenter, vt de quibusdam aliis, quæ mihi passim in ipso vtriusque epistolæ decursu minùs probata sunt, amice tecum agam; non sanè altercandi studio, multòque minùs reprehendi gratiâ, sed vt tu ipse de te proferis, solius in re magni momenti veritatis inquitendæ voluntate.

**2.** Atque vt relegam vestigia tua, non ante præcipuam de Telluris motu quæstionem attingam, quam ea quæ tu quoque præmisisti in examen adducam, illudque in primis, quod à Galilæo excogitarum, pro vrbauitatis tuæ ingenuitate, non sine authoris laude pag. 20. assumis, & pag. rursum 70. ingeniosè sanè illustrare contendis; grauiâ scilicet dum sponte naturæ descendunt, temporibus æqualibus spatia continuò maiore decurrere, & in ea quidem ratione Arithmetica, quæ secundum numeros omnes impares, ab vnitatem incipientes perpetuò proce-

dat. Equidem mihi planè persuadeo, nunquam id à te Galilæi decretum in examen adductum fuisse: Si enim fecisses, proculdubio falsum illud esse, & quam longissimè à veritate alienum pro ingenij tui sagacitate reperisses, satique perspexisses illud è Galilæo colligi ex principiis falsis, & non nisi euidente parallogismo confirmatis, dialogo 3. de motu accelerato pag. 164. quod nos fortassis suo tempore aliâ, & quod consequens etiam est, cætera quoque omnia, quæ toto illo Dialogo tertio ingeniosissimè alioqui concludit, falsa esse demonstrabimus. Sed quoniam ad propositum tuum nihil refert quâ tandem, Arithmetica-ne an Geometrica ratione grauium acceleratio procedat, diutius hoc loco non immoror. Rectius de motu parabolico philosophatus est Galilæus, modo quæ à motore translato impelluntur, nec à ventorum incurſu, nec alio quopiam aduentitio motu atque impulsu impediuntur, quod meritò supponitur.

Tuum verò iam illud est, quod pag. 24. tertio loco ex superioribus elicis, vim scilicet sursum impellentem, à virtute in latu desistente, non modò non destrui, sed ne vllâ quidem etiam ratione imminui. Vnde vltèrius item Corollario 6. & 7. supponis, quod clarè ac distinctè Corollario 10. & 11. iam exprimis, nempe, si pro inæquali velocitate translato motoris, linea parabolica, eiusdem semper altitudinis, nunc contractior, nunc latior atque apertior fiat, eam nihilominus æqualibus semper temporibus transcurri, & iisdem etiam præcisè, quibus in quiete eandem altitudinem, per rectum parabolæ axem, ascendendo ac descendendo idem mobile decurrit. At ex præ assumptis non inferuntur ista necessariò, & nisi aliis experimentis fulciantur, etiam apud harum rerum peritos non inuenient fidem. Receptum enim est, mobile quodcumque duobus modis in diuersas partes actum, tantò segnius in vnum terminum deferri, quantò fortius in alterum tendit, quod experimentis palam obuiis ira contestatum est, vt tanquam effectum vulgò habeatur. Accedit quod in motu projectileum, & vniuersim in quolibet motu, medium semper aliquid resistat; quò maius igitur ac longius pertempendum est medijs spatium, eò resistentia efficitur maior. Cùm itaque linea Semi-parabolæ maior sit axe, & tantò quidem maior, quantò apertior est; difficilius per curuam illam, decuplo fortè, & si placet etiam centuplo longiorem, projectile mouebitur, quàm per axem multò breuiorem. Ratio igitur postulat, vt neque ab eadem vi, neque eodem tempore ad eandem altitudinem aut distantiam idem mobile in motu, & in quiete transmittatur.

Vide tamen quantum tibi deferam, & quàm non obstinatè meis rationibus, aut receptis etiam vulgò decretis adhærescam. Tu qui non ita longè distas à mari, fac iterum pro tua opportunitate huius rei periculum. Hunc in finem arcu-balistam para, quæ globum potius eiacular quàm sagittam, & ad eam solum altitudinem quæ naui aut trirēmis malum non excedat, vt ascensus globi distinctius notetur.



notetur. Hoc instrumento cum pari semper impetu globus idem emittatur; exerceat primum accuratè ac diligenter, quiescente nauigio, ad quam altitudinem emissus ascendat globus; ac deinde iterum, dum concitatissimo cursu idem nauigium mouebitur, vide an idem globus ad eandem nihilominus altitudinem ascendat. Et si tuis decretis hæc quoque experientia suffragetur, magnum sanè paradoxum probaueris, idem scilicet proiectile ab eadem, & æquali virtute emissum, per vias longè admodum inæquales posse eodem tempore peruenire ad eundem terminum, simulque rem nihil pericundam gratissimamque feceris, cum me à contrario errore etiam abstineret.

Est et aliud in quo tuam quoque eruditio- nem imploro: Cùm enim tecum ego quoque sentiam quod Corollatio quarto, & quinto asseris, tempus quo proiectilia ascendunt æquale esse tempori quo descendunt, & consequenter velocitatem quoque motu ascen- dendo, ac descendendo esse reciprocè æqua- lem: dum tamen etiam inde cogor conclu- dere, pari omnino impetu, & quod conse- quens est, æquali etiam effectu, globum ex aère decidentem percutere, quo idem igne sulphurato è catapulta emissus feriret; id sine scrupulo non concedo. Et si enim non igno- rem, globi decidentis ingentem, & si ad cal- culos exigatur, penè incredibile esse im- petum: refugit tamen; hæretque animus, cum recidentis, atque è catapulta emissii globi, æqualem impetum atque effectum pro- nuncio.

Nunc ad tua redeo, & occasione quidem motus naturalis pleraque meo quidem iudicio nimia facilitate pag. 34. & aliquot se- quentibus admititis, quæ Viris eruditissimis ac piis minùs placitura videantur: vt quod motus omnes, ortus, & interitus, incrementum, & decementum, omnisque alteratio; quæ calor, frigus, humor, siccitas, itémque color, odor, sapor, qualitates aliæ gignuntur, nihil aliud esse videantur, quàm motiones quædam locales, quibus rerum principia tenuissima licet atque insensibilia, variè inter se concernuntur, excernuntur, accedunt, abscedunt, transponuntur, &c. Item quod incessus tibi naturalis videatur, saltatio vio- lenta; & similiter volutio globi supra pla- num naturalis, quia nihil repugnat; descen- sus grauium violentus, quia inæquabilis est. Motus cœlestis maximè omnium tibi natu- ralis videtur, quia præ cæteris æquabilis est ac perpetuus; contra motuum omnium vio- lentissimum putas descensum grauium, quod (vt tu quidem censēs) à causa externa neces- sariò esse debeat, & summam habeat inæqua- litatem. Hæc portò omnia, ex occasione po- tiùs à te adducta, quam quod ad institutum finem necessaria viderentur, vereor ne eam approbationem non inueniant, quam eru- ditioni tuæ, & fama nominis tui merean- tur.

Atque vt à minoribus initium ducam; cur tibi saltatio violenta, incessus verò naturalis videatur? Vtque enim motus ab eodem in-

terno principio est, nempe ab anima; & si pondus corporis saltationi obstitit, incessum quoque impedit; & vt ipsemet postmodum aduertis, violentiam defatigatio euidenter concludit. Vterque igitur motus, partim natu- ralis est, partim violentus, neuter absolute naturalis, neuter absolute violentus.

Mirum etiam est, quomodo volutionem globi supra planum, naturalem velis, quam à solo principio externo non dubitas oriri. Idémque de ipso quoque cœlestium corpo- rum motu statuendum fuerit, nisi fortè ea decernas à propriis singulorum formis, aut naturis cieri. Quod enim motui nihil repu- gnet, aut æquabilis sit, non statim naturalis dicitur, nisi præterea ab interno principio, ipsaque rei natura effectiue procedat. Quan- quam si aduertere etiam volueris, in volu- tione globi supra planum, partes alias descen- dete, & alias præter inclinationem ascendere agnosces.

Descensus quidem grauium, si vt ipse con- tendis, à principio externo procederet, non esset sine dubio naturalis; non continuò ta- men propterea violentus censeri deberet, nisi reluctante etiam natura fieret; quod opinor non affirmaueris, si pro tua sagacitate, de- scensum ab eius acceleratipne secerueris. Neque propterea te ad Academiam reuoco, vt de distinctionis modo inquiramus: satis nobis fuerit, quod motui maior minòrve ac- celeratio superueniat, vt descensum ab ac- celeratione adueniente, mente atque animo seceruamus. Hanc tibi eruditi omnes violentam concedent, non descensum, nisi hunc, ab eius acceleratione, mente vt dictum est seiunctum, à principio externo, & contra naturæ inclinationem procere euidentius ostendas. Accelerationem quidem violentam satis euincis, dum eam naturæ dissolutionem moliri aduertis: & descensum ipsum natura reluctante fieri nuspiam probas, & opinor non ctedis.

Multa profectò mones, vt grauiam non à propria natura, sed à Terra, diffusis circum- quaque corpusculis illecta atque etiam illi- gata deorsum trahi persuadeas: quæ quo- modo à te setidò scripta sint, vt verum fatear vix intelligo. Primum enim quid profers, cur grauiam deorsum non possint naturà moueri? aut quid in ea re absurdum, vel impossibile agnoscis? Tellus ipsa si loco tantisper dimo- ueatur, vt in vehementioribus eius commo- tionibus, à qua alia Tellure in pristinum lo- cum retrahitur? Etsi fortassis Diuinà aut An- gelica vi à propria sede dimota, versus Lu- nam milliariis aliquot attolleretur, illic ne sponte naturæ consisteret, an ad pristinum potius locum reuerteretur? Si primum cre- dis, quæ tandem inductus ratione? aut cur ita nunc suum locum affectat, vt nullis concussa motibus ab eo dimoueri valeat, siquidem vbiuis locorum petinde bene, & æquè commodè se habeat? Quod si proprio loco ac situ expulsa, ad illum reuerteretur, à quo tandem attracta id faceret? Finge verò in Tetræ meditullio cauernam, aère vel aqua plenam, vt vacua non sit; in

in eaque, sed extra eius Terræque centrum lapidem constitutum. Quid in eo casu futurum puras? ascender-ne lapis ad concameratum cauernæ fornacem attractus à Terra, an ad cauernæ, ipsiusque Terræ centrum descendet? Si hoc secundum; cur illic Terræ magnetismus non viget? cui à viciniore Terræ parte lapis ille non corripitur, atque illaqueatur? Sed à quo lapis idem deorsum trahitur, & longius à Terra remouetur? An potius igitur dices ascensurum lapidem, à Terra viciniore magneticè attractum? Cur igitur per puteum demissus lapis à viciniore item Terra illeclus, attractusque ad putei latera non adhærescit? Sed ipsamet Terra, rupto fornice, ad centrum descenderet, leuioræque que inde corpora expelleret: quanto magis separatus iam lapis id faceret? Putas enim disrupto fornice, totæque si placet Terrâ in arenulas redactâ, eam non confluram ad centrum? Conflueret sanè, & quidem non ab alio corpore attracta, sed sponte naturæ, & à principio interno atque innato. Cui de cæteris igitur grauius, idem simili ratione non dicatur?

II.

Rides opinor & tu ipse in sinu, cum inuisibiles illos vncinos, harpagones, aut etiam chelas, si velis, & tenso illos funes tuos tractorios fingis, imperare enim mihi non possum vt credam hæc à te dici, quod vera putes, sed vt ne nihil dicere videare, vt tu ipse satis insinuas. Sed neque est cur magneticam fieri vulgò dictam attractionem in exemplum adducas: magnes enim & ferrum non fictis illis tuis harpagonibus aut inuisibilibus catenis quasi vi adducta, sed vtrimque sponte naturæ incitata in mutuos amplexus accurrunt: nec propterea timendum tibi est, ne cum Thalete admittere cogatis in rebus omnibus animam, imò & sensum. Si enim ne vincula ipsa, quibus omnia trahi putas, sensibilia sunt, vt passim inculcas, cur qualiterque magneticam, minùs vtiq; corpoream, neque adeò rigidam, à ferro sentiri times? Quo enim tu sensu catenas illas tuas percipisti, quibus ne sursum auoles Terræ alligatum te censes? Cur ergo vereare ne grauius deorsum, & ferrum ad magnetem ceteræque corpora ad electrica, sine sensu concurrere non possint? Ad hoc ceterè effectus abundè sufficit rebus omnibus à Sapientissimo earum opifice indita, naturalis inclinatio ad conseruationem perfectionemque propriam; adde si velis, ad conseruandum Vniuersi ordinem, vt opus non sit ad signenta hæc tua confugere. Si enim eam tibi vim concedit, vt proiectilibus inclinationem (voca motum, voca impetum, aut aliter vt volueris) imprimere talem possis, quæ recedentibus à te illisdm proiectilibus, diutius in illis persisteret, & in quamcumque partem destinaueris eadem deferat atque impellat; imò, quæ obuiò etiam impedimento, non statim tota destruat, sed aliam in partem proiectilia abducatur, vt in reflexione tu ipse contendis: eris-ne tam parùm æquus rerum arbiter, vt à sapientissimo, ac præpotente Vniuersi conditore, rebus quibuslibet inclinationem longè perfectiorem

imprimi posse addubites? Finge vim à te impressam esse eiusmodi, quæ pbuiis impedimentis fitti quidem possit, sed non destrui, aut etiam minui: An non sublato impedimento motum redintegraret? Talis omninò naturalis rerum inclinatio est, nec habet vnde impossibilem, aut ipsi etiam grauius teipsa inditam non esse concludas. Cur cam ergo agnoscere decretas, vt ad inania tua illa signenta recurras?

Infinita quidem sunt quibus illa conuelli possint, sed malo rem ipsam paucis, quàm modum explicandi plucibus adoriri. Si grauius deorsum à Tellure magneticè traherentur, necessarium esset, vt quo Terræ viciniore essent, eò fortius ab ea traherentur, vt in ferro ac magnete euidenter contingit. Deberet igitur corpus graue quodcumque iuxta Terram suspensum aut ipsi etiam Terræ insistentis maius exhibere pondus, quàm longius à Terra suspensum; itemque per centum pedes Terræ vicinos velocius descendere, quàm per totidem alios pedes à Terra remotiores. Vtrumque autem quotidianæ experientie euidenter repugnare non ignoras, cuiusdemque semper corporis idem vbique pondus exhiberi; aut si quid vsquam discriminis interfit, iuxta Terram potius, quàm in superiore aëris parte leuius inueniri; atque per equalia item spatia, altiora, aut depressiora, æquali omninò velocitate corpus idem descendere. Euidens est igitur grauius magneticè deorsum à Terra non trahi.

Sed amabo te, Vir Doctissime, quid est quod ais, ortum, & interitum, incrementum, ac decrementum, omnemque alterationem, quæ calor, frigus, humor, siccitas, itemque color, odor, sapor, & qualitates aliæ gignuntur, nihil videri esse aliud, præter motiones locales, quibus rerum principia, tenuissima licet atque insensibilia, variè inter se concernuntur, excernuntur, accedunt, abscedunt, transponuntur? Ergo-ne Epicuri ac Democriti Atomos, tanto iam tempore à regno philosophico, merito suo exulantes, & tot iam sæculorum ac sapientum omnium præiudicio damnatas reuocare ab exilio, iterumque in Academiam terrudere moliris? Audio ceterè tibi etiamnum in manibus esse iustum volumen aliud, quo hæc Epicuri ac Democriti somnia illustrare labores. An igitur sagacitatem tuam fugit quo tandem vsque semel inducta hæc periclasia processura videatur? Si ortus atque interitus nihil aliud videntur, præter locales Atomorum, vel vt mitiùs loqueris, tenuissimorum atque insensibilium principiorum motiones; de formis rerum substantialibus conelamatum est. Sed maius etiam aliunde imminet malum: Si enim alterationes quoque omnes, quibus calor, frigus, humor, siccitas, itemque color, odor, sapor, & qualitates aliæ gignuntur, nihil aliud esse videntur, præter locales tenuissimorum corporum motiones; formæ igitur accidentariæ nullæ sunt, multoque minis inueniri, & esse possunt ab omni substantia separata. Quid sanctioribus igitur nostræ Religionis mysteriis fiet? Vix per Deum

immortalem

12.

13.

immortalem ne tui nominis autoritate, infirmioribus quidem errandi, cæteris vero præ conceptam ingenij tui ac iudicij sagacitate opinionem imminuendi præbeas occasionem. Nemo certe negauerit è plerisque corporibus halitus calidos, frigidos, humidos, odoratos, ac sapidos exitari: ac inde vniuersum concludere alterationes omnes, quibus hæc atque aliz qualitates gignantur, ortumque ipsum atque interitum nihil esse aliud, præter locales Aromorum, atque insensibilium corporum motiones non videtur esse sapientiz atque eruditionis tuæ. Omitto cætera, quæ in prioræ tuæ epistolæ inquisitione indigerent, ut recum aliquando ad primarium totius disputationis tuæ institutum, de Telluris motu accederem.

Ais igitur initio posterioris epistolæ, videri ex obseruatis circa motum à motore translatò impressum, infirmum reddi argumentum, quo vulgo solent Philosophi quietem asserere globo Telluris. Plus dico, idem argumentum etiam inde nullum conuinci. Addis non eo te propere à adduci, ut inde pronuncies moueri haud dubiè Tellurem, sed ut insinues conquiendam esse rationem verisimiliorem. Bene habet; si scopus iste tuus est, collimasti; pluribus opus non est, adeptoque iam sine frustra atque inutiliter laboras. Tamen si amplius aliquid non queris, quid est quod pag. 108. præmissa plurimorum similium conglobatione interrogas. Cur non ratione eadem suadente fiat verosimilius, probabilius magis consentaneum moueri Terram versus ortum, ac totam Mundi machinam, Sideraque omnia salutare ex ordine, quam totam illam machinam, totaque & tanta Sidera circum ipsam ire, eamque salutare? Quid est quod tantopere etiam vtges atque exaggeras, maiora ex celestium corporum, quam ex Telluris motu absurda sequi atque incommoda? Cur adèd studiosè cætera quoque omnia Copernicanorum argumenta congeris, si hoc solum contendis vulgatum illud aliorum Philosophorum à proiectilium motu petiitum argumentum infirmum esse atque inualidum? Cur verò etiam de Telluris eiusdem circa Solem motu tam prolixam, nec ad prædictum finem, necessariam adiungis disputationem, in qua non modò Copernicanorum argumenta omnia, & rationes quæ potes, & vales dicendi facilitate stabilire & confirmare, sed aliorum quoque obiectiones infirmare, pari studio, & contentione moliris? Quid amabo te amplius eras factururus, si eam sententiam animo destinato asserendam propugnandamque assumeres? Tolerandum fortassis, & certè non ita inconueniens videretur, si cum Heraclide Pontico & Epiphanto Pythagoræo Terram in medio Vniuersi constitutam, quotidiano tantum motu circa proprium axem moueri contenderes: Sic enim concitatissimum illum Siderum motum, qui plerisque Copernici Sæcutoribus displicuisse visus est maximè, tolerares; & satis moderatum, quo sacris literis facilius satisfaceres, tam errantium, quam inuocantem Siderum motum, quem pro prium vocant, retineres; atque in portentosa, quæ

ex Copernici opinione sequuntur incommoda atque absurda non incideres. Nempe meminisse semper oportet, nos non Philosophos tantum esse, sed etiam Christianos, Philosophiamque nostram nec debere, nec verò etiam posse à Christiana Fide discrepare.

Cogita igitur non quid tu fortè ipse sentias, sed quid æstimaturi sint plerique alij, qui tuâ vel autoritate, vel rationibus inducti sibi persuaserint Telluris globum inter Planetas moueri. Concludent primùm vnam è Planetis sine dubio esse Terram, quæ cum incolas habeat, proclue erit deinde etiam credere, in cæteris quoque Planetis, atque adèd in ipsis item inerrantibus Stellis incolas non deesse, & tantò quidem præstantiores, quanto reliqua Sidera Terram magnitudine ac perfectione excedunt. Hinc Genesis in suspitionem vocabitur, dum ait Terram ante reliqua Sidera factam, illaque quarto tantum post die condita, ut illuminarent Terram, temporaque & annos merirentur. Inde tora Verbi Incarnati Oeconomia, atque Euangelica veritas suspecta reddetur, imò & tota fides Christiana, non ad hominum, aut aliarum creaturarum habitationem, sed solum ut Terram sua luce collustraret, fecundèntque, esse à Deo conditore producta. Vides igitur quam ista periculose in publicum diuulgentur, & à viris præsertim qui sua autoritate fidem facere videantur; & quam non immeritò iam inde à Copernici tempore Ecclesia semper huic se errori opposuerit, eumque etiam nouissimè, non Cardinales tantum aliquot (vt ais) sed supremum Ecclesiæ caput; Pontificio decreto in Gallæo damnauerit, & vt ne in posterum verbo, aut scripto doceretur sanctissimè prohibuerit.

Miror autem quâ fronte communi saniorique sententia, erroris istius sectatores exprobrent, quasi absurda quedam inducere videatur, cum illi absurditatem portentosa propemodum infinita admittant, excolantes culicem, & elephantos deglutientes. Tangis eorum nonnulla, sed displicet quoddam etiam excusæ. Agnoscis certè motum Terræ circa Solem sustineri non posse, nisi etiam admittatur magnum illum orbem per quem Tellus deferri fingitur, instar puncti respectu; Cæli obtinere, (quod de Telluris corpore communis sententia concedit) alioqui non semper integrum Cæli hemisphærium è Terra prospiceretur, quod experientia ramen cogit fieri. At dissimulas, aut certè eleuas quæ inde sequuntur absurda; vt quod inerrantia Sidera propemodum omnia tam prodigiosè molis admittenda sint, vt eorum semidiameter, interiectam à Terræ centro ad Solis centrum distantiam excedat. Quod si tibi absurdum, atque ab omni ratione abhorrens non videtur, quid amabo iudicabis absurdum? Eleuas certè pleraque alia quæ ex eadem Telluris circa Solem translatione vltierius sequuntur absurda, à quibus tamen vt te expedias, fingis alia fortassis adhuc absurdiora, vt quod illustriora illa quæ in Firmamento apparent

15.

16.



parent Sidera, credi possint vt mole maiora, sic etiam Sole ipso longè lucidiora: aded tibi facile est, tot tamque ingentes in Cælo, pro tua voluntate, verbo vnicò creare Soles. Similiter quod etiam ais fieri posse, vt Sol hic noster, quamuis comparatione superiorum Siderum aded exiguus ac penè nullus admittatur, ab immensa tamen illa Siderum distantia conspicuus nihilominus appareat, ac tantæ etiam magnitudinis quanta est tota regio Planetaria, idque ob lucem eius vegetam diffusosque ipsius radios quibus oculus afficiendus esset, ea ratione qua flammula candelæ noctu spectata ignis ingens appareret in quâ ingenij tui admirabile quidem, sed incredibile figmentum est, quod exemplo candelæ commodè non pateat. Et ratio quidem discriminis in promptu est, quod è flamma cōtinuò diffugiant halitus, partesque non paucae, minùs ad inflammationem dispositæ, quæ luce nihilominus eiusdem flammæ illustrentur, & è longinquo quidem atque in minore lumine aspectabiles fiant, cum è vicino ab eximio flammæ splendore occultentur. At nihil in Sole, aut Sideribus tale reperitur; alioqui quales & quanti nobis appaterent ingentes illi tui quos nobis narras Firmamenti Soles! Sed satis tibi etiam constat Lunam ac Matrem cum propius ad nos accedunt, non minores videri, sed maiores: vbi verò longius à Terra remouentur, non maiores conspici, sed apparere minores. Præscindo cætera, vt ad tuam rationem accedam, quam cum Galilæo ab æstu maris deducis.

Dicis, atque audacter affirmas Galilæum ex assignatis Telluris motibus ita matris æstum exposuisse, vt videatur denique causam eius germanam adinuenisse. Equidem nescio an ex tarditate ingenij mei, an aliunde accidat, vt longè aliter quàm tu hæcenus hac in re senserim. In primis enim ignorare te non arbitror, etiam ex illis Terræ motibus causam sufficientem non reddi, cur circa Æquinoctia æstus fiat aded magni præ cæteris, cum illis temporibus vix inæqualitas vlla in Telluris motu appareat, & ea quæ minima in punctis Æquinoctialibus notatur, non subitò aut vnà tantùm die exoritur, sed paulatim diuturnoque tempore accrescit, ac postmodum etiam paulatim decrescit, cum æstus illi tamen nequitia sensum, & successu vsque ad aliquem maximum accrescant; parique deinde successione paulatim decrescant; nec maiores item eo tempore æstus fiant, quo Tellus in punctis Æquinoctialibus constituta maiorem illam motus inæqualitatem patitur, sed in Plenilunio solum proximè insequente. Rursum ex imaginatis illis Telluris motibus causa non redditur, cur in Plenilunio mare vehementius æstuet, quàm reliquis temporibus, cogiturque Galilæus ipsemet in societatem causæ Lunam adfiscere: multò minùs ex iisdem motibus assignari potest cur in Europa Plenilunio, in India verò Orientali Nouilunio maiores æstus excurrent. Neque profectò statim acquiescit animus, cum ad ea quæ aliter explicari nequeunt, vno verbo responderetur hæc & similia ex particularibus locorum affectionibus oriri. Sed vide etiam si placet an ipsemet quotidianus maris æstus duplex, satis

ex quotidiana Telluris reuolutione explicetur. Nam cum Tellus viginti quatuor horarum spatium proximè reuolui supponatur, necesse est, vt quæ partes hoc momento celerius, tardiusve moueri incipiunt, iterum post horas viginti quatuor, simili celeritate, aut tarditate moueantur, vt manifestum est. Si hæc igitur diuersitas motus causa esset quotidianorum æstuum, deberent præcisè post horas 24. recurrere, cum vna ferè hora quotidie tardius recurrant: Quo fit vt singulis mensibus, tum mare maximè quiescat, cum habita ratione motus Telluris, summè feruere deberet; & contra, tum vehementius feruere, cum illud pacatè quiescere oporteret. Hæc quidem omnia accuratorem siue dubio exigenter operam: sed vercor ne primà hac vice nimis importunas inueniat. Cæterum si candor animi tui non displiceat, nec graue aut tædiosum fuerit meas quandoque literas percurrere, ingentis gratiæ loco semper ducam, mea quoque tecum etiam quandoque communicare sensa, tuæque censuræ subicere: Bene & feliciter Vale 3. Nonas Nouembris 1632.

Tuus ex animo ac sincero affectu  
PETRVS CAZREVS.

PETRO GASSENDO SVO,  
PHILIBERTVS DE LA MARE, S.

OST vltimam ad te non ita pridem datam ecce iterum aures tuas verbero, mi GASSENDE, importuna forsitan scriptioe nonnihil tibi otij suffuraturus. Vbi tuum de motu Commentarium accepi illius statim copiam facere pro more, Viro Cl. R. P. CAZREO Soc. IESV Collegij apud nos Rectori non cunctatus sum, tum quia id à me officij postulate videbatur, quæ intercedebat inter nos necessitudo, cum quia aliqua iam pridem illam meditari de motu acceperam, legit ille, perlegit, & vbi ad me retulit Commentarium, simulque aliqua in hanc rem disputauimus, subiunxit ille nonnulla esse, quæ tuæ sententiæ aliquid aduersarentur de quibus summi optaret tecum agere, si è re dicerem daturum ad te epistolam, quæ sua tibi dubia aperiret, non abnuir propositum, imò probaui ratus nullam non esse tentandam viam, quæ ducat ad notitiam veritatis, tæque hand graue laturum, vt si quis non conueniret tecum in sua sententiæ rationes amice declararet; his itaque nixus scribi ad te CAZREVS noster de quo hoc apud te præstare possum eum esse qui hæc ad te scripserit non seueriori Catholica fidei tuendæ studio adductus (quam nonnulli putarunt summo pete concussam fore si sententiæ de Terræ motu vim haberet rei iudicatæ) sed vnus veritatis inquirendæ ratione, vir aliquo maxime in rebus existimationis, & philosophicis Mathematicisque disciplinis largè imbuitus, vt tu melius aliquando ex illius scriptis noveris, quæ non pauca habet de motu. Cæterum is est illius erga te cultus vt te non dubitet sibi in posterum Censorem imponere. Vale & me, & CAZREVM meum ama. Diuione 7. Idib. Nonembris 1642.

Doctissimo,

*Doctissimo, Clarissimo, Celeberrimo Viro**D. PETRO GASSENDO,*

IOANNES BOCHARTVS SARONIVS S.

**P**ERIVCUNDÆ mihi fuerunt tuæ literæ, quibus intellexi te perspicere meam in te pietatem, quid enim dicam amorem cum illud ipsum grauisimum & sanctissimum nomen pietatis leuius tui meritis erga me tuis esse videatur. Quod autem charissimam habueris quam nuper meis ad patrum literis testatus sum memoriam tui facis tu quidem abundantiam quadam amoris ut etiam ea grata sint, quæ prætermitti sine ingrati animi labe non possunt. Ceterum hortaris me ad literatum studia & magnam de me spem testaris, quorum alterum mihi facere necesse est si volo is esse, quem tu me esse voluisti, altero verò magnopere gaudeo quod te spei, quam de me concepisti sponforem habeam. A me profectò omnia summa in te studia officiaque expecta, non fallam opinionem tuam, Vale. Lugduni 3. Idus Martij 1643.

*Viro Maximo, Incomparabili PETRO GASSENDO,*

SAMVEL SORBERIVS S. P.

**I**n Eximie, Legi commodante Cl. Hugenio Epistolam tuas de apparente magnitudine Solis & de motu impresso duas, quas non possum, ut cætera omnia tua, non suspicere, atque adeò impensius efflagitare ut reliquum thesaurum Commentationum tuarum Epicurearum nobis aperias. Nam si nos tantopere delectant riuuli, quid cum ad fontes ipsos accesserimus? Id in primis mirè artitit quod de attractionibus Magneticis ita philosopharis ut nihil vero similius, ne dicam verius & ratione comprobatus, vnquam legerim. Sanè putaram causam huiusmodi affectionum humanæ menti esse imperuiam, cum deficeret fortasse sensus aliquis. At tu rem acutitigisti, & solertia tuâ effecisti ne id amplius ignoraremus, quo nihil in tota natura scitu dignius & cuius cognitio innumera alia mysteria reseat. Ferax est sæculum istud magnorum Virorum; sed duos iactabit merito cæteris præfulgentes, velut inter ignes fulget Luna minores, Galilæum & Gassendum, quibus debetur scientia ætus marini (quidquid obitrepas Thomas Anglus) & causæ cur magnes trahat ferrum, cur decident quæ grauius vocamus. Ego me fortunatum duco qui viam monstrante olim Bonello Medico & Mathematico acutissimo Monspelienſi, nugamentis cæterorum philosophantium maturè relictis, deſecrationibus animum appuli ratiociniis, & Luteriæ R. P. Merſenni familiaritate suauissimâ doctissimæque biennium vsus, in te Virum tantum incidi tandem. Nam licet parcius adfuerim tibi, fieri tamen solet nescio quod è Vitis tui similibus bonæ mentis effluuium, ut gloriari

*Epistola ad Gassendum.*

libeat exiinde multum accessisse mihi vnde melior, moderator, & in indaganda veritate nasutior euaderem. Quæ quidem magna inter beneficia repono, sed pretio quoque suo æstimare noui amicitiam, quâ pro insigni humanitate tua, dignaris me complecti, tui ætate, ingenio, doctrinâ, tanto intervallo inferio rem, nulloque commendabilem titulo, præterquam affectu incerto, cultu & veneratione quâ te similique tui prosequor, & quandiu vitam prosecuturum nunc spondeo. Vale, Vir Eximie, & perge nos amare. R. P. Merſenno salutem, quæſo, plurimam. Hagæ Comitum. prid. 9. Maij 1643.

Rogo te si quid ad nos scribas, indicare velis ratione cur pyxidis nauticæ acus vertatur versus polum borealem, item quid sit calor, quid frigus, & in genere vnde sensus dolotis.

*Clarissimo Viro PETRO GASSENDO, Diuensi Præposito,*

GOTIFREDVS VENDELINVS S.

**N**ON de nihilo est, Virorum Maxime, quod nihil me iam factum credidisti, qui post tuas anno 1636. perſcriptas & cum ipsis Regalibus 1637. Condati traditas nihil à me vicissim exire curauerim. Et tamen gratias tibi gratias ſcito si non actas, at cæterè habitas in Collectaneis meis Eclipsium ab anno 1600. ad hunc vsque a me aliisque obseruatorum, ob transmissas ad me illas orientales Cahiri atque Aleppi: maxime autem ob illam tuam anni 1636. quam ego Condati nulla ex parte mihi conspectam, tantò maioris feci, & propter stupendam tuam illam diligentiam, Eclipsium omnium Reginam indigitaui, magis etiam, quoniam ea collata cum Eclipsi 1641. die 18. Octobris, certissimum mihi dedit argumentum eliminandæ omnis dierum æquationis. Vtrobique enim eadem proximè Anomalia protaphæreſcæque D magno commodo nos beant, ad arcum hoc citra hæſitationem intelligendum. Hoc ergo in opusculo quoniam tu partem longè maximam habes, patere me sic de cessatione ista mea satisfacere, & ſilentio non inuidendo: si aggrediar contexere malorum interim meorū Iliadem, quorum obliuionem præſcribis lachrymis ſepelio. Sed miſſa hæc, quoniam viuum adhuc ecce me vides, & tui quàm memorem, tam cultorem, admiratoremque ſummum. Quem ut ampliùs beare velis, hoc oro mihi indulgeas, ut me in colligendis antequam edantur Eclipsibus Lunariis adjuare velis, voles autem si poteris nanciſci Meſſihini libellū super Eclipsi Lunæ an. 1605. die 3. Aprilis quam ego Forcalarij ab initio ad maximum vigorem obſeruari nubibus reliquum eripentibus, ille totā dedit. Eius ergo Phales anhelō anxie propter Lanſbergianas affanias (& ex auroſia mea conſecta mēdacia) plenius isto etiā teſtimonio cōuincendas. Sic & Eclipsin an. 1620. (quæ tuarū primæſt) edito Argentorati libello *VVelperum*, frustra à me vbique terrarū quæſitus, deſcriptū, vti nā

Qq

8c

& harum ex illo phasium compotem facias! Ego enim Hercij nubibus obstantibus phasin vix vnam aut alteram obtinere potui. Eclipsis anni 1623. die 15. Aprilis nulla mihi ex parte patuit. Tu illam obseruasti ad occasum vsque Lunæ. Hic verò memoriam quæso aduoca quot superfuierint digiti cùm occumberet, nam vel rudis eorum æstimatio mirum quantū me beabit. Eclipsis anni 1628. die 20. Ianuarij Bruxellæ mihi patuit finiens hor. 11. min. 15. aut 16. summum. Mei fratres Bethasis initium nacti sunt ex hora 7. min. 40. paulò plus Imersionem hor. 8. min. 40. Emerisionem hor. 10. min. 20. ferè, Finem hor. 11. min. 19. ad summum, quæ omnes phasies ad miraculum paria faciunt cum Keplerianis, & Pragæ Bruxellæ in ortum temouet minutis horariis 44. circiter quod idem ego ex Eclipsi 1603. verna Valentioiæ à me obseruata deprehendo distare Pragæ Aquis-Sextiis: vt alias interim taceam planè vt certissimus sim Aquas-Sextias & Bruxellam subterni eidem Meridiano, itidem vt Massiliam & Antuerpiam, Diniam & Hercium seu maus Ducis-Silua. Quæ cùm clara sint, tum verò istud Cimмериis tenebris obscurius est, quî factum sit, vt Eclipsin de qua hic ago 1628. Peirescius noster Aquis-Sextiis denotauerit his phasibus Initium hor. 7. min. 49. Imersionem hor. 8. min. 48. Emerisionem hor. 10. min. 25. Finem hor. 11. min. 24. Omnes enim istæ phasies totis 10. minutis postulant. Ego culpam confero in Interimiorum viro illi soleme dum nimis anxî curâ non rapit occasiones, sed prestat, & cum mora indicat. Idem enim aduerto & in Eclipsi 1633. die 28. Augusti. Sed ~~intra~~ & iudicium tuum præstolor. Anne autem docere me poteris de initio Eclipsos conspecto vsquam anno 1630. die 25. Maij? Nam ego an Bethasis occidente Luna quidquam viderim vti affirmare non audeo, ita pertinaciùs negare non velim, & in hanc ergo te mihi opus est Thefeo, & in eam quæ Nouembri secuta est. Eclipsin anni 1631. die 15. Maij vespere nusquam toto Belgio quod sciam patuit, ita perpetua nubes Cælum obduxerat. Narrauit mihi R. P. d'Auxon Societatis Iesuy Mathematicus Lugduni vbi tunc rexerat cum curâ denotatâ Emerisionem paulò antè octauam, repletionem Semiquadrante circiter in nonam reliquo, promissitque missurum se mihi & huius & aliarum obseruationes scrupulosas, tu si quid & huius nactus es, item & sequentium promus esse malis quàm condus, atque ita tecum decernere, scriptorum tuorum me esse Amanuensem & Logistam, si vsquam certè in calculo Eclipsos illius tuæ 1636. ad miraculum felicem, si mul enim illam nactus fui, & ad Tabulas meas exegi, inueni Initium Dinix hor. 9. min. 43. sec. 30. Medium hor. 10. min. 39. sec. 15. Finem hor. 11. min. 35. sec. 0. Qui est consensus cum obseruationibus tuis prodigiosus. Atque aded auro supra carus, quoniam plurimum fido alienæ diligentix, minimum semper meæ, idcòque ad singulas Eclipses congero quotquot nancisci possum testimo-

nia, ne posteritati ~~phasium~~ mea fucum facere voluisse iudices, quò magis etiam si potes impertire Eclipsin anni 1638. & 1641. quam supra memorauî. Vtique autem & illam quæ contigit 1642. die 15. Aprilis cuius ego phasies omnes accuratissimè obseruauî Hercij. Vbi Initium fuit hora 12. min. 3. Finis hor. 3. min. 41. Medium hor. 1. min. 52. præcisissimè, provt eam plenius represento. Quæ secuta est die 8. Octobris mane nulla mihi ex parte aut Belgæ cuiquam patuit. Hec ergo te expectat vindicem. Vt & ista quæ jam in diem 27. Septembris inistat. Atque hæc quidem de Eclipsibus Lunaribus; nam de Solaribus alia erit scribendi occasio, cui viam sternat responsio tua, si qua me dignum censebis. Hanc dum præstolor, interim ad Stellæ Patris Antonij Reitzæ quod attinet, legi ac stupui Iudicium tuum tam accuratum, tam elimatum super nouo illius Telescopio; quod reuera ipsissimum est cuiusmodi tu censuisti. Omnia enim permutatim exhibet, dextra sinistris, supèra inferis opposita. Venerat ad me optimus Pater mense Octobri instantè vt mecum communicaret de suis quorum editionem molitur scriptis, vbi cùm sermo esset de anfulato Saturno, & Marte montuoso ac monstruoso, quomodo Parisiis ad nos peruenerant Schemata Campanellam auctorem præferentia, cepimus inter nos agere de Telescopij modulo & fabrica, tandemque conuenitum est, vt simul redisset Coloniam aliquid in eo genere curaret apud Chrystallarios, quod & præstitit, sed eo quod dixi successu vt permutatim species rerum influerent in oculos, itaque latus rei nouitate gaudium suum statim omne, sed crudum effudit in sinum Puteani nostri. Cùm verò deinde redisset ad nos, maxima cum doloris significatione deprehendit me absentem domo (eram enim Bruxellæ) atque ita datis inde à Musæo meo ad me literis significauit se mox adfuturum. Neque tamen rectà huc venit, sed Antuerpiam abiit, dum ego ad Pentecosten dorum repero. Illic ergo vix tandem potius charo capite Crystallis ab eo donatus sum, Idem præstantibus quod iam dixi, & quia fidem ei obstrinxi meam pressurum rem silentio donec ille sua edat nondum edoceo Vitorum rationem. Hoc interim addo, me inuenisse insuper quo dextra dextris, reliqua reliquis respondeant secus ac aliis hætenus Telescopiis vsu venit, quod tamen cum illo nondum communicauî. Cæterum dum simul sumus, legimus studiosè Iudicium illud tuum; & cùm dolorem optimi Patris non obscuris iudiciis persentiscerem edocui illum, & qui vir esses, & quàm alienus ab aliorum moribus, qui de alieno contemptu existimationem suam metiuntur. Itaque & lenire illum visus sum, & vt apud te excusationem sui instituerem orauit, significaremque non eo consilio scripsisse ad Puteanum vt publici iuris fierent, sed vt tantisper rerum nouarum (si nouæ essent) expectatio arreptos faceret animos donec certiora dies docuisset;



docuisset illum verò vix dum conceptum factum, immaturo nixu edidisse in lucem, sed alluisse in tenebras. Interim autem & venerari eruditum istud iudicium tuum, & agnoscere non vnus æui spatium ad tanta constituenda idoneum. Inter hæc non dubito & tibi & Merfeno nostro factam copiam Lampadis meæ, quam sub finem Maij extuli in publicum, præbita mihi occasione de scripto Puta mi mei super Anagrammatismo. Slingentius certe misisse Luteriam exemplaria aliquot ad Naudæum affirmat. Cense te seuerè oro atque obsecro: nam blandiens medicina venenum est. Tu verò, Opime ac Doctissime Merfene quem simul hac epistola alloquor à me prope diem expecta de casu lapidis quod scio te expectere audissimè. Hæc demùm (in Conuentu vestro Bruxellensi apud opt. Patrem Coëmans præfatus) opus tuum Harmonicum videre ac legere datum est. Atque illic opinationem meam agnoscere super celeritate incrementis motus iuxta rationem quantitatis media & extrema rationem sectæ, à qua scito dudum me abiisse, & ad rationem duplicatam deuenisse, antequàm Galilæus sua edidisset. Inde enim habeo casum lapidis hinc ad centrum minutis horariis 12. ex Lunæ concauo se sequi horâ, ex Sole (quem Semidiam. terrestribus 14400. submoueo) die vno præcisè, prout hoc problema iam pridem peruagatum est. Batauos atque (vti intelligo) etiam in Gallias penetrauit, fors & Italiam. Ex hinc ergo non est meralibera nobis. Poscimus, & quod poscor præstabo si me vtrique vestrum iuuabitis vestris sanctis precibus ac sacrificiis. Bruxellæ 11. Iulij 1643.

*Ex aquo vtrique deninctum GOTTFREDVM VENDELINVM, Patrem Hercanum & Canonicum Condatensem.*

Salutem plurimam optimo Naudæo, & si illic est Petauio illic meo impertite.

*Clarissimo & Eruditissimo Viro Domino  
PETRO GASSENDO, Philo-  
sopho & Mathematico  
Celeberrimo S.*

**P**remobilis & Clarissime Vir  
Iam multum temporis effluxit, à quo tuas non habui. Causam autem non nisi in meæ pessimæ fortunæ fortem refundere non debeo. Quid noster Licetus agat tu ipse ex eius literis & libro pro responsione ad Clarum Galilæum optimè nosti, qui totus in tuas debitas laudes excurrit. Ex primo præinserto mei operis folio tanquam ex exinio quid representet re ipsa cognosces. Quare tuum pro eo iudicium vehementer exopto, etsi in aliqua me re aptum videas promptissimum ac paratissimum me omnino recognoscas, tuisque notibus excipiendum habilem tuæ maximæ humanitatis stimulis omnino facias. Valè iterum atque iterum.  
Genæ Idibus Iulij 1643.

*Excellentissima Dominatione  
tuæ humilissimus & deditissimus  
seruus HIERONYMVS BAR-  
DIVS.*

*Præclarissimo D. PETRO GAS-  
SENDO, S.*

**I**llustrissime Domine  
Sapientissimum te naturæ Mystagogum diutius latere portentosum eius Arcanum existimassem nefas, quem ab illa sceliciores fatentur omnes accepisse, quo id nobis citius referares. Pones fortè calamum, hunc si pro tua benignitate assumpseris, aut illum sanè è manu extorquebit præceps, ad ignotum hominis nomen, admiratio; haud scilicet potui facilis, magnâ tenetioris ætatis parte, secretiorem Medicinam adipiscendi consilio, apud Germanos transactâ, à te ipsius ignorari non credere, illis licet Gassendium notissimum, & ipse non semel gloriatu fuerim agnouisse. Litteras attamen accepisti forsitan nostro nomine, à quibus te ne dum excusationem meam approbatum spero, sed & concessuram confido licentiam: admitti siquidem ad altaria non solum passum est Numen

homines, verum & ad penetrabile inf-  
sit, neque sciscitanti negavit unquam  
aniculæ respondere. A te per Episto-  
lam semel atque iterum vsum rogavi  
Abaci antiqui, cuius prorypum etiam  
commiseram, vt facilius vterer imperi-  
tito: Rescriptionem sperarem, hanc  
si sciscitatus fuissẽm de te semel sal-  
tem benemeritis, non tamen moræ  
impatiens despero, quia de omnibus  
ipse bene meritis gloriari potes. In-  
terea spem interpositus & fiduciam,  
propositæ portenti Historiæ accommo-  
dabo, quo potero calamus artificio,  
vt certior vel Physicus, vel Augur de  
illo pronuncies. Veritus tibi litteris ob-  
strepere, abstinaissẽm fortẽ etiam à scri-  
bendo consulus, nisi Reuerendissimus  
Episcopus Dignensis, (quo cum in  
multam cœnam sermonem produxi no-  
stris nunc aquis vrente), timorem vin-  
cerem meum, & ad te quam-primũ  
per otium licuisset impiger scri-  
berem, iussisset rei euentum admira-  
tus. Mensis vigentis die 2. manẽ ho-  
ram proximẽ ad nonam apud Illustris-  
simum Dominum Præsidentem de la Ro-  
que conductitiã nunc temporis Domi-  
ni Franc Medici Illustris Viri Do-  
mini Peireskij domo vrentem, Gallina  
domestica ouum enixa est ab illis, quæ  
diebus singulis assidue perpererat ante ni-  
hil omnino discrepans in mediã interi-  
oris domus arcã, è quo, quum il-  
lud aggressæ vnâ pascens Meleagri-  
dẽs quinque frequenti rostro concer-  
pissent in frustra, Anas numeris om-  
nibus absoluta, viuens, & ad vulnus  
(à quo hora ab ortu alterã occidit)  
altius capiti inustum pipiens prodiit,  
adstantibus obtupescens Domũs Oeco-  
nomo, cubiculario ministro, cæteris-  
que ferẽ omnibus domesticis, quam  
vno omnes spiritu ad Dominum im-  
morati obtulerunt: Illum tamen con-  
temptorem primò, mox obiurgatorem  
habuerunt. Verum enim-verò me vnã  
& pluribus occurrentibus magni etiam  
nominis Viris, multis vltro citroque  
propositis dubitationibus, iisque per  
ipsum rei euentum eliminatis, proci-  
dens, Dominus admirationem sincerã  
narratione prodidit, nec tacitus con-  
ceptum de Augurio timorem, leuissi-  
mum licet, occultauit, quem faci-  
lis tamen diuinã, qua donatus est, sa-  
pientia sua oppressit minus nihilo re-  
ligiosus. Anatem hanc parenti meo  
commissam, mihi asseruo in liquore  
Balsamico: atque hæc est rei series,

admirationis causa plurium, pauco-  
rum disquisitionis. Ipse, pro ea, quam  
sortitus es Deorum & laboris ope, in-  
genij sagacitate si quid inter tot te-  
nebras expromptum compereris, futu-  
rum aliquando virtutis tuæ panegyri-  
stam diligentissimum, nunc seruum  
tuum deuotissimum edoce Tuum. Da-  
bam Aquis-Sextiis.

IOAN. GAVTIERIVS,  
Doctorem Medicum.

Viro Clarissimo, Maximòque  
Domino PETRO GAS-  
SENDO,

SAMVEL SORBERIVS  
S. P.

**A**sciculum Librorum tuorum ac-  
cepi, Vir Eximie, quorum gratiam  
tibi maximam habeo. Perlectã autem  
Disquisitione tuã (Deus bone! quantã  
solertiã, quanto iudicio condita?) Am-  
stelodamum me contuli vt quàm ele-  
gantissimis typis excudatur, eaque for-  
mã quã Epistolæ tuæ sunt excusæ. Re-  
uerendus Senex Dominus Courcellæus  
curabit ne quid possis desiderare in istã  
editione, mittetque specimina Typo-  
graphica, rectẽ ad te vel per Martellum  
nostrum. Vix porui perlegere, adeò  
me tãdebat ineptiarum, Moriũ veli-  
tationem. Non putabam te responsu-  
rum: gaudeo tamen natam inde oc-  
casionem vt plura exstent tui scripta,  
æquẽ immerso eruditionis tuæ aceruo  
aliquid depromas plus vno mansurum  
perenne saclo. Ne quid autem mihi  
desit operum tuorum, rogo te mitras  
per Courcellæum nostrum exemplar,  
tum exercitationem Fluddanam, quam  
hic frustra quæsiui. Vides quam fron-  
tem perfruerim, Tu si quid velis  
quod possim impera. Vale, Vir exi-  
mie, & perge me amare, Reuerendo  
Patri Merfeno salutem, quãso, meo  
nomine plurimam. Slusis Flandriæ 15.  
Octobris 1643.

Reuerendo

*Reverendo admodum Clarissimoque Viro  
D. PETRO GASSENDO Dinienſis  
Eccleſia Cathedralis Præpoſito,*

GOTTFREDVS VVENDELINVS S.

**N**te meſem iſtum proximam, cum in hanc urbem veniſſem ad Chiphle-  
tios meos, accepi à te miſſas jam aliquanto  
ante literas multi erga me affectus, pleniſ-  
ſimi officiij in immerentem teſtes. Itaque  
quod vnum licuit, dedi operam vt ſi non  
reſponderem ſaltem ne tacerem. Et medi-  
tatas quidem dudum atque affectas habeo,  
prælo etiam dandas ad te, quibus te om-  
nemque poſteritatem beem Eclipſibus nuper  
mihi compertis anni 1580. in Ianuario, 1587.  
item Ianuario, 1584. in Nouembri, 1588.  
in Martio, 1591. in Ianuario; & denique  
eodem 1591. in fine Decembris, annotatas  
ad Corneliũ Gemmam pro Meridiano Leo-  
dienſi, & quidem manu Viri quantum ego  
iudico non indocti, certè cum meis Tabulis  
tam partiliter paria facientes, vt vix minuto  
vno aut altero vacillent vſpam. Vtinam ſe-  
quentium annorum plures ſuppetant! Cæ-  
rùm ad Eclipſes, Gaſſende, tuas, vt guſtulum  
meæ ſententiæ promam exiſtino præſatque  
illarum deriuatas Cælo per quadrantes ſeſ-  
ſiles ſeu azimuthales Amuſſio ſuo inſidentes,  
quos eaptopter (miſſo factò Arabiſmo)  
Amuſſiales malim indigitari. In his perpe-  
tua eſt mihi diffidentia, quoniam ſcilicet  
tum fallunt inſidioſiſſimè faſtidioſiſſima  
hallucinatione cum te credis tutiſſimum.  
Atque adeo cum Pariſiis te eſſe pronuncias  
Amuſſium tuum tantillo inclinatum inte-  
rim te ſiſtit vel in Belgio, vel in Aremo-  
ricis. Schicardum certe cum ſua Tubinga  
non ſemel exhibuit in Burgundia, vel ipſo  
Dinienſi Meridiano *ſurſum & reſup.* Camillum  
Glorioſum venor & inuenio, vel in Epiro  
exultantem.

Igitur vt ad te veniam Eclipſis tua anni  
1620. in Iunio tres primos digitos largitur  
(pro narratione tua) hora Aquenſi 11. mi-  
nut. 32. circiter, vt fuerit Hercij hora 11.  
min. 37. Ego tamen illos hor. 11. min. 27. ha-  
bui, clariſſe idem adſtruit Eclipſis anni 1628.  
cuius Phales omnes linita vtraque mora,  
duratio tota meis calculis reſpondent ad mi-  
raculum excepto quod alterius ſint horizon-  
tis & in 10. tota minuta orientioris. Ita-  
que medium quod tu cenſuiſti Aquis-Sex-  
tiis ad horam 9. min. 36. reuera non exceſ-  
ſit hor. 9. min. 26. quod *rd 1591. vſpam* Pra-  
genſia, Bruxellenſia, Pariſienſia, (vt de Berha-  
ſienſibus nihil dicam) jam dudum apud te  
conſido peruiſſe, nam nihil ſuper his meas  
ad te datas fugillaſti.

Alia ſubinde ſed minora jam diſſidia in-  
tereſcunt, illà exceptà quam tu cum Do-  
ctiſſimis illis Viris Meritorio, atque Iſmaële  
Bullialdo Cælo deriuatſti. Sed inclinatione  
Amuſſij prodigioſa, & quæ Pariſios exhibe-  
beret Hercio, iam orientiores ad 2. vel 3.  
minuta. Et meis ergo verbis & poſteritatis  
*Gaſſendi Epistoſa.*

omnis votis rogati eſſote omnes vos *Trium-  
Viri Rei Aſtrica conſtituenda*, vt (quod con-  
modo veſtro fiat) redeatis ad eundem locum  
vbi peracta fuit obſeruatio, aduocetique ve-  
lut in te præſenti memoriam quiſque ſuam,  
quibus ſeu aribus ſeu pinnis, ſeu turribus  
imminuerit Luna, ſaltem vnà aliqua ex  
præcipuis phaſibus audeo ſpondere vos in-  
uenturos initium factum horà 11. min. 45.  
Immerſionem horà 11. min. 44. Emerſiſſe  
horà 14. min. 25. deſiſſe horà 15. minut. 24.  
planiſſimè quod ipſum cuiuſmodi fuerit audi-  
de expectabo.

In Eclipſi 1641. die 18. Octobris admittor  
conſenſionem Bullialdi cum calculo item &  
obſcruatione mea ſtupendam. Scribit enim  
deſectum habitum digitorum 6. *Satis præ-  
ciſe* hora 7. min. 33. Calculus meus à ſummo  
deſectu ad Digitos iſtos 6. minuta colligit  
24. non plura planè vt medium facit Pa-  
riſiis hora 7. min. 10. ad ſummum ac pro-  
in Hercij hor. 7. min. 28. quo nihil poteſt con-  
cinnius cogitari.

Poſtrema Eclipſis 1643. die 27. Septem-  
bris vide quàm conſpiret inter nos & Bul-  
lialdum in momenta iſſiſſima. Digitos 5. ha-  
buit Bullialdus horà 7. min. 12. nos An-  
tuerpiæ hora 7. min. 25. Rurſum Digitos 4.  
ille quidem hora Pariſiis 7. min. 23. Nos in  
Commentariis retulimus ſicut legis hor. 7.  
min. 36. Digitos 3. Bullialdus exhibet ho-  
ra 7. min. 31. nos Antuerpiæ ſumus horam 7.  
min. 44. Vt denique Digitum 2. cadant in hor. 7.  
min. 51. conſenſione hætenus manente in  
Meridianorum differentia, & Tabularum  
meorum calculis ſtupenda.

Sed nihil ago niſi & futuram proximo Fe-  
bruario Eclipſin exhibeo. Eam ergo meæ  
Tabulæ in Atlantico ſic exhibent

Hor. Min. Sec.	Digiti.	Hor. Min. Sec.
3. 53. 27.	O.	6. 53. 57.
3. 59. 40.	I.	6. 47. 44.
4. 6. 3.	II.	6. 41. 21.
4. 12. 40.	III.	6. 34. 43.
4. 19. 36.	IV.	6. 27. 48.
4. 26. 57.	V.	6. 20. 27.
4. 34. 52.	VI.	6. 12. 32.
4. 43. 42.	VII.	6. 3. 42.
4. 54. 27.	VIII.	5. 52. 57.
5. 10. 51.	IX.	5. 36. 33.
5. 23. 42.	O. 15. mi.	5. 23. 42.
Ab initio ad medium.		A medio ad finem.

Tota duratio hor. 3. min. 0. ſec. 30. præ-  
ciſiſſimè.

PARISIIS ergo

Principium Hor. 5. min. 29. ſec. 5.

Medium Hor. 6. min. 59. ſec. 20.

Finis Hor. 8. min. 29. ſec. 55.

AQUIS-SEXTIIS.

BRUXELLÆ.

ANTVERPIÆ.

Principium Hor. 5. min. 42. ſec. 25.

Qq 3

Medium



Medium Hor. 7. min. 12. sec. 40.

Finis Hor. 8. min. 42. sec. 55.

Atque ad istum modum per alia loca deinceps.

Tu quid illic obseruaueris mecum communicarum velis, Ego certe mihi non deero si adhuc ero.

Dum autem hæc præstolamur, interibi fac reciscam ecquid super Oscillationum Hibernarum ab æstiuis differentia cøperis expectimenti? Ego satis totam æstatem sedulus fui. Et quod Oscillum mihi satisfactiones Hibernas seu Perigas dedit 473. Idem ipsum æstiuas largitum est 458. ad summum horarias. Sciat hoc & ringatur qui te non amat sapienti dictum sat esto, & sat in præsentiarum scriptum. Nam hora me ad quietem vocat, cras hinc discessurum apud te semper manfurum. (Bruxellæ 20. Octobris Hora pomeridiana 10. in Mulsæo *Iulij Chiplerij* *Idææ Xiphiæ* floris nostri si flores sunt, & quidem certi fructus *Iulij*)

*Tuum integro desiderio*  
V VENDELINVM.

*Clarissimo Viro Domino PETRO GASSENDO Dinienſi Præposito.*

GOTIFREDVS V VENDELINVS S.

**P**ACTVM optime, Optime Doctissimæ, que Viroto, quod eodem admodum biduo abs te fasciculos litterarum accepi duos, alterum ex Idibus Iunius datum, alterum ex 11. Kal. Augusti; ab his tamen abfuit exemplum earum quas ante septennium scriptas (fortunâ nescio quâ librante) acceperam Condati, ad vtrumque vnica scriptio- nem respondebo. Atque ad illum primum quod attinet; gaudeo sanè Massiliæ latitudinem satis iam accurate deprehensam gr. 43. min. 19. summum quod aliquin ex obseruatibus illis tuis dudum conseceram. Si ergo Pytheas centrum Solis Solstitialis habuit à suo vertice remotum grad. 19. min. 27. sec. 0. sicut ad te scribere memini; necesse est profectò vt obliquitas illi fuerit grad. 23. min. 52. quam tamen Loxias meus 54 $\frac{1}{2}$ . daret. Et neque retracto. Ecquem enim sponforem habeo qui fide iubeat meridianam lineam illi accuratius fuisse exploratam, quàm hæcenus tanto Tibi? Sanè si vel tantillum vltra citràve pronunciauit meridiem Pytheas, si horas aliquot atque aded etiam diem ipsum suspitioni suæ indulsit; si denique extra vrbem peracta est obseruatio; imò enim verò si hæc omnia concurrerunt, vides vt gradus illi 19. min. 27. reuocandi sint vel ad grad. 19. min. 24. planè vt de obliquitate illâ mea grad. 23. min. 54 $\frac{1}{2}$ . *pelibus incumbam stratis*. Tu tamen iudicium tuum interpone, & sententiam pronuncia. Venio ad posteriores litteras in quibus me tot Eclipsium donis beasti. Quas ego (quî hoc iam hic ago) publico proponam. In his illa 1628. cur à meis fratribus discreper minutis totis 10. vel etiam 32. causâ intelligo, & Intermorium inter-

pretor Aquis-sextiis tuum. Ecce enim Doctissimus Petauius perscribebat initium Parisiis conspectum hora 7. min. 27. ab iis autem qui Telescopium adhibuissent, animaduersum hora demum 7. min. 35. similia & ego expertus sum non semel, & plenus istis est Keplerus. Idem Petauius addidit paulò post finem deliquij fuisse Arcturum altum 9. min. 30. ideòque horam tunc fluxisse 11. minut. 7. Non addit, quantò ante desierit; hoc tamen aufero, non potuisse multò post horam 11. min. 0. desisse, si iam tum caruit penumbra. Hæc & meo fini Bruxellæ ante horam 11. min. 10. pronuntiatio, & meorum fratrum Bethasii horam 11. min. 19. nactorum & ad extemum Pragenſi respondent ad miraculum. Cùm certum habeam abesse Pragæ Bethasii & Dinia Tua minutis 38. satis præcisè, Bruxellæ & Aquis-Sextiis saltem min. 42. Parisiis denique min. 56. exactissimè exploratis prout ea iam do. Reliquarum Eclipsium, tum vel maximè anni 1638. mira est mecum consensio, & quæ tantùm abest à dierum exigenda peræquatione, prosthaphæresibusque extra lineam oscillatoriam computandis, vt potius in contrarium nonnihil niti videatur. Sed hæc calculi mei representati clariùs euincunt. Vnica est anni 1642. verna cuius tu initium largiris hor. 12. min. 10. Immerſionem hora 13. min. 10. admodum (nam hora 13. min. 11. iam erat, ais, immerſa) emerſionem hor. 14. min. 47. Finem hora 15. min. 48. summum. Tota vt duratio fuerit hor. 3. min. 38. Mora hor. 1. min. 37. Medium verò Parisiis hor. 13. min. 59. Tabulæ meæ dant eandem durationem hor. 3. min. 38 $\frac{1}{2}$ . Moram hor. 1. min. 40. Medium verò Parisiis hor. 13. min. 34. tantum. Quid hoc prodigij? Dices tu, dico & exclamo ego. Quid ego Hæcæ obseruauerim exhibeo fideliter. Scito ergo me nullas vnquam obseruasse Eclipses Lunares, aut obseruare voluisse per altitudines Stellarum aut ipsius Lunæ, si possem aliter; eò quod lubrica instrumentorum tractatio & plerumque infida semper mihi suspecta fuerit; Scioterica ergo capio, lapidæa, magna, pedalis non minor, quæque singula minuta, minorumque partes aliquantas largiti queat. Ea verò colloco quàm pote exactissimè, vt in illis vmbra Lunæ horam ac minuta indicet, de facili (vt tu scires) deducendâ atque omninos & corporis & animi tranquillos tubatione ac sollicitudine absoluturam, præ quâ simplicitate implexus est omnis labor. Sed neque Telescopio cælum aggredior propter illud quod iam commemorauî solemne intermorium; dum Luna peruidetur etiam dudum post inchoatam Eclipsim, dudum postquam vmbra iam immerſa est. Adhibeo mihi adolescentes aut amicos acuti visus, & harum rerum si non petros, at saltem quantum à me moneri possunt non omnino rudes. Meridianos designatos habeo semper, & Hæcæ quidem duos certissimos per Templi mei turtim vtramque. Adhibeo & Clepsydras arenarias durationibus emeticendis commodas, & Horifoniis si non ausculto, audio.

audio. Obseruationis ergo vniuersam historiam hanc vide, vt se habuit Hercâ.

Horisio Templi.	Horâ cœlesti.	Culminationes & Phases.	Parisiis Ergo.
Hor. min.	Hor. min.		Hor. min.
12. 0.	11. 55.	Luna fringebat Meridianum limbo occiduo.	11. 37.
12. 5.	15. 0.	Nadir in Meridiano. Ergo Media nox.	11. 42.
12. 8.	13. 3.	<i>Initium deliquij</i> manifestum omnium iudicio.	11. 45.
12. 15.	12. 9.	Sextans peripheriæ. Amplus digirus, rubens clarè.	11. 51.
12. 30.	12. 23.	Digiti quatuor non minus, insigniter rubentes.	12. 5.
12. 45.	12. 37.	Digiti 7½. Plus-semicirculo. Obscuritas languescens.	12. 19.
13. 0.	12. 51.	Digiti 10. aut non multo minus tenebrofi.	12. 33.
13. 7½.	12. 58.	Culminabat lanx Australis Digitum 10½. tantum.	12. 40.
13. 11.	1. 1.	Debebat immergi per calculum meum.	12. 43.
13. 15.	1. 5.	Adhuc tenuis limbus Digitum 11. min. 0. tantum.	12. 47.
13. 30.	1. 19.	Iam erat immersa: lanx Boreâ aberat adhuc 1½. grad.	13. 1.
14. 0.	1. 47.	<i>Culminabat corôna præcisè</i> ) disparuerat.	13. 29.
14. 45.	2. 29.	Manus Ophiuchi transierat culmen grad. 1. min. 15.	14. 11.
15. 0.	2. 43.	<i>Emergebat</i> cum ipsissimo Sono tertiæ.	14. 25.
15. 15.	2. 57.	Lucebant digitum tres minimùm.	14. 39.
15. 30.	3. 11.	Lucebant Digitum sex, satis præcisè, plusquâ semis peryph.	14. 53.
15. 45.	3. 25.	Lucebant Digitum 9. culminabat caput Herculis.	15. 7.
16. 0.	3. 39.	Adhuc deerat aliquid minimùm. Fere Finis.	15. 21.
16. 2.	3. 47.	<i>Finis.</i> Et post 4. minuta culminabat caput Ophiuchi.	15. 23.

Hæc est via mei processus tota, etiam Scioterico penè stante & Clepsydris fluentibus complanata, quibus inter se consentientibus potuit Horisio horas suas habuisse minorum 56. tantum singulas. Meridiani mei dudum certissimi sunt; & tam vasti vt si velim, etiam ad secunda possim descendere. Itaque tempora mea indubitata habenda sunt. Certè Louanij Gutschouius Mathematicus initium obseruauit hora 12. min. 0. quod cum meo momento Herceno congruit ad miraculum. Idem immersionem notauit hora illic 1. minut. 16. iuxta mecum paria faciente. Itaque cum hæc ita se habeant, cum inquam ego *autopsias* meam meorumque insecare non possum prodigij mihi simile est nos totis 25. minutis discrepare. Quod ergo te deinceps oro, illud est; vt velis per Scioterica & culminationes quàm fieri potest vastissimas (turrium puta vel ædium) instituere obseruationes. Nunquam te consilij mei penitebit.

Eclipsis Ilerdensis incredibile dictum est quàm ad vnguem respondeat meis calculis; quam(dico) mei calculi cum illa conspirent. Madritum inter & Bruxellam exquisitè intercipiuntur minuta horaria 29. quod Eclipsis me docuerunt vtrobique obseruatæ perquam luculenter. Ilerda est Orientalis Madrito minutis 18. circiter, nisi nos fallunt omnes Tabulæ Geographicæ. Ilerda ergo abest Bruxellâ in Occidentem minutis 11. planissimè: Quâ ex hypothesi colligit meus calculus Ilerdæ Initium hora 2. min. 10. post mediam noctem, Digitos 2. hora 2. min. 20. Digitos 2. & eò plus hora 2. minut. 21. Digitos 7. hora 2. min. 47. Digitos 10½. hor. 3. min. 3. quæ omnia fulciuntur accuratè Agarrari tui obseruatis. Emergio in altitudine Lunæ grad. 18. minuto. 0. horam indicat 4.

min. 50½. Ego 4. minut. 50. supputo consensione in his stupenda. Scripseram hæc ante Eclipsin instantem: Ea verò hic Antuerpiæ in ædibus Cl. Viri Iacobi Edelerij præsentibus aliis item Clarissimis Viris Casperio Geuatio, Iacobo Eychio, ipsoque quem supra nominavi Gutschouio Medico atque Mathematico atque aliis viris præstantibus à me est obseruata diligenter & maxima omnium expectatione, annc (quod prædixeram) delitura esset cum ipsissimo momento quo Sciotericum indicaret horam 8. min. 0. præcisissimè? Illud verò jam illic confectum est ab eodem Gutschouio murale, magnum, accuratum, cum Meridiano quem & ego pridie diligenter examinaui, duxique per hortum in culmen remotioris domus exactissimè consentiens. Aderant Automata & Horisio vrbis fortuitò quidem labens, sed quod ipsissimam signaret octauam, cum & ymbra Lunæ eandem declararet in Scioterico. Ergo cum audiremus hor. 6. min. 30. Luna eluctata est per nubes, deficiens Digitis plusquam 6. cornua nondum erant parallela suæ orbitæ multoque minus Eclipticæ nondum ergo erat medium. Rursus inde nubes vsque ad Horisio hor. 6. min. 55. cum jam Luna victrix nubium se liberam exhibuit, Cornua jam fuerant parallela Eclipticæ, sed Arcus per Centra tendebat supra caput Andromedæ, iam ergo peractum erat medium. Horisio hor. 7. min. 0. deficiebat adhuc plusculum dimidio. Arcus per Centra tendebat in extremam alam Pegasi, iam ergo ante 4. minuta fuerat commissa oppositio, ac proin maximus *transitus* ante, minuta 12. hoc est Horisio hor. 6. min. 48. satis præcisè, Horisio hor. 7. min. 5. culminabat aquila, imò culminauerat. Iam Arcus per Centra admovebatur Anso Pegasi

Q q 4 . quod

quod iterum Horifonium illud hor. 6. min. 48. confirmat, Horifonio hor. 7. min. 30. deficiebant digiti adhuc quatuor vel plus tantillo. Horifonio hor. 7. min. 43. cum iam antea tria minuta culminasset cornu Capricorni, aberant adhuc digiti duo satis præcisè. Gutfcouius pronunciabat quintam partem Circuli, Horifonio hor. 7. min. 30. Digitus adhuc hor. 7. min. 30. Culminabat clara Cygni, Horifonio hor. 7. min. 58. nondum finis omnium iudicio deerat adhuc aliquid, Horifonio hor. 7. min. 59. Telescopio conspicuus erat totus limbus. Horifonio hor. 8. min. 0. cum ipsissimo primo ictu omnes pronunciarunt depuratum limbum. In Scioterico Lunæ indicabat horas 8. min. 0. vel tantillo minus quantum possit esse semi-minutum. Parallaxis Lunæ Ascensionalis eiusque centrum à centro umbræ digressum ostendunt fuisse horam veram ac ælestem 8. min.  $4\frac{1}{2}$ . aut ad summum min. 5. Metus ergo finis incidit in horam Antuerpiensem 8. min. 4. iuxta meum calculum, à quo nihil luxatur observatio ad verum suum tempus reducta. Et medium planè quadrat in horam ælestem 6. min. 51. Quid tu Parisiis (vel ubi vbies) observaeris aucto discere impatienter. Hoc dico interim. Finem Parisiis debere intelligi horā 7. min. 50. satis præcisè. Ex te fac, quid huius sit, intelligam.

Casum lapidis seu ponderosi cuiusvis non patiar à te diutius ignorari. Sic ergo habet, ut se habet quadrans ad radium, ita se habet oscillatio, ad casum æque altum, hoc est ut 7. ad 11. seu mavis 226. ad 355. Iam verò Oscillatio de suspensura 42. pedum, habet iactationes horarias 543. in media Telluris à Sole distantia (plures Sole Perigæo, pauciores Apogæo.) (Et sunt huiusmodi suspensuræ hinc ad centrum Terræ 447600. non plures. Quoniam ergo intervalla sunt ad tempora Oscillationum in ratione semisse Radix totistarum suspensurarum (cum sit 670. ad summum,) si divides per 543. horæ vnins, emergit Oscillatio hor. 1. min. 14. quod esset tempus Oscillationis suspensæ de filo hinc ad centrum Terræ longo. Quadrantalís ergo Oscillatio erit minorum 18 $\frac{1}{2}$ . ideoque casus erit minorum 11. sec. 46. aut min. 12. sec. 0. si Telluris semidiameter est quantam facit Snellius. Idem tibi dabit Merfennij nostri ratio, de suspensura pedum 3 $\frac{1}{4}$ . cuius Oscillatio dat iactationes horarias 3600. seu meo mote 1800. utique minuta 12. non excedet. Multa habeo & quidem prodigiosa circa hanc rem, & quam propediem molior edere sub Titulo Lampadis Arcanorum Terrestrium, quorum nucleus hac nuce tegitur

*Sum cor tam multus, quare via separet  
vlla?*

Qui ex hoc vestu versum alterum excelsperit. Is nucem reclusit, enucleauerit. Keplerus vbi nam Solem extulerit ad Semidiametros Telluris 1876. nondum legi, & neque omnium eius scriptorum copia est. Tu quæso indica. Nam meas 14400. videor stabiluisse satis bene cum ex Parallaxibus quas non inuencio excedere sec. 14. tum ex Dicho-

tomis Lunaribus paulò accuratius pèstratis, tum vel maxime ex casu quem puto me deprehendisse futurum vnus diei præcisè, si hinc caderet Tellus in Solem. Denique autem ex cursu quotidiano Centri Telluris (in Sysfemate Pythagoreo) quod senis quibusque minutis naturalissimè abfoluet semidiameterum, dietim verò semidiametros 240. non pauciores. Ut proin necesse sit distantiam illam sic constitui. Sed hæc altioris sunt contemplationis, ac prolixioris quàm ut hic paucis possint explicari, aut debeant ne non identidem occuper quoties ad te scribam, ac tu etiam rescribas, siue hoc facies destinatis literis Antuerpiam ad Clariss. Geuarium in præsentiarum hospitem meum, siue ad Slingelantium, siue etiam ad Patrem illum optimum Cæmans Minimum Bruxellensem, aut quæ censebis. Quas inclusas mitto, istæ ad Mercatorem destinantur qui solis meis literis ad se datis numeravit pecunias quasdam captiuo apud Senonas, velim autem scire cui nam Bruxellæ vel Antuerpiæ sim eandem restiturus. Pessimè enim me habet plus illum de me censuisse quàm sensisse. Si quid etiam tua potest autoritas (quæ cerè gratiosa est) quod in captiui liberationem fieri possit, non expectabis quàm mox dicam, oro te. Prodiit iam hic mensis Ianuarius Vitærum Sanctarum. In iis est & Marij Abbatis Bodanensis, Boscoden vocant, eius reliquæ seruatur Forcalcarij, & illic in Legendario eius vira scripta per Dynamium stylo sanè bono, quam ego exscriptam illic reliqui atque ut ad me mitteretur Arnaudum meum rogaueram  $\frac{1}{2}$  *maxæitv*. An missam casus malus interuertit nescio, vnum scio dignam esse quam tu cures, ita res, anni 523. Francicas illustrat, Sollicitor eo magis hoc petere, quoniam nomen quoque meum istic fideinbet, quo me fasce tu leuare potes. Cum tibi scribo, scribo etiam Doctissimis illis Galliæ luminibus Petauio, Merfennio, Naudæo, & quem pressio Bullialdo me his tu asserere, illis teque plenissimum. Antuerpiæ 25. Octobr. 1643.

GOTIFREDVM VVENDELINVM.

*Clarissimo & Eruditissimo Viro Domino  
PETRO GASSENDUM Mathematico  
Celeberrimo,*

HIERONYMVS BARDIVS F. P. P.

**T**ANDEM gratissimæ tuæ ad me litteræ peruenere, quibus recreatus sum, tum ab animi tui maxima modestia, qua me afficis maximopere, cum excusationes non debitas in medium affers, tum etiam ob eundem affectum, quo me persequeris. Gratissimum fuit audire de te tuisque laboribus, quæ Naudæus noster renunciauit, vti nam tibi omnia prospera eueniant. Meum opus quod mox prælo supprimitur, caudæ duritiem in vltima excoinatione experitur Typographi incuriâ, & duplici lingua. Mitum est quot ambages, quot dolores expertus fuerim, technâque & dolos oculis hîscè viderim,



derim, neque vnuquam patiar huiusmodi mecum cor subire laborem, potius alia opera in tenebris sepelientur. Spero tamen plurima isthac exemplaria transmittere medio Legati nostri Luteriam aduenturi, cum quo & Liceri nostri Librum habebis. Si autem secus acciderit tua iussa capeſſani. Vale interim, & me ama amicisque omnes plurimum meo nomine saluere iubeas. Præſertim verò Cl. Naudæum, Gaſſarellum, Merſenium, &c. Genæv Kalēdis Novembris 1643.

Studioſorum Litteratorum Patrono Patri Sautino me plurimum debere proſiteor, tibi que quodd tuis mihi illi litteris amicitie vinculis obſtrinxeris. Aliquot mei Operis folia Cl. Naudæo nostro miſi, à quo reſponſum expectabam.

Clarissimo Viro Domino PETRO  
GASSENDO,

M. NEVREVS S. P.

**T**ERATÒ cur inſolens Idioma conſuetum illud noſtrum interpellar epistolare commercium, non vltà mirabere, Vir Inelyte, vbi noueris præſentis epistolæ argumentum eſſe quàm procul à vulgo remotum. Anguſtus proſectò nimis mihi viſus eſt & proſanus ſermo noſtras, quàm vt auguſtum aded, pro maieſtate hoc tractare valeret arcanum. Non hic familiare, non officioſum, non de negotioliſ noſtris, ne quidem de ipſa Philoſophia inſtaurare vacat colloquium: aliud quid maius occurrit, quod tibi ſignificare non ſolum volui, ſed juſſus ſum. Illa autem intelligentia quæ te primoribus præſcæ ſapientie ſociavit Heroibus in tantum famam tui exiuit, vt ſi quid inuſitatæ rei arduæ-ve quæſtionis oriatur, protinùs ad te vt ad tripodam aut adipodam referre iuuet. Vtinam ille, cui contigit videre portentum, quod nunc tibi communicatum eſſe vult, parem ſibi naſtus fuiſſet ſcriptorem? tunc reuera longè concinnior euidentiorque huius tibi myſterij pateret hiſtoria; non tantum quod plurimum interſit ſua narret aliquis aliena, ſed quia neminem vſquam reperturus ſit; qui eadem quâ ipſe elegantia, congruentia, fidelitate, ac perſpicuitate rem ab eo viſam queat enarrare. Nec tu fanè refragaberis, imò in hanc conſeſtim pedibus ibis ſententiam, cum tibi quis ille ſit aperuero. Si dixerim, Vir eſt ingenij præſtantia ſublimis: fulgurat in nullo (vt ſecundus de Imperatore ſuo) vnuquam verius dicta vis eloquentiæ. Doctiſſimorum hominum eruditionem autem quæ aut ſuperat, procul dubio vtcumque tu. Noteris ſubodorari hominem, at tum demum, ſecuriſſimè, ſi ſubiiciam eundem eſſe & Principem; hæc enim nota cum ab eruditorum grege, & Regium ſegregat, non ſecus ac ipſa ſcienria à Principum turba. Scias igitur mihi nuper Maſſilia redeunti contigiſſe, vt eadem quæ Regium illum Principem (quem iam agnoſcis tu, & ego ab inſigni comitate, ſi non aliunde, Co-

mitem dici velim) me rheda vexerit. Ille verò me ſuo dignatus alloquio, cum vltro citroque verba mearent, ac tandem nonnulla *ἡ παλαιότητα δὲ γὰρ παρμύτων*, intercidiffent faſſus eſt, ſe hæcenus eiſmodi aparitionum narratiunculis nihil ſemper aut minimum fidei impertitum, impæſentiarum verò nonnihil; plurimum verò deinceps, dum ſibi liquidò non conſtabit manifeſto fuiſſe errore deluſum. Aſſerit itaque ſe conſantiſſimam certiſſimamque habuiſſe viſionem, non ſolitarium, non dormitantem, nec ſemel atque iterum, ſed per iuges quinque noctes, dum vnà cum nobiliſſima ac ſolertiſſima Coniuge vigilantibus oculis in lecto jaceret; hanc autem ſerè ſic reſert. Maſſiliæ hoſpitabatur propter ædem Ciuitatis publicam, inque conclau dormiebat nonnihil vt poſtea reſciuit, inſeſtatione Cobalorum aut Cluſorum inſami. Noctium igitur prima vbi vterque decubnere, obducta, vt mos eſt, ſuis velis ſponda, in interiore conopeo lumen quoddam micare viſum: id ſuſpicatus ſagaciſſimus Princeps, è candelâ haud procul accenſa fluere, excitatis Cubiculariis eam remoueri iubet: nihilominus idem ſplendor perſeuerabat. Verùm, quoniam ſuſpicio etiam tum ſuberat, ne aut è lucernis domus, aut è prætereuntium in platea facibus ea lux deriuaretur, placidiſſimæ quieti vterque ſe dedere. Sequenti verò nocte priuſquam decumberent ſecum reputantes, quidnam tandem eſſet & vnde heſternus ille radii, geminis papilionibus totum cubile exactiſſimè obuolui curant: candelam in proximo ſed apertim clauſo cubiculo amandant, quam etiam denſiſſimo ſtragulo obuolui voluerunt; ſeneſtras quoque craſſiſſimis obturant pannis. Sic quaquaverſum lumen abigunt, ac ſubtiliſſimos quoſque & cuiuſcunque lucis arcem radiolos: atque hunc in modum accerſitis vnde cumque tenebris, cuncta opacant; & ſubinde ſuo ſe componunt grabato; in quo primùm cum nihil præter cæcam caliginem obiceretur, iam gratulabantur ſibi, quodd à dormituris oculis importunum illud iubar depuliſſent. Aſt oppiddò diurnum gaudium hoc non fuit, nam ſenſim ſe fundere cæpit pridie viſum lumen. Quod ambo quidem eadem planè ſedulitate luſtraſſe eodémque ſemper modo ſibi apparuiſſe aſſerunt; & ita ſerénè deſcribit eloquentiſſimus Princeps. Splendor eſt inquit infra Solis quidem fulgorem micans, ſed etiam ſupra Lunæ nitorem fulgens. Figuræ vt & intercapedinis ambigua: modò enim angularis rhombum, modò verò circularis & oblongus Ellipſim exprimebat: nunc ad communis manus exporſectus latitudinem, nunc ad vnguis minimi areolam contractus, ac denique in tantam arctatus anguſtiam vt exilitate ſua inimitabilem præſentaret puncti imaginem. At viuiddò nitore ſemper, qualis ſufficiat legendis litteris præſertim cum dilatatus vberius lumen funderet, mobilis tamen ac perpetuò fluitans.

*Sicut aquæ tremulum labris uti lumen  
æthereis*

*Solu*

*Sole repperitum aut radiantis imagine  
Luna*

*Omnia pernoctat late loca: iamque sub  
auras*

*Erigitur summique feris laquearia tecti.*

Haud aliter ille; præterquam quod non ita velociter sedem mutabat in càmque semper lecti partem, quam ego occupabam vergebat, siue ad cervical accederet, siue ad pedes recederet. Vbi verò constantiorem natûs typum, tranquillius sedebat, conspiciantur in eo narantes umbellæ, quæ nonnullis vtcumque efformate videbantur characteres, sed transuersum præcipuè tigillum, diagonalium illorum instar, qui hodierna stemmatum scuta dirimunt: qui cùm tenebricosus esset quasdam tamen sublucidas etiam admittebat norulas. Aspectu autem totus ille splendor iucundus aded & blandus est vt intuentium oculos verius exhilaret quàm terreat: vt in cuius contemplatione acies intenta semper deleatur, & nunquam fatiscat. Nihil habuit horridi, fædi aut sordidi nihil, murmur aberat, & placidissimo migrabar meabâque silentio; quo semel à me data opera rupto continuo euauit. Manum enim in ipsum cùm valide impegissem, exploratus scilicet num aliud quàm sericum, in quo fluitabar palparem acturum velut strepitum excessus aur plaga oblitteratus vltra non comparuit. Verùm non in perpetuum, nam sequentibus proximis noctibus redux eodem prorsus renore quo superiori- bus conspicuum se nobis, postliminio restituit. Nostrum autem qui prior expergefactus eum cerneret, alterum cubito feriens excitabat in visionis societatem: vt ex alienæ speculationis collatione, propriæ hallucinationis suspicium emendaret. At in omnibus semper vtrique ita concors fuit repræsentatio, vt post accuratissimum suspectæ illusionis examen, omne prorsus erroris dubium facesset necessum sit, & nihil non vel superfluitiosa sollicitudine, expertis rarissimi æquè ac verissimi prodigij fides relinqueretur, sic ille. Tuum verò nunc est, Vir eximie, pro altissima quâ polles sapientia quid portentosa sibi velis hæc apparitio rimari. Nam ego ex tam scrupulosa Viri vel ipso Lynceo perspicacioris obseruatione nullatenus ambigo, quin ea lux in omen aliquod cælitus expressa sit; & quidem faustissimum, si mihi quoque ariolari fas est. Quid enim aliud porrendit lenissima hæc claritas, quæ tanta cum suauitate radiatur? Mirro profanorum fabellas: non me mouent ab eisdem excogitata Regiæ dignitatis præfagia; nec

*Summo de vertice visus  
Fundere lumen apex: tractâque innoxia  
mollis*

*Lambere flamma comas, & circum tem-  
pora pasci.*

Ast cùm iucurrit vbique gentium, lumen semper habitum fuisse propitium ac naturæ ita beneficæ, vt nonnulli Philosophorum Dei partem esse corpoream opinari sint lumén- que dictum quasi Numen, nec hoc videam à doctrina melioris notæ, hoc est Christiana

abhorre, in qua Deus ipse non semel lux vera appellatur, parer luminum, lumen de lumine: qui suis tam frequenter apparuit amictus lumine sicut vestimento vt Moyli in rubo, Salomoni in Templo, &c. Bonique Angeli, Lucis dicantur: vt contra, mali, tenebratum; quid mihi aliud de hoc iubare coniciendum relinquitur, quàm dextrum ali- quid lætitudinis esse optimi cuiusdam euentus signum: Nihil enim habuit triste, nihil terrificum: imò Celsissimus Princeps eò rauropere delectatus est, vt quamprimùm Mas- siliam reperendi desiderio maximè flagret, in diésque rediturum parer, qui sibi tam grati luminis aspectu iterum frui contingat. Quod quidem minime appeteret si aliquid illorum fulgorum habuisset, qui teretica vplurimum aur comitari, aut sequi solent portenta. Non eodem sanè rursus afflari oporasset Comme- nus Imperator, qui circa Neapolim venando percussus; qui postquam immanem aprum, vsque ad mare in quo se præcipitem egis- set, secutus esset, exemplo subita aded, ac valida coruscatione perstrictus est, vt excussus equo semianimis iacuerit. Apage talia ful- goris monstra, nihil hîc simile memoratur.

Hæc sunt quæ voluit vt ad te scriberem tui studiosissimus Princeps: qui pluris-ne te faciat quàm amer, nescio. An verò quantura merearis, vtutrumque penes ipsum iudicium esto. Vale Aquis-Sextiis 3. Non. Nouem-bris 1643.

*Viro Maximo, Incomparabili PETRO  
GASSENDI,*

SAMUEL SORBERIVS S.

**N**ALDE me recrearunt litteræ tuæ, reli- quis morbi bimestris adhuc ægrè re- luctantem. Indubium enim facis, Vir sum- me, quàm tibi altè in pectus descendierim, quæ fuerat vororum meorum summa; nam cùm à puero vehementer magnorum Viro- rum amicitiam experierim, quibus vel inno- rescere magno mihi futurum emolumentum, vt melior fierem, optimus auunculus suade- bar, non potui sanè quin tuam, vt primum obrulit se occasio, ambirem. Et bene se ha- buit quod humanitas tua nihil spectare vo- luit aliud præter ad res bonas procliuatatem & in bonos affectum purissimum; quem vt quandiu ero superstes, Deo fauente, con- seruabo, ita spero rurs erga me beneuolen- tiæ perennitatem. Gaudeo tibi probari spe- cimina Typographica Disquisitionis tuæ, ne- que iniucundam fuisse præfariunculam mis- stram. In Cartesium, hominem, ceterè: nam insanix, nolui quid asperj- cendi. Ceterum exemplum tuum mihi- quia de Tempore- acubi proferis disquisi- tionem aut- anticillam, viribusque par- tem consultò rem non aggredieris, subit len- tentiam tuam tantè de re expostulare, arque vnà mittere nugas quasdam cùm vacabit refutandas, nisi vna littera expungere malis. Vale, Vir summe, & me tui oblerantissimum obsequen

obsequentiſſimūque amare perge R. P. Merſennum, quaſo, plurimū à me ſalutes. Slatiſ Flandriæ 10. Kalend. Ianuar. 1644.

*De Tempore.*

**R**es ſunt ex quo è nihilo, ſecundū hypotheſim, creatæ fuerunt; & quoniam nihil hodie creatur, nihil etiam incipit eſſe; ſed tantū ſit vt quod erat hic & hoc modo, alibi alio ſit. Mutatio autem iſta nullam inſert nouam entium in rerum natura poſitionem. Inde tamen deſumuntur variæ temporum differentiæ, quibus ad mutationum diſtinctionem vtimur. Nam etſi diuerſa diſpoſitio entium in ſitu, loco, & diuerſo aliorum entium appuſſu & conjunctione. Reuera nihil ſit ſolidi & quod entis nomen mereatur; tamen entia, quæ per generationes & corruptiones, quas vocant, perpetuò mutantur, ita ſenſibus noſtris diuerſa apparent, vt vera de nouo entia fieri plerique exiſtimeamus. Atque hæc nouæ creationes à nobis in eo maxime diſtinguntur, quod vna poſt aliam fiat, cū animaduertamus ens quoddam exiſtiſſe alio nondum exiſtente. Sed fallimur longè, meā quidem ſententiā, qui mutationes iſtas pro creationibus habemus: nulla enim ſit creatio, præterquam animæ humanæ. Nos igitur cū tempori differentiæ assignamus, nihil aliud facimus quā mutationem vnā alteri comparare, in eo quod illa erat antequam hæc eſſet. Itaque ſi nulla ſuperueniet vlli entis mutatio, idque in eodem ſitu & diſpoſitione permaneret, nihil illi poſſet præteriri. Cui opinioni notæ fortaſſe fuet quod non quæ in ſomniis deſtituta ſuit breuiſſima nobis apparet, tota ſimul præſens; quaſi nihil intermedium inter primum ſomni & exuſcitationis punctum fuerit. Mutationes nullæ noſtro reſpectu fuerunt, qui eas ignoramus, & ſine eis non poſſet dici aliquid prius, aliquid poſterioris fuiſſe; nullāquam, assignari poſſunt præteriti & futuri diſtinctiones. Quare ſi non tantū noſtro reſpectu, ſed reuera nullæ omnino eſſent mutationes in rerum natura, præſens eſſet ſine vilo præterito & futuro. Hæc cū aſſertimus inter mutationes de quibus loquimur reponimus mentis cogitationes, ad quas ſit nōnunquam vt reſpiciamus, cū nullæ ſint aliæ inſigniores quibuſcum vel alias vel ipſam Entis cuiuſdam permanentiam comparemus. Ita nox inſomniis multis agitata longior videtur; & ſi quis ſenſibus priuatus eſſet atque motu omni animali, is temporum intercedepedinem non cognosceret, niſi cogitationum ſuarum beneficio, poſteriore ſcilicet priori comparando.

*Admodum Reuerendo atque Clarifſimo  
Viro D. D. PETRO GASSENDO,  
S. P.*

**I**AMPRIDEM, Vir Excellentiſſime & Clarifſime, tecum per literas agere aſ-

ſectauī; ſed verecundiā impeditus quominus auſus fuerim inani ſcriptione grauifſimas tuas occupationes interpellare: ſam verò ex animo quidem lætor per T. Cl. iudicium de nouem Stellis circa 32 viſis mihi oblatam eſſe ad te ſcribendi occaſionem, nihilominus te per ſas humanitatis obreſtandum putauī, ne hanc peregrini hominis temeritatem in ſegniorem partem interpreteris, quod cū impetrauerō, certè in poſterum habebō cur non ſolū gloriari, & felicitari meæ gratulari potero, quod fata mihi aditum ad illuſtrem tuam gratiam, amicitiamque tecum ineundi patefecerunt, quem conſcientiſſima fama celebrat, tanquam primarium ſæculi virum ingenio, doctrinā, iudicio & amore omnium laudum atque rerum honeſtarum; ſed & nihil erit vſquam tam promptum ac paratum, quā ad omnia quæ T. Clarit. voluerit humile obſequium atque officiū meum. Quemadmodum, Vir Eximie, ingentem cumulum lætitiæ ex literis Reuer. P. Antonij M. de Reita hauſerim, ſi nimirum nouem Erraticas animaduertiſſe circa 32 Stellas, ita non parū contrititatis, me illas antea nunquam vidifſe: præſertim cū diligentifſimè pro mea tenuitate hætenus inuigilauerim obſervationibus, rum circa Iouem Iouialium quā Stellarum Fixarum, Anno nimirum 1642. Menſe Auguſto, Septemb. Octob. & Nouemb. & quidem continuè, ſingulis diebus, quando Cæli ſerenitas id permittit, & nunquam plures quā illas magno Galilæo detectas deprehendiſſe, quamuis adminiculo tui optici non vnius, ſed quamplurimorum haudivulgatium, Fixas autem memini me multoties vndique circa Iouem diuerſæ magnitudinis, & æpe numero in ipſo ordine Siderum Medicarum vidifſe & annotaſſe, ſicuti & circa illas quinque in effuſione aquæ quintæ & ſextæ magnitudinis, quas T. Clar. delineauit in ſuo iudicio, triginta duas diuerſæ magnitudinis, quas omnes pro vitibus longo tēporis intervallo, ac quotidie obſervationibus iteratis cū eorū lōgitudinibus & latitudinibus delineauī, inter quas & hæc quinque obſeruata ſunt, quas Reuer. P. Ant. M. de Reita in numerum Erraticarum Stellarum adoptare voluit, cū tamen nullæ aliæ quā Fixæ abſque tubo inuiſibiles in ſchemate præſenti enim CH:KL notatæ, inter quas Iouem degentem, & ego anno 1642. die 2. & 4. Septemb. conſpexi, planè in ipſo loco vbi die 29. Decembr. R. Patri viſus fuit, mihi autem auiſtior tunc temporis erat, & die 28. Auguſti in illo loco vbi die 4. Ianuarij ipſi apparuit, quod præſens delineatio fuſius declarabit. Inueniet enim T. Cl. Reuerendum Patrem ſolummodo vnā C, ex illis quinque hætenus in globo annotatis pro Iouiali acceptaſſe, nimirum in primo fluxu aquæ, duatum ſequenter, reliquas fuiſſe H I K L Fixas hætenus inognitas, quas omnes ſi cum illius ſchemate collationaueris, præſertim ſi tale ex meis Fixis conſtruxeris, deprehendes illas ipſas fuiſſe quas Erraticas eſſe putauit, vt & motui illarum



illarum quem intra spatium aliquot dierum secundum illius opinionem confecerint, ex Iouis motu directo satis superque patebit. Ne autem quis existimet illas quinque nihilominus fortasse novas fuisse Iouiales; sciat me illas prænominatas postea non solum per quatuor menses fere quotidie, sed & nuperimè iterum anno 1643. mense Nouembri aliquoties obseruasse, in illo ipso loco ubi tum temporis obseruata, simulque adhuc aliam minutissimā à Fixa 1. gr. min. 5. distantem cum wo notatam inueni, ex qua colligitur tubum R. Patris non adeo excellentem esse tibi sibi imaginatur, cum illam minimam non viderit, alias decem Iouiales in ordine annotasset, neque reliquis Fixas, quas ego circa has Stellas detexi, quemadmodum & nuperimè melius alias Fixas, inter quas quotidie 24. deprehensum annotaui, sæpenumero in vna linea recta cum Iouis Comitibus reperi, & nisi illas probè nouissem, fortè & ego fortassis deceptus fuisset, sat autem hac vice dictum de illis falsis Iouialibus. Iam verò quia certus sum tibi tanquam obseruatori accuratissimo & diligentissimo non ingraturum fore obseruationes Eclipsium si tecum communicentur, idcirco quasdam hic apponam, & si in posterum tibi eiusmodi obseruationibus, vt & aliis, Macularum nempe Solarium (quarum aliquot centum obseruatas habeo) vt & Iouialium quam aliarum Planetarum gratificari potero, promptum, paratūque me semper habebis.

Prima anno 1639. die 1. Iunij styl. Greg. obseruata est à me Eclipsis Solis hic Dantilci; Initium quidem secundum approbatum & correctum Horologium hora 5. min. 20. sec. 41. vesperti, maximam obscuracionem hora 6. min. 11. sec. 31. Finem hora 7. min. 14. sec. 55. Magnitudo Eclipsos erat digit. 10. min. 48. Cum autem hanc Eclipsin per nudum foramen solummodò obseruauerim, idcirco mihi etiam minor apparuit quam reuera extitit, necesse igitur erit vt ab hac obseruatione detrahatur simbria, vti Doctiss. Keplerus monet in Astron. Optica, ita prodibit vera quantitas Eclipsos circiter digitorum  $11\frac{1}{2}$ . Si omnes phases videre placuerit quas tum temporis annotauerim, habebis illas in hisce schedulis.

Secunda anno 1641. mense Aprili Cælo admodum sereno Eclipsis ) obseruata est, Initium quidem hora à media nocte 1. min. 13. sec. 42. Initium totalis obscuracionis hor. 2. min. 22. sec. 0. Recuperacionem luminis hor. 3. min. 53. sec. 20. Occidebat lumine restituta quatenus id colligere potui hora 4. min. 55. sec. 30. Colorem quod attinet, statim ab initio atræ caligine fuit obducta & insusciata; circa medium verò Eclipsos planè nobis in cælo euenit & visui sese subtraxit, ita vt vix iudicium aliquod supererat, & nisi locum ex Fixis nouissem, quæ durante Eclipsi satis superque tam quartæ quam quintæ magnitudinis cernebantur, sanè nec per tubum Opticum (quod aliquibus ex nostris spectatoribus obtigit) Lunam ipsam inuenissem.

Tertia, præterito anno 1643. mense Se-

prembti iterum Eclipsin Lunæ hic Gedani obseruauimus, cuius initium contigit secundum correctum Horologium (quod singula secunda & dena tertia indigita) hor. 6. min. 36. sec. 30. Hora autem 6. min. 48. sec. 30. obseruata est altitudo Arcturi grad. 25. min. 0. per quam inuenitur hora 6. min. 48. sec. 44. hora 7. min. 14. tempore Eclipsos centralis min. 9. simul ) & si obseruata est, distabat versus Austum sub ) circiter min. 45. erat sanè spectaculum incedibilissimum. Hora 7. min. 35. sec. 30. circiter 6. digiti erant eclipsati. Hora 8. min. 59. sec. 30. finis huius Eclipsos obseruata est, simul etiam altitudo Aquilæ grad. 20. min. 20. ex qua liquet horam fuisse 8. cum min. 8. cum autem hæc Stella admodum vicina meridianum tum temporis esset, idcirco adhuc semel obseruata est altitudo Lyre grad. 56. min. 0. hora nempe secundum prænominatum Horologium 9. min. 7. sec. 30. ex altitudine inuenitur hora 9. min. 7. sec. 0. patet igitur Horologium satis accuratè tempus indigitaſſe, & vix emendatione opus habeat, digiti fuerunt eclipsati circiter 6 $\frac{1}{2}$ .

Quarta, anno 1630. die 19. Iunij vesperti post ☉ occasum circa horam vndecimam in Daniam non procul Vraniburgo, obseruatus est à me Saturnus à ) reclus, ipsum quidem momentum temporis occultationis, tum quâ parte præcisè Luna illum tegerit, accuratè obseruare nequiuim idoneis instrumentis destitutus. Si autem impoſſet tale quid obseruandum vel etiam Eclipsin ) occasio daretur, multò accuratius id perficerem, non solum annotare quâ parte Lunam iniret, sed & exiret; in Eclipsibus quæ defectus inciperet, quâ desineret, tum etiam Diametrum vmbre, quæ omnia ex Iconicis meis Lunaribus facillimo negotio indigitaſſe possum, quos nuperimè summâ diligentia ac patientiâ non solum quidem Plenilunium quadraturâque tam extra quam circa nodos, sed & Phases Lunæ varias, varietatēque, viuis suis coloribus, propositionibusque, & situ seruatò depinxi, ex quibus iam triginta, quarum Diametrorum magnitudo est sex pollicum Parisiens. maximâ curiositate delineauim, decem adhuc restant, quæ breui, quam-primum serenitas cæli id permittet, & auxiliante Deo perficiam. Non ignoro T. Clarit. cum illo nunquam satis laudatissimo Pestefcio jamdudum in voris habuisse talem speciem Selenographiæ instituere, num autem id præsterint, nondum intellexi, idcirco optarem vt hanc meam vidisset, quo simul iudicium tuum hac de re perciperem. Quod si scirem rei literariæ ex hoc opusculo aliquid emolumenti redundare posse, tum Astronomiæ cultoribus id non ingraturum fore, operam darem, quamuis in obseruando & delineando iam incedibilem habuerim laborem, nihilominus & ipsemet has Phases si vita & otium suppediret, æri inciderem, certus enim sum nullum Cælatorem tam accuratè illas posse cælare & mentem obseruatoris exprimere, tum quoad colorē valliumque profunditates, vmbraſque quam

quam obseruatorum ac delineatorum ipsam, qui harum rerum noticiam ex crebris obseruationibus sibi comparauit. Sed de his tantum & fortasse plus satis, vnam atque alteram notabilem adhuc obseruationem Louianum hic apponam, vt & periodum vnam Macularum & facularum Solarium; (quæ modo longè faciliori, quam Scheineri obseruatae sunt) quæ omnia cum annotationibus in hisce literis inuenies. Interea iterum T. Clarit. etiam atque etiam rogatam velim, vt mihi ignoscat, quod tam licenter tua benignitate abutor, hæcque meas obseruationiculas, quamuis parui momenti, vltro confiteor, nihilominus æqui bonique consulas, nèque gratia amicitiaque tua complaciti non dedigneris, officia mea tibi iterum prompta paratæque semper offero. Vale Vir eximie, multique nominibus mihi plurimum obseruande. Dabantur Gedani anno 1644. die 14. Ianuarij styl. Greg.

T. Excell. & Cl. obseru. IOANNES  
HEVELIUS Danisc. Reip. Pa-  
leop. Scabinus.

*Schema 2. excidit.*

*Amplissimo & Perillustri Domino D.  
PETRO GASSENDO, S.*

It Eximie ac Celeberrime,  
Subibit haud-dubie animum tuum admiratio, quod ego de facie pariter ac nomine tibi ignotus hæc ad te dem litteras: sed enim ita facere impulit affectus, quo te iam multos annos prosequor: Ex quo enim ruas in Aristotelem Exercitationes Paradoxas vidi ac legi, cæpi vnice & libertatem in philosophando tuam adamare: cui amor & affectui in te meo incrementum dedit lectio tuæ exercitationis in Fluddum, & disertationis de Mercurio in Sole viso: at postquam incidi in tuum, de apparente Solis magnitudine & de motu impresso à motore translato, tractatum, & nuperimè in dubitationes tuas & instantias aduersus magni Viri Renati des Cartes Metaphysicas meditationes ibique deprehendi, tantâ modestiâ, tam facili & leui stylo, tam dextrâ analysi, ac tanto iudicio concinnatum omnium sectionum ac punctorum examen, ita me Deus amet, vt ego totus fui abreptus, cui amote atque admiratione. Maeste isto animo, Vir maxime, ac bene de Republica Philosophica mereri perge, ac ne diotius inuideas sæculo nostro, quas à longo iam tempore multique annis promissisti, exercitationum in Aristotelem Paradoxarum reliquas sectiones: facito nobis quoque copiam Philosophiæ tuæ Epicureæ, quam cunctam iam à te nobis exposuit elegantissimi ingenij iuuenis D. Henricus Bornius, tuarum virtutum admirator ac buccinator maximus: non sunt illa, quæ veritatem promouere possint, inuidenda postestitati. Si quid mutuas periculi aut detrimenti ex il-

*Epistola ad Gassendum.*

lorum editione apud vestros, ad nos irgenij tui factus transmittit, qui Typorum nitorem & elegantiam promittimus, curam ac fidelitatem in corrigendo, cum sub prelo sudabunt, vltro pollicemur, ac quicquid à nobis præstari poterit lubentes præstabimus. Vale & amantem tedama. Deus te diu seruet incolumem. Lugduni Batavorum 1644. Februarij 15. stylo Gregoriano.

Tui obseruantissimus ADRIANVS HEE-  
RIBOORD Philosophia in Academia  
Lugduna Batavorum Professor.

Dom hæc litteræ accessum D. Bornij aliquot dies expectant, incidi in Libellum Louanio ad nos transmissum, qui continet refutationem tuæ Epistolæ de IX. Stellis circa Iouem, sex circa Saturnum, aliis circa Martem obseruatis à P. Antonio Reita: idem Libellus adiunctum habet examen tuæ sententiæ de Perpendicularum inconsistentia. Author vtriusque est vir doctus, Ioannes Caramuel Lobkovitz. Hoc te nescire volui.

*Amplissimo & Perillustri Viro Domino  
PETRO GASSENDO, S.*

Ouanij, Sapientissime Vir, ad te scripti, imò & mittendas edidi in Libello de septem Stellis Iouem circumuoluentibus: nondum ramen ambitionem meam tuis beate litteris dignatus es. At quia te vrbatissimum veneror, vel meas tibi non fuisse traditas, vel tuas periisse existimo; quorum vltimum probabilius esse, meus excursum in Germaniam persuadet. Discessi ipso cinerum die, Regis Catholici liberalitate ad Disembergensem Abbatiam promotus, & Cruciaci in inferiori Palatinatu habito, vbi Tuas expecto. Te curiosum Historicum & Astronomum iam ego à multis annis; nec videbatur mirum, Historia enim & Astronomia, si bene examinem, vna & eadem ars. Principes, Cæli politici sunt Sydera; Sydera militiæ cælestis sunt Principes, adeoque arte Astronomica politicorum Syderum cursus, & Historica Planetarum & aliorum Syderum motus, periodi, Synodi, & comitia describenda sunt. Sed quod præter eloquentiæ suauissimos flores, quibus illustria amicorum facinora transulisti ad Sydera, & Syderum clandestinos congressus, ad amicorum oculos, etiam Metaphysicas subtilitates eximius & subtilis peruaderes, & obscurissimas controuersias diuinitate tui ingenij illustrare liberet, non credidistem referenti, & ramen crediturus sum. Ad nundinas Francofurtenses curiositatis gratia veni; multos quæstos scriptores non repeti, adeoque meum illud iter iudicaturus superfluum aut infelix mihi non quærenti occurrisses. Speculationes illas tuas in Cartesium Blauianam officina non sine Simonæ ciuilibus suspitionibus vendidit, admirabundæ quidem, quod viderit pretio commutari tameris di-

R c uinas

uinis & calicis. Rem falceat; non cognosco Cartesium, amo tamen propter viuitatem ingenij; sed quod absit ab vniuersitate, viro magno condoleo; acuta enim menti eos deficit, & exercitium Academicum menti magna esset coti. Nauseabundus ille superbusque scriptitandi modus omnino displicet; cum enim nec puræ mentes, nec puræ carnes simus, plus carnis quam mentis nos habere conuincimur, cum euomimus, quæ mens ciuilibus & vrbana concoqueret. Quercus decrepita altas radices egit, nec baculo tamen torosa manu acto deicitur, sed soli cedit bipenni: & peripatetica Philosophia, quænequidam rusticæ & rustica, sed quæ per multos annos in scholis obtinuit, & radices immisit profundissimas, deiici & eradicari poterit, non tamen baculo & fuste, sed bipenni & securi; non inurbanitate inciuilitateque, sed acutissimis rationibus forti mente conceptis, scriptis calamo suauis & vrbano. Tu igitur cui acre ingenium conuersationis elegantia conditum Deus indulget, progredere, & rem Metaphysicam tuis inuentis illustra. Prodiibo & ego, multasque Cartesij speculationes prosequar, multas persequar; habet enim nonnullas quæ sunt mentis sublimis indices, aliquas quæ insinuant debere Authorem exerceri, vt vixæ similis abortiua acumina perficiat & reformet. Vtrum mihi vrbanus futurus ipse ignoro; sed si tam bene Politica quam Metaphysica sapiat, aderit vrbatissimus, mihi vnam & solam veritatem querenti ipsumque vrgenti & exercenti, quod magna mente calitus donatum credidero, aliis enim contemnerem, nec loquentem tacentem vemorarer. Iudicium tuum in hac materia magni facio; libera tamen, seruata debita reuerentiâ aut intendo, aut remitto, & fundamentis demonstratis accommodo; quod vt existimo, tibi erit gratum; Ego enim libenter examino, vt accedente amicorum calculo sciam, quid possim securè proferre, quid debeam secundo examinare. At tuo, tuorumque Parisiensium iudicio in materia digniore & sublimiore indigeo. Controversias scriptitæ & has theses apud Viros magnos reperio, I. Concilia Generalia errare non possunt, II. Summus Pontifex extra Concilium Generale (hoc est solus, aut in Consilio Nationali) in eo & ipsa nationalia Concilia errare possunt. Vtramque tuetur Adrianus Papa VI. in quæst. de confirm. Cardinalis Cameracensis, Cusanus, Panormitanus, Florentinus; primus de authorit. Eccles. secundus, de concordia Catholica lib. 2. cap. ultim. tertius, & ipse qui nomine Abbatis citatur, cap. significasti extran. De electione. Vltimus ibidem,

quibus adhæret magnus ille Doctor Hispaniæ, Alfonso Tostatus, Abulensis Episcopus in cap. 18. math. quæst. 108. & ne quis dicat inconsideratè & obiter difficultatem resoluisse eandem thesiam reseruit in defensorio part. 2. c. 69. in maiori Salmanticensi Collegio, quod S. Bartolomæo inscriptum, Professor & Collega olim fuit, & exilimo tanti à suis hodie fieri, vt vix reperiendus sit qui affirmet eum docuisse sententiam improbabilem. Eiusdem opinionis fuerunt Ioannes Gersonius, Ioannes Maior, Ioannes Parisiensis, Iacobus Almainus, & alij in suis tractatibus de potestate Ecclesie. Franciscus de Victoria in Salmanticensi Academia eximius, S. Theologiæ Professor (sic eum appellat Possenus in suo indice) Relectione 4. de potestate Papa & Conciliorum, propos. 32. Sic inquit, de comparatione potestatis Papa est duplex sententia. Altera est S. Thomæ & sequacium multorum, & aliorum Doctorum, tam in Theologia quam in Iure Canonico peritorum, quod Papa est supra Concilium; altera est communis sententia Parisiensium & multorum etiam Doctorum in Theologia & Canonibus, vt Panormitani & aliorum contraria, quod Concilium est supra Papam. Non est locus hic disputandi, quæ illarum sit verior; puro vtramque esse probabilem opinionem: idem omnino docet Nauarrus tamen scrupulosissimus Doctor, qui cum vbique strictissimas sequatur sententias, censendus hanc credidisse strictissimam & secutissimam. Est maxima discordia Romanorum & Parisiensium, ait Nauarrus citatus ab VVidringtono, cui principalis potestas Ecclesiastica fuerit à Christo collata, An Ecclesia toti, an verò Petro & Illiis (nimis mirum Romani) atque ideò Papam Concilio esse superiorem, & verò (nempe Parisienses) quibus Gerson adhæret, totam datam esse toti Ecclesie, licet exercendam per vnum, atque ideo in aliquot saltem casibus Concilium esse supra Papam. Quarum illa scilicet Romanorum videtur placuisse Thomæ à Vio, vbi alius omnibus & profundius hoc demonstrare conatur. Altera verò placuit Panormitano, qui pro Parisiensibus est, quem frequentius nostri sequuntur, vt tradit Decius, quam mordicus tuetur Iacob Almainus de Sorbona Theologus, qui respondit Thomæ à Vio Libello iusto, & Ioannes Maior qui idem facit, ait, Roma nemini permitti tenere Parisiensium & Panormitani sententiam nec rursus Academiam illam Parisensem (notetur bene) pati vt contraria opinio asseratur in ea. Et ille qui Nauarrum recognouit, & additiones aliquot contextui adscripsit quem Additionarium Sánchez de matrimonio sepius, & VVidringtonus in Apologia num. 29. nuncupant, tamen vellet remittere paulisper sui Authoris sententiam, Parisiensium opinionem probabilem, & Romanorum probabiliorem clarè affirmat



affirmat, cum verum sit in moralibus sufficere probabilitatem. Tomo etiam quarto Conciliorum, referente Petro Molinæo *Libro de Monarchia temporali Pontificis Romani cap. 7. pag. mihi 106.* Bulla recognitionis repetitur, in qua Aeneas Syluius, qui & Pius II. agnoscit se in tenebris ambulasse, & procul à vera luce recessisse, quando credidit. Concilium esse supra Papam: & ne temerè credidisse diceretur, suæ credulitatis rationem & occasionem expressit dicens, *contra Concilij dignitatem mutare, crimen hæresi fuit.* Vnde colligo ante huius Pontificis promotionem, ad eò fuisse communem, Parisiensem sententiam, ut haberentur omninò hæretici, qui docerent contrariam. Parisiensibus re bene examinata intrepide subscripsit Rogerus VViddringtonus Catholicico-Romanus Anglus in *disputatione Theologica de iuramenti fidelitate. cap. 3. sect. 11. n. 8. & cap. 10. n. 27. & in respons. Apolog. num. 28.* Hanc videntur supponere Louanenses Doctores, cum Iansenij in Bayo olim à duobus Pontificibus, condemnatis opiniones defendunt, hanc cum Urbano VIII. Iansenianam doctrinam condemnanti hoc vel illo prætextu quæsito non adqueſcunt.

Certè, Vir Optime, si hæ duæ Theses à Parisiensibus publicè defenduntur, probabiles sunt, quidquid in contrarium Bellarminus inelamet; & si probabiles, facilius ad nos reducere possimus Germanos errantes, & tyrannidem Pontificiorum, (sic nos vocitant) perhorrescentes. An verè hodiè Parisiis permittantur & defendantur, nescio, tu scis, & ex te resciam. Quid si ipse, utpotè majori Gallorum Authorum copiâ instructus, velis aliquos juniores senioresve recognoscere, & ea adnotare, quæ meæ intentioni fauere videbuntur? Quid si Sorbonicos aut alios Doctores eximios, adhuc viuos, dignaretis consulere? rem sanè mihi gratissimam faceres; Ego enim stante bello scribere in Gallias non possum strepentes epistolas, & consulationes Academicæ semper sunt cum strepitu, præcipuè si cogantur Doctores ad petitionem peregrini. Multùm tibi debeo, si me adiuues, imò, si meos; *Hanc sententiam verè esse probabilem desidero, & si Parisiensem re circumſerui, sit, non jam probabilis, sed mihi probabilior futura.* Tu meis conatibus magnus Apollo sis. Si tempore consultatio ipsa indigeat, patienter expectabo, modò statim scribas te rem habere cordi, vellèque meæ petitioni satisfacere. Vale Humanissime & Sapientissime Vir, & tuis famulis adnumera

*Tue doctrine & persona perillustri  
addictissimum,*

I. CARAMVEL LOKKOVITZ,  
Abbatem Disembergensem.

Sapientissimo Viri Domino PETRO  
GASSENDO,

M. NEVRÆVS S. P. D.

Nonnulla de Phœa vestro in mari nuper capto prælibaueram tibi, Vir Sapientissime, eaque pauca, & malè fida, quia ex auditu tantum: Nunc verò, quoniam te his aliquanto delectatum significas, & eiusdem mihi quoque licuit esse *αὐτόπλω*, quæ in eo obseruari curatius, fusiore Epistola tibi narrare constitui; ut intelligas me nihil velle mirari sine te, per quem non licet inani admiratione torpescere. Nostri quale sit animalium, ut specie ambiguum, ut biforme, Chersothalassium, & alia id genus de quibus passim apud veteres; quibus fortè eius non fuit, ut mihi, in promptu copia; & quorum pletique varia referunt Geographorum ritu, qui ut plurimùm vix suas gressi tabernas, immensos terræ marisque tractus delineant, non ut sunt, sed ut ab ipsis existimantur. Sed enim quod æuum sufficiat lustrandis tot infinitæ naturæ miraculis? Et quotusquisque qui sic abdicatis quibuscumque aliis vitæ negotiis, omnem in rursandis nam diuersarum rerum formis curam & aratorem ponat? Scio innumera quidem scripsisse Authorem illum de quo tuarum ad me nouissima, pluræque solum quàm omnes simul: sed amabo, vidit ne singula? Et si vidit, perdiditne? Quamplurima sæpè frustrantur, vel inuentissimam oculorum pescicaciam aciem! Ast ille, ut & alij, obuios habuerint Phœcarum greges, eisque notiores sunt quàm ipsi Proteo; ac denique sic huius fera indolem, formam ac dietam depinxerint, ut nihil neoterico scriptori superſit: quid ad me? In eorum melleſem falcem iniicere non est animus. Tibi vni annotata à me, loquuntur: nec Theriographum ago. Epistolium tibi ex officio conditum aut verius responsum conscribo. Cuius argumentum est de viſo à me Phœa. Hûc igitur tandem aduectus est ab agyita quodam, qui inde maximam pecuniarum vim conſtare agit: nec diffiteor si Lutetiam vsque viuum petduxerit; hunc ex piscatoribus vili redemisse ferunt, qui iuxta Stæcades infestum piscationi suæ animal retiis intricatum, in sicum protraxerant. Solent enim eiusmodi Phœa piscantibus insidiari, eorùmque retia piscium turmis oppleta sensum exinanire: non ut captos liberent, sed ut ibidem enecatos indeque protrufos postmodum deuorèt. Nam ipsi quæ se insinuant, elabi norunt, miræque solertia post excussam prædam se trices expediant. Haud præcipua indidem piscatui labes: plus enim prædæ terribando abigunt, quàm corripiendo assumunt.

R r 2

Quod

Epistola ad Gassendum.

Quod non sine gravi jactura frequenter experiuntur Tynnorum captatores. Quoties enim eorum indagines peruadunt (madragas vocant) conclusa turba confestim dilabitur, hostemque protinus horrescens eius metu usque adeo vrgetur, vt obiecta plagarum claustra vel impingendo perumpat, vel resiliendo præteruolet. Hæc de Phocis piscatores: quos irretitos in mari quandoque capiunt sæpius in littoribus altissimo sopore mersos, prodente ipsos stertore vitulino mugitui proximo, vnde vituli nomenclatura inquit Plinius. Nam corporis habitus parum congruit, si pilos demas. Hi per totam animantis cutem fruticant palpanibus blandi; vt qui leui mollitie tactum suauissimè demulceant: bicolores, nam in capite & perpetuo tergo hypoleuco-phæi bombicinos pannos æmulantur, quos vulgò auellanzæ nuci concolores dicimus; subtus ventrem, & per ilia albiances, sed vbique ita conferti ac complanati vt talpam contrectare putes, nisi qua corpus abit in piscem: vbi etsi non rariores, sunt tamen rasiore, & quodam semper velut glutine inuisantur. Licet enim villosa pellis, vel breui post emersionem secco tepore caleat, tamen circa alas imâmq; caudam æquoreum virus exudat, cuius nidor grauis, dum ingrato nares fectore afflat, stomachum identidem tentat. Caput habet planè ferinum, & molossi Canis aut si mauis Britannici, cui detractæ aures, vnde nullæ illi creditæ, sed perperam, nam etsi erectæ prominentesque auriculæ desint, meatuli tamen bini vtriusque hiant, lanugine contecti, quæ nonnihil à reliquo colore desciscit. Nec par erat vt tam acuto auditu pollens animal acousticis destitueretur organis. Grandes illi oculorum orbis mobilibus obducti palpebris, quibus rara cilia. Pupilla qua versus volubilis, cui adnatum coniunctiuz inuolucrum albo circulo nigerrimum & & versatilem circumscribit globum. Patulæ nares cum meanti spiritui duducit, aliàs ocluse & jacentes, quibus quandoque sternutanti similis altè resiliens mucus explodit. Ritus immanis, gemino dentium ordine minax, quos dum irritò morsu collidit, horrificum ciet strepitum, præsertim si vna vox quoque admurmure, vt ferè semper. Ea autem qualis sit, quanta, quàm horrenda, non satis edisseram. Balatus non est, non boatus, non latratus, sed simul omnes. Exorients enim incohat à priore, adulta vegetat insequenti ac in postremo senescens tandem ab incondito fremitu suffocatur. Memini confixos à me Ceruos olim gemitum huic borborismo haud absumilem, identidem emisisse donec expirarent. Ceruix quieto brevis, ac tenui discrimine caput à corpore dirimens, sed longè potrectior vbi incedit, aut *lubrica conuoluit sublato pe-*

*ctore terga; attollique iras arduus:* Tunc enim ea penitus exerta, ac in longum extenuata *δολιχόδερος* dici potest, pendulas habet ex humeris hinc & inde pinnas, alas diceret si toti corpori magnitudine responderent. Harum infimus limbus vnguiculis distinguitur, fortè sulcandis facillius aquis; etenim eas humi, ad armos reducus semperque contractus gerit, quas natatui tantum explicat. Reliquum corpus cauda tenus in conum acuminatur, in quo nihil præter villos, non vmbilicus subsistens, non protuberantes papillæ, id negante forsitan ætate talibus nondum maturata signis. Obesa terga, mollis alius, & qua iuxta caudam desinit, rima satis ampla cernitur, qua excrementa deicit, lotium, fæcèsque, quas inore canum egerit. Credibile est huic quoque inesse genitalia cum alibi nusquam appareant, idcirco huic nulla forma satis nota sexus; & quia nihil prominet, suspicio est esse foeminam. Cauda illi trifida nisi dixeris affixas ei intrasque vtriusque pinnas remorum instar passas, quæ dum vndas aut verunt aut impellunt ipsa media & posterior vice clauui natatum regit. Quod si ita sit permodica sanè est, pinna verò latissima & vtraque consimilis caudæ illius vilissimi piscis, quem vulgò *Moruan* indigitamus, aut etiam mului, aeris liquidum iter radentis auræque circumstantis, hic enim simili modo & figura *ορροπύγης* penas aperit, quarum varia inflexione volatum moderatur. En quoad belluz typum, deinceps de eius vitæ ratione non nihil. Vixerat iam extra mare 30. dies primos à captura ieiunus, captiuitatis tædio: cæteros, strenua voracitate ieiunia pensans, vno enim prandio plusquam octonas variorum piscium libras deglutit nec satiatur, nulla illi esca præter pisces, quosin aqua sumit, tantum humi quamlibet respuit, eius tamen custodi spes est vt carnes etiam quandoque edat, nam & veruecinum iecur semel absorpsit. Anguilæ polypi canes marini ei sunt in pabulum, quos in imis repertos aquis sursum attollit, & capite summam vndam exsuperante, diu multumque quassatos, dein leuiter præmanfos aut qua obdurdere contusos, ingenti conatu, crebraque totius corpotis successione ingutturat. Subinde protinus mergitur, & sæpius resupinato corpore necdum emergit nisi præda potitus, idque tandiu iterat quandiu aquis immoratur. Vbi etiam lasciuienti quadam gesticulatione ludit; nam & vocanti se adnatat, manum prætendenti adlatrat, cibos porrigentibus blanditur, quos feruidus obmurmuranti anhelitu sibi postulat, sexcenta alia eiusmodi intra latices ludica exhibet, quæ circumdantem turbam mitum in modum exhilarant. Donec ipse aut satur, aut aquatum ultra impariens, piscinæ margini adlabitur, & in inclinato ad id asserè humi se proripit, nullo pinnatum nisi recla

reclamante licet Plinio, nam certum est eum extra aquas iis nullatenus insistere, nec quouis modo ingredi, sed serpere adducto, reductoque pectore tantum,

— *pars cetera terram*  
*Pone legit sinuâque immensa volumine*  
*terga.*

Haud segnitè repit tamen, nam & agmine satis propèro & tepetis crebrò velocitèrque oribus petuoluitur.

Addere plura poteram, sed nox urget, & spes est te quoque belluam tandem aliquando visum ire. Vale. Aquis-Sextiis Kalend. Martij 1644.

Ex Postscripto { Longitudo 41. circiter pedum.  
Crassitudo qualis corporis humani.  
Pondus librarum circiter centum.

*Viro Clarissimo, Maximoque D. PETRO*  
*GASSENDO,*

SAMVEL SORBERIVS S. P. D.

**Q**Uæ ad me in superioribus tuis de Tempore scripsisti ea sunt, vt nullum planè dubitationi locum relinquant. Evidentissimè enim ostendisti quæcumque erant à me de Motu dicta, non ad essentiam Temporis, sed ad eius notitiam referri debere. Itaque manus libenter do, & pro eo labore, quem in me dedocendo suscepisti, deuinctum me tibi fateor. Vtinam autem auderem & alia bene multa te vindice digna proponere, quæ cum tu tanto acumine peruidas, mihi & cæteris consimilibus densissima caligine involuta jacent prorsus incomperta, qualia sunt quæ aduersus Cartesianum illud dogma dici possent, *Nulum dari Vacuum*, sed omnia esse plena, quia essentia materiæ consistit in extensione, adeò vt vbicumque erit spatium aliquod mensurabile, ibi sit futurum & corpus, proindeque nec concipi quidem posse Vacuum in rerum natura, cui etiam introducendo par non est diuina potentia. Quàm vellem & illud mihi expedire de *Dolore*, an scilicet posita sit in diuisione particularum nostrarum; quid autem referat illis vt in spatio Mundano hoc vel illud spatium occupent, vnde tam ægrè discedant diuellanturque? An verum sit quod somniabam paradoxum ferum candens, imò ignem ipsum non esse calidum, cum inanimatum tale dici possit, & sic calor non tantum certus quidam motus particularum corporis alicuius, sed perceptio motus illius, quam perceptionem habere non potest corpus anima & sensu non præditum. Verùm etsi de tua comitate & propenso in me animo nequaquam dubitem, importunus essem si essagiatem vt mihi tantulo homuncioni respondere dignareris, auocaremque oracu-

*Epistola ad Gassendum.*

la ore facundissimo fundentem tot eruditissimis viris, qui te quotidie de rebus grauissimis, tanquam naturæ interpretem, consulunt. Vnum voueo, vt quàm diutissimè sospes & incolumis scientiæ naturalis limites promoueas. Quod te summa felicitate præstiturum confido, in illo immortalis opere, de cuius editione spem fecit Typographus lectoribus Disquisitionis tuæ. Id nisi iam sit adfectum, posses tamen partium quas continet quatuor aliquam præmittere, prout videretur consultius. Quæ quidem puta mecum bonæ mentis studiosos omnes expetere: at imprimis Bornius ille, quem cum à candore, ab eruditione, & prono in me effectu vehementer diligam, eo nomine pluris facio, quod tui summus est admirator; & sanè cum nudius tertius Leidæ primum inuissimè diuelli vix poteram, adeò me delinibat virtutum tuarum præconium, quo sermones orsi post aliquot horas ægrè desisimus. Vale, ô Decus meum, & perge me amare. R. P. Metzenno salutem, quæso plurimam. Hagæ-Comitum 18. Aprilis 1644.

*Viro Maximo, Reuerendoque Domino*  
*PETRO GASSENDO, Ecclesia*  
*Diniensis Præposito,*

SAMVEL SORBERIVS S. P.

**M**Ir Maxime, Responsum tuum ad quæstia mea accepi, quo mihi satis abundè factum, etsi paucis verissima tam multa complexus fueris; quare gratias nunc ago quantas possum maximas. Huc venerat Carresius, in Galliam profecturus cum primùm edita erit pars Physiologiæ suæ, quæ de rebus inanimatis disserit: accepi itaque Epistolio tuo tanto libentiùs incunctantiùsque adj. Ad ea autem quæ obiecti, destructo scilicet quod intra cubiculum est corpore, non destructui tamen spatium, quod proinde arguitur ab occupante corpore non pendere; pernegauit ille, coitutorumque tunc parietes prædixit. Cum vrgerem, an motu aliquo coitio illa fieret, ita vt adinuicem parietes accederent, medio vtrinque superato spatio; respondit vir ille acutissimus, nullo opus motu futurum, sublato nempe cum materia spatio, quo parietes, dum corpus maneret, diuellabantur. Verùm cum notis fati constringere hominem nodo illo possem, alia via inliciti, petique an nulla fuissent spacia corpore vacua ante Mundi creatiōem, quam materiæ è nihilo educcionem vulgò existimamus, tutum pernegauit, & vnà cum corpore assertuè creata fuisse spacia, quæ nulla erant antea. His opinionum portentis alia adiecit circa flexilitatis & duritiæ, raritatis & densitatis naturam (quam ego ad Vacuum minorem vberioremve intermissionem referre solebam) quasi rarum & flexile fia-

R. r. 3 aliquid.



aliquid, dum partibus eius interponuntur corpuscula alia moueri apriora, & quæ iam reuera agitantur externo appulsu autæ ætheris, vnde fit vt manui v. g. spongiam prementi resistentia tantò minor quantò ocus moueatur iam ær, quem manus pellere persequeratur.

Habiti deinde sermones de te, & de Disquisitione tua, ex quibus cognoui nihil illum repositurum, seu propriæ tenuitatis conscientiam, seu excogitatorum amore deceptus putet nullo momento infirmatum fuisse meditationum suarum pondus; quod tamen non ita videtur Viris doctissimis permultis, & imprimis Samsono illi Ionsono Serenissimæ Reginæ Bohemiæ concionatori, qui cum ante lectam Disquisitionem tuam esset Cartesians dogmatis addictissimus, nunc sæpius coram me pronunciauit, enervatas à te omninò demonstrationes Cartesij; ita vt restitui in integrum non possint, & alia recudendæ sint meditationes, tum solidiores veritati stabiliendæ, tum ad assensum extorquendum enucleatiores. Missum est hodie ad me Amstelodamo Carameus examen iudicij tui circa obseruationem Astronomicam Reitæ Louanij editum, cuius auctorem amo coram me pronunciauit, inter eruditos & sapientes decet, quamuis in nonnullis defæciatorem styllum requiram.

Prostat eiusdem auidæ Mathesis, quo in scripto nititur superstruere principis Arithmeticæ & Geometrie quæcumque ad Logicæ præcepta, ad Metaphysicam & ad Theologiam spectant: vnde probat æqualitatem Filij & Spiritus Sancti cum Patre, quia Sanctissima Trinitas triangulum æquilaterum constituit, quod nisi æquales essent personæ scalenum aut isosceles euaderet. Ita, si bene memini, Renlundus ille Sebunde probat Trinitatem ex eo quod vulgò dici solet, Tres faciunt collegium, quibus argutiis nihil inanius, sed illud tuum immortale circa Philosophiam Epicuræam opus ecquando ad nos transmittes? Quid de te tam malè meritum est genus humanum, vt tantæ frugis libro diutiùs carere debeat? Imperitos quid moraris Vitiligatores, naniis assuetos, nil solidum crepantes, quibus solis erudendis operam perderes? at æterno deuincies tibi beneficio bonos omnes, qui partem illam, quæ homines sumus colunt, nec pecorum instar proni degunt, ventri, & pessimæ corporis parti obediunt. Epicedia Peireskiana cur premantur adhuc miror. Nisi habeas, copiam faciam Epigrammatis Græci, quo deslet obitum Herois illius, Iustus Rickvvfardus, Medicus Roterodamensis, Vir *ἐλευθερώτης*, nec minùs rarà virtute, quàm doctrinà conspicuus. Vale ô meum Decus, & perge me amare. R. P. Merseno salutem quæso plurimam. Hagæ Com. ad 6. Eid. Maij Anni Dionysiani 1644.

Admodum Reuerendo atque Clarissimo  
Viro D. D. PETRO GASSENDO,  
S. P.

Quantum lætitiæ hauserim. Vir admodum Reuerende & Clarissime, perlectis literis tuis, vix verbis exprimere possum; præsertim cum intellexerim, scriptionem meam tibi vehementer gratam accidisse, tegi amicitiam meam non respuisse, sed ex animo me complecti non fuisse dedignatum: quapropter magnis pignoribus me tibi deuinctum tenes, gratiasque ingentes me tibi & habere & debere profiteor, nec vllam sanè prætermittam occasionem, vbi in hoc amicitia munere tibi iterum gratificari poterò, sed illum me semper præstabo, quem amicitia infucata efflagitat. Satis superque Vir amicissime conicere possum, te non minus vnam ex illis Fixis priùs ipuis in Aquatio obseruasse; & hoc ex obseruatione quam 2. Septembris hora 8. vespertina cum semisse habuisti: quatuor enim Mediceos à te visos affirmas, & quidem hoc ordine: duos ad Ortum propiorem distantem à 2c Diametris 2c. remotiorem 11. duos ad Occalum, &c. Eadem die etiam à me hîc Dantisci obseruatos esse scias; quod autem de illis & quibus verbis in aduersariis meis annotauerim hîc apponam: (vt tibi demonstrem Orientaliorem fuisse Fixam priùs inuisam quam ego in illa delineatione, quam tibi transmisi cum *no* notauî, non Iouialem vt existimas) die 2. Septembris hor. 10. min. 0. Orientalis viciniôr habebat latitudinem Borealem, eratque omnium minima. Reliquæ splendidissimæ, Intercapedines inter ipsas & Iouem erant æquales nempe vnus & dimidijs minuti, præter illam Orientaliorem quæ à 2c min. 13. & amplius distabat; num hîc fluuij *n* ex Iouialibus vix credibile (ante quatuor enim dies, die nimirum 29. Augusti *n* intermedius erat in Occalum) nam tam ingens spatium in istis quatuor diebus peragrarè nò potuisti; hæc ex obseruatis meis. Illa Orientalior quæ mihi circiter min. 13. à 2c remota. Iam die 29. Augusti hor. 10. min. 27. videram, & quidem in hoc ordine, quatuor Stellulæ tum temporis cernebantur. In occasum tres, quarum media erat maxima, propinquior adeò exigua vt vix cerneretur, extrema versus Austrum declinabat, Orientalis distans à 2c min. 5.

	A	B	C	D
*	○	*	✱	* fixa.
			n	

Distancia { A B min. 2.  
B C min. 6.  
C D min. 7.

Eadè die etiam quidem etià in illa opinione, omnes quatuor Iouiales me obseruasse, sed postea

postea ex Observationibus antecedentibus & subsequentibus satis superque colligere porui, intermedium in Occidente fuisse  $\Pi$  Iouialem, & occidentaliorem Fixam  $\pi$ , quæ propter motum  $\Sigma$  retrogradum satis velocem ex Occidente in Orientem, & quidem tam longissimè à  $\Sigma$  peruenire potnit, quod nullo modo fieri potuisset si ex numero Medicæorum fuisset; secundo illa orientalis die 29. Augusti aliquam etiam habuit latitudinem quæ nunquam, alias in maxima Elongatione Medicæorum animaduertitur; Tertio, & ex Observationibus subsequentibus, die nimirum 4. & 6. Septembris satis constabat Fixam esse, quia semper longius in Orientem recedebat, ita ut die 4. Septembris hora 9. vespertina, iam circiter min. 30. à  $\Sigma$  distaret; in quali distantia Iouiales nunquam spectantur: quod & ipsemet deprehendes, si motum Iouis collationeris cum illa Fixa  $\omega$  in mea delineatione Fixatum: ita ut verissimum, Stellam illam orientalem remotiorem, quam die 2. Septembris observasti, non fuisse Medicæam, sed fixam, vnam ex illis quas Reuerend. Pater Antonius Maria de Rheita pro errore habuit. Cæterum gratias tibi habeo ingentes pro communicato Plenilunio, non minus vltimæ Quadratura, quæ mihi gratissimæ fuerunt: Nam pridem scire desideravi, num etiam aliquæ phasæ æri incisæ fuerint; fateor te multum hac in parte præstitisse, quantum hæcenas à nemine quod sciam factum, laborumque habuisse, non exiguum, præsertim in rectè constituendis ordinandisque maculis, quas nemo equidem colligere potest, quàm qui ipsemet id tentauerit: Video te multas maculas, montes, valles, lacusque in  $\Pi$  bene vidisse & observasse, nisi quod Pictor & Sculptor, non ita fortasse ut debuerit, delineauerit, tum quoad situm, distantiam & geminum colorem, vti primis in Quadratura apparet: Optarem num hæc Phasæ ante annum antequam observare inciperem ad manus fuissent, certè non parum auxiliij initio ex illis petissem. Meas quod attinet, quarum circiter quadraginta iam delineatas habeo (tam crescentis ab ipsa prima die, quàm decrescantis ad vltimum vsque cum quibusdam Plenilunii & variis quadraturis) tum etiam quindecim iam æri ipsemet manu mea, quantum pro viribus licuit incisæ; ex quibus has duas Phasæ, & hæsterna die primum excussas tibi transmitto, ut aliquo modo tuas recompensem, teque rogo ut iudicium tuum de his communicare non graueris. Phasîs Lunæ falcata crescentis, observata est anno 1644. die 10. Aprilis horâ 8. à Meridie numerata, à conjunctione verò 16. diei 4. currentis. Altera Phasîs Lunæ lunatæ crescentis observata est die 11. Aprilis horâ 9. à Meridie numerata, à conjunctione verò 17. diei 5. currentis. Omnes maculas quascumque saltem observare licuit, quoad figuram, quantitatem ut & præsertim quoad colorem pro viribus expressi, tum quo-

tidianam variationem vallum (quæ impo-sterum ex subsequentibus Phasibus luculentius patebit) quàm etiam  $\Pi$  variationem & librationem ipsam, quæ me maximè diuque excruciauit, de qua in Selenographia mea fusiùs. Lætor porro me tibi gratificari potuisse, participem te reddendo observationum tuncularum mearum, & quod viro illo eximio & egregio Ismaëli Bullialdo (cui meo nomine plurimam salutem vnâ cum prompta officiorum meorum oblatione, referas velim) propter differentias Meridianorum non minùs viles esse posse; idcirco vnam atque alteram adhuc Eclipseos observationem tibi transmittito, ut & 12. observationes Eclipsium  $\Pi$  habitas Regiomonti per Doctissimum M. Albertum Linnemannum Professore Mathematicæ, Academiæ Regiomont. tum etiam copiam literarum illius viri, quæ tibi haud ingrata erunt, quia de diuersis differentiis Meridianorum in illis dissentit; rogo itaque humanissimè has ipsius literas prænominato Doctissimo Bullialdo communices, fortassis & aliquid certi ex ipsis excerpere poterit.

Prima Eclipsîs  $\Pi$  observata à me hîc Gedani anno 1641. die 18. Octobris Initium quidem hora 7. minut. 1. sec. 15. secundum correctum Horologium. Finis hor. 9. m. 51. sec. 0. Maxima obscuratio horâ 8. minut. 26. sec. 15. Tota duratio horâ 2. min. 50. sec. 0. Quantitas 7. digitorum. Tempore maximæ obscurationis observata quoque est distantia  $\Pi$  à  $\Pi$  horâ nimirum 8. min. 27. sec. 10.

Secunda Eclipsîs  $\Pi$  anno 1642. die 15. Aprilis cuius observationem hîc Dantiscanam jam tibi transmissi, etiam à Domino. Eichstadio Steini Pomeranorum observatam & quidem principium deliquij ex altitudine caudæ  $\Sigma$  in plaga occidentali grad. 39. min. 12. Principium totalis obscurationis cum Spica eleuaretur grad. 20. minut. 18. circa principium recuperationis luminis altitudo Arcturi erat in eadem plaga grad. 41. min. 9. Et proinde Initium Eclipsîs  $\Pi$  in Steinitensi Meridiano hor. 0. minut. 58. à media nocte, principium totalis obscurationis h. r. min. 56. Principium recuperationis luminis horâ 3. min. 40. Finis Eclipsîs hor. 4. min. 38.

Cæterum libenter à te perciperem num tale quid inuentum à Campanella, quod ad nos ante aliquot annos his verbis perscriptum fuerit: Thomas Campanella circa illud tempus quo Delphinus in Gallia natus est, Instrumentum inuenit tubo Galilei longè ingeniosius: Huius beneficio observatum est, Lunam bis majorem apparere, quàm locus ille est, qui Parisiis *la Place Royale* appellatur Iouem & reliquorum Planetarum incrementa & decrementa  $\Pi$  instar habere. Martem & Saturnum non modò longè majores, quàm nobis apparent esse, sed & formam & structuram habere hæcenus inauditam, Mars quippe in medio sui habere montem nigricantem non consistentem, Lunæ montibus quæ Terræ montibus altiores sunt, excelso-

Iridem proximè accedens, sed paulò rubicundius pedem istius montis circumdat, & reliquum discum huius Planetæ absoluit. Saturnus non immensæ magnitudinis Planetæ ex tribus corporibus compositus appareret: Vnum ovalis est figuræ in medio: duo ad latera inter quorum extrema duæ aperturæ seu hiatus, per quos Cælum videtur. Hoc mirum quod beneficio huius Telescopij Stellæ Firmamētī majores non appareant, ego puto propter nimiam ipsarum à nobis distantiam, vnde maximè Copernici sententiā de Firmamenti immensā à nobis distantia confirmatur. Hæc ille. Primùm togo per scriptis haud grauati, si tale Telescopium inuentum, nūm id fuerit ex sectione Spherica, vel Hyperbolica præparatum, & qualis proportio structuræque fuerit; magnopere enim delector illis rebus, præsertim præparandis vitis Dioptricis manu propria: vti & nuperrimè tubum opticum construxi cuius beneficio Stellas Fixas tam primæ quàm secundæ, tertiæ, quartæ & quintæ magnitudinis absque crinibus & radiis aduentitiis exactè rotundas & minimè hirsutas vel scintillantes inuariatis coloribus obsequere licet, tum quoque in vera proportionē erga reliquos Planetas Iouem Venerem, &c. Miror sanè Galilæum, Hortensium & Campanellam, per Telescopium nunquam id præstitisse vti verum. Nuperrimè cum illas obseruarem, inueni non equidem tam exiguæ paruitatis esse, vti Galilæus & Hortensius existimant, sed longè majores ita vt Stella primæ magnitudinis circiter tertiam partem Diametri Iouis adæquer, cuius rei D. Eichstadium ocularem testem habeo. Canis major licet appareat nudo visui admodum magnus ac 24 ferè major, nihilominus vix notabilis particula major quàm Aldebaram aut alia Stella primæ magnitudinis. Quod super-

est Domino Eichstadio amico meo haud vulgari plurimam à te salutem dixi, vti petisti qui iterum te quàm officiosissimè resalutare data occasione iussit, quod satis superque ex illius literis præsertim ex his verbis patet: *Ilud enim voluptate non mediocri sensu, in animo tanti Herois, in omni re literaria exercitissimū, & quod Aquila instar Cælum petis, me tantillum quoque herere. Tam diuino Viro data occasione amicissimam à me referas salutem velim. Vinam liceret mihi hanc affectionem mutuo literarum officio fouere & conseruare, certè si minus possem ingenio, modestia tamen iudicium eiu promererer. Deus optimus maximus Ipsum Reipublica literarum diu præset incolumem.* Hæc ille. Edidit nuperrimè prænominatus Dominus Eichstadius Tabulas Harmonicas cælestium moruum in folio Stetini Pomeraniæ vt & tertiam partem suarum Ephemeridum hic apud nos Dantisci, quarum exemplar tibi per nostrum Gasparum Forsterum à Domino Cramoisy Bibliopola transmittito; quas acceptare non dedigneris. Si apud vos nuperrimè aliquid noui prodiderit, quæso si libet certiorē me facias, præsertim nūm hi libri editi sint nec-ne. Primò Gassarel cribrum Cabalisticum. Secundò Gassarel *aduertissement aux Doctes. touchant la nécessité des Langues Orientales.* Tertiò Gilberti Gaulmin Liber de Ritibus Iudaicis Noui Testamenti. Quartò de Theologia Muhammedis. Quintò Gaulmin Diatriba de Apocryphis Hebræorum Libris. Sextò Gaulmin Aramice Parabolæ Turcicæ, Æthiopice & Hierosolymitanæ. Vale Vir Honorandè & literis reciprocis exhilara (Dabam Dantisci 1644. die 23. Iunij.)

Tuum

IOANNEM HEVELIUM.



Anno 1639. 1. Iunij Stylo nouo obseruata est Eclipsis Solis  
in Camera obscura per unicum vitrum conuexum,  
Regiomonti Prussorum.

Crescentis obscurationis Phases.			Decrescentis obscurationis Phases.		
Horologium accuratum.	Instrumētum Electorale. Altit. ☉	Enucleata Tempora.	Horologium accuratum.	Instrumētum Electorale. Altit. ☉	Enucleata Tempora.
Initium proximè hor. 5. min. 21. Medius Digitus hor. 5. min. 25. Hic acuminatus non rotundus apparebat.	grad. min.	Hor. min. sec.	Digit. hor. min. sec.	grad. min.	Hor. min. sec.
1. 5. 27.		5. 25. $\frac{1}{2}$ .	XI. 6. 23. 0.	14. 0.	6. 27. 0.
1 $\frac{1}{2}$ . 5. 30.		5. 29. $\frac{1}{2}$ .	10 $\frac{1}{2}$ . 6. 26. 0.		6. 30. $\frac{1}{2}$ .
2. 5. 31.	22. 20.		10. 6. 28. 0.	12. 55.	6. 32. $\frac{1}{2}$ .
2 $\frac{1}{2}$ . 5. 36.			9 $\frac{1}{2}$ . 6. 31. 0.		6. 35. $\frac{1}{2}$ .
3. 5. 39.			9. 6. 34. 0.		6. 38. $\frac{1}{2}$ .
3 $\frac{1}{2}$ . 5. 41.	10. 15.		8 $\frac{1}{2}$ . 6. 36. 0.		6. 40. $\frac{1}{2}$ .
4. 5. 43.			8. 6. 39. 0.		6. 43. $\frac{1}{2}$ .
4 $\frac{1}{2}$ . 5. 45.	19. 40.		7 $\frac{1}{2}$ . 6. 40. 0.		6. 44. $\frac{1}{2}$ .
5. 5. 50.	19. 20.	5. 31. $\frac{1}{2}$ .	7. 6. 43. 0.		6. 47. $\frac{1}{2}$ .
Hic apparebat cornibus valde densis & crassis.		5. 34. $\frac{1}{2}$ .	6 $\frac{1}{2}$ . 6. 45. 0.		6. 49. $\frac{1}{2}$ .
VI. 5. 52.	18. 0.	5. 36. $\frac{1}{2}$ .	VI. 6. 47. 0.		6. 51. $\frac{1}{2}$ .
6 $\frac{1}{2}$ . 5. 55.		5. 43. $\frac{1}{2}$ .	5 $\frac{1}{2}$ . 6. 50. 0.	10. 27.	6. 54. $\frac{1}{2}$ .
7. 5. 57.	17. 50.	5. 46. $\frac{1}{2}$ .	5. 6. 52. 0.	10. 0.	6. 56. $\frac{1}{2}$ .
7 $\frac{1}{2}$ . 6. 0.		5. 47. $\frac{1}{2}$ .	4 $\frac{1}{2}$ . 6. 55. 0.		6. 59. $\frac{1}{2}$ .
8. 6. 2.	17. 0.	5. 49. $\frac{1}{2}$ .	4. 6. 57. $\frac{1}{2}$ .		7. 2. 0.
8 $\frac{1}{2}$ . 6. 4.		5. 54. $\frac{1}{2}$ .	3 $\frac{1}{2}$ . 7. 0. 0.		7. 4. $\frac{1}{2}$ .
9. 6. 5.			3. 7. 2. -	8. 10.	7. 6. $\frac{1}{2}$ .
9 $\frac{1}{2}$ . 6. 7.	16. 5.		2 $\frac{1}{2}$ . 7. 4. 0.		7. 8. $\frac{1}{2}$ .
9 $\frac{1}{2}$ . 6. 9.			2. 7. 7. 0.		7. 11. $\frac{1}{2}$ .
10. 6. 11.		5. 56. $\frac{1}{2}$ .	1 $\frac{1}{2}$ . 7. 9. 0.		7. 13. $\frac{1}{2}$ .
10 $\frac{1}{2}$ . 6. 13.		5. 59. $\frac{1}{2}$ .	1. 7. 11. 0.	7. 20.	7. 15. $\frac{1}{2}$ .
10 $\frac{1}{2}$ . 6. 15.		6. 1. $\frac{1}{2}$ .	0 $\frac{1}{2}$ . 7. 13. $\frac{1}{2}$ .		7. 17. $\frac{1}{2}$ .
10 $\frac{1}{2}$ . 6. 16.		6. 4. $\frac{1}{2}$ .	0 $\frac{1}{2}$ . 7. 15. 0.		7. 19. $\frac{1}{2}$ .
11. 6. 17.		6. 6. $\frac{1}{2}$ .	Finis. 7. 16. 0.		7. 20. $\frac{1}{2}$ .
11 $\frac{1}{2}$ . 6. 19.		6. 8. $\frac{1}{2}$ .			
XI $\frac{1}{2}$ . 6. 20.		6. 9. $\frac{1}{2}$ .			
		6. 11. $\frac{1}{2}$ .			
		6. 13. $\frac{1}{2}$ .			
		6. 15. $\frac{1}{2}$ .			
		6. 17. $\frac{1}{2}$ .			
		6. 19. $\frac{1}{2}$ .			
		6. 20. $\frac{1}{2}$ .			
		6. 21. $\frac{1}{2}$ .			
		6. 23. $\frac{1}{2}$ .			
		6. 24. $\frac{1}{2}$ .			

In momento quasi euanescebat hîc mar-go lucidus in Camera scilicet inferior & fiebat superior non aliter ac si fulgur abortum fuisset, tuncque notauit lucida cornua cum lucida parte reliqua in circulo descripto posidere 2 12. gradus proximè.

Cùm Horologium ostenderet horam septimam cum 18. minutis, Electorali Astrolabio capta est altitudo ☉ grad. 6. min. 25. Cùm Cameram obscuram instituere vellem hor. 1. circiter, ingens Halos circa Solem obseruabatur à me cuius Diameter comprehendebat 4 13. gradus proximè, altitudo marginis inferioris Halonis erat 34. gradus circiter, M. Albertus Linnemanus Regiomonti hæc candidè scribit 6. Iunij.

Sub eodem mediæ obscurationis tempore speciosè visa est Venus, quæ post 10  $\frac{1}{2}$ . di-

git. decrescentis obscurationis euauit. Per medium foramen aliq. obseruauit partem deficientem in maxima obscuratione vix excedentem  $\frac{1}{2}$ . partes ipsius Solis, notetur. Per obscurationem secundi & tertij digiti inuenitur tempus addendum Horologio min. 4. sec. 30.

*Eclipsium Lunarium obseruationes Regiomonti per Astrolabium electorale administrata, prout subsequenti die qualibet sunt asserti publico affixa.*

Prima, anno 1635, intra 3. & 4. Martij, Eclipsis ☉ totalis cum mora obseruabatur: iuxta horologia incepit ante octauam & desinit ante nonam. Phases Astrolabio Electorali

etorali obseruata sunt hæ: Eclipsos Initium ob Cælum nubilum obseruari non potuit: Digitis vero 6. proximè eclipsatis (siquidem natus monstrosi viri in Luna maculari apparentis cum vmbra communicabat) Iupiter, Fixis non apparentibus supra Horizontem eleuatus erat grad. 56. min. 50. ad Occidentem Moræ initium sereno Cælo apparebat, cum Procyon siue Canis minor altus erat grad. 41. min. 0. ad Occidentem.

Recuperata particula lucis dimidij Digitij  $\frac{2}{3}$  eleuatus erat grad. 51. min. 40. Finis Eclipsos offerebatur cum  $\frac{2}{3}$  altus erat grad. 44. minut. 40. color erat ex rubro, flauo & subuiridi mixtus, ita vt rubor cæteris antecelleret. Præterea sub obscuracione rotius, seu Moræ initio pars  $\frac{1}{2}$  dimidiæ occidentalis multum lucida aliquandiu manebat, succedens decrescens versus Boream; albicans hic color seu pars lucidior horum dimidiam Lunæ circumferentiam ab occidentali parte per Australem plagam, vsque ad Orientalem partem, qua luminis recuperationis initium capiebat Luna, circumuehebatur continuè, parte plagâ boreali obscuro colore infectâ.

Secunda Anno 1635. nocte sequente 27. diem Augusti Eclipsis Lunæ totalis obseruata est, Phases sunt sequentes: Initium Eclipsos ostendebat altitudo Stellæ Aldebaram grad. 35. min. 40. Color  $\frac{1}{2}$  mutari incipiebat in fuliginosum, & ipsa vmbra & lux denatam faciebat sectionem. Cum tres Digitij fere essent obscurari Aldebaram eleuabatur grad. 37. min. 25. color idem qui prior. Cum Digitij quinque circiter in vmbra versarentur Aldebaram alta erat grad. 38. min. 25. colore nigro & subrufo, sub hoc tempore Ve-

nus oriens rubicunda abundè scintillabat. Cum Digitij sex in vmbra essent (cum scilicet monstrosi viri natus ab vmbra lambere-tur) Aldebaram alta erat grad. 39. minut. 20. color erat flauus cum fuliginoso participans. Cum  $\frac{1}{2}$ . Digitij lucerent adhuc eleuabatur Aldebaram grad. 40. min. 40. Color in Luna apparebat rufus. Moræ Initium notabatur cum Aldebaram obseruabatur grad. 42. m. 30. alta. Color ex parte boreali erat semper lucidior, ac notabilior, quàm qui erat in parte Australi, hic enim perpetuò crasse ruber, vel omnino niger conspiciebatur. Cæterum cum Luna esset adhuc aliquot gradus esset supra Horizontem euauit ita, vt nec nudo visu, nec etiam perspicillis eam persequi liceret. Horizon autem sæculentiorum ærem denotabat.

Tertia Anno 1636. nocte sequente 20. diem Februarij Stylo nouo. Eclipsis partialis habita. Sub initium quod accuratè satis obseruatum est per tubum: Arcturus supra Horizontem eleuabatur grad. 26. min. 0. Occidentalis. Cum quasi medium erat: vbi à  $\frac{1}{2}$ . ad  $\frac{3}{4}$ . Digitos, obscurata esset Luna Arcturus altus erat grad. 30. minut. 20. Finis Eclipsos est exhibitus cum  $\frac{2}{3}$  (nam nulla fixa apparebat) grad. 48. min. 20. præter propter altus erat, siquidem totum fere Eclipsos tempus nubila occupant.

Quarta Anno 1641. intra 18. & 19. Octobris Stylo nouo. Eclipsis partialis obseruabatur, cuius Phases

Initium contigit cum Aquilæ eleuaretur grad. 41. min. 20. ita tamen in dubium fit inter grad. 41. min. 10. & grad. 40. min. 50. ob penumbram magnam.

digitij.		grad. min.
$2\frac{1}{4}$ .	Aquila lucida alta	40. 40.
$3\frac{1}{2}$ .		40. 20.
$4\frac{1}{4}$ .		38. 10.
$5\frac{1}{2}$ .		37. 0.
$5\frac{1}{2}$ .		36. 0.
6.0.		35. 18.
$6\frac{1}{4}$ .	Digitij cum vmbra raderet medium lucidioris maculæ, sub maximè albente circello nasi Lunatis; nec enim ulterius crescebat vmbra, hinc medium, Eclipsos concludabatur cum eleuaretur Aquila grad. 33. min. 36.	

Digitij.		grad. min.
6.0.	Aquila alta	32. 30.
$5\frac{1}{4}$ .		30. 43.
$5\frac{1}{2}$ .		30. 0.
$4\frac{1}{2}$ .		29. 55.
4.0.		28. 48.
3.0.		28. 7.
$2\frac{1}{4}$ .		27. 40.
2.0.	Digitij cum obseruaretur altit. $\frac{2}{3}$	7. 10.
	altitudo $\frac{1}{2}$	23. 55.
$1\frac{1}{4}$ .	altitudo $\frac{1}{2}$	24. 0.
$0\frac{1}{2}$ .	altitudo $\frac{2}{3}$	5. 27.
	Finis exactè capiebatur cum Aquila eleuaretur	23. 45.

Quinta Anno 1642. intra 14. & 15. Aprilis Eclipsis  $\frac{1}{2}$  hora 12. noctis horologio ingruerat denso nebula vbi lucida Lyre eleuaretur grad. 52. min. 30. alt  $\frac{1}{2}$  grad. 18. min. 5. in hisce nebulis fortidus obscurata) nullatenus apparuit.

Clarissimo, Doctissimoque Viro Domino  
PETRO GASSENDO, S. P.

It Amplissime, Fautor & Amice meum honorande,

Dulcissimæ nostræ confabulationes diu satis siluerunt, hinc tribus efficiam vt rursus submurmurante audiantur nostri susurrus ex colloquiis nostris variis & mihi maximè gratis Dantiscij habitis, eum nuper relegerem Diarium, sese offerebat dubium ventilarum de vera differentia Meridianem Dantiscan & Regiomontani, quam denuò ventilaui & adhuc dum maiorem 7. minutis temporis constitui non debere affirmo, quod euincam ex tribus Eclipsibus Dantiscij & Regiomonti habitis: quæ simul ansam dabunt intelligendi differentiam meridiani nostri & Steri-

nenfis

nensis & Amstelodamensis & Massiliensis, prout nunc ex subjectis patefcet.

*Prima* Eclipsis ☽ contigit anno 1635. 3. Martij, in qua moræ initium diuersis locis obseruatum est. Amstelodami ab Hortensio cūm Regulus ad Ortum altus erat grad. 52. min. 36. ex litteris Hortensij ad M. Cragerum. Stetini à D.Eichstadio, cūm idem Regulus ad ortum altus esset grad. 41. min. 13.

In Pædia Astronomica pag. 128. Dantisci à M. Crugero P. M. per accuratum Horologium ad Solem rectificatum horâ 8. min 47. in litteris Domini Crugeri ad Linneemannum, Massiliæ à Doctissimo Gassendo & Peirescio medium obseruatum est horâ 8. min. 45. In vita Peirescij pag. 307. Regiomonti à memetipso cūm nempe Procyon altus esset ad Occasum grad. 41. min. 0.

Hinc Instituto calculo.		Ergo differentia Meridianorum.	
Amstelodami contigit	hora 7. min. 51.	Regiomonti & Dantiscani	min. 7.
Stetini	hor. 8. min. 27.	Regiomonti & Stetinenfis	min. 27.
Dantisci	hor. 8. min. 47.	Regiomonti & Amstelodamensis	h. 1. m. 3.
Regiomonti	hor. 8. min. 54.	Regiomonti & Massiliensis	h. 1. m. 1.
Massiliæ ( dimidia morâ 52. min. subtrahâ.)	hor. 7. min. 53.		

*Secunda* Eclipsis Lunaris accidit 1641. 18. Octobris, cuius finis obseruatus est Dantisci per temetipsum, Honoratissime Amice. Horologio ad Solem correcto horâ 9. min. 51. Regiomonti verò à memetipso cūm Vultur volans siue Aquila ad Occidentem eleuaretur grad. 23. min. 45. scilicet horâ 9. min. 56. sec. 32. in quibus 7. minuta temporis nondum concluduntur.

*Tertia* Eclipsis Solaris est obseruata anno

1639. 1. Iunij in diuersis locis. Leydæ in specula Academica, Finis Eclipsos cūm Sol eleuaretur grad. 6. min. 27. sec. 19. Hor. 6. min. 28. Ryper in literis.

Hor. 7. min. 15. Dantisci finis est obseruatus ex literis tuis.

Hor. 5. min. 26. Regiomonti initium.

Ex hisce obseruatis iuxta præcepta 175. & 176. Kepleri in tabulis Rudolphinis eliciuntur.

Primò ad initium Regiomonti.			Secundò Dantisci finis.			Tertiò Leydæ finis.		
	grad.	min. sec.		grad.	min. sec.		grad.	min. sec.
Locus ☉	20.	49. 4. II		10. 52. 25. II			10. 51. 32. II	
☽	19.	24. 0. II		19. 24. 0. II			19. 24. 0. II	
Distantia ☉ à ☽	8.	35. 0.		8. 32. 0.			8. 32. 0.	
Latitudo ☽ Borealis.	0.	47. 23.		0. 47. 7.			0. 47. 7.	
Summa Semidiametrorum.	0.	30. 35.		0. 30. 35.			0. 30. 35.	
Tempus Anom. 6. d. 11. h.				6. d. 13.			6. d. 13.	
Parallaxis ☽ à ☉ Horizōtalis. o.	59. 25.			0. 59. 38.			0. 59. 38.	
Parallaxis ☽ à ☉ longitudinis. o.	39. 48.			0. 39. 29.			0. 42. 20.	
Parallaxis ☽ à ☉ latitudinis. o.	37. 53.			0. 43. 59.			0. 39. 44.	
Latitudo ☽ visa Borealis.	0.	9. 30.		0. 3. 8.			0. 7. 23.	
Distantia Centrorum.	0.	29. 4. subtr.		0. 30. 26. Add.			0. 33. 25. add.	
☽ locus elicetus.	10.	59. 48.		12. 2. 20.			12. 7. 17.	
Superatio ☽	0.	10. 44.		1. 9. 55.			1. 15. 45.	
Motus Lunæ horarius ☽ à ☉. o.	30. 41.			0. 30. 45.			0. 30. 45.	
Superatio in tempus versa.	0.	20. 59.		hor. 2. 16. 25.			h. 2. 0. 27. 48.	
Differentia superationis Regiomonti & Dantisci, hor. 1. min. 55. sec. 26.				Differentia superationis Regiomonti & Leydenfis, hor. 2. min. 6. sec. 49.				
Initium apparens Regiomonti, hor. 5. min. 26. sec. 0.				Initium apparens Regiomonti, hor. 5. min. 26. sec. 0.				
	hor. 7. min. 21. sec. 26.				hor. 7. min. 32. sec. 49.			
Finis apparens Dantisci, hor. 7. min. 15. sec. 0.				Finis apparens Leydæ, hor. 5. min. 26. sec. 0.				
Differentia Meridiani Dantisci & Regiomonti, hor. 0. min. 6. sec. 16.				Differentia Meridiani Regiomonti & Leydæ, hor. 1. min. 4. sec. 49.				

Hiscè tribus argumentis accedit relatio quorundam Nautarum, qui per Mare Balticum Dantiscum proficiunt, quorum quidam 14. milliaria, quidam 16. audacter: quidam 18. milliar. meticulousè directum hoc iter constituunt: sed 7. minuta in tali ductu paralleli exhibent 15 $\frac{1}{2}$ . milliaria quæ omnino egregiè conueniunt: Hinc minus dubitanter assero vltra min. 7. pro differentia Meridiani in tempore siue grad. 1. min. 45. assumi non

debere: ex quo patet differentiam Meridiani Regiomontani & Vraniburgensis minorem min. 38. constitui debere. Vale Amice optime. Dabam Regiomonti die 10. Ianuarij. 1644.

M. ALBERTVS LINNEMANNVS  
Maib. P. P. Facultis Philosophicae pro  
tempore Decanus.

Amplissimo



*Amplissimo & Perillustri D. D. PETRO  
GASSENDO, S.*

**A**mplissime Domine

Tuas literas humanitate plenas iam tandem aliquando recepi, & in ipsis mentem illam tuam, quanta est, admiratus & veneratus sum. Faues & gratias agis, & vis videri honoratus quod honorem impenderis. De satellitibus Reichanis non multum disputo, auritus omnino testis, vr in Iudicio expono, vbi ex hypothesi locutus sum. Sed an illa ipsa hypothesi debeat admitti, non bene valere decidere. Ad Illustrissimum Ghisium sic scripsi, *Demonstraturum sum vel Reichanas observationes infideles vel Stellarum observatas circa Iovem Erraticas.* Et sub finem, de illis (nimirum Satellitibus nihil possum adfirmare aut destruere; hac enim scribo secundum post Plenilunium die, & tamen si Iouis Galileanos satellites clare conspiciam, novos istos, sed neque minimissimas Stellas Firmamenti sub Plenilunium observabiles ipse reperio. Reithana insisto observationi, quia si exacta, &c. Et meus Discipulus Franciscus Csenneinan, cum ad Bottynum librum mitteret, sic inquit, *Nihil hodie celeberrimum in Europa Saturno & Iovis Satellitio nuper invento..... Afferit Francoscopus vigilantissimus Antonius Reitha, negat Doctissimus Petrus Gassendus: Medius interest Ioannes Caramuel..... Ille se Saturni & Iovis Satellites videre & observare constanter affirmat, alter hos ipsos Fixas Stellas suspicatur: at media via Caramuel, vel Reitha observationes falsas, vel Gassendo non standum demonstrat.* Ecce vides me observationem illam velle supponere non examinare; Qui enim alienas tueri vellem, qui proptias ante limam collationem & priuatam censuram amicorum non audeo? Nec temere Rheitæ creditur: hominem enim cognosco familiarissime, sanctum & doctum; sed qui decipere non vult, falli potuit, & hac via vel inuitus decipere. Dabit Deus vr suos ipse oculos nobis concedat, nam tubum habui, & novos illos satellites non vidi, fortè etiam in Syderibus sicut in altis nominibus requiritur sua fides & affectus pius, sine quibus nemo ad sensum præbeat, aut effectum obtineat. Et quidem vr existimo, stabunt mea illa duo Theoremata, & tua etiam vigebit suspicio; & si sit error aliquis, erit ex parte observationis, quam nunquam defendere libuit. Sed neque hunc libenter admittam, maxime cum & Scheinerus plures plures Satellites quàm quatuor à multis annis observauerit.

Diametri visæ & veræ in Planetis proportio pulchra est, & tota tibi debetur, quia tota ex tuis observatis eruta; Mihi solum illationis gloriam adtribuo, & illius veritatis notitiam ex tuis observationibus feliciter diduxisse congratulor.

De motu Veneris aliqua specialia suo tempore, & idèd nihic hîc reponam, maxime cum omnes observationes eius difficiles &

videantur arguere eam esse Soli valde excentricam, & per consequens Tellurem quiescere, quod non omnes admittunt.

Calignoni auctoritati multum detuli; nam & ego homo qui erro sæpè, & corrigi desidero, non carpi. Ipse Angelus haberi non vult, nec ego illi viros magnos præponi; satis doctus qui in re tam subtili errare potuit. Illud enim ipsissimum periculum, quod instituit sine magna Geometria & Astronomia notitiâ non incipitur. Rhombum pro quadro in lapidis Herculei superficie, quam respicebamus, expressum notavimus nonnulli à multis annis coram expertissimo adamanticiâ. Et ille non erat artis suæ ignarus, inquit, qui hunc errorem commisit. Et merito, magna enim industria & arte opus, vr eo adamantem promoveas poliasque, vr possis de laterum inæqualitate tantum argui. Hoc idem denobili illo Delphinate sensi dum scriberem, hoc ipsum etiam nunc de eius eruditione sentio.


Sed quia dum gratularis, illa hîc tamen brevissimè refutam; sub onere tamen, quod recognoscas, & libertimam censuram remittas. Herculeos frustra labores Tycho Brahe in multis occasionibus perdidit, quod innixus hypothesi dubiæ aut falsæ. Eesses mihi crudelis si methodum meam, quæ magnis mihi laboribus, incommoditatibus, imò & morbis stetit & stat, non corrigeres, non faciliiores, si me vel errare, vel exorbitare animaduerteres. Lege, relege, examina, & hominem etori obnoxium Angelico tuo ingenio dirige.

#### *Modus mensurandi Tempus.*

**M**ultos habuerunt veteres omnes tamen dubios incertisque; incapaces, qui possent astronomico rigori servire. At nostro ævo oscillationes sunt inventæ quibus tempora exactè metimur.

Provt à suo Authore tradita, bonæ & securæ sunt, vix sensibili errori obnoxia; at provt à me promotæ, videntur inæqualitatis omnem causam vitare, omnem suspensionem effugere. More meo brevitati studebo, oscillatorumque ab ipsâ conceptione & embryone in perfectissimam figuram deducam.

#### *Inventio.*




**P**rimum pendulum quo sumus vsi, filo & pondere, consistit, vr præsens figura manifestat, in quâ à puncto C. plumbum B. filo C. B. appenditur.

Pronun

Pronuntiamus omnes excursus esse Isochronos, hoc est fieri eodem omnino tempore, unde seu pondus à lineâ perpendiculari extraheres ad D, seu ad O, seu ad E, Isochronò motu ad B, excursurum. Sed tamen si experientia videretur succedere in inferioribus semicirculi gradibus, hoc est prope B, in superioribus, nimirum prope E & G non succedebant. Inquirentibus causam occurrit plumbum B, non formare lineam Sphæricam, sed quasi Ellipticam. Nempe F H I B, nam constituto in I, filum E N I, non tenditur per lineam rectam sed arcuatur suo pondere in N aut etiam in M, plumbo in H, constituto.

Hæc motus varietas etiam tempora alterat, certum est enim, si paria sint reliqua, velocitas casurum plumbum ab F quàm à G.

Lineas has describenti occurrit excentricitatis & Ellipticos Planetarum saluandæ aut ratio aut suspicio. Nam Errones nec moveri in concentricis nec in circulis iam satis notum est; Periodis suis Ellipses imperfectas describunt, & plus à terrâ aut centro suo distant in Apogæo; minus in Perigæo, & in locis mediis nonnihil à circuli perfectione deficiunt, sed an hæc ipsa mechanicè saluari possint periclitaberis in delineatione subsequenti,




Sit in præfenti Figura B oscillatorij cætrum D plumbum: si integram periodum conficiat, non describet circulum D M F G, sed lineam DIKLAOD, filum enim suo pondere incurvabitur, & solum coget centrū versus. Lineam A S divide in duas partes æquales in C. Et centro C, radio CA vel CS, duc circulum A V S A, & T H D K T, qui Ellipsin in duobus punctis T & D continget. Postea centro B & radio BA duc circulum A E R S: Et centro iterum B, & radio BD, circulum FGDMF. His perfectis si ponas oculum in B non-ne habebis delineationem Theoriæ Solis? aut si Solem in B non-ne iter Saturni, Iouis, aut Heliocyclij cuiviscunque? An non B erit centrum, BC excentricitas, D Apogæum, A Perigæum, A E R S A concentricus concavus, F G D M F concentricus convexus K D crassitudo orbis deferentis augem, A F eius complementum. T A, aut S D crassitudo orbis deferentis.

Epistola ad Gassendum.

tis? An non plumbi Diametèr in I, K, & L obliquè incidens circulum in latera contrahet, & Ellipsi similem arcum formabit? Patet omnia ad oculum ostendi. Planeta erit in D Apogæo tardior, in T velocior, non solum respectu oculi positi in B, sed etiam respectu positi in C; quia quod à centro B remotior eo ipse tardior; quod & etiam in suo Marte olim Keplerum observavisse meminimus.

Quid si cælestia sic? Sed quali filo ipsa librata? Radio visuali simili, quem non esse rectum sed in medio vaporoso grauescere & incurvari ipsemet refractiones manifestant. Non enim iis adstentior, qui in sola superficie illas concipiunt, nam si radij in ea refringerentur, æquales essent in eadem superficie, at in vino maiores refractiones sunt quàm in aqua tametsi superficies sit eadem: Ergo præter superficiem etiam datur ipsa materię qualitas radium inficiens & incurvans & elevans. An non & in Magnete suos etiam radios & hos inaisibiles, imò & malè rectos percipimus? Ergo hinc non suboritur virgenda repugnantia; nulla igitur sublatet, aut veniet aliunde querenda.

#### Correctio Prima.



Observaverimus filum inflecti distantias centri & plumbi contrahi, motum versus F intendi, & ut exorbitantiæ occurreremus ex solida materia fudimus oscillatorium, cuius pondus B esset adnexum virgæ ferreæ tantæ crassitudinis quanta inflecti non valeat. Et onus hac linea delatum tantum distabit à C in B, quantum in D aut in O.

Sed & hæc oscillatorium tamen in inferiori arcus parte non deuiaret ab æqualitate quæsita non satisfaciebat voto dimissum ab E, aut aliquo gradu illi proximo, adeoque ne semper teneremur cautè illud à D aut O dimittere speculandum fuit, qui posset corrigi hæc inæqualitas oscillatorij?

#### Correctio Secunda.




Iussit fundi æneū circulum Digito crassum, cuius radius seu Semidiameter esset Digitorū quinque, nepe ABCD. & in acie cultro simillimâ suspēdi ab A, & expertes sum adhuc superiores gradus meliùs ad æqualitatem reduci. Sed quia etiam varietas impulsus & formæ

S s debebat

debebat aërem frangere & frangendo impediri, quærenti, quæ fieri oscillatorium posset, quod aëre non frangeret, hæc idea occurrit.

*Correctio Tertia.*



Circulos æquales priori ex bene purgato metallo binos apparo, & ita omnia dispono, ut unum & idem sit centrum figuræ & motus, vel dente superposito ut in O, aut radio dependente ut in P. sed quia maius pondus inferior requirebat pars, ut oscillationes excurrerent, paravi binos alios ex ligno & in G partem plumbi fudi ut illac ponderosiores essent. Et optimus successus fuit.

*Correctio Quarta.*



Tandem rebus omnibus consideratis, placuit oscillatorio ultimam perfectionem tribuere, & curavi ex materia leui (pinum elegi) Sphæram exactissimam tornari, iam perfectæ acus polares AB. posui, quibus liberrimè moveretur, & latere ad perpendicularum perforato in C. plumbi libram inseri ut latius lateri præponderaret. Hoc, in quo centra motus & figuræ coincidunt, aëre non frangitur, & omnes excursus Isochronei, & exactissimi videntur esse. Globus iste, vel leniter motus, longissimo tempore nutat, vacillatque & si in C aut puncto eidem aduerso pingatur notula obscurioris coloris, poteris clatissimè & distinctissimè oscillationes, etiam in parua Sphæra numerare. Tantæ molis erat præcisè noscere tempus, sed quo præcisè cognito in reliquis non possis errare.

*Modus mensurandi Lunæ Diametrum.*

Sæpè Quadrante, sæpè Radio etiā 30. pedum ad hoc solum parato, sæpè aliis instrumentis fuimus vsi, at semper dubij de tribus, imò de quatuor minutis. Lux Lunæ viuida; oculi debiles, nec vnumquam sufficientes eius extremam peripheriam distinguere. Radius transmissus per foramen ambiguus & obscurus, per tubum multo incertior; & tamen me tenet obseruandi ambitio, & præcisionem non despero.

Appenditur chorda bene rotunda, bene tensa perpendicularis, crassa medio digito. Et in azimutho noto oculus constitutus & tubo Bataunico armatus percipit Lunæ ad huius-


modi chordæ appulsus. Cum Contactus percipitur, manu plauditur, & minister numerare oscillationes incipit, quousque tota Luna transierit. Si non solum totam Lunæ Plenæ Diametrum, sed & multarum macularum loca determinauim. Cognito oscillationum numero tempus cognoscitur, quod cum Lunæ azimutho & altitudine collatum exactissimè dat magnitudinem.

Sed quia Luna non semper perfectè est Sphærica quantum deficiat, & qualiter potest exactè definiri, si diuersæ chordæ ponantur, & intra eandem horam (Diameter non potest imitari sensibilibiter tam breui tempore) diuersæ obseruationes fiant. At quia funiculus triplex difficile rumpitur, tres ponamus. Prima chorda decedat perpendiculariter; secunda sit axi terrestri parallela, tertia per Meridianum ducta parallela Horizonti distet à Terrâ aliquot vlnis. Notato bene tempore obseruato primò quot oscillationes in transitu suo impendit ut azimuthum determinatum Luna superet, quot ut polarem, quot ut alteram lineam (quam placuit domesticam dicere, quod circulo magno respondeat, ibi Horizontem procedenti ubi ipsæ & Meridianas à circulis domorum diuiditur) & postmodum collatis diuersis obseruationibus diuersæ malè rotundæ Lunæ noscuntur Diametri.

Sed semper aduertendum, Parallaxim refractionemque in medijs gradus differentiâ (non est Luna maior) non multum alterare obseruationes possidet ab huiusmodi etiam parulis scrupulis immunes obseruationes illas, quæ vtuntur perpendiculari, oculo in noto azimutho composito, quoniam nec refractione nec Parallaxim perpendiculari variant.

Loco chordæ non æquè securè vteris edificio, nam anguli non ita acuti & perpendicularares ut velis, & lapides non semper coherem ad amussim, adeoque tutius & facilius chorda, modò eius locum prius mediocriter exploratum habeas. Mediocriter inquam, quia si in Meridiani designatione, aut cuiuscumque alius azimuthi definitione medio gradu erretur non alterabitur Diametri Lunaris obseruatio.

Magnitudinem visam ad veram reduces,




adaotando Lunam in vertice sexagesimæ suæ distantia parte aut circiter propiorem, adeoque maiorem videri, quam si esset in Horizonte constituta, ut patet in presenti schemate: Nam linea CB, est maior linea AB, quasi integrâ Telluris Semidiametro, vnde si Luna in C distet à B Semidiametris 60. distabit in A solummodò 59. si in C videatur min. 30. in A videbitur min. 30. sec. 30.



*Modus mensurandi Solis Diametrum.*

**R**adio transmissio per tubum, vitrum, aut nudum foramen assequi magnitudinem Solis impossibile est, semper enim aut radij refringuntur aut vltimi Regionem vicinam illuminant & Solem exhibent multo maiorem vero. Sed non omnino eius quantitatem ignoras, si scias esse tantâ maiorem. Quadrante vix quidpiam assequimur, nimirum enim sese ipse splendore tuetur & defendit. Hac ego vtor methodo, Chordâ (aut ædificio perpendiculari, si lapides bene cohæreant) vsurus, oculum in azimutho determinato constituo, & transitum Solis obseruo. Si transmittere radium libeat (hoc enim facilius est) nemo negare poterit percipiendum esse in transmissio radio cum primum Sol ædificium aut chordam perpendicularem attingat; ab eodem puncto incipiant oscillationes numerari, quovisque Sol totus immersus sit, & cognitis tempore, azimutho, declinatione, & altitudine, nemo puer Diametrum poterit ignorare, præcipue si Meridie obseruet.



Modus hic à Langreniano sicut & arte, sic etiam securitate & præcissione dissidet: Ipse enim Solem tubo transmittit, ita vt in area aduersa limbo anteriori lineam BC tangat in A & oscillationes numerat, quovisque posteriore eandem tangat, sed quia vitri fallaciæ satis tibi sunt notæ, non est cur immerer in hoc modo inpu gnando. Melius adhuc esset per nudum foramen vt Keplerus faciebat radium promittere, sed vt notaui- mus superius reperiremus Solem multo maiorem vero. Ergo bene ad submersionem per ædificium aut transitum per chordam recurritur: quia siue Sol appareat in radio magnus siue non, incipit deficere cum primum ad perpendicularem appulerit, nec prius ab umbra explicabitur in radio transmissio, quam in Cælo.

*Modus mensurandi Diametros Planetarum & Stellarum.*

**P**raxi eadem quæ in Luna, tubus alter. Non sufficiunt Batauici huic ministerios sed dabo nouum, cuius fabrica facilis sit. Ex optimo vitro circulum quasi quatuor digitorum latum excide, & cura ita ex vno tantum latere potiri, vt cohexum maneat, & respondeat portioni circuli, cuius radius sit quasi trium pedum. Appone tubo ductili,

*Epistola ad Gassendum.*

& in parte aduersa tubi laminam perforatam sed carentem vitro. Paulatim tubum produ-ue, quovisque Stellæ imago rarefacta incipiat sinuosa & malè circinnata videri; tunc cessa, sinus enim, si magni, obseruationi officerent. Erit igitur tibi Iupiter similis palmæ manus, Mars Tetræ æqualis, Sidera priui honoris satis magnæ & reliquæ vt crassissimus. Digitus. Si igitur in Meridiano constitutus contactum Iouis & ædificij perpendicularis obserues, & à puncto contractus Oscillationes numeres, certo scies quantum temporis in occultatione impendatur, quod si oscillatorium trium aut quatuor Digitorum radium exaquet, erunt tam frequentes recurfus, vt in vnius Planetæ occultatione quadraginta aut plures numeres & possis de vnico iudicare. Hac etiam methodo distantias Iouis & satellitum aliquoties securissimè dimensus sum.

Con dona, Humanissime Vir, breuitatem homini occupatissimo, non enim vberius debuerunt deduci quæ ad expertissimum doctissimumque mitterentur. Omnia scripsi quia satis scripsi, non enim debebam rebus notis vulgaribusque aut te onerare aut tempus sine causa consumere. Vnum superest, vt singula digneris examinare, singula alta mente perpendere; Obseruationes aliquot (paucas quidem, octo vel decem de singulis Planetis, si Lunam excipias de quâ plurimam habeo, & obseruandi difficultate terreor, mihi minus confidens, ne olim errorem in methodo visurus sim qui hodie latet, & perditurus sum oleum operamque fauebis si nihil vrbانيتati, nihil amicitiæ, nihil personæ meæ deferas; sed potius liberè aut corrigas, aut reiicias, quod expositum errori appareat, non enim ambio doctus excurrere, sed esse, & Parisios vsque excurrerem, vt vel vnam discerem veritatem.

Te ante annos aliquot, imò etiam Peireskium, qui magnus fuit & à te depictus iam est maximus, Selenographiæ vacasse à meo Puteano accepi, & desiderari aliquid obtinere, quod posset meum opus exornare; si dignus videat cui delineationes mittas, articulis cuiuscumque pacti stabo. Primum æri incisæ facili negotio in chartâ excudi possunt, & in Epistolâ per Tabellarium ordinarium transmitti. De nondum exculpis, sed pictis maior videtur difficultas, sed quæ vinci eodem modo possit, si duæ vel tres præcipue mitterentur, vt ego curarem exscribi & remitterem post paucas septimanas. Celebrabimus obseruationes tuas in nostro opere, & quia Cælum Cælo correspondet, inde etiam nostra confirmabimus. Occultationem Quadrilateri Pleiadum non poterit cõmunicare VVendelinus longè absens, facilius erit tibi præcipue Amanuensi, vt vnam copiam ad me mittat. Nominibus amicorum Promontoria, Insulas, & Valles hucusque distinximus, tibi nec-non Peireskio tuo, Merfeno & Naudæo, aliisque vitis magnis loca competentia assignauimus, placeat enim Illustrium Hominum famam prouehere, imò & Cælo donare. Sed & no-

S: 2 mpa

mina illa à te transmissa placuerunt omnino, & quantum liceat pleraque retinebo, eroque in omnibus ingenij tui admirator & laudum præco. Vale Spiræ 8. Iulij 1644.

*Amplissima & Perillustri Dominationis tue servitor addictissimus,  
I. CARAMVEL LOBKOVITZ,  
Abbas Disembergenfis.*

*Amplissimo & Perillustri Domino, Domino PETRO GASSENDO, Di-  
niensis Ecclesie Præposito, Domino suo  
colendissimo, S.*

**P** Ideas mecum, Amplissime Vir, Gallos abscites amo, diligentius quam alios veneror suspicioque, præsentis timore & fugio. Spiræ eram, & irruente Christianissimi Regis exercitu excessi, & Francandaliani appuli, ubi literas tuæ Dominatibnis auidè expecto. Duas scripsi; alteram de sententia illa Parisiensem, quæ Pontificem Concilio Generali supponit; alteram de modo observandi Diametros Planetarum, & Stellarum distantiam. Priorem dederit, ut opinor, Reverendissimus D. Merfennus, & Tabellarius posteriorem. Has addo, ne fortè contingat, ut responsum Spiram destines, & recuperare inde non possim, quia inter Spirenses & Francandalienses nulla communicatio, tametsi ditemus quatuor leucis. Vive, & Vale, Vir Optime, & me Deo & amicis commenda. Francandaliæ, quæ Palatinatus inferioris Metropolis; die 10. Septembris 1644.

*Amplissima & Perillustri Dominationis tue famulus ad me omnia paratissimus, I. CARAMVEL LOBKOVITZ, Abbas Disembergenfis.*

*Cereberrimo Viro, fautori suo, Optimo  
D. PETRO GASSENDO,*

HENRICVS BORNIVS S.P.D.

**E** Mmane quantum doleo, Magne Vir, quod ultimæ, quas ad te ipsis Kalendis Maijs dedi, literæ, Tabellariorum incuria alicubi oberrantes, in manus tuas non peruenierunt, non adeo quia sic iure merito tibi visus fui officio meo defuisse, quam quia per illas te certiorum reddideram quorundam, quæ scire tua intererat, illorum nimirum quæ impressionem Epistolarum tuarum fidei meæ commissarum, spectabant; scripseram enim Elzevirios qui Leydæ degunt operam in se suscepisse & fidem dedisse se absoluto incomparabilis Salmasij de Casarie Virorum & mulierum cõna scripto, scripta tua statim prælo esse subiecturos, addideram Dominum Heereboord summopere gauisum fuisse, quod illum tanta humanitate resolutasset, & nisi me fallit memoria, aliquid etiam notaueram de Thra-

sonicis Cartesij super ultimo tuo contra illum scripto, dictis, scilicet illum scitanti-  
bus discipulis quando se ad refutandum illud accingeret, nihil aliud solum esse responsum dare, quam te mentem illius non cepisse, se tamen ut illis morem gereret aliquid annotaturum in noua sua Philosophia (quæ iam in lucem prodit) ex quo vel puer minimus illorum nodos, quos ipse nexueras, posset soluere. Summum viri ingenium exolucor, sed hunc agendi modum præsertim in causâ mala ubi ipsi semper hærebit aqua, cæne peius, & angue odi, non Philosophi, sed profani vulgi illum esse iudicans, effutiat, quæcumque in buccam venerint, nunquam tamen efficiet quominus illius Metaphysica in posterum à solidè eruditis sibilis & cachinnis non excipiat, & nullus dubito quin nisi hac nuper edita Physicæ parte, damnum, quod ex nominata Metaphysica passa est eius fama, refarciat, Philosophi nomine apud multos excidat. Tuarum sanè videtur esse partium, Virorum Optime, & illam examinare, & quos ibi fortè an repereris errores Mundi oculis subicere, hoc mecum à te flagitant summi & principes Bataviæ nostræ Viri: qui quotidie vota illa concipiunt, quibusdam ex illis promittere debui, me submisit à te illud esse petitum, præsertim cum me non omnino desperare significarem te fortassean pro tua in me benignitate, & summo erga omnes, quicunque tandem sint, qui veritati litant affectu, nos voti non esse damnaturum. Ut itaque promissis stem, illud à te oro petoque ardentissimis precibus, dummodò res tuæ illud ferant, certus te æternum hoc nunquam obliuiscendo beneficio nos omnes obstrictum esse. Cæterum cum me iam mihi vindicarem ex negotiorum illorum fluctibus quibus miserè, postquam peregrinabundum pedem in patriam retuli, implicitus hæcenus fui, meque relictis cæteris omnibus, quæ vulgus curare solet, veritati inquirendæ consecratum tu sat scis, Summe Vir, æqui bonæque consules, si tuam subinde mihi operam poscam, quam si mihi concedere digneris, conceptissimis tibi iuro verbis te summa illa beneficia non esse perditurum, verum me id operam esse latum ut aliquando scias cui illa dederis. Vale inter cætera, rerum mearum dulce decus, & me tuam summam cum veneratione amantissimum amare ne desine. Dabam tolutim Trajecti ad Rhenum anno  
à Christo nato 20.  
Septembris  
1644.

PETRO GASSENDO, *Viro verè Sapientis, & Philosopho Lynceo,*

A. PRATÆVS S.

**E** A semper fuit animi mei in te pro-  
pensio, & vt ita dicam, impetus, ex  
quo diuina illa tua & plusquam magnetica  
virtute tactus fui, vt præ te, nullum ex tot  
claris Viris qui literatium orbem scriptis il-  
lustrant, aut amem impensius, aut colam  
studiosius, aut mente & oculis geram læ-  
pius & incundiùs. Tu certè iam factus mihi  
videris melior pars mei, quippe qui licet  
absens, præsens & præses & consiliarius  
interis omnibus consiliis cogitationibus-  
que meis omnique vitæ meæ rationi, quam  
tu moderaris & temperas præceptis & exem-  
plo, dum ad illa pro ingenij tenuitate me  
compono. Vix prima lineamenta magni il-  
lius capitis, & fortis illius Philosophiæ pec-  
toris, quo tu præ ceteris vales, me ex-  
pressisse scio, ita mihi aduersatur mea Mi-  
nerua: mihi tamen valde gratulor, quod in  
mente, tanquam in tabula, tui quædam ve-  
stigia agnoscere videar, aut saltem vmbulæ  
quandam speciem, hanc ita amo, ita deos-  
culor, vt qui me semper, vt par fuit, parui  
fecerim, iam illius causa, me aliquo in præ-  
tio habeam. Amore quidem & intimo cordis  
affectu, Gassendum alterum me iamdu-  
m factum sentio: Quod & omnes agno-  
scunt ex ore dictisque meis, quoties nomini  
tuo inscribendi datur occasio, morum tuo-  
rum suauissimum factâ tui quadam ima-  
gine, datâque doctrinæ tuæ leuissima idea  
tis qui tui desiderio & admiratione tenen-  
tur. Hinc intelligere potes, Vir Clarissi-  
me, quæ causa me ad scribendum impule-  
rit: nempe, dum multa tui virtus noctu  
diûque animo recursat, hærentque infixi  
pectore vultus verbâque: non potui me  
diutius intra silentij limites, quos mihi  
propria verecundia, tuarum occupatio-  
num grauitas, & studiorum dignitas, præ-  
scriperant, continere. Accipe igitur æquo  
animo hæc incorruptæ reuerentiæ & nun-  
quam intermoriuri cultus, sincera testimo-  
nia. Beaueris certè, si Pratæum tuum ægi-  
des xpi aliorum factum, quasi tuum beneuo-  
lentia fouere & amplecti pergas. Sed hæc  
plus satis tibi virosum optimo: non tamen  
finem facio, etsi sciens vidensque præter-  
grediar omnem reuerentiæ modum. Scias  
velim, quod cum institutionibus anatomicis  
Casp. Bartholini Lugdunî Bat. excusis,  
Gallicis faciendis nuper operam dedissem,  
totus gaudio percusus fuerim vbi perueni ad  
eam Ioannis Vallæi Medici Epistolam de  
motu sanguinis ex mente Haruei, quæ hu-  
ius operis Anatomici seriei fuit intertexa, in  
qua tui mentio facta est hisce verbis: *Re-  
fert Petrus Gassendus, Vir eruditus & candi-  
dus exercitatus. in. Fluddan. Philosoph. part. 3.  
cap. 17. vidisse se Payanum ostendentem septum*  
Epistolæ ad Gassendum.

cordis intermedium per varios meandros, flexu-  
ososque quasi cuniculos peruenit esse: cõsi-  
que posse inueniri, si stylo in foveam aliquam  
leuiter immisso, cum sursum deorsum & ad  
latera patientissimè contorqueas & ulteriorem  
aditum semper explores, usque dum eius extrê-  
mum inuenias. Et reuera id non raro succe-  
dere sum experti; sed obseruauimus simul  
eas vias, eos meandros nequaquam à natura  
factos esse; sed à stylo aut crispide cultri, dum  
facta viam aperimus aut ulteriorem quarti-  
mus: earo enim cordis ita tenera simul & con-  
sistens est, vt minime rei perforantis attactu  
statim disrumpatur, & cauitatem relinquat;  
adeo vt & latera cordis ita potuerimus per-  
uenia inuenire. Tu si quid habes aut experi-  
mentorum, aut rationum, quibus senten-  
tiam tuam tueri possis & velis, ad me per-  
scribito, vt si per te liceat, instar appen-  
dicis operi anatomico attexam. Chyli viam  
ad epat per meatum biliarium; tum ex Vi-  
ta Peireskiana, tum ex sermonibus fami-  
liaribus te aperuisse, antequam Acellius la-  
tæas venas demonstrasset, probè mementi-  
ni. Ego qui in te Anatomica nullam opini-  
onem temerè reiiciendam puto, præstet-  
tim si à viris grauissimis, & ingenij acu-  
mine iudicijque pondere præstantissimis,  
proponatur, tuam percellim plenius hac  
in te nosse. Si quid pro tua in perspicien-  
tia viri, solertia, in corpore humano ob-  
seruaueris, hæc tunc aliis incomptum,  
communicatum mihi non dedigeris, qui  
indicato Authore, & veluti fonte, ad com-  
munem vtilitatem sum adlaturus. Scio te  
in vtroque Mundo, magno & patuo ocu-  
larissimum. Noli te minus liberaliter in pa-  
ui amantes & cultores gerere, quàm te  
præstas erga magni studiosos; quippe ma-  
gnam laudem & æquam gratiam ab ytrif-  
que reportaturus. Nuperrimè accepi, te  
prælo Philosophiam illam egregiam toties  
& tam auidè à me expectitam, commississe.  
Tu nisi Galliam nostram tuis doctrinæ lu-  
minibus & thesauris minime ornandam &  
locupletandam, censuris, patere vt in tanta  
bonæ mentis esurie, & vtilium libro-  
rum inopia, sublimem illam tuam Sapien-  
tiam, sermone peregrinam, sermone Gal-  
licam faciam, vt quæ iam nostras est Cælo  
& Solo, Patria & Parente, ex omni  
parte nostras dici possit, & vt ex illo im-  
mensæ frugis opere, ea patria nostræ pars  
major, quæ peregrini est idiomatis nescia,  
aliquid fructus percipiat. Magna peto,  
magna posco, sed magna possum duce & re-  
gente Gassendo. Doctissimus Medicus, tuique  
amantissimus Carolus Sponius, te  
salutat. Vale & ama diligentem te,  
Dabam Lugdunî pridie  
Kalend. Octobris  
1644.



PETRO, GASSENDO,

HENRICVS BORNIVS S.

**Q**uamane quantum doleo, Gassende Doctorum decus, quod tam miserè ab Elzeuirijs, qui mihi, præsentè communi nostro amico Heerebordo, fidem dederant se literas tuas, absoluto Salmasij de coma opere, prælo esse subiecturos, deceptum esse. Nullam aliam, quominus dictis starent, allegerunt causam quàm se magnam satis exemplarium, literarum iem impressarum, copiam, Perisijs accepisse, ac se proinde veteri ne impresso, quam iam diu vrgebam sibi damno esset futura. Spe itaque mea frustrata, me contuli ad *Le Maire*, celeberrimum etiam Typographum, qui promisit se manum operi esse admoturum simul ac sibi constabit de priuilegio Epistolis iam impressis, in fauorem *Heuguezville*, præfixo. Poteris me proxima occasione certiorè de omnibus reddere, & iussa tua pro virili meo exequar. Si hæcenus negotium hoc votis & conatibus meis non responderit, quæso, virorum optimè, ne illud incuriæ meæ impares. Summum rerum arbitrum ad testimonium cito, me ter vt provinciæ quam in me suscepam vacare, Leydam petiisse, & omnia molitum vt testatum darem, quanti facerem tibi inferuire. Vale magne Vir, & tuum Bornium, qui summa cum reuerentia te suspicit, amare ne desine. Dabam summa cum festinatione Ultraiecti, ipsis Kalend. Nouembris Styl. veter. 1644.

*Doctissimo ac Clarissimo Domino PETRO  
GASSENDO, Doctori Theologo,  
ac Dinienſis Ecclesie  
Præposito,*

ANTONIVS FRANCISCVS PAYENVS,  
I. V. D. addiſſimus ex aſſe  
S. P. D.

**T**ri ea, quæ tibi mittitur oratio, roseo quasi pudore suffusa iudicium tuum effugiat, ruditaris suæ conscia; audet tamen interrita se tibi sistere, & sua quamvis leuitate, tremula copiam sui facere, tuis innatæ beneuolentiæ securæ præsidij. Neque verò cogitat propriæ quæ te non later, ignorantia latuam obtendere, & simulato quodam ingenij conatu fucum pigmentis inducere; puderet sanè histrionicam agere, qui nihil nisi serium sapispenteret sese tibi ridiculam exhibere, qui tales plectis silentio, & gratissimâ tui cōsuetudine multas quasi penâ cæteris grauiori. Nec etiam ea mens est, vt hic aliquid noui, quod iam non sciueris legas: qui omnia tenes; vel vt ostentationis gratiâ gloriosam ex approbatione tua aucupari contendam. Absit à me vel ipsa tanti sceleris rea cogitatio. Sola nimirum animi in me tui innata propensio impulit me hunc ingenij fœctum quantuluscumque sit ad te mittere, in amo-

ris erga te mei certa pignora, & idonea honoris quo te prosequor, argumeta. Interim scias apud me Mathematicas ab aliquo tempore fuisse Professorio iuris munere mentem aliud auocante. Rem tamen gratissimam faceres si certiorè me redderes vtrùm secunda Philolai pars à Bulialdo, qui editâ primâ parte, secundæ desiderium omnibus fecerat typis emerſerit, quâ de te susurrus nescio quis aures excussit. Hoc à tua humanitate obtentum me non dubito. Vale, & mihi qui tibi addiſſimus ex aſſe viuo, faue, repetitâ aliquando apud te mei recordatione. Datum Auen. postridie Kalend. Nouembris 1644.

*Viro Celeberrimo ac Doctissimo Domino  
PETRO GASSENDO,*

ADRIANVS HEEREBORD S. P. D.

**N**on desuimus officio nostro in procuranda editione tuarum apud nos Epistolarum, neque ego, neque communis vtriusque nostrum Amicus, præclaris animi dotibus ornatissimus Bornius: Sed enim fidem datam violarunt post moram aliquam interiectam, qui impressionem susceperat Elzeuirijs, quod nonnulla nuper exemplaria tuarum, de apparente magnitudine Solis humilis & sublimis, ac de motu impresso à motore translato Epistolarum: Parisiis ad se essent delata: itaque egimus cum alio non minus celebri Typographo Ioanne le Maire, qui nihil detrectat totum hoc Epistolarum, partim excusarum, partim excudendarum, opus imprimere, modò Priuilegium Regium, quod ex summa eius præfixa Ludouico de Heugueville videtur concessum, non obſtet, aut in se possit transportari, quod fieri posse Bornius noster existimauit, quandoquidem in vestra hoc esse manu, & vobis, non Typographo, indultum significauit idem Bornius. Cætera cuxæ nostræ committe, qui omnium ad editionis nitorem requisitorum ratione habebimus, ac te plurimum saluere iubemus, diuturnam ac felicem vitam ad Reipublicæ literariæ bonū te viuere, toto animo exoptamus. Lugduni Batauorum postridie Kal. Nouembris 1644.

*Admodum Reuerendo Clarissimoque,  
Viro D. PETRO GASSENDO, S. Theologiae Doctori,  
Dinienſis Ecclesie Præposito dignissimo,*

GOTTFREDVS VVENDELINVS S.

**Q**uo die postremas ad te dabam Gassendi de Clariss. duplicatâ felicitate auctus fui; Nam & hic Bruxellæ ad manus meas venerunt Tabulæ quædam membranacæ Ioannis de Linerijs Ambianensis, confectæ anno 1331. quamquam Epochas suas ordiantur ex anno 1320. & ex Alphonsinis sunt expressæ totæ, & eadem vespere Louanij accepi admirandas tuas literas (dicam an commentarium? quas ad me fecisti iam inde primum

primum ex anno 1636. rursumque ante annum descripsisti, sed quæ apud Nobiliss. Slingelandum iacuerunt abditæ in serinio, dum ille ex Batavis uxorem petit. Verba me deficiunt quibus gaudium meum explicem, maximè super honore mihi habito Massiliæ; cuius ego *ἑσπυα* tandem constituo grad. 43. min. 18. præcisissimè. Nam quia ratio Gnomonica dedit à vertice ad limbum Solis Borealem gradus observatos 19. min. 34. sec. 1. sed correcto postea tibi ipsi meridiano ad min. 1. sec. 1. planè iam confecit grad. 19. min. 33. sec. 0. vides profectò subtractà Parallaxi meâ sec. 5. (postremâ, eademque tandem verissimâ) superesse grad. 19. min. 32. sec. 55. additâque semidiametro Solis (item meâ) min. 14. sec. 45. ac denique ab inde ad æquatorem grad. 23. min. 30. sec. 20. colligi exquisitissimè gradus omnes τὸ *ἰσόμετρο* grad. 43. min. 18. sec. 0. idque ad ipsum Collegium ac Templum primarium: nam alioquin eadem vrbis etiam grad. 43. min. 18. sec. 30, forsitan dare potest si rectè positionis memini. Non est huius paginæ adstruere Parallaxin maximam secundorum 14. quantam in Eclipsibus meis represento, vt neque Diametrum Solis quantam asserui, alius hic locus aliud tempus debetur. Hoc tamen te admonere; quam per pinnacidia nactus es Solis Semidiametrum min. 15. sec. 4. reuerà minorem habendam, eò quod flauor, fortè an & candor) inferioris, radiòs Solares illis repercutiens reliquam vmbra seipsâ minorem exhibuerit oculis, ac proin Semidiametrum Solarem seipsâ maiorem. Et verò mirabile est ac stupendum quod inter Diametrum meridianam min. 30. sec. 8. eandemque decliuem maximè min. 28. sec. 52. medium feriendū exhibes ipsissimam meam min. 29. sec. 30. præcisissimè, hoc est semidiametrum min. 14. sec. 45. consensu prodigioso, de quo toto argumento, simul & Lunari plenius agetur.

Inter hæc autem quod super ævo Pythææ sentiendum existimem sic habe. Scripsi ad te vixisse illum Alexandri Magni temporibus, nec tetraçto. Nam præter Dicæarchi cauiolos in virum Philosophum ac Mathematicum contumeliosos nescio quâ interpretatione Peireseij nostri (non enim tnâ) aliorum flexos; Plinium adi atque audi, de Succino loquentem verbis Pythææ cuiusmodi, hodièque vera sunt, & quibus Timæus credidit. Agathoclis inimicus exsulans mirum in Massiliæ, atque in quotidiana frequentatione Pythææ. Ecce ergo vt Pythæas noster vixit etiam ante Agathoclem, & omnino per ævum Dicæarchi, hoc est, per Olympiadem saltem 117. Illo tempore ex calculo mei Loxiæ fuerit Anomalia obliquitatis grad. 280. min. 30. ideòque *λξήωσις* grad. 23. min. 54. sec. 32. Iam verò tu tale nihil cogitantem admonuisti veri Gnomonis Pythæani 60. ad vmbra grad. 20. min. 50. vnde distantia limbi Solaris borei à vertice Massiliensi fuerit grad. 19. min. 8. sec. 53. Hinc ergo examinemus. Parallaxis mea adhibita relinquet grad. 19. min. 8. sec. 48. & Semidiameter Solis tunc min. 14. sec. 47. common-

strat ecce à vertice Pythææ ad centrum Solis æstiu grad. 19. min. 23. sec. 35. superfuerint ergo pro complemento latitudinis à te inuenta gradus 23. min. 54. sec. 25. Est-ne hæc scripti mei vel felicitas, vel diuinatio, vel diuinitas? Nec est cur fidem Pythææ vel sublestant aut *ἀλογητὰ* fugiles non sine quadam in comprouincialem iniuria: ecce enim post annos circiter 30. Timocharis, cùm obseruauit anno Adami 1686. (meo) τὸ *νέστον μέτρον* ἡμῶν δ' *Σελήνης ὑπερσπένδης* ἢ τὸ *ἐπίμακρον* 1", H, 5". *μῆτρον δ' πλεονέσθ' διαβέβηκε* planè me docuit mediam Pleiadum tunc obtinuissè latitudinem grad. 3. min. 48. quæ nunc est grad. 4. min. 0. vnde confectarium habeo Timocharidis obliquitatem non fuisse minorem quàm grad. 23. min. 54. circiter, pro eo ac in Loxia meo factum habes indicium. Si ante totos istos 8. & quod excurrit annos licuisset mihi potiri tuis literis, iam erat vt Loxiam meam, tuumque ex curis secundis legeres quatuor libris explicarum, & S. P. Q. Massiliensi (cui sanè & deberet & adornatur) inscriptum cuius ramen faciendi tu mihi auctor esto, vel dehortator, vel dissuasor.

Neque verò tibi nunc commemoro vt sub Artemidoro, hoc est Augusti primo *αὐτολξήωσις* fuerit grad. 23. min. 49. præcisissimè, eademque imperante Seuro grad. 23. min. 45. In Gesneri Bibliotheca legistin' quandam Agaterimiz? Agathemerus is est scriptor Geographiæ antiquus Græcus Ptolemæum professus in quibuldam corrigere quem de M. S. codice Chiphiletorū ter ad eò ista mea manu descripsi semel & Latine verti. Exemplatum vnum secum Romam Dormalius abstulit, alterum est penes me, tertium vñ cum versione Latina asseruant Chiphiletij vbi rescuero ecquid probes consilium meum super dedicatione Massiliensibus deuoratiū hęc dabo. Felicitatem mei Loxiæ supra omnem expectationem ac fidem (speco) nibi hoc est omnibus per te doctis approbaturus.

Venio ad Epistolam tuam postremam quam Louanij accepi die 25. Nouemb. In ea gaudeo me legere quod alioquin quotidie mecum replico & hominem esse me, & errare posse. Enimverò, quoties intra me hominem quæro, toties valde hominem inuenio: vnde hoc aufero, vt si quid humanum mihi excidat interdum neque eius valde me pudeat, neque si quid vltimè diligentè super sit reliquum valde me pœnitent. Ad meridianam tamen lineam inueniendam quod attinet, eius rationem iam editam legis, per Stellas scilicet circumpolares, quâ methodo quid tutius possit aut compendiosius institui, ego sanè non video. Sic ergo comparatus & Eclipses omnes alias, & illam anni 1642. obseruavi summâ religione, & quod obseruatum habui religiosissima fide retuli.

Ar enim tu quoque nec solus eandem summâ curâ deduxisti, vnde ergo inter nos rota 25. minorumque dissensio? Cùm de fide & deque industria tua omniumque vestrum trium dubitare mihi religio sit, quippe qui semper, quidquid à te profectum venit ora-

culi vice habuerim. Eclipsin verò istam Triumviralem si sollicitè sacilegij mecum faciam in Tripodem irreligiosus : altius quid ac penitius hinc latereprehendo. Vides ipse quàm anxie circumspexerim Amussorum perfugia, & hoc puto ac confido te sentite de me, non eum esse qui per meridianorū fucos gassari velim in laborū alienorum gloriā. Atque adeò vbi descripto mihi quadrare tuo pendulo, somnia illa mea excussisti. Tandem multa versans animo totasque noctes trahens infomnes, tandem inquam tenebras istas densissimas dispuli, & novam rebus celestibus faciem exhinc spero prætendi, & lampadem quam tibi exhinc trado. Refractionum non vna est ac sola ratio, quam nobis Tycho commonstrat; duorum profectò sunt generum. Sunt Anaclasticae atque illaë hæcenus cognita; sunt & Cataclastica, Sidera interdum horizonti viciniore exhibentes, quàm reuera cælum agnoscit. Vidi ego non semel (vidisti credo) & tu Lunam interposita longa nube velut trabem quadam fecari mediam, tumque velut in eculeo sic extendi ut pro 30. minutis diametri spectetur, longa etiam gradus duos aut amplius, quorum superior est Anaclasticus, inferior Cataclasticus. In Eclipsi anni 1642. subter Lunam ac supra hoc nostrum Belgium ac Parisios tuos ingens vis pendit vaporum, in Frisia atque Ultraieci nubilorum Bruxellæ etiam nubium apud vos saltem nebularum; quæ scilicet vera demum causa fuerunt, cur Luna penitus extincta videri non potuerit. Hinc vaporum glomus etiam tibi venit in mentem, dum suspicaris *nubila quadam tempore effecisse ut pars Lunæ deficiens tempore fuerit conspicua*. Neque verò is totum Cælum opplevit, sed Lunari plagæ adhæsit, estque hæc vera tandem atque unica causa, cur interdum Luna planè emoriatur fugiatque conspectum omnem. Hi vapores circa plagam Lunæ in glomum suum adunati refractiones Stellarum à Luna remotiorum faciunt Cataclasticas & quidem si obseruentur ad Orientem tempora exhibent maturiora, si ad occidentem (quod vobis contingit) tardiora. Et quando quidem propiores Stellæ sūt ipsi glomo mihi asserto *παύλασσον* sentiunt maiorem, senseruntque vobis tantam, ut initium deliqui signauerint ad horam 12. min. 10: quæ postea minùs aliquantò affecta hoc incommodo, ea tempora deriderunt eosque digitos, qui necessario initium reponant in horam 11. min. 4. tantum.

Habes iudicium super discrepantibus inter nos rationibus non etiam temporibus meum. Quod sicut hæcenus tibi videbitur inauditus, ita magis etiam accendet studium redeundi ad eundem locum atque recensendi, quibus seu adibus, seu pinnis, seu turribus imminuerit Luna per *φασγαν* vel vnam aliquam cōfido fore ut quod, hæcenus tantum suspicor euentus sit comprobaturus. Dignus est nodus Gassendo vindice; hoc est homine, quo ego scio nomen hodie vinere solertiorum, aut veri sollicitio-


rem: aut cui plus eruditio debeat, cui nemini minus sit soluendo, Bruxellæ postrid. Kal. Decemb. 1644.

*Me usquequaque impare*  
GOTTIFREDO VVENDELINO.

Iniecasti mentionem aliquando Philolaiæ Astronomiæ, quam Ismael Bullialdus sub prælo haberet. Illam ego videre velim illum à me saluere. vna cum Patre optimo Furnerio, quibus me tu contessera, oro. Vidi apud Langerenum istud scriptum sub Aristarchi nomine, doctum sanè & reconditæ Physicæ plenissimum auctorem, quisquis is est deueneror. Petauium *πολύστονον* stupeo & saluto. Scriberem ad amicos in Prouinciam, Arnaudum imprimis meum ut ita loquar postumum, sed maioris est otij, ideoque differendum in præsentiarum. Iterum iterumque Vale.

*Celeberrimo Doctissimoque, Viro Domino*  
PETRO GASSENDO, Philosopho  
*longè præstantissimo,*

ANNA M. SCHVRMAN S. D.

 Dedò gratiosè me nuper humanissimis tuis literis ad ipsius exemplar virtutis effluxisti, Vir Clarissime, ut non aliam eternæ mei memoriæ statum decerni postularem; siquidem hic gratiæ ac veritatis per omnia bene conueniret: verum, quando te cætera accerrimum vetitatis vindicem, vel famæ blandientis aurâ, vel nimio quodam in nos studio eò abductum intelligo, ut meis laudibus cumulantis, animi potius tui candorem, quàm meam effigiem expresseris, non leuiter in genium tuum peccarem, nisi te hoc qualicumque errore, quam primum possem, liberarem. Video te nostram de politioribus Virginum studiis Dissertatiunculam beneuolè excepisse, ut inde non parum tuæ de me existimationi accesserit. Atqui quid obsecro in hoc scripto magnopere prædicandum, præterquam quod causam liberaliorem, & meo quidem calculo, æquissimam, quantum per modestiam licuit, actiter agere conata sum. Illustre verò tui in veram sapientiam amoris argumentum est, quod etiam in nostro sexu qualemcumque eius scintillulam adeò non contemnas, ut eam vel insigni tuo favore fouere atque inflammare non dubites. Quare, tamen variis de causis nihil literarum ad extraneos dare iam antè in animum induxerim: tamen, quia meritò te virtus tua sum magne benefacta in vniuersum orbem literarium collata de horum numero eximut, omnes mihi Gratiæ iratas haberem, si non aliquo saltem monumento testarer quantopere mihi gratuler, quod vite meæ institutum suffragio tuo comprobare dignatus sis. Paucis equidem quando *το πολλῶν ἀρετῶν τοῖς θεοῖς ἀπαρτύνει* ἐστὶ, bonisq; placere cupio; tibi verò in primis, quem ego tot armis copiosis instructum video, ut, quemadmodum nuper antiquæ Philosophiæ decus sum egregiè asseruisti: ita, si opus sit, communem bonarum



bonarum artium suæ literarum causam contra profectos eius hostes, aut certe fœminei nominis contemptores, tutari facile possis. Vale Ultrajeci, 12. Kal. Jan. 1644.

*Clarissimo & Doctissimo viro, D. PETRO GASSENDO, Philosopho Excellentissimo Diniensi Proposito S. P.*

**M** Ir Clarissime & præstantissime, Acceptis à Schurmanna mea hisce literis ad te curandis, non debui hanc occasionem negligere, quâ non intermortuam, sed aliquandiu sopitam, nostram communicationem renouare. Non mihi excidit memoria beneuolentiæ & amicitie quam mihi vltro detulisti dum hic esses; quam postea aliquoties fouisti, tam gratissimis literis tuis, quam opera nostri Merisenni, qui subinde mihi significabat quàm constans esses in tuo proposito de me bene merendi. Sorberius etiam tuus, qui factus est meus, sapissimè de te & studiis tuis mecum verba commutauit, deditque elegantissimum & acutissimum Opusculum contra Philosophiam Cartesianam. Habes nunc ipsius fundamēta in opere nouo, quod iudicium tuum & censuram expectat. Ego id mihi non arrogo, qui vltro fateor me non capere Viri illius, alioquin eruditii & acuti, principia & placita, nec in eis erendis vacat plurimum temporis & operæ infumere, aliis curis intenta. Id tibi & similibus qui possunt, relinquo, & à te peto vt de me censeas semper, tanquam de eo, qui tuam eruditionem & humanitatem magnificat, tibi que hunc inchoatum annum felicem & prosperum precatur. Vale, Hagæ-Comitis in Batavis posttridie Kalendas Ianuarij 1645.

*Tuus omni officio ANDREAS RIVETVS 73. aet. anno.*

*Admodum Reuerendo atque Clarissimo Viro D. PETRO GASSENDO, S. P.*

**M** Irorū Clarissime, Haud ita pridem, literas tuas, Idibus Octobris Parisiis datas, me accepisse scias; ex quibus æquum tuum, de phalibus meis Lunaribus, iudicium, simulque exinde, sincerum erga me tuum, minimèque simulatum affectum, satis superque cognoscere licuit: quam beneuolentiam vti merito exosculor, ita nil magis exoptans, quàm vt occasio iterum ferret, animum meum gratum tibi testandi. Rectissimè sentis si illud tempus soluminodò, antehac indicatum phasibus apponeretur, aut me hallucinarum existiment, aut certi nil quicquam adiutentur ad intelligendum librationis tempus, ac periodos, quibus eadem phasēs fuerint inspectandæ. Tales autem nudas inscriptiones nunquam apponere animus fuit, licet in literis prioribus temporis, fortassis parcendi gratiâ reliqua omiserim. Non solum enim pro-

pter vnicum illum librationis motum, confinia lucis & vmbre, sed & propter alios in Luna diuersissimos motus, maxime variant; hinc centum Lunæ mox sursum, mox deorsum, mox ad latera, certo tamen tempore fertur. Hæc cum apprime nouerim, idcirco tales inscriptiones Phasibus apponere placuit, ex quibus simul omnia illa, quæ ad veram cognitionem harum figurarum necessariò requiruntur, vnicuique (attamen rerum Selenographicarum non planè ignaro) statim innotescerent: quin fieri etiam possit, nullus sanè dubito, necesse autem erit imprimis, vt descriptiones & annotationes Selenographica, prius sint in promptu, quorum adminiculo, tum motus librationis, quum reliqui omnes in Luna apparentes, intelligantur. Proferam, Deo dante, aliquid certi de his rebus, præsertim de mirabili illo motu centri » vnde tanta Phasium diuersitas; quo vsque sese termini illi variationis extendant; quo tempore maxima vel minima libratio sit expectanda; ac quanta differentia tum inter quadraturas quum Plenilunia ipsa obseruetur, quæ differentia necessariò requiritur, ad obseruationes Eclipsium rectè instituendas. In Phasium itaque titulis primò indicabitur, in quo Eclipticæ grada Luna sit obseruata; secundo, num circa nodos, vel limites Boreum nempe vel Australem; circa absides aut in punctis intermediis tum temporis visa fuerit; reliqua omnia ex his vel ex Ephemeridibus vel ex animaduersionibus & notis, patebunt. Videris præterea tibi præterea tibi persuadere, maculam illam, quam tu mare Caspium, ego verò paludem Mæotidem nomino, semper vnā eandemque, tam figuram colorémque præferre; longè autem aliter experientia, obseruationeque testantur: scis enim propter motum illum librationis, nunc maculam prænominatam esse vicinissimam limbo, nunc satis etiam longè abesse; in priori distantia longè tenuior, acutior, debilior, languidiorque quoad colorem obseruatur, in posteriori verò multò latior, obtusior, nigricantior, viuidiórque spectatur. Huius rei rationem ex Opticis in promptu habemus: Quò obliquius enim quid spectatur, eò magis comprimitur, coarctatur, minùsque videtur; quo autem directius opponitur, eò magis dilatatur, extenditur, atque perfectius conspicitur: hinc patet, cum Palus Mæotis, circa maximam librationem vel elongationem à limbo versetur, cur obtusior, nigricantior, viuidiórque appareat, sicut in vicinissima distantia, quò vicinior eò tenuior, debilior, acutiórque cernitur. Hæc mutatio de die in diem crescente Luna, præsertim quando macula est vicinissima limbo, variatur. Quam variationem etiam, quantum fieri licuit, pro viribus expressi, cuiusmodi exemplum, quod circa librationem maximam obseruatum est, iam antea à me accepisti, & vt habebas etiam phasim aliquam circa minimam remotionem, seu potius intermediam, ecce tibi offero Lunam falcatam, ex qua differentiam videbis, tam

formæ

formæ quàm coloris paludis Mæotidis (quâ-  
vis hæc palus adhuc tenuior certo tempore  
conspiciatur) simulque cognosces, me illa  
lucida puncta, vltra cuspidem austrinam, ac  
in ipso limbo, equidem vidisse & observas-  
se; quod autem in Phasisbus priotibus non  
fuerint annotatæ, tempori ascribendum,  
quod minimè tum affluerint. In Phasisbus  
delineandis huic rei imprimis operam dedi-  
vi omnia punctula, quæ solummodò con-  
spexerim, annotare mihi intermiserim,  
nec vnquam vllas inæquabilitates, tam in  
sectionibus vmbæ, quàm circumductu ma-  
cularum volens prætermiserim, quas saltem  
depingere & adumbrare licuit, vbi autem  
nullæ inæquabilitates repertæ, (vti sæpissimè  
contigit) ibi quoque nullas delineavi, nam  
nihil quicquam fingere ac pro libito appo-  
nere volui. Videtur porrò circumductus Pa-  
ludis Mæotidis paululū laceratior pingi de-  
bere; fateor interdum superius atque infe-  
rius lacerationem me conspexisse ac delineas-  
se, sicut in posterum patebit, attamen non  
semper æquè distinctè conspiciuntur. Quod ma-  
culas maiores tam nigricantes sculperim, id  
summo studio à me peractum, nisi enim  
eiusmodi colorandi modum arripuissem,  
nunquam illos diuersissimos colores in su-  
perficie Lunæ expressissem, præsertim in  
Quadraturis, Gibberosis & Pleniluniis. Ad-  
hæc quod Maculæ eadem mihi aliquantulum  
nigricantiores appareant, quàm fortas-  
sis tibi, hoc fortitudini mei Telescopij ad-  
scribo, nam quò fortior tubus, eò partes  
in Luna luminosæ, clarior, maculas verò  
nigricantiores, distinctioresque offert. Cæ-  
terum gratias tibi habeo ingentes, quod ty-  
pum Phæcon quinque Lunarium Antonij  
Fabri, num cum tua primaria delineatione  
transmiseris; sicuti profectò mihi sunt cari-  
ssimæ, ita tibi iterum par pari vt referam,  
vnam ex meis decretescitis transmitto, re-  
liquas omnes vt & Selenographiam ipsam,  
quamprimum ad finem fuerit perducta,  
quod proxima Deo volente, spero æstate ha-  
bebis. Interea ignore te nolo, me equidem  
talem primatiam Ichnographicam delinea-  
tionem, iam dudum contuxisse, aliàs cer-  
tè labor me oppressisset, faciliè autem colli-  
gere potes, me statim ab initio, cùm ob-  
seruationes instituerem, talem delineatio-  
nem nondum habuisse, nam per crebras, diu-  
turnasque obseruationes & Phases permul-  
tas, illam primùm construere & corrigere  
oportuit, iam verò talem habeo, præsertim  
quoad distantias proportionales macula-  
rum, qualem diu desideravi. Porrò non pa-  
rùm contristauit, operam planè perdidisse,  
quicumque elaborare vitra hyperbolica ten-  
tauerint; attamen nondum despero, prius-  
quam id ipsemet expertus, breui opus illud  
aggrediar, yà planè alià, quàm Cartesiana.  
Interea D.O.M. precor, vt conatus meos se-  
cundet. Vitra mea Dioptrica quod attinet,  
tam vtrinque conuexum, quàm concauum,  
ex nulla alia sectione quàm ex Sphærica, nisi  
quod summà diligentia sint elaboratæ; con-  
uexum quidem ex segmento Sphæræ ma-

gnæ, cuius radius æquatur pedibus 6. Geda-  
nensis qui se habet ad Patifensem Re-  
gium vt 914. ad 1055. Concauum itidem ex  
sectione Sphærica, cuius Diameter circiter  
ex 47. pollicibus constat Parisiensibus. Ro-  
gas insuper vt transmitterem par vitrorum  
meorum, quorum auxilio experiri liceat de  
radiationem Fixarum, quod lubens volens-  
que promitto, quamprimum damtaxat occa-  
sio perferendi se exhibuerit, ac tantillum  
otij à Selenographicis laboribus reliquum  
erit: Interea quò idipsum, etiam absque  
meis vitris, solummodò per tuum Telesco-  
pium præstare possis, modum tibi commu-  
nicabo: hic modus quamvis sit facilissimus,  
resque parui momenti, scienti, vt appare-  
bit, nihilominus ne diuulgetur priusquam  
Selenographia mea in lucem prodierit, rogo.  
Consistit planè, vt breuibus me expediā,  
in radiorum coarctatione, illorumque ad-  
uentitiorum abstractione, & luminis super-  
flui prohibitione; quod fieri feliciter pote-  
rit, si conuexo, foramen minutulum certæ  
proportionis, alio vitato superimponas.  
Necesse autem vt habeas in promptu fora-  
mina aliquot diuersæ magnitudinis, alio  
enim, aliquantulum nempe minori vti po-  
tet ad stellas primi honoris, præsertim lumi-  
ne viuidiore præditæ, alio paululum maiori  
ad stellas tertiæ, quartæ vel quintæ magni-  
tudinis, nempe debiliores. Si scirem, qualis  
& cuius fortitudinis tuus esset tubus, certam  
quantitatem foraminis determinare pos-  
sem, hoc cùm minimè constet,  
idcirco prima vice huius circiter  
magnitudinis foramen applica,  
quod si nondum sufficiens radi-  
os aduentitios abstrahat, cum alio atque  
alio minori  
fac periculum  
vique dum  
veram desi le-

ratam inneneris proportionem: certissimè  
scio, si tubus opticus saltem tantæ erit for-  
titudinis, vt louiales distinctè repræsentet,  
non solum te Stellas Fixas rotundas maio-  
resque, sed & Martem ac Mercurium rarissi-  
mum hospitem (quod multoties expetitus)  
qui alias vix vnquam absque crinibus cer-  
nuntur, conspecturum, fabulamque meram  
esse deprehensurum, Martem speciem alicuius  
montis, cum cingulo rotundo colore ad  
inuicem proximè accedente, referre; quod  
autem Neapolitano nobili ita apparuerit lu-  
men superfluum & radij aduentitij id causa-  
runt. Hoc notandum aperturam tubi nihil  
decrefcere, sed tam louiales quàm louem,  
Saturnum, Lunamque ipsam, licet sint longè  
viciniores minimè conspici posse, per illa  
minora foramina, sed Fixas saltem Martem,  
Venerem & Mercurium, de quibus fusiùs  
imposterùm in prænominata Selenographia:  
cùm itaque per modum indicatum Fixas  
contemplatus fueris, quæso iudicium de il-  
larum magnitudine Diametrorum, & quic-  
quid insuper notari dignum occurrerit, com-  
municare haud graueris, sicuti gratissimum  
mihi feceris, ita nullam iterum occasione m

prætermittam

prætermittam tibi inseruēdi. Vidisti proculdubio censuram Lobkovitzi in qua annititur obseruationes Rheitanas conseruare, verum cum suis propriis argumentis, contrarium demonstrari haud, difficile posset; quid de illius circum Saturnales & circum Martiales sentias, quæso fac me certiore, ego vt verum fatear, nullas Etraticas nouas tam circa h. quam A inuenire possum, sed Fixas nouas hæcenus incognitas, circa illos quotidie quamplurimas, quales obseruationes non paucas paratas habeo, si tu nihil ampliùs ad censuram illam replicare decreueris, fortassis pro mea tenuitate aliquid in medium proferam, vt cuique pateat R. P. Antonium de Rheita nullos nouos ertones hæcenus inuestigasse; gratum esset, si oculus eius Enochianus tandem in lucem prodiret, de quo num aliquid tibi constet, fac vt sciam rogo. Quod superest commendando tibi maiorem in modum, optimæ spei Iuuenem Ioannem Heckerum Daptriscanum Consobrinum meum, rerum Mathematicarum altissimè amantissimum, quem spero breui ex Hollandia Galliam periturum; qui vti certissimè te salutatam veniet, ita rem mihi non solum feceris gratissimam, si illum amicitia, beneuolentia, & humanitate tuâ complecti non dedigneris, sed tum me, tum illum summo beneficio in perpetuum tibi deuinxeris. Plurima salute saluere iubebis Nobil. Dan. Auerbum, ac Celebertinum Bullialdum, quem vt & Te non minus officiosè saluere iussent Clarissimus Linnemannus & Eximius noster Eichstadius, qui nuper ab Amplissimo nostro Senatu hic Gedanum vocatus, tam Mathesin quam Medicinam in Gymnasio nostro professurus. Vale Vir obseruande, & me tui amantissimum solito more fac prosequare. Dantisci anno 1645. pridie Nonarum Ianuarij.

IOANNEM HEVELIUM.

*Amplissimo & Perillustri D. D. PETRO GASSENDO, Diniensi Præposito, & Domino suo colendissimo, S. P.*

**E**r-illustri & Clarissime Vir, Te confidentissimè aded, Vir Maxime, ita securus ac si Religio omnem dubitationem excluderet. Vacat Moguntie Episcopi Suffraganei dignitas, quam mihi per literas Eminentissimus Princeps promissit, at diploma hæret, & vt audio esset gratum Principi vergeri & orari à Natione vltatrice. Si dignaberis vnum quemcunque Principem Gallum (multi honorant Patricios suâ præsentia) tibi amicum mihi deuincere, & suadere vt Electori Principi commendatitias litteras scriberet, res esset Electori grata, & mihi omninò vtilis, & tibi facilis. Tenor Epistolæ esse posset,

*Ioannem Carauuel omnem promotionem hucusque habuisse ex Gallorum favore, Christianissima Regina Mariæ mandato ad Disembergensis Abbatiam promouit, à Reuerendissimo Ab-*

*bate Clareuallensi Vicarium Generalem denominatum, à Reuerendissimo Domino Abbate Merimundensi ad Disembergensis adsumptum, marre Bohemæ & Patre Lutzelburgensi natum vltatrici nationi amicum dignumque re sue Eminentie commendetur, vt ad Suffraganei Dignitatem promoueat. &c.*

Sed & tuas Eximie & Perillustri Vir, ad eundem Principem Moguntinum in eundem sensum scriptas adijunge, viros enim doctos ipse diligit, & tu in eius opinione, vel me testificante, doctissimus: Rem præstabis candore tuo dignissimam, meque æternum iam tibi deuinctum, nouo favore obstringes. Vale Francofurti ad Menum 25. Ian. 1645. volapti calamo.

*Eximia & Perillustri Dominationis tue additissimum seruum, I. CARAMEL LOBKOVITZ, Abbas Disembergensis.*

*Eruditorem Optimo GASSENDO suo,*

M. NEVRAYS S. P. D.

**E**Am nunc tibiis ocreis libero, Vir Maxime, vt actutū epistolari officio me apud Te liberet. E Massilia tedeo, quod me miserat Illustrissimus noster Campinus Regis & Regionū obseruatissimus si alius vngam. Literas acceperat à Supremo Galliarū Cancellario, quibus eum monebat Vir summus, vt si qua posset iacturæ quam se passum tri metuebat, intercederet. Quærebatur se per Eoum Orbem peritum emisisse Virum, qui sibi manuscriptos Græcos conquireret, sed frustra, quia conquistis in Galliam transmittere nequiret; rescivisse tamen quosdam eius notæ libros Massiliam aduectos, quos sibi destinatos augurabatur, iamque proflare venales, & ni quis maturè occurrat periculum esse ne distrahantur. Hos ego iam pridem subodoratus, me reuelaturis emprorem spondideram. Sed quia venditor sibi fortè nonnihil Sycophantiæ concius erat altissimo in posterum silentio mercem premere tutum duxit, donè tandem alios subinde & clam quæritando emptores ipsi Domino præter spem aperuit; non penitus tamen: verum ego rem vt opinor, confeci, & quam nulla hæcenus sagacitate vestigare potui, arte nunc aut astu retexi, Urbem ingressus Bibliopolam mihi vtcunque notum compellam, tanquam aliquid Librorum licitatus. Ille roganti mihi nunquid noui? nunquid venisti? reposuit se nihil impræsentiarum habere; scire tamen vbi Manuscriptorum Græcorum laudabilis congeries venalis esset at non sibi, quia nimio: Mihi ergo, inquam, si illustrati codices alienius esse momenti aperuerint. Ille continuò se mihi ducem offert, accipio, sequor & ignotus venundatoris relictum subco, qui audita aduentus mei causâ exemplò voluminum fecit mihi copiam. Vidi, sumpsi, & euolui, at non quā optamissimè accuratone, quia non aliam librorum periciam



peritiam fateri volebam quàm quæ Libratio Mercatori congruere visa mihi; tum quod Tractatum Elenchus, quem excerpere velle causabar, mihi statim oblatus est barbatè quidem adstructus, sed illustrando negotio non omninò ineptus. Rumor est actuatiæ nauim, quæ horum sagma Librorum vehabat in Piratas Corfos incidisse qui distributà inter se prædà partem hanc vt infrugiferum sibi mercimonium confortibus suis Massiliensibus remisissent.

Hæc autem omnia præfari libuit vt fidem facerem quam-minimum superfuisse temporis multa de nouissimo Lunæ defectu tibi scribere, paranti illuxit tandem Eclipsæo dum expectata dies, non modò vt optaueramus serena, sed etiam supra votum limpida, aded vt q tem insuperabilem dixeram antecedentium nitorem longè superauerit. Cæli nunquam magis aperta facies, nunquam aura blandior nec asperius quicquam habuit, quàm torrentiorem pro tempestate Solem, qui iam per mensem hic æstiuus propè sæuit feruoribus, non sine præconium frugum labe si nocturni frigoris rigor minus diurnos temperaret æstus.

Locum autem Vranoscopia peropportunum delegeram speculam bipatentibus fenestris quatuor ad amissim cæli plagas admittentem, summisque sub Astraeductam rectis. Illuc conscenderamus vergente iam Sole, vt orientem Lunam anteuertereamus, sed vbi Astronometrum Quadrantem expeditimus humilior fenestra apparuit, quam vt liberum per Dioptram quantum satis exaltandam sincerè prætertendere oculum. Hinc ided confestim digressi, ad Peirescij tui properauimus aedes, amicis tuis nunquam non parentes. Olympum illicò scandimus tibi & designatione tua exstructum. Vbi Astrono-

mica nostra sustentaculis aptando, Solem condidimus. E vestigio conuersi ad Orientem breui post emerisuram oculis per opposita montium iuga volitantibus venabamur Phœben; quæ tandem summam vmbonis marginem exeruit, qua Caspia inficitur macula, tum maximè conspicua. Et sensim integer Mæspæ ac mirum in modum candicans euasit; integer quidem sed non oculo saltem nudo, infernè enim aliquantò versus Aquilonem absolura orbis rotunditas desiderabatur, & nonnihil reducto sinu ora illic apparebat obtusior; suspicabar hac adhuc parte latere Sidus, nondumque toto orbe re-creuisse. At sibi non constabat oculus, ad-moto nempe Telescopio ex assè reparatam agnoscebat lampadem: sed qua truncari priùs sentiebat non ita tersam. Hinc mihi suborta suspicio, interjectæ iam tum Telluris vmbra affricari, aut viciniore tenebrarum confinio impalescere. Conjecturæ suffragatus est labor illac pederentim serpens, qui manifesta demum obscuracione particulam illam labefactare cœpit; quo autem momento hic habes in subjecta computi recensionem. Non sine voluptate verò caliginem mirabamur se orbiculariter per inclementa diffundentem, sensimque ad superiorem disci limbum enatantem, donec reduci penitus lumine ad maculæ Caspiæ propiorem euanescebat crepidinem. Phæses autem quâ potuimus diligentia indagauimus, & Stellarum altitudines eo vti organo cuius semidiameter quadripedalis est, & quilibet gradus in 60. min. diuiditur, quodque Capularis amicus tuus Galterius in ipsa ætate iam decrepita exstrui curauit, in cuius effecto corpore mens vegeta nihil non adhuc scientiarum molitur. Viuat ille, viue Tu, nec vnquam valere desine. Aq. Sextiis 16. Kal. Mart.

*Luna Eclipsis qua contigit anno 1645. die 10. Februarij  
observata Aquis-Sextiis.*

digiti.	grad. min.	hor. min.
Nudo oculo deficere priùs visa Cane maiore eleuato adhibitis etiam perspicillis, eodem Cane exaltato	16. 23.	5. 42.
I.	17. 25.	5. 50.
II.	18. 15.	5. 56.
III.	18. 35.	5. 59.
IV.	19. 30.	6. 6.
V.	20. 10.	6. 13.
VI. exactè explorato.	20. 50.	6. 18.
VII.	22. 28.	6. 32.
VIII.	23. 10.	6. 39.
IX.	23. 58.	6. 47.
X.	24. 40.	6. 54.
Cane autem maiore segnius se mouente ad Procyonem dioptra conuersa est quo eleuato grad. 26. min. 30. luci restituta fuit Lunæ medietas.	16. 30.	7. 15.
Ex Dodrante.	49. 10.	8. 26.
Absolutè restituta.	50. 48.	9. 0.
Corde etiam Leonis existente in Lunæ ipsa	38. 50.	8. 49.
	39. 0.	8. 56.

*Amplissimo & Perillustri D. D. PETRO  
GASSENDO, Dimensis Ecclesiæ  
Præposito, Domino suo S. P.*

**A**mplissime & Perillustri Vir  
Petij ab amplissima Dominatione  
vestra vt mihi commendatitias literas  
ad eminentissimum Principem Moguntinum  
procuraret, quod si obtentæ mittantur, alias  
potuerunt intermitteri, nam quod petebatur  
obtentum iam enim ipse Vicariorum suum  
mihi contulit, & monitoribus nobis non in-  
digeret. Interim si quid pro me aut voluerit,  
aut fecerit gratias immensas ago.

Eclipsis hic feliciter est obseruata, sed &  
Patris fuisse puto. Meus amanuensis tardus  
est, & qui cornua militaria audire & scribere  
nesciat, illam tamen pro vt à nobis visa  
per primum tabellarium transmittam. Episto-  
la securissimè veniunt Francofurtum ad  
Menum. Eò poterit amplissima Dominatio  
tua si quas velit dirigere. Vale Optime Vir,  
& diligere perge. Francofurti 15. Februari-  
us 1645.

*Adiectissimum tuum IOANNEM  
CARAMEL LOBKOVITZ,  
Denominatum Episcopum Misensem  
Sancitæ Sedis Moguntina Suffraganeum.*

*Admodum Reuerendo Eruditissimoque  
Viro D. D. PETRO GASSENDO,  
Dimensis Ecclesiæ Præposito,*

ANTONIUS FRANCISCUS PAYENVS, Vniuer-  
sitatis Auenionensis Regens ac Profes-  
sor publicus, S. P. D.

**I**umanissimæ tuæ literæ quibus me nu-  
per donasti, eo gratitudinis nexu amo-  
renter in te meum deuinxerunt, vt ne ingratus  
diutius videar hūc ingenij fraternali conatum  
quantuluscumque sit ad te transmittere vo-  
luerim, non vt me tibi ex assè satisfacturum  
mihi persuadeam, sed vt quoddam veluti pi-  
gnus nostræ gratitudinis offeram; noui eam  
quæ tibi innata est beneuolentia, quā mune-  
ris præmii soles ex offerentis animo potius  
quàm ex rei merito æstimare, sic se tibi com-  
mendat frater, vt in eo fratrem referat, qui te  
pari cultu prosequitur, tuamque humanitatis  
iure deposcit amicitiam. Eximio San- Legerio  
quam mihi salutem iniunxeras, reddidi, qui te  
vicissim salutat vidi & apud te secundam Phi-  
lolaï partem, sed ni fallor non æquat primam,  
aut vt veniùs loquar, nec dum mihi per  
otium licuit eam vt decet attentius expen-  
disse; Vale, & me fratremque qui te salu-  
tar animis amore prosequere, Auenione 9.  
Kalend. Maij 1645.

*Celeberrimo Clarissimoque D. D. PETRO  
GASSENDO,*

HENRICVS BORNIVS, S. P.  
**E**mmane quantum doleo, Summe Vir,  
quod prouinciam quam in me suscep-  
ram; procurandæ scilicet impressionis Epito-  
larum tuarum, mihi ornare nō licuerit, vnum  
est quod me consolatur, me nimirum officio  
meo non defuisse literis, amicis, iisque alieui-  
us etiā auctoritatis, sæpius vsus sum, vt Ty-  
pographos datæ fidei admonerē, mō ter qua-  
terve ipse Leydam petij vt viderem quid ipse  
esset reliquum, verum comperi homines istos  
speciosa promittere, sed pauca præstare. No-  
itaque solidæ Philosophiæ amatores medita-  
tionibus tuis diutius arceant placuit tū mihi,  
tum communi nostro amico D. Heereboorde  
Epistolas tuas, vt petis, ad te remittere, ambo  
sperantes te pro summa tua equitate, & qui  
bonique consulti tū si euentus conatibus  
nostris non responderit: Eo Deum restor  
me maiorem diligentiam ne vel ipsi proprio  
parenti adhibere potuisse. Non etiam ubi  
mihi quæ defuit optimus noster Heereboorde  
qui se Typographorum leuitatem, si occasio-  
nem nancisci ipsi datum fuerit, præsertim Et-  
zeuitorum qui miserè nobis imposuerunt,  
vindictarum ultimis suis mihi scripsit. No-  
bilissimus Iuuenis Dominus Turretinus ma-  
gni parentis magnus filius, illas tibi est red-  
diturus, quem quæso meo non tantum no-  
mine, sed excellentium præcipue virtutum  
quibus præditus est, tibi commendatum ha-  
beas, non poenitebit vnquam collatorum in  
illum beneficiorum, iam enim dudum illi  
nomen tuum summo in precio fuit, maiori  
futurū, si incōparabilem illam humanitatem  
qua tuam familiaritatem experies amplecti  
solitus es, erga se experiat. Cartesius adhuc  
propè Almariam degit, nocte diēque absque  
intermissione rerum naturam scrutans, ver-  
satur in animalium herbarumque indole ex-  
plicanda, promittit se omnia per sua princi-  
pia Mundo iam nota, explicaturum, ita vt to-  
ta philosophantium cohors videat, quantis  
in tenebris Aristoteles, illiusque sedatores ter-  
rum naturam inuoluerint. De responsione ad  
refutationem tuam ne verbum quidem am-  
plius loquitur Dominus Regius Vir Summus  
in Physicis ante dies aliquot ipsum salutatum  
iuit qui petiit ab illo vt veller scriptum tuum  
refutare se certum esse, quod si demonstrare  
posset rationes tuas nullius esse momēti ma-  
gnam famæ illius partem additum iri, ve-  
rū dixit sibi ad illud non satis iam esse orij,  
sēque aliis iisque præstantioribus curis, occu-  
patum esse. Postquam scriptum tuum in om-  
nium manibus versari cepit, tam altum de  
ipsius Metaphysicæ laudibus silentium, vt pu-  
tates somnium esse illam tantis acclamatio-  
nibus olim exceptam fuisse. Fama est Lob-  
kovitz aliquid etiam contra Cartesij Me-  
taphysicam edidisse, sed quid præstiterit non-  
dum licuit examinare. Antequam finiam te  
summa animi cum veneratione togo atque  
obtestor, vt mihi amorem contineres, dabo  
operam vt quoad fieri poterit in illo di-  
gnum præstam. Literarum commercium

iam aliquandiu intermissum quāso reiretur ut hic saltem liceat calidissimum purissimumque illum in te affectum, quem summa tua, quā me amplexatus es humanitas incomparabilisque tua virtus tibi peperit in sinu tuos effundere. Vale Magne Vir, amicitiae meae dulce decus, & me amare perge. Dabam tolutim 16. vel 26. Iunij 1645. Ultraiekti.

Quāso, nisi graue est, mihi scribas ubi communis noster amicus optimus Martellus iam degat ut intermissum literarum commercium cum ipso redintegrare possim, tantum enim Nobilissimi Iuuenis virtus tui animo meo impressit memoriam, ut nulla dies mihi vix prae tereat quin grata ipsius olim cōuersatio mihi non obuerfetur. Iterum vale.

*Reuerendo ac Nobilissimo Viro Domino  
PETRO GASSENDO, S.*

**A**dmodum Reuerende ac Nobilissime Domine,

Perquam abunde commendationi R. D. tuae gratia Principis Illustrissimi respondit. Quod quo genere officij R. Dominationi tuae compensem in curia supellestile non inneno; saltem ut arbor instructifera fertili solo excepta quā foliorum vitiditate, quā vmbrae opacitate plantatori suo placere consuevit: sic ego immerita Reuerendae Dominationis tuae opera in gratiam Illustrissimi Principis inferus, cum dignos gratitudinis fructus referre nequeam, ad minus leuissimorum officiorum promptitudini non indormiam. Quod verò tibi Fautori, & benefactori meo gratias agam feris haud negligentia, sed partim itineris mora, partim repentina corporis ex caloribus huius patriae intensissimis orta mutatio; partim denique Illustrissimi Principis votorum de me ignorantia: non animum à proposito, sed manum tardauere à calamo. Nunc verò status mei gnarus commodò potius occasione humillima obsequia, meque ipsum singulari fauori ac beneuolentiae Reuerendae Dominationis tuae commendo: cuius ut suauissima & desiderabili praesentia quantocius frui possim ex animo opto Deumque precor. Aquis-Sextiis, 1645. Augusti.

*Admodum Reuerende ac Illustrissime Dominationis tuae obsequenissimus ac minimus,  
IOANNES MICHAEL OYGEVIGNI  
ROXOLANVS.*

*Clarissimo Viro, D. D. PETRO GASSENDO, Diuensis Ecclesiae Praeposito, ac in Facultate Theologica Doctori Eximio,*

ANTONIUS FRANCISCUS PAYENVS S. P. D.  
**P**er Eus sanè extitissim, nisi te de discessu, quē meditator Romam, ab Vniuersitate nostra Legatus pro rebus Collegiorum alendis Sabaudis Scholaribus fundatorum, certiorē redderem; hinc ad Kalend. Septembris expectabo lubens hic Auenione, donec quā mihi illuc agenda, obsequij tui causā significaueris, qui tibi ex affe addictus

vivo. Interim quia decet, amicitiae Lege omnia tecum esse communia, tibi legales has, quas huic epistolio iunxi Theses, offero quibus inspicias ac legas primos contentioſae nostrae Iurisprudentiae conatus in lucem editos, contra quas Archiepiscopus noster ac Prolegatus publicè argumentatus est, quod non tam cessit in admirationem insignis quā tantus Praesul conſecat eruditionis, quā in laudem nostrarum Theſeon ac omnium communem applausum. Nescio an orationculam de B. V. Annunciatione à Fratre meo editam & Cardinali Sfortiae dicatam acceperis à mense Maio proximè elapſo, quam alicui è meis amicis consignaueram, utcumque sit spero quod singularis tua ac continua beneuolentia nusquam erit mihi defutura. Vale, & viue mihi, Vniuersitati nostrae, & toti deinde literariae Reipublicae. Datum Auenione 9. Kalend. Sextiles 1645.

*Admodum Reuerendo atque Clarissimo Viro, D. D. PETRO GASSENDO,  
S. P.*

**L**iterae tuae expectatissimae Kalendarum Aprilis Parisiis datae, Vir admodum Reuerende, non ita pridem mihi traditae sunt, una cū exoptatissima Astronomia Philolaica & Aristarcho, quibus me donare voluisti; quā obrem non solum gratias tibi ago quas possum maximas, sed & omnem adhibeo operam, ut hanc erga me beneuolentiam prima data occasione recompensare possim. Rem mihi quae fecisti gratissimam, quod me participem reddere volueris accuratissimae observationis Eclipsos Lunaris: Veinam! Caelū nubilosum tum temporis hanc eandem obseruationē hic apud nos non impediuisset, animo lubentissimo illam iterum transmitterem, verum nihil quicquam, propter aërem cōtinuè turbidum, tum hic tum Stetini Pomeranorum tum Regiomonti Pruss. obseruatum. Interē tū aliquo modo nihilominus par pari referam, in tibi obseruationem Eclipsos Solaris nuperā. Hic Dantisci à me adminiculo Telescopij peractā, una cum typō eius aeri inciso, ex quo videre licebit, quas & quot Phases Caelū indulerit; animus quidem erat, in quolibet quadrante cuiuslibet Digitij, Phases & tempora annotare, altitudinemque Solis per Quadratē meum Orichalcicum sesqui-cubitalem, singula minuta monstrantem inuestigare, verum nubes densissimae Solem sepiſsimè obuolantes, intentionem meam perturbabant, ita ut praeter has nullas obseruare potuerim, quas autem licuit summa scio diligentia esse peractas. Insuper simul communico obseruationes eiusdem Eclipsos Virorū Clarissimorum Doctorum nepe Eichstadij & D. Linnemāni, quae nuperime ad manus venerūt. Spero tibi obseruari vigilatissimo haud fore ingratas. Si modò antehac perſcripto periculū feceris Stellas Fixas absque erinibus & radiis aduentitiis detegendi, rogo iterū quā officiosissime iudicium tuum hac de re data occasione ut percipiam. Obligare me quoque poteris, si me certiorē feceris, num Claudius Mydorgius quatuor posteriores libros de sectionibus Conicis in lucem



lucem ediderit. Præter hæc nihil occurrat  
 fcriptione dignum, nisi quod te non nescire  
 velim Clariss. D. Laur. Eichstadium (qui te plu-  
 rimum saluere iussit, ante aliquot dies habi-  
 tationem suam hic Dantiscum transtulisse,  
 cum vocatus sit ab Amplissimo nostro Sena-  
 tu Professionem tam Medicam quam Mathe-  
 maticam suscipiendam, cuius aduentus mihi  
 præ cæteris gratissimus, quod amicitia eius  
 amabili coram frui dabitur occasio. Celeber-

rime ac Doctissimo Bullialdo meis verbis sa-  
 lutem impertiar velim, quæque in me pro-  
 ficiendi possunt omnia pollicearis ac deferas,  
 cui multum me debere profiteor, quod ex-  
 teras gentes Astronomia sua Philolaica in-  
 sertum meum nomen innotescere voluerit.  
 Vale & tui amantissimum vicissim ama. Da-  
 bantur Dantisci die 7. Idum Septembris,  
 anno Christi 1645. St. N.

IOANNEM HEVELIUM.

*Observatio Eclipsis Solaris in Stetino veteri Pomeranorum in-  
 stituta, quæ accidit anno Æræ Christianæ 1645. die 21.  
 Augusti, per Doctissimum Eichstadium.*

Tempus in horis à minutis.		Phases in digitis seu punctis Eclipticis.	
hora	min.	Digit.	
	8.	Principium Eclipsis Solis.	
XI.	15.	1.	
	22.	2.	
	30.	3.	
	37.	4.	
	45.	5.	
	55.	6.	
XII.	6.	7.	
	16.	7½.	
	25.	7.	
	35.	6.	
	48.	5.	
	56.	4.	
	3.	3.	
	10.	2.	
	17.	1.	
	24.	0.	Finis Eclipsis.

*Observatio Nouilunij Ecliptici Regiomontana M. Alberti  
 Linnemanni, anno 1645. die 21. Augusti.*

Ob Horologium rectificandum obseruatæ sunt altitudines Solis sequentes.

Cum Sol esset altus.	Horologium quod singula minuta habet common- strabat.		
grad. min.	hor.	min.	
42. 30.	X.	19½.	
43. 35.	X.	33½.	verior.
44. 35.	X.	45½.	
44. 45.	X.	49½.	
45. 45.	X.	3.	variab.
46. 45.	XI.	19.	Margo superior.
46. 47½.	XI.	22.	Margo superior.
47. 17½.	XI.	38.	Centrum.
47. 47½.	XII.	24.	
46. 10.	XII.	42.	Margo inferior.
46. 0.	XII.	50.	Margo inferior.
45. 45.	XII.	56.	Margo inferior.
44. 47½.	I.	9.	Margo inferior.
43. 47½.	I.	25.	Margo inferior.
43. 12½.	I.	31.	Margo inferior.
42. 55.	I.	33½.	Margo infer.
41. 55.	I.	45.	Margo inferior.
41. 40.	I.	49.	Margo inferior.
39. 20.	II.	11.	Centrum.
39. 30.	II.	12½.	Centrum.
39. 40.	II.	17½.	Margo infer.
36. 30.	II.	38½.	Centrum.

Horologium anticipat minutum vnum  
 in singulis obseruationibus, ex. g. cum  
 Sol esset altus grad. 42. min. 30. Horolo-  
 gium monstrabat horam X. & 19½. min.  
 erit ergo hora X. & 18½. minut. & sic in  
 cæteris.

Quæ hic dicuntur margo superior;  
 margo inferior, centrum, respiciunt gradus  
 ac minuta altitudinum Solis in sinistra  
 parte positarum.

Cum obscurati essent Horologium monstrabat.

digiti.	hor. min.	digiti.	hor. min.	
$1\frac{1}{2}$ .	XI. 48.	8.	XII. 47.	Plurimæ nubes perpetuò interuenerunt hinc finis conspici haud potuit.
2.	XI. 53.	$7\frac{1}{2}$ .	XII. 55 $\frac{1}{2}$ .	
$2\frac{1}{2}$ .	XI. 55.	7.	I. 3.	
3.	XI. 58 $\frac{1}{2}$ .	$5\frac{1}{2}$ .	I. 18.	
4.	XII. 6.	5.	I. 23.	
$5\frac{1}{2}$ .	XII. 18 $\frac{1}{2}$ .	$4\frac{1}{2}$ .	I. 27.	
6.	XII. 24 $\frac{1}{2}$ .	4.	I. 31.	
$6\frac{1}{2}$ .	XII. 28.	$3\frac{1}{2}$ .	I. 33 $\frac{1}{2}$ .	
7.	XII. 33.	3.	I. 37.	
$7\frac{1}{2}$ .	XII. 41.	2.	I. 45.	
		$1\frac{1}{2}$ .	I. 47 $\frac{1}{2}$ .	
		$\frac{1}{2}$ .	I. 55 $\frac{1}{2}$ .	

*Eclipsis Solis obseruata Gedani Anno Æra Christiana 1645.  
die 21. Augusti.*

Crescentis obscurationis

Phases.	Secundum accuratum sciatericum lineæ Me- dianæ applicatum.	Altitudo Solis qua- drantem orichal. scf- quicubitalem.	Tempora inde suppurata.
Initium.			
digiti.	hor. min. sec.	grad. min. sec.	hor. min. sec.
$\frac{1}{2}$ .	11. 23. 45.		
	11. 27. 0.		
$1\frac{1}{2}$ .	11. 31. 30.	47. 15. 0.	11. 31. 6.
2.	11. 33. 30.		
$2\frac{1}{2}$ .	11. 38. 0.		
$3\frac{1}{2}$ .	11. 42. 30.		
$4\frac{1}{2}$ .	11. 45. 30.		
5.	11. 56. 0.		
$5\frac{1}{2}$ .	12. 1. 30.		
6.	12. 7. 30.		
$6\frac{1}{2}$ .	12. 11. 30.		
$6\frac{3}{4}$ .	12. 16. 30.		
7.	12. 21. 0.		
$7\frac{1}{4}$ .	12. 22. 0.		
$7\frac{1}{2}$ .	12. 25. 0.		
$7\frac{3}{4}$ .	12. 27. 0.		
$7\frac{1}{2}$ .	12. 30. 0.		
$7\frac{1}{4}$ .	12. 31. 0.		
$7\frac{1}{8}$ .	12. 36. 30.	47. 0. 0.	12. 37. 13.
$7\frac{1}{16}$ .	12. 41. 20.	46. 59. 0.	12. 41. 51.

Decrescentis obscurationis.

$7\frac{1}{2}$ .	12. 45. 30.		
$7\frac{11}{16}$ .	12. 50. 40.		
7.	12. 54. 45.		
$6\frac{1}{2}$ .	1. 1. 50.		
6.	1. 6. 0.	45. 40. 0.	1. 6. 8.
$5\frac{1}{2}$ .	1. 8. 30.		
$5\frac{1}{4}$ .	1. 12. 20.		
5.	1. 15. 30.	45. 5. 0.	1. 45. 36.
$4\frac{1}{2}$ .	1. 20. 0.		
4.	1. 23. 45.	44. 20. 0.	1. 24. 25.
3.	1. 31. 30.		
$3\frac{1}{4}$ .	1. 47. 30.		
$3\frac{1}{8}$ .	1. 49. 0.		
Finis.	1. 53. 0.		
	1. 56. 0.	41. 55. 0.	1. 55. 50.
	2. 26. 0.	38. 46. 0.	2. 26. 40.
	2. 30. 0.	38. 24. 0.	2. 30. 0.

*Admodum Reuerendissimo ac Nobilissimo Viro PETRO GASSENDO, S.*

**A**dmodum Reuerende ac Nobilissime Domine,

Prima Epistola gratitudinis & obseruantia meæ erga Reuerendam Dominationem tuam testata, benigna fronte potuit admitti; secunda ne importunitatis ansam habeat ve-reor: Reuerendæ enim Dominationi tuæ rerum grauissimarum occupationi intentæ, accersere leuioris negotij laborem est planè esse importunum; verùm importunitatis venia ab innata tua humanitate impetratâ, votorum meorum desiderium aperio. Paucis ante diebus incidi in humanissimum & doctissimum D. Neuré, quem cùm post mutuam salutationē & amicū colloquium ex numero R.D. tuæ intimorum intellexissem, quâvis ab eo multa beneuolentiæ ac humanitatis symbola expertus sum sapissimè experiar: ad illius tamen bonum animum magis promouendum, humanissimam R.D. tuæ commendatione opus existimaui: quàm humillimè expeto & auidè expecto. Alicuius enim ex improouis factus ducentium & trahentium aulæ fatotum non nescius tempestiuè de asylo prouidendum statui: quod quidem licet principale ac singulare in liberalissimo R.D. T. patrociniò audeam collocare: Tui tamen amicissimorum gratia quoque officioso obsequio restat inuitanda. Nec dubito quin votis mei beneficentissima R.D. T. voluntas faueat: qui enim viuam sempiternamque in pectore meo R.D. T. imaginem nec mutum in ore nomen quotidie studeo retinere; beatum me fore autumno si hoc idem cæteris etiâ optimæ notæ hominibus debere, te auctore valeam. Aquis. Sextiis Sept. 20. an. 1645.

*Obseruantiss. & obsequentiss. I. M. VGEVIGNI.*

*Reuerendo admodum Clarissimoque Viro PETRO GASSENDO, Dinienfis Ecclesiæ Præposito dignissimo,*

GOTTFREDVS VVENDELINVS S.

**M**agna fuit illa, pernicietas (viro-rum maxime) quæ literas tuas posttridie Lunaris deliqui datas intra octiduum, hoc est, ad 19. Februarij mihi tradidit in manus: lentior fuit mora quæ alteras extremo demum Maio pertulit. Respondere vitisque distuli hætenus, dum Bullialdi liceret Astronomiam inspectare de qua inaudieram, quæque nonnisi cursum est mihi visa: dùmque præstolarer Eclipsim Solarem, vt simul transfererem quidquid tibi gratum fore iudicaret. Et quidem ad tuam Lunarem Eclipsim quod attinet, eam ego Hercij obseruari si vnquam villam aliàs accuratissimè. Cùm sub occasum Solis omnia composuissem, Horizonum iam affabrè correctum, sciotericum fessipedale, Clepsydras duas, Telescopia quatuor, Schemata duo cum variarum magnitudinum semicirculis umbralibus, adessentque in area mei cæmeterij spectatores supra 50. viros, iuvenes, adulescentes, ne meis oculis fiderem, faueret verò cælum defæcatissimum, Sole iam Horizontè attingente (hoc est sine Refractione iam infra eum depresso) horâ vtrique 4. min. 48. emissâ est in fluxum Clepsydram altera, qua fluente dudum post auditam hor. 5. min. 15. vnâ cum hor. 5. min. 20. limbus inferior ad sinistram visus est imbuti colore peregrino luteo illo, siue autem Xerampelino: quo magis magisque inuale-scere, manifestè pars illa cepit remetari ac rubore quodam suffundi donec post 16. min. sonante hora 5. min. 30. post missarum sepius habet, iamdudum limbus heberatus fuit lutore pallido ac fusco.

hor. min.		Culminationes.	Horæ Patientes
5. 35.	Pallor vergere capit in fuliginem crassiores.	digit.	hora. min.
5. 41.	Fuligo densior, magis magisque visa intendi.		5. 23.
5. 45.	Fuligo densissima, limbus adhuc conspicuus.		5. 27.
5. 47.	<i>Merum ac verum initium.</i>		5. 29.
5. 48.	Versa vtraque Clepsydra primùm.	$\frac{1}{2}$ .	5. 30.
5. 53.	Sextans Peripheriæ. Obseruatio certissima.	1.	5. 35.
6. 0.	Quinta pars circuli Lunaris.	II.	5. 42.
6. 1.	Quadrans ferè circuli certissima Obseruatio.	II $\frac{1}{4}$ .	
6. 6.	Plus quadratè deficient obscurissima.	III.	5. 48.
6. 15.	Plus Triente Peripheriæ.	IV $\frac{1}{4}$ .	5. 57.
6. 20.	Pars deficiens atra valdè præcisè.	V.	6. 2.
6. 29.	Nondum semis Peripheriæ.	VI.	6. 11.
6. 30.	Cuspides in Perpendicularo Parisiis.	VI $\frac{1}{2}$ .	6. 12.
6. 36.	Cuspides mihi in Perpendicularo.	VII.	6. 18.
6. 37.	Digitus VII. magis præcisè.		6. 19.
6. 45.	Plus semicirculo. Pars deficiens atra valdè.	VIII. ferè.	6. 27.
6. 48.	Versa Clepsidra iterum.	VIII.	6. 30.
7. 0.	Fides Horizonis ex scioterico, vix.	IX.	6. 42.
7. 12.	Cornua Parallela Eclipticæ.	IX $\frac{1}{2}$ .	6. 54.

*Epistola ad Gassendum.*

T t 3 hor.



hor. min.		Culminationes.		Horæ Parisienses.	
		digit.		hora	min.
7.	18.	Cornua Parallela via Lunari & arcus per centra tendebat in pectus leq-nis, vnde <i>Medium ipsissimum</i> & digiti $9\frac{1}{2}$ . accuratè admodum obtentri.	$IX\frac{1}{2}$ .		7. 0.
7.	27.	Digitus $9\frac{1}{2}$ . ad summum certè non ampliùs.	$IX\frac{1}{2}$ .	Sinister humerus Orionis.	7. 9.
7.	30.	Digitus 9. tantùm indicati sunt, & quod mirati sumus omnes, tantillo incremento luminis tantillo decremento deliquij, iam Lunæ fulgor splendebat auctior, discrimine claritatis manifesto in rebus adspèctabilibus.	IX.		7. 12.
7.	36.	Observatio digitorum certissima nõ toti	IX.	Caput Orionis.	7. 18.
7.	45.	Cuspides in Basiliscum.	VIII.		7. 27.
7.	48.	<i>Versa Clepsidra tertium</i> digiti satis præcisè	VIII.		
7.	56.	Semis Peripheriæ observatio certissima. Confide	$VII\frac{1}{2}$ .	Humerus dexter.	7. 38.
8.	0.	Fides rursus Horisonio ex scioterico.	VII.		7. 42.
8.	8.	Observatio certissima digitorum paulò minus.	VI.		7. 60.
8.	15.	Observatio certissima digitorum satis præcisè.	V.		7. 57.
8.	22.	Certissima observatio digitorum satis item præcisè.	IV.		8. 4.
8.	30.	Satis bona. Vtique non ampliùs quàm	III.		8. 12.
8.	37.	Optima. Minus aliquantillo quàm	II.	Pes Geminorum.	8. 19.
8.	43.	Digitus ultimus satis præcisè denotatus.	I.		8. 25.
8.	45.	Plus semisse digiti paulatimque ferè finis. Dum interim mouetur inter spectatores. Nondum. Nondum. Nondum, adhuc, adhuc, aliquid, aliquid, aliquid, ac denique.	$0\frac{1}{2}$ .		8. 27.
8.	49.	Tandem exclamatur ab omnibus <i>ACTVM EST. finita iam tertia Clepsidra præcisè.</i>	0.	Nondum Syrius.	8. 31.
8.	50.	Limbo iam conspicuo nudis etiam oculis poterat tamen adhuc quibusdam iudicari adhuc deficere, istucque haberi finis spurius.		SYRIVS.	8. 32.
8.	55.	Fuligo adhuc densa, sensim dilutior.			8. 37.
9.	0.	Penumbra paulatim languescens atque euanida, finis secundarius spurius.			8. 42.
9.	15.	Ultimum vestigium Penumbrae oculis etiam meis.			8. 57.

Omnino ergo huius deliquij duratio à prima eius suspitione ad supremum Penumbrae vestigium tenuit horas 3. min. 36. ab initio spurio ad finem item spurium hor. 3. min. 6. à mero initio ad merum finem hor. 3. m. 2. ad summum. Quæ ritè ac rectè à me sic observata fuisse aliunde ecce constat.

Leodij doctissimus *Linus* obtinuit initium hor. 5. m. 48. quod (si verus ego fui) non exco-ferit h. 5. m. 49. tanta est hæc inter nos consensus. Reliqua observatiõne non peregit occupatus precibus rune quadragenarii inditinis. Antuerpiæ *Guisicovius* vñ cum Optimatibus in Aedibus Edelherij magno apparatu huic observatiõni operatus, finem pro-

nunciavit hora 8. min. 45. ad summum. Et si spectatorum alij submullarèt nondum, Nondum nondum, ac denique ubi omnium consensus fuit super fine, Oscilli iactationes adhuc numeravit Præfectus 42. hoc est minutum fermè vñ donec culminaret Syrius: ita nemo illic finem extendit ultra horam 8. min. 49. Cæterum Gutiscovio pronuntiatus finis ad miraculum conspirat cum meo. Iam verò & Francofurti ad mænum *Caramuel* hæc fermè scribebat quæ ante istud biduum nactus sum. Vñ fuimus (inquit) Instrumento oscillatorio (ego dixerim oscillo) modo speciali approbato. Quod intra horæ spatium 1818. recurreret. Nam inter horam vrbis


vbis publican vii. & viii. dedit oscillationes 2816. inter vii. & vii. 1. 2824. denique inter vii. 1. & ix. 1. 2816. unde hanc ipsam observationem cum prioribus componendo secure ac confidenter suppositui oscillationes horarias 2818. aut vt plurimum 2819 sæpius exploratâ Lunâ, visa est ea tum primùm deficere cū audiretur primus ictus sextæ. Hinc oscillationes percurrerunt & dederūt vltimū Eclipsos finem oscillatione 8705. Nam oscillatione 8700. adhuc percipiebatur nonnihil obscuritatis in Lunæ limbo supra. marē Caspium, & tandem oscillatione 8710. Eclipsis euannerat. Sumēdo ergo medium 8705. prodiit hora 9. min. 3. sec. 13. & tota duratio horarum 3. min. 3. sec. 13. Maxima obscuratio Digitorum 10. min. 15. circa hor. 7. min. 30. sed ne videretur horologio. publico fidere tamen bono, & illa die speciali cura gubernato iussimus oscillationes protrahere: reperimūque oscillatione (quæ ab hora sexta horisij erat) 9000. Dubben & penultimam Caudæ in eodem azimutho seu perpendicularo, & quia illa oscillatio dat horam 9. min. 15. sec. 18. poterit ex doctrina Triangulari tempus iudicari. *Hæc ille.* De cuius verbis ego quidem conficio horam reuera fuisse 9. min. 12. non amplius: atque ita ccepisse Francofurti hora 5. min. 57. defuisse hora 9. min. 0. mediūque incidisse in horam illic 7. min. 28. quod cum Hercana mea obseruatione conspirat ad stuporem. Et quod mihi omni auro est catus cum Tabulis meis supra votum & ad miraculum. Eæ sanè momenta hæc omnia repræsentant exquisitissimè, & durationem largiuntur horarum 3. min. 2. omnino, quod ideo adiicio, quoniam in prænuntiatione ad te data nescio quo errorculo non nisi horas 3. & minutum ferme 1. collegeram, cū Digitis 9. min. 24. qui retractatis calculis 9. min. 30. sunt exquisitissimè.

Caterū hæc cū ita se habeant, tuta illud mihi gratulor quod vobis Parisiis iam inde à tertio digito ad ipsum vsque medium omnes Phases ita conspirant cum meis vt nec ouum ouo sit similis. Nam initium ipsum postulat vobis aliquantillo: quod ego interpretor oculorum constitutioni adscribendum: qui Plenæ Lunæ lumine semel perstricti idolum impressum tardius pariuntur expugnari. Vnde & eadem ratio finem tardius patitur sentiri, qui cū vobis debuerit obtrui hora 8. min. 31. vix hora 8. min. 40. se insinuauit. Et si hoc intermotium est exiguum, & medium deliquit vix vltra hor. 7. min. 4. protelat.

Atque vti nam tam prope mecum paria feceritis in Eclipsi 1642. neque Doctissimus Bullialdus illa delusus sibi iniecit illuserit? Vtinam inquam hoc abs vobis impetrate mihi licuisset, quò rediretis ad eundem Aedium Thuanatum locum, aduocaturi memoriam quisque vestram quibus seu ædibus seu pinis Templorum imminerit Luna per vnam aliquam phasin! cerè, ac certo certius deprehendissetis initium illius commissum Parisiis hora 11. min. 45. non (quod retulistis)

hor. 12. min. 10. vel vti ex Digitorum rationibus eruo 12. minut. 4. Nam vt fidem meam (mihimet ipsi molestam) alieno testimonio liberem: Ecce Gutsifcouius Mathematicus vt & Medicus sanè egregius & quod est palmarium Mechanicus excellens, cū pridè illius diei in area suarum Aedium Louanij disposuisset omnia comparassetque lapidem sanctis magnum læuē ac bene politum & ad Horizontis planum libellatum, cui induxisset lineam Meridianam per altitudines Solares semel iterum terriò ac sæpius comprobata sumpsit sibi perpendicularum, vmbraque fili accuturæ cum socero suo item Mechanico in lapide illo denorauit, vt angulum azimuthi nancisceretur de quo illo tempus adneritetur. Cūque ego post aliquantum temporis compos essem factus peractus ab illo torius obseruationis & industriam exosculatus sum, & consensum inter nos supra quàm dici potest admiratus. Caterū quam mihi schedam transdidit, eam vt tu quoque examines lubens volensque hic præfento: quam dum traderet Puteano destinandam ad me, protupit in hæc verba. Profecto D. VVendelini calculus fuit admirabilis!

Schema & verba Gutsifcouij.



Meridiana ecce linea cū lineæ vmbrae Lunaræ interceptebant angulum grad. 13. min. 10. cū deficerent Digiti saltem septem, Peripheriæ semis scilicet. Et quidem si Nadir vmbrae illam daret sine vlla Parallaxi ocellus item & latitudinaria in Austrum

T c 4. tempus

tempus erueretur hor. 0. min. 45. post mediam noctem : at quia decedit quid à centro vmbrae ad medium Menisci, lucem & vmbra fundentis, vnà cum Parallaxibus iam memoratis ; manifestum est angulum interceptum non attigisse gradus 12. vixque etiam  $11\frac{1}{4}$ . superasse. Vnde confectarium est fuisse horam Louanij 0. minut. 39. vel 40. ad summum cum iam deficerent Digiti 7. & amplius. Ceperat ergo deliquissimè hora saltem 12. min. 3. siue autem (vt Ipfus mihi denarauit) cum ipsissima nocte media. Quod admirabiliter ehm obseruatione mea conspirat qui Hercij obinui principium hor. 12. min. 3. ac certè nimis mihi mirum visum semper fuit si errare hic potuissimè in obseruando, si me calculi possem in numerando qui vt omnes taceam aliàs Eclipsin illam tuam Diniensem 1636. tam partiliter ad vltima momenta exhibuerunt. Quare tertium iam oro te atque obsecro vt præsentem Edium Thuanarium locum tandem aliquando reuiscere digneris & quod dixi memoriam aduocare, Beabis (mihi crede) posteritatem, cuius æternus *εὐχριστὸς* radius erit parte in Cælis & de cælis gloriæ ac beatitatis tuæ. Si verum est istud *Διῦρατος ὀφθαλμοῦ ὁρῶντατος*, non verebor addere *ἑταρὰ ὀφθαλμοῦ ὁρῶντατος* quod dum facio te tui ipsius admoneo ; de nominis inquam tui Anagrammate neque insubido illo atque (vt sunt pleraque eiusmodi) insulso, sed seria *ἑταρὰ* quid à te res ipsa postulet inculco,

*Si ter dispensas pondus, sapientius vrges*

*Vastum dispeffus pennipotens graderis.*

Non simul quia semel te obseruatione perfectum existim. nisi & iterum, & tertium & sæpius sæpiusque recolendo tandem eò peruenias, vt quò altius euoles, quod latius euolues non superis. Sed heus ! vbi locorum sum ! vnde ! quò ! quæ exerrauim. Reduc in

viam obsecro, & ignosce vel ideo peccanti vt sit cui ignoscas.

Ad Eclipsin Solis venio die 21. Augusti 1645. conspectam. Eius initium non puto per Belgium conspectum vsquam ita nubibus obfusus Sol delituit. Antuerpiæ *Guisconius* finem obinuit in corona Optimatum cum hora 12. minut. 33. sec. 2. Ego Hercij cum hora 12 minut. 37 $\frac{1}{2}$ . quantum tempota potui rapere per vmbra azimuthi. Er est consensus iste admirabilis cui & meæ Tabulæ adstipulantur scrupulosissimè. *Caramel* Aldeispachij ad Danubium quatuor leucis à Passaui in Occidentem scribit se natum initium hora 11. min. 0. sec. 9. finem hora 1. min. 20. sec. 18. Durationem totam hora 2. min. 10. sec. 9. medium hor. 12. min. 10. sec. 13.

Digitos obsecratos ad Septentrionem hora 5. min. 45. sec. 0. ab igne Lunari hora 5. min. 10. sec. 0. aëre Lunari. hor. 5. min. 5. sec. 0. à Terra Lunari.

Tres (inquit) semper vmbrae habui, quarum minimam quæ nigerrima erat Meditullij solidi Lunaris fuisse existimo ; mediam quæ sanguinea Lunaris aëris ; extimam, quæ crocea, fuisse Lunaris ignis. Crocea semper fuit duplo latior quàm sanguinea, & medium ipsa Digitum comprehendit exactè. Si fides meis Tabulis sua stabit Parisiis, eadem cœpit hor. 10. min. 9. ad summum ; desit hora 12. minut. 16. satis præcisè cum defectu Digitorum 5. min. 0. nullus dubito quin quidquid eius fuerit apud vos obcentum ad me sis destinatus illic, ad eum modum quo Eclipsin illam præteritis pennis transmisisisti quæ conspecta fuit postremo Februario, sic ramen vt simul etiam mittas conspiciendam Ianuario proximo, cuius Phafes Cardinales tres vobis patebunt aliquantò quàm nobis plenius.

*Anno 1646. die 30. Ianuarij conspicietur Eclipsis  
Luna totalis, cuius*

	Parisii.	Æquatio daret.	Hercij.	
	Hor. min. sec.		Hor. min. sec.	
Initium.	4. 6. 25.	3. 50.	4. 24. 25.	Penumbra anteuerteret fortè ad 30. m.
Immersio.	5. 3. 32.	4. 48.	5. 21. 32.	Optica fallacia extendet fortè ad m. 5.
Medium.	5. 53. 0.	5. 37.	6. 11. 0.	Post mediam noctem.
Emergio.	6. 42. 23.	6. 27.	7. 0. 23.	Ludicari poterit citius emergere.

Hæc tempora æquatio Dierum daret totis 15. vel 16. minutis maturiora, magno discrimine.

Erit hic Exeligmus anni 1628. quod ideo admoneo, vt de huius experimento constet an non illic vobis Aquis-Sextiis postumarent tempora totis 10. minutis sicuti scribebam.

Interim autem sciendi desidetio torqueor quid cogites tu super vitis Sanctorum Præuincialium edendis Marij Donati atque alio-

rum ? quorum sunt præclara monumenta in Codice illo Forcalcariano, qui nunc est penes Episcopum Sistaricensem. Qui tanta patriæ tuæ præstitisti, præsta hoc quoque quo nihil est præstantius.

Lego in vita Peireskij accepisse illum aliquando Babylone antiquâ, laterculorum fragmenrum, inscriptum literis ignorabilibus. Ego quidem quos Plinius commemorat certus sum complexos Epocham Diluuij 480. annis ante Phoroneum hoc est ante

Christia



Christianam Epocham annis 2310 $\frac{1}{2}$ . fectmè, eaque est diluuij mei tandem aliquando prodituri materies. Velim ergo (quod tuo commodo fiat) exemplum illorum ad me transdi, vt vel lucis aliquid illis afferam vel ab illis auferam, siquidem iidem sunt cum plinianis. Infinita alia lego in vita illa quæ vitam mihi breuem faciunt. Ita coram de iis tecum agendi amore languo, sed hæc Deus aliquis fortè dabit, & beata pax; quæ si Europam nostram semel reuiserit, non retracto de reuiscendo te meaque altera Patriâ Prouinciâ fortè illic me relicturus.

Loxiam memm toto hoc anno recudi nec semel, atque ad eam certitudinem perduxi vt non existimem superfore de quo dabitur, at enim delibero mecum de Titulo insigniendo Parastatis Illustribus Te ac Pythea. Quare oro, velis ad me Leonem tuam destinare, item & Pythea, concipiendam pro modulo præstantis alicuius Massiliensis & cordati literatque viti. Interim autem hoc habe. Deprehendisse me  $\text{Ἰζαρία}$  Norimbergensē atque in illa vrbe VValteriani obseruatorij graduum 49. min. 27. sec. 4. vel 5. vnde conficio obliquitatem anno 1488. & 1492. fuisse grad. 23. min. 30. sec. 51. quæ nunc est grad. 23. min. 30. sec. 15. tantum, decrescens etiam-num, erit eam Bullialdus iuxta cum Phocylide faciat increntem.

Et ad Bullialdum quidem erant quæ scribere, vt literatum commercio amicitiam cum illo viro (quem pro eo ac metetur suspicio) contesserarem: sed audio abiisse illum in Italiam ac Venetias, an fortè petiturus Byzantium aut Alexandriam, aut vtrumque? & certum nobis daturus  $\text{Ἰζαρία}$  vtriusque loci? dignus profecto est isto vindice hic nodus, si minus plenè soluit illum Bartholomæus Crescentius, & relationes quædam Nautarum quarum mihi ante 35. annos copiam fecit Galterius noster Aquis-Sextiis, & de quo videat retinuisse gradum Alexandriæ 31. min. 12. Nam posterius Bataurum relatio inter grad. 31. minut. 10. vel 31. 12. me incertum reliquit. Ac mitior Bullialdum retinuisse gradus antiquorum Gnomonicos Ptolomæi ac Pappi 30. minut. 58. cum nequeru quidquam certius de obseruatione vlla perscripsetis ad me, neque gradus illos meos 31. m. 10. credam erroris conuictos. Post tantum temporis ex quo Loxias meus primùm prodiit. Cuius non dico assertio, sed vel sola admonitio excitare prouinciales omnes debuit ad aliquid tendendum. Multa erant quæ scriberem alias, nisi alia me premerent; simul vt sit reliquum aliquid in aliarum literarum argumentum, finem ergo facio, sed cum altero tui nominis Anagrammate  $\text{Ἰαμυμυλῆτῳ}$  eccisso.

*Sis prosper nudis: at sit genuina DEVS spes.  
Vis Sidus penetres? Spes tuas grandis  
INOPS.*

Digno (me Devs) quod ramulo tuo inscribatur, nam & morum est tuorum Elogium & desponsæ tibi æternitatis  $\text{ἐὐλογία}$ . Quam ego cum inituro 9. Anno seram tamen nec nisi

post multos Ianos visendam ad precor. Bruxellâ 25. Nouembris 1645.

*Tui Plenus,*

GOTTIFREDVS VVENDELINVS.

Quoniam quæ iam scribebam non sunt destinata cum sui diei cursore, addam quod te magis etiam obstringat ad laterculos illos Babylonios mecum communicandos. Camæum illud sacelli Regij quot Interpretes nactum sit tu scire potes, mihi diuinandi potestas superest. Quæ ad interpretamentum vsus. Video (si quid video) expressam illo adoptionem Tiberij quàm Respublica siue autem Roma admouet Augusto inter Scriboniam & Liuiam sedenti & septentina ægide amictum, quæ indicatur Ciuilia bella, & in eius Caput conuitationes sublatas. Qui addit post tergum Mars & Gradius, pone quem Rheæ Syluia sedet in *Sipp.* Is louem affatur vt sicut volens libensque Romulum ex se genitum non Pegaso Bellerophonteo sed equo suo subuectum in Sidera in Deorum numerum admisit ita porro & altera ex parte Iulium pone subuectum Diuum admittat. Orbemque Terrarum Anchisæ siue autem Æneæ Posteritati gubernandum æternum decernat. Deuictarum, sub isto Augusto Cælo gentium imagines videor agnoscere Sicambros illos quos apud Strabonem & Paterculum legere est. Æturius ille qui Posterganeus sedet, Parthus Rex videtur. Omne desumpto à Perse Macedonum vltimo Rege cuius filius scriptum Romæ fecit, quæle quid de Partho sibi pollicetur adulatione. Post Tiberium pueruli, Cæjus mihi sūt & Lucius: quibus nimirum mortalis ille adoptionem meruit. Hæc an feliciter interpretatus sim tu iudica; & iudicij tui me participem facias, facies verò si laterculorum quos dicebam exemplum aliquod transdas.

Dum hic sum, nactus Doctissimi Mersenij nuperum opus, reperi paginâ 369. factam mei mentionem sanè quàm honorificam. Quo nomine me debitoem illi profiteor supra quam sum soluendo. Quod autem illic mitetur asseri à me hibernas oscillationes horarias plures esse quàm æstiuas; sciat (oro) me experimentis innumeris hoc deprehendisse. Etenim sumpto Oscillo ferri ponderis libratum 51. de suspensura pedum 45. in Templo meo neque autem consulto horifonio, sed Clepsydris vsus duabus, deprehendi iam annis aliquot continuis & obseruationibus iteratis ac repetitis sepiusimè hiberno Cælo seu sudo illo siue humido siue gelido siue tepido iactationes semper 49 $\frac{1}{2}$ . vel 49 $\frac{1}{4}$ . constantibus quàm vt casus credi queat, eiusdem oscilli ac suspensuræ iactationes æstiuas Sole Apogæo habui in iisdem Clepsydris & quocumque item Cælo habitu 47 $\frac{1}{2}$ . vel 47 $\frac{1}{4}$ . continuis iam aliquot annis diebusque ante & post Solstitium aliquam multis. Ea res me perpulit vt iam etiam demonstrari posse confidam, & Terram moueri. Et quorens minutis suam Diametrum per auram ætheream peruolitet. Nam quia cætro certius deprehendi casum hunc ad centrum telluris ea celeritate

leritate increfcente tuere vt lapis peruenturus fit illuc intra 12. minuta ad summum, illicque habiturus eam hormam, quam si habuiffet iam inde à principio casus totam Semidiametrum peruolaſſet minutis 6. ad summum, quantam habet ipſiſſimum punctum centri, quamque ipſe (pars magnæ matris homogeneæ) quærit & affectat. Profectò ſicut centrum Telluris Sole Perigeio celerius mouetur quàm Apogeo, mirum non eſt, ſi casus lapidis illud iplum æmulatur. Rurſum autem hinc conficio centrum illud ſpatio minorum 1461. percurrere medio motu Semidiametris ſuæ telluris 244. vt minimum quantifſer Sol Semidiametras ſuas 4. percurrere videtur planè vt Diametri Telluris & Solis hinc colliganur ſicut 1. ad 62. vt nimum, vel vtrique 64. quod aliunde probatum dabo etſi adhuc hæſito de 1. ad 60. propter rationes alias bene multas. Cogitata illa Mathematica vt ſublimia ſunt & mentis valde erectæ ac depuratæ, ita vt ille & Tu me ex æquo puriſſimis veſtris precibus ac ſacrificiis complectamini ardentibus votis opto. Idem ego qui heri. Scribebam hæc 26. Nouembris in Aëdibus Chifletianis. Vndidem ſaluto amicos in Prouincia meos, ac nominatim ampliſſimum Arnaudum Miræ-Vallis Toparcham. Ad quem literas iſtas feci, ſed à te legendsas, præbendas, deſtinandas, cum inſcriptione cuiuſmodi ad illum pertinere tu ſcires.

Reuerendo, Clarifſimo, Doctiſſimoque  
Viro D. D. PETRO GASSENDI,  
Theologo, Philoſopho, Mathematico Summo, S.

**P**Eucrende, Clarifſime, Doctiſſime Vir,  
Cum Traiecto Lugdunum abiturus tuus meufque Bornius Vale mihi diceret, multus de te nobis ſermo incidit occasione libri de Proportionem quâ graua decidentia accelerantur, &c. nuper à te editi; quem, vt erat ad me miſſus, incompaſtum manu renebam. Hic ego multiplicem & ſolidam tuam eruditionem, ille ſingularem tuam comitatem, vterque liberam tuam dexterrimamque philoſophandi rationem nobis mutuo commendare cœpiſmus. Quo factum, vt cum ille poſt bidoſum triduum ve ſcripturum ſe tibi ſubiungeret, paratūque ſi quid & mihi placeret, ſuis incluſum literis ad te bona fide tranſmittere, conditionem mox arripuerim. Hinc natæ hæc ad te, Clarifſ. mi Gaſſende, literulæ: quas vt verecundiori, dummodo in Gaſſendum modo in me oculos mentis deſigo, ſcribere tamen auſus ſum. Tua enim tantopere deprecicatæ mihi comitate fretus, in ſinum quoque tuum deponere quid verear & affectum illum meum quo te proſequor, & obſeruantiam quâ te ſemper colui: Verūne me Paraſitiſtrum credas, plura de his addere ſuperſedeo. Ad alium te nunc vocabo puluerem. Ex appendice Exercit. Fluddiſtarum, ex Epifſola de ☉ humili & ſubli-

mi ad ad F. Licetum, ex alia ad Gabrielem Naudæum de 9. Planetis circa 2c. deſectis, ex Bullialdi Aſtronomia Philolœica, ex ☿ in ☉ viſo Hortenſij (tuum enim videre nunquam licuit) aliſque ſatis perſpectum habeo, continuâ te operâ Cælo inuigilare, nac ſi quid obſeruatu occurrat dignum, facile in expertum relinquere. Non eſt itaque vt dubitem, quin Eclipſin Solis præcedenti anno menſis Auguſti die 11. St. Vt. viſam obſeruaueris, modò Cæli vobis clementia fauerit. Beabis me, ſi quæ ad illam tibi cetera, communicare non dedignaberis. Nam & ego obſeruauī partim immiſſo per Teſcopium in cameram obſcuram Solis radio, partim per amplum ſextantem, quo Solis capiebatur altitudo: ſed ſinem tantum. Initium enim & quantitatem denegauēte nubes; ſato harum regionum neſcio quo, non neſcio quando. Eadem nobis inuidere nuperam Lunæ Eclipſin quæ in 21. Ianuarij St. Vt. incidebat. Vix dubito (nam id calculus poſtulare videbatur) quin circa medium in Cælo Luna proſus euauerit, vt contigit Keplero an. 1621. & nobis hic anno 1642. interim tamen ſiquidem in demonstratione hîc non verſer Geometrica, *et cetera*, donec vel à te, vel ab alio Viro Docto, quid hac in re factum ſit edocear. Pluribus mi Gaſſende (patere vt ita te compellem) hac vice te non detinebo. Finiam (nam id charta vnoet) ſi hoc vnicum te rogauero, vt redames Tui amore ebriū IACOBVM RAVENSBERG. Solutim Traiecti ad Rhenum 2. Maij Iuliani, anno 1646.

Summo, Clarifſimoque Viro D. D. PETRO  
GASSENDI,

HENRICVS BORNIVS, S. P.

**M**Agne tibi habeo & ago gratias, Vir Magnæ, quod mei men. or doctiſſimas tuas Epifſolas vnâ cum gemino inaturalis tuæ orationis exemplari mihi dono miſeris. Donum hoc tuum vehementer mihi gratum fuit, at gratius ſanè fuiſſet ſi epifſolio concōmitatum ad manus meas perueniſſet. Nihil enim mihi gratius vnquam fuit, quàm ex literis à te mihi redditis de rerum tuarum ſtatu, tuoque in me continuo affectu certior fieri. Verū quemadmodum plorimis iam detraheris & inquietatis vndique curis, ita in aliam occaſionem literas, ad me pro tua in me beneuolentia exarandas, diſſerre neceſſe habuiſti. Nihil tibi imprefſentiarum gratitudinis teſtandę ergo remitto, verum ſimul ac Regij Phyſica (de qua pluribus ad Marcellum noſtrum) typis deſcripta fuerit, exemplar illius vnum, aut (ſi placet) alterum tibi tranſmittam. Literas quas meſe inluſas inueniſti dedit ad te Vir Doctiſſimus Ravenſberg. Matheſeos in Vtraieſtina Academia Profeſſor, cui cū plurimus de te quotidie mecum eſſet ſermo, ſcire ex me tandem voluit, num in graue tibi eſſet, ſi tibi pro ſummo ſuo in celeberrimum tuum nomen ſtudio Epifſolâ aliquâ ſalutem diceret. Iuſſi ſtudio Doctum,

Doctum, ac tua amicitia planè dignum, securo esse animo, tibi quæ nihil gratius euenire posse affirmavi, quàm ab illius similibus, qui solidè bonam mentem amant, humanè ad literarum vltro citroque mittendum commercium sollicitari. Quæso te itaque, Vir Magne, vt Viri Docti summi tui cultoris hæc literas, nisi graue est, responso aliquo digneris. Cæterum beauit me Sorberius noster quod duas simul tui imagines oculis meis obiecerit, mentis scilicet & corporis, quatuor tamen alteram, quippe à te ipso profectam, alteri, à pictore valde mediocri delineatæ multùm præfero: Qualicumque tamen illa fuerit, primà data occasione, vt desiderium absentiae tuæ, quocumque possum, solatio leuem, illam à pictore depingendam mihi curabo, donec subtiliori alicuius artificis manu huic venerandi tui vultus vmbra, imò vix vmbra, melius ad similitudinem tui præcisa imago, qua musæum meum, dum viuam, condecoteretur, succedat. Summopere etiam mihi totique bonæ menti operam nauantium choro, gratulor, quod tandem animum appuleris ad Epicuri Philosophiam, tantis votis à nobis expectatam, prælo subiiciendam. Iam animus est in Doctissimo illo tuo scripto euoluendo occupatus, quippe in solidum persuasus magnos inde ad se redituros fructus. Vrge solummodo operas, ne motas nectant, & gaudia nostra morètur. At tu interea, Vir Magne, amicitia meæ summum decus, Vale, & me quem hætenus tanto affectu complexus es, rogo, amare pergas. Dabam tolutim Hagæ Comitris 28. Maij 1646.

Clarissimus Heerebordius cui alterum orationis tuæ inauguralis exemplar dedi petiit à me vt peramicè te salutarem, tibi quæ suo nomine omnia sua offerrem. Iterùm Vale, Etuditorum decus.

*Reuerendo ac Nobilissimo Viro D. D.*  
PETRO GASSENDO,

IOANNES OVGEVINI S. P.

**Q**uod imbecillæ preces meæ apud Excellentissimum Principè obtinere non valuère, id grauissimè mihi quæ gratissimæ intercessionis R. D. T. vltro concessit. Deus Opt. Max. beneuolentissimo & promptissimo Reuerendæ D. T. in afflictos partocinio per præmium reddat; ego æternæ gratitudinon indormiam; adhuc tamen ab Excellentissimo Principe propter aliqua negotiorum præstanda, duorum fortè mensium spatio humaniter ad inanendum inuitatus, te Patronum meum continuà debita, et si minùs dignà gratiarum actione, disciscatur, non frustrabor; valeat diu felicissimè Iunij 5. 1646.

*Reuerendæ ac Nobilissimæ D. T. minime obsequentiissimus* IOANNES  
OVGEVINI, ROXOL.

*Summo ac Celeberrimo, Viro D. D.*  
PETRO GASSENDO,

HENRICVS BORNIVS S. P. D.

**Q**uam amico meo nupetimè intellexerim Cartesium horratu quorundam aggressum esse refutationem postetioris tui contra ipsius Metaphysicam scripti, non ingratum tibi fore iudicaui, te illius à me certior fieri. Latine tibi non respondit, sed Gallicè; quia tota illa Metaphysica cum omnibus obiectionibus & responsonibus in vernaculum vestrum sermonem versa iam in Gallia typis describitur. Verùm, vt sincerè tibi meam de hoc Cartesij molimine sententiam aperiam credo ipsum Æthiopem dealbare, nunquam enim se ex illis, quibus illud, interitum tenes, laqueis expedit; sic mecum iudicat optimus Regius cui propter editionem Physices Cartesius etiam non parum est insensus. Subolsfecit, credo ibi quædam lectum iri, quia suis placitis abludent, Vtinam Optime Gassende, eximius aliquin ille Vir mitiori esset erga dissentientis ingenio, motemque tuum æmularetur. Regij illa Physica ad finem propetans, & iam ad vmbilicum perducta fuisset, nisi sculptor operas moratus fuisset. Simul ac publici erit iuris ad te exemplat transmittam, in singnum gratitudinis meæ erga te beneficiæque, quibus tibi obligor. Interea te subnixè rogatum volo, vt literatum vltro citroque mittendum commercium, iam aliquandiu mea culpa interruptum; iterùm inter nos ferueat. Non enim tua mihi nota virtus patitur, vt verear, ne ægrè tuleris, quod te infecta, Epistolæ, quas imprimendas me curaturum promiseram tibi temiserim: cùm incuriæ meæ imputari non debeat, quod fallacibus Typographorum quorundam promissis elusus fuerim. Commendaueram tibi tanquam de meliori nota doctissimum, & tua amicitia dignissimum, iuuenem Ioannem Metryvvarer nescio an literas meas tibi dediderit. Iterùm te quæso & rogo, Summe Vir, vt hunc meum amicum omni virtutum genere ornatisimum, ac bonæ mentis indefessum cultorem, aliqua fauoris tui parte dignè. Interea Vale, & immortalis tui nominis solidissimum cultorem redamare perge. Dabam tolutim Lugduni Batavorum 9. Iulij 1646.

*Viro Maximo, Incomparabili, Domino*  
PETRO GASSENDO, Theologo,  
& Professori Regio,

SAMVEL SORBERIVS *in scriptis.*

**Q**uod est quod ad te nihil literarum scripsi, quamvis ab appulsu incunctissimas tuas acceperim, quibus de Libro Viri Summi sententiam tuam exponis. Sed quæ mihi peragenda fuerint, quantique momenti negotia non ignoras. Nunc Leydam concedo,



cedo Lares ibi fixurus, quod faustis vrinam auibis fiat, atque ex vitilitate sit mea, aliorumque, quibus bonæ mentis studiosis domus nostra patebit. De editione Apologiæ Epicuri audio lentè & tardissimo passu rem procedere. Quàm vellem codicem tuum tradidisses? Effecissem enim vt Blavius posthabitis cæteris omnibus opus illud desideratissimum velocissimè promouisset. Sed de reliquo opere, quæso, cogitemus. Affinis quidam meus est circa Brumam huc reuersurus; iuuenis est qui Sapientiæ & mercaturæ studia coniunxit; cui proinde tanto incunctantius librum committere posses. Scribe igitur quamprimùm Hagam apud D. Renand quid tibi animi sit, vt moneam affinem cum Luterian redierit, & Typographo, tñique nominis cultoribus spem inuicem, aut dilationem spei æquius sanè illi ferant consilij tui facti participes. Vale, Vir seculi nostri primarium decus, & me amare perge qui te semper, seu mortali in corpore diuini & *σπουδαίον* colam & venerabor. R. P. Merfeno salutem plurimam, atque versus tradas, quæso, amici cuiusdam filiorum D. Hugenij Præceptoris eruditissimi. Hage Com. Kald. Septembris A. S. 1646.

Scire velim an ad Guiraudum nostrum rescriperis. Vir est non spernendi acuminis, quem si responso digneris vel breuissimo, ad maiora, quibus impar non est, simulabis. R. P. Merfennus nouit hominem & apud Rozellum vidit Nemausi.

*Reuerendo admodum, Clarissimoque Viro  
Domino PETRO GASSENDI, Dinensis  
Ecclesie Præposito, & Matheseos  
Professori Regio,*

GOTTIFREDVS V VENDELINVS  
*Ordinarius & Episcopus.*

**E**VM hic sum Virorum summe occupatus (vt soleo) rebus priuatis amicorum quos tueor: ecce die 17. huius mensis hora matutina inter secundam & tertiam ereptum mihi *Erycium Puteanum* quem sanè & incolumem die 4. Septembris reliqueram: Ecce alterū de te nunciū, qui eminens his exploratum Cælum cominus peruadere voluisse narrabaris. Ego qui sexagesimum & sextum iam annum numeravi quàm penè Puteanum vbi est lærum mæstus adj! Sed recreauit me melior de tua valetudine fama, itaque tecum hæcenus viuere opto, donec saltem sarcinas colligam, & quod est sub manibus perficiam. Tantò id cupidius quântò me video postulari vltro à Bullialdo: cuius ego totum opus totis his octo mensibus studiosè perlegi. Si quid de illo censere quæris: absolute subtilitatis Astronomum loquitur & Geometram artis reconditissimæ. Vnum doleo, cùm cæteras meas obseruationes non improber in Eclipsi anni 1642. se inscriptis aduersum me Actione Falsi, quasi ego tantus natu hoc profecerim vt cum splendore existimationis discerem mentiri, A quo certè crimine me

absoluunt Lugdunenses Bataui, vbi Golius in obseruatorio Academico Initium factum scribit (ex altitudine Reguli grad. 31. min. 22. sec. 50.) cum hora 12. min. 0. sec. 12. Digits sex obtentæ, & (ex altitudine caudæ *♂* grad. 42. min. 35. sec. 40. cum hor. 12. min. 37. sec. 34. Istos tamen ego propter Opticas fallacias in septem totos facile extendo more solemnī. Quæ quidè vtraque, sed principium insignitè conspirat cū obseruatione mea supra omnem fidem, & ad miraculum industræ. Obseruationem hanc cum hoc mense Iunio demum nactus sum, & quidem adnicens hanc in curam Hugenio Magni Principis Camillo iamque Selcheimi Toparchæ, cuius in me affectum Epigramma (quod eius in libris est nuper editis) testatur. Multa sunt alia quæ cum Bullialdo communicanda in præsentiarum cogor, differre, quod non sum apud meos Libros. Itaque nec plenè respondeo ad illas quas abs te missas die 6. (ni fallor) Martij accepi Leodij: & simul rediero domū dabo operam sedulam vt expectationi tue fiat satis. Hoc interim inter tatus, Eclipsin Ianuarij postremi propter nubes nulli Belgarum conspectam. At in compensationem illius, vidimus nos Hercij finem Eclipsæ Lunaræ die 27. Iulij, qualem penumbra representauit euidenter ad hor. vsque 7. min. 55. circiter: ascenderam Templi meiturtini, tantillum saltem de Parallaxi *δ* lucrifactorus, vnà cum aliis vegeti visus amicis, qui priores me quamquam Telescopium vltropanti, viderunt Lunam per aërem *ατμός* superiorem parte (contra quam oporteret aliàs) multò hebetiorem quàm inferiorem meus Calculus finem dabat (si rectè memini) hora 7. min. 25. ita penumbra tenuerit min. 30. quomodo tibi iuxta mecum idem contigit anno 1638. Eclipsin quæ futura est mense Ianuario proximo & quidem in ipso Lunæ Perigeo tandem aliquando deciderit quidquid super dierum æquationibus inter Bullialdum & me controuertitur, quamquam ipsa horta, à te obseruata toto ferè Semi-horio posterior calculo Bullialdo, meo non nisi 9. minutis postumar, paucioribus etiam si præter intermorium captatum tibi tempus ex altitudine Lunæ aliis præfero, sic enim consensus est inter nos stupenda. Plura non addo in præsentiarum, quàm vt intelligas me tum demum videti valere, cum te valere cogito & (spero) quantocyus intelligam sic futurus tam hospes quàm te valente valens, in tui recordatione vnice viuus. Gottifredus VVendelinus. Bruxellâ 20. Septembris 1646.

Saluta (oro) P. Merfennum Petauium, Furnerium, & quem iam commemoravi Bullialdum futurum aliquando Sosigenem nisi me ratio fugit & illum *φιλανθρωπία*. Interim procellam Apheliorum Veneris & Martis (fermè & *♂*) quam pariter ille mecum docebo, quid illum fugerit in *h* & *z*.

Meus Calculus Eclipsin hanc posteriorem exhibet Massiliæ adhuc conspectam totū ferè quadrantem horæ post occasum Solis. Nec dubito super ea te iam adpè perscriptum, oro,

commu


communica. Vt & quidquid super priore accep-  
peris vnde cumque. Iterū ac solidum Vale.

*Reuerendo admodum Clarissimoque D.  
PETRO GASSENDO, Cathedra-  
lis Ecclesie Diniensis Prapósito,  
Regio Matheſeos Professore,*

GOTTIFREDVS V VENDELINVS  
S. P. D.

**C**raus iste est dies, Vir Clarissime, cum ad te scripsi. Et quamquam præter id quod tunc scripsi nihil admodum aliud habeo quo te occupem, nō potui tamen non testatum facere quantum te vnum semper cogito, qui de hoc solo argumento materiam scribendi sumo: sterilem quidem dices, quod in me verum est, sed in te Gargara sunt & messis plena. Credo iam inductum tibi, vt credere velis, non oſcitantur me obseruasse Eclipsin illam 15. Aprilis 1642 & circumſpicere vos omnes quid lateat fallaciæ non quidem in Meridianorum intervallo, quod verumque certum est, sed in ipsis instrumentis, quibus vsi estis; quod vt seriò examine-  
tis, res ipsa vos orat & posteri. Quod ad Lunæ Proſtaphæreſes attingit ex æquo imas cum summis æquales, id mōſtri ne ſollicitum habeat Bullialdū, cogitet, me prima illa mæ lampadis face. *In calis par est hodierna cras-  
ſina summa*, me dimidium tantum eius quod dicendum habui dixisse. Duo sunt magna Mundi corpora suos dies noctesque alternan-  
tia, Luna & Tellus, hæc quidē hor. 24. præci-  
ſe, illa hor. 708. m. 44. ſec. 3. ter. 12. præciſiſſimè  
ſemper, nullā ingeſtā varietate, quantumuis  
Anomalie videantur reclamare. Longa mul-  
tiplicique obseruationum fide ſum edoctus:  
qui vmbilicus aut cuspis in Luna circa qua-  
draturam (hoc tempus est commodiſſimum)  
incipit illuminari hodie, cuiſcilicet Sol in-  
cipit oriri, ſemper ac conſtanter relatis die-  
bus 29 hor. 12. min. 44. ſec. 3. ter. 12. rursus  
eodem modo illuminandum. Itavt Lunares  
Creaturæ dies item ſuos ſentiant æquabilif-  
ſimos. Nunquam vt alia dies, ſit horarum  
700. alia 720. quod necēſſe foret Anoma-  
lias expenditi, proſedō *Spiritus vite eſt  
in Rotis*. Tibi non addo plura. Quoniam  
ergo Luna æqualibus temporibus ſuo Sole  
ſui vult æqualiter, hinc prodigioſa illa, &  
in ſpeciem *ayyovteta* Proſtaphæreſeon of-  
ſcillatio cogitationes noſtras in corticem  
Geometricum defixas iactat omni ofcilla-  
tione vacillationes, ne cogitemus viam Lu-  
narem ſuam orbitam longè aliam facere ac  
nobis *ayyovteta* occupatis in mentem venire  
patimur. Ea enim neque circulum deſcribit,  
neque Ellipſin, ſed Qualem planiſſimè, vt ſci-  
licet ab Apogeo ingrediatur intra Ellipſin  
vique ad diſtantiā mediam, inde Ellipſin  
egrediatur. Vnde ſit, vt ſupra medias longi-  
tudines Ellipſis media ſit inter Qualem &  
Circulum, infra eaſdem Qualis iam media  
incedat inter Circulum & Ellipſin. Atque ita  
etiam Geometricè Proſtaphæreſeon ofcillato  
*Epistoła ad Gaſſendū.*

demonſtrentur, ſi ſemel Qualis Geometricè  
ſit cōſtructa, quod Bullialdum ſcio momen-  
to effecturum pro illa ſecunditate ingeni-  
quam in illo elucentem ſtupro. Cui & hoc (a  
me ſalutato) ſuggeres, obseruationem Satur-  
ni antiquiſſimam illam non cadere in diem  
1. Martij (quod Ptolemæus doceret) ſed in  
diem 31. qui reuera illo anno fuit 5. Xan-  
thici. Quo ſemel agnito (ſicut & alij ſunt  
in Ptolem. *ayyovteta*) & ſitus Lunæ quem  
Ptolemæus ævo ſuo ſe obseruaſſe ſcribit ad  
vnguem paria facit cum Cælo, & Annus Sa-  
turni Tropici dies habet 10747. hor. 12.  
min 12. & Aphelij proceſſus annos habet il-  
los meos ſanè quàm exquisitè, & de hoc ſe-  
mel cōſtituto Iouis quoque Aphelij quem  
ſetuer motum eluceſcit, iuxta mecum: Et ad  
Mercurium quod attinet; in antiquiſſima  
illa obseruatione nimis itēm credulus fuit  
hallucinanti Ptolemæo, nimis eidem diffi-  
ſus eſt obseruationem ſuam Lunarem cum  
Q comparanti. Rectiſſimè ſanè Aphelij  
Mercurij ſub Ptolemæo deſixit in gr. 3. vel 4.  
no illud non rectè quod obseruationem an-  
tiquiſſimam habitam anno Dionyſij 21. ſic



interpretatus iuxta eum Ptolemæo, quaſi  
Q fuerit comparatus cum Boreali & media  
frontis no, cum reuera fuerit facta iſtæ com-  
paratio cum media & Borealiſſima frontis,  
ſtante tunc Mercurio non in grad. 1. min. 57.  
ſec. 30. no ſed ſupra 6. gr. eiufdem ſigni. Vnde  
& latitudo eius maior, & nodus alioſum re-  
ponendus eſt atque etiam hic vna cum om-  
nium Planetarum Nodis aliis contra ſigno-  
rum ordinem retrocedit, & denique lamp-  
adis mæ tertium lumen elucet. Doleo atque  
adèd indignor ſolertem Virum Lunares Pto-  
lemæi conſignationes viſaſſe pro ſcopulis  
qui reuera pharus erant & portus tutiſſimus.  
Sed viuait adhuc vegetus & valens, & qui vt  
nuper ſcribebam ſibi ſuus erit Soſigenes.  
Hæc cum ad te ſcribo, ad illum quoque me  
ſcribere exiſtimo, & an falſus ſum ipſe vel  
ſilentio indicabit vel ſcripto, quo ſi me co-  
honeſter, beabit vtriuſque veſtrū plenum  
Gottifredum VVendelinum.

ſcribo vtrumque feſtinò, quæ omnis etiā  
mea culpæ deprecatio ſi quid (quod non  
pudet) peccauero, Reuerend Merſennum  
& Furnerium, ſed & Eximium VVaffellarium  
à me quaſi ſaluta. Bruxellæ 28. Septēbr. 1646.

*Admodum Reuerendo, ac Nobiliſſimo  
Viro D. D. PETRO GASSENDO, S.*

**N**Obiſſime ac admodum Reuerende  
Domine,

Nescio quid me magis promiſſorum ſecit  
contumacem: tuz ne humanitatis & bene-  
volentia,

uolentia candor, an mei obsequij & gratitudinis in te continuanda materies? ut tertium fierem importunus; quicquid sit, ut amici ita & clientes musicis non absimiles non semper tempestiuos audientibus ferunt sonos; meas tamen literas Reuerendæ Dominationi tuæ accipio non ingratis; tuæ verò sunt mihi deliciae: quibus testaris quicquid me rerum atineat Reuerendæ D. tuæ esse cordi: Vnde & illa beneuolentia plena apud humanissimum Dominum Neureum protulit mei recommendatio. Quis Deorum immortalium te fabrum fortunæ & gratiæ apud tuos, mihi extraneo, nisi singularis virtus & innata tua fecerit humanitas? Ab eunt ignoto viaticum credidisti: commendatione apud Illustrissimum Comitem auxisti: & ulteriores si qua in te expediret humanissime promissisti; meis ergo officiis, adhuc, sterilescentibus, sit tibi merces pulcherrima virtus. Nunc quibus fortunæ velis nauigem Reuerendæ Dominationi tuæ fautori meo paucis aperio. Studium linguæ nostræ negotiorum mole Illustrissimum Principem aliò auocante, æstate quidem tepebat, hyeme verò penitus obtigit & conticuit, me interim panem otiosè comedentem puer, & Lupum (ut aiunt) auribus tenere pœnitet. Aliquot ante Septimanis ab humanissimo Domino Neureo de conditione mea cum Illustrissimo Principe peragente amicum accepi responsum: ut linguæ Gallicæ incumbere; & si rebus meis consulere melius vellem: Reuerendæ Dominationis tuæ ulteriores apud Principem Illustrissimum virgerem recommendationem; verum ego Reuerendam Dominationem tuam, vlla abstineat, obnixè precor; quid enim absente promerendi per laborem occasione, importunas ab hominibus velim extorquere elemosynas; otioso interim panis (& si contra Diuum Paulum) & spes excusandæ ignauiae ex instructione leuissima Illustrissimæ Virginis gliscens sufficiunt; tali statu gaudendum, qualem ipse certa incertis postponens acceptaui. Verum tamen, *Kneis* qui senectute canant *æneis* in aula: Ego verò breui ab hoc choro me expediam, nec in longum aulica spe abripiar. Nunc quia sic fata sortem meam conglutinauerit, præsens vita (donec quo titulo vocatus fueram id saltem scripto etsi non docendo præstitero) transigenda; & Reuerendæ D. tuæ beneficentissima voluntas, ac immeritum patrocinium intimo pectore æternùm retinenda. Pro illa porrò liberalissima apud Doctissimum & humanissimum Dominum Neureum mei recommendatione Reuerendæ Dominationi tuæ gratias ago immortales: eà me profecit beneuolentiā, quæ ab homine literarum gloria & morum sinceritate ornatisimo possit expectari. Da tandem importuno veniam, viuēque felicissimè ac diutissimè Deo, literis & amicis: nec non minimo ac humillimo Reuerendæ Dominationis tuæ

Clienti IOANNI OVEVIGNIO  
ROXOLANO.

Admodum Reuerendo Clarissimo Viro D.  
PETRO GASSENDI, S.

¶ Larissime Virorum Gassende,

Accipe, quod hic nobis Cælum nuper dedit, Pluviam purpuream; cuius iam scio ad vos peruolasse famam. Huius verò à me habere Historiam (quoad saltem à me præstari potuit) totam ubi eam perlegeris, si iudicium tuum promes, illud vnum totius Galliæ instar apud me quidem erit sicut apud Tragædum quemdam solus spectatort Plato instar erat omnium Atheniensium. Quid magis etiam te oro, ut sicut ille suis non inuidit statuum sui, tu item effigiem tui sæculo non inuideas. Non est (mihi crede) vanitatis ostentatio falem pati ut hoc à te impetretur: & ingratitudinis nota nostra tota sit hoc à te non petiisse merito ut nos culpat posteritas. M. Antoninus Boionius Imperator cum aliquando esset Niceæ in Bythinia. Vidit in vrbe Græcula Græculas ineptias populum statuarum. Et cum inter omnes vnam requireret omnium reliquarum populum, Hipparchi Astronomi neque is vquam compareret, quàm viri istius admirator, tam Nicænis insensu, quod Ciuem suum fuisse nescirent aut ignorarent, grandi multâ milenorum aliquot modiorum frumentatione annua quam Populo Romano penderent afflixit vltima meritis. Digni erant & Massilienses pari pœna, nisi Pythæ sui statuum possent ostendere, quam ego certam habeo illam esse eandem cuius tu mihi Iconem curasti. Ita & prismati suo insitit more illarum omnium quarum apud Pol. Vrsinum aliòque expressæ sunt imagines, Sophoclis, Demosthenis, Platonis & aliorum: Hoc ergo toties oratus, exoratus tandem esto: Loxias meus iam prodidit, si à Magistratu Noribergensi obtinuissim maximam Solis ætius altitudinem in illa domo VValteri quam incoluit ante annum 1495. Etsi enim iam certus sum Poli Noribergensis *æquæ* esse grad. 49. min. 27. non tamen hoc mihi satis est, qui urbem illam scio, & recordor faciliè occupare minutum totum, ut ex æquo verum sit & esse latitudinem eius gr. 49. m. 26. & gr. 49. m. 27. Sed enim quoniam citra minutissimam *æquæ* non possumus esse satis anxij, qui etiam de secundis sollicitamus calculis, scripti ad illos, ut vellent cum mihi honorem habere quem tam prolixè exhibuit Massilia ut certò posset constare de domo VValteri. Et si aliòquin vel omnia me fallunt, vel eius latitudo est grad. 49. min. 27. sec. 4. vel 5. neque plus neque minus. Porro enim maximam Solarem Prosthaphæresin esse gr. 2. m. o. sec. o. præcisissimè. Idcòque excessum Semicircularium temporum esse dierum 4. hor. 1. m. 14. sec. 36. qui additi vel subtrahiti de 182. h. 14. m. 54. sec. 33. componunt



ponunt maximū tempus Semicirculare die-  
rum 186. hor. 16. min. 18. sec. 10. isque fuit  
Semicirculus æstiuus ab  $\vee$  ad  $\Delta$  anno  
nostro 1268. quando Apogæus  $\odot$  fuit in  
hor. 0. min. 0. sec. 0.  $\ominus$  Rursus dico excessus  
Temporum Semicirculatum se habere  
ad inuicem vt sinus Apogæi eleuati supra li-  
neam oppositorum cardinum. Itaque si Apo-  
gæus sit in grad. 30.  $\vee$  vel in grad. 30.  $\oslash$   
tunc verò excessus dierum tantum 2. grad. 0.  
min. 41. sec. 48. diēque æstiuos fuisse & fore  
184. hor. 15. min. 36. sec. 21. atque ad eum  
modum proportione. Quoniam erga sub  
Vvaltero anno 1488. Apogæus  $\odot$  stetit in  
grad. 3. min. 48.  $\ominus$  hoc est grad. 86. min. 12.  
supra lineam oppositorum Equinoctiorum  
cuius sinus est 99780. fuerit excessus totus  
dierum 4. hor. 1. min. 14. sec. 16. Semicircu-  
lus ergo æstiuus fuit dierum in vniuersum  
186. hor. 15. min. 18. sec. 40. admodum.

Hunc autem Semicirculum æstiuum vt  
eliciam ex chordis Vvalteri (cum Parallaxi  
mea scilicet) non inuenio aliud  $\frac{1}{2}$ æquæ VVal-  
teriani obseruatorij quàm grad. 49. min. 27.  
sec. 5. Quæ semel dato, Solstitiales chor-  
dæ exactissimæ, & certissimæ omnium dant  
declinationes maximas grad. 23. minut. 30.  
sec. 2. præcisissimæ, quæ nunc est hor. 23.  
min. 30. sec. 14. vel 15. ad summum. Sed de  
his alibi & id nominis quoque tui gloriam  
in posteros transfédam. Gaudeo Bullialdum  
prælatissimam peregrinationem suscepisse  
Bizantium, vbi poli  $\frac{1}{2}$ æquæ inueniet grad. 43.  
min. 17. sec. 45. si explorabit in Serralio,  
alioquin Petæ habebit supra grad. 43. m. 18.  
Faxit Deus vt hoc ab illo discere mihi liceat.  
Tum & illud de Poli Alexandrini certitudi-  
ne, sed & Portæ Rhodiensis quem certus  
sum esse graduum 36. min. 20. nihil aut plus  
aut minus. Atque aded tu si ad illum seti-  
bes, vt & hoc agat meo nomine moneas.  
Inter hæc Eclipsin Ianuarij proximi mcital-  
culi supputant Parisiis cepturam hor. 8.  
min. 3. sec. 20. desitutam hor. 10. minut. 15.  
sec. 44. Medium vt in hor. 9. min. 9. sec. 44.  
sit casurum. Si tu solitum obtinebis captan-  
dis altitudinibus habebis forsan hor. 8. m. 7.  
circiter, & finem circa hor. 9. minut. 15. &  
propter oculos tuos vimbæ factos faciliè h. 9.  
min. 20. Sed quæso ausculta vel hic mihi, &  
culminationes adhibe in consilium, experie-  
ris me non falli, si item oculos plurium ad-  
uoces qui de sine pronuncient vno ore sicut  
apud nos factum perscripsi. Non dubito  
quin R. P. Mercennus iam periculum fecerit  
oscillationum abs se institutarum per vtrum-  
que tempus tropicum seu potius Apogæum  
& Perigæum  $\odot$  successum præstolor auidis-  
sime. Tu interea Vale mea anima & ama  
vero pectore. (Raptum Bruxella 19. Octo-  
bris 1646.)

Tuum

V VENDELINVM

Admodum Reuerendo ac Nobilissimo  
Viro Domino Domino PETRO  
GASSENDO,

IOANNES OVGEVIGNY ROXOLANVS S. P. D.

**E**ndem Aulico studio peracto: in quo  
cum toties caspirantem me singula-  
ris fauor & immeritum Reuerendæ  
Dominationis tuæ patrociniū benignè ere-  
xerint: gratias Reuerendæ Dominationi  
tuæ licet impares, ago & habeo immorta-  
les. Non minus interim gaudeo, mihi quæ  
gratulor Galliam vidisse, ac in ea vixisse,  
quàm quod eo tempore viderim & vixerim,  
quo Gassendi rara modestia, matura pruden-  
tia, & exacta sapientia, in orbe Sorbonico  
fixa, non modò toti Galliæ, verum vniuersæ  
Europæ clarè resplendeat. Infelix ego, qui  
huic lumini Pariliis degens fueram ignotus:  
dein factus notus, ab eo in Prouinciā  
elongatus, nunc adhuc longius Venetiis se-  
cedo. Adepol ducant an trahant fata ho-  
mines nescio! Mihi nihilominus absenti su-  
perest indelebilis beneuolentiæ ac benefi-  
centiæ tuæ imago, grato animo & pectore  
æternum retinenda; Tu modò diu felicissimè  
vivas atque valeas, Aquis-Sextiis 1646.  
die 2. Nouembris.

Admodum R. D. tuæ minimæ ac obse-  
quentissimæ serui I. OVGEVIGNY.

Admodum Reuerendo, atque Clarissimo  
PETRO GASSENDO, S. P.

**E**veniamadmodum literas meas vltimas  
mensis Septembris Anno 1645. exe-  
ratas, cum obseruatione & typo  
Eclipsæ Solaris transmissæ, te accepisse  
haud dubito, ita & tuas, eodem anno, &  
mense daras cum obseruatione accuratissi-  
ma Eclipsæ Lunaræ communicata, mihi  
perquàm gratissima, licet admodum tardè,  
ad manus meas peruenisse, scias: Vinam  
par pari rependere possem! Sed nihil quic-  
quam hæcenus singulare in Cælo depre-  
hensum. Ad illam ipsam Eclipsin Lunæ præ-  
teritam, vigilantissimum quidem oculum,  
tum temporis direxeram; sed frustra penè  
fuit, eo quod Cæli inclementia, nobis-  
que densissimæ Lunam obuelantes, id im-  
pedierint, ita vt nihil omnino, præter ini-  
tium & Phases sequentes deprehenderim.  
Primò initium ingruerat circiter, cum lu-  
cida Lyre ad ortum eleuaretur gradibus 46.  
min. 8. horâ scilicet 5. min. 21. sec. 4. Secun-  
dò vimbæ cum Lunam ad 4. Digitos inua-  
sisset, altitudo eius Lyre capta fuit 42. grad.  
57. min. ex qua elicitur hora 5. minut. 33.  
sec. 36. Tertiò cum vimbæ ad dimidium Di-  
gitum ulterius Lunam terminaret, eleua-  
batur Lyra 49. grad. m. o. hinc horam tum  
fuisse 5. m. 40. sec. 48. certò deprehenditur.  
Quartò Luna cum vndecim circiter Digito  
obscurata appareret, altitudo Stellæ in pecto-  
re Cygni deprehendebatur gr. 39. m. o. ex qua  
iterum,

V V 2

iterum,

iterum inuenitur, fuisse hor. 6. min. 12. sec. 52. Nunc obseruationibus Iouis scilicet & Lunæ, obseruatu longè dignissimis iam iam instantibus nos accingamus: quod si quicquam mihi annotare & obseruare continget, non deero quin primâ occasione tuam R. Dign. illarum rerum participem reddam; id quod de te mihi vicissim polliceor. Selenographia mea adhuc sub prælo sudat, de qua maturanda, licet maximè sim sollicitus, omnemque adhibeam operam, nihilominus ante tempus vernale, cum opus illud præter spem, in molem creuerit, vix vltima manus illi imponetur. Literas has inclusas admodum R. P. Merfeno tradas rogo: si quid iterum erit, quo tibi gratificari potero, animo lubentissimo atque paratissimo, id facturum promitto. Iterum vale, Viroscque Clariss. quam humanissime saluta impromis Eximium D. Bullialdum, nomine

*Tua Reuerenda Dignit. Deuotissimè*  
IOANNIS HEVELII.

D. Laurentius noster Eichstadius nominis virtutisque tuæ admirator te iterum quam officiosissime resalutare iussit.

Dabantur Gedani Anno 1646. die 15. Nouembris.

*Clarissimo, Excellentissimo Viro Domino*  
PETRO GASSENDO, *Diniensis*  
*Ecclesie Præposito, & in Academia*  
*Parisiensi Mathematicum Professore*  
*Dignissimo S.*

**T**Ransmissum mihi fuit, Clarissime Gassende, ipso fere anni initio, egregium illud tuum de motus acceleratione contra Cæzarem, opus: quod quidem quanta cum animi voluptate legerim, cessari pro rei veritate non possum; aded mihi artiss. tum perspicua Galileanorum decretorum explicatio, tum subtilissima opinionis contrariæ refutatio. Constituebam autem & ipse tunc temporis aliquid ea de te scribere in Galileanæ sententiæ confirmationem, collecturus scilicet aliquas spicas, quæ tuam ipsius metentis manum fugerunt, vberioris expes messis, quam aliis præripuisti. Verum quoniam Nannetis debebam amoenissimæ vrbis delictis irretitus, quibus non mediocriter afficiebar è molestissima nauigatione redux; nunquam mihi per otium licuit, quamuis per totum illud tempus otiosissimo, inanium operi admoerere, quoad vsque post meum à duobus circiter mensibus in hanc Prouinciam secessum intermissa diu studia resumpsi, relictisque noua cum admiratione tuis Epistolis præ-conceptam disputationem scriptis tandem mandauit, Cæzæoque inscribendum esse duxi, responsum ipsius expectaturus, si quid fortè respondendum, ei succurreret. Addidi autem aliqua de motu Telluris propter primam tuam ad eum Epistolam; in qua quoniam rationes contra opinionem affirmatiuam ab ipso ad ductas, satis superque probasti nihil necessa-

riò concludere; meum esse existimavi idem etiam de Sacris Literis (quæ est altera contra Copernicum machina) demonstrare. Ercicundi igitur Philosophi partes agens, eas in hac controuerfia esset, quoque Ercicundas ostendere conatus sum; frustra quæ à Ptolemæi & Copernici affectis pro suis opinionibus allegari, cum & vtrique parti fauere & vtrique aduersentur, ideoque nihil certi ex illis quoad huiusce controuerfiæ decisionem inferri possit. Visum autem hæc qualiacumque sint, tibi communicare, & censuræ iudicioque tuo submittere, ut potè quorum author præcipuus existitis, & quibus ortum dedit iucundissima scriptorum tuorum lectio. A te igitur peto Humanissime Gassende, ut hæc meas cogitatiunculas boni consulere, & (quod ardentius cupio) amicitiam tuam, quâ olim beare me voluisti, & (quæ tua bonitas fuit) suauissimis etiam monumentis confirmare, semper inuiolatam conseruare mihi velis. Vale, Vir Clarissime, diuque viue tibi tuisque amicis, tum etiam totius Philosophicæ Mathematicæque Reipublicæ bono. Gergouix Aruernorum 8. Kalend. Decembris 1646.

*Tuus, tibi que obsequentissimus & inuitiss.*  
Sernus IACOBVS ALEXANDER

TENNEVRIVS, *Patricius Parisinus.*  
Tuam super hisce meis nugis sententiam summopere desidero, sed veram eam sinceramque sicut & Merfenni nostri, cui idcirco rogo te illas vt communices, quamuis optimè sciam non esse hic Iliadæ Atti obtriam veratro. Cæterum an, & quid responderis ad ea quæ scripsere Caramuelius & Reitanus circa tuum de nouis boni istius Capucini phænomenis, iudiciū rescire nondū potui. Ea de re si me certiorum feceris, habebis vel hoc solo nomine me tibi deuotissimum. Literas autē tuas, fratri meo præsentii latori dare poteris, eas enim mihi certissimè reddi curabit.

*Clarissimo Viro Domino PETRO*  
GASSENDO *Diniensis Ecclesie*  
*Præposito dignissimo,*

IACOBVS ALEXANDER TENNEVRIVS.  
S. D.

**E**rd respondere videbor ad tuas literas datas post. 1d. Decemb. prius tamen non licuit cum eas à sex dumtaxat diebus acceperim. Quod in illis miraris differre me tibi plenam in disputatione de motu accelerato messem, mihi que tantum tribus quantum nec postulare possum, nec alij concedent, facis amicè magis quàm iuste, Nemo enim nostra vtriusque scripta legerit, qui non facile aduertat, si quid in meis laudibus dignum reperiatur, id me totum debere tibi, & ex tuorum lectione ortum esse. Nam vt cætera taceam argumentum illud quo vsus sum vt probarem frustra laborasse Cæzarem in efformando suo decreto de continua proportionem dupla ex eo quod idem dici de qualibet alia propor

proportione possit; manifestum se præbet in Epistola tua prima, sicut & illud aliud quo probatur longius forte ex Cazræanis decretis primi spatij tempus quàm reliquorum omnium simul. Quod reliquum est in disputatione de motu Telluris, non ignoras id partim ex Galilæo desumptum, quamvis affirmare ansim Cazræo nouum & inauditum. Ea propter adduci facile non possum, optime Gassende, vt, quod optare te testaris, opusculum illud in qua vix quicquam meum agnosco præter verborum rexturam, publici iuris efficiatur; vt tui autem, liberrissimè; quandoquidem tuum est potiusquam meum, & tuum fieri desideras. Exemplar igitur illud quod tua lectione honorare voluisti reddi tibi curabo, satis vberem laboris mei fructum cōsecutus, quod & tibi gratum fuerit & ipsum asseruare velis. Vereor tamen non ita gratum tibi fuerit, quando, dum eā in me fuisit bonitate vt illud vno tenore hauseris, valetudinem tuam non satis firmam commouere, morbumque exasperare potuisti. Absit vt simile quidquam contingat; plenam potius Cazræo victoriam cesserim, aut à contradicendo abstinens liberum ipsi campum reliquerim, quam valetudinem læserim tuam mihi summè caram reſque publicæ literariæ tantoperè vilem. Quædam igitur alia de motu accelerato proponere tibi decreueram, verum superseditum esse duxi cūm tibi fortasse nunc per ægritudinem tuam non liceat eiusmodi studiis incumbere. Cæterum mirum quā impossueris aduersario silentium, debebat enim stare saltem promissis, & eam instantiam proferre quam pollicitus fuerat, quandoquidem id ipsi concessisti propter quod asserbat se acrius institutum. Verum satis ipsi fuit minas, vt ais, intentasse; & post infelicem congressum maluit Theatro verbosus haberi quā fidem exsoluere, versusque fortunam experiri quam parū amicum habuerit. Insinuaue mihi Merſennus noster esse aliquem alium, quem totius Societatis acutissimum vocat, qui aliquid etiam aduersus Galilæum molitur, gloriaturque se demonstrasse spatia æqualibus temporibus in descensu grauium emensa esse inter se vt series naturalis numerorum 1. 2. 3. 4. 5. Monuir autem bonus ille noster vt ad illam me pugnam accingerem. Verum hæc tibi gloria debetur, neque quemquam haud dubiè deceret nisi te recusante, illud inire certamen in quo tam strenuè te gessisti. Fac igitur quam primū valeas, vt cum nouo illo hoste dimicare, victoriāque reportare possis, meque semper ama, & crede tui obseruantissimum 17. Kalend. Februarij 1647.

In causa procul dubio fuit ægritudo tua, cur non responderis ad ea quæ rogabam prioribus literis super Caramuelio & Rheirano. Rem itaque non iam vergeo, sperans cūm firmiore valetudine fueris, id te libenter præstiturum.

*Epistola ad Gassendum.*

*Clarissimo Viro Domino PETRO GASSENDO, Dimensis Ecclesia  
Preposito,*

I. A. TENNEVRIVS S.

**E**sterno die allatum mihi fuit præter expectationem Cazræanum ad disputationem meam responsum; quo quidem audissimè lecto, ptorupi in hæc verba Basilij ad Gregorium quasi Cazræum alloquens: *Επιζητων αυ της ευσωλίας απει οι της των φιλων παιδας εν τω παρουντι αυτου οπρις τινοτας δημοσιον εμνηστευσεν*. Aded quippe sui similis vbique Cazræus, aded manifestum se præbet in suis scriptis, vt absque vlla scriptione alio quolibet iudicio præter ipsa verba, audenter affirmare possis esse Cazræanum factum. Vno verbo, vix quidquam in illo agnoscas præterquam quæ iam ab eo ad te conscripta sunt, vnde non magnolabore refutari poterit. Quam primū autem accepto te firmiore esse valetudine, Cazræanum scriptum simul & responſionem meam mittam tibi, tum quod credam tibi tēti gratam fore, tum quod ipse met Cazræus in Epistola Gallica separata cupere videatur suum illud opusculum à telegi.

Cæterū monitum te velim (id enim exculare vix possum) de lapsu quodam à me admissio, quod quidem ante lectionem Cazræani responſi non animaduerteteram, & quod magis miror ipse mer prætergressus es, saltem de eo nihil ad me scripsisti. Id autem hoc tandem quo sequitur modo detexi. Cazræus vt probet non rectè determinari à Galilæo spatia temporibus æqualibus decursu, præmittit hæc duo.

1. Si mobile quodlibet temporibus diuersis æqualibus duo pertranseat diuersa spatia; erunt ipsa spatia inter se vt velocitates. Et si spatia diuersa in eadem fuerint ratione quā diuersæ velocitates quibus percurruntur: tempora erunt inter se æqualia.

2. Si spatia & velocitates quibus percurruntur, in diuersa fuerint ratione; æquali tempore non percurruntur.

Vt scilicet concludat ex primo, spatia dumtaxat duo, non autem tria vult Galilæus, secundo tempore decurti. Atque vt vides, Clarissime Gassende, responſio in promptu est, dicendum enim hæc duo effata vera quidem esse in motu æquabili non item in motu accelerato. Verum tunc instabit Cazræus frustra me probare vellet ex secundo meo Corollario duplicatā celeritate quā decursum fuit aliquid spatium, æquale postea spatium intra dimidium temporis primi decursum iri, cūm verum non sit nisi in motu æquabili tanto diminui tempus decursus in æqualibus spatiis decurrendis quantò crescit celeritas. Quod tamen generaliter enuntiari absque vlla distinctione, neque verò mihi quidquam prodesset quod de solo motu æquabili verificaretur, quandoquidē disputatione nostra

V v 3



est, de motu accelerato. Vides igitur quemadmodum

*Niacos intra muros peccatur & extra.*

Hæc te volui vt videas si quoquo modo saluare possim Effatum meum. Vale 15. Kalend. Februarij 1647.

*Clarissimo Viro Domino Domino PETRO GASSENDO, Diniensis Ecclesie  
Præposito,*

I. A. TENNEVRIVS S.

**M**Ellem equidem amplius molestus non esse tibi circa questionem de motu accelerato, tum propter inuauetudinem tuam, tum etiam quod eiusmodi studiis animum iam non adhibeas. Verum quoniam significauit mihi Cætræus desiderare se (quod ex eius Epistola Gallica ediscere poteris) vtiptius ad meam disputationem responsio tibi etiam communicaretur; veniam dabis, humanissime Gassende, quod in causa sim cur nouus tibi labor accedat. Eam quippe, quamuis inuitus, & post longam dilationem, examinandam ad te mitto, & ipsi morem gerens, & auxilio tuo egens. Proferet enim ipse nouum, quod ait experimentum bilancis, talemque in mei gratiam, de quo cum iudicium ferre non possim obseruatorum imperissimus, tuo illud examini subiiciendum esse duxi. Ad reliqua autem responsionis eius capita, iam ab aliquot diebus rescripsi; tuumque consilium securus palinodiam cantare non erubui, circa æquiuocationem à me admissam, cum id vitare non possem. Scriptum istud, lectione tua honorare si velis, communicabit tibi Merfennus noster; illud autem ad te mittere ausus vti que non sum; ne, fortè nondum satis firmo non valde gratum foret. Cæterum habet & ipse Librum illum Rheitæ de cælestibus quem insinuas, cuique *Oculus Enoch* pro titulo est. E duobus enim exemplaribus è Belgio accersitis vnum ipsi donum dedi. Miror autem illum te nondum vidisse, cum habeat inter alia, Epistolam vnâ Authoris ad te datam. Valetudinem tuam cura diligenter, Suauissime Gassende, tibi que additissimum amare perge. 14. Kalend. Aprilis 1647.

*Admodum Reuerendo, Clarissimo, atque Excellentissimo Viro Domino PETRO GASSENDO, Præposito  
Ecclesie Diniensis, amico singulari,  
S. P.*

**A**M tandem ad literas tuas, 2. Kalendatum Februarij datas (quia citius fieri ob grauissimas occupationes haud licuit) respondeo; simulque opusculum meum Selenographicum, cum oculis, tum præclaro accertimeque tuo subiicio iudicio; id-

que quamuis minusculum sit perexiguum, ab amico tamen tibi additissimo beuouolè accipere ne recuses, etiam atque etiam rogo. Ex tribus verò reliquis exemplaribus hic adiacentibus, vnum Eximio Ismaëli Bullialdo, cum promptâ officiorum meorum oblatione, domum si Byzantio redierit, offeres (secus, ad eius vsque aduentum id referuabis) alterum exemplar R. P. Merfennio, Viro omnigena eruditione Clarissimo, atque tertium Celebertimo Roberuallio, ex instinctu Nobilissimi Viri D. de Noyers, Secretarij Serenissimæ Reginæ Poloniæ, literis itidem compellato, tradas velim. Cæterum gratias sanè debeo, quod obseruatione tam Eclipsos Lunæ, quam Iouis me beare volueris; vtinam illarum & iam obseruationum, quas Eximius Bullialdus ex Oriente adferet, particeps fieri possem! Nihil gratius, crede, mihi accederet vnquam. Meas quod attinet obseruationes hæcenus habitas, quas tu scire interest, cum Eclipsium Lunarium, tum Palicij, tum Iouis, nec non transitum eius notatu, & iudicio dignum, vnâ cum earum Schematisinis, in Selenographia inuenies, ibidemque modum tales obseruandi simul percipies; qui, num omnino arrideat necne? quæso liberè, datâ occasione, detegas. Præter dictas autem obseruationes, opere meo comprehensas, adhuc alium transitum Lunæ & Iouis nuperrimè, die scilicet Iunij à me animaduersum, ætisque incisum, tibi transmittito, quem & aliis Viris Mathematicarum petitis, præsertim Merfennio, Bullialdo, atque Roberuallio exhibebis. En ecce igitur aliquot obseruationis illius icones. Insuper autem figuras aliquot primariæ meæ delineationis Lunares ad varias obseruationes accommodatas, hic habebis, vt (dummodo ratio obseruandi non planè displicuerit) imposterum ad contemplationes cælestes adhibeantur. Quarum plures si expetantur, verbulo tantum significanti mittentur. Promissâ de Tubospicillo manu mea perficiendo, & ad te perferendo, adhuc probè vigent in memoria; quibus certè iam pridem sterissem, nisi curæ Selenographicæ obstaculo fuissent: iam verò cum aliquantulum otij concessum, opere videlicet nostro cum Deo ad finem iam perducto, adnitur, vt breui id fieri possit. Restat igitur nihil amplius scribere, nisi quod voluptati erit à te percipere, quid noui Parisiis, vel alibi locorum in Gallia, in re literariâ scilicet opera edita, vel breui edenda sint, &c. de quibus si me certorem feceris, vt nullus dubito, profectò plurimum me tibi obstringes. Interim opto te valere & me amare. Dabam Gedani Anno Salutis 1647. die 15. Iulij.

Tua R. D. Cultor IOANNES HEVELIUS,

Clarissimus noster Eichstadius, iussit tibi multam adscribi salutem, Vale iterum.

*Clarif*

*Clarissimo Viro Domino PETRO GASSENDO, Diniensis Ecclesiæ Præposito,*

I. ALEX. TENNEVRIVS, S. D.

**N**on cessas bene mereri de omnibus, Clarissime Gassende, dum eximias tuas lucubrationes in lucem emittis; de amicis autem optimè, dum iis operum tuorum exemplaria benignè comunicas. Paucis abhinc diebus redditum mihi fuit Institutionis tuæ Astronomicæ exemplar; in quæ operis præstantia an benevolentia tua me magis affecerit, haud facile dixerim; quandoquidem & clarorum Virorum scripta legere suaue est; & eorum amicitia beati non minùs iucundum. Ago equidem tibi, mi Gassende, de tanto munere gratias; verùm vitam referre possem. At qui-nam illi par rependere mihi liceret, cui ætas nostra parem non agnoscit? Grati-tudinem itaque meam quam inuiolatam ser-uabo semper, boni consule, nihilque ampliùs à nihil ampliùs petente desidera, quàm quod habebis me tibi semper deuotissimum. Vale 6. Kal. Sept. 1647.

*Admodum Reuerendo atque Clarissimo Viro Domino D. PETRO GASSENDO, Præposito Ecclesiæ Diniensi, amico honorando S. & officia.*

**N**illus certe dubito, Vir honorande, quin literas meas, die 15. Iulij datas, vna cum quatuor Exemplaribus meæ Selenographiæ, per Dominum Cramoisium, rectè acceperis. Cùm verò nuper nimium mihi festinanti euenerit, vt obseruationem 24 & 25 die 6. Iulij hic Gedani à me institutam non addiderim; idcirco hac occasione, & illius obseruationis aliquot icones, & simul parua Ephemeridis D. nostri Eichstadij ad annum proximum supputatæ aliquot exemplaria, eum eiusdem oratione, beneuolè accipe. Scire te autem insuper cupio, ad manus meas, nuperis diebus venisse obseruationes Fontanæ, qui valde extollit Tubum à se adhibitum, quasi infinitis partibus vincat omnes, qui sunt, aut quotquot vnquam fuere, persuasus & persuadere volens, se primum esse, eiusmodi, si vnus aliquis similis apud alium reperitur, auctorem. Mirari autem satis nequeo Fontanam, tam profectò (vt ipsi videntur) Telescopio instructum, nec accuratiores phasas delineasse, nec satis certi quicquam ex suis obseruationibus protulisse: siquidem meo iudicio, lectores, præsertim Mathematicorum rerum non vsque adeò gnaros, acipites potiùs perturbatòsque, quàm certos aut benè doctos dimittit. Vix ipsi certè rerum Cælestium bene expertes, mentem eius percepturos puto; dum scilicet variis in locis (quantum mihi obiter istas obseruationes euoluenti visum) sibimet ipsi contradicit, & præterea tam obscure loquitur, vt obscurius non potuerit. Nisi forte

ego nimis rudis sum & profanus, vt mysteria hæc me fugiant. Sed absit vt malo animo hæc protulisse videar, quasi istius auctoris occupationes vilipendam, quò nostræ qualescumque maioris fiant. Tua potiùs Tusque similia (si quos similes habes) hoc est communium nostrorum amicorum, vtpote Merfenni, Bullialdij, atque Roberuallij à me amicissimè salutariorum, audiatur sententia. Quò verò in te sum animo & affectu, eodem te prosequi credas Dominum nostrum Eistadium, vt & M. Albertum Linnemannum Professore-m Mathematicum in Academia Rægiomontana; quorum ille semper est in nostro complexu, hic se nobis hospitem breui sistet, ad confabulationem literatam, cui tu quoque certè à nobis iterum iterumque honoris, amorisque causa nuncupatur intereris. Vale. Dabam Gedani die 31. Augusti, anno 1647.

*Tuus ex animo IOANNES HEVELIUS.*

*Admodum Reuerendo Clarissimoque Viro PETRO GASSENDO, Diniensis Ecclesiæ Præposito,*

GOTTIFREDVS VVENDELINVS S.

**A**nus iam est, aut eo quid minus vnicum eruditionis Decus Gassende mi, Decus idem meum, ex quo ad te postremas hinc dedi, vnde nunc istæ ad te veniunt, satis confidentes de parabili abs te venia si scies quid illud fuerit, quod me à scribendo tenuit. Hinc postquam discessi per diem 17. Decembris, variis modis atque iis incommodis me non vnum infortunium exercuit maximum id, cùm rediens foris à functionibus Pastoralibus sternax alienus equus me excussit allistisque casu graui, vnde & posteriores costas adfixit. Meque adfixit lecto aliquandiu. Commodum ad me transmissæ fuerant tuæ literæ tunc primum post longam 4. mensium moram, quibus hic aduentum meum fuerant prætolatæ. Habes quod ego dolui, quod doluisse tantùm tu (credo) gaudeas. Habes sanè me hospitem, & hæctenus incolumem. Ad obseruationem Eclipsæ Lunaræ tuam quod atinet, incredibile est quantum mihi gratulatus sim de te tuque obseruatione Parisiensi. De qua stabilienda est omnis fides, quando nemini (quod sciam) mortalium per Belgium nostrum illa paruit. Non est ea mihi conspecta Hercij, non Patri Lino Leodij, non Louanij, non Bruxellæ, non Antuerpiæ. Tua fuit ista felicitas, & Cæli fauentia, vt & initium, & medium, & finem obrineres. Quam scire velim ecquid eius atque vbinam terrarum Bullialdus noster obserauerit? Quid interim tu de Byzantijs latitudine, quid de Alexandria certi didiceris? Ego quidem ex Mense Maio medio datis ad Senatum Noribergensem literis institeram vt hanc vellent non mihi, sed Reipublicæ literariæ dare opellam, quæ exploraretur in iisdem quas

V. 4 olim

olim VValterus incoluit ædibus per annos 1488. ad 1492. quanta esset Solis æstiu altitudo maxima, & an non iam obliquitas decreuerit adhuc ad secunda forsitan 40? VVteor autem vt literæ peruenierint ad manus; nam apud Veredarium iacuerunt in ipsum vsque lunium. Neque autem quidquam responsi hæcenus retuli. Quare & hinc ante istos dies alteras nisi vel saltem habeam *Æp-ua* VValteriani obseruatorij per Stellas quod spero me obtenturum, ac simul ero potitus tecum communicabo. Audeo interim mihi persuadere istud ipsum esse gradum 49. min. 27. sec. 5. dies docebit. Hoc vnum testat, vt Loxiam tuum iterato prælo subiiciam. Ad alia venio, ad id quod tu aliquando ad me scribebas, dispicerem an non aliqua sit in definiendis Meridianis Parisios inter & meam Hercam oborta mihi hallucinatio? Rectè admonuisti, & est sanè decumana. In-teruallum istud ego statui vt scis minorum horariorum 18. Bullialdus etiam in min. 21. extendit. At enim longè est breuius. Nam quia Herca mea latitudinem obtinet grad. 50. min. 53. sec. 25. Vltrajectum verò grad. 51. min. 7. sub eodem proximè vterque locus Meridiano; manifestum est differentiam esse grad. 1. min. 14. ad summum. Sunt verò leuæ mediæ vel 24. vel 25. pro æstimatione omnium itinerum & viatorum. In gradum ergo imputantur leuæ nostræ 20. satis præcisè. Idèoque in parallelo meo leuæ 12. colligunt gradum, iam verò Herca Graulingam sunt leuæ in directum 40. Dunchercham 38. exploratissimæ qui iam est Meridianus Parisiensis. Ecce ergo vt Herca in Meridianum tuum Parisiensem gradus habemus 3. min. 0.

nihil ampliùs. Et quod huius est confectarium Parisios inter & Bruxellam atque Antuerpiam minuta interjacent 8. nihil ampliùs. Quo cognito vide nunc & obstupescere in Eclipsi anni 1643. obseruationum habitatum consensum. Bullialdus finem habuit Parisiis hora 7. min. 59. Tu Sucij hora 8. min. 2. secundum quæ debuerit Antuerpiæ obtineri finis cum hora 8. min. 7. quem ego hor. 8. min. 6. inueni. Quid conspiratius? Rursum in Eclipsi 1645. die 10. Februarij, quàm est arcus inter nos consensus? Tu medium obtinuisti Parisiis hora 7. min. 6. aut tantillo plus, ego habui hor. 7. min. 18. admodum dicas nos de compacto inter nos consensisse. Iam & illa anni 1642. non quidem sanatur tota, sed tamen propius redit in gratiam. Scribit ad me Magnus ille Ricciolus Auenione conspectum eius initium hora 11. min. 59. Istud ergo Hercij datet hor. 12. min. 4. ad summum, ego hor. 12. min. 3. inueni. Hæc ergo nobis gratulemur, de quibus est quod Eruditissimus Bullialdus sibi quoque aliquid gaudeat cum Sofias Sofiam, Soligenes dico Soligenem tractabit; quod iam scio posci, quoniam vtcumque exemplaria procula sint plurima, pauciora tamen aurugor esse quàm quæ Europæ suffecerint, ita longè plurima iam sunt etiam in hoc Belgio. Et quantum eorum arbitror esse in Italia, in Germania, in Prussia, in Dania, in Anglia? Omnino ergo iteranda est editio; quam si adornabitum verò inter Astronomiæ Principes ne omiserit Ioannem de Lineris de Montefort Picardum Ambianensis Diocesis, qui anno 1320. floruit Parisiis, & longitudines ad annum 1350. Stellarum habet istas

		grad. min.			grad. min.	
Flumin.	V	18. 20.	Alramech.	♄	14. 7.	Liber hic adseruatur in Bibliotheca PP. Soc. Iesv.
Aldebaram.	II	0. 50.	Alchimech.	♄	14. 50.	
Alharat.	II	13. 10.	Pes Cætauri.	♄	26. 30.	
Pes Orionis.	☿	8. 0.	V Vega.	♄	5. 30.	
Alhabor.	☿	5. 50.				
Algomeisâ.	☿	17. 20.				
Cor ♀	♂	20. 40.	Piscis Meridionalis.	♁	18. 10.	
Dux in Vrsa minori.	♂	5. 20.				
	♂	14. 20.				
Cauda ♀	♂	22. 40.				

Ex quo erat vt alia transferem, exscripta dudum à me & tibi deuota, sed nescio quomodo ea domi reliquerim inter schedas certè meas hinc non comparent. Tu me illum habe quem me haberi apud te opto simul optimas animas Petauium, Mersennium, Furnierium si istic est & Bullialdum saluta à tuo VVendelino. Bruxella præfestinè ipso D. Lucæ.

Viro Maximo, Incomparabili Domino  
PETRO GASSENDO, Theologo  
& Professore Regio,

SAMUEL SORBERIVS *xalpen.*

Æpiùs à me petierunt amici vt semel narrarem, rogauit verò Prætor noster vt perscriberem dubitationes à te olim institutas aduersus chyli trajectionem per venas lacteas, & sanguinis per arterias circulationem; cum scilicet referrem iis de rebus me audiuisse te aliquando fusè differentem, atque



atque insuper commentationem quandam tuam vidisse vnde præclara multa excerpteram. Morem tandem gessi, Vir maxime, ratus æqui te bonique libertatem nostram consulturum; præsertim cum nomen tuum velitationi isti non opposuerim, & professus fuerim tamen, non mihi, sed viro cuidam magno, cuius sermonibus sapientissimis interfuera, acceptas referri debere objectiones doctissimas, quas quidem auctor protulisset vt ansa diligentiori inquisitioni præberetur, non vt opinionem verisimillimam inde labefactatam euersamque putaret. Et sanè dissertationē istam Scepticam nominauimus, appposito huiuscemodi titulo, *Discours Sceptique sur le passage du chyle & sur le mouuement du cœur, ou sont touchés quelques difficultés sur les opinions des vaines laïcs, & de la circulation du sang*, atque orationem meam ita temperavi, tam caurè & reuerenter me gessi, vt nihil sit quod fama & exultationi tuæ obesse possit, quod etiam probare omnino non debeas. Si quæ sint autem quibus cum insigni modestia tua minùs bene conueniat, affectui nostro in te & eximia opera tua condonabis, neque me beneuolentia idèd minùs dignum censēbis. Vale, Lugd. Batav. 10. Nouemb. 1647.

Clarissimis Viris & Amicis, PETRO  
CASSENDO, & ISMAELI  
BULLIALDO,

GOTTIFREDVS V VENDELINVS  
Sal. max.

Q Vem toties ex obliquo sum affatus Bullialdum sequestro affectus in illum mei se Cassende: aliquando aggredi audeo scriptione directâ, maximè postquam Tu Bullialde *ἀδελφὲ ἐν μητρὶ ὄντα*, quem reditum tibi teique Astronomicæ faustum ac sospitem me quoque par est gratulari. Beasti Europam cum Smyrna observationes duas deliquiorum Lunarium aduexisti: de quibus est quod tecum agam. Eclipsin anni superioris 1646. die 27. Iulij, & ego spectavi ex parte, si penumbra pars est spectaculi. Cum mei calculi abdicarent omnem eius conspectum Hercij, finiendæ quippe antequam horizontem Luna conscenderet. Volui tamen adtendere, adsumptis mecum pluribus an istas saltē reliquias daretur cōtueri: cumque is dies fuisset serenus suis, spes erat aliquid oblatum iri, quod vel satisfaceret expectationi meæ, vel calculos meos refelleret. Fauit casus, & de summa nostra turri quam conscenderamus, vidimus elucentem ex atmosphæra & vaporibus horizontalibus Lunam superiore margine lucidam atque obtusam fuligine arcuatâ pro eo ac fetti vmbæ ratio, & quamquam vapores essent satis densi vix vt Luna peruidesceret; illud tamen atrum nobis omnibus patuit in superiore disci parte, non inferiore: quia tamen vapores densiores debuerant discum ostentare multò hebetiorem. Fuliginis istud crassamentum sensim

dilutius, (& quòd Luna magis attolleretur magis discerni ac notari commodum) desit porrò vniuersum cum ipsa hora 7. min. 55. aut miniro quo post, idque fuit postremum penumbra veltigium.

Deliquium istud fuit digitorum 10 $\frac{1}{2}$ . proximè, digito admodum vno maius illo quod dedit annus 1645. die 10. Februarij: quod meus item calculus repræsentauit digitorum 9 $\frac{1}{2}$ . consensu præclaro, cum eo quod fuit obseruatum, & Parisijs & Hercij, & in Germania cuius medium fuit Parisijs hor. 7. min. 7. Hercij hora 7. min. 17 $\frac{1}{2}$ . Francofurti obseruante Caramuele hor. 7. min. 29. circiter, Altorfij hor. 7. min. 43. prout iam ad me rescribi curauit Magistratus Noribetgensis per Matheseos Professorem illic suum M. Abdiam Trevv. Huius autem deliquij penumbra vtrinque habui minorum 27. ad summum: quare si & in hac Eclipsi anni 1646. penumbra tantum temporis impendit, nosque illam notauimus vltra hora 7. minut. 55. admittimus penumbrae toridem minorum, profectò finis deliquij contigerit Hercij cum hora 7. min. 30. circiter. Et verò mei calculi largiuntur horam 7. min. 31. sec. 50. ac tanta erit meorum numerorum fides. Hinc iam quid colligendum sit despiciamus. Refers Bullialde Doctissime, Smyrnæ oblatum finem cum hora 8 min. 3. ergone Smyrna distabit Hercio vix horam vnam totam? Profectò, tunc ille Ioannes Faber Massiliensis in automato suo ad semissem horæ hallucinatus fuit, quod quàm procliuue sit in lineolis horas semihoræque malignè dispungentibus non es docendus. Itaque reuera merus finis obtentus illi fuit in signo lineolæ, sed horariæ, horâ dico 9. min. 0. forsan etiam tanrillo plus, si quid oculi potuerunt peccare amplius. Omnino ergo Smyrna inter & Hercium erit. Isequi hora proximè: cumque Hercium mens absit mihi à Meridiano Atlantico grad. 28. min. 24. aberit secundum ista Smyrna gradibus saltem 10. min. 30. præter propter.

Longitudinem hanc Smyrnensem definiet porrò magis partiliter obseruata illic abs te ipso Eclipsi Lunæ postrema, quam de cælo seruasti ab hora 9. min. 55. ad hor. 12. min. 7. tota vt duratio tenuerit horas 2. min. 12. quotidem ego ante annum prænuiciaueram ex meis Tabulis magna illarum etiam hinc cominendatione & consensus iste tam arctus cum eo quod est obseruatum incredibile est quanta me voluptate profuderit. Huius ego medium supputabam Hercij fore cum hora 9. min. 27 $\frac{1}{2}$ . Istud verò vos istic habuistis horâ 11. min. 1. Inter Hercium ergo & Smyrnâ interiacent hor. 1. m. 12 $\frac{1}{2}$ . Siquidem recte se habent meæ Tabulæ protus vt Smyrna sit absuta à Meridiano Atlantico mihi præsumpto hor. 3. min. 26. cuius modi ego Alexandriam definio hor. 7. m. 36. quasi iam inter Smyrnâ & Alexandriam media sint minutâ 10. admodum.

Quia verò deliquium istud & Parisijs obseruatum est & Dantiscj, Hercij verò nec mihi, neque autem vlli toto Belgio patuit, dispi

dispiciamus (oro te) quanta sit Meridianorum Paricenis, Hercani, & Dantiscani, denique autem & Regimontij differentia? Primum ergo leucæ nostrates Austrasiæ constantis satis magnitudinis Folcalcario Hercium vsque mediæ sunt 140. satis curiosè à me ac pedibus istis meis permensæ, nempe Folcalcario Gratianopolim 25. Inde Vesontionem 37. Hercium denique 78. Atque hæc quidem sub eodem Meridiano quàm proximè, planè ergo in gradum leucæ istiusmodi quadrante 20. præcisè. Idem intervallum quod est Hercio. Ultrajeetum leucarum 25. saltem non ampliùs, cum mediis sit grad. 1. min. 14. tanquam sub eodem Meridiano, quo rursum firmatur 20. leucas Austrasiæ imputari in gradum. Iam verò Hercio Parisios non sunt leucæ 54. saltem nihil ampliùs. Sunt ergo maximi circuli grad. 2. min. 42. qui iam in longitudinem minuta horaria 11. non excedunt, quòd sanè exilè est intervallum præ illo 21. minutorum quæ tu definiisti. Rursum Bruxellâ Parisios leucæ numerantur 50. ad summum, quarum postremæ sunt multò nostris Austrasiæ breviores, proliùs vr ipsas 45. non excedant si tamen etiam attingunt. Denique autem cum Tabulæ omnes Geographica Meridianum Parisensem per Ambianum protendant in ipsam Dunchercham, vel etiam Orientaliorem statuunt tantillo: ego quidem Hercio Dunchercham leucas nostrates permensus sum accuratissimè 34. quarum in isto Parallelo 38. constituunt 3. gradus seu minuta horaria 12. leucæ ergo istæ 3. nec totæ ad Meridianum Parisensem dabunt min. 10. sec. 30. atque istud est verissimum intervallum nostrorum, cui observationes adsculpantur hæcenus vt stupere oporteat.

Tu ipsemet Bullialde, anno 1638. nactus es medium Eclipticum die 21. Decembris mane Lutetiæ hora 1. min. 10. sec. 10. quod ego Hercij habui hora 2. min. 21. perquam præcisè.

Anno 1643. die 27. Septembris habuisti finem Eclipticos hora 7. min. 59 $\frac{1}{2}$ . magno consensu cum eo quod Sucij obtinuit Gassendus, atque alibi Agarratus, proliùs vt sine isto nihil sit certius. At enim eundem istum nos obtinuimus Antuerpiæ hor. 8. m. 6. ad summum, Louanij Catamuel cum sociis hora 8. min. 8. perquam concinnè mecum: Finis ergo iste fuerit habendus Hercij hor. 8. min. 10. planissimè Rursum ecce Parisios inter & Hercium min. 10. sec. 30. Denique anno 1645. die 10. Februarij Gassendus medium Eclipticum obtinuit Parisiis hora 7. min. 7. accuratissimè: id verò ego Hercij exquisitè nactus sum hora 7. min. 17 $\frac{1}{2}$ . quo nihil cogitari potest cum superioribus consensum magis.

Maneat ergo Parisios inter & Bruxellam siue & Antuerpiam esse minuta horaria 6. admodum, aut vt verius enunciem Antuerpiam quidem 6 $\frac{1}{2}$ . Bruxellam 6 $\frac{1}{2}$ . Hercium min. 10. sec. 30. ad vnguem, idque semel ratum ac certum esto. Nam quod ego alioquin 18. hæcenus constanter asserui, hoc tu mihi

præiussi Bullialde, cui ego tantum semper detuli vt errare tecum duxerim etiam gloriosum. Quoniam enim in Eclipsi anni 1635. sex digitos restitutos pronuntiabas hora Parisiensi 4. min. 12. quos ego eisdem Hercij certus eram me habuisse hor. 4. min. 30. præcisè, non dubitavi quin essent inter nos min. 18. ipsissima. Rursum cum anno 1643. haberes in Septembri digitos decrecentes v. hora 7. min. 12. 1v. hora 7. m. 23. 111. h. 7. m. 31. qui fuerant Antuerpiæ h. 7. m. 25. hor. 7. min. 36. hor. 7. min. 45. obseruati, quid supererat, nisi vt Parisios inter & Antuerpiam tota minuta statueremus 13. vel 14. Hercam denique 18. Hoc ergo intervallum sic interpretare tanquam à te ipso potiditum.

Et Parisiis quidem Hercium vsque complanata est via; pergamus hinc Dantiscum, atque inde Regimontium. Interque duo Prussiæ loca tabula Geographica, magnum artificem atque industrium in sinuans (& cui planè confido) minuta horar. 9. sec. 20. non plura. Iam verò inter Regimontium & Lugdunum Bataurorum Linnemannus de Solis deliquio 1639. eruit horam 1. min. 4. sec. 49. quod esset Hercium vsque hor. 1. m. o. sec. 49. an proin Dantiscum abesset Hercio min. 51. sec. 29. & certè per alias observationes inuenio ego Hercio Dantiscum minuta 50. tantum satis accuratè. Ecce enim Eclipsis anni 1635. in Martio, Medium suum habuit Hercij mihi hora 8. min. 49. ad summum. Dantisci hor. 8. min. 39. Emergo mihi notata est hora 9. min. 40. Heuclio hor. 10. min. 30. ac denique Eclipsi 1643. desit nobis Antuerpiæ hora 8. minut. 5 $\frac{1}{2}$ . admodum Dantisci verò hor. 8. min. 59. vt inter hæc duo loca media sint min. 54. ferè vnde & hoc conficitur Dantisco Parisios numerari horam 1. min. o. satis præcisè. Sanè si Eclipsi ista 1643. desit vobis Parisiis hora 7. min. 59. Dantisci verò hor. 8. min. 59. vides certitudinem constantiss. his ad hunc modum cognitis veniamus nunc ad Eclipsin postremam Ianuarij 1647. Huius medium Gassendus habuit hor. 9. min. 12. Parisiis, Heuclio Dantisci hor. 10. min. 23 $\frac{1}{2}$ . vel Gassendo ergo adiciendum est tempus, vel detrahendum Heuclio. Ego in tam lecto pari artificum partitionem arbitratus ex æquo Gassendo quidem adstruo hor. 9. min. 17. Heuclio hor. 10. min. 18. ad summum. Vnde conficio Hercij medium fuisse reuera per horam 9. min. 27 $\frac{1}{2}$ . pro eo ac mei calculi largiebantur. Atque ita tandem pronuncio Smyrnam abesse Hercio meo hor. 1. min. 33 $\frac{1}{2}$ . satis præcisè, hoc est Meridiano Atlantico hor. 3. min. 27. ad summum, aut saltem quàm minimum hor. 3. min. 26. In quo acquiesco. Hæc sunt quæ super Smyrnæ longitudine meditantis longitudinum quoque aliarum mihi alluxerunt faciem, quæque ad te interim transferre visum est, vt si contingat iterato Tabulas tuas Philolæicas prælo subiici (quod ego mihi persuadeo fore prope diem necessarium, & iam esse exemplarium penuriam) quid super his cogitandum sit ampliùs interim deliberes. Atque etiam

etiam cum amicissimo utrique nostrum Gaf-  
sendo in consilium eas, ad illa quæ ante an-  
num cum illo communicavi, quæque tua  
scire perintere. Et si nullus dubito quin iam  
tecum sint communicata dudum postquam  
illuc redisti. Utique in his leges affectum in-  
te meum: studium in existimationem tuam  
interpretaberis. Atque id quidem hæcenus.

Ad latitudinem illam tuam Byzantij grad.  
41. min. 30. fando tibi tantum non expe-  
riundo compertam quod attinet, ante istos  
15. annos insliteram apud Constantinum  
Hugenium Atrasienſi Principi ab Arcanis, ut  
hoc mihi ageret apud Legatum Ordinum ad  
Portam Ottomannicam, ut rescire tandem  
possem an non Byzantij latitudo esset gr. 43.  
min. 17. vel 18. Quid ille rescipserit repræ-  
sento tibi ex Teutonico Latine.

Mi Do mine,

Præstari quidquid eius potui, cuius me  
admonuisti: ac tandem intellexi ex Astrono-  
mo huius vrbs celebrerimus, itémque ex  
Favore harum artium, Visiro vno; Sulta-  
num Amurathem tertium, perquam sedulo  
curasse investigari longitudinem ac latitudi-  
nem huius vrbs; & quidem in Topchana:  
deprehensamque organis idoneis latitudi-  
nem quidem grad. 41. min. 30. longitudinem  
gr. 56. m. 47. præcisissimè, certius nihil aut ve-  
rò propinquius obinere licuit. Scio quidem  
longè hoc abesse ab opinione communi,  
quantum ad latitudinem attinet, (quæ pas-  
sim hic degentibus asseritur grad. 41. m. 30.)  
longissimè verò ab eo quod ad me tu præ-  
scribis. Nemo hic est ab Astrolabiis idoneis  
instructus, quibus experimentum capi queat.  
Et si mihi est spes vnus facta. Quorquot hic  
sunt Arabes Mathematicos Professores in id con-  
sentiunt quod retuli. Quorquot extra hanc  
urbem scriperunt, euariant; prorsus ut ego  
quidem censcam istandum experimento Im-  
peratorio. Super his expectabo responsionem  
tuam avidè. Constantinopoli, vltima Aprilis  
1633.

C. HAGA.

Atque ita quidem ille; post quæ frustra  
Te Bullialdum Astronomorum Principem,  
ita frustra fuisse Byzantij ut non venerit in  
mentem Rationis Gnomonicæ, apud Lega-  
tum Regium, apud tot alios præstantes Vi-  
ros Gallos Peræ agentes & Galatæ. Vbi in  
tra priuata recta nullum à Vanis Turcicis  
periculum, indignor, ut grauius nihil dicam.  
Interim tamen me conſolor, quod hæc ipsa  
te oburgandi libertas adiget te ad aliquod  
facinus, tandem istud eruendi viâ quacum-  
cunque aliâ.

Cogitaui mecum sæpè an non in Sultani-  
cis istis numeris Arithmetici Characteres si-  
tum permutauerint, in quem sint restituendi?  
Et profectò tale subest quidpiam. Nam  
ad longitudinem illam grad 56. min. 47. quis  
non vider delirium? omnino ergo 70. 7.  
aliò est referendum, & sic quidem etiam ut  
situm habeat in fine aliquo non rectè gra-  
dum longitudinis non etiam latitudinis,  
sed omnino finem claudat minorum atque  
illum latitudinariorum ut nimirum totidem  
hi characteres 5647.430. componant grad.

56. min. 40. & grad. 43. min. 17. quo nihil  
iam manifestius. Et fauet huic inuento Stra-  
bo: qui Byzantium asserit abesse ab Æqua-  
tore stadiis 30300. qui sunt ipsissimi nostri  
gradus 43. min. 17. ad vnguem ab Hipparcho  
proditū scilicet, vnde Strabo sua.

Et hæc quidem super isto Byzantij clima-  
te. At quod gauiſurum te confido. Scito iam  
me nactum esse die 23. Nonembris *Ægyp-  
ta* Noribergenſe graduum 49. min. 27. & am-  
plius. Et Altorſij quidem eleuatio ex circum-  
polaribus deprehensa est grad. 49. min. 26.  $\frac{1}{2}$ .  
Noriberga verò cum ipsis oculis testibus  
eminus conspecta discernatur septentriona-  
lior, firmatur mea adſerſio, qua scribebam  
ad Magistram inſclat illius vrbs videri  
mihi latitudinem domus & Obseruatorij  
V Valteriani grad. 49. min. 27. sec. 5. Abdiis il-  
le Trevv ad me inſu Magistram ſcribens,  
postquam Altorſij latitudinem definiuit gr.  
49. min. 26. sec. 30. hæc subiungit,

*Quia itaque Noriberga Altdorſio Septen-  
trionalior est (licet non multum. ut ſuus eius  
eminus è monte iuxta Altdorſium conſpectus in-  
dicat) colligitur ex hac obſervatione rectè ſemire  
D. VVendelinum in eo, quod latitudinem loci  
Noribergæ non eſtinet tantum grad. 49. min. 26.  
aut grad. 49. min. 24. ut alij, ſed ultra grad. 49.  
min. 27. quidquid ſit de adibus VValterianis.*

Obſervationem plenissimam promittunt  
mihi per Solstitium æſtiuum proximum. In-  
ter quæ si quid Constantinopoli nactus es  
quod hos amplius inſtruat, eiusoro te fac  
indiciam. Tum, quid in Mercurio adeptus  
ſis quo triumphes magis, ad cuius motum,  
ut ſymbolam quoque meam conferam, ecce  
tibi in Chronico Colmatienſi verba ista ex-  
pendenda. Anno 1284. die 17. Kal. Decembris  
*Venus & Mercurius ſimul fuerunt.* Tu ista exa-  
mina, & quid ſuper his, aliſque dudum ad  
Gaſſendum tranſmiſiſſis iudices (ſi mereor) ver-  
bulo ſignifica. Valete carorum Capitum par-  
teſſimum, & amate amantem vos ſuſpi-  
cientem, colentem, venerandum GOTTI-  
FREDVVM VVENDELINVM. Bruxella 29. No-  
uembris 1647.

*Perquam Reuerendo, Præclarissimoque  
Viro PETRO GASSENDO Preposito  
Ecclesiæ Diniensis, amico  
obſervando, S.*

**M**iror sanè altum ſilentium tuum. Nam  
minimum octo lapſi ſunt meſes, à  
quo binas (alteras ſcilicet die 15. Iu-  
lij, alteras 13. Auguſti datas) cum Selenogra-  
phiâ, rebuſque quiboſdam aliis, ad te tranſ-  
miſi; ad quas hæcenus reſponſum tuli nul-  
lum. Id tamen tibi iſtopare neſas eſſe ducor:  
quippe animum erga me tuum, nullo non  
tempore ſtudioſiſſimum, pluſquam ſatis per-  
ſpectum habeo, ſed mercatoribus nauſiſque  
id adſcribo, quibus tuæ concedite ſunt reſ-  
ponſoriæ; quas intra manus alienas etiam  
num hærentes, mirum in modum expeto,  
cum ob iudicium tuum ſuper Selenogra-  
phiciſ




phicis meis laboribus, quod mihi in illis cer-  
rò pollicitus sum, tum vt perciperem,  
quâ fronte Præclarissimus Bullialdus & Ro-  
bertuallius eam ipsam Selenographiam ex-  
ceperint. Sperassem insuper, ex illis ipsis li-  
teris, me intellecturum quædam de itinere  
Bullialdi, deque acquisitis in Oriente ob-  
servationibus, atque aliis scitu dignissimis  
rebus; verum si dictæ literæ perierint frustra  
hec à me expectantur omnia, nisi fortè illa  
ipsa datâ occasione repetere placeat. Cate-  
rùm diu est, quod sum, ratione lentium pro-  
missarum, in ære tuo, nunc verò satis para-  
tus ad soluendum, postquam paululum na-  
ctus sum orti: siquidem eas omnino iam ex-  
politas habeo; nec quicquam deficit, nisi  
optima transmittendi occasio. Quod si au-  
tem incta paucissimas septimanas, per ami-  
cum quendam, opportuna nulla sese offeret  
curabo illas ipsas lentes, inclusis literis, ab-  
que tamen fractionis periculo, per tabella-  
rium ad te perferri; tumque te pluribus cer-  
tiorum faciam, de omnibus quorum tua sci-  
re interesse putabo. Denique fac, quæso, vt  
primo quoque tempore sciam, num qui sunt  
Parisiis (vt mihi quidem perscriptum) qui  
Selenographiam nostram desiderent? Quod  
si ita est, non deero, quin quam certissime,  
tot exemplaria, quot opus erit, (quodlibet  
scilicet 12. Imperialium pretio redimendum)  
ad vos transmittam. Sin verò quidam modò  
dictam Selenographiam hic Daniisci redi-  
mere mallent; atque suo periculo illam mari  
committere, iis pro 10. Imperialibus conce-  
datur. Quâ de re etiam nisi graue erit cum  
Domino Cramoillio, vel cum quibusdam  
aliis Bibliopolis loquaris, rogo, vt indicent  
num aliquot exemplaria, pro modò dicto  
pretio cupiant necne? Quod officium vt  
magni beneficii loco ducam, ita vicissim se-  
rò tibi persuadeas velim, si quid possim tui  
causâ, nunquam non effecturum, utpote  
qui sum, quique ero. Gedani die 24. Aprilis,  
1648.

Tua Reuer. Dignit. semper studiosissimus  
I. HEVELIUS.

Reuerendo admodum Clarissimoque Viro,  
PETRO GASSENDO, Diniensis  
Ecclesiæ Praeposito,

GOTTIFREDVS VVENDELINVS S. P. D.

 Vinque iam sunt menses. Optime,  
Doctissime, Præstantissime Gassende,  
ex quo discedens Bruxellâ postremas ad te  
simul & Bullialdum in medium communes  
feci. Interea dum absm perlata sunt ad Am-  
plissimum Chistlerium duo Volumina quæ  
tu ad me transdidisti, Astronomicum alterû,  
alterum de vita & moribus Epicuri. Sed sine

literis vllis aut Bullialdi aut tuis, vt dubitare  
subeat anne illas meas postremas acceperit-  
tis? in quo si quid peccatum est à Veredario,  
nolim hercle factum: sed tamen si factum  
est; indignationem meam paro, quod scri-  
pti mei seruauerim (nescio quo facto præter  
morem meum bono) tuere exemplar quod  
ipsum si de te verum fesciam communicabo,  
atque aded vel hinc summam eius commu-  
nico; quâ Smyrnam inter & Hercium  
meum interuallum adstruo hoc grad. 1. m. 33.  
quod ipsum magis quoque iam confirmat-  
um de illa eadem Eclipsi per observatio-  
nem habitam Maioricæ (cuius Polus est  
grad. 39. min. 35.) ab hora 8. m. 16. ad hor. 10.  
min. 31. Medium vt fuerit horâ 9. min. 23.  $\frac{1}{2}$ .  
quæ tempora Smytnæ Bullialdus habuit  
hor. 9. min. 55. & hor. 12. m. 7. vnde Medium  
euiuit hor. 11. min. 1. planè vt Maioricam  
inter & Smyrnam intercedant hor. 1. m. 38.  
ad omnem ~~æclipsin~~ sensum. Eclipsin hanc  
communicauit mecum Doctissimus Riccio-  
lus Soc. Iesv Professor Mathematicarum Bono-  
niæ habitam Maioricæ per P. Vincentium  
Mutium secundum altitudinem Procyonis  
grad. 39. min. 10. & Capellæ (ad Occasum)  
grad. 68. min. 28. Addebam illis Parisios in-  
ter & Hercium non intercipi minuta plura  
10.  $\frac{1}{2}$ . satis præcisè, idque & de itinerariis  
interuallis, & de Bullialdi ipsiusmet obser-  
uatis euincebam. Adferebam denique quod  
mihi videretur statuendum super Exarmate  
Byzantij conjectura correctoriâ illius obser-  
uationis, quam iussu Amuratis III. factam  
transmisit ad me Haga Legatus Ordinum  
Batauorum ad Portam Turcicam.

Quæ omnia quæque de Noribergæ Polo  
iam certiore, & grad. 49. min. 27. superante  
anne acceperitis simulque quid desideretis  
amplius, discam de proxima vestra scriptio-  
ne. Nunc in agendas gratias pro munere  
conuersum me, ac quomodo eas explicem  
implicatum, vix inuenio: vnum visum opti-  
mum, *Retaliare*. Habe ergo à me hoc ~~agis~~  
por. Ioannem ipsum de Linerio, pro cuius in-  
dicaro solo nomine tu nuper volupta-  
tis dedisti significationem. Exhibeo tibi il-  
lum quantum potui vero vultu, atque etiam  
cum Thesauro quem possidet toto. Is verò  
est fiscus 15. nobilium Stellarum constipa-  
tus paucarum de pluribus, & quas ego video  
fuisse 48. sed reliquis 33. deperditis gratu-  
landum est nobis quod saltem has adhuc  
habemus Lineriani laboris reliquias, quas  
ipsas plenius conseruauit Codex Arnaudi-  
nus, qui post annos à Linerio 14. omnes  
(saltem 47.) repræsentat; quâdam ex iis  
etiam Rectificatas pro anno 1364. Agnosco  
in his Magistrum Linerium Prouincialem  
discipulum & est operæpretium hos inter  
se componere.

Anno 1350.

Anno 1364.

	grad.	min.		grad.	min.
Fluminis vltima.	18.	10.	V	18.	20.
Aldebaran.	0.	50.	II	1.	0.
Alharath.	13.	10.	II	13.	10.
Pes orionis.	8.	0.	II	8.	0.
Alhabor.	5.	59.	☿	6.	0.
Algomoïsa.	17.	20.	☿	17.	20.
Cor Leonis.	20.	40.	♂	20.	40.
In Vrfa Minore.	5.	20.	♂	5.	19.
Altera.	14.	20.	♂	14.	19.
Cauda Leonis.	12.	40.	♄	12.	45.
Alramech.	14.	7.	♄	14.	10.
Alchimech.	14.	50.	♄	15.	0.
In Centauri pede.	26.	30.	♄	26.	30.
VVege.	5.	30.	♄	5.	30.
Piscis Austrinus.	18.	10.	♄	15.	10.

Quinque Stellæ nobiles, vltima fluminis, Aldebara, Alhabor, Cauda Leonis (præter cæteras) & Alchimech satis indicant artifices posteriori (Linerium cætera expriment) circa istas saltem non defuisse curam aut fessellisse solertiam. Etsi enim alias Stellas non aliis longitudinibus signauit quam eas signauerat Linerius, (quem vtique manifestum est cum exscripsisse) in istis tamen fuit quod illum mouerit vt diligens esse veller. Et quidem cum inter caudam Leonis & spicam definitur interuallum grad. 32. m. 15. quod Tycho ni est grad. 32. min. 13. clarum est magnam hinc adhibitam industriam ac de Cælo deriuatum quod prodidit. Ideoque certum mihi est Spicæ locum ante omnia illi fuisse definitum ex latitudine grad. 2. m. 0. & ea declinatione quam deprehendit. Atque ab hoc iacto fundamento molitum retroræ porro rectificationes si non omnium, certè nobilium Stellarum aliquot.

Et verò videamus quàm hæc sint accurata. A Linerio ad Tychonem medijs annis 150. præcisè motæ sunt Stellæ mihi quidem grad. 3. min. 31. sec. 36. Keplero & Bullialdo grad. 3. min. 32. sec. 30. hoc est ad omnem sensum grad. 3. min. 32. vnde ab anno 1364. ad Tychonem motus colligitur grad. 3. min. 20. satis præcisè. Iam verò quoniam inter Cor Leonis & Spicam interuallum sumitur Ptolemaicum grad. 54. min. 10. quod est solum grad. 53. min. 59. profectò si hoc istud fuisset artificibus istis exploratum definituissent vtique loca hæc, Reguli grad. 20. min. 45. ♀ Spicæ grad. 14. minut. 44. pro anno 1350. Linerius, Reguli grad. 20. m. 47. Spicæ grad. 14. minut. 56. pro anno 1364. Prouincialis, quo nihil dari poterat accuratius.

Expende hæc Doctissime Gassende, & Linerium iam postliminio Gallie suæ redditum suscipe ac suscipe. Ac mecum etiam istud considera quod ad annum 1332. obliquitates Zodiaci allinitur grad. 23. minut. 31. sec. 45. Hoc enim Parisios obtineri non potuit vbi refractiones hibernæ angustius de-

Epistola ad Gassendum.

buerunt exhibere interuallum duorum Tropicatorum. An ergo Prouincialis ipsemet hoc ex prouincia detulerit Parisios quod Linerio alliuierit? Quid vos circa hibernum Solstitium, cuiusmodi Refractiones subinde aduerteritis scire peruelim. Atque etiam (si ad vos illæ meæ peruenierunt) à Bullialdo intelligere equid me amet. Bruxella 23. Maij 1648.

Ex auge vtriusque vestrum plenum

GOTTIFREDVM VVENDELINVM.

Ex Codice Membranaceo qui fuit cuius Atrebatensis, seruatur verò nunc Bruxellæ in Bibliotheca Societatis LESV.

Exscripsit hæc quæ iudicauit scitu digniora (Gallis vtique) GOTTIFREDVS VVENDELINVS, imitatus manum.

*Incipiunt scripta Domini Ioannis de Spira, Alamani super Canonis Almanach Magistri Ioannis de Linerij Piscardi Ambianensis Diocesis.*

Circa Canonem de Inuentione augium tria sunt intelligenda, primum est de tempore Tabulæ non desinentis. Secundum de opere. Tertium de causa operis. Quia Tabula isto modo componitur in prima enim linea proponuntur anni Christi collecti & incipiunt à 1320. completis & colliguntur prorsusque ad annos 1520. completos vt patet in fine lineæ. Præterea in directo cuiusque ponuntur ista per ordinem, primo ponitur aux Solis pro principio anni 1321. præterea aux Saturni pro principio eiusdem anni dein aux Iouis, post aux Martis. Prius aux Mercurij demum dicitur vltimo ratio differentiæ aux vero Veneris non ponitur ibique est eadem cum auge Solis vt patet ex Theorica illius atque ad hunc modum pergit iste Ioannes de Spira totis sex folijs donec sexto folio versò finem facit suæ lragoge his verbis, *Explicium Canonis super Almanach Magistri Ioannis de Linerij Ambianensis Diocesis.*

Interiecto deinde spatio duorum Pollicum sequuntur ista,

X x

Radix

*Radix Mediorum motuum subscriptorum ad tempus  
Christi Parisius.*

	S.	G.	M.	S.	T.	Radix Me- diorum mo- tuum ad an. 1320.	S.	G.	M.	S.	T.
Radix Solis.	9.	8.	19.	2.	14.	Radix Solis.	9.	18.	0.	54.	14.
Radix Lunæ.	4.	2.	20.	29.	7.	Radix Lunæ.	9.	27.	30.	48.	13.
Radix centri Lunæ.	1.	18.	2.	54.	0.	Centrum Lu- næ.	1.	18.	59.	47.	0.
Radix argu- menti Lunæ.	6.	18.	34.	7.	0.	Argumentum Lunæ.	10.	1.	27.	5.	0.
Medius motus capitis.	3.	1.	55.	46.	20.	Medius motus capitis.	1.	2.	46.	5.	54.
Radix Saturni.	2.	14.	3.	16.	11.	Radix Saturni.	0.	23.	52.	5.	29.
Argumentum Saturni.	6.	24.	3.	46.	0.	Argumentum Saturni.	8.	24.	8.	49.	0.
Radix Iouis.	6.	0.	37.	10.	45.	Radix Iouis.	9.	28.	41.	5.	44.
Argumentum Io- uis.	3.	7.	41.	51.	0.	Argumentum Io- uis.	11.	19.	19.	49.	28.
Radix Martis.	1.	11.	24.	26.	50.	Radix Martis.	11.	20.	16.	4.	0.
Argumentum Martis.	7.	28.	54.	45.	24.	Argumentum Martis.	9.	27.	45.	0.	24.
Argumentum Veneris.	4.	9.	24.	49.	0.	Argumentum Veneris.	0.	10.	4.	50.	14.
Argumentum Mercurij.	1.	15.	17.	45.	11.	Argumentum Mercurij.	9.	9.	42.	29.	0.
Radix Mediæ elongationis Parisius tē- pore Christi.	6.	24.	1.	29.	42.	Motus acces- sus.	2.	7.	5.	43.	0.
Radix motus accessus & recessus.						Media elonga- tio Solis & Lunæ.	0.	9.	29.	53.	19.
Parisius Tem- pore Christi.	11.	29.	12.	34.	0.	Radix argu- menti lati- tudinum.	0.	0.	16.	14.	7.
Radix augis So- lis sine mo- tu.	2.	11.	25.	23.	0.	Radix augium sine motu ad annos 1320.	S.	S.	M.	S.	T.
Radix augis Sa- turni.	7.	23.	23.	42.	0.	Aux Solis.	2.	21.	9.	10.	39.
Radix augis Io- uis.	5.	3.	37.	0.	0.	Aux Saturni.	8.	3.	5.	54.	42.
Radix 'augis Martis.	3.	25.	12.	13.	0.	Aux Iouis.	5.	13.	18.	52.	43.
Radix augis Mercurij.	6.	10.	39.	33.	0.	Aux Martis.	4.	4.	54.	5.	43.
Radix mediæ elongationis Solis & Lu- næ.	6.	24.	1.	77.	0.	Aux Mercurij.	6.	20.	21.	25.	43.
Radix argu- menti latitu- dinis Lunæ.	7.	24.	6.	15.	0.	Ergo motus octauæ Sphæ- ræ.	0.	8.	17.	6.	48.

Atque hæcenus quidem folium istud sex-  
tum versum concluditur: abinde incipiunt  
Tabulæ sanè quidem operosæ; sed in quibus  
nihil vllarum est obseruationum, donec fo-  
lio 33. Incipit alia manus caractere maiore

& quantū iudico antiquiore cum hoc titulo.

Tabula Semidiametrorum Solis & Lunæ  
& vmbre & pertinet ad Eclipsas, Eadem  
omnia repetit folium 34. manu non multum  
diuersa quod miror.



Declinationes			Nomina Stellarum		Longitudo	Latitudo.	
					grad. min.	grad. min.	
1	31	61	Aries	Mirach.	7. 0.	14. 0.	S.
2	32	62		Cinit.	22. 0.	32. 30.	S.
3	33	63	Taurus	Menkar.	6. 0.	1. 0.	S.
4	34	64		Aldebaran.	29. 0.	14. 20.	S.
5	35	65					
6	36	66	Gemini	Regel.	11. 0.	10. 0.	M.
7	37	67		Alhageth.	6. 0.	43. 40.	S.
8	38	68					
9	39	69	Cancer	Alhabot.	3. 0.	15. 30.	M.
10	40	70		Algomoifa.	13. 0.	7. 9.	S.
11	41	71					
12	42	72	Leo	Alforac.	9. 0.	15. 30.	M.
13	43	73		Cor Leonis.	19. 25.	15. 51.	S.
14	44	74		Vrfa.	20. 0.	35. 0.	S.
15	45	75	Virgo	Coruus.	1. 0.	11. 30.	M.
16	46	76		Algarab.	22. 0.	13. 30.	M.
17	47	77		Cauda leonis.	5. 0.	19. 30.	S.
18	48	78					
19	49	79	Libra	Alchimech.	13. 50.	24. 30.	S.
20	50	80		Alramech.	18. 0.	2. 0.	M.
21	51	81					
22	52	82	Scorpius	Yeth.	14. 0.	13. 0.	S.
23	53	83		Alpheta.	2. 0.	37. 0.	S.
24	54	84					
25	55	85	Sagittarius	Alhanc.	21. 15.	7. 0.	S.
26	56	86					
27	57	87	Capricornus	Vega.	10. 0.	50. 0.	M.
28	58	88		Alcayr.	21. 0.	7. 0.	M.
29	59	89					
30	60	90	Aquarius	Aldirab.	10. 0.	50. 0.	M.
				Scheat equi.	30. 0.	19. 0.	M.
			Pisces.	Humerus.	6. 0.	24. 0.	M.
				Cauda ceti.	30. 0.	22. 0.	M.

Maximam declinationem gr. 90. exhibeo. Neque enim fuit visum repræsentare omnes alias & singulorū graduum declinationes expressas dare.

Imò grad. 47. m. 3. sec. 30. dimidiū pro anno 1332. grad. 23. m. 31. sec. 45. est vetissima declinatio huius temporis.

\* \* \* \* Hæc legi non potuerunt.

1256.

Apparet esse Catalogum aliquot Stellarum rectificatarum sub Alphonsi an. 1256. quando reuera cor leonis fuit in grad. 19. min. 25. ☿ in quam Stellam videntur artifices illi curiosius inquisuisse vnde reliquarum loca inuenirent. Latitudines verò cum declinationibus confunduntur.

*Folium 44. Versum post Tabulam Retrogradationum, Stationum & Directionum hæc habet.*

*Prima dies Arabū Iouis est sed tertia Persis, Sexta quidem Græcū..... Saturnique Latine.*  
Epistolæ ad Gassendum.

*Folium 46. versum sc incipit manu triplici.*

*Prima Manus*, Tabula ad sciendum motum Solis & Lunæ in vno minuto, diei & minuto diei Lunæ.

*Secunda Manus*, includitur æquatio centri.  
*Tertia Manus*, & est composita anno Domini 1332. incompleto mense Ianuarij per Magistrum Ioannem de Monte-forti secundum calculationem Tabularum Alfonsij.

Num.annorum.	Tempus coniun- ctionis & opposi- tionis & quatuor aspectuum.				Motus Solis Lunæ.		&	Augmentum Lu- næ.		Lun-		Argumentum latitu- dinis Lunæ.				
1	9.	0.	50.	54.	4.	58.	28.	10.	4.	17.	33.	32.	3.	12.	52.	55.
2	27.	54.	42.	33.	5.	14.	52.	5.	3.	48.	10.	39.	3.	51.	35.	54.
3	16.	16.	44.	5.	5.	4.	8.	55.	2.	57.	58.	46.	3.	59.	38.	39.
4	5.	38.	45.	36.	4.	53.	25.	45.	2.	7.	46.	53.	4.	7.	41.	24.
5	24.	32.	37.	15.	5.	11.	49.	0.	1.	43.	24.	1.	4.	46.	24.	23.
6	13.	54.	38.	47.	5.	1.	5.	50.	0.	53.	12.	8.	4.	54.	27.	7.
7	2.	16.	40.	18.	4.	50.	22.	41.	0.	3.	0.	15.	5.	2.	29.	52.
8	21.	11.	31.	57.	5.	8.	45.	55.	5.	38.	37.	22.	5.	41.	12.	51.
9	10.	32.	33.	29.	4.	58.	2.	45.	4.	48.	25.	29.	4.	49.	15.	37.
10	29.	16.	25.	8.	5.	18.	26.	0.	4.	24.	2.	37.	0.	27.	56.	36.
11	17.	48.	26.	39.	5.	5.	42.	49.	3.	33.	50.	44.	0.	36.	56.	22.
12	7.	50.	28.	11.	5.	54.	59.	40.	2.	43.	38.	51.	0.	44.	4.	6.
13	26.	4.	19.	50.	5.	13.	22.	54.	2.	19.	15.	59.	1.	22.	47.	55.
14	15.	26.	21.	22.	5.	2.	39.	44.	2.	29.	4.	6.	1.	30.	49.	50.
15	3.	48.	22.	53.	4.	51.	56.	35.	0.	38.	52.	13.	1.	38.	52.	35.
16	22.	42.	14.	33.	5.	10.	19.	49.	0.	14.	29.	20.	2.	7.	35.	34.
17	12.	4.	16.	4.	4.	59.	38.	40.	5.	24.	17.	27.	2.	15.	28.	20.
18	1.	26.	17.	36.	4.	48.	43.	30.	4.	34.	5.	34.	2.	33.	41.	6.
19	19.	20.	9.	15.	5.	7.	16.	44.	4.	9.	42.	42.	2.	14.	24.	5.
20	8.	42.	10.	46.	4.	56.	33.	35.	3.	19.	30.	49.	13.	20.	26.	49.
21																
22																
23																

& hic ad annum 1573.

Nota quod hæc capsula incæpit anno Domini 1330. completo 9. die mensis Ianuarii completo, propt in prima linea continetur &, hæc fuit prima coniunctio in anno 1331.

Nota distantia inter Toleum & Parisius longitudo 12. grad. quibus correspondent duo minuta dierum.

Nota, inter Parisius & Magdeburgum

sunt variata per tres gradus longitudinis hoc est per 12. minuta hora quibus correspondent diei 30. secunda. Et si secundum hæc volueris mutare tempora hic reperta, ad tempus adde 30. secunda diei penitus omnes motus debent teneri secundum quod hic reperiuntur. Quoniam si cum radice cuiusque Regionis intraret. Idem prone niret,

Arque ad istum modum denique per anos 43. totos pertextuntur calculi motuum quibus hæc pagina impletur, quam totam representare laborioso tædio nec vtili non putavi magnum operæ-pretium, quæ ad marginem columnarum istarum annotata sunt quoniam æratem Linerij cõfirmant annumque 1331. ceptantem non potui omittere quin representarem quàm pote religiosissimè. Vt etiam hinc apparetur supinitas & imperitia librarij interualla inter Toleum Parisios & Magdeburgum (patriam

credo Ioannis de Spira) permutantis. At verò folium hoc ipsum 48. versum Theſaurum ecce nobis offert immensâ iam æstimationis. Quamquam (heu!) abiectum in ster- cus scriptoris imperitissimi: quique fædissimè dehonestavit hos atlantæos labores Linerij neque ex 48. Stellis Fixis quas rectifica- uerat Linerius plures exscripsit quàm 15. omnes pleno ferè numero sunt in Codice Arnaudino quædam etiam rectificatæ post anos 14. pro anno 1364.

Folio 48. verso è medio pagina.

	grad.min.	latitudo.	Partes.	Magnitudo.	Complexiones.	Nomina.
♊	18. 10.	13. 10.	M.	1.	♋	fluminis vltima.
♋						
♌	0. 50. 13. 10. 8. 0.	5. 10. 22. 30. 31. 0. 39. 10.	S. M. M.	1. 1. 1. 1.	♍ ♋ ♎ ♎ ♋	Aldebaram. Alharath. Pes Orionis. Alhaboz.
♍	5. 50. 17. 20. 20. 40.	16. 10. 0 10.	M.	1. 1. 1. 1.	♎ ♋	Algomoifa.
♎	5. 20. 14. 20.	72. 50. 74. 30.	S. S. S.	1. 1. 2. 2.	♋ ♋ ♎ ♋ ♎ ♋	Cor Leonis. [ne Duc in stellatio Vrsæ minoris.
♏	12. 40.	12. 50.	S.	1.	♎ ♋	Cauda Leonis.
♐	14. 7. 14. 50. 26. 30.	31. 30. 2. 0. 41. 10.	S. M. M.	1. 1. 1.	♋ ♋ ♋ ♋ ♋ ♋	Alramech. Alchimech. In Cetauri Pede.
♑						
♒						
♓	5. 30.	62. 0.	S.	1.		V Vega.
♈	18. 10.	23. 0.	M.	1.	♎ ♋	Piscis austrinus.
♉						

Hæc Tabula Stellarum Fixarum æquata est ex Tabula Stellarum Fixarum quas Alfonso Rex verificauit anno Domini 1350. completo. Longitudo earum est gradus circuli signorum per quæ transit circulus transiens per Polos Zodiaci & centrum Stellæ. Latitudo verò earum est arcus circuli prædicti cadens inter gradum & centrum Stellæ.

Epistola ad Cassianum.

X x 3

Clarissimè



*Clarissimo & Excellentissimo Viro Domino D. PETRO GASSENDO, Mathematico Parisiensi celeberrimo, amico meo, S.*

**G**ratulor tibi verèque gratulor, Clarissime Gassende, illustrem quam in te suscepisti provinciam celebrandi Nobilissimum nostrum Tychonem. Dignissimum sanè est si quis alius, cuius famam, laudèque ab oblivione hominum ac silentio vindicent omnes illi qui de litteris bene mereri cupiunt, ad hoc laudabile tuum institutum promouendum, quæ ego promisi, documenta mittam intra pauculas septimanas. Hoc tempore iis, quæ tecum communicat Celeberrimus noster VVormius, adjungere meâ non potui, veritus, ne fasciculus in nimiam excreveret molem. Hoc verbulo tibi indicare iam volui, ne de meo in te animo dubitares, neue de cessatione hac meâ quicquam sinisterius judicares. Vale Celeberrime Gassende, & me inter eos numera, qui te, vti ius fasque est, colunt ac venerantur. Scripsi festinanter Hafniæ die 9. Junij styl. vet. 1648.

*Tua dignitatis addictissimus  
GEORGIUS FROMMIVS.*

*Viro Clarissimo & Excellentissimo  
D. PETRO GASSENDO,*

OLAVS VVORM. S. P. P.

**C**rispit ad me non ita pridem amicus meus grata familiaritate conjunctissimus Dominus Isaacus Peyrerius te constituisse vitam Tychonis Braheî nostri conscribere, & in honorem tanti viri apud vos typis edere, vt si quid haberem, quod ad rem facere possit, communicarem. Addidit præterea chartam in qua consignata erant, quæ desideras; simulque amoris & benevolentia tuæ erga me testimonium, eruditum tuum de vita Epicuri commentarium. Quem licet nondum acceperim, tamen & pro benevolentia affectu prolixo, & munere gratias vt ago maximas, ita optarem me par pari reddere & votis tuis ita respondere posse, vt meam operam te haud frustra expetiisse agnosceres. Nihil intermittens quod huc spectare posset, rem cum amicis communi-caui; in primis Mathematico nostro Frominio, quem non pauca tenere sciebam, quæ tuo instituto feruire possent; vt Craigij Scoti scriptum contra Tychonem cum sua Apologia, & vitam Tychonis à se elaboratam. Nuper in publica Panegyri recitatam, Epistolâ præterea quasdam, hocque ab eo obtinui, vt tuam ambiens amicitiam & fauorem tuum per literas ageret ipse, atque quæ haberet communicaret, à quo spero te habiturum quæ in meis hinc schedis desiderantur. Accipe verò hic à me, quacumque in temporis hac angustia contrudere valui,

eaque in meliorem interpretare partem, & hinc felicens, quæ propalanda ex usu & honore ipsius Tychonis & patriæ nostræ fore existimas. Ac vt nihil prætermisisse videat eorum quæ expetis ad singula chartæ tuæ momenta breuibus respondebo.

Quo præcisè anno natus sit Tycho docent schedæ meæ num. 6. Oratio item Funeris Tychoni à Iessenio Pragæ dicta, anno nempe 1546. die Decembris 15. intra hor. 9. & 10. matutinam, in Auito prædio Knudstrup in Scania sito.

Fratres habuit Georgium, Axelium, Stephonem, Canutum, omnes magnæ in patria authoritatis & ex parte Ordinis Senatorij Regni, Sorores habuit Ingeburgam, Elizabetham, Sophiam, hæc verò Astronomia non planè inerudita, sed in Thematibus erigendis expedita. Reliquit eadem filium Daniae Senatorem inclutum, Dominum Tagonem Tor de Ericsholm, Equitem Auratum, litteratorum fautorem summum, cui ego monumentum Steoense dicaui. Vide numero 3. 24.

Quando Vandenburgum appulserit, & quo nomine vxor (quæ Pragæ obiit) fuerit, docebit Frommivus.

Qui ex liberis mares, &c. ab eodem habebis. Interim consule num. 6. i. 18.

Quæ vera fuerit eius annua pensitatio colliges ex num. 24. dum hic fuit, illa omnia à Rege Christiano IV. P.M. ipsi fuere concessa, quæ à Parente habuit, dum Magnates sibi habuit fauentes, num. 24.

Alios ex proprio non videtur habuisse redditus, quàm quos Knudstrupium ipsi sup-peditauit.

Roefschildensis Canonicatus vulgò Præbenda Regum vocatur num. 24. cuius annuus redditus mille Daleris Imperialibus æstimatur, nullis obnoxius est oneribus, præterquam quod eius Possessor Sacelli huius additi, in quo Regum ex familia Oldemburgica Mausolea extant tecta sarta seruare teneantur. Iam ordinariè Cancellario Regis confertur.

De causis discessus vide num. 8. 21. 29. discessit autem anno 1597. Rege nec inuito, nec infcio; ejus scitu organa absportauit, nullo aut Regio, aut Rantzouiano nauigio, In Huenâ nihil reliquit instrumentorum num. 18. Insula post abitum semper in feudum data Nobili cuidam, siue viro, siue femina; in qua iam campus vbi Vraniburgum fuit, iam feudi titulo vidua quædam nobilis eam tenet Insulam, Quo tempore ad Rantzouium accesserit, &c. diem & annum litteræ quas mitto docebunt, VVandenburgum fuisse apparere in Aprili anni 1598. vide num. 13. Inde discessit VVittebergam, vbi adhuc commemoratus fuit vltimo die eiusdem anni & 11. Ianuarij 1599. vt vides num. 14. 15. Hinc ad Rudolphum Imperatorem concessit, euocatus, num. 15. Quem Pragæ inuenit, vbi in ædibus Curtianis aliquandiu subsistit num. 16. 24. prius Pragæ fuit, quandiu collige ex num. 18. Benaticæ quis situs & conditio num. 17.

Incidit

Incidit in morbum 13. Octobris, obiit eiusdem mensis die 24. anni 1601. ut patet ex Oratione funebri à D. Iessenio habita & numero 13. sepultus Pragæ in Templo Veneris vrbis Primario 4. Nouembris Ritu Equestri honorificentissime. Otatio Funebris habita à D. Iessenio à Iessen, quæ excusa Pragæ typis Georgij Nigrini anno 1601. si apud nos vñalis extaret mitterem; vñcum saltem eius exemplū apud amicum vidi. De Tumulo & Epitaphio nihil habeo, præter ea quæ vides numero 21. apposita Orationi Iessenij. Ibidem Elogia quædam extant Ioannis Kepleri & Pauli Coldingij Cimbri qui Tychoni morienti additit, cuius etiam quædam vides nu. 24.

Mortuo Tychone organa omnia Pragam sunt translata, & æstiuata in Ædibus Curianis, vbi, militum scutia (ut ferunt) occupata à Palatinis vrbe sunt distructa & distructa. Seb Globus antea lesus in Collegio Niessano dono datus. Niessa autem Silesiæ est non ignobilis vrbs, ad Nissam fluvium sita, Sede Episcopali clara, Ivide Mappam Silesiæ quo tempore Princeps Vladiscus eam cepit videri num. 4.

De obseruationibus nil est quod dicam, nisi quod ferunt Pragæ apud Virum doctum extare, sed de iis forsitan Frommii.

Synopsis obseruationum, cuius mentionem facis, inter Schedas Longomontani inuenire non potuimus. Credo non aliam fuisse, quàm quæ sparsim in eius Astronomia inuenitur.

De Epistolis & aliis quæ Frommii tenet, ipse responsurus est. Quæcumque ego congerere potui, ut & Discipulorum Catalogum, aliaque ex meis chartis hic habes omnia. Si quid præterea progressu temporis nactus fuero, quod hoc spectare videatur, transmittam, ut studium meum tam laudabiles conatus promouendi agnoscas. Interim publico nomine gratias ago, quod hoc honoris Cui nostro exhibere volueris, tuoque calculo eius studia orbi litterato probari quin amicis hic in Dania rem gratam, & omnibus qui eius laboribus (cuiuscumque tandem sint nationis) oblectantur, sis præstiturus non dubito. Valetudinem (quam ex literis Peiterij lubricam tibi esse intellexi) precor firmam, ut diuinis ingenij monumentis publico bono diu prodesse valeas. Hafniæ. 3. Idum Iunij 1648.

*Admodum Reuerendo, atque Clarissimo  
Viro D. PETRO GASSENDO, S.*

**R**euerende admodum, & Præclarissime Vir, amice officiosè honorande,

Iam tandem expectatissimæ, atque exoptatissimæ tuæ literæ 8. Kalend. Nouembris anno præterito datæ, quas iam dudum perisse putabam, mihi cum aliis 4. Eidus Martij, hoc anno cutrente exaratis, optimè ita datæ sunt. Eæque profectò tantò fuere gratiores, quantò plenius in illis ipsis, Beneuo-

lum affectum erga me tuum, exprimere haud fuisti grauatius; id quod ex tam præclaro tuo iudicio, super opusculo meo, super additoque isto munere egregio, abundè satis videre est: pro quibus tam egregijs animi tui reificationibus, non solum debitas habeo gratias sed & tibi vicissim quauis occasione & tempore me totum dabo. Lentès illas, quas dudum sum pollicitus, manu mea expolitas, nunc domum hinc adiunctas transmitto citius certè, ut ut maximè etiam voluerim fieri, ob varias occupationes haud licuit. Tubus cui hæ lentes iusserendæ; sit 4. pedes, pollicèsq; 4. vel 5. Parisiens. Regio circiter longus; circiter inquam: nam accurate indigitare longitudinem illius tibi nequeo, uti scis, propter diuersam oculorum aciem; nullo tamen negotio à te rerum harum optimè gnato inuenietur genuina, Telescopij extractio. Habes verò hic quoque foramina ista, quæ tam conuexo, quam concauo super imponi debent. Sed imprimis suadeo, ut tibi compares tubum, qui paucissimis constat ductibus, atque si possibile duobus, vel summum tribus: ut tantò minùs à recta abludat linea. Nam si vel tantillum incuruatur, tum profectò, etiam si omnium optimæ sint lentes, vel quicquam distinctè accuratèque earum ope apprehenditur. Cæterum Telescopium ex hisce lentibus probè adornatum, ut opinor, imprimis ad Maculas Lunares Eclipses, Mercurium, Venerem, Martem & Iouem, Saturno excepto (ad quem accurate discernendum multò longior requiritur) sum satis præstabit officium. Er melius quidem hoc accepisses, si nitidius chrysellum artificiale fuisset in promptu, & nec vires, nec tempus defuissent. Si tamen hoc ipsum clarius esse exoptas, verbulo tantum significes, rogo, statim aliud concauum conuexo anieponendum sum transmissurus; cuius beneficio rerum visibilium species multò lucidiores (sed minori formâ animaduertes. Intereà qualescunque lentes hæc æqui bonique consule, iisque cum in rei literariæ commodum, tum tui ipsius oblectationem quàm diuicissimè frui, quemadmodum istud à Supremo Numine amittis tibi precor. Miror de cætero valde, se obseruationes Tychonicas ex dono possidere Imperatoris: cum tamen certò certius sit, Dominum nostrum Keplerum hic Regiomonti degentem, ipsa habere autographa, cum variis optimi sui Parentis Pothumidis scriptis luce dignissimis; quæ partim ipse ego, partim Clarissimus Dominus Eichstadius peruolauit perspexitque. Hincque iterum iterumque miror, quomodo exemplum dictarum obseruationum nancisci potuerint: cum optimè sciam has in Patrum manus nunquam incidisse, ut ut illis insidias (quemadmodum Dominus Keplerus me docuit auide struxerint. Iam quod ista attinet quæ scire percipis, de quibusdā Tychonem Keplerumque concernentibus, cum ad Linnemannum, tam Kepleri Filium scriptis

quidquid innotuerit, primâ occasione quàm lubentissimè te scire faciam. Interim tene eas; quæ à Domino nostro Eichstadio, aliisque accepi. Nobilissimus Dominus Bernerius, auditor, amiculus tuus, quem ob necessitudinem, quæ ipsi tecum intercedit, quàm humanissimè nullo non tempore excepi, die 15. Iulij VVarsoviæ profectus est; inde autem breui, vt percepi Germaniam Italiâque suo cum Comite petiturus. Doleo verò maximè tum eius, tum imprimis Illustriissimi ac Excellētissimi Legati causâ, qui aliquoties ædes meas intrare, speculâmq; meam Astronomicam ascendere, nec non omnis generis honore me afficere fuit dignatus; quod Cælum nostrum Gedanense minimè ipsis fuerit propitium; sic vt nec maculas Solares, nec Lunares, vt taceam reliquos Plauetas, illis hic præsentibus exhibere vnquam. Solares quidem ab initio Maij huc vsque nullæ prorsus (id quod admirabile!) in Sole extiterê; Lunares verò non apparere ob cælum ferè semper nubilosum. Denique Præcellētissimus D. noster Eichstadius te multùm saluere iubet, mittitque aliquid de suo auro fulminante, cuius vires explorare, cumque tuo conferre poteris. Tu verò vicissim, nisi graue est, de tuo auro, nec non paucillum Chalybis fulminantis, quem te habere percepimus nobiscum communicabis; vt & nos de illius vi certi esse possimus. Namque valde dubitamus, simile quiddam ex Chalybe, siue aliâ quavis materia, dari posse. Itémque cupidè expectamus tuam Philosophiam Epicuream: quæ vt reliqua omnia penè à te confecta, quamprimùm prodeat in lucem, faxit Deus Optimum Maximus. Quod, vt eò feliciter constet, vires tibi restitui, tæque saluum ac incolumem, seruati quàm diutissimè optamus. Vale. Dabam Gedani 1648. die 31. Augusti.

*Tua Reuerenda Dignitatis toto animo I. HEVEZIVS.*

Mihi has obsequanti, literæ à Domino Keplero traduntur, ex quibus percipio, se curaturum, vt breui vtriusque vitam, Tycho-nis scilicet & Kepleri, vt & originem, cum omnibus circumstantiis typis exscriptam habere possis. Vale iterùm.

*Clarissimo & Doctissimo Viro PETRO GASSENDO, Philosopho & Mathematico Celeberrimo,*

HIERONYMVS BARDIVS B. S. P.

**T**uæ à me diutius expectatæ literæ ad manus meas non perueniunt, cum tamen meas tibi consignatas fuisse mihi persuadeam. Tibi etiam exemplar inei opusculi Ideæ medicinæ sacræ mediantibus, PP. Soc. Iesu Lugdunum transmittendum esse curavi, & cum noster Naudæus doctissimus cum ipsis pegerit mihi persuadeo tibi fuisse consignatum, quod certo scire peroptarem, cum mea vilia spernere non debeas, cum tua maxima, præsertim verò vitam D.

de Peiresck mihi dono à te missam maximi faciæ de qua & de quàm summo Viro quid sentiam ad te nunc perscripsi; nunc totus in prophanis versor vt à nostro amantissimo Naudæo intelliges, tuam Philosophiam experientiis comprobata valde peropto, & scire etiam quo in opere compaginando detinearis, cum tuum vastissimum ingenium nunquam possit fetiari, præterea quod ego scribo nostro Naudæo tibi erunt communia, ne tibi omninò molestus sim. Vale sæculi nostri Iubat præfulgidum, & Republicæ literariæ maximum incrementum & me tua quærentem mea expectantem te videre mihi persuadeo, cum totus quatenus sis amicorum tuorum sis. Vale iterùm atque iterùm Vale & me tuis iussis paratissimum esse certò scias. Rapalli ex meo Musæo Kalend. Septembris 1648.

*Illustri & admodum Reuerendo Viro Domino PETRO GASSENDO, Theologo, Philosopho, Mathematico, Professori Regio nec non Præposito Ecclesiæ Dinensis Dignissimo, Domino Fantori suo deuenerando, S.*

**M**erus affectus ex lectione tuorum eruditissimorum modestissimorumque Librorum in te mihi natus est, isque etiamnum in penetrali animi mei hæret, & ad extremum vitæ halitum hærebit, iamque vetus est, Proinde cum ab anno ætæ Christianæ 1636. Ephemeridas quasdam euulgauerim, easque nonnullis Præclaris Mathematicis dedicauerim, hosce fastos exiguos ad instantem annum Æ. C. 1649. (quem tibi & vniuerso Orbi Christiano faustum, salutarem & pacificum precor) vltro inscribere debui & volui præsertim non abnuente Amplissimo Viro Domino Heuelio, communi nostro Amico, interprete ac conciliatore mutui affectus: Rerum namque cælestium nec non naturalium crebram meditationem, cum Clemente Alexandrino lib. 6. Σημαντικὴν ἐπιβολὴν τῇ κατὰ φιλοσοφίαν ἐστὶν ἰudico. Etsi enim Biblia quoque Sacra libenter voluam, vt me in pietate & fide instruam & vitam emendem: tamen & gestio τὰ τῆς τοῦ ἰπυράτου ἐξ ἀποτὸν πλὴν γιν, in qua disquisitione, Illustris & Sapientissime Vir, dextre nobis præiustisti, qui subnixus huic innocentissimo naturæ studio mihi Σοφιστὸν πλὴν κατὰ ἀρωπον ὅριαν videris agere. Nihil autem mihi grarius poterit accidere, quàm si tanti Viri admonitionem & censuram tum de Diario meo, tum de nostris observationibus Astronomicis audiam, & mihi scubi lapsus fuero, non saltem corrigi, sed & corripipi contingat: siquidem meæ tenuitatis probè mihi conscio volo inter eos esse, qui non solum possunt labi; verùm etiam gestiunt resurgere & emendari. Reuerendum Patrem Merfennum ad τὴν μακαρίαν sedem raptum nobis nuntiatum est, cuius equidem vicem haud quæo dolere, dum hanc cum meliori

vita



vita commutauit; sed meæ sotti ingemisco, quodd mihi tantum semel humanissimis ipsius literis gaudere & frui contigerit. Intetim publicum me vrget commodum de tua valetudine sollicitum esse, cum sciam Astronomiam & Philosophiam nostram paucis illustribus Viris, Tui similibus instructam esse & tantos Atlantes perquam paucos reperiri: ideoque Deum Opt. Max. supplici prece veneror, vt Te magnum Virum nobis adhuc in multorum annorum decadas seruet & semper incoleum præstet ad exantlandum feliciter affecta opera. Gedani Kal. Nouemb. 1648. prosperante calamo, animo deuoto & subiecto LAURENTIUS EICHTADIUS, D.

*Viro Clarissimo Domino PETRO GASSENDO, Mathematico Parisiensi Regio, Amico, S.*

Apientissime & Excellentissime Gassende,

Dudum audiui à te, me in scio, compilatis scriinis perscripta esse, quæ ego tibi promiseram ad illustrandam vitæ Tychonis nostri descriptionem. Non soluisent isti mortales, mihi crede, tot ænigmata, nisi, vt sacrum habet Adagium, in vitula nostra trāsissent. Vides quantoperè contendamus tibi vt gratificemur. Disco apud riuales esse minùs apto animo. Si quid præterea desideras, Gassende Eruditissime, id verbulo velim indices: studebo quoad poterò, vberri- mē tibi satisfacere. Affini meo per dilecto, qui has tibi tradit, id negotij dedi, tecum vt de singulis maximis minimis conferat. Ei faueas, quæso, ipsiusque conatus ac studia tibi habeas commendata. De Institutionibus tuis Astronomicis, luculento opere, sanē, vt debeo quàm maximas tibi ago gratias. Gratior erto; vbi quid habuerò, quod redhostimenti loco remittam. Deus te seruet bono publico & in primis Siderali scientiæ, quæ à te vitam expectat & ornatum. Dum affinis meus Petrus Scauenius apud vos erit, scribam subinde, & sæpius alias. Tu interea, Gassende Clarissime, explica & fac sciam, quā in te meā opera tibi tuoque instituto vitilis esse queat. Vale quàm diutissime, & me tuis annuera, qui te colunt æstimantque pro meritis. Scribebat Hafniæ die 11. Nouembris 1648.

*Tuus ex animo GEORGIUS FROMMIVS.*

*Domino PETRO GASSENDO, Seculi presentis Philosophorum Principi,*

*C. E. L. CAPELLA xalpen.*

Vod insolito te affari velim idiomate, tum nascentis anni audentem facit origo, tum obseruantia erga te meæ summæ recordatio, imprimis incomparabilis animi tui, cuius æternas opes dum conside-

ro insusurrare illud ad Ianum venit in mentem

*O Tu principium, simulque finis  
Lapsu continuo fluentis anni  
Æui sanctæ Parent, bisq̃nsque Iane,  
Cui Vates duplicem dedere vultum,  
Vt posses duplici videre vultu.  
Et qua præteritis fuere sacris  
Et que sunt aliis futura in annis;  
Dicat Iane Pater rogamus omnes,  
Dicat te rogat vniversus Orbis,  
Viderintne parem patres sepulti,  
Videbuntne parem futura proles  
Gassendo Physica in clyto Patrono  
Verarūque Patri Scientiarum?*

Hæc quæ paucula Musa dedit carmina suscipito, & amare perge quem tot grauare dignatus es beneficiis. Vale: Dabam Monspeliij Kal. Ianuarij 1649.

*Domino D. PETRO GASSENDO, Amico singulari, S.*

Erquā Reuerende ac Clarissime Vir, Amice Charissime,

Hac commoda vsus occasione, has ad te date volui literas; tum, vt optem tibi commodam valetudinem, tum, vt rogem, quo nunciatore haud graueris quamprimum, num posteriores meæ, de die 21. Augusti, cum lentibus per Dominum Cramoisiū transmissis, peruenerint ad manus? De Te namque nihil quicquam literarum 8. mensium spatio, & amplius, me vidisse scias; quod quī factum sit, Tu omnium noueris optime. Communi nostro amico, optimo Merleno, humanum illud contigisse, nuper quidem inaudiuimus; (quod me certē non parū ex cruciat, præsertim, cum non ignorem; quantum simul cum illo decesserit rei literariæ) sed vti nam res sese habeat aliter, & ex tuo relatu certiora, latiorque percipiamus Clarissimas noster Eichtadius, qui te multū saluere iubet, tibi simul paruam suam Ephemeridem, cum nostris nostris Gedaniensibus, tuo nomini inscriptam, mittere; quod quidem multò citiù fieri debuisset; verū deficiente occasione, id excusabis facile. Me quod attinet, sperassem itidem, vacuis haud te compellaturum manibus, si cælum duntaxat nostrum Borussiae, tempore Eclipses nuperae Lunaris; nobis magis fuisset propitium: sed ob aërem continuè nubilum, ne gry quidem obseruare licuit, vt vt maximè oculum mentēque in id intenderam. Cum igitur spe hac vice ex-ciderim, nauabo operam, vt currentis huius anni Eclipses; cum Deo, felicius delineare non nequeam. Inter ea has accipe pagellas, ab amico meo singulari, Christiano Orlero, Viro egregio, atque Geometra Mechanicōque insigni, vulgatas. Si quædam vicissim habes, quorum meā scire, vel possidere intersit, fac, obsecro, vt teneam, habeamque officia paratissima, vt semper, iterū spondeo. Vale amice charissime, atque annum hunc, quem, vt spero, optoque feliciter

citer es ingressus, cum Deo secundissimè  
absolue. Gedani die 28. Ianuarij 1649.

*Tua Reuerenda Dignitatis cupidissimus*  
I. HEVELIUS.

*Viro Clarissimo Domino D. PETRO*  
GASSENDO, S.

**D**omine, Libellum hunc de *Scirio*, An-  
tuerpià ad me misit Dominus Cauendyshe,  
mittendum tibi si tanti putarem, Ego  
verò an tanti sit necne tui potius quàm mei  
iudicij esse volo. Promittunt etiam nescio  
quid nomina illa Vlvg Beigus, & Tamerlanes  
Magnus, & incogniti illi characteres.  
Itaque omninò mittendus erat. Quid de eo  
censeas scire velim, si tibi vacat, vacare autem  
videtur. Nam Philosophiæ tuæ finita est  
impressio, & exemplaria eius huc aduecta  
nunc sunt in Telonio. Quorum exemplarium  
vnum, quamprimùm potero, missurus sum  
Hagæ Comitibus Domino Sorberio experenti,  
à quo etiam iussus sum te salutare. Ego pro  
ætatē satis bene valeo, & mihi nimium in-  
dulgeo, seruans me, si fortè contingat, re-  
ditui in Angliam. Opto interea præsentiam  
tuam, quā si cariturus sum, cupio non mo-  
dò vt valeas, sed vt id ipsum te valere sciam,  
qui quantum ego in hominem inspicere pos-  
sum, scientiā omnes mortales, & scientiam  
virtute superas. Parisiis 22. Septembris 1649.

*Scilicet tuum* THOMAS  
HOBBS.

ROLANDVS PALVDANVS PETRO  
GASSENDO, *Mathematicarum*  
*Scientiarum Regio Professore* S.

**L**inguarum & Historiarum accurata  
cognitio quin-vilissima sit & præ-  
stantissima nemini dubium est. Linguarum  
enim beneficio ad optimos Scriptores nobis  
aditus patet: ex historiis præter prudentiam,  
quæ per has præcipuè petitur, ordo tempo-  
rum & rerum ab orbe condito maximè me-  
morabilem, notitia colligitur: quo studio-  
rum genere nullum iucundius aut fructuo-  
sius esse potest. Verùm vt quis absolute dō-  
ctus appellari possit, longè alia, & maiora  
requiruntur, Philosophiæ nimirum, Mathe-  
maticarumque disciplinarum, & aliarum su-  
blimiorum artium cognitio. Per has enim res  
addiscuntur, in quibus scientia propriè con-  
sistit. Per linguas verba tantum: quas licet  
penè omnes, vt Iosephus Scaliger, calleas,  
& sis insuper humanis, & ingenuis artibus  
excultis, tamen si hic subsistas, non ma-  
gnos profectus feceris, æt enim hæc artes circa  
sermonem solum versantur, & ad reliquas  
aditum præbent. Si verò etiam historias  
scias omnes tanquam vngues, digitosque  
tuos, noueris quidem quicquid vnquam sit  
gestum historia dignum, quamquam quot res  
memorandæ hominum memoriæ fugerunt,  
sed quamplurima restant addiscenda: histo-

ria naturalis, quæ propè infinita est, Mathe-  
maticæ disciplinæ, quæ tam vastè patent,  
Theologia quæ primo loco nominanda erat,  
Medicina vnique ad tuendam propriam  
salutem tam necessaria; Ius denique non tam  
Græcorum, & Romanorum, quàm natu-  
rale, & omnium gentium commune. Igitur vt  
aliquis etuditi nomen meritò sibi vindicare  
possit, orbem illud doctrinæ attigisse debet,  
sine quo perfectè doctus non dicitur, quan-  
tumuis elegantioribus literis expolitus. Ea-  
propter iure meritò, Vir Clarissime, doctus  
ab omnibus existimaris, vt potè qui Philoso-  
phiam, & Mathematicas scientias calles,  
easque longè aliter quam vulgus Professorum  
doces. Relicta enim illa via, quæ ab aliquot  
seculis obtinuit, & in Scholas barbaram  
quamdam Philosophiam induxit, de robur  
pulcherrimis eleganter, quantum materiæ  
difficultas patitur, disseris, nec rerum subli-  
mitatem verbis sordidis dehonestari sinis.  
Quod testantur egregia tua monumenta, ex  
quibus altiorum scientiarum notitiam cum  
politioribus literis te conjunxisse manifestè  
apparet. Istiusmodi verò rerum mediocri co-  
gnitione minimè contentus fuisti, sed eas pe-  
nitissimè peruidisti, & inuentis à præfiscis illis  
Thalere, Anaximandro aliisque primis Philo-  
sophiæ & reliquarum artium auctoribus no-  
ua quotidie addis: quæ laus fortasse non  
multò minor est, quam inuenisse: quibus  
quidem summis Viris ed tantum cedere vi-  
deris, quòd te tempore præcesserunt. Quæ  
cùm ita sint, non mirum, si à nostro Prin-  
cipe tibi Regiæ Professionis munus delatum  
est, quod quondam honorificum, nunc ta-  
men meritis tuis non satis congruit. Auditorium  
enim eruditione tua dignum tibi non  
contingit: adeò præclara illa studia, frigent,  
& tanta est Academiæ vastitas, quam pueri  
tantum incolunt, qui primis literis dant  
operam, idque non valde seridè, nec vltiora  
attingere admodum curant: ij sanè ad  
percipiendam eximiam tuam doctrinam non  
satis idonei sunt, & optandum erat, vt disci-  
pulos te dignos haberes. Verùm huic que-  
relæ, non est hic locus. Itaque Vir Doctissi-  
me, valebis.

PETRO GASSENDO, *Viro Eruditissimo*,

MORISOTVS Sal.

**E**vm ruri essem & in lectione Epicureæ  
Philosophiæ à te illustratæ, noctes  
diēsque exigere, tantus amor discendi erat  
tantus ardor explendi me vtilissima lectiones  
aliqua annotaueram, quæ mihi ex opinione  
tua non videbantur, quæ tamen olim mihi  
contigerant, eaque Epistolā ad te scriptā  
mandaueram, sed illa, quia Lugduni vbi  
te esse existimabam, inuentus non es, periit, nec  
mihi nec tibi reddita, nulla alia iactura, nisi  
quòd citius tu quam per Barancium co-  
gnouisses, quantum eruditioni tuæ, quan-  
tum virtuti tribuam. Fastos Ouidio per me  
suppositos, quia ostendit velle perlegere, ad

te mitto. Tantùm opus doctissimos quosque allicere debuerat ad hoc supplementum, vt quod omnium ignauissimus temerè aggressus sum, ipsi cum honore exequuti essent: nam & ea pars Factorum, quæ antiquam Astrologiam tangit, ingenium tuo simile poscebat, & fluiditas styli argumentorumque & rerum soliditas, meliorem & doctiorem, quàm ego sum, Poëtam. Tu qui grandia in publicum dare soles, & maiora polliceris, exiguis, si mea legis, tenebere, sed si pluet hic imperus, breui alia accipies dummodò eà mente sis erga me, quàm ego erga te sum, quem vt ingeniosum, vt eloquentem, vt eruditissimum, & colo, & amo. Vale. Diuione 24. Decembris 1650.

*Sapientissimo Viro Domino PETRO  
GASSENDO,*

MORISOTVS Sal.

**B** Arancius ille, quem ab æstimatione tua metiebar, partem mihi in amicitia sua & epistolarum commercium pollicitus, circa finem Nouembris hac vrbe exiit. O Dî, quàm frigidus & obliuiolus amator; puto flumine lethæo potus nihil promissi meminit, etiam literis meis sollicitatus in recordationem mei: num ille de genere glirius est? nequaquam; vere iam adulto excitatus non vltro obdormiret, euigila quæso eum cui Epicurum tuum tradidisti ne credatur cum eo inter hortenses voluptates se pulsus.

Quod autem tardè Fasti mei ad te peruenierint; tota illius culpa est, cui mittendos ad te commiseram. Vellem & mandata typis forent Commentaria mea in duodecim libros, illic ad te maiori cum cura mitterentur, & si quid aliud ex me vnquam nasceretur dignum lecticæ tuæ, quod vt faciam sedulo enitar, ne me indignum amicitia tua existimes. Vale. Diuione 11. Kalendas Maias 1651.

*Reuerendo, Nobilissimo, ac Doctissimo  
Viro Domino D. PETRO  
GASSENDO,*

IOANNES MICHAEL OVG. PINAVI,  
S. P. D.

**N**on est gratitudo in pectore meo extincta, quamuis consuetudo testandi ipsam per literas nonnihil intermissa videatur. Accepisse beneficium à Te, Vir Doctissime ac Nobilissime coram tui nominis amantissimis & famæ studiosissimis altissima vbique voce profiteor: illud ne minima

quidem ex parte rependisse erubesco: sit tua beneficentia ipsa tibi pulcherrima merces. Maneo Romæ studio Matheseos, pro virili deditus; quò nupertimè Philosophiam Reuerendæ Dominationis tuæ triumphali laureâ ornatam intrasse vidi, ab omnibusquè Viris doctissimis honorificè exceptam, & in arce Mineræ Phidiæ collocatam gratulor; hac ita Franciscus Slusius Leodiensis Vir, omni scientiarum & linguarum peritiâ instructissimus, Geometra præstantissimus, delectatur: vt quodlibet quæ familiaris ipsi enim sui similibus congressus contingat; toties Gassendi dotes admiratur, amat & deprædicat: optatque ex animo, vt quem per speculum & in enigmate cognoscit, eundem facie ad faciem aliquando intueri valeat: cuius Ego nomine Reuerendæ Dominationis tuæ officiosissime salutato. Pater Sanctinius Lucensis angulum non vltima opera trisequit, ideòque multis obstrepentibus & contradicentibus. Pater Athanasius Kircherus Obeliscum Pamphilium edidit, dolet se non quamprimum Reuerendæ Dominationi tuæ, transmississe. Literas ad Excellentissimum Principem Valesium & ad Dominum Neuræum mitto: nutu & fauore Reuerendæ Dominationis tuæ dirigendas precor. Vale, vinè quàm diutissime & felicissime literarum ac literatorum Decus. Dabam Romæ 6. Maij, anno salutis 1651.

*Nobilissima ac Reuerendissima  
Dominationi Tuæ, promptissi-  
mus ac obsequentissimus seruus,  
IOANNES MICHAEL OVG.  
PIN. SCLAVONVS.*

Portatorem præsentium Iuuenem optimæ spei, mihi amicissimum Reuerendæ Dominationi tuæ commendo, si qua in re tuo salutari consilio & adjuumento indignerit. Dignetur illum nominis & virtutum tuarum præconem socium mihi adungere. Is tamen non alius quispiam, sed Ambrosius Vaysius Excellentissimi Ducis Longavillæ seruus est.

*Clarissimo Eruditissimoque Viro  
Domino PETRO  
GASSENDO,*

IACOBVS ALEXANDER TENNEVRIVS,  
S. D.

**V**m non me lateat, Clarissime Gassende, diuertere te non rarò è vitæ tui Mathematicis ad amœnos Historiarum campis; necnon è sylvis Philosophicis ad Genealogicos etiam saltus quandoque te conferre: non iniucundum vtiq; tibi fore existimaui veritatem vindicatam, quæ in Historiis



Historiis Genealogiisque tota ferè versatur. Accedit etiam, quòd, cum vnus sit scientiarum, (quas assidue colis) scopus, veritatis investigatio; patriæque studio teneamur omnes: fieri non posse videatur, vt tibi per-charum non sit, quod ego aduersus virum mendacem, Franciæque osorem, suscepi veritatis Franciæque patrocinium. Quas igitur ad te mitto, vtriusque vindicias boni consule; quique non multum auctore suo, at certè argumento commendatur liber, singularis in te meæ obseruantia monumentum puta; si non aliud, saltem conatum lauda; meque, (quòd pro innata bonitate non semel pollicitus es) amare perge, & diu vale. Parisiis prid. Id. Iul. 1651.

PETRO GASSENDO *suo*,

PHILIBERTVS DE LA MARE S.

**Q**Uod tamdiu literarum ad te mearum officium intermiserim duo fuere, primum minus prospera quàm vsus sum valetudine ab eo ferè tempore, quo ab Epistolarum commercio cessauimus, maximè verò variæ Burgundiæ nostræ commotiones, quæ singulis annis nouum nobis bellum debere videntur, vtrumque puto pro ea qua vales humanitate tibi factum fatis, interea hoc habere me à virtutis tuæ demiratione perpetua non recessisse, dolco vnum quod nullam mihi ansam præbueris qua meum in te studium testatum probatumque facerem. Natus sum ætate proximè clapsæ nummum æreum cuius Iconem ad te mitto, quem ideo vulgaui, quia cum variè de Popeonano illo inquisissem nihil tamen à me hæcenus de illo compertum sit, seu apud Romanarum rerum & Byzantinæ Scriptores, seu apud eos qui rem nummariam Commentariis illustrarunt, tuum erit, quod à te deprecor, nodum hunc resolvere pro ea quam cum Nicolao Claudio Fabricio Peireskio (quem nominare, laudare est) communem habuisti rei nummariaæ atque aded antiquariæ peritiam. Interea me totum esse scito in colligendis ex consilio illustrium Puteanorum Leonardi Aretini operibus seu editis, seu nondum editis, vt omnia illa simul prodeant præmissa authoris vita & grauissimorum de eo scriptorum testimoniis; si quæ sint apud vos, nam plurima illius scripta nondum fuisse edita quotidie comperio, quæ ad institutum meum faciant, moneas velim. Vale & me tui studiosissimum amare perge. Vale iterum, Diuione rebus ptolatis pridie No-nas Nouembris 1651.

Doctissimo & Ornatissimo Viro PETRO  
GASSENDO *Diniensis Ecclesiæ  
Præposito*,

IOANNES LYDOVICVS CASTANÆVS S.D.P.

**S**VAUE inter Doctos commercium ex eo semper coniectaui, Vir Ornatissime, quod grandiores animi contactu mutuo fulgurant cælestem, quàm viuunt flammam; perindeque ingratum & rude quod rudes cum doctis conforium tentant, in summo siquidem illi oberrant aëre, quam par sit istis infectari. Quamobrem nescio quo te primum nomine salutem, qui nec doctrinæ priuilegium præferam, quo præcipuè omnes studiosi te facile compellare possunt; nec iis studiis sim adductus, quæ tuâ aliqua similitudine interpellare confidunt. Sed his difficultatibus occurrit blanda Musarum indoles, quæ mitè, si aliàs vnquam conueniens cum genio tuo, & equali temperie inferioribus ad ædificationem, & æqualibus (si qui tamen sunt) in admirationem animum tuum vltro exhibet & aperit. Accedit & amor tuus in Patrem, cuius & hoc bonum natura mihi offerre videtur. Igitur ingenium meum explicare tibi vellem, non quàm iudicij sagacitate omnia discernis, sed quàm benignâ humanitatis luce cum hominibus conuersaris, amplectendum. Philosophiam ne primis quidem labiis degustauis, tamen propter necessitatem amo Philosophum. Suspicio autem Philosophiæ necessitatem ex eo quod mens humana continuè & succedentibus rerum radiis ira vrgeatur, vt iis tanquam contubernali luce & flamma sensum informetur, foueatur & quasi accincta vigeat, habeatque insitam facultatem extenuandi omnes rerum species, & in intellectualem figuram redigendi: Deinde assumat artem, quæ conferuet omnem naturæ probum vigorem, augeat lucem, sapientiam confirmet. Hanc Artem quis te luculentius hoc sæculo proficitur, Vir Doctissime? quis suauis delineat & scriptis & colloquiis? quis ad amussim humanitatis magis collimauit, qui Epicurum propter commune voluptati nomen infamem, & insepultum euocasti in officinam intellectualem voluptatis: hanc animorum disciplinam fortè dictam Astra, quod videamus mentes hominum excultas & sublimes impatienter ferre distantiam Intelligentiarum, & vt ita dicam absentiam. Amant pererrare connaturale hoc pelagus (est enim firmamentum Oceanus, cuius agitationes & reuolutiones ex substantia spiritali & subiectione animali experiuntur) sunt qui gaudent legere Sideralem contextum ingenue exercitationis amore; alij dominationem cælorum, quàm mobilem intellectus humani mansionem reuolui, & in diuersas quotidie positiones transferri sentienti obseruare delectantur. Alij denique student vinculum illud quo Planetæ hominem vellicant, impetum quo vrgent, rependentes vicem

vicem auctoritatis intellectualis, quâ omnia exlorum officia deducunt in permanentem vtilitatem studia tua cum his postremis re-  
 ceuseo, & si quid in meteorologicis tuis simile tractasti, moneas obsecro, item de Marsilij Ficini mente, & intentione iudicium tuum proferas, nisi importunus videar occupationibus tuis. Optarem legere in aliqua Planetologia hæc aut similia. In Luna contubernium animæ rationalis & naturæ, Intellectum naturæ practicum, speculum vitæ & mortis rationis humanæ exscriptam è Luna imaginem: in Venere ingenium vitæ rationalis, sympathiam animæ cum inferioribus, concentum & harmoniam animarum: in Marte necessitatem actionis quâ quisque suo Marte gaudet, Antipathiam vniuersalem & particularem, animorum dissidia cum auersis coruscationibus tonant: ex Mercurio Veneris & Martis satellitum; quod vtrisque artem & soletiam subministrat. Quatuor illi Planetæ inferiorum rectores, & animos inferioribus contemptantes multarum rerum doctrinam exhibent. Tres reliquos subintelligo, informate mentem ad superiora. Iuppiter providentiam, Sol Religionis lucem, Saturnus immortalitatis reuelationem & quasi denudationem insinuant. Nimis vrgeo pudorem meum majori quàm par est, benignitatis tuæ confidentia. Sed memoria beneuolentiæ quâ etiam olim prouocabas nascensia studia remouet metum vt ingeniuam studiorum licentiam comparem cum humanitate tua. Bene vale, & bono literariæ Reipublicæ semper feliciter labora. Si-  
 statici 6. Idus Februarij 1652.

*Doctissimo, Clarissimoque PETRO  
 GASSENDO,*

H. DESCALES Baro de Bras, Senator  
 Aquentis, S. D.

**M**Aximam quidem letitiam mihi tua atulit Epistola, Vir Doctissime, tum quia perpolita est, tum quia te mei amantissimum esse scio, eam indefinenter lectito, quippe quæ elegantissimè ac lepidissimè structa sit, nulla in ea inutilia verba, nihilque necessarij deest; & sapissimè similes peroptarem nisi hoc tibi graue onus esse existimarem; tanta voluptate molestiæ quibus vexor è mente depulsarentur; paucas inertiar meæ hoc vnicum terogo, nec me absquæ causâ laudibus immeritis efferas. Sequitur de rebus nostris vt loquamur, hostes Aquiseptiensis quos vt solet victoria superbos fecit (si tamen victoria sit vincere non repugnantes) pacem cupiunt, eamque facillimam arbitrantur, sed hoc à natura insitum nobis est, vt è quorum insidijs euaserimus hos semper odio habeamus, ita vt sola spes sit bellum olim nobis horrendum, hodie verò carissimum. De rebus Parisiensibus Sacrista vester Gaillardus te participem faciet. Reditum Ducis Inculisimensis maximopere expectamus, faxit Deus Omnipotens vt citissimè  
*Epistola ad Gassendum.*

promissis stet; nunc valetudinem tuam jucundissimam diuturnissimamque exopto; cum ab ea gaudium & læticia mea pendeant. Vale sæculi prodigium ac patriæ tuæ Decus & ornementum. Dabam Anisiuis 10. Kalend:  
 Iunij 1652.

*Clarissimo, Doctissimoque PETRO  
 GASSENDO,*

H. DESCALES S. D.

**N**ON immerito sanè tibi Epistolam tremebandâ manu scribo, Vir doctissime. cum & à peritissimo hominû atque eruditissimo conspici debeat, sola ad hoc me inuitant & summa eloquentia, & insolita tua benignitas. Quamobrem doctissimorum magistrum, meum fateri non dubitarem; sed vt ad huius sæculi res deuoniamus, scies Ducem à Mercenar quibusdam huiusce Prouinciæ nobilibus comitatum Aquis-Sextiis insolito populi applausu, inauditoque Magnarum gaudio fuisse exceptum, pacem se facillimè introducturum existimat, quod mihi, cunctisque amicis difficillimum omninoque aduersat esse videtur; D. Daigebonne aulam petit, & ius nostrum apud Regem fortiter defensurum asseruit; Senatus Parisiensis legati rediëre, nec fuit ista legatio primâ fructuosior, nunc Rex est apud S. Germanum, suas copias hic causâ omnibus ignotâ expectans. Inter hæc Dux Lotharingus tempus ad suas res accommodans, pro Tullesie Ciuitate, Stenai, & lamets suas copias ad Principum exercitum ipsemet adduxit numero 8000. hominum; ita vt omni pacis spe sublata ad bellum gerendum quique suam mentem vertat; hæc signa ruentis Imperij, ô inaudita cupido quâ tantum, tantique Principis imperium ferè subuertitur! De rebus nostris nil noui, D. Dux Inculisimensis subitaneum reditum semper pollicetur quâ de causâ mutuas pecunias lumpsit. Iam tempus adest quod si perdamus, irreparabile, hostem fieri fortioiem ne sinat, efficiatque redeundo vt promissâ appareant. Illud vnicum superest remedium. Vale sæculi prodigium, ac Prouinciæ tuæ decus & ornementum 14.  
 Maij 1652.

*Clarissimo, Peritissimoque PETRO  
 GASSENDO,*

H. DESCALES S. D.

**Q**UAEfferot lætitiâ, tam suauissimarum tuarum literarû aduentu, Vir Doctissime, nullo modo exprimere queo, quemque faciam in earum lectione progressum, omnino incredibile dictu; quis enim in Terrarum Orbe te melius sua imitatione instruere quemque potest? auger desiderium tuos sequendi trāmites, & mixtici ingenij & tuarum virtutû recordatio; enim verò honestatis ac humanitatis exemplū in te elucescit; pietas & mens ad ætrem Deum incredibili  
 Y y

lis, atque ita Philosophicis cæterisque pulcherrimis studiis deornatus es, ut veteres celeberrimorum imagines non solum expressurus, sed longè sis superaturus. Ut verò quod quotidie agam, quodque è tua tam suavi societate acceperim, noscas, solius Plutarchi pertractationem elegi, quippe quod deductum varietati animum non valdè tranquillum censeant, sæpissimæque accidat ut è tam diuersis librorum studiis nihil omnino retineamus, opinor; illum ergo excellentem authorem libentissimè lego, quem tecum in vno conformem notavi, quòd scilicet nihil tempore carius sit, ipsam tamen pro nihilo ductum, quia exitus semper à nobis remotissimus consideratur, nec ad monumentum indefinenter nos accedere prævidemus, quamobrem ad benè beatæque viuendum tempus adimpleamus, cum eo solo tantum certissimè fruamur, de quo præcipuè rationem præstituri sumus. Vnaquasque res novas Sacristam vestrum Gaillardum tibi ostendere rogaui, quod superest (Vir Doctissime) Deum Optimum Maximum supplex venetor ut te incolumem & florentem conferuet. Vale sæculi prodigium, & patriæ tuæ Decus & ornamentum. Dabam Anisui 3. Kal. Iun. 1652.

*Incomparabili Viro Domino PETRO  
GASSENDO, Ecclesie Dinensis  
Præposito,*

SAMUEL SORBERIVS *χαίρειν & ὑμνεῖσθαι.*

**N**on ego solus & sine riuali mea amare velim, Vir maxime, nec defendere delicta quàm vertere malim. Tecum itaque sentio malè tornatam incudi reddendam esse Versionem nostram Syntagmatis tui. Quòd bis terque expertus frustra, meliora reponere si nequeam, lubens delebo, nec vltra sumam operam inanem. Palmam aliis non inuidebo, nec poenitebit me tamen omnino emensis, quamuis non sine lapsu, Itadij. Cadet forsitan & qui nos sequetur, nec *ἀναπαύσει* villus erit, si *ἀνελέσθαι* illa adhibeatur. Nullum est ouum ouo aded simile, quin discriminis quid intercedat, si propius intuearis. Possem quidem opus refingere: sed seponendum potius videtur, cum tibi nec mihi forsitan expediat, ut publici iuris fiat. Alia nunc agito de quibus sub discessum paucis egi tecum, & quæ, si Deus bene vertat, aliò me vocabunt. Nec famam quæro, quam si vltimam nactus sim, ut ais, totam amicitie tuæ acceptam refero, nec proflus contemno, ne virtutes contemnere videar. Mentem opto sanam in corpore sano, & tuam sapientiam pietatè meque, cui quod superest, imitandam mihi propono, modò faueat ille *πρόνομος ἰδωύ δόσις*, apud quem rogo precibus intercedas tuis. Plura si negotium vltius processerit scribam. Hæc autem pauca vni tibi dicta velim. Interea vale, & me semper ama, Vir Reuerendissime, tibi obsequentiissimum.

Fufius ad Nobilissimum Dominum Conradum circa editionem versionis nostræ scripti, quæ tecum communicabit, ut quid consilij capi queat vnà cum Domino Capellano videat. Scio enim vos omnes in me bene affectos, & rebus meis probè consulturos. Iterum vale, Aratisoni 18. Iunii 1653.

*Viro Celeberrimo Domino PETRO  
GASSENDO,*

OLAVS VVORM. S. P. D.

**Q**uantum lætitiæ tui mihi attulerint effari pequeo. Tum quod ex his intellexerim Te viuere, valere, & in Tychonis nostri vita consuegenda strenuè pergere: tum quod sincerum tuum in me affectum & beneuolentiam abundè declarauerint. Ego quidem diuina gratia; variis morbis & difficultatibus conuictatus, senio & cutis fractus, Tibi ad quævis amici officia paratus vteumque valeo. Cæterum de Keplero aliquid de Tychone nostro meditante, hætenus nihil perceperimus; nec credo iis instrumentum cum ad hoc negotium accedere, quibus tu abundas. Nisi velis post Homerum Iliada condere. Redè igitur facis quod à proposito re abstrahi non patiaris, quo Tibi Illustris familiæ gratiam, omnium fauorem concilias. Me quod concernit, ex quo ad te scripsi, nihil peculiare in hoc genere explicari potui, præter epistolam quandam ad Imperatorem Rodolphum, quæ ei secretum suum inuentum detegit, contra pestem & morbos malignos, quam ante annos aliquot publici iuris fecit Clarissimus Dominus D. Casparus Bartholinus in eleganti tractatu de aëre pestilenti corrigendo. Quia verò dubito an ad vos sit delatus, epistolam describi curavi & his addo. Credo hoc ipsum esse medicamentum de quo tecum egi Nobilissimus Dominus Retzius. Nam hoc nobis familiare, & in Pharmacopoliis nostris titulo *Elyxiris Tychonis* venditur. Ego creberrimè in morbis malignis vsus sum, magno successu sudores potenter mouet, malignitati resistit. De eius vnguento nunquam quidpiam percepi. Nobilissimus Dominus Petrus Retzius iam Thesaurarius Regius, eiusque frater Georgius Seetetarius, hic iam non sunt, nec ante dies quatuordecim hic expectantur, alioquin hac de re cum iis egissem, tuasque literas legendas dedissem, sunt enim mihi amicissimi. Quia verò festinato opus esse ex literis tuis intelligo, nolui in aduentum eorum responsum differre. Vbi redierint, si peculiare quid habuerint, Te faciam certiorem. Quia verè tam subito describi Oratio Iessenij non potuit, cum possessore egi mihi, ut concederet, promittens ipsi vicissim vitam Tychonis à Te descripiam, & eandem hanc orationem Patriis nitidius editam. Cape igitur à tuis vsibus accommoda. Nescio an tibi scripserim



scripserim de fatuo illo, quem Vraniburgi aiebat Dominus Tycho, *Leppe* nomine qui ipsi valde fuit in deliciis. Pransurus ad pedes hunc habebat discumbentem, cui ex quadra sua delicatioribus cibos offerebat, assidue garricabat multa ridicula, male coherentia, & quandoque quedam alicuius momenti. Quocirca eius eloquia curiosius obseruabat, cum visus sit quandoque vera quedam prædicere. Referam quæ de eo ex ore Domini Longomontani P. M. sæpius audiui. Abiit Hafniam Tycho, nec reditus eius tam subito exspectabatur. Cæperunt studiosi quos Vraniburgi aiebat, hilarius genio indulgere, quibus aderat hic *Leppe*, qui inter reliquos garritus ex improbitate exclamauit *Dominus adest*. Illi scientes ipsum quandoque vera nunciare, quemdam ad obseruatorium ablegarunt speculatum, qui rediens nuntiavit Tychoem iam in litore consistere, vnde turbati omnes ad sua se pensa subito contulerunt. Alio tempore amandauit Tycho duos ex suis discipulis Hafniam, negotia quædam curaturos. Quos præscripto die redituros cum sciret, ipso prandente hic idem inter reliqua exclamare cœpit: Ecce vt tui iam in mari se lanant. Quo audito suspicabatur Tycho quod res erat, ablegatos nempe naufragium passos. Iussit igitur vt ad obseruatorium se conferret quispiam, visurus an in mari scapham cum suis videret Hafniâ redeuntem. Qui retulit vidisse se in litore quosdam madidos & male dispositos, scapham verò quâ vhebantur subuersam. Si quis in familia ægrotaret, idque fatuo huic idicerent, perquirentes an morturus esset æger, vera semper dedit responsa. Plura eius generis, quibus ipse interfuit, narrare solitus erat Collega meus coniunctissimus; sed an eiusmodi digna sint quæ eius vitæ inferantur, tute melius me iudicaueris. Saluta quæso, meo nomine officiosè Clarissimum Dominum D. Patinum, cuius in ignotum, amorem & beneuolentiam toto pectore exosculor. Vale, ac bono publico diu vige, mi Gassende. Hafniâ pridie Kalendas Octobris 1653.

*Clarissimo, Doctissimoque Domino D.  
PETRO GASSENDO,  
S.*

**C**larissime ac Excellentissime Vir, Cum in Lyguriam æstiuis studiorum vacationibus incuntibus Bononiâ venissem, & ex iis, quæ Vir Clarissimus Ismaël Bullialdus de nouissimo Cometa ediderat, te Dinizæ motari intelligerem; statueram ante reditum meum ad te venire vt tecum coram de communibus studiis differerem opemque obseruationum tuarum ad opera Astronomica, quæ jamdiu molior, implorarem. Iamque Niceam veneram mense Septembri iter ad te prosequutus, *Epistola ad Gassendum.*

cum fortè incidi in Ioannem Boudis Curatum Interuallium, qui se tuum olim familiarum, tuisque obseruationibus aliquando adstitisse testatur, à quo audiui incertum esse Dinizæ ne an potius Aquis-Sextiis per id tempus degeres. Quamobrem donec in incerto essem tempore & labori itinerum parcendum dixi, misilque qui de te mihi certa referret, post obseruatam ibi altitudinem Poli, Podium Raynaldi meam in Liguria habitationem rediit. In reditu cum Monteci Principem sapientissimum omnique profundioris eruditionis genere ornatissimum, nostrisque etiam studiis didicissimum, à quo in transitu fueram clementissimè exceptus, deque locorum situ rebusque notatu dignissimis liberalissimè instructus; iterum reuerterer; consulique meum Viro Clarissimo eruditissimoque Domino Carolo de Venasque suæ Celutudini à se creteris exposuissem, is mihi humanissimè exhibuit se facturum, vt quocumque in loco esses, meæ ad te literæ tutissime perferrentur. Cum igitur iam intelligam, te nec Dinizæ, nec Aquis-Sextiis, sed Parisiis esse; per eum has tibi literas tradere constitui. His ego te etiam atque etiam rogo (quamquam audax nimium in rogando videri possim) vt pro tua benignitate me tibi iam diu addictissimum in tuam consuetudinem digneris excipere, tuumque ad ea, quæ paro auxilium, quod facillè potes, ne deneges. Ea est oratio operis quæ te faciliem ad hoc indulgendum præbere possit. Problema ad Astronomiam summè necessarium, quod tamen nemo hæcenus mortalium, quamquam multi itque doctissimi atque ingeniosissimi adnixi sint, soluere potuit; immò prorsus insolubile pronunciat Keplerus de motu, & Bullialdus in Astronomia Philolaica duo magna Astronomiæ luntina: ipse tamen omnium postremus solui. Problema est ex datis vnus Planetæ duobus interuallis mediis, & veri motus, inuenire Geometricè Excentricitatem æquantis, & lineam absidum seu vt proponit Bulliadus ex datis quatuor angulis ad vmbilicum Ellipsis deinceps, Ellipsim describere. Huic, & similibus inuentis nouam Astronomiam superstruo ad quam necessariæ mihi sunt exactæ obseruationes; quales ego per ætatem adhuc mihi comparare non possum, sed à senioribus, qui in hoc studij genere ætatem consumpsere, hoc est à te fermè solo sunt requirendæ. Ergo, si tu saltem præcipuas earum, quas his postremis temporibus non adhuc vulgatas habuisti mihi indulgere velles, immortalis me beneficio afficeris. Posses ab oppositionibus superiorum Planetarum incipere, & ternas vnus Planetæ transmittere, quæ meæ Methodo opportunissimè acciderent, si omnes in eadem essent excentrici parte, sed in notabili ad inuicem distantia. Tuum ergo de hac re responsum impatienter expecto.

Quod reliquum est, Vir Clarissime, Christophorus Storaanus Canonicus Anconitanus  
Y y 2 expofuit

exposuit mihi per litteras opinionem suam singularem de Com. iis quas existimat esse ex Stenii praemittentibus de nouo incensis, petiitque a me, ut ad te venire, aut scriberem, iudicium de ea tuum extorquerem. Eius fundamenta ad Bualdum transmisit, quæ habere ab eo poteris. Quamobrem te rogo, ut quid de ea sentias, mihi exponas. Vale, Vir Clarissime, & me tibi addictissimum commendatum habe. Scribebam, Podij Raynaldi die 21. Octobris 1653.

*Excellentia Tua Studiofissimus*  
IO. DOMINICVS GASSINVS.

*Sapientissimo & incomparabili Viro Domino PETRO GASSENDO Ecclesiae Dinienfis Praeposito Reuerendissimo,*

SAMVEL SORBERIVS *scripsit & impertit.*

**E** Pistolas meas ad diem mensis superioris nonum datas per Dominum Contratum in manus tuas peruenisse puto, quibus scilicet significabam fecesum meum Vasionem, ut me in Ecclesiae Catholicae sinum reciperem; quod sanè pridem auebam, nec sese praestandi obtulerat occasio. Qui me triplici illigatum chimeræ demùm expediret adfuit Illustrissimus Reuerendissimus Dominus Iosephus Maria Suaresius Vasionensis Episcopus, cuius nomen eruditus notissimum, tum ob stupendam discipularum omnium, sed rerum in primis ad Ecclesiam spectantium cognitionem; tum ob illam quæ cæteris præfulget Præfultibus pietatem. Is me benignè & familiam meam excepit, fouetque donec mihi de munere prouisum fuerit Ecclesiastico ab Eminentissimis Cardinalibus Barberino & Bichio, quorum diuinâ providentiâ iam mihi paratum est patrocinium, ut Antistites taceam quamplurimos, qui mihi volunt ex animo. Itaque spero futurum breui ut refarciatur bonorum omnium meorum iactura, quam veritatis causâ alacriter feci. De te, Vir Sapientissime, mihi cum illustrissimo Patrono meo plurimus sermo fuit. Voluit itaque quid tecum instituere commercij literarij, cum sponderet te inchoado fore paratissimū. Sed non sustinuit niueum illud pectus longiores moras, & prior en ad te scribit. Responsum tuum Auenionem si mittas per Veredarium ad Dominum Suares Praepositum Ecclesiae Domini Episcopi fratrem, tutò & breui Vasionem perueniet. Bernerium nostrum vidi paulò ante discessum meum, & festinantem domum biduum detinui. Præterea vti nam ad partes nostras pertrahere possemus. Tu quâ insigni pietate & doctrinâ rerum diuinarum polles vrge, quæso, ut animam illam Christo luci facias. O vti nam ego possem semel caput charissimum alloqui! Lugdunum intra mensem cogito prælo scripturunculam quandam cui nunc incumbio traditurus, unde lubenter Lutetiam excurrerem. Nam si

Romam ineunte Vere proficiscar, amicis longum erit fortasse vale dicendum. At æterna nos manet patria, in quam audio Celatissimam Principem Valeium Mæcenatem tuum nuper concessisse. Durum illud tibi, sed animo ferendum quo decet non mollem virum. Deus Optimus Maximus te diu supersitem & incolorem seruet, vñ cum delibato illo eruditorum flore Monmorio, Capellano, Neureo, qui tuam virtutem colunt. Vale igitur, Vir sæculi nostri Decus primarium, & me quod hastenus fecisti semper ama. Vasioni 11. Kalend. Ianuar. 1654. quem tibi faustum voueo.

*Domino PETRO GASSENDO S.*

**P** Erillustis, & admodum Reuerende Domine,

Memini ante annos 21. Romæ à me oblatam Eminentissimo Cardinali Barberino Mæcenati meo Tuam obseruationem de Mercurio in Sole viso, & Venere inuisa, quin alia obsequia deinceps præstita suggerente viro incomparabili Petrescio. Diu post Aquas-Sextias dum pertransirem cum Eminentissimo Cardinale Bichio, Romamque repeterem, conciliavit me tibi coram ipse Peirescius. Te itaque vidi, & salutavi, tecumque amicitiam sanxi, quam tamen mihi, Aulicis, & Episcopalibus curis distracto excolere huc vsque non licuit. Verùm Clarissimus Vir Samuel Sorberius singulari Dei beneficio ad Ecclesiam Catholicam, & in ædes meas receptus in sua litteratissima consuetudine, quâ fruor ad votum, præstantissimos ingenij tui foetus mihi exhibuit. Silentium igitur confectum meum damnaui, vsque amissi temporis dispendia compenserem crebris Te litteris adire, initumque amicitiam sancire, atque instaurare constitui. Quamobrem rogo Te iterum, iterumque ut excipias perlibenter hanc Epistolam mei veteris erga Te affectus recentem indicem, & me tuæ veræ pietatis, & solidæ doctrinæ admiratorem in tuæ benevolentiae sinum admittere, inque amicorum tuorum prima ceta vti priorem tempore locare ne renuas. Certè non possum non admirari tuæ mentis perspicacissimam aciem, acurissimamque solertiam in arcanis naturæ penitus, & certius indagandis; sinceram insuper, & puras de auctore naturæ Deo religiose colendo, deque rectissimis Ecclesiae Catholicae Dogmatis tuendis sententias, quantumvis obganniant nonnulli scoli, qui disciplinis liberalibus leuiter tincti tenebras inscitiae suæ quasi nebulas offundunt; sed Tu scientiarum & uelut ad eas complexus dispellis illas, & diffundens longè, latèque radios eruditionis tuæ, promissas, & caligantes harum nocturnum ocellos luce majore perstringis. Viue felix (Vir perillustis) Ecclesiae ac Reipublicæ litterariæ bono, & decori, easque lucubrationibus ruis ornare, ac illustrare perge. Operam quidem meam omnem quantulumcumque

denud

denuò Tibi ex asse offero, & vbiunque res feret, strenuè nauabo, nec vllum amantissimè, studiosissimèque Tui officium prætermittam. Vale, Vafioni 6. Kalend. Ianuarius 1654.

*Perillusis, & admodum Reuerenda Dominationis tue additissimus servus IOSEPHVS MARIA Episcopus Vafionensis.*

*Perquam Reuerendo ac Eximio Viro PETRO GASSENDO, Ecclesie Dinienfis Prapostolo Dignissimo, necnon Philosopho ac Mathematico nostri Saculi Celeberrimo, amico plurimum colendo, S.*

**P**reclarissime ac Celeberrime Vir amice plurimum colende,

Quò rariores hæcenus ad me dederis literas, eò certè, iucundiores, gratiorèque mihi tuæ 4. Kal. Nouembris anno 1652. datæ extiterunt. Vix namque verbis exprimere possum magnitudinem lætitiæ, quàm affectus, iisdem visis, perleatissime: cum non solum de valetudine tua, de qua admodum eram sollicitus, quævis prospera ac exoptatissima nuntiarent; sed & pristinum amorem fauoremque spirarent. In primis verò quod tam humaniter ac beneuolè, præter expectationem, publicam meam meam qualem qualem exceperis interpellationem maximòperè mihi gratulor. O vtiuam occasio daretur adhuc clariùs ostendendi meam tibi inseruendi promptitudinem. Non est autem cur tam sollicitè, ac prolixè diuturnum tuum deprecere silentium: amicitiam enim non ex tebris literis; sed ex animo tuo sincero, mihi quæ additissimè æstimo. Profectò, necessitudo, quæ inter nos contuenit, adeò altas iam egit radices, vt non nisi morte ipsa discindi valeat. Nec sanè est cur tam amplissimas mihi referas gratias pro Nobili Domino Bernerio exhibito honore; cum, crede, eruditio vitæque eius optimè id mereatur, ac quicquid tum factum fuerit, Tui præsertim gratiâ, atque ex animo summe erga te beneuolo profectum sit; immò; si curia mea non obstitisset suppellex, lubentissimè maiora exhibuissem, tam ob arduissimam animorum nostrorum conjunctionem, quàm ob tot ac tanta præclarissima, nunquamque intermoriatur tua erga rem literariam merita, quæ certè nemo mortalium villo valet rependere modo. Cæterum à Domino Bernerio (quem humanissimè salutes velim) vitra ista Venetiis transmissa optimè accepi, gratæque fuerunt quàm quæ maximè: quemadmodum etiam literis ad ipsum breui destinandis declarabo. Dominus noster Eichladius, qui multam tibi adscribere iussit salutem, pro puluere isto fulminante gratias agit ingentes; præsertim quòd beneuolentiâ tuâ cum viuet tibi obstrictū esse fatetur: Deinde memini me perscripsis-

*Epistola ad Gassendum.*

se, Kepleri filium Regiomonti commorantem Tychonis vitam edere voluisse: Sed haud stetit promissis; imò dubito an vnquam faciet. Idcirco nomine publico; si quid possum te obnixè rogo, vt Tychonis vitam aliorumque nobis haud deneges, facies certè, præsertim literatis, reui gratissimam. Ad hæc tam Tycho quàm Copernicus optimè id meriti sunt, vt à Te laudatissimo Viro sempiternæ gloriæ ac memoriæ hoc modo commendentur, Gratas insuper habeo pro communicata Eclipseos Lunaræ die 17. Septembris anno 1652. obseruatione; non dubito quin etiam Dominus Bullialdus tibi transmiserit excepta quædam ex obseruatione eadem mea, integram obseruationem suo tempore, cum aliis quibusdam notatu dignis adhuc referuo. Multam quoque tibi debeo pro transmissa Optica Clarissimi Viri Zucchij, vellem vt par pari referere possem. Iam nihil perscribere restat ampliùs, quàm Te non nescire velim, optimum & doctissimum Virum M. Alb. Linnemannum fato, præterito autumno, concessisse; quem casum admodum doleo: tum quod intimum amiserim amicum, tum quòd tota res literaria ex hoc capite haud mediocrem fecerit iacturam. Sed sic nobiscum est comparatum, tum denique omnes, nostra intelligimus bona, loquente Plauto, quum quæ in potestate habuimus ea amisimus. Vale ô charissimum caput, ac amicitie meæ decus! meque porro fauore tuo complectere. Dabam Gedanæ die 10. Aprilis 1654.

*Tua Reuerenda Dignitatis ac Præclaritatis additissimus I. HEVELIUS Consul Gedan.*

*Clarissimo Viro Domino PETRO GASSENDO,*

*SAMVEL IOS. SORBERIVS S.*

**S**ed Tui non tanti erat, Vir Clarissime, Epistola illa ad Pecquetum, vt ex libro obseruationum Anatomicarum deprompta ad te mitteretur; existimaui tamen officij mei esse, vt datâ exinde occasione moneam, adeò plenè confirmatam nostris oculis patuisse illam chyli in subclauias venas, & in cordis ventriculum dextrum deriuationem, vt nullus planè locus dubitationi superesset. Vtinam autem ad nos tu redeas antequam in Occitaniam proficiscamur, quo possis rem illam oculis ipse tuis vsurpare; quippe quæ maximi momenti, & digna videtur omnino quæ calculo tuo comprobetur. Certè ne spes daretur te in urbem breuè reuerteramur, qui per triduum iter infestum imbre latòque olim sustinuit vt te Diniam inuiserem, libenter nunc ad te non tam procul à nobis distitum aduolare vnâ cum Præto Martellòque Vitis tui iuxta mecum amantibus: neque enim aliis facillè concederem vt paria mecum in te amando colendoque facere conderet; quicquid se Borinus veteris notæ amicis illis immiscere vellet in scriptis nuper ad me humanissimis

Yy 3 literis



literis Lugd. Bat. Idib. Augusti. *Ex te (ait) vici-*  
*ssimintellegere percipio suppr omnia quid aga*  
*incomparabilis ille communis noster praeceptor*  
*Gassendus quem ex Hagienſi Typographo Vla-*  
*quo astra adhuc frui atherca ante dies aliquot*  
*intellexi, & maiori cum gaudio; quò acerbior*  
*de eius immortalis Viri obitu rumor hic sparsus*  
*mibi fuerat. Rogo virum illum inchoyrum pluri-*  
*mum salutes, ipsique simul significes, eius ho-*  
*nozem noménque illustre semper vt in animo in-*  
*delebile, ita & in ore futurum. Verùm admitt-*  
*tatur & Bornius noster, vt quadriga fiat*  
*clientum & discipulorum tuorum haud pos-*  
*stremo forſan ordine recensendorum, tum*  
*propter laudandam virtutis tuae & eruditio-*  
*nis emulationem; tum (quæ meæ potissi-*  
*mum sunt partes) propter affectus sinceri,*  
*& iugis obleruantiae, pluribus lustris eodem*  
*tenore praestitæ, constantiam. Quo quidem*  
*nomine audeo nunc efflagitare, vt ad Re-*  
*ther. Episcopum Constantienſem perſcribas*  
*me tibi interioris notæ amicum esse, & cu-*  
*ius causa cupias vtatur illà quâ pollet apud*  
*Eminentissimum Cardinalem gratiâ. Nempe*  
*in me bene affectus existit summus ille re-*  
*rum moderator, & sæpius pollicitus est se*  
*mibi de beneficio Ecclesiastico prospectu-*  
*rum. Egeo itaque tantum monitore qui pro-*  
*missa in memoriam subinde reuocet, qui bo-*  
*na verba spargat, & me non indignum vi-*  
*rorum magnorum, tui similitum, iudicio*  
*praedicet, in quem munificentia exerceatur.*  
*Scis quàm forti pectore, teque hortante,*  
*quasi naufragus emerſerim, atque fortunæ*  
*dulci repudium spontè miserim, quò recept-*  
*us ille meus in Ecclesiam illustrior euade-*  
*ret. Scis quo animo sim in bonas literas, ac*  
*vt deinceps excolere, tuis insistent vestigiis,*  
*vnice cupio. Id vnun superest, vt Domi-*  
*nus qui pars esse voluit hæreditatis meæ &*  
*calicis mei sit qui restituat hæreditatem*  
*meam mihi. Hac de re vt serid & amicè*  
*quamprimùm scribas ad Illustrissimum Epi-*  
*scopum rogo. Expectabo itaque literas tuas*  
*antequam Aula discedat tradendas, vel con-*  
*festim mittendas. Vale, Vir summe, & me*  
*semper ama Lutetiae Parisiorum Eid. Se-*  
*ptembris 1654.*

*Sapientissimo ac Doctissimo Viro Domino*  
**PETRO GASSENDI,**

**IACOBVS GAFAREL S. P. D.**

**Q**UAM meditatum in Hollandiam iter ex  
 quo Doctissimus Sorberius ab hoc  
 consilio deflexerit perficere amplius non co-  
 gitauerim, Parens meus carissimus Italiam  
 mecum inuolare in animo habuerat. Sed &  
 valetudo non satis firma & rerum domesti-  
 carum cura ipsum à domo sua tam procul  
 discedere non sinunt. Itaque cum me solum  
 ei regioni permittere noller, in qua & sa-  
 pientiores & ætate prouectiores vix tam in-  
 fueri aëris contagium effugiant, Lutetiam  
 me nunc reditum decreuit. Nutantem ad-  
 huc & dubium deinceps persuaſit nuncijs

quem nuper accepit te tam citò Parisios non  
 relicturum, & beneuolentia qua in ipsum  
 propendes, quam in me deriuari aliquantulum  
 posse existimat. Nihil enim æquè mihi  
 conducere existimauit quam vt conspecta  
 tanti viri frui & satari liceret, mihi quæ  
 sæpè ante oculos posuit Doctiores Europæ  
 illuc confluere quos tui nominis fama &  
 tuorum operum admiratio potentius allicit  
 quàm desiderium inelictæ vrbis & celeberrimæ  
 orbis curiæ inuiscendæ. Et quamuis ex  
 eo quod sit tibi totus iam pridem addictus,  
 Vir præstantissime, Patens meus hanc mihi  
 polliceri posse felicitatem videat: ne tamen  
 in temeritatis vitium vereretur si ad tantam  
 adolescens ego aspirare amicitiam alia spe  
 quàm summæ bonitatis tuæ innixus aude-  
 rem. Nunquam certè tanta læticia perfusus  
 sum quantam mihi vltimum istud propoſi-  
 tum attulit, quod tui videndi, amplectendi,  
 & viuam vocem audiendi facultatem dabit,  
 præsertim cùm te non ægrè viam quæ in stu-  
 dijs meis sectanda erit designaturum putem.  
 Quibus aut nullam vnquam operam dedi  
 aut certè incepti dum Philosophiæ tuæ le-  
 ctioni incubui, sed vale Vir Illustrissime, ti-  
 mor namque ne pretiosum aliquod momen-  
 tum tibi vberior epistola surripiat calamum  
 è manibus exeat, mihi quæ tantum orijs so-  
 lummodò concedit quantum ad audaciæ  
 meæ veniam rogandam par est. Datum Mau-  
 nae 15. Septembris 1654.

*Clarissimo Viro PETRO GASSENDI*  
*Præposito Dinienſi,*

**IO. HENRICVS BOCKLERVS S. P. D.**

**P**ERTENEBIT, si quid hæc literæ per-  
 pereant, culpa ad Illustrissimum Equi-  
 tem Scipionem Scaligerum; qui mihi au-  
 ctor fuit, vt cultum deuoti tuis meritis ani-  
 mi, non dubitarem propiori obsequio pro-  
 fiteri. Graculatus mihi sum plurimum de  
 tanto patrono: cuius vel solum nomen apud  
 Te, Vir Clarissime, ad absolueudam meam  
 audaciam valere posse, omnino confidebam.  
 Adder autem, spero, optimus mei desiderij  
 interpres quanto studio concupiscam am-  
 biamque vt dignus videar, qui mandata tua  
 excipiam. Ea mihi occasio erit, vberius insi-  
 nuandi obsequia. Vale, illustre sæculi De-  
 cus, & faue. Scribebam Argentorati 4. No-  
 uembris 1654.

*Ornatissimo Viro PETRO GASSENDI*  
*Præposito Dinienſis Ecclesiæ.*

**IOANNES LVDOVICVS CASTANEVS**  
**S. P. D.**

**Q**UOD exercitationis amore, antequam  
 Parisios abires, tibi proposueram, Vir  
 Doctissime, hoc idem ad aliquid seruium me  
 iam diu excitauit; licet autem priuatis pri-  
 mum studijs concludendum videretur, tamen  
 iam

iam vrget me ad lucem, si non publicam saltem priuatam apud cordatos aliquot, qui fortè fouere possent & promouere ad bonum publicum. Tibi primum declaro mentem meam, quod ex humanitate tua sperem sincerum iudicium an probari possit ex contextu & dispositione orationis. Dissertatio, quæ ab omni uo purioris dedit humane menti contemplationis materiam; quæque insunt hæc tempora exercitatis & illuminatis ingeniis plena, omnem scientiæ ambitionem in pristinum restituit humane modestiæ candorem. Sed non possum vincere pudorem meum, quod impari ingenio & doctrinâ tam magnum præferam; nisi prius benenolentiæ tuæ examinandum proponerem; vt si vel paululum degustare possis hortare tuo hac omnia studia mea conferas, vel intercessione tuâ veniam in communicatione hominum, qui parturienti calamo obstericerentur. Hoc enim mihi est ingenium (confidenter tibi explico) quod priuatis studiis parum in sese incalcescat; externis iaculis exponitur, auidèque iis excitari & feriri gaudet, iis ad laborem accingitur, ad lucem componitur. Vici pudorem meum, Parisios suspitio vbi illustrem bonæ mentis palæstram illustrium Virorum opo & operâ aperire me posse confidam, eorumque animos succendere, qui ad id præstandum prudentiâ & ingenio præualent, ibi totam supellestem sibi suam auguratur ingenium meum, procura mihi aliquam Mæcenatem. Audio multos luderas illas humanæ vitæ tabulas theatro conclusas ardentem fouere: numquid non excipient qui veram animorum palæstram nouis coloribus adumbrare delectetur; fortè melius dicam nouâ luce (cùm enim omnia noua placeant nouam dixi licet æternitati coarvam) sed inuisa est hoc sæculo huiusmodi præfatio. Idcirco tibi tantum exhibeo, qui virtutis priuilegio & multa studiorum felicitate nôsti captare omnes quotquot litteratum amore aliquid agunt, Musarum gratia beneuoli sunt. Hæc ferè in scio Parre scribo; licet aliunde gaudeat me sollicitare veterem cum illo amicitiam tuam. Quippe timeret, corpusculo obiceret etiam deesse mihi illam in colloquiis familiaribus facundiam, sine qua nulla commercij literarij laus, tardus progressus. At sicut palæstram in umbra designo (donec generosior aliquis aperto Marte, Academicis (vt vocant) conuentibus interfecerat) ita me sub umbra exercebo, procurabo mihi ignes quibus lubenter fouetur animus meus. Alterum tollit amicitia tua si Patri persuadeas, quod ego tibi persuadere vellem: scilicet in corpusculum præualeat animum meum si aduenerit suprema sua delectatio. Interesse magnorum hominum cœtibus, dissertationes audire, in iisque degustare suauem illam doctrinæ & morum temperaturam, sapientiæ & comitatis harmoniam; hæc enim facit pulchritudo in alieno corpore non habentes etiam delectant: præterea obseruare tot artes tot studia hominum; admittari aule nitorem, & de adeo elegans humanum commercium, &

magnificentia vnde bonis artibus multa lux, plena fecunditas, lege si per orium liceat, nam maioribus te affixum audio, designationem meditationis meæ. Aliam præfationem composui: Lunam & Venerem meo gradu emensus iam Martem suspicio sine specillo Batauo, est enim hoc sæculum dissimilitudine multum spectabile. Mercurij contemplationem ad mercurialium contactum transfero, si ad sit copia aut vere proximo, aut aliàs. Porro nulla ambitio voluitur hic ingenij mei riuiulus; aquarum affluentiam aliunde quærit, quibus ad aliquam iustæ abundantię exigentiam accrescere, perindeque æternam veritatem scientibus ætatem lenare, animum humectare possit. Ee quidem materiæ dignitas hoc exigit, vt quod opus fortium temerè ferè suscepi, eorum saltem operâ prosequar. Hominem non habeo in iis, vt ita dicam, cantibus. Cùm enim præ laboris & studiorum infrequentiâ rude mihi sit ingenium, non possum iam me committere, vt vulgò Tyronibus imponitur ad illustrandum Platonis amplissima spatia, nec Aristotelis Eurippos transfretare, nec etiam D. Thomæ esth tranquillissimum mare conscendere. Hominem quæro qui sicut Epicurus à te restitutum nullam eruditionem esse duxit nisi quæ beatæ vitæ disciplinam iuuaret; ita naturalis scientiæ Disciplinæ Ciuilem & morum summam continuè gloriæ Diuinæ vinculo velut auræ Homeri catenâ colligere noueris hominem quæro qui in illo lucis æternæ immenso Globo (velut peritas Cosmographus in Mundo) distinguat terras, animalia, plantas, vrbes, nemora; mare, eiusque secretas diffusiones, & in ipsum præcipitia aquarum; ætra, eiusque effusissimam naturam vitæ beneficia, cælorum vires digerentem & in inferiora transpirantem; ignem beneficium, quia ab infinito hoc lucis corpore excisum. Te solùm conuenio qui seriem rerum & pulchritudinem, & Vniuersi historiam distinctè explicaris, omniumque connexionem perfectissimè calles. Nosti quàm promptum conciliandi homines vinculum sit literarum studium, eo nomine sollicito genium tuum; & licet in me deprehendam natos Amico vinculo ineptos, tamen exurgit in me quoddam desiderium admirandi, obseruandi doctos, vt perinde non inutilem naturæ impetum auspicor. Cùm maximè tui obseruantissimum me vbique & semper reddiderit, bene vale, & ex voto meo citò prosperentur bono publico omnes labores tui. Sistarici Nonis Decembris 1654.

*Palæstra bonæ mentis designatio.*

**N**Equè cum doctis scriptipionis laudem æmulor, neque cum indoctis inuidiam deprecor, sed cum omnibus necessitate bonæ mentis confector (candidè lector.) Voco bonam mentem quæ inhaerentem nobis erroris ambitionem frangat; quæque Dei suam essentiam imitantis opus sic se intelligat, vt omnem mobilitatem suam.

suam componere possit iuxta eam, quæ æterna est in Deo, consentientiam. Quod ita fieri potest si quæ continuò ipsi obicitur gloria conditoris, eam sibi in omni progressu familiarem reddere contendat. Nimirum si ad vniuersalem de vno omnium opifice sententiam addat, rerum commercia manu Dei distincta, naturam velut experimentum sapientię, & virtutis diuinæ, rationis cum æterna prouidentia consensum necessarium. Similiter ab eodem principio deducat naturæ auctoritatem & liberalitatem, hominumque artes quibus illam sibi conciliant, istam sibi longius producant; & in conuictu humano quod virtute probatur vel vitio diffamatur à Deo illud decorum conservari, istud indecorum expungi. Quæ omnia quoniam exercitatione addiscuntur, & exercitationis propter libidinem ingenij compendiosa simul & lucida via vix pateat; ego certam & vniuersalem liberis animi progressibus disciplinæ viam describo in gloria Dei, quippe cuius vniformi luce Mundi varium temperamentum suis numeris distinguatur; quæque quod ad eius contagium animus noster præcipitum patitur semper contineat & moderetur donec suæ immutabilitatis plenius participem reddat; quæ denique necessariò præfertur vniuersalis disciplina sub qua reliquæ instituendi animi rationes velut species sub genere comprehenduntur. Propterea palæstram vsurpauit antiquis nomen vniuersale, quod omnibus cum animi tum corporis exercitationis erat commune, affinitas enim vtriusque alterius in alterum commoda transpirat. Et certè quæ in Academia porticu horto Epicuri florebat exercitationes vegetationis corporum rationem & praxim continebant; & quæ in Gymnasiis edebantur spectacula animi dignitatem & spectatōribus explicabant, & Athletis conseruabant. Itaque quot modis natura & ars nos exercent, iis (quantum facundiā consequi poterō) procurabo fidem ex gloria Dei; quæ cum vtramque inter se complicauit vt ars naturam sequatur, artem verò natura admittat; inde plenius nos sibi obligauit: natura enim sæpius arte sollicitari gaudet, vt se æterna arte compactam exhibeat, ars verò in natura sequitur constantem & æternam, in qua fundata est, Legem.

At stadium tandem aliquod componendum est, in quo omnes tum artis tum naturæ classes distinguat animus noster, & suo singulas gradu percurrat. Quod quia ex antiquis imitandum habeo, ipsi Circi maximi dispositionem affingere ingratum non erit. Etenim Romani felicius vniuersalem aliquam naturæ imaginem edere potuerunt qui totius orbis compendium vrbe edificauerunt. In hoc sic factum est, inquit Cassiodorus, vt naturæ mysteria luderentur. Et quoniam illic totum Concilio gerebatur, vt tota illa Epistola eleganter idem prosequitur, ex cæteris conuenit orationi meæ quod Chaboti, in Satyr. Horat. erat ouatâ figurâ instar cæli, & in medio habebat Obeliscum pro Sole & vtrinque ternas metas pro reli-

quis sex Planetis quasi stadium animo decurrendum sit Cælum in quo spatia distinguantur sex Planetæ: Scilicet res priores, Luna, Venus & Mars secretam naturæ vim & lucem; posteriores Mercurius, Iupiter & Saturnus, Artis vniuersa instrumenta in institutione generis humani explerent, & sicut illi in Cælo Iulian. circa Solem choreas agunt; ita & tota naturæ vis & rationis humanæ auctoritas circa Deum, cuius magnificum Symbolum est Sol, semper reuoluuntur. Hoc itaque in hoc curriculo assequendum propono vt naturæ secreta suggestio, & rationis humanæ apertæ definitiones in Deum semper desinant. Quod licet omni tempore à multis rectè demonstratum sit tamen non malè audiam, sicut qui disciplinas rectè inuentas ac feliciter propagatas nouis ornamentis augent, vel qui olim in circo noua spectacula novas decertationes amplioraque ad currendum spatia producebant. Planetarum symbola vt fere Poëtæ & ad illorum imitationem Philosophi præsertim Platonici hinc tantum prosequor, non vt Astrologi & hyphicos effectus. Lucundus enim fuit pulcherrimis Phænomenis diuidere sua menti ad discurrendum & philosophandum stadia, quam ex affectionibus corporum, quas illi inurunt, multa dignitatis animi tractare dispendia. Quæ itaque Mundi conuersatio natura & arte comparanda mentem occupat ex huiusmodi Planetologia multam lucem accipiet. Naturæ quidem in vniuersum progressus (rationis humanæ proximâ materiam) Luna adumbrat sicut mutationes librare videtur, deinde similitudinis in ea & dissimilitudinis suæ conuenientia & disparitatis consequentia Venere & Marte velut quibusdam Asteriscis notantur, ex quibus mihi apparet coherentia lucis æternæ, sicut D. Augustino ex pulchris & deformibus in Mundo ordinis tenor. Artis autem subsidia reuelant Mercurius, prout sensibili magisterio traduntur, Iupiter, quatenus inuisibili prouidentia virtute naturæ adæquantur, Saturnus, vt super continua rerum successione monumenta æternitatis ædificant. Sol autem religionis, vt ita dicam, Magister in medio naturæ & artis positus illius fecunditatem conseruat, huius ornamenta componit. Et hæc tantum mihi imposui vt dilatarem dicendi catceres. In hoc enim examinationem tuam præuenio (Lector) quod non dicendi Magister, sed Tyro tibi occurram, ne in nobilissimo dicendi genere vlla rudis & informis calami inuidia vel meditationem meam tibi subducat, vel tuam intercipiat aut retardet. Nec repetitum verbum (Gloria Dei) siue per se, siue per synonyma tibi nauisam pariat, nam præter quàm quoddam est vinculum orationis meæ quod fractam dictionem quodammodo connectat, est etiam internum mentis verbum perseveranter reponendum donec Verbo æterno adæquari possit. Quæ autem plurima desunt compone animo tuo quia incunda, quia necessaria, scriptis etiam explicata, quia & hoc summum charitatis præceptum mihi est vt alter alteri exponat quas in animo habet



habet vel communes, vel singulares gloriæ diuinæ lineas, quamdiu loquor, imagines. Titulum acceptum refero (spectabili Viro Ericio Puteano qui Palæstram bonæ mentis promerere suo Oratorio instruetat in qua (*hoc ego, inquit ut qui sapere supra vulgum destinant; promptam & exercitatem ad superiora studia eloquentiam adferant, scilicet ad magna litera mentem præparant non occupant.*) Sic enim hoc ego obtinere vellem, ut qui vndique diffusum gloriæ diuinæ lumen familiate sibi reddere contendunt, consentientem ipsi rerum omnium scintillationem obseruent, colligant scilicet ad id omnia siue subiecta oculis, siue commercio destinata mentem præparant non occupant. In re publica & priuata notum est quantum hæc lucem præferant, quantum consequantur; & hoc omnium seculorum fuit negotium ut directio humani generis proximè intelligeretur accedere ad mentem rectoris inuisibilis. Hoc non prosequor, quia vbique rectè & doctè in Republica Christiana tractatum est. Priuata tantum studia illa scilicet humani ingenij solatia (ut Philosophiam vocant) siue sensum quo quisque percipit obiecta & ad illa afficitur, quo in secessu, vel in turba componitur, quo successiones rerum colligatæ petuntur, æternæ huius lucis communicatione vigere, vellem demonstrare. Ea tamen mihi non est temeritas ut omnium hominum rem agere præsumam, non enim noui tot hominum artes, animorum classes, ingeniorum molimina, quæ hic exscribere possim; menti tantum in peramœnum lycæum tanquam equo in planitiem cursum cōcedo ut fortè aliorum feliciorem genium excitare possim. At quoniam (benedicere ad paucos, bene autem viuere ad omnes pertinet) nec omnes quorum vnà interest mentem habere bonam, artium & scientiarum, quibus illa excolitur, subsidia assequi possim. Porro vna videtur necessaria exercitatio quæ omnibus bene viuendi attem conferat, quæque etiam artium & scientiarum instrumenta admittat, tamen etiam sine iis bonæ mentis progressus prosperè deducat. Vide (Christianæ Lector) an alia occurrere possit quam perpetuus circa gloriam Dei syllogismus, quo rationis humanæ primū & æternum officium vertitur. Vale.

*Clarissimo Viro, Philosophorum huius  
aui longè Principi, D. D. PETRO  
GASSENDO,  
ἑταίρῳ.*

**I**s Literarum tuarum muneribus, Vir Magne, quibus vnuerſum orbem literatum demeruiſti, mirum in modum tu me tibi deuinxisti. Per ea discipulus tuus factus sum, tuus debitor atque amicus tibi factis iam tuâ liberalitate, tanquam ἀχάρις & in sinu gauisus sum. Proinde gratiam acturus ad te proficiscor, spe pellerectus & ductus humanitatis tuæ. Quod huc vsque filii,

meus pudor effecit, cū æquitas quidem rei ac officium meum, maturiùs agi tibi gratias postulerent, meâ verò reclamaret inficitia. Audeam ne te tantum Virum alloqui, ego homuncio tantum Doctorem, ego nouitius, reddam-ne tam liberali Domino talentum rubigine corruptum potiùs quam auctum meâ diligentia? Si fecerim, inquam, perierit mihi frons. Et hæc quidem olim, cū nihil præter doctrinam atque amplitudinem tuam de te cognitum haberem. Iam per tempus doctior effectus, audacior itidem euasi, postquam & de tua humanitate ea accepi, quæ me propè demersum tadio & ἀχάρις, non parum erexerunt. Intellexi enim tum à Patre, tum ab Auentulo quā me fratremque beneuolentiā digneris, etiam in summa valetudine nostri non immemori. Quo quidem nomine, singulares tibi gratias habeo; Magnū autem mare ingrediar & insuperabile, si quot prætereā quantisque beneficiis tibi obstrictus sum, incipiam oratione prosequi. Debere me tibi propterea singulari nomine quicquid vnquam in commune bonum scientiæ profudisti. Et quoniam innumera sunt tua in nos bene merita, omnium in vno gratiam accipe. Tuas in Epicuri Philosophiam lucubrationes, quando cogito, videre mihi videor nouum quemdam orbem doctrinæ, tot sunt in hoc opere magno, Physica, Metaphysica, Ethica, Theologica documenta magna, eaque noua. Huius orbis quasi Cælum efficiunt tuæ præclaræ virtutes, in quibus præfulget pietas insignis, quæ vel illum ipsū Epicurum pro quo aliqui certas (& tecum ratio) sicubi errat seuerè castigas: τῇ ἀρετῇ τοῦ λόγου καταμύσσει τὴν ἀρετὴν ἢ τὴν λόγον; ἢ τὴν ἀρετὴν τοῖς νόμοις ἀκολουθεῖν. Tuo cantori debemus, quod nos ratione, non auhoritate obstringis, quodque iis in rebus quæ versantur in dubio integram tuo Lectori libertatem conferuas; Tuæ ἀρχή, ingenique acuminis tuo, quod dubia multa certa fecisti, erronea antiquasti, rudia & impolita adornasti, incognita prodidisti. Tuæ diligentiae, fortitudinis, μεγαλοψυχίας, tuis denique laboribus, quod non vulgares tuæ literæ, sed interiores quædam & reconditæ tanquam ex arce Patnassi prodeunt. Super his, Vir λογιστὰς & φιλοσοφῶν, æternum tibi tua virtus monumentum condidit, æte longè perennius viues, Vir Clarissime, per omnia secula tibi superstes, nunquam intermoriturus, nisi cū eruditio, virtus, pietas peribit & exulabit è Mundo; Tum & ego velim perire & tecum cumque virtute φθάνειν, Interim vale, vige, ab omni liber ægitudine, longos annos. Secum viuet & vigebit vnuerſa res literaria: Valebit verò imprimis, qui sic ἐν τῇ καρδίᾳ ἔχει ἀπομνήσκει vouer tibi in æternū, Vir Clarissime,

*Additissimus obsequentiſſimus  
FRANCISCVS PRAEVS.*

Scribebam Dangæ in ora Belsæ Anno 10.  
Dinyſiano 1654. ἀχάρις & ἀμικρῶς. 6.

*Clarissime,*

*Clarissimo & Spectatissimo Viro, D. D.  
PETRO GASSENDO, Mathe-  
seos Professori Parisiensi, S.*

**C**um Literato Orbi innotescat (Erudi-  
tissime Vir) quantos in re Astronomica  
labores & suscepisti & continuè suscipis, tam  
instituendis; Cælestibus Observationibus,  
quàm alibi institutis colligendis: rem tibi  
non ingratam fore iudicavi si Eclipses So-  
laris obseruationem à me Oxonij anno præ-  
terito institutam tecum communicauero.  
Ausus sum igitur Clarissimum Virum, quan-  
quã nò aliunde mihi magis quàm ex scriptis  
tuis notum, hac ansà datà interpellare; pau-  
cis tamen, ne impotunus videar, tuisque  
seriis molestus. Id saltem orans, vt obserua-  
tionem illam quam tibi cum his literis mit-  
to, candidè digneris acceptare: Et quidem,  
si per tua negotia id commodè fieri possit, vt  
exemplarium alterum Clarissimo Domino  
Ismæli Bullialdo (mihi pariter ignoto) tra-  
dendum cures. Idè autem seriùs aliquantò,  
propter aliam, quàm nudius tertius expecta-  
uimus exiguum Eclipsin Solatam, vt nempe  
ipsius simul aliquàm si fieri possit rationem  
acciperes. Verùm nubilus & pluidus aër,  
qui per aliquot dies præcedentes Cælum ob-  
scurauerat, etiam tunc temporis aspectum  
Solis penitus impeduit, vt nihil prorsus eà  
de re referre valeam. Superest, vt salutatio-  
nem officiosè præstet, omnimodam tibi sæli-  
citatem precatus, valere iubeam. Dabam  
Oxonij 29. Ianuarij 1654. Stylo Angliæ,  
1655. Stylo Iuliano, Februarij 8. 1655. Stylo  
Gregoriano.

*Tui obseruantissimus  
IOANNES VVALLIS.*

PETRO GASSENDO

PETRVS MARIDAT S.

**C**um te nuper Lutetiam vita sospite  
reducem vidi, risi planè Morini deli-  
tia, qui tuum in caput conspirasse.  
Astra omnia tuæ geneseos multò antè iura-  
uerat; & risi quidem non tuà modò causà,  
quem inter viuos esse diu omnium interest;  
sed etiam meà, quippe quem pariter (si quæ  
Morino fides) ex aduerso Siderum aspectu  
defecisse vita tunc debuerat. Typum ecce  
natiuitatis meæ mitto, quem ille erexit ac  
scrupulosè versarit, reuersarit, expendit:  
Ceterùm quod vt pondus nugis inanissimis  
apud æquos iudices esse debeat, vel ex me  
cognoscas, quadam exponam, quæ de me  
ille commentus est; ne tamen existimes me  
nimium plus & Arti, & Doctòri tribuisse,  
qui Morinum tanquam fatorem interpretem  
adierim, apertio primùm quid causæ fuerit  
cur ipsum consulerim; ardebam amore Puel-  
læ nobilis, iàmque de Hymenæo cogitaba-  
tur, cum auidum me cepit cupiditas euen-  
tum rei è Sideribus nosse, leuauit impatien-

tiam D. Monconij mihi pefamiliaris vt-  
banitas; hoc deductore Morini fores pulso,  
meam ac puellæ portigio genefin, ille vtriuf-  
que spondet Horoscopum, de pretio (quod  
sanè coemendis nugis non petinodicum fuit)  
conuenitur; diebus exein post aliquot, Sy-  
billinis plenas foliis chartas refert; & primo  
quidè puellæ Horoscopum toto Cælo aberrauit,  
de meo quid dicam? Sidera se tetigisse  
digito putabat, assequutus nempe aliquid,  
quo rebatur apprimè redificatum natiuitatis  
meæ momentum: Quis proinde non crede-  
ret locuturum è Tripode? At vide quàm pa-  
rùm fuerit *præsaga mali mens*: Inditum vult  
mihi ab Altristis procliuem ad artes Diuina-  
trices animum, cuiusmodi est Astrologia,  
*Mercurij enim & Veneris*, inquit, *Coniunctio*  
*dum maxime Venus est Domina prima Domus,*  
*vt mihi serè semper hanc ingenij sumem excitat;*  
at hac fume confectum, tabidumque me  
hactenus omnino non sensi, siquidem ea,  
quæ curiositatem irritant tantum inutilibus  
nunquam non accensui, & ludiciaria apud  
me semper habita est tanquam fores, vel  
alexæ lusus, vbi anus, quam Zingaram Ita-  
li, nos Bohemam appellamus, sæpè de fu-  
turis feliciùs quouis oculatissimo Astrono-  
mo vaticinabitur. Diem Octobris 24. inau-  
spicatum mihi in resolutione 27. pronun-  
ciat; ego iucundissima venatione totum  
exegi, nec quidquam in illo perit mihi  
præter feram; idem puta de cæteris diebus,  
quos tanquam Ægyptiacos notauerat, præ-  
terea annus ille ex coniunctione Martis,  
Mercurij & Solis in opposito Saturni, mor-  
borum inter, hostiumque assultus mihi esse  
luctuosissimus debuit; & eo tamen anno  
mihi constans à morbis atque hostibus  
quies. Bilem in me flauam humorum prin-  
cipem constituit; & atræ me plus habere  
sentio. Quam pluribus me morbis ac diu-  
turnis obruit; & ab anno ætatis 14. vix  
breuem Ephemeram sensi, præter morbos,  
quos illi enumeraueram. Vitæ demum non  
longos terminos ponit; sentio tamen Patruj  
& Auunculorum in me vires, quis credat!  
ex his sex etiam-num incolumes quinque  
seculorum annos implent. Cùm de coniu-  
gio hæc habet, *Si natus trigessimus primi anni*  
*tempus absque coniugio præterierit, vix vn-*  
*quam nuber, & alibi, Signum Domus septima,*  
*quæ est coniugij neque sæminum, neque facun-*  
*dum est; deinde Mars Dominus septima est*  
*peregrinus in loco sterili & duodecima Domus;*  
*tertio, Saturnus coniugij præcipuum hostis inter*  
*Planetas cuspide septimam occupat, damna-*  
*tus in Ariete & oppositus Horoscopo, quæ con-*  
*suetudo vel nati animum auerteret à matrimonio,*  
*vel ne contrahatur, impedimenta & infortunia*  
*varia concitabit; quarto,ambo Planeta fæmi-*  
*nini, Luna & Venus, quos in virorum coni-*  
*ugij præcipue spectandos esse voluit Astrologi,*  
*hic etiam præuè afficiuntur; Luna quidem ob-*  
*fessa oppositione Martis Domini septima ex*  
*duodecima, & coniunctione Saturni damnata*  
*in cuspide septima; at Venus peregrinatione &*  
*combustione, neutraq; dignitatem sortitur in*  
*septima, imò Venus interdiu spectanda, vt vo-*

lunt pro uxore, est inimica septima ob Signum Arietis exitum Veneris, cum igitur sic se habeant supradicta, coniugium ab Astris denegari dicendum est. Subdit non multò post, Si natus in propria libertatis uxorem duxerit, uxor illi vel erit deformis vel conditionis infima, vel sordidorum, prauorumque morum, superba, arrogans, malitiosa, ac nato inimica, quod Saturnus sit oppositus Horoscopo, Mars autem in duodecima; multaque mala, lites, iurgia, animi tristitias, zelotypiamque ipsius mulieris causa patietur iniuius, nec talia effugere erit in eius potestate, sed dumtaxat ferre patienter, etsi à coniuge semper abhorreat ob Saturnum prauè affectum in cuspide septima; amabo, Gassende mihi, tam fecdo omne dederitis an esse mihi pronubus ac paranympheus voluisses? quis non amens coniugales tædas execratus non esset? & nupsit tamen reclamante Cælo ac Morino, quo euentu? vix de Coniuge cogitauit cum ea mihi obtrigit, qualem & optare sapientissimus, & obtinere felicissimus potuisset: forsan inelamasset etiam Poëta, *femina nulla bona est*, at mihi nescio quo fatores mala facta bona est; aded concordem ducimus vitam, vt etiam nobis aliquando conueniat vetus illud Epitaphium, *vixerunt simul annos 30. sine iurgio & querela*. Cum de liberis, hæc refert, *Sue natus nupsit sine non*, genesis hæc aut nullo, aut saltem per paucos liberos pollicetur, primò enim Signum quinta Domus, qua est liberorum sterile est, que Saturnus eius Dominus naturâ suâ sterilibus deprimitur in Ariete, Signo minimè fecundo; Mars autem Dominus Saturni & septima etiam naturâ suâ sterilis peregrinatur in Signo quoque sterili; hæc verò nullo, aut saltem per paucos ex matrimonio liberos præfigunt. Minaris steriles Thalamos ac domesticam solitudinem, Morine, & tamen annus coniugij sine Lucina nullus penè hæctenus fuit; mihi ab hærede nullo metum facis, & tamen liberi supersunt plures quàm necesse olim fuerit in Prouincia ad exculationem Tutelæ; sed hoc mitius fero, quàm quæ addis, dum concubina torum frædas, implēsque sputiis Domum? Apagè Sideritum Sycophantem, hæc enim familiarum carcinomata odi, atque execror, nec odium aliquando fauentibus Superis ponam. Variis in locis Stellæ præire monet ad Clericatus apicem, & Claustorum septa; & tamen Leviticus infulas reueritus semper, nunquam ambiui; de Monachatu verò & encullo vel cogitasse me aliquando non memini. Sororum mihi odia comminatur, quamvis domesticæ charitati ne gutta vnquam fellis inpersa sit. Parentum hæreditatem aditurum me ægrè pronuntiat, ex qua tamen mihi nihil vi, nihil lite decerpitum est. Cantoribus, Pictoribus, Poëtis addictum me fore dicit; ego Viros industrios vt non odi, ita Morinos ac Moriones plus æquo non diligo. Ab Alchymistis imminere grande fortunæ meis periculum putat; mihi verò stat animus cum Cimifloribus æris nec temporis quicquam perdere. Quadagesimum annum exitalem fore admonet, qui ægritudinis & timoris vacuus

fuit. Demùm vt improspéra felicibus condat, ex directione medij, Cæli ad Solem; mihi in sinum congerit honorum, opumque cumulos; verùm qui ad credulitatem minis non flector, pollicitationibus non adducar; & qui altum fecit silentium de Magistratu; quem adeptus sum anno 1640. & de Coniuge quam nactus sum 1646. meliora videre haud potuit. Magnatum beneuolentiam vt tperem admonet; ego Vitorum Principum fauorem penè non minus quàm odia pertimesco. Familian mihi amplam ac splendidam spondet; ego quod honestæ necessitati superfluit nec expeto, nec expecto. Quares modò, Gassende mi, quo in Musæi loco delicti ante silicetium hominis gerras repònam? planè non longè à tuis lucubrationibus; nimirum vt Nepotes in vitroque videant cui reuerentiam, cui sibilos debeant & à talibus nugis auertantur Horatiani illius memores:

*Prudens futuri temporis exitum  
Caliginosa nocte premit Dem  
Ridetque si mortalis ultra  
Fas trepidet*

Plura hæc dere non addam ne *Sus Minervam*; quæ mihi non acciderunt exposuisse sit satis. Vale, dabam Lugduni ad 7. Kalend. Nouembris. 1654.

*Præclarissimo ac Doctissimo Viro, Domino  
PETRO GASSENDO, Diniensis Ec-  
clesiæ Preposito, ac Regio Mathematicos  
Professori, amico suo singulari, S.*

**V**T magno certè perfusus sum gaudio acceptis perlectisque binis tuis desideratissimis literis, ita sanè vicissim maximo merore sum afflictus, cum nupsit ad nos perlatum fuerit, Te amicum singularem nostrum aded decumbere grauiter, vt vix spes aliqua supersit conualecendi. Sed postquam diuinâ gratiâ quemadmodum per Dominum Nucerium certò rescimus, pristinæ iterum es restitutus valetudini, meritò gaudemus, exultamus, ac Deo Optime Maxime ex toto pectore agimus gratias; cumque supplices insuper rogamus, vt Te, qui cum paucis admodum hoc seculo famam rei literariæ adhuc sustines, quam diutissimè saluum & incolumem conseruet. Autem tuum libellum, vitam scilicet Tychonis, Copernici, Peurbachij & Regiomontani, munus perquam carum, optimè tandem accepti, alterum verò iussu tuo, Domino nostro Eichstadij tradidi, qui tecum maximas tibi agit gratias; nobisque gratulamur summo perè, quod horum eximiorum Vitorum & laudatissimorum, de Vraniâ optimè meritum memoria posteritati aded diligenter ac doctè, à laudatissimo pariter Viro commendata fuerit: qui profectò dignus, vt suo tempore à quopiam præstanti Viro pari beneuolo excipiator affectu. Rem præterea fecisti nobis gratissimam, quod diligentissimâ tuâ vtriusque



que Eclipses anni præteriti obseruatione nos beasti. Quid verò de illis ipsis & ego deprehenderim, & in quantum negotium successerit, iam Typis mēse circiter Octobris mandavi cum aliò quodam opusculo de motu Lunæ libratorio quæ omnia per Generosum Dominum Nucarium tibi iamdudum fuerunt transmissa; non dubitans, quin ea etiam rectè acceperis. Num verò bene ad scopum nec ne collimaui, in definiendo nimirum memorato illo motu, penes te, aliosque rerum expertos esto iudicium, id quod haud grauatim mihi detegat officiosè rogo. Vinam quod attinet Eclipsin partialem Solis, quæ in diem 6. Februarij nuper incidit, nequaquam, ob aërem toto illo die turbidum, animaduvertere potuimus: Vos autem quid in Gallia conspexistis, propediem expectamus. Edidit nuper Ioannes Placentinus Professor Matheleos in Almâ Viadrinâ, nouum & accuratum longitudinis locorum scrutinium, vti quidem ritulus promittit; sed vereor quin rem acu tetigerit; quas pagellas, vti ab auctore eas accepi, Tibi hiscè transmittito. Vale, mi Gassende, ac Doctissimum Dominum Bernerium datâ occasione meo nomine peramanter saluta, mēque amare non desine. Dabam Gedanî, Anno ætæ Christi 1655. 31. Martij.

Tuum ex aſſe IOANNES HEBELIUS, Reip. Patr. Gedan. Consul.

Doctissimo & Spectabili Viro Domino  
PETRO GASSENDQ, Di-  
niensi Præposito,

I. LVDOVICVS CASTANEVS S.

**Q**uod humaniter exceperis, litteras meas ex tuis noui; & gaudium inde natum iam accingebat me ad laborem, & opes communicationis tuæ felicitarem auspiciabatur, cum interceptis animi dilatationem nascens tum temporis hydrops in amantissimo patre, nascentem dico quia hucque ignotum, etiam tuo sagacissimo Lautaretio exercuit per totum Februarium & Martium, tandem inundauit altera die post Pascha, & simul, proh dolor! sustulit delicias meas, cytharam meam fregit, amaritudinem tamen temperat memoria gratiæ diuinæ, quæ illum per id tempus tam suauiter deduxit fortiterque protexit, vt quod à viro prudente & Christiano requiritur, feliciter exequutus fuerit rem domesticam composuit eâ prudentiâ & æquanimitate, quæ in patre-familias expetenda venit. Animum, vt in ea districtione imbuendus est æternis, sic applicuit ad extrema vitæ momenta æternitati colliganda, vt vltiâ nil desiderarent qui circumstantibus & mirarentur quomodo qui innumeris rerum speciebus onustam, (vt ita loquor) gerebat mentem, tum citò onus abiiceret quò expeditior curreret ad suum

principium. Sic qui intellectu vixit, intellectu quoque præualuit vsque ad finem aspirante gratiâ Dei; & vbi incepit deficere cerebrum, scilicet exundatione spirituum animalium vehicula occupante, adeò tranquillè & tranquilla voce affectuque superstites quatuordecim horas peregit vt videretur desiisse in primam infantiam, prius tamen immediatè (sicut aliàs sæpè) hac confessione delectatus, se maximas & multas Deo gratiarum actiones debere & reddere, præsertim de prouidentia, quam mihi præsentem, dicebat semper palpauî. Maximum sanè vigentis intellectus donum, vt erat impiger ad laborem, nam non omnis industria hodie reflectitur super secretas prouidentię artes. Porro nec iniqua fuit suprema eluctatio, etiam animalis. Hanc communem volui tibi ex amicis illius cum familia consolationem, ad iucundam redeo Epistolam tuam. Quod meæ alterum caput suauissimè reponis, felicissimum, illèque etiam de tuo laudis genere acceptissimum ad currendum stimulus; quod alterum files, consultissimum videtur. Nam ex tardo in priuatis studiis ingenij gradum, bonum erit longius producere vtilissimum laborem. Ne tamen his temporibus appositam meditationem continuem, breuius quid nuperrimè excogitauî, quo excitari possint ad id citius & felicius exequendum qui doctrinâ & eloquentiâ maximè vigent; nam nulla me tenet scripturitionis ambitio aut cupiditas, nisi vt aliquos studiorum gratiâ amicos mihi lucrificiam, in te primum intendo, & intercessione tua accedent alij vbi elaboratius quid labor improbus obtinuerit. Darem exemplum nisi sperarem me adornare posse quod inueniente Iunio benevolentiz tuæ committam, si significatum fuerit ne non obstrepere grauissimis occupationibus tuis. Postea me accingam ad propositum studium, cuius iam præconceptum animo ordinem tibi declarandum, sicut omnia mea, existimo. Primum quidem eos, qui ex physicis ad similitudinem diuinorum subtiliter ducti radij sunt ferunt, colligendos destinaui ex vno quem Illustrē vocas, Gerardo Vossio de origine & progr. Idol. habeo præ manibus, deinde quæ ex moralibus & obuia ingenij artisque obseruatione congerenda sunt eâ industriâ colligare vellem, quâ tu Philosophiam Epicuri, scilicet sicut ad illius imitationem omnem Philosophiam quasi ad bene viuendum artem ornasti, ita felicitatis nostræ officinam demonstrare vellem in illa luce diuinâ, quæ nos ad sui contemplationem semper allicit. Procura vt copiam faciat egregius ruus Dominus Tornator minus quàm par est importunum me sentio, siue quòd Musarum in te effusissimum cor nouerim, siue quòd amicitiz tuæ fides sit apud me certissima benignè excipe quas interdum ad te destinabo litteras quod vel saltem obseruatissima tui imago tunc animo obuersans inspirat vim elaboratè loquendi,

quendi, & vbi confopitum videbitur ingenium, excitabit, vt nunc expetior; nisi enim subiisset mentem tui memoria, diu de libris non cogitasset. Bene Vale, Vir Suauissime, & quod maximè in votis est, me ama. Sistarici Kalend. Aprilis 1655.

*Admodum Reuerendo ac Spectabili  
Viro Domino PETRO GAS-  
SENDO Præposito Dinienſi,*

I. LYDOVICVS CASTANEVS S. D. P.

**Q**uamuis ignorem vtrum literæ meæ otio tuo conueniant nec-ne, tamen nihil cogitare possum quod ad te non perferam. Vide, Vir humanissime, vtrum benigna quæ in præcordiis, tuis spirat Musarum indoles istas à me perturbationes insinuare possit maioribus tuis curis. Donec accesserit animi tui sincera (qualem vbique noui) explicatio, non possum me continere quin mea grauioribus tuis studiis interferam. Hoc idem quod nuper saxum voluo (vnam viliter) & quod ad illud coram mouendum me vrget, te solum testem & Iudicem requirit. Repone quod ex iudicio, doctrinâ & nostrorum temporum experientiâ præuales, longiora mea studia semper suspicio, abbreviare tamen cogito. Primum compendium videbis in exemplo eorum, quæ destinaui ad summum Pontificem; & quia de illius promotione nondum apud nos innotuit, intercæ consilium tuum accersere volui. Vnum permittuo ne quasi temporum rusticus compositor accedam. Propterea eum iam Secretario Apostolico committere cogitare, prius te conueniendum existimaui de cæteris non multum anxius; mone num in ipso censuram maiorum præsentias, simulque da literas Romam ad aliquem ex amicis tuis (non dubito multos fore præsertim eorum qui studiorum gratiâ liberali genio gaudent) qui intercessionem tuâ non recuset laborem perferendum codicem meum ad Cardinalem præfectum Sacre Rituum Congregationi & procurandi gratiam Apostolicam, cuius exemplum hic adiunctum videbis. Relatum fuit à Secretario Apostolico Auenionensi me viâ ordinaria obtinere non posse. Tamen gratiam tentate non nocebit, quam mihi maximè præuidet necessariam saltem pto hyberna remissione? Propterea sollicitate vellem in gratiam huius propositionis meæ, quam spero non fore inuisam licet in meis cæcutire possim.

Da quæso de singulis ex animo iudicium tuum & me ama.

Vale, Sistarici 8. Kalend. Maias

1655.

*Clarissimo Viro, Domino Domino PETRO GASSENDO, Præposito  
Dinienſi, & Regio Matheſeos Professore, S.*

**V**ir Spectatissime, Quoties de tua singulari doctrina, cæterisque tuis ornamentis, incredibili qua quemcumque capis, comitate, conditis, attentius apud me cogito, (cogito autem sæpiſſimè) toties mihi venit in mentem tui, meique perinde ac veritatis amicissimi *Gabrielis Naudai*, cùm de literis litteratisque omnibus, tum hoc præsertim nomine de me optimè meriti, quod mihi primum olim aditum patefecerat ad te conuendum atque deueniendum, è quo & Historiæ & Physices, & Matheſeos peritissimi, quique nullo non die certissima petunt Oracula. Tibi autem ego iam adscriptus amicus, ex coque ad grauem istum morbum, qui tuo pulmone, corruptelæ, ac proinde tibi præsentissimum vitæ periculum intabat, proſtigandum (ſi quid arte fieri poterat) ante annum accitus; exultauit lætitiâ, gaudioque tum demum triumphauit, cùm eam, quam tibi nauabamus operam sic fortunauit Deus, vt literatorum omnium ex tibi reddita valetudine, (pro qua vorum fecerant) communis hilaritas, in nos quoque redundaret; & qui ex variis Europæ regionibus, ad quos iam pridem summæ tuæ eruditionis, nuper tuæ ægritudinis fama permanarat, tibi superstiti tum per literas gratulabantur incolumitatem, ſibi non satis putarent factum, nisi & nos certatim, nunc soluta, nunc certis adstricta numeris oratione collaudarent, ob noſtram qualemcumque industriam atque studia in te Eruditorum Principe conſeruando colata.

Quo igitur & elegantioribus disciplinis maximum te sublato detrimentum paſſuris, & tibimet ipſe conſulas, principem in eo curam ſtatuito, & quem nactus es pulmonem, à primo quidem ortu infirmiorrem; at vigiliis, & nimia literarum meditatione propè quaſſatum, lactis aſuini puriorisq; aëris hauſtu ruſticando reſicias, recrees, atque corroboreſ: ne alioquin impendentis hyemis vim atque iniurias ſuſtinere minus poſſis: quod enim magnus docet Hippocrates, reſertque ex Euripide Ciaceto, *ἡ ἀντιὸς ἁπλῆς παλαιοτάτης*, notius eſt quàm vt te fugiat, ſiue autem primo quoque die ruſ proſecturus es, ſiue adhuc aliquandiu Luteriæ remanſurus; antequam locorum interuallo diſiungamur; id me ex Veterum monumentis doceas velim, quid veneni & quale potionis genus fuerit illa cicuta, quâ exſtinctus eſt Socrates, quæque in maioribus ac primæ notæ Viribus Magiſtratuû Ediſcto proſtabat. Quemadmodum ex Theramenis ac Phocionis morte colligere eſt. Solo noſtratis herbæ cui Cicutæ nomen eſt ſucco ſuapte naturâ per-

Z z

nicioſo

nicioſo deletos fuiſſe tot claros Viros, multorum quidē fuit opinio: ſed quā qui animo imphibere libenter ſunt remiſſuri, ſi tantisper expendere validiſſima rationum momenta, quibus conuelli ſolet. Piacet pluribus Athenienſium ciuitat longe à noſtra fuiſſe diuerſam: at cuiuſmodi venenum fuerit, qui expeditet repertus eſt nemo; adeo tota res ab eorum cognitione fuit remota. Verofiſſimum mihi videtur quidquid hoc erat veneni quod *Cicuta* nomine circumferebatur, *Narcoicum* quodpiam fuiſſe; nec forſan aliud ab eo quod deſcribit *Theophraſtus*, circa initium libri noui *hiſtoria Plantarum capite decimo ſeptimo*, vbi de *Thraſia Martineſi*: conſtat enim *Socratem*, *Theramenem*, *Phocionem*, imò & ipſum *Senecam* Neronis præceptorem, & conſtat ex *Cornelio Tacito lib. 15. Annal.* & multos alios eodem modo è viuſſe ereptos, quo multi hodie apud nos pereunt ex *Opio*, vel *Laudano* ab imperitis ac temerariis de *Paracelſi* grege nebulonibus propinato. Tu Vir Clariffime, qui vnus totam tenes, atque illuſtrare potes antiquitatem, quid in te tam debia & abſtruſa conſtituti habeas, & quid ſentiendum ſit, vbi commodum erit per literas. mihi quaſo declarata. Vale. Lutetiae Pariſiorum 24. Iunij 1655.

Tuus ex animo GVIDO PATIN  
Bellouac. Doct̃or Medicus Pariſienſis, & rei Anatomica, Botanica atque Pharmaceutica Profeſſor Regius.

Celeberrimo Viro Domino Domino PETRO GASSENDO, S.

Ampliſſime & Clariffime Vir,  
Te quem inter primos, poſtquam Lutetia profectus ſum, literis meis colere ac adire debueram, tamdiu venerari diſtuli non obliuione aut incuria, ſed ſtudiorum tuorum intuitu, quibus te pro bono publico & literarum occupatiſſimum priuatis amicorum alloquiis interpellari inſeſtiſſimum duxeram. Ne tamen ſilentium meum longiore temporis tractu in inciuiſſe modetiſſimam degeneraret, rumpendum tandem fuit, præſertim cum humanitate toā ſectus nihil metuendum habeam ne fortaſſe literæ meæ tibi aut importuna aut ingrata videantur. Inter eos enim, qui ſummam virtutem cum ſumma eruditione archiſſimæ ſocietate copularunt, Tu Vir Clariffime, Principem hac ætate locum tenes, in quo maior ne ſit doctrinæ amplitudo, an comitatus gratia nemo facile diſpexerit. Me certè facilius tuā quā me ignorum tibi antea & in Illuſtriſſimi optimique Puteani noſtri ædibus ſemel iterumque fortè viſum, cum Hadrianus Valeſius Vir Clariffimis & communis amicis noſter me tibi commendafſet, excipere dignatus es adeo tibi obſtrinxit, vt illius dici quo tecum domi tuæ collo-

tus ſum, dulciſſimam recordationem nunquam ex animo ſim depoſiturus. Ex eo tempore cum ante hac tot ſcientiarum in te concurſum admiratus eſſem, ad ſuauiſſimum morum tuorum concentum obſtupeſcere, eoque pluris te facere ceppi, quod comitas tua communicabilem eruditionem tuam pluribus reddidit copiāque eius latitudo diſſundit. Noſtra Germania paucos habet eruditos, pauciores alit claros ac celebres Viros, triginta enim annorum quæ gentem noſtram tantum non conſecere, bella non minus ciuilia quā externabonarum artium cultum ſimul & cultores tantoperè extinxit, vt ſi quod olim Literatarum ſtudiū Germanos floruit, eius nunc vix veſtigia ſuperſint. Feliciſſimè hoc nomine Galliam tuam, Vir Ampliſſime, quæ inſignes Viros per media ciuiliū diſſidiū hoſtiliūque tumultuum tempora genuit, produxit, conſeruauiſſe! Domus quam Lutetia colis, quid aliud quā Sapientum eſt Concilium, quod quicquid in tanta vrbe egregium eſt agmine factū conſuiſt? Muſæum tuum appello in quo cum Tu Vir maximus aſſidue verſeris, nunquam ferè ſolus ac ſine magnis amicis agis. Hanc felicitatem gloriāque tuam neque capiunt noſtri Germani, neque ſi caperent conſequi poſſent in tanta meliorem diſciplinam amantium paucitate. Illud tantum boni omnes, Deum vnice precantur, vt valetulinem tuam crebra è ſummis laboribus tuis incommoda ferentem curet, & ab omni morborum impetu protegat. Hoc vt ſerid voeumque quotquot ſtudiis fauorū iubent ac exigunt à nobis merita tua quibus tibi, quicquid vſquam eſt eruditorum deuinxiſti, poſtulant hoc fugitiuæ toto orbe literæ, quibus retinendis, & à barbarie paſſim ingruente defendendis tu cum pauciſſimis par es. Verū deſino horas tuas melioribus dicatas literarum mearum garulitate morari. Vale, Ampliſſime & Clariffime Vir ac conſtanter ama. Celeberrimo nomini tuo (Ratiſbonæ poſtrid. Non. Iulij 1655.)

Deuotiſſimum I. A. PORTNERVM.

Lettre de Monsieur le Grand  
Maistre de Dannemark à  
Monsieur GASSENDI.

MONSIEVR

Au retour de la Cour qui a eſté abſente près d'un an & demy à cauſe de la peſte dont cette Ville a eſté miſerablement aſſligée, vn paçquet m'a eſté rendu par les heritiers de ſeu D.Olaus VVormius (qui durant ladite maladie contagieuſe eſt mort d'une fièvre chaude) dans lequel



lequel il y auoit quatre exéplaires du Livre qu'il vous a plu mettre en lumiere de la Vie de Tycho Brahe. C'est un bon-heur, Monsieur, à ma patrie d'estre obligée à un Estranger si celebre comme vous, de l'honneur, qu'aucc ledit Livre vous luy faites, & à moy particulièrement y estant interessé par proximité de sang. Les Exemplaires ont esté distribuez selon le contenu de vostre lettre, & le Roy mon Maistre a eu pour fort agreable celuy que ie luy ay offert de vostre part. Mais deuant de finir ma lettre, j'ay creu deuoir à vostre curiosité cét auis, à scauoir que sa Majesté mon Roy a parmy d'autres & rares Manuscrits l'Autographe des Observations dudit Tycho Brahe, lesquelles seront imprimées icy, à quoy ie n'ajousteray plus rien que l'assurance de l'estime que ie fais de vostre merite & le desir que j'ay de vous tesmoigner que ie suis véritablement

Monsieur

Vostre tres-humble & tres-affectionné seruiteur REELTZ.

De Kopenbague le 29. Iuillet, Styl. Per. 1655.

Celeberrimo Viro, PETRO GASSENDO  
Mathematico Regio,

M. MEIBOMIVS S. D.

**R**uditionis tuæ fama ac candotis, quam utramque scriptis tibi comparasti, effecit ut te inter optimos simul & doctissimos nostri ævi Viros censendū putarim. Atque indefessum quidem de literarum studiis bene merendi animum tuum, deque Viris, qui nominis æternitatem illis sibi compararunt, etiam nuper addidit ex Vita Tychonis à te scripta, perspeximus. Quæ cōmentatio Serenissimo Regi, atque Excellentissimis Dominis, Aulæ Magistro, & Regis Cancellario, ceterisque, qui literis exculsi eadē æstimare possunt, tanto gratior fuit, quo magis ad gloriam gentis pertinere arbitrantur, ab extraneo & laudato Viro hoc encomiū virtuti & sapientiæ fuisse factum. Et prudenter à te addita est *προσφωνήσις* illa ad Regē inclytum, quem iustitiæ laus, sapientiæ que omnis, diuinæ atque humanæ studium, verè magnum reddunt. Iam dudū ad te & his perscripsissem, quod nihil ad te literarum datū scirem, quibus edocere, non tantum an exēplaria à te missa rectē tradita essent, sed etiam num argumentū placuisset: nisi alia ex aliis mihi negotia nata essent, quæ hanc tibi gratificandū volūtatem meam distulissent. Nunc & alia scitā iactā causam nactus sum, quā narrabo. Ante semestrem Dialogum de *Proportionibus* hic edidi, quē iam quinque annis parturierā. Magnam, si vitalis esse possit: quippe qui non tantum recentiores, qui de rationū natura ac legibus scripsere, reprehendat, sed & veteres ipsos aggrediatur. Et leuiora quidem illa sunt, quæ ad veterū loca accuratē restituta, & in Latinum sermonem versa, spectant. Illud alicuius momēti puto, quod quid vocabulum *πυλωτης*

Epistola ad Gassendum.

Veteribus significarit; ante Nicomachum Gerasenum, Theonē & Eutocium; primus monstrārim. Theo enim p. 25. & 26. illud significare vult numerum, seu lineam numero effabilem; & Eutocius p. 16. sine, disertis verbis dicit, *πυλωτης* ὁ δαλονέτι λογιώδης & δειδύμει, ὁ παρώνυμος, unde Denominator recentiorū originem habet. Ego autem tantū quantitatē, sem magnitudinem illo vocabulo designari puto: adeoque in illa 6. libri 5. definitione per λόγον πυλωτικόν, ipsos rationum addendarum terminos, qui saltem quatuor existunt, intelligēdos censeo. Deinde docui accuratē, quæ ratio alterius esset dicta, sequi almeta, supertertia, & quocūque numero multiplicā, in quo Clavius, & recentiores, quantū ego scio, omnes, ampliter errarūt: quamvis Cōmandinus, quem etiam p. 172. adduxi, rectē sensisse videri possit, nisi ex illo errore, quem sequenta p. 173. notauī, aliud statuendum acutus lector celsurus esset. Hinc tamen Gregorij à S. Vincētio erronea Theoremata propululātūt, quæ obiter refutaui. Palmarium est, quod Elementorum 5. propositionē 8. falsificatis damnare sustinuerim; adeoque 7. eiusdem libri definitionem repudiare. In quo examinando vtinam candida & acuta ingenia, qualia Mathēsis requirit, occupata fuisset aliquadō intelligere possēt! Legenda sunt quæ pag. 137. de hac definitione scripsi, & p. 141. ista: Ex his autem omnibus illud primum constat, &c. Porro in rerum natura fundatam censeo hanc assertionem; rationes vel esse nihili, vel excessiuas, vel etiam defectiuas; seu, si *δυσλογίας* mavis; Rationes aut nihili esse, seu nullius magnitudinis, aut alicuius magnitudinis. Rursus si alicuius magnitudinis sint, aut excessiuas esse aut defectiuas, quod in Canone Harmonico monstraui. Deinde nisi rationem nihili principium rationum statuamus, infinita erit rationū progressio, & principio carens, quod numeratio in alterutram partem progrediatur. Hinc igitur generale illud principium fabricaui, eō maiorem esse quamque rationem, quo maiore spatio à nihili ratione distet, quod in excessiuis rationibus tantum admittit Euclides; ego etiam in defectiuas, quas voco, verum esse probaui. Ex quo illud sequitur, rationē defectiuā, vtī  $\frac{1}{2}$  in suo genere, nempe defectiuā, maiore esse, quā sit ratio excessiuā  $\frac{1}{2}$  in genere suo excessiuo; vtī infra vnisonū  $\frac{1}{2}$  *ἡ δὲ πρὸς τὴν συζωνίαν* maiore spatio distat, quā supra vnisonū  $\frac{1}{2}$  *ἡ δὲ ὑπέρωρον*, quæ cōsideratio Canonē Euclidis Harmonicum interpretantī mihi hoc inuentū produxit; nec concinniora exēpla naturæ rerū supeditauit. Quamuis in mistis idē verū deprehēdimus: Etenim mistū  $\frac{1}{2}$  minore spatio supra nihili vitiū mistū  $\frac{1}{2}$  ascendit, quā infra nihili mistū descendat mistum  $\frac{1}{2}$ . Hinc autē clarū, falsā esse 5. libri propositionē 8. quæ excessiuas & defectiuas cōfundit. Sed hæc & alia, longē melius ex ipso Dialogo perspicitur: quæ, quantillū etiam hoc inuentū ingeniosi & cāddi homines celsuri sint, immenso labore mihi cōstitisse fateri debeo. Ceterū omnia quæ huc pertinet vno tractatū orbi examinanda proponere nolui: vtī sciolorum torquerē. Vbi videro hæc nō ineptē fuisse excoGITATA, ea prolatus sū, quæ ad literarię Reipublicæ (bene enim ominandū est) vtilitatem pertinere nō soli Mathematici iudicabunt. Ceterū hæc ad te, Vir Celeberrime, scribere volui, misso

Z z a

quæque

quoque ipso Dialogo, ut iudicio tuo, & accuratissimorum Geometrarum Parisiensium, noua hæc librata, si falsa sint reiciantur, sin veritatis momenta quædam habeant, calculo vestro approbentur. Vtrisque gratias sū acturus, qui vel solidioribus argumentis sine acerbitate hæc refutabūt, vel meis acquiescēt. Eruditionis laude omnibus, veritatis amore, nulli cedere me voluisse posteritas iudicabit. Quod tū alibi, tum in illa antiquorum Musicorum editione, uti puto elucet: de qua liberū quoque Parisiensem Apollinei Senatūs iudiciū audire averterem; & num, uti cōqueritur, iniquè Athanasij Kircheri errores, ex multis paucos, orbi monstrarim. Hoc tēpore, instigante Excellentissimo D. Ioachimo Gerstorfio, Regni Daniæ Aula Magistro, literatorū faatore maximo, in eo occupatus sū, vt Hieroclis in Pythagoræ aurea carmina commentariū, & Pythagoræorum fragmenta, quæ Lærtio suo adiūxit Henricus Stephanus, accurata editione in publicum proferā. Laboraui etiā in emendando Diogene Lærtio, sed fortasse, quod ante triduum ex tua ad Baranciū, in Epicuri Philosophiā, præfatione didici, frustra; quod Vir Clarissimus Ægidius Menægius, cuius virtutes Samuel Bōchartus, cū in Suediæ Aula degeremus, mihi decātauit, iam à multis annis in illo emendando fuerit occupatus. Omnium eruditorū symbola auctori illi emaculādo aduocanda censerē; sed togā nō nisi Gallica indutum, hoc est, maioribus illis Græcis Latinisque, verè Regiis literis, quibus Nicænū Conciliū, & alia impressa sūt, in publicum prodire optarem. Sed cum hoc optare tantū liceat, nostrorum Typographorū industriā interim accendere debemus. Eodem modo de Stoicis vno volumine edēdis, nisi alius, quod optamus præuenerit, consilia agitauius. Pro Hierocle nunc apud te intercederem, vt si quid illi exornando apud doctos latere scires, illud boni publici causa nostræ editioni ne inuideres. Nisi & hic aliorū industriā, quod gratulabundus audirem, nos præuertisse cognouisses. Dialogo illi examinando, si ipse vacare non possis, spero te alios excitaturū. Hic aliquos à meis partibus stantes habeo, nō nisi ab vno Mathematicastro adlatus; qui Arithmeticā medietatem, scy, vt vulgo vocant, rationem, & ratione Geometrica distinguere ignorat, & impudenter illam rationē nihili esse negat, quæ millies sibi addita maior nō euadit. Tu, scio, Eruditissime Gassende, profundius hæc inspicies. Longior esse nolo, ne librū scripturus videar, cū literas ad te exarare instituisse. Vale, arque inter illos, quod sēper fecisti, nomē tuū proferere, qui amicū Platona habēat, sed magis amicā veritatē. Hafniæ 18. Sept. 1655.

Tui Studiōssimus M. MEIBOMIUS.

Clarissimo Spectatissimoque Viro, Domino  
PETRO GASSENDO, S. P.

**A** Ccepi, Vir Spectatissime, ante duos circiter menses, tuas simul cū D. Bullialdi litteris, mense Maio datas cum gratissimis vtriusque obseruat: Quibus me admodū vobis deuinctū agnosco, quodd leue nostrum qualequale inunus tāā dignatū sis remuneratione. Nobilis autem ille per quē misisti, D. Terraharius, nos ne accessit quidē, aduersā valetudine (quod dolco) Londini detētus, vnde ad suos propterea

restitūdum duxit, vestrasque abiturus literas per Tabellarium ad me mittendas curauit. Cur vestris vtriusque citius non responderim, in causā fuit quod nil dignū haberem (nequē habeo) quod vobis reponam: quod ipsum etiā iam facit cur D. Bullialdū non iteratō vacuis chartis onctem. (Cui tamen si me salutatum habueris, measque, quod solum possum, grates me rependisse dixeris, facies quod mihi erit gratissimū.) Rogo tamen insuper, si citra nimiam id fieri possit molestiam, vt alio me tibi fauore deuincire ne dedigneris. Nempe dū D. Mersenni *Cogitata Mathematica* nudiustertius obiter inspexi, incidi ex improviso in ipsius Præfationem quā libro *Mechanicorum* præfigi fecit. Cūque pūcto 3. cuiusdā *Viri illustris*, & deinde pūcto 4. *Viri alius summi*, mentionem faciat; ego maxime, quidem aucto, quinam illi sunt intelligere. Id autem tibi, ob necessitudinem quam tibi cum D. Merssenno incoluisse audio, non ignotum esse arbitror: vel saltē id à D. Robervalio rescire posse, cui eorum alter ignotus esse non potest, (siquidem ille, uti arbitror, *Geometra nostri* ibidē nomine indigitatur, quicum eorum alter cōmunicatis consiliis tem egit.) Oro itaque vt mihi velis id (si poteris) ocyus indicare, cū illud, ob tractatus aliquot quæ iam aliquādo sub prælo habeo, scire desiderem. Item, quis sit *Viri doctus*, Coroll. 2. prop. 25. Hydraulicorum memoratus; & quenam illa recta quā ille spirali equalē putauerit. Vale, Vir Ornatissime, & perge, uti soles, huiusmodi ornare studia; & amare velis. Scribebā Oxoniæ 31. Aug. 1655. St. vet.

Tui Obseruantissimus, IOAN. VALLIS.

Clarissimo Doctissimoque Viro D. D. PETRO  
GASSENDO, Digniensis Præposito,  
IACOBY GAFAREL S. P. D.

**E** Vm tāta beneuolentiæ tuæ signa mihi, Vir Illustrissime, Lutetiæ nuper concesseris, ea ē memoria mea nusquam elabi posse existimes velim. Semper amor & obleruantia in te mea vigeant, semper tibi fausta omnia precabor, & pro tua incolumitate vota faciā. Ideo acceptissimū mihi fuit audire te febri amplius nō laborare. Quod à familiari tuo Viro Doctissimo Domino Musnetio didici, cuius humanitas & beneuolentia in nos insignis fuit vt potē in tuos additissimos clientes. Sic semper præseps vel absens bene amicis tuis facis, cū solū nomen illius nobis amicitiam conciliarit & apud inclytum Dominū Balianum aditū patefecerit. Feliciter hactenus in itinere degimus, in quo comes se nobis Niciz adiūxit, vir integerrimus & doctissimus familiaris tuus Dominus François, cum quo sæpē te sermonem habuimus. Nunc ad interiora Italiæ perginus, Florentiam nempe & inde Venetias, quibus visis Romam versus iter sēstemus, vbi aliquādiu commorabimur, & cū mihi certo cōstet freto patrocinio tuo doctos viros cognoscere & liberē ad eos accedere fas futurū, me felicē, Vir Illustrissime, existimarem, si breuem aliquā ad amicos tuos velles Epistolam in mei gratiam exarare. Hoc ego mea bonitate tua quam iam summam expertus sum imperaturus confido. Vale; tibi salutem plurimam Parens meus impertitur. Datum Genue 10. Kalendas Octobris 1655.


Clariss

Clarissimo GASSENDO,


P. F. S. T. Sal.

**P**ronuntiauit Galileus motum vniformiter acceleratum esse eum, qui à quiete recedens temporibus æqualibus æqualia celeritatis momenta sibi superaddit,

Eum verd qui æqualibus spatiis æqualia celeritatis momenta sibi superaddit, aded non conuenire motui grauium descendentium affirmat vt ex eo supposito motum in instanti fieri deducat, & vt sibi persuasit facillimè demonstret.



Sint rectæ  $AF$   $BF$   $CF$   $DF$   $EF$ , &c. in continua proportionem, erunt interualla ipsarum  $AB$   $BC$   $CD$   $DE$  in eadem ratione. Est enim vt tota  $AF$  ad totam  $BF$  ita ablata  $BF$  à priore ad  $CF$  ablatam à posteriore. Ergo ita reliqua  $AB$  ad reliquam  $BC$ , vt tota ad totam, hoc est vt  $AF$  ad  $BF$ , & sic de cæteris. Eadem ratione demonstrabimus vt  $AF$  ad  $CF$  ita esse  $AB$  ad  $CD$  & vt  $BF$  ad  $DF$  ita esse  $BC$  ad  $DE$ , &c.



Demonstrabimus primò spatia  $CB$   $BA$  eodem tempore in supposito motu percurri.

Si enim tempus per  $AB$  non est æquale tempori per  $BC$  erit vel maius, vel minus. Sit primum maius si fieri potest. Ergo tempus per  $AB$  est ad tempus per  $BC$  vt aliqua recta maior ipsa  $BF$  ad ipsam  $BF$  sit recta illa  $Z$ . Ergo est vt tempus per  $AB$  ad tempus per  $BC$  ita recta  $Z$  ad rectam  $BF$  sumantur inter rectas  $AF$   $BF$  tot mediæ in continua proportionem, vt  $RF$   $MF$   $NF$  donec minor ex ipsis vt  $NF$  sit minor quàm recta  $Z$ , quod quidem necessariò euenturum velex sola mediæ inuentione, cuiusque iterata, quoties opus fuerit operatione, quis non videt?

Erunt ergo continuæ proportionales rectæ  $AF$   $RF$   $MF$   $NF$   $BF$ , cum autem sit vt  $AF$  ad  $BF$  ita  $BF$  ad  $CF$  & ita  $AB$  ad  $BC$ , ergo poterit continuari proportio sub eodem numero terminorum, vt sint etiam proportionales  $BF$   $OF$   $VF$   $XF$   $CF$  idque in eadem superiorem ratione.

His ita positis & constructis considerentur & comparentur singula spatia  $AR$   $RM$   $MN$   $NB$  singulis spatiis  $BO$   $OV$   $VX$   $XC$  singula nempe singulis, hoc est spatium  $AR$

Epistola ad Gassendum.

Sed concedatur, si placet, Viro perspicaci & Lyncæo indemonstrata conclusio dummodò sit vera. Demonstrationem enim dum primo statim obtuitur

*Aut vider, aut vidisse putat per nubila*— nihil mirum si lectoribus minus vtique Lyncæis parum videatur satisfecisse.

Vt igitur constet suus honor Galilæo, neque ampliùs de ipsius illatione ambigatur, aut rationibus tantum probabilibus disputetur, propositionem ipsam more Archimædæo hec demonstratam habebit.

Si quotlibet rectæ ad vnum punctum concurrentes exponantur in continua proportionem, earum interualla erunt in eadem ratione, v. g.

Si intelligatur motus à puncto  $F$  versus punctum  $A$  continuè acceleratus secundum rationem decursum spatiorum & exponantur quotlibet continuè proportionales vt  $AF$   $BF$   $EF$ , &c. tempus in quo mobile percurrat spatium  $DE$  erit æquale tempori, in quo idem mobile percurrat spatium  $DC$ . Denique spatia omnia  $ED$   $DC$   $CB$  eodem tempore singula percurrantur.

spatio  $BO$  si igitur per spatium  $AR$  fuerit motus vniformis iuxta gradum velocitatis in puncto  $R$  acquisitum, tempus per  $AR$ , ad tempus per  $BO$  componetur ex ratione spatij  $AR$  ad spatium  $BO$  & vicissim ex ratione velocitatis per  $B$  ad velocitatem per  $R$ . Quod notissimum est & Galileus ipse demonstrauit propositione quinta Tractatus de motu æquali.

At vt spatium  $AR$  ad spatium  $BO$ , ita per primam propositionem recta  $AF$  ad rectam  $BF$ , & vt velocitas per  $B$  ad velocitatem per  $R$ , ita ex supposita motus accelerati iuxta spatia decursu definitione, recta  $BF$  ad rectam  $RF$ , ergo tempus per  $AR$ , hoc casu ad tempus per  $BO$  componeretur ex ratione  $AF$  ad  $BF$  & ex ratione  $BF$  ad  $RF$ . Esset igitur motus per  $AR$  ad motum per  $BO$  vt recta  $AF$  ad rectam  $RF$ , deinde si per spatium  $RM$  fieret motus vniformis iuxta gradum velocitatis in puncto  $O$  acquisitum, eadem ratione probabitur motum per  $RM$  ad motum per  $OV$  esse vt recta  $RF$  ad rectam  $MF$  similiter considerando velocitatis punctorum  $N$  &  $V$  erit tempus per  $MN$  ad tempus per  $VX$ , vt  $MF$  ad  $NF$ . Denique considerando, velocitatis

Z z 3 puncto



punctorum  $B$  &  $X$  in ultimis spatiis erit tempus per  $RB$  ad tempus per  $XC$  vt  $NF$  ad  $BF$ . Sed omnes eiusmodi rationes nempe  $AR$  ad  $RF$   $RF$  ad  $MF$   $MF$  ad  $NF$   $NF$  ad  $BF$  ex constructione sunt eadem.

Ergo tempus omnium motuum per totam  $AB$  ad tempus omnium motuum per totam  $BC$  in utrisque spatiis, ita vt diximus, consideratorum est vt recta  $AF$  ad  $RF$  siue  $NF$  ad  $BF$  sed tempus motus accelerati per  $AR$  est minus tempore motus per  $AR$  vniformis iuxta velocitatem in  $R$  cum enim à puncto  $R$  vsque ad punctum  $A$  perpetuò ex hypothesei velocitas crescat. Ergo à puncto  $R$  ad punctum  $A$  citius per motum acceleratum peruenitur, quam si velocitas acquisita in  $R$  eadem & vniformis vsque ad punctum  $A$  perseveraret. Eadem ratione probabitur tempus motus accelerati per  $RM$  esse minus tempore motus vniformis per  $RM$  si velocitas ipsius ultimo ipsius spatij  $M$  puncto respondeat. Denique constat motum per totam  $AB$  acceleratum, vt fiet hypothesis minori tempore fieri quam motum alium fictitium ex motibus vniformibus iuxta velocitatis ultimis spatiorum  $AR$   $RM$   $MN$   $NB$  punctis respondentis compositum. At contra tempus motus accelerati per  $BO$  est maius tempore motus vniformis per  $BO$  considerati iuxta velocitatem puncti  $B$  quia velocitas à puncto  $B$  ad  $O$  semper crescit in motu accelerato iuxta hypothesein, & minor semper est velocitate, quæ respondet puncto  $B$ . Vnde pari ratiocinio concludetur motum per totam  $BC$  acceleratum, vt fiet hypothesis, maiori tempore fieri, quam motum illum fictitium ex motibus vniformibus iuxta velocitatis primis spatiorum  $BO$   $OV$   $VX$   $XC$  punctis respondentis compositum.

Cum ergo tempus motus accelerati per  $AB$  sit minus tempore motus illius fictitij per eandem  $AB$  & contra tempus motus accelerati per  $BC$  sit maius tempore motus illius fictitij per eandem  $BC$ . Ergo minor est ratio temporis motus accelerati per  $AB$  ad tempus motus accelerati per  $BC$  quam temporis motus fictitij per  $AB$  ad tempus motus fictitij per  $BC$ . Sed vt tempus motus accelerati per  $AB$  ad tempus motus accelerati per  $BC$  ita posuimus esse rectam  $Z$  ad rectam  $BF$  & vt tempus motus fictitij per  $AB$  ad tempus motus fictitij per  $BC$  ita demonstrauimus esse  $NF$  ad  $BF$ . Ergo minor est ratio rectæ  $Z$  ad rectam  $BF$  quam rectæ  $NF$  ad eandem  $BF$ . Quod est absurdum cum recta  $Z$  sit maior recta  $NF$ .


Ergo tempus motus accelerati per  $AB$  non est maius tempore motus accelerati per  $BC$ . Eadem facilitate probabimus tempus motus per  $AB$  accelerati non

esse minus tempore motus accelerati per  $BC$  sit enim minus, si fieri potest, erit igitur vt tempus motus per  $AB$  accelerati ad tempus motus accelerati per  $BC$  ita recta minor ipsa  $BF$  ad ipsam  $BF$ . Esto itaque recta illa minor quam  $BF$   $G$  & sit tempus motus accelerati per  $AB$  ad tempus motus accelerati per  $BC$  vt  $G$  ad rectam  $BF$ . Et inter rectas  $BF$   $CF$  exponatur continuè proportionalium series, quarum maxima  $OF$  sit maior quam  $G$ . Eodem quo vsi sumus in superiori demonstrationis parte ratiocinio confutando spatia in ipsa  $AB$  inter similes proportionales intercepta. Cum spatiis  $BO$   $OV$   $VX$   $XC$  nuntius solummodo velocitatis vniformis, & singulas verbi gratia motum per  $AR$  vniformem fieri iuxta gradum velocitatis in puncto  $A$  acquisita, motum verò vniformem per  $BO$  fieri iuxta velocitatem acquisitam in puncto  $O$  & sic in reliquis spatiis in quibus patet omnes velocitates per  $AB$  vniformes augeri, velocitates verò per  $BC$  vniformes minui, contra id quod in priore demonstrationis parte fuerat vsurpatum. Concludetur vt supra tempus motus huiusmodi vniformis per  $AR$  ad tempus motus vniformis per  $BO$  esse vt recta  $RF$  ad rectam  $AF$  dum enim augentur velocitates, tempora motuum minuuntur, similiter tempus motus vniformis per  $RM$  ad tempus motus vniformis per  $OV$  erit vt  $MF$  ad  $MR$ . Denique tempus motus fictitij illius per  $AB$  ex vniformibus compositi ad tempus motus fictitij per  $BC$  ex vniformibus pariter compositi erit vt  $RF$  ad  $AF$  cum omnes rationes sint eadem, hoc est vt  $OF$  ad  $BF$  per primam propositionem.


Tempus autem motus accelerati per  $AB$  est maius tempore motus illius fictitij ex vniformibus compositi, cum supposuerimus in motibus vniformibus auctas fuisse velocitates, quæ nimirum in hoc casu primis spatiorum  $AR$   $RM$ , &c. punctis respondent. Sed & tempus motus accelerati per  $BC$  est minus tempore motus fictitij ex vniformibus compositi, quia hec velocitates minuuntur, & ultimis spatiorum  $BO$   $OV$ , &c. punctis respondent. Ergo maior est ratio temporis motus accelerati per  $BC$  quam temporis motus fictitij per  $AB$  ad tempus motus fictitij per  $BC$ . Sed vt tempus motus accelerati per  $AB$  ad tempus motus accelerati per  $BC$  ita est recta  $G$  ad rectam  $BF$  ex suppositione, vt autem tempus motus fictitij per  $AB$  ad tempus motus fictitij per  $BC$  ita recta  $OF$  ad  $BF$  ex demonstratione. Ergo recta  $G$  ad rectam  $BF$  maiorem proportionem habet, quam recta  $OF$  ad rectam  $BF$  quod est absurdum, cum recta  $G$  sit minor recta  $OF$  ex constructione non ergo tempus motus accelerati per  $AB$  est minus tempore motus accelerati per  $BC$ . Sed nec maius

vt supra demonstratum est. Ergo est æquale. Eadem ratione patet tempus motus accelerati per  $CD$  æquari tempori motus accelerati per  $AB$  & tempori motus accelerati per  $BC$ . Et continuatis, si placeat, in infinitum rationibus, omnia omnino spatia eodem tempore percurri.

His positis tertia propositione mentem Galilei reuelamus aut propositionis veritatem astruimus. Intelligatur motus



grauium descendendum à quiete ex puncto  $A$  vsque ad punctum  $H$ , verbi gratia, & supponatur, si fieri potest, velocitatem grauis cadentis accelerati iuxta rationem spatiorum decurforum. Ponatur motus iam factus ab  $A$  vsque ad  $H$  tempore vnus minuti, aut altero quouis tempore determinato, & supponatur motus continuari vsque ad punctum  $K$ . Alo motum per  $HK$  fieri in instanti. Si enim motus per  $HK$  non fiat in instanti, fiet in tempore aliquo determinato, quod per aliquem numerum multiplicatum excedet tempus in decursu spatij  $AH$  insumptum. Ponatur numerus multiplicans 5. ita vt tempus motus per  $HK$  quinques sumptum excedat tempus motus per  $AH$  rectis  $KA$   $HA$ . Sumatur tertia proportionalis  $GA$  & toties continuetur proportionalium series, donec spatiorum interceptorum numerus excedat numerum quinque. Fiant ergo



ex proportionalibus continuatis sex, verbi gratia, spatia vltra punctum  $H$  quæ sint  $HG$   $GF$   $FE$   $ED$   $DE$   $CB$ . Ergo tempus motus per  $HG$  per præcedentem est æquale tempori motus per  $HK$ . Similiter tempus motus per  $GF$  est æquale tempori motus per  $HK$ . Deniquè

motus per totam  $HB$  fiet in tempore quod ad tempus per  $HK$  erit sextuplum. At tempus temporis per  $HK$  quintuplum est maius tempore motus per  $AH$ . Ergo à fortiori tempus motus per  $HB$  tempore motus per totam  $HA$  est maius, quod est absurdum. Ergo vera remanet Galilei Illatio quamuis eam ipse non demonstrât.

Hæc succinè & familiariter, Clarissime Gassende, scripsimus, ne tibi imposterùm falcescat negotium aut Cazaræus, aut quivis alius Galilei aduersarius, & in immensum excresecant Volumina, quæ vnica demonstratione, vel fatentibus ipsis Authoribus aut destruentur, aut inutilia & superflua efficiuntur. Vale.

Nobili Præstantique Viro M. NEVRÆO  
Amico singulari,

PETRVS GASSENDVS S.

**P**urima sanè sunt, mi NEVRÆE, quæ tibi, tuæque amicitia debeo, at illud non postremum est, quod conceptum mihi dolorem ob mortem præclari Naudæ, capitis longè carissimi habere te mecum communem declaras; ac petuelle, si fieri posset, eo me penitus eximere, significas. Quippe cum nihil sit optimi Amici possessione iucundius, nihilque aded esse possit eius prinatione molestius, facis tu profectò per-humaniter cum subire in te aut totam, aut certè molestiæ partem, quam mihi casus hic flebilis necessariam fecit, exoptas. Quamquam me quidem quod attinet id quod Poëta ait *est quadam flere volupias*, earenus expior, ut molestiam malim ea suauitate temperatam, quam tu *paracetur*, consuetudinisque cum illo iucundissimæ, antiquissimæque afficior, quam illa immunem fieri, si mihi simul suauitas huiuscemodi eripiat. Nosti ut parentes, ut filij, ut coniunctissimi quique non sine voluptate actiones, verbæque illorum, quos habuerint carissimos, & recordentur, & enuncient, nihilque fieri iis gratius possit, quam si alij quoque eadem enarrent, aut enarrata gratè accipiant. Ego certè quoties in eos incido, qui communi mihi cum illo fuisse necessitudine, nihil esse potest dulcius, quam sermones recollere, quibus aliàs *vinum paracetur* confabulati fuimus; aded nihil porui illi excidere, quod non foret memoria, considerationeque dignum. Superfunt adhuc scælici fato, quos & tu ipse apprime nosti eximij Viri, Elias Diodatus, & Franciscus à Motha Vayerius, quibuscum sæpe & congregari, & rusticari soliti fuimus, maximeque priusquam ille in Italiam discederet: duos ante annos supra viginti. Retulit ipse, descripsitque nonnullas ex confabulationibus nos inter quatuor habitis, maximèque in *Synagmate de Militari studio*, diceretque, cum conuenissemus: erat solitus patcere se Pythagoræ, si per talem quandam Tetradem iurauit. Dico autem priusquam in Italiam concederet; ex eo scilicet tempore institui nisi per literas nos inter commercium non potuit; & quamuis deinceps euocatus ab Eminentiſſimo Cardinali, Bibliothecæ curandæ fuit; partim ipsius occupationes, partim mea inualerudo ne possemus toties conuenire obfuerunt. Discessi quoque ipse in Prouinciam, discessit & ille ante meum reditum in Sueciam, totèque eo tempore literis dumtaxat conuersari licuit, donec cum me iam reduce ipse proximè accederet, mutuorumque complexuum spes foret, quæ lugubria fata interuenerunt, nimisquam est

notum. Tametsi porro literæ compensare non poterant quem fructum longè vberissimum licebat ex eius conuersatione demetere; ea tamen semper seges erat, quæ magni prouentus loco haberetur; quippe ad me nunquam scribebat quin significaret quid toto Literatorum Orbe ageretur, quid hi molirentur, illi iam parassent, ceteri etiam edidissent. Quæ quidem omnia nemo usquam certius referre potuit. Quis enim alicubi vixit dum ipse viueret qui se insalutato Naudæ Musis litare posse sperauit, quis auspicatò librum aut condere aut euulgare, eodem non consulto? Ea nempe fuit in multisecio Viro Encyclopædiæ, cuius tanquam Mythes erat, prærogatiua ut multum scripturæ opus toto prodire crederetur, nisi vno probante Naudæ, aut etiam promouente; nouerat enim si alius vnquam, cuiusque quanti futura esset indicatura. Nouimus & nos, tu, inquam, & ego: quid de immani illa editorum volumina, quæ illi quoque præ manibus erat, sentiebat cūque expostulares aliquando cur congerendis etiam futilibus non parceret, festiuè, ut scis, reposuit, in Medicorum Pharmacothecis, gemmas inter & aromata, sæpe fœda asseruari quoque vilissimorum animalium excrementa, ne exceptis quidem vel muserdis, quæ cū salutare nonnunquam haberent vsus, suis quoque nec carere putidos codices, ab eruditissimis quidem fastidiosos, hoc est à perpaucis, ac quamplurimis proinde haud ingratos. Subdebat autem se ob vnum dumtaxat stomachari solitum, cū obseruaret insanabile scribendi cacoethes vix alios tenere quam scribendi pericia maximè vacuos; festari verò interim litterarissimorum complures, qui consummationibus bonarum artium scientiarumque studij exculiti, necnon purioris elegantia stylo exercitatissimi, cum multis præclaris operibus petitam manum admoerere possent, nihilominus earum rerum velut gloriam aspernati, in otio consenescerent, aut alienis occupationibus in diuersum acti ea negligenter quæ tudes & imperitos eadem ipsa, vel illotis manibus, tractantes, aliquatenus immortalitate donant. Cūque hæc diceret non obscuro nutu significabat te quoque subnotare voluisse, singularè ingenij tui polymathiam ut otiosam incutiosamque fugillare. Dolebat, nimirum, te in eorum censu esse, qui cū appositè, scitè & ornate scribere possent, quidvis aliud libentiùs aggredierentur, seque alio facillimè paterentur auocari. Optabat ideoque ut curis solutiores esses, & Magnatum negotiis minùs implicatus, hoc est aureis illis compediis, quibus illaqueatum Diogenes ridebat Aristippum; sic enim fieri posse, aiebat, ut tui iuris aliquando factus animus Philosophiarum tandem ad philosophandum transferres appelleresque. Cūque non ita pridem eum per literas monuissem te murato Patrono ad aliud vitæ genus transisse, quod



non esset à literis alienum; te videlicet sapientissimi æquè ac celeberrimi Capellani suffragio Longavillæ Principibus custodem esse datum, ut & morum studiorumque rectorem; continuò rescripsit, se tibi quidem gratulari novæ conditiones fortitionem, oneris si modo quidpiam è servitutis iugo detraheret, nec tibi in formandis tantorum Puerorum animis verbius sudandum foret; non verò placebat sibi quod ita procul à doctissimorum cœtu, à solidiorum scientiarum sede Lutetia esset viuendum tibi, licet non inter illiteratos, se vtrique haud ignorare quamplurimos Cadomi esse, qui summa cura studiorum amenitates consecutur, quorum idè consortium inamœnum esse nequiret. Cùmque iucundissimi sui copiam breui facturus esset Vir eruditionis cumulatissimæ Samuel Bochartus, mox in Galliam secum rediturus, inde sperare ut exilij tui aut solitudinis tædium minuere-tur, quod equidem non perexiguum modò sed prorsus nullum esse auguror, ubi talium Virorum consuetudine frui liceat qualium tu ipse doreis suspicis atque præ-dicas; quibus etiam æstimandis ac iudican-dis quam sis falli fallereve nescis satis superque comprobavit Eximius ille Vir Monasteriensis à Motha Cadomæus, qui mihi nuper literas abs te derulit; in suarum quidem virtutum commendationem scrip-tas, sed eo consilio ut ex eiusdem con-gressu longè commendatissimas deprehen-derem. Hoc sanè quidem sic experiri pro-nun fuit ut perspectis illico felicitis adèd ingenij leporibus, tum recordatus te insuper toras habere in inclyto Græme-nilio Athenas, haud potuerim ultra non beatissimum illum reputare secessum, in quo tot tantorumque Virorum suavi con-tubernio uti possis. Præterea si quid felicitatis cumulo desit, nullo maiori for-tunæ beneficio suppleri posse reor, quàm eà benevolentia, quæ tibi generosum de-vincit pectus Illustrissimæ Virginis Mom-bazoniæ Sanctimonialium Cadomen-sium Cœnobiarchæ. Illa etiam literas à te Amplissimo nostro Monmorio reddidit, quibus ipsum æquiorē sibi, acriorē-mque iuris sui vindicem futurum meritò speravit: quæ cùm identidem suo me quoque dignari alloquio animum indu-xisset, Deum immortalem quanto tuas ore tonantem laudes audivimus! O quod fortunatos exclamavit Principes cre-ditos tibi, quò talem nacti essent Mode-ratorem qui cunctis virtutum ac discipli-narum luminibus persusus, morosam; ut creditur, abstrusarum scientiarum intel-ligentiam, sic rerum civilium vsu, sic vr-banitatē cultu temperasset; ut ingenuas

politoris humanitatis artes, ut libera-lem illam morum & officiorum, quibus nobilioris vitæ societas decoratur, velut prædiam, necnon elegantiarum, quas Aula sibi sola vindicat, solertiam in numerato haberet. Haud filebat interim comitum vna, quæ ingenio & facundia longè præ-pollere videbatur dū reliqua vitæ tux or-namenta erectæque mentis encomia haud vulgari eloquio prosequeretur: quo cùm delectater conduplicatam proinus sensi lætitiā ubi significatum est mihi, hanc eandem, Nobilis Blemurij esse filiam, cor-dati, inquam, optimique senis illius, qui Principi nostro Valefio Engolismensi erat ut nosti adèd charus. Nunc porrò si hæc omnia quorsum spectent rogitēs, vltro fatebor. Videri me quidem tux volera-tioni ac vetecundæ vim afferre voluisse, nimis multa recensendo quæ ad tui com-mendationem faciant; attamen si rei veri-tatem paulò attentius expendas, facileper-cipies horum me nullo alio consilio men-tionem fecisse quàm ut ea commemora-rem, quæ opportuna videbantur ad amo-nuendam suspicionem illam quæ à *Maka-eirns* noster incolarum tuum velut inho-spitum non bene coniecerat, nec etiam in ea sententia diu permanens erat, illum si huic Ciuitati fata reddidissent incolu-men: at Superis aliter visum, Abbavillæ scilicet extremo mense Iulio extinctus est; & tot Amicorum eius sedum impa-tientissimè prætolandum spem deside-riūque frustratus est. Quo nos autem in luctu reliquerit animus meminisse hor-ret, tum nostrum vtrique communis dolo-r, si genere finit, plura loqui verat: cùm & plura expectare possis à Clarissi-mo Collega Renaro Moræo Medicinæ Re-gio Professore, qui tū *maxeirs* vitam breui nobis sperandam facit. Vale, Parisiis 7. Kal. Nouembris 1653.

*Huius Epistola autographum cū reliquarum Systema ederetur, incho-tum dumtaxat repertum est, unde non-nisi mutila prodire potuit, ut videre est pag. 325. Aliud verò quia integrum recuperare postmodum licuit, heic in integrum etiam restituere visum est ne omisso quidem titulo, quem aliis præfixum Neuraus semper expungi vo-luit; causatus sibi longè suavius esse eum si Gassendus Suum tantum nuncu-paret. Constat multo-plurimas eidem esse scriptas, cur vero cum cæteris non prodierint, ipse videris.*

F I N I S.